

ՀԱՅԿԱԿԱՆ ՃԱՐՏԱՐԱՊԵՏՈՒԹՅՈՒՆՆ ՈՒՍՈՒՄՆԱՍԻՐՈՂ ԿԱԶՄԱԿԵՐՊՈՒԹՅԱՆ (RAA) ԳԻՏԱԿԱՆ ԽՈՐՀՈՒՐ  
Պրոֆ. դր. Ռ. Հովհաննիսյան (Լոս Անջելես), պրոֆ. դր. Ա. Մուսաֆյան (Փարիզ), պրոֆ. դր. Հ. Հոֆրիխթեր (Էլզվերսթրատեր), պրոֆ. դր. Ժ. Փիլիպ  
(Ապսեն), դր. Գ. Գևորգյան (Փարիզ), պրոֆ. դր. Հ. Մուրուզյան (Կահիրե), պրոֆ. դր. Լ. Չեքիյան (Վենետիկ), պրոֆ. դր. Մ. Հասարայան (Երևան)

Աշխատության վերահրատարակությունը նվիրվում է Վասպուրականի Հայոց անկախ  
պետականության հռչակման (6 հունվար, 1918 թ.)  
90-րդ տարելիցին

ՀՐԱՆՈՒՄ (RAA) ԳԻՏԱԿԱՆ ՈՒՍՈՒՄՆԱՍԻՐՈՒԹՅՈՒՆՆԵՐ

Գիրք Ժ

# ԿԵԱՆՔԻՍ ՅՈՒՇԵՐԻՑ

Սիրաք Սարհադյան

MY MEMOIRS

SIRAK SARHADIAN

МОИ МЕМУАРЫ  
СИРАК САРАДЯН

ԵՐԵՎԱՆ  
ԳԻՏՈՒԹՅՈՒՆ  
2007

ՀՏԴ 941(479.25)  
ԳՄԴ 63.3(2Հ)  
Ս 268

### Սարհադեան Սիրաք

Ս 268 Կեանքիս Յուշերից.-Եր.: Գիտություն, 2007.-304 էջ:

Ծնունդով Այգեստանցի (Վան) Սիրաք Սարհադեանի «Կեանքիս յուշերից» աշխատությունն առաջին անգամ երկու հատորով լույս է տեսել Թեհրանում 1961 և 1962 թթ.: Իրապատում, վավերական և բացառիկ լայն ճանաչողություն ապահովող հուշագրությունը ներկայացնում է Վանի Ապրիլյան հերոսամարտը, վանեցիների՝ մարդկային ահռելի կորուստներով ուղեկցված 1915 և 1918 թթ. գաղթերը, արմատախիլ վերապրողների մաքառումներն ու առանձին հայտնի ու անհայտ դեմքերի ճակատագրերի մի շարք դրվագներ:

Ս  $\frac{0503020913}{703(02)2007}$  2007 թ.

ԳՄԴ 63.3(2Հ)

ISBN 978-5-8080-0694-2

© Արթուր Սարհադեան

© Հայկական ճարտարապետությունն ուսումնասիրող հազմակերպություն (RAA)

Աշխատությունը վերահրատարակվում է հեղինակի կրտսեր որդու՝  
Հարություն (Արթուր) Սիրաքի Սարհադյանի հովանավորությամբ

«Կեանքիս յուշերից» գրքի առաջին հրատարակությունը տեղի ունեցավ Թեհրանում 1942 թին հեղինակի կողմից: Ներկայ հրատարակությունը Հայաստանում կարելի դարձավ Սամուէլ Կարապետեանի եւ «Հայկական ճարտարապետությունն ուսումնասիրող» (RAA) կազմակերպութեան ԱՄՆ մասնաճիղի անմնան ջանքերի շնորհիւ: Գրքիս բոլոր քարտէզները եւ նկարները հայթայթուեցին, դասատուեցին եւ աւելացվեցին այս կազմակերպութեան անդամների ժրաջան եւ նւիրած գործունէութեամբ: Խօրին շնորհակալութիւններս եմ յայտնում պրն. Կարապետեանին եւ իր կազմին, որոնք իրականացրեցին հեղինակի երազը՝ Հայաստանում տպագրելու իր «Յուշերը»: Գրքի անգլերէն թարգմանութեան առաջին քայլերը նոյնպէս կատարուեցին կազմակերպութեան ԱՄՆ-ի մասնաճիղի կողմից: Նաեւ շնորհակալութեան խօսքս եմ ուղղում ԱՄՆ-ի RAA միութեանը եւ յատկապէս պրն. Վանօ Յարութիւնեանին, որ կամուրջը դարձավ այս գրքի աշխատանքի համար Հայաստանի և ԱՄՆ-ի մէջ:

Եւ վերջապէս սիրով եւ հարգանքով լի ոգեկոչում եմ հօրս՝ հեղինակ Սիրաք Սարհադեանի յիշատակը, որ այս անվոխարինելի գիրքը նւիրեց հայ ազգին եւ իր ընտանիքին:

Արթուր Սարհադեան

Լօս Անջելէս, օգոստոս 2007

ԲՈՎԱՆԴԱԿՈՒԹՅՈՒՆ

**Հասոր Ա**

ԲՈՎԱՆԴԱԿՈՒԹՅՈՒՆ ..... 4

ՎԵՐԱՀՐԱՍԱՐԱԿՈՒԹՅԱՆ ԱՌԹԻՎ ..... 6

ԵՐԿՈՒ ԽՕՍՔ (ՅԱՌԱՋԱԲԱՆԻ ՓՈԽԱՐԷՆ) ..... 10

**Մաս Ա**

ՄԱՆԿՈՒԹԵԱՆ ՇՐՋԱՆ ..... 11

Ո՞Վ ԷՐ ՄԱՐՕՆ ..... 12

ԱՅԳԵՍՏԱՆՆ ՈՒ ՄԵՐ ՓՈՂՈՅԸ ..... 13

ՄԵՐ ՏՈՒՆՆ ՈՒ ԸՆՏԱՆԻՔԸ ..... 13

ՏՆՏԵՍՈՒՎԻ, ԹԷ՞ ՏԱՆՏԻԿԻՆ ..... 16

ԿԵԱՆՔԸ ՏՆՈՒՄ ԵՒ ԱՅԳՈՒՄ ..... 18

ԻՄ ԵՐԱՋՆ ՈՒ ՆՐԱ ՀԵՏԵՒԱՆՔՆԵՐԸ ..... 19

ՊԱՏԺԻՑ ՅԵՏՈՅ ..... 21

ԱՐՀԵՍՏԱՒՈՐ ԳԱՌՆԱԼՈՒ ՓՈՐՁԸ ..... 22

ՍՐՏԱՅԱԲ ՄՕՐԱՔՈՅՐՍ ..... 24

**Մաս Բ**

ՊԱՏԱՆԵԿՈՒԹԵԱՆ ՆԱԽՎԵՐՋՆ ՈՒ

ԵՐԻՏԱՍԱՐԴՈՒԹԵԱՆ ՄԿՁԲՆԱՇՐՋԱՆԸ ..... 26

ՀԱՄԲԱՐՁՈՒՄ ԵՐԱՍԵԱՆՆ ՈՒ ՆՐԱ ԳՊՐՈՅԸ ..... 26

ԳՊՐՈՅՆԵՐ ԵՒ ՀԱՄԱՐԱԿԱԿԱՆ ՈՒ

ՔԱՂԱՔԱԿԱՆ ԿԱՋՄԱԿԵՐՊՈՒԹԻՒՆՆԵՐ ..... 28

ԵՐԿՈՒ ԿԱՐԵՒՈՐ ԴԷՊԸ 1908 ԹԻՒՆ ..... 31

ԿԵԱՆՔԻ ԱՍՊԱՐԷՁՈՒՄ ..... 32

ՄԱՐՕՅԻ ԱՍՈՒՄՆՈՒԹԻՒՆԸ ..... 35

1915 ԹԻՒ ՍԿՁԲՈՒՄ ..... 36

ՄԻ ՔԱՆԻ ՕՐ ՄԻՆՉԵՒ ԱՊՐԻԼԵԱՆ ՀԵՐՈՍԱՍՏԱՐՏԸ ..... 37

ՀՐԱԻԷՐ ..... 38

ՄԻՋԿՈՒՄԱԿՑԱԿԱՆ ԽՈՐՀՐԴԱԿՑՈՒԹԻՒՆ ..... 39

ԱՋՆԻՒ ՅԵՂԱՓՈԽԱԿԱՆ ԵՒ

ԻՍԿԱԿԱՆ ՀԱՅՐԵՆԱՄԷՐ ..... 41

ԱՅՑԵԼՈՒԹԻՒՆ ԻՄ ՄԻԲԵԼԻ ԲԱՐԵԿԱՄԻՆ ..... 42

ԵՐԿՐՈՐԳ ԵՒ ՎՃՌԱԿԱՆ ԽՈՐՀՐԴԱԿՑԱԿԱՆ

ԺՈՂՈՎԸ ..... 43

ԱՀԱՋԱՆԳՆ ՈՒ ՃԳՆԱՇՄԱԸ ..... 45

ՏԵՍԱԿՑՈՒԹԻՒՆ ԲԱՐԵԿԱՄԻՆ ՀԵՏ ..... 48

**Մաս Գ**

ԻՆՔՆԱՊԱՇՏՊԱՆՈՒԹԻՒՆ ԿԱՄ ԱՊՐԻԼԵԱՆ

ՀԵՐՈՍԱՍՏԱՐՏԸ ..... 51

ԱՌԱՋԻՆ ՕՐԸ ..... 51

ԵՐԿՐՈՐԳ ՕՐԸ ..... 53

ԵՐՐՈՐԳ ՕՐԸ ..... 55

ԻՆՔՆԱՊԱՇՏՊԱՆՈՒԹԵԱՆ ՀԵՏԵՒԵԱԼ ՕՐԵՐՈՒՄ ..... 57

ՄՏԵՐՄԻԿ ԽՕՍԱԿՑՈՒԹԻՒՆՆԵՐ ..... 58

ՀԱՄՈՒԴ ԱՂԱՅԻ ՋՕՐԱՆՈՅԻ ՀՐԴԵՀՈՒՄԸ ..... 61

ՓՐԿՈՒԹԵԱՆ ՅՈՅՄԻ ՆՇՈՅԼՆԵՐԸ ..... 62

ԱՀԱՋԱՆԳ ԵՒ ԳՈՀԱԲԱՆԱԿԱՆ ԱՂՕԹՔ ..... 63

ԽՕՍԱԿՑՈՒԹԻՒՆ ԵԿԵՂԵՑՈՒ ԲԱԿՈՒՄ ..... 64

ԹԱՔՆԻԱԾ ՆԵՆԳՈՒԹԻՒՆ ԵՒՍՈՎԻ ՈՒՐՈՎԱԿԱՆԸ ..... 65

ԸՆԿՐԿՄԱՆ ՎԵՐՋԻՆ ՓՈՐՁԸ ..... 67

ՓՐԿՈՒԹԵԱՆ ՍԵՄԻՆ ..... 68

ՔԷՆՆ ՈՒ ՎՐԵԺԸ ..... 71

ՏԱՃԻԿՆԵՐԻ ԲԱՆՏԵՐՈՒՄ ..... 73

ՓՈԽՎՐԵԺԸ ..... 75

ՔԱՂԱՔԱՄԻՋԻ ՀԵՐՈՍՆԵՐԻ

ԻՆՔՆԱՊԱՇՏՊԱՆՈՒԹԻՒՆԸ ..... 76

ԱՋԱՍԱՐԱՐՆԵՐԻ ՄՈՒՏՔԸ ..... 77

ՎԱՆԻ ԵՐԿԱՄՍԵԱՅ ԻՆՔՆԻՇԵԼՆՈՒԹԻՒՆԸ ..... 78

ԸՆՏԱՆԻՔԻՍ ԵՒ ԲԱՐԵԿԱՄՆԵՐԻՍ ՇՐՋԱՆՈՒՄ ..... 80

ԹԱՆԿԱԳԻՆ ՋՈՀԵՐԻ ԹԱՂՈՒՄԸ ..... 82

ԱՋԱՍԱՐՈՒՄԻՑ ՅԵՏՈՅ ..... 83

ՕԳՆՈՒԹԻՒՆԸ ՉՔԱՒՈՐՈՒԹԵԱՆ ՎԻՃԱԿՈՒՄ ..... 83

ԽԱՂԱՂ, ԲԱՅՑ ՎԱՂԱՆՑՈՒԿ ՕՐԵՐ ..... 84

ՄԻ ՕՐ ԿԷՍՕՐԻՑ ՅԵՏՈՅ ..... 84

**Մաս Դ**

ԳԱՂԹ ԵՒ ԳԱՂԹԱԿԱՆ ՎԻՃԱԿԸ ..... 86

ՎԵՐՋԻՆ ԱՅՑԵԼՈՒԹԻՒՆՍ

ԲԱՐԵԿԱՄՆԵՐԻՑՍ ՄԷԿԻՆ ..... 88

ՄԵՐՈՆՑ ՅԵՏԵՒԻՑ ..... 89

ԸՆՏԱՆԻՔԻՍ ՀԵՏ ..... 91

ՄԻՆՉԵՒ ԲԵՐԿՐԻ-ՂԱԼԷՆ ..... 92

ՄԵՐ ԱՆՎԵՐԱԴԱՐՉ ԿՈՐՈՒՍՏԸ ..... 92

ՔՐԴԵՐԻ ՅԱՐՉԱԿՄԱՆ ԱՀԱԲԵԿՈՒՄԸ ..... 93

ԹԱՂՈՒՄԸ ..... 94

ԲԵՐԿՐԻ-ՂԱԼԷԻ ՃԱՄԲԻՆ ..... 94

ԲԵՐԿՐԻ-ՂԱԼԷԻՑ ՅԵՏՈՅ ..... 94

ԱՋԳԱԿԱՆՆԵՐԻՑՍ ԱՄԵՆԱԴԺԲԱԽՏԸ ..... 98

ԹԱՓԱՐԷՉ-ՂԸՋԸՂԴԻՋԷ ՃԱՆԱՊԱՐՀԻՆ ..... 99

ԻՄ ՎԵՐՋԻՆ ՀԱՆԴԻՊՈՒՄԸ ԽԱՆՋԵԱՆԻ ՀԵՏ ..... 101

ՄԻՆՉ ԱՅԳ ԱՆԾԱՆՕԹ ՄԻ ՋԳԱՅՈՒՄ ..... 104

ԻԳԴԻՐՈՒՄ ..... 104

ԹԱՓԱՌՈՒՄ ԵՒ ՓՆՏՐՏՈՒՔ ..... 105

ԸՆՏԱՆԻՔԻՍ ՄՕՏ ..... 107

ԴԷՊԻ ԷՋՄԱՐԾԻՆ ..... 108

ԳԱՂԹԱԿԱՆՆԵՐԻ ՎԻՃԱԿԸ ..... 111

ԽՈՅՍ ՏԱԼՈՒ ԱՆՀՐԱՄԺԵՇՏՈՒԹԻՒՆԸ ..... 112

ՆՈՐԻՑ ՓՆՏՐՏՈՒՔ ..... 114

ԷՋՄԱՐԾԻ ԿԱՅԱՐԱՆՈՒՄ ..... 116

ՂԱՐԱՔԻԼԻՍԷՈՒՄ ..... 117

ՄԵՐ ԳԱՂԹԱՎԱՅՐԻ ՈՐՈՇՈՒՄԸ ..... 118

ԳԻՒԼԻՋԱՐԳ ԳԻՂՈՒՄ ..... 119

ԴԷՊԻ ԹԻՖԼԻՍ ..... 120

ԿԱՅԱՐԱՆՈՒՄ ԵՒ ՎԱԳՈՆՈՒՄ ..... 121

ԹԻՖԼԻՍՈՒՄ ..... 122

ՎՐԱՅԱԿԱՆ ԲԱՂԱՆԻՔՈՒՄ ..... 125

ՎՐԱՅԱԿԱՆ ԲԱՂԱՆԻՔՈՒՄ ..... 126

ԳՈՐԾԻ ՓՆՏՐՏՈՒՔԸ ..... 127

ՍՊԱՍՈՒՄ ԵՎ ՓՆՏՐՏՈՒՔ ..... 129

ՔՆՆԻՉԻ ՊԱՇՏՈՆԻՍ ՆՇԱՆԱԿՈՒՄԸ ..... 130

ԳՈՐԾԻ ՎՐԱՅ ..... 132

ՆՈՐԻՑ ՔԱՂԱՔԱՅԻ ԴԱՌՆԱԼՈՒ ՏԵՆՉԸ ..... 134

ԾԱՅՐԱՀԵՂ ՇՈՎԻՆԻՋՄ ..... 135

ՖՐԱՆՍԵՐԷՆԻ ԴԱՍԱՏՈՒ ..... 136

ԵՐԿՈՒ ԲԱՐԵԿԱՄՆԵՐ ..... 137

ՀԱՅՐԵՆԱԲԱՂՁՈՒԹԻՒՆ ..... 138

ՄԻՆՉԵՒ ՎԵՐԱԴԱՐՉՍ ..... 139

ՎԵՐՋԻՆ ԱՆԳԱՄ ԱԼԻՍԻ ՄՕՏ ..... 140

ՎԵՐՋԻ ՕՐԵՐԻՆ ԹԻՖԼԻՍՈՒՄ ..... 141

ԴԷՊԻ ՂԱՐԱՔԻԼԻՍԷ ..... 143

ՄԵՐՈՆՑ ՄՕՏ ..... 144

ՎԵՐԱԴԱՐՉ ԴԷՊԻ ՀԱՅՐԵՆԻՔԸ ..... 145

Հասոր Բ

ՅԱՌԱՋԱԲԱՆ ..... 147

**Մաս Ա**

ՎԵՐԱԴԱՐՉԻ ՆԱԽՕՐԵԱԿԻՆ ..... 148

ՄԵՐ ԾՆՆԴԱՎԱՅՐՈՒՄ

ԱՌԱՋԻՆ ՏՊԱՒՈՐՈՒԹԻՒՆ ..... 150

ՄԵՐ ՈՐԲԱՅԱԾ ՏՆԵՐՆ ՈՒ ԱՅԳԻՆԵՐԸ ..... 151

ՄԱՐՕԻ ՏԱՆԸ ..... 152

ՃՇՄԱՐԻՑ ՀԱՅՐԵՆԱՄԷՐՆԵՐ ..... 153

ԱԻԵՏԻՍ ԹԷՐՋԻԲԱՇԵԱՆԻ ՄՕՏ ..... 154

Վերաճիւնը.....156  
 ՏԱՏԱՆՈՒՄ ԵՒ ՍՐՏԱՇՈՒՄ.....157  
 ՅՈՒՍԱԼՔՈՒՄ.....158  
 ՎԱՐԱԳՈՒՄ, ՊԵՏՐՈՍԻ ՄՕՏ.....159  
 ՆՈՐԻՑ ՄԱՐՕԻ ՄՕՏ.....162  
 ՏԵՐԱՌԻԹ ԲԱԺԱՆՈՒՄ.....164  
 ՉԱՐԹՈՆՔԻ ԵՒ ՎԵՐԱՇԻՆՈՒԹԵԱՆ ՇՐՋԱՆ.....166  
 ՀՕՐՄ ՎԵՐԱԴԱՐՉԸ.....167  
 ՄԵՆԱԿՈՒԹԵԱՆ ՏԱՂՏՈՒԿԸ.....168  
 ԵՐԵՔ ՆԱՍԱԿՆԵՐ.....168  
 ՆԱՍԱԿՆԵՐԻ ՊԱՏԱՍԽԱՆԸ.....170  
 ՀՈԿՏԵՄԲԵՐՅԱՆ ՅԵՂԱՓՈԽՈՒԹԻՒՆ ՈՒ ՄԵՆՔ.....171  
 ՅԱԲԱԼԻ ՄԵՍԼՄԻՆՔ.....171  
 ՎԵՐՁԻՆ ԱՆԳԱՄ ԲԱՐԵԿԱՄՆԵՐԻՍ ՏԱՆԸ.....172

**Մաս Բ**

ՎԱՆԻ ՎԵՐՁԻՆ ՆԱՀԱՆՁԸ.....174  
 ՃԱՆԻԿԻ ՈՂԲԵՐԳՈՒԹԻՒՆԸ.....175  
 ԱՐՃԱԿ-ՍԱՐԱՅ ՃԱՆՊԱՐՀԻՆ.....176  
 ԿՈԹՈՒՐԻ ԻՆՔՆԱՊԱՇՏՊԱՆՈՒԹԵԱՆ  
 ՆԱԽՕՐԵԱԿԻՆ.....178  
 ԱՆՀԱԲԱՏԱԼԻ ՀԱՆԴԻՊՈՒՄ.....179  
 ԿՈԹՈՒՐԻ ՉՈՐԻ ԻՆՔՆԱՊԱՇՏՊԱՆՈՒԹԻՒՆԸ.....180  
 ՍԱԼՄԱՍԻ ԴԻԼԻՄԱՆ ՔԱՂԱՔԸ.....182  
 ԴԻԼԻՄԱՆ ԱՆԿՈՒՄԸ.....182  
 ՉԱՐԱԴԷՏ ՄԱՀԳՈՅԺ.....183  
 ԱՆՈՒՇԻ ՅՈՒՇԱՏԵՐԸ.....184  
 ՁՈՒՔԱ ԱՆՑՆԵԼՈՒ ՓՈՐՉԸ  
 ԵՒ ՍԱԼՄԱՍԻ ԴԻՍԱԴՐՈՒԹԻՒՆԸ.....188  
 ԱՆՁՕՐ ԴԻՍԱԴՐՈՒԹԻՒՆ ԵՒ ՓԱՍՈՒՍ.....189  
 ՎԻՐԱԿՈՒՄ ՎԵՐԱԿՈՒՄ.....191  
 ՆՈՐԻՑ ՆԱՀԱՆՁ ՈՒ ՓԱՍՈՒՍ.....192  
 ՈՒՐՄԻԱՅՈՒՄ.....193  
 ՍՐՏԱԿԵՂԵՑ ՅՈՒՇԱՏԵՐԸ.....193  
 ՄԱՐՕԻ ՆԱՍԱԿԸ.....197  
 ՎԵՐՁԻՆ ՀԱՆԴԻՊՈՒՄ  
 ԲՈՒՂԱՐԱՅՈՒ ՀԵՏ.....198  
 ԴԵՊԻ ՍԱՅԻՆ-ՂԱԼԵ ԵՒ ԲԻՋԱՐ.....199  
 ՀՈՐՄ ՓՆՏՐՏՈՒՔԸ.....200  
 ԻՄ ՁԻՆԱԹԱՓՈՒՄ ՈՒ ԳԵՐԵՎԱՐՈՒՄԸ.....201  
 ՀԱՄԱԴԱՆՈՒՄ.....205  
 ՄԱԼԱՅԵՐԻ ՃԱՆՊԱՐՀՈՎ.....206  
 ԺԱՄԱՆՑ-ԹՂԹԱՍԱՂ.....207  
 ՄԱԼԱՅԵՐԻՑ ԴԵՊԻ ՍՈՒՂԹԱՆԱՐԱԳ.....208  
 ՄԱՀԱՄԵՐՉԻ ԱՆԿՈՂՆՈՒՄ.....208  
 ԴԵՊԻ ԹԵՀՐԱՆ.....209

**Մաս Գ**

ԹԵՀՐԱՆՈՒՄ ԵՒ ԹԵՀՐԱՆՑԻ.....211  
 ԿԵԱՆՔԻ ԻՐԱԿԱՆ ՊԱՅՔԱՐՈՒՄ.....212  
 ՍԱՐԷ ՂԱՔԱՐԱՅՈՒՄ.....213  
 ԲԱՆՏԱՌՈՐ ԸՆԿԵՐԱԿՑՈՒԹԻՒՆ.....215  
 ԱՍՏԻՃԱՆԱԿԱՆ ՄԵԿՈՒՍԱՅՈՒՄ ԵՒ  
 ՎԵՐԱՉԱՐՈՒՆՈՂ ՉԳՏՈՒՄԵՐ.....216  
 ՈՒՍՈՒՑԻՉ ՖՐԱՆՍԻԱԿԱՆ ԴՊՐՈՑՈՒՄ.....217  
 ՈՒՍՈՒՑԻՉ ԵՒ ՔԱՀԱՆԱՅ.....218  
 ԱԼԻՍՆ ՈՒ ԵՍ.....218  
 ՊԵՏԱԿԱՆ ՀԱՐՎԱԾ ԵՒ  
 ԻՐԱՆԻ ՎԵՐԱԿԱՆՈՒՑՈՒՄ.....220  
 ՎԵՐԱԴԱՐՉԻ ԱՆՀՈՒՍԱԼԻՈՒԹԻՒՆԸ.....224  
 ԴժՔԱՆՑ ԴԵՊԵՐ.....225  
 ՓԱՆՍՏԱԿԱՆ ՀԱՅՐԵՆԱԿԻՑՆԵՐ.....226  
 ՀԱՄԱՐԱԿԱՆ ԳՈՐԾՈՒՆԵՈՒԹԵԱՆ  
 ԱՄՊԱՐԷՉՈՒՄ.....228  
 ԳԱՂԹԱԿԱՆ ՀԻՐԵՐՍ.....229  
 ՏՊԱՐԱՆԻ ՎԱՐՉԱԿԱՆ.....230

ԹԵՐԹԻ ՀՐԱՏԱՐԱԿՈՒԹԻՒՆ.....231  
 ՀՕԿԻ ԿԱԶՄԱԿԵՐՊՈՒԹԻՒՆԸ.....232  
 ՀԱՐԻԱԾԻՑ ՅԵՏՈՅ ԻՆՔՆԱՍՓՈՓՈՒՄ.....232  
 ՊԱՏԱՀԱԿԱՆ ՀԱՆԴԻՊՈՒՄ.....233  
 ԽԱՐԴԱՆ ԳՈՐԾԱԿԵՑ.....234  
 ՃԱՇԻ ՀՐԱԲԵՐ.....234  
 ԱՍՈՒՍՆՈՒԹԻՒՆ ԵՒ ՀԱՐՍԱՆԻՔ.....236  
 ՆՈՐ ԳՈՐԾԻ ՎՐԱՅ.....236  
 ՀԱՅՐԵՆԱԿԱՐՉՈՒԹԵԱՆ ԾԱՐԱՆ ՈՒ  
 ՆԵՐԳԱՂԹԻ ՓՈՐՉԵՐԸ.....237  
 ԵՐԵԿԱՆՈՒՄ.....237  
 ՀԱՆԴԻՊՈՒՄ ՍԱՀԱԿ ՏԵՐ-ԳԱՔՐԻԷԼԵԱՆԻ ՀԵՏ.....242  
 ՎԵՐՁԻՆ ՕՐԸ ԵՐԵԿԱՆՈՒՄ.....244  
 ԿԻՐՈՎԱԿԱՆՈՒՄ.....244  
 ԵՂՔՕՐՄ ՄԱՀԳՈՅԺ.....247  
 ԹԻՖԼԻՍՈՒՄ.....247  
 ՓՆՏՐՏՈՒՔ ԱԼԻՍԻ ՀԱՍԱՐ.....248  
 ՏԵՍԱԿՑՈՒԹԻՒՆ ՔԱՐՏՈՒՂԱՐԻ ՀԵՏ.....250  
 ԱԼԻՍԻ ՆԱՍԱԿԸ.....251  
 ԵՐԿՐՈՐԴ ՏԵՍԱԿՑՈՒԹԻՒՆ.....252  
 ԲԱԳՎՈՒՄ.....254  
 ՄՈՍԿՎԱՅՈՒՄ.....255  
 ԱՂԱՍԻ ԽԱՆՁԵԱՆԻ ՄՕՏ.....256  
 ՎԵՐԱԴԱՐՉ.....258  
 ԹԵՀՐԱՆՈՒՄ.....258  
 ՆԵՐԳԱՂԹԻ ԱՐԳԵԼՔԸ.....259  
 ԲԱՆԿԱՅԻՆ ՊԱՇՏՕՆԵԱՅԻ ԹԵԿՆԱԾՈՒ  
 ՇԻՐԱՉՈՒՄ.....260  
 ՎԵՐԱԲՆԱԿՈՒՄ ԹԵՀՐԱՆՈՒՄ.....261  
 ԲԵՆՆԱՏԱՐՆԵՐԻ ԳՈՐԾՈՒՄ.....262  
 ՀՕՐՄ ՄԱՀԸ.....264  
 ԳՈՐԾԻ ՓՆՏՐՏՈՒՔԸ.....265  
 ԴԵՊԻ ՆՈՐ ԳՈՐԾԱՏԵՂԻՆ.....265  
 ԳԵՐԱՐԱՐՈՒՄ.....266  
 ԹԱՆԳԵ-ԴՕՈՒՄ.....267  
 ԲԻՇԵՆՈՒՄ.....269  
 ԼՈՈՒՐՆ ՈՒ ՆՐԱՆՑ ԱՆՀԱԲԱՏԱԼԻ  
 ԲՇՇԿՈՒԹԻՒՆՆԵՐԸ.....270  
 ՆՈՐԻՑ ԹԵՀՐԱՆՈՒՄ.....271  
 ԵՐԿՐՈՐԴ ՊԱՏԵՐԱՉՄԻ ՆԱԽՕՐԵԱԿԻՆ.....273  
 ՇԻՆԱՐԱՐԱԿԱՆ ԸՆԿԵՐՈՒԹԻՒՆ.....273  
 ԻՐԱՆԻ ՁԻՆՈՒՐԱԿԱՆ ԳՐԱՌՈՒՄ.....274  
 ՄԻ ՔԱՆԻ ԽՕՍՔ ՍԻՐԵԼԻ ԻՐԱՆԻ ՄԱՍԻՆ.....276  
 ՄԻԼ-ՆԱԴԵՐԻՈՒՄ.....277  
 ՕՏԱՐ ՁԻՆՈՒՐԱԿԱՆ ՈՒՇԵՐԻ  
 ՀԵՌԱՅՄԱՆ ՊԱՀԱՆՁԸ.....278  
 ԱՏՐՊԱՏԱԿԱՆ ԱՉԱՏԱԳՐՈՒՄ.....279  
 ԿԱՐԵՒՐ ԴԵՊԵՐ ՄԻՆՉԵՒ 28 ՄՈՐԴԱԳ.....280  
 ԱՆԳԼՕ-ԻՐԱՆԵԱՆ ՆԱԹԻ  
 ԱՉԳԱՅՆԱՅՈՒՄ ԵՒ ՆՈՐ ԴԵՊԵՐ.....281  
 ԴՈՔՏ. ՄՈՍԿՎԱԿԻ ԼԻԱՉՕՐՈՒԹԻՒՆԸ.....282  
 ՕԳՈՏՈՍ 19 (ՄՈՐԴԱԳ 28).....283  
 ԴՐՈՒԹԵԱՆ ԿԱՅՈՒՆԱՅՈՒՄ ՈՒ  
 ԱՆԴՈՐՈՒԹԵԱՆ ՎԵՐԱԿԱՆԳՆՈՒՄ.....284  
 ԱՆԱՐԻՆ ՅԵՂԱՇՐՁՈՒՄ  
 ՀՈՂԱՅԻՆ ԲԱՐԵԿԱՐԳՈՒՄ.....284  
 ԻՐԱՆԻ ՄԻՋԱՉԳԱՅԻՆ ԿԱՅՈՒԹԻՒՆԸ.....286  
 ԱՄԲՈՂԱԾ ԱՇԽԱՐՀԻՆ ԵՒ ՍԱՆԱԲԱՆԳ  
 ԻՐԱՆԻ ԽԱՂԱՂՈՒԹԻՒՆ Է ՊԵՏՔ.....286  
 ԽՈՐՀՐԴԱԾՈՒԹԻՒՆՆԵՐ.....287  
 ՎԵՐՁԱՐԱՆ.....293  
 ԱՆՁՆԱՆՈՒՆԵՐԻ ՑԱՆԿ.....292  
 ՏԵՂԱՆՈՒՆԵՐԻ ՑԱՆԿ.....296

## ՎԵՐԱՀՐԱՏԱՐԱԿՈՒԹՅԱՆ ԱՌԹԻՎ

Սիրաք Սարհադեանի «Կեանքիս յուշերից» մենագրությունը սուկ Մեծ Եղեռնը հրաշքով վերապրած ականատեսի փաստալից հուշագրությունն է:

Այս գիրքն Առաջին աշխարհամարտի տարիներին հայ ժողովրդի հերոսական և ողբերգական օրերի բովանդակ պատմությունն է: Հայրենի բնօրրանում հազարամյակներ գոյատևած, ուրույն և բարձրարվեստ մշակույթ արարած հնամենի ստեղծագործ մի ժողովրդի՝ պատերազմի ընթացքում գազանաբար հոշոտվելու, սպառվելու, հայրենագուրկ մազապուրծ փշրանքները տարագրության ենթարկվելու, անհայրենիք օտարվելու, անէանալու անդարմանելի և չսպիացող պատմությունն է: Նաև պատմությունն է Երկիր մոլորակի վրա անհիշելի ժամանակներից իրեն վերապահված տարածք-հայրենիքից անհավասար և անարդար գոյամարտում վտարված դժբախտ մի ժողովրդի:

Գիրքն ապահովում է բացառիկ լայն ճանաչողություն, իսկ պատմական անցքերի, դեպքերի, հարաբերությունների, հայացքների, գաղափարախոսությունների, անձերի, ճիգերի, մաքառումների, հուսալքումների և կյանքի բովով անցնող ցանկացած անհատի համար կենսափորձի կուտակման առումով շտեմարան-դասագիրք է՝ շարադրված անաչառ և անկողմնակալ, պարզ, գրավիչ և մեկ շնչով ընթերցվող լեզվով:

Մինչ վասպուրականցիների առաջին՝ 1915 թ. հուլիսյան գաղթն իր գաղափարական հակումներով Ընկերվար-ժողովրդավարական (սոցիալ-դեմոկրատ) կուսակցության համակիր 19-ամյա Սիրաք Սարհադեանն արդեն գաղթից անմիջապես հետո առիթն ուներ ինքն իրեն հեզնելու նախկին համոզմունքների համար. «Մենք, ինչպես նախօրոք յայտնել եմ, այդ օրերին՝ պատկանում էինք Սոցիալ-Դեմոկրատ ուսանողական կազմակերպության և տարել էինք համաշխարհային վարդապետության երազանքներով: Ապրիլեան կռիւներն ու նրանց յաջողող գաղթ-փախուստը մեզ սթափեցրել և իրական, կոպիտ իրականութեան աշխարհն էր վերադարձրել: ...իրաւցիօրէն մտահան էինք արել համամարդկային ձգտումները, քանի որ նրանց հասնելուց առաջ մեզ անխուսափելիօրէն անհրաժեշտ էր մեր ժողովրդի, մեր ազգային հաւաքականութեան և նրա հետ մեր սեփական գոյութիւնը փրկելու առաջին պայմանը լրացնել: Մենք այդ օրերին և այդ պայմաններում ինչպէ՞ս կարող էինք համաշխարհային յեղափոխութեան, համամարդկային երջանկութեան երազներով օրօրել, երբ մեզ մօտ, մեր աչքերի ներքև, մեր ոտքերի տակի հողն էին խլում, մեր կեանքն ու արևն էին խամրում և մեզ մորթելու, բնաջնջելու սատանայական ծրագիրներն էին իրականացնում» (էջ 102-103):

«Տարօրինակ, ինձ համար անհասկանալի, մի փոփոխութիւն էր կատարել իմ ներքին հոգու աշխարհում: Վանի դժբախտ նահանջից յետոյ, ես զարմանալիօրէն ազգասէր, նոյնիսկ ազգամոլ էի դառել: Համամարդկային, համաշխարհային սոցիալ-դեմոկրատ ձգտումներ, որոնք իմ ուսանողական շրջանում, մինչև Ապրիլեան ինքնապաշտպանութեան կռիւները, ինձ կլանել էին, կարծես հեռացել ու անհետացել էին: Այդ ձգտումները իրենց տեղը զիջել էին նորածնունդ

ազգայնական զգացումների ու տենչերի: Մի խօսքով ես ազգայնամոլ հայասեր էի դառել:

Մեկուսացած, մենակ մնացած ժամանակ, շատ անգամ աշխատում էի վերլուծել այս փոփոխութեան պատճառները, բայց չէի կարող վերջնական եզրակացութիւններ հանել: Երբեմն մտածում էի, որ գուցէ այս իմ ազգայնամոլութիւնը հետևանք է մեզ վրայ գործադրած բռնութիւնների, հալածանքների ու ամէն տեսակ անմարդկային վերաբերմունքների:

Եթէ տաճիկները, մղւած կուրացնող եսականութիւնից և շովէն աստելութիւնից, կարող են մեզ՝ հայերիս վայրագաբար ճղակոտոր և անգթօրէն արմատախիլ անել և մեզ մեր սեփական հողից ու ջրից անպատկառ լրբութեամբ վռնդել, ապա ինչու՞ մենք այդ մարդակերպ զազանների նկատմամբ մարդկայնութիւն, մարդկային համակրանք և գութ ունենանք: Ինչու՞ մենք միշտ մարդասեր, հեզ, զիջող մնանք:

–Պէտք է մեզ նման զաղթական և հայրենագուրկ լինել, իրական կեանքն ու նրա հարազատ թելադրանքները ըմբռնելու համար: Կեանքի ներկայ պայմաններում, երբ երկրագնդիս վրայ տաճիկ Ջեմալ, Թալեաթ, Էնվեր և Ջաֆետի նման մարդակերպ զազաններ են ապրում, համամարդկային զգացումներն ու ձգտումները ձրի, անարժէք խօսքեր են» (էջ 138):

Սիրաք Սարիաղյան հասարակական գործչի նկարագրի ամբողջացման համար, կարծում ենք, տեղին է մեջբերել իր իսկ հետևյալ խոսքերը. «Ամբողջ կեանքումս ես դաշնակցական կամ նրանց համակիրը չեմ եղել: Ընդհակառակը, թէ՛ Վանում և թէ՛ Թեհրանում յաճախ պայքարողի դերումն եմ եղել, բայց չեմ կարող հաշտուել այն գաղափարին, որ մարդկանց, այն էլ մեր ժողովրդի և մեր ազգապահպանման համար տարիներով մարտնչողներին դաշնակցական լինելու մեղքով պէտք էր կամ կարելի էր կացնահարել և կոտորել...

Ուրախ եմ յայտարարելու, որ իմ կեանքում կուսակցական մոլեռանդութեան բոլորովին ենթակայ չեմ եղել և նոյնիսկ զգուսնք եմ զգացել բոլոր նրանց նկատմամբ, ովքեր կուսակցական մոլեռանդութեան աստելութեամբ և քինախնդրութեամբ են կուրացել» (էջ 226, 229):

Առաջին աշխարհամարտի տարիներին ռուսական բանակի առաջխաղացումներին պարբերաբար հաջորդող հապճեպ նահանջների ռազմավարական դրդապատճառներն ըստ ամենայնիքն ենելով՝ հեղինակը հանգել է միանգամայն տրամաբանական այն եզրակացութեան, որ ռուսների նահանջներն ըստ էության չէին բխում մարտական գործողությունների պարտադրանքից, այլ պատերազմական իրավիճակից օգտվելով՝ հետապնդում էին Ռուսաստանին միավորելիք հայկական մարզերը մինչև Ռուսաստանին կցելն արդեն հայաթափ վիճակում ունենալու, հետագայում այդ տարածքներում ռուս վերաբնակիչներին անարգել և զանգվածաբար հաստատելու հեռահար և դավադիր նպատակ:

Հիմնականում լրութեան մատնված այս իրողությունը որևէ կերպ հանգիստ չի տվել հայրենաբաղձ հեղինակին, որը մոտավորապէս 1960 թ., երբ թղթին էր հանձնում իր հուշերը, անդրադառնալով վասպուրականցիների պարտադրված առաջին գաղթին, խոր կսկիծով նշել է. «1915 թի այդ տնաքանդ և կործանիչ փախուստից մինչև մեր այս օրերը 45 երկար տարիներ են անցել: Միանգամայն իրաւացիօրէն տրամաբանողներ կան, որ այդ հապճեպ և անկազմակերպ նահանջը կեղծ ու սարքովի է եղել և նպատակ է ունեցել Վասպուրականի հայ կենսունակ և ժրջան ազգաբնակութեանն իր հայրենի հողիցն ու ջրիցը հեռացնել և տարագրելով նրան ցանուցրի անել» (էջ 94):

Խնդրով խորապէս հուզված հեղինակն առիթը բաց չի թողել հարցի ծալքերը պարզաբանելու համար նյութն արծարծել իր զինվորական և քաղաքական գործընկերների հետ:

Օրինակ, Գրիգոր Բուլղարացին հեղինակի հարցումին այսպէս է պատասխանել. «Մեր ազա-

տագրումը կարծես ռուսական ցարական կառավարութեանը հաճելի չթւեց: Այդ իշխանութիւնը մեզի ազատած ըլլալու համար կարծես գղջաց: ...ռուսական բանակները նահանջելու պարտադրող տաճկական զինուորական ոյժ ու կազմակերպութիւն գոյութիւն ունեցած չէ և մանաւանդ ներկայիս ալ չկայ: Եղած բոլոր նահանջները քաղաքական խաղերու և խաբէութեան հետևանք են» (էջ 163-164):

Հուլիսյան սրտակեղեք գաղթի ճանապարհին՝ Իգդիր չհասած գաղթողների քարավանի մեջ, հեղինակին հանդիպած այգեստանցի ընկերը՝ Աղասի Խանջյանն էլ նույն խնդրի առթիվ նշել էր. «Տարօրինակ է ասել, որ կարծես աներևոյթ և չարագործ ձեռքեր նենգօրէն շեշտում, քանձրացնում էին այս նահանջի սարսափելիութիւնը և նրա տագնապն ու խուճապը: Դիշտ է, ստոր թշնամու՝ թալանի ծարաւի քրդերի յարձակման ու կոտորածի ահն ու սարսափը կար, բայց մի՞թէ այս նահանջը չէր կարելի այնպէս կազմակերպել, որ այսպիսի խուճապահար փախուստի չը վերածուէր» (էջ 102):

Ընկերոջ կարծիքն իմանալուց հետո հեղինակի եզրահանգումն առավել քան տրամաբանական է. «Մի ժողովուրդ, տեսալ պարագայում մեր վանեցի հայութիւնը, որ կարողացաւ ամբողջ մի ամիս հերոսաբար պաշտպանել և դիմադրել ամէն տեսակի զէնքով և զինուորական ուժերով օժտուած և ցերեկ ու գիշեր կատաղիօրէն յարձակող թշնամուն, տոկալ նրա կարկտի նման թափող համազարկներին և փլատակող, այրող ու ոչնչացնող ռմբակոծումներին, ինչպէ՞ս չէր կարող խաղաղ և ապահով պայմաններում գաղթեցնել և նահանջի հանգիստ ճանապարհ բացել իրեն, հէնց իրեն համար:

...նուր, անհարազատ և նենգ ձեռներ կազմակերպել են այնպէս, որ այս նահանջ-փախուստով մաշի, հիւծի և տրորի մեր Վասպուրականի հայ կենսունակ ազգաբնակչութիւնը:

Ես միանգամայն համոզուած եմ, որ այս հայակործան և դաւաճան ծրագրում էնթրիկանդ և պրովակատոր ձեռներ գոյութիւն ունեն և առանց չափազանցութեան, կարելի է ասել, որ իրենց կործանարար նպատակին հասան: Երկուսս էլ մտովին մեղադրում էինք մեր անգոր և անպաշտպան ազգի կեանքի ու գոյութեան հետ նենգօրէն խաղացող տեսանելի և քողարկուած թշնամիներին: Այդ թշնամիներից մէկը բացարձակ, օր-ցերեկով, լոյս արևի տակ խելահեղօրէն ձգտում էր մեզ կոտորել, սրբել, անհետացնել մեր սեփական հողից և մեր պապերի հազարաւոր տարիների տունն ու օճախը խլել, բռնագրաւել, իսկ միւսը գաղտագողի, անաղմուկ և սատանայական նենգութեամբ ցանկանում էր տիրանալ մեր հողին ու ջրին, մեր արեւափայլ երկրին, մեր հարազատ ու ազիզ հայրենիքին, առանց մեզի և մեր նեղութեան ու գոյութեան ձանձրոյթին» (էջ 102):

Հեղինակի ամենամոտ ընկերներից վանեցի Հրանտ Դարբինյանն էլ հարցի առնչությամբ նշել է. «...ցարական կառավարութեան նենգ ծրագրի պատահական հրապարակումը: Այո՛, ծրագրուած էր Ալաշկերտի, Սարիղամիշի, Աբաղայի և նոյնիսկ Կարսի շրջանները ռուս կոզակների բնակութեան յատկացնել: Կերենսկու այս նոր կառավարութեան հասցէին նման ցաւալի լուրեր են շրջան առել: Դեռ երէկ իշխանութեան դէկը գրաւած այս նոր իշխանութիւնը կոզակներին սիրաշահելու նպատակով, նրանց խոստացել է հայկական հողամասերից և թիրքերից գրաւած շրջաններից, նրանց բնակութեան համար, նահանգային ընդարձակ մասեր նւիրել» (էջ 165):

Ի լրումն այս ամենին՝ տեղին է մեջբերել նաև 1921 թ. հուլիսի 18-ին Բաքվի հայերի ջարդերի կազմակերպիչ Բեյբութ խան Ջևանշիրին Կ.Պոլսում սպանած Միսաք Թորլաքյանի՝ դեռևս 1916 թ. հայտնած միտքը. «Պէտք է ըսել, թէ քրիստոնէայ ռուսերը չարաբարացուցին այն յոյսերը, զորս մենք դրած էինք անոնց վրայ, իբրև ազատարարներու: Անոնք գրաւելով Արևմտեան Հայաստանի մեծ մասը և հաստատ գիտնալով թէ թուրքերը ինչպիսի անլուր ոճրագործութիւններ



կատարած էին հայերուն հանդէպ, նոյնիսկ նոյն այդ թուրքերուն համակրանքը շահելու համար, սկսան աւելի լաւ վերաբերմունք ցոյց տալ անոնց հանդէպ, քան այդ վերջիններու եաթաղանէն հրաշքով ազատած հայ բեկորներուն հանդէպ: Կարծես ռուսերուն թշնամին հայերն էին եղած և ոչ թէ թուրքերը, որոնցմէ եթէ մէկը սպաննուէր՝ խստօրէն կը պատժէին հայերը: Այդ օրերուն, ինծի համար պարզ եղաւ ռուսերու դիմագիծը և հասկցայ, թէ անոնք նպատակ ունէին Հայաստանին տիրելու առանց հայութեան» (Մ. Թորաքեան, Օրերուս հետ, Պէյրութ, 2001, էջ 367-368):

Ինչևէ, 1915-1918 թթ. Կովկասյան ռազմական թատերաբեմում տեղի ունեցած ռազմական գործողությունների զարգացումները ի դերն հանեցին ցարական Ռուսաստանի քաղաքական ծրագրերը, որոնց համաձայն՝ Արևմտյան Հայաստանը փաստորեն նախատեսված էր Ռուսաստանին միավորել առանց երկրամասի բնիկների: Բնակչություն, որը, դարեր հեծելով թուրքական քայքայիչ և կործանարար տիրապետության ներքո, ճարահատյալ հայրենիքի ազատագրության հույսը կապել էր Ռուսաստանի՝ իր երևակայական ազատարարի հետ:

Նաև ցանկանում ենք ընթերցողի ուշադրությունը հրավիրել հեղինակի արծարծած մեկ նյութին ևս, երբ զուգահեռ է անցկացնում թուրք և պարսիկ պետությունների՝ հայերի նկատմամբ վարած հակապատկեր քաղաքանության միջև. «...հրճում էի, որ բախտ եմ ունեցել մեր դարաւոր հայատեաց տաճիկ իշխանութիւնից մազապուրծ ազատած լինելով՝ վերաբնակել մի երկրում, որտեղ մեզմից ոչ միայն չեն խորշում, այլև նոյնիսկ սիրալիրութեամբ մեր մտային և բարոյական օժանդակութիւնից և գործակցութիւնից անվերապահ օգտում են: Մեզ ոչ միայն ոչ մի կերպ չեն ջլատում և խեղդում, այլև ամէն հնարաւորութիւն տալիս են մտային և շինարարական ուժերը դրսևորելու և ազատօրէն արդիւնաւորելու» (էջ 271):

Կիսելով հեղինակի կարծիքը՝ միաժամանակ հարկ ենք համարում էական մեկ լրացումով ընդգծել, որ մարդու կամ մարդկանց խմբերի ազգային նկարագիրն էլ առավել է արժևորվում, ազգային արժեք և ըստ այդմ կշիռ և ուժ է ձեռք բերում հիմնականում այն դեպքում, երբ նա բնակվում է իր հայրենի հողի վրա, իսկ ազգերի պատմությունը ցույց է տվել, որ բնիկները բնական մղումով միշտ էլ ձգտել են անկախ պետականության: Չէ՞ որ նույն տաճիկ կառավարությունն էլ հանդուրժել և ցարդ հանդուրժում է տասնյակ հազարավոր հայերի գոյությունն իրենց գործող եկեղեցիներով, կրթական և մշակութային զանազան հաստատություններով հանդերձ, օրինակ՝ Կոստանդնուպոլսում (ներկայիս՝ Ստամբուլ), և հենց հեղինակն իր հուշերում էլ վկայում է, թե ինչպես 1920 թ. վրացիների ազգայնամոլական գործողություններից զգված՝ Թիֆլիսի տրամվայի հավաքակալանի տնօրեն Բարսեղյանը ընտանյոք փոխադրվում է իր ազգակիցներին իրենց հայրենիքում գերեզմանած պետության մայրաքաղաքը՝ Պոլիս՝ եղբոր մոտ՝ անվրդով և հանգիստ ապրելու... Հետևաբար թուրքերն էլ հայրենիքից օտարված և ըստ այդմ ոչ հայրենատեր հայերից «ոչ միայն չեն խորշում, այլև նոյնիսկ սիրալիրութեամբ մեր մտային և բարոյական օժանդակութիւնից և գործակցութիւնից անվերապահ օգտում են»:

Մամվել Կարապետյան

*Նիիրում եմ հորս՝ Յարութին աւագ քահանայ Սարհադեանին եւ բոլոր մեր հայրենակիցներին, որոնք հայրենաբաղձութեան կիզիչ կարօտով, հայրենի հողից զրկած, օտար հորիզոնների տակ մահացել են:*

ՄԻՐԱՔ ՍԱՐՀԱԴԵԱՆ

Հատոր Ա  
ԵՐԿՈՒ ԽՕՍՔ  
(ՅԱՌԱՋԱԲԱՆԻ ՓՈԽԱՐԷՆ)

Վասպուրականի Ապրիլեան հերոսամարտի 45-րդ տարեդարձն ինձ տարերօրէն և անընդ-  
հատ մղեց գրի առնել կեանքիս յիշողութիւնների այն մասը, որն անբաժանելիօրէն կապւած է  
հայ ժողովրդի մի հատուածի այն սքանչելի և հերոսական ընդվզումին, որն իրաւամբ կոչւել է Ապ-  
րիլեան հերոսամարտ և որն եղել է ու շարունակ կը մնայ հայ ազգի դիմադրական պայքարի  
պատմութեան և հերոսական ինքնապաշտպանութեան գեղեցկագոյն էջերից:

Բոլորովին հաւակնութիւն չեմ ունեցել Վասպուրականի Ապրիլեան հերոսամարտի բովանդա-  
կայից և լրի նկարագրութիւնը տալու, բայց դրա ամենահամառօտ վերյիշումն իսկ միանգամայն  
բաւական է ներկայացնելու մեր ներկայ ու ապագայ հայ հաւաքականութեանը և մանաւանդ  
նրա երիտասարդ սերունդներին, որ Վասպուրականի հայ ժողովուրդն իր ազգային գոյամարտի  
ամենադաժան ժամերում ի վիճակի է եղել առանց դասակարգային, աղանդական, թայֆայա-  
կան և կուսակցական ամէն տեսակ խտրութիւնների միասնաբար և միահոգի, մի մարդու նման  
ծառանալ անարգ թշնամու հայասպան, կատաղի ու վայրագ յարձակումների դէմ:

Նա՛ Վասպուրականի այդ ժողովուրդը, իր անընկճելի կամքով ու հաւատքով փրկել է տաս-  
նեակ հազարաւորների կեանքն ու գոյութիւնը և այդպիսով ամբողջ աշխարհին ապացուցել է, որ  
նա ընդունակ է արեան գնով ապրելու:

Այս փորձել եմ վեր հանել Վասպուրականի հայ ազգաբնակչութեան տանջանքն ու տառա-  
պանքները, նրա համար անպատկառօրէն ծրագրւած ճերմակ ջարդն ու բազմահազար մահա-  
ցումները գաղթ-փախուստի ճանապարհին և գաղթական ապրուստի շրջանին: Վասպուրակա-  
նի հայ ժողովուրդն իր կրած բոլոր մահառիթ ձախորդութիւններից, անտուն-անտէր և կիսաքաղց  
գաղթական վիճակից և հոգեկան նւաստացումներից գերմարդկային ջանքերով և վճռակա-  
նութեամբ կարողացել է իր գլխին թափւած անհաշիւ կրակ ու մոխրից իրեն ազատել և շառաչուն  
ապտակով պատասխանել իր բազմաթիւ և բազմազան թշնամիներին՝ նրանց երեսն ի վեր պո-  
ռալով:

– Ձեր ամէն տեսակի դժոխային զենքերը և քաղաքական, սատանայական դաւադրութիւն-  
ներն ինձ սպանել և բնաջնջել երբէք չեն կարող:

Վասպուրականի հայը, ինչպէս հայ ազգն իր դարերի պատմութեան ընթացքին մի անգամ ևս  
իր վերածնունդով ապացուցել է, որ Թալեաթ-Էնվերների նման հազարաւոր ոճրագործ հայա-  
սպանների բոլոր դիւային ծրագիրները հերոսական կամքով ու անխախտ հաւատքով ոչնչացրել  
և չքացրել է և շարունակել է ապրել յաւիտենական ապրումի յաղթական կամքով ու վճռականու-  
թեամբ:

Հայ ժողովուրդը դարերի ընթացքին թողել է իր ազգասպան թշնամիներին և պիտի շարունա-  
կի գերեզմանել իր գոյութիւնը բնաջնջելու ձեռնարկող բոլոր չարագործներին ու բռնակալներին:

Յանկացել եմ նաև կատարեալ անկեղծութեամբ և անխտրականութեամբ յարգանքի ծունկի  
գալ բոլոր այն անմահ հերոսների անյայտ շիրիմների առաջ, որոնք Ապրիլեան գոյամարտի ըն-  
թացքին հայ հաւաքականութեան փրկութեան համար իրենց երիտասարդ կեանքն ու ազնիւ  
արիւնը գոհաբերեցին, ինչպէս նաև իմ ամենախորին յարգանքի խօսքի խոնարհ տուրքը տալ բո-  
լոր նրանց, ովքեր աննման նւիրածութեամբ և խիզախութեամբ հերոսական Ապրիլը կերտեցին  
և տասնեակ հազարաւոր հայութեան գոյութիւնը փրկեցին:

Եւ, վերջապէս, թող անհամեստութիւն չ'թիւ յարգելի ընթերցողներին, եթէ աշխատել եմ մոռա-  
ցութեան չ'տալ ընտանիքիս ու իմ անհատական կենցաղն ու նրանց հետ անմիջականօրէն կապ-  
ւած ապրումների ու մարտնչումների ճշգրիտ յուշերիս նկարագրութիւնը:

## ՄԱՆԿՈՒԹԵԱՆ ՇՐՋԱՆ

### Մաս Ա

Ինչպէս հեռաւոր երազ՝ յիշում եմ մօրս մահը: Ես շատ փոքր էի, գուցէ 5-6 տարեկան երեխայ: Բայց լաւ եմ յիշում, երբ մայրս իր մահամերձին էր մօտեցել, և նրա մահճակալը շրջապատուած էր իմ հօր և ինձնից աւելի մեծ երկու եղբայրներով ու մի քանի հարևան և ազգականներով, ես մեր այգում կլանւած էի իմ խաղով: Շատ էի սիրում նշան բռնել: Մի քանի մետր հեռաւորութեամբ գետնի վրայ քար էի դնում և ձեռքումս հաւաքած քարերով հեռից աշխատում էի նրան խփել, նշան բռնել:

Այդպէս ինքնամփոփ խաղալիս յանկարծ մօրս պառկած սենեակից լաց ու կոծի ձայն լսեցի: Այգու վրայ բացուող լուսամուտին մօտենալով՝ տեսայ որ հայրս ու մեծ եղբայրներս դառնագին ողբում և երկու ձեռքով իրենց գլխին են տալիս:

Այգուց վազ տի մեր բակը: Սենեակը բակին միացնող կարճիկ փայտաստիճանը բարձրանալով՝ հասայ մեռնող մօրս թախտին: Առանց ըմբռնել կարողանալու իմ կրած սուկալի կորուստի խորութիւնը՝ սկսեցի բարձրաձայն լալ և մամա, մամա կանչել: Մեր հարևաններից մի աղջիկ՝ Մարօ անունով, որն ինձ չափազանց շատ էր սիրում, և որին ես էլ իմ հերթին անչափ սիրում էի, ինձ գրկելով՝ անմիջապէս սենեակից դուրս բերեց և իրենց տունը տարաւ:

Իմ սիրելի մօր մահուան մասին սրանից աւելին չիմացայ: Թէ դժբախտ մօրս իր պառկած մահուան սենեակից ե՞րբ դուրս տարան, ինչպէ՞ս տարան, ինչպէ՞ս թաղեցին, ո՞րտեղ ամփոփեցին նրա անշնչացած դիակը, ո՞վքեր նրա յուղարկաւորութեան մասնակցեցին և այլն, չկարողացայ իմանալ, և ոչ ոք էլ որևէ բացատրութիւն չուզեց տալ: Միայն այնքան եմ յիշում, որ ինձ համար պահապան հրեշտակ թող Մարօն ինձ իրենց տնում մի քանի օր այնպէս պահեց ու պահպանեց և այնքան սիրալիրութեամբ զբաղեցրեց, որ ի վիճակի չեղայ զգալու անմասն մօրս բացակայութիւնը:

Մի քանի օր յետոյ, երբ Մարօն ինձ մեր տունը առաջնորդեց, հայրս, ինձ գրկելով, իր կրծքին սեղմեց, և իր համբոյրների տեղատարափի մէջ հագիւ լսեցի, մորմոքով մրմնջաց՝ «Իմ սիրելի՛ բալիկս, իմ որբուկս...»: Այդ ժամանակ նրա աչքերից ընկնող արցունքի կաթիլներից մի քանիսը այտերիս գլորեցին:

Իմ հերթին, երբ սկսեցի լացել և հեկեկալ ու կանչել՝ մամիս եմ ուզում, մամիս եմ ուզում, որտե՞ղ է նա, Մարօն, ինձ հօրս գրկից խլելով, ասաց.

– Լաց մի լինի, իմ անուշիկ Սիրաք, ես հենց հիմա քեզ մամայիդ մօտ կը տանեն... Նա ինձ նորից տարաւ, բայց էլի իրենց տունը:

Իրենց տանը Մարօն կաթոզին քրոջ նման իր անվերջ համբոյրներով հանգստացրեց ինձ և ասաց.

– Սիրաք ջան, ախր դու տղա ես, դու եթէ այդպէս լաց լինես, բա ի՞նչ կանի քո շատ սիրելի փոքրիկ քոյրը, Արաքսիմ: Ես լաւ գիտեմ, որ դու նրան շատ, շատ ես սիրում: Գիտես, որ նա քեզանից աւելի փոքր է և աւելի շատ է ուզում իր մօրը տեսնել: Դու պէտք է մի քիչ համբերես և լաց չը լինես, թէ չէ, երբ նա քեզ լացելիս տեսնի, նա էլ կսկսի, և ոչ ոք, բացի քեզնից, նրան հանգստացնել չի կարող: Չէ՞ որ դու նրա համար ամէն ինչ ես: Նա ոչ ոքի, նոյնիսկ պապիդ ու եղբայրներիդ այնպէս չի սիրում, ինչպէս քեզ: Դու սիրումն անխառն թիթեռնիկներ շատ ես տեսել, որոնք անվերջ լուսավառ ճրագի շուրջն են պտտում և թևածում, նա էլ միշտ այդ թիթեռնիկների նման քո շուրջն է պտտում և ինչ որ դու անում ես, նա էլ նոյնն է կրկնում: Եթէ չարութիւն ես անում, նա էլ նոյնն է կրկնում, եթէ խաղում ես, նա էլ նոյնն է անում, եթէ ուրախ ես, նա էլ է ուրախ... Իսկ եթէ դու լաց լինես, օ՛հ, չեմ իմանում, նա ինչքան շատ պիտի լացի: Ես իմանում եմ, որ դու ինձ էլ շատ ես սիրում, և եթէ ճիշտ է, որ ինձ սիրում ես, ուզում եմ ինձ խոստանաս այլևս չլացել: Դու պիտի իմանաս, որ եթէ խելօք լինես և չը լացես, բարի հրեշտակները քեզ կը սիրեն և քո անուշիկ մամայիդ նորից կը վերադարձնեն: Դու քո սիրելի փոքրիկ քրոջն էլ այդպէս պիտի ասես և համոզես: Ես գիտեմ, որ դու այդ կարող ես անել:

Դէ՛, իմ անգին Սիրաք, իմ անուշիկ փոքրիկս, նորից եմ կրկնում, որ եթէ ինձ խկապէս սիրում ես, ինձ պէտք է խօսք տաս ասածներս լսելու և կատարելու: Այն ժամանակ ես քեզ աւելի շատ կը սիրեմ: Դէ՛, խոստացիր, իմ փոքրիկ հերոս:

Մարօն իր հմայիչ անուշութեամբ և դիւրող նկարագրով միշտ կարողացել էր ինձ իր ազդեցութեան և կամքին ենթարկել: Նրան մերժել չէի կարող: Խոստացայ և խոստումս լիովին կատարեցի:

Մօրս կորուստի համար այլևս լաց չեղայ, բայց երբեք չը կարողացայ նրան մոռանալ: Նրա սքանչելիօրէն սիրասուն պատկերը միշտ անջնջելի մնաց իմ ուղեղում:

## Ո՞Վ ԷՐ ՄԱՐՕՆ

Մարօն մի շատ աղքատ մօր միակ զաւակն էր: Նրա իսկական անունը Մարիամ էր, բայց մեր ընտանիքում մենք նրան Մարօ կրճատ անունով էինք կանչում: Նրա հայրը տարիներ առաջ մեռել էր: Չեմ յիշում, արդեօ՞ք, երբևիցէ հետաքրքրուել եմ նրա հօր մասին, թէ ոչ: Ամէն պարագայում նրա հօր կեանքի, կենցաղի և մահուան վերաբերեալ ներկայիս ոչինչ չգիտեմ: Մայրը՝ Ոսկի անունով, սապատը դուրս եկած, ամբողջ դէմքը կնճիռներով ծածկւած, մօտ 45 տարեկան մի խեղճ կին էր: Սակայն նրա գունատ, դալուկ դէմքի վրայ կանացի շեշտւած վճռականութիւն կար, գուցէ այդ նկատելի վճռականութեան հիմքը նրա՝ իր միակ աղջիկ զաւակի գոյութիւնը պաշտպանելու և նրան անթերի մեծացնելու անդորրելի որոշումն էր: Նա համարեայ ամէն օր, առնուազն տասը ժամ աշխատում էր: Թէ՛ հացթուխ և թէ՛ լւացարար էր:

Նրանց տնակը, ատի ճիշտ, խրճիթը բաղկացած էր շուրջ 30 մետրանոց մի եռանկյունից և ընկած էր ճիշտ մեր տան գլխատը մուտքի դիմաց մեր չորս մետրանոց փողոցի միւս կողմը: Տնակի ճակատի խարխլած պատը 4-5 քայլ էր, որի երկու կողմից երկու 8 մետրանոց պատերը, եռանկյունաձև երկարելով, իրար էին միացել: Եռանկյունի ձախ թևի վրայ մի փոքր բաց տեղ կար, մեջտեղը՝ մի ածու, որի մէջ Մարօյի աշխոյժ մայրը մի քանի տեսակ կանաչեղէն էր ցանում: Մարօն շաբաթական երկու անգամ փողոցի հոսող ջրով այս ածուն ջրում էր: Այս փոքրիկ ածուի աջ և ձախ կողմերում երկու հաստաբուն բարդի ծառերը բոյ էին քաշել:

Մարօն ինձ ասել էր, որ այս երկու բարդիներն իրա սիրելի հօր յիշատակն էին: Այս փոքր ածուի շարունակութեան վրայ ընկած էր Մարօենց խրճիթը՝ մէկ սենեակնոց տնակը: Այդ խրճիթը բնութեան քմահաճոյքներին, ձիւն-անձրևին և քամիներին դիմագրաւող տխրութեան տեսքն ուներ: Նրա խարխլած, համարեայ փտած դուռն ամէն անգամ երկար ճռռոցով բացւում և ներս էր ընդունում մօրն ու աղջկան և օրական մի երկու-երեք այցելուի, որոնցից մէկն էս էի և միւսները՝ Ոսկիին՝ Մարօյի մօրը գործի հրաւիրող կանայք կամ երեխաները:

Խրճիթի վերին անկիւնում կար մի մետրանոց լայնութեամբ թոնիք, որի վրայ ձմռան քուրսի էր դրում և վրան ծածկւում էր բազմաթիւ կտորներից կարկտած քուրսու վերմակով: Ես միշտ զարմանում էի, թէ ինչպէ՞ս այդքան բազմազան և բազմաթիւ կտորներից բաղկացած վերմակը միշտ կարկտած և մանաւանդ մաքուր էր մնում: Խրճիթի գետնի վրայ կային զանազան գոյնի մաշուած ու միշտ մաքուր երեք կտոր փալասներ: Պատերի կէսից վերև ամբողջ խրճիթը թոնրի ծխից բոլորովին սևացել էր: Մանաւանդ առաստաղն ու գերանները մուգ սևից փայլատակում էին: Խրճիթի միակ լուսա-

մուտը կտորի երդիկն էր: Չմռան ցուրտից պաշտպանելու համար երդիկի վրայ մի կտոր ապակի էին դնում և շուրջը ցեխով ամրացնում: Թոնիքը վառելիս խրճիթի դուռը բաց էին թողնում, որից ծուխը դանդաղօրէն դուրս էր գալիս: Երդիկի ապակին ամառուայ տաք ամիսներին շատ մեծ խնամքով վերցնում և պահում էին յաջորդ տարուայ համար, որ չը կտորի:

Մարօյի մայրը շատ հազուադէպ տանն էր մնում: Համարեայ ամէն օր հարուստների տներում հաց էր թխում կամ լւացք անում:

Մենք հարուստ չէինք, որ կարողանայինք նրան միշտ գործի դնել: Ամսական մէկ կամ երկու անգամ՝ այն էլ մօրս մահից յետոյ, հազիւ կարողանում էինք նրան մեզ մօտ աշխատեցնել:

Ոսկին միշտ զանգատում էր ուսերի, թևերի և երբեմն ոտքերի ցաւերը: Ասում էր, որ յոգնած է, բայց երբէք չէր ուզում աշխատանքից բացակայել: Նա անխախտ որոշում ուներ՝, իրեն զոհելով՝ իր միակ աղջկան պահել, մեծացնել և ամուսնացնել:

– Մարիամիս մի լաւ ամուսնու ձեռքը յանձնելէ յետոյ, – յաճախ ասում և կրկնում էր նա, – ջահաննամ, որ կը մեռնեմ: Իմ միակ փափագս ազնիւ փէսա ունենալն է: Թո՛ղ Աստուած օգնական ըլլայ: Թո՛ղ որ իմ ամուսնուս ինձմէ առնելէ վերջ գթա ինձ և ողջ պահի, մինչև իմ ջգարիս կտորը բախտատուր էլնի: Մեզ պէս կնիկարմատները ծնւած են անվերջ չարչարելու համար: Եթէ արժանի ըլլայի, և Աստուած մեզ սիրէր, ուրիշ կնիկների պէս իմ մարդն էլ սարի նման մեջքիս կայնած կը լինէր: Աս ալ մեր բախտն է, մեռնեմ Աստուծոյ ամենագօր, ողորմած կամքին: Հալքաթ մէկ դուռ փակելէ վերջ մէկ ուրիշ դուռ, մէկ ուրիշ լուսոյ ճանապարհ կը բացի իմ ու որբուկիս համար:

Այդ հարագատ ու անձնէր մօր, որ հայ կնոջ մաքրամաքուր նմուշն էր, ոչ մի ժամանակ մոռանալ չեմ կարող: Նա Մարօյին՝ իր միակ զաւակին, իր կեանքի լոյս ու ճրագին, գունագեղ վարդի նման պահում ու պաշտպանում էր և չէր յօժարի, որ նա, թէկուզ մի փոքր, թոշնի և թռռոմի:

Նա մարգարեացել էր, որովհետև նրա ցանկութիւնը լիովին կատարեց: Անձնէր, անկուն զինուորի նման նա իր կեանքի պայքարը մղեց և իրա չարքաշ աշխատանքով իրականացրեց իր ցանկութիւնը: Նա իր կեանքի գնով Մարօյին բախտատու ամուսնութեան հասցրեց: Յետոյ կը տեսնենք, թէ ինչպէ՛ս:

Մարօն, իր տարիքի խոտոր համեմատութեամբ, (նրա մօր և հօրս ասութեամբ դեռ 15 տարին չէր լրացել) փարթամ կազմածք ուներ: Նրա դէմքից կենսուրախ ժպիտը միշտ անբաժան էր: Ուներ լայն ճակատ: Բնութեան գեղանկարչական վրձինով քաշուած նուրբ յօնքերն և սև սաթի նմանող երկար արտևանուցներով աղեղած՝ երկնային բաց կապոյտ խոշոր և հմայիչ աչքեր: Այտերն ու շրթուները նմա-

նում էին այգեղոյսի ցողի տակից կարմրին փայլատակող նորաբողբոջ վարդի: Չայնի հնչունը նման էր հեռուններից հասնող հոգեպարար սրինգի մեղմանուշ թրթռումների: Չարմանալիթեն համեստ էր և խելօք: Հագնում էր պարզ, բայց միշտ մաքուր:

Մանկութեան շրջանում, բնականաբար, անկարող էի գնահատելու նրա այդ արտակարգ գեղեցկությունն ու բացառիկ առաելութիւնները: Այսքան միայն լաւ եմ յիշում, որ նրան չափազանց սիրում էի: Դրա համար էլ համարեայ միշտ, առանց հակաճառութեան և կամակորութեան, նրա ցուցմունքներին ենթարկում էի: Չգու՛մ էի, որ նա էլ ինձ էր սիրում: Թերևս այն պատճառով, որ նա անոք ու հայրագուրկ էր և բացի իր միևնու՛ճար մօրից, իրեն սիրող ոչ ոքի ունէր և գուցէ նրա համար, որ ես էլ անմայր էի մնացել և կարօտ էի նրա մայրաշունչ հարազատ սէրին:

### ԱՅԳԵՍՏԱՆՆ ՈՒ ՄԵՐ ՓՈՂՈՅԸ

Մեր տունը գտնուում էր Այգեստանի Խերանի փողոցում: Այգեստան կոչւած մասը Վանի ամենագեղեցիկ շրջանն էր, որի մէջ կային բազմաթիւ թաղամասեր՝ փուած հսկայական տարածութիւնների վրայ:

Այգեստանը այդ շրջանի բնորոշիչ անունն էր, որովհետև ծածկւած էր իրար յաջորդող անվերջանալի այգիներով: Այգեստանում գտնուող տների մեծամասնութիւնը իրա կից այգիներից անբաժան էր: Հարուստ ու միջակ դասակարգն ապրում էր այդպիսի տուն-այգիներում: Աղքատները միայն գրկւած էին բնութեան պարզկամ այդ բարիքից: Կարելի է ասել, որ այդպիսիների տոկոսը շատ էլ մեծ չէր: Գուցէ շատերին անհաւատալի թիւ, եթէ յայտնեմ, որ չեմ յիշում՝ Այգեստանում հայ մուրացկանի հանդիպած լինեմ: Աղքատներ կային, բայց մուրացիկ չկար: Ամէնքը աշխատում էին: Հարուստների և միջակ դասի մէկ մասը վաճառականութեամբ զբաղւած էր: Միջակ դասի խոշոր տոկոսը բաղկացած էր արհեստատրներից և շրջիկ, փոքր առևտրականներից: Աղքատները հարուստ վաճառականների և արհեստատրների մօտ զանազան ծառայութիւններ էին անում: Անգործութիւնը վանեցի հայերի մօտ ամօթալի արատ էր թում: Գողութիւնն ու անբարոյականութիւնը գոյութիւն չունէին:

Ես դեռ պատանի էի, երբ լսեցի, որ մի կնոջ գլուխը նրա մարմնից կտրելով անջատել են անբարոյական արարքում բռնած լինելու համար:

Այգեստանի այդ անծայրաձիւր ծառաստաններում տարածուած էին հայկական թաղամասերը, որոնք անջատուած էին թիւրքական փոքրաթիւ թաղամասերից: Գուցէ զարմանալի թիւ, եթէ յայտնեմ, որ իսկական հայկական փողոցներում և նոյնիսկ

թաղամասերում թիւրքերի բնակարան գոյութիւն չունէր: Հայի և թիւրքերի խառն բնակութեան թաղերը շատ քիչ էին:

Մեր փողոցը գտնուում էր Յանկոյսներ կոչւած թաղամասում՝ միևնոյն անունը կրող եկեղեցով և տարրական դպրոցով: Այս նոյն թաղամասումն էին գտնուում մեր Վանի փառք ու պարծանքը կազմող հայերից երկուսի տները՝ Խրիմեան Հայրիկի և Աղասի Խանջեանի ծննդավայրերը:


Մեր փողոցը սկիզբ էր առնում Այգեստանը Քաղաքամէջին (բերդին) կապող գլխատր և յայտնի պողոտայից՝ Մրդգա անունով: Այդ պողոտայի մէջտեղում և մեր թաղի գլխին կային երկու յորդառատ աղբիւրներ, որոնցից մէկը կոչւում էր Սօֆի քեահրիզ, որն ունէր առատ, գետակի նմանող, սառնորակ ջուր: Փողոցի միւս ծայրին, որն իջնում էր Յանկոյսներ կոչւած ձորը, կար մի ուրիշ աղբիւր՝ Մոխրի քեահրիզ անունով:

Այս քեահրիզը, որն իր ջրի առատութեամբ, մի իսկական գետի էր նման, ունէր սքանչելիօրէն վճիտ, սառնորակ և մարսողական ջուր: Ես, փոքր քրոջս հետ հազարատր անգամներ այդ աղբիւրի աննման ջրից կուժերով խմելու ջուր եմ կրել մեր ընտանիքի համար: Ոչ մի անգամ, առանց սուր վշտի զգացման և անհուն ափսոսանքի, չեմ կարողացել վերյիշել իմ հրաշագեղ ծննդավայրի այդ աննման և սառնորակ ջուրը: Անէ՛ծք և դժոխային նզովք մեր սքանչելի ծննդավայրը բռնագրաւողներին:

### ՄԵՐ ՏՈՒՆՆ ՈՒ ԸՆՏԱՆԻՔԸ

Մեր տունը, ինչպէս յիշեցի, գտնուում էր Խերանի փողոցում: Այդ փողոցը ծուռուժուռ և նեղիկ էր: Մի կառք անցնելիս փողոցի կէտը գրաւում էր: Մեր ամբողջ փողոցում միայն երկու ընտանիք կար, որ հարուստ և բարեկեցիկ վիճակ ունէր: Մնացեալները միութապէս միջին դասակարգի մարդիկ կամ նրանցից աւելի աղքատ էին: Հարևանների յարաբերութիւնները գրեթէ միշտ բարեկամական էին: Չեմ յիշում, որ մեր թաղեցիներից որևէ մէկը միւսի հետ այնպիսի անհաշտութիւն կամ վիճաբանութիւն ունենար, որն ստիպւած լինէր թիւրքական դատարանին դիմելու: Տարեցները և յարգանք ու պատիւ վայելողները կարողանում էին տարածայնութիւնները հարթել և գործն անուշի կապել:

Մեր տունը փողոցի համարեայ կենտրոնում էր գտնուում: Փողոցի մի գլխին գտնուող Սօֆի քեահրիզին (աղբիւրին) կամ միւս ծայրին գտնուող Մոխրի քեահրիզին հասնելու համար գրեթէ նոյն ժամանակամիջոցն էր պէտք: Բայց մենք նախընտրում էինք Մոխրի քեահրիզից խմելու ջուր կրել, չնայած որ նրան հասնելու համար 25-30 մետր զառիվայր պիտի իջնէինք և ջրով լիքը կուժերով զառիվեր բարձ-



**Վան. Այգեստանի մտտավոր հատակագիծը**

րանայինը: Այդ փոքրիկ տաժանակիր աշխատանքին գրեթէ սիրով ենթարկուում էինք, քանի որ Մոխրի քեահրիզն իր զուլալ և սառնորակ ջրով Այգեստանում մեծ հռչակ ունէր:

Պէտք է խոստովանեմ, որ մեր ընտանիքի տնտեսական վիճակը գոհացուցիչ լինելուց բաւական հեռու էր: Մօրս մահից յետոյ թաղականները վճռեցին հօրս քահանայ ձեռնադրել և մէկ տարին չը լրացած իրենց որոշումը գործադրեցին:

Արդար լինելու համար պէտք է ասել, ինչպէս համարեայ միշտ, մեր հայ լուսաւորչական քահանաները, առանց հաստատուն վարձատրութեան և առանց մնայուն ռոճիկի, օրինականացած հարկահաւաքներ կան աւելի ճիշտ կը լինէր ասել, մի տեսակ «պատուաւոր» մուրացիկներ են:

Հայրս համէստ և պատուաւեր բնաւորութիւն ունէր և համարեայ միշտ իր գործից դժգոհ էր, մանաւանդ որ ընկել էր մի չափազանց ազահ և եսասէր գործակցի ճանկը: Տէր Յուսիկ կոչեցեալ քահանան, որ հօրիցս աւելի շատ Ս. Յակոբ կոչուող եկեղեցում պաշտօնավարելիս էր եղել, խեղճ հօրս շահագործում, համարեայ կողոպտում էր: Շնորհիւ իր կողմնակից աղաների և ջոջերի՝ բոլոր հարուստ և ունեւոր տնատէրերին իրա մենաշնորհն էր դարձրել կամ զանազան էնթրիքներով և յաճախ զօռով դարձնում էր: Հարուստների տնօրինէքը, մկրտութիւնը, պսակն ու թաղումը անկուշտ Տ. Յուսիկի մօնօրօլն էր:

Շատ լաւ եմ յիշում, երբ հայրս մենակ էր լինում մեր ընտանիքի անդամների մօտ, յաճախ զանգատում էր իր բախտից, որ այդպիսի ազահ գործակցի հետ էր պաշտօնավարում:

– Երեխաներ,– ասում էր նա,– ինչպէս սխալեցի, որ իմ համաձայնութիւնը տւի քահանայ ձեռնադրելու համար: Երանի չէր լինի, որ ուսուցիչ մնացած լինէի և այս անարժան մարդուն հանդիպած չը լինէի: Այս անկուշտ անիրաւը (խօսքը Տ. Յուսիկի մասին էր) իր անգրագէտ տեղովն ինձ չի հաւանում: Աղաներին հանդիպելիս ինձ բամբասում և ամէն տեսակ զրպարտութիւն հիւսում է իմ մասին: Այս քահանայի սքեմի տակ թագնւած սատանան ամէն տեսակ խարդախ և ստոր ձևերով և քահանային անվայել շողոքորթութեամբ աղաների ոտքերի տակը համբուրելու պատրաստ է, միայն թէ երկու դուրուշ (թիւրքական 2 դռան) իրեն աւելի վարձատրեն:

Տարիներ յետոյ, երբ ես մեծացայ, նկատեցի, որ հայրս իր արժանավայել տեղը գրաւել է հաւատացեալների շրջանում և մեծ յարգանք է վայելում: Ուրիշներից յաճախ տեղեկացայ, որ նա իր եկամտով կէսից աւելին տրամադրում էր խեղճերին, որբերին և հիւանդներին: Այդ իրողութիւնն իմ ինքնասիրութիւնը շոյում էր, և ես, դեռ պատանեկութեանս շրջանը չը բոլորած, երբ չափազանց դժգոհ էի հօրս քահանայագործութեան հանգամանքից և օր առաջ ցանկանում էի նրան ազատել և հեռացնել այդ

գործից, աստիճանաբար հաշտեցի նրա քահանայ լինելու և հոգևորական մնալու մտքի հետ:

Մտաւորապէս երկու տարի, մօրս մահանից յետոյ, մեծ եղբօրս ամուսնացրին: Նա ամուսնացաւ մեր թողի երկու հարուստներից մէկի ընտանիքի՝ Հայկանուշ անունով երիտասարդ և բարեկազմ աղջկան հետ: Եղբայրս՝ որպէս հայերէն լեզուի և երգի ուսուցիչ, սկսել էր պաշտօնավարել մեր Յանկոյսներ եկեղեցուն կից 6 ամեայ նախակրթարան դպրոցում: Լինելով բաւականաչափ ընդունակ, ուսուցչութիւնից զատ, սկսել է մուտք գործել Վանում վերջին տարիներին կեանք առնող թատրոնական անսամբլում: Գրեթէ երազի նման յիշում եմ եղբօրս մասնակցութեամբ այդ անսամբլի առաջին ներկայացման բեմադրութիւնը: Չեմ կարող յիշել, սակայն, թէ ներկայացման սիւժէն ի՞նչ էր: Եղբօրս յանձնած դերը նա կատարեց, այն ժամանակային հասկացողութեամբ, կատարելապէս յաջող: Նրա հնչել և դիրեկան երգերը ներկայացման կատարման ժամանակ նրան փայլեցրին և խլեցին քանի անգամներ կրկնող ծափահարութիւններ և խորախուսական «կեցցես»-ներ:

Ներկայացման յաջորդող առաւօտեան հայրս մեծ եղբօրս՝ Կարապետին, իր կրծքին սեղմելով և նրան ջերմօրէն համբուրելով, ասաց.

– Ծօ տղաս, այդ ի՞նչեր լսեցի քո մասին: Հալալ լինի քեզ մօրդ կաթը: Դու մեզ պատիւ բերիր այդ խաղով, դերասանութեամբ: Միայն չը կարողացայ հասկանալ այդ վարժութիւնների դասը քեզ ո՞վ տւեց: Ափսո՛ս, որ իմ քահանայ լինելու հանգամանքով չը կարողացայ ներկայացման գալ: Քեզ նորից և նորից յաջողութիւն կը մաղթեմ: Գուցէ դու մեզ պարզերես ընես այս մեր բարեկան և չարական ծանօթների մօտ:

– Հայրիկ ջան,– պատասխանեց եղբայրս,– հիմա թէ՛ դու և թէ՛ այս կինս իմացաք, թէ ինչու՞ այս ամբողջ երկու ամիսը, գիշերներն ու շաբաթներն էի տուն վերադառնում: Ես որ ասում էի փորձի էի գնացել, չէիք ուզում ինձ հաւատալ և միշտ տրտնջում էիք: Հիմա համոզում էք, որ ներկայումս, այն էլ ինձ նման առաջին անգամ բեմ բարձրացողի համար առանց երկարատև փորձերի անհնար էր:

Միս եղբայրս՝ Արմէնակ, որին մենք կրճատ անունով Արմէն էինք անւանում, մեր երեք եղբայրներիս միջնակն էր: Մեծ եղբօրս հակառակ, որ շատ համարձակ և միաժամանակ շատ անհոգ, յաղթանդամ, բարեկազմ էր, նա՝ միջնակ եղբայրս, երկարահասակ, նիհար և մի տեսակ անհաղորդ բնատրութեան տէր էր: Այս երկու եղբայրներս համարեայ իրար հակապատկերներ էին: Արմէնը հէնց սկզբից, սովորել չէր սիրել: Հազիւ մի քանի տարի, այն էլ հօրս ստիպմամբ, նախակրթարանի 4 բաժանմունքներն աւարտել էր: Նա միշտ լուրջ, երբեմն նոյնիսկ մտախոհ ու տխուր էր: Մեր բոլորիս ջանքերը նրան տրամադրելու, զարճացնելու նպատա-

կով գրեթէ միշտ զուր էր անցնում: Դպրոցը շարունակելուց հրաժարելով՝ նա մի քանի տարւայ ընթացքում երեք վարպետ փոխեց: Սկիզբը փորձեց ոսկերչի, ապա կօշկակարի և ի վերջոյ դերձակի աշակերտ լինել: Ի վերջոյ ոչ մի արհեստում յարատևել չը կարողանալով՝ Վասպուրականի դէպքերից 3 տարի առաջ Ռուսաստան մեկնեց: Ես չը կարողացայ իմանալ, թէ նա ինչպէ՞ս և ի՞նչ հրաշքով կարողացաւ Թիֆլիս հասնել, որովհետև հօրս և մեր ընտանեկան տնտեսական դրութիւնը այնքան էլ բարւոք չէր, որ կարողանայինք նրան իր ճանապարհաժախսերում օգնել:

Մեր երեք եղբայրների միակ քոյրը՝ Արաքսին, ինձնից 3 տարով ատելի փոքր էր: Մեր ընտանիքում, եթէ հաշիւ չառնեն Մարօյին, որ մեր ընտանիքի անդամը չէր, իմ ամենասիրելի իմ փոքրիկ Արաքսին էր: Մենք երկուքս իրար շատ էինք սիրում, և մեր մանուկ սրտերն իրար հետ անբաժանելիօրէն կապւած էին:

Տնում մենք միշտ իրար հետ էինք լինում: Դրսում որևէ մի տեղ գնալուց քոյրս աշխատում էր ինձ հետ լինել, իսկ եթէ մերժում էի, նա կուչ էր գալիս և այնպիսի լաց ու աղաղակ էր բարձրացնում, որ նրան մեղքեցնում էի և յամաձայնում էի հետս տանել: Նոյնիսկ աղբիւրից ջուր բերելիս, չնայած որ նրա համար շատ դժուար էր թէկուզ կուլիկով (փոքր փարչ) ջուր բերել, բայց ինձնից չը բաժանւելու համար դրան սիրայօժար համաձայնում էր: Բոլորը շատ լաւ գիտէն, որ որևէ ընտանիքում, փոքր երեխաները յաճախ իրար հետ վիճաբանում, կուշտկում, խռովում և նոյնիսկ ծեծկում են: Ես չեմ յիշում, որ Արաքսու հետ մենք որևէ ժամանակ կուշտկած կամ խռոված լինէինք:

Մեր նորեկ հարսը, հայ նահապետական ընտանիքներից մէկում մեծացած, իսկական հայ կնոջ տիպարն էր: Նա համեստ, զիջող, խելօք և աշխատասէր էր: Նրան երբէք անգործ, ձեռները ծալած ու նստած չեմ տեսել: Շատ հանգիստ բնատրութիւն ունէր և, որն ամենից կարևորն էր, երևակայութեամբ չէր տարւում: Չէ՞ որ նրանց ընտանիքը մեր ընտանիքից անհամեմատ ատելի հարուստ էր: Ուրեմն նա կարող էր իր ներկայ վիճակից, իր հագուստներից, մեր նիստուկացից, ապրուստից և բազմաթիւ ուրիշ պարագաներից դժգոհ լինել: Անկասկած, որ նա համեստութեան և պարկեշտութեան կատարելատիպն էր և արժանի նախ իրա և ապա մեր ընտանիքին:

Մեր տունը մի յարկանի և նոր լինելուց շատ հեռու էր: Մեծ, երկփեղկանի մուտքի դռնից ներս մտնելիս անցնում էինք 4-5 մետր երկարութեամբ և 2 մետր լայնութեամբ միջանցք-բակից և իսկական բակն էինք անցնում: Մեր բակում՝ մուտքից աջ թևի վրայ, կային երկու ածուներ, որոնք համարեայ միշտ կոխկռտւած և կիսամշակ վիճակումն էին: Այս ածուներում հասակ էին քաշել երկու սև թութի բազմաճիւղ ծառեր, որոնք ամռանը միշտ հասած և կի-

սահաս թթերով ծածկւած էին լինում: Միս կողմում երկու հատ էլ բարդի բարձրաբերձ ծառեր կային: Մեր երկարակեաց կատուն, պատահական շնորհից հալածւած, իր ապաստանը միշտ նրանց կատարին էի գտնում: Հօրս բացակայութեան պահերին ես էլ, յաճախ մագլցելով, ինձ նրանց կատարն էի հասցնում: Այս վտանգաւոր մարզանքից բացառիկ բաւականութիւն էի ստանում: Այդպիսի պարագաներում քոյրս թախանձագին աղաչում էր, որ այդքան վերև չը բարձրանամ և երբ յամառում էի նրան լսել, սկսում էր լացել և իրա փոքրիկ ձեռքերով զլխին տալ:

Մեր տան շինութիւնը բաղկացած էր մի ընդարձակ թոնրատնից, որին կպած էր մեր սենեակ-ճաշարանը՝ առանց բաժանող պատի, և մի մառանից, որում տեղաւորւած էր անյիշելի ժամանակներից մնացած և ամուր տախտակից պատրաստուած ալիւրի ամբարը: Ունէլինք մակ մի ընդարձակ ննջարան, որտեղ մահացաւ դժբախտ մայրս: Կար մակ մի փոքր հիւրասենեակ, որում գետնի վրայ մտած վիճակում հազիւ 8-10 մարդ տեղ կարող էր լինել:

Ունէլինք մակ մի գետնափոր ներքնայարկ, որում հայրս կողպէքի տակ աշնան եղանակին հաւաքում և պահում էր առաստաղից կախուած մեր այգու բերքն ու բարիքը՝ խնձորն ու տանձը, սերկկիւն ու կարմրաւուն խաղողի ողկույզները: Աղաջրում և կանաչի թթում դրած կաղամբի և պոմիդորի կարասներն էլ իրար կողքին այս պահարանի պատի շուրջ շարւած էին: Դիմացի պատի կողքին՝ պահարանի գետնում կիսովին թաղւած կարասներում, մեր այգու խաղողից խնամքով քամւած և գտած գինին էր լեցում:

Եւ, վերջապէս, մենք մեր տնումն ունէլինք երկու մարագներ, ուր ամբարում էին ձմեռայ պաշար վառելանիւթերը՝ մեր այգուց հաւաքած չոր ճիւղերը, ցախերն ու երբեմն դրսից հայթայթւած ոչխարի կտտորն ու կովի աթարը:

Վերջին ժամանակները լքած վիճակումն էր գտնում մեր ախտաբաժինը, որ մօրս կենդանութեան ժամանակ մեր ընտանիքի կաթնատու կովի ապաստարանն ու մտրն էր եղել: Մօրս մահանից յետոյ հայրս ստիպւած եղաւ ծախել անտէր և անխնամ, մեր բոլորի սիրելին դառած խեղճ կովին, որը տարիների ընթացքին մեր ընտանիքի կաթնադրիւնն ու աչքի լոյսն էր եղել:

Մեր այգին հարուստ էր ամէն տեսակի պտղատու ծառերով: Ժամանակի մշակութեան ենթակայ ամէն տեսակի պտղատու և ի միջի այլոց անպտուղ ծառերով ծածկւած էր մեր ընդարձակ այգին: Մեր խոշոր այգեմասն էլ ծածկւած էր խաղողի որթերով: Տարւան մէջ շուրջ վեց ամիս մենք լիառատ վայելում էինք մեր այգու առատ պտուղն ու կանաչեղէնը և դրանով երջանիկ էինք: Ամռան երեք ամիսներում, երբեմն պատահում էր, որ ոռոգման ջրի պակասութեան էինք ենթարկւում: Այդպիսի տարիներ-

ին մենք և մեր նմանները, որոնք հարուստ չէին և փողի ու կաշառքի ուժով ժամանակին իրենց այգիներին ջուր հասցնել չէին կարողանում, իրենց անբախտ էին համարում և անիծում էին ազահ և կաշառակեր ջրատերերին, որոնք փողի ու կաշառքի ազահութեամբ կլանւած, ջրի անհաւասար և անարդար բաշխում էին կատարում և ջուրը նրանց էին հասցնում, որոնցից աւելի շատ փող կարող էին պոկել:

## ՏՆՏԵՍՈՒՀԻ, ԹԷ՞ ՏԱՆՏԻԿԻՆ

1905 թի ամառայ սկզբին մեր թաղաշրջանի նախակրթարանի 3-րդ բաժանմունքն արդէն աւարտել և մի քանի ամսից յետոյ թևակոխելու էի կեանքիս 10-րդ տարեշրջանը: Հագիւհագ սկսում էի ինքս ինձ և շրջապատս ճանաչել և իմ՝ դեռ մանկական դատողութեամբ գատորոշել լաւն ու վատը, չարն ու բարին: Սկսել էի դպրոցական կեանքը սիրել: Դասերս լաւ էի սովորում և այդ կողմից հօրս դժգոհութեան առիթ չէի տալիս:

Հէնց այդ ժամանակներում մեր ընտանեկան կազմում մի փոփոխութիւն կատարուեց, որից ես, նոյնիսկ իմ երեխայ լինելու հանգամանքովն էլ, չէի ուզում սիրայօժար ենթարկել: Մեր նորահարսը, մեծ եղբօրս կինը, իր ամուսնութիւնից դեռ միայն երկու տարի անց, հիւանդացաւ: Այդ օրերին մեր շրջապատում դժբախտաբար լաւ հմուտ և հիւանդութիւնը կարգին բնորոշող բժշկութիւն գոյութիւն չուներ: Կամ եթէ գոյութիւն ունէին իրենց ուսումն ու պրոֆեսիան կատարելագործած մի քանի բժիշկներ, նրանք մեզ՝ որպէս հասարակ մահկանացուների համար չէին: Մեր նմաններին նրանք համարեայ անմատչելի էին: Մենք և մեզ մեան դժար ապրուստ ունեցողներս ստիպւած էինք տարեց և ծերացած անգրագէտ կամ կիսագրագէտ կին ու մարդկանց ախտաճանաչութեան փորձառութիւնից օգուտել, և յաճախ մեր դժբախտ հիւանդները նրանց աւանդական և փորձառական դարմաններին գոհ էին դառնում:

Ահա այդպիսի գոհերից մէկն էլ մեր անբախտ հարսն էր: Դիշտ է, նա հրաշքով ազատուեց մահից, բայց ինչպէս իմ ազնիւ բարեկամ Մարօն, իմ անվերջ կրկնող թախանձանքներին զիջելով, ինձ բացատրեց, որ եղբօրս կինն իր հիւանդութեան սխալ բժշկութեան հետևանքով երեխայ ունենալու բախտառութիւնից զրկել էր և թերևս ընդմիշտ զրկւած էլ պիտի մնար:

Նա՛ այդ նորաբողբոջ վարդի նման ծաղկող երիտասարդ, առույգ և աշխատասէր կինը, յաճախ գանգատում էր իր հիւանդութիւնից և, հակառակ իր բռուն ցանկութեանը, չէր կարող մեր՝ համեմատաբար բազմանդամ ընտանիքի գործերը կարգի բերել:



Ահա այդ ժամանակներում էր, որ հորս ու մեծ եղբորս «բարիացական» ազգականներն ու բարեկամները, մեզ օգնելու սրտացաւութեամբ, մեր տան և մեր ընտանիքի համար մի կին-տնտեսուհի ճարեցին և մեր ընտանիքում խցկեցին:

Այդ կինը, մեր՝ տնտեսապէս անբաւարար պայմաններում ապրող ընտանիքին կարծես բաւական չէր, պոչիցն էլ մի վաղահաս և աննկարագիր տղայ ուներ:

Այդ կնոջը և նրա Եղիշե անունով տղայի մուտքը մեր ընտանիքում ես, հէնց առաջի օրերից սկսած, իմ երեխայական մտածելակերպով, կատարեալ չարիք էի համարել և սկզբից իսկ նրանց նկատմամբ կրատարական ընդդիմութիւն էի ցոյց տալիս: Այս պարագան չէր կարող աննկատելի մնալ իրեն տանտիրուհի համարող անկոչ նորեկ կնոջ և նրա որդու կողմից, և նրանք էլ իրենց հերթին աշխատում էին մեծ եղբորս և մանաւանդ դիւրահաւատ հօրս իմ դէմ լարել ու գրգռել:

Հետզհետէ սկսում էի ատել այդ կնոջը, որովհետեւ ես նրան մեր ընտանիքում խորթ և աւելորդ էի համարում, մանաւանդ նրա համար, որ նկատում էի՝ նա և իմ և մասնաւորապէս փոքր քրոջս նկատմամբ քինախնդրութեամբ և ատելութեամբ է լեցւած:

Մի օր՝ կէսօրից յետոյ, դպրոցից վերադարձիս քրոջս տնում չը ճարեցի: Տան և մեր այգու ամէն անկիւններում նրան փնտրեցի, բայց իզուր: Նա չկար, վազ տի իմ սիրելի բարեկամ Մարօյի խրճիթը: Տնակը փակւած էր, և ոչ ոքի տեսայ: Շնչապառ վազ տի հորաքրոջս մօտ, որի 3 սենեականոց տնակը մեր այգուց բաժանւած, բայց նրան կից այգեմասի սկզբումն էր: Քրոջս ես այնտեղ գտայ՝ բոլորովին գունատուած և լացի կաթիլների հետքերն երեսին չորացած:

Մինչ ես նրա արիւնոտած հագուստի վրայ էի նայում սարսափահար, հորաքրոյս անհուն վիշտ արտացոլող տոնով ասաց.

– Այդ անիրաւ անասուածը՝ թոկէն փախած Իսկուհին (խօսքը մեր տնտեսուհուն էր վերաբերում) սուր մկրատը թալւած է երեխայիս վրայ: Աստուածն է փրկած որբուկիս: Մկրատը կարող էր մտնէր երեխայիս աչքն ու կուրացնէր անոր: Ա՛խ, քոռանար հորքոյրդ, որ այս օրերը չը տեսներ և այս շան ցնդկած անհարազատին չը պատահէր... Յետոյ խօսքն ինձ ուղղելով՝ աւելացրեց.

– Միրա՛ք ջան, բալէ՛ս, մի՛ վախենայ: Տէրը փրկած է քու սիրելի Արաքսուն: Վերքը շատ խորը չէ: Ես եօղով այրեցի վերքն ու մաքուր լաթով կապեցի: Տէ՛ս, բալէ՛ս, մի՛ վախենայ, մի՛ տխրի, մի քանի օրէ լաւ կը լինի: Հօրքոյրս, քրոջս վերնազգեստը բարձրացնելով, նրա ձախ ոտքի զիստի վրայ կապւած վերքը ինձ ցոյց տուեց: Վերքից դեռ արիւն էր ծորում:

Քրոջս հետ պատահած դժբախտութիւնը գրեթէ խելագարութեան մատնեց ինձ: Առանց մտածելու և

մի վայրկեան իսկ սպասելու մեր տունը վազ տի: Թո՛նրատնում միայնակ նստած էր չարագործը: Յարձակւեցի նրա վրայ և գլխին ոլորած մազի հիւսկը քանդելով, աննկարագրելի համարձակութեամբ և խիզախութեամբ, որքան կարող էին ուժերս պատել, երկու ձեռքով նրա մազերից պինդ բռնած սկսեցի նրան գետնի վրայ քարշ տալ:

Մարմնի քաշով և ուժերով Իսկուհին, անկասկած, 3-4 անգամ ինձնից աւելի ուժեղ էր, բայց ես նրան խոցելի և դիւրազգաց տեղից՝ նրա մազերից էի քարշ տալիս: Այդ հպարտ և անընկճելի թող կինը սկսեց բարձրաձայն բղաւել և օգնութիւն կանչել: Նրա գոռօցի և օգնութեան աղաղակների վրայ խուճապահար ներս վազեցին մեծ եղբայրս ու նրա տղան: Մեծ եղբայրս, իր ծանր ձեռներով մի քանի ուժեղ հարածներ բռունցքներիս հասցնելով, իմ ինքնադատաստանին ենթարկւած անպիտան կնոջը ձեռներիցս հազիւ կարողացաւ հանել և ազատել: Մինչ Եղիշէն իր չարագործ մօրը կատարած գործի վերաբերեալ հարց ու փորձի էր ենթարկել, եղբայրս, իմ աջ ձեռքից բռնած, քաշկռտելով բակը դուրս բերեց և մինչ այդ ինձ անծանօթ բղաւոցով ասաց.

– Ա՛յ յիմար երեխայ, այդ ի՞նչ խենթութիւն և վայրենութիւն է արածդ, բա չէ՞ս ամաչում և գետին չէ՞ս մտնում: Չէ՞ որ նա քեզանից մեծ է և քեզ համար ներդութիւն է քաշում: Քեզ համար, մեր բոլորիս համար աշխատում և չարչարում է: Մեծին այդպէ՞ս են յարգում և պատում, ինչպէս դու ես անում:

– Չէ՛, չէ՛, ես չեմ ուզում, չեմ ուզում, որ նա մեզ համար չարչարի, մեզ համար կերակուր եփի և շոր լանայ: Թող մենք աւելի լաւ է քաղցած և մերկ մնանք, քան թէ նա ամէն անգամ խեղճ քրոջս հոգին հանի, անվերջ նրան ծեծի ու կճմթելով նրա մարմինը սևացնի և այսօր էլ սուր մկրատը խրի նրա՛ առանց այն էլ միհար ու չորացած մարմինն և այդ անպաշտպան որբուկին արիւնաշաղախ անի: Ո՛չ դու և ո՛չ էլ մեր հայրը մեզնով բոլորովին չէք հետաքրքրում: Այն օրանից, որ այս օձը՝ այս երկերեսանի կեղծատր կինն ու նրա անպիտան տղան ոտք են դրել մեր տնում, կարծես ո՛չ ես և ո՛չ էլ իմ փոքր ու անտէր քոյրը ձեզ համար այլևս գոյութիւն չունենք:

Ես սաստիկ յուզմունքից և անզուսպ լացից խեղդում էի և չեմ յիշում՝ դեռ ինչե՛ր ասի և ի՞նչ դժգոհութիւններ յայտնեցի հօրս ու եղբորս մեր երկուսի նկատմամբ կիրառած անփոյթ վերաբերմունքի համար: Այսքան գիտեմ, որ իմ և ինձ հետ նաև քրոջս մէջ ամբողջ մէկ տարում կուտակւած դժգոհութիւնն ու ատելութիւնն էր ժայթքում իմ շրթունքներից:

Ես նկատեցի որ տխրութիւնը սև ամպի նման եղբորս մշտութախ դէմքը ծածկեց: Ինձ թաց, որ եղբայրս էլ, եթէ իր տարիքից և դիրքից ամաչելիս չը լինէր, ինձ և իմ անբախտ քրոջ նման մեր անգին մօր կորուստի և մեր ներկայ անմխիթար վիճակի հա-

մար լաց կը լինէր: Նա մի քանի անգամ վերևի ատամների արանքում իր ցածի շրթունքը կծուտեց, որպէսզի իր լացը զսպել կարողանայ և, իր ձեռքերով գլխիս խառնիխումն մագերը հարթելով, յուզւած ձայնով մըմնջաց:

– Սիրաք, սիրելիս, այդ մասին հորս հետ խօսելու եմ:

Ինձնից հեռանալուց յետոյ ես լսեցի նաև նրա հետևեալ խօսքը. «Իսկապէս մեր աչքերը կապւած են եղել այսքան ժամանակ»:

## ԿԵԱՆՔԸ ՏՆՈՒՄ ԵՒ ԱՅԳՈՒՄ

1907 թի ամառայ սկզբին ես լաւ քանջաններով աւարտել էի մեր թաղային դպրոցի նախակրթարանի 5-րդ բաժանմունքը: Այն ժամանակ ինձ արդէն մի փոքր մարդ էի հաշուում:

Մեր տանտիկին Իսկուհին ինձ և քրոջս համար շարունակում էր ատելի մնալ: Մեր փոխյարաբերութիւններում ոչ մի բարելաւում չէր կատարւել: Թէ՛ քոյրս և թէ՛ ես այդ կնոջը տանել չէինք կարողանում: Երկուքս էլ սարսափում էինք այն մտքից, որ այդ չար և օձաբարոյ կինը կարող էր կամ իրաւունք ունէր մեր հարազատ մօր տեղը գրաւելու:

Քրոջս համար մօրս խամրած գոյութիւնը միանգամայն անըջային էր: Նրա իմացածն այնքան էր, որ նրան ասած էր, որ նա մի բարի, հրեշտականման մայր էր ունեցել, որ դէպի երկինքն է թռել... Ինչ վերաբերում էր ինձի, ես շատ դժարութեամբ էի մտապատկերում նրա էութիւնը, քանի որ մօրս մահուանից առաջ փոքր լինելով՝ ի վիճակի չէի եղել նրա մայրական սէրն ու գորովը գնահատելու: Համոզւած էի, սակայն, որ նա ինձ և քրոջս համար սիրելի և հարազատ է եղել, որ նրա սիրտը մեր հանգստութեան և երջանկութեան, մեր ուրախ և զւարթ կանչերի և ծիծաղի, մէկ խօսքով, մեր ամէն ապրումների համար անընդհատ և տարերօրէն բարախելիս է եղել:

Իմ սիրելի քրոջս մխիթարելու և նրա փոքրիկ սրտում յոյս ու ջերմութիւն նեշնչելու միտումով՝ միշտ նրան ասում էի.

– Քոյրիկ ջան, մի՛ մտածիր, չէ՞ որ արքայութեան հրեշտակը միշտ դժոխքի սատանային հետապնդում է: Դու համոզւած եղիր, որ մեր սիրելի մայրը, ինչպէս արքայութեան հրեշտակը, մի օր հրեղէն սուրով մեր տունը կը վերադառնայ և այս դժոխքի սատանային մեր տնից վռնդելով՝ նրան կը քշի իր նախկին բնակավայրը-սատանաների գեհէնը:

Վերջին ժամանակներում իմ սիրելի Մարօի հնարած և ինձ ժառանգութիւն թողած այս գիւտի նկատմամբ հաւատք չ'ունէի, բայց նկատում էի, որ այդ սփոփիչ գիւտով ես կարողանում էի թէկու՞ ժամանակաւորապէս մխիթարելու իմ շատ սիրելի քրոջս, որի համար ես ամէն ինչ էի՝ թէ՛ մայր, թէ՛ հայր, թէ՛ եղբայր և թէ՛ բարեկամ:

Երբ ես նախակրթարանի 5-րդ դասարանն աւարտել էի, քոյրս էլ միևնույն դպրոցի առաջին բաժանմունքն էր վերջացրել: Մենք իրարուց, հօրս ասելով, 42 ամսով մեծ ու փոքր էինք: Չնայեա՞ծ դրան՝ կարծես երկուրեակներ ծնւած լինէինք, քանի որ դիմագծի, մարմնակերպի, մտածելակերպի, հակումների և մէկ խօսքով ընդհանուր նկարագրի զարմանալի նմանութիւններ ունէինք:

Տնում մենք համարեայ միշտ իրար մօտ էինք լինում: Եթէ ես խաղալու գնայի, քոյրս էլ անմիջապէս ինձ փնտրելու կը գար: Եթէ սկսէի դասերս պատրաստել, նա էլ անպայման ինձ կ'ընդօրինակէր: Եթէ Մարօյի կամ հորաքրոջս մօտ գնայի, նա էլ յետևիցս կը վագրէր և, վերջապէս, եթէ ես ուրախ կամ անտրամադիր լինէի, նա էլ ուրիշ վիճակ ունենալ չէր կարող: Չեմ կարծում՝ իսկական երկուրեակները մեզնից տարբեր վիճակ ներկայացնելիս լինէին:

Ինչպէս յայտնեցի, մեր այգին բաւական մեծ էր: Նրա մի ընդարձակ այգեմասը ծածկւած էր խաղողի թուփերով: Ամռան կէսերից անց մեզ մօտ խաղողը սկսում էր հասնել: Շան, աղւեսի, նապաստակի և նման վնասատու կենդանիներից, ինչպէս նաև ագռաւից, սարեակից, ճնճողուկից և այլ թռչուններից խաղողի հասնելու մօտ կամ հասած ողկոյզները պաշտպանելու համար զանազան հնարամտութիւններ էին գործադրում: Ահարկու տեսքով մարդակերպ հագնւած և երկար ցողերի գլխին նստուած մարդուկներ, ծառերից կախւած ականջ խլացնող ուղտապանի ժանգոտած զանգեր, շանով ծառերի ճիւղերից ճօճող և փայտէ մուրճերով թակոտող տախտակներ և ուրիշ զանազան պաշտպանիչ միջոցներ գործի էին դրւում վնասատու կենդանիներն ու թռչունները սարսափահար անելով փախցնելու համար: Ի հարկէ, այս բոլորի փոխարէն որսի հասարակ հրացանի մի քանի պայթիւնը հազար անգամ ատելի կ'օգներ նպատակին հասնելու համար, բայց տաճիկ կառավարութիւնը նման կատակներ փորձողների վերաբերեալ չափազանց խիստ կարգադրութիւններ էր արել:

Այգում մենք թառմա անունով՝ 4-5 մետր բարձրութեամբ, տախտակէ թախթ ունէինք: Դա մի տեսակ աւանդ-ժառանգութիւն մնացած դիտարան էր: Այդ տեղից ամբողջ այգին հեշտութեամբ կարելի էր հսկողութեան ներքև պահել և ամէն ինչ հետախուզել:

Ամռան գիշերները հօրս կարգադրութեամբ ես և Եղիշը, երբեմն էլ եղբայրներիցս մէկը այդ օդային, բարձրաբերձ թախթի վրայ էինք քնում: Թախթի տախտակները մեխուած էին ծառերի արանքում ամրապնդւած գերանների վրայ և ոչ մի վտանգի ենթակայ չէին:

Երբէք չ'եմ կարողանում մոռացութեան տալ ամառային այդ գիշերների կախարդական և զմայլիչ ու մի տեսակ բնական թովչութեամբ արբեցնող տեսարանը: Մեր պարտեզն եզերող բարդիները, հացի-

ները և նրանց մէջ առ մէջ ընկած թթենիները, ընկուզենիները, ամառային բաց-փիրուզէ, անամպ երկնքի ներքև իրենց թափած նախշուն շաքներով զգլխիչ և զանազան պատկեր-տեսարաններ էին գոյացնում: Կիսալուսնի կամ լիալուսնի արծաթափայլն էր առատօրէն թափում և խառնում էր այդ գեղեցիկ բնութեան պարզևած գիշերային սքանչելի պատկերների հետ: Յաճախ այդ զմայլիչ տեսարաններին խառնում ու զուգորդում էին հոգեպարար գեփիտն ու տերևների անուշիկ սուսափիւնը: Մեր անմասն Այգետտանի աղայիսի գիշերների դիտական տեսիլներով այնքան էի հրծում, որ ինքնամոռացութեան էի ենթարկւում և առօրէայ կեանքի ու դէպքերի յիշողութիւնը բոլորովին կորցնում էի:

Այդ դիտական գիշերներին իմ տախտակեայ թամայի վրայ շատ անվրդով քնում էի: Առաւօտները արևածագից առաջ, արթնանում և դէպի մեր տունն էի վազում, որպէսզի թարմ մտքով մի անգամ էլ կարդամ, սովորեմ դասերս: Մեր թաղային նախակրթարանի տեսուչը յայտնել էր ինձ.

– Սիրաք, եթէ դու 6-րդ դասարանի դասերը սերտես և կարողանաս դպրոցի բացման ժամանակ յաջող քննութիւն տալ, որպէս բացառութիւն՝ կաշխատեմ քեզ մէկ դասարան թոցնել և նախակրթարանի 6-րդ դասարանի արարտման վկայականը տալ: Քեզ տեսնեմ, աշխատի՛ր, ջանացի՛ր:

Տեսչի այդ խոստումն ինձ չափազանց ոգևորել էր: Ես միշտ ավստումն էի, որ մի ամբողջ տարի, հիւանդութեանս պատճառով կորցրել էի և շատ էի ցանկանում այդ կորուստը դարմանել, և տեսչիս խոստումը մեծ շանս էր ինձ համար:

Օրայ մէջ իրար վրայ հաշւած 5-6 ժամ սովորում, պատրաստում էի: Ամբողջ ուժերս լարել էի իրականացնելու իմ ջերմ ցանկութիւնը՝ մէկ տարով դպրոցական թռիչք կատարել: Բացառիկ երջանկութիւն էր թում ինձ մի 2-3 ամսից յետոյ 6-րդի արարտական վկայականը ստանալը:

## ԻՄ ԵՐԱԶՆ ՈՒ ՆՐԱ ՀԵՏԵՒԱՆՔՆԵՐԸ

Ինչպէս շատ յաճախ, մարդկային կեանքում ցանկութիւնները հանդիպում են արգելքների: Հակառակ իմ վճռական որոշումին՝ մի փոքր դժբախտութիւն իմ ամբողջ ծրագիրը ջուր գցեց, և կեանքիս մէջ, առաջին անգամ լինելով, անյաջողութեան հանդիպեցի:

Ամառայ արձակուրդը վեջանալու վրայ էր: Մի գիշեր, հակառակ բոլոր գիշերների, անհանգիստ քնեցի: Քնում երազ տեսայ և վեր թռչելով՝ այդ երազելի ազդեցիկ տպաւորութեան տակ դէպի տունը վազեցի և քարով թակոտել ու թրխկացնել սկսեցի այգու վրայ բացող և ներսից կապող բակի դուռը: Դուռը սովորականից ուշ բացեց: Բաց անողը հայրս էր:

– Տո՛, անշնո՛րիք, անպէ՛տք, ցերեկները մեզ հանգիստ չէք տայ, այդ ոչինչ: Գիշերայ կէսից անց էլ չես թողնի, որ հանգստանանք: Ախր այս ժամանակ ի՞նչ կ'ուզես: Շուտ յե՛տ վերադարձիր ու տե՛ղդ մտիր, – այս ինձ համար անսովոր, ջղային ու կոպիտ խօսքը չ'արարտած՝ հայրս, համարեայ ինձ դէպի այգին հրմշտկելով, դուռը փակեց երեսիս:

Հօրիցս, մինչ այդ, նման կոպիտ վիրաւորանք չէի լսել: Աղայիսի բացառիկ պարագայում ես ի վիճակի չեղայ ինձ հակակշռի ենթարկելու: Դեռ շատ երեխայ էի, չափազանց ըմբոստ ու տաքարիւն և միաժամանակ անընդունակ հօրիցս նման վերաբերմունք տեսնելու ու տանել կարողանալու համար: Խելագարելու չափ ջղայնացել և նորից սկսել էի քարերով թակոտել դուռը: Ինձ մօտ ես վճռել էի այնքան քարկոծել դուռը, մինչև ջարդելով բացուի: Այս անգամ, բարակաւ ուշացած, հայրս նորից դուռը բաց արեց և իր հերթին աստիկ ջղայնացած ինձ մի քանի անգամ ապտակեց: Սկսեցի բարձրաձայն լացել և աղմկել: Քոյրս արթնանալով՝ ինձ մօտ վազեց և իր հերթին աղիողորմ ու սրտակեղէք լացել սկսեց:

Մեր այս աղմկալից և բարձրաձայն լացը գիշերային լռութեան մէջ որոտալից տարածում և հեռուներ էր հասնում: Շուտով իմ, Արաքսու շուրջը մեր ամբողջ ընտանիքը հաւաքեց: Որտե՞ղից և ինչպէ՞ս կէսգիշերին մեր մօտ վազեցին հօրաքոյրս և իմ սիրելի պահապան հրեշտակը՝ Մարօն: Բացի օժատիպ և նենեզ Իսկուհուց, որ անպատկառօրէն մեզ նախատում էր, մնացեալ ներկաներն իմ և քրոջս պաշտպան դերումն էին:

Հորքոյրս սկսեց հօրս մեղադրել և ծանր խօսքեր ասել:

– Ա՛յ ախպէր, բա էդ կերպ վերաբերմունք քեզ համար, քու կարգի համար պատիւ կը բերի՞: Ախր լըսողն ի՞նչ կասի: Չի ասի, որ այսինչ քահանան, մէկ սաղայել կնոջ խօսքերի ու խրատների վրայ գժամ, իր անուշիկ, որբ, անմայր երեխաները կը թակոտէ և կը ջարդէ: Հալա ասոնք, քու երեխեքը քեզ օտար և անհարազատ դարձան, բա մարդկանց ու Աստուծոյ պատասխանը ինչպէս կը տաս:

Այս մեղադրական ծանր խօսքերն ասելով՝ հօրաքոյրս առանց երկար մտածելու Մարօյին ասաց.

– Մարօ՛ ջան, քեզ մատաղ, գրկիր էն իմ դժբախտ որբուկիս՝ Արաքսուն, մեր տունը երթանք: Ե՛ւ ինձ դառնալով՝ աւելացրեց.

– Սիրաք, բալէ՛ս, իմ ջիգեար, արի՛, արի՛ մեր տունը երթանք: Հօրքոյրդ դեռ չի մեռած: Մի կտոր հաց կը ճարսի ձեզ հետ մէկտեղ ուտելու և քաղցած չը մնալու համար:

Չը նայեամ հօրս ու մեծ եղբօրս դիմադրութեանը՝ կատաղութիւնից առիւծ կտրած հօրաքոյրս, Մարօյի հետ միասին, մեզ համարեայ խլեցին մերունց ձեռքից և կէս գիշերով առաջնորդեցին հօրաքոյրս տունը, որ մեր այգու միւս ծայրին էր ընկած:

\*\*\*

Յաջորդ առաւօտ կանուխ մեծ եղբայրս՝ Կարապետը, հորաքրոջս տունն եկաւ և նրա հետ առանձնանալով՝ փսփսուկներով երկար խօսեցին:

Ես զարթնած և անկողնուս մէջ նստած էի, բայց իմ կողքին Արաքսին դեռ մուշ-մուշ քնած էր: Պարզ էր, որ անցնող կեսգիշերային կոշմարները նրա վտիտ մարմինը չափազանց յոգնեցրել էին: Ականջներս լաւ սրեցի, որպէսզի կարողանամ եղբորս ու հորաքրոջս փսփսուկներից մի բան կորզել, բայց այդ ինձ չէր յաջողում: Մտածեցի բոքիկ ոտներով և ոտնամանների ծայրերի վրայ կամացուկ քայլերով մօտենալ մառանի դռանը, որի յետևում նրանք իրար համար հագիւ լսելի ձայով խօսակցում էին, բայց հագիւ կարողացայ զսպել այդ ցանկութիւնը: Ինձ թում էր, որ այդպիսի վարմունքը, մանաւանդ եթէ նրանք յանկարծ ինձ տեսնէին, իմ եսասիրութեան նսատացումը կը լինէր: Այդ պատճառով էլ, շատ մեծ ճիգով, ինձ հագիւհագ զսպեցի: Նրանց շշուկային խօսակցութիւնը շատ երկար չտևեց կամ գուցէ ինձ համար եկար թաց:

Երբ նրանք վերջացրին, հորաքրոյս, կարծես մի ստիպողական հարկադրութեամբ և սրտի թելադրանքին հակառակ, ինձ մօտենալով և մի քանի անգամ ջերմօրէն համբուրելով՝ ասաց.

– Սիրա՛ք ջան, մատա՛դ բօյիդ, վե՛ր կաց և քոյրիկիդ հետ ձեր տունը գնա: Հայրդ տանը նստած քեզ կսպասէ:

Նա նորից ուզում էր խօսել, շարունակել իր ասածները, բայց նրա ծայրահեղօրէն ուժեղ յուզումները, նրա ձայնը կոկորդում խեղդեց, և ես նկատեցի նրա արցունքի շիթերը, որոնք գլորում էին նրա աչքերից: Նա մեծ ճիգ գործ դրեց ինձնից ծածկելու իր խիստ յուզումները, բայց իզուր: Ես արդէն նրա բարի դէմքի վրայ կարողում էի նրա ներսում՝ ազնիւ սրտի խորքում, պոռթկացող փոթորիկը:

– Հօրքո՛ւր, ես չեմ գնա: Չէ՛, չէ՛, ես չեմ ուզում մեր տունը գնալ: Երէկ գիշերը շատ վատ երազ տեսած եմ: Երագումս իմ անուշիկ մօրս տեսայ: Նա ինձ ասաց.

– Սիրա՛ք, իմ անմահ՛ն, անգի՛ն բալէս, այդ անասօք կիներ ծրագրել է առաջ քու անբախտ, անտէր քրոջ, ասպա քու գլխին փորձանք բերելու: Չգոյշ, շա՛տ զգոյշ եղիր: Մի՛ թող այդ դժոխքի ծնունդին, որ իր դիւային ծրագիրն իրականացնի: Վերցրո՛ւ քրոջդ ու հեռացի՛ր, փախի՛ր այդ անխիղճ կախարհից: Նրան աստանաներն են ուղարկել, որ իմ օջախը մարի ու քար ու քանդ անի...: Նա այդ նոյն կախարհն է, որ քու եղբօր, Կարապետի կնոջը՝ Հայկանուշին, դժբախտացրեց: Նրա ստոր գործակիցներից մէկն էր, որ նրա ցուցմունքով ջահէլ-ջիւան, նորաբաց վարդի նման շողշողացող եղբօրդ կնոջը կախարհական խոտերով կամաց կամաց թունաւորեց և նրանից, ամենաանխիղճ

աւագակի նման խլեց նրա առողջութիւնն ու, դժբախտաբար, ամէն ինչ և խաւարումի ենթարկեց նրա երջանիկ կեանքի պայծառ արևը: Այդ կախարհը ցանկանում է եղբօրդ՝ Կարապետին իր վաւաշոտ, կեղտոտ կրքերին զոհել և նրան տիրել: Նրա դիւային ծրագրի մէջն էք նաև դուք երկուքդ, իմ անգի՛ն, բայց որք մնացած բալիկներս...: Նորից եմ կրկնում, վերցրո՛ւ քրոջդ և հեռացի՛ր, փախի՛ր մինչև իմ բարի Աստուածը ձեզ օգնութեան հասնի...:

Հօրաքրոյս և եղբայրս իրենց ամբողջ էութեամբ ականջ էին դառել և ապշահար ու սիրթնած ինձ էին նայում՝ առանց մի բառ իսկ արտասանելու:

Ես ընդհատեցի երագիս նկարագրութիւնը: Եղբայրս ու հորաքրոյս աճապարում էին լսել և անհամբերութեամբ հարցրին.

– Սիրա՛ք, վերջացրա՞ր: Էլի պատմելիք ունե՞ս:

– Այո՛, հօքո՛ւր, հիմա էլ յիշում եմ անմահն մօրս ու երէկ գիշերայ երագում նրա ինձ արած յայտնութիւնները: Այո՛, հենց հիմի էլ նրա ասած խօսքերը գրնգում եմ ականջներումս: Երբ ես այդ իմ երագից վեր թռայ և վազեցի հօրս պատմելու, նա ինձ թոյլ չը տուեց մինչև իսկ մի բառ ասելու: Առանց որևէ պատճառի նա մի քանի անգամ ապտակեց ինձ: Ես իմ աչքերիս չէի ուզում հաւատալ: Չէի կարող ինձ համոզել, որ ինձ ապտակողը իմ հարազատ հայրն է, մեր միակ պաշտպան հայրը: Բայց նրա ձայնն ու բղաւոցը վճռականապէս իմ աչքերը բացին, և ես անասհման վշտով համոզեցի, որ ինձ ապտակողն իմ հարազատ հայրն էր...: Մի գուցէ նա էլ կախարհուած էր այդ մարդատիպ սատանայից՝ մեր ընտանիքը քար ու քանդ անելու եկած այդ չարագործ կնոջից: Հօքո՛ւր, ես հիմա կատարելապէս համոզուած եմ իմ անգի՛ն և անուշիկ մօրս երագի ճշգրտութեանը: Ես այլևս մեր տունը չեմ վերադառնայ: Արաքսուն էլ չեմ թողնի, որ գնայ: Չէ՞ որ նա էլ, ինչպէս մեր գոհար եղբօր կիներ, պիտի դժբախտանայ: Ո՛վ գիտէ, գուցէ այդ էշն իր գործը սկսել է արդէն, և մենք ոչնչից տեղեակ չենք...:

– Սիրա՛ք, – ասաց եղբայրս՝ ինձ իրա մօտ քաշելով և իմ դէմուդէմը, մի փայտեայ եռոտանու ծայրին պզգզելով: – Դու դեռ տարիքով մեծ չես, բայց ես արդէն վաղուց եմ նկատել, որ ուշիմ պատանի ես. ինչո՞վ կարող ես երդել, որ իսկապէս դու ճիշտն ես խօսում և անցեալ գիշերայ քու տեսած երագը ճիշտ ես պատմում... հա, ասա՛, ճիշտն ասա՛: Առաջ երդի՛ր, ինչպէս որ սիրում ես երդել, և յետոյ ասա՛՝ ճշմարտութիւնը:

– Եղբայր, ես մօրս մահուան ժամանակ փոքր էի: Նրա մահից յետոյ միշտ աշխատում էի նրա դէմքը յիշել, բայց դա ինձ չէր յաջողում: Երէկ գիշերը, երբ ես նրան երագումս տեսայ, վերջապէս վերյիշեցի նրա նիհար, դալուկ, բայց բարի դէմքը: Վազ տի դէպի նա, անհուն ցանկութիւն ունէի փարելու նրա ծնկներին, ուզում էի, որ նա ինձ գրկէր, իր սրտին

սեղմէր, ինձ համբուրէր, իմ գլուխս իր մայրական ձեռքով շոյէր, բայց նա միշտ ինձնից հեռանում էր և ես երբէք չ'կարողացայ նրան հասնել: Նրա դէմքը միշտ ինձ էր նայում և պայծառօրէն փայլատակում էր: Ինձ քում էր՝ նրա դէմքի վրայ վշտախառն ժպիտ էի տեսնում:

– Բայց եղբայր ջան, իմ սիրելի՛ Սիրաք, դու իմ հարցին չես պատասխանում: Երդի՛ր, որ պատմածներդ քու տեսած երազն է և ոչ թէ քու մտքի հնարածը:

– Երդում եմ իմ անմահ մօր նիւթական յիշատակով, որ բոլոր իմ պատմածը երէկ գիշերայ երազն է, և դեռ շատ բան չեմ կարող նրանից վերջիջել:

Ես նկատեցի, որ հորաքոյրս և եղբայրս ծանր մտատանջման ենթարկուեցին: Նրանք երկար ժամանակ առանց մի խօսք իսկ փոխանակելու իրար երեսին էին նայում: Հօրաքոյրս եղբօրս կանչեց: Նրանք տնից դուրս եկան այգին: Ինձնից հեռանալով՝ մի քանի րոպէ իրար հետ խօսակցեցին, խորհրդակցեցին և եղբայրս, առանց ինձի դէպի տունը հրաւիրելու, հեռացաւ:

Հօրաքոյրս, կարծես վշտերի ծանր բեռն տակ կքած, ինձ մօտեցաւ և ասաց.

– Դու իմ խելօ՛ք և արդար բալէս, իրաւունք ունես ձեր տունը չը վերադառնալու: Քրօջդ հետ ինձ մօտ կը մնաս, մինչև տեսնենք ի՞նչ կը լինի: Հիմա ես քեզ համար թէյ և հաց ու պանիր կը պատրաստեմ:

### ՊԱՏԺԻՑ ՅԵՏՈՅ

Ամբողջ երկու շաբաթ շարունակ մերժում էի մեր տունը վերադառնալ: Ինչպէս յայտնեց ինձ իմ բարեկամ սիրելի Մարօն, հայրս ինձ անտեղի պատժած լինելու համար շատ զոջացել էր: Առաջի երկու օրերում նա Մարօի և մեր հարսի միջոցով շատ աշխատեց ինձ և քրօջս համոզել և տուն վերադարձնել: Երբորդ օրը հայրս անձամբ եկաւ: Նախ ինձ մօտեցաւ և ապա քրօջս և մեր երկուսիս էլ բազմաթիւ անգամներ ջերմագին համբուրեց և խօսքն ինձ ուղղելով՝ ասաց.

– Ամայ, Սիրա՛ք, բալէ՛ս, դու շատ կողավոր տղայ ես: Քեզ մինչև այժմ այսպէս լաւ չեմ հասկցած: Դու՛, բալէ՛ս, կարող է իրաւացի ըլլաս: Մի գուցէ ես քու վերաբերեալ խիստ և անարդար եմ եղած: Բայց չէ՞ որ ես ալ մարդ եմ: Ես ալ յոգնած ու ջղայնացած կարող է ըլլամ: Մի՞թէ դու չէիր կարող քու երազն ինձ յաջողօր օրը, առաւօտեան պատմել և ոչ թէ կէս գիշերուան աղմուկ-աղաղակ բարձրացնել:

– Հայր, ես ինձ մեղաւոր չեմ հաշուում: Իմ տեսած երազն այնքան ազդեցիկ է, և իմ ազնիւ մօր ինձ տրուած հրամանն այնքան վճռական և կտրուկ էր, որ ես մտածեցի րոպէ առաջ այն հաղորդել իմ հա-

րազան որս: Ես չէի կարծում, որ ինձ սիրող հայրը առանց ինձ մի հարցում իսկ տալու և կէս գիշերուան տունը գալու պատճառը իմանալու ինձ անտեղի պիտի ծեծէր: – Այս ամենից յետոյ համոզւած եմ, որ իսկական մեղաւորը այդ անպէտք ու անպիտան Իսկուհին է: Մեր գլխին եկած փորձանքների միակ պատճառը նա է: Նա իրաւունք չունի մեզ վրայ իշխանութիւն բանեցնելու: Նա իրաւունք չունի իմ անմայր մնացած քրօջը ծեծելու և նրա մարմինը մկրատով ծակծկելու: Նա իրաւունք չունի մեզ ամենքիս հայհոյելու: Ափսո՛ւ, որ ես դեռ այնքան ուժեղ չեմ, որ իմ հերթին նրան ծեծի դաս տամ: Ափսո՛ւ, շատ եմ ցաւում, որ նա՝ այդ անարժան կինը, մեր տան խէրն ու բարաքաթը, մեր տան խաղաղութիւնն ու մեր բոլորի երջանկութիւնը ռոտատակ է արել: Եթէ ես չ'լինէի, նա վաղուց իմ խեղճ քրօջը դժբախտ, վաղամեռ մօրս մօտ էր ուղարկել:

Ես այլևս չը կարողացայ շարունակել իմ մեղադրական խօսքը: Վշտերիս արցունքախառն յորձանքը, կոկորդունս հաւաքւած, ինձ խեղդում էր: Ես դեռ ուզում էի Իսկուհի կոչւած հրէջի կախարդական դեղերին զոհուած իմ տարաբախտ եղբօր կնոջ մասին պատմել, բայց այդ ինձ չը յաջողեց:

Չորս անցան որս բոլոր ջանքերն ինձ համոզելու և ինձ մեր տունը վերադառնելու համար: Հայրս ինձնից իհարկէ շատ ատելի ուժեղ էր և կարող էր ուժի դիմելով՝ իր կամքն ինձ պարտադրել, բայց երբէք չը փորձեց այդ անել: Ըստ երևոյթին, նա էլ համոզւած էր, որ իմ պատմածներն ու ասածները իրականութիւն էին և մանաւանդ այն, որ ես իրաւացի եմ: Երբ ինձնից յուսահատեց, նա քրօջս դիմեց և նրա ձեռքից ամուր բռնած այնպիսի հրամայական եղանակով նրան հրաւիրեց իր հետ տունը վերադառնալ, որ նա չը համարձակուէր ըմբոստանալ: Հօրս հետ մէկտեղ հեռանալիս նա, դէպի ինձ դառնալով և լացելով, բացական չեց.

– Եղբայր, եթէ դու տունը գալու չը լինես, ես այնտեղ չեմ մնալու: Ես մենակ այնտեղ մնալ չեմ կարող: Ես նրանից վախենում եմ: Նա նորից ինձ կը ծեծի:

Եւ իսկապէս քոյրս շատ էր վախենում այդ հրէշատիպ կնոջից: Նրան քում էր, որ առանց ինձ մեր տնումը ապրելը նրա համար անկարելի էր: Նա իրաւացի էր, որովհետև Իսկուհին, իմ բացակայութեանը, համարեայ միշտ նրան որևէ պատրուակով նեղացնում և երբեմն էլ ծեծում էր: Ինքս էլ չը գիտեմ ի՞նչն էր պատճառը, որ նա ինձնից զգուշանում էր: Անկասկած վերջին անգամ ունեցած անախորժութիւնը բաւական մեծ դեր էր խաղացել: Ինձ քում էր, որ նա այլևս վախենում էր հաւանական նոր սարքելիք աղմուկից և սկանդալից և մանաւանդ որս, եղբօրս ու հարևանների ուշադրութիւնը գրաւելու հանգամանքից:

\*\*\*

Հօրս ապտակներն ինձ վրայ շատ վատ անդրադարձում ունեցան: Հօրս ինձ տած պատիժը բոլորովին անարդար էի համարում: Չը նայած այն հանգամանքին, որ դեռ հազիւհազ երեխայութեանս տարիքից թևակոխում էի պատանեկութան առաջին շրջանը, բայց արդէն մի տեսակ հասունացած նկարագիր ունէի: Երեխայական հետքերը գրեթէ բոլորովին անհետացել էին: Դիրազգացութիւնն ու ինքնասիրութիւնը, հասակիս համեմատութեամբ, շատ աւելի տեղ էին նստել:

Հօրս հետ ունեցած անախորժ դէպքից յետոյ մի տեսակ քրած վիճակ էի ապրում: Ինքս ինձ դժբախտ էի համարում: Կարծես նոր-նոր զգում էի մօրս բացակայութեան դատարկ վիճը, նրա մահուան դժբախտ հետևանքները: Ներկայիս ինքս ինձ մի տեսակ որբ էի հաշւում: «Չէ՞ որ մայր չունեմ,— տանջելով մտածում էի ես: — Դիշտ է, հայր ունեմ, բայց այդ հայրն էլ, երբ ինձ հասկանալ չի կարողացել, իմ ապրումներին հաղորդակից լինել և մօրս բացակայութեան պարապը գէթ մասամբ լեցնել և վերջապէս հայրական զգացումների ջերմութեամբ ինձ համակել, ոգևորել, քաջալերել, ուրեմն ես, անկասկած, անոք և որբ եմ մնացել»:

Իմ ընկերներին, որոնք հայր ու մայր, մանաւանդ մայր ունէին, բախտաւոր էի համարում և նրանց այդ երջանկութեանը նախանձում էի: Այն օրերին, երբ ես հօրաքրոջս անկոչ հիւրն էի, յաճախ նրան ասում էի.

– Ախր, հօրու՛ր, Արաքսն ու ես ինչ մեղք էինք գործել, որ այսքան շուտ Աստուած մեր սիրելի մօրը մեզմից խլեց ու տարաւ: Չէ՞ որ մենք դեռ շատ փոքր էինք և նրա խնամքին և մանաւանդ սէրին կարօտ...:

– Սիրա՛ք, անուշիկ՛ս, դու մի՛ զանգատուիր: Աշխարհիս գործն է եղպէս: Դու շատ ուրախ պէտք է ըլնես, որ հայր ունես: Բա ի՞նչ ընեն այն հազարատրները, որ բոլորովին որբ են, որ նոյնիսկ բարեկամ-ազգական չունին, որ նոյնիսկ մէկ թոնրատուն, մէկ անկողին չունին և շատ անգամ իրենց մերկ մարմինը ծածկելու մէկ հազուստ ալ չունին:

Բարի հօրաքրոյս ինձ լաւ, շատ լաւ էր հասկանում: Նա իմ դրութեան մէջ մտնում և վիրաւորած սրտիս խորքում գռռացող վշտիս համար կարեկցում էր ինձ:

Յուսալքումն այն աստիճանի էր հասել, որ այլևս չէի մտածում, որ մէկ ամսից յետոյ քննութիւններ պէտք է տամ վեցերորդի աւարտման վկայական առնելու համար: Մեր տնից խռոված հեռանալուց և հօրաքրոջս պաշտպանութեան ապաւինելուց յետոյ նոյնիսկ մի անգամ քննութիւնների մասին չէի մտածել և սովորելիք առարկաներից մի տող իսկ չէի կարդացել: Իմ դատողութեամբ այդ դասադուլն անադմուկ, բայց ազդեցիկ ահագանգ էր հօրս համար, որի ուշադրութիւնից չէր էլ վրիպել և նրան

լուրջ մտահոգութիւն էր պատճառել: Մի շաբաթ յետոյ Մարօն ինձ յայտնեց.

– Իմ սիրելի՛ Սիրաք, գիտե՞ս՝ հայրդ ի՞նչ է խոտացել ինձ, որ ասեմ, երևի չես հաւատայ, բայց նա երդւել է մամայիդ գերեզմանով, որ եթէ դու անմիջապէս տուն վերադառնաս և քննութիւններիդ համար պատրաստես, նա անպատճառ Իսկուհուն արձակելու է:

Մարօի յայտնութիւնն ո՛չ այնքան անորոշ, որքան անհաւատալի թաց ինձ: Ես նորից հարցրի. – ի՞նչ է նշանակում արձակել. ուզում ես ասել նրան մեր տնից բոլորովին և ընդմիշտ վռնդելու է:

– Իհարկէ, այո՛, սիրելի՛ս: Նա քո հայրն է: Նա քեզ երբէք նրան չի գոհի: Դու այդ մասին կարող ես միանգամայն համոզուած լինել: Նա ո՞վ է, որ նրան քեզմից աւելի պաշտպանի: Հայրդ քեզ շատ է սիրում: Եղածը մի թիւրիմացութիւն էր, և դու պէտք է իմանաս, որ նա իր արածի համար շատ է փոշմանել: Բայց դու էլ յամառութեան համար յանցաւոր ես: Չէ՞ որ նա քու հայրն է: Դու նրանից խռովելու իրաւունք չ'ունես: Ներողութիւն, ուզում եմ ասել, եթէ նոյնիսկ իրաւացի լինես, նրանից չ'պէտք է խռովես: Ինչքան տնից բացակայեցիր, բաւական է: Ժամանակն է, որ տուն վերադառնաս:

– Ո՛չ, իմ սիրելի՛ Մարօ,— պատասխանեցի ես, – դու գիտես, որ քեզ Արաքսուս նման սիրում եմ: Դու իմ անուշիկ, մեծ քոյրն ես: Եւ մինչև այժմ քեզ լսել և հնազանդել եմ, բայց այս անգամ շատ եմ ցաւում, որ չեմ կարող: Վաղն ևեթ կը գնամ իմ մօրաքրոջ տղայի՝ Սիւրանի մօտ: Նա մեր քաղաքի ամենայայտնի դերձակատներից մէկումն է աշխատում և նրա գլխաւոր վարպետի կողմից շատ է գնահատուած և սիրուած է: Նրան կը խնդրեմ, որ միջնորդի իր վարպետի մօտ ինձ յարմար մի աշխատանք տալու համար: Ես համոզուած եմ, որ Սիւրանը ինձ չի մերժի և գործը կը յաջողացնի:

Մինչև Մարօն ուզում էր նորից պատշաճ խօսքեր գտնել ինձ համոզել կարենալու համար, ես վճռական հաստատականութեամբ աւելացրի.

– Մարօ՛, իմ սիրելի՛ քոյր, ես իմ անպաշտպան քրոջ՝ Արաքսուն քեզ, քու յոյսին եմ թողնում: Իմ միակ մտահոգութիւնը նա է: Նա է իմ ձեռքն ու ոտքը կապողը, այլապէս ես առաջի օրից իսկ գործի էի գնալու: Ես միայն նրա համար եմ անհանգստանում: Առանց ինձի, գիտեմ, նա այդ հրէշի ձեռքում հալումաշ կը լինի, կը ցամաքի, կը չորանայ և անտէր ու անտիրական կը մեռնի:

**ԱՐՀԵՏՍԱԲՈՐ ԴԱՌՆԱԼՈՒ ՓՈՐՉԸ**

Մարօն իրաւացի էր: Իմ ծայրահեղ եսասիրութիւնը, աւելի ճիշտ, տարիների ընթացքում անմայր ու անգորով մնալուս հետևանքով իմ մէջ սկիզբ առած և արագօրէն ուժեղացած դիւրազգացութիւնը

ինձ մղում էր ծայրահեղությունների և հապճեպ որոշումների:

Մտածում էի՝ եթէ կարողանայի աշխատել և թեկուզ մի փոքր վարձատրութիւն ստանալ, այլևս անկախ կը լինէի և ոչ մէկի, մինչև իսկ հօրս, մնաքի տակ չէի մնայ: Վերջերում դասատւորող պայմաններում իմ ամենամեծ մտասկեռումն այն էր, որ ինչքան հնարատու է շուտ, կարողանամ իմ աշխատանքով ապրել և եթէ կարելի լինի նաև ապրեցնել իմ երկուրեականման փոքր քրոջս:

Պատանի հասակը թևակոխելուս հետ միաժամանակ տարօրինակ ինքնավստահութիւն ունէի: Ենթադրում էի, որ կեանքի, ապրելու ձգտում ունեցողին, այսպէս թէ այնպէս, լաւ թէ վատ, կը յաջողի մի կերպ ետլա գնալ, գլուխ պահել և մի կտոր հաց աշխատել:

Մօրաքրոջս ամուսինը մօտ մի տարի առաջ մահացել էր: Այդ կօրուստից մօրաքոյրս շատ էր ազդուել և ամբողջ ժամանակ լաց ու կոծի մէջ էր: Կրում էր սև շրջագգեստ, սև գլխաշոր և կօշիկ ու գուլպաներ: Իրենց տնից ամբողջ տարւայ ընթացքում միայն մի քանի անգամ էր դուրս եկել, այն էլ իր եղբոր ու քրոջ (մեզ մօտ) և երկու ուրիշ բարեկամների մօտ ստիպողաբար գնալու համար:

Երբ ես Միհրանի՝ նրա միակ տղայի օգնութեանը դիմեցի՝ ինձ իր վարպետի մօտ աշխատանքի համար ներկայացնելու, մօրաքոյրս, յանկարծակիի եկած, բացականչեց.

– Բալա՛ ջան, քու ի՞նչ ժամանակն է գործի, արհեստի գնալու: Չեր տունն եկած առեն, վերջին անգամ, Մարօն ինձ յայտնեց, որ դու դասարանի առաջինն ես եղած: Այդպէս ընդունակ տղան, ինչպէս դու ես, ափսոս չէ, որ իր ուսումը կիսատ թողնի:

– Մօրաքոյր, էլ ինչքան պիտի սովորեմ, կմկմացի ես շփոթած: – Հօ՛ւ պրոֆեսոր լինելու չեմ: Այսքան ինչքան սովորել եմ, ինձ բաւական է: Ո՞վ չի իմանում, դու հօ լաւ գիտես, հօրս գործերն էլ այնքան լաւ չեն: Կամաց-կամաց արհեստ կը սովորեմ, որպէսզի կարողանամ հօրս և մանաւանդ քրոջս օգտակար դառնալ:

– Դու ճիշտ չը խօսեցիր: Հաւատալս չի գայ: Մէկ երեխայ, եթէ ուսումնասէր չ'ըլլայ, անկարելի է, որ իր դպրոցի, իր տեսչի սիրելին դառնայ և մանաւանդ դասարանի առաջինը ըլլայ: Այստեղ, ինչպէս կ'ըսեն, շան գլուխ մը թաղած կայ:

Ապա, մի քիչ լռելուց և մտածելուց յետոյ, անլացրեց.

– Հա՛, հա՛, ես այդպէս ալ գիտէի: Այդ անպիտանը՝ Իսկուհին իմ անբախտ, բեմուրազ քրոջ ընտանիքը կը քայքայի և բոլորի վային կը նստի: Ես հիմա ընելիքս լաւ գիտեմ: Մօրեղբորդ՝ Օհանէս աղին, հօրդ մօտ կ'ուղարկեմ: Ես անոր ամեն բան կը հասկացնեմ: Ան մեծ ազդեցութիւն ունի հօրդ վրայ և վստահ եմ, որ կարող կ'ըլլայ ամեն բան կարգադրել: Իսկ դու, լաւ տղաս, բոլորովին պէտք չկայ որ ար-

հեստի գնաս: Քու ի՞նչ արհեստի ժամանակն է: Դու պէտք է ուսումը շարունակես և կարգին ուսումնական դառնալով՝ հանգուցեալ մօրդ մեռած անունը նորէն կենդանացնես: Իսկ եթէ պէտք եղաւ, ես անձամբ ալ հօրդ հետ կը գրուցեմ...

Յետոյ ինքն իրեն, քթի տակ ինչ-որ խօսքեր փնթփնթաց, որի բովանդակութիւնը իմանալ չ'կարողացայ:

Այն օրն ու գիշերը մօրաքոյրս ինձ չը թողեց հեռանալ իրենց տնից: Այդ օրը ինձ լաւ չէի գգում: Չափազանց թուլացել և ամբողջ մարմինս կարծես կոտրատում էր, և գլուխս՝ ցաւում: Մօրաքոյրս ինձ փափուկ անկողնում պառկեցրեց: «Քարի գիշերը» ասելու ժամանակ նա կռացաւ և գորովալից ճակատս ու այտերս համբուրեց:

– Բայց, տղա՛ս, դու կարծես տաքցրած ըլլաս: Ա՛խ, քօռանար մօրքուրդ, որ քեզ այսպէս անտէր-անտիրական չը տեսնար: Քանի՞ օր է, ինչ տունէն հեռացած ես: Անկասկած հօրաքրոջդ տանը մըսած ես:

Յետոյ Միհրանին, իր միակ զաւակին դառնալով, ասաց.

– Միհրա՛ն, հոգուդ մատաղ, քանի շատ ուշ չի, վազ տուր դեղատունը և Պետրոս դեղագործին ասա, որ քրտնողիք է պէտք: Ա՛ն և, որքան կարող ես, շուտ վերադարձիր: Միտաքը մըսած է և պէտք է քրտնացնել:

Մօրաքոյրս, կռանալով անկողնիս վրայ, նորից մի քանի անգամ ինձ համբուրեց և ասաց.

– Իմ անգին և տանջւած բալաս, եթէ բախտ ունենայիր, քու անբախտ մայրն էսքան շուտ բեմուրազ չէր ըլնի: Մեղա Տէր, մեղա քեզ: Ես գործերէդ գլուխ հանել չեմ կարող: Չէ՞ որ ես քրոջմէս ամենաքիչ 10 տարով աւելի մեծ էի: Ինչու՞ նրա մահն իմ բաժինը չ'արար: Ա՛խ, երանի չէր, որ քրոջս ու մարդուս մահը տեսնելէ առաջ մեռած ըլլայի:

– Մօրաքոյր, այդ ինչեր ես ասում: Եթէ դու մեռած լինէիր, քու միակ տղան՝ Միհրանը, ի՞նչ կանէր: Փառք Աստուծոյ, դեռ ես հայր, եղբայրներ և քոյր ունեմ, իսկ նա քեզնից գատ ու՞նն ունի: Չէ՛, մօրաքոյր, Միհրանն արժանի է քեզ նման մայր ունենալու: Նա առանց քեզի դժբախտ կը լինէր:

Մօրաքոյրս կարծես մի բոպէ իւր միակ յոյսն ու ապաւեճը, իր աչքի յոյսն ու փայլը եղող զաւակին մոռացութեան էր տուել: Իմ փոքրիկ կշամբանքը նրան սթափեցրել էր: Գիտէի, որ նա իրա ամուսնուն չափազանց շատ սիրելիս էր եղել, և նրա կորուստ անսփոփելի վիշտ էր պատճառել տարեց մօրաքրոջս: Նա ինձ չը պատասխանեց, բայց ես լսեցի նրա մունջ և անհոյս հեկեկոցը: Նա իրա դէմքը շուտ էր տուել, որպէսզի նրա լացը չտեսնեմ:

Մի քիչ անց նա, կողքիցս վեր կենալով, ասաց, որ մինչև Միհրանի վերադարձը տաք թէյ կը պատրաստի, որպէսզի դեղահատը կուլ տալուց խմեն և շուտ քրտնեն:

\*\*\*

ՄՐՏԱՅԱՒ ՄՕՐԱԸՆՅՐԱ

Ճիշտ որ ես կարգին տաքցրել էի: Երբեմն ուժեղ ջերմի նուպաներում, մարդս աւելի լաւ է մտորում և դատում կեանքի իրողութիւնները:

Կարծես մտորումների ալեծուփ ծովումն էի ընկել: Երբեմն Աստծուն, երբեմն բնութեան, քիչ յետոյ ինձի և ապա քրոջս ու ընտանիքիս մեղադրում էի:

– Ո՛վ Աստած, ամենուրեք հռչակած է, որ դու բարեգործ ես: Ինչու՞, ուրեմն, իմ հարազատ մօրն այդքան շուտ մեզմից խլեցիր: Չէ՞ որ մենք, քոյրս և ես շատ փոքր և մայրական գորովի ու քնքշանքի կարօտ էինք: Չէ՞ որ մենք մեր մօր սիրոյ ջերմութեան կարիքն ունէինք: Ախր մենք ուրիշ երեխաների նման ցանկութիւն ունէինք մեր մօր ծնկներից չռքել, նրա կրծքին փարել, նրա հարազատ սրտի բաբախումը լսել, նրա քիթն ու բերանը, նրա երեսն ու ականջները, նրա ճակատն ու գլուխը, նրա մազերն ու պարանոցը քնքշօրէն շոյելով համբուրել, անկուշտ համբուրել և երբեմն էլ, նրա փէշերից կախուելով, նրանից խնդրել, որ մեզ էլ իրա հետ մեր հօրաքրոջ, մօրաքրոջ, մօրեղբօր և էլ ի՞նչ գիտեմ ու՞մ մօտ հիւր տանի...

Բայց կարող է պատահել, որ ես կամ քոյրս՝ Արաքսին, մեղաւոր ենք եղել: Գուցէ մենք մեր մօր համար լաւ երեխաներ չենք եղել: Մի գուցէ մենք նրան շատ ենք նեղացրել ու տանջել, և նա մեր հոգսից ու դարդից մաշուել և մահուան է ապաւինել: Բայց երբեք վերյիշել չեմ կարող մեր երեխայութեան օրերը: Միայն այսքան կարող եմ ասել, որ մենք երկուսս այնպիսի լուրջ առիթներ չենք տուել, որ մեր մայրը վշտանար և մեր ձեռքից տանջուէր:

Ուրեմն ի՞նչ: Մեր հայրը, մեր եղբայրներն են մեղաւորը, որ նա այդքան շուտ կեանքից բեզարել և մեզ որք թողնելով՝ այս աշխարհից հեռացել է: Թերևս մեր ընտանեկան տնտեսական ոչ-բաւարար պայմանների ծանրութեան տակ մէջքը ծալել, նրա դիմադրական ուժերը սպառուել են, որի հետևանքով էլ վաղաժամ մահուան ճանկն է ընկել:

Դժբախտաբար, դառն իրականութիւնը գոյութիւն ունի: Անգութ մահը մեր աննման, խօթօտիկ մօրը մեզմից խլել և տարել է: Նա չկայ և նրա հետ մեր գլխից չքացել են նրա անփոխարինելի փայփայանքն ու սիրազեղումները:

Մարդս իրա կեանքում կարող է ամեն տեսակ ճախորդութիւնների և դժբախտութիւնների հանդիպել և նրա դէմ պայքարել և յաճախ նոյնիսկ նրանց յաղթահարել: Սակայն մարդկային կեանքում ամենատեսակալիւն և ամենամանփոխարինելիւն, մանաւանդ երեխայական տարիներում, մօր, հարազատ մօր կորուստն է...: Դժբախտ, անհունօրէն ապերջանիկ է այն երեխան, որ իր հարազատ մօրը կորսնցրել է, որ նրան այլևս չունի...:

Որևէ մարդկային շունչ չի կարող փոխարինել այդ աննման, անգին գանձին՝ հարազատ, գորովագութ և պաշտելի մօրը...

Մօրաքոյրս համարեայ ամբողջ գիշերն իմ պատճառով չէր քնել: Գիշերայ ընթացքում մինչև առաւօտեան լուսաբացի մօտերքը տաքութեան աստիճանը շարունակ բարձրացել էր: Ես սկսել էի գառանցել և միշտ յանգուցեալ մօրս կամ քրոջս օգնութեան կանչել: Խեղճ մօրաքոյրս, սրտապատառ եղած, իր տղային՝ Միհրանին, քնից արթնացրել էր և միասին ջանացել էին ամեն կերպ ինձ քրտնացնել տաքութիւնս ցած բերելու համար: Տաք ջրի քսակ, տաքացրած աղիս, մի քանի վերմակ, քացախով շփում, դեղահատեր և վերջապէս ինչ որ խելքներին եկել էր, արել էին: Լուսաբացին նրանց յաջողել էր իմ ջերմը բաւականաչափ իջեցնել: Ես, թուլացած ու տանջուած, հանգստացել և քնել էի: Առաւօտեան շատ ուշ արթնացայ: Բարի մօրաքոյրս անկողնուս կողքին նստած էր: Մի քանի ջերմ համբոյրները ճակտիս դռնէն թափելով՝ բարի օր մաղթեց: Մրտիս խորքում ինձ երջանիկ զգացի՝ մտածելով, որ եթէ հարազատ մօրիցս գրկուել եմ, գոնէ ազնիւ և հարազատ հօրաքոյր և մօրաքոյր ունեմ, որոնք ինձ կարեկցում և անհրաժեշտ պարագաներում հնարաւորին չափ օգնութեան են հասնում:

– Կէսօրան քիչ է մնացած, – ասաց մօրաքոյրս: – Ինձ խոստացիր որ անկողնուց դուրս չես գայ, մինչև ես վերադառնամ: Քեզ համար մէկ բաժակ տաք թէյ կը բերեմ: Շուտ կը խմես, որ չը սառի: Անցած գիշերան մեծ ջերմ ունէիր: Առայժմ ոչինչ չ'պիտի ուտես: Կը խորիմ քեզ մէկ լուծողական խմացնել: Այդ շատ անհրաժեշտ է քեզ համար: Քօռանայի ես, որ քեզի այս օրերին չը տեսնէի: Ախր ինչու՞ այս տարիքիդ դու քու տնից փախստական պէտք է դառնաս:

Նա պատասխանիս չսպասեց և նորից ինձ յանձնարարելով, որ անկողնից դուրս չ'գամ, իր սև գլխաշորը վերցրեց և տնից դուրս եկաւ: Բակից յետ վերադառնալով և գլուխը դռնից ներս բերելով՝ ասաց.

– Միրաք, չիմի պատուէրս մոռանաս: Եթէ անկողնուց դուրս գաս, նորէն կը մրսես և կրկին կը տաքցնես: Անկողնուդ միւս կողքին միգաման դրած եմ:

Ես չը հարցրի, նա ինքն էլ չ'ասաց, թէ որտեղ և ում մօտ է գնում: Նա, որ իր ամուսնու մահից յետոյ հագի մի քանի անգամ, այն էլ ստիպողաբար, տնից հեռացել էր, այս անգամ ինքնական և սիրալից փողոցն էր դուրս գալիս: Ենթադրեցի, որ նա իր եղբօր կամ իմ մօրեղբօր մօտն է գնում իմ պատճառով, իմ՝ մեր տնից փախստական լինելու պատճառով:

Կէսօրից շատ անց, ամբողջ 5 ժամից յետոյ, մօրաքոյրս վերադարձաւ: Նա զարմանալիօրէն ուրախ տրամադրուած էր և հպարտ ու յաղթական տեսք ունէր: Ինձ մօտ աճապարելով և նորից իմ ճա-



կատը համբուրելով՝ միաժամանակ ստուգեց իմ առողջական վիճակը: Աջ ձեռքս իր ավերի մէջ առնելով՝ մի քանի անգամ շփեց ու շոյեց և զարկերակն ստուգելով՝ բացականչեց.

– Փա՛ռք Աստուծոյ, բոլորովին տաքութիւն չունիս: Հիմա քեզ համար օջախի վրայ թանապուր կը պատրաստեն: Ախորժակով մի լաւ կուտես և մի քիչ անկողնիդ մէջ նստելով՝ կը գրուցես ինձ հետ: Եթէ ցանկանաս, Միհրանի գրքերէն էլ կը վերցնես և կը կարդաս: Խեղճ Միհրանս շատ սրտացաւ տղայ է: Երէկ գիշերը քեզ համար շատ անհանգիստ էր: Մենք երկուքս ալ շատ կը վախենայինք, դու շատ վատ հալի էիր և շարունակ զառանցանքի մէջ էիր:

Նա վեր կացաւ և սկսեց իր խոստացած թանապուրը պատրաստել:

Ես նկատեցի, որ նա որոշում է մի յայտնութիւն անել, բայց միշտ զգայում է իրեն:

Վերջապէս նա չը կարողացաւ երկար պահել իր գաղտնիքը, ինձ մօտենալով մի կարևոր գաղտնիք հաղորդելու տոնով ասաց.

– Միրա՛ք, ի՛ն սիրելիս, այսօր դու դեռ տկար ես և իրաւունք չունես անկողնիցդ վեր կենալ: Յոյս ունեն՝ մինչև վաղը քիչ լաւանաս, պնդանաս: Կէսօրւայ մօտերքը քեզ հետ կերթանք ձեր տունը: Հայրդ քեզ անհամբեր կ'սպասէ: Ալ բոլորովին հանգիստ

եղիր: Այդ անայիտան Իսկուհին այլևս չկայ: Հայրդ քու և քրոջդ խաթրին անոր ձեր տնէն վռնդած է:

\*\*\*

Յաջորդ օրը կէսօրին մօրաքրոջս հետ մէկտեղ մեր տունը գնացինք: Մերոնք, Մարօն և հօրաքոյրս մեզ ծայրահեղ խանդադատանքով ընդունեցին: Արաքսին, ինձ տեսնելուն պէս դէպի ինձ վազ տալով, գիրկս նետուց և անվերջ ու անկշտում ինձ հետ համբուրեց: Հայրս էլ իր հերթին ինձ հետ գրկախառնեց: Մարօն և հօրաքոյրս էլ քանիցս ինձ համբուրեցին: Թւում էր այնպէս, որ նրանք իրենցից տարիներով հեռու և բացակայ հարազատին են դիմաւորում և ջերմագին ու կարօտակէզ ողջագուրում են նրա հետ: Ի վերջոյ հայրս, ուրախութեան և հրճանքի ժպիտով պայծառացած, ինձ մի անգամ էլ գրկեց և ասաց.

– Իմ սիրելի և թանկագին՝ բալաս, իմացի՛ր, որ ես քեզ միշտ սիրում եմ և ասկէ յետոյ այնպէս կանեն, որ դու քո պատական մօր կորուստի համար այդքան շատ չը տխրես ու չը տանջես: Մոռացի՛ր, որդի՛ս, հարազատ հօրդ հետ ունեցած տխուր թիրիմացութեան ցաւատանջ վերյիշումը...

# ՊԱՏԱՆԵԿՈՒԹԵԱՆՍ ՆԱԽԱՎԵՐՋՆ ՈՒ ԵՐԻՏԱՍԱՐԴՈՒԹԵԱՆՍ ՍԿԶԲՆԱՇՐՋԱՆԸ Մաս Բ

## ՀԱՄԲԱՐՁՈՒՄ ԵՐԱՍԵԱՆՆ ՈՒ ՆՐԱ ԴՊՐՈՑԸ

\*\*\*

Նախակրթարանի 6-րդ դասարանի աւարտման քննութիւններին պատրաստուած չը լինելով՝ վստահ չէի, որ կարող եմ յաջողել: Այդ իսկ պատճառով չը ցանկացայ քննութեան ենթարկուել: Երամեան միջնակարգ դպրոցի հռչակն ինձ հրապուրում էր, դրա համար էլ խնդրեցի հօրս ինձ Երամեան դպրոցը փոխադրել: Նա իսկոյն համաձայնութիւնը տեց և ինձ առաջնորդեց ուղղակի Համբարձում Երամեանի<sup>1</sup> մօտ:

Երբ Երամեանը տեղեկացաւ, որ Յանկոյսներ դպրոցի 5-րդ դասարանի առաջին աշակերտի կոչումով աւարտել եմ, շատ ուրախացաւ և հօրս նիւթական պայմանների անբաւարար լինելու բացատրութիւնն էլ լսելով՝ ասաց.

– Վնաս չ’ունի, տէ՛ր հայր, ես ձեր տղային ամսական 50 տոկոս զեղչով կընդունեմ և համաձայնում եմ նրա խնդիրքը կատարել, այսինքն՝ երկու ամիս փորձելու պայմանով նրան մեր դպրոցի 7-րդ բաժանմունքը նստեցնել: Յոյս ունեմ, որ նա կ’աշխատի յետ չընկնել իր դասակիցներից:

Կարծես աշխարհի բոլոր բարիքներն իմ գրպանը լցրին: Արտակարգ ուրախութիւնից բացականչեցի.

– Չափազանց շնորհակալ եմ ձեզնից, յարգելի՛ տեսուչ,– և վագեցի համբուրելու նրա ձեռքը: Նա գորովալից շոյեց գլուխս և ասաց.

– Շատ ուրախ կը լինեմ, եթէ յաջողես մեր դպրոցումն էլ առաջինը լինել քու դասարանում:

– Շատ կ’աշխատեմ ձեր բարի ցանկութիւնը իրականացնելու:

Վան քաղաքի Այգեստան կոչող լայնատարած քաղաքամասի Սըղգա կոչած գլխաւոր պողոտայի վրա՝ նոյն այդ մասի Խաչ-փողոց անուն կրող կենտրոնական շուկային չը հասած, 90-ական թականների հիմնել էր Երամեան միջնակարգ դպրոցը:

Ամբողջ երեք տարիներ էին անցել այն օրանից, երբ ես այդ դպրոցի սանն էի դառել: Բարեբախտաբար, ինձ յաջողել էր կատարել այդ դպրոցի տեսչին առաջին օրում իմ տուած խոստումը, այսինքն՝ իմ դասարանի առաջին աշակերտ լինելը:

Դպրոցի հիմնադիրն էր Համբարձում Երամեանը: Ասում էին՝ ութը տարեկան հասակում ծաղիկ կոչող հիւանդութեան հետևանքով նա իր գոյգ աչքերն էլ կորցրել էր:

Այդ մարդը, չնայած որ կոյր էր, բայց տարօրինակօրէն ուշիւ և զարգացած էր: Նա իր դպրոցի բարձրագոյն բաժանմունքներում ազգային և ընդհանուր պատմութեան դասաւանդումներ էր կատարում և զարմանալիօրէն թականների ճշգրիտ յիշումներ էր անում: Ամենից տարօրինակն այն էր, որ նա լիովին տիրապետում էր ֆրանսերէն լեզուին:


Շատ լաւ յիշում եմ, երբ ես Երամեան դպրոցի աւարտման նախաՎերջին և վերջին դասարաններումն էի, նա դպրոցական պարապմունքներից վերջը կամ կէսօրու դասամիջոցին ինձ կանչում էր պատմութեան, ֆրանսերէն դասագրքերից մի որևէ կտոր կարդալու: Նա համարեայ վագքի արագութեամբ, դպրոցի հիւսիսային մասում, ընդարձակ բակի մէկ ծայրից միւսը երթնելում և իմ կարդացածները լսում էր: Երբ ես սխալում էի, նա անմիջապէս կանգ էր առնում և ասում.

– Չեղաւ: Նորից կրկնի՛ր:

Մինչև վերջն էլ ինձ գաղտնիք մնաց, թէ այդ կոյր վիճակում ինչպէ՞ս էր յաջողել իմանալ այն բոլորը, որին նա անթերի տիրապետում էր:

Գուցէ զարմանալի թի, եթէ ես յայտնեմ, որ նա իր դասաւանդած բաժանմունքներում, բոլոր ուսանողներին ճանաչում էր անուն-ազգանուններով և նրանցից ամէն մէկի դպրոցական ընդունակութիւնը և ընդհանրապէս նկարագիրը իմանում էր: Դասարաններում եղած ուսանողների պարապմունքների, նրանց արտադպրոց ժամանցների և մասնաւոր ու ընտանեկան պարագաների մասին նա աւելի տե-

<sup>1</sup> Համբարձում Երամեանը ծնվել է Վանում 1857 թ.: 11 տարեկան հասակում կուրացել է ծաղիկ հիվանդութիւնից: 1874 թ-ից դասավանդել է Վանի երկու վարժարաններում, իսկ 1882 թ. հիմնել է Երամեան վարժարանը, որը գործել է մինչև 1915 թ.: 1914 թ. դպրոցի նյութականը բարելավելու ակնկալիքով մեկնել է Եգիպտոս և այլևս հայրենիք վերադառնալ չի կարողացել: Տեսուչի պաշտոն է վարել Պորտ-Սաիդումի «Միսվան», ապա Ալեքսանդրիայի «Պողոսյան» վարժարաններում: Հեղինակել է բազմաթիվ հոդվածներ: Իր մահվան տարում՝ 1929 թ., Ալեքսանդրիայում լույս է տեսել Հ. Երամեանի «Հուշարձան Վասպուրականի» երկհատոր ծավալուն աշխատութիւնը:



**Համբարձում Երամյան**

ղեկութիւններ ունէր, քան նոյնիսկ նրանց դասարանակից ընկերները:

Հ. Երամեանի դասաւանդումները, չ'նայած նրանց պատմական չոր բնոյթին, այնքան հետաքրքրական էին, որ նրան ունկնդրող աշակերտները լարած ուշադրութեամբ հետևում էին նրան, և եթէ մէկ-մէկ գտնուում էին այնպիսիներ, որոնց շատ չէր հետաքրքրում նրա դասաւանդումները, չէին համարձակուում ծպտում հանել, որովհետև իսկոյն ևեթ կռահուում էր խանգարողի ով լինելն ու անվրդով նրան կարգի էր հրախորում:

Գասաւանդումներից յետոյ համարեայ միշտ հարցնում էր.

– Եթէ ձեզնից որևէ մէկի համար անհասկանալի կէտեր կան, կարող եմ հարցնել:

Հ. Երամեանն իսկական հայրենասէր էր: Հայոց պատմութեան դասաւանդումները կատարում էր բացառիկ եռանդով ու ոգևորութեամբ: Դէպքերի և իրողութիւնների նկարագրութիւնից յետոյ անալիզներ էր անում և եզրակացութիւն հանում: Նրա ազնիւ հոգին ալեկոծող ամենակարևոր պարագան հայ ժողովրդի անմիաբան և պառակտիչ թերութիւններն էին:

– Եթէ մեր ժողովուրդը, մեր ազգը, յաճախ կրկնում էր նա, – պառակտիչ և անմիաբան նկարագիր ունեցած չը լինէր, մենք ներկայիս աշխարհումս եղած առաջնակարգ ու մեծ ազգերից մէկը կը լի-

նէինք: Ճիշտ է, մեր աշխարհագրական, քաղաքական և նոյնիսկ կրօնական պայմանները շատ աննպաստ են եղել և դժբախտութիւն ունեցել ենք մեծ ազգերի մրցակցութեան, ագահութեան և եսասիրութեան զոհը դառնալու, բայց մենք շատ աւելի բախտաւոր և ուժեղ կը լինէինք, եթէ ինքներս ծայրահեղ եսականութեան և քայքայիչ անմիաբանութեան հիւանդութեամբ հիւծւած չը լինէինք: Այդ հիմնական, բայց աւերիչ թերութիւնները մեր ժողովրդին արիւնաքամ են արել: Մեր ներկայ քաղաքական անմիաբար և դժբախտ վիճակի պատասխանատուութեան մի կարևոր բաժինը մեր ժողովուրդը ղեկավարող մարդկանց ուսերին է ծանրացած: Մեր ազգային եսականութիւնն ու անմիաբարութիւնը մեր հոգու աչքերը կուրացրել են, և մենք ի վիճակի չենք եղել և նոյնիսկ ներկայիս էլ անկարող ենք քաղաքական համաշխարհային իրողութիւնները ճշգրտօրէն հասկնալ և անաչառ գնահատել: Մեր ժողովրդի ճակատագիրը դարբնող քաղաքական կազմկերպութիւնները, իրենց վիպային, ռոմանտիկ եսականութեան և հասկացողութեան մոլուցքով բռնւած, դժբախտաբար, ի վիճակի չեն իրողութիւններն ու քաղաքական դրութիւնն ու դասաւորումները ճշգրտօրէն դատելու և իրենց ազգի համար հանրօգուտ մի ընդհանուր եզրակացութեան և դրական արդիւնքի հանգելու փրկարար ելքը որոշելու: Երանի չէր լինի, որ մենք մեր ազգի գերագոյն և ընդհանրական շահերը ճշգրտօրէն կարողանայինք գնահատել և մեր թայֆայական շահերին չը զոհաբերել:

\*\*\*

Համբարձում Երամեանը ճիշտ ժամանակին մարգարէացող փիլիսոփայ էր: Ելնելով 95-96 թականների յեղափոխական ելոյթների անյաջող և դժբախտ վերջաւորութիւնից՝ նախագուշակում էր մեր տաճկահայ ժողովրդի արիւնոտ ապագան և ամբողջ հոգով այրում և մրկւում էր գալիք փորձանքի սուսկումով:

Նա կատարելապէս ճիշտ էր գնահատում իրականութիւնը: Նա դառնագին ափսոսում էր, որ մեր յեղափոխական, քաղաքական կուսակցութիւնների չը համադրող, իրարարամերժ, եսական, ինքնագոհ ու անհեռատես վարքագծի ու գործելակերպի անդարմանելի սխալների հետևանքով թիրքական ոճրագործ սպանդանոցը պիտի քշէր տաճկահայ մէկուկէս միլիոննոց անպաշտպան ժողովուրդը և նամարդ դահիճների սիւններով, կացիներով ու գնդակներով խողխողման և ոչնչացման ենթարկւել:

Իր դպրոցի յարատևման և բարգաւաճման յախումն տենչանքով՝ Երամեանը նախքան Համաշխարհային առաջին պատերազմի սկսւելն ու ինքնապաշտպանութեան ճակատագրական օրերին

հանդիպելը՝ Եգիպտոս մեկնեց՝ յոյս ունենալով արտասահմանեան հարուստների և մասնատրապէս Հայկ. Ընդհ. Բարեգործական Միութեան օժանդակութիւնն ապահովել:

Իր գորգուրած դպրոցից, նրանում հոգով ու մտքով սնող հազարից աւելի աշակերտ-ուսանողներից, իր սիրած ուսուցչական կազմից և թանկագին բազմաթիւ հայրենակիցներից, այդպէս դաստորւած նրա հեռացումը թերևս մի տեսակ բախտատրութիւն էր, քանի որ նրան խնայեց այն արտակարգ վիշտն ու տանջանքը, որին ներկայ լինելով՝ նա չ'պիտի կարողանար տոկալ և, անկասկած, կաթածահար պիտի լինէր: Դա սարսափելի և կոշմարի այն սև օրերն էին, երբ իր արի հայրենակիցները մի հերոսական ինքնապաշտպանութիւնից յետոյ, ստիպւած էին թողնել իրենց դարասոր, սիրելի ու անմահ հայրենիքը, տունն ու օջախը, ծառն ու ծաղիկը, հողն ու ջուրը և վայրագօրէն պարտադրւած նահանջ-փախուստի դիմել...

**ԴՊՐՈՑՆԵՐ ԵՒ ՀԱՍԱՐԱԿԱԿԱՆ ՈՒՔԱՂԱՔԱԿԱՆ ԿԱԶՄԱԿԵՐՊՈՒԹԻՒՆՆԵՐ**

Վանի գլխաւոր թաղամասերն ունէին իրենց եկեղեցիներն ու նրանց կից վեցամեայ նախակրթարանները: Վանում Ազգային կենտրոնական միջնակարգ դպրոցը, ինչպէս նաև պատերազմից մի քանի տարի առաջ Հայկ. Ընդհ. Բարեգործական Ընկերութեան հիմնած Վարժապետանոց<sup>2</sup> կոչւած միջնակարգ դպրոցը, Երամեան դպրոցի հետ մրցակցութեան դերումն էին: Կենտրոնական և մասնատրաքար Բարեգործական Ընկերութեան Վարժապետանոցը Երամեան դպրոցի համեմատութեամբ տնտեսական աւելի բարուք և ապահովւած պայմաններում էին, բայց Երամեանը լայն ժողովրդականութիւն էր վայելում:

Կրթական ասպարեզում դպրոցը ամեն կողմից շաշող փոթորկալից քամիների դէմ առ դէմ անխորտակելի լեռան նման անսասան մնաց: Նա մինչև վերջը կարողացաւ պահել իր կրթական բարձր մակարդակը և իրեն քաշել ուսման ծարաւ երիտասարդութեան լաւագոյն մեծամասնութեանը:

Գոյութիւն ունէին նաև բողոքականների, կաթոլիկների և գերմանացիների միախոնարական վեցամեայ դպրոցները: Վանեցի յառաջադէմ կանանց



*Երամեան վարժարանը*

անհատական և հաւաքական ջանքերով հիմնւած էին աղջկաց դպրոցներ և կանանց կուլտուրական և հասարակական միութիւններ: Հրատարակուած էին «Աշխատանք»<sup>3</sup> և «Վան-Տոսպ»<sup>4</sup> ամսուներով շաբաթաթերթերը: Խմորատիպով տպագրուած և տարածուած էին Վանի երիտասարդ ուսանողական միութիւնների թերթերը: 1906 թին Դաւիթ Փափագեանի նախաձեռնութեամբ և խմբագրութեամբ հրատարակեց նաև թիւրքերէն լեզուով ժելատինատիպ «Մապահ-օլ-խայր» («Բարի լոյս») թերթը, որ նոյնիսկ թիւրք գիւնտրականներից, որոնք հայատեաց պետական քաղաքականութեան հակառակ էին, գնահատեց և աշխատակցեց:

Վանեցի կանանց դաստիարակութեան և զարգացման ասպարեզում, յեղափոխական անձնէր գործիչ Եղիշէ Գօտակչեանի<sup>5</sup> կիներ՝ Եղիսաբէթ Գօտակչեանը<sup>6</sup>, չափազանց գնահատելի դեր կատարեց: Նա իր երկու քոյրերի գործակցութեամբ հիմնեց Վանի (Այգեստանի) աղջիկների յայտնի դպրոցը: Այդ երեք քոյրերը վանեցի կանանց զարթօնքի և յառաջադիմութեան գործում ի յայտ բերին անձնուրաց և անմոռանալի գործունէութիւն:

3 «Աշխատանք» գրական, քաղաքական, տնտեսական շաբաթաթերթը (ապա եռօրյա) Էշխանի (Միքայելյան), ապա Արմենակ Մաքսապետյանի, Հմայակ Մանուկյանի տնօրեն-խմբագրութեամբ լոյս է տեսել 1910-1915 թթ. Բարսեղյանի տպարանում:

4 «Վան-Տոսպ» գրական, գիտական, կրոնական պարբերաթերթը (սկզբում կիսամյա, 1912-ից՝ շաբաթաթերթ) Հ. Ավագյանի, Ն. Հակոբյանի տնօրեն-խմբագրութեամբ լոյս է տեսել 1911-1914 թթ. Ժամկոչյանի, ապա Հովնանյանի տպարանում:

5 Եղիշէ Գողակչեան. ծնվել է 1852 թ.: 1880-ական թթ. կեսերին Հ. Կուլոլյանի հետ ուսուցչական գործունէություն է ծավալել Տարոնի և Բաղէշի շրջաններում: Վերադառնալով Վան՝ լծվել է հեղափոխական աշխատանքի արմենական դրոշի ներքո: Մ. Ավետիսյանի սպանությունից Գողակչեանը ստանձնում է Վանի արմենականների ղեկավարությունը: Վախճանվել է 1897 թ. թոքախտից:

6 Եղիսաբէթ Գողակչեանը (նաև՝ Գոնտակչեան, ծնվ. մտա 1870 թ.) Վանեցի ազգային-քաղաքական հայտնի գործիչ Եղիշէ Գողակչեանի (վախճ. 1897 թ.) կինը, իր երկու քոյրերի՝ Մարինայի և Անիկի աջակցութեամբ Վանում հիմնել էր Աղջկանց մասնավոր դպրոց: 1930-ին տիկին Եղիսաբէթն ու քոյրերը դեռևս ողջ էին:

2 Մ. Փոքրուգայանի ջանքերով Վանի «Վարժապետանոց»-ը հիմնվել է 1879 թ.: 1881-ին նույն հաստատությունը Փոքրուգայանի գլխավորութեամբ ու գրեթէ միանձնյա ջանքերով վերափոխվել է Ազգային կենտրոնական վարժարանի ու գործել մինչև 1885 թ.: Վանի Համիդ փաշայի կարգադրութեամբ փակվելը: Երամեան վարժարանը հիմնադրել է վանեցի Համբարձում Երամեանը 1882 թ.: Հաստատությունը գործել է մինչև 1915 թ.:

Վարազայ վանքի Ժառանգաւորաց<sup>7</sup> դպրոցը, յեղավորական հռչակաւոր գործիչ Փորթուգալեանի Վարժապետանոցը, Երամեան և Կենտրոնական միջնակարգ դպրոցները և բազմաթիւ ու զանազան տիպի դպրոցները մի քանի տասնեակ դարերի ընթացքին շարունակ Վասպուրականի հայ ազգաբնակչութեան ընծայել էին հայրենասէր և գիտակից ուսումնաւարտների մի փարոսանման հոյլ, մի փառանք, որոնք անձնփոքար կերտեցին վասպուրականցիների պանծալի զարթօնքը:

\*\*\*

Վասպուրականի զարթօնքի նախաշեփորը հնչեցնողն եղաւ Այգեստանի հայ ժողովրդի ծոցից ծնունդ առած նրա հարազատ և անգուգական մեծ հայրենասէր Խրիմեան Հայրիկը<sup>8</sup>: Հայ ժողովրդի սրտի ու մտքի նփրական ուխտատեղին հանդիսացող՝ բնական գեղեցկութիւններով շքազարդած, Վարազայ վանքի լեռնակատարին թառած՝ համայն հայ ժողովրդի Հայրիկը, իր Արծաբերդից իր խնքագրած թերթի միջոցով հայ ժողովրդին, ի խնդիր այդ ազատագրական զարթօնքի, անխոնջ փողհարում էր:



*Ամենայն Հայոց կաթողիկոս Սկրտիչ Ա (Խրիմյան Հայրիկ)*

7 Ժառանգավորաց դպրոցը հիմնվել է 1857 թ. Վարազ վանքում, վանահայր Խրիմյան Հայրիկի և տիկ. Եղիաբեթ Գոռակչյանի ջանքերով: 1862 թ. դպրոցը տվել է առաջին շրջանավարտները: Ավերվել և թալանվել է 1896 թ.: Հետագայում վերաբացվել է և գործել մինչև 1915 թ.:

8 **Խրիմյան Հայրիկը** ծնվել է 1820 թ.: Հասարակական, ազգային-քաղաքական, հոգևոր-մշակութային գործիչ, գրող: Սովորել է Վասպուրականի Լիմ և Կոտուց անապատների դպրոցներում: 1842 թ. հաստատվել է Կ. Պոլսում: 1847 թ. ճանապարհորդել է Պարսկաստանում և Այսրկովկասում, այցելել է Երուսաղեմ: 1848-1850 թթ. դասավանդել է Կ. Պոլսի Խասաջուղ թաղամասի դպրոցում: 1851 թ. ուսումնասիրություններ է կատարել Կիլիկիայում: 1854 թ. ձեռնադրվել է վարդապետ: 1855 թ. Կ. Պոլսում հիմնադրել է «Արծալի Վասպուրական» պարբերականը (հրատարակվել է 1855-1856 թթ.): 1856-ին ստանձնել է Վարազ վանքի վանահայրության պաշտոնը: 1857 թ. հիմնադրել է տեղի Ժառանգավորաց գիշերօթիկ վարժարանը, իսկ 1858 թ. Վարազ վանքում վերսկսել է «Արծալի Վասպուրականի» պարբերականի տպագրությունը (յույս է ընծայվել մինչև 1864 թ.): 1862 թ. ստանձնել է նաև Տարոնի հոգևոր առաջնորդի և Սբ. Կարապետի վանահայրության պաշտոնը և Գ. Սրվանձտյանցի տնօրինության ներքո հիմնադրել Ժառանգավորաց նոր վարժարան ու նաև «Արծալի Տարօնոյ» երկշաբաթաբերքը: 1868 թ. Էջմիածնում օծվել է եպիսկոպոս: 1869-1873 թթ. եղել է Կ. Պոլսի պատրիարք: 1878 թ. Բեռլինի կոնգրեսում ներկայացրել է հայկական պատվիրակությունը: 1879 թ. ընտրվել է Վանի հոգևոր առաջնորդ: 1880 թ. Վանում հիմնել է երկրագործական ուսումնարան: 1890-ին թուրքական կառավարությունը ուխտ ուղարկելու անվան տակ Խ. Հայրիկին արքայել է Երուսաղեմ: 1892 թ. ընտրվել է Ամենայն Հայոց Կաթողիկոս: 1895 թ. մեկնել է Պետերբուրգ և Նիկոլայ Բ ցարից հայցել նրա պաշտպանությունը Արևմտյան Հայաստանում խոստացված բարենորոգումների համար: Պայքարել է Հայ եկեղեցու կալվածների բռնագրավման ցարական կառավարության որոշման դեմ և թեմական հոգևոր իշխանություններին կոչ արել չեմբարկվել այդ որոշմանը: Վախճանվել է 1907 թ. Վաղարշապատում:

Հայ ժողովրդի արեան ծարաւի Սուլթան Համիդը խելահեղօրէն գրգռում էր տաճիկ բաշիբօզուկ ընչաքաղց մասսաներին և մանաւանդ աւազակ ու թալանչի քրտերին սպանել, բռնաբարել և կողոպտել հայ աշխատասէր և խաղաղ ազգաբնակչութիւնը թէ՛ քաղաքներում և թէ՛ գիւղերում ու աւաններում: 1880-ական թականներից սկսած՝ հայաբնակ կենտրոններում շարունակ հետապնդում էր այդ անպատկառ և շնական քաղաքականութիւնը: Քիւրտ աւազակապետ Մուսա-Բէկի կողմից Մուշի շրջանում առևանգւած հայուհի Գիւլիգարի սկանդալը մէկ մմուշն էր ուրիշ բազմաթիւ նմանների:

Համիդեան այդ դիւային պրօվակացիան Վասպուրականի հայութիւնը դրեց մահու և կենաց ճգնաժամային երկընտրանքի հարկադրութեան ներքև: Կան ասպրել ստրկօրէն, հլու հնազանդ և աստիճանաբար արիւնաքամ լինել, կան քայլել պատուաւոր մահուան փոթորկալից ճանապարհով:

Չեմզիզ Խանի և մօնղոլ բարբարոսների հարազատ ժառանգորդների՝ տաճիկների արիւնախում և անխիղճ իշխանութեան տակ տարիների ընթացքին ստրկացած հայութիւնը չկարողացաւ այլևս տոկալ, համբերել: Նա հերոսական ընդվզումով ձգտեց փշրել, կործանել ստրկութեան անտանելի դարձած շղթաները:

70-80-ական թերին վերագրվող Վասպուրականի երիտասարդության երակներում իր հերոս նախնիքների ռազմական և զինտրական քաջագործությունների և խոյանքների արիւնն ու ալիւնը եռալ սկսեց:

Վասպուրականի սրտում՝ Այգեստանում, և լեռնային ու անառիկ շրջաններում, ինչպէս Շատախ, Փեսանդաշտ, Մոկս, Կարճկան, և նոյնիսկ դաշտային Թիմարում սկսում էր զինական դիմադրությունը թիրք և քիւրտ ստրկացման ու բռնակալութեան դէմ:

Այդ դիմադրութեան զարթօնքի զիտակցական անխորտակելի ահագանգը հնչեցրել էր «Սև Խաչ»<sup>9</sup> անունով գործել սկսող ընդատակեայ կազմակերպությունը: Ապա, իրար յետևից հրապարակ էին իջել Արմենական<sup>10</sup>, Հնչակեան<sup>11</sup>, Ռամկավար<sup>12</sup> և Դաշնակցական<sup>13</sup> քաղաքական կազմակերպությունները:

\*\*\*

1895-96 թականներին հայակեր Մուլքան Համիդը ծրագրեց հայ աշխատասէր, կենսունակ, շինարար, տնտեսապէս բարգաւաճ ժողովրդի կոտորածները: Թիրք ընչաքաղց բաշխօգուկ ամբոխին և քիւրտ թալանչի առագակապետներին «անպաշտօն» և գաղտնի ձևով կարգադրեց կոտորել և թալանել բարեկեցիկ և քաղաքականօրէն «վտանգաւոր հայ բազմութիւններին»: Անատոլի մէկ ծայրից մինչև միւսը, մանաւանդ հայ ազգաբնակչութեամբ բնակած և նրա հնամենայ հայրենիք հանդիսացող և տաճիկ բարբարոսների կողմից բռնագրաւած հայկական նահանգներում, կոտորեցին քառորդ միլիոնից աւելի երիտասարդ, կենսունակ և սպազայի երջանկութեան սպասումներով և յոյսերով տոգորվող հայ լաւագոյն ընտրանուն և կրթական տաճարներում մտովին սնւած յառաջապահ մարտիկներին:

9 «Սև Խաչ» ազգային-ազատագրական գաղտնի կազմակերպությունը հիմնադրվել է 1880-ական թթ. Խրիմյան Հայրիկի գործուն մասնակցությամբ և ջանքերով:

10 Արմենական ազգային-ազատագրական կուսակցությունը հիմնադրվել է Վանում 1885 թ. Մ. Փորթուգալյանի և նրա «Արմենիա» (Մարսել) թերթի (այստեղից էլ կուսակցության անվանումը) գաղափարակիցների ջանքերով:

11 Մոզիալ-դիմոկրատ հնչակյան կուսակցությունը հիմնվել է Ժնևում 1887 թ.: Կուսակցության ծրագիրն էր թուրքական լծից ազատագրել Արևմտյան Հայաստանը և միավորելով հայկական հողերը՝ վերականգնել հայկական պետությունը:

12 Ռամկավար ազատական կուսակցությունը հիմնվել է 1921 թ. Կ. Պոլսում:

13 Հայ հեղափոխական դաշնակցություն կուսակցությունը հիմնվել է Թիֆլիսում 1890 թ.: Կուսակցության նպատակն էր զինյալ պայքարի ճանապարհով ազատագրել Արևմտյան Հայաստանը և ստեղծել Ազատ, Անկախ և Միացյալ Հայաստան:

Վասպուրականում, Այգեստանում, սակայն, անմահ հերոսներ Սկրտիչ Աւետիսեանը, Մարտիկն ու Պետօն, քաջարի 800 երիտասարդների հետ, իրենց հայկական ազնիւ արիւնը թշնամուն քանկ ծախսեցին: Ութնօրեայ կարճատև, բայց դիւցազնական ինքնապաշտպանութեամբ Ս. Համիդի կառավարութեան ցոյց տւին հայ ժողովրդի արդար ընդվզումի և բողոքող դիմադրութեան սքանչելի ոգին:

Տաճկահայ ժողովրդի, նրա հերոս և մարտնչող զանգաւածների դժբախտութիւնն ամէն տեղ և ամէն ժամանակ կայացել է նրանում, որ նրանք իրենց դիմադրական արդարացի և ազնիւ պայքարում միշտ մենակ և անպաշտպան են մնացել: Բացի այդ՝ գոյութիւն է ունեցել ամենաստակալին և ամենալրբեմին: Ինչպէս 1915-1916-ի Թալէթ-Էնվերական հայաջինջ ահռելի կոտորածները թելադրող ու հովանաւորողներն եղան գերմանացի հայատեսացները, այնպէս էլ Վասպուրականի 1896 Համիդիեան հայասպան կոտորածների անպատկառ հրահանգիչներն ու հովանաւորողները եղան անգլիական «բարեգութ» կայսրութեան Վիլյամի նման թրքամոլ և հայատեսաց ներկայացուցիչներն ու ազենտները: Այս անպատկառ Վիլյամը հայ քաջարի և անձնուրաց մարտիկների դիմադրական կռիւ ձախողման ու պաշարման գործում իր դաւաճանական պլանն ու ծրագիրը համիդեան ջարդարարներին յանձնեց:

Իրենցից հազարաւոր անգամ աւելի ուժեղ թիրք և քիւրտ ռմակներին և նրանց միացած կառավարական կանոնաւոր զօրքին և թնդանօթներին հայ ժողովրդի ազատագրման համար մարտնչող Աւետիսեանը, Մարտիկն ու Պետօն իրենց քաջարի զինակիցների հետ, թուվ մօտաւորապէս 800 հոգի, դիմադրել չկարողանալով, ճարահատ լքեցին դիրքերն ու գիշերւայ մութից օգտւելով դուրս եկան դէպի Պարսկաստան գնալու և ժամանակաւորապէս այնտեղ սպաստանելու: Բայց կատաղի թշնամին նրանց կրնկակոխ հետապնդեց և համարեայ բոլորին Բազի-Դազի, Գարահիսարի լեռներում և Ս. Բարդուղիմէոսի վանքի շրջակայքում անխնայ կոտորեց:

Ս. Համիդի ջարդարար վայրագութիւնները բազմապատկուեցին: Արդարացման «անուրանալի և համոզիչ» փաստ էր հայ-գեաւորների ըմբոստութիւնն ու դիմադրութիւնը: Վայրագ թշնամու սպանիչ թոյնը առատօրէն թափեց Վանի Այգեստանի անգլէն ու անպաշտպան ազգաբնակչութեան գլխին: Օրերով կոտորեցին, թալանեցին հազարաւորների և այրեցին ու մոխրի վերածեցին նրանց շէն տները: Մուգը համատարած ու անվերջ էր: Ամենուրեք լացում ու ողբում էին իրենց հարազատների՝ իրենց երիտասարդ զաւակների, հայրերի, մայրերի, քոյրերի, եղբայրների և բէմուրագ մնացած նշանածների համար:

Երկար տարիներ էին պետք այս անմարդկային խողխողումների թարմ և արիւնածոր վերքերը գոնէ սպիացնելու և վանդալական հրկիզումների ու քարուքանդումների մոխիրն ու փոշին մաքրելու համար...:

Վրէժը կրծքի վանդակում բանտարկած՝ վասպուրականցին այս սարսափելի աւերածութիւններից յետոյ նորից տոկալ, նորից ապրել էր ուզում...

### ԵՐԿՈՒ ԿԱՐԵՒՈՐ ԴԷՊՔ 1908 ԹԻԻՆ

Վասպուրականի հայութեան 1895-96 թականների կրած աղետալի կորուստների հարածը չափազանց ծանր էր: Տասնեակ տարիներ էին պետք այդ հարածի չարաղէտ հետևանքներից սթափելու և վերակենդանանալու համար: Արտակարգ ներուժ, բացառիկ կենսունակութիւն և անվիատ կամք էր պետք: Աշխատունակութեամբ և յամառ, չարքաշ ստեղծագործութեամբ հռչակ շահած վանեցուն այս անգամ էլ այդ արտակարգ և անխորտակելի կամքն ու վճռականութիւնը չը պակսեց: Արեան և մոխիրների միջից նոր կեանքի, նոր ստեղծագործութեան ծիւերն արագօրէն աճեցին, ուռճացան և հասակ նետեցին:

Ստեղծագործ և շինարար աշխատանքի հետ համընթաց՝ վասպուրականցի երիտասարդութիւնը նւիրեց վերագարթումի մշակութային ասպարէզին: Կուլտուրական կեանքը նոր, արտակարգ թափ ստացաւ: Բացուեցին մշակութային տներ, գրադարան-ընթերցարաններ, և կազմեցին աշակերտ-ուսանողական միութիւններ: Հրատարակեցին թերթեր և խմորատիպ թերթիկներ: Իրար յաջորդում էին ներկայացումներ, դասախօսութիւններ, հրապարակային միթիւններ, կուսակցական և կուլտուրական հաւաքոյթներ և ժողովներ:

Այս ընդհանուր ոգևորութեան և միասնական վերագարթման ընթացքին հայ յեղափոխական և քաղաքական կուսակցութիւններն էլ եռուն գործունէութեան և ընդյատակեայ պատրաստութիւններ էին ձեռնարկել:

Դժբախտաբար, ինչպէս դարեր շարունակ և ինչպէս միշտ, այս անգամ էլ նրանք վարում էին անհամադիր, իրարամերժ և նոյնիսկ թշնամական գործունէութիւն:

Չէին ցանկանում համագործակցութեան մի ընդհանուր լեզու գտնել և նոյնիսկ իրար վարկաբեկելուց չէին խուսափում: Միջկուսակցական պայքարը յաճախ հասնում էր ծայրահեղութիւնների գագաթնակէտին:

Վշտի և դառնութեան զգացումով՝ սոխլայած եմ յայտնել, որ այդ իրարամերժ ուղեգիծը բացի այն, որ միջկուսակցական բնոյթ ունէր, այլև, դժբախտաբար, ներկուսակցական աղէտ էր դարձել:



*Տաճատ Թերլեմեզյան*

Առանձին, առանձին վերցրած, ամէն մէկ կուսակցութեան ներսումն էլ անմխաբանութեան, իրարամերժումի, անհատականութեան, թունաւոր եսականութեան սպանիչ որդը կրծում էր միևնոյն կուսակցութեան և աշխարհայացութեան պատկանող կուսակցականների սիրտը: Այլապէս ինչո՞վ բացատրել դաշնակցական նախկին նւիրած զինուորի և հայդուկի դաւաճանութիւնը, որը, ընդհանրական շահը անհատական եսին ու կրքին զոհելով, անչափ և անսահման թանկ նստեց նախ կուսակցութեան և ապայ հայ ազգաբնակչութեանը:

Բացատրենք իրողութիւնը: 1908 թի առաջին ամսում դաշնակցական ընդհատակեայ գործունէութեան նւիրած կուսակցականների միջև ինչ որ աղջկայ սիրահարման խնդրում տարակարծութիւն և մրցակցութիւն է յառաջանում: Պարտուած կողմը, այս պարագայում, Դեկրցի Դաւօն, վրէժխնդրութեան թոյնով լցում և սիրային իր զգացումները խոշտանգուած ու ոտնատակուած համարելով, սրտում կուտակուած թոյնը թափելու և վրիժառու լինելու համարը դաւաճանութեան է դիմում և թիրք կառավարութեան մատնում է տարիների քրտնաջան և տաժանակիր աշխատանքով և հազարաւոր զոհաբերութեան գնով արտասահմանից փոխադրած և թաքցուած զենքերի պահեստների տեղերը:

Դաւաճան Դաւօն 1908 թի մարտին իր դաւաճանութեան արժանի պատիժն ստացաւ: Տաճատ

Թերլենեզյանը<sup>14</sup>, այդ 18 տարեկաննոց վանեցի աննման հերոսը, իր զոյգ ատրճանակներից արձակած մահացու գնդակներով թիրք ոստիկանապետի և նրա զինամ զահակների աչքերի առաջ, գետին փռեց և շանաստակ արեց Դաուդին:

Բայց, դժբախտաբար, հազարատրոնների կեանքի փրկության համար աննկարագրելի նեղություններով ամբարած զենքերը թաքստոցներից հանել և գրաւել էին և Դաուդի տեռօրից անմիջապէս յետոյ, նոյն օրն իսկ, Քաղաքամիջից Այգեստան վերադարձող շուրջ 150 հայերին ճանապարհի վրայ կացնահար և քարկոծ անելով սպանեցին<sup>15</sup>:

\*\*\*

1908 թի յուլիսին, Օսմանեան Սահմանադրութիւնը հռչակած էր: Հայակեր և արիւնաներկ Սուլթան Համիդը գահընկեց էր եղել: Տաճկաստանում ապրող և հայկական մահանգներում եղող հայ ժողովրդի հետ միասին Վասպուրականի հայութիւնն էլ ցնծում էր: Ամենուրեք ուրախութեան և հրճանքի ելոյթներ, միթինկներ և ցոյցեր էին կատարում և լիաթոք «կեցցե»-ներ էին բղաւում:

Թուրք նոր կառավարութեան պետերն ամբողջ երկրի զանազան լեզու ու կրօնի պատկանող ազգութիւնների հաւասարութեան, եղբայրութեան և արդարադատութեան նշանաբաններ էին արձակել: Օսմանեան Կայսրութեան դարերի ընթացքին վարած խտրական և հայալած քաղաքականութեան վերջնակետն էր յայտարարած: Վասպուրականցին յոյս էր սնուցանում և նոյնիսկ համոզած էր, որ այլևս թիրք անպատասխանատու բաշիբօզութի, թաւանչի քիւրտի և պաշտօնական օրգանների ու պետական հիմնարկների կողմից որևէ շնական

արարք-թալան, բռնագրաւում, բռնի առևանգում և սպանութեան դէպք չ'պիտի լինէր:

Նա երջանիկ էր այդ յոյսերով և ցանկանում է խաղաղութեան մէջ ապրելով՝ իր բնածին ընդունակութիւնների ազատ օգտագործումով շինարար աշխատանք և կուլտուրական բարգաւաճում կատարել:

Բոլոր քաղաքական յանցարարներին ներում էր շնորհել: Տաճիկ ահռելի բանտի դռները բացել և տարիներով շղթայակապ եղած հայ յեղափոխականներին ազատութիւն էր տրել: Պետական հիմնարկների հետ գործ ունեցող հայերի նկատմամբ վարում էին փափկանկատութեամբ և նոյնիսկ սիւրալիքութեամբ:

Ուրախ և երջանիկ հայ ժողովուրդը, թէ՛ Վանում և թէ՛ շրջաններում բռնապետական վարչաձևի և նրա հետևանք եղող քմահաճ և թշնամական վերաբերմունքի անհետացումը տեսնելով, յոյս ունէր սրանից յետոյ թիրքի հետ բարեկամ և հարազատ մնալու և Օսմանեան նոր հայրենիքի համար հաւատարիմ և օրինապահ քաղաքացի դառնալու:

Շա՛տ, չափազանց շա՛տ ափսոս, որ այդ բոլոր յոյսերը գեղեցիկ ու քաղցր երազներ էին միայն: Հասարակական Սուլթան Համիդի պատմութեան լիովին ժառանգութիւն էր հասել երկրի նոր տէրերին՝ Համիդեան հայահալած և հայաջինջ քաղաքականութեան հարազատ ժառանգորդներ հանդիսացող Թալէաթ-էնվերներին:

## ԿԵԱՆՔԻ ԱՍՊԱՐԷԶՈՒՄ

1914 թի գարնանը Երամեան դպրոց աւարտելու մի քանի ամիս էր մնում: Վանի թիրք մահանգապետը՝ հայատեաց Ջևդէտը<sup>16</sup> երկոյթապէս Վանի հայերին սիրաշահելու համար մեր ընդհանուր տեսչին՝ Համբարձում Երամեանին, նախքան նրա Եգիպտոս մեկնելը խոստացել էր ուսումնական յառաջիկայ տարւայ համար այդ տարում Երամեան դպրոցն աւարտողներից երկու հոգու (առաջին և երկրորդին) պետութեան հաշիւն մայրաքաղաք՝ Կ. Պոլիս ուղարկել՝ պետական համալսարանում բարձրագոյն ուսում ստանալու համար:

Հ. Երամեանը մեկնելուց առաջ իր տեղապահին՝ Մարտիրոս Նալբանդեանին, կարգադրել էր ինձի, որպէս տարիների ընթացքում առաջնութիւն շահող աշակերտի, ներկայացնել կուսակալին: Կարգադրութիւնը կատարեց, բայց Ջևդէտը թրքական կեղծաւորութեամբ ցաւ յայտնեց, որ համաշխարհային պատերազմ սկսած լինելու պատճառով մեր Պոլիս մեկնումը յետաձգել է:

Մի ամիս յետոյ պարզեց յետաձգման իսկական պատճառը: Կուսակալի մօտ ինձ ներկայացրել էին

14 **Տաճատ Թերլենեզյանը** ծնվել է 1890 թ.: Ուսանել է Կենտրոնական դպրոցում: Անդամագրվել է ՀՀԿ կուսակցությանը: 1908 թ. մարտի 10-ին ոստիկանապետ Մեհմետ բեյի տան առջև հեծյալ ոստիկանների աչքի առաջ արձակած մի քանի գնդակներով սպանում է դավաճան Դավոյին ու կարողանում անվնաս փախչել: Թուրքերը հենց նույն ժամին Դավոյի վրեժը լուծում են Վանի շուկայից Այգեստան վերադարձող շուրջ 120 անմեղ հայերի՝ կացիններով ու սառը զենքերով սպանելով: Նույն թվին Արամի խմբի հետ ձերբակալվում է նաև Տաճատ Թերլենեզյանը, սակայն սահմանադրության հռչակումից հետո ազատվում է բանտից ու անցնում արտասահման: Մինչև 1914 թ. աշունը Տ. Թերլենեզյանը մնում է Ամերիկայում և Կովկաս վերադառնում որպէս կամավոր, ապա լծվում կուսակցական աշխատանքի: Վանեցիների 2-րդ գաղթի ժամանակ անցնում է Պարսկաստան, Միջագետք: Ջիմադարից հետո գալիս է Հայաստան, 1920-ական թթ. կրկին անցնում Ամերիկա, ուր և բնակվում էր տակավին 1930 թ.:

15 Թուրքերը Դավոյի վրեժը լուծում են նույն օրը, կացիններով ու սառը զենքերով սպանելով Վանի շուկայից Այգեստան վերադարձող անմեղ հայերին (ըստ Հ. Աճեմյանի սպանվում է ոչ թե 150, այլ շուրջ 120 հայ. տես «Վասպուրական», Վենետիկ, 1930, էջ 281):

16 Ջևդէթ բեյը Վանի վալիի պաշտոնում հաջորդել էր Թահսիմ բեյին:



որպէս անբարեյոյս և հակապետական տարր: Ինձ հետ տուժեց նաև իմ դասարանակից ընկերը՝ Կոնկեց Վահէն:

Մ. Նալբանդեանն իմ իրաւացի վրդովմունքը մեղմելու նպատակով և հաւանաբար Հ. Երամեանի կարգադրութիւնը կատարելու համար արարտական քննութիւնից անմիջապէս յետոյ ինձ նշանակեց Երամեան դպրոցի ուսուցիչ:

Պաշտօնիս նշանակման նոյն օրն իսկ նա ինձ հետ առանձնացաւ տեսչարանում և ասաց.

– Միրելիս, կարիք չկայ քեզ յայտնելու, որ մեր բոլորիս համար յարգելի պ. Երամեանը քեզ շատ գնահատում և սիրում է: Յոյս ունեմ, որ քու համալսարանական թեկնածութեան վիժման խնդրում ինձ չես մեղադրելու: Թող անիծի այն շար մարդու ծնունդը, որ թայֆայական ստոր թշնամանքից կուրացած, նահանգապետի մօտ քեզ որպէս անբարեյոյս անձնաւորութիւն է ներկայացրել: Միակ փոխհատուցում, որ կարող էի քեզ համար անել, քեզ քու աւարտած ու սիրած դպրոցում ուսուցիչ կարգելն է: Ես միանգամայն համոզուած եմ, որ Երամեանի վերադարձին նա ի վիճակի կը լինի նահանգապետին նորից համոզել և յառաջիկայ տարին քեզ Պոլսի պետական համալսարանն ուղարկել: Մինչ այդ քեզ բարեկամաբար խորհուրդ եմ տալիս մի քիչ աւելի զգոյշ լինել և կուսակցական հակառակորդներին հետ շատ գլուխգլխի չը դնել:

\*\*\*

Մեպտեմբեր ամսի վերջին՝ իմ ուսուցչական պաշտօնավարութեան առաջին ամսի լրումին, իմ առաջին աշխատավարձը ստացայ: Ինձ վճարեց, ինձ համար անսպասելի մի ռոճիկ՝ մէկ օսմանեան ոսկի և 30 դուրուշ: Չնայած բախտիս անյաջող դասաւորութեանն ու համալսարանի թեկնածութեանս վիժումին՝ այդ օրը շատ ուրախ էի: Չէ՞ որ թևակոխել էի անկախ մարդու ասպարէզն և ստացել էի առաջին աշխատավարձս: Երբ մարդը պատանեկութեան շրջանից թևակոխում է իր երիտասարդական նախասեմը, մի տեսակ անմեղ հպարտութեամբ և երբեմն էլ ինքնահաւանութեամբ է վարակում, որովհետև նրա հոգու խորքում անհատական ինքնասիրութիւնն ուժեղ թափ է վերցնում, մանաւանդ երբ նրան յաջողում է իր համար անկախ կեանք և գործ ստեղծել: Վերջին ժամանակներում, երբ դեռ դպրոց չէի արարտել և իմ հագուստի, գրեմական պիտոյքների և դպրոցիս ամսավճարի համար հօրս նիւթական միջոցներից էի օգտւում, ամօթխածութեան և անհանգստութեան զգացում էի ունենում:

Իմ ստացած առաջին ռոճիկից մէկ ոսկին նոյն օրն իսկ հօրս յանձնեցի: Նա չէր համաձայնում ստանալ, բայց ես նրան թախանձելով ստիպեցի:

– Տղա՛ս, այդ քու առաջին աշխատանքն է: Կարիք չկայ, որ ինձ վճարես: Աւելի լաւ է հագուստներիդ ու կարիքներիդ համար ծախսես: Ջան սաղութիւն էլնի, յետոյ մեզ կօգնես:

– Չէ՛, տէ՛ր հայր (վերջին ժամանակներում մեր հօրն աւելի յարգած լինելու համար քոյրս և ես մեր հօրն իր կարգի կոչումով էինք անանում), ինձ մօտ վճռել էի առաջին ռոճիկը լրիւ ձեզ յանձնել: Լաւ գիտեմ՝ ինչքա՛ն մեծ գոհողութիւններ էք արել մեզ բոլորիս համար: Հիմա հերթը իմս է ձեզ օգնելու համար: Ինձ մօտ դեռ 30 դուրուշ փող է մնում: Այդ էլ Արաքսու հետ կէս կանեմ: Թող ան էլ ուրախանայ իր եղբօր առաջին վաստակով:

Իմ երկրորդ ռոճիկը ստանալուց նրա գումարը մօտաւորապէս վեց հաւասար բաժինների վերածեցի: Երկու մասը նւիրեցի եղբօրս կնոջը, երկուսը նւիրեցի Մարօին և հօրաքրոջս, իսկ վերջին երկու մասն էլ պահեցի ինձ և քրոջս համար: Սկզբում մտածեցի մօրաքրոջս էլ բաժին հանել, բայց փոշմանեցի՝ տրամաբանելով, որ նա իմ նւերի կարիքը չ'ունի:

Չմոռանամ յիշելու, որ հայրս, իմանալով իմ ստացած երկու ամսւայ ռոճիկը բաժանել եմ, և տակու՛մ ինձ համար մի չնչին գումար է մնացել, և դրա համար էլ ի վիճակի չեմ եղել ինձ համար կարգին մի հագուստ պատրաստելու, ինձնից ստացած մէկ ոսկիով շատ լաւ կտորից հագուստ և կօշիկ էր պատիւրել և ինձ նւիրել:

Իրար վրայ վերցրած՝ մեր ընտանիքի նիւթական պայմանները լաւացել էին: Մեր՝ հինգ հոգուց բաղկացած ընտանիքում երեքս աշխատող ձեռք էինք: Հայրս, տեսնելով իմ յամառ և ըմբոստ դիմադրութիւնն և մեր տունը չը վերադառնալու իմ հաստատ որոշումը, ստիպւած էր այդ կնոջը հեռացնել ինձ չկորսնցնելու համար: Իհարկէ, այդ գործում իմ կողմնակիցներն ու պաշտպանները (հօրաքոյրս, մօրաքոյրս, մօրեղբայրս, Մարօն և եղբօրս կինն ու ուրիշները) շատ էին եղել և ճնշող ու վճռական դեր էին խաղացել:

\*\*\*

1914 թի վերջին չորս և 1915 թի առաջին երեք ամիսներում՝ ուսուցչական ասպարէզիս եօթնամսեայ սկզբնաշրջանում, մեր դպրոցի 2-րդ և 3-րդ բաժանմունքներում հայերէն լեզվի դասաւանդումներ էի կատարում: Այստեղ, ի միջի այլոց, ուզում եմ յիշել այն պարագան, որ դպրոց արարտելուց առաջ 8, 9, 10-րդ դասարաններում մեր հայերէնի ուսուցիչ Արմենակ Փոխարեանի մասնաւոր ուշադրութեան և գուցէ համակրութեան էի արժանացել հայերէն լեզվի շարադրութիւններիս համար: Ինձ հետ մեր դասարանումն էր նաև իմ յարգելի հայրենակից Հայկ Աճեմեանը, որի հետ շարադրութեան դասե-

րում ուժեղ մրցութեան մէջ էինք և իրար ձեռքից հայերէն շարադրութեան ամենաբարձր թւանշանը խլում էինք:

Այդ շարադրութիւններում ունեցած իմ յաջողութիւնները պատճառ դարձան, որ մեր փոխտեսուչ Մ. Նալբանդեանն ինձ վստահէր հայերէն լեզուի դասասանդումները:

Օգտուելով այդ հանգամանքից՝ մասնաւոր ճիգ գործ չէի դնում դասասանդումներին արտադրողացային նախապատրաստման համար: Այդ պատճառով էլ դպրոցից դուրս բաւական շատ ժամանակ ունէի ուրիշ գործերով զբաղելու համար:

Կեանքիս 19-րդ տարին նոր էի թեկնածու: Գուցէ շատ տարօրինակ թիւ, որ յայտնեն՝ մինչև այդ ժամանակը՝ կեանքի այդ կենսուրախ շրջանում, դպրոցից դուրս, բացի կուսակցական-կազմակերպչական և հասարակական աշխատանքից, որևէ ուրիշ ապրում ինձ համար հետաքրքրական չէր:

Գրեթէ բոլորին յայտնի էր, որ վասպուրական-ցիւնները ընդհանրապէս, իսկ վանեցիները մասնաւորապէս գործնական մարդիկ են: Կարելի է համարձակ ասել, որ նրանց 97 տոկոսը իրական գործի, աշխատանքի և շօշափելի շահի մարդիկ են: Վերացական գաղափարներն ու նրանց ասութեամբ «ծակ փիլիսոփայութիւնները» նրանց բոլորովին չեն հետաքրքրում: Նոյնիսկ դպրոցական շրջանում նրանք իրենց ազատ ժամերը յատկացնում էին արհեստ կամ վաճառականութիւն սովորելուն և, եթէ հնարաւոր լինէր, փող աշխատելուն:

Վանեցիներն այնքան ճարպիկ առևտրականներ և այնքան ժուժկալ մարդիկ էին, որ հրեաներին ասպարեզից քշել էին: Իսկապէս չեն յիշում, որ Վանում հրեայ վաճառական կամ նոյնիսկ առևտրական տեսած լինեն: Պատճառը շատ պարզ է. վանեցիներն իրենց բացառիկ ճարպկութեամբ նրանց խեղդել կամ, ինչպէս ընդունուած է նման պարագաներում ասել, նրանց երեսից տարել էին:

Բայց պետք է խոստովանել նաև, որ միւս ծայրահեղ հանդիպակացն էլ գոյութիւն ունէր: Վանեցի կուսակցական-քաղաքական, հասարակական-ազգային գործիչը ծայրահեղ անձնուրացութեամբ և ազգասիրութեամբ փայլում էր:

Ո՞վ չի իմանում մեծ ազգասէր և հռչակատր հասարակական գործիչ Խրիմեան Հայրիկի և ճշմարիտ հայասէր ու հանճարեղ քաղաքական գործիչ Ադասի Խանջեանի<sup>17</sup>, Մ. Աւետիսեանի, Մարտիկի, Յովհ. Կուլոյեանի<sup>18</sup>, Եղիշէ Գողակչեանի, Շիրին Եղիազարեանի<sup>19</sup>, Մելքոն Կենցեանի<sup>20</sup>, Արք. Բրուտեանի<sup>21</sup>, Լևոն Շադոյեանի<sup>22</sup>, Տաճատ Թէրլեմէզեանի և հազարաւոր նման անձնուրաց և հերոս վանեցիների մասին:

17 Ադասի Խանջեանը ծնվել է 1901 թ. հունվարի 30-ին Վանում: Վանեցիների առաջին գաղթից հետո Խանջեանների ընտանիքը հաստատվում է Երևանում: 1917 թ. ընդունվում է կոմունիստական կուսակցության շարքերը: 1921-ին գործուղվում է

\*\*\*

Բարեբախտաբար, կամ միգուցէ դժբախտաբար, իմ երիտասարդական հասակի նախասեմին ես էլ, գաղափարական անգուսպ հովերով տարած, հասարակական գործիչ էի դարձել կամ, աւելի ճիշտն ասած, ձգտում էի հասարակական ժողովրդական գործիչի համբաւին տիրանալ: Իմ շուրջս հաւաքել էի 60-ի չափ հասակակից, մի քիչ աւելի մեծ կամ փոքր երիտասարդների և, հակառակ մեր փոխտեսչի բարեկամական խորհրդին, կուսակցական-կազմակերպչական բռուն աշխատանքի էի լծել: Չնայած այն հանգամանքին, որ ես դեռ ուսանողական միութեան շարքումն էի, բայց կազմակերպչական գործօն դեր էի խաղում և Սոցիալ-դեմոկրատ հնչակեան կուսակցութեան գլխաւոր գործիչների ուշադրութեան և գնահատանքի էի արժանացել:

Մոսկվա, սովորում Սվերդլովի անվ. համալսարանում, մինչև 1928 թ. լինում է Լենինգրադում, ապա վերադառնում հայրենիք: Այստեղ Խանջեանը նախ ընտրվում է Հայաստանի կոմկուսի երկրորդ քարտուղար, իսկ 1930-ից՝ առաջին քարտուղար: Հայաստանից Խորհրդային Արբեժեանին բռնակցած Արցախն ու Նախիջևանը վերադարձնելու խնդրին հետամուտ՝ ծավալում է ազգային-քաղաքական գործունեություն, որի համար էլ 1936 թ. կանչվում է Թբիլիսի և սպանվում Ստալինի կարգադրությամբ:

18 Հովհաննէս Կուլոյեանը ծնվել է 1860 թ. Վանում: Հայտնի էր նաև իր գրական-հեղափոխական անվամբ՝ Դիվանա-Բահլուլ: Մույն աշխատության հեղինակ Սիրաք Սարիաղեանի հարազատ քեռին, Մ. Փոքրուգայանի հիմնադրած Ազգային-Կենտրոնական վարժարանի անդրանիկ շրջանավարտներից էր: Իր դասընկեր Եղիշէ Գողակչեանի հետ 1880-ական թթ. վերջերին ուսուցչի առաքելությամբ անցնում է Մուշ, հետո՝ Բաղնշ: Վերադառնալով Վան՝ Կուլոյեանը շարունակում է դասավանդել Հիսուսյան, Երամյան, Հանկունցների, Ազգային-Կենտրոնական, ինչպէս նաև Վարազ վանքի Ժառանգավորաց դպրոցներում: Սնված Մ. Փոքրուգայանի և Խրիմեան Հայրիկի ազգային գաղափարներով՝ Կուլոյեանն ավելի քան 25 տարվա ուսուցչական աշխատանքի ընթացքում ազգային գաղափարներով կրթեց ամբողջ սերունդ: Դիլքերդիքը նրա ներկայությունը ոգևորիչ ու էական դեր է կատարել 1915 թ. Ապրիլյան հերոսամարտի օրերին: Վախճանվել է 1915 թ. վանեցիների առաջին գաղթի ժամանակ (ըստ Մ. Սարիաղեանի՝ գաղթի ճանապարհին, իսկ ըստ Հ. Աճեմյանի՝ Էջմիածնում. «1915-ի նահանջին տառապալից ճամփորդութենէ մը յետոյ (ոտքով), հազիւ հասաւ Էջմիածին, ուր և չկրնալով տոկալ տօթին և կեանքի տառապանքներուն մեռաւ, 55 տարեկան հասակին մէջ, ու թաղուցաւ Էջմիածնի անտառի ծայրին, Վասպուրականի Եղբայրական Գերեզմանոցին մէկ անկիւնը, ուր անհայտ ու անգարդ կը մնայ այսօր անոր շիրիմը», «Վասպուրական», Վենետիկ, 1930, էջ 281):

19 Շիրին Եղիազարեանը ծնվել է 1876 թ. Արձակ գավառի Խառակոնի գյուղում: Կարողացել էր լավ հարաբերություններ ստեղծել քրդերի և ասորիների հետ և գաղտնաբար հաջողությամբ գլուխ էր բերում Պարսկաստանից Վան գեղի փոխադրության գործը: Եղեռնի օրերին կազմակերպել է խառակոնիցիների պաշտպանությունն ու համազորակցիներին սպանող հասցրել Վան: 1915-ի մայիսին Եղիազարեանին վիճակվեց վայր իջեցնել Վանի բերդից թորքական դրոշն ու ծածանել հայկականը: Վասպուրականի անկախության օրերին նշանակվել է Արձակի գավառապետ: Վախճանվել է Ալեքսանդրապոլում, 1920 թ.:

Իմ նախաձեռնութեամբ, կուսակցական ակումբում ուսանողական հատուածի համար առանձին գրադարան-ընթերցարանի սենեակ էր յատկացել: Շաբաթը մի անգամ՝ կիրակի օրը, դասախօսութիւններ էին կազմակերպուում: Շաբաթական մի անգամ ժելատինով երկու երեսնոց թերթ էր տպագրուում: Առնուազն շաբաթական մի անգամ ժողովներ էին գումարուում: Հերթով կուսակցական և ուսանող ընկերները դասախօսութիւններ էին կարդում: Մտքերի փոխանակութիւններ և վիճաբանութիւններ էին լինում, և հանում էին եզրակացութիւններ:

Գրեթէ ամիսը մի անգամ շրջանային պտոյտպրոպագանդա էր կազմակերպուում: Ճշմարտութիւնը խոստովանելու համար պիտի ասել, որ շրջաններում մենք հանդիպում էինք լուրջ դժարութիւնների: Պատճառը նախ մեր անմիտութիւնն էր և ապազ ցիւրապարտութիւնը հակառակորդ կուսակցականների ճիգ ու ջանքը մեր պրօպագանդը չեզոքացնելու համար:

20 **Մելքոն Կենցյանը (Տեր-Մարտոզյան)**. ծանկանունը՝ Ազատ Ոստանիկ. ծնվել է 1873 թ.: Հիրավի Վանի Հնչակյան կուսակցության առավել տանջված մարտիկներից մեկը: 1895 թ. Մելքոնը դառնում է Վան եկած հնչակյան Մարտիկի աջ ձեռքը: Որպէս կուսակցական քարոզիչ՝ ուղարկվում է Հայոց-Չոր, որտեղ և ձերբակալվում է և Վան բերվելով՝ դատապարտվում 101 տարվա ազատազրկման: 1896 թ. աշնանը պետական ներումով դուրս է ելնում բանտից ու անմիջապէս լծվում հեղափոխական գործին: Երկու ընկերների հետ Մելքոնն ուղարկվում է Պարսկաստան, որտեղ միանալով Փարսմազի 29 հոգուց բաղկացած խմբին՝ վերադառնում է Վան ու տեղի շատ հնչակյանների հետ միասին 1897 թ. աշնանը կրկին ձերբակալվում ու դարձյալ դատապարտվում 101 տարվա ազատազրկման, այս անգամ, սակայն, շրթայակապ: Ամբողջ 12 տարի տաժանակրության ենթարկվելով՝ Մելքոնն ազատ է արձակվում միայն 1908 թ. ամռանը: Ազատվելուց հետո Մելքոնն անցնում է Կոստանդնուպոլիս, աստամբուլի ժուրնալում ու վերադառնում Վան, լծվում խաղաղ աշխատանքի: Սակայն 1913 թ. ամռանին մի գիշեր Այգեստանի փողոցներից մեկում թուրք ոստիկանները դավադրաբար սպանում են Մելքոն Կենցյանին: Նրա սպանության լուրը թուրք կառավարության դեմ ուղղված նոր հուզումների և ցույցերի տեղիք է տալիս: Կենցյանի թաղմանը ներկա են լինում 10.000-ից ավելի վանեցիներ:

21 **Աբրահամ Բրուտյան**. ծնվել է 1882 թ.: 1905 թ. ավարտել է Կենտրոնական վարժարանը և անդամագրվել Հնչակյան կուսակցությանը: Ընդունակությունների և հռետորական ձիրքի շնորհիվ ստանձնում է կուսակցության ղեկավարությունը: Հայտնվում է Վանի բանտում, որտեղից ծանր հիվանդ լինելու պատճառով փոխադրվում է զինվորական հոսպիտալ: Նրա հոշոտված մարմինը գտնում են 1915 թ. մայիսի 19-ին և ամփոփում Վանի ՀՀԴ պանթեոնում (Արարուց Մայր եկեղեցու Խաչաբակ կոչվող գերեզմանոցի արևելյան անկյունում):

22 **Լևոն Շաղոյանը** ծնվել է Հայոց-Չորի Խարականց գյուղում 1887 թ.: 1915 թ. ապրիլին՝ մինչև Դրոյի կամավորական գնդից խմբապետ Մարտիրոսի վաշտի օգնության հասնելը, ղեկավարել է Փետանդաշտի ինքնապաշտպանական մարտերը: Վասպուրականի ազատագրումից հետո Շաղոյանը ճշմանակվել է Գյավաշի գավառապետ: 1918 թ. նահանջից հետո Շաղոյանն իր ժողովրդի հետ հաստատվում է Իրաքի հյուսիսում, Ջախտյի մոտ հիմնում 3 գյուղեր (Հավրեզ, Վերին և Վարին Պասետկա): Վախճանվել է 1973 թ. Հավրեզ գյուղում:

### ՄԱՐՕՅԻ ԱՄՈՒՄՆՈՒԹԻՒՆԸ

1914-ի Յունիսի առաջին 15 օրեակում՝ իմ դպրոցի արարական վկայականը ստանալուց ճիշտ մէկ շաբաթ յետոյ, իմ անգին և սիրելի Մարօյի ամուսնութիւնը տեղի ունեցաւ: Չարմանալի, հետաքրքրական մի պատահական դիպածքի հետևանք եղաւ այդ երջանիկ ամուսնութիւնը: Օրերից մէկում Մարօն իր հիւանդագին և թերի ու ուտերի ցալից տառապող մօրն օգնութեան է գնում: Այդ օրը Մարօի մայրը, մի քանի օրից ի վեր հիւանդ պառկած իր անկողնից իր ոսկրացած մարմնում դեռ մնացած ուժն ու էներգիան լարելով և իր աղջկայ թախանձանքին ու խնդրանքին լսել չուզեցաւ, վեր է կենում:

– Աղջիկ, Մարօ՛, ըսածներիս ականջ ըրէ, ես Շատիկենց Չարուիի խաթունին խօսք եմ տաւ: Նա ինձի կըսպասէ: Ես անպատճառ էրթալու եմ և նրանց լացքն անելու եմ: Ջահաննամ որ կը մեռնեն և կազատեն էս փուչ աշխարքէն:

– Նանա ջան, դու ծանր հիւանդ ես: Դու չես կրնայ հարիւր կտոր սաւանները, բարձի երեսները, շորերն ու զգեստները լւանայ: Թող մնայ վաղը կամ միւս օրը կը լւանաս:

Բայց Մարօն, չկարողանալով մօր տաւ խոսքը կտորել, խնդրել էր մօրը նրա հետ գնալ և լացքի աշխատանքում նրան օգնել: Մայրը ընդդիմացել և չէր ուզել համոզել, բայց զիջելով Մարօի խնդրանքներին, ի վերջոյ համոզել էր:

Բախտի տարօրինակութեամբ այդ օրը Գրիգոր Բուլղարացին<sup>23</sup> Շատիկենց մօտ ճաշի հիւր էր եղել և Մարօին մօրն օգնելիս տեսել էր:

Ծնած լինելով ոչհարուստ և նահապետական պարզ ընտանիքում և իր կենքում բազմաթիւ ներդրութիւնների և գրկանքների ենթարկւած լինելով՝ համեստ և ազնիւ յեղափոխական Բուլղարացին իր հիւրընկալի միջոցով Մարօին ամուսնութեան առաջարկ էր արել: Հիւրընկալը, Մարօն և մանաւանդ մայրը զարմացել և չէին կարողացել իրենց համոզել եղած առաջարկի լրջութեան և իսկութեան մասին, բայց համեստ յեղափոխականը համոզել էր նրանց՝ ասելով.

– Ես ինքս հայ ժողովրդի չարքաշ և պարզ մէկ ընտանիքի զաւակ մըն եմ: Ես շատոնց այսպէս մէկ չքաւոր ընտանիքի աղջիկը կը փնտրէի: Փառք Աստծոյ, որ ճակատագիրը մեզ այսպէս հանդիպեցրած է: Եթէ Մարօն և իր մայրը համաձայն են, իմ խօսքը խօսք է, և կը ցանկանամ օր առաջ ամուսնանալ:

23 **Գրիգոր Բուլղարացի** (Գրիգոր Կոզյան, Կոյզեյան, Գեզյան) ծնվել է Կարինում: 1915 թ. ընտրվել է Վանի Այգեստանի ինքնապաշտպանության զինվորական մարմնի անդամ: 1916-1918 թթ. վարել է Վանի զինվորական կոմիսարի պաշտոնը: 1918 թ. մարտի 21-ին ստորագրել է վասպուրականների վերջին գաղթի հրամանը: 1919 թ. նախագահել է Երևանում տեղի ունեցած Արևմտահայերի համագումարը: Վախճանվել է 1922 թ. Կոստանդնուպոլսում:

\*\*\*

Մարօի հարսանիքը, թեև շատ համեստ և սեղմ շրջանակում և արտաքին բոլոր շքեղ ձևականություններից զուրկ կատարեց, բայց ինձ և քրոջս համար շատ բերկրալի և երջանիկ էր: Մենք երկուսս էլ մեզ չափազանց ուրախ և բախտատու էինք համարում, քանի որ մեր ամենամօտ և ամենասիրած բարեկամին յաջողում էր մի ազգասեր և յարգած յեղափոխական գործիչի հետ ամուսնանալ: Մարօի հարսնաքոյրը Արաքսին, և հարսնեղբայրն էս էի: Այդ երջանիկ օրն երբեք չեմ կարող մոռանալ:

Անկարելի է նկարագրել Մարօյի բազմատանջ և կորաքամակ մօր անսահման ուրախությունը: Խեղճ, չարաչար աշխատող կինը վերջապես հասել էր իր մուրազին: Նա ակնատես էր եղել իր տառապալից կեանքի միակ և յուզիչ երազի կատարմանը: Չէ՞ որ նա իր Աստծոյ հետ պայման էր կնքել:

Տարիների ընթացքում գիշեր և ցերեկ նրան խնդրել, աղաչել և պաղատել էր իր աղջկայ բախտատուրութեան համար, այդ իր աչքի լոյսը, իր կեանքի յոյսը, իր օրն ու արևը հանդիսացող միակ զուակի բախտատու ու երջանիկ ամուսնութեան համար:

Երբեք չեմ կարող մոռանալ նաև այն երջանիկ գիշերը, այն բախտատու րոպեն, երբ էս նրան իր աղջկայ ամուսնական արարողութեան վերջում շնորհատրում էի, նա ինձ մայրական խանդաղատանքով իր կրծքին սեղմեց և բազմաթիւ անգամ համբուրելով, ուրախությունից ծայրահեղօրէն յուզւած՝ արտասւելով ասաց.

– Տեսար բալէս, որ ինձ նման մէկ ողորմելի, անտեր-անտիրական և զառամած կնոջ առ աստուած ուղարկած աղաչանքը զուր չանցաւ, և վեջապէս էս իմ մուրազին հասաւ:

– Ոսկի՛ մամա,– շտապեցի պատասխանել նրան,– իհարկէ, քու աղօթքն իր գործն արաւ, բայց դու լաւ իմացիր, որ քո Մարօն սովորական մի աղջիկ չէ: Նա մի իսկական գոհար է: Նա հոգով այնպիսի մի գոհար է, որի նման գտնելն անհնարին է: Նա միանգամայն արժանի է քու փեսայի նման ազնիւ յեղափոխականի կինը լինելու:

## 1915 ԹԻԻ ՄԿՁԲՈՒՄ

Մի քանի օր յետոյ 1915 թի նոր տարին սկսւելու էր: Նոր տարւայ Ծննդեան տօների առթիւ, ինչպէս սովորութիւն էր դարձել, դպրոցները երկու շաբաթեայ արձակուրդ ունէին:

Մեր երիտասարդ անդրանիկ ընկերների հետ, որոնց թում էին Հրանդ Դարբինեանը, Աղասի Խանջեանն ու Վահան Խէրանեանը, 6 հոգով վճռեցինք այդ երկու շաբաթայ արձակուրդն օգտագոր-

ծել մեր բոլոր վասպուրականցիներին ամենասիրելի վայրերը՝ Վարազայ և Աղթամարի վանքերն այցելելով:

Երբևիցէ չեմ կարող մոռանալ այդ երկու հռչակատու վանքերը, որոնցից մէկը հրաշատեսիլ և յաղթական արծաթի, միւսը՝ հպարտ և անյաղթելի առիւծի նման, թաթերը փռել էին Վանայ գեղատեսիլ և կայուտակ ծովակում:

Թե՛ մենք և թե՛ վանականները տարօրինակ նախազգացումով համակւած էինք. փոխադարձ արտասովոր սիրալիրութիւնն իր վերջակէտին էր հասել: Վանականների համար մեզ հետ վերցրել էինք ձմեռայ այդ սեզոնին հազազգիտ դարձող տանձ, խնձոր և սերկևիլ, ինչպէս նաև ծխախոտ, թէյ և շաքար, իսկ նրանք անխնայ մեզ հիւրասիրում էին թարմ կաթ, մածուն և կարագ, իսկ Աղթամարում՝ Վանայ ծովակի հռչակատու տառելի ձուկի իւղատապակ խորոված:

Վանականները՝ օրերով ծարաւ անցկացրած մարդկանց նման, նոր լուրերի ծարաւն էին զգում: Մեզնից քաղաքական դրութեան և պատերազմի ծագման ու ընթացքի մասին տեղեկութիւններ էին ուզում: Մենք, իհարկէ, սիրալիրօրէն նրանց տեղեկացնում էինք այն բոլորի մասին, ինչ իմանում էինք: Երբեմն էլ նրանց մեր հասկացած ձևով բացատրում էինք իրերի դասատրութիւնն ու ենթադրական եզրակացութիւններ էինք հանում:

Ինչպէս նրանք, այնպէս էլ մենք մօտալուտ մի ահռելի վտանգի սուկումն էինք ապրում և դառնօրէն ափսոսում էինք մեր խաղաղ ու ստեղծագործ կեանքի մօտեցումը դէպի ամենակուլ հրաբուխ պատերազմը:

Այդ չարաղէտ վտանգի նախազգացումը տարիների հին բարեկամների նման մեզ իրար մօտեցնում և սրտակից էր դարձնում:

\*\*\*

1896 ի Վանի կոտորածների ահռելի յիշողութիւնը դեռ շատ թարմ էր: Վանեցի ընտանիքներից շատերի աչքերից իրենց սրախողող արած սիրելիների, հարազատների, ամուսինների և զուակների համար թափւած արցունքի կաթիլները դեռ չէին չորացել: Նրանք ահա նորից ապրում էին մօտալուտ աղէտի և նոր կոտորածների սարսափելի կոշմարդ:

Ապրիլեան ինքնապաշտպանութեան նախօրեակին՝ մօտալուտապէս մի ամիս առաջ, տեղի ունեցան միջկուսակցական չափազանց զաղտնի շփումներ և խորհրդակցութիւններ: Ահռելի վիշապն իր ամենակուլ երախը բացել էր: Վասպուրականի կուսակցական հակառակորդները խոհեմութեան և զգաստութեան էին եկել և գիշեր-ցերեկ մտածում էին մի կերպ դիմագրաւել վերահաս վտանգը:

Թիրք կառավարութիւնը դժբախտութիւն էր ունեցել գերմանացիների հետ դաշնակցել և համաշխարհային առաջին կործանիչ պատերազմի մէջ մտնել:

Պատերազմի հրդեհում ընկնելուց գրեթէ անմիջապէս յետոյ թիրք պետութիւնն իր վաղեմի անպատկառ ծրագրի գործադրութիւնը ձեռնարկեց:

Պատճառ-պատրասկը, դժբախտաբար, նրան չէր պակասում: Չէ՞ որ իր երկրի հիւսիսարևելեան սահմանագլխում հայկական կամաւորական զնդեր էին կազմակերպուում և պատրաստուում էին ներխուժել Տաճկաստան և հայերին ազատութիւն տալ և նրանց պատկանող նահանգները խլելով՝ վերադարձնել նախկին, իսկական տէրերին՝ հայրենագրկւած հայերին:

Եթէ հայերը կարող են ցարական կառավարութեան օժանդակութեամբ կամաւորական զնդեր կազմել և թիրքերի դէմ պատերազմի դուրս գալ, մի՞թէ թիրքերը իրենց գերմանացի դաշնակիցների լիակատար համաձայնութեամբ և պաշտպանութեամբ չէի՞նք կարող փոխվրէժը լուծել, հայերի, նրանց ցանկացած ազատութեան և պահանջած հայրենի հողին տիրանալու ցանկութեան վրայ լեռանման մի սև խաչ դնել:

– Այո՛, կարող ես, իրաւունք ունես, – թելադրեցին գերմանացիներն արիւնատենչ բնական հակում ունեցող իրենց բարեկամ տաճիկներին, – կոտորի՛ր և բնաջինջ արա՛՛ այդ անպիտան հայերին, որպէսզի նրանց արտասահմանեան ազգակիցներին հնարաւորութիւն չը տաս քու հողի վրայ ապրող հայերին միանալու և քու տերիտորիան, քու երկիրը ձեռքիցդ խլելու:

Հայկական վեց վիլայեթների ներքին իշխանութեան, ամերիկացի երկու լիազօր վերատեսուչների նշանակման, կամաւորական զնդերի ներխուժման, ներքին ապստամբութիւնների բռնկման վտանգը խորտակող-գերեզմանող հակահարածի ու փոխվրէժի դիւային ծրագիրը մշակւած ու թելադրւած էր: Տասնեակ տարիներից ի վեր հայերի արիւնի ծարաւի թիրք ղեկավարող մասսան, իրենց գլխաւորող երրորդութեան՝ Թալէաթ-Էնվեր-Ջեմալի ցուցմունքներով իրենց աւագակաբարոյ գերմանացի ռազմախելառ դաշնակիցներից ստացած դժոխային ծրագիրը լրբենի ճշգրտութեամբ գործադրեցին:

Իրենց արիւնարբու նախնիների հարազատ արիւնը կրող թիրք աւագակապետները՝ Թալէաթը, Էնվերը և Ջեմալը, սկսեցին խորամանկօրէն գործադրել այդ կոտորածի և բնաջնջման ծրագիրը: Մայրաքաղաքից սկսած մինչև ծայրագաւառները նախ և առաջ զինուորացու անուան տակ հաւաքեցին 18-45 տարեկան հայ տղամարդկանց: Ապա զանազան անուններով հաւաքեցին և բանտարկեցին յեղափոխական և քաղաքական գործիչներին, յետոյ աչքի ընկնող բոլոր մտաւորականներին, գրողներին, փաստաբաններին ու տաղանդաւոր ընտրանին,

մինչև անգամ չը խնայելով հանճարեղ Կոմիտասին, հռչակաւոր իրաւաբան Ջոհրաբին և տաղանդբանաստեղծ Սիամանթոյի նման հարիւրաւորների, որոնք նոյնիսկ հեռու էին յեղափոխական-կուսակցական գործունէութիւնից:

\*\*\*

Տաճկական բանակը, ներշնչւած և սրտապնդւած իրենց «ամենագօր» դաշնակից գերմանացի պաշտպանութեան անսահման խոստումներով, Էնվեր փաշայի ղեկավարութեամբ՝ 1914-ի նոյեմբերի վերջերին յարձակւել էր Կովկասի և նրա նախադուռը կազմող Սարիղամիշ-Կարս-Արդահան-Արդվին գծի վրայ: Այդ յանդուգն, բայց անմիտ յարձակումը վերջացաւ պարծենկոտ և քամի-գլուխ Էնվեր փաշայի չարաչար պարտութեամբ և նրա բանակի՝ Սարիղամիշում ջարդ ու փշուր լինելով:

Այս խայտառակ պարտութեան և ամօթալի փախուստի քաւութեան նոխազը Վասպուրականի հիւսիսարևելեան գաւառների հայ և ասորի ազգաբնակչութիւնն եղաւ:

Կալանքի և բանտարկութեան ենթարկւած բոլոր թիրտ ու տաճիկ աւագակներին բանտից արձակեցին և նրանց մինչև ատամները զինելով՝ հրահանգեցին կոտորել շրջանի անգէն ու անպաշտպան ազգաբնակչութեանը: Այդ վայրագ հրահանգի հետևանքով Բաշկալէի, Սարայի, Արճակի, Թիմարի գաւառների բազմաթիւ գիւղերում հազարաւոր հայեր կոտորեցին:

Ոճրագործութեան և բարբարոսութեան անարգել և անսահման իրաւունքներով կատաղած թիրք գաւառապետները Էնվերի համհարզ Ջաղէտի թելադրած և քաջալերած «սրբազան պատերազմի հերոսութեան» տիտղոսին արժանանալու մարմանջով ամենուրեք ձեռնարկեցին հայ ազգաբնակչութեան բնաջնջման ծրագրի գործադրութիւնը: Իրար յետևից կոտորածի դժոխային ծրագիրներ մշակեցին նաև Հայոց-Չորի, Մոկսի, Կարճկանի և Գեավաշի հայ ժողովրդի բնաջնջման համար, բայց բարեբախտաբար, այդ նրանց լիովին չը յաջողեց: Յետոյ կը տեսնենք թէ ինչպէս:

**ՄԻ ՔԱՆԻ ՕՐ ՄԻՆՉԵՒ ԱՊՐԻԼԵԱՆ  
ՀԵՐՈՍԱՍԱՐՏԸ**

1915 թի ապրիլ ամսի առաջին օրերն են: Ամենուրեք լարւած, ջղային և անորոշ դրութիւն է տիրում:

Վան նահանգի կուսակալ, ոճրագործ Ջաղէտ քէլի կարգադրութեամբ շրջանային բազմաթիւ գաւառներում և գաւառակներում համատարած սարսափ էր սփռել: Ամենուրեք թիրտերի և տաճիկ-

ների, տակաճ-առակների, մարդասպանների և ցմահ բանտարկեալ ոճրագործների անմիջական մասնակցութեամբ կոտորածներ էին կազմակերպել: Հայ տղամարդկանց, զինորական ծառայութեան անունով նրանց զիւղերից, գործատեղից, դաշտերից և ամէն տեղից բռնուտել և բանակն էին ուղարկել այնտեղում կոտորելու համար:

Ամբողջ մարտ ամսում և ապրիլի սկզբի օրերում Վանի ազգաբնակչութեան սարսափահար անելու միտումով մի քանի զինորական սողանքներ էին կազմակերպել: Թնդանօթների, գնդացիների և ռազմամթերքների ցուցադրութիւնները մասնաւոր խնամքով և խորամանկ տակտիկայով կազմակերպել էին:

Վանի ազգաբնակչութիւնն իր ղեկավար գլխաւորներից զրկելու և նրան անպաշտպան թողնելու և յուսալքելու համար ամիսներ առաջ տարել և բանտարկել էին Հնչակեան կուսակցութեան հինգ աչքառու շէֆերին, որոնց թում էին Ա. Բրուտեան, Ասօն և Արտ. Սօլախեանը: Ապրիլի 3-ին Ջնդեղ ստոր նենգութեամբ իրեն մօտ հրաւիրեց Իշխանին և նրան յանձնարարեց Վանի ոստիկանապետի ուղեկցութեամբ Շատախ մեկնել և վերջ տալ այնտեղի հայ և թիւրք լարած և ընդհարումների մերձեցող դրութեանը: Իշխանը, ինքնուրաց նւիրածութեամբ, իր զինակից քաջերի հետ (Վահան Խէրանեան, Շատախցի Միհրան և Քօթթ Պողոս) մեկնեց սպառնացող վստանգը կանխելու անկեղծ վճռականութեամբ, բայց ճանապարհին՝ Հիրճ զիւղում, իր զինակից ընկերների հետ զոհեց Ջնդեղի՝ լրբօրէն կազմակերպած ստոր դաւադրութեանը:

Ի տես այս և ուրիշ բազմաթիւ վայրագութիւնների ու անխորտակելի ոչնչացման և բնաջինջ անող կոտորածների՝ Վասպուրականի հայ ազգաբնակչութիւնը կանգնել էր մահու և կենաց երկընտրանքի առաջ, մեռնել ոչխարանման մորթոտելով կամ էլի մեռնել պատուով և հերոսի մահով ու թերևս վերապրել մի անսպասելի, գերբնական հրաշքով:

## ՀՐԱԷՐ

Ապրիլի 4-ին՝ կէսօրից յետոյ, մի փոքր միջադէպ տեղի ունեցաւ, որ եթէ այդ օրերում կատարած չը լինէր, կատարեալ զաւէշտ կարելի էր համարել: Բայց այդ ճգնաժամային սպասման սև օրերում ամենահասարակ միջադէպն անգամ կոշմարային բնոյթ ունէր:

Ժամի 7-ի մօտերը մեր ուսանողական գրադարանը մտաւ մի երիտասարդ: Նախքան ներս մտնելը նա դռնապանի հետ մի փոքր վիճաբանութեան բռնեց: Դռնապանը, մեր նախագգուշական կարգադրութեան համաձայն, չէր համաձայնել նրան ներս թողնել:

– Ի՞նչ կայ, Մարկո՛ւս,– դուրս նետուեց մեր ընկերներից մէկը:

– Ընկեր Վահան, այս պարունը պնդում է, որ մերոնց հետ շտապ գործ ունի:

– Թող ներս գա՛յ, տեսնենք:

Երիտասարդը ներս մտաւ և մի քանի թույլ շփոթած, պիշ-պիշ մեզ ոտքից զլուխ չափելով՝ ասաց.

– Հէ՛յ, օրհնածներ, իսկապէս դուք տաքզլուխ երիտասարդ էք: Բա՛, տնաշէններ, այսպիսի խաթաբալա օրերում դու ինչպէ՞ս էս համարձակում, այսքան շատ, 14-15 հոգով միասին և այն էլ այսպիսի կենտրոնական թաղամասում հաւաքել: Ա՛յ, խելօքներ, գոնէ մի տեղ հաւաքելիք, որ ձեր հաւաքոյթից թէկուզ աստանան զլուխ չը հանէր:

– Դու իսկապէս իրաւացի ես,– նրան պատասխանելով ասաց Հրանդը: – Ախր էս մեր տաքզլուխ ընկեր Սիրաքի գործն է, որ այսպիսի մի վտանգալից օր մենք այստեղ ենք հաւաքել:

Յետոյ անմիջապէս իր խօսքն ուղղելու և ինձ վիրաւորած չը լինելու ցանկութեամբ, աւելացրեց.

– Ընկեր, այստեղ գրադարան-ընթերցարան է: Մենք էլ այստեղ ենք եկել օրուայ նորութիւնները լսելու և վերջին լուրերը կարդալու համար:

– Դէ՛, այդ ձեր գործն է արդէն: Ներողամիտ եղէր դիտողութեանս համար, ես իրաւունք չունեմ նոյնիսկ մի թույլ ուշանալու: Խնդրում եմ ինձ յայտնէք ձեզմից ո՞ր մէկն է Սիրաքը:

– Ի՞նչ կայ որ: Ձեզ ինչի՞ է պետք այդ Սիրաքը, մի քիչ անհանգիստ,– հարցրի ես:

– Ես պ. Սիրաքի հետ առանձին գործ ունեմ, ինձի յանձնարարած է նրան մի շտապ պատգամ տալ:

Խնդրեցի ընկերներից, որ մեզ մենակ թողնեն խորհրդաւոր պատգամաբերի հետ: Ոչ ոք չառարկեց: Երբ մենք երկուքս առանձին մնացինք, նա անմիջապէս յայտնեց.

– Բուրդարացի Գրիգորն ինձ կարգադրել է ձեզ անմիջապէս իրենց մօտ առաջնորդելու: Ժամի 8-ին միջկուսակցական գաղտնի ժողով կայ: Որովհետև ձեր բոլոր գլխաւոր ընկերներին տարել և անյայտացրել են, նպատակայարմար են դատել ձեզ հրաւիրելու: Դուք կարող էք ձեր հայեցողութեամբ, ձեր ընկերներից մէկին ձեզ հետ վերցնել: Կարծում եմ, որ ամէն ինչ հիմա ձեզ համար պարզ է: Չափազանց վատ օրեր ենք ապրում, և թշնամու սուրն ամէն թույլ մեր գլխավերևումը ճօճում է: Ներկայումս մենք ստիպւած ենք չափազանց զգոյշ լինել, հակառակ պարագային մագապուրծ մնացած մեր մի քանի ղեկավար ընկերներն էլ միւս յափշտակւած և անհետացւած ընկերների դժբախտ ճակատագրին կարժանանան:

Անմիջապէս Աղասի Խանջեանին հետս վերցնելով՝ մեր ուղեցոյցի հետ ճանապարհ ընկանք:

Մեր ուղեցոյցը մեզ Նորաշէն թաղին կից երկրորդական փողոցներից մէկը առաջնորդեց և մի երկ-

յարկանի շէնքի առաջ կանգ առաւ: Փողոցի դուրսինը զգուշութեամբ ուսումնասիրելուց և վտանգից զերծ լինելու պարագան հաստատելուց յետոյ դռան թակիչով կամացուկ երեք անգամ փոքր ընդհատումներով դուռը բախեց: Ըստ երևոյթին, նախապէս պայմանաւորաւ թակոց էր այդ: Համարեայ անմիջապէս դռան յետևից հարցրին.

– Ո՞վ էք և ի՞նչ էք ուզում:

– Մաքօն եմ, շուտ արա, բացիր:

Երկյարկանի տունը, որի առաջ կանգ էինք առել և ներս մտնել էինք ուզում, դրսից, փողոցից համարեայ ամբողջութեամբ մութի մէջ էր կորել, և ոչ ոք չէր կարող ենթադրել, որ դրա ներսում արթուն բնակիչ կարող է լինել: Այդ մտայլ և արկածալից օրերում դա լուսագոյն նախագոյնութիւն էր, որ ձեռք էր առնում: Մետաղի չոր շրխկոց լսեց, և դուռը մեր երեսին կիսովին բացեց: Տասնհարածեան մատուցէրը, դռնապանի ձեռքում, մեզ դիմաւորեց: Մի անսպասելի սարսուռ անցաւ ինձ վրայ:

– Ա՛յ տղայ իսկական մատուցէրիստ ես եղել: Մի՞թէ անունս չը լսեցիր: Լաւ, բաւական է զենքը ցած պահիր: Այս երկու երիտասարդները մեր բարեկամ-գործակիցներն են և պատուի արժանի: Ձէնքդ պահիր մի երկու օրից յետոյ թշնամու սիրտը ծակելու համար:

Դռնապան անմիջապէս իր կրակելու պատրաստ տասնհարածները աջից ձախը փոխադրելով և ամբողջ մարմնով ուղղելով, պատուի բարևի կանգնեց: Մաքոյի հետ մենք անմիջապէս ներս անցանք և նրա առաջնորդութեամբ շէնքի յետևի մասը հասանք: Երկրորդ յարկը բարձրանալով՝ մենք մեզի մի աղօտ լոյսով լուսաւորած և բաւական ընդարձակ սենեակում գտանք:

**ՄԻՋԿՈՒՍԱԿՑԱԿԱՆ  
ԽՈՐՀՐԴԱԿՑՈՒԹԻՒՆ**

Միջկուսակցական խորհրդակցութեան ժողովն սկսել էր, երբ մենք ներս մտանք: Մեր երկուքից բացի՝ ժողովին ներկայ էին 14 հոգի: Շատերին չէի ճանաչում: Մեր «բարև Ձեզ»-ին բոլոր ժողովականները լռելեան և գլխի շարժումով պատասխանեցին: Աջ թևի պատի կողքին դուռը երկար նստարանի վրայ տեղաւորեցինք: Ճառախօսը Գրիգոր Բուլղարացին էր: Նա իր ոգևորած, բայց անաղմուկ ճառը մի բուպէ ընդհատելով, մեզ ներկաներին ծանօթացրեց.

– Ինչպէս տեղեակ էք, դեռ ամիսներ առաջ Ս. Դ. Հնչակեան կուսակցութեան գլխաւորները «հրաւիրելեցին» և բանտ ուղարկուեցին: Մնացածների մէջ մենք ընկ. Հր. Գալիկեանին կը ճանչնայինք, որի առաջարկութեամբ հրաւիրեցինք այս երկու երիտասարդները, որոնցմէ Միրաքին ալ կը ճանչնամ, բայց միւսը ո՛չ:



**Գրիգոր Բուլղարացի (Գրիգոր Կոզյան)**

– Մեր երիտասարդ և գործունեայ ընկեր Ադասի Խանջեանին յարգելի ժողովականներին կը ներկայացնեմ, պատասխանեցի ճառախօսին:

– Շատ ուրախալի է, բարով էք եկած, լսեցին ամէն կողմից:

– Մեր կեղծ բարեկամները,– իր ճառը շարունակելով՝ ասաց Բուլղարացին,– թիւրք Էթթեհատ կուսակցութեան ոճրագործ և բարբարոս ղեկավար Թալէաթն ու Էնվէրը, Ադանայի ահռելի ջարդէն վերջ, վճռել են հայութիւնը, մանաւանդ անոր երիտասարդ արիւններն անխնայ և վայրագօրէն կոտորել: Արդէն ամենքդ ալ գիտէք, որ այդ դիւային ծրագրի գործադրութիւնը սկսած է: Մեր ազգի բուն արմատը, նրա գոյութեան հիմքն եղող երիտասարդ, գործի եկող տղամարդկանց հաւաքած ու տարած են: Անոնց տարած են, իրենց ասութեամբ թշնամու դէմ կռուելու համար, բայց այդ սրիկաները, խաբէբանները սուտ կը խօսին, անոնց տարած են կոտորելու համար: Այդ անսպասելի, սև հոգի Թալէաթ-Էնվէրի հլու և հարազատ կամակատարը՝ Վասպուրականի մահանգային վալին՝ Ջևղէտ քէյն է: Նա, ինչպէս տեղեակ էք, այս վերջին 2-3 ամիսների ընթացքին, կոտորել ու կացնահար ընել է տուած մեր մահանգի, գաւառների, գաւառակների և գիւղերի հայ և ասորի ազգաբնակչութիւնը: Ինչպէս քիչ առաջ էլ՝ ժողովի բացման ժամանակ, յայտնեցի, երէկ մեզմէ խլած և տարած են մեր յայտնի կուսակցական-հասարակական գործիչ ընկեր Իշխանին և անոր հետ միասին մեր յեղափոխական և անճնելը



**Բշխան (Նիկոլ Պողոսյան)**

երեք ընկերները: Այսօրանից սկսած՝ ամենաուշը մինչև մեկ շաբաթ, հերթը մեզի կը հասնի: Այգեստանի և Քաղաքամիջի մեր ժողովրդի անխնայ կոտորածը ծրագրած և վճռած իրողութիւն է: Իմ ունեցած տեղեկութիւնները համառօտ և ամփոփ ձեզ հաղորդեցի: Վճռէք և ըրէք այն, ինչ անհրաժէշտ է, գոնէ Այգեստանի բազմահազար հայութիւնը փրկելու համար:

Ռամկավարների ներկայացուցիչը՝ Արմենակ Եկարեանը, ձայն խնդրելով, մօտաւորապէս հետևեալը յաղորդեց.

– Յարգելի՛ ժողովականներ, ես ճառախօսելու ընդունակութիւն չ'ունեմ: Կը մտածեմ, որ նման պարագաների տակ պէտք է չէ ճառախօսութիւն ընել: Ժամանակը կարճ է և չափազանց սուղ: Խօսքից աւելին մեզի գործ է պէտք: Եթէ կը կամենաք ոչ-խարնների նման մեր դահիճների դանակների տակ գոհել, այդ տարբեր խնդիր է: Բայց մեր կողմէ կատարեալ դաւաճանութիւն կըլլայ մեր ազգակիցները, մեր քոյրերը, մեր եղբայրներն և վերջապէս մեր կանայքն ու երեխաները, մեր հայրերն ու մայրերը անպաշտպան ձգել այս աւազակ բարբարոսների խղճին ու գութին: Ամէն ինչ մեզ կը ցուցնէ, որ առանց ինքնապաշտպանութեանը լիովին կորած ու ոչնչացած պիտի ըլլանք: Կարճ ու համառօտ կըսեմ, մենք ինքնապաշտպանութեան պէտք է դիմենք: Աւելի երկարացնելն աւելորդ կը համարեմ:

Միջկուսակցական այս ժողովին, բացի կուսակցական ղեկավարներից, հրաւիրած էին նաև մեկ քահանայ՝ տ. Գեորգը՝ առաջնորդական տեղապա-

հի հանգամանքով, և երեք յայտնի հարուստ վաճառականներ՝ Մէք Գափամաջեանը, Թութունջեանն ու Բուռնութեան Նազարէթը, որոնց անունները յաճախ լսած, բայց անձամբ մինչ այդ չէի ճանաչում: Նախագահը նրանցից մէկին՝ Մէք Գափամաճեանին, հրաւիրեց իր կարծիքը յայտնելու:

– Ես ալ պ. Արմենակ Եկարեանի ըսածի նման ճառախօս չեմ: Բացի այդ լաւ գրագէտ ալ չեմ: Ըսելիքներիս վրայ ալ մեծ վստահութիւն չունիմ: Յարգելի պարոն ժողովականները արդեօ՞ք յարմար չէին նկատեր, որ մէկ անգամ ալ հոգևորական ազդեցիկ հայրերից մէկի գլխատրութեամբ քանի մը վստահելի և անկուսակցական մարդիկ, որպէս հայ ժողովրդի պատգամատրներ, ուղարկելին սա անպիտան և անկրօն վարու մօտ և անոր վստահեցնելին, որ եթէ ասկից աւելին մեզի նեղացնելու չըլլայ, մենք և մեր ժողովուրդը մեզ հանգիստ կը պահենք և նոյնիսկ նիւթապէս ալ անոր կառավարութեան կօգնենք: Նորէն կը կրկնեմ, որ ես ալ այդ մասին շատ վստահութիւն չ'ունեմ:

Դժգոհութեան փափսուկներ ծայր տիւն: Առաջնորդական տեղապահը ձայն խնդրեց և ասաց.

– Յարգելի պ. Գափամաճեանը մասամբ մը իրաւացի է, բայց կը խորհիմ, որ նա տեղեակ չէ այս վերջի օրերու մէջ կատարած փորձերու մասին: Դեռ երեք օր առաջ, ես մեր առաջնորդ Եզնիկ վարդապետի քովն էի: Նա Ջևղէտի շատ մտերիմ երկու մարդկանց հետ անոր մօտ գնաց, որպէսզի անոր խնդրէ շրջաններու հայերու կոտորածներու առաջն առնելու համար: Այդ անբարտաւան շունը, առանց անոնց իր պաշտօնարանն ընդունելու նահանգապետական սրահին մէջ Եզնիկ վարդապետի երեսն ի վեր գոռգոռալով, ըսած էր.

«Հեռացի՛ր աչքէս, գնա՛, անհետացի՛ր դաւաճաններու և անհաւատներու պէտ: Դուք ապերախտներդ, պատերազմի այս օրերին մեզ մեր թիկունքէն կը հարածէք: Ձեր կամատրական գնդերը մեր հայրենասէր զինուորներին աւելի շատ կը կոտորեն, քան ռուս գեավորները, որոնք մեր դարատր թշնամիներն են: Մենք ձեզի շուտով կը ցուցնենք, թէ ի՞նչ կը նշանակէ մեր թշնամիներու հետ միանալով՝ մեր անձնէր զինուորները կոտորելը: Այս երկիրը, մեր Օսմանեան պանծալի կայսրութիւնը մեզ կը պատկանի և ո՛չ թէ ձեզ նման դաւաճան, անհայրենիք հայերուն: Մեր սուրբ պարտականութիւնն է ձեր կեղտոտ գոյութիւնը մեր նիրական հայրենիքէն մաքրել և միանգամայն ազատել ձեզմէ ու ձեր պաշտպան-բարեկամ ռուս անհաւատ դաւաճաններու միջամտութիւններէն և տևական գլխացաւանքներէն»:

– Այսպէս ուրեմն, յարգելի՛ հայրենակից պ. Գափամաջեան, բոլորովին աւելորդ կըլլայ այս ամէնէն յետոյ անգութէն գութ, դահիճէն ողորմութիւն և արիւնաժարաւ գազանէն ազատութիւն հայցել: Մեզ բոլորիս համար միայն մեկ ճանապարհ կը մնայ,



այդ էլ, ինչպես յարգելի ճառախօսները յայտնեցին, ինքնապաշտպանութեան ճանապարհն է: Ես, ինչպէս այստեղ եղողները, շատ լաւ կ'ըմբռնեն գործի էութիւնն ու դժարութիւնը, բայց ի՞նչ կրնանք ընել: Սա մեր դժբախտ ժողովրդի ճակատագիրն է: Կասկած չ'ունիմ, որ այդ անգութ զազանները մեզմէ ոչ մէկին չեն խնայելու և ծրագրած են մեզի կոտորելու, այն էլ տմարդի և ասազակային ձևերով, ինչպէս մինչև այժմ կոտորած են այս նահանգի բազմաթիւ գաւառներու ու գաւառակներու և գիւղերու հազարաւոր հայերը: Ինչու՞ ուրեմն թողնենք, որ մեր անխիղճ թշնամին մեզ էլ անլեզու ու անպաշտպան ոչխարների նման կոտորէ: Մի՞թէ մեր երակներու մէջ նոյն հայ ազգի արիւնը գոյութիւն չ'ունի, ինչ կար ու կը հոսէր քսան տարի առաջ, 95-96-ի Վանի դէպքերու ժամանակ և դարեր առաջ, երբ այս նոյն հայ ժողովուրդը Մեծ Վարդան զօրավարի և Ղևոնդ երեցի առաջնորդութեան կը պայքարէր, կը ճակատամարտէր անկրօնների դէմ: Թող մենք ալ մեռնենք պատուաւոր մահով, հերոսի անմեռ մահով և նոյն այն մահով, որով մեռան մեր ազգի հերոսները, մեր ազգի ազատութեան համար գոհող քաջերը:

Առաջնորդական տեղապահ տ. Գեորգի ճառը չափազանց ազդեցիկ էր: Ժողովականներն եկան այն եզրակացութեանը, որ բացի ինքնապաշտպանութեան ձեռնարկելը, ուրիշ ելք չէր մնում: Նախագահը, որն ժողովի առաջին ճառախօսը՝ Գրիգոր Բուրաբաղի էր, ատելի շուտ էփթէփի պահպանման տեսակետից նախ ժողովականներից հարցրեց որևէ ասելիք կամ առաջարկ ունե՞ն, ապա իր խօսքը մեզ ուղղելով՝ հարցրեց.

– Հերթը ձերն է, երիտասարդ ընկերներ. արդե՞օք որևէ ասելիք ունիք, թէ՞ ոչ: Մեր այսօրայ ժողովի վճիռը չափազանց կենսական նշանակութիւն ունի: Մեր լինել չը լինելու, մեր գոյութեան յարատևման կամ ոչնչացման ծանրակշիռ հարցն է մէջտեղ դրած, այնպէս որ մեզմէ ամէն մէկը լրիւ և կատարեալ իրաւունք ունի իր մտածմունքը, իր յարմար դատած եզրակացութիւնը յայտնելու:

– Ինչ որ պետք էր ասեց արդէն: Մեր կողմից ատելացնելիք ոչինչ ունենք,– պատասխանեցի ես: Մեր ցանկութիւնն ու նպատակը ձերիցից տարբեր չէ: Մենք ամենքս ալ ներկայ պայմանների մէջ մէկ նպատակ, մէկ ձգտում ունինք: Ինչով որ կարող ենք, պիտի պայքարենք մեր ժողովրդի փրկութեան համար, և եթէ մեզ վիճակած է մեռնել, գոնէ պատուով մեռնենք:

Ժողովը փակած յայտարարեց: Նախագահը ժողովականներից խնդրեց յաջորդ օրը նոյն տեղում և ժամը 8-ին ներկայանալ՝ ընտրելու համար պատերազմական կենտրոնական կոմիտէն և միւս օժանդակ, գործի համար անհրաժեշտ սեկցիաները: Ժողովականներին յանձնարարեց, նկատի ունենալով ծայրահեղ տագնապալից դրութիւնը, լինել չափազանց զգոյշ և մանաւանդ գաղտնապահ:

## ԱԶՆԻՒ ՅԵՂԱՓՈԽԱԿԱՆ ԵՒ ԻՍԿԱԿԱՆ ՀԱՅՐԵՆԱՍԵՐ

Ժողովարահից դուրս գալու ժամանակ, երբ Աղասու հետ օրայ տագնապի և վերահաս սարսափելի աղէտի մասին էինք խօսում, իմ աջ թև գրկեց: Նայեցի, Բուրաբաղի Գրիգորն էր: Նա սկսեց մի շատ մտերմիկ մեղադրանք:

– Միրա՛ք, ա՛յ օղուլ, այդ ինչպէս է, որ դու ամիսներից ի վեր, քու այնքան մօտ և մտերիմ բարեկամիդ այցելութեան չես գար: Նա շատ յաճախ քեզ կը յիշէ և կը կարօտի: Մարօն շատ անգամներ ձեր տունն է եկած, բայց քեզ տանը չէ գտած: Նա յաճախ կը կրկնէ, որ իր մօրմէ զատ՝ մէկ եղբայր և մէկ հաստ ալ քոյր ունի, որ դու ես և քու քոյրը: Ինչպէ՞ս կարելի է այդպէս խորթ ու անտարբեր ըլլալ նման հարազատ բարեկամի մը հանդէպ:

– Պ. Բուրաբաղի, դուք շատ իրաւացի էք: Ես, իհարկէ, այդ խնդրի վերաբերեալ մեղաւոր եմ, բայց գիտէք ատոր պատճառը... յետոյ սկսեցի բառերս ծամծմել, որից, իհարկէ նա չէր կարող ոչինչ հասկանալ և անկեղծաբար ու շեշտակի հարցրեց.

– Օղուլ, ինչու՞ կամչնաս ու կը քաշուիս: Պարզն ասա, նայիմ՝ ի՞նչն է պատճառը:

– Ես կը մտածէի, քանի որ ձեր կուսակիցներից չեմ, կարող է պատահել, որ իմ ներկայութիւնը ձեր տանը, ձեզ համար այնքան էլ հաճելի չը թի:

– Վա՛յ, բարամ, վա՛յ, օղուլ, այդ կերպ մտքեր ընելը քեզ կը սազի: Բա՛ այդ խօսքերն ամօք չէ ըսելը: Մարօն միշտ ըսած է ինձ, որ դու իր անկեղծ և սիրելի բարեկամն ես, որ դու նրա եղբայրն ես: Նորէն կը կրկնեմ, որ այդ խօսքերն ու մտքերը քեզ նման մէկ երիտասարդի չի սազեր: Ի՞նչ կուսակից և ո՛չ կուսակից կարող է ըլլալ հայ մարդկանց համար:

Ապա մի փոքր ընդմիջումից յետոյ, ատելացրեց.

– Միրա՛ք, տղա՛ս, եթէ ինձ հարցնելու ըլլաս, սա դաշնակցական, հնչակեան չեմ գիտեր, արմենական և ռամկավար կոչւած անունները պարսպ խօսքեր են: Մենք հալածուած և կեղեքուած փոքր ազգ մըն ենք: Մենք ամենքս պետք է մէկ սիրտ մէկ հոգի ըլլանք: Մենք բոլորս պետք է միանանք, իրար հետ դաշնակցենք և միայն մէկ կուսակցութիւն ունենանք, այն էլ ազգի կուսակցութիւն, ազգի ազատութեան և հայրենիքի փրկութեան կուսակցութիւնը: Տեսնում ես, այսօր-վաղը կամ մէկ քանի օր յետոյ, կարող է պատահել, որ տաճիկ բարբարոսները մեզի մորթոտեն, մեր հայրերն ու մայրերը, մեր քոյրերն ու եղբայրները կոտորեն և մեր կինն ու երեխաները առևանգեն ու կրօնափոխ ընեն և այդպիսով մեր հարազատ օջախների կրակը իսպառ մարեն, իսկ մենք, մենք թշուառներս տասնեակ տարիներ է ի վեր կուսակցութիւններ կը սարքենք և իրարու կոկորդը պատռենք: Կը ցաւիմ և շատ կ'ափսոսամ, որ իմ այս խօսքերը ժամանակին չեն ցանկա-

ցած լսել... Վաղն աշխատիր մեզ մօտ գալ: Մարօն շատ կ'ուրախանայ, իսկ ես դեռ քեզ ասելիք շատ խօսքեր ունիմ: Ներողություն, այս գիշեր մեր ինքնապաշտպանութեան համար շտապ գործ ունիմ կարգադրելու:

Նրա շատ մտերմական մօտեցումը և անկեղծօրեն ու սրտի խորքից արտայայտած մտքերը մի քանի լուրջ ինձ շնորհակցին: Այս Բուլղարացի կոչված Գրիգորը, բացի լաւ յեղափոխական լինելը, մաքրարիւն հայ և անկեղծ ու իսկական հայրենասէր է եղել: Իսկ մի՞թէ նրա մտքերն ու ապրումները միանգամայն իրաւացի և ճշգրիտ չեն: Իսկապէս, մեզ նման հալածուած, իրաւագրկուած բռնութիւնների և կոտորածների մշտական կոշմարի տակ սարսափահար շնչող մի փոքր ազգի համար ինչի՞ եմ պէտք այս բոլոր իրարամերժ կուսակցութիւնները: Մի՞թէ Բուլղարացին իրաւացի չէ, երբ ասում է. «Մեզ մէկ կուսակցութիւն է պէտք, այն էլ Ազգի կուսակցութիւն, հայրենիքի, հայ ժողովրդի փրկութեան և ազատագրման կուսակցութիւնը...»:

### ԱՅՅԵԼՈՒԹԻՒՆ ԻՄ ՍԻՐԵԼԻ ԲԱՐԵԿԱՄԻՆ

Յաջողոր առաւօտեան՝ ժամի 9-ին, Բուլղարացի Գրիգորի սիրալիր հրաւերից յետոյ, աճապարեցի իմ մանկութեան և պատանեկութեան ամենասիրելի և ամենալաւ բարեկամի՝ Մարօի մօտ այցելութեան գնալ: Դռան սեմին ինձ հանդիպելուն պէս նրա ուրախութիւնն այնքան մեծ եղաւ, որ տարերօրէն և անզուսպ գիրկս նետուելով, բազմաթիւ անգամ երեսս ու ճակատս համբուրեց:

– Ա՛խ, իմ սիրելի՛ Սիրաք, բա մեր տարիների հարազատութիւնն ու մտերմութիւնը պէտք էր այսպիսի վերջաւորութիւն ունենար, որ մենք ի վիճակի չը լինէինք երկար ամիսներից ի վեր իրարու հանդիպելու և մեր կարօտն առնելու: Մի՞թէ մոռացել ես, որ ինձ քու քոյրն էիր անուանում և քու ասելով ինձ Արաքսու նման սիրում էիր: Ուրեմն ինչպէ՞ս եղաւ, որ այսքան ժամանակ ինձ մոռացութեան ես տուէ:

– Սիրելի՛ Մարօ, ես ինչպէ՞ս կարող եմ քեզ մոռացութեան տալ: Միթէ որևէ մէկը կարող է իր քրոջը, այն էլ քեզ նման աննման և անզին քրոջը մոռանալ: Դու ինձ համար ոչ միայն քոյր, այլ մայր, խնամակալ, դաստիարակչուհի, էլ ինչ իմանամ, ամէն ինչ ես եղել: Ես քեզ երբէք, երբէք մոռանալ չեմ կարող: Ես միշտ կը շարունակեմ քեզ հարազատ քրոջ նման սիրել:

Թե՛ս գրկած՝ ինձ առաջնորդեց իրենց ճաշարանը: Ապա յանկարծ հարցրեց.

– Իսկ Արաքսին քեզ ասել է, և դու իմացել է, ես հիմա 3 ամսականնոց մի սիրունիկ մանչ երեխայ ունեմ,– և իմ պատասխանին չ'սպասելով՝ ինձ քաշ

տուց իրենց ննջարանը: Մարօի համեստ տնակի մաքրութիւնն ու կանոնաւորութիւնը ինձ շնորհել էր: Իսկապէս այդ աղջիկը մի կատարեալ բացառութիւն էր: Նա ծայրահեղօրէն մաքրասէր և կարգ ու կանոնի սիրահար էր: Ոչ ոք չէր կարող իմանալ, թէ այդ բացառիկ ընդունակութիւններին ինչպէս էր տիրացել իր թշուառ ընտանիքում, իր կորաքամակ, սնքած և ոսկրացած մօր մօտը:

Իր օրօրոցում մուշ-մուշ քնել էր Մարօի նորածին բալէն: Սիրում էր, ինչպէս ինքը՝ Մարօն: Ուրախութիւնից և երջանկութիւնից Մարօն փայլվում էր: Նրա անասանուն ուրախութեանն ես էլ հաղորդակից էի եղել և ինձ մոռացութեան էի մատնել: Մտքումս ես կլանուած էի այն երջանիկ ժամերի վերապրումով, երբ ես և նա մեր պարտիզում խաղում, վազվզում էինք, և երբ ես յոգնում էի, նրանից խնդրում էի նստել և իմ գլուխս իր ծնկներին դնելով, ինձ շոյել, փայփայել, համբուրել... Չէ՞ որ այդ ժամանակներում ես մայրական, հարազատ, անխառն սիրոյ այրող կարօտն էի քաշում և այդ կարօտով ջերմում և մաշում էի:

Չարածճիօրէն ինձ հետ կատակելով, մի անգամ էլ ինձ համբուրելով՝ Մարօն նորից հարցրեց:

– Սիրաք, ասա՛ տեսնեմ, ինչի՞ համար, ի՞նչ պատճառով այսպէս ինձ միանգամայն մոռացար: Ի՞նչ եմ արել քեզ, կամ ի՞նչ է պատահել քեզ հետ: Սիրաք, եթէ նոյնիսկ մի գեղեցիկ և հետաքրքիր աղջկայ ճարած լինես, նորից իրաւունք չունես ինձ մոռանալու, որովհետև դու իսկական հարազատի նման իմ սրտում տեղ ունես: Մի մոռանայ իմ քեզ հետ անցկացրած մանկութեան երջանիկ օրերը:

– Մարօ՛, սիրելի՛ս, դու ինձ ամաչեցնում և շփոթութեան ես մատնում: Ես քեզ երբէք չեմ մոռացել և նախկինի պէս, գուցէ աւելի շատ եմ քեզ սիրում: Մինչև հիմա ոչ մի աղջիկ ինձ չի պատահել և չի հետաքրքրել: Նախ որ մինչ այժմ ես ժամանակ իսկ չեմ ունեցել այդ առթիւ մտածելու: Քու ամուսնուց կը հետաքրքրուես և գլուխ քորելու հնարաւորութիւն իսկ չեմ ունեցել: Ամբողջ արթուն ժամերս կամ դպրոցին, կամ կազմակերպչական-հասարակական գործերիս եմ նւիրել:

Մի քիչ յետոյ անդրադառնալով Գրիգորի բացակայութիւնը՝ հարցրի.

– Մարօ՛ ու՛ր է ամուսինդ: Նա ինձ խոստացել էր այսօր ձեր տնում տեսակցել: Մի փոքր սպասելուց յետոյ աւելացրի.

– Մարօ, գիտե՛ս, դու քեզ շատ բախտաւոր պիտի համարես Բուլղարացու նման մի շատ ազնիւ ամուսին ունենալուդ համար:

– Միանգամայն իրաւացի ես, ես շատ երջանիկ եմ համարում ինձ Գրիգորիս նման ամուսին ունենալուս համար: Ինչ վերաբերում է նրա բացակայութեանը, երեկ գիշեր նա շատ ուշ վերադարձաւ: Չափազանց յոգնած էր զգում իրեն: Այս վերջերս շատ քիչ է քնում: Ամբողջ ժամանակ իր կուսակցա-

կան գործերովն է զբաղած: Քննելիս էլ շատ անհանգիստ է քնում: Առաւօտեանը հազիւ մի քանի րոպէ նախաճաշի նստեց և ասաց, որ արտակարգ գործեր ունի:

– Այո՛, ճիշտ է ասում: Դրութիւնը չափազանց լուրջ է: Կարող է պատահել՝ այս երկու-երեք օրերում դրութիւնը ատելի ևս մթազնի: Մենք այս օրերում ամէն վայրկեան թիրքերի յարձակման և կոտորածի վտանգի կոշմարն ենք ապրում:

– Իսկապէ՞ս, Միրաք, մենք ի՞նչ պիտի անենք: Հազիւհազ մեզ յաջողւեց մի տարի համեմատաբար հանգիստ շունչ քաշել: Ներկայիս ես երջանիկ եմ իմ ընտանիքով և մանաւանդ իմ 3 ամսական Կորինով: Ուրեմն մենք իրաւունք չունե՞նք գոնէ մի առժամանակ մի քիչ երջանիկ ապրելու և կեանքի քաղցրութիւնը զգալու: Ախր մենք ինչո՞վ ենք մեղաւոր: Ում ի՞նչ վատութիւն ենք արել: Ո՞վ է մեզ անիծել, որ չենք կարող մի հանգիստ օր ու արև վայելել:

Նկատեցի, որ Մարօն փոթորկալից ծովում խեղդողի նման սարսափահար եղած չափազանց գունատուեց: Նրա համար իհարկէ շատ և շատ թանկ էր իր ներկայ կենցաղն ու մանաւանդ իր պաշտելի փոքրիկ երեխան: Ես անզիտակցաբար մթազնեցի նրա անսահման երջանկութիւնը՝ նրան վաղուայ սարսափելի աղէտի մասին տեղեկացնելով: Ըստ երևոյթին ամուսինը նրան փոթորկող կատաստրոֆի մասին ոչինչ չէր ասել: Մի քանի րոպէ առաջ կատարեալ երջանկութեամբ շողշողացող Մարօն տխրել, մթազնել և արտասուալից էր դառել: Փորձեցի սխալս ուղղել և նրան յուսադրել:

– Մարօ՛, իմ սիրելի՛ Մարօ, զուր ես այդքան տխրում և յուսալքում: Մեզ՝ Այգեստանի հայերիս համար փրկութեան մեծ յոյսեր կան: Տաճիկները չեն համարձակւի մեզ վրայ յարձակելու: Մենք մեզ պաշտպանելու ամէն հնարաւորութիւն և միջոցներն ունենք: Մի քիչ առաջ ես կատակ արի: Ուզեցի քու քաջութեան աստիճանը փորձել: Ափսո՛ս, որ փոքր հասակիդ վախկոտութիւնը դեռ քեզնից ձեռք չի քաշել: Սրանից յետոյ կաշխատեմ շաբաթը մէկ-երկու անգամ քեզ մօտ գալ: Սրանից յետոյ իմ գործերն ատելի թեթև են լինելու:

Վերջին անգամ, մի անգամ ևս, ջերմագին ողջագուրելով, իրարից բաժանեցինք:

**ԵՐԿՐՈՐԴ ԵՒ ՎՃՈՒԱԿԱՆ  
ԽՈՐՀՐԴԱԿՑԱԿԱՆ ԺՈՂՈՎՐ**

Ապրիլ 5-ի երեկոյեան ժամի 8-ին, նախկին գիշերայ սրահում, տեղի ունեցաւ միջկուսակցականի, կամ, ինչպէս որոշուեց նրան անուանել, Այգեստանի Ինքնապաշտպանութեան Կենտրոնական Կոմիտէի երկրորդ և վճռական նիստը: Բոլոր ժողովականների կեցածքը, դէմքը, արտայայտութիւնը



*Հովհաննէս Կոյրողյան*

ծանրօրէն տազնապալից էր: Ժողովարահի ձախ անկիւնից մէկն առաջարկեց:

– Յովհաննէս Կուլօղլեանը թող ներութիւն քաշի այսօրայ նիստին նախագահելու:

Միւսները երկրորդեցին եղած առաջարկը:

Ոտքի կանգնեց հին յեղափոխական Արմենականը՝ 96 թի գուլումների և կոտորածների կենդանի վկայ և նրանց դիւցազներգող-ողբերգակ բանաստեղծ Յովհաննէս Կուլօղլեանը:

– Շնորհակալ եմ ձեր ամենքի՛ իմ նկատմամբ տաժած գնահատանքի և հաւատքի համար: Այս վերջին քանի օրերում և մանաւանդ երէկ գիշերանէ սկսած եմ հաւատալ, որ մենք ամենքս միևնոյն ցանկութեամբ և մտասևեռումով տոգորուած ենք: Ամէն ինչ, ամէն հնարաւորը պէտք է ընել իրականացնելու համար մեր ինքնապաշտպանութեան նւիրական և սրբազան պարտականութեան անթերի կատարումը:

– Ինչ խօսք, որ սոյն ինքնապաշտպանութեան գաղափարը, չնայած չափազանց ուիրական է, բայց իրականութեան մէջ, կամաւոր, գիտակցական ինքնագոհում է: Մենք կուելու ենք լաւ գիտակցելով, որ մեր պայքարը կենաց ու մահու կռիւ է: Չեմ չափազանցներ, եթէ ըսելու լինեմ, որ մեզմէ ամէն ոք կը գիտակցէ, որ կամովին և անձնիրաբար մահն է գրկում: Ի՞նչ կարող ենք ընել: Մեզմէ ամէն մէկը կասկած անգամ չ’ունի, որ ազնիւ, արդար այս

պայքարի մէջ ինքնագոհման կը դիմէ, բայց միաժամանակ գիտէ և համոզուած է, որ ուրիշ ելք, ուրիշ փրկութիւն չ'ունի: Չնայած որ կատարեալ յօժարակամութեամբ և գիտակցութեամբ մահուան կը դիմենք, բայց մէկ անխախտ և վճռական համոզում ունենք, որ զոհուելու ենք քաջաբար, ինքնական և մեռնելու ենք մէկ ազնիւ գաղափարի համար, մեր ժողովրդի, մեր ազգի արդար դատի պաշտպանութեան և անոր ապագայ սերնդի ազատ և պատուաւոր գոյութեան համար: Այո՛, մենք կը գոհուինք ազնիւ և հերոս ժողովրդի մը քաջ զաւակներու մահով, բայց կ'ապացուցենք, որ մեր տմարդի և բարբարոս թշնամին ալ պիտի խեղդի մեր վրիժառու արեան հեղեղին մէջ: Մենք կը գոհուենք մեր ազգի գոյութեան պաշտպանութեան և մեր հայրենիքի, մեր բռնագրաւած հողի ու օջախի ազատագրման համար: Կեցցէ՛ հայ ազգը: Կեցցէ՛ անոր լուսաւոր ապագան: Նկատի ունենալով, որ մեր ամէն մէկ վայրկեանը ինքնապաշտպանութեան գործի տեսակետէն շատ քանկ է, կառաջարկեմ անմիջապէս ընտրել այս Կենտրոնական Կոմիտէի Պատերազմական մարմինն ու անհրաժէշտ օժանդակ մարմինները: Ստիպուած են խոստովանելու, որ մենք շատ ուշացած ենք մեր ինքնապաշտպանութեան շտապ գործողութիւններու մէջ, մինչդեռ մեր բնաջնջման ծրագիրն ու նրա գործադրութեան եղանակներն արդէն ուսումնասիրած և պատրաստուած են:

Ստրերի շտապ փոխանակումից յետոյ համարեա առանց վիճարանութեան և առարկութեան նախ ընտրուեց Պատերազմական Մարմին կամ շտաբ, հետևեալ անձնատրութիւններից՝ Գրիգոր Բուլղարացի, Արմենակ Եկարեան, Յովհաննէս Կուլօղլեան, Փանոս Թերլեմեզեան<sup>24</sup> և պրօֆեսոր Սիքայէլ Սինասեան: Փոխանդամների շարքումն



*Փանոս Թերլեմեզյան*

էին Հր. Գալիկեանը, Դալիթ Փափագեանն և Լ. Շաղոյեանը, որը ստիպուած եղաւ հէնց նոյն գիշերը մեկնել Փէսանդաշտ, այնտեղի ինքնապաշտպանութեան ղեկավարութիւնը ստանձնելու համար: Զինուորական շտաբը, անհրաժէշտ պարագաներում խորհրդակցելու էր Արամ Մանուկեանի հետ:

Ապա որոշուեցին հետևեալ օժանդակ մարմինները կամ սեկցիաները:

**Հայթայթիչ սեկցիա**, որի պարտականութիւնը պիտի լինէր կենսամթերքներ հայթայթել և առա-

<sup>24</sup> **Փանոս Թերլեմեզյանը** ծնվել է Վանում 1867 թ. (այլ տեղեկության համաձայն՝ 1865 թ.): Տարրական կրթությունը Հանկուսների թաղի ծխական դպրոցում ստանալուց հետո 1881-1886 թթ. ուսումը շարունակել է Վանի Կենտրոնական վարժարանում: 1880-ական թթ. վերջերին Փանոսն արդեն արմենական դրոշի ներքո գործող հեղափոխական էր: 1890-ին Սալմաստի վրայով զենք ու հեղափոխական գրականություն փոխադրելու ձեռնարկի մեջ բռնվում է ու բանտարկվում: Ազատվելով նորից լծվում է հեղափոխական աշխատանքի: 1892 թ. Շատախի Ծիծանց գյուղում մի քանի ընկերների հետ մասնակցում է գավառի հայության գլխին պատուհաս դարձած գրավի քուրդ Շաքիրի ահաբեկման գործողությանը. սպանվում են մի քանի քրդեր, բայց Շաքիրը հաջողում է մազապործ փախչել: Վան վերադարձի ճանապարհին խումբը ընդհարվում է նաև ոստիկանության հետ և սպանում երկու ոստիկանի: Գրանից հետո կառավարությունը մահվան դատավճիռ է կայացնում Փանոսի համար, որը ստիպված Պարսկաստանի վրայով հեռանում է Վանից ու Կովկասի վրայով հասնում Պետերբուրգ նկարչություն սովորելու նպատակով: Երկու տարի անց թուրքական կառավարության ցուցմունքով Պետերբուրգում Փանոսը ձերբակալվում է, սակայն իբրև պարսկահայասակ՝ Պարսկաստանի դեսպանի երաշխավորությամբ ազատվում է և քաղաքում Պարսկաստան: Թավրիզից Փանոսին հաջողվում է անցնել Փարիզ, որտեղ ընդունվում է նկար-

չական ակադեմիա: Այստեղ մասնակցում է նկարչական գաճաճական ցուցահանդեսների, շահում է բազմաթիվ մրցանակներ և կարճ ժամանակում ձեռք բերում հայտնի նկարչի համբավ: Նկարչական արվեստում կատարելագործվելու համար տաղանդաշատ վանեցուն դրամական նպաստ է հատկացնում Խրիմյան Հայրիկը: Վերադառնալով Կովկաս Թերլեմեզյանը միառժամանակ նկարչություն է դասավանդում Թիֆլիսի Ներսիսյան և Հովհանյան դպրոցներում: Այնուհետև կրկին անցնում է Փարիզ, իսկ Օսմանյան Սահմանադրության հաստատումից հետո՝ Կոստանդնուպոլիս և նվիրվում նկարչությանը: 1913 թ. Գերմանիայի Մյունխեն քաղաքում կայացած նկարչական ցուցահանդեսում Փանոսի նկարները շահում են ոսկե մեդալ: 1914 թ. վերադառնում է Վան՝ հայրենի տեսարաններ նկարելու մտադրությամբ: 1915-ի ապրիլյան հերոսամարտի օրերին Թերլեմեզյանը զենքը ձեռքին կարևոր դեր է կատարում Այգեստանի Զինվորական Մարմնում: Յավոք, նրա նկարների մի կարևոր մասը կորչում է վանեցիների առաջին գաղթի ընթացքում: 1916-1918 թթ. Թերլեմեզյանն անց է կացնում Արևելյան Հայաստանում, 1919-ին անցնում Կ. Պոլիս, 1922-ին Փարիզ, ապա՝ Հյուսիսային և Հարավային Ամերիկաներ և վերջապես 1928-ից վերջնականապես հաստատվում է Երևանում: Վախճանվել է 1941 թ. Երևանում:

ջին հերթին ուտելիք հասցնել դիրքերում կուող զինուորներին, ապա ըստ հնարաւորութեան պարէնով օգնել Այգեստան փախչող շրջանների անտուն և անտէր հայ ազգաբնակչութեանը: Հայթաթիչ մարմինն իր տրամադրութեան տակ ունենալու էր փոռեր և խոհանոցներ, որոնց անհրաժէշտ ալիւրն ու մսացուն հայթաթելու էր զանազան միջոցներով:

**Նպաստամատոյց սեկցիա.** օժանդակելու էր հայթաթիչ մարմինն և Այգեստանի ունևոր և միջակ խաւերից հաւաքելու և ամբարելու էր անհրաժէշտ կենսամթերքները: Յայտնի վաճառականներից Ս. Գափամաջեանը սրա նախագահն էր:

**Առողջապահական սեկցիա,** որի տրամադրութեան տակն էր լինելու Հայկական Կարմիր Խաչը իր բոլոր դեղորայքով, վիրաբուժական գործիքներով, փոխադրական միջոցներով, հիւանդանոցով և առաջին օգնութեան մի քանի կայաններով: Այս սեկցիան գործելու էր դոքտոր Սան-Ֆանի-ի (Խոսրով Չիքունի) ղեկավարութեամբ և դոքտ. Խաչիկի օգնականութեամբ:

**Պլանային և ամբաշէն մարմինը.** այս յանձնախումբը ինքնապաշտպանութեան օրերին, արտակարգօրէն կարևոր աշխատանքներ էր կատարելու: Շուրջ 400-500 որմնադիրներ, գետնավոր բանուորներ, կառուցող արհեստաւորներ իր տրամադրութեան ներքև ունենալով՝ անմիջապէս պիտի վերաշինէր քանդուած դիրքերը, կուողների համար խրամներ պիտի փորէր և ընդյատակեայ թունել-անցքեր պիտի սարքէր դիրքերի հաղորդակցութեան և իրարամէջ-փոխադարձ օգնութեան համար: Այս կազմակերպութեան անձնէր աշխատաւոր վարպետների և հայրենասէր բանուորների փորած ներքնուդիներով և ընդյատակեայ թունել-անցքերովն էր, որ հնարաւոր պիտի լինէր պայթեցնել և օդը հանել Այգեստանի կրծքին նստած և նրա ինքնապաշտպանութեան գործը վտանգող թշնամու զօրանոցները: Այս սեկցիայի, աւելի ճիշտ կը լինէր ասել, կազմակերպութեան եռանդուն և ամէն գնահատանքի արժանի գլխաւորներն էին Շաւարշ Հովիւեան, Ազատ Խորէնեան և Գր. Պանիրլեան:

**Տեխնիկական և զինաբաշխական սեկցիաներ.** ինքնապաշտպանութեան օրերում այս երկու յանձնախմբի գործունէութիւնը փրկարար դեր էր կատարելու: Առաջին յանձնախումբը պրօֆ. Միքայէլ Միմասեանի ղեկավարութեամբ մասնաւոր արհեստանոցում գլխաւորապէս զբաղուած էր լինելու վառօդի պատրաստութեամբ: Այս գործում պրօֆեսորին օգնելու էր Երամեան դպրոցի մաթեմատիկայի և քիմիայի ուսուցիչ Մամբրէ Մկրեանը: Չինաբաշխման յանձնախումբ էլ իր հերթին, անգնահատելի աշխատանք կատարելու էր նրա տրամադրութեան տակ եղող զինագործարանում գործից ընկած և անպէտքացած բոլոր զէնքերը նորոգելով: Չինաբաշխական յանձնախմբի և զինագործարանի անդամ-

ներն էին Դաւիթ Փափագեանը, Մարգար Ղարիբջանեանը, Ա. Բօռոզանջեանը, Կար. Բեզլարեանն ու Գաբրիէլ Աճէմեանը:

**Պրոպագանդի և տեղեկատու սեկցիան.** բաղկացած էր Յովհ. Կուլօղլեանից, Ա. Խանջեանից, Օննիկ Մխիթարեանից, Արմ. Փոխարեանից:

Այս յանձնախմբի պարտականութիւնը պիտի լինէր հերթական կոչերով (խմորատիպ) և տեղեկութիւններով դիրքերում կուող զինուորներին և ընդհանրապէս ժողովրդին տեղեակ պահել տարուող պայքարից, դիրքապահների դիմադրական քաջագործութիւններից, իրենց հայրենակիցների փրկութեան համար ծանր վիրաւորուած կամ մեռած անմահների հերոսութիւններից և մանաւանդ քաջաւերել և խրախուսել մարտնչողներին և ինքնապաշտպանութեան ամէն մարզերում անձնուրացօրէն աշխատող բազմութիւններին:

Ի վերջոյ անհրաժէշտ համարեց նշանակել նաև **դատական և քաղաքապետական մարմիններ:** Դատական մարմնում ընտրեցին Հրանդ Գալիկեանն ու Ռուբէն Շատաւորեանը: Քաղաքապետական մարմնում նշանակեցին Պետրոս Մօզեանը, Ղևոնդ Խանջեանն ու Խաչիկ Չինօեանը:

Գրիգոր Բուլղարացու առաջարկութեամբ և ժողովականների հաւանութեամբ **հայթաթիչ և նպաստամատոյց մարմինների տրամադրութեան ներքև կազմելիք բոլոր պահեստների ու պարէնների բաշխման անմիջական հսկողութիւնը** յանձնեց ինձի: Նորից Գրիգորի առաջարկութեամբ կարգադրեց սեկցիաներին անմիջապէս ժողովի նստել և որոշել իւրաքանչիւր յանձնախմբի անյապաղ ձեռնարկելիք աշխատանքն ու նրա գործունէութեան ձևերը:

Պատերազմական շտաբն էլ իր հերթին անմիջապէս գործի անցաւ և մինչև ժամի 2-ը, կէսգիշերից անց, որոշեց Այգեստանի պաշտպանողական դիրքերը, դիրքապահ մարտիկներն ու ամէն մէկ դիրքի և պաշտպանութեան կենտրոնի դիրքապետներն ու օգնականները:

## ԱՀԱԶԱՆԳՆ ՈՒ ՃԳՆԱԺԱՄԸ

Միջկուսակցական երկրորդ ժողովից անմիջապէս յետոյ՝ գիշերայ ժամի տաս և կիսից սկսած, Ինքնապաշտպանութեան Կենտրոնական Կոմիտէն՝ իր զինուորական շտաբով և բոլոր սեկցիաներով, սկսել էր իր տենդագին աշխատանքը:

Չինուորական շտաբը զինաբաշխական սեկցիայի օգնութեամբ բազմաթիւ պրպտումներից և ստուգումներից յետոյ կազմեց զանազան տեղերում թաքցրուած տների ու այգիների նկուղներում և անկիւններում պահուած ամէն տեսակի զէնքերի ու ատրճանակների, բազմահարուածների ցուցակները, ինչպէս նաև վառօդի և փամփուշտների քանակը:

Ինքնապաշտպանութեան պլանային սեկցիայի համագործակցութեամբ շտաբը նոյն գիշերայ ընթացքում գծագրել և վերջացրել էր ինքնապաշտպանութեան գծերն ու որոշել էր դիրքերի վայրերը:

Այգեստանի ինքնապաշտպանութեան և դիմադրութեան ծրագիրը ներառում էր հինգ գլխատր շրջաններ, որոնցից ամեն մէկն ունէր 12-20 դիրքեր, իրենց դիրքապահ խմբերով, դիրքապետներով և օգնականներով: Այս հինգ շրջաններն ենթարկում էին իրենց շրջանապետներին, իսկ այս վերջինները կենտրոնական ինքնապաշտպանութեան շտաբին: Դիրքերի կարևորութեանը, կամ աւելի ճիշտ կը լինէր ասել, խոցելիութեան հաշով որոշել էր դիրքապահների քանակն ու որակը և նրանց տրամ գէնքերի քանակն ու տեսակը: Յաճախ վտանգաւոր դիրքերին օգնութեան հասնելու էին մէկ կամ երկու օժանդակ խմբեր, որոնք կազմել էին 14-18 տարեկան խիզախ և յանդուգն պատանիներից: Պաշտպանութեան սահմանային գծերն ու բոլոր դիրքերը որոշելիս կատարել էր մանրակրկիտ և խիստ ուշադիր քննութիւն՝ նպատակ ունենալով, ըստ հնարատրութեան, խոցելի և շատ վտանգաւոր կէտերը չը ներառել ինքնապաշտպանութեան գօտիում:

Բայց չափազանց արտակարգ հանգամանք էր ներկայացնում պետական ուժերի կենտրոնացման վայրերի (գօրանոցների, պահակատների և այլն) ներկայութիւնը պաշտպանութեան այդ գործի ներսում:

Թիրք նահանգապետն ու նահանգային զինուորական հագարապետը, կասկածելով հայերի հաւանական ընթոստութեանը և դիմադրական կռիւներին, վաղուց ի վեր զինուորներով և զինապաշարով հիմնովին ամրացրել էին այդ գօրանոցներն ու պահեստները: Նոյնիսկ նախապատրաստել էին կենսամթերքի և ջրի մեծ պաշարներ:

Միայն մի պարագայ, որ հայաջինջ տաճիկ կառավարութիւնը հաշարկման չէր ենթարկած, դա հայ ժողովրդի ստրկութեան շղթաները ջարդ ու փշուր անելու պատրաստող և իր արիւնը թանկ ծախելու վճռակամութիւնն ունեցող Վասպուրականի հայ ազգաբնակչութեան անխորտակելի կամքն ու անմահ խիզախութիւնն էր:

Ապրիլի 5-ի առաւօտեանից՝ վաղ լուսաբացից սկսած, Այգեստանի ազգաբնակչութիւնը ճգնաժամային տագնապի ենթարկեց: Թիրքական թաղամասերում ապրող հայերը, խուճապահար իրենց ամենաանհրաժեշտ կենսամթերքներն ու թանկագին հաշած իրեղենները էշերի և եզների ու սայակների բեռքած, հայկական թաղամասերն էին փոխադրում: Նրանցից շատ շատերը մեծ ցանկութիւն ունէին իրենց գորգերը, պղնձեղէններն ու թանկարժէք իրերը փոխադրել կամ գետնափորերում և հորերում թաղել, բայց ժամանակն արդէն շատ քիչ էր, քանի որ ազդարարած էր՝ ինչքան կարելի է շուտ, մինչև իսկ ժամ առաջ փոխադրել: Բարեբախտաբար, Այ-

գեստանի հայ ազգաբնակչութեան ամենախոշոր տոկոսը կենտրոնացած էր հայկական թաղամասերում: Թիրքերն էլ իրենց հերթին ճնշող մեծամասնութեամբ առանձին թաղամասերում էին ապրում:

Երկու օր առաջ ես հօրս նախագուշացրել էի:

– Տէր հայր, Ս. Յակոբայ եկեղեցին թիրքերի թաղամասի սրտումն է գտնուում: Ժամկոչի միջոցով նախ յայտնի՞ր այդ թաղամասում գտնուող մի քանի ընտանիքներին տեղափոխել հայկական թաղամասերը: Կարգադրի՞ր նաև եկեղեցու ոսկեղէն և արծաթեղէն սրբանօթներն ու թանկարժէք նկարներն ու իրերը վերցնել և յանձնել երեցփոխին կամ թաղային խորհրդի նախագահ Սարգիս աղային:

– Հայ ծխականներից, չը գիտեմ ինչպէ՞ս, քանի հոգի իմացած և ինձ մօտ էին եկած խորհուրդ հարցնելու: Ճիշտն ասած, ես չը կարողացայ անոնց խորհուրդ տալ, բայց քանի որ կըսես անհրաժեշտ է, անմիջապէս լուր կը հասցնեմ, որ այդ խեղճ մարդիկ չը մնան գերութեան մէջ: Ինչ կը վերաբերի սրբանօթներին և թանկարժէք իրեղէններին, մեր անկուշտ գործակից տ. Յուսիկը, չեմ գիտեր երեցփոխին, թէ Սարգիս աղին յայտնա՞ծ է թէ ոչ, արդէն բոլորը հաւաքած ու տարած է: Դէ, զարմանալի ալ չէ, նա այդպէս յարմար պարագայի կը սպասէր իր անկուշտ ախորժակը յագեցնելու համար:

Նահանգապետ Ջւղէտն ամիսներ առաջ հեռացրել էր ռուսական և անգլիական հիւպատոսարանների փոքրաթիւ պաշտօնէութեանը և փակել էր տուէլ հիւպատոսարանները: Մնացածներին, մասնաւորաբար ամերիկացի միսիոնարներին, առաջարկել էր նրանց պաշտպանութեան պատրասկով տաճիկ և լազ զինուորներ տալ: Բայց նրա նենգ դիտարութիւնը ժամանակին իմացել, և խանգարել էր նրա ծրագիրը:

Ամերիկացի դոքտ. Ըշրից պաշտպանութեան կոմիտէի կողմից խնդրեց, մարտնչող վիրաւորներին սանիտարական օգնութիւն ընծայել: Նա սիրալոծար համաձայնեց հայերին տրամադրել իր բոլոր դեղօրայքն ու սանիտարական ու հիւանդանոցային սարքաւորումները:

Ինքնապաշտպանութեան սեկցիաների ամենամեծ դժարութիւնը կայանում էր գէնքի, զինապաշարի և կենսամթերքների անբաւական լինելու մէջ:

Չնայած այն հանգամանքին, որ Այգեստանի ամբողջ հայութիւնը՝ հարուստից մինչև միջակը և երբեմն նոյնիսկ չունկորը, սիրալոծար տրամադրում էր իր բոլոր հնարաւոր միջոցները, բայց և այնպէս, այդ երկու հիմնական միջոցների՝ ինքնապաշտպանութեան և մթերքների անբաւականութեան վախը սարսափեցնում էր զինուորական մարմին և ղեկավար սեկցիաներին: Բայց կենքի և մահուան ճակատագրական պայքարի ահազանգը հնչել էր արդէն:

\*\*\*

Տագնապալից լարածութիւնը ժամ առ ժամ նոյնիսկ բռպէ առ բռպէ ուժեղանում էր: Ապրիլ 5-ի լուսաբացից ի վեր, ամէն վայրկեան սպասում էր ընդհարման առաջին կրակոցը: Նահանգապետ Ջեդէտն ու թիւրք հազարապետը կատարելապէս տեղեկացել էին հայերի ապստամբութեան նախապատրաստական աշխատանքների մասին: Նրանք վորձեցին այս անգամ պրովակացիոն թռուցիկներով հայ հասարակութեանը մոլորութեան մէջ գցել և նրանց հոգեկան ամբոթիւնը խափանել:

«Գեաւոր ֆեդայիները պատրաստում են մեր պետութեան զօրքի և զէնքի դէմ պատերազմի ելնելու»:

«Այդ խենթ, գլուխ կորցրածները՝ այն աստիճան անբարտաւանացել են, որ համարձակում են մեր բանակի դէմ կռի դուրս գալու»:

«Ռուսական բանակները, մեր հերոս Էնվեր փաշայի բանակին դիմադրել չը կարողանալով, նահանջեցին ամբողջ արևելեան ճակատի վրայ՝ թողնելով բազմահազար սպանւածներ և զերիներ: Այս խելագար ֆեդայիներն ինչպէ՞ս են համարձակում մեր պանծալի և յաղթական զօրքի դէմ դուրս գալու»:

«Նրանց ըմբոստութիւնը մեզ համար բախտատրութիւն է: Մենք նրանց անպէտք ճանճերի նման կը կոտորենք և նրանց պաշտպաններին և մանաւանդ բարեկամ ամերիկացիներին կը հաստատենք, որ մեղաւորը նրանց խենթութիւնից ամբարտաւանացած, յեղափոխական պարագլուխներն են, որ յանդրգնութիւն ունեցան մեր պետութեան դէմ կռի ելնելու»:

«Ամերիկացի Վիլսոններն ու նրանց պատելի միսիոնարները, մեր քաջ զինուորների սիւնների ներքև յոշոտած այդ ամբարտաւան և ըմբոստ ֆեդայիների փշուած գանգերը հաւաքելով, եկեղեցիներ ու քարոզչական տներ պիտի սարքեն»:

«Հայ անբախտ ժողովուրդ, ինչպէ՞ս մինչև հիմա չես կարողացել ճանչնալ քու բարեկամը ու թշնամիդ: Ինչպէ՞ս չես կարողանում հասկնալ, որ քու իսկական թշնամին քու այդ խենթութեամբ զինովցած ֆեդայիներն են, իսկ քու իսկական բարեկամն ու պաշտպանը Օսմանեան պետութիւնն է»:

«Ըմբոստացէ՛ք այդ ֆեդայիների դէմ: Նրանց ձեռքից խլէք նրանց գողացած զէնքերն ու յանձնէք ձեր կառավարութեանը ու սպահով եղէք, որ նա միայն ձեր բարեկամ Օսմանեան կայսրութիւնն ի վիճակի է ձեզ պաշտպանելու»:

Ահա մօտաւորապէս վերոյիշեալ բովանդակութեամբ գրգռիչ թռուցիկները տարածուած և թափուած էին հայ հասարակութեան միջև՝ նպատակ ունենալով նրան յուսալքել և, եթէ հնարաւոր լինի, հայերին ոտքի հանել իրենց փրկարար ղեկավարների դէմ:

Ինքնապաշտպանութեան շտաբի կարգադրութեամբ՝ պրոպագանդի և տեղեկատուութեան սեկցիան ձեռնարկեց անմիջապէս հակահարած հասցնել ոճրագործների լարած թակարդին և

նրանց տարածած պրովակացիաներին: Իրար յետևից լոյս ընծայեցին ժելառիմատիպ կարգախօսներ և հայ ազգաբնակչութեան հոգեկանն ամրապնդող ճառեր և կոչեր, մօտաւորապէս հետևեալ բովանդակութեամբ.

«Հայ ժողովուրդ, քու միակ փրկութիւնը քու անխախտ միութեան և միաբանութեան մէջն է: Պրովակացիաների երբէք չ'ենթարկես»:

«Մի քանի ամիս առաջ խաբէութեամբ և ստորութեամբ կորցրեցին ու տարան յեղափոխական անման գործիչներին և իրենց դժոխային բանտերում տմարդօրէն կոտորեցին, իսկ մի քանի օր առաջ սրիկայաբար խաբելով և շրջանների ու Շատախի խռովութիւնները հանգստացնելու անուով մեզմից խլեցին ու տարան մեր յեղափոխական անձնուէր ղեկավարներին ու ընկերներին»:

«Օսմանեան կառավարութեան բարեխնամութիւնից և բարեգթութիւնից ճառող աւագակ Թալէաթ-Էնվեր-Ջեմալ, Ջեդէտն ու նմանները ձեզ չեն կարող խաբել, որովհետև նրանց սարքած Ադանայի և Կիլիկիոյ կոտորածների զոհերի արեան բողոքի աղաղակը դեռ մինչև հիմա ձեր և մեր ականջները խլացնում են»:

«Ձեզ քաղցր խոստումներով քնացնել փորձող Ջեդէտը շրջաններում, ամէն տեղ ձեր հազարաւոր հայրենակիցներին գազանաբար մորթոտել է տուած և մի քանի օր առաջ այդ անպաշտպան թշուառների միջնորդութեան համար նրա մօտ խնդրատու գնացած ձեր հոգևոր պետին՝ Առաջնորդին՝ անպատկառօրէն և վայրենաբար վռնդած է»:

«Ջեդէտն ու նրա գործակից արիւնարբու գործակիցները Վանի 1896-ի կոտորածները կազմակերպող աւագակախմբի պոռնկածին ժառանգորդներն են: Սպանելուց, մորթոտելուց և մարդակեր վայրենիների ճարակը լինելուց առաջ, դու՛, հայ մարդ, պարտաւոր ես վրեժխնդիր լինելու»:

«Ի՞նչ արժէք ունի քու ողջ մնալը, երբ քու աչքերի առաջ և քու գրկում պիտի առևանգուեն քու հարազատները, քու մայրը, քու յորդ և կինը: Այդ սարսափելի ստրկացումից առաջ աւելի պատուաբեր չէ՞ նման գազաններին շան-սատակ անել և պատուով, հայ հերոսի մահովը մեռնել»:

«Հայ կին, հայ աղջիկ և հայ տղամարդ, թանկ ծախի՛ր քու կեանքն ու պատիւը և մեռնելուց առաջ վրեժխնդի՛ր եղի՛ր քու ընտանիքի և քու ազգի դահիճներից»:

Այս և նման խրախուսիչ թռուցիկներն ու զարթօնքի կոչերը շատ անգնահատելի հետևանքներ ունեցան: Նախ, որ նրանք ուժեղ հակահարած եղան պետական լրտես գործակալների տարածած յուսալքող գրգռումներին և ապա մահուան պայքարի դիմագրուման պատրաստող մարտիկների վճռականութիւնը դարբնեցին: Այս առթիւ ինքնապաշտպանութեան կենտրոնական շտաբն իր խնդակցութիւնն ու շնորհակալութիւնը յայտնեց:

## ՏԵՍԱԿՑՈՒԹԻՒՆ ԲԱՐԵԿԱՄԻՍ ՀԵՏ

Յաջողօր օրը՝ կէսօրից առաջ, վճռեցի տեսակցել իմ մի քանի ազգականներին, Մարօի և ընտանիքիս անդամների հետ: Առաւօտեան ժամի 7-ին, զինուորական շտաբի կենտրոնում հանդիպել էի Բուլղարացուն և Կուլօղլեանին: Նրանց չափազանց մտածկոտ և տազնապալից տրամադրութիւնն ինձ վրայ ծանր տպաւորութիւն էր թողել: Իրաւամբ մտածում էի, որ այդ յեղափոխական փոթորկալից անցեալ ունեցող մարդիկ անպայման ինձնից աւելի լաւ են չափում դրութեան լրջութիւնն ու սպառնացող վտանգը:

Չնայած իմ երիտասարդական եռանդին ու ափսոսանքին՝ մի անվանելի և կապարանման տխրութիւն ինձ ամբողջութեամբ համակել էր և, ինչքան փորձում էի ազատել այդ ճնշող տպաւորութիւնից, չէր յաջողում ինձ: Խորհում էի՝ զուցէ այլևս չը կարողանամ հարազատ և սիրելի ազգական-բարեկամներին տեսնել: Կեանքի ու մահուան կռիւ ենք դիմում: Միանգամայն անհաւասար ուժերի բախման պայքարի ենք գնում: Կարող է պատահել արիւնաժարաւ թշնամու գնդակին կամ սուրին գոհեմք: Գոնէ մի վերջին անգամ էլ սիրելի դէմքերի տեսոյն արժանանամ:

Այս տխուր մտասկեռումով՝ Կլոր-Դարից բարձրանում էի իմ սիրելի մօրաքրոջս տունը գնալու որոշումով, երբ յետևիցս մէկը, հապճեպ վազ տալով, առաջ կտրեց և հարցրեց.

– Ո՞ր ես գնում այս ուղղութեամբ, ընկ. Սիրաք: Հարցնողը մեր սիրելի ընկերներից էր՝ Կարապետ Տանթեան՝ Արարքի ծխական դպրոցի երիտասարդ, լաւ գրագէտ և մեծ ապագայ խոստացող ուսուցիչը:

– Բայց ի՞նչ կայ որ, ի՞նչ է պատահել, սիրելի՛ ընկ. Տանթեան:

– Այս ուղղութեամբ որ գնում ես, վտանգաւոր և արգելւած շրջան է:

– Եթէ վտանգի մասին ես խօսում, ներկայիս մենք ընդհանրապէս վտանգւած ենք: Ես անպատճառ ուզում եմ մօրաքրոջս տեսնել:

– Բայց ես քեզ խորհուրդ չեմ տայ: Միաւ, վտանգաւոր գործ ես տեսնում:

– Ինքնապաշտպանութեան գծերի և դիրքերի դասաւորման պլանից մի համառօտ տեղեկութիւն ունիմ: Մեր այս կանգնած տեղից մինչև այս ուղղութեան վերջին դիրքը մօտաւորապէս 400 մետր տարածութիւն ունենք, իսկ մօրաքրոջս տունը հասնելու համար ինձ անհրաժեշտ է դրա կէս տարածութիւնը կտրել:

– Այդ քու գիտնալիքն է, բայց ես նորից քեզ զգուշացնում եմ. գուցէ շտաբի մի կէս ժամ առաջ արած յայտարարութիւնից տեղեկութիւն չ'ունիս:

– Չէ, չ'ունիմ: Ես նրանից մօտ 2 ժամ ու կէս և կամ գուցէ մի քիչ աւելի շատ առաջ շտաբումն էի,

բայց արտակարգ նորութիւն չ'իմացայ: Մի՞թէ ընդհարումն արդէն սկսել է:

– Չի սկսել, բայց լուրջ առ լուրջ սպասում է: Շտաբը յայտարարել և ազդարարել է ազգաբնակչութեան օր-ցերեկով փողոց դուրս չը գալ և ըստ կարելոյն խուսափել գրգռութիւն յառաջացնող ամէն երևոյթից:

– Լաւ, էլ ի՞նչ նորութիւն ունիս, յարգելի ընկեր և սիրելի ուսուցիչ:

Այս փոքր կատակով ուզում էի ամենից առաջ իմ ծանր տխրութիւնը գոնէ մի փոքր թեթևացնել: Յետոյ աւելացրի.

– Ինքնապաշտպանութեան գործում ի՞նչ է վիճակել քեզ:

– Նախ նորութիւն: Երէկ կէսօրանից սկսած մօտակայ գիւղերից և շրջաններից սոված, մերկ, ուտաբոքիկ կին ու երեխայ ներս են թափում: Դրանց թիւը չափազանց մեծ է: Գիշերով նրանք գաղտագողի թողել են իրենց տունն ու տեղը, ունեցած ամէն ինչ և դէպի Այգեստանն են փախել՝ յոյս ունենալով մի կերպ ազատիլ թիրքերի վրէժխնդիր վայրագութիւններից: Նրանք պատմում են, որ իրենց ընտանիքների տղամարդկանցից օրերէ ինչ տեղեկութիւն չ'ունին: Ասում են փախուստ են տուլ թիրքերի ճանկից:

– Ներողութիւն, ընկ. Տանթեան, շատ ներողութիւն, ես ստիպւած եմ աճապարել: Երէկ ընկերներս ինձ յայտնեցին, որ շատ կարևոր և զգայուն դիրք են վստահել քեզ: Դարդանէլ կոչւած դիրքի գլխաւորի օգնականն են նշանակել: Հիմա ընկերաբար ես եմ քեզ նախազգուշացնում: Ինչպէս ասում են, ընդհարման ժամանակ ձեր դիրքն ամենախոցելիին է: Միանգամայն պարզ է, որ թշնամին կուզենայ իր ամենաառաջին և ամենաճնշիչ յարձակումը ձեր դիրքի և նման դիրքերի վրայ ի գործ դնել: Չափազանց զգոյշ եղէք, որովհետև ձեր դիրքի նման մի քանի դիրքերի յամառ և անընկճելի դիմադրութիւնը միայն կարող է փրկել Այգեստանում ապաստանած բազմահազար հայութիւնը: Եթէ հնարաւոր լինի, մի երկու-երեք օրից յետոյ գոնէ մի անգամ ձեզ մօտ կը գամ: Ես տասնեակ յանձնախմբի հետ գործակցում եմ: Սրանից յետոյ ձեր աչքերը ժրաջանօրէն թշնամուն են հետախուզելու, բայց ձեր ստամոքսերը մեզի, մեր օգնութեան են սպասելու: Յտեսութիւն, յարգելի՛ ընկեր: Ներողութիւն, որ մի քիչ յամառ եմ որոշումներին մէջ և տուածդ խորհուրդն անտեսում եմ,– ասի ու ճանապարհ ընկայ:

Չը գիտեմ ինչպէս պատահեց, որ իմ փորձառու և անդրանիկ ընկերոջիցս ճշմարտութիւնը թաքցրի: Մօրաքրոջս տունը շատ աւելի հեռու էր, քան ես նրան յայտնեցի: Նա համարեայ կպած էր մեր ինքնապաշտպանութեան գծի ծայրագոյն դիրքերից մէկին:

Երբ ես մօրաքրոջս տունը մտայ, նա բոլորովին միմակ էր: Ինձ տեսնելով՝ ուրախութիւնից շշմեց:



Երբ ես հարցրի իր տղայի՝ Միհրանի մասին, նա սկսեց լաց լինել և ասաց.

– Երկու օր է, ինչ սա մեր հարևանութեան մէջ եղած դիրքն է մտել: Գիշեր-ցերեկ այդտեղ կը մնայ, նոյնիսկ մէկ պատառ հանգիստ հաց ուտելու չի գար: Չեմ գիտեր՝ ի՞նչ պէտք է ընեմ: Աստուած թող անոր պաշտպանն ու ապաւենը ըլլայ: Խեղճ տղա՛ս, դեռ մեր սուգէն դուրս չեկած, այս անգամ տաճիկները չը կամեցան մեզի հանգիստ ձգել: Իրեն ըսի, որդի՛ս, հայրդ այդպէս բեմուրազ մահացաւ, դու հիմա իմ միմուռար գաւակն ես, Տէր մի արասցէ, բերանս լալանայ, լեզուս չորանայ, որ այս խօսքերը չը կրնամ ըսել, քեզ բան մի պատահի, այն ատեն ես դժբախտս կաթածահար պիտի ըլլամ և անտէր ու անտիրական գերեզմանը մտնեմ: Ինձ համար ալ ուրիշ փրկութիւն գոյութիւն չունի:

– Մօրաքոյր ջան, նախ որ Աստուած մեծ է: Եթէ նա յօժարեց, որ քու թանկագին ամուսինը մահանայ, վատահ եղիր, որ չի կամենայ, որ քու միմուռար որդուն որևէ դժբախտութիւն պատահի: Մենք մեծ յոյս ունենք, որ փորձանքից կազատենք և նորից ազատ ու երջանիկ օրեր կը տեսնենք: Այս մի փոքորիկ է, որ պիտի անցնի մեր գլխից: Մեր թշնամին անիրաւ և անարդար է: Մի՞թէ մեր Աստուածը պիտի յօժարի նւիրել այս բնութիւնը, նրա լոյսը, նրա պայծառ ու կենսատու արևը, միայն և միայն այդ բարբարոս տաճիկներին...: Չէ, մօրաքոյր ջան, չէ, այդ անկարելի է: Այդ կենսատու արևից մեզ պէս անպաշտպան և հալածուած ժողովուրդը շատ ատելին իրատուք ունի օգուելու, նրա ջերմութիւնից կեանք առնելու, քանի թէ անոնք, որոնք ցանկանում են մեզ խաւարի մէջ խեղդամահ անել, ոչնչացնել և կոտորել...: Մենք իրաւացի ու ապրելու իրատուք ունինք:

Ինձ աննկատելի կերպով և ինքնաբերաբար ընկած տրամադարութիւնս բարձրացաւ, և իմ մէջ սկսող յուսալքումն անհետացաւ: Չնայած որ մօրաքոյրս հետ մի քիչ պատկերաւոր և բարդ լեզուով էի խօսել, բայց իմ քաջալերական տօնից նրա յուսալքումն էլ կարծես ջրացաւ: Ինձ իր գրկում սեղմելով, նա ինձ ջերմագին համբուրել սկսեց:

– Լեզուդ մեռնի մօրաքոյրդ, ի՛նչ լաւ, լաւ խօսքեր ըսիր: Դիշտ կ'ըսես, որդի՛ս, մեր ողորմած Աստուածը, մեր բարեգութ Տէրը չի կամենայ երբէք իր անմեղ հօտին անպաշտպան, անտէր ձգել: Նա անպատճառ մեզ օգնութեան կը հասնի և մեզ կը փրկի սա անօրէն տաճիկների ձեռքէն: Մենակ, որդի՛ս, ես մէկ վախ ունիմ, որ անոնց դիմադրել չը կարողանաք: Չէ՞ որ անոնք կառավարութիւն են, զօրք ունին, անհաշիւ զէնք ու պաշար ունին: Գերմանների հետ ալ բարեկամ են եղեր, և ալ ի՞նչ ըսեմ, ամեն կողմէ մեզմէ ուժեղ են:

– Գիտեմ, մօրաքոյր, լաւ գիտեմ: Անոնք մեզմէ ամէն ինչով ուժեղ են, քանի որ պետութիւն են, բանակ, զէնք, անհաշիւ պաշար ունին: Բայց դժբախ-

տաբար մէկ բան չ'ունին: Այդ այն է, որ բռնակալներէն և մարդասպաններէն և ո՛չ մէկը կարող է ունենալ: Այդ իրենց կատարած գործի և իրաւացի լինելու հաւատքի պակասն է: Բայց մենք համոզուած ենք մեր գործի ճշմարտութեան, արդարութեան և իրաւացիութեան համար: Այս համոզումը մեզի կամքի ուժ և քաջութիւն է տալիս:

Ի վերջոյ շատ ջանացի մօրաքոյրս համոզել, որ տեղավորուի կամ մեզ կամ իրա եղբոր տունը, բայց դժբախտաբար չը կարողացայ համոզել նրան:

– Եթէ ճակատիս գրած է, որ պիտի մեռնիմ, ատելի լաւ է իմ տանը, իմ միակ գաւակի պաշտպանած դիրքի կողքին և անոր մօտ մեռնիմ...: Չէ՞ որ ես իմ ընտանիքէն միայն մէկ գաւակն ունիմ, իսկ նա էլ իր ընտանիքէն միակ մէկ մայր ունի:

\*\*\*

Մօրաքոյրս տնից դուրս գալուց անմիջապէս յետոյ ես աճապարեցի մերոնց հանդիպելու: Նախքան մեր տուն մտնելը որոշեցի հօրաքոյրս տեսնել: Չնայած նրանց տունը մեր այգու վերջաւորութեանն էր կալած, բայց ես հօրաքոյրս 15 օրից ի վեր չէի տեսել:

Նրան բոլորովին միայնակ գտայ: Նա, դժբախտաբար, գաւակ չունէր: Ամուսինը շրջիկ փերեզակ էր: Կոշտ ու անգրագէտ մի մարդ: Ամսից ատելի էր, ինչ տնից գնացել էր շրջանի մօտակայ գիւղերում իր հետը տարած թէյ, շաքար, լուցկի, համեմներ, կոճի թել, ասեղ և նման մանր-մանր ապրանքներ ծախելու, բայց դեռ չէր վերադարձել: Հօրաքոյրս ինձ տեսնելուն պէս սկսեց երեխայի նման արտասուել և գանգատել:

– Միրա՛ք ջան, հոգուդ մատաղ, բա ո՞րտեղ ես մնացած: Չես մտածեր, որ մէկ հօրքոր ունիս, միակ ուրախութիւնը իր Միրաքն ու Արաքսին է: Տանս կողքին այսքան մօտիկ ըլլաս, բայց չը գաս և չը հարցնես, որ հօրքոյրդ ո՞րք է, թէ՞ մեռած:

– Հօրքոր ջան, աստուած ո՛չ անի, որ քեզի վատ բան պատահի, և յետոյ մի՞թէ Արաքսին քեզ չի ասած, որ այս վերջերս ես չափազանց զբաղուած եմ: Մինչև իսկ երկու գիշեր է, որ գիշերները մեր տունն էլ քնելու չեմ եկած, գործի վրայ եմք: Գործն էլ պատասխանատու գործ է: Մեր զինուորների և շրջաններից Այգեստան թափուած սոված կին-երեխաների հաց ու պարէն հաւաքելով ենք զբաղուած: Ի՛նչ արած, մեզնից ամէն մէկը պարտաւոր է իր ուժերի ներածին չափ օգտակար լինել, հակառակ պարագային, բոլորս էլ կորած կը լինենք:

Նա, ինձ իր չորացած կրծքին սեղմելով, ասաց.

– Ապրի՛ս, տղա՛ս, հալալ ըլլայ մօրդ կաթը: Եթէ բոլոր մեր երիտասարդները մէկ սիրտ և մէկ հոգի ըլլան, մենք թերևս փրկուենք: Կ'ըսես վիճակնիս շատ դժար և ծանր է: Դու պէտք է լաւ իմանաս և տեղեկութիւն ունենաս:

Մինչ ես պատրաստում էի մի քանի խօսքով նրա հարցումփորձին պատասխանել, նա չը համբերեց և ինքը շարունակեց:

– Եթե ամեն տեղ մեր կողմերի պէս պաշտպանած ըլլայ, յոյս կայ որ կրնանք մի քանի ժամանակ դիմանալ, մինչև Աստծով մեր կամաւորները հասնին: Մեր Մոխրի քեհրիզի երկայնքին՝ Սողոմոնենց տունը դիրքի է վերածւած: Մեր փողոցի և Շանփողոցի բերնին ալ դիրքեր են հաստատւած:

Այս բարձրադիր դիրքերի շնորհիւ Յանկոյաների ամբողջ գետաբերանը հսկողութեան տակ է, և ոչ մի ապեար կամ բաշխողով չի համարձակվի անոնց դէմ յարձակվիլ, հակառակ պարագային դիրքերին չը հասած, գետնին կը հաւասարի: Խեղճ մարդիկ, անոնք ալ մեղք չունին: Անոնք ալ հայր ու մայր, կին, երեխայ, քոյր ու եղբայր ունին: Բայց սա անօրէն վալու ու անոր մարդկանց հրամանով ճարահատ՝ ստիպւած են իրենց հայ անմեղ հայրենակիցները կոտորել:

Հօրաքրոջիցս ներողութիւն խնդրեցի՝ ասելով, որ շատ զբաղւած եմ և աճապարում եմ: Միաժամանակ նրան էլ խոստացայ մի քանի օրից նորէն այցելել:

Հօրաքրոջս այգուն կպած մեր այգուց անցայ և մեր տունն եկայ: Քոյրս՝ Արաքսին, միայն երկու օր ինձ չէր տեսած, բայց կարծես այդ երկու օրը նրա համար երկու ամիս էր թել: Դեպի ինձ վազ տալով՝ մի ոստիւնով, իր նուրբ ձեռներն օղակած, վզիցս կախեց:

– Ուր ես մնացել ախպէր ջան: Այս քանի օր ու գիշեր ինչու՞ ես բացակայել: Ինչու՞ իմ մասին չ'ես մտածում: Ա՛խ, ես էլ չգիտեմ, ինչու՞ այսքան շատ շուտ-շուտ քեզ կարօտում եմ:

– Արաքսի, մի՞թէ ես երկու օրից ատելի եմ բացակայել, որ այդքան շատ ինձ կարօտել ես: Դու արդէն մեծ աղջիկ ես, հիմի իրաւունք չ'ունես միակուրթինից այդքան ներելու: Տնում կարգադրելիք շատ գործեր ունիս: Սրանից յետոյ, հետզհետէ մեր տնում, մեր անմոռանալի մօր պարտականութիւնները պիտի կատարես... Ի դէպ, ասում ես, որ մեր խեղճ եղբօր կին Հայկանուշը նորից անկողի՞ն է մտել: Ափսո՛ս, այդ գոհար կինը, իր երիտասարդ ծաղիկ հասակում, աշխարհիս ամենամեծ բարիքից՝ առողջութիւնից միանգամայն զրկեց: Ա՛խ, անիծած լինի նրա դժբախտութեան պատճառ եղող այդ անպատկառ Իսկուհին... Մերոնցից ո՞վ կայ տնում:

– Հայրս այգումն է: Գալուց նրան չը տեսա՞ր: Այս օրերում նա չափազանց անտրամադիր ու զղային է դարձել: Եկեղեցին չի կարողանում գնալ: Թիւրքերի թաղամասումն ընկած Ս. Յակոբը գնալն անհնարին է, ասում է, Խաչ փողոցից 200 քայլի

վրայ ճանապարհը փակւած է: Մերոնք այդտեղ դիրք են բռնել, և ոչ ոք չի համարձակւում այս կողմն կամ այն կողմը անց կենալ:

– Եղբայր Կարապետն ու՞ր է:

– Երէկ կէսօրից առաջ մեզ յայտնեց, որ մեր փողոցի գլխի դիրքում դիրքապահ է նշանակւած: Ասել է, որ իրեն չ'սպասենք, որովհետև խիստ կարգադրւած է դիրքից չը հեռանալ:

– Դէ՛, սիրելի քոյրիկս, ինձ էլ կը ներես: Ես էլ ստիպւած եմ մեր տնից առաջմ հեռանալու: Ինձ վրայ էլ պատասխանատու պարտականութիւն է դրւած: Այսօր էլ իրաւունք չունի պոստիցս հեռանալու, բայց մտածեցի մի անգամ ևս իմ հարազատներին այցելել: Ո՞վ գիտե, գուցէ մի քանի ժամանակ իրար տեսնելու բախտը չ'ունենանք:

– Այդ ինչե՞ր ես ասում, եղբայր, ինչպէս թէ մի քանի ժամանակ իրար տեսնել չենք կարողանայ: Ես առանց քեզի կը մեռնեմ: Ես քեզից չեմ պահանջի, որ գործը թողնես և օր-ցերեկով ինձ մօտ գնաս, բայց գիշերը խօ կարող ես:

– Հէնց խնդիրը դրանումն է: Կարծեմ չը կարողանամ: Բայց վստահ եղի՛ր, հէնց որ կարողացայ, քեզ մօտ կը վազեմ,– այս ասելով՝ քրոջս գիրկս առայ և մի քանի անգամ կարօտալից համբուրեցի:

Իմ հետևիցս վազելով՝ քոյրս լալազին կանչեց:

– Վաղն առաւօտեան անպատճառ կը գաս: Չը մոռանաս: Մարօն իր փոքրիկի և իր մօր հետ խոստացել է մեզ մօտ գալ:

Մի փոքր ընդմիջումից յետոյ՝ էլի ձայնեց.

– Եղբայր, միւս օրն էլ անպատճառ կը գաս: Գիտես ինչու՞, միւս օրն էլ Ոսկին մեզ մօտ հաց թխելու է գալիս: Նա խոստացել է մի քանի տառելի ձուկ բերել և հաց թխելու ժամանակ նրանց խորովել: Գիտեմ, որ դու տառելիք շատ ես սիրում: Կրկնում եմ, չը լինի մոռանաս: Թագա լաւաշով և տառելիի խորովածով քեզ մի լաւ կը հիւրասիրեմ:

– Լաւ, լաւ, Արաքսի՛ ջան, միամիտ եղի՛ր, կաշխատեմ գալ: Երկու լոպէ անց՝ դռնից դուրս գալուց այս անգամ ես կանչեցի.

– Արաքսի՛, եթէ չը կարողացայ գալ, իմ փոխարէն ինքը կուտես և Հայկանուշին և մեր հօրն էլ բաժին կը հանես: Ինձ համար չը լինի տխրես: Տէրն հօրն ասա, որ մեր ազգի փրկութեան համար աղօթի, քանի որ չի կարող կուել: Նա ջերմեռանդ հաւատացեալ է և մարդասպանութիւնն ատում է: Բայց մենք ինչու՞ ենք մեղաւոր, որ մեր նամարդ թշնամին մեզ անտեղի և անխղճօրէն սպանում և կոտորում է, և մենք էլ մեր հերթին ստիպւած ենք մեր գոյութիւնը պաշտպանելու, մեր հօրն ու մօրը, քոյր ու եղբօրը, կին ու երեխաներին ազատելու համար նրանց դէմ կուելու և նրանց դէմ կուել և նրանց սպանել:

## ԻՆՔՆԱՊԱՇՏՊԱՆՈՒԹԻՒՆ ԿԱՄ ԱՊՐԻԼԵԱՆ ՀԵՐՈՍԱՍԱՐՏԸ Մաս Գ

1915 թի ապրիլ ամսի սկզբից, ամեն ժամ, ամեն րոպե Վանի Այգեստանի և Քաղաքամիջի հայ ազգաբնակչության համար տագնապալից և ճգնաժամային ժամեր և րոպեներ էին: Ապրիլի 3-ից մենք բոլորովին կտրուել էինք Քաղաքամիջի ազգաբնակչությունից, բայց հրաշքով իրենց՝ Այգեստան հասցրած սուրհանդակների ստոյգ տեղեկությունների համաձայն, գիտեինք որ քաղաքամիջումն էլ միևնույն ճգնաժամային վիճակն է տիրում:

Ստացած հաստատ տեղեկությունների համաձայն՝ Քաղաքամիջի հայ ազգաբնակչությունն էլ իր ինքնապաշտպանության գործն էր կազմակերպել: Վանի առաջնորդ Եզնիկ վարդապետի և Աղթամարայ վանահայր Դանիելի ներկայությունն առաջնորդարանում ժողովրդի համար շատ սրտապանդիչ հանգամանք էր:

Վերոյիշեալ կրօնական հայրերի և խիզախ երիտասարդ Հայկակ Կոստյանի<sup>25</sup> ղեկավարությամբ կազմուել էր Քաղաքամիջի ինքնապաշտպանության կոմիտեն: Ձիներապաշարի և մանաւանդ կենսամթերքի հարցը Քաղաքամիջում աւելի հեշտ էր կարգադրել: Պաշտպանողական գծի տարածքը համեմատաբար աւելի սեղմ է, և կենսամթերքը՝ Այգեստանի համեմատությամբ աւելի առատ: Վան քաղաքի վաճառականական և տնտեսական կարևոր և հարուստ հիմնարկներն իրենց խաներով և ամբարներով Քաղաքամիջումն էին կենտրոնացած: Բնակարանային մօտիկության, եթէ չ'ասենք խճողման հետևանքով դիրքորոշման գործն էլ աւելի հեշտ էր:

Քաղաքամիջումն էլ պաշտպանության մարմնին կամ զինորական շտաբին գործակցում էին մի քանի սեկցիաներ: Նախապէս Քաղաքամիջի ազգաբնակչությունը ցանկացել էր Այգեստանի հետ յարաբերության գործակցության մէջ լինել, բայց երկու հաստածների միջև ընկած տարածությունը

շուրջ 4 կիլոմետր էր և հետևաբար գործակցութեան ծրագիրը՝ անիրագործելի: Այս երկու հաստածներին մնում էր անջատօրէն և անկախօրէն ինքնապաշտպանութեան ձեռնարկել և պայքարել ու խոյանալ դէպի փրկութեան և ազատագրման լուսաշող ապագան:

### ԱՌԱՋԻՆ ՕՐԸ

Ապրիլի 7-ին՝ երեքշաբթի առաւօտեան, կոշմարային լուսինը խզւեց: Ծայրահեղօրէն լարած սպասողական դրութիւնն իր վերջակէտին յանգեց: Լսեցին անջատ կրակոցներ և անմիջապէս յետոյ նրանց հետևող համազարկեր: Կռիւ հրդեհը բորբոքեց: Դժոխային համազարկերը բազմապատկուեցին: Թնդանօթների անընդհատ կրակոց-գոռոցները դժոխային որոտ ու ժխոր ստեղծեցին:

Կենաց ու մահու կատաղի պայքարը սկսել էր: Երկու ժամ չ'անցած՝ ամբողջ Այգեստանը կորել էր ծուխի, վառօղի, հրդեհի, քարուքանդումի փլատակման և ընդհանուր ցնցումի ու տակնուվրայութեան մէջ:

Ամբողջ Այգեստանը ոմբակոծում էր ամեն կողմից: Մահաբեր սարսափ ու սարսուռ էր տարածում տաճկական զօրանոցներից ու դիրքերից: Այս կատաղի ոմբակոծումների համընթաց՝ տաճիկ զինւորները զինւած բազմահարածեան պուլիմէթրներով և ձեռնառումներով ու խլացնող ուռաներ ոռնալով յարձակուեցին հայկական դիրքերի վրայ: Շուրջ 70 դիրքերում ամրացած հայ արիւններն էլ մի վայրկեան իսկ չ'ուշացան նրանց մահացու կրակի կարկուտի տակ առնել: Նրանցից շատերը նոյնիսկ դիրքերից ցած գալով, բաց ճակատի վրայ նրանց դիմագրաւեցին: Ինքնապաշտպանութեան անձնուրաց զինւորները վճռել, երդուել էին իրենց յանձնուած պաշտպանութեան գծից մի քայլ իսկ յետ չը նստել և չը թողնել թշնամուն ներթափանցել այդ գծից:

\*\*\*

Չնդէտ փաշան՝ Վանի նահանգապետը, վճռել էր մի քանի ժամում փշրել յանդուգն յեղափոխականների և ժողովրդական ղեկավարների՝ «կործանիչ» խրատներին և հրահանգներին ենթարկուող

25 Հայկակ Կոստյանը ծնվել է Վանում, 1882 թ.: Ուսանել է Գևորգյան ճեմարանում: Եղել է Հիսուսյան-Շուշանիկյան վարժարանի տեսուչ: 1915 թ. ապրիլյան հերոսամարտի օրերին ստանձնել և հաջողությամբ իրականացրել է ինքնապաշտպանության ղեկավարությունը: 1919 թ. Երևանում մասնակցել է Արևմտահայոց Բ համագումարին: Ընտրվել է Հասարակական խորհրդարանի անդամ: 1925 թ. Բոստոնի «Հայրենիք» ամսագրում հրատարակել է «Վան քաղաքամիջի ապրիլյան կռիվները» հուշագրությունը, որը հետագայում բազմիցս վերահրատարակվել է: Վախճանվել է Պարսկաստանում 1968 թ.:

գեավոր (անհատ) խելացնորների «ընթաստու-թիւնը»: Հրահանգել էր կայծակալին թափով և անընդհատ ու անխնայ ռմբակոծել դիրքերն ու նրանց հողի հետ հաւասարացնելով, պաշտպանութեան շղթան փշրել և Այգեստան ներխուժել:

Ներխուժման ամենատառաջին փորձը սկսեց Ակոփու ուղղութեամբ՝ Սև քռայից, որի բլուրների վրայ ծանր թնդանօթներ էին դրել և կանոնաւոր գօրքի 3-4 հարիւրակներ էին կենտրոնացուել: Մի խումբ մինչև ատամները զինուած տաճիկ ասքերներ խլացնող ուռաների բղաւոցներով փորձեցին պաշտպանութեան գիծը խորտակելով իրենց հասցնել գերման միսոնարութեան կենտրոնը և այնտեղ ամրանալով բազմահարածների գնդակների ու ձեռնառումբների կապել անգէն ժողովուրդը և այդպիսով խուճապահար անել նրան:

Բարեբախտաբար, այդ պարագան նախատեսւած էր զինուորական շտաբի կողմից, և այդ միսոնարութեանը չը հասած և նրան իր կոնտրոլի ներքև պահող մի շատ ամրացած դիրք էր հաստատուել: Ներխուժել փորձող զինուորները կրակի տարափի ենթարկեցին մեր այդ դիրքերից և մերոնց օգնութեան հասնող օժանդակ շրջիկ խմբից շրջապատուելով՝ տեղն ու տեղ մի քանիսին սպանեցին, իսկ մնացածները խուճապահար յետ փախան:

Այդ առաջին հերոսական պայքարում մեր խիզախ երիտասարդներից երկուսը՝ Եղիա Նախշունեանն և Յակոբ Դերգեանը, զոհեցին, բայց գոռոզ ու ամբարտաւան թշնամուն պարտադրեցին մի փախուստ, որ չափազանց ճակատագրական բնոյթ և կշիռ ունեցաւ մեր յետագայ պաշտպանութեան պայքարում:

Ներխուժման առաջին փորձերի անյաջողութիւնը թշնամուն կատաղեցրեց: Սա խայտառակ ստորացում է թիրք նահանգապետի և նահանգային զինուորական պետի համար: Դրա համար էլ հրահանգեց աւելի և աւելի ուժեղացնել համատարած ռմբակոծումները: Հրամայած էր ամէն գնով ժամ առաջ փշրել մի խումբ յեղափոխական անհատների յանդգնութիւնն ու դիմադրական ընթաստութիւնը:

Գիշերը վրայ էր հասել: Մարսափելի և մահաշունչ գիշեր: Թնդանօթների և ինքնաշխատ բազմահարածների ահռելի պայթիւններն ու խլացուցիչ գոռոզները անընդհատ ու անվերջ ուժեղանում էին: Կրակն ու բոցը, հրդեհն ու խեղդիչ ծուխը կլանել էին Այգեստանը: Տաճիկների բոլոր դիրքերից՝ Սև Քռայից, Սահակ-Բէյից, Թոփրաք-Կալէից, Հաջի-Բէքիրից, Համուդ աղից, Արարուց հրապարակից և ամէն կողմից, կրակ, հրդեհ, մահ ու սարսուռ էր սփռուում: Մեր գլխաւոր դիրքերը, մանաւանդ Դարդանէլ, Շահբանդար, Սահակ-Բէյ և Խաչ փողոցը, դժոխային կրակի մէջ այրուում և ճարճատուելով քարուքանդ էին լինում և փլատակուելով խորտակուում:

Սովալլով գալերի ոռնոցներով՝ տաճիկ և լազ զինուորներն իրենց ատելի գոռոզներով և ուռաներով նորից ներխուժման յարձակումների դիմեցին:

Կենաց ու մահու աննախընթաց, անխնայ, ահռելի, բախտորոշ և ճակատագրական պայքարի ամենավճռական թուպներն էին: Փա՛ռք ու պատի՛ւ Վասպուրականի հերոսներին: Նրանք վճռել էին մնալ անասան և հաւատարիմ իրենց երդումին: Այո՛, նրանք վճռել էին այդ և քաջօրէն իրականացրին իրենց երդումը: Բոլոր նրանք, միասին և միակամ վճռել էին մեռնել պատնէշի վրայ, բայց մեռնել հերոսի մահով և իրենց արիւնը թանկ, շատ թանկ արժեցնել թշնամուն:

Խորտակուած դիրքերի անվախ ու արի կռողները փուլ եկած դիրքերի պատերի յետևից այրուղ և ծխացող գերանների արանքներից կուտակուած աղիւսների և փլատակների միջից անընկճելի և աներեր վճռականութեամբ շարունակեցին իրենց ճակատագրական դիմադրութիւնը: Շրջապատուած իրենց աչքի տակ, իրենց կողքում, իրենցից մի քանի քայլի վայ ընկած զոհերով և վիրաւորներով՝ նրանք չ'ընկրկեցին, չը յուսալքեցին և ինքնամոռացութեան ենթարկուած, անձնագոհութեամբ հիպնոսացած՝ արիաբար շարունակեցին դիմադրել, կուել և բոլոր ներխուժել փորձող ասքերներին փուլ եկած իրենց դիրքերից մի քանի քայլի վրայ թաւազուր զգեստնել:

Դիցազնական դիմադրութեան իսկական դժոխային գիշերը մեր աննման քաջերի յաղթանակով վերջացաւ: Դա մի բացառիկ հրաշք-քաջագործութիւն էր, որով հայ ազգը իրաւացիօրէն միշտ պիտի պարծենայ:

Հայի արիւնածարա Ջւղէտն ու նրա գործակիցները խուճապահար եղան և գլուխները կորցրին: Նրանք երբէք չէին ենթադրում, որ հայը՝ իրենց ընդմիշտ արհամարհուած գեավորը, կարող է այսքան ինքնուրաց, այսքան հերոս, այսքան պատախանդիր լինել և նման կատաղի դիմադրութիւն ի յայտ բերել: Նրանք այս առաջին օրից յետոյ ստիպուեցին համոզուել, որ ամէն հայի սպանութիւնն ու ոչնչացումը իրենց համար հարիւրաւոր զինուորների կոտորած է արժելու, իսկ մեռնելու վճռականութիւն ունեցող հայերի թիւը նրանք շատ լաւ գիտէին, որ չափազանց շատ է: Լաւ տեղեակ էին, որ Այգեստանում կենտրոնացած կռող հայերի թիւը հազարների է հասնում: Նրանք սարսափում էին պատերազմի այդ վճռական օրերին իրենց զինուորներից հազարաւորների զոհել: Նրանք գիտէին, որ այդպիսի կորուստի համար նրանց գլխատելու են:

\*\*\*

Այգեստանի խիզախների առաջին 24 ժաման հերոսական դիմադրութիւնը նրա փրկութեան



Армяне Вана во время осады.

### Վանեցի մարտիկները դիրքերում

խարիսխը հանդիսացաւ, իսկ թշնամու ինքնավստահութիւնը, հիմքն ի վեր փշուելով, կործանեց:

Այդ առաջին օրն ու գիշերայ հռչակաւոր պատմական ինքնապաշտպանութիւնը թէև 22 հերոսների ու աննման քաջերի կորուստով վերջացաւ, բայց այդ զոհերի արիւնն իրենց հազարաւոր հայրենակիցների փրկութեան անխափան յոյսի և անշէջ ու ազատարար լուսաշողի աղբիւրն ու ներշնչումը հանդիսացաւ:

Երբ ինքնապաշտպանութեան առաջին օրը մթնեց, և առաջին ճգնաժամային, մահապիտո գիշերը վերջացաւ, տեղեկատու և պրոպագանդի սեկցիան ժելատինատիպ բազմաթիւ թուղիկներով և երկու տասնեակ պատանի սուրհանդակների միջոցով դիրքերում կռողներին, ինքնապաշտպանութեան զանազան ճիւղերում աշխատողներին և ազգաբնակչութեան զանազան խաւերին տեղեկացրին հին յեղափոխական, բանաստեղծ և պրոպագանդիստ-հռետոր Յովհաննէս Կուլօղլեանի հետևեալ ոգեկոչող և խրախուսիչ ճառը՝ արտասանւած 2-րդ օրայ ժամի 8-ին Դարդանէլի դիրքի փլատակներում:

«Կեցցեն մեր քաջերը: Կեցցեն մեր դիրքերում մեր առու-խրամատներում, մեր փուլ եկած տների և դիրքերի պատերի յետևում մեզ պաշտպանող հերոսները»:

«Թշնամին իր հազարաւոր զինուորներով, իր անհամար զէնքով, իր ռումբ ու կրակ թափող թնդանօթներով մեր քաջերի դիրքերից շատերը հիմնովին քանդեց, բայց չը կարողացաւ այդ արի արծիւներին յաղթել և ծունկի բերել»:

«Մեր դիրքերի պատերի ներքև, մեր պաշտպանութեան առուների և փոսերի եզերքին տաճիկ ասքերաների և նրանց բարեկամ քիւրտ ու լազ զինուորների դիակները չորացած ու թոշնած տերևների նման թափթփուած են»:

«Այգեստանի հայեր, ինչ սեռի և հասակի որ էք, սրտապնդեցէք և ինչով կարող էք, օգնէք ձեր անձնուրաց քաջերին»:

«Ձեր անձնուէր մարտիկների համար ոչինչ մի՛ խնայէք: Շտաբին և նրա օժանդակ սեկցիաներին հասցրէք ամեն տեսակի ուտելիք, հագնելիք, պղնձեղէն անօթներ և մինչև իսկ հաւաքեցէք թշնամու՝ ձեր գլխին թափած գնդակներն ու ռումբի կտորտանքները:

«Քաջ եղէք, իմացէք, որ ձեր անգուզական մարտիկներից ամեն մէկը իր կեանքն ու արիւնը գուր չի տալիս, իսկ եթէ ստիպուած լինի զոհուելու, նախքան այդ մեր թշնամու չարքերից հարիւրաւորների կ'ոչնչացնի»:

«Մեր թշնամու ռումբերի քարուքանդ արած դիրքերի մի մասը լուսաբացից առաջ նորոգել են, և նորոգման այդ դժարին գործը շարունակուած է և շուտով կը վերջանայ: Անգութ թշնամուն եթէ յաջողուած է մեր հերոսներից մէկին խլել, նրա փոխարէն ուրիշներ, հինգ անգամով կ'աւելանան: Տաճիկը կարող է մեր քաջերին պայանել, բայց երբէք չի կարող մեռցնել նրանց անմեռ հոգիները: Այդ հոգիները թև են առնում և գնում նստում են ուրիշ հազարաւոր հայերի հոգիներում»:

«Հայրենակիցներ իմացէք, որ մեր դատը նւիրական է և սուրբ: Մեր փրկութեան միակ ճարը մեր աներեր միակամութիւնը, անկեղծ գործակցութիւնն ու անձնուէր քաջագործութիւնն է»:

«Վասպուրականցիներ, ձեզ համար մահուան սարսափը գոյութիւն չի կարող ունենալ, քանի որ գիտէք քաջաբար դիմադրել և պաշտպանել»:

Այս և նման սրտապնդիչ և ոգևորող կոչեր ինքնապաշտպանութեան գործին նոր թափ և նոր ուժ էին տալիս:

### ԵՐԿՐՈՐԴ ՕՐԸ

Ինքնապաշտպանութեան 2-րդ օրայ առաւօտեանից թշնամին նորից սկսեց կատաղօրէն ռմբակոծել մեր դիրքերն ու պաշտպանութեան գծերը: Բայց առաջին օրայ ներխուժման փորձերը չը կրկնեցին: Ըստ երևոյթին, առաջին օրայ մեր խիզախների տուած հակահարուածները թշնամուց բաւական շատ զոհեր էին խլել և նրանց հրահանգած

էր, ըստ հնարաւորութեան, նորանոր զոհերից խուսափել:

Փոխարէն, հաւանաբար, Ջոզէտի և զինուորական հրամանատարի կարգադրութեամբ 2-րդ օրը թշնամին հետապնդում էր նոր տակտիկա: Ըստ հնարաւորութեան ուժեղացնել ռմբակոծումները և հնարաւորին չափ շուտ քարուքանդ անել կռողների դիրքերը, հնարաւորութիւն չը տալ նրանց նորոգելու և աշոյիսով յոգնեցնել ու ջլատել հայերի դիմադրական կարողութիւնը: Մեր պաշտպանութեան գծի ներսում գոյութիւն ունէին թշնամու երկու զօրանոցներ և մէկ զինուորական ուժեղացում պահականոց: Ջօրանոցները կոչուում էին Համուդ ադա և Պոչիկ-Ահմադ, իսկ պահականոցը տեղաւորւած էր անգլիական հիւպատոսարանում: Սրանք մարդակեր բորենիների նման իրենց կապարեայ խեղդիչ թաթերը դրել էին Այգեստանի՝ իր փրկութեան համար մարտնչող ազգաբնակչութեան սրտին և խեղդում էին նրա ազատ շնչառութիւնը: Այս հայակեր բորենիները հէնց առաջին օրանից իրենց մահասփիւռ կատաղի կրակի տակն էին առել մեր կարևոր դիրքերից Շահբանդարը, Դարդանէլը, Յանկոյսների Դարի գլխի և մի քանի ուրիշ դիրքերը:

Ինքնապաշտպանող հարևան դիրքերի համար մասնաւորապէս ստեղծել էր տագնապալից դրութիւն, պաշտպանել դրսի և ներսում մնացած թշնամու:

Ջօրանոցների մօտերքում եղած մեր դիրքերը երկու օրում քարուքանդ եղան: Բայց ինքնապաշտպանութեան օրհասական և ճակատագրական պայքարը կանգ առնել չէր կարող: Այգեստանցի հայերը շատ լաւ ըմբռնում և վեր էին լուծում ստեղծուած վիճակը: Մեր ամենափոքր ընկերկումն ու յուսալքումը մեր արիւնի ծարաւ թշնամու յաղթանակն էր լինելու: Այդ սև յաղթանակը մեր մահը, մեր միասնական, ընդհանուր, անխնայ և վերջնական մահն էր լինելու:

Մենք նահանջի ճար ու ճանապարհ չունէինք: Մենք պետք էր կռիւնք, դիմադրէինք և եթէ պիտի մեռնէինք, գոնէ հերոսի մահով մեռնէինք:

Փլատակուած դիրքերի արանքում խելագարօրէն պաշտպանող և թշնամու ամէն յարձակում յետ շարտող դիրքապահները երկու տասնեակ կորին-սուրհանդակների միջոցով շտաբի հետ անընդհատ յարաբերութեան մէջ էին և ամէն 2-3 ժամը մի անգամ ցուցմունքներ և անհրաժեշտ պարագաներում օգնական ուժեր էին ստանում:

Այս ահռելի գօտեմարտում կեանքն իրա արժէքը կորցրել էր: Ոչ մէկը չէր էլ մտածում դասալքութեան, փախուստի կամ ապրելու և կենդանի մնալու մասին: Բոլորը գիտակցում էին՝ ապրել կարողանալու համար կռիւն և զոհիւն է պէտք:

\*\*\*

Վան-Այգեստանի ինքնապաշտպանութիւնը հերոսական բազմաթիւ ծախքեր ունի: Սրանցից հաւանաբար մէկ կարևոր մասը ընդհանուր աղէտի և իրարանցման հետևանքով մինչև այժմ էլ գրի չի առնուել: Ես չգիտեմ աշոյիսի հերոսական դէպքերից մէկը, որ տեղի ունեցաւ Յանկոյսների Դարի գլխին, որևէ տեղ յիշատակաւ՞ թէ, թէ՞ ոչ: Դէպքը տեղի ունեցաւ հետևեալ պայմաններում:

Յանկոյսների եկեղեցի-դպրոցի ընդարձակ շէնքի գլխավերև՝ համանուն բլրալանջի վրայ, սև, մահազոյժ ազուաի նման տաճիկների զօրանոցն էր թառել: Ինքնապաշտպանութեան 2-րդ օրայ կէսօրից յետոյ՝ արևմուտի ժամանակ, թիւրք զինուորների մի սուար խումբ, անջատ, անջատ որոշ հեռաւորութիւն պահելով և երկուական հոգով, մեծ զգուշութեամբ և փորսող սկսում էին մօտենալ Յանկոյսների գառնիվերում (Դարի գլխին) գտնուող մեր՝ աշոյ ուղղութեամբ եղած ծայրամասի դիրքին: Ջօրանոցի և մեր այդ դիրքի միջև եղող տարածութիւնը մօտ 2 կիլոմետր էր: Դիրքապահների զննող հայացքից այդ գաղտագողի յարձակումը հաւանաբար վրիպել չէր կարող:

Իր միակ մօր հետ դիրքի ներքնայարկ նկուղում ապրող 22 տարեկան աղջիկը՝ Կադ Համաս ծանօթ անունով, որը Յանկոյսներ եկեղեցու տիրացուական դասին էր պատկանում և իր բնատուր քաղցրահնչիւն ձայնով այդ դասի պարծանքն էր համարում, օգուտելով վիրաւորւած և հիւանդանոց փոխադրուած Վարդգէսի բացակայութիւնից և առանց դիրքապետի գիտութեան ու թոյլատուրութեան՝ վերցնում է տասնհարածեան մատուցէր և գաղտագողի դիրքից դուրս է գալիս ու ինքզինքը թաքցնում է յառաջացող զինուորների ճանապարհի կողքին ընկած մեծ քարակոյտի յետևը:

Երբ տաճիկ ասքեարները մօտենում են, Համասը նրանց համազարկի է բռնում և անվրէպ գետին է գլորում նրանցից երկուսին: Յետևից մօտեցող ասքեարները նկատում են իրենց ընկերների գետնահարող հերոս աղջկան և իրենց գնդակների տեղատարափով մաղանման ծակոտում են նրա մարմինը: Բարեբախտաբար, այդ խիզախ աղջկայ վրէժը մեր դիրքապահները անմիջապէս և ըստ արժանւոյն առնում են և յառաջացող թիւրք զինուորներից ուրիշ չորսին նորից սպանում են: Մնացեալ ասքեարները իրենց ընկերներից վեցի սպանումով սարսափահար եղած յետ են փախչում:

Համասը կաղ էր ծնել: Գնահատուած էր եկեղեցական դասից և յարգուած հաւատացիակներից իր հնչիւն ձայնի և համեստ կեցւածքի համար: Հաւատացեալ դասից ստացած իր անբաւարար նւերներով մի կերպ ապրում և ապրեցնում էր իր մօրը:

Ահա մի ուրիշ հերոսական անձնագրուում:

Դարդանէլի դիրքերը 2-րդ օրում կատաղի ուժգ-

նութեամբ ոմբակոծում էին թշնամու կողմից: Արարքի հրապարակի կողքին՝ մեր պաշտպանութեան գծին համարեայ կպած, թիւրքերի դիրքերից մէկի կողմից և պաշտպանութեան ներսում եղած Համուդ աղայի զօրանոցից միւս կողմից, երկուստեք անխնայ և անընդհատ ոմբակոծում էին Դարդանէլ անունով կոչուած մեր դիրքերը: Օգտելով մօտեցող զիշերայ մթնշաղից և կատաղի ոմբակոծութիւնից՝ Արարքի թշնամու դիրքերից մի տասնեակ ասքեարներ յարձակեցին Դարդանէլի մեր գլխատր դիրքը գրաւելու մտադրութեամբ: Մեր դիրքապահները նրանց կրակի տարափի տակ առան, բայց ասքեարները, ձեռնառումբերով պաշտպանելով, շարունակեցին իրենց յարձակումը: Շուտով նրանց օգնութեան հասան ուրիշ նոր յարձակող ասքեարներ: Դրութիւնը շատ կրիտիկական էր: Բացառիկ, արտաքոյ կարգի հերոսական մի ելոյթ, մի նախաձեռնութիւն էր պէտք յարձակող թշնամուն նահանջի պարտադրելու համար: Այդ հերոսական, անգուգական և անձնուրաց նախաձեռնութիւնը յանձնառու եղողը ճարտէ: Կարապետ Տանթեանը՝ Արարքի դպրոցի 32 տարեկաննոց հայրենասէր, անձնէր ուսուցիչը, իրենց կիսաքանդ դիրքի կտուրը բարձրանալով, համազարկի կապեց աննահանջ յարձակող ասքեարներին և նրանցից եօթին մի քանի թուլում կոտորելով, մնացածներին փախուստի մատնեց: Բայց ափսո՛ւ, հագար ափսո՛ւ, Համուդ աղայի զօրանոցից իրա գլխին պայթած շարափնէլի (բեկորային) գնդակով տեղնուտեղը փշուր-փշուր եղաւ նրա՝ աննման հայրենասէրի գլուխն ու ուղեղը: Ցաւ ի սրտի պէտք է յիշեցնեմ, որ այս հերոսը հէնց նոյն երեց ընկերս էր, որ 3 օր առաջ ինձ զգուշութեան դաս էր տալիս, երբ ես մօրաքրոջս մօտն էի ուզում գնալ:

\*\*\*

Գոյամարտի երկրորդ օրն էլ մթնեց: Հակառակ անվերջ ու կատաղի ոմբակոծումների և մի քանի անյաջող ներթափանցման փորձերի՝ թշնամուն այդ օրն էլ չը յաջողեց փշրել ըմբոստ ժողովրդի դիմադրութիւնը: Մեր դիրքերից շատերը նորից քանդուելու ու խորտակուելու էին: Երկու օրայ ընթացքում մեր հերոս մարտիկներից շուրջ 30 հոգի սպանել և համարեայ դրա կրկինը ծանր վիրաւորել էին: Ի հարկէ, սրանց ճշմարիտ թիւը, բացի զինուորական շտաբից, ոչ ոք չէր կարող իմանալ, քանի որ ազգաբնակչութեան հոգեկանը բարձր պահելու նպատակով պաշտօնական որևէ հաղորդում այս առթիւ չէր արւում: Բայց ինչպէս առաջին, երկրորդ օրայ երեկոյեան ևս շտաբի թելադրանքով, պրօպագանդի և տեղեկատու և յանձնախմբի կողմից հետևեալ կոչ-յայտարարութիւնն արեց.

«Հայրենակիցներ, կատաղի ու անգութ թշնամին այսօր էլ անկարող եղաւ մեր և մանաւանդ ձեր

երկաթեայ կամքը փշրել: Հաւատացած եղէք, մինչև այն ժամանակ, երբ մեր հայրենասէր, անձնուրաց մարտիկները հերոսական վճռականութեամբ թշնամու յարձակումները դիմագրաւում են և մինչ այն ժամանակ, որ մենք մեկ սիրտ ու մէկ հոգու մասն կը մտածէնք, կաշխատենք կը կուենք, թշնամուն չի յաջողի մեր շարքերը թափանցել»:

«Մենք կուտ մենք մեր գոյութեան, մեր կեանքի պաշտպանութեան համար: Մենք չենք ցանկանում մեր կանանց, քոյրերին, երեխաներին և մեր հարազատ ծնողներին յանձնել ապերախտ թշնամու ուղորմածութեանը: Նրանք մեզմից խլեցին և խաբէութեամբ տարան մեր լաւագոյն զաւակներին: Նրանք մեր հայ զինուորներին տմարդի ու վայրագ ձևերով խողխողեցին»:

«Այսօր էլ նրանք դրսից և ներսից անվերջ ու անխնայ հարածեցին, նրանք մեր դիրքերը քարուքանդ արին: Քանի անգամներ ներխուժել փորձեցին, որպէսզի մեզ իրենց սխնմեքով և տապարներով ջարդ ու փշուր անեն: Բայց այդ նրանց երբէք չի յաջողուելու, որովհետև մենք նրանց դիմադրում ենք միահամուռ, միահոգի և հերոսաբար: Նրանք այս երկու օրերում, մեր մի քանի զոհերի դիմաց, հարիւրաւոր սպանուածներ և վիրաւորներ են տուել»:

«Կեցցե՛ն մեր հերոսները, կեցցե՛ն մեր աննկուն դիրքապահներն ու նրանց մեղաջան աշխատանքով օգնող թիկունքի աշխատատրներն ու բանուորները»:

Գիշերայ ժամի 7-ին ամրաշէն յանձնախմբի ցուցմունքներով և անմիջական մասնակցութեամբ սկսեցին խորտակած և փուլ եկած դիրքերի վերաշինութիւնը: Այգեստանում հաւաքուած ամբողջ ազգաբնակչութիւնը, բացի երեխաներից և շատ ծերերից, մի սքանչելի և աննման միասնականութեամբ տենդազին աշխատել սկսեցին: Ամէն մէկն անում էր այն, ինչի ընդունակ էր: Որմնադիրներին օգնում էին: Կանայք և աղջիկները ցեխ, քար և աղիւս էին կրում: Ուրիշները գետնափորներին էին օգնում՝ նրանց քանդած գետնուղիների աւելորդ հողերը փոխադրելով: Ուրիշները վագում էին վիրաւորներին օգնելու, նրանց համար սպիտակեղէն, շորեր կամ տաք կերակուր և ապուր տանելու: Շատերն էլ հաց, ուտելիք, հագուստ, գուլպա, կօշիկ, սպիտակեղէն և անհրաժէշտ իրեր էին հաւաքում: Թիկունքային օժանդակ աշխատանքները մեծ եռանդով նւիրածութեամբ էին զլուխ գալիս:

### ԵՐՐՈՐԴ ՕՐԸ

Վան-Այգեստանի ինքնապաշտպանութեան ամենաճգնաժամային օրերից մէկը կարելի է 3-րդ օրը հաշւել: Թշնամին ծանրօրէն վիրաւորուած գագանի մման սկսեց նորից յարձակել ամէն կողմից: Դժոխային կրակ էր թափում ամենուրեք: Բայց Նորա-



**Վանեցի մարտիկները դիրքերում**

չէն կոչւած կենտրոնական թաղամասի վրայ թափող կրակին չափ ու սահման չկար: Թնդանօթներից արձակւած և շարափնէլ կոչւած ռումբերն իրար յետևից թափուծ էին թաղամասի տների գլխին և անմիջապէս պայթելով՝ հարիւրաւոր կտորների էին վերածուծ և ընդհանրապէս հրդեհներ էին յառաջացնում:

Թշնամին ենթադրում էր և, դժբախտաբար, այդ ենթադրութիւնը ճիշտ էր, որ մեր ինքնապաշտպանութեան Կենտրոնն ու պահեստները այդ թաղամասումն էին կենտրոնացւած և դրա համար էլ այդ օրայ ռմբակոծման նշանախեցը կենտրոնացել էր այդ թաղամասի վրայ:

\*\*\*

Բարեբախտաբար, այդ դժոխային և ճակատագրական օրումն էլ Այգեստանի ազգաբնակչութիւնը կարողացաւ պահել իր կատարեալ սառնարիւնութիւնը և այդ շնորհիւ այն գիտակցութեան և խորը համոզման, որ, բացի մինչև վերջին շունչ դիմադրութիւնն ու ինքնապաշտպանութիւնը, ուրիշ ելք չկայ:

Դժբախտութիւններ կան, որոնց չափն ու սահմանը որոշւած չէ, և որոնք տարերօրէն ու համընթաց բախտի և բախտատրութեան յոյս ու նշոյլ են առկայծում: Ընդհատ և ճիշտ այդպէս էր մեր ինքնապաշտպանութիւնը: Հայ ժողովուրդը զանգածօրէն և խելայեղօրէն պայքարում էր և համոզւած էր, որ իր փրկութիւնը միայն և միայն այդ բոլորանէր և անձնուրաց դիմադրութեան մէջն է:

Շտաբն իր ամբողջ ուշադրութիւնը կենտրոնացրել էր դիրքերի և պաշտպանութեան գծերի վրայ: Օժանդակ ուժեր և կուռղներ ուղարկուծ էին փոխարինելու զոհւած կորուստին ու վիրաւորեալներին: Օգնական սեկցիաներից ամէն մէկն աշխատում էր ոգի ի բռին իրենց յանձնւած պարտականութիւնը ըստ հնարաւորութեան անթերի կատարելու համար: Ջինագործարան, տեխնիկական մաս, պլանային և վերաշինարարական սեկցիան, պարենահայթայթիչը և այլն, բոլորն էլ անխնայ և սրտանց աշխատում և ջանաւում էին իրենց պարտականութիւնները լրիւ կատարելու:

Իսկ անմիջականօրէն կռիւ պաշտպանութեան հետ գործ չ'ունեցող կանայքն ու աղջիկները, երբեմն էլ նոյնիսկ ծերերն ու երեխաները, խիզախօրէն պայքարում էին հրդեհների դէմ: Տներում և բռնիքներում հող ու մոխիր չէին թողել, ինչ որ ճարում, բերում և թափում էին ռմբակոծումներից յառաջացած հրդեհները մարելու համար:

Ինչքան սքանչելի էր այդ օրերի հայ ժողովրդի միասնականութիւնն ու միակամութիւնը: Երանի չէր լինի, որ հայ ազգը միշտ ունենար և պահէր այդ դժբախտ օրերին յայտնաբերած իր՝ այդ գովելի միութիւնն ու անքակտելի միակամութիւնը...

Այդ ճգնաժամային և սարսափալից օրն էլ իր վերջաւորութեանը հասաւ:

Բարեբախտաբար, թշնամուն այդ օրն էլ չը յաջողեց փշրել մեր դիմադրութիւնը:

Երրորդ օրը մեր Այգեստանի ինքնապաշտպանութեան պատմութեան մէջ եղաւ և պիտի մնայ



որպէս հայ ազգի հերոսական աննկարագրելի դիմադրութեան, նրա ապրելու և շնչելու տենչացող կամքի նւիրական խորհրդանշը:

Նոյն գիշերայ ժամի 8 և կէսից Յովհաննէս Պուճիքեանի և Մարգար Փախչոյեանի ղեկավարութեամբ կազմակերպւած Վարժապետանոցի ուսանողների «Ֆանֆառ» կոչւած նւագախումբը, արհամարհելով թշնամու ոմբակոծումների յառաջացրած սարսափը, նւագում էր մարտակոչ ու հայրենասիրական եղանակներ՝ մի կողմից Այգեստանի քաջերին ոգևորելով և մարտի հրախրելով, իսկ միւս կողմից անյաջողութեան ամօթի մատնւած թշնամուն աւելի ևս կատաղեցնելով:

Իսկ պատանի սուրհանդակները, ֆանֆառի նւագների ելևէջներով ոգևորւած և կայտառացած, վազվզում և թռչկոտում էին այս ու այն տեղ՝ ցրելու այդ գիշերայ ժելատինատիպ հետևեալ կոչ-հարդարագրութիւնը.

«Հայրենակիցներ, այսօր էլ մենք կարողացանք դիմագրաւել մեր թշնամու՝ աննկարագրելիօրէն վայրագ և կատաղի յարձակումներին և ոմբակոծումներին: Մեր դիրքապահները կռեցին և մեզ պաշտպանեցին անմահ հերոսութեամբ: Դուք բոլորդ էլ բերիք ձեր օգնութեան փրկարար բաժինը: Համոզուած և վստահ եղէք, որ մենք չենք պարտւելու: Մեր պաշտպան Ասուածը չի յօժարելու երբևիցէ, որ մեր անիրաւ և անգութ թշնամին մեզ տրորի ու ոչնչացնի, մեր օրն ու արևը խաւարի և մեր հայրենի օջախներն ու հարազատ հողը մեզնից աւազակաբար խլի: Այս գեղատեսիլ Այգեստանը մեր պապերի, մեր նախահայրերի նւիրական հողն է, նրա սիրասուն հայրենիքն է: Վասպուրականը մեր այդ հայրերի և նախահայրերի քրտինքով շաղախւած, շէն ու բարգաւառ դարձած և մեզ յանձնւած թանկագին ժառանգութիւնն է: Մեզ վրայ սրբազան պարտականութիւն է դրւած՝ մինչև մեր արեան վերջին կաթիլներով, պաշտպանել նրան: Եթէ մեզ վիճակւած է մեռնել, թող պատուով և անմահների մահով մեռնենք...»:

**ԻՆՔՆԱՊԱՇՏՊԱՆՈՒԹԵԱՆ ՀԵՏԵՒԵԱԼ ՕՐԵՐՈՒՄ**

Չորրորդ օրւայ առաւօտեան՝ լուսաբացից առաջ, որոշեցի նախ մեր տունը հանդիպել և յետոյ վերադարձին յայտնել մեր ընկեր Խէրանեանին, որ ներկայ լինի նոյն օրւայ գիշերային խորհրդակցութեանը ինձ մօտ՝ պարենապահեստում:

Շատ սրտաճմլիկ և տխրալի էր մեր փողոցի իմ առաջին տպաւորութիւնը: Համիդ-աղա կամ Համուդ աղա կոչւած զօրանոցից փոքր հեռաւորութեան վրայ հարուստների երկյարկանի և եռյարկանի տները փուլ էին եկել և գրեթէ աւերակի կոյտերի էին վերածուել: Առանց այն էլ ծուռուծուռ և նեղիկ

փողոցի անցքը շատ տեղերում փակւած էր: Այդ օրերին լոյս ցերեկով մեր փողոցից անց ու դարձ անելը հաւասար էր ինքնասպանութեան գնալու, բայց, բարեբախտաբար, դեռ կիսամութ էր, և մեծ դժարութեամբ կարողացայ ինձ մեր տունը հասցրնել:

Փողոցի մեր դուռը մի քանի անգամ թակեցի: Բաց անող չը կար: Մի տեսակ սարսուռ անցաւ ամբողջ մարմնովս: Մերոնք ի՞նչ են եղել: Ու՞ր են գնացել: Ստիպւած յառաջացայ մինչև մեր այգու պատը, որ փողոցի և մեր տան շարունակութեան վրայ էր գտնուում: Գիտէի պատի շարունակութեան վրայ եղած համեմատաբար ցած տեղը: Այդ տեղից պատի վրայ բարձրացայ և մեր այգին մտայ: Վիճակս տագնապալի էր դառել: Մի քանի րոպէներում չարագուշակ մտքեր անցան գլխովս:

Ի՞նչ են եղել մերոնք: Մի գուցէ ոմբակոծման գոհ են գնացել: Բայց մեր տունը արտաքնապէս վնասւած չէր: Այգեմտտի դուռը չուզեցի թակել: Նրանցից ոչ հեռու ցածիկ մի պատ կար: Բարձրացայ պատով և մեր փայտամբարի կտուրն ելայ: Բակում եղած սև թութի ծառի վրայից իջայ մեր բակը: Բակում մի րոպէ կանգ առայ և նայեցի շուրջաշուրջս: Մեր միայրականի շէնքի ոչ մի անկիւն վնասւած չէր: Համիդ աղայի զօրանոցի ոմբակոծութիւններից մեզ բաժին չէր հասած: Ենթադրեցի, որ մերոնք թոնրատնում քնած կը լինեն, քանի որ մեր տան ամենաապահով տեղն էր այդ: Ենթադրութիւնս ճիշտ էր:

Կամացուկ և անաղմուկ ներս մտայ: Մեր թոնրատունը բաժանւած էր երեք մասի, այսպէս ասած, նախաբաժինը, թոնրաբաժինը և քնատեղը: Այս վերջին բաժինը 2 և կէս մետր լայնութեամբ, 4 մետր երկարութեամբ և մօտ կէս մետր բարձրութեամբ մի տեղ էր:

Մեզ մօտ այնպէս էր դասաւորւած, որ այդ բաժնում սովորաբար միայն կանացի սեռն էր քնում, իսկ տղամարդիկս՝ սենեակում կամ ննջարանում: Երբ ես ներս մտայ, նկատեցի, որ մեր ընկալեալ կարգը խանգարւած էր: Ըստ երևոյթին, քոյրս և եղբօրս կինը իրենց վախից հօրս խնդրել էին այդ բաժնի վերի անկիւնում քնել:

Ներս մտայ և շատ ցած, հազիւ լսելի ձայնով կանչեցի՝ Արաքսի:

Քոյրս ընդոստ վեր թռաւ և իր երեխայութիւնից մնացած սովորութեան համաձայն, դէպ ինձ վազ տալով և իրա՝ դեռ շատ նուրբ բազուկներով ու ձեռներով վզիցս օղակելով, սկսեց լաց լինել, որից հայրս ու եղբօրս կինը արթնացան:

– Բա ու՞ր ես մնացել, Սիրաք: Մեզ ինչու՞ անտէր, անտիրական ես թողել:

– Արաքս ջան, սպասիր, հանգստացիր: Նախ և առաջ դու իրաւունք չ’ունես լացելու, այդ քեզ չի սազի: Դու արդէն 15-16 տարեկան մեծ աղջիկ ես: Քու հասակակիցները մեր կռողներին ամէն կերպ օգ-

նում են: Յետոյ ինչու՞ անտեր, անտիրական ես հաշում քեզի: Փառք Աստուծոյ հայրոյ, տեր հայրը կողքիդ է:

– Իսկ դու կարծես մոռացե՞ր ես, որ ես մեր հիւանդ եղբոր կնոջն եմ պահում: Առանց ինձի նա մէկ ժամ իսկ չի ապրի: Մենք այս գիշերը բոլորովին չենք կարողացել քնել: Հայկանուշը երբ իմացաւ, որ Կարապետը վիրաւորել է...

– Ի՞նչ, Կարապետը վիրաւորել է, ե՞րբ, ինչ-պէ՞ս, – քրոջս խօսքը կտրելով՝ շտապ հարցրի ես:

– Մի՞թէ չեն յայտնել: Ես սուրհանդակ Սուրիկի միջոցով երէկ երեկոյեան քեզ յայտնել եմ:

– Նա դեռ ինձ չի տեսել: Ասա տեսնեմ ինչպէ՞ս և ի՞նչ տեղից է վիրաւորել:

– Թևից, ձախ թևից: Գիտես, որ նա դիրքապահ է: Երէկ առաւօտեան նրան տեղափոխել էին Շանփողոցի Քօռ Խէչոյեանց դիրքը: Կէսօրից յետոյ նրանց դիրքը շատ ուժեղ ուժակոծեցին: Թնդանօթի շարափն էլ գնդակը ցրիւ է եկել նրանց դիրքում: Խեղճ Առոյն տեղն ու տեղը սպանել և, բարեբախտաբար, եղբորս միայն վիրաւորել է:

– Ասա՛ տեսնեմ, իսկ վերքը ծա՞նր է: Հիւանդանոցը փոխադրե՞լ են, թէ ոչ:

– Ասում են՝ վերքը թեթև է և շուտ կը լաւանայ: Տէր հայրը հիւանդանոցն էր գնացել: Հագիւ երկու ժամ է, ինչ վերադարձել է: Մենք բոլորովին մենակ ենք եղել: Սիրաք ջան, քեզից չեմ կարող թաքցնել. այնպէս եմ վախեցել, այնքան շատ եմ վախեցել, որ ասել չեմ կարող: Իսկ խեղճ Հայկանուշը, առանց այն էլ գիտես, ինչպիսի գլխացաւեր ունի: Երբ Կարապետի վիրաւորելու լուրն իմացաւ, սկսեց սիրտը թափել: Ախր ես մենակ ի՞նչ կարող եմ անել: Ասա՛, ի՞նչ կարող եմ անել:

Քոյրս նորից լաց լինել սկսեց:

– Արա՛քս ջան, եթէ նորից շարունակես լացել, ես անմիջապէս կը թողնեմ և կը հեռանամ, և լաւ գիտցիր, որ այլևս չեմ վերադառնայ: Քեզ ասում եմ, դու իրաւունք չունիս լաց լինելու, հասկանում ես, իրաւունք չունիս: Կրկնում եմ, քու հասակակիցներդ հերոսանման գործեր են կատարում: Քանզի մեր քերի համար ցեխ ու քար են կրում: Թշնամու՛ մեր գլխին թափած ռումբերի սառած կտորներն են հաւաքում: Կրակի ու հրդեհների վրայ հող ու մոխիր են թափում: Սուրհանդակ են լինում և դիրքապահներին հաց ու կերակուր են տանում, իսկ դու այստեղ քու ասելով միայն քու հիւանդ եղբոր կնոջն ես խնամում և դրա համար լաց ես լինում: Հիմա դու ինքդ ասա, բա՛, ամօթ չէ՞ քեզ այդպէս վախկոտ և փոքրասիրտ լինել:

– Ես քո ասած բոլոր գործերն ատելի ուրախութեամբ կը կատարեմ: Ինձ քեզ հետ տա՛ր: Ես այստեղ մենակ մնալ չեմ կարող:

Ասաց և նորից լացել սկսեց:

«Ես այստեղ մենակ մնալ չեմ կարող», – քրոջս ասած վերջին խօսքերը մեքենայաբար կրկնեցի և

մտովին անդրադարձայ նրա վշտին: Տարօրինակ և անբացատրելի մի կապ, մի հոգեկան կապ նրան ինձ հետ էր կապում և օղակում: Անբախտ մօրս մահից յետոյ նրա համար մեր տնում ինձնից զատ կարծես ոչ ոք գոյութիւն ունէր: Ես չկայի, բացակայում էի տնից, ուրեմն տունը նրա համար թափուր էր, անմխիթար և աննպատակ: Նա լացում է ոչ թէ վախից, միակութիւնից, հիւանդին օգնելու դժարութիւնից, այլ լացում էր, որովհետև մի քանի օր իրար վրայ տնից բացակայում էի:

Ես նրան պիմդ սղմեցի գրկումս: Մի քանի անգամ ջերմօրէն համբուրեցի նրան և սրտապիմդ մխիթարեցի.

– Արա՛քս ջան, եթէ դու ինձ սիրում ես, խնդրում եմ, որ այլևս չը լացես: Ես քու լացը տեսնել չեմ կարողանում: Երբ դու լացում ես, իմ սիրտը քաշքշում և սեղմում է, ու շունչս մի տեսակ կապ է գալիս: Կրկնում եմ, եթէ ինձ սիրում ես, չպիտի լաց լինես:

Յետոյ շուրջ կէս ժամ եղբորս կնոջ և հօրս հետ խօսակցեցի: Եղբորս կնոջը շատ ջանացի սիրտ տալ, քաջալերել: Նա շատ յուսահատ էր իր առողջութեան համար: Հիւանդների մեծ մասը յոյս ունի իր ապաքինման համար: Դժբախտաբար, մեր Հայկանուշը նրանց թիւն էր պատկանում, որոնք թերահաւատ են իրենց ապագայ ապաքինման համար:

Իմ երիտասարդ օրերում ես բաւական շատ մոլեռանդ հաւատացեալ էի: Մարքսիստական վարդապետութեան ընթերցումն ու ուսումնասիրութիւնը դեռ չէր կարողացել իմ հաւատքի սիւները խախտել: Դրա համար հօրիցս խնդրեցի մեր բոլորի և ընդհանուր մարտնչողների ու ժողովրդի փրկութեան համար ջերմեռանդ աղօթել:

## ՄՏԵՐՄԻԿ ԽՕՍԱԿՑՈՒԹԻՒՆՆԵՐ

Ինքնապաշտպանութեան 4-րդ օրանից մեր պաշտպանել կարողանալու հաւատքը սկսեց ուժեղանալ: Դրա գլխատր պատճառը նախ այն հանգամանքն էր, որ ընդհանրապէս մեր թշնամուն դիմագրաւել չը կարողանալու կասկածն ու վախը այս ճգնաժամային ահռելի օրերն անց կացնելուց յետոյ համեմատաբար պակսել էր և ապա թշնամու՛ մեզ մէկ օրում ընկճելու անբարտաւան որոշման անհետևանք մնալն էր: Այո՛, մեր թշնամին հաւատացած էր, որ ամենաուշը 24 ժամ մեր դիմադրութիւնն ու պաշտպանութիւնը փշրտելու և վերջացնելու էր:

Չորրորդ օրանից թշնամու յարձակման և ուժակոծումների մոլեգնութիւնը զգալիօրէն թուլացել էր: Գուցէ նա ոճրածին նոր ծրագիրներ էր մշակում և պաշտպանող հայութեանը յանկարծակիի բերելու էր պատրաստում: Այդ պարագան, իհարկէ, մեզ յայտնի չէր:

Այդ երեկոյեան մեր երիտասարդ ընկերներից տասն հոգու տեսակցութեան էի կանչել: Մեր այդ օրերի պայմաններում մեծ թուլ մարդկանց միատեղ հաւաքելը նախ դժար և յետոյ վնասակար էր: Երկու տասնեակ սուրհանդակներից 6 հոգին մեր տղաներից էին: Նրանց միջոցով յաջողացրել էի այս հաւաքոյթը:

Հաւաքոյթին կարողացել էին ներկայ լինել Վ. և Ն. Խէրանեանները, Ա. Խանջեանը, Հր. Դարբինեանը, Կալճեանը, Միհրդատ Բրուտեանը, տիկ. Սօլախեանն և երկու ուրիշները (Միհ. Բրուտեանի եղբայրը՝ Ար. Բրուտեանն ու տիկ. Յասմիկ Սօլախեանի ամուսինը՝ Արտ. Սօլախեանը<sup>26</sup> ինքնապաշտպանութեան կռիւներից դեռ ամիսներ առաջ բանտարկեցին և վայրագ թիրաքերի բանտերում սրախողխող եղան): Խորհրդակցական ժողովը ես սկսեցի.

– Շատ եմ ցաւում, – ասացի, – որ մենք այսօր ձեզ ծանօթ պայմաններում ենք իրար հանդիպում: Ամէնքդ էլ գիտեք, որ մենք չափազանց անհաւասար կռի ենք մտել մեզնից հազարաւոր անգամ աւելի ուժեղ թշնամու հետ: Գիտեք նաև, որ մենք կամովին, սիրայօժար այս կռիւն չենք բռնել մեր թշնամու հետ: Այս անհաւասար կռիւը թշնամին է մեզ՝ այգեստանցիներիս պարտադրել: Թշնամին խաբէութեամբ հրաւիրեց և բանտարկեց հայ յեղափոխական գործիչներին և լաւագոյն, հայրենասէր ընկերներին, որոնց թում նաև Բրուտեանին, Սօլախեանին, Ասոյին և մի քանի ուրիշներին: Նրանց ճակատագրից որևէ տեղեկութիւն չ'ունենք: Նախքան այս ինքնապաշտպանութեան կռիւները՝ բազմաթիւ փորձեր արեցին նրանց ազատման համար, բայց, դժբախտաբար, բոլորն էլ անարդիւնք մնացին: Տեղեակ էք նաև այն մասին, որ այս ապրիլի 3-ին, Ջևղէտի կողմից խաբէութեամբ հրաւիրեցին Իշխանն ու իր ընկերները Շատախ, որպէս միջնորդ ուղարկելու և այնտեղի հայ և թուրք ընդհարումներ



*Արտաշես Խաչատուրի Սոլախյան*

րին վերջ տալու պատրուակով, բայց Հայոց-Չորում վայրագօրէն խողխողեցին և վերջապէս լրիւ տեղեկութիւններ ունէք շրջանի գաւառների և գիւղերի մեր հայ ազգաբնակչութեան ահռելի և համատարած ջարդերի մասին:

Մեր այսօրայ հաւաքոյթի նպատակն է նախ իրար հանդիպելու և ըստ հնարաւորութեան ընկերներին տեղեակ պահել այս քանի օրերի անցուդարձից: Ի դէպ, եթէ կան օգտակար առաջարկութիւններ, դրանց համառօտ նշումները յանձնել Չինուրական Կենտրոնական Մարմնին, որպէսզի եթէ նպատակայարմար համարի, գործադրութեան դրի: Բայց ամենից առաջ, կարծում եմ, մեզ բոլորիս համար հետաքրքիր է շատ հակիրճ ձևով յայտնել, թէ մեր ուսանողական կազմակերպութեան ընկերներն այս ինքնապաշտպանութեան կենաց մահու պայքարում ի՞նչ բաժին են բերել:

Առաջին խօսք վերցնողը եղաւ տիկ. Յասմիկ Սօլախեանը:

– Չնայած որ ես մէկ մանչ ունեմ՝ 7 և մի աղջիկ՝ 4 տարեկան, և այս փոքրերի համար մանաւանդ այս արկածալից օրերում մայրական մասնաւոր խնամք է պէտք, բայց ես ինքս ինձ չը կարողացայ համոզել տանը մնալու: Մօրս խնդրեցի նրանց հետևել և խնամել ու ինքնայօժար դիմեցի վիրաւոր դիրքապահներին յատկացւած Ամերիկեան միսիոնարութեան հիւանդանոցը: Այս օրերում գրութեան քրոջ պարտականութիւններն եմ կատարում: Հէնց հիմա, որ այստեղ եմ նստել, նրանց համար շատ

<sup>26</sup> **Արտաշես Սոլախյանը** ծնվել է Վանում, 1884 թ.: Երանյան դպրոցն ավարտելուն պէս նույն դպրոցում ուսուցիչ է կարգվել: Դասավանդել է հայոց լեզու և գրականութիւն, պատմություն, իսկ Վանի թուրքական դպրոցում՝ նկարչություն և գծագրություն: Բացի հմուտ մանկավարժ լինելուց՝ Արտաշեսը շնորհալի նկարիչ էր, թատերգու, երաժիշտ և երգիչ, տաղանդավոր դերասան և, վերջապէս, ազգային քաղաքական գործիչ: Գերազանց տիրապետում էր ֆրանսերենին և հեռակա ուսանում էր Սորբոնի համալսարանում: Պատերազմի հենց սկզբում մի քանի ընկերների հետ ձերբակալվում է և մի քանի ամիս բանտային անասելի տառապանքները կրելուց հետո զազանաբար հռչակվում. «Վանեցիները գտան այն տեղը, ուր կատարվել էր հրեշայիւնը... Արտաշեսի հարազատները այդ նեխած մասկոյտերի մէջ հազիվ ճանաչել են նրա անդամահատված մի ոտքը՝ մոր հյուսած բրդյա նախշազարդ գուլպայով... Ջնդանից «ազատվեցին» միայն Սոլախյանի բանտային հուշերը...», որոնց մեծ մասն էլ (7 տետրից պահպանվել են երկուսը) կորստյան դատապարտվեց: 2002 թ. «Վասպուրական» հայրենակցական միութեան ջանքերով հրատարակվել է փրկված երկու տետրերի պարունակությունը. «Արտաշես Սոլախյան, Բանտային հուշեր» վերնագրով:

անհանգիստ են, որովհետև նրանցից մի քանիսի վիճակը բառական լուրջ է: Դժբախտաբար հիւանդանոցում դարմանումի ամենամեծ ժամանակները չափազանց անբառական են: Հնուտ վիրաբույժների, հակաանեխոմի և նոյնիսկ անհրաժեշտ դեղորայքի պակասը մեր ձեռքն ու ոտքը կապում և մեզ անել կացութեան է մատնում:

– Իմ և ընկերներիս կողմից ձեր պարտաճանաչութեան և անձնուրացութեան համար մեր շատ յարգելի ընկերոջ անգուգական ու անձնէր կնոջը երախտապարտ շնորհակալութիւնն ենք յայտնում, – ասացի և ջերմօրէն սեղմեցի նրա ձեռքը:

– Իսկ ես Շահբանդարի դիրքապետի երկրորդ օգնականն եմ նշանակել, – ասաց Դարբինեանը, – մեր արեան հետ հարսանիքի ենք բռնել: Համուդ աղայի գորանցից հագիւ չորս-հինգ հարիւր քայլի վրայ է մեր դիրքը: Այս նգոված գորանցից արձակած դժոխային կրակը մեզ վառել և մրկել է: Մինչև հիմա երկու անգամ մեր դիրքերը քարուքանդ են եղել: Մեր առաջին գլխաւոր դիրքապահ Կարօն, որ անձնան քաջ մարտիկ էր, սպանեց: Կռողներս գիտովցած խենթի նման դիմադրում ենք թշնամուն և մեզ ինքնամոռացութեան ենք մատնել: Բայց պետք է խոստովանեմ, որ առանց մեր հայրենակից որմնադիրների, որոնք ինքնաշխատ մեքենաների նման նորից ու նորից շարում ու վերաշինում են մեր փլատակած դիրքերը, մեզ համար միանգամայն անկարելի կը լինէր դիմագրաւել կատաղած թշնամուն: Մենք մեծ դժարութեամբ պաշտպանում ենք այդ իժերի համագարկից ու դժոխային կրակից: Մեր յետևում 2-3 մետր հեռաւորութեամբ, նրանք անդադար ու անխոնջ բարձրացնում են նոր պատեր և պատնէշներ: Ամէնից յուզիչ և միանգամայն խրախուսիչ տեսարանը կերպարանաւորում են նրանց քար, աղիւս և ցեխ հասցնող կիներն ու աղջիկները, որոնց շարքում կան նաև պառաւած կիներ և կորամեջք ծերունիներ: Մրանից աւելի յուզիչ և հայրենասէր հերոսամարտ մի՞թէ կարելի է երևակայել:

– Ընկերներ, տեսնում եմ, որ ձեր բոլորիդ հայեացքը դէպի ինձ է կենտրոնացել, – համեստօրէն արտայայտեց Աղասի Խանջեանը: – Գիտեմ, որ ուզում էք հարցնել, ես ինչ գործի եմ: Ընկ. Սիրաքն արդէն տեղեկութիւն ունի իմ կատարած գործից: Կարծում եմ կարելի է և ձեզ յայտնել այդ: Պաշտպանութեան կոմիտէի վերջին խորհրդակցական ժողովում Յովհ. Կուլօղլեանի և Օննիկ Մխիթարեանի հետ ինձ ևս ընտրեցին պրոպագանդի և տեղեկատւութիւն սեկցիայում: Ինձ թում է, որ այդ ընտրութեանը ես որոշ չափով կարողացայ արդարացնել և ուժերիս չափ օգտակար լինել գործին: Շտաբի անունով եղած բոլոր հայրենամէր և խրախուսիչ կոչերը, ինչպէս նաև նրա հաղորդագրութիւններն ու կարգադրութիւնները, մեր այդ երեք հոգիները յանձնախմբի միջոցով է կատարում:

Թող ինքնագովութիւն չը թի, եթէ յայտնեմ, որ բոլոր խնորատիպ հաղորդագրումներն և մանաւանդ ինքնապաշտպանող ու ժողովրդի հոգեկանը բարձրացնելու ծառայող կոչերի ու խրախուսանքների խմբագրման գործից բառական կարևոր բաժինը ինձ վրայ է ընկել:

– Իսկ ես, – յայտնեց Վ. Խէրանեանը, – գործակցում եմ տեխնիկական-պլանային յանձնախմբի հետ: Այս յանձնախմբի տարեց անդամներից պրոֆ. Մինասեանն ու Մամբրէ Մկրեանը տեսաբան-քիմիկոսներ են: Կան նաև տեխնիկ-քիմիկոսներ, որոնց գլխաւորը Գր. Բուրդարացին է: Մեր այս յանձնախմբի գործը չափազանց պատասխանատու և դժարին գործ է: Յանձնախմբի տրամադրութեան ներքև կան բազմաթիւ հնուտ արհեստաւորներ, զինագործներ, ձուլողներ, կաղապարողներ: Նրա ցուցմունքների համաձայն՝ աշխատում են նոյնպէս փորձառու նկուղափորներ: Ամենադժար և ամենաշտապ գործը այս վերջիններին է վիճակւած: Նրանցից ամէն մէկը 15-16 ժամ գետնափորի ձիգ և տաժանակիր աշխատանք է կատարում: Նպատակադրւած է (այստեղ Խէրանեանը կտրեց իր խօսքը և շուրջաշուրջ ներկաներին նայելով և ձեռքն օդում թափահարելով՝ շարունակեց) է՛հ, միևնույն է մեր ամէնքի ձգտումը, նպատակը մէկ է և ընդհանրական: Մեզնից ո՛չ մէկը սրիկաների հետ կապ ունենալ չի կարող: Այո՛, ծրագրւած է ինչքան կարելի է շուտ օդ թոցնել, պայթեցնել և այրելով ոչնչացնել մեր կռողների հոգեառ, այդ իժի ծնունդների երկու գորանցները: Դուք լսեցիք մեր ընկեր Դարբինեանի նկարագրութիւնը: Այդ երկու գորանցները օր առաջ, ժամ առաջ պետք է ոչնչացնել, մոխրի վերածել, որպէսզի գոնէ մեր քաջարի դիրքապահները մի քիչ ազատ շունչ քաշեն և թշնամու երկու կողմանի կրակի մէջ չը խաչվին: Այդ ամէնից աւելի անհրաժեշտ ու շատ նշանակալից և մեզ համար անգին՝ վառօղի և թնդանօթի պատրաստութիւնն է: Մեր քիմիկոսները ցերեկն ու գիշերը իրար խառնած գլուխ են տրաքեցնում այդ երկու շատ անհրաժեշտ միջոցների պատրաստութեան համար:

Այս յայտնութիւնն այնքան ոգևորիչ էր, որ ժողովականները միանգամայն մոռացած դրութեան լրջութիւնը, սկսեցին ծափահարել ճառախօսին: Նա շարունակեց.

– Ինչպէս մեր տեսաբան և տեխնիկ-քիմիկոսները յայտնել են, յանձնախմբի բոլոր ծրագիրները շուտով, գուցէ մինչև մէկ-երկու օր, յաջողութեամբ կը պատկեն, և մեր արի մարտիկների դիմադրական կորովը կը բազմապատկուի:

Նորից ուրախութեան ծափերն ու կեցցէները դողողացին:

– Միքելի՛ ընկերներ, լրացրի ես, – տեսնում եմ, որ մենք բոլորս, ինքնապաշտպանութեան այս նիւրաւական գործում, բերում ենք մեր ուժերի չափով հնա-

րաւոր մասնակցութիւնը: Ասենք մեզ համար չափազանց ամօթալի կը լինէր ուրիշներէից յետ մնալ: Այս ճգնաժամային պայքարում մենք ամենքս մէկ, միայն մէկ նպատակ ունենք. թշնամուն չը թողնել, որ մեր և մերայինների ու հայրենակիցների դիակների վրայից, լրբօրէն քրքջալով, իր յաղթանակի ճանապարհը բաց անի: Հայ ժողովրդի պատմութիւնը մեզ ցոյց է տուել, որ լինել չը լինելու պայքարի դիւցազնական ելոյթներ շատ ենք ունեցել: Մենք երբէք ուրիշների տունն ու տեղը չենք քանդել: Մենք մեր հարևանների օջախն ու կրակը չենք խամրել: Մենք նրանց օրն ու արևը չենք սևացրել: Մենք նրանց տունն ու այգին մեր թնդանօթների ռումբերով հող ու փոշու չենք վերածել: Մենք միշտ աշխատել ենք շինել, շէնացնել և բարգաւաճել մեր սեփական հալալ աշխատանքով: Եւ խորապէս համոզուած են, որ բռնակալութիւնն ու բարբարոսութիւնը երկար թագաւորել չեն կարող: Բարի էք եկել և բարով գնաք, ընկերներ: Աճապարեցէ՛ք կատարելու ձեր հայրենակցական ազնիւ և անխարդախ պարտականութիւնը:

Մեր ընկերները, իրար հետ համբուրելով, բաժանեցին: Երբ մենակ մնացի, անխառն հպարտութեան քաղցր զգացումով ոգևորեցի այդպիսի ազնիւ և անձնէր ընկերներ ունենալուս համար:

**ՀԱՄՈՒԴ ԱՂԱՅԻ ԶՕՐԱՆՈՅԻ  
ՀՐԴԵՀՈՒՄԸ**

Ինքնապաշտպանութեան 5-րդ գիշերն էր: Զինուորական մարմնի կենտրոնում հաւաքել էին շուրջ 15-ի չափ անձնատրոսիւններ: Սրանք զինուորական շտաբի կամ նրա հետ կապուած սեկցիաների անդամներն էին: Այդ օրը ինձ էլ էր վիճակել շտաբում ներկայ լինել: Ամէնքս անհամբեր Բուլղարացուն էինք սպասում:

Պլանային-տեխնիկական կոմիտէն ինքնապաշտպանութեան առաջին օրից իսկ Բուլղարացու անմիջական մասնակցութեամբ սկսել էր իր նկուղափորման ծանր և միանգամայն վտանգաւոր աշխատանքը:

Վճռուած էր ամէն գնով հրդեհել և քարուքանդ անել Համուդ աղայի զօրանոցը, որ մեր ինքնապաշտպանութեան գործն անդամալուծում և ամէն օր, մանաւանդ մերձակայ դիրքերից, մեր կուռղներից նորանոր գոհեր էր խլում:

Զօրանոցը, որ մօտաւորապէս 18 տարի առաջ էր շինուել, ուներ ինքնապաշտպանութեան և յարձակման բոլոր յարմարութիւնները: Սարքուած էր ամրակոտ և տաշուած քարերից: Զօրանոցի երկրորդ յարկի վերևում եղած ընդարձակ թերասը շուրջաշուրջ պատնէշակալուած էր: Այդ պատնէշի խորշերում ամէն երկու մետրի վրայ տեղաւորուած

էին գնդացիներ և ծանր թնդանօթներ, որոնք անվերջ ռումբ ու կրակ էին թափում շուրջ բոլորը: Տեսալ պայմաններում խենթութիւն կը լինէր յարձակուել այդ անառիկ բերդի վրայ: Միակ ճարը նրա հրդեհումն էր:

Զօրանոցի տակից հոսում էր քեահրիզի ջուրը: Նկուղափորները նախ օգտագործել էին այդ աղբիւրի ճանապարհը, յետոյ թեքել էին դէպի ձախ և 25 մետրի վրայ փորել էին ներքնուղին դէպի զօրանոցը:

Նկուղափորման աշխատանքը վերջացել էր յաջողութեամբ, առանց կասկած յարուցելու զօրանոցում մնացած թշնամու շարքերում: Զօրանոցի ներքնայարկի տակում տեղաւորուած էր մերոնց սարքած վառօդը:

Այդ գիշեր՝ որոշուած ժամին, վառօդին միացուած պատրոյգները վառուել էին: Վառօդը կրակուել և պայթել էր: Ներս մտաւ Բուլղարացին: Շտաբում եղողները նրան շրջապատեցին և տագնապալից սպասում էին նրա խօսքին:

– Շատ կը ցաւիմ,– սկսեց խօսել նա, նրա խօսակցութեան երանգում նկատելի էր ուժեղ յուսալքում,– ստիպուած են ձեզ յայտնելու, որ մեր սարքած դինամիտը պէտք եղած ուժը ունեցած չէ: Յետոյ կը մտածեմ, որ ջրի ճանապարհի մօտիկութիւնն ալ շատ խանգարած պիտի ըլլայ վառօդի պայթուցիկ կարողութեանը: Մեր գետնափորներու հինգ օրերու գիշեր-ցերեկայ տքնաջան աշխատանքն իզուր անցաւ:

– Վա՛յ, արիւնքս, մեծ դժբախտութիւն է եղածը: Բա ի՞նչ ընելու է,– և նման յուսահատական բացականչութիւններ լսեցին ամէն կողմից:

– Ի՞նչ պէտք է ընել: Կարևորն աս է, մտացրիւ և կարծես մեքենայօրէն պատասխանեց Բուլղարացին: Մի քիչ յետոյ՝ իր ձեռքի երկու երկար մատներով իր ճակատը մի քանի անգամ հարածելուց յետոյ, վճռական շեշտով արեւացրեց.

– Յուսահատելու իրաւունք չունինք, քանի որ դա ինքնայօժար մահի հաւասար է: Մեր տեսաբան մասնագէտների հետ նորից պէտք է խորհրդակցենք և աշխատենք մեր վառօդի որակն ուժեղացնել: Ուրիշ ճար չունինք: Այդ սրիկաներու զօրանոցը մեր հոգեառ սատանան է: Ամէն կերպ պիտի աշխատենք անոր գլուխը ջարդելու:

Բուլղարացին մտմտում էր: Նա պատրաստում էր նորից շարունակելու, երբ մեր պատանի սուրհանդակներից երկուսը հևիհև ներս ընկան և ասին.

– Պ. Գրիգոր, զօրանոցը ծուխի մէջ կորած է: Հեռադիտակով նայեցէ՛ք:

– Ինչէր կը խօսաք, ա՛յ օղուկներ, չըլլայ թէ երազ կը տեսնէք: Ես ինքս անձամբ պայթիւնից երկու ժամ վերջ սպասեցի արդիւնքը տեսնելու: Բան մը չեղաւ... Բայց թող նայինք հեռադիտակով: Գուցէ...:

Տղայք, գիշեր է ու մութ: Այս հեռադիտակով բան մը տեսնել չեն կարող: Ձե՛զ մատաղ, նորից վազ

ուեք դէպի զօրանոցը և կրկին հաստատ լուր մը բերէք: Բայց զգոյշ եղէք, շատ զգոյշ: Եթէ զօրանոցը այրած ըլլայ, թշնամին սաստիկ կատաղած կըլլայ... Ափսո՛ս, որ երիտասարդ չեմ...

Ինքս էլ առանց որևէ կարգադրութեան և հրաւերի՝ դուրս թռայ և վազեցի դէպի զօրանոցը: Չէ՞ որ ես էլ այդ ժամանակ շատ երիտասարդ էի և ինչպէս ամէնքին, ինձ ևս չափազանց հետաքրքրում էր մեր դահիճներէն որջի հրդեհումն ու փլատակումը...

\*\*\*

Կէսգիշերուանից մէկ ժամ անց ամէն ինչ պարզուել էր: Մեր բախտից վառօղի պայթիւնը, չնայած իր շատ թեթև ուժականութեան, փոքր ճեղք էր գոյացրել և հասել էր զօրանոցի ներքնայարկին, ուր զանազան բաժիններում ամբարած էին ինչպէս դարմանը, այնպէս էլ զանազան պայթուցիկ ռումբերն ու պատրոնները:

Հրդեհը բռնկուել էր և զօրանոցում եղած ասքեարները, հակառակ բոլորի գործ դրած ջանքերի, ի վիճակի չէին եղել մարելու թոյլ առ թոյլ բորբոքուող և տարածուող կրակն ու հրդեհը:

Յուսահատած զինուորները, ողջ-ողջ չ'այրուելու վախից, խուճապի եկած, իրենց ձեռքն ընկած ամեն տեսակի հրազէններով պաշտպանուած, սկսեցին զօրանոցից դուրս խուժել:

Մեր մօտակայ դիրքերից այդ չարագործ ասքեարներին և չէթէներին վրէժխնդիր համազարկերի էին կապել և նրանցից շուրջ 20 հոգու սպանել էին:

Հրդեհը գնալով հուրհուրում և տարածում էր: 18 ամբողջ տարիների ընթացքին Այգեստանի հայութեան սրտի վրայ թառած գիշատիչների բոյնը հրաճարակ փլատակուում էր: Ինքնապաշտպանութեան ամբողջ հինգ ցերեկ-գիշերուայ ընթացքին այդ անգութ բարբարոսներն իրենց դժոխային համազարկերով և ռումբերով մեր արի դիրքապահներից և անպաշտպան կին, երեխայ, ծեր հայ ազգաբնակութիւնից շատ-շատերին արեան մէջ շաղախել և կոտորել էին ու հիմա ենթարկուել էին նրանց արդար ցասումին և վէժխնդրութեանը:

Եթէ ընդհանուր խառնաշփոթը, գիշերուայ մութն ու Թօփրաք-Կալէի զօրանոցի մօտիկութիւնը չը լինէր, այդ չարագործ ասքեար-չէթէներից հազիւ թէ որևէ մէկը կարողանար մագապուրծ լինել մերոնց վրէժխնդիր գնդակներից:

Ժամի մէկից ուսանողների ֆանֆառը հրդեհի կրակից լափլփուող բռնութեան և ոճրագործութեան բերդի դիմաց կանգնած մուգում էր հայրենավառ և ազատաշունչ եղանակներ ու այգեստանցի հայերի վրէժխնդիր սրտերը հովացնում և անհուն բերկրանքով թռթռացնում էր:

Յաջորդ առաւօտեան կանուխ ինքնապաշտպանութեան տենդով բռնուած հայութիւնը, ամէն սե-

ռի, հասակի, արհամարհելով դեռ ներսում մնացած, բայց վախից արդէն կուչ եկած Պոչիկ-Ահմադի տաճիկների զօրանոցի վախը, ինչպէս նաև գծից դուրս գտնուող թշնամու կրակոցները, փողոցն էր թափուել և շտապում էր գալու և տեսնելու Այգեստանի գլխատր պողոտայի գլխին հազարալիսանի վիշապի նման երկու տասնեակ տարիների ընթացքին իր ազատ շունչը խեղդող, ատելի զօրանոցի հիմնայատակ կործանումն ու թաղումը: Երբ իրենց աչքերով տեսնում և հաստատում էին, որ այլևս այդ իժերի բոյնը կործանուած և չքացած է, ուրախութիւնից յեղափոխական յուզիչ երգեր էին երգում, իսկ շատերը ծայրահեղ ոգևորութիւնից պարում էին...

Այդ օրը և յաջորդ երկու օրերի ընթացքին զօրանոցը դեռ կրակի և սև ու մահագոյժ ծուխերի մէջ իր կործանումն էր սգում...

### ՓՐԿՈՒԹԵԱՆ ՅՈՅՍԻ ՆՇՈՅԼՆԵՐԸ

Այգեստանի ինքնապաշտպանութեան պայքարում կլանուած հայ ժողովրդի համար Համուդ ադի զօրանոցի հրկիզումն ու ոչնչացումը փրկութեան յոյսի մի սրտապնդիչ նշոյլ էր:

Մենք՝ այգեստանցի հայերս, նմանում էինք այն մարդուն, որ անտառի խորքում կամ նրա բացատում ձիւնախառն կատաղի փոթորիկի գալարումների մէջ է ընկնում: Այդ մարդը, թէկուզ ուժեղ ու հսկայ, իր բոլոր ճիգերի հակառակ, չի կարող խուսափել, փախչել և ազատուել իր գլխին անընդհատ պայթող շանթերից և նրան ձուճակոյտերի մէջ մխրճող փոթորկալից քամիներից: Նա գլորում, ցած է ընկնում և տապալկուելով ու գերագոյն ճիգերով ոտքի է ելնում՝ նորից ու նորից սառնամանիքի մէջ խեղդուելու և շնչակոտոր թաղուելու համար: Նա գերմարդկային պայքար է մղում բնութեան սանձարձակ արհաւիրք-աղէտի դէմ մի կերպ նրա կլանող, ոչնչացնող երախից ազատուելու համար, բայց իզուր, հազար անգամ իզուր:

Պատկերացրէք բնութեան այդպիսի արհաւիրքի ենթարկուած մարդու հոգեկան վիճակը, երբ նա այդ մահուան կլանող փորձանքում նշմարում է լուսատու ճրագի կամ առկայծող կրակի թէկուզ մի ամենափոքր նշոյլը:

Ամբիջապէս նրա յուսահատ հոգում յոյսի, ապրելու տենչն է փայլատակում, և նա կրկնապատկում և բազմապատկում է իր դիմադրական պայքարը ազատուելու, փրկուելու համար:

Ե՛րբ յար և նման բնութեան աղէտին ենթարկուած այդ մարդուն-անհատին, այգեստանցի հայը տոգորեց այդ յոյսով, յաղթել կարողանալու յոյսով: Չէ՞ որ նա կարողացել էր դիմադրել ամբողջ 5 ցերեկ ու գիշեր և մանաւանդ Համուդ ադայի զօրանոցի հետ միասին թշնամու ջարդարար ծրագրին առայժմ վիժեցրել ու խորտակել էր:

Այդ դիմադրական պայքարում յատկապէս առաջին երեք օրերի հերոսական ինքնապաշտպանութիւնն ու Համուդ աղայի զօրանոցի հրդեհումը ճակատագրական և վճռահատող նշանակութիւն ունեցան: Առանց այդ էլ խիստ նշանակալից դէպքերի՝ Վանի հայ ազգաբնակչութիւնը հաւանաբար կոտորած և սրբախորհուրդ արած կը լինէր կատաղած և արիւնաժարաւ Ջևղէտի ու նրա գործակից ոճրագործների կողմից:

Որոշւած էր Համուդ աղայի զօրանոցից անմիջապէս յետոյ՝ յաջորդ գիշերայ լուսաբացից առաջ, հրդեհել նաև թշնամու երկրորդական նշանակութիւն ունեցող զօրապահակի կենտրոնը՝ Պոչիկ-Ահմադի դիրքը: Այս դիրքում ամրացած էին շուրջ երեք տասնեակ զինուորներ և արիւնարբու ենիշերներ:

Յաջորդ գիշերայ կէս գիշերից 4 ժամ անց լափլիզող և հուրհրող հրդեհի և թանձր ծուխի ոլորապտոյտների մէջ փլատակում և կործանում էր այս երկրորդ իժաբոյնը, որից մինչև երէկ նոյնիսկ գնդակների տարափ էր թափում դիրքապահների և մանաւանդ խաղաղ ժողովրդի գլխին:

Երբ տաճիկների յարձակման այդ վերջին ներգիծ ամրութիւնը հայերի վրէժխնդիր բոցերի մէջ ճարճատում և խորտակում էր, նրա շուրջ հաւաքւած վանեցիները շուրջապար էին բռնել և պարելով ու թռչկոտելով ու սրտի խորքից ծիծաղելով՝ իրար հարցնում էին.

– Տղա, բա էս դիրքի տաճիկները դըվորը (որտեղ) են ճղեր:

– Բա՛, յիմար ես, չես խասկնայ, հէնց որ կրակը տեսան, թռչումի թևեր խագան, թռան ու փախան:

– Դ-վոր փախան, որ ո՛չ մէկին չը տեսանք:

– Տո՛ գիծ-տուտուց, դվոր պիտի փախչէին հրէս էս բոցերի ու ծխի ու մոխրի հետ մէկտեղ, դրանց «արդար խոզին թռաւ ու գնաց Թալաթ-Էնվար փաշաների մօտ:

– Վա՛յ տամ ձեր խելօք գլխին ու ձեր փչոցներին: Ա՛յ միամիտ յիմարներ, էտոնք էն ժամանակն են փախել ու ճղել, երբ Համուդ աղի խարաբ էլածն այրեց: Ափսո՛ս էս մեր փէտերն ու նաւթը, որ էստեղ խարամ արանք:

– Հա՛յ, հա՛յ, տնավեր չէլած էդ դժոխքի դէվերին երելու համար փէտերն էլ ափսոս կուզաս:

Եւ իսկապէս յետոյ պարզեց, որ այս դիրքում ամրացած ասքեարները, հէնց որ տեսել էին Համուդ աղայի զօրանոցի այրումն ու կործանումը, մութից և ընդհանուր խառնաշփոթից օգուտելով և հաւանաբար իրենց զինուորական շորերը փոխելով և ծպուտելով, ծլկել ու անհետացել էին:

Այսպէս թէ այնպէս, մեր բախտաւորութիւնը կայանում էր նրանում, որ մեր պաշտպանութեան գծի ներսում միանգամայն փրկւած էինք ներսից անհանգստացնող վտանգաւոր թշնամուց, և մեր դիրքապահներն ու կուռղները, թիկունքից հարածուելու վախից հանգստացած, իրենց ամբողջ ուշադրու-

թիւնը դարձրին դիմագրաւելու դրսից սպառնացող վտանգը:

Բայց ամբարտաւան նահանգապետն ու հազարապետը հեշտութեամբ չէին կարող մարտել վանեցիների այս նոր յանդգնութիւնը: Ջօրանոցների հրդեհումն ու քարուքանդումը և զինուորների կոտորածն ու գլխապատառ փախուստը նրանց չափազանց կատաղեցրել էր: Երկու օրայ համեմատական մեղմացումից յետոյ նորից կատաղի յարձակումները սկսեցին: Համազարկերի և ռումբերի խլացնող պայթիւնն ու որոտը նորից կատաղի թափի հասան: Նորից դիրքերի ու տների հրդեհումն ու փլատակումները վերսկսեցին: Նորից տագնապ ու սարսափ: Արդեօ՞ք այս անգամն էլ հերոս մարտիկները պիտի կարողանային դիմագրաւել կատաղած թշնամու փոթորկալից յարձակումներին: Վանեցիները որոշել էին մահուան գնով դիմադրութիւնը շարունակել:

#### ԱՀԱԶԱՆԳ ԵՒ ԳՈՀԱԲԱՆԱԿԱՆ ԱՂՕԹՔ

Ապրիլեան ինքնապաշտպանութեան մաքառումից մի քանի օրեր ևս առանց արտակարգ իրադարձութեան էին անցել: Ինքնապաշտպանութեան 13-րդ առաւօտեան մեր պատանի սուրհանդակները դիրքերում, խրամատներում, տներում և ամենուրեք ցրեցին պրօպագանդ-տեղեկատուութեան սեկցիայի թռուցիկները հետևեալ բովանդակութեամբ.

«Հայրենակիցներ, թշնամին նորից գազազած է: Երէկ ամբողջ օրն անընդհատ մեր դիրքերի և մեր պաշտպանութեան գծերի վրայ դժոխսային կրակ էր թափում: Չնայած դրան՝ մեր քաջարի կուռղները նոյնիսկ մէկ քայլ իրենց դիրքերից յետ չեն նահանջել: Անցեալ գիշերը մեր անձնէր որմնադիրներն ու նրանց գործակից կտրիճ ու անվախ աշխատաւորներն ու բանուորները քանդուած մեր դիրքերը նորից ու նորից շարել ու բարձրացրել են: Մենք հաւատաքած ենք, որ մեր թշնամին մեզ ընկճել, մեր երկաթէ կամքը փշրել երբէք չպիտի կարողանայ: Մեր տեխնիկական-պլանային յանձնախմբի կազմը նորից ուժեղացրեց: Նրան հինգ նոր գործակիցներ տրեցին: Չեզմից խնդրում ենք այդ յանձնախմբին տրամադրել, ինչքան կարելի է շատ, կարմիր պղինձ, արծիճ և ուրիշ դիւրահալ մետաղներ:

Ո՛չ մի յուսալքում, ո՛չ մի թերացում, ո՛չ մի փոքրոգութիւն: Դրանք դաւաճանութեան հաւասարող և կործանիչ երևոյթներ են, որոնք խորթ և օտար են այս սքանչելի և անպարտելի հերոսամարտին ուղակի և կողմնակի մասնակցողներին:

Վստահ եղէք ձեր մարտիկների քաջագործութեան վրայ: Վերջնական յաղթանակը նրանց և ձեր բաժինն է լինելու: Կեցցէ՛ հայ ժողովուրդը, որ գիտէ հերոսանման պաշտպանել և իր հայրենիքի ու ազգի համար զոհուել...»:

Կոչն իր անմիջական արձագանքն ունեցաւ: Յաջորդ մի քանի օրերի ընթացքին այգեստանցիները տեխնիկական սեկցիային յանձնեցին իրենց ունեցած ամեն տեսակի ու ձևի պղնձեղէն ամանները, կաթասներն ու հեշտանեռերը: Այդ մետաղները վարպետ մասնագետների ձեռքում Բուլղարացու անմիջական գործակցութեամբ փոքրիկ թնդանօթների վերածեցին:

Այդ փոքրիկ թնդանօթները գործել սկսեցին: Մեր կոտողների և մանաւանդ ժողովրդական զանգւածների տրամադրութիւնը զգալիօրէն բարձրացաւ:

Երկշաբաթեայ ինքնապաշտպանութեան օրերին զոհածների յիշատակի յաւերժացման, մեր մարտնչող հերոսների բազուկներին ուժ ու կարողութիւն հայցելու և պաշարած հայութեան փրկութեան համար կիրակի օր Նորաշէն թաղի եկեղեցում, որի գմբէթներից միայն մէկն էր կանգուն մնացել, կատարեց հոգեհանգիստ և զոհաբանական մաղթանք:

Չնայած այն հանգամանքին, որ Վանի հայութիւնն այդ օրերին ամէն ժամ բնաջնջման աղէտի սարսափ էր ապրում, բայց մի հոծ բազմութիւն, արհամարհելով ամէն տեսակի փորձանքն ու աղէտը, շտապել էր գալու իր մայր եկեղեցին: Նրանք եկել էին քահանայական դասի հետ միասին ամենաողորմած աստծուն առաքելու իրենց հոգու խորքերից բխող աղաչանքը՝ սուրբ եղիցի անունը քո, եղիցի կամբը քո, որպէս երկնի ու երկրի, հաց տուր մեզ հանապազօր և փրկեայ մեզ չարէ, զի քո է արքայութիւնն ու զօրութիւնը...:

Այդ սարսափի օրերին ի՞նչ սքանչելի և փառահեղ պատարագ էր: Ինքս էլ բախտ ունեցայ այդ պատմական պատարագի վերջանալուց մի քիչ առաջ ներկայ լինելու: Ամբողջ բազմութիւնը միահամուռ աղօթում և ամենափրկչի բարեգթութիւնն էր հայցում: Անհունօրէն սրտառու էին այդ միահամուռ աղօթքի մրմունջները, որոնք խունկի կապտատուն ծուխի հետ բարձրանում էին դէպի տաճարի կիսաքանդ կամարները՝ այնտեղից սլանալու դէպի անհունութիւնը, դէպի ամենակալի բարձունքները: Ի վերջոյ առաջնորդական տեղապահը հանդիսատւոր հոգեհանգիստ կատարեց: Դուատեց հայ ազգի փրկութեան և նրա փառքի ու պատիւի բարձրացման համար անձնւիրաբար մարտնչած և հերոսի մահով մեռած քաջերի անմահ արիութիւնը:

**ԽՕՍԱԿՅՈՒԹԻՒՆ ԵԿԵՂԵՑՈՒ ԲԱԿՈՒՄ**

Երբ ես եկեղեցուց դուրս գալու վրայ էի, նկատեցի, որ եկեղեցի եկած հոծ բազմութիւնը բաղկացած էր առաւելապէս կիներից, 8-14 տարեկան երեխաներից և 50-ից անց հասակն առած տղամարդկանցից:

Եկեղեցու բակում՝ գլխատր մուտքից ոչ հեռու՝ գաւթի վերջին կամարի տակ, տարիքոտ մարդկանց

մի խումբ հաւաքւած և զբաղւած էր օրայ հարցերի զրոյցներով: Դրանցից մէկը, որին շրջապատել էին միսներն և յարգալից վերաբերմունք էին ցոյց տալիս ամէն կողմից, հարցակոծում էին: Այդ մարդուն ես ճանաչեցի. շտաբի անդամ Յովի. Կուլօղլեանն էր:

– Յովիաննէ՛ս աղայ, կը հաճի՞ք մեզ տեղեկացնել, թէ սա անամօթ Ջևղէտն ու իր պետութիւնը մեզմէ ի՞նչ կուզեն, և մեր վերջը ի՞նչ ըլլալու է, հարցնում էր մէկը:

– Դուք որ մեր հին փորձած յեղափոխականներէն էք և ընդհանուր վիճակէն լաւ տեղեկ, ի՞նչ կը մտածէք, մեր կոտողները որքա՞ն ժամանակ կրնան դիմադրել մեր այս զազանի նման ուժեղ թշնամուն:

– Կուլօղլեան է՞ֆէնտի, կաղաչեմ, եթէ լուր ունիք սա մեր կամաւորներէն, մեզ յայտնէք:

– Կըսեն կոր, ռուսների բանակը սահմանէն անցել և շուտով գալու է: Ի՞նչ լուր ունիք:

– Կըսեն... բայց մինչև առոյ ջուր գալը, գորտի աչքը կը քօռանայ:

Յովիաննէս Կուլօղլեանը, որ այդ օրերին իր հռետորական ճառախօսութեամբ դիրքէ-դիրք էր վագում և կոտողներին իր ոգևորիչ և հայրենասէր ճառերով քաջալերում և խրախուսում էր, այս անգամ կարծես, համբերութիւնից դուրս եկած, գրեթէ ջղայնացած տօնով պատասխանեց.

– Աղանէ՛ր, դուք ամէնքդ ալ հասակ առած, աշխարհը տեսած, լաւն ու վատը ճաշակած մարդիկ էք: Նախ և առաջ ձեզ ըսեմ, որ սա անիրաւ տաճիկներին ես ձեր ամենիցդ աւելի լաւ կը ճանաչեմ, քանի որ 25 տարիներէ ի վեր անոնց հետ պայքարի մէջ եղած եմ: Անոնք Սուլթան Համիդի օրերից մինչև այս անգամ Թալէաթ-Էնվէր կոչւած աւազակային փաշաները մեզի ատելով ասած են: Անոնք միշտ յայտարարած են, որ հայերն իրաւունք չ’ունին մեզի հողի և հայրենիքի պահանջներ դնել, ի՞նչ գիտեմ ազատութիւն պահանջել: Եթէ կուզեն մեր հողի վրայ մնալ և մէկ կտոր հաց աշխատել, պէտք է կուհիպատակ մնան, մեր գութին և ողորմածութեան ապաւինեն, պէտք է մեզի յանձնեն իրենց զէնքերն ու ըմբոստ ֆէդայիները: Պէտք է շնորհապարտ և աղօթարար ըլլան մեր Օսմանեան Կայսրութեանն ու նրա բարեխնամ կառավարութեանը: Հիմա կը կամենաք հասկնալ, թէ անոնք մեզմէ ի՞նչ կը պահանջեն: Գալով ձեր միւս հարցերուն, պիտի ըսեմ: Ինձ համար դժուար է անոնց պատասխանը ներկայիս տալ: Ինչ կը վերաբերի ռուսական և կամաւորական բանակների գալուն, ես ալ ձեզ նման այդ լուրերը լսած եմ, բայց ատոր ճշտութեան մասին ոչինչ կրնամ ըսել: Միայն կարևոր պարագայ մը կայ, որ պէտք չէ մոռանանք: Այդ հանգամանքը բոլորս գիտնալու ենք: Ռուսն ու Անգլիան և Ֆրանսիան մենք մեր բարեկամներն ու պաշտպանները կը համարենք: Մեզմէ շատերը այդպէս համոզւած են, բայց ես մէկ հոգիս քիչ մը



տարբեր գաղափար ունիմ և ուրիշ կերպ մտածեմ և ատոր համար ալ փաստեր ունիմ: Աղաներ, դուք մի՞թէ այդքան շուտ մոռացաք մեր Վանի և ուրիշ տեղի 95-96-ի կոտորածները, մի՞թէ մոռացած էք Ադանայի մեր դժբախտ հայրենակիցների կոտորածն ու ջարդը: Այն ժամանակներ պատերազմ ալ չ'կար, որ մտածենք՝ անոնց գլուխը շաղախուած էր, մեր մասին մտածելու ժամանակ չ'ունէին, քանի որ իրենց ցաւն ու դարդը ունէին: Այն ժամանակները մեր այդ բարեկամ գիտցածներս հանգիստ էին և պատերազմի մէջ ալ չէին: Անոնք, եթէ ուզենային սա անօրէն տաճիկներուն խորովածի շամփուրի կը քաշէին, բայց չ'ուզեցին, չը կամեցան, քանի որ անոնք իրենց սեփական, մասնատր հաշիւներն ունէին, և մեր դժբախտ հայրենի կոտորածներն անոնց անհանգստութիւն չէին պատճառեր: Անոնք հսկայ գերեզմանաքարեր իրենց խղճի վրայ դրին և Ձաքարիայի պապանճումն առան: Ներեցէ՛ք, աղաներ, որ իմ պատասխանն երկար կապեցի: Մէկ անհրաժեշտ ըսելիք ալ ունիմ, այն ալ ըսեմ, որ խիղճս ինձ հանգիստ ձգէ: Զսան, գուցէ աւելի տարիներից ի վեր մենք մեր, այսպէս ըսած, յարաբերութիւնները սրեցինք սա տաճիկ կառավարութեան հետ: Չեմ կրնար ըսել, որ այդ գործի մէջ միակ մեղատոր մենք ենք եղած: Ամէն անհատ մարդ, ինչ ազգի ալ պատկացած ըլլայ, կը ցանկանայ մարդու մը նման, մարդավայել ապրի: Ան գիշեր-ցերեկ կը չարչարուի, կը տանջուի իր և իրեն ընտանիքին ըստ հնարատրութեան, հանգիստ և ազատ ապրուստ և կեանք ստեղծելու համար: Այդ ամէնէն վերջ, եթէ ուրիշը գայ և ուզենայ զանազան անուան ու պատրասկի տակ անկէ խլելու անոր հարազատ և հալալ աշխատանքով ու քրտինքով շահած ինչքն ու ապրուստը, ո՞վ կը կարողանայ տանել նման անիրատրութիւնն ու բռնութիւնը: Բաւական չէ, որ այս անխիղճ օսմանները դարեր առաջ իրենց բարբարոս նախնիների դուրով ու սուրով եկան մեր ազգի ջահէլ ու ջիվան և նրա կեանքի ուղն ու ծուծը կազմող անհամար մարդկանց կոտորեցին, անոնց տունն ու օջախները հայկական սպանդանոցի վերածեցին, անոնց հողն ու հայրենիքը յափշտակեցին և ամէն տեսակ բռնութիւններ ու բռնաբարութիւններ կատարեցին, հիմակ ալ մեր կոկորդեն բռնած կը սղմեն, մեզի կը խեղդեն, մեր ինչքն ու հարստութիւնը կը թալանեն, մեր սրբավայրերը կը պղծեն և լքօրէն կըսեն. «Դուք այս երկրի խորթ, անհարազատ զաւակներն էք, դուք մեր իլու հպատակներն էք և իրաւունք ալ չունիք ինչ որ «ազատութիւն և հաւասարութիւն» կոչուած յիմարութիւններու մասին խօսելու և մինչև իսկ մտածելու»:

– Պարոններ, մենք միմակ մէկ ճար ունինք՝ այդ մեր ազգի ամբողջ անհատ զաւակներու միութիւնն ու միակամութիւնն է և անոր ազատութեան համար մեր սկսած նւիրական գոյամարտն ու պայքարն է: Շատ ներողութիւն կը խնդրեմ ձեզմէ, հայրենակից-

ներ, որ ասկէ աւելի ըսելիք չ'ունիմ և ուրիշ կարևոր գործեր ունիմ կարգադրելու: Եթէ բախտ ունենալու լինենք, նորէն այդ խնդիրներու մասին կը խօսակցինք: Մնաք բարով:

### ԹԱՔՆԻԱԾ ՆԵՆԳՈՒԹԻՒՆ ԵՒ ՍՈՎԻ ՈՒՐԻԱԿԱՆԸ

Ջնդէտ բէլը, Այգեստանում պաշարուած հայերի դիմադրական վճռականութիւնից յուսահատուած, Քաղաքամիջի հայութեան քաջարի ինքնապաշտպանութիւնից կատաղած, Շատախի, Փէսանդաշտի և զանազան շրջանների ըմբոստութիւններից և կռիւներից խենթացած, որոշել էր մի թաքնուած նենգութեամբ, նոր գործելակերպ ի գործ դնել:

Նա կարգադրել էր բոլոր վերոյիշեալ կէտերի հայ ազգաբնակչութեան պաշարման շրթան ուժեղացնել և առանց զինուորական ուժերի նորանոր կորուստների և յարձակումների, շարունակել պաշարման դրութիւնը, մինչև որ պաշարման շրթայի օղակում գտնուողները, կենսամթերքի սպառման հետևանքով սովամահութեան ենթարկելով, ինքնակամ յանձնուէին:

Այս նոր մտածուած նենգութիւնը, մանաւանդ Այգեստանի հայութեան համար մահացու էր: Մեր քաջարի կռուողների յանդուգն և բոլորանէր դիմադրութեան շնորհիւ արդէն 20 օր էր, ինչ անկասկած և անխուսափելի բնաջնջումից ազատել էինք, բայց մեր պարէնապահեստները համարեայ դատարկել էին:

Ի՞նչ էինք անելու: Ինչպէ՞ս պիտի կերակրէինք գոնէ մեր ընդհանրութեան համար գիշեր-ցերեկ հսկող ու կռող զինուորներին, տեխնիկական գործերը կատարողներին և հիւանդանոցում պառկած վիրաւորներին:

Դրութիւնը չափազանց ճգնաժամային էր:

Չնայած այդ հանգամանքին, որ կենսամթերքներ ունեցող հայերը չեն խնայել և ինքնակամ նւիրել են այնքան, որքան հնարատր է, բայց որոշուեց լիազօր իրաւունքներ տալ պարենատրման յանձնախմբին, որպէսզի նա անհրաժեշտ քննութիւններ և փնտրտութիւններ կատարի և գրաման ենթարկելի եղած կենսամթերքները՝ նրանց տէրերին միայն 15 օրայ պաշար թողնելով: Դժբախտաբար, այդ քննութիւնները շատ աննշան արդիւնքի յանգեցին, և սովամահ լինելու տագնապն օրից օր շեշտուեց:

Ինքնապաշտպանութեան 16-րդ օրից մինչև 20-ը՝ 5 օրայ ընթացքին, երբ դեռ Այգեստանի մեր դիրքերը, փոքր ընդմիջումով, ռմբակոծուած էին, Քաղաքամիջի պաշարուած մեր կռուողներից ոչ մի տեղեկութիւն չունէինք: Յաճախ կասկածում էինք, որ մեր հայրենակիցների խիզախ դիմադրութիւնը փշրուած է, և նրանք ընդհանուր կոտորածի գոհ են եղել:

Երբ 20-րդ օրը ճերմակ դրօշակներ պարզած մի խումբ մօտեցավ Քաղաքամիջի կողմից մեր Խաչ-փողոցի ծայրագույն դիրքին և յանձնեց Ջևեթ Բեյի գրատոր հրաւերը Այգեստանի հայերի անձնատու-թեան վերաբերեալ, այն ժամանակ մեզ պարզեց թիւք նահանգապետի թաքնած նենգութեան լրի պատկերը: Անձնատուութեան հրաւերը գրած էր մեղմ տօնով և հետևեալ բովանդակութեամբ.

«Մեր հայ հայրենակիցներ, մեր բարեխնամ և անյիշաչար կառավարութիւնից հրահանգ ունենք ձեր նկատմամբ ներողամիտ լինել: Յանձնարարում ենք ձեզ անմիջապէս վերջ տալ աննպատակ արի-նահետութեան և զենքերը յանձնելով՝ վերսկսել ձեր նախկին խաղաղ և անվրդով կենցաղը: Մեզ յանձնարարած է ձեզ տալ յարմար և պատշաճ երաշխիքը:

Առիթից օգտելով՝ ձեզ յայտնում ենք, որ հայ հայրենակիցների դիմադրութիւնն ու խռովութիւնները Քաղաքամիջում, Շատախում, Փեսանդաշտում և ուրիշ տեղերում բոլորովին վերջացել են, և զենքերը յանձնել են»:

Պատգամաւորներին յայտնեց, որ «մեծահոգի» նահանգապետի պատգամի պատասխանը 24 ժամից կը յանձնուի նոյն պատգամաւորներին:

Նահանգապետի անձնատուութեան հրաւերը նոյն օրն ևեթ, գիշերայ ժամի 8-ին, պատերազմական մարմնի և բոլոր օժանդակ սեկցիաների միատեղ և լրի նիստում խորհրդակցութեան ենթարկուեց, և միայն երկու հոգու ձեռնպահութեամբ միաձայնութեամբ որոշեց մերժել նահանգապետ Ջևեթի խաբէութեան այս նոր ձևի առաջարկը:

Մեր բարեբախտութիւնը կայանում էր նրանում, որ նահանգապետի առաջարկի մերժման պատասխանի յանձնումից մի քանի ժամ առաջ շտաբն էին վերադարձել մեր քաջարի պատանի սուրհանդակներից Սկրօն և Սևօն, որոնք հինգ օր առաջ սիրայօժար յանձնառու էին եղել գիշերային մութից օգտելով և թափառաշրջիկ մուրացկանների տարագով Քաղաքամիջը գնալ և այնտեղի մերոնց պաշտպանութիւնից հնարատր տեղեկութիւններ բերել: Նրանք շնորհիւ այն հանգամանքին, որ տարիներից ի վեր Քաղաքամիջի հայ վաճառականների մօտ գանձարարի պաշտօնն էին կատարել, այնտեղի բոլոր փողոցների անցքերին ու մուտքերին և նրբութիւններին իրենց հինգ մատների մման ճանաչում էին: Բազմաթիւ վտանգներից փախուստ տալով և հրաշքով ազատելով՝ նրանք վերադարձան և յայտնեցին.

– Մեր Քաղաքամիջի հայ մարտնչողները հերոսաբար շարունակում են կռուել և դիմադրել, ինչպէս նաև այրել ու ոչնչացնել քաղաքամիջում եղած թիւքերի համարեայ բոլոր պետական հիմնարկութիւններն ու հսկայական պահեստները: Նրանց բախտաւորութիւնը կայանում է նրանում, որ կենսամթերքի, վառօդի և փամփուշտի առատ պաշարներ ունեն:

Քաղաքամիջի պաշտպանութեան կոմիտէն զգուշացել էր այս անձնուրաց պատանիների միջոցով գրատոր որևէ տեղեկագրութիւն կամ պատգամ ուղարկել և բաւականացել էր միայն պայմանական նշանախօսքերով, որոնք նախապէս որոշել էին: Այս ուրախալի լուրերը պատճառ դարձան կուսակալի յանձնման առաջարկի կտրական և վճռական մերժմանը:

\*\*\*

Նահանգապետի ծրագրած նենգութիւններից մէկն էլ կայանում էր նրանում, որ շրջակայ գիւղերի հայ կին, երեխայ, ծեր ազգաբնակչութեանը ստիպել էին թողնել իրենց գիւղերն ու գաղթել Այգեստանը: Նրանց խոստացել էին առանց վախի և ազատօրէն գնալ և խառնել Վան՝ Այգեստանի ազգաբնակչութեանը և այնտեղ «հանգիստ» ապրել, քանի որ թիւք կառավարութիւնը վճռել էր ներում շնորհել Վան-Այգեստանում գտնուող հայերին:

Սոված, մերկ, հալումաշ եղած անպաշտպան գիւղացին ի՞նչ կարող էր անել տուած հրամանի հակառակ: Նա ստիպած էր ենթարկել:

«Ձեր կեանքի ապահովութիւնը,– ասած էր այդ թշուառ ու սոված գիւղացիներին,– ձեր ցանկութիւնից է կախած: Կառավարութիւնը հնարաւորութիւն չ'ունի ձեզ պաշտպանելու թիւք բաշը քասաններից (վիզ կարողներից), բանտից փախած մարդասպանների և քիւրդ կողոպտիչ աւազակների դէմ, որովհետև իր բոլոր զինուորական ապահովիչ ուժերը պատերազմի է ուղարկել»:

Եւ ահա մի քանի օրայ ընթացքում դէպի Վան, Այգեստան խուժեցին սովալլուկ, համարեայ մերկ, անտէր-անտիրական երեխաների, տարեց կիների և ծերերի բազմութիւնները: Երիտասարդ հայերին զինուորացու անուան տակ տարել և գրեթէ բոլորին կտորել էին, իսկ ջահել հայ կանանց առևանգել ու տարել էին:

Ի՞նչ կարող էին անել պատերազմական ինքնապաշտպան մարմինները Ջևեթի այս նենգ ու կործանարար որոգայթի դեմհանդիման: Առանց այն էլ պաշտպանութեան սահմանի ներսում գտնուող ազգաբնակչութիւնը և նոյնիսկ կռողները սովի ուրականի ճանկերում սովամահ լինելու էին պատրաստուում, և ահա չարիքն անելի շեշտում էր, շրջակայքից ներս էին թափում մերկ-քաղցածների նոր բազմութիւններ, որոնք քաղցածութիւնից կիսամեռ հազի շնչում էին:

Ամենատուկալին այն էր, որ ներխուժելու ուղարկուած բազմաթիւ խմբերի շատ երեխաների ձեռքում հետևեալ նոյնանման վերջնագիր յայտարարութիւնները տրուած էին:

«Եթէ սրանց մերժէք ընդունել ձեզ մօտ, պետութիւնը նրանց կեանքի ապահովութեան համար ոչ մի կերպ երաշխաւորել չի կարող»:

Եւ, իսկապէս, եղած սպառնալիքը գործադրում էր: Տաճիկ անխիղճ նահանգապետի կարգադրութեան համաձայն՝ համազարկերի նշանակէտը դարձան այդ բազմաթիւ խմբերի այն մասերը, որոնք ոչ ներս՝ Այգեստան ընդունեցին և ոչ էլ կարողացան իրենց համար բնական պաշտպանութեան մի վայր, մի սպաստան-խրամատ կամ տուն ճարել:

Երբ մեր շտաբը համոզուեց և տեսաւ, որ արիւնարբու գազաններն իրենց դիւային ծրագրի գործադրման նպատակով նոյնիսկ այս անպաշտպան և թշուառ երեխաներին ու ծերերին չեն խնայում, ստիպուած հրահանգեց դիրքերում կռողներին շատ մեծ զգուշութեամբ գիշերապահին ներս թողնել այդ անճար և անտիրական գիւղացի բազմութիւններին:

Մրանց պաշտպանութեան գծից ներս թողնելու ամենաառաջին պայմանը խիստ և ուշադիր ստուգումն էր: Շտաբը կասկածում էր, որ այս թշուառների շարքերի հետ միասին թշնամին հանգամանքից կարող էր օգտուել և մեր պաշտպանութեան թիկունքի ներսը իր զինուած ուժերը անցկացնել:

Այս թոյլատուութեան հետևանքով Այգեստան թափուեցին սովատանջ, չարչարուած, բեզարած կիսակենդան հազարաւոր կին, երեխաներ և ծերեր: Բարեբախտաբար, զարուն էր արդէն, և Այգեստանը սկսում էր պարզևատրուել բնութեան վերազարթման բարիքի կանաչութեամբ: Եթէ հաց չկար, գոնէ կանաչ խոտ, առոյտ անհունօրէն դժբախտ և սովահար մարդկանց Աստուածային ամենատուր վերջին պարզևր կար:

## ԸՆԿՐԿՍԱՆ ՎԵՐՋԻՆ ՓՈՐՁԸ

Հերոսական ապրիլի վերջին օրերն էին: Մինչ այդ որևէ բացառիկ ուրախալի նորութիւն չկար: Ռուսական բանակի, կամաւորական գնդերի ժամանման և անհամբերութեամբ սպասուած օգնութեան որևէ լուր, որևէ տեղեկութիւնը չ'կար ու չ'կար: Բայց վանեցի ազգաբնակչութիւնը յամառօրէն և շարունակ սպասում էր, որ կգան ու կգան: Անկարելի էր, որ չ'գան, անպատճառ կը գան:

Տարօրինակ և զարմանալի է մարդ-անհատի՝ սրտի խորքերում ամրացած ու խտացած այդ զգացումը՝ վաղուայ, գալիք մօտ սպազայի յոյսը: Առանց այդ յոյսի, առանց այդ երջանկութեան սպասումի գուցէ հարիւր-հազարաւորներ յուսահատ իրենց իսկ ձեռքով իրենց կեանքը խամրէին, ինքնասպան լինէին: Բայց չէ, այդ յոյսը լաւագոյնի սպասումը, մօտալուտ երջանիկի սպասումը փրկում է շատ-շատերին: Նրանց ազատում է կործանիչ յուսահատութեան խեղդամահ անող ճիրաններից:

Ահա նման մի յոյս-երջանկութեան սպասումը տոգորել էր Վանի բոլոր հայերին: Այդ դժոխային օրերին թնդանօթների ռուբերի և գնդացիների համազարկերի տարափի, նրանց խելացնոր կրակ-

ների ներքև վանեցի ռազմիկն ու բնակիչը, սկսած պատերազմական մարմնի անդամներից մինչև ազգաբնակչութեան ամենավերջին մարդը, տոգորուած էին այդ մեծ յոյսի, փրկութեան յոյսի կենսատու ջերմութեամբ:

Ամէն օր, ամէն տեղ, ամէն տարիքի ու սեռի մարդիկ, երբ իրար էին հանդիպում, նրանց սովորական խօսակցութիւնն ու մտքերի փոխանակութիւնը դառնում էր այդ ընդհանուր յոյս-առանցքի շուրջը:

– Տղա՛, իմացար, որ մեր իմաստուն Բուլղարացու թօփերի կրակոցի ձէնը կամաւորների ակնջին խասաւ և էնոնք իրենց ձիերին խծած՝ թշում, հա թշում են մեզ օգնութեան խասանելու համար:

– Իսկ դու իմացար, որ մեր տէրտէրների կիրակայ աղօթքի ձէնն Աստուած լսած է և էն անջիգեար Ջավդատ բեմուրազ էլածին քօնցրած է:

– Է՛յ, է՛յ, անխելք տխմարներ, դուք հալա խաբար չունիք, որ էս մեր Թարլամազեան Փանոսը մէկէլ գիշերը սուսուփուս իր մարալ ձիուն նստած քաղքից դուրս է պրծել և չել է կամաւորներին դիմաւորելու:

– Ի՞նչ դարտակ-դարտակ դուս կտա՛ք: Բօլ է ձեր բօշբօղազութիւնը (անիմաստ խոսակցութիւնը), վազ տուէք պահեստը, եթէ էնտեղ չկայ, մի կտոր ուտելու հաց ճարէք Շահբանդարենց դիրքի մարդկանց համար: Երէկ գիշերանից այդ գեօզալ դիրքապահներն անօթի մնացած են:

Այս վերջին յայտնութիւնը գործերի ընթացքին ծանօթ մի պատանի սուրհանդակի կողմից կարծես սառն կարկտաջուր թափեց նրանց գլխին և նրանցից ամէն մէկը, շարած ու գլխիկոր, տարբեր ուղութեամբ ցրիւ եկան:

\*\*\*

Մայիս ամսուայ 2-ի երեկոն էր: Մութի ստերները նոր, նոր տարածում էին Այգեստանի ընդարձակ և լայն փռուած տների և այգիների վրայ: Վերջի օրերում հալածական եղած թռչունների մնացողները դեռ նոր տեղաւորուած էին իրենց կիսաքանդ բներում: Այգեստանի կռողներն ու կռիւն գանազան գործով մաս բերողները, վերջի օրերի համեմատական խաղաղութեան երևոյթից մի քիչ սրտապընդուած, մի փոքր մրափի ենթարկուել էին, և ահա նորից սկսեց փոթորկալից ու ահռելի թնդանօթաձգութիւնը թէ՛ Այգեստանի և թէ՛ Քաղաքամիջի գլխին: Այդ ռմբակոծման խառնուեցին ինքնաշխատ գնդացիների համազարկերը: Քիչ յետոյ սկսեց մակ կարկտանման հրացանաձգութիւններ: Այդ ամէնից յետոյ՝ սոված գայլերի ռոնոնների մման ոռաներ և ընդհանուր յարձակման աղմուկն ու բացականչութիւնները:

Շտաբն ու օժանդակ բոլոր մարմինները, դիրքապահները, խրամատները, հիւանդանոցը, Կարմիր-խաչը, Ամերիկեան և օտար միսիոնարութիւն-

ները, քաղաքում եղած կոնսուլատները, մեկ խօսքով, բոլոր հասարակական կազմակերպություններն ու մնացեալ ոչ ակտիւ հասարակութիւնը անկարագրելի տագնապի մատնեցին:

Մի քանի օր առաջ օտար աղբիւրներից հատուկտուր տեղեկացել էր, որ Վանի ապստամբութիւնը վճռականօրէն լիկվիդացիայի ենթարկելու նպատակով Խալիլ փաշայի բազմահազար բանակն է ժամանելու: Շտաբի և օժանդակ մարմինների կողմից գիշերով տրուեց «պատրաստ կաց»-ի ահազանգը: Անկարելի է նկարագրել յարձակման քափն ու ուժգնութիւնը: Թէ՛ Այգեստանի և քէ՛ Քաղաքամիջի գլխին պայթում, անվերջ պայթում և ժայթքում էր համատարած կրակը:

Երկու ժամ չ'անցած շտաբի կողմից տարածուեց հետևեալ բովանդակութեամբ հաղորդագրութիւնը:

«Մեր քաջարի՛ դիրքապահներ, խրամապահներ, օժանդակ և շրջուն խմբեր, պատանի՛ սուրհանդակներ և դո՛ւք, բոլոր անձնէ՛ր արհեստաւորներ, որմնադիրներ և բոլոր, բոլո՛ր քաղաքացիներ: Մեզ հասած ստոյգ տեղեկութեան յամաձայն՝ անյաջողութիւնների հանդիպած և ձեր երկաթ կամքի առաջ ծունկի եկած թշնամին իր մաղձի ու կատաղութեան վերջին թոյնն է թափում մեր ամենքի գլխին:

Դուք այսքան երկար փորձությունների և վայրագ յարձակումների խիզախօրէն դիմագրաւել էք: Ձեր ամբողջ կորովով և աննկուն վճռականութեամբ տուկացէք մահ այս մէկին: Մենք համոզուած ենք, որ թշնամու օրհասական վերջին կատաղի փորձն է այս, և մեր ազատութեան համար մեռնելու պատրաստ պողպատեայ կամքի և վճռականութեան առաջ մեր թշնամին խայտառակօրէն պարտութեան պիտի մատնի: Դիմադրեցէ՛ք անվեհեր հերոսների նման արժանի յաջողութիւն լինելու ձեր ազատութեան համար զոհածների»:

Իրար անվերջանալիօրէն յաջորդող գիշերային ռմբակոծման ուժգնութիւնն այնքան սարսափելի էր, որ կարծես ամբողջ Այգեստանը հրաբխային ցնցումների էր ենթարկւել: Օգնութեան և հաղորդակցութեան բոլոր հնարաւորութիւնները խանգարւել և խզւել էին:

Կուռղների, ինքնապաշտպանողների, ամբողջ ժողովրդի՝ մինչև վերջին շունչը դիմադրելու վճռականութեան համընթաց՝ ամենքը սրտատրոփ և տագնապահար թոպէ առ թոպէ սպասում էին թշնամու ընդհանուր յարձակմանը:

Ենթադրում էին՝ առաջինը յարձակւելու է հեծելազօրն իր գնդացիային ու թնդանօթածիզ կազմածներով: Նրանց յետևից ընդհուպ յարձակւելու էին կանոնաւոր զինւորների յետիոտն վաշտերը: Նրանց յաջորդելու էին քրդերի, բաշիրոզուկների և մարդասպան ոճրագործների ոհմակները՝ ամեն տեսակի զենքերով, կացիներով և կեռծայր սուրերով: Թափւելու էին նրանք արիւնածարաւ, անխնայ

ու անխտիր ջարդելու էին բոլորին և ամենքին, ով որ հայ ծնելու և հայ լինելու համարձակութիւն էր ունեցել: Չէ՞ որ նրանց կարգադրուած էր անխնայ կոտորել իրենց Ալլահի և մարգարէի կողմից անհիժապարտ եղած անհաւատ-զեաւոր հայերին:

«Գիշերով գուցէ չեն համարձակում յարձակւելու:

Այո՛, իհարկէ, նրանք կսպասեն մինչև լուսաբացը, որպէսզի իմանան՝ ու՞ր են գնում և ի՞նչ են անում:

Նախօրօք ուզում են մեզ բոլորովին ուժասպառ և սարսափահար անել, մեր դիրքերն ու պաշտպանութեան խրամատները քարուքանդ անել և մեր դիմադրական կարողութիւնը կատարելապէս ընկճելուց յետոյ միանգամից և վստահօրէն յարձակւել՝ այս և նման ենթադրութիւններ էին անում մերոնք և ամէն թոպէ համբերութիւնից դուրս եկած, մոլեգնած և արիւնածարաւ թշնամուն սպասում էին:

## ՓՐԿՈՒԹԵԱՆ ՍԵՄԻՆ


Սարսափելի գիշերը վերջանում էր: Մայիս 3-ի պայծառ, արծաթափայլ արշալոյսը բացում էր: Այգի լուսածագը, մայիսեան ջինջ և անամպ երկնքի վրայ շողողալ սկսեց: Կենսատու արևն արևելքում իր ոսկեհոռ, կարմրաւուն շողերն սկսեց սփռել: Բայց մեր ամէն թոպէ սպասած թշնամու սպառազէն ուժերը իրենց հեծելազօրքով և ծանր թնդանօթներով, դեռ իրենց յարձակումը չէին սկսել:

Թնդանօթների անվերջանալի ռմբակոծումն ու գնդացիների համազարկերի կրակատարափը դեռ շարունակւում էր: Թանձր ծուխն ու խեղդիչ փոշին հաստ, անթափանցելի քողով պարուրել էին Այգեստանն ու Քաղաքամէջը:

Անցնող գիշերայ կատաղի և անընդհատ ռմբակոծումները, դժբախտաբար, հնարաւորութիւն չէին տւել մերոնց վերանորոգելու քարուքանդ եղած մեր դիրքերից մի քանի կարևորները, որոնք գտնուում էին թշնամու ուղղագիծ և անշէղ կրակի տակ: Քանդուած դիրքերի յետևում փորւել էին ժամանակաւոր փոսեր և առուանման խրամներ, որոնց մէջ կուչ էին եկել մեր դիրքապահներն ու տագնապահար թոպէ առ թոպէ սպասում էին յարձակող թշնամուն:

Թշնամին նոյն մոլեգնութեամբ շարունակւում էր ռմբակոծել և մեզ իր դժոխային կրակի տակ պահել մինչև կէսօրից անց՝ ժամի 2-ը: Ամբողջ քսան ժամ շարունակ ու անվերջ ռմբակոծում էր Այգեստանն ու Քաղաքամէջը: Մեր դիրքերն իրար յետևից փլատակւում, և սպանւածների ու մանաւանդ վիրաւորների թիւը շատանում էր:

Բարեբախտաբար ժամի 2-ից յետոյ ռմբակոծումները զգալիօրէն թուլացան: Կրակում էին միայն Թօփրաք-Կալէի և Հանճի-Բէքիրի զօրանոցներից և երբեմն էլ Չըմփ-զըմփ մարգարէի դիրքերից:



**Վան. Այգեստանի տեսքը արևմուտքից (Քաղաքամեջի և բերդի կողմից), հեռվում՝ Վարազ լեռը**

Այդ օրը, երբ արևը թերւում էր անցնելու հորիզոնի յետևը, միանգամից և ամեն կողմից բարձրացան ուրախութեան և հրճւանքի աղաղակներ.

– Թշնամին փախչում է: Փախչում է թշնամին:

Թշնամու փախուստի երջանկաբեր լուրը կայծակի արագութեամբ տարածեց դիրքից-դիրք, խրամատից-խրամատ, տնից-տուն, այգիից-այգի և ամենուրէք:

– Վերջապէս փախաւ, կորաւ մեր արնի ու ազգի թշնամի դահիճը:

– Փախաւ, բայց ինչպէս եղաւ, որ փախաւ:

– Անոնք մեզ համար, մեր անզէն ու անպաշտպան ժողովրդի համար իզիթ են: Ռուսական բանակն ու կամատորները, դեռ իրենց դիրքերին չը հասած, փախից տակները կեղտոտելով, առանց մէկ փամփուշտ կրակելու, փախան:

– Ա՛յ տղա, չէլնի, որ էս էլ դրանց կողմից մէկ ֆրըլդաղ (ծուղակ) ըլնի մեզ խաբելու և մեր դիրքերից դուրս քաշելով մեզ կոտորելու համար սարքւած:

– Ծօ, անխելք տուտուց, բա չիմացար, որ մեր զինուորները շտաբի իրաւունքով վազ տան էրելու Թօփրաք-Կալէի և Հանի-Բէքիի գորանոցներն ու Ջըմի-զըմի մաղարէի տաճիկների դիրքերը:

– Չարմանալու բան է: Տօ, խէր օրխնած, մէ ալկանջներդ լաւ սրի, էն է Քաղաքամեջը դեռ կռիւ է: Թնդանօթի դէվի գոռգոռոցները կրնա՞ս լսել, թէ խլացած ես:


Մինչ նման խօսակցութիւններով և անսահման ուրախութեան բացականչութիւններով էին զբաղւած մարդիկ, շտաբի կողմից սկսեցին ցրել հետևեալ կոչ-հաղորդագրութիւնները:

«Միրելի՛ հայրենակիցներ, շնորհատրում ենք ձեզ: Ձեր ամէնքի անձնուրաց և աննման զոհաբերութեամբ դուք ամբողջ մի ամիս հերոսաբար դիմադրեցիք վայրագ թշնամու ամէն տեսակի յարձակումներին: Դուք ձեր և ձեր հայրենակիցների պաշտպանութեան համար արիաբար կուեցիք և ձեր շարքերից, ձեր հարագատներից ու ազգակիցներից բաւական շատ զոհեր տուիք: Մենք անհուն երախտագիտութեամբ խոնարհուում ենք նրանց թարմ և դեռ կիսաթաղ դիերի առաջ և հերոսամարտի պատմութեան գրքերում ոսկի տառերով գրելու ենք նրանց զիտակցական և ազգամեր զոհաբերումը: Շուտով նրանց, այդ բոլոր հայրենագոհ հերոսների անշունչ մարմինները կ'ամփոփուեն անմահների յատուկ ընդհանուր եղբայրական գերեզմանում: Փառք և պատիւ նրանց ծնող ընտանիքներին ու նրանց ազգին:

Միրելի հայրենակիցներ, գուցէ մի քանի ժամից, թերևս մինչև էգուց, մեր կամատորների վաշտերն ու մեր բարեկամ ռուսական բանակը հասնեն:

Մինչ այդ աչալուրջ և զգա՛ստ եղէք և մինչև նոր պայմանների դաստորումը շարունակեցէ՛ք հսկել ձեր դիրքերում: Կարգադրւած է հրդեհել և քարուքանդ անել մեր սիրելի և անձնուրաց մարտիկներին մահուան գիրկը նետող թշնամու բոլոր գորանոցները:

Կարգադրւած է նաև անմիջապէս Այգեստանի մեր պարէնապահեստները փոխադրել թիրքերի թողած ցորենն ու ալիւրը, ինչպէս նաև, եթէ մնացել է, միւս պարէնները»:




*Վան. Քաղաքամեջը (մինչև 1915 թ.)*

Մինչև կեսգիշերից 2 ժամ անց Այգեստանի ազգաբնակչութիւնը ցնծութեան և խրախճանքի մէջ էր: Ուսանողների ֆանֆառը հայրենական և դիւցազնական եղանակներ էր նւագում և ազատութեան կարօտ սրտերը ցնծութեան ելեջներով թնդացնում էր: Համարեայ ամենքը պարում էին: Կարծես մի հսկայական, անծայրածիր հարսանիքի սեղանի շուրջ հաւաքւած կերուխում և քէֆ ու ուրախութիւն անելիս լինէին:

Այո՛, իսկական ցնծութեան և խրախճանքի տօն էր այդ: Նրանք իրենց իսկ ձեռքով այրում, ոչնչացնում և քամուն էին տալիս այն իժերի բոյները, որոնք ամբողջ մի ամիս շարունակ խայթել, թունա-

տրել և սպանել էին իրենց բազմաթիւ սիրասուն, աննման և անգին զաւակներին: Այդ գօրանոցները լավիող և կուլ տող կարմրաւուն բոցերը հրճանքի արիւն և ալիւն էին ներարկում վանեցի հայերի սրտերում, այն սրտերը, որոնք օրեր շարունակ ստիպողաբար դատարկել և տուել էին իրենց հարազատ արիւնը իրենց լաւագոյն զաւակների արիւնն ու կեանքը:



### ՔԷՆՆ ՈՒ ՎՐԷԺԸ

Խալիլ փաշայի բազմահազար բանակը չը կարողանալով դիմագրաւել ռուս բանակների և կամաւորական զնդերի ընդհանուր և միաժամանակ յարձակումը, որը տարածում էր ռուս-թրքական հիւսիս-արևելեան ճակատից, երկարում էր մինչև պարսկա-տաճկական սահմաններ, հասնելով մինչև Շարաֆխանէ-Մակու-Դիլմանը, խուճապահար յետ էր նահանջել:

Այս նահանջի լուրը կատաղացրել էր Վասպուրականի և Վանի պետական և զինուորական կազմերին: Դրանով էլ պիտի բացատրել ապրիլի վերջի և

մայիսի սկզբի մի քանի օրերի խելայեղ և կատաղի յարձակումները: Նրանք, մանաւանդ վանեցիների մոլեգնած դահիճ Ջւղէտը, վճռել էին իրենց ևս սրտերում կուտակած թունալից մաղձը թափել Քաղաքամիջի և Այգեստանի հայերի գլխին և նրանց անխտիր ջարդերով գոնէ մի քիչ հովացնել իրենց ևս կրակ բռնած սգուր սրտերը:

Բարեբախտաբար, այդ նրանց չը յաջողեց հենց այն գլխատր պատճառով, որ Խալիլ փաշայի խուճապահար նահանջը նրանց ծայրայեղօրէն յուսալքել և անդամալուծել էր: Սրտի խորքերից վիրաւորւած ահռելի գազանն իր կատաղութեան մոլեգնութեան վերջին նուպային շշկլել, շփոթել և խուճապահար էր եղել:



**Վան. Քաղաքամեջի արևմտյան հատվածը (մինչև 1915 թ.)**

Ջղէտն ու իր գործընկերները, հարիւրաւոր կիլոմետր հեռաւորութեան վրայ յառաջ շարժուող իրենց ահարկու թշնամու՝ ռուսների և հայերի բանակներից սարսափահար և խելակորոյս եղած, վճռեցին փախուստ տալ և ազատել իրենց գարշապլիղժ գոյութիւնը:

Նրանք լեղապատառ փախան և Վանի լճի հարաւ-արևելեան նաւահանգստներում կենտրոնացած առագաստանաւերով փախցրին իրենց թիւք բնակչութիւնը դէպի Բիթլիս: Նրանք այնքան տրամադղի էին, որ իրենց փախցնող և ազատող թիւփար հայերին Բիթլիս հասնելիս անխնայ և լրբօրէն կոտորեցին:

\*\*\*

Թնդանօթային ռմբակոծումների հետևանքով և մանաւանդ վերջին օրերի մոլեգնած հրդեհածին հարածումներից յետոյ գեղատեսիլ և գարնանային զարթօնքով կանաչազարդուող Այգեստանը համարեայ լրիւ քարուքանդ էր եղել:

Թշնամու փախուստից յետոյ դեռ օրերով հրդեհն ու կրակը շարունակում էին լափել և ոչնչացնել Այգեստանի և Քաղաքամեջի տների՝ մեծ մասամբ փայտեղէն դռները, լուսամուտներն ու կտուրների գերանները:

Քաղաքամեջը տների մօտիկութեան և խտութեան ու հայ վաճառականների կտորեղէնների և գանազան դիւրավառ մթերքների պահեստների առատութեան պատճառով ատելի էր տուժել:

Ամբողջ շտեմարանները, խաները, մարգագետիններն ու արհեստանոցները և մեծ մասամբ բնակութեան տները համարեայ լրիւ այրուել և իրենց սևացած, ծխակոլ պատերը, որպէս յալիտենական նզովքի մռայլ և լուռ վկաներ, տարածուել և ցցուել էին ամենուրեք:

Ոչ մի մարդկային լեզու և ոչ մի հանճարեղ գրիչ չի կարող պատմել և նկարագրել այն ահռելի տեսարանը, այն սոսկալի աւերը, այն սրտաճնլիկ տակնուվրայնութիւնն ու ոչնչացումը, որի հեղինակներն եղել են բարբարոս մոնղոլների դահիճ ու արնածարաւ ժառանգորդները՝ մեր դարաւոր քենախնդիր և անգութ թշնամի տաճիկները:

Սրտակեղեք, մաշող և այրող վշտով վանեցին, փոթորկալից, ահարկու հարածի շշմումից նոր արթնացած, նոր ուշքի եկած, ականատես եղաւ այն զարհուրելի աւերածութեանը և անճարօրէն ողբաց իր տասնեակ տարիների ջանքերի, չարքաշութեան և յամառ ու մեղաջան աշխատանքի արդիւնքի, ստեղծագործ բարգաւաճումների հիմնադրատակ կործանումն ու անհետացումը:





**Վան. Քաղաքամեջի արևմտյան հատվածը (մինչև 1915 թ.)**

Դժբախտաբար, այդ կիզիչ և մաշող վիշտը վերջինը չէր: Վասպուրականցի հայերին վիճակած էր տեսնել և իր ուսերին կրել ատելի կործանիչ, ատելի մահացու հարածների և ատելի դժնդակ ու դժբախտ օրեր...

**ՏԱՃԻԿՆԵՐԻ ԲԱՆՏԵՐՈՒՄ**

Թշնամու փախուստից գրեթե անմիջապես յետոյ լուր տւի մեր ընկերներից Հրանդին, Աղասուն, Վահանին և Սօլախեանի ու Բրուտեանի կանանց Քաղաքամեջ գնալու:

Բրուտեանի կնոջ փոխարէն եկաւ առաջինի եղբայրը՝ Միհրդատը, և մենք վեց հոգով ճանապարհեցինք Քաղաքամեջը: Այգեստանի և Քաղաքամեջի տարածութիւնը ոտքով կտրելը (այդ խառնաշփոթ ժամին մեզ անկարելի եղաւ մի ձիակառք ճարել) շուրջ մէկ ժամ էր տևում: Մենք վճռեցինք առանց մի բոլոր ուշանալու ոտքով ճանապարհ ընկնել: Մեզ չափազանց հետաքրքրում էր մեր շատ սիրելի անդրանիկ ընկերների մասին, ինչքան կարելի է շուտ, որևէ տեղեկութիւն իմանալ: Լուր ունէինք, որ Բրուտեան, Սօլախեանն և Ասօն իրենց ուրիշ մի քանի ընկերների հետ թիւրքական կենտրոնական զինտրական բանտում ձերբակալւած են:

Գնում էինք շատ արագ, համարեա թէ վազում էինք: Չնայած գիշերայ գովին՝ յաճախ ստիպւած էինք մեր ձեռքերով կամ թաշկինակով ճակատներիս կուտակած քրտինքը մաքրել: Գիշերայ ժամի 11-ի մօտերքը հասանք անիծապարտ բանտի դռներին: Մեզնից առաջ, հաւանաբար Քաղաքամեջի հայերից շատերը, հասել և այդ բանտի երկաթապատ դռները խորտակել էին:

Հետաքրքրողների մեծ բազմութիւն կար ներսում: Նրանք իրենց հետ բերած նաւթի և ձէթի ճրագներով ընդարձակ, մռայլ և խոնար բանտը կիսովին լուստորած էին: Պատերից և մանուսանդ առաստաղից խոնարութիւնից խտացած և թանձրացած սև, մրոտ ջրկաթիլներ էին թափում:

Բանտի յատակի վրայ իրար կողքին թափւած էին խեղդւած, յօշոտւած, կացնահար ու նիզակահար եղած բանտարկեալների մարմիններն ու ընդհանրապէս այդ թշուառ մարմինների զանազան կտորներ՝ գլուխներ, թևեր, ձեռներ, սրունքներ և ոտներ:

Բանտում ահռելի տեսարան էր: Բոլորը լացում և իրենց գլխի մագերն էին բզկտում: Սօլախեանի կինը ուշագնաց եղաւ և ընկաւ ջարդահար եղած մարմինների արանքը: Մեծ դժարութեամբ նրան ոտքի կանգնեցրինք և մի քանի հոգի թևերի տակը մտած՝ բանտի բակը դուրս բերինք:



Վանի քերդը (լուս. 1913 թ.)

Չարաղետ եզրակացութիւնը մեզ բոլորիս կսկիծի էր մատնել: Տեսանք և հասկացանք, որ ուրիշ բազմաթիւ գոհերի շարքում անպատճառ յօշոտած պիտի լինէին նաև մեր տարեց ընկերները, քանի որ դժբախտ բանտարկեալներից և ոչ մէկին բարբարոս և վայրագ կոտորածը խնայած չէր: Մինչ մեր ընկերներից մի քանիսը զբաղած էին Յասմիկ Սօլախեանին ուշքի և զգաստութեան բերելով, ես Միհրդատի և Հրանդի հետ մորից բանտը մտանք թիւրք վայրագութեան գոհերի ստուգումը կատարելու յոյսով:

Արեան ճապարդի սրտխառն հոտը, խառնած խոնաութեան մզկոտած և խեղդած օդին, մեր շնչառութիւնը դժարացնում էր:

– Միհրդատ, – ասի Բրուտեանի եղբորը, – ուշադրութեամբ աշխատիր գտնել եղբորդ յօշոտած մարմինը կամ, եթէ հնարաւոր չէ, ճարիր նրան իր կօշիկներով, գուլպայով և հագուստով:

Փնտրտուքը բաւական երկար տևեց, բայց ապարդիւն:

Երբ արդէն յոգնած ու յուսահատ Միհրդատի հետ մտածում էինք բանտից դուրս գալ, մեր ընկեր Հրանդը, որը մեզմից անխօս ջոկել էր իր հերթին փնտրտուք կատարելու նպատակով, ձայն տուց:

– Միրա՛ք, եկէ՛ք այստեղ, այս զինտրական հիւանդանոցին կից խուցի մէջ կացնահար ընկած է մեր դժբախտ ընկեր Բրուտեանը:

Միհրդատի հետ, երբեմն ստիպած, արնաշահախ դիակները կոխտալով, աճապարեցինք Հրանդի կանչած խուցը: Այդ զգելի խուցի մէջն էր դժբախտ Բրուտեանի՝ գլխից կացնահար մարմինը: Երկաթավանդակը այնքան նեղ էր, որ նրա յատակը յօշոտած մարմնին տեղ չէր տւել և գլխի մասը պատին յենած էր: Միհրդատն անմիջապէս ճանաչեց եղբորն ու ուշագնաց վրան ընկաւ: Շատ մեծ նեղութեամբ նրան կարողացանք ուշքի բերել: Լացում էր աղիողորմ և իր հարազատ մօրը կորցրած և անտէր մնացած երեխայի նման:

Ես վշտից, թէ անակնկալից շշմել էի: Ուզում էի խօսել, մի բան ասել, չէի կարողանում: Ցանկանում էի ճչալ, բղաւել, օգնութեան կանչել, բայց չէր յաջողում: Վերջապէս կարողացայ և սկսեցի լացել, լացել և աղէկտուր արցունք թափել:

Քիչ վերջ, երբ միանգամայն պրկւած ջղերս մի քիչ հանգստացան, հագիւ կարողացայ ինձ հետ եղող ընկերոջս՝ Հրանդին, ասել.

– Իսկ ինչպէ՞ս ստուգել Սօլախեանի, Ասօյի և միւսների դիերը կամ նրանց հետքերը:

– Ապարդիւն և աննպատակ փնտրտուք կը լինի այդ: Ես համարեայ ամբողջ բանտը շրջեցի և նայեցի: Թիւրք բարբարոսներն այնքան վայրագօրէն ջարդել են իրենց անպաշտպան բանտարկեալ-գոհերին և այնպէս արիւնաշաղախ արել, որ նրանց դէմքով ճանաչելն անհնարին է, իսկ Յասմիկին



**Վանի բերդը. հատված**

նորից ներս բերելը հաւասար կը լինի նրան առանց այլևայլի յանկարծամահ անելուն:

Մինչ այդ բանտ վերադարձաւ Ադասին և մեզ դիմելով յայտնեց.

– Ինչ օգուտ ունի մեր ուշացումը: Պէտք է, ինչքան կարելի է շուտ, Յասմիկին Այգեստան տանել: Նա սրտի տագնապի է ենթարկել: Նրան բժշկական անմիջական օգնութիւն է պէտք: Իսկ այստեղ՝ Քաղաքամիջում, կէս գիշերից անց, ես յոյս չունիմ դեղ ու բժիշկ ճարելու: Բացի այդ զփտեմ մեզմիջոց ո՞վ է Քաղաքամէջը ճանաչում:

– Ես Քաղաքամէջը բաւական լաւ ճանաչում եմ, – ասաց Հրանդը, – բայց այս վիճակում, երբ ամեն ինչ տակնուվրայ է եղել, վստահ չեմ, որ կարողանանք բժիշկ ճարել: Նոյնիսկ եթէ յաջողի էլ, ժամերի խնդիր է: Ես կարծում եմ աւելի նպատակաւարմար կը լինի անմիջապէս մի կառք ճարել և Յասմիկին հասցնել Այգեստանի Ամերիկեան հիւանդանոցը, որտեղ ինքը ծառայում է և բոլորը նրան ճանաչում են:

Ամենքս տիկնք մեր համաձայնութիւնը: Հրանդը ինքնայոժար վագեց մի կառք ճարելու և մի տասը ռոպէ յետոյ կառքը կանգնեց բանտի դռանը:

– Տղերք, դժբախտութիւնը չի կարող անվերջ լինել: Մեր քօռ բախտը մի կիսաժպիտ ցոյց տուց: Ես իմ հին բարեկամ կառապան Մկրտչին ճարեցի: Շուտ արեք:

Այգեստան մեկնելուց առաջ յանձնարարեցի Բրուտեանի եղբօրն սպասել մինչև Հրանդի անմիջական վերադարձը՝ իր բարեկամ կառապանի միջոցով Այգեստան փոխադրելու Բրուտեանի կացնահար եղած դիակը:

### ՓՈՒՍՎԵԺԸ

Այգեստանի ու Քաղաքամիջի հայութեան հոգեառ տաճկական զօրանոցները դեռևս այրում և ծուխի մուգ ու թանձր քուլաներ էին տարածում: Նրանց աւերակ ու սև հագած պատերը, սովորական պայմաններում մաղձ ու տխրութիւն պիտի բերէին, բայց ամբողջ մի ամիս մահուան ահն ու սարսափն ապրած հայերը հրճում էին նրանց ահաւոր և սև հագած տեսքով:

– Ա՛խ, ինչպէս էս էրած սիրտս խովցաւ էս սատանի բների աւերում-խաւարումով:

– Հըլա ու՞ր ես, մէ սպասի մեր կամաւորներն ու ռսները խասնեն, էտնց եօթ խէրը կանիծեն: Էնպէս ջարդուփշուր անեն, որ էս անօրէնների արիւնը սրտերին չորանայ: Էնպէս փախչեն ու կորչեն, որ քանի աշխարհը կայ, խայի անունը լեզուի չը պիրեն ու ինոնց ունեցածին աչք չը տնկեն:

– Կասեն շուն ցնդկած Ջավդատն իրա վախից Արտամետին չը խասած իրեն ծովնի թալէ: Ա՛խ,

ափսոս չի մեր Վանա ծովը, որ կեղտոտի ինոր կեղտոտ-խոտած լաշից:

Եւ նման հազարաւոր վրէժխնդրական հրճանքի բացականչութիւններ ու բախտաւոր ապագայի սպասումի խօսքեր ու ոգևորիչ յուսադրումների զեղումները բերնից բերան էին անցնում:

Իսկ վրէժխնդրութեան մոլեգին ծարաւով մրրկւած ժողովրդական խաւը ձգտում էր հանել իր փոխվրէժը: Չնայած որ շտաբի կողմից նոր հրդեհումներ խստիւ արգելւած էին, բայց զօրանցներից յետոյ հերքը հասաւ թրքական թաղերի տներին:

Կուտակւած քէնի ու վրէժի ցասումնալից յորդումի առաջ կտրելը դժար, եթէ չասենք անկարելի էր: Հրաբուխի լաւայի նման այդ վրէժխնդրութիւնը ժայթքում ու թափում էր անտէր ու թափուր մնացած թիրքերի տների վրայ: Մանաւանդ տգրուկանման հարուստների տները հանդիսանում էին այդ վրէժխնդրութեան առաջին նշանակէտ-ենթակաները:

Տասնեակ տարիների ընթացքին այդ ձրիակեր տաճիկ աղաներն ու բէկերը անխիղճօրէն կեղեքել և թալանել էին մշակ, աշխատաւոր և արհեստաւոր հայ մասսաներին: Ժամանակն է, մտածում էին նրանք, գոնէ մի անգամ լուծելու կուտակւած վրէժը:

– Ես էս անօրէնների եօթը պորտն անիծեմ: Էս է խարիր տարի մեր էրունը քամել ու ծծել են: Մեր խալալ աշխատանքը գօռով զավթիրեն: Մեր խօրտիկ ջահէլ-ջիվաններին կոտորիրեն: Ինչքան շատ մեր գեօզալ աղջիկ-խարսները փախցուցած են: Բա մէկ անգամ դովրը (առիթը) մեզ խասած է, նորէն խնայենք: Բաս ասէք, որ մենք դրիստ էշի բունակներ ենք:

– Էդ հալա ոչինչ: Բա չես ասի, որ էս մէկ ամիս մեր օրն ու արևը սկսուցած են: Մեր իգիթ դիրքապահներին սպանած, մեր խացն ու ջուրը խարամ արած են: Մեր տունն ու տեղը արած ու քանդած են: Մեր խօրտիկ քաղաքը դժոխք են դարձուցեր: Էլի խնայենք...:

– Ա՛յ ախայէր, ամէնակարևորը մոռցար ասել: Էդ անաստւածները Յանկոյսների ու Սուրբ Յակոբա եկեղեցին ու դպրոցները հէնց էրեցին, հէնց քարուքանդ արան, որ քարը-քարի վրայ չթողան: Աստուած սիրողներ, ով ինչ կարող է, եթէ չանի նամարդից նամարդ ի:

– Տղերք, բօլէ էդքան սաղմոս ու շարական ասելը: Շու՛տ արէք, մէ էս ցորէնն ու այիրը, եղն ու պանիրը, խաւերն ու ճոտերը հաւաքոտեցէք, մաքրոտեցէք, սրբէք վերջացրէք: Քանի որ էս մեր շտաբներից վրայ չեն խասել էսնց հաշիւը մաքրենք:

– Ա՛յ տղա, Գեվօ՛, Մերո՛ք, Կարօ՛, վռազէք: Էդ անօրէնների մարագից խոտ, սէզ, փայտ, նաթ բերէք, որ կրակ տանք, վառենք ու լցնենք: Հրէս էս Հաջի Եունէսի տունը խեռու չի, ինչ որ ուզէք էդ սրիկայի տան մէջէն կը ճարէք: Շու՛տ արէք, էնոր խաշիւն էլ մաքրենք: Ձեզ դուրբան, վռազէք: Եթէ ուշանաք, շատ կը փոշմանէք:

## ՔԱՂԱՔԱՄԻՋԻ ՀԵՐՈՄՆԵՐԻ ԻՆՔՆԱՊԱՇՏՊԱՆՈՒԹԻԻՆԸ

Իմ համեստ և ազնիւ ընկեր Հրանդը շատ մեծ սիրալիրութեամբ կատարած էր իմ յանձնարարութիւնն և Միհրդատի օգնութեամբ ու իր վաղեմի ծանօթ բարեսիրտ կառապանի կառքով Այգեստանն էր փոխադրած եղերաբախտ հասարակական ու կուսակցական յայտնի գործիչ և հռետոր Աբրահամ Բրուտեանի խոշտանգւած դին: Այդ չափազանց յարգած մարդու անշունչ մարմնի յայտնաբերումը նրա աղէտալի խողխողումից յետոյ մի տեսակ փոքր մխիթարութիւն էր մեր բոլոր ընկերներիս համար: Նրա դին պատշաճ դագաղի մէջ ամփոփելով՝ ժամանակաւորապէս թաղեց Նորաշէն եկեղեցու գերեզմանատանը:

Հրանդն առաջարկեց և ապա կարողացաւ համոզել, որ իր բարեկամի կառքով Քաղաքամէջը գնանք:

– Սիրա՛ք, չափազանց հետաքրքիր կը լինի մեր հայրենակից հերոս քաղաքացիների ինքնապաշտպանութեան ընթացքին ծանօթանալ և նրանց անման քաջագործութեան շնորհիւ ազատագրւած Քաղաքամէջն ու մանաւանդ նրա բերդը տեսնել: Ինձ ասացին, որ ժողովրդական գործիչ և շտաբի անդամ Փանոս Թէրլեմէզեանը մի խումբ այգեստանցի դիրքապահների հետ շուտով Քաղաքամէջն է գնալու: Մենք, եթէ անմիջապէս մեկնենք, շատ քիչ տարբերութեամբ, մի փոքր շուտ կան ուշ, նրանց պիտի միանանք:

– Շատ աղէկ, գնանք: Ինձ համար էլ շատ հետաքրքրական կը լինի անձամբ տեսնել մեր քաղաքացի հայրենակիցների հերոսական դիմադրութեան թողած հետքերն ու Քաղաքամիջում ներկայ վիճակը և մանաւանդ ազատագրւած բերդը:

Կէս ժամից անելի շուտ կառքը մեզի Քաղաքամէջը հասցրեց: Գիտէիք, որ Քաղաքամիջի մեր զինւորական շտաբը կենտրոնացւած էր հայկական առաջնորդարանում: Իջանք կառքից և անմիջապէս անցանք առաջնորդարանի կանաչագեղ պարտէզը: Մեր բախտից Այգեստանից եկողները՝ Փանոս Թէրլեմէզեանի գլխաւորութեամբ, նոր-նոր էին ժամանել և Քաղաքամիջի արի մարտիկների ու շտաբի անդամների հետ ջերմագին ողջագուրում էին: Մայիս 4-ի առաւօտն էր: Արևը նոր էր հորիզոն բարձրացել և իր շառաւիղները սկսել էր սփռել առաջնորդարանի պարտէզի գեղատեսիլ և դեռ աղամանդանման փայլող ցողոտ կանաչութեան վրայ: Պարտէզը լցւած էր Քաղաքամիջի հազարաւոր բազմութեամբ: Ուրախութեան և հրճանքի ընդհանուր մի զգացում թրթռացնում էր բոլորի սրտերը:

Յայտնի նկարիչ Փանոս Թէրլեմէզեանը, խօսք առնելով, ասաց.

– Ողջո՛ւն քաղաքացի հերոս ժողովրդին: Պարծանք բոլոր կուողներին, որոնք խիզախօ՛ւն կուրծք

տւին թշնամուն և յաղթանակեցին: Մենք ձեզ բերել ենք այգեստանցոց, ձեր զինակից ընկերներու համբոյրն ու հիացմունքը: Երկու տեղն ալ փառքով յաղթանակեցինք: Թշնամին անգոր և խայտառակած փախաւ: Կիմանանք, որ ռուսական բանակը՝ կամաւորներու առաջնորդութեամբ, Բերկրի է մտած: Մենք դեռ ծանր պարտականութեան առաջ կը գտնուինք: Չը խորհի, թէ զենքը վար պիտի դնել: Ոչ, այժմ, աւելի քան առաջ, պատրաստ պիտի գտնուինք հաւանական բոլոր անակնկալներու հանդէպ: Փախչող թշնամին հեռու չէ: Կարող է վերադառնալ և նորէն յարձակման փորձեր ընել...:

Քիչ վերջ այգեստանցի զինակից մարտիկները հիւրասիրեցին թէյով և նոր թխած գաթաներով: Այդ թէյ ու գաթայից ինձ ու Հրանդին էլ բաժին հասաւ: Այնուհետև այգեստանցի հիւրերը Քաղաքամիջի գլխաւոր մարտիկների հետ միասին բարձրացան Վանի հնամեայ, հռչակաւոր բերդը՝ այն պատմական քարաժայռը, որ եղել էր Շամիրամեան շրջանի, Արծրունի իշխանների և թագաւորների փառաւոր յիշատակարանը, բայց որ դժբախտութիւն էր ունեցել տեսնելու Լէնկ-Թիմուրեան տխրահռչակ գլխակոյտերն ու մօնղոլական բարբարոս ժառանգորդների՝ թիւրքերի հինգ դարեայ վայրագ բռնակալութիւնը:

Այսօր այդ ազատագրած բերդի բարձրաբերձ կատարին շողշողում էր Վասպուրականի փառահեղ ազատագրութեան յաղթական դրօշակը:

**ԱԶԱՏԱՐԱՐՆԵՐԻ ՄՈՒՏՔԸ**

Մայիսի սքանչելի և արևաշող օրերից մէկն էր: Անցեալ օրանից հայ ազգաբնակչութիւնը սրտատրոփ և անհամբեր սպասում էր իր ազատարարներին:

Մայիս 5-ի կէսօրից յետոյ հայութեան սպասումն ու անհամբերութիւնը հասել էր իր գագաթնակէտին: Դեռ 3 ժամ առաջ մեր շտաբից ուղարկւած սուրհանդակները վերադարձել և յայտնել էին, որ մեր կամաւորական զնդերն ու ռուսական բանակը շուտով Այգեստան կը հասնեն:

Բազմահազար հայութիւնը՝ մեծ, փոքր, կիւն, աղջիկ, պատանի, երիտասարդ և ծեր ու պառաւ, թափուել և անկկարագրելի անհամբերութեամբ սպասում, սպասում էին իրենց՝ օրերով երազած ազատարարներին:

Այգեստանի գլխաւոր Սըղգայի պողոտան, որ Քաղաքամիջից սկսում և փլատակւած Համուդ աղայի զօրանոցից կէս կիլոմետր անցնում էր, ծածկւած էր դիմաւորողների բազմահազար բազմութեամբ: Այդ պողոտայում տեղը չը գտած երեխաներն ու պատանիները բարձրացել էին երկնասլաց բարդի ծառերի գագաթներին և թռչունների նման այնտեղ էին թառել:



*Հայ կամավորական զնդերի մուտքը Վան*

Ծերերն ու պառաւները ստիպուել էին մօտակայ կիսախարխուլ տների կտուրները բարձրանալ: Ժողովրդի բազմութեան մեծ մասը սեղմուել էր Սըղգայի պողոտայից ճիւղաւորող կողմնակի փողոցների բերնում: Շատերն անսահման ուրախութիւնից պարում էին, ուրիշներն ոգևորւած և սրտաթունդ եղանակներ էին երգում: Միւսները դիօլ-գուռնա էին ածում: Մէկ խօսքով, ամէնքի դէմքին ուրախութիւն, ծիծաղ և երջանկութիւն էր փայլում:

Ուրախութիւնից և երջանկութիւնից ինչպէ՞ս կարող էր չը շողշողալ նրանց դէմքը, նրանց հոգին խորքից չը հրճւէր, երբ շուտով, շատ շուտով տեսնելու էին նրանց, որոնց ամբողջ մի ամիս սրտատրոփ սպասում էին:

Եկա՛ն, ահա եկա՛ն, հասան նրանք: Եկան անվերջանալի շարաններով: Գալիս և անցնում էին Այգեստանի կենտրոնական պողոտայով: Գալիս ու անցնում էին հետիոտն ու ձիաւոր, նորից ձիաւոր և հետիոտն: Կարծես նրանց թիւը վերջ չ'ունի, կամ գուցէ մեզ այդպէս է թուում: Ահա և կամաւորների զնդերն իրենց խմբապետ-զնդապետ-առաջնորդներով: Հեծելագունդեր են նրանք: Ահա թնդանօթների, ինքնաշխատ զնդացիների, զէնքերի, զինուորական ֆուրգօսների, զինուորական ռազմամթերքների, պարենապահեստների զօրասիւնները: Ահա ձիաքարշ սարքաւորումների շարանները: Մէկ խօսքով, զինուորների և ռազմամթերքների անհաշիւ և անվերջանալի շարաններն ու շարանները:

Եթէ միայն սրտերն ու հոգիները իրար հաղորդակից լինէին և իրար հետ խօսէին իրենց հարազատ լեզուով, մարդկությունն անհունօրէն երջանիկ կը լինէր: Բայց ափսո՛ւ, հազար ափսո՛ւ, որ կեղծ, շահասէր, եսանդ և ապերախտ դիւանագիտութիւնն ու քաղաքականութիւնը բաժանում և իրարից հեռացնում են այդ սրտերի նւիրական հարազատութիւնն ու հաղորդակցութիւնը:

Այդ նւիրական հարազատութիւնն ու հաղորդակցութիւնը անտեսանելի, բայց ամրակուռ կապերով միացնում էր եկողների և դիմաւորողների բազմահազար սրտերն ու հոգիները:

Եկան մեր փրկարարները ժամերով և ժամերով ու գնացին հանգստանալու և գիշերելու, բայց Վանի հայութեան սիրտը չէր կտրոււմ այն ճանապարհից, որով նրանք եկել ու անցել էին: Նա չէր ուզում բաժանուել և հեռանալ այդ ճանապարհից ու նրանց կտրած-անցած պողոտայից: Նրանք կարծես ափսոսում էին, որ այլևս չեն կարող տեսնել նրանց ոտքերի, նրանց ձեռքերի, ֆուրգօնների և շարասիւնների պողոտայի վրայ թողած հետքերը:

\*\*\*

Մի ամբողջ ամսից յետոյ այդ գիշերը վասպուրականցիների և մանաւանդ Վանի հայութեան համար ուրախութեան և խրախճանքի գիշեր էր: Կիսաքանդ գազիօսների դռները լայնօրէն բացուել էին իրենց փախստական և թափառական դարձած յաճախորդների երեսին: Ամենուրեք սկսուել էր հայկական քէֆն ու գինարբուքը:

Շտաքի մուտքին ֆանֆառը, իր ղեկավար Յովհաննէս Պուճիքեանի և նրա օգնական Մարգար Փախչոյեանի բերկրալի ոստիւնների համընթաց, եռանդազին նւագում էր մարտի գոռ մարշեր և հայրենանւեր եղանակներ և բոլոր լսողների սրտերը թունդ էր հանում:

Նորաշէնի եկեղեցու հրապարակում մի հսկայ բազմութիւն, դիօլ-գուռնան մէջտեղն առած, շուրջպար էր բռնել: Ամենքը սրտի խորքից հրճւած, ուրախ երգեր էին երգում և վերուցած թռչկոտելով՝ իրենց ոտներով գետինը ծեծկում էին: Նոյն գիշերւան մեծահարուստ Գափամաճեանի հրաւերով նրա տնում կազմակերպուեց շքեղ հիւրասիրութիւն, որին ներկայ էին ռուսական բանակի զօրահրամանատար Նիկոլայեվն ու նրա օգնականները: Կամաւորական խմբերի գլխավորներից ներկայ էին միայն 3-ը: Անդրանիկը, այդ մեծ հայրենասէրն ու աննման հերոս հրամանատարը, Արամ Մանուկեանի՝ կամաւոր ղեկավարներին դիմաւորելու ուղարկուած մարդկանց կողմից արժանաւորապէս յարգուած չը լինելու պատճառով ներկայ չէր: Ասենք, նա իր վաշտով այդ օրւայ զինուորների և զինուորականների փառաւոր ժամանումին էլ անմասն մնաց և վշտա-

բեկ ու խռոված՝ իր վաշտով բանակեց Շուշանց գիւղի և Այգեստանի ծայրամասի միջև:

Ընթրիքին ներկայ էին Այգեստանի զինուորական մարմնի և սեկցիայի անդամներից ոմանք: Ընթրիքին մասնակցողների ընդհանուր թիւը 42 հոգու էր հասնում: Ընթրիքին ներկայ էին նաև Արամ Մանուկեանն ու Առաջնորդական տեղապահը, որ սեղանի բացման օրհնութիւնը կատարեց:

Ընթրիքի սեղանի շուրջ եղան ճառախօսութիւններ, ու զանազան կենացներ խմեցին: Այդ բաժակաճառերից ամենաբովանդակալիցն ու ազդուն ասեցին Գրիգոր Բուլղարացու, Յովհաննէս Կուլօղեանի և Փանոս Թէրլեմէզեանի կողմից: Խմեցին ռուսական և նրա դաշնակից բանակների յաջողութեան և վերջնական յաղթութեան համար: Գովեցին կամաւորական զնդերի խիզախութիւնն ու խմեցին նրանց հրամանատարների կենացը:

Վերջում զեներալ Նիկոլայեվը շնորհակալութեան խօսքեր ասաց, դուրստեց վանեցիների՝ հիացմունքի արժանի քաջագործութիւնները և յոյս յայտնեց, որ ռուսական բանակների միջոցով և կամաւորական վաշտերի գործակցութեամբ շուտով հայկական նահանգները պիտի ազատագրեն, և նրանց հայութիւնը վանեցիների նման իրենց երազած ազատութիւնը ձեռք պիտի բերեն:

**ՎԱՆԻ ԵՐԿԱՍՍԵԱՅ  
ԻՆՔՆԻՇԽԱՆՈՒԹԻՒՆԸ**

Անկասկած ընթերցողը հէնց սկզբից անդրադարձաւ այն հանգամանքին, որ Վան քաղաքը բաղկացած էր երկու քաղաքամասերից, որոնցից Քաղաքամէջ կոչուածը տարածութեան և ընդարձակութեան տեսակէտից Այգեստան կոչուած մասից 3-4 անգամ աւելի փոքր էր: Քաղաքամիջումն էին կենտրոնացած թիւրք պետական բոլոր հիմնարկները: Այնտեղ էին կենտրոնացած Վանի վաճառականական, առևտրական տներն ու պահեստները, ինչպէս նաև մեծ ու փոքր ամէն տեսակի արհեստանոցներն ու զանազան խանութները: Մէկ խօսքով Վանի ազգաբնակչութեան հարուստ և միջակ դասի զանճն ու հարստութիւնը 90 տոկոսով Քաղաքամիջումն էր կենտրոնացել:

Այգեստանի մասը, ինչպէս իր անունից էլ կարելի է եզրակացնել, հարուստ էր իր առատ մրգերով և շէն, ծաղկած ու ընդարձակ այգիներով: Այգեստանի տները, բացառութեամբ եռյարկանի փոքրաթիւ բարձր տներից, ծածկուած և անհետացած էին այդ այգիների բազմազան և բազմահազար պտղատու և անպտուղ ծառերի ու նրանց փարթան սաղարթների և շաքնների արանքում: Փողոցներում՝ ծառաշարերի արանքներում, արծաթափայլ շողարձակումով վազում և խոխոջում էին բազմաթիւ աղբիւրների զրնգուն ջրերը: Հեռից դիտողը կարծում էր, որ մօ-

տենում է մի ընդարձակ և անծայրածիր մշտադալար այգեստան-ծառաստանի ամառանոցի:

Այս երկու քաղաքամասերն իրար միացնողը Սըղգայի լայն ու երկարածիզ պողոտան էր: Այս պողոտայի վրայ էր գտնուում Այգեստանի փոքր շուկան: Այս պողոտայի վրայ էին բացուում Այգեստանի գլխաւոր թաղամասերից երկարող փողոցները: Երամեան, Կենտրոնական և Վարժապետանոց միջնակարգ դպրոցները, ինչպէս նաև օտար միսլիմարութիւններն ու հիւպատոսարանները գտնուում էին կա՛մ գլխաւոր պողոտայի և կա՛մ նրան միացնող փողոցների վրայ:


\*\*\*

Վանի ազատագրումից գրեթէ անմիջապէս յետոյ կազմեց Վասպուրականի ինքնիշխանութեան ժամանակաւոր կառավարութիւնը: Ռուսական բանակի ընդհանուր հրամանատար Նիկոլայեվի 7 մայիս 1915-ի հրամանագրով՝ Արամ Մանուկեանը նշանակեց Վանի և շրջանի կառավարիչ, որը և կազմակերպեց այսպէս ասած, քաղաքային և շրջանային գործերը: Կազմեցին ոստիկանական, դատական, գիւղատնտեսական, գաղթականական, քաղաքապետական, առողջապահական և այլն վարչութիւնները, որոնք իրենց նոր նշանակած վարիչներով նոր գործի ձեռնարկեցին:

Արամ Մանուկեանը<sup>27</sup> (մի կարգ մասնաւոր մարդիկ և երբեմն էլ ժողովրդական որոշ տարրերը նրան անուանում էին Արամ փաշա: Այս անուանում-տիտղոսն իր թրքական ծագումի պատճառով խորթ ու անհարազատ էր շատերի համար), անհատապէս վերցրած, կարող և ընդունակ վարիչ և կազմակերպիչ էր: Դժբախտաբար նրան, հէնց սկզբից, շրջապատեցին շահամոլ տարրեր և շփացած խմբապետներ, որոնք գործում էին նրա անունից, բայց իրապէս նրա դիրքին ու վարկին հակառակ:

Կողմնակի մարդիկ և նոյնիսկ դաշնակցական ազնիւ և անշահախնդիր տարրեր չէին կարողանում հասկանալ և բացատրել թէ ինչու՞ և ի՞նչ պատճառով Արամ Մանուկեանը չի ցանկանում իրեն ազատել այդ շփացած և շահամոլ տարրերի պատահական ազդեցութիւնից:

27 **Արամ Մանուկեանը** ծնվել է 1879 թ. Կապանի Չեյվա (այժմ՝ Դավիթբեկ) գյուղում: 1901 թ. ավարտել է Երևանի թեմական դպրոցը: 1901-1905 թթ. կուսակցական-կազմակերպչական գործունեություն է ծավալել Բաքվում, Կարսում: 1905 թ. հաստատվել է Վանում: 1915 թ. Ապրիլյան հերոսամարտից հետո նշանակվել է Վանի նահանգապետ: 1915 թ. վանեցիների գաղթից հետո հաստատվել է Թիֆլիսում և աշխատել Ազգային բյուրոյում: 1916-1917 թ. վարել է նույն բյուրոյի լիազորներկայացուցչի պաշտոնը: 1917 թ. վերջին փոխադրվել է Երևան: Հայաստանի անկախացումից հետո ստանձնել է ներքին գործերի նախարարի պաշտոնը: Վախճանվել է բժավոր տիֆ վարակիչ հիվանդությունից 1919 թ. հունվարի 29-ին Երևանում:



*Արամ Մանուկյան (Մարգիս Հովհաննիսյան)*

Արդար լինելու համար պիտի ասել, որ այդ միլիցիապետ-խմբապետ կոչւածների շարքում կային մի քանիսը, որոնք Վանի պաշտպանութեան օրերին նշանակալից ծառայութիւններ և նոյնիսկ հերոսական գործեր էին կատարել, բայց այդ պարագան նրանց իրաւունք չէր տալիս շահագործելու իրենց անցեալ փառքը:

Դաւիթ Փափագեանը, որն այն ժամանակ ընդհանուր միլիցիապետ էր և շատ ազնիւ ու անշահախնդիր գործիչներից մէկը, հակառակ իր ճիգերին և ցանկութեանը, ի վիճակի չէր այս նոր բաշխբոլկ խմբապետներին կարգի բերել, որովհետև նրանք անմիջապէս «փաշայի» պաշտպանութեանն էին ապաւինում:

\*\*\*

Տաճիկ կառավարութիւնը, մանաւանդ Վանի շրջանային գաւառներում և գիւղերում, բացի հայ երիտասարդների կոտորումն ու բնաջնջումը, մաքրել, սրբել և թալանել էր հայ ընտանիքների ալիւրը, հացահատիկն ու ամէն տեսակի կենսամթերքը, որոնք լափւած և սպառւած էին հազարաւոր թիւրք զինուորների և մանաւանդ ամբոխի ու նրանց գործակից դառած պատեհապաշտ քիւրդերի կողմից:

Թիւրքերի փախուստից յետոյ նրանց ստիպողաբար թողած աննշան քանակութեամբ հացահատիկն ու կենսամթերքը պէտք էր հաւաքելին և կենտրոնացւելին Վանում՝ նախկին պահեստներում և աժան արժէքով բաժանւելին կիսաքաղց այգես-

տանցիներին և մանաւանդ ամէն կողմից այնտեղ եկած ու մնացած գիւղերի՝ բոլորովին քաղցած բազմութիւններին: Նման կարգադրութիւն եղել էր նաև մասցուի՝ մորթելիք ոչխարների, այծերի, կովերի և ուրիշ ընտանի կենդանիների վերաբերեալ:

Ահա մանաւանդ այս գործում, վերոյիշեալ խմբապետների կողմից կատարում էին աններելի չարաշահութիւններ: Նրանք կենսամթերքների և մասցու կենդանիների մասնատր սև շուկայ էին ստեղծել և իրենց անյագ գրպանները լցնում էին կիսաքաղց բազմութիւններին յատկացուելիք պարենապաշարի ապօրինի կոնդրբանդ առևտուրով:

Նման չարաշահութիւններին ակնատես լինել չը կարողանալով՝ հրաժարեցի պարենապահեստի վերահսկողութեան պաշտօնիցս: Գրիգոր Բուլղարացին, որի պարկեշտութեան և ազնութեան մասին ես մեծ հաւատք ունէի, և որը շտաբի լուծարքից յետոյ ժամանակատր կառավարութեան գործակից-անդամ էր դարձել, ինձ իր մօտ կանչեց և իմ բողոքի միանգամայն իրաւացի լինելը հաստատելով՝ ասաց.

– Սիրաք, ես քո մէջ շատ կը գնահատեմ ուղղամտութիւնդ և գործիդ նւիրածութիւնը: Այս անկարգապահութիւններու մասին մենք ալ տեղեկութիւն ունինք: Ընկ. Արամի հետ ես այդ առթիւ խօսած եմ: Նա խոստացած է վերջ տալ այդ խմբապետներու ապօրինի և վնասակար չարաշահութիւններուն: Մեր կառավարութիւնը դեռ բոլորովին մանուկ է և շատ հեռու ամուր հիմքերու վրայ ըլլալուց: Թերութիւններ շատ ունինք, բայց յոյս ալ ունինք, որ ամէն բան կարգի կընկնի: Ես յարմար կը դատեմ, որ հրաժարականդ յետ վերցնես:

– Չեմ կարող,– պատասխանեցի Գրիգորին, – հաւատացէ՛ք, որ չեմ կարող: Ես ձեզ շատ կը յարգեմ, բայց կը վախենամ, որ այդ գործի մէջ այդ պարուն խմբապետ-միլիցիոներները իմ անունն ալ խայտառակեն և ինձ ալ վարկաբեկեն: Քաղաքապետը ինձ առաջարկած է քաղաքապետարանի քարտուղարութեան պաշտօնի անցնել: Համաձայնել եմ: Չեմ գիտեր՝ ուրկէ՞ իմացած է, որ ես մի քիչ ռուսերէն գիտեմ:

– Ռուսերէն գիտե՞ս,– զարմանքով հարցրեց Բուլղարացին:

– Դէ իմ այս ռուսերէն գիտնալը գիտնալուն մնան չէ: Երամեան դպրոցի ասարտական բաժանմունքի շրջանին մի 200 կամ մի գուցէ մի քիչ ւաելի բառեր և շատ սովորական խօսքեր սովորած կը լինեմ: Դէ՛ ինչ անենք, կարիք եղած տեղը պիտի սովորենք: Աս ալ մեր հայի բախտն է, որի ձեռքը ընկնենք, ստիպած նրա լեզուն էլ պիտի սովորենք:

– Խելօք երիտասարդ ես եղած պարո՞ն, ներողութիւն, ընկէ՛ր Սիրաք: Շատ ուրախ եմ պատերազմի նեղ օրերու գործակցութիւնդ: Ամէն պարագային վարկիդ այնպէս, ինչպէս կը ցանկանաս: Կարող ես միշտ իմ բարեկամութեանս, և եթէ կարիք ըլլայ, և ի վիճակի ըլլամ իմ օգնութեանս վրայ յոյս դնել:

– Շնորհակալ եմ, չափազանց շնորհակալ ձեր բարեկամութեան համար,– ես ջերմագին տղմեցի Բուլղարացու ձեռքն և խնդրեցի իմ բարևներս հարողել Մարօին և նրան յայտնել, որ շուտով կաշխատեմ նրան այցելութեան գալ: Վանի մահանգապետարան կոչող շէնքից դուրս գալուց՝ ինձ մօտ խորհում էի, որ իսկապէս այդ մարդը շատ պատուական, համեստ և անշահախնդիր գործիչ է: Երանի թէ սրա նմանները շատ լինէին:

## ԸՆՏԱՆՆԻՔԻՍ ԵՒ ԲԱՐԵԿԱՍՆԵՐԻՍ ՇՐՋԱՆՈՒՄ

Քոյրս՝ Արաքսին, անչափ ուրախ էր, որ ապրիլեան գիշերների ստիպողական բացակայութիւններից յետոյ ինձ համարեայ միշտ տնումն էր գտնում:

– Ա՛խ, ի՞նչ անտանելի օրեր էին այդ օրերը և մանաւանդ նրա գիշերները, երբ մեր տնից բացակայում էիք դու և եղբայր Կարապետը,– յաճախ կրկնում էր նա:

– Փառք Աստծոյ, անցան այդ դժնդակ օրերը: Հիմա կարծում եմ, դժգոհելու առիթ չ'ունես:

– Դժգոհելու պատճառ,– տատանման շեշտով կրկնեց նա: – Եթէ Հայկանուշի հիւանդութիւնը և այս մեր դրամական նեղութիւնը չը լինէր, դժգոհելու առիթ չպիտի ունենայի:

– Մի՛ տխրիր, սիրելի՛ քոյր, գիտեմ, որ քեզ համար դժար է մեր ապրուստի հոգսը, բայց մի քանի օրից յոյս ունիմ իմ ռճիկի հաշիւն մի գումար ստանալու: Ինչ վերաբերում է Հայկանուշին, ես արդէն խօսել եմ Առողջապահական բաժնի գլխատր բժիշկի՝ դոքտոր Սան-Ֆանի-ի հետ: Բարեբախտաբար, նա հայ է և, որ ամենակարևորն է, ներքին հիւանդութիւնների մասնագէտ: Նա ինձ խոստացել է Հայկանուշին այս օրերում բժշկական մանրագին քննութեան ենթարկելու և, եթէ անհրաժեշտ և հնարատր լինի, նրան հիւանդանոցում մի մահճակալ յատկացնելու, նրանց համար էլ շատ դժարութիւններ կան: Այնքան շատ վիրատորներ և սովածութիւնից և ջղերի ծայրահեղ պրկումից ու անասելի յոգնածութիւնից հիւանդներ կան, որ նրանց օգնելու ու դարմանելու և մանաւանդ հիւանդանոցում պառկեցնելու հնարատրութիւն չկայ:

– Օ՛հ, ինչքա՛ն լաւ է քեզ պէս եղբայր ունենալը: Ես չը գիտեմ՝ առանց քեզի և քո այդ յուսադրիչ խօսքերի ի՞նչ պիտի անէի: Գիտես, որ եղբայրը իր բազուկի վերքից բոլորովին չի ապաքինել և երբեմն ուժեղ ցաւեր է ունենում: Օրամէջ հիւանդանոց բժիշկի է գնում և դեռ ի վիճակի չէ որևէ գործի ձեռնարկելու, իսկ մեր հօր պաշտօնակատարած Ս. Յակոբայ եկեղեցին անգութ տաճիկների ձեռքով քարոքանդ է արւած: Եկեղեցու հաւատացեալների մեծ մասը թալանել ու աղքատացել է: Նրանց մնացել է միայն լացն ու աղօթքը: Իսկ դու լաւ գիտես մեր



հոր բնատրուքինը: Նա իր շնչին խաչհամբոյրի մեծ մասը կարիքատրմերին է բաժանում:

– Շատ լաւ է անում: Ինչպէս ես, այնպէս էլ դու այդպիսի բարեխիղճ հայր-քահանայ ունենալու համար պիտի պարծենանք:

Քոյրս տխրութեամբ գլուխն օրօրեց և բաւականացաւ միայն ասելով.

– Այո՛, ես քեզ հետ համաձայն եմ, միայն թէ մենք էլ մեծ կարիքի մէջ ենք:

\*\*\*

Այդ օրերից մէկուն՝ կէսօրից յետոյ, քաղաքապետարանից դուրս գալուց յետոյ որոշեցի այցելել մեր ոչ անմիջական բարեկամներից մէկին՝ ռուսական հիւպատոսարանի գլխաւոր պահապան Սահակ աղին:

Այս հիւպատոսարանի գրաստանը շէնքը նրա սեփականութիւնն էր:

Ապրիլեան կռիւներից առաջ, երբ թիւրք պետութիւնը, իր դաշնակից գերմանացիների հրահանգով, ռուսների հետ պատերազմի մտաւ, ստիպեց ռուսական կոնսուլատի հիւպատոսական պաշտօնէութեանը Վանից հեռանալ: Նրանց մեկնումի յաջորդ օրն իսկ մի զինուորական գնդապետի առաջնորդութեամբ հինգ զինված ասքերներ եկան և հիւպատոսարանի ռուսական դրօշը ցած բերելով՝ ցուցամուտքէն զրիկ-զրիկ պատռուեցին և այրեցին ու գոյացած մոխիրը կոխկռտելով՝ ցրիւ սուրբ: Նրանք դրանով էլ չը բաւականացան և դրօշակի գերանն էլ տեղից քանդելով ու ցած բերելով և ջարդոտելով՝ նրա կտորներն էլ այրեցին: Ամենից յետոյ Սահակ աղային, որ վախից թաքնուած էր, որտեղից-որտեղ ճարեցին և վայրագօրէն ծեծկռտելով և խեղճ անպաշտպան մարդուն ռուսների տակ գցելով նորից տրօրեցին և մահամերձ վիճակի հասցրին, և եթէ Ղևոնդ Խանջեանի միջամտութիւնն ու թախանձագին խնդրանքները չը լինէին, անկասկած, կ'սպանէին:

Ինձ տեսնելուն պէս Սահակ աղան ուրախութիւնից բացականչեց.

– Ա՛յ բալամ, ես ի՞նչ խորթութիւն է, որ խարջ կը տաս: Ախր չես ասի, որ մահէն հրաշքով պրծած բարեկամ մ'ունիս: Չեմ կրնար հասկնալ, ինչ եղաւ պատճառը, որ մէկ անգամէն քեզարեցիր: Մենք դէ՛, հալա ոչինչ, գոնէ մէկ անգամ այս մեր աղջկան՝ Անուշին, յիշած ըլլայիր: Նա քեզմէ բացի ուրիշ բարեկամ ոչինչ չ'ունի և քեզ համար շատ ալ անհանգիստ էր: Դէ հալա լաւ է, որ եկած ես, շատ ուրախ եմ, ներս մտիր, մերոնք տանն են, ես մէկ փոքր գործ ունիմ, կը վերջացնեմ, էս է կը գամ:

Նա իմ պատասխանին ու չքմեղանքին չ'սպասեց և իր առնական ձայնով կանչեց.

– Աղջիկ, Անու՛շ, ձեզ համար հիւր է եկած, ներս հրաւիրէք:

Ճիշտն ասած, ես Սահակ աղայից նման դիմաւորում չէի կարող անկնկալել: Նրան ճանաչում էի՝ որպէս խստաբարոյ և պահպանողական մի հայր: Ամենից աւելին ինձ զարմացնում էր այն պարագան, որ նա ինձ հաղորդում էր իր աղջկան՝ իմ վերաբերմամբ ունեցած անհանգստութիւնը: Չէ՞ որ այդ ժամանակներում վանեցի ընտանիքների մօտ շատ ուժեղ պահպանողականութիւն և պաշտօնականութիւն գոյութիւն ունէր: Ինձ անհասկանալի էր մանաւանդ այն պարագան, որ ինչպէ՞ս Սահակ աղայի մի ու միակ աղջիկը համարձակել էր իր խստաբարոյ հորը հաղորդել իմ նկատմամբ ունեցած անհանգստութիւնն և յատկապէս այն, որ Սահակ աղան, հակառակ իր պահպանողականութեանը, ինչպէ՞ս էր պատահել, որ ինձ բացառապէս այդ զգացումը:

Մինչ ես այդ իրար յաջորդող հարցերն էի տալիս ինձ և շարժման վիճակումն էի, Անուշը՝ Սահակ աղայի միմուճար աղջիկը, իր մօրից առաջ ընկած, ուրախ բացականչութեամբ ինձ իրենց հիւրասենեակի սեմին դիմաւորեց:

– Ա՛յ, պարո՛ն Սիրաք, կեցցե՛ս, քո այդ ինձ հետ ունեցած բարեկամութեամբ: Սա արդէն երեք ամսից աւելի է, ինչ մեզ մօտ գալ չես բարեհաճում: Ուրեմն դու ինձ ճիշտ չես ասել, որ Մարօից յետոյ, ես քո ամենամօտիկ բարեկամն եմ եղել:

Դեռ իմ շարժման ու շփոթման վիճակից չէի ձերբազատուել, երբ Անուշի կողմից երկրորդ հարածն ստացայ: Մեծ դժարութեամբ կարողացայ ինձ յանկարծակի բերող մտորումները գլխիցս վանել և պատասխանել:

– Օրիո՛րդ Անուշ, ճիշտն ասած, ես քեզ և քո յարգելի մօր մօտ չքմեղանալու և ինձ արդարացնել կարողանալու խօսք ու պատասխան չեմ ճարում: Դուք միանգամայն իրաւացի էք: Ես իմ բարեկամական պարտականութեան մէջ ճիշտ է, որ թերացել եմ: Բայց...

– Ինչ բայց, – խօսքը բերնիցս խլելով՝ հարցրեց Անուշը, – գիտեմ, առանց քու ասելուն գիտեմ, որ քեզ կարդարացնես ապրիլեան կռիւներով: Գիտեմ, բոլորը գիտեմ... Ի դէպ շնորհատրում եմ քեզ, որ այդքան երիտասարդ տեղով պատասխանատու պարտականութիւններ ես կատարել: Բայց այդ բոլորով հանդերձ, եթէ իսկապէս կցանկանայիր, կարծում եմ, կարելի կը լինէր գոնէ մի կէս ժամ մեզ յատկացնել:

– Անօրէնները խեղճ Սահակին այնպէս վայրագութեամբ ծեծեցին, որ նա ամբողջ երկու ամիս անկողնից վեր կենալ չը կարողացաւ: Աստուած անոր խնայեց, – լրացրեց Անուշի մայրը:

– Իմացել եմ մայրիկ: Ի՞նչ արած: Փառք Աստծոյ, որ նա բախտ ունեցաւ ողջ մնալ և ազատուել այդ հրէշներից: Գիտէք, լուր ունիք անշուշտ, որ մեր ջահէլ ու ջիվան երիտասարդներից հարիւրներով գոհ են գնացել այդ նամարդ թշնամուն: Բացի

շրջաններում կատարած անհաշի սպանութիւններին՝ հենց մեզ մօտ, մեր դիրքերում և խրամներում տասնեակներով սպանած և վիրատուածներ կան այդ նոյն հրէշների գնդակներից:

Մինչ ես շարունակում էի թշնամու համատարած վայրագութիւնների և աւերածութիւնների նկարագրութեամբ, ներս մտաւ Սահակ աղան ինձ դիմաւորելու պահի ուրախ տրամադրութեամբ, և մենք սկսեցինք մեզ հետաքրքրող օրոյ հարցերի շուրջ մտերմօրէն խօսակցել և երբեմն էլ խնդիրների շուրջ թեթևակի ու կարճառօտ քննադատութիւններ անել:

Սահակ աղան թունդ ռուսասեր էր: Նա ասում և պնդում էր.

– Եթէ աշխարհիս երեսին մենք բարեկամ և պաշտպան մը ունինք, այդ ռուս ժողովուրդն ու նրա կառավարութիւնն է: Նոյնպէս ալ մեր նեղութեան օրերին մեզ օգնութեան հասնող և փրկողը միայն և միայն անոնք են: Փաստն արդէն ունենք: Եթէ այդ ազնիւ և հայասեր կառավարութեան բանակն ու անոնց զինած կամատրական գունդերը չըլլային, մեր աս քաղաքի, աս ամբողջ վիլայէթի մէջ մէկ կենդանի շունչ հայ չէին թողնի այս անօրէն և անամօք տաճիկները:

Յետոյ իր խօսքը մասնատրապէս ինձ ուղղելով՝ աւելացրեց.

– Պարո՛ն Սիրաք, հիմա մի գուցէ կը մտածես, որ իհարկէ, Սահակ աղան ռուսասեր կըլլայ, որովհետև անոնցմէ շահած և հարստացած է, բայց պատուիս կ'երդեմ, որ եթէ անոնցմէ մէկ սև փող իսկ տեսած չըլլայի, կրկին անոնց կողմնակից կըլլայի և անոնց կը գովէի, քանի որ անոնք ալ մեզ նման քրիստոնէայ են, իսկ ու աւետարան ունին, Աստուծոյ սէրն ու հաւատքն ունին, գութ և խիղճ ունին և աս անօրէններէն, երկնքէն մինչև երկիր, տարբերութիւն ունին: Եթէ մեր հայ ազգը ազատութիւն պիտի ունենայ, այդ ազատութիւնն ու փրկութիւնը միայն անոնց օգնութեամբ և պաշտպանութեամբ կըլլայ: Վերջացաւ գնաց: Ես այս կարծիքին եմ և մինչև մահս ալ այս գաղափարին կը մնամ:

Սահակ աղայի հետ տեսալ պայմաններում վիճաբանութեան բռնելն անօգուտ և աւելորդ համարելով՝ ես այդ երեք հոգինոց ընտանիքի սիրալիր ընդունելութիւնից ու թէյի հիւրասիրութիւնից շնորհակալութիւն յայտնեցի և մեկնեցի: Մինչև ելքի գլխատր դուռն ինձ ուղեկցող օր. Անուշի ձեռքը ջերմօրէն և մտերմաբար սղմելով՝ նրան հաստատ խօսք տւի սրանից յետոյ շուտ-շուտ այցելութեան գնալ՝ պայմանով, որ այդ ապագայ յաճախակի այցելութիւնները նրա պահպանողական հօրը ջղայնութիւն չը պատճառեն:

## ԹԱՆԿԱԳԻՆ ՋՈՂԵՐԻ ԹԱՂՈՒՄԸ

Մայիսի պայծառ և արևաշող օրերից մէկն է: Մայիս 19-ը: Յայտարարած է, որ առաւօտեան ժամի 10-ին տեղի կ'ունենայ մեր անփոխարինելի և թանկագին զոհերի պաշտօնական թաղման արարողութիւնը ազգային հերոսների պանթէոնին մէջ:

Չինուրական պատույ պահակներով շրջապատած և ուսամբարձ փոխադրում են հայ ժողովրդի ազատագրութեան դատի համար զոհածների՝ բանտում վայրագօրէն խողխողած Ա. Բրուտեանի, Հիրճում տմարդօրէն և դաւադրաբար գնդակահարած Իշխանի և նրա 3 ընկերների, ինչպէս նաև Ապրիլեան հերոսամարտում նահատակած 12 դիրքապետների ու նրանց օգնականների դիրքը, որոնք ժամանակաւորապէս հողին էին յանձնել և այսօր իրենց վերջնական հանգստարանում՝ Արարքի Ս. Թարգմանչաց եկեղեցու զերեզմանատնում կառուցւած Ազգային պանթէոնում ամփոփելու են:

Թաղում չէր այդ, այլ ազգային համատարած յարգալից սգահանդէս, համաժողովրդական ատելութեան և վրէժխնդրութեան հսկայական բողոքի ցոյց: Ժողովրդի՝ այդ սիրելի և անփոխարինելի գաւակների թաղմանը մասնակցում էր հազարատրներ ծովածաւալ բազմութիւնը:

Դագաղները ծածկւած էին վարդերի և դալար ճիւղերի պսակների խորձերով: Շարքով իրար յետևից ուսամբարձ տարող դագաղների յետևից գնում էր հայ ժողովուրդը, անվերջ ու անհատնում: Ընդարձակ զերեզմանատան տարածութիւնը չէր կարողացել բազմահազար յուղարկատրներին տեղ տալ: Երեխաներ, պատանիներ և երիտասարդներ հանգստարանի և շրջակայքի ծառերին ու պատերին էին բարձրացել, իսկ հազարատրներ շրջապատի փողոցներումն էին մնացել:

Շատ-շատեր սգաճառեր ասացին, որոնք ժամեր տևեցին: Անհուն վշտի ու կսկիծի դամբանականներ խօսեցին Գրիգոր Բուլղարացու, Փանոս Թէրլեմէզեանի, Արմենակ Եկարեանի և ի վերջոյ Յովհաննէս Կուլօղլեանի և Լևոն Շաղոյեանի կողմից: Կուլօղլեանի՝ այդ տարեց հին յեղափոխականի և հանճարեղ բանաստեղծի շրթունքներից կրակ ու անէծք էր թափում հայ ժողովրդի դարատր թշնամու հասցէին: Երբէք չեմ կարողանում մոռանալ, ի միջի այլոց, նրա հետևեալ խօսքերը.

«Անխիղճ և նամարդ թիրքը սպանեց մեր Մկրտիչ Աւետիսեանը Ս. Բարդուղիմէոսի վանքի բլուրներու և նրա ընկերները՝ Մարտիկն ու Պետօն Գարահիսարի լանջերու վրայ: Բրուտեանը խողխողեց իր սև ու մութ բանտին մէջ: Իշխանն ու անոր ընկերները դաւադրաբար գնդակահարեց Հայոց-Չորի Հիրճ գիւղին մէջ: Մեր հերոսներէն Եղիա Նախշունեանը, Յակոբ Դերգեանն ու Կարապետ Տանթեան իրենց պատնէշներուն վրայ սպանեց և

կոտորեց հարիւրաւոր քաջեր հերոսամարտի դիրքերուն մէջ, բայց արդեօ՞ք կարողացաւ բնաջինջ ընել անոնց ծնող հայ մայրերը...:

Չէ՞ որ այդ հայ մայրերը մէկ, երկու, տասն ու քսան չեն: Չէ՞ որ այդ մայրերը հայ ժողովրդի հերոսները ծնող մայրերն են: Իսկ հայ ազգն իր ծոցի մէջ ծնել ու սնուցել է այդպիսի հազարաւոր մայրերը: Քանի որ հայ ժողովրդը կայ, ուրեմն կան նաև հայ հերոսները ծնող անմահն ու ազնիւ հազարաւոր մայրեր:

Մենք կը խոնարհուենք մեր այս քաջերու շիրիմին առաջ, անոնց սխրագործութիւնները ոսկէ տառետրով կը գրենք մեր սրտի խորքի էջերուն մէջ, հպարտանում ենք անոնց անձնութեամբ և փառատուրում ենք՝ ի տես այդ հերոսներու մայրերի աննաճելի կամքին: Անոնք ծնած են և կը ծնեն քաջերու անսպառ, անվերջանալի շարքեր, իրենց ժողովրդին նվիրելու համար: Մեր դարաւոր թշնամին կը կուրանայ, բայց մեր անընկճելի կամքի երեւումը երբէք չի տեսնելու»:

Ամենից վերջը ճառախօսեց Լևոն Շադոյեանը իր ինքնածին զինուորականի առնական և խորխոս ոճով.

– Անհունօրէն տխուր են սքանչանքի արժանի մեր այս հերոսների ծանր կորուստին համար: Մեր սրտերը խորքէն կը մորմոքին այս սիրելի ու թանկագին զոհերի համար: Ես հազիւ մէկ քանի օր է, ինչ վերադարձել եմ հայկական հերոսապատում լեռնապարի՛ Շատախի, Փեսանդաշտի, Մոկսի, Գավաշի, Կարկառի և այլ վայրերու, քաջերու և աննկուն ազատորդիներու աշխարհէն: Անմահն ընկերներ, դուք ազնիւօրէն կատարեցիք յեղափոխական և ազգանէր ձեր պարտքը և անմահներու փառքի դափնիները խլեցիք: Հանգստացէ՛ք ընդմիշտ մեր խորին յարգանքի արժանի ազգային այս պանթէոնին մէջ: Դուք ձեր հարազատ հայրորդու ազնիւ պարտականութիւնը կատարած էք: Վստահ եղէք, որ ձեր արժանի արի յաջորդները միշտ բարձր պիտի պահեն ձեր պարգած ազատութեան դրօշը և մեր ընդհանրական թշնամիէն ձեր վրէժը պիտի լուծեն:

Դամբանական ճառերը վաղուց վերջացել էին, բայց հազարաւոր յուղարկաւորները չէին ցանկանում իրենց փրկութեան համար զոհած հերոսների հանգստավայրը թողնել: Նուազամբի սգամարշերի վշտակոծ ելևէջների հետ միասին լացում էին նաև նրանց հոգիները:

**ԱԶԱՏԱԳՐՈՒՄԻՑ ՅԵՏՈՅ**

Վանն ու Վասպուրականը սկսել էին ազատ շունչ քաշել: Տաճիկ կառավարութիւնն իր կողոպտիչ ու մարդասպան հիմնարկների ու նրանց գլխատորոգ ապականած տարրերի հետ կորել, անհետացել էր:

Այդ պետական և վարչական տմարդի ու այլատերած տարրերի անհետացումի հետ միատեղ փախել և անհետացել էին նրանց համագործակից դժոխատեսիլ և արիւնածարաւ ենիչերիները, ժանդարմներն ու ամէն տեսակ անկարգութիւններ ու տակնուվրայութիւններ սարքող անպատասխանատու տարրերն ու թալանչի աւազակապետ քրդերը: Վանի և շրջանների հայութեան միակ գլխացաւանքը մնացել էր միլիցիայետ-խմբապետների ուղղնձգութիւնները և սպօրիմի շահագործումները:

Համարեայ ամեն օր նահանգային ժամանակաւոր վարչութեան, ոստիկանութեան և ժամանակաւոր դատախազին հասնող զանգատների հետևանքով նշանակեցին մի քանի շրջիկ-քննիչներ այդ միլիցիական խմբապետների ուղնձգութիւնների առաջն առնելու համար:

Դժար, շատ դժար պայմաններ էին ստեղծւած ազգաբնակչութեան համար: Ապրուստի հնարաւորութիւնները խոշոր չափով պակսել էին: Թշնամին և կողոպտիչ տարրերը մաքրել, սրբել ու տարել էին նրա ալիւրն ու ցորենը և ամէն տեսակի կենսամթերքները և մանաւանդ նրա ունեցած կաթնատու և մսացու կենդանիները:

Նախքան ապրիլեան կռիւները՝ նահանգի թրքական աւերածութիւններն ու կոտորածները, երիտասարդ և աշխատող ձեռքերի բացակայութիւնը ժամանակին վար ու ցանքս անելու միտքն իսկ անհետացրել էին:

Կեանքի գոյութեան և մի կերպ կենդանի մնալու ձգտումից բացի՝ ուրիշ միտք ու մտածմունք չէր կարող լինել:

Բարեբախտաբար, կիսաքաղց բնակչութեան յուսադրում էր ամառնամուտը: Եթէ նրանցից խլած ու տարւած էր ամէն ինչ, բայց չէին կարողացել խլել նրանց Աստուածատուր ծառերն իրենց ամառնային պտուղներով: Թշնամին հնարաւորութիւն չէր ունեցել ծառերն արմատախիլ անել և պտուղները չորացնել ու չքացնել:

Իր կեանքի փրկութեան համար հերոսաբար մարտնչող վանեցին ու վասպուրականցին չէին կարող ընկրկել և յուսահատել: Հետզհետէ և ամէն օր սկսում էին իրենց տունն ու օջախը մաքրել թշնամու պատճառած աւերածութիւններից: Նրանք աստիճանաբար սփոփում և վերազարթնում էին: Նրանք արդէն սկսել էին իրենց մեղաջան, շինարար աշխատանքը: Դժար, չափազանց դժար էր այդ, բայց հայ մարդու շարքաշութեամբ և տոկոմութեամբ կոփւած և թրծւած վանեցու համար անկարելի չէր այդ:

**ՕԳՆՈՒԹԻՒՆԸ ՉԶԱՄՈՐՈՒԹԵԱՆ ՎԻՃԱԿՈՒՄ**

Կէսօրից առաջ մի կիրակի, երբ ընդունւած սովորութեան համաձայն հանգստեան օր էր, մեր այ-

գումն էի: Ծիրանի ծառերից մէկը ծանրաբեռնած էր, մեր հնարած անունով՝ «Կարմրաթուշ» ծիրաններով: Ես շատ էի սիրում այդ կարմրաթուշ կոչւած խոշոր և հիւթեղ ու շաքարահամ ծիրանի տեսակը: Ծառը հաստաբուն էր: Փոքր հասակից վարժել էի կատուների նման թեթևօրէն մագլցելով՝ ծառերի կատարը բարձրանալ: Տարօրինակ սէր ունէի պտուղները ծառի ճիւղերից պոկելով տեղնուտեղ, թարմ-թարմ ուտելու: Այդ օրն էլ ծիրանուն բարձրանալով մեծ հաճոյքով կարմրաթուշերից ըմբռնում էի, երբ քոյրս վագելով յայտնեց որ մեր ընկերներից երկուքը եկել են ինձ տեսնելու: Քրոջս խնդրեցի նրանց ինձ մօտ՝ այգին առաջնորդել:

Ծիրանուց անմիջապէս ցած իջայ և յառաջացայ ինձ այցելող ընկերներիս դիմաւորելու. Հրանդ Դարբինեանն ու Վահան Խէրանեանն էին:

Սովորական բարևից և առողջական վիճակի հարցումփորձից յետոյ Հրանդը յայտնեց, որ բանտում յոշուած յայտնի գրող մեր ընկեր Ասօյի երկու երեխաներից մէկը՝ տղան, մահացել է և խեղճ մայրը նիւթական չափագանց նեղ վիճակում և անօգնական է: Ինձ մօտ եկող ընկերներից խնդրեցի, որ անմիջապէս մեր միւս գլխատր ընկերներին մի շտապ ժողովի հրախիբէն, որպէսզի կարողանանք մի գումար հաւաքելով օգնել մեր ընկերոջ այրի դժբախտ կնոջը: Ինքս էլ նրանց խոստացայ մեր ընկերներից 2-3-ին անձամբ տեղեկացնել:

Հէնց նոյն օրը՝ երեկոյեան, Հրանդէնց մօտ 12 հոգի հաւաքել էինք: Յասմիկ Սօլախեանն էլ ներկայ էր: Հրանդը, հարևան լինելով, Ասօյի այրու դրութեանը լաւատեղեակ էր: Կարճառօտ բացատրեց այդ անբախտ կնոջ նիւթական ծանր վիճակը և խնդրեց անմիջական օգնութիւն հասցնել նրան:

Դժբախտութիւնը կայանում էր նրանում, որ Ապրիլեան գոյամարտը Վանի ազգաբնակչութեան շարքում և մեր ընկերների նիւթական պայմանները տակն ու վրայ էր արել: Համեմատաբար բարուք վիճակ ունեցողներն էլ մեզ նման աղքատացել էին: Հրանդի, Վահանի և մեր ուրիշ մի քանի հարուստ ընկերների՝ համեմատաբար հարուստ ընկերներն էլ գործերի և առևտրի խանգարումով և առկայումով ու իրենց ամբարներում ունեցած կտորեղէնների ու միւս ապրանքների հրդեհումով համարեայ չքաւորութեան էին հասել:

Մեծ դժարութեամբ մեզ յաջողեց մի գումար գոյացնել և յանձնել Հրանդին ու Յասմիկին և նրանցից խնդրել այդ գումարի յանձնումով և հնարաւոր օգնութիւն հասցնելով՝ թեթևացնել տարաբախտ Ասօյի աւելի դժբախտ կնոջ վիշտը:

**ԽԱՂԱՂ, ԲԱՅՅ ՎԱՂԱՆՅՈՒԿ ՕՐԵՐ**

Վան-Այգեստանը հազիւհազ սկսել էր ապրիլեան ռմբակոծումների, քարուքանդումների և համատարած ատերածութիւնների փոշին ու մոխիրը

թափ տալ: Ժողովրդին յաջողել էր իրար յաջորդող տակնուվրայութիւնից առաջացած աղէտի առաջը պահել և երջանիկ ապագայի յոյսերով ներշնչվիլ: Արևառատ գարնան յաջորդում էր կանաչագեղ և պտղալից ամառը:

Ամիսներ կիսաքաղց վիճակում իրենց գոյութիւնը քարշ տաւ՝ բազմութիւնները բնութեան առատօրէն պարգևած կանաչեղէններով և պտուղներով կշտանալ սկսեցին: Մանր առևտրականներ ու արհեստաւորներ հետզհետէ գործի էին անցել:

Կեանքը յամառօրէն ձգտում էր իր նախկին սովորական հունի մէջ մտնել:

Առևտրի և արհեստի մարդիկ՝ պատանիներից սկսած մինչև հասակաւորները, իրար հանդիպելուց գործերի վերսկսման մասին էին խօսում.

– Բարիլուս, Գաբօ՛, լսեցի՛ կօշիկի խանութ բացած և գործի ես կպած:

– Ի՞նչ ընեն, բարեկամ: Ինչքան վախթ անգործ նստեն ու բօշ-բօշ ման գամ: Թէ խավաս էր, հօ բաս էր: Իսկ դու ի՞նչ կընես, դարգու խանութ չե՞ս բացած:

– Դէ ես էլ ստիպւած եմ գործիս պոչէն նորէն բռնել: Անգործ մնալուց ի՞նչ օգուտ կը գայ: Ախպէ՛ր Գաբօ, իմ գործը քուկէն շատ աւելի դժար է: Օլուղ-չօճուխ շատ ունիմ: Հաց ուտող բերան էլ շատ ունիմ: Պարտաւոր եմ աշխատել, թէ չէ բանս բուրդ է:

Նման խօսակցութիւններ ամէնքի կողմից ամէն տեղ խօսում ու լսում էին: Ամէնքը լուրջ մտածում և ձեռնարկում էին խաղաղ և շինարար աշխատանքի:

**ՄԻ ՕՐ ԿԷՍՕՐԻՑ ՅԵՏՈՅ**

Յուլիս ամսի առաջին տասնևհինգ օրեակի վերջերն էր: Մի օր՝ կէսօրից յետոյ, ինձ մօտ եկաւ Աղասի Խանջեանը: Իրա սովորական ժպիտը դեմքին չը նկատեցի: Մի տեսակ տազնապալից և ջղային դեմք ունէր:

– Ի՞նչ կայ, Աղասի՛,– զարմացած հարցրի ես,– քեզ երբէք այսպէս անտրամադիր և մտահոգ չեմ տեսել: Նոյնիսկ ապրիլեան դաժման օրերին քո երեսիդ ժպիտը չէր պակսում:

– Ի՞նչ կայ,– խորհրդաւոր շեշտով կրկնեց նա: –Կայ այն, որին մեզնից որևէ մէկը ոչ թէ սպասել, այլ մինչև իսկ մտքովն անցկացնել չէր կարող: Նահանգապետարանում, յատկապէս Արամ Մանուկեանի շուրջ հաւաքւած մարմինների նեղ շրջանում, անհանգստութիւն և տազնապ է տիրում: Կէսօրից առաջ Բուրդարացին, Լևոնը, Թէրլեմէզեանն ու Եկարեանը շուրջ երկու ժամ Արամի սենեակումն էին փակւած: Առողջապահութեան վարչութեան մի քանի շտապ հրահանգներ վաւերացնել տալու նպատակով Արամի մօտ գնացի: Դուռը ներսից փակւած էր: Անձնական քիկնապալիք յայտնեց, որ կարգադրւած է ոչ մէկին առանց բացառութեան ներս չը թողնել:

– Յետոյ, յետոյ, շտապ ցանկացայ վերջաւորութիւնը լսել:

– Յետո, գլխատորը այդ յետոն է: Երբ խորհրդակցութիւնը վերջացաւ և ժողովական շէֆերը դուրս եկան, նրանց դէմքին անսովոր անհանգստութիւն և ջղայնութիւն նկատեցի: Ներս մտայ Մանուկեանի աշխատասենեակը: Նրան արելի ևս անհանգիստ և շփոթ վիճակում գտայ: Նա ինձ կարճառօտ յայտնեց, որ ռուսական բանակը սկսել է նահանջել և տաճիկ զօրաբանակները սիրտ առած և քաջալերած կրնկակոխ հետապնդում են ռուսներին:

– Եթէ ռուս զօրքի նահանջը կանգ չ'առնի- յայտնեց Մանուկեանը,– հաւանաբար մենք էլ ստիպւած կը լինենք նահանջի հրահանգ տալ մեր վասպուրականցի հայրենակիցներին:

– Օ՛հ, ինչ ահռելի նորութիւն է այդ Աղասի՛: Ի՞նչ պիտի անի առանց այն էլ յոգնաբեկ, ջլատւած և դեռ կիսաքաղց այս մեր թշուառ ազգաբնակչութիւնը:

– Աննկարագրելի դժբախտութեան և նոր կոտորածների պատճառ կը լինի այդպիսի տաժանալից և վտանգաւոր գաղթը,– վշտաբեկ պատասխանեց Աղասին:

## ԳԱՂԹ ԵՒ ԳԱՂԹԱԿԱՆ ՎԻՃԱԿԸ

### Մաս Դ

Աղասու՝ ինձ հաղորդած դժբախտ լուրն իրականութիւն էր: Յաջորդ օրը յուլիս 18-ին՝ կէսօրից յետոյ՝ ժամի 3-ին, Այգեստանի գլխաւոր փողոցների պատերին փակցրել էին հետևեալ կարճառօտ, բայց սարսեցնող յայտարարութիւնը.

«Վասպուրականի ժամանակաւոր վարչութիւնը ստիպւած է խորը վշտով հայ ժողովրդին ազդարարել, որ ռուսական բանակի և հայ կամաւորական զինուորական ուժերի նահանջի պատճառով անհրաժեշտ է քաղաքը շուտափոյթ թողնել և գաղթել դէպի Իգդիր, ռուսական սահմանից ներս անցնել: Ամեն տեսակի ուշացումը կարող է աղէտաբեր լինել»:

Շանթահարիչ էր այս յայտարարութիւնը: Ինքնապաշտպանութեան առաջին ժամերին և առաջին օրերում, թշնամու վայրագ և փոթորկալից ջնքակծումներն այնքան սարսափելի և աղէտալի ազդեցութիւն չը թողին, որքան այս մի քանի տողանի սահմանեցնող ու սարսափազրու ազդարարութիւնը:

– Վա՛խ, վա՛յ, էս ինչ սև օրի ընկանք:

– Էս ի՞նչ պատուհաս է: Ի՞նչ գուլում: Ի՞նչ նգոված ճակատագիր:

– Սև ըլնէր մեր ծնունդը: Երնէկ աշխարհ եկած չըլնէինք:

– Երկնքի պատուհաս: Իսկական դժոխք: Աստծու կրակ ու բոցը:

– Բա էս մեր անասուած աղաներն ու շէֆերը, այս անխիղճ պետերն ու գլխաւորները մեզի ինչի՞ էրկու օր առաջ խաբար չ'արան, որ մեր անտէր գլխի ճարն անէինք:

Եւ այսպէս ամէն տեղ շփոթ, իրարանցում, անէծք ու հայիոյանք: Ողբ ու լաց:

\*\*\*

Գաղթ, փախուստ... Խելացնոր և շփոթայոյց անապարանք... Խոնում, իրարանցում, կանչ, աղաղակ, նգովք ու անճար-անյոյս աղաչանք ու պաղատանք:

Պէտք է նահանջած, գաղթած լինել, կրնկակոյս հետապնդող անգգամ ու բարբարոս թշնամու սրածութեան սարսափն ապրած լինել իմանալու և հասկանալու համար, թէ ի՞նչ է այդ գաղթն ու սարսափահար փախուստը:

Ինչքան սքանչելի և նախամտածուած էր Վան-Այգեստանի, Շատախի, Փէսանդաշտի և ուրիշ շրջանների ինքնապաշտպանութիւնը, դժբախտա-

բար, այնքան շփոթ, հապճեպ և տագնապալից էր Վասպուրականի նահանջն ու գաղթը:

Փոթորկածե՞ծ ծովի գոռալից ալիքների մնան գաղթող բազմութիւնները փոթորկում, ալեկոծում, մոնչում և իրար էին խառնշտկում:

Համարեայ ոչ ոք չէր իմանում, չէր հասկանում թէ ի՞նչ է անում: Սարսափալից մի բնագոյ նրանց բնաւեր էր անում և նրանց իրենց հայրենական տնից ու օջախից կոնչում և վնդում էր դուրս՝ դէպի փողոցը, դէպի անյայտ և անյոյս ուղին, դէպի մշուշապատ և ահաբեկ օտարութեան ճամփան:

Նրանցից ոչ մէկը չէր կարող մտածել, որ հերոսական ապրիլից յետոյ՝ ռուսական և կամաւորական զինուորական ուժերի ժամանումից յետոյ՝ խանդավառ և լուսաշող ազատագրումից վերջ, կը հասնի մի օր, երբ ճիւղալային անտեսանելի բռունցքներ նրանց իրենց հարազատ ու սքանչելի հողիցն ու ջրից, իրենց ծառն ու ծաղկից, իրենց այնքան սիրելի քաղաքիցն ու հայրենի խօրօտիկ երկրից դուրս կը վռնդեն: Ի՞նչ սուգ ու կսկիծ, ի՞նչ մահացու վիշտ և ի՞նչ անպատմելի տառապանք:

\*\*\*

Քաղաքի պատերին փակցուած չարաղէտ ազդարարութիւնից հազիւ մէկ ժամ էր անցել, երբ ես դէմ առայ ալեկոծող սարսափահար բազմութիւնների: Ընդհանուր իրարանցումն ու տագնապը ինձ անել շփոթման մատնեց: Ինձ համար ամենասուկալին եղբօրս կնոջ հիւանդութեան մտատանջութիւնն էր: Նա ի վիճակի չէր ոտքով քայլելու, ու՞ր մնաց օրերով քայլելու և եթէ ստիպուած լինէինք, վազելու, փախչելու: Ի՞նչ կարող էի անել: Մենք ո՛չ ձի, ո՛չ էջ և ո՛չ էլ նոյնիսկ կով ունէինք նրան անասունի մէջքին նստեցնելու կամ կապելու համար:

Մտածեցի վազել Գրիգորի կամ Լևոնի մօտ և նրանց իմ դժարութիւնը բացատրելով՝ մի ձի խնդրել, բայց այս վերջին ժամին որտե՞ղ կարող էի նրանցից մէկն ու մէկին ճարել:

Բուրդարացոնց տունը շատ հեռու չէր: Վճռեցի նրանց մօտ գնալ և օգնութիւն խնդրել: Վստահ էի, որ հնարաւորութեան պարագայում նրանք ինձ չէին մերժելու: Գնացի համարեայ վազ տալով: Բայց ի՞նչ հիասթափութիւն: Դռան մուրճը թակեցի: Քանի, քանի անգամներ թակեցի: Անօգուտ: Առում ընկած խոշոր քարերից մէկը վերցրի: Նրանով նորից

պիւնը, շատ ուժգին թակեցի, քիչ էր մնում դուռը կոտրելի, բայց էլի անպատասխան: Կասկած չկար, որ տունը թափուր էր: Մեկնել էին:

Յուսահատ և անգործ կատաղութիւնը կոկորդոս խեղդում էր: Տարօրինակ անփութութեանս համար ինքս ինձ մեղադրում էի: Չէ՞ որ ես աւելի շուտ, քան 24 ժամ առաջ տեղեկութիւն ունէի այս դժբախտ փախուստի մասին: Ինչու՞ մերոնց չէի նախապատրաստել, ինչու՞ մերոնց հետ չէի խորհրդակցել մեր հիւանդի փրկութեան համար: Հիմի ի՞նչ երեսով նրանց մօտ գնալի և ի՞նչ ասելի նրանց: Չէ՞ որ մեր ընտանիքում ինձ ամէնից ճարպիկն էին հաշուում:

Ինքս էլ չէի կարող որոշել անելիքս: Դար չունէի: Դէպի մեր տունը վազել սկսեցի: Ամբողջ մարմինս քրտինքով ողողած էր:

Երբ մէր տունը հասայ, մերոնց խառնաշփոթ և տագնապահար վիճակում գտայ: Քրոջս աչքերը լացից ուռած և կարմրել էին: Ինձ տեսնելուն պէս ուրախութիւնից աղաղակել ու թռչկոտել սկսեց:

– Ախպէրս, ախպէրս եկաւ, – և վազ տալով, իր սովորութեան համաձայն, ինձ իրա նիհար բազուկներում գրկեց:

– Շատ եմ ափսոսում, որ չը կարողացայ մի ձի ճարել մեր Հայկանուշի և մեզ անհրաժէշտ ուտելիքի համար, – ջանացի ինձ չքմեղացնել, ձի ճարելու պատճառով ուշացայ:

– Ի՞նչ արած: Ես էլ շատ աշխատեցի մի ձի գտնել, բայց ինձ էլ չը յաջողեց, – ասաց եղբայրս:

– Դեռ մեր Աստծոյ շատ շնորհակալ լինենք, որ այս իշուկն էլ Մարօյի մայրը հիւանդին նւիրեց, – բակում կանգնած մի փոքր էշ ցուցնելով, ասաց հայրս: – Մեր անգին բարեկամ Մարօյի մայրը տեսնելով մեր այս անել զորութիւնը, մեզի ստիպեց վերցնել այս իշուկը:

– Լաւ, իսկ ինքը, Ռսկին ի՞նչ եղաւ, – հարցրի ես: – Երկի այդ կենդանուն Մարօն իր մօր փոխադրութեան համար էր նրան տւել:

– Ռսկին, այդ իսկական ոսկի կինը, հակառակ մեր պնդումին, հրաժարեց այդ կենդանուց:

– Վա՛յ, ցեխ գայ գլխիս, – ասաց նա, – թէ՞ որ ես ճամփին մնամ ու մեռնեմ, հէջ հոգս չէ: Ամա էս ջահէլ-ջիվան խարսին, թէ թողնէք, Աստծոյ խօշը չի գայ: Չէ՛, անոր էս անօրէն-անաստածներու ճանկը թողու մեծ, շատ մեծ մեղք է:

– Լաւ, ի՞նչ էք մտածում անել, – հարցրի ես, – առանց այն էլ մենք շատ ուշացել ենք: Քաղաքը համարեայ դատարկւել է:

– Տէ՛ր հայր, Արաքսի՛, Սիրա՛ք, և դու՛ Կարապէտ: Դուք բոլորդ էլ գնացէ՛ք: Իմ մասին հոգալն աւելորդ է: Ինձ այստեղ թողէք, որ մեռնեմ, – վշտաբեկ և անհունօրէն յուսահատ ձայնով ասաց Հայկանուշը: Յետոյ, կսկիծից իրեն խեղդող արցունքներն իր դալկացած այտերի վրայից մաքրելով՝ ավելացրեց.

– Միևնոյն է, ձեր բոլոր ցանկութիւնները զուր կ'անցնեն, ես ճանապարհին կը մեռնեմ: Ես գիտեմ,

հաստատ համոզւած եմ, որ այս իմ վիճակով ոչ մի տեղ չեմ հասնի:

Այս բառերը դժարութեամբ արտասանելով նորից դառնագին հեկեկալ սկսեց մեր դժբախտ հիւանդը:

– Հայկանուշ ջան, զուր ես այդպէս անհանգըստանում և լացում: Մենք առանց քեզի ոչ մի տեղ գնացող չենք: Եթէ նոյնիսկ այս իշուկը չը ճարուէր, մենք քեզի փոխնիփոխ շալակելով պիտի տանէինք: Դէ՛ սիրելիս, լացելու փոխարէն մեզ միանգամայն երախտապարտ կը թողնես, եթէ քեզ սիրտ տաս և մեր հոգեկան վիճակն էլ ամրապնդես, – ասացի, ջանալով յուսադրել և մխիթարել մեր Հայկանուշին:

– Դէ՛, շուտ արա, եղբայր Կարապետ, – ասաց քոյրս, – բերենք այդ էշին, մի երկու թէթս վերմակ դնենք և վրան Հայկանուշին հեծցնենք:

Հակառակ միանգամայն յուսահատւած և իր հոգեկան ամբողջութիւնը բոլորովին կորցրած մեր հիւանդի պնդումին՝ իրեն թողնելու և հեռանալու վերաբերեալ, մենք ըստ կարելոյն իշաբեռը յարմարեցրինք և Հայկանուշին վրան նստացրինք: Նրա հաւասարակշռութիւնը պահպանելու նպատակով ես ու եղբայրս, նրան իշուկի հետ միասին մէջտեղն առնելով, կողքից քայլել պատրաստեցինք:

Մեր միակ յոյսն ու ապաւէն հանդիսացող փոքրահասակ կենդանուն՝ իշուկին, ուժասպառ չ'անելու և ճանապարհին չը թողնելու վախից մենք, այսինքն մեր ընտանիքի բոլոր չորս անողջ անդամներս էլ, մեր ուսին և թևատակ, մեր ուժերի ներածին չափ, ուտելիք-պաշար և շատ թէթս ծածկոց-վերմակներ վերցրինք: Մեր մէջ համեմատաբար ամենաշատ ծանրաբեռնուածն էս եղայ, որովհետև մէջքիս մի բաւական ծանր պայուսակ էի վերցրել:

Մեզ բոլորիս մտատանջման գլխատր պատճառը մեր հիւանդի լուրջ դրութիւնն էր: Այդ վճռական պահին մեզնից ամէն մէկը, առանց համարձակելու իր մտածմունքն ու անհանգստութիւնը իր հարազատներից մէկին յայտնելու, վստահ և համոզւած էր, որ փոխադրական այդ խղճուկ և անբաւարար միջոցով մեր հիւանդը մինչև վերջ տոկալ չէր կարող և կը խամրէր դժոխային գողգոթայի ճանապարհին:

Օրը մօտենում էր իրիկնամուտին: Երբ մեր հինգ հոգինոց ընտանիքը մեր տնից դուրս էր գալիս, հայրս չը կարողացաւ իր սրտում լեռնացած վիշտը խեղդել: Նա սկսեց աղեկտուր լացել այնպէս, ինչպէս մի երեխայ լաց կը լինէր՝ ի տես իր մօր անշնչացած մարմնի գերեզմանին: Նա, իր գլխարկը հանելով և իր երկու ձեռները դէպի երկինք բարձրացնելով, մրմնջաց.

– Ով ամենակալ Աստուած, գթա՛ մեզ, խնայի՛ր և առաջնորդի՛ր մեզ...

– Եւ փրկեա մեզ ի չարէ..., – աւելացրեց եղբայրս:

– Մի բոպէ սպասէ՛ք: Ես մեր այգուց իմ այսօրայ հաւաքած կարմրաթուշ ծիրանները մոռացել եմ: Կացէք բերեմ: Գոնէ մի վերջին անգամ բերաններդ

քաղցրացրեք մեր այգու պտուղով,– ասաց քոյրս և ներս վազելով՝ անմիջապես վերադարձաւ, գեղեցկատեսիլ և իսկապէս կարմրաթուշ ծիրաններով լեցած պղնձէ թասը ձեռքին:

– Ամէն մէկդ մի քանի հատ կերէք: Դժար կը լինի բոլորը տանել: Կը ճխլեն, ափսոս է:

– Այո՛, սիրելի՛ Արաքսի,– պատասխանեցի ես,– այդ մի քանի ծիրանի համար ափսոսում ես, բայց մեր քարասիրտ և բարբարոս թշնամին մեզ չի մեղքեցնում, չի խնայում և մեզ կոտորելու, ջարդելու սպառնալիքով մեզ դուրս է քշում մեր տնից ու այգուց և վռնդում մեր հողիցն ու ջրիցը: Նա՛ այդ անարգ ու անխիղճ թշնամին, հալածում է մեզ և վտարում մեր պապերի ու նախահայրերի հողիցն ու հայրենիքից:

Ոսկեվառ արևը հորիզոնի յետևն էր փախչում, իսկ մենք՝ մեր սիրելի հայրենական տնից:

### ՎԵՐՋԻՆ ԱՅՅԵԼՈՒԹԻՒՆՍ ԲԱՐԵԿԱՄՆԵՐԻՑՍ ՍԷԿԻՆ

Երբ մեր սրտերը կիզիչ կարօտով այրող ափսոսանքով թողնիք մեր հարազատ տարիների հայրերի և նախահայրերի տունն ու օջախը և հասանք մեր փողոցի գլխին եղող Վանի Այգեստանի գլխատուր պողոտան, Սրղգայի լայն պողոտան համեմատաբար ամայացել էր: Երկու ժամ առաջ պողոտայի ամբողջ տարածութիւնը ծածկող գաղթողների շարքերը շատ մօտաբացել էին:

Ես գլխատուրապէս քրոջս ուղղելով խօսքերս՝ յայտնեցի մերոնց.

– Արաքսի՛, մի քանի րոպէ եղբօրդ հետ օգնի՛ր Հայկանուշին և զգո՛յշ եղի՛ր, որ նա էշիցը չընկնի, և դէպի նորատունկները յառաջացե՛ք, ես մի քիչ յետոյ ձեզ կը հասնեմ:

– Ու՛ր ես գնում: Ինչու՞ ես գնում: Ժամանակ գտար ուրիշ տեղ գնալու, մնան հարցերին պատասխանելու փոխարէն ես վազքի քայլերով նրանցից հեռացայ:

Դեռ գաղթի ճանապարհ չ'ընկած, ինձ մի ծանր մտասևեռում սկսել էր տանջել:

Անուշը իր հօրն ու մօրը հետ ի՞նչ են արել: Արդեօ՞ք գաղթի ճանապարհն ընկե՞լ են, թե՞ ոչ:

Գնում էի Անուշենց: Գնում էի արագ, շատ արագ և երբեմն էլ վազում էի: Չանցած 15 րոպէ, ես ինձ Անուշենց տան մօտը գտայ:

Ռուսական հիւպատոսարանի գլխատուր մուտքի կողքին էր նրանց տունը: Դուռը բախեցի: Մի րոպէ անց, ներսից մի ձայն պատասխանեց:

– Ո՞վ ես: Ի՞նչ կ'ուզես:

Ես ճանաչեցի ձայնը: Սահակ աղայի ձայնն էր:

– Բա՛ց արեք: Սահակ աղա, դուռը բացէ՛ք: Ես Սիրաքն եմ:

Դուռը բացուեց: Սահակ աղան զարմացած հարցրեց.

– Ինչպէ՞ս կըլլայ, որ տակաւին քաղաք կը մնաս: Ի՞նչ կուզես, տղա՛ս:

Ես շփոթել էի: Հարցս ձևակերպել չէի կարողանում: Վերջապէս հարցրի կիսկտուր.

– Ներողութիւն կը խնդրեմ: Կուզէի գաղթելուց առաջ, որևէ ձևով ձեզ օգտակար ըլլալ: Մի քիչ յետոյ ատելացրի.

– Իսկ դուք, Սահակ աղա, մի՞թէ գաղթելու մտադրութիւն չ'ունիք:

Սահակ աղան պատասխանելու փոխարէն գրպանից մի ճմռթած գունատոր թաշկինակ հանեց և աչքերին տանելով՝ արցունքի գլորուող կաթիլները մաքրեց:

– Անուշին և մօրը ճանապարհեցի: Անոնք բոլորովին միանակ են:

– Իսկ դուք, Սահակ աղա, ինչու՞ անոնց հետ չը մեկնեցիք:

– Ես, ես... բա որի՞ն թողնեմ սա կոնսուլաթը:

– Իսկ եթէ մնալու ըլլաք, ի՞նչ պիտի ընէք այդ կոնսուլաթի հետ:

– Ի՞նչ պիտի ընեմ... ես այդ քու տուած հարցը քեզնից առաջ կրնամ ըսել հարիւր անգամ ինձ տուած եմ...:

Մի քանի վայրկեան սպասելուց յետոյ, վճռական շեշտով ասաց.

– Ես որոշած ու վճռած եմ այստեղ մնալ և մահաւանս գնով պաշտպանել կոնսուլաթը:

– Ինչպէ՞ս, թէ պաշտպանել: Դուք մէն-միանակ ինչո՞վ և ինչպէ՞ս կրնաք պաշտպանել: Մի՞թէ մոռացաք, որ մի քանի ամիս առաջ այս կոնսուլաթի ռուսական դրօշակը ցած բերելուց ձեզ այնքան ծեծ-կըռտեցին, որ հագիւ մահից ազատեցիք: Այդ բարբարոսները հասնելուն պէս ձեզ կտոր-կտոր կընեն:

– Քու ըսածը ճիշտ է, տղա՛ս: Եթէ ինձ կարողանան գտնել, ինչպէս ըսիր, կտոր-կտոր կընեն: Բայց...

– Բայց, ի՞նչ բայց: Կ'ուզենաք ըսել կը թաքնվիք, լաւ, բայց մի՞նչ և ե՞րբ կը կարողանաք թաքնվի: Ենթադրենք, որ կարողացաք թաքնվի, բայց ձեզ հաց ու ջուր է պէտք: Թշնամին հասնելուց կամ անմիջապէս կայրի աս շէնքը, կամ զինուորական, կամ կառավարական հիմնարկութեան կը վերածի:

– Ես գիտեմ, համոզուած եմ, որ այդ անօրէնները, եթէ նոյնիսկ գալու ըլլան, երկար կենալ չ'պիտի կարողանան: Ռուսի համար սա նահանջը քաղաքական խաղ է: Ճիշտ և իսկական նահանջը անոնց համար անպատասխան պիտի ըլլար: Անոնք շուտով, շատ շուտով կը վերադառնան: Ես անոնց վերադարձը կը սպասեմ: Իսկ եթէ սա անօրէն տաճիկները մի՞նչ այդ ինձ գտնեն և սպանեն, հոգ չէ...: Ես տարիներէ ի վեր անոնց պահակն ու պահապանը եղած եմ: Քանի կը յիշեմ անոնց աղն ու հացը կերած եմ: Իմ կողմից մեծ ապերախտութիւն կըլլար թողնել անոնց կոնսուլաթն ու փախչիլ:

Տեսնելով, որ այս ինքնական զինուորին, այս կամատուր ախտեանին համոզելու իմ ամէն փորձն ու



ջանքը անօգուտ պիտի անցնի, մտածեցի մնաք բարով ասել և անմիջապէս մեկնել: Վերջի թոյլին նա իմ ձեռքը շատ ամուր սղմեց և մի հարազատ հօր նման ճակատս ու երեսս համբուրելով՝ ասաց.

– Գնաս բարով, Աստուած քեզ հետ ըլլայ: Միակ մի խնդիրք ունիմ և յոյս ունիմ, որ եթէ կարողանաս, չես մերժեր կատարելու: Անուշին և իր մօրը, եթէ ճանապարհին հանդիպես, օգնի՛ր անոնց: Թիֆլիս՝ եղբօրս մօտ պիտի երթան: Յոյս ունիմ, որ շուտով յետ կը գան:

### ՄԵՐՈՆՅ ՅԵՏԵՒԻՅ

Ճանապարհի ընկայ: Միրտս տարօրինակօրէն ճմլում էր: Ինչու՞ ես ժամանակին այսքան անճարակ եղայ, որ չկարողացայ այս տանջանքի ու խաչակրութեան դժոխային ճանապարհին ինձ հետ, իմ կողքին ունենալ Անուշին՝ այդ չքնաղ և համեստ աղջկան, որի շուրջ երկու տարիներից ի վեր դառնում էին իմ մաքրամաքուր անուրջներն ու մտային առիւթնող թափառումները:

Արդեօ՞ք նորից բախտ կունենայի նրան տեսնել:

Գնում էի արագ: Կոնակիս ծանր պայուսակը դեռ տաժանակից ճանապարհի մէկ հազարերորդը չը կտրած, արդէն սկսել էր նեղել: Առանց ոչնչի ոտքերս ծալում էին: Դրա պատճառը ճշտել չէի կարող, ինձ կլանող յուսահատութիւնն էր, թէ՞ իսկապէս վաղահաս յոգնածութիւնը:

Մինչ Նորատունկներն ու Սըղգա գիւղը հասնելու համար շատ ճանապարհ ունէի: Հաշւեցի ճանապարհի տարածքը: Դեռ կէսը չէի կտրած: Չափազանց յոգնած էի: Ջուր խմելու մեծ ցանկութիւն ունէի, բայց դեռ իմ գիտցած ջրի տեղից հեռու էի: Որոշեցի պայուսակս ցած դնել և նստել, մի քիչ հանգստանալ: Անցած ճանապարհիս մտմտութիւն կլանւած լինելու պատճառով առանձին ուշադրութիւն չէի դարձրել մերոնց գտնելու համար, բայց ենթադրում էի, որ նրանց չեմ հանդիպել: Մտածում էի՝ եթէ նոյնիսկ անցնելիս մտազբաղ եմ եղել և մերոնց չեմ նկատել, անկարելի էր, որ Արաքսին ինձ տեսած ու կանչած չը լինէր: Ինձ համար եզրակացութիւն հանեցի, որ նրանք արդէն կտրել ու անցել են իմ եկած ճանապարհը: Չկարողացայ որոշել, թէ ինչքան ժամանակ էի նստել և հանգստացել: Մեծ ցանկութիւն ունէի քնելու, բայց այդ մտքից սարսափած՝ ոտքի ելայ: Պայուսակս նորից մէջքիս կապելով՝ ճանապարհի ընկայ:

Ժամացոյցիս նայեցի, ժամի 9-նն էր: Բարեբախտաբար, լուսնի պայծառ, արծաթափայլ շողքը ճանապարհը լուսաւորել էր: Տարբեր պայմաններում, ինչպէս ամէն մարդ, ես էլ պիտի հիանայի յուլիսեան այդ առիւթնող, դիւրական լուսնկայի շողարձակումով: Բայց ես կատարելապէս անհաղորդ

էի դառնել Վասպուրականի այդ սքանչելի գիշերայ աննման գեղատեսիլից:

Ճանապարհը կտրում էի անգիտակից, ինքնաշխատ մերենայի նման: Ինձ այդ անգիտակից, կիսաքուն վիճակից սքափեցնողը միայն գաղթողների ցանցառ շարքերի ձայնարկում-կանչերն էին: Նրանք երբեմն խնդրանքով, երբեմն ջղային կանչերով և երբեմն էլ հայիոյանքներով քշում, արագացնում էին իրենց բեռնատար կենդանիներին կամ իրենց հարազատներից ու ընտանիքի անդամներից յետ մնացողներին հրաւիրում էին արագացնել իրենց քայլերը:

Ինձ ծանօթ աղբիւրակին հասայ: Նրա զոզողուն, սառնորակ ջուրը թեց բացառիկ, երջանկաբեր բարիք լինել: Բոլոր այգեստանցի հայերս, այդպիսի սառնորակ և զուլալ ջրի աղբիւրներով առատօրէն շրջապատւած և պարզատրւած լինելով, այդ Աստուածային պարզկի պակասը երբէք զգացած չէինք և դրա համար էլ երբէք չէինք անդրադարձել նրա անգին լինելու իրողութեանը:

Ջրից մի քանի ընդհատումով խմելուց յետոյ ձեռներս, դէմքս ու յոգնաբեկ ոտներս կարգին լացի: Պայուսակիցս հանեցի ջրի դոմդօման և լեցնելով նորից ճանապարհի ընկայ: Ինձ մի քիչ աւելի կազդուրւած զգացի և ուրախացայ, որ յոգնածութիւնից չեմ ընկրկելու: Այժմ իմ միակ ցանկութիւնը մերոնց հասնելն ու Անուշին գտնելն էր:

\*\*\*

Կես գիշեր անց էր, երբ ես, Նորատունկներն անցնելով, Սըղգա գիւղը հասայ: Փախչողների առաջին հանգրւանն էր եղել այս գիւղը: Նրանք այս գիւղում թափոտել էին իրենց վերցրած անհրաժեշտ բեռների մի մասը: Նրանք արդէն յոգնաբեկ, յուսահատ ու սրտամռնուտ ստիպւած էին եղել թափելով թեթևացնել իրենց բեռները: Ամէն կողմ թափւած այս բրդեայ վերմակների, խալիչաների և պղնձեայ ամանների տէրերը ժամանակին նրանց ձեռք բերելու համար ամիսներ, գուցէ և տարիներ ջանացել և երազել էին, իսկ ներկայիս ստիպւել էին ձրիօրէն թափել և հեռանալ:

Բազմահազար գաղթողներից շատ քչերն էին դեռ գիւղում մնացել: Նրանցից մի մասը տագնապահար սպասում էին իրենց ուշացած և յետ մնացած հարազատներին, իսկ միւս մասն իրենց ընտանիքում եղած հիւանդներին կամ շատ ծերերին մի քիչ աւելի հանգստութիւն տալու համար ստիպւել էին քարաւանից յետ ընկնել:

Մերոնց փնտրելիս հանդիպեցի մեր փողոցում՝ մեզնից ոչ հեռու բնակւած Խաչիկենց Գեորգի ընտանիքին: Նրանց հարսը՝ հազիւ 7-8 ամիս առաջ ամուսնացած, արգանդում կեանք առած երեխայով ծանրաբեռնւած, ոտքով կտրած ճանապարհի յոգնածութեանը չը տոկալով, տաժանելի ցաւերի էր

ենթարկել: Երիտասարդ դժբախտ կինը գալարում, տանջում, կծկում էր վաղահաս երկունքի պատճառած ցուրտը: Անուսինը, նրա փոքր եղբայրն և նրանց հայրն ու մայրը գժռուել և չէին իմանում ի՞նչ անել: Ժամերով այս ու այն կողմն էին վազվզել և ոչ մի օգնություն չէին կարողացել հասցնել իրենց հարսին, որը, ցուրտ տակալիօրէն ուժասպառ եղած, մաքառում էր մահուան ճանկերում գալարող անտանելի ու անդարձան իր ցուրտ դէմ:

Նրա՝ տանջալից և կարեկցութեան արժանի դրուսիներ տեսնելով՝ չէի համարձակում նրանցից մեր ընտանիքի մասին տեղեկություն հարցնել, երբ փոքր Աշոտը ինձ յայտնեց.

– Պարո՛ն Սիրաք, երբ ես այս ու այն կողմ էի վազվզում մի բժիշկ կամ տատմէր գտնելու համար, ձերոնց տեսայ: Նրանք չափազանց անհանգիստ էին և ձեզ էին փնտրում: Նրանց իջևանած տեղը գիտի մուտքին՝ աղբիւրակի մօտերքն էր:

– Աշո՛տ ջան, իսկ մեր հիւանդ Հայկանուշն ի՞նչ վիճակի էր: Կարողացա՞ր իմանալ, թե՞ ոչ:

– Կարգին տեղեակ չեմ: Չեր քոյրը նրա վիճակից գանգատում էր:

Ներողութիւն և նրանց հիւանդի շուտափոյթ փրկութիւնը հայցելով՝ հեռացայ: Վազեցի Աշոտի ցուցմունքի համաձայն՝ մերոնց գտնելու:

Իմ բոլոր փնտրտուքները, դժբախտաբար, ապարդիւն անցան: Մերոնք չկային ու չկային: Երբ կատարելապէս համոզեցի, որ մերոնք գիտում չեն մնացել, ճանապարհ ընկայ:

Վասպուրականի քարտէզին բաւական լաւ ծանօթ էի, բայց անհանջի գիծն ընտրողների ծրագրից անտեղեակ: Ինձ մնում էր յառաջանալ այն ճանապարհով, որով մեկնել էր գաղթականութեան քարաւանը: Ինձ մօտ հաշիւցի, որ գաղթականների վերջանասն ամենաշատ մէկ ժամ առաջ մեկնած պէտք է լինի, հետևաբար մինչև նրանց հասնելը՝ արագացրած քայլերով երկու ժամուայ ճանապարհ եմ կտրելու: Գուցէ գաղթականութեան շարքում բախտ ունենամ մերոնց գտնելու:

Այս հաշիւով և յոյսով ոգևորւած՝ սկսեցի քայլերս արագացնել: Թէև իմ պայուսակում քաղաքից մեկնելիս ուտելիք չունէի, բայց Սրղգա գիւղի տներից մեկում գտել էի գաղթականների թխած մի քանի կտոր կլոր հացերից: Նրանցից երկուսը մեծ ախորժակով կերել, իսկ մնացած չորսը հետս էի վերցրել:

## ԸՆՏԱՆԻՔԻՍ ՀԵՏ

Չեմ կարող ճշտել, թէ ինչքան ժամանակ էի քայլում: Չափազանց յոգնած էի: Սրունքներումս և մանուաւանդ ոտներումս ուժեղ ցուրտ էի զգում, բայց մի ցանկութիւն, մի ձգտում տարերթունք ինձ առաջ էր քշում: 16 ժամից աւելի ես ոտքի վրայ էի: Մի քիչ

հանգստանալու և մանուաւանդ քնելու սուր պահանջ էի զգում: Վախենում էի հանգստանալու համար մի քիչ նստել: Վստահ էի՝ նստելուն պէս քունն ինձ կը յաղթահարի, իսկ քնելու և յետ ընկնելու միտքն ինձ սարսափեցնում էր:

Լուսաբացը մօտենում էր: Կապտաւուն և անամպ երկնքում ուրիշ աստղերի շարքում յաղթականօրէն փայլել սկսեց արուսեակը:

Այգելոյսի հոգեպարար գովը փչել սկսեց: Վճռեցի գոնէ մի քանի բուրբ նստել և լիաթոք շնչել արշալոյսի այդ կենսաբեր զեփիւռը: Որպէսզի քնելու փորձանքին չենթարկեմ, սկսեցի իրար ետևից երգել ռազմաշունչ և խրախուսիչ մի քանի երգերի առաջին քառեակները:

Արևելքում հորիզոնի վրայ ծագող արևի առաջին ոսկեհուռ ճառագայթները փայլատակել սկսեցին: Նրանց կենսատու փայլփլումներն առատօրէն ցրեցին անծայրածիր հորիզոնի վրայ: Նրանք կարծես գալիս էին յուսակտուր, կիսակենդան, ահից ու սարսափից կուչ եկած և ճմլած սրտերին նոր արիւն և փրկարար աւիւն սրսկելու:

Չմայլած և հմայած այդ կենսափինդ ճառագայթներով՝ անբացատրելի աւիւն ու թարմութիւն զգացի հոգուս ծայքերում: Վեր կացայ և վճռեցի քայլել, ճամփաս շարունակել, մինչև մերոնց հասնելը: Ես ինձ յուսադրում էի՝ մերոնց հասնելուց և միամտելուց յետոյ՝ կը կարողանամ գոնէ մի քանի ժամ հանգիստ սրտով քնել և սպառած ուժերս վերակազդուրել:

Առաւօտեան ժամի 6 և կեսին հասել էի Ճանիկ հայկական գիւղը: Փախչող գաղթականութեան խումներամ բազմութիւնները կէսգիշերին այստեղ էին հասել: Այգեստանի Սրղգա պողոտայի ընդհանուր խառնաշփոթութեան և իրարանցումի պատկերը համարեայ նույնութեամբ կրկնում էր այստեղ: Թշնամու հետապնդման վախն ու սարսափը բոլորի սրտերը դող էր գցել: Նոյն աղմուկն ու աղաղակը, միևնույն նգովքն ու հայիոյանքը և նոյն համատարած անհամբերութիւն, աճապարանքն ու ջղային վիճակը:

– Կարօ, շուտ արա՛ ջահընմամ ըլնենք, կորենք էս տեղէն: Ամէնքը գնացին, հեռացան, իսկ մենք հալա էս անիծած գիւղն ենք մնացած:

– Ալմա՛ստ, քէլի՛, առա՛ջ ընկի: Ծծկերդ վերցրո՛ւ, մնացածը թող մնա, գէօռ ու ջահընմամ էլնի:

– Բեա՛ մարդ Աստծու, ապա էսա ուտելու բաներ որ չտանենք, կէսօրին ի՞նչ պիտի ուտենք: Մի քիչ համբերի, ինքդ օգնի, ժողվի՛, վերցրո՛ւ, որ էրթանք:

– Վայն իկե գլխիս, բա էս շան լակոտ Արշակն ի՞նչ էլաւ, որտե՞ղ ջահընմամ էլաւ: Ինչպէ՞ս ինոր թողնենք էրթանք:

– Ա՛յ հէր, չապուք քէլի: Էսա կասեն քրդերը կը խասնեն, մեզ կը պրտեն:

Ինքս էլ, շփոթւած ու գլուխս կորցրած այս ընդհանուր թոհուրոհի մէջ, չէի կարող որոշել անելիքս:

Ո՞ր կողմ գնամ, ու՞մ հարցնեմ, ինչպե՞ս գտնեմ մե-  
րոնց այս ալեկոծող մարդկային բազմահազար  
խաժամուժի մէջ:

Ամէն մէկն իր դարդն ու ցան ունի: Իւրաքանչիւր  
մէկը տարած է իր սեփական ճար ու ճարանքով:  
Ամէնքն էլ կլանւած են մէկ մղձաւանջով՝ վայրկեան  
առաջ փախչել, հեռանալ, որպէսզի աւազակ, արի-  
մարբու թշնամին չը հասնի և նրանց չը կոտորի, չը  
ջարդի:

Անճար ու անյոյս ճեղքում էի ծովածուփ բազմու-  
թեան շարքերն ու անվերջ բղաւում, կանչում էի.

– Արաքսի՛, Կարապետ, տե՛ր հայր, Հայկա-  
նու՛շ, ու՞ր էք, որտե՞ղ էք:

Քայց իմ բոլոր կանչն ու բղաւոցները բազմու-  
թեան համատարած աղմուկի և գոռոռոցների մէջ  
խեղդուում, կլանւում էին և իմ գտնւած տեղից հինգ  
քայլ այն կողմ չէին լսում:

Համոզւելով, որ այս անհամար բազմութեան փո-  
թորկտող գոռոց-գոչոցների մէջ իմ բոլոր կանչերն  
պիտի խեղդուեն ու անօգուտ անցնեն, վճռեցի, ինչ-  
քան հնարատր է, շուտ ինձ հասցնել գիւղի միւս  
ծայրամասը: Իրաւացիօրէն մտածում էի, որ գիւղից  
դուրս տանող ճանապարհի սկզբում, դուրս հոսող  
գաղթականների շարքերում անպայման կը գտնեմ  
մերոնց:

Մտածածս գիտի համար հրճեցի և վազ տւի՝  
նպատակադրւածս տեղում կանգնելով սպասել և  
գտնել մեր ընտանիքին կամ առնուազն մերոնց ճա-  
նաչող ծանօթ-բարեկեաններին:

Մէկ ամբողջ ժամ կանգնեցի և սպասեցի:  
Սպասման այս տազնապն ու լարածութիւնը նկա-  
րագրել անհնարին է: Միրտս դողի ալեկոծման մէջ  
էր: Մերոնց ճարել չը կարողանալու վախն իմ ամ-  
բողջ էութիւնը կլանել էր:

Սկսել էի յուսահատել: Ինձ մեղադրում էի եսա-  
սիրական ձգտումիս համար: Եթէ վերջի ժամին  
Անուշին փնտրելու գնացած չը լինէի, մերոնցից չէր  
բաժանուի և նրանց չէի կորցնի: Ամենից շատ ինձ  
մտատանջում էր եղբօրս կնոջ հիւանդագին և ան-  
յոյս վիճակը:

Չը գիտեմ՝ ինչու՞, համոզւած էի, առանց իմ օգ-  
նութեան նա արդէն մեռած կը լինի: Մինչ այդպէս  
ինձ մեղադրում էի, յանկարծ ճանապարհի վրայ  
յորդող բազմութեան մէջ ճանաչեցի հօրս, որ իր քա-  
հանայական ֆարաջան ուսին գցած, քրոջս ու եղ-  
բօրս կողքին քայլում էր:

Մերոնց անուններն իրար յետևից կանչելով՝ վա-  
զեցի և նրանց հասնելով՝ ջերմ-ջերմ համբուրեցի  
նրանց փոշեկոլով երեսներն ու ճակատները: Մեծ  
զարմանքով ու հաճոյքով տեսայ մեր Հայկանուշին՝  
փոքրիկ մի սայլակի վրայ կարգին յարմարեցած  
անկողնի վրայ պառկած վիճակում: Սայլակն աշ-  
խուժօրէն քարշ էր տալիս Մարօի մօր՝ մեզ նիւրած  
իշուկը: Այս անսպասելի նորութիւնն ինձ շատ ուրա-  
խացրեց, որ ես հրճանքից աղաղակեցի.

– Այս ի՞նչ հրաշալի գիտ էք արել: Ինչքա՛ն ու-  
րախ եմ այս սայլակի գիտի համար:

Ապա Հայկանուշին մօտենալով՝ հարցրի.

– Միրելի՛ Հայկանուշ, ինչպե՞ս ես գտնւեցի:  
Սայլակի վրայ այսպէս պառկած վիճակում պէտք է  
որ աւելի հանգիստ լինես, այդպէս չէ՞:

– Շնորհակալ եմ, Միրա՛ք եղբայր, բայց այնքան  
էլ լաւ չեմ: Գլուխս սաստիկ ցաւից տրաքում է:  
Միրտս միշտ խառնում է: Աղիքներս շարունակ գա-  
լարում և կտոր-կտոր լինել են ուզում: Մէկ խօսքով  
ինձ իզուր ստիպեցիք ձեզ հետ գալ: Միևնոյն է, ես  
ողջ և կենդանի տեղը հասնող չեմ:

– Այդ ինչեր ես ասում, Հայկանու՛շ, իզուր այդ-  
պէս յուսահատ ես: Սկիզբն ու ամենադժարն ար-  
դէն անցել է: Մեզ մնում է ամենաշատը երեք օրայ  
ճանապարհ: Սահմանն անցնելուց յետոյ մի լաւ  
բժիշկ կը ճարենք և քեզ բոլորովին կը լաւացնենք:  
Քաջ եղի՛ր: Առողջանալու համար ամենաառաջին  
պայմանը յոյսն է, ինքնամերշնչումն ու ինքնայու-  
սադրումը: Դու պիտի ջանաս քեզ համոզել, որ կա-  
ռողջանաս, լաւ կը լինես: Մի՛ տխրիր, մի՛ վշտանայ:  
Անպատճառ կառողջանաս և նորից մեր նախկին  
կտրիճ Հայկանուշը կը լինես:

– Ո՛չ, եղբա՛յր, ես լաւ լինող պտուղ չեմ...

Հայկանուշը դեռ ուզում էր շարունակել և նորից  
մի բան ասել, բայց դժարանում, նեղում էր:

Ես նկատեցի, որ նա այս փախուստի անիծեալ  
ճանապարհին մէկ օրում բոլորովին կենսաքամ էր  
եղել: Առանց այն էլ ամիսների հիւանդութեան հե-  
տևանքով նա բոլորովին նիւարել, ուժաքափ էր:  
Նա, իսկապէս, ի վիճակի չէր այս վազվազ փա-  
խուստի ճանապարհի տանջանքներին, ցնցումնե-  
րին, սարսափելի աղմուկ-ժխորին և օդում առատօ-  
րէն տարածւած թանձր փոշուն դիմանալ: Բարուք  
համարեցի նրան այլևս չը խօսեցնել և թողնել իր  
դժբախտ ճակատագրին:

Մերոնք զանգատեցին իմ ուշացման և նրանց  
պատճառած անհանգստութեան համար: Ես ամա-  
չեցի ուշացմանս իսկ պատճառը յայտնելուց և բա-  
ւականացայ միայն ասելով, որ յետոյ կը բացատ-  
րեմ ուշացմանս պատճառը:

– Իմ ուշացումը բոլորովին անտեղի չէր, բայց ես  
երբէք չէի կարող մտածել, որ դուք մեր հիւանդի ըն-  
կերակցութեամբ այսքան արագ ու յաջող կերպով  
կարող էք կտրել մեր անցած այս տանջալից  
ճանապարհը:

– Բոլորովին ճիշտ ես մտածում,– ասաց եղ-  
բայրս,– մինչև Նորատունկները հասնելը՝ Արաք-  
սին ու ես Հայկանուշին էլի վրայ պահելու համար  
մեծ նեղութիւն կրեցինք: Նորատունկներում մեր թէ  
Հայկանուշի բախտից, բարդի ծառերի արանքում  
այս սայլակը տեսանք: Չեմ կարող ասել, նախ-  
օրօք, թէ՛ նահանջողների կողմից լքւած էր այդ մեզ  
համար երջանկաբեր սայլակը: Շատ հեշտու-  
թեամբ կապեցինք մեր իշուկին և նրա վրայ վեր-

մակ ու բարձր դնելով՝ Հայկանուշին վրան պառկեցրինք:

– Բայց, եղբայր Կարապետ, այս սոսկալի դժբախտութեան մէջ, մենք բախտ ունեցանք: Եթէ Մարտի բարեսիրտ մայրը մեր հիւանդին չը նկրէր այս իշուկին, նախ Հայկանուշը, ապա և մենք կորած կը լինէինք:

### ՄԻՆՉՅԵՒ ԲԵՐԿՐԻ-ՂԱԼԷՆ

Վասպուրականի բազմահազար գաղթողներին հրահանգած էր, ինչքան կարելի է, շուտ իրենց Բերկրի-Ղալէն հասցնել, որովհետև քրդական յարձակումների հաւանականութիւնը նախատեսուել էր:

Այդ չարաբաստիկ աղետալի լուրը կայծակի արագութեամբ տարածուել էր գաղթողների շարքերում և մրրկալից փոթորկի գոռոց շաչիւնի նման բերնից բերան էր թռչում:

Գաղթողները խուճապահար էին եղել: Պէտք էր գերմարդկային ճիգեր ի գործ դնել և ժամ առաջ փախչել ու ազատուել վերահաս շարիքից:

– Դժոխք էրթայինք, աւելի շուտ կը խասնէինք, էս ինչ գուլում է:

– Գրողը տանի էդ անիրաւ աազակներին: Ես խօս մեռայ, վերջացայ: Ի՞նչ ընեն: Տիգրանիկս մէկուկէս տարեկանի: Ծանրացերի: Խոզիս բերանս խասաւ, թէ որ ուժ ունես, մէ քիչ էլ դու շլկիր տղիդ, որ կրնանք աւելի արագ էրթալ:

– Բա էս էրկուսին ինչ կանես հազիւ խոնց պոչիցս քաշ կուտամ:

– Տղա՛, Կիրակոս, վզէտ պաց արա դէն թալ էտա անտէր եօրդանը: Քեզ թէրցու, ոտ վէրցի: Չե՞ս տխմա, որ հըմէն պաց արին ու թալեցին ինոնց էլած-չէլածը: Պիտի վազել, շուտ էրթալ: Պիտի փախնել, թէ չէ հիչ ու փուչ, էշ-նահատակ պիտի էլ-նենք:

– Էլ ուժ չունենմ, բալէքս, տուք կնացէք, վազէք, փախէք: Տուք ինձ համար իգուր տեղ անօրէնների սրին ու թրին տէմ չ՛առնէք: Ես իմ պաժին ապրիրենմ: Իտրից ալիլին իմ պաժին չի: Վազէք, փախէք, էլ խորից ալիլի ձեր տատի խամար մի՛ ուշացէք: Գնացէք, հեռացէք, ձեր բօյին մատաղ:

Այսպէս շփոթ ու անհանգիստ խօսակցում և սարսափահար էին եղած բոլոր գաղթականները: Նրանք ձգտում էին վազել, փախուստ տալ, բայց այդ միանգամայն անհնարին, անկարելի էր դառնում նրանց համար:

Գաղթողների 90 տոկոսը, գուցէ և աւելին, ստիպւած էր ոտքով քայլել կամ, աւելի ճիշտ, փախչել: Նրանք փոխադրական արագընթաց միջոցներից, այդ ժամանակւայ կառքերից, ֆուրգօններից և ձիերից զրկւած էին: Նրանցից մի մասին յաջողել էր իրենց անհրաժեշտ ուտելիք, անկողին, ամանեղէն, կարպետ ու խալիչէն բարձել ընտանի անա-

տուններին, եզներին, կովերին, էշերին, ջորիներին և նոյնիսկ այծերին:

Ճանիկ-Բերկրի-Ղալէի միջև ընկած ճանապարհի տարածութիւնը տուեալ պայմաններում չափազանց շատ շատ էր: Այս տարածութիւնը 30 ֆարսաղ, 180 կիլոմետր էին հաշւում:

Գաղթողների կէսից շատը Քաղաքամիջից և Այգեստանից էին: Նրանցից շատերը, ինչպէս մենք, գաղթի ճանապարհն ընկնելուց յետոյ 2-3 ժամ քնելու, հանգստանալու հնարատրութիւն չէին ունեցել և հիմա իրենց առաջն ունէին մի անվերջանալի և տառապալից ճանապարհ:

Նրանց ասած, տեղեկացւած էր, ըստ կարելոյն փութացնել իրենց գաղթը: Վախն ու սարսափը, թշնամու կրնկակոխ հետապնդումն ու քիւրդերի յարձակման վտանգն այդ «ըստ կարելոյն» մէջտեղից տարել, անհետացրել էր, և նրանք աճապարում էին և փորձում փախչել խուճապահար:

Յոգնատանջ գաղթականութեան՝ համեմատաբար դիմացկուն և արագաքայլ մասը գաղթի երկրորդ օրւայ երեկոյեան յաջողել էր հասնել Խառակոնիս գիւղը: Ենթադրում էի, որ այդ փախչող բազմութեան մէջտեղումը մենք ընկած կը լինենք, այն էլ շնորհիւ մեր տարօրինակօրէն ժրաջան իշուկի, իր յոգնածութեան բողոքը յայտնաբերում էր իր երբեմնի զիլ և քանիցս կրկնող առ-առնետով ու գոռոցներով:

Բայց այդ փոքրիկ կենդանին էլ կարծես բնագրաբար զգում էր մարդկային զանգաճների գլխին դամոկլեան սրի նման կախւած վտանգը և իր պարտականութեան մէջ թերանալ չէր ցանկանում: Նա ժրաջանօրէն շարունակում էր քաշել իրեն լծած սայլակն իր թանկագին բեռան հետ միասին:

### ՄԵՐ ԱՆՎԵՐԱԳԱՐՉ ԿՈՐՈՒՄՏԸ

Չնայած մեր համեմատաբար արագընթացութեանը՝ մենք դեռ բաւականին հեռու էինք Խառակոնիս կոչւած գիւղից: Գաղթողների քարաւանի անվերջանալի շարքերը յորդում էին քարքարոտ և խորդուբորդ ճանապարհի վրայ: Խեղդող թանձր փոշին օդն էր բարձրանում մեր գլխին և մարմնի վրայ թափելու համար: Չնայած իրիկնաղէմի հովին՝ փոշեխառն օդը դժարաշնչելի էր դառնում:

Քոյրս, որ մի քանի վայրկեան առաջ սայլակի վրայ էր բարձրացել Հայկանուշին ջուր խմեցնելու համար, յանկարծ այլայլւած և կերկերուն ձայնով կանչեց.

– Միրա՛ք, Կարապետ, շուտ արեք, իշուկի առաջը պահէք, Հայկանուշը մեռնում է:

Կարապետը և ես վազ տւինք և, կենդանու առաջը կտրելով, նրան կանգնեցրինք:

Երբօրս ու հօրս յայտնեցի, որ մենք ստիպւած ենք սայլակը ճանապարհից հանել և Հայկանուշին ցած բերելով՝ մեր անելիքը որոշել: Այդպէս էլ արինք:

Գժբախտ Հայկանուշին իր վերմակի ու բարձի հետ մի համեմատաբար հարթ գետնի վրայ պառկեցրինք: Նա իր հոգեվարքի վերջին ճգնաժամն էր ապրում:

Մենք ջանացինք նրան գոնե մի վերջին անգամ խօսեցնել: Արաքսին վազեց կժից ջուր բերելու: Ես թաշկինակս թրջեցի ջրով և մեռնողի ճակատին, երեսին, և շուրթերին քսեցի: Բոլորս միանգամից արտասուել սկսեցինք: Լացում էինք աղեկատուր և աղիողորմ, աղաչագին կանչում էինք.

– Հայկանուշ, սիրելի՛ Հայկանուշ, անուշիկ Հայկանուշ, խօսի՛ր, խօսի՛ր, մեզնից այսպես խռոված ու վշտացած մի՛ հեռանայ, մի՞թե մեզ չը մեղքեցար, որ այդպես անխօս ու անմըրմունջ մեզնից բաժանեցիր:

Այս մեր լաց ու կոծին, թախանձանք-աղաչանքին կարծես մեղքենալով և վերջին անգամ մնաս բարով ասելու համար Հայկանուշը լայն բաց արեց իր խոշոր, սևաթուր աչքերը և մի երկու վայրկեան իր շուրջը հաւաքածներիս նայելուց յետոյ նորից փակեց: Այս անգամ փակեց իր աչքերը յախտեմական խոր քունը մտնելու համար:

Մենք մեր հարազատ, ազնիւ և անմահ Հայկանուշի համար լացում ու ողբում էինք: Յանկարծա-հաս կսկիծը մեզ անգիտակից և անորոշ վիճակի էր մատնել: Մենք սթափուեցինք միայն այն ժամանակ, երբ մեր ականջին հասան հրացանի իրար յաջորդող կրակոցները:

– Կարապետ, Արաքսի՛, մեր այստեղ ուշանալը բոլորովին աննպատակ է: Վեր՛ կացեք, այս մեր դժբախտ Հայկանուշին նորից սայլի վրայ տեղադրենք և, ինչքան կարելի է, շուտ Խառակոնիս հասնենք: Այնտեղ մի յարմար տեղ կը գտնենք և նրան հողին կը յանձնենք:

Մերոնցից և ոչ մէկն իմ առաջարկին առարկութիւն չ'արաւ:

Երբ մենք նորից ճանապարհ ընկանք, և իշուկը նորից սկսեց քաշել այս անգամ իր անշունչ բեռը, Արաքսուն խնդրեցի նստել սայլակի վրայ՝ իր մեռած հարազատի կողքին:

– Արաքսի՛, դու չափազանց ուժասպառ ես եղել: Քեզ համար ուրքով ճանապարհի շարունակելն անհնար է: Նստի՛ր սայլակին և վերջին անգամը լինելով՝ ուղեցիր քո շատ սիրելի և անուշիկ հարսին: Արաքսին չէր համաձայնում նախ այն պատճառով, որ էշի բեռը կը ծանրանար և ապա ցանկանում էր, որ իրենից աւելի ուժասպառ եղած հայրը նստի:

Վերջ ի վերջոյ ինձ յաջողեց նրան մի կերպ համոզել և տեղադրել սայլակի վրայ յանգուցեալի կողքին: Այսպիսով, ես ինձ մօտ ենթադրում էի ամոքել ինձնից գուցէ խռոված մեռնողի բարի հոգին և միւս կողմից Արաքսուն ազատել սաստիկ յոգնածութիւնից յառաջացող հաւանական հիւանդութեան վտանգից:

Երբ մենք նորից ճանապարհը շարունակեցինք, գաղթականների շարքերը բոլորովին նօսրացել էին:

Ճանապարհի վրայ դժարութեամբ շարժում էին մեզ նման ուշացողները: Գուցէ նրանք էլ մեզ նման հարազատների կորուստներ էին ունեցել և զբաղւած էին եղել իրենց այդ հարազատներից յախտեմական բաժանման տխուր պարտականութիւնը կատարելով:

## ՔՐԴԵՐԻ ՅԱՐՉԱԿՍԱՆ ԱՀԱԲԵԿՈՒՄԸ

Կեսգիշերից անց, երբ մենք յոգնած, ջարդած, վշտաբեկ Խառակոնիս գիւղը հասանք, նորից մեզ գտանք գաղթողների անհամար բազմութեան մէջ:

Մեր հարազատի կորուստի վիշտը, մեր անչափ յոգնածութիւնը մեզ մի տեսակ անտարբեր և անփոյթ էր դարձրել քրդերի յարձակման սարսափի հանդէպ:

Նախքան գիւղ հասնելը ամբողջ 2-3 ժամայ ընթացքում մեր ականջները համարեայ խլացել էին հրացանածգութեան համազարկերի գոռոց-սուլոցներից: Մենք անճարօրէն հաշտուել էինք վայրագ ու բարբարոս քրդերի գնդակներին զոհ գնալու վտանգի հաւանականութեան մտքի հետ: Կարող էր պատահել նոյնիսկ, որ մենք պաշտպանութեան շրջագծից դուրս մնացած լինէինք: Բայց ի՞նչ կարող էինք անել: Մեղքը մերն էր, որ ուշացել էինք:

Խառակոնիսում տիրող տագնապն ու շփոթը մեզ էլ ուրիշների նման շշմեցրեց: Ամէն մէկը, նոյնիսկ միևնոյն ընտանիքի անդամներն ու հարազատները, կոտորածի սարսափից ահաբեկւած, ամէն ինչ մոռացած, փոխադարձ օգնութեան պարտականութիւնը մտահան արած, իրարուց անջատուած և կորուսած փախչում էին ու հեռանում:

Մարդկային կեանքում ամենաստսկային և ամենադաժանն այն ժամանակն է իր հրէշատեսիլ, դժոխային կերպարանքը ցոյց տալիս, երբ մարդկային գիտակցութիւնն ու դատողութիւնը դադարում է գործելուց և իր տեղը թողնում է կենդանական բնագոյին՝ անխուսափելի վտանգի թուպէին միմիայն փախչելու և ազատելու անգուսպ բնագոյական ձգտումին:

Գժբախտաբար, Վասպուրականի հայ բազմութիւնների առաջին փախուստը Խառակոնիս-Բերկրի-Ղալէի ճանապարհին, գաղթի անդէկ ու անկազմակերպ լինելու պատճառով լիովին երևան հասնեց այս չարաբաստիկ իրողութիւնը:

## ԹԱՂՈՒՄԸ

Ես ինձ իրաւունք չեմ տալիս մտածելու, որ մեր չորս հոգու վերածուած ընտանիքը կարող էր և ընդունակ էր չ'ենթարկւելու այդ պարսաւելի ինքնափրկութեանը, միայն իր անձի ազատման կենդանական բնագոյի փորձութեանը: Սակայն մեզնից

ամեն մէկն ամաչում էր իր համար շատ սիրելի և յարգելի Հայկանուշի դին թողնել, զգել այդ ամբոխային կերպարանք առած, եսական ու ինքնատէր դարձած բազմութեան ոտքերի տակ, որպէսզի կոխկոտէր ու տրորէր և մեր մնացորդ կեանքի համար անէծքի ու վրէժի հոգեսպան արձագանք դառնար:

– Գնանք, երեխէք, մի քիչ հեռանանք այս խաժամուժէն, այս անտանելի աղմուկ-աղաղակէն և եթէ չը յաջողենք զերեզմանատունը գտնել, զոնէ մի յարմար տեղ հողին յանձնենք էս մեր բէմուրազը, աչքերից յորդող արցունքը սրբելով՝ դողդոջ ու խեղդող ձայնով ասաց հայրս:

Ես անմռունչ կատարեցի հօրս կամքը: Էշի գլխին հազցած չանից բռնելով, նրան մեծ ներութեամբ, դուրս բերի լեռանման կուտակած բազմութիւնից: Բռնեցինք գիւղին բոլորովին մօտիկ եղող բլրակի ճամփան: Դիպածաբար գիւղի գերեզմանավայրն էլ այդ բլրակի կողքին էր:

Բլրակի մօտ մեզ յաջողեց ճարել վաղուց քանդուած փոսանման մի տեղ: Ես ու եղբայրս չարաչար ներութեամբ և քրտինքի մէջ կորած, սրածայր քարերով և մեր ճանկերով փորեցինք փոսը և հողին յանձնեցինք մեր տարաբախտ հարազատին:

Դիակի վրայ ջանացինք շատ հող լցնել նրան կարգին ծածկելու համար: Շատ քարեր բերինք և հողաթմբին կուտակեցինք: Մեր հայրը չափազանց համառօտ և յուզած կատարեց թաղման ծիսակատարութիւնը:

Ջերմեռանդութեամբ աղօթեցինք և բուռ-բուռ հող շաղ տինք գերեզմանի վրայ: Հազար աղաչանք-պաղատանքով հազիւ կարողացանք Արաքսուն իր սիրելի հարազատի գերեզմանից բաժանել և սրտամորմոք ու անսփոփ գիւղը վերադարձանք:

### ԲԵՐԿՐԻ-ՂԱԼԷԻ ՃԱՄԲԻՆ

Համարեայ անպաշտպան գաղթականութեան վրայ յարձակում կատարողները քրդական Մամդուլի և Շամսէղդին աւազակային խմբերն էին: Նրանց բնակավայրը Ջիլանի ձորն էր և Ծաղկանց լեռները: Նրանց յարձակման գլխատր նպատակը կողոպտումն ու թալանն էր: Բայց սարսափի մատնուած գաղթող բազմութիւնները միանգամայն համոզուած էին, որ այդ յարձակումները յատկապէս կազմակերպուած էին իրենց արիւնի ծարաւ տաճիկ թշնամու ցուցմունքներով:

1915 թի այդ տնաքանդ և կործանիչ փախուստից մինչև մեր այս օրերը 45 երկար տարիներ են անցել: Միանգամայն իրաւացիօրէն տրամաբանողներ կան, որ այդ հապճեպ և անկազմակերպ նահանջը կեղծ ու սարքովի է եղել և նպատակ է ունեցել Վասպուրականի հայ կենսունակ և ժրաջան ազգաբնակչութեանն իր հայրենի հողիցն ու ջրիցը հեռացնել և տարագրելով նրան ցանուցրիւ անել:

Այս ենթադրութեան թէկուզ նազագոյն չափով ճշմարիտ լինելու պարագային ռուսական ցարական կառավարութիւնը լրացրած կը լինի տաճիկ հայակեր պետական ստոր քաղաքականութեան դաւաճանութիւնը:

Այս իրար յաջորդող դժբախտութիւնների ընթացքում գոյութիւն ունէր մի պարագայ, որ մեր խելայեղօրէն և խուճապահար փախուստ տուող բազմահազար գաղթականութեան համար ունեցաւ փրկարար և ազատագրող նշանակութիւն:

Այդ պարագան հետևեալն էր.

Ռուսական բանակի և նրա կցորդ կամաւորական խմբերի նահանջն ապահովելու համար այդ բանակի կազմը պարտաւոր էր որոշ քանակութեամբ ուժեր սպասեցնել նահանջող բանակի թիկունքում:

Այդպէս էլ եղաւ: Մինչ Վասպուրականի մրրկահալած, սարսափահար գաղթականութիւնը գլխակորոյս փախուստ էր տալիս, դեռ նրա յետևում, սկսած Արճակից, Տիրամօր վանքից մինչև Բերկրի-Ղալէն և Կոթուր, յետախուզական և պաշտպանողական պարտականութեամբ հսկում և պաշտպանում էին ռուսական զինուորական ուժերի թիկունքում եղած զինուորական ջոկատները:

Այս ջոկատները մի քանի ժամուայ զինական ընդհարումներ ունեցան քիւրդ զինուած աւազակախմբերի հետ և շատ հեշտութեամբ նրանց պարտութեան և փախուստի մատնեցին:

Ահա այս բարեսիրտ դասաւորութեան հետևանքով ազատեց և փրկեց տագնապահար փախուստ տուող մեր հայ գաղթականութիւնը: Մեր ուշացման հետևանքով մեր ընտանիքը գտնուում էր գլխապատառ փախուստ տուող գաղթականութեան ամենավերջին և յետ ընկած շարքերում:

Մեր հարազատի կորուստից յետոյ հայրս ու քոյրս և մեծ եղբայրս, որի վիրաւորուած թըր դեռ բոլորովին չէր լաւացել, փոխնիփոխ սայլակի վրայ նստելով, իրենց տանջուած ոտներին փոքր հանգըստութիւն էին տալիս: Հօրս ու քոյրս թախանձալից ստիպումով ես էլ, երեք անգամ սայլակի վրայ նստելով և ննջելով, մի փոքր հանգստացայ: Մեզ բոլորիս ծայրայեղօրէն տանջահարողը մեր ստիպողական անքուն մնալն էր: Երբեմն քայլելիս քնում և գետին էինք ընկնում:

### ԲԵՐԿՐԻ-ՂԱԼԷԻՑ ՅԵՏՈՅ

Սայլակի վրայ ննջելիս մենք անցել էինք Գործորը: Անասնման յոգնածութիւնն իմ ամբողջ ֆիզիկականը ծեծկոտել և տանջել էր: Այդ իսկ պատճառով վերջին անգամ ես սայլակի վրայ շուրջ երեք ժամ քնել էի: Երբ արթնացայ, ինքս ատելի շուտ ինձ մօտ, քան մերոնց նկատմամբ ամօթխած զգացի, որովհետև նրանց իմ քնով պարտադրել էի շատ երկար ոտքով քայլելու:



**Վասպուրականցի գաղթականները դեպի Իզդիր ձգվող ճանապարհին**

Աչքերս ճմռտտելով՝ սայլից ցած իջայ և մերոնց ներողամտութիւնը խնդրեցի այսքան երկար ժամանակ նրանց ոտքով քայլելու պարտադրելուս համար:

Նահանջի չորրորդ օրայ իրիկնապահին մենք վերջապէս Բերկրի-Ղալէն հասանք:

Գաղթականների շարասիւնները ճնշող մեծամասնութեամբ արդէն հասել էին: Այստեղ՝ Բերկրի-Ղալէում, չնայած քրդերի՝ Բանդի-Մահուր գետի վրայ կատարած վերջի յարձակմանը, զգալիօրէն նկատելի էր, որ գաղթող-փախչողների շփոթն ու խուճապը նուազել էր: Գուցէ այն պատճառով, որ նրանք մտածում էին, որ սպառնացող անմիջական վտանգից ազատուել են և կամ գուցէ նրա համար, որ իրենց գողգոթայի ճանապարհը ամենաշատը երկու կամ երկու և կէս օրից յետոյ իր վերջաւորութեանը կը հասնի: Բայց, ամենաճիշտը, սրտապնդողը այն հանգամանքն էր, որ ռուսական բանակի վաշտերից բաւական շատ դեռ բանակել էին Բերկրի-Ղալէում և նրանց ներկայութիւնը անկասկած սրտապնդիչ իրողութիւն էր:

Ամէն պարագայում փաստն այն էր, որ գաղթականութիւնը սոսկումի և ահաբեկման սպանիչ վիճակից ազատուել էր և մի փոքր շունչ էր քաշում և տարերթօրէն ու անպայման ցանկանում էր մի քանի ժամ քնել և հանգստանալ:

Երբ մենք Բերկրի-Ղալէ հասանք, բոլորս էլ այնքան յոգնած ու չարչրկած էինք, որ նոյնիսկ մի պատառ հաց ուտելու համբերութիւնը չ'ունեցանք:

Մենք չորս հոգիներս էլ առանց մեր անելիքն իմանալու և որևէ որոշում կայացնելու, յոգնաբեկ, քնի ենթարկւեցինք: Մեզնից քոյրս ու հայրս մի կերպ սայլի վրայ, իսկ ես ու եղբայրս նրա կողքին գետնին ընկած, քնեցինք:

Լուսաբացին մեզնից ամենաշուտը մեր հայրն էր զարթնել: Տագնապալից և այլայլւած կանչով նա մեզ ստիպեց արթնանալ:

– Ա՛յ, բալէքս, վեր կացէ՛ք: Շո՛ւտ արեք: Մեր իշուկը չկայ:

Սայլակէն բացած ու տարած են մեր անլեզու կենդանուն: Ես, քոյրս և եղբայրս համարեայ միաժամանակ վեր թռանք: Սկզբում՝ դեռ կիսաբուն և կիսարթուն վիճակում, չէի հասկանում մեզ հետ պատահած մեծ չարիքը:

Իրար յետևից աչքերս բացուխով անելով և ճմռթոտելով՝ վերջապէս իմացայ կատարած չարագործութիւնը:

– Հէնց այստեղ մնացէ՛ք, սպասեցէ՛ք ինձի, ես վազ կը տամ ճարելու մեր իշուկը:

Այլևս չ'սպասելով մերոնց կարծիքին ու պատասխանին՝ ես գծուածի նման վազ տւի ընդարձակ գիւղաքաղաքի լայն և ուղիղ փողոցով՝ մտածելով հասնել հեռացող քարաւանին և գտնել յափշտակւած իշուկը:

Այս չը կշռադատած արարքը միանգամայն անմիտ էր: Երբէք չէի կարող հասնել 8-10 ժամ առաջ գողացած և արագօրէն քշւած կենդանուն:

Ամբողջ երկու ժամ թանձր փոշիների մէջ թաղած ճանապարհով վազվզելուց յետոյ, ջարդ ու փշուր եղած՝ այդ անիծած ճանապարհի եզերքին ուժասպառ և կիսաշունչ ընկայ: Ծայրահեղ յոգնածութիւնից յառաջացած ջղայնութիւնը և մեր փոխադրական միակ միջոցի կորստի յուսահատութիւնը ինձ այնպէս էր գետնին մեխել, որ նորից ոտքի կենալու և մերոնց մօտ վերադառնալու ամենավոքը ցանկութիւնը չ'ունէի: Իմ մէջ կորովի ու կամքի բոլոր հետքերը կարծես միանգամայն կորել, անհետացել էին:

Անճար ու անճարակ անիծում էի մեր անբախտութիւնը: Նգովում էի մեր ճակատագրի ճախորդութիւնը և լուսանք ու հայիոյանք էի ուղարկում այն չարագործին, որ տմարդօրէն մեզմից խլել և տարել էր մեր դժբախտ օրերի միակ յոյսն ու ապաւէնը հանդիսացող կենդանուն:

Մանաւանդ հօրս ու քրոջս յոգնատանջ վիճակը, նրանց բոլորովին ուժասպառ ոտքով քայլելու տխուր պատկերացումը ճնշում և ճնլում էր ինձ:

Մեզ հետ պատահած ճախորդութիւնների և տանջանքների դժնդակ լրացուցիչն էր այս:

\*\*\*

Իմ ծայրայեղ յոգնածութեան և անմխիթար յուսահատութեան հետևանքով գոյացած թմրածութիւնը բաական երկար ժամանակ էր խլել ինձնից:

Կենսատու արևը հորիզոնի վրայ անխնայ և առատօրէն փռել և տարածել էր իր ոսկեփայլ ճառագայթները: Օդում ճախորդ թռչունները գաղթականների բարձրացրած ամպանման փոշուց սուր ճիչերով փախչում էին: Իսկ ինձնից ոչ շատ հեռուն ճանապարհի երկայնքին, իրար յաջորդող գաղթականների աղմկալից և անվերջանալի շարաններն էին անցնում:

Ոտքի ելայ: Ջանացի ինձնից վանել անօգուտ յուսահատութեան յառաջացրած թմրածութիւնը: Նոյնիսկ սկսեցի ինձնից ամաչել նրա համար, որ այդքան հեշտօրէն այդպիսի յուսալքման եմ ենթարկել: Եթէ կեանքում պատահած ամէն մէկ ճախորդութեան համար ես այդքան շուտ ինձ յուսահատութեան այլքների յանձնելու լինեմ, ինչպէ՞ս պիտի կարողանամ տոկալ, դիմանալ և դիմագրաւել նրանց:

«Ամօթ քեզ, Սիրաք, իսկապէս շատ ամօթ»,– ինձ մեղադրում էր մի ներքին կանչ:

«Բայց ես ինձ համար չէ, որ մտածում և անհանգստանում եմ: Ես իմ հօր և քրոջս խղճալի յոգնատանջ վիճակի համար է, որ տանջւում եմ»,– աշխատում էի ինձ արդարեցնել այդ մեղադրական կանչին ի պատասխան:

«Բայց դու քո ընտանիքում քեզ համարում ես ամենակորովին: Դու բոլորովին իրաւունք չ'ունես

այդքան շուտ յուսալքելու: Դու պարտաւոր ես նրանց, մանաւանդ քո փոքր և դողդոջուն քրոջն ու քո յոգնարելի հօրդ խրախուսելու և առաջնորդելու այդ դժոխսային ճանապարհին»,– կանչում էր նոյն ձայնը:

Այդ ձայնը, այդ ներքին կանչը միանգամայն իրաւացի էր: Այդ մեղադրական կանչը հարազատ էր, քանի որ իմ սեփական սրտից էր բարձրանում: Այդ կանչը իմ հոգու, իմ սրտի ազնիւ թելադրանքն էր և ես պարտաւոր էի ենթարկւել նրան:

\*\*\*

Երկար տատանումից յետոյ վճռեցի կարած ճանապարհիցս յետ վերադառնալ մերոնց գտնելու համար: Երբ ես նրանց թողել էի և նրանցից բաժանել, պատուիրել էի ինձ սպասել Բերկրի-Ղալէում, բայց իմ՝ նրանցից բաժանելուց ի վեր առնազն չորս ժամ էր անցել: Ես բոլորովին վստահ չէի, որ նրանք այդքան երկար ժամանակ ինձ սպասելիս կը լինեն, մանաւանդ որ նրանք էլ իրենց հերթին չէին կարող բոլորովին վստահ լինել, որ ես անպատճառ յետ կը վերադառնամ:

Սարսափահար փախուստ տուող գաղթականը չի կարող ստոնարիւն մնալ: Նա իր դատողութեան և տրամաբանութեան դեկը հէնց այն սկզբնական րոպէից ձեռքից տուած է լինում, երբ փախուստի առաջին քայլն է վերցնում: Հէնց այդ առաջին քայլից նա իրեն յանձնում է բախտին և պատեհութեան քմահաճոյքի յարափոփոխ խաղերին:

Ուշադրութիւնս, ըստ հմարաւորութեան լարած, սկսեցի յառաջանալ գաղթականութեան բռնած ճանապարհի հակառակ ուղղութեամբ: Գաղթականների շարքերի կողքից անբաժան վերադառնում էի Բերկրի-Ղալէն: Աշխատում էի նրանց միջև հանդիպելու ծանօթ դէմքերի, բայց իզուր:

Կէսօր էր, երբ ես ինձ նորից Բերկրի-Ղալէում գտայ: Ծանապարհին ինձ չէր յաջողւել հանդիպել ո՛չ մերոնց և ո՛չ էլ որևէ ծանօթ-բարեկամի: Դժարութեամբ կարողացայ կողմնորոշել անցած գիշերւայ մեր իջևանած տեղը: Մերոնք չկային: Մտածելով, որ կարող է սխալւած լինեմ, իմ փնտռտուքի շրջանակը լայնացրի: Մերոնք չկային ու չկային: Մեծ աւանը գրեթէ դատարկւել էր անցեալ գիշերւայ ծովածաւալ գաղթականներից: Գիւղում տեղ-տեղ մնացել էին փոքրաթիւ խմբակներ: Քարաւանից յետ էին մնացել հիւանդութեան, ծերութեան և երկունքի ցաւերի պատճառով յառաջ շարժելու հնարաւորութիւն չունեցող անճարներ և թշուառներ...:

\*\*\*

Յոգնածութեանս չափն ու սահմանը նկարագրելու համար բառեր չեմ կարող ճարել: Չնայած որ





ես, իմ էութեանս խորքից ժայթքող կանչին ի պատասխան, ինձ խօսք էի տւել չը յուսահատուել և չընկրկել, բայց այդ անկարելի եղաւ:

Բերկրի-Ղալէում մերոնց գտնելու յոյսը վերջնականապէս կորցրած՝ պէտք էր իմ գնացած ու վերադարձած ճանապարհով նորից վերադառնալի: Բայց ինչպէ՞ս գնալ: Յոգնաբեկ և ջարդուփշուր էի եղած: Անչափ լարած ջղերս ու անվերջ քայլելու, երբեմն նոյնիսկ վազելու դատապարտած ոտքերիս չափազանց յոգնածութիւնն ինձ մաշել և սպառել էին: Ամենասուկալին այն էր, որ ինձ վերակազդուրելու հնարաւորութիւնից էլ զրկել էի: Մոված էի և պայուսակումս գէթ մի կտոր հաց էլ չունէի:

Ի՞նչ կարող էի անել: Ո՞րտեղից գոնէ մի կտոր հաց կարողանայի ճարել: Գնալ այս ուշացած և յետ մնացած թշուառների մօտ և նրանցից մի կտոր հաց խնդրել, այդ անկարելի և ամօթալի էր թում ինձ: Յետոյ նրանք որտեղի՞ց պաշար, ուտելիք, կուրենային: Եթէ նոյնիսկ ունենային, ինչպէ՞ս կը համաձայնէին իրենց այդ անորոշ և անմխիթար պայմաններում ուրիշի բաժին հանել: Չէ՛, ես աւելի շուտ քաղցած կը մեռնեմ, քան թէ հացի խնդիրք-մուրացկանութիւն կանեմ: Հացի մուրացկանութիւն, այն էլ այս թշուառ, անճար, հիւանդ և մահուան ճիւղի դէմ յուսաբեկ պայքարող այս գաղթական մարդաստներներից:

Այս յուսահատ մտորումներին ենթակայ՝ յանկարծ լուսաշող մի ենթադրութեան յանգալ: Լաւ թէկուզ հաց ուտելիք չ'կայ, բայց չէ որ այս մեծ աւանում տներ, պտղատու այգիներ կան: Մի՞թէ չի կարող պատահել, որ այդ տներում և այգիներում մի ուտելիք, մի քանի պտուղ ճարի, և ես կարողանամ, թէկուզ կիսափոր, քաղցածութեանս պահանջը մի քիչ մեղմել:

Մտայ բազմաթիւ տներ և այգիներ: Բազմահագար սոված կամ կիսաքաղց գաղթականութիւնը սովածութեան մարմնաջով բռնած մորեխների նման մաքրել, սրբել և վերջացրել էր ամէն ինչ:

## ԱԶԳԱԿԱՆՆԵՐԻՅՍ ԱՄԵՆԱԴԺԲԱԽՏԸ

Երբ ես բոլորովին յուսահատ վճռեցի թողնել գիւղը, երրորդ անգամ լինելով կտրելու գաղթականութեան անցած ճանապարհը, որով արդէն մի անգամ գնացել և մի անգամ էլ վերադարձել էի, գիւղեզրի վերջին տներից մէկում ձու ածող մի հաւի բազմիցս կրկնող յաղթական կչկչոցը լսեցի:

Յանկարծակի ուրախութեան մի զգացում ամբողջ մարմինս պատեց: Հաւը հաւանաբար իր ձուն ածել է, որ այսպէս ուրախ և յաղթական կչկչում է: Մտայ կիսաբաց դռնից և բռնեցի ձայնի ուղղութիւնը: Անցայ առաջին բակից և մտայ երկրորդը, որտեղ գտնուում էր մարագը: Իմ ոտնաձայնը ցախատան-մարագի մօտ փախստական և դասալիք դար-

ձած հաւին հաճելի չը թաց, և նա, սաստիկ վախեցած, կչկչալով փախուստ տուց:

Ինչքան մեծ ու անսպասելի հրճանք էր ինձ համար: Մէկի փոխարէն, խտտի մի փոքր դէզի վրայ երեք ճեփ-ճերմակ ձեր: Ինքս էլ չկարողացայ ինձ բացատրել, թէ ինչպէ՞ս է պատահել, որ փախստական տնատէրը չի նկատել այդ երեքից նախկին երկու օրերի ձերը: Թերևս մոռացման կամ աճապարանքի հետևանքով, ամէն պարագայում, դա ինձ համար բացառիկ բախտաւորութիւն էր: Ամմիջապէս վերցրի և իրար յետևից վարկենապէս կտորելով՝ կուլ տի երեք թարմ ձուերը: Այդ թուպին ինձ այնպէս էր թում, որ եթէ ամմիջապէս կուլ տալու չը լինեմ այդ ձերը, կարող է պատահել՝ գետնի տակից մէկը բուսնի և ձեռքիցս խլի:

Խնջոյքի փառաւոր սեղանից բաժանողի տպաւորութեան տակ ես թողի մարագի բակն և վերադարձայ առաջին աւելի ընդարձակ բակը փողոց դուրս գալու մտադրութեամբ: Բակի մէջտեղով անցնելիս մղկտացող նոցի և խուլ հռինդների նմանող ձայներ լսել սկսեցի: Սկզբում ցանկութիւն ունեցայ ամմիջապէս դուրս փախչել այդ մահագոյժ հռինդն այլևս չը լսելու համար, բայց դժարութեամբ կարողայ ինձ զսպել՝ իմանալու, թէ ինչ է կատարում:

Աղիողորմ նոցները նորից կրկնեցին: Անկասկած գաղթողներից մէկը լքած, անտէր, անտիրական և անօգնական մաքառում էր հոգեվարքի կոշմարի հետ:

Ձանացի ինձ սրտապնդել և մօտեցայ անօգնական մեռնողին գտնելու և տեսնելու:

Մի տարօրինակ և անսովոր վախ ու դողով թոնրատունը մտայ: Այնտեղից էր հասնում մեռնողի նոցն ու հռինդը:

Մօտեցայ, բոլորովին մօտեցայ: Մահուան հոգեվարքի մէջ՝ խեղդող և շնչահեղձ անող մահուան կօշմարի հետ մաքառողի ինքնութիւնը ճանաչելու համար:

Շանթահար եղածի նման արիւնս երակներիս մէջ կարծես լերդացաւ, կանգ առաւ:

Օհանէս աղա Կուլօղլեանն էր այդ մարդը՝ իմ հարազատ մօրեղբայրը:

Բայց ի՞նչ զարմանալի, ի՞նչ անլուծելի հանելուկ էր այս: Չէր կարող պատահել, որ այս մարդը մեմնակ ճանապարհ ընկած լինէր: Ու՞ր են սրա կիներ ու աղջիկը, ու՞ր են սրա երկու հասած, երիտասարդ տղաները: Մօտենում եմ մեռնողին: Կեղտոտուած և ապականուած ներքնակից ու վերմակից արիւնալից լուծմունքի ահռելի զարշահտող խեղդում է ինձ: Ազգականիս ծայրահեղ թշուառութեան ողբերգութիւնը պարզում է ինձ համար: Գաղթականի բնագրական եսասիրութեան, փախչողի մի վայրկեան աւելի շուտ խոյս տալու և իրեն ազատելու անասնական բնագրի պատկերն իր ստոր և խայտառակ մերկութեամբ առաջս է ցցում: Նրա հարազատ կիներ, աղջիկը և տղաները, յուսահատուած նրա ապաքինու-

մից, նրան մէն-մենակ թողել են մաքառելու իր մահ-  
ւան կոշմարին հետ և նրան անօգնական ու անտէր  
լքելով, իրենք փախել ու անհետացել էին...:

Ի՞նչ խայտառակ էգօրիզմ, ի՞նչ պարսաւելի ան-  
գթութիւն և ի՞նչ իրական դաւաճանութիւն:

Ես դժարանում էի ինձ համոզել, որ իմ տեսածը  
ճիշտ է, իրականութիւն է: Բայց դա գռեհիկ և ան-  
սիրտ իրականութիւն էր: Հարագատ ընտանիքը չէր  
յօժարուել, չէր սպասել թաղելու երեսուն կամ գուցէ  
աւելի տարիներ ընթացքին, այդ միևնույն ընտանի-  
քի բարօրութեան և երջանկութեան համար չարա-  
չար և քրտնաթոր աշխատող և ներկայումս այսպէս  
անմխիթար և անտէր մեռնող մարդուն:

Գաղթ, փախուստ, մահուան սարսափից ազատ-  
ւելու, փախուստ տալու ձգտումը...:

Վա՛յ, ինչքա՛ն սարսափելի, ինչքա՛ն ահռելի և  
միաժամանակ ինչքա՛ն անգութ է այս գաղթ-փա-  
խուստը:

Քիչ յետոյ, սակայն սկսեցի ինձ մեղադրել իմ  
ծայրահեղ յռետես մտորումներիս համար: Մի գու-  
ցէ այս անկազմակերպ, տագնապալից և խուճա-  
պահար փախուստի ժամանակ կամ քրդերի Բան-  
դէ-Մահուրի յարձակման ընթացքին Օհաննէս ա-  
ղան՝ այս անասահմանօրէն թշուառ մարդը կորել, յետ  
է ընկել իր ընտանիքից և չի յաջողել նորից նրանց  
հասնել և գտնել ու այս դժբախտ ճակատագրին է  
հանդիպել:

Ես բազմաթիւ անգամներ կանչեցի, բղաւեցի  
նրա անունը: Անչափ անսահման ցանկութիւն ունէի  
գոնէ մի անգամ մի երկու խօսք կորզել մեռնողից,  
իմանալ իրականութիւնը, բայց, դժբախտաբար,  
այդ չը յաջողեց ինձ: Մի քանի վայրկեան ևս նա  
տապալտկեց մահուան իր ճգնաժամում և փչեց իր  
կարօտակէզ վերջին շունչը:

**ԹԱՓԱՐԷԶ-ՂԸԶԸԼԴԻԶԷ ՃԱՆԱՊԱՐՀԻՆ**

Մի ամբողջ օր ու գիշեր մօրեղբօրս եղերական  
մահուան ճնշիչ և յուսալքող տպաւորութեան ենթա-  
կայ էի: Ֆիզիկական տանջակոծ վիճակս նոյնիսկ  
չէր կարողացել մտքիցս վանել նրա սուկալիօրէն  
անմխիթար և անտրտունջ մահուան վերջին ճգնա-  
ժամը: Անցնում էի այդ նզոված գողգոթայի անվեր-  
ջանալի ճանապարհով անհաղորդ, ինքնամփոփ և  
անգիտակից շարժող շաքի նման: Երբեմն միայն  
անդրադառնում էի այն դառն իրողութեանը, որ կա-  
րող է պատահել ես էլ, այս ծայրահեղ յոգնածու-  
թեան հետևանքով, ցած գլորեմ այլևս ոտքի չը կե-  
նալու տխրալի վերջաւորութեամբ:

Այդ անգիտակից, համարեայ անզգայ և կիսա-  
շունչ վիճակում ամէն բոլոր գրիւ գալու և բազմաթիւ  
կտորների վերածուելու ինքնաշխատ, յոգնաբեկ մե-  
քենայի նման ես քայլել, ճանապարհ էի կտրել: Այդ-  
պիսի տաժանակիր և պարտադրած ճանապարհ-

անցումը, իրար յաջորդող ամբողջ 30 ժամերում,  
միանգամայն անհաւատալի էր թում ոչ թէ ամէն  
մարդու, այլ նոյնիսկ ինձ համար: Գողգոթայի այդ  
անտանելի ճանապարհը՝ սկսած Բայազետ-Ադից  
մինչև Թափարեզ և մինչև Ղրզըղիզէ, հարիւր  
կիլոմետրից աւելի էր: Ես կտրել անցել էի այդ ճա-  
նապարհը, բայց հենց ինձ համար այդ իրողութիւնը  
միանգամայն առասպելական հրաշք էր թում, որին  
ես ինքս հաւատալ չէի կարողանում:

Այս աննկարագրելի նեղութիւններից ու ան-  
պատմելի չարչարանքներից յետոյ ես ինձ վերջա-  
պէս Ղրզըղիզէ էի հասցրել: Չը գիտեմ՝ ե՞րբ, ո՞ր  
ժամին այդտեղ էի հասել: Միայն այսքանը գիտեմ,  
որ այդ Ղրզըղիզէ կոչւած աւանը հասնելուց յետոյ՝  
ես, անգիտակ և անզգայ, ինչ որ մի տեղ ցած էի  
գլորել և փրկարար մրափի էի ենթարկել:

\*\*\*

Չ՛գիտեմ՝ քանի ժամ այդ ծանր մրափին էի են-  
թարկել: Քնի մէջ զգացի, որ մէկն ինձ ամբողջ  
մարմնովս շարժում է: Թում էր, որ ինձ օրօրում են,  
բայց այդ օրօրի թափը գնալով ուժեղանում էր:  
Լսեցի նաև որ ինձ իմ անունով կանչում են.

– Միրա՛ք, Միրա՛ք:

Մեծ ճիգ ի գործ դրի աչքերս բացելու և ինձ կան-  
չողին նայելու համար:

– Միրաք, այս ի՞նչ վիճակում ես: Ու՞ր ես այս-  
տեղ, այս արևի տակ պառկել: Ինչու՞ այդպէս ծանր  
ու անհանգիստ ես շնչում: Վեր կաց տեսնենք:

Կողքիս ծունկի եկած՝ իմ ամենաախրելի ընկեր-  
ներից մէկն էր՝ Հրանդ Դարբինեանը, որ դեռ շարու-  
նակում էր հարցակոծել ինձ:

– Ինչու՞ համար այս խաժամուժի մէջ ես ընտրել  
քնելուդ վայրը: Մի՞թէ աւելի յարմար ու հանգիստ  
տեղ չէիր կարող ընտրել: Վեր կաց, տեսնենք:

– Հրանդ, սիրելիս, ես էլ չգիտեմ՝ ինչու այստեղ  
եմ ընկել: Միայն գիտեմ, որ անտանելիօրէն յոգնած  
ու շարչարկւած եմ: Գուցէ և կատարեալ հիւանդ եմ:  
Խնդրում եմ ինձ մի քիչ ջուր տալ: Սաստիկ ծարաւ  
եմ զգում, բացի այդ, ես համարեայ երկու օր է, ինչ  
ոչինչ չեմ կերել, այսինքն ոչինչ չեմ ունեցել ուտելու:

Մէկ բոլոր յետոյ Հրանդը մի կաւէ ամանով ջուր  
բերեց: Ես անկշտում խմում էի: Հրանդը դժարու-  
թեամբ փարչը հեռացրեց շրթունքներիցս՝ ասելով.

– Առայժմ բաւական է, յետոյ էլի կը խմես:

– Միրելի՛ Հրանդ, շնորհակալ եմ, չափազանց  
շնորհակալ եմ քեզնից: Եթէ այսպիսի հրաշքի դա-  
սաւորութեամբ ինձ պատահած չը լինէիր, անկաս-  
կած, ես հէնց այստեղ մեռած կը մնայի: Այդ ջուրն  
կարծես ինձ նորից կեանք տուց: Անհունօրէն շնոր-  
հակալ եմ:

– Շնորհակալ լինելու ժամանակ շատ ունես,  
առայժմ վեր կաց, մեզ մօտ գնանք, մի կտոր բա-

ղարջ կեր և մի քիչ շունչ առ: Գուցէ մօրս յաջողի մի բաժակ էլ թէյ տալ քեզ:

Հրանդի օգնութեամբ ես իմ ընկած տեղից բարձրացայ, ոտքի ելայ: Դժարութեամբ քայլել սկսեցի: Առաւօտ էր: Թարմ օդն ինձ կազդուրել սկսեց: Չափազանց ուրախացայ՝ զգալով, որ եթէ չափազանց յոգնած եմ, բայց գոնէ հիւանդ չեմ:

Մենք սկսեցինք իրարու պատմել 5 օրում կրած տագնապներից և տանջանքներից: Ինչպէս իմ, այնպէս էլ Հրանդի ընտանիքը միևնույն շփոթանքների-ցնցումներին էին ենթարկել:

Հրանդի մայրն ու քույրն էլ, ճանապարհի խուճապներին չը տոկալով, հիւանդացել էին: Նրանք մեզնից մի քիչ աւելի բախտատու էին եղել նրանով, որ փախուստից առաջ իրենց տնում մի առոյգ և կտրիճ ջորի էին ունեցել: Հրանդի հայրը կտորեղէնի վաճառական էր և Այգեստանից-Քաղաքամէջ գնալ-վերադառնալու համար, երկու տարի առաջ, գնել էր այդ ջորին:

Հրանդը պատմեց, որ իրենք էլ քիչ էր մնացել ձեռքից տային փրկարար այդ կենդանուն: Երկու գիշեր առաջ փորձել էին գողանալ և փախցնել այդ ջորուն, բայց նրա հեռատես հայրը կիսաքուն հսկելիս էր եղել և կէս գիշերին աղմուկ-աղաղակ բաձրացնելով, չէր թողել՝ կենդանուն գողանան:

Երբ ես Հրանդին պատմեցի մեր իշուկի գողութեան տխրալի պատմութիւնը, նա սկսեց իր սովորական քահ-քահ ծիծաղն և ուսիս խփելով ասաց.

– Սիրա՛ք, մենք այնքան մեր գլխին եկած ներութեան փորձանքներից պատմեցինք, որ մոռացայ քեզ համար չափազանց ուրախալի լուրը հաղորդելու: Քեզնից յետոյ եղբայրդ՝ Կարապետը, ճանապարհ է ընկել փնտրելու և գտնելու գողացած իշուկը, որի կորուստը քեզ այնքան տանջել ու ալեկոծել է, և ի՞նչ բախտատուութիւն:

– Ի՞նչ բախտատուութիւն,– կտրեցի Հրանդի խօսքը,– ուզում ես ասել իշուկը գտել է:

– Այո՛, այո՛, նրան յաջողել է գտնել գողացած կենդանուն, բայց մինչև յետ վերցնելը հոգին բերնին է հասել: Գողացող մաուզերիստը պնդել էր, որ կենդանին վաղուց ի վեր իրեն պատկանելիս է եղել և նոյնիսկ հայիոյել ու սպառնացել է եղբորդ: Բայց եղբորդ բախտից, որտեղից որտեղ, նրան օգնութեան են հասել իրա դիրքում միասին կռողներն ու գող մաուզերիստին գորս դու պատուիրեսցիր ծեծկըռտել և տասհարածեան ատրճանակը, որով նա այնքան երևակայում էր, ձեռքից խլելով, իշուկն էլ եղբորդ են յանձնել:

– Հրանդ, սիրելիս, չես կարող երևակայել, որ այդ լուրով ինչքա՛ն ուրախ ու երջանիկ եմ: Հիմի ես հանգիստ եմ, որ քոյրս ու հայրս կը կարողանան Իգդիր հասնել:

Ինձ համար շատ կարևոր հանգամանք ունեցող այդ լուրից այնքան շատ ուրախացայ և ոգևորեցի,

որ Հրանդին գրկելով, մի քանի անգամ պինդ-պինդ համբուրեցի:

– Ձերոնք մի քանի ժամով առաջ անցած կը լինեն,– ասաց Հրանդը, ինձ բոլորովին միամիտացնելու և հանգստացնելու ցանկութեամբ: Յետոյ աւելացրեց.

– Մենք, մօրս ու քրոջս հիւանդ և սաստիկ ուժասպառ լինելու պատճառով ստիպւած եղանք յետ մնալ և մի քանի ժամով նրանց հանգստանալու հնարաւորութիւն տալ:

– Իսկ հիմա նրանք ի՞նչ վիճակի են: Ի դէպ, ձերոնք այստեղից շատ հեռու են:

– Ո՛չ, էս է մի երկու յոպէի ճամփայ է մնացել: Գիտեմ, որ չափազանց յոգնած ու սոված ես: Վստահ եմ, որ քեզ տեսնելուց շատ կուրախանան:

– Ինքս էլ մեծ բաւականութիւն կստանամ նրանց հանդիպելով,– պատասխանեցի նրան:

\*\*\*

Հրանդի ազնւահոգի մայրն ու նրա անմեղսունակ և միշտ ամօթխած փոքր քոյրն ինձ տեսնելուն շատ ուրախացան: Մայրը, որն ընդհանրապէս նիհարակազմ ու վտիտ էր, ճանապարհի ներդիւրսններից և մանաւանդ ցամաքեցնող փոշուց կծկել և կմախքացել էր: Հրանդը կարճառօտ պատմեց իմ գլխին եկած փորձանքը և քրոջը խնդրեց հնարաւորին չափ շուտ մի բաժակ թէյ տալ ինձ նոր թխած բաղարջով:

Հրանդից բաժանելու ժամանակ նա ինձ ստիպեց վերցնել իր մօր՝ մաքուր ալիւրից, անարատ իւղից և ձւերից պատրաստած 4 կլորակ բաղարջը:

Ես հրաժարում և չէի կամենում վերցնել՝ պատճառաբանելով, որ նրանց ընտանիքի պարէնի բաժնից պիտի կտրեմ: Բարի մայրը, մեր երկու ընկերների այդ-ոչին միջամտելով, սիրալիրօրէն ասաց.

– Սիրա՛ք, բալէ՛ս, դուն ալ մեր երեխան ես, գուր տեղը կը մերժես վերցնել այս չորս կտոր բաղարջները: Մենք մինչև Իգդիր հասնելու չափ, 3 օրայ պաշար ունենք: Անկէ վերջն ալ Տէրը մեծ է: Անհաց և անօգնական չի թողնելու մեզի: Վերցրո՛ւ, վերցրո՛ւ, բալէ՛ս: Բարեկամն ու ընկերը լին ու բօլ օրայ համար չեն: Ասանկ նեղ օրերու համար բարեկամ ըլլալու է:

Մօր ու որդու ստիպման տեղի տալով՝ վերցրի ինձ մագնիսօրէն քաշող և հրապուրող բաղարջները:

Մի քանի անգամ մօրից և Հրանդից շնորհակալութիւն յայտնելուց յետոյ անգին ընկերոջս հետ ջերմօրէն ողջագուրեցի և նորից շարունակել սկսեցի տաժանելի ճանապարհս: Չափազանց ուրախ էի այս հանդիպումիս համար, քանի որ առանց Հրանդի, հաւանօրէն, ես իմ ընկած տեղից ոտքի կեցողը չէի և, ամենակարևորը, նրա համար, որ եթէ բախտի բերմամբ արթնացած և ոտքի էլ կանգնած լինէի, անտանելի դարձած սովածութիւնս նորից

ինձ գետին կը տապալէր, և ես իմ՝ յոյսերով ու անորջներով լի երիտասարդ կեանքիս վերջնական մնաս բարովը պիտի մըմնջայի: Իմ ազնիւ ընկերը ո՛չ միայն կեանքս էր փրկել, այլև մնացած կտրելիք ճանապարհիս համար ինձ բաղարջների ուտելիքով էր ապահովել:

Իրաւամբ մտածում էի, որ ամենամեծ դժբախտութիւնն էլ յաճախ իր վերջն ունի: Չուր չէր ուրեմն իմ ներքին ձայնի կանչը, որն ինձ մեղադրում էր յուսահատ լինելուս համար: Կայ, գոյութիւն ունի մի փրկարար տիեզերական ձեռք, որ ամենադժնդակ տարաբախտութեան և անյոյս կործանման վերջին րոպէին մեզ օգնութեան է հասնում և մեզ փրկում, ազատում է վճռական և վերջնական գահավիժում-կործանումից...:

Ստացած բաղարջներս բացառիկ հոգածութեամբ տեղադրեցի միշտ մէջքիս կրածս պայուսակում և մի քանի անգամ թերահաւատութեամբ ստուգեցի պայուսակի բերնի կարգին կապւած լինելու պարագան: Վախենում էի, որ յանկարծ պայուսակիցս փախուստ տան այդ պայմաններում ինձ համար անփոխարինելի գանձ համարող բաղարջները: Օ՛հ, մարդկային կեանքում ինչքա՛ն սարսափելի է առաջին հերթին՝ կեանքի կորուստի ահը և յետոյ՝ սպրող և շնչող մարդու համար քաղցած մնալու վախը:

### ԻՄ ՎԵՐՋԻՆ ՀԱՆԴԻՊՈՒՄԸ ԽԱՆՁԵԱՆԻ ՀԵՏ

Իգդիրը՝ ռուսական ծովածաւալ երկրի սահմաններձ գիւղաքաղաքը, ամենաուշը մէկ օրից հասնելու և տաճիկների ու քրդերի ջարդի ահաբեկումից ազատելու յոյսը սկսել էր շողշողալ յոգնատանջ ու հալածական բազմահազար գաղթականների դէմքին: Սարսափահար եղած մարդկանց սրտերից աստիճանաբար չքանում էր նամարդ թշնամու ահաբեկման ու կտորածի կոշմարը:

Ընդամենը մեկ-երկու օր առաջ գեղեցիկ անիծապարտ մրրկող կրակից և նրա խեղդամահ անող ծուխ ու մուխից, գաղթ-փախուստից փրկւած գաղթական բազմութիւնները, անցնող 5 ու կէս օրերի մրրկահալած փախուստից յոգնած, ջարդուփշուր եղած, վերջապէս կարող էին մի քիչ ազատ շունչ քաշել, մի փոքր մտովին խաղաղւած հանգստանալ:

Մրրկահալած փախուստ տող գաղթականներից մէկն էլ ես էի: Իմ հերթին ինքս էլ տենչում էի մի քիչ շունչ քաշել և հանգստանալ:

Հրանդի՝ ընկերոջս, իմ ընտանիքի մասին հաղորդած ուրախալի տեղեկութիւնը ինձ բաւական շատ հանգստացրել էր: Ես համոզւած էի, որ եթէ մինչև Իգդիր մերոնց չը հասնեմ, նրանց անպատճառ այնտեղ կը գտնեմ:

Այս ենթադրութիւնը խղճիս թեթևացում և սրկւած ջղերիս հանգստութիւն էր տալիս: Ինքս ինձ մխիթարելով մերոնց շուտով գտնելու բախտատրութեամբ՝ Իգդիրի վերջին կայանում՝ Օրգոֆում, փնտրեցի և չուշացայ գտնելու մի համեմատաբար յարմար անկիւն քնելու և անվրդով քնով հանգստանալու համար:

Որպէսզի ապահովւած լինեմ հաւանական յափշտակում-գողութիւնից՝ փորձեցի փորիս վրայ ընկած քնել: Կուրծքիս և թևերիս տակ թաքցրի իմ ամբողջ հարստութիւնը համարող պայուսակս և նրա մէջ տեղադրեցի իմ եօթհարածեան փոքր ատրճանակը:

Չեմ կարող պատկերացնել կեանքիս այդ օրերի վայրիվերումների ընթացքին այդպիսի քաղցր, անխռով և կազդուրիչ քուն: Երբ վաղ առաւօտեան մեկնող գաղթականութեան սուկալի աղմուկ-աղաղակից արթնացայ, ինձ համար անճանաչելի էի դառել: Կարծես միանգամայն ուրիշ մարդ էի: Մանաւանդ ուրախալի էր, որ իմ փոքրիկ ունեցւածքից ոչինչ չէր անհետացել:

Օրգոֆից՝ Իգդիր հասնելուց առաջ եղած այդ կայանից, շատ լաւ տրամադրութեամբ մեկնելու էի պատրաստում, երբ յետևիցս լսեցի ինձ կանչող մի շատ ծանօթ ձայն:

– Սպասի՛ր Սիրա՛ք,– կանչեց իմ երիտասարդութեան ամենասիրելի ընկերն ու ամենալաւ գործակիցը՝ Աղասին՝ դէպի ինձ վազելով: Իմ հերթին, շուտ գալով, նրա մօտ վազեցի:

Մենք՝ իրար շատ սիրող և շատ մտերիմ, երկու ընկերներս, գրկախառնեցինք և մի քանի անգամ ողջագուրեցինք:

– Ինչքա՛ն ուրախ եմ քեզ հանդիպելուս համար,– ասաց Խանջեանը:

– Կարող ես միանգամայն համոզւած լինել, որ ես էլ չափազանց երջանիկ եմ քեզ տեսնելուս համար: Իսկ ու՞ր եմ ձերոնք,– հարցրի նրանից:

– Հեռու չեմ նրանք,– պատասխանեց Աղասին: –Հէնց հիմա մեզ կը հասնեն: Ես նրանց հետ էի: Հեռից քեզ ճանաչեցի և վազ տալով՝ եկայ: Կարող եմ ասել, որ մենք, այսինքն ինձ հետ հաշւած, մեր չորս հոգինոց ընտանիքը մեծ բախտ ունեցանք այս տանջալից անիծեալ ճանապարհին արտակարգ նեղութեան չենթարկւելու: Հայրս Վանում իր ունեցած ընդարձակ ծանօթութեան և տարբեր խաւերից յարգած լինելու հանգամանքի շնորհիւ կարողացաւ վերջի ժամին մի լաւ ձի ձեռք բերել: Այս գործում, կարծեմ, Շաղոյեանը և Դաւիթ Փափազեանն էլ նրան օգնել են: Առանց այդ ձիուն՝ հայրս մանաւանդ մայրս ճանապարհին մնացած կը կլինէին: Ինչպէս տեղեակ ես, մայրս ոտների ռօմաթիզմով տառապում է և իրար յետևից 20-30 քայլ անելու անկարող: Առանց հօրս բարեկամների օժանդակութեանը՝ մեր, մասնաւորապէս մօրս համար անհնարին էր մինչև այստեղ հասնելը: Ասենք հօրս առող-

ջական վիճակն էլ առանձնապէս բաւարար չէ: Ինչ-չէ, ինչ որ պատահեց, անցաւ:

Յետոյ նոր միայն անդրադառնալով իմ մեն-մենակ լինելուն՝ հարցրեց.

– Իսկ ձերոնք ո՞ր են:

– Մերոնք...: Մենք, ատլի ճիշտ, ես այս ճանապարհին մի կատարեալ ողիսական եմ ունեցել: Ես մերոնց մի երկու անգամ կորցրել և ճարել եմ: Ներկայիս նրանց նորից կորցրել եմ:

Ընկերոջս մանրամասն պատմեցի ինձ և մերոնց հետ պատահած իրադարձութիւններից և յայտնեցի ճանապարհին մեր թաղած հարազատի մասին:

Նա խորապէս ազդեց և անկեղծ ցաւ զգաց մեր չարչարանքների և մանաւանդ կորստի համար:

– Սիրաք, սիրելիս, չեմ իմանում ինչպէ՞ս արտայայտել իմ վշտակցութիւնը, ասաց նա և շարունակեց, – ի հետևանք այն սոսկալի խուճապի ու տագնապի, որին ես, դու և ամէն որոնող աչքը տեսել ենք, մնան կորուստներն անսպասելի չէին կարող լինել: Տարօրինակ է ասել, որ կարծես աներևոյթ և չարագործ ձեռքեր նենգօրէն շեշտում, թանձրացնում էին այս նահանջի սարսափելիութիւնը և նրա տագնապն ու խուճապը: Ճիշտ է, ստոր թշնամու՝ թալանի ծարաւի քրդերի յարձակման ու կոտորածի ահն ու սարսափը կար, բայց մի՞թէ այս նահանջը չէր կարելի այնպէս կազմակերպել, որ այսպիսի խուճապահար փախուստի չը վերածւէր:

– Ճիշտ է, Աղասի,– պատասխանեցի ես, –միանգամայն ճիշտ և իրաւացի է այդ մտածելակերպը: Մի ժողովուրդ, տեսալ պարագայում մեր վանեցի հայութիւնը, որ կարողացաւ ամբողջ մի ամիս հերոսաբար պաշտպանել և դիմադրել ամէն տեսակի զէնքով և զինտրական ուժերով օժտուած և ցերեկ ու գիշեր կատաղիօրէն յարձակող թշնամուն, տոկալ նրա կարկտի մնան թափող համազարկներին և փլատակող, այրող ու ոչնչացնող ռմբակոծումներին, ինչպէ՞ս չէր կարող խաղաղ և ապահով պայմաններում զարթեցնել և նահանջի հանգիստ ճանապարհի բացել իրեն, հէնց իրեն համար:

– Այո՛, դժբախտաբար պիտի խոստովանել և հաստատել այն իրողութիւնը, որ մութ, անհարազատ և նենգ ձեռներ կազմակերպել են այնպէս, որ այս նահանջ-փախուստով մաշի, հիւծի և տրորվի մեր՝ Վասպուրականի հայ կենսունակ ազգաբնակչութիւնը: Իսկ այս ոճրագործ ծրագրում մերոնց, մեր առաջնորդ-ղեկավարներին մեղադրել, իմ կարծիքով, իրաւացի չէր լինի: Ես միանգամայն համոզուած եմ, որ այս հայակործան և դաւաճան ծրագրում էնթրիկանդ և պրովակատոր ձեռներ գոյութիւն ունեն և, առանց չափազանցութեան կարելի է ասել, որ իրենց կործանարար նպատակին հասան:

Մի քանի րոպէներ անխօս, ես և Աղասին, իրար կողքին քայլում էինք: Մեզնից իւրաքանչիւր մէկը լռելեան յանձնել էր իր մտորումներին, որոնք իրար

մօտենում ու նոյնանում էին: Երկուսս էլ մտովին մեղադրում էինք մեր անգոր և անպաշտպան ազգի կեանքի ու գոյութեան հետ նենգօրէն խաղացող տեսանելի և քողարկած թշնամիներին: Այդ թշնամիներից մէկը բացարձակ, օր-ցերեկով, լոյս արևի տակ խելահեղօրէն ձգտում էր մեզ կոտորել, սրբել, անհետացնել մեր սեփական հողից և մեր պապերի հազարաւոր տարիների տունն ու օջախը խլել, բռնագրաւել, իսկ միւսը զաղտագողի, անաղմուկ և սատանայական նենգութեամբ ցանկանում էր տիրանալ մեր հողին ու ջրին, մեր արևափայլ երկրին, մեր հարազատ ու ազիզ հայրենիքին, առանց մեզի և մեր նեղութեան ու գոյութեան ձանձրոյթին:

Այս տխուր և հոգեմաշ մտորումներից առաջին սթափուողը եղաւ Աղասին: Նա դրսևորեց իր մտայաղացումների շարքը.

–Վասպուրականի ինքնապաշտպանութիւնը՝ իր հերոսական, սքանչելի կերպարանքով ու բովանդակութեամբ, մեզ անգին, անմնան դասեր տուց: Դրանցից ամենաառաջինն ու ամենաթանկագինը այն էր, որ մենք՝ հայերս, ճակատագրական, վճռական պարագային կարող ենք առանց կուսակցական և թայֆայական եսի ու մարմաջի միանալ, գործակցել մեր ընդհանուր շահը միասնաբար և նիւթածօրէն պաշտպանելու համար: Ես հիմա եկել եմ այն եզրակացութեանը, ինչպէս նախկին Արմենականների, նոյնպէս և ներկայի Դաշնակցականների շարքում Կուլօղլեանների, Եկարեանների, Թէրլեմէզեանների, Բուլղարացիների, Շաղոյեանների և բազմաթիւ ուրիշների մնան հայրենասէրներ կան և շատ կան: Նախքան ապրիլեան կռիւները՝ մենք կարծում էինք, որ մերոնցից զատ, բոլոր մնացեալները թայֆայամոլ, եսական, ինքնահաւան ու անհեռատես մարդիկ են, բայց իրականութիւնն ու իսկական գործը ցոյց տուին, որ նրանք նոյնքան ջերմ, ազնիւ, հաւատարմ հայրենասէրներ են, որքան մենք մեզի էինք հաշւում: Եթէ ճգնաժամի, տագնապի, օրհասական ազգակոլ պահին մենք և մեզ մնան հայեր կարող են նրանց հետ գործակցել և նրանք էլ իրենց հերթին մեզ հետ միանալ, ի՞նչ պատճառ կայ, որ մենք ամէնքս էլ ընդմիջտ չը գործակցենք և չը ջանանք մեզ ազգովին փրկելու և ազատելու մեր բնաջնջման տենչացող ընդհանրական թշնամիներից:

Ես սքանչանում և միանգամայն զարմանում էի Աղասու արտայայտած ողջախոհութեան և առողջ տրամաբանութեան համար: Գիտեի, որ նա այդ դժմոյակ օրերին դեռ շատ երիտասարդ է՝ հազիւ 19 տարեկան: Հիանում էինք նրա համար, որ երիտասարդներս մինչ այդ կեանքին նայում էինք մեր սովորած, մեր իմացած համաշխարհային, համամարդկային մօտեցումով ու ըմբռնումով: Մենք, ինչպէս նախօրոք յայտնել եմ, այդ օրերին պատկանում էինք Մոցիալ-Դեմոկրատ ուսանողական կազմակերպութեան և տարւել էինք համաշխարհա-

յին վարդապետութեան երազանքներով: Ապրիլեան կռիւներն ու նրանց յաջորդող գաղթ-փախուստը մեզ սթափեցրել և իրական, կոպիտ իրականութեան աշխարհն էր վերադարձրել:

Ինչպէս նա, նոյնպէս և ես իրաւացիօրէն մտահան էինք արել համամարդկային ձգտումները, քանի որ նրանց հասնելուց առաջ մեզ անխուսափելիօրէն անհրաժեշտ էր մեր ժողովրդի, մեր ազգային հաւաքականութեան և նրա հետ մեր սեփական գոյութիւնը փրկելու առաջին պայմանը լրացնել: Մենք այդ օրերին և այդ պայմաններում ինչպէ՞ս կարող էինք համաշխարհային յեղափոխութեան, համամարդկային երջանկութեան երազներով օրօրել, երբ մեզ մօտ, մեր աչքերի ներքև, մեր ոտքերի տակի հողն էին խլում, մեր կեանքն ու արևն էին խամրում և մեզ մոռնելու, բնաջնջելու սատանայական ծրագիրներն էին իրականացնում:

– Այո՛, սիրելի՛ ընկեր,– ասացի՝ իմ հերթին ուղեղումս փոթորկած մտորումներիցս սթափւած,– դու միանգամայն իրաւացի ես: Մենք պարտաւոր ենք, ներկայ պայմաններում հրաժարել մեր երազած համաշխարհային, համամարդկային ձգտումներից և վերադառնալ այրող իրականութեանը: Մենք ստիպւած ենք ամենաառաջին հերթին մտածել մեր հաւաքական ընդհանուր ուժերի միացման մասին և ապա ձգտել ձեռք բերելու մեր ազգային գոյութիւնը փրկող անհրաժեշտ հնարաւորութիւնները:

– Իսկ այդ անհրաժեշտ հնարաւորութիւնների և պայմանների ապահովումը մի միայն մեր ընդհանուր ազգային, կուսակցական ուժերի միացումով և մեր ընդհանուր, հաւաքական ձգտումների միատեղումով միայն հնարաւոր կը լինի:

Էլի մի քանի բոպէ լռելեայն քայլելուց յետոյ ես նորից խզեցի լռութիւնը և հարցրի Աղասուց.

– Իսկ ի՞նչ ես մտածում սահմանն անցնելուց յետոյ:

– Իզդիբը, սահմանը հասնելուց յետոյ ի՞նչ պիտի անեն: Սիրելի՛ Սիրաք, սա մի ընդհանուր հարց է, որ մեզ բոլոր գաղթականներիս հետաքրքրելու է: Այս բազմահազար հայութեան շարքերում հազարաւորներ իրենց նոյն հարցն են տալիս: Ինձ թում է, որ Իզդիբը հասնելուց, այսինքն ռուսական կայսրութեան սահմանից ներս մտնելուց յետոյ էլ մեր անբախտութեանը վերջ չի տրւելու: Կասկած չկայ, որ մեր գաղթականութեան համար նոր ողբերգութեան նոր շրջան է սկսւելու: Փախուստի այս դժոխային ճանապարհից ազատողները նորանոր փորձանքների ու աներևակայելի դժարութիւնների պիտի մատնեն: Անոքութիւն, կարիք, սով, հիւանդութիւններ և վերջապէս անգործ լինելը, այս ամէնը, իրար միացած, պիտի շարունակեն հնձել ու կոտորել մազապուրծ եղած բազմութիւններից շատ-շատերին:

– Այո՛, մեր բոլորիս իսկական ողբերգութիւնը սահմանից ներս մտնելուց յետոյ է սկսւելու:

– Ինձ թում է, մեր այս թշուառ գաղթականութեան միակ փրկութիւնը կը լինի այն, որ նրա համար ստեղծեն այնպիսի ապահով պայմաններ, որ նա նորից կարողանայ իր հայրենիքը վերադառնալ: Իհարկէ, սա մի գեղեցիկ երազ է, և ես մեծ յոյս չ'ունեմ այդ երազի հրաշակերպ իրականացմանը: Ժողովրդական առածն ասում է «Ծովն ընկնողը շիղին կը փաթաթի»: Այո՛, միանգամայն ճիշտ է, ծովում խեղդողը իր փրկութեան համար նոյնիսկ փայտի տաշեղին է ապաւինում: Մենք՝ հայերս, մանաւանդ վերջին տասնամեակներում, սովորել ենք մտածել, որ մեր փրկութիւնը օտարների օգնութիւնից է կախւած:

– Եթէ, բախտի բերմամբ,– հարցրի ես,– Ռուսաստանն իր դաշնակիցների հետ այս կործանարար պատերազմից յաղթական դուրս գայ, չե՞ս կարծում, որ մեզ՝ հայերիս համար փրկութեան մի դուռ կարող է բացւել:

– Սիրելի՛ Սիրաք, ինձ անյարմար է նման խնդիրների շուրջ քեզ բացատրութիւններ տալ և ուսուցումներ կատարել, քանի որ գիտեմ՝ քո ընդհանուր զարգացման հորիզոնը ընդարձակ է: Բայց թում է, որ այդ առթիւ, իմ կարծիքն էլ ուզում ես իմանալ: Ահա այն ինչ ես եմ մտածում. մեր դարերի թշնամին՝ թիրքը, իր պետական կառուցւածքով հիւանդ է: Ռուսաստանն իր դաշնակիցների հետ շատ մեծ ցանկութիւնն ունեն այս «հիւանդ մարդ» կոչւած պետութեանը անդամահատութեան ենթարկել: Ճիշտ մեզ նման, Բալքանեան բազմաթիւ ազգութիւններ, տնքում և հիւծում են այդ եսասէր ամբարտաւան և բռնակալ հիւանդի սպանիչ տիրապետութեան ներքև: Կասկած չկայ, որ այդ ստրկացած և իրաւազրկւած ազգութիւններն էլ մեզ՝ հայերիս նման օգնութեան թախանձանքի կանչ ու աղաղակով տասնեակ տարիների ընթացքին խլացրել են Անգլիային, Ամերիկային և մանաւանդ Ռուսաստանին: Եթէ այս յիշածս երեք պետութիւնները հաւանական յաղթանակից յետոյ հրաշքով համաձայնութեան գան և իրենց մասնաւոր, եսական հաշիւներով տարւած՝ իրենց քաղաքական խիղճը վաճառքի չը հանեն, անկասկած, այդ հիւանդ բռնակալը անդամահատութեան պիտի ենթարկուի, և նրա լծից, ինչպէս Բալքանեան ազգերը, այնպէս էլ մեր տանջւած հայութիւնը, պիտի ազատագրուեն:

– Այս ամէնից յետոյ, սիրելի՛ Սիրաք, ինչպէս քիչ առաջ յայտնեցի, ես ներկայիս եկել եմ այն անխախտ եզրակացութեանը, որ մեր՝ հայերիս փրկութեան և ազատագրման ամենաառաջին պայմանը կայանում է մեր ազգային բոլոր ուժերի և կուսակցական կազմակերպութիւնների համագործակցութեան մէջ: Վասպուրականի Ապրիլեան հերոսամարտի՝ մեզ թողած ամենաթանկագին և անփոխարինելի կտակն է այդ:

– Ինձ համար չափազանց ցանկալի էր մտքերի այսպիսի հաղորդմամբ գոնէ մինչև Իզդիբը հասնելը:

Սա սքանչելի սփոփանք կը լինէր մեզ երկուսիս համար, բայց ես ստիպւած եմ բաժանել քեզմից, այսինքն՝ այն թանկագին ընկերոջիցս, որին ես միշտ երախտապարտ կը մնամ նրա տարիների ընթացքին ինձ տուած առաջնորդող ցուցմունքների համար: Ես պիտի սպասեմ և, եթէ ստիպւած լինեմ, մի քիչ յետ վերադառնամ ծնողներիս գտնելու համար: Կասկածում եմ, որ մօրս ռոմաթիզմի ցատի կրիզիս նորից սկսած լինի:

Մենք համբուրեցինք, մի քանի անգամ համբուրեցինք: Կարծես երկուսս էլ բնագործն նախորդում և ափսոսում էինք, որ այլև իրար հանդիպելու բախտատրութիւնը չենք ունենալու:

**ՄԻՆՉ ԱՅԴ ԱՆՃԱՆՕԹ  
ՄԻ ՉԳԱՅՈՒՄ**

Խանջեանից անհուն ափսոսանքով բաժանելուց յետոյ երկու ցանկութիւն ունէի՝ մերոնց գտնել և հանդիպել Անուշին: Պիտի խոստովանեմ, որ նոյնիսկ փախուստի տանջալից թուլեցնելիս ես Անուշին մտահան չէի արել: Ես այն ժամանակ ինձ չէի կարող համոզել, թէ ինձ մագնիսական զօրութեամբ դէպի Անուշը քաշող հակումին ի՞նչ անուն կարելի էր տալ:

Մարօին ես սիրում էի, շատ էի սիրում, բայց այդ սէրը հարազատի անխառն ու անարատ սէր էր, յար և նման իմ քոյր Արաքսու նկատմամբ տաժած սէրին: Բայց Անուշի նկատմամբ իմ տաժած սէրը, կարծես մի քիչ տարբերում էր առաջին երկուքի նկատմամբ ունեցած սիրուց: Անուշի սէրն աւելի ոգևորող, աւելի կենդանի և աւելի առնչեցնող էր:

Նահանջի այդ դժբախտ օրերին ես մօտենում էի իմ տարիքիս 20-րդի լրացմանը: Միայն երկու ամիս էր մնում ինձ թևակոխելու ծննդեանս 20-րդ տարին:

Ապրիլեան կռիւներից առաջ՝ բնութեան ինձ շնորհած երիտասարդական գիտակցական ժամանակաշրջանում, իմ արտադպրոցական բոլոր ազատ ժամերը նւիրել էի կարդալու, գրելու և մանաւանդ մեր ուսանողական կազմակերպութեան դասախօսութիւնները, ժողովներն ու կազմակերպչական գործերը կարգադրելու համար:

Անուշենց փոքրաթիւ ընտանիքի հետ մերոնք հեռաւոր ազգականութիւն ունէին, գուցէ տարին մի անգամ միայն մեր այս երկու ընտանիքների հանդիպումը յաջողում էր: Փախուստից առաջ՝ վերջի տարում, երբ ես Երասմեան դպրոցն աւարտելուց յետոյ նոյն դպրոցում ուսուցիչ դարձայ, մի քանի անգամ ես ինձ համարձակութիւն ներշնչեցի առանց մերոնց ընկերակցութեան մէն-մենակ Անուշենց տուն գնալու: Սկզբում շատ էի զգուշանում, նոյնիսկ վախենում էի նրանց մօտ՝ Սահակ աղային հանդիպելու: Չգիտեմ ինչու՞, նա ինձ վրայ պահպանողական, նոյնիսկ բռնակալ հօր տպատրութիւն էր թո-

ղել: Բայց հետզհետէ այդ տպատրութիւնը մեղմացաւ և ես վերջի 2-3 անգամ, նրանց մօտ գնալու համար, համարձակ և անվախ էի դարձել:

Ես շատ էի ցաւում, որ փախուստից առաջ չէի կարողացել հանդիպել և նրանց մեր ընտանիքին միացնել, մանաւանդ որ Սահակ աղան, ռուսների շուտափոյթ վերադարձի վրայ յոյս դնելով, կտրականապէս մերժել էր կնոջն ու աղջկայ հետ միասին գաղթելու:

Ամէն թույլ և ամէն տեղ ես շարունակ տենչում էի Անուշին իր մօր հետ գաղթի ճանապարհին հանդիպելու: Այդ ցանկութիւնը, անյաջողութեան փոխաւած, ինձ չափազանց մտատանջում և միտքս չարկում էր:

Ես շատ էի տխրում իմ անյաջողութեան համար: Չէ՞ որ ես բազմաթիւ անդամներ յետ ու առաջ ընկայ և ուշադրութեամբ ու անվերջ փնտրեցի և՛ մերոնց, և՛ նրանց: Ի՞նչ ձախորդութիւն, բախտի ինչպիսի՞ դասատրում էր, որ ինձ չէր յաջողում նրանց գտնել:

Մտորումներիս մէջ կլանւած, գաղթող բազմութիւնների աղմուկ-աղաղակներին անհաղորդ, անպայման թանձր քուլաներով բարձրացող փոշու մէջ կորած՝ շարունակում էի քայլել, առաջ ընկնել: Երբեմն աճապարեցնում և երբեմն էլ դանդաղեցնում էի քայլերս: Յոգնածութիւն չէի զգում, թէև իրականում անչափ յոգնած և չարչարկւած էի: Ի՞նչ նոր, աներևոյթ մի ուժ մեքենայաբար քշում, առաջ էր գլորում ինձ: Մէկ ժամ, կէս ժամ, 10 թույլ, մէկ խօսքով, ինչքան կարելի էր շուտ, ուզում էի Իգդիր հասնել: Տարօրինակ, մինչև հիմա անձանօթ մի զգացում, թաքուն մնացած մի տենչանք ամբողջ էութիւնս համակել էր: Այդ տենչանքը, այդ փոթորկուող կարօտը հոգիս մաշում, կրծում էր:

Քայլերս արագացնում էի: Չարմանում էի իմ մէջ այդքան արագընթաց կատարող փոփոխութեան վրայ: Գիտէի, որ չափազանց յոգնած, բեզարած պէտք է լինեմ, բայց հետզհետէ շտապեցնում էի քայլերս: Մի՞թէ իմ երկօրեայ բաժանումը ընտանիքից կարող էր այդքան մեծ տագնապ առաջացնել իմ ներքին աշխարհում: Այդ բաժանու՞մն էր պատճառը, թէ՞ ուրիշ կարօտակէզ զգացում: Ինձ մօտ ես ամաչում էի ճշմարտութիւնը խոստովանելու:

**ԻԳԴԻՐՈՒՄ**

Ֆիզիկապէս բոլորովին ջարդ ու փշուր և հոգեպէս չափազանց ընկճւած՝ նահանջի 7-րդ առաւօտեան ես Իգդիր էի հասել: Իմ միակ ցանկութիւնն այն էր, որ կարողանայի մի տեղ, մի խաղաղ անկիւն ճարել իմ յոգնաբեկ մարմնիս և յուսահատ հոգուս գոնէ մի քիչ հանգստութիւն և անդորրութիւն տալու համար:

Մինչև Իգդիր հասնելը՝ գերագոյն ճիգ էի ի գործ դրել, լարել ամբողջ ուժերս, որպէսզի, ինչքան կարելի է շուտ, այդ ցանկալի հանգրուանը հասնեմ:



Աճապարում, տնքում, տագնապում էի այրտեղ հասնելու համար: Բայց ասիտ՝ս, շատ ասիտ՝ս, ես կատարելապես ուժասպառ էի եղել և միմիայն մտածում էի հանգստանալու և քնելու համար:

Փախուստ-զաղթի ոտքով կտրած ճանապարհի անթիւ ցնցումներն այնպէս տանջել էին ինձ, որ հակառակ ինձ այրող փափագին, ի վիճակի չէի նոյնիսկ մի քայլ անել, ուր մնաց ծրագրածս փնտռուքը կատարել:

Գաղթականների անթիւ, անհաշիւ բազմութիւնները լցրել էին Իգդիլ կոչւած այդ գիւղաքաղաքի տները, կտուրները, փողոցներն ու այգիները, հասարակաց հիմնարկները, բուլվարն ու թէյատները, մէկ խօսքով, ամէն տեղ և ամէն անկիւն: Ես անկոչ հիւրի նման խցկեցի և կուչ եկայ առաջին հանդիպածս մարդկանց խմբաւորման կողքին:

– Աղջի՛ Աշխէն, էդ պարոնին ասա՛ իրա համար մէկ ուրիշ տեղ փնտրի: Առանց ինոր մենք էստեղ, բանտի մէջ ինկածի պէս, խեղդած ու շնչակտոր ենք էլել:

– Հայրիկ, աղաչում եմ, իրաւունք տւէք մի փոքր շունչ քաշեմ, – պատասխանեցի բողբոջ գաղթականին:

– Ես բոլորովին հիւանդ ու բեզարած եմ: Մի քիչ յետոյ, վեր կը կենամ և կը հեռանամ:

– Չես տիսնա ա՛յ մարդ, էսա խեղճի ջանին նֆաս չի մնացե: Իրիսի կոյն էլ հեռ իրնից, մեռելի կոյնի: Թող մէ քիչ նաֆաս առնի, էլնի էրթայ իր պանին, կուշտեց կինն իր մարդուն:

Սրտապնդում ամուսնուն կշտամբող բարի կնոջ պաշտպանութիւնից՝ կուչ եկայ նստած տեղումս և ապա վախվխելով՝ գետին պարզեցի: Մարդը շարունակում էր սրբմրթալ, բայց ես, դեռ նրա երկու խօսքը չը լսած, մրափի էի մտել:

Այդ արտակարգ աղմուկ-աղաղակի ժխորի մէջ ես վստահաբար շատ աւելի երկար կը քնէի, եթէ հովանաւորող բարի կինը, իմ անտէրութեան վիճակին կարեկցելով, ինձ ուժով չ'արթնացներ:

– Վեր կաց ա՛յ բալամ, վեր կա՛ց: Մի՞թէ դու տէր ու տիրական, հէր ու մէր, ընտանիք չունէ՞ս: Վեր, վեր, առտանից մինչև կէսօրս էս ժամին, քաղցած, ծարաւ վեր ես ինկած: Վեր էս մէկ բաժակ չայլ խմի, մէկ նաֆաս քաշի: Մէկ պատառ էլ հաց-պանիր չայիղ կողքին դրած եմ, էն էլ հետը կեր:

Ես մեծ ճիգ գործ դնելով, զարթնեցի: Աչքերս տրորեցի: Ճակտիս վրայ խառնիխտուն թափած և փոշեկոյլ եղած մազերս ձեռքովս յետ տի: Նստեցի և աշխատեցի միտքս կենտրոնացնել՝ որոշելու համար ներկայ վիճակի սկիզբն ու պատճառը: Վերջապէս յիշեցի, որ Իգդիլումն եմ, որ անասելի նեղութիւններով վերջապէս ինձ այստեղ եմ հասցրել և որ երբ յոգնաբեկ, հանգստանալու համար այստեղ նստել էի ուզում, նախատական խօսքեր լսեցի, բայց բոլորովին ուժաթափ լինելուս պատճառով չկարողացայ հեռանալ և անմիջապէս մրափի

մատնեցի: Փա՛ռք բարեգութ Աստծուն: Ամենադժբախտ և ամենալքւած մարդուն միշտ օգնութեան է հասնում և փրկութեան ճանապարհին է առաջնորդում: Նոյն այդ գերբնական էակն էր՝ այդ գթառատ կնոջն իմ ճանապարհին հանդիպացրեց ինձ օգնելու և վշտերս մի փոքր ամոքելու համար: Փա՛ռք այդ ամենագորին:

Անհուն երախտագիտութեան զգացումով սեղմեցի բարեսիրտ կնոջ ձեռքը և շնորհակալութիւն յայտնելով՝ հեռացայ և իմ հարազատների փնտրուքը սկսեցի:

\*\*\*

Փնտրտուքս երկար, շատ երկար տևեց: Ենթադրում էի Իգդիլի հայոց եկեղեցում, դպրոցում, հաւաքական ընդհանուր վայրերում հանդիպել մերոնց: Մութն ընկել էր, դեռ շարունակում էի մերոնց յետևից ման գալ: Ժամեր տևեց այդ սրտամաշ փնտրտուքը: Մերոնք չկային: Անուշն ու իրա մայրն էլ չկային: Իմ անբախտութիւնից բարեկամի, ծանօթի, մեր թաղեցիներից և ոչ մէկի հանդիպեցի: Նորից եկեղեցին վերադարձայ՝ յոյս ունենալով այդ տեղում մի լուր ձեռք բերել: Չէ՞ որ հայրս քահանայ էր և անկարելի էր, որ այստեղ հասնելուց յետոյ, եթէ ոչ մի բանի կարիք ունեցած էլ չը լինէր, գոնէ աղօթքի եկած կը լինէր:

Եկեղեցում, ինչպէս ասում եմ, ասեղ զցելու տեղ չկար: Գաղթական ընտանիքներ կողք-կողքի, առանց նոյնիսկ մի մատ միջանցք թողնելու, ամէն տեղ բռնել էին, և որովհետև գիշերայ ժամի 10-ից անց էր, համարեայ բոլորը յոգնած և բեզարած քնել էին:

Փնտրտուքս նորից շարունակելը զուր համարեցի: Մանաւանդ նորից ինձ յոգնեցնելու հաւանականութիւնից սարսափում էի: Բարուք համարեցի մի յարմար անկիւն գտնել և մինչև առաւօտ քնելով՝ ինձ ըստ հնարատրին կազդուրել: Հրանդի մօր՝ ինձ տուած բաղարջներից միայն մէկն էր մնացել: Պայտակիցս հանեցի այդ իմ վերջին յոյսն ու ապաւենը եղող պարենը, ճիշտ երկու հաւասար կէսի բաժանելով՝ մէկը կերայ: Խորոված գառնուկի մսի նման այդ բաղարջի կէսն ինձ համեղ թաց: Այնչափ ախորժակ ունէի մնացեալ կէսն էլ կուլ տալու, բայց արտակարգ ճիգ ի գործ դրի փորձութեան չենթարկելու ո՞վ գիտէ, դեռ ի՞նչ քաշելիքներ ունիմ: Ի՞նչ նեղութիւնների և կարիքների պիտի հանդիպեմ: Գուցէ յաջողդ օրն էլ ինձ չը յաջողի մերոնց գտնել: Նոյնիսկ եթէ բախտս ժպտալու լինէր, և մերոնց հանդիպէի, ի՞նչ գիտեմ, ո՞վ է իմանում, գուցէ նրանք էլ ուտելիք չունենան: Եւ շատ հաւանական է՝ չունենան: Մեզ նման գաղթականները ո՞րտեղից ուտելու պաշար պիտի ունենան:

**ԹԱՓԱՌՈՒՄ ԵՒ ՓՆՏՏՈՒՔ**

Հաջորդ առաւօտ՝ շատ կանուխ, դեռ արևածագից առաջ, արթնացայ։ Ֆիզիկական ուժերիս լրի քայքայման վախը սարսափեցնում էր ինձ։ Ընդհանուր յոգնածութիւն, տեղիցս չը բարձրանալու և ոտքի կանգնելու ցանկութիւն բացակայութիւնը՝ ահա իմ վիճակը։

«Միրաք, դու կորած կը լինես, նախ քեզ, յետոյ նրա համար, որին դու այդքան ջերմօրէն ձգտում ես, եթէ չ'սպաւիհես կամքիդ ուժին։ Ամենափոքր յուսալքում վերջնականապէս կը տապալի քեզ և վերջ կ'տայ քո երիտասարդ ծաղկող գոյութեանը և նրա հետ կապած ապագայ երջանկութեան երազանքին»,- նորից լսում էի նոյն ներքին փրկարար կանչը, նորից ինձ կեանքի, մարտնչող կեանքի հրաւիրող կոչը։

Ամերեր վճռականութեամբ ընկած տեղիցս բարձրացայ և պատասխանեցի ինձ կեանքի կռիւ հրաւիրող կանչին՝ այո՛, ես ապրել եմ ուզում։

Արևածագը մօտենում էր. Ամառային կապուտակ անամպ երկինքը՝ ծագող արևի ոսկեհուռ ճառագայթումներով, շողշողում էր։ Օդը մաքուր և կենսատու էր։ Վերջապէս փրկել եմք գաղթի ճանապարհի անտանելի թանձր ու կեղտոտ փոշուց։

Թափառում և փնտրում էի մերոնց։ Մի տեղում հարիրաւոր կանանց ու աղջիկների հաւաքւած տեսայ։ Մօտեցայ։ Նրանք իրարու հրմշկուում էին։ Փայտեայ կիսակլոր ճօռօթանից ջուր էր թափում։ Ըստ երևոյթին, խմելու ջուր էր այդ։ Թափուղ ջուրը խղճալիօրէն քիչ էր։ Այդ իսկ պատճառով ջրի շուրջ հաւաքւած կանանցից և աղջիկներից իւրաքանչիւրն աշխատում էր հերթը խել միսներից։

– Աման Աստուած, էլ էս ի՞նչ դժբախտութիւն է,- բարձրաձայն բողբոջում և գանգատում էր մի տարեց կին, – էս մէկ պուտ ջրի համար քիչ կը մնայ՝ իրար սպանեն։ Բա, ափսոս չէր մեր Վան քաղաքի գետի պէս վազող գուլալ աղբիւրները։ Վա՛յ, վա՛յ մեզի, ի՞նչ օրի ընկանք։ Անհիծես դու, տաճիկ, որ մեր գլխէն էդ աստծու բերքն ու բարիքը չը կարէր ու մէզ էս բախտին չը գցեր։

– Մի՛ յուսահատուիր, մայրիկ ջան,- փորձեցի սրտապնդել ցաւատանջ կնոջը, շուտով շատ շուտով նորից կը վերադառնանք մեր խօրոտիկ Վանն ու նորից բօլբօլ կը խմենք անոր անուշահամ ու զնգան աղբիւրների ջրերէն։

– Վա՛յ, մայրիկը մեռնի քո բերնին։ Բերան չի, աւետարան ի։ Դի՞շտ կըսես, եարաք կելնի էդ երջանիկ օրը։

– Կելնի, մայրիկ, անպատճառ կը գայ այդ երջանիկ օրը։

Մի քիչ յետոյ յուսահատ հարցրի.

– Մայրիկ ջան, ներողութիւն, եթէ կարելի է, ասա՛, ե՞րբ էք այստեղ հասած։

– Էսօրայ խեղ հաշւած երեք օր ի։ Ի՞նչ կայ քալէս։ Բաքի կորցրա՞ծ ունես։

– Դիշտ այդպէս, երեք օր է, որ մեր ընտանիքը կորցրած եմ։ Կը փնտրեմ, կը փնտրեմ, բայց չեմ կարող անոնց ճարել։ Հայրս քահանայ է։ Ս. Յակոբայ եկեղեցու քահանան էր։

– Վա՛յ նանէդ չը քօռանա։ Ս. Յակոբայ կարմրամիրու տերտերը քո խէ՞րն ի։

– Այո՛, մայրիկ։ Մի՞թէ դու կը ճանչնաս այդ տերտերը, որտե՞ղէն կը ճանչնաս։

– Բա՛, ինչպէ՞ս չեմ ճանչնայ։ Մենք Ս. Յակոբայ եկեղեցու ծովսն ենք։ Կարմրամիրու տեր Յարութիւնը մեր տերտերն էր։

Առանց անդրադառնալու իմ ներսում եռացող անհանգստութեանը, նա սկսեց պատմել, շաղակրատել և ի միջի այլոց գովել հօրս բարեմասնութիւնները։

– Բայց, մայրիկ, ինձ հետաքրքիր է իմանալ այս քանի օրերը տեսած կամ հանդիպա՞ծ ես անոնց, թէ՞ ոչ։

Խօսակիցս չ'ուզեց անմիջապէս պատասխանել։ Նա ուզում էր մի բան ասել, բայց երևում էր, որ տատանում է։ Մինչ այդ իմ արեան շրջանառութիւնը յանկարծակի արագացաւ, և սիրտս արագօրէն բախել սկսեց։ Մի՞թէ հօրս մի դժբախտութիւն է պատահել։ Սպասումի ամէն վայրկեան ինձ համար անտանելի էր։

– Ես հօրդ երկու օր առաջ տեսա։ Խեղճ մարդը խիւանդ էր։ Կասէր փորլուծ ունի։ Մի՛ վախենայ, քալէս։ Էսա մեր գաղթականների կէսից ալիլին էտա անիծած փորլուծն են պոնես։ Կնա՛յ էտա ծառաստան, էն երկէն դալամստանը, էնտեղ խիւանդանոց են շինես։ Բժիշկ ու ճար կայ, ինոնց կը նայեն կը խնամեն։ Մի՛ վախենայ, աստուած ողորմած ի։

Այլևս չ'սպասեցի։ Ամէն ինչ պարզ էր։ Խեղճ հայրս չէր կարողացել տոկալ գաղթի ճանապարհի կեղտախառն փոշիներից և անտանելի յոգնածութեանը, լուծմունքի, դիզենտերի էր ընկել։ Իմ կանգնած տեղից մինչև սանիտարական վրանները քիչ-քիչ մէկուկէս կիլոմետր էր։ Իմ յոգնատանջ վիճակում հազիւ կէս ժամից կը հասնէի։ Մինչ վրանների ճանապարհը բռնած՝ ուզում էի ինչքան կարելի է շուտ հասնել, սկսեցի մտածել և մտատանջուել քրոջս ու եղբօրս համար։ Եթէ հօրիցս գատ նրանք էլ լուծմունքով վարակւած լինեն, ի՞նչ պիտի անեն։ Այն ժամանակ մեզ կորած կարելի է համարել։

Վերջապէս հասայ սանիտարական վրանները։ Ամբողջ մարմնովս արտասովոր սարսուռ անցաւ։ Այսքան շատ վրաններ։ Նրանց շարքը համարեայ մի կիլոմետր էր։ Մի՞թէ այսքան շատ հիւանդներ կան պառկած այս վրանների ներքևը։ Սա ի՞նչ պատուհաս է։

Առաջին պատահած սանիտարուիուն դիմելով՝ հարցրի.

– Ներողութիւն, օրիորդ, ումնի՞ց կարելի է տեղեկանալ պառկած հիւանդների մասին: Կարծում եմ, որ հայրս էլ այս վրաններից մէկի տակը հիւանդ պառկած պիտի լինի:

– Այս կողմից գնացէ՛ք այն երեք առանձնացած վրանները: Ամէն օր առաւօտեան հիւանդներից ողջ մնացածների ցուցակը հերթապահ հիւանդապահի մօտ է լինում:

– Մի՞թէ հիւանդներից մեռնողները շատ կան,– հարցրի տազնապահար և վախեցած:

Հիւանդապահը, ակնապիշ և զարմացած իմ հարցումից, ինձ ոտքից մինչև գլուխը չափելով, իր աջ ձեռքը բափ տուեց և առանց պատասխանելու՝ շարունակեց իր ճամփան:

Խեղճ, թշուառ վանեցիներ, ամբողջ մի ամիս բարբարոս ու վայրագ թշնամուն կարողացաք դիմադրել և ձեզ ողջ-առողջ ազատել, որպէսզի անպատմելի տանջանքներով փախուստի ճամփան կտրելուց յետոյ գայիք այս օտար և անհարազատ հորիզոնի ներքև մեռնելու համար:

Անկարող եմ նկարագրել այն սուկալի տազնապար, որ սկսեց փոթորկել հոգիս:

Դէպի հիւանդապահի ցոյց տուած երեք վրաններն էի ուզում գնալ, բայց ծունկերս ծալծլում էին, ինձ հազիւ ոտքերիս վրայ էի պահում: Մի քանի քայլ առաջ էի գնում, բայց գետինը չընկնելու համար, ստիպում էի կանգ առնել: Նորից մի քանի քայլ, և նորից պարտադիր սպասում: Վերջապէս մի կերպ ինձ հասցրի ցոյց տուած վրաններին: Ներս էի ուզում մտնել, բայց կարծես վախեցնում էի: Միրոս նորից բարբախել էր սկսել:

Իսկ եթէ յանկարծ հերթապահն ինձ յայտնէր, որ այդպիսի անուճով պառկած հիւանդ չկայ, ի՞նչ պիտի անէի: Արդեօ՞ք պիտի կարողանայի դիմանալ, հարածի ուժգնութեանը զսպել: Մտայ առաջին վրանը և դիմելով խարխլած և օրօրող մի հին սեղանի մօտ նստած, համեմատաբար տարիքոտ մի կնոջ, ըստ երևոյթին, հերթապահին, հարցրի.

– Ներողութիւն, կարելի է իմանալ՝ ո՞ր վրանի տակն է պառկած հայրս՝ Յարութիւն քահանայ Սարիաղեանը:

Հերթապահը, իր սեղանի վրայ անկարգօրէն թափափած բազմաթիւ թերթերը կարգի բերելով և նրանցից մի քանիսի վրայ գրած անունները կարդալով, թղթերը դէն շարտեց և ասաց.

– Մի՞թէ այդքան հեշտութեամբ կարելի է գտնել ձեր հօր անունը: Պէտք է մի քանի հարիւր անուններ կարդալ՝ ձեր հօր անունը ճարելու համար: Ժամանակ էլ չունենք նրանց այբբենական ցուցակը պատրաստելու համար: Ասում էք՝ ձեր հայրը դիզենտերիա ունի՞, հապա ինչպէ՞ս էք իմանում այդ մանրամասնութիւնը, բայց նրա տեղը չէք իմանում:

Եւ առանց իմ բացատրութեանը սպասելու՝ ասաց.

– Դիզենտերիայով պառկած հիւանդները գտնում են 26-րդ վրանից մինչև 50-րդը: Եթէ ձեր հայրը ողջ է մնացել, նրանցից մէկն ու մէկի մէջն է:

– Ծնորհակալութիւն,– ասացի՝ խեղդելու համար դժգոհութեանս արտայայտութիւնը և առանց հարցումի և սպասումի վրանից դուրս գալով, ուղղեցի դէպի ցոյց տրուած և համարակալած վրանները:

## ԸՆՏԱՆԻՔԻՍ ՄՕՏ

Չնայած ծայրահեղ յոգնածութեանս, առանց ամենափոքր սպասումի և հանգստի, դիմեցի ցոյց տրուած վրանները: Ոչ խիտ ծառաշարքի կողքին՝ դաշտանման մի վայրում, մի շարքով, իրար կողքին, ամբացած էին հիւանդների վրանները:

Կէսօրը մօտենում էր: Ամառային արևը կիզում էր, մրրկում էր: Քայլում և յառաջանում էի մեծ դժարութեամբ: Մի երկու անգամ, ոտներիս ցրի եկած կօշիկներիս պատճառով, գետնի վրայ կուտակւած հող ու փոշիների մէջ մխրճելով, ցած ընկայ: Նորից բախտս անիծելով և տնքալով՝ շարունակեցի քայլել:

«Արդեօք այս մեր տանջանքն ու չարչարանքը երբևէ վերջ կունենա՞, թէ՞ ո՛չ»,– հարցնում էի ինքս ինձի: Վրաններից քիչ հեռաւորութեան վրայ գաղթական խմբակներ կային: Անկասկած հիւանդ ունեցողների դժբախտ ընտանիքներն էին: Ողբալի էր նրանց վիճակը. ամէն տեսակի փալասներով, շոքերով, սաւաններով, կիզիչ արևից պաշտպանելու նպատակով իրենց համար ծածկոց-ապաստարան էին սարքել:

Վերջապէս մօտեցայ այն վրաններին, որոնց ներքև արհնահոս լուծումնքով վարակւած հիւանդներն էին պառկած: Չնայած բացօթեայ լինելուն՝ նրանցից փչում և տարածում էր սիրտ խառնող գարշահոտութիւն: Ի՞նչ ահռելի, անտանելի վիճակ էր: Այս պայմաններում մի՞թէ հիւանդ կարող է ապաքինել և համատարած աղէտ-մահից ազատել:

Մահուան սպառնալիքից փախուստ տող խեղճ վասպուրականցիները իրական մահուան աղէտի անգութ ճանկերում զալարում են: Ի՞նչ սուկալի և անխուսափելի վախճան է այս: Ի՞նչ անիծապարտ ճակատագիր: Երբ ես յոգնածութիւնս, անճարակութիւնս և ամէն ինչ մոռացած՝ այս տխուր մտորումներին էի յանձնել, յանկարծական մի ճիչ-կանչից սթափուեցի: Այդ ճշոցով կանչողն իմ քոյրն էր՝ Արաքսին:

Նա բառական հեռից ինձ ճանաչել էր և շնչակտուր վագում էր դիմաւորելու:

– Եղբայր ջան, անուշիկ եղբայրս, որտե՞ղ ես մնացել: Մենք քեզ սպասելով մեռանք,– ասաց ու ինձի փաթաթելով՝ ամուր գրկեց և փոշեկալած երեսներս տասնեակ անգամներով համբուրեց: Փո-

խաղարձաբար նրան կրծքիս սեղմելով՝ իմ հերթին անկուշտ ու կարօտակէզ համբուրեցի:

Երբ մի քանի բուպէ յետոյ մեր մի քանի օրայ բաժանման կարօտին մի կերպ յագուրդ տւինք, հարցրի.

– Արաքսի՛ ջան, ինչու՞ համար այս դժոխքն էք ընկել:

– Ի՞նչ դժոխքի մասին ես խօսում, ախպէ՛ր ջան: Մի քիչ սպասելուց և ինձ ոտքից գլուխ նայելուց յետոյ՝ ատելացրեց.

– Լաւ, մենք ենք դժոխք եկել, բայց դու ho դժոխքից չես եկած: Այս ի՞նչ հալի ես ընկել: Ի՞նչ օրի են ընկել քո այս կօշիկներն ու հագուստները: Ինչու՞ այսքան միհարել ու քեզարել ես:

Մինչ ես պատրաստում էի մի յարմար պատասխան ճարելու, քոյրս սկսեց դառնագին լացել: Նրա արցունքի կաթիլները թափում էին առատօրէն իր՝ բոլորովին դժգոմած այտերի և հագուստի վրայ:

– Մենք հէնց այն օրանից, – շարունակեց նա լացակումած, – երբ մեր տնից ու այգուց դուրս եկանք, դժոխքը մտանք: Սև էլնէր էն օրը, որ մենք ստիպւած եղանք թողնել մեր հօրն ու մօր ազիզ, անման օջախը:

Նա լացում էր երեխայի նման: Լացում էր աղիողորմ ու ողբագին: Լացում էր սրտամորմոք ու սրտամաշ:

Ես նորից գրկեցի նրան, սղմեցի գիրկս, համբուրեցի և ջանացի կիսակտուր խօսքերով, որոնց ճշմարտութեան ինքս էլ համոզւած չէի, մխիթարել և գուրգուրել նրան:

Երբ մի քիչ հանգստացրի քրոջս, հարցրի հօրս առողջութեան մասին:

– Այսօր մի քիչ ատելի լաւ է: Աղիքների գալարումն ու ցտերը մեղմացել են: Եթէ չը լինէր նրան դարմանող ազնիւ բժիշկը, հայրս, հեռու իրանից, անկասկած մեռած կը լինէր: Բայց այս հայ բժիշկը շատ բարեխիղճ ու պատուական մարդ է: Հօրս ու նրա նման հիւանդների համար նա կարծես երկնքից ուղարկւած մի փրկարար հրեշտակ լինի:

Մի քիչ յետոյ, քրոջս հետ մտանք հօրս պառկած վրանը: Աստուած իմ, ի՞նչ ողբալի, ի՞նչ թշուառ էր իրար կողքին թափւած այդ հիւանդների վիճակը: Համարեայ բոլորը պառկած էին կեղտոտ փալասների վրայ: Շատ քշերին էր վիճակել պառկելու մի կեղտոտ ներքնակի վրայ: Գերմակ սաւան կոշտղ առարկան գոյութիւն չունէր: Լուծմունքի գարշահոտը տարածւել էր ամենուրեք: Քոյրս կամացուկ ականջիս փափասց, որ 2-3 օրում այս վրաններից տասնեակներով մահացողներին դուրս են տարել և մի ընդհանուր գերեզմանափոսում թափելով՝ թաղել են:

Մօտեցանք հօրս պառկած տեղին: Նրան պատել էին մի ներքնակով և մի բարձով: Անչափ գունատ և նուազած տեսք ունէր: Ինձ տեսնելուն պէս աչքերը լայն բացեց և խռովկան ու հազիւ լսելի ձայնով գանգատեց.

– Սիրա՛ք, տղա՛ս, ինձ էլ անտէր թողիր, որ մեր դժբախտ Հայկանուշի նման բեմուրազ մեռնեմ: Որտե՞ղ ես մնացած: Ա՛խ, ինչքան շատ տանջուեցինք այս անիծեալ ճանապարհին: Այս բոլորից յետոյ կարծես մեր չարչարանքը քիչ էր, այս հիւանդութիւնն ալ վրան հասաւ, որ մեզի սպանի ու հանգստացնի:

– Այդ հիւանդութիւնը քեզ չի սպանելու, վստահ եղի՛ր, սիրելի՛ հայր: Ես չեմ թողնելու, որ դու այս անտէրութեան մէջ մնաս: Հէնց հիմա բժշկից կը խընդրեմ, որ թոյլատրի քեզ այստեղից անմիջապէս հեռացնելու: Այստեղ մնալ բոլորովին անօգուտ և նոյնիսկ վտանգաւոր է:

– Ես այլևս չեմ կարող այս դրութեան մէջ շարունակել ոտքով ճանապարհ գնալ: Ես կատարելապէս ուժաթափ եմ և նոյնիսկ տեղիցս շարժելու անկարող:

– Այդ մասին անհոգ եղի՛ր, սիրելի՛ հայր: Ոտքով ճանապարհ շարունակելու վախը թող քեզ չը սարսափեցնի: Մի կերպ կ'անենք, եթէ ֆուրգօնը չը յաջողի, սայլով կը փոխադրենք քեզ:

Ով ուզում է ապրել, ինչքան կարելի է շուտ, այստեղից պէտք է փախուստ տայ:

## ԴԷՊԻ ԷԶՄԻԱԾԻՆ

Վճռել էի հօրս, ինչքան հնարաւոր է, շուտ հեռացնել արիւնոտ լուծմունքի, աղիքային տիֆի և ջերմասպան մալարիայի կենտրոն-դժոխք դարձած Իզդիրից:

Մահամերձ հօրս, կմախքացած քրոջս և տենդատանջ եղբօրս վիճակն ինձ ստիպեց յանդուգն եզրակացութիւն հանելու: Տրամաբանօրէն այն եզրակացութեան եկայ, որ եթէ իմ բախտահալած ընտանիքի մնացորդ այս երեք անդամները մի քանի օր էլ մնան և ապրեն այս սպանիչ պայմաններում, անկասկած, մահուան երախում կու պիտի գնան և ինձ անտէր ու որբ պիտի թողնեն:

Հօրս վրանից դուրս գալուց ես քրոջս հարցրի այդ ազնիւ բժշկին ե՞րբ կարելի է հանդիպել: Նա յայտնեց, որ կէսօրից յետոյ՝ ժամի 5-7-ը, նա հիւանդներին այցելութեան է գալու:

Եւ իսկապէս ուղիղ ժամի 5-ին նա իր այցելութիւնները սկսեց: Կէս ժամ անց նա հօրս վրանն էր գալիս: Գզգզւած և պատառոտուած իմ հագուստներով ու կօշիկներով ինձ համարձակութիւն ներշնչեցի, նրան մօտենալով, խնդրել որ հօրս վրանից հանելու և փոխադրելու իրաւունք տայ մեզ:

– Բայց այս դրութեան մէջ, – ասաց նա, – ձեր հօր տեղափոխումն ու հեռացումը հաւասար է նրան մահուան դատապարտելուն: Խելօք գործ չէ այդ:

– Յարգելի դոքսոր, շատ և շատ ներողութիւն եմ խնդրում, որ համարձակուիմ եմ ձեզ հետ համաձայն չը լինել: Չը գիտեմ ինչու՞, ինձ բուժում է, որ եթէ

հայրս մի երկու-երեք օր էլ մնայ այս վրանում, անկասկած պիտի մահանայ: Քոյս ինձ պատմեց ձեր հոգածութեան և անճնիքութեան մասին, բայց ես համոզուած եմ, որ եթէ չ'արտօնէք ինչ հեռացումը, նա այս կեղտի, գարշահոտութեան, այս մշտահարող վարակման միկրոբների կուտակման մէջ պիտի մեռնի:

Դեռ երիտասարդ բժիշկը իր վճիռը տալու տատանման մէջ ընկաւ: Յետոյ իր սկեռուն հայացքը քրոջս և ինձ վրայ գամելով՝ ասաց.

– Ձեր հայրը ձեզ համար շատ ատելի սիրելի ու անփոխարինելի է, քան ինձ համար: Եթէ դուք անպայման ցանկանում էք նրան այստեղից հեռացնել, ես չեմ ընդդիմանայ: Նրա համար երեք օրայ անհրաժեշտ օշարակ և մի քանի դեղահատ կը տամ: Ասուած ձեզ հետ:

Անշափ ուրախացած բարեսիրտ բժշկի կարեկցական համաձայնութիւնից, և չնայած իմ անսահման յոգնածութեանը, քրոջս խնդրեցի եղբօրս օգնութեամբ ինչ վրանից դուրս բերելով՝ նրան իր հագուստները հագցնել, մինչև իմ վերադարձը:

– Արաքսի՛ ջան, ես գնում և ամենաուշը մինչև մէկ ժամ կը վերադառնամ: Ես կաշխատեմ մի ֆուրգօն, եթէ չը յաջողի, մի սայլ վարձել և այստեղ գալով ձեզ փոխադրել Իգդիր և այնտեղից էլ Էջմիածին: Ափսոս, որ իմ ունեցած դրամը շատ քիչ է:

– Սիրա՛ք, բոյիդ մատաղ, չը լինի որ նորից օրերով անհետանաս: Վստահ եղիր, եթէ այս անգամ ուշանալու լինես, վերադարձիդ քրոջդ մեռած կը գտնես:

– Արաքսի՛, էլի սկսեցիր երեխայական խօսքեր ասել: Քեզ խօստացայ մէկ ժամից վերադառնալ և անպատճառ խոստումս կը կատարեմ: Վստահ եղիր, քոյրիկս:

Իգդիրում ֆուրգոն գտնելն անկարելի եղաւ: Ասեմք ֆուրգօն շատ կար, բայց նրանց վարձքը միանգամայն առասպելական էր ինձ համար: Ամբողջ իմ ունեցածը թրքական մէկ ոսկի և մէկ մէջիդիէ էր, մինչդեռ ֆուրգօնի վարձը մինչև Էջմիածին, երկու ոսկի էր:

Ի վերջոյ ես ստիպուած եղայ մի սայլ վարձել՝ տիրոջը խոստանալով, Էջմիածին հասնելուց, կէս ոսկի և մէկ մէջիդիէ վճարելու:

Սայլապանը, ինձ ոտից գլուխ չափչափելուց և իմ կօշիկների ու հագուստի անմխիթար վիճակը տեսնելուց յետոյ, պահանջեց ամբողջ վարձքը ես գլխից կանխիկ ստանալ: Ես ստիպուած նրան իմ ունեցած մէկ ոսկին ցոյց տուի և համոզեցի, որպէս կանխավճար, վարձքի կէսը ստանալու:

Իգդիրցի սայլապանին բացատրեցի, որ հայրս լուրջ հիւանդ է, և մեզ անհրաժեշտ է անմիջապէս մէկնել Էջմիածին՝ յոյս ունենալով այնտեղ ինչ որ դարմանելու: Սայլապանը, 50 տարեկանոց, հանգիստ բնատրութեան տէր մի մարդ էր թում: Նա,

նորից շատ խորհրդաւոր հայացքով ինձ զննելով, ասաց.

– Տղա՛ս, մեր ամէնուս ճակատագրի տէրն ու տիրականը Ասուած ինքն է: Ինչպէս կամենայ, այնպէս էլ կը տնօրինի: Եթէ ինչ ճակատին գրած մահուան օրը հասած չլինի, չի մեռնի, անհոգ կաց: Իսկ եթէ...

Նա ըստ երևոյթին ինձ վշտացնել չ'ուզեց և խօսքը կիսատ թողնելով, համարեայ հրամայաբար ինձ կարգադրեց.

– Նստի՛ր կողքիս, քանի որ վազում ես, գնանք ձերոնց նստեցնելու: Ասում ես, քեզ հետ, ձերոնք 4 հոգի՞ են: Եթէ ատելի շատ լինեն, մեր պայմանը բօգմիշ կեղնի: Տաճո՞ւ փողն էլ մէջտեղից կերթայ:

– Վստահ եղիր, բարեկա՛մ, ինչ որ ասել եմ, ճիշտ եմ ասել:

Վրանների մօտ հասնելուց անմիջապէս յետոյ ինչ սայլի վրայ տեղադրեցինք, և մենք երեք հոգիս էլ մի կերպ տեղադրեցինք: Բարեբախտաբար, սայլի վրայ կողքերը պատասպարող և երեք քառորդ մետր բարձրութեամբ փայտից շրջանակ կար: Սայլին կապուած ձին առոյգ և արագավազ էր: Մեր գաղթի ճանապարհին առաջին անգամ լինելով ինձ հանգիստ և միամիտ էի զգում: Նախ այն պատճառով, որ ինձ յաջողել էր ինչ որ ստոյգ մահից ազատելու և երկրորդ, որ պատահմամբ մեզ վիճակել էր ժիր և արագավազ ձիով քաշող սայլ վարձել:

\*\*\*

Իգդիրից Էջմիածին ճանապարհելուց առաջ սայլապանը զնաց իր ձիու համար գարի առնելու, իսկ մեզ էլ խորհուրդ տուց ինչ որ լուծմունքի առաջը կապելու համար թարմ ու քաղցր մածուն հայթայթել և ջրային մասը քսակով քամելուց յետոյ նրան կերցնել, իսկ ջրի փոխարէն թունդ թէլ խմեցնել: Նրա այս խորհուրդը բաւական օգնեց ինչ որ, բայց ես միշտ համոզուած էի, որ նրան վրանի տակից այդ անտանելիօրէն կեղտոտ մթնոլորտից ազատելն ու օդափոխութեան ենթարկելը նրա ապաքինման գլխաւոր երաշխիքն էին:

Այսպէս թէ այնպէս, քրոջս ասելով, ինչ որ առողջական վիճակը դէպի լաւ էր գնում: Չնայած սայլի անվերջ ցնցումներին՝ ինչ որ աղիքային գալարումներն ու փորլուծի ճնշումը մեղմացել էին, և դիմադրական կարողութիւնը համեմատաբար ուժեղացել էր: Սայլապանը, երբ իմացաւ, որ հայրս քահանայ է, աշխատեց ատելի զգոյշ անցնելով՝ սայլի ուժեղ ցնցումների առաջն առնել:

Մենք շուրջ 16 ժամից յետոյ յաջողեցինք Էջմիածին հասնել: Առաւօտ էր, և մենք ուրախ էինք, որ լոյս աչքով ի վիճակի կը լինենք մեզ համար մի յարմար տեղ ճարել:

Սայլապանը մեզ տարաւ դէպի Էջմիածնի Մայր Տաճարի շրջապատը: Մենք ապշահար եղանք՝



*Մուրթ Էջմիածնի վանքը*

գաղթականութեան անհաշիւ բազմութիւնների խճողումը տեսնելով: Այդ մուրթ ու շփոթ բազմութիւնները ալեկոծ ծովի իրար յետևից կուտակուող և գահավիժող ալիքների նման ծփում և տարուբերում էին: Մարդկային կատարեալ քաոս էր: Մեծ ու փոքր, այր ու կին, երեխա ու ծեր և յաճախ տնային կենդանիներ, բոլորը խառնուած և իրար գլխին լցւած էին: Կանչն ու աղաղակը, լացն ու հայիռ-յանքը, կովերի բառաչն ու էշերի գռոցն իրար էին խառնշտկուած, և տեսնողը ենթադրում էր, որ այս բազմութիւնները նոր նահանջ-փախուստի են պատրաստուում:

Սայլապանին մնացորդ վարձքը վճարելով և շնորհակալութիւն յայտնելով՝ ճանապարհեցի:

Մայր Աթոռի վանքապատկան շրջաններն ու ծառաստանները ծովածաւալ գաղթականութեամբ լցւած էին: Մեծ նեղութեամբ մեզ յաջողւեց վանքից բաւական շատ հեռու մի տեղ ճարել և մեր ընտանիքի՝ դեռ ձեռքից չը տուած երկու մետրանոց փալասանման կտորը գետնին փռելով նստել: Փայասից գատ, Արաքսին մեծ նեղութեամբ իր մէջքին կրել էր գունատոր չքից երկու կտոր սփռոցներ:

Մենք զգուշութեամբ մեր հորը պառկեցրինք փալասի վրայ և նրա յոգնատանջ ու կմախքացած մարմինը ծածկեցինք սաւաններից մէկով:

Մեր ապրած տանջալից և դժբախտ օրերից յետոյ մենք վերջապէս բախտ ունեցանք, թէկուզ մի քանի ժամով, հանգիստ շունչ քաշելու: Անկասկած,

այլևս նամարդ թշնամու կրնկակոխ հետապնդումից և ընչաքաղց քիւրդ աւագակների յարձակումների վտանգից ազատել էինք:

Ամէն տեսակի բախտատուր յոյսերից ամայացած մեր սրտերը մշուշապատ ապագայի ենթադրական սպասումներով սկսել էին բարբախել: Մանուաւնդ մեր հոր կեանքին սպառնացող վտանգի նազումը մեզ մի տեսակ անուշ սփոփանք էր տալիս:

Գիշերը վրայ էր հասել, և մենք որևէ հնարաւորութիւն չունէինք գաղթականներին բաշխող նպաստից օգուելու: Դժբախտաբար, մեզ մօտ ուտելիք էլ չէր մնացել: Բացի մեր հիւանդից, միւս երեքս էլ բոլորովին քաղցած էինք: Բարեբախտաբար, ինձ շնորհուած բաղարջների ամենավերջին կէս կտորը դեռ մնացել էր պայուսակումս: Բացառիկ գոհունակութեամբ և յաղթական պարծանքով այդ գոհարանման կտորը դուրս բերի և քրոջս տալով՝ ասացի.

– Արաքսի՛, երեք մասի բաժանի՛ր: Քաղցից չը մեռնելու համար կարծեմ սքանչելի դեղահատ կը լինի այս կէս բաղարջը մեզ համար: Իսկ քամած մածնի վերջին կտորն էլ հօրս տուր:

Յաջորդ առաւօտը՝ շատ կանուխ, մենք բոլորս էլ զարթնել էինք: Եթէ մեր ծայրահեղ յոգնածութիւնը չը լինէր, քաղցած լինելու պատճառով քնել չէինք կարողանայ:

Մեր ընտանիքի ունեցած հարստութիւնը ենթադրում էի, որ ինձ մօտ մնացած կէս ոսկին էր: Եթէ մենք ուզենայինք այդ գումարով շաքար, թէյ, հաց ու

պանիր առնել, շատ-շատ երկու օրայ ուտելիք կարող էինք ապահովել: Իսկ յետո՞յ...

Հօրս համար մի բաժակ թէյ և մի քիչ էլ մածուն էր պէտք: Բարեբախտաբար, օդափոխութիւնը, ազատ և համեմատաբար մաքուր օդը և անցնող գիշերայ փոքր հանգստութիւնը նրան մի քիչ կազդուրել էին: Ներկայիս նրա համար գոնէ մի բաժակ թէյ շատ անհրաժեշտ էր:

Մեզնից ոչ հեռու և մեզ նման գետնի վրայ օթևանող գաղթական մի ընտանիք, որը մեզնից ատի շուտ հասած և տեղաւորած էր, պրիմուս ճրագի վրայ թէյ էր եռացնում: Մենք անհամարձակ և գաղտագողի նրանց կողմն էինք նայում և մեր մտքում նրանց երանի տալիս, որ շաքար ու թէյ և հաւանաբար հաց էլ ունեն:

– Արաքսի՛, փորձի՛ր նրանցից մի բաժակ թէյ խնդրել մեր հիւանդ հօր համար,– թելադրեցի քրոջս:

– Ամօթից կը մեռնեմ: Երեսիցս չի գալիս խնդրել և յետոյ ամենից անյարմարն այն կը լինի, որ կարող եմ մերժել:

– Իրաւացի ես: Այս արտակարգ պայմանները մարդկանց եսասէր և քարսիրտ են դարձրել:

Յետոյ եղբօրս դիմելով՝ ասի.

– Վեր կաց, եղբայր, Վանքը գնանք: Այնտեղ հաւանաբար մեզ կը յաջողի գտնել մի գաղթականակն մարմին, որ պարտականութիւն կունենայ օգնելու մեր նմաններին: Վեր կաց, շուտ գնանք: Եթէ մինչև կէսօրը չը կարողանանք պարեն ստանալ, բոլորս էլ քաղցից կը կոտորուենք:

#### ԳԱՂԹԱԿԱՆՆԵՐԻ ՎԻՃԱԿԸ

Կէս ժամից յետոյ մեզ յաջողեց գտնել Էջմիածնի գաղթականակն նպաստամատոյց մարմնի կենտրոնատեղին: Անկարելի է նկարագրել ծովածուալ գաղթականների խճողումն ու իրարանցումը: Ոչ ոք չէր մտածում միսներին, իր նման թշուառներին ամենափոքր զիջում անելու: Քաղցած մնալու սարսափը բոլորին գրկել էր մարդկային ամենատարրական զգացումներից: Հրում, հրմշտկում, ցած էին գլորում, կոխկռտում էին իրարու:

Նպաստամատոյցի պաշտօնեաների և նրանց օգնող մարդկանց ազդարարութիւնները, սպառնալիքները, գոռոց-բղաւոցները, հերթի կանգնելու և հերթով յառաջանալու վերաբերեալ անօգուտ էին անցնում: Ամէն մէկը ճգնում, աճապարում էր մի բռնալէ շուտ «նպաստամատոյց»-ի դռնից ներս սահել և իր պարենը ստանալ:

Ամբողջ չորս ժամ հրում-հրմշտկումների, ճգնում ճխտոցների ենթարկելով, վերջապէս ինձ ու եղբօրս յաջողեց նպաստամատոյցի արքայութեան դռնից ներս ընկնել: Մեզ ամէն մէկին մի կտրոն (կուպոն) տրեց: Մեր բոլոր խնդիր թախանձանքները

հաստատելու համար, որ մեզնից զատ, մեր ընտանիքում, երկու ուրիշ շունչ ևս ունենք, որոնք մեզ նման պարենի կարիք ունեն, միանգամայն անօգուտ անցան: Մեզ պատասխանեցին՝ այս քանի օրերում տեղի վերայ քննութիւններ են կատարելու, և ամէն հոգուն մէկ կուպոն է տրուելու:

Մեր չորս ժամեայ քրտնաթոր մաքառումներից յետոյ մեզ յաջողել էր ստանալ 2 քիլոյանոց կլոր հացեր, 100 գրամ շաքար, և 20 գրամ թէյ: Կէսօրան մօտերը ճակատամարտից վերադարձող հերոսների նման ես ու եղբայրս, հացով և շաքար ու թէյով զինուած, մերոնց մօտ վերադարձանք:

Քոյրս, որին յաջողել էր մի քանի անգամ կարմրկտելուց և գունատելուց յետոյ իրեն համոզել, որ հարևան գաղթականներից հիւանդ հօրս համար մի բաժակ թէյ խնդրի և ստանայ, մեզ՝ երկու եղբայրներիս, հացի ու շաքարի թանկարժէք պարենով «զինուած» տեսնելով, ուրախութիւնից վեր-վեր ցատկոտել սկսեց:

Թէ՛յ սարքել կարողանալու համար պրիմուս և նաթ էր պէտք, որ չունէինք: Ասենք՝ մենք ապրուստի անհրաժեշտ միջոցներից բոլորովին զրկուած էինք: Վանից, մեր տնից վերցրած թեթև իրեղեններ, ճանապարհի անհամար դժարութիւնների և խուճապի հետևանքով թափել և ձեռքից տւել էինք: Էջմիածին հասնելիս մեր ամբողջ ունեցած իրեղենները բաղկացած էին երկու կտոր գունաւոր չիթ սփռոցից, մէկ կտոր 2 մետրանոց փալասից, մէկ փոքր փարչիկից, ջուր խմելու համար պահած, և պղնձեայ փոքր թէյնիկից ու երկու բաժակներից: Մենք բառի բուն նշանակութեամբ տկլոր գաղթականներ էինք:

Արաքսին, իր երկու եղբայրների յոգնածութիւնը նկատի առնելով, սկսեց դէսից-դէնից ծառերի չորացած կեղև ու ճիւղեր հաւաքել նրանցով ջուր եռացնելու և թէյ պատրաստելու համար: Ժամի մէկին քոյրս մեզի հիւրասիրեց մեր ստացած պարենի կէտով:

– Ստիպուած ենք կէս փոր կշտանալ,– ասաց: –Մնացածը գիշերայ համար են պահելու: Վաղն առաւօտեանը ինքս էլ ստիպուած եմ ձեզ հետ պարենը ստանալու համար գալու:

– Եթէ էգուց էլ այսօրայ նման ժամերով ճգնելով, ճխտուելով հերթի պիտի կանգնենք միայն մի օրայ պարենի այդ ողորմելի քանակն ստանալու համար,– մրթմրթացի ես և ապա հոգուս խորքից վիրաւորած տոնով աւելացրի.

– Դժբախտաբար այսօր նկատեցի, որ պարենաւորման գործածումն էլ չորի ու թացի պատմութիւնը գոյութիւն ունի: Մինչ մենք, ժամերով հրմշտկուելով ու ճխտուելով հերթի սպասելով, մեզ պարենաբաշխի «արքայութեան դռնից» ներս խցկեցինք, ուրիշները, առանձնաշնորհեալ և հովանաւորուած դասակարգին պատկանող «գաղթական» կոչեցելուները, միւս կողմի մենաշնորհեալ մուտքից շատ հանգիստ և առանց ամենափոքր



*Վասպուրականցի գաղթականությունը Էջմիածնի մատույցներում*

խուճապի, իրենց ձեռքում ունեցած խորհրդաւոր տոմս-կարտերով ներս էին գալիս և իրենց առատօրէն տրուած կամ բաշխուած պարէնով բեռնատրուած՝ դուրս էին գնում: Այսպիսի պարենաբաշխումը ստորութիւն և խարեբայութիւն է:

– Շատ մի՛ վշտանայ որդի՛ս,– նաղած ձայնով ասաց հայրս,– այդպիսի անարգ խտրականութիւն ու անխիղճ վերաբերմունք պիտի լինի: Մենք ամեն տեղ պարծենում ենք, որ կուլտուրական, յառաջադէմ և գովելի առաւելութիւններով օժտուած ազգ ենք: Ինչու՞ ուրեմն այսպիսի ճակատագրական օրերին մենք մեր հաւաքականութեան արժանիքը ոտնակոխենք և մեր իրաւունքների փոխադարձ յարգանքը չունենանք:

– Յոյս ունեմ,– նոյն նաղած տօնով շարունակեց հայրս, որ այս սև օրերը շուտով կանցնին, տէր մի արասցէ, որ մեր ազգը մուրացկանութեան վարժի: Հայ ժողովրդի համար նպաստով ապրելի անպատութիւն է: Մեր ազգը մուրացիկ ըլլալու համար ծնւած չէ: Հայ ժողովուրդը չարքաշ, ժրաջան, աշխատասէր և ստեղծագործ է: Այո՛, այս սրտաճրմիկ օրերը շուտով կանցնին, և մեր ժողովուրդը նորէն կապացուցէ իր արժանապատութիւնը և ցոյց կըտայ իր ստեղծագործ կարողութիւնը. նա նորէն պատուով իր հացը կաշխատի: Ես այդ մասին ոչ մի կասկած ունիմ:

– Ամէն պարագայում մենք այս անորոշ և մուրացիկ դրութեան մէջ մնալ չենք կարող,– ասացի մե-

րոնց: – Ես գնում եմ հնարաւոր տեղեկութիւններ ձեռք բերելու, որպէսզի խորհենք մեր անելիքի մասին: Ես կաշխատեմ շուտ վերադառնալ:

### ԽՈՅՍ ՏԱԼՈՒ ԱՆՀՐԱԺԵՇՏՈՒԹԻՒՆԸ

Մերոնց մօտ վերադառնալով նրանց աշխատեցի համոզել ժամ առաջ Էջմիածնից խոյս տալու մասին: Համառօտ պատմեցի մի քանի ժամում տեսածներիցս ու լսածներիցս:

– Մեր տարաբախտ գաղթականութիւնը նոր ահռելի փորձանքի է ենթարկել: Խուճապահար նահանջը յանգել էր իր աղետալի, կործանիչ հետևանքներին: Յոգնաբեկ եղած բազմութիւնները մահացու հիւանդութիւնների ճանկերում գալարում են և ոչնչանում: Ճահճալից կեղտոտ ջրերը, որոնցից նրանք ստիպուած են եղել խմել, նրանց մալարիայով, դիզենտերեայով և աղիքային տիֆով վարակել են: Խճողում, անմաքրութիւն, կեղտ փոշի, ոջիլ, ուտելիքների կեղտոտութիւնն ու հնութիւնը, սնուցման անբաւական և աննպաստ պարագան, մէկ խօսքով այս բոլոր չարիքները միացած, անգթօրէն և անխնայ հիւծել և առատօրէն հնձում են թշնամու՝ կրակից ու սրից գլխապատառ փախուստ տուած մեր դժբախտ գաղթականութիւնը: Մանաւանդ աղիքային արիւնալից տիֆը սարսափելի աւերածութիւն է կատարում: Անխտիր մեռնում են





*Վասպուրականցի գաղթականությունը Էջմիածնի մատույցներում*

ծծկեր մանուկները, երեխաները, պատանիներն ու երիտասարդները և տարեցները: Ճիւղադային գերանդին աննկարագրելի հապճեպով հնձում և թաւազլոր է անում հարիւրաւոր դժբախտների: Մեռնողների հարազատները լաց ու կոծով ու խենթանման իրենց գլուխները ծեծկելով՝ մեռելաքաշ սայլերին ու ֆուրգոսներին են յանձնում իրենց անգուգական ազիզ բալաներին, իրենց տխրութեան և ուրախութեան օրերի անփոխարինելի ամուսիններին, իրենց ջիգար հօր ու մօրերին: Մեռնողների թիւն այնքան շատ է, որ չեն հասցնում նոյնիսկ նրանց հողի տակ թաղելու: Ասում են, նրանց դիակները ժողովրդի տեսողութիւնից հեռացնելով, փոսերի և առունների մէջ են թափում:

Վերջապէս մեր կենսունակ, ստեղծագործող ժողովրդին ողջ-ողջ թաղելու, ողջ-ողջ խեղդամահ անելու, կործանելու և անհետացնելու սատանայական և լրբենի ծրագիրն որոճացող ամեն տեսակի թշնամիները սրիկայաբար յաջողեցին իրագործել իրենց բնաջնջման ծրագիրը և նրանից խլել նրա հարազատ երկիրը, նրա հերոսների արիւնով ներկւած հայրենիքը:

Չգիտեմ իմ նկարագրութեան տխուր տպաւորութեան, թե՞ իմ յուզմունքի ազդեցութեան տակ մերոնք սկսել էին լռելեայն արտասել: Զոյրս, որ մեր մէջ ամենից գգայուն ու բարակասիրտն էր, սկսեց հեկեկալ: Չգացի, որ իմ աչքերիցս էլ արցունքի կաթիլներ են թափում:

Երբ մենք մեր արցունքով կարողացանք մեր այրւած սրտերը մի քիչ հովացնել և հանդարտել, եղբայրս ընկճւած տօնով հարցրեց.

– Իսկ ի՞նչ ենք անելու մենք:

– Մենք ի՞նչ ենք անելու: Վերջի վերջոյ մենք ամենքս էլ այդ հարցին ենք գալու, պատասխանեցի և մի փոքր տատանումից յետոյ ատելացրի.

– Իգդիրից սկսած մինչև Էջմիածին, ամբողջ շրջանները, գիղերը, մինչև Սարդարաբադ, մինչև Արարատեան դաշտն ու բարձրաւանդակները, սրանց մէջ հաշւած Երևանն ու Ղամարլուն և մէկ խօսքով այս շրջաններում ամենուրեք տարածել են գաղթականական բազմութիւնները: Եթէ չասենք անկարելի, անկասկած, չափազանց դժուար է նրանց գոյութեան սպառնացող վարակիչ հիւանդութիւնների բուժումը և մանաւանդ նրանց պարենաւորումը: Ես մտածում եմ օր առաջ, նոյնիսկ ժամ առաջ թողնել Էջմիածինն ու հեռանալ դէպի Թիֆլիս:

– Ինչ լաւ է ասում Սիրաքը, չէ՞ որ մեր եղբայր Արմէնն էլ այնտեղ է: Մենք նրա մօտ կիջևանենք և մի քանի օր նրա մօտ մնալով՝ հանգստութեամբ և առանց վռագելու, մեր անելիքը կորոշենք: Բռաւօ, եղբայր Սիրաք, ի՛նչքան լաւ ես մտածել,– ոգևորւած բացականչեց քոյրս:

– Ես էլ համաձայն եմ,– մեզի համախորհուրդ եղաւ եղբայրս:

– Ես ալ չեմ առարկեր,– ասաց հայրս,– բայց ես սրտանց կը ցանկանայի տեսնել մեր այս պատմա-



**Հարազարների դիակներով շրջապատված Վասպուրականցի կին Էջմիածնում**

կան Էջմիածնի Մայր Տաճարն ու Վանքը: Ես կուզեմ այն անոր տաճարի կամարներու տակ ծնկաչոք աղօթել երկա՛ր, շատ երկար: Աղօթել այս թշուառ տարագիրներու և մեզ համար: Բայց այս անիծեալ հիւանդութիւնն ինձ մաշած ու չորացրած է: Ոտքով երկու քայլ ճանապարհ երթալու հնարատրութիւն չունեմ:

Մի քիչ յետոյ մտորելով աւելացրեց.

– Զուակներս, եթէ բախտի դասատրութեամբ մեր ազգակիցներից մէկին՝ քրոջս կամ ձեր մօրաքրոջը հանդիպէի, ես կը մնայի, իսկ դուք կերթայիք Թիֆլիս...

– Այդ բոլորովին անկարելի է, – ասաց քոյրս: – Այս հիւանդ ու հիւծած վիճակում մենք չենք կարող քեզ որևէ մէկին վստահել: Մեր սիրելի հարսի ցան ու մրմուռը մեզ հերիք է: Լեզուս պապանձի, եթէ որևէ նոր դժբախտութեան հանդիպելու լինենք, ես ոտքերիս վրայ կը չորանամ: Ինչ տեղ, որտեղ էլ գնալու լինենք, պէտք է միասին լինենք:

– Արաքսին միանգամայն իրաւացի է, – լրացրի ես: – Բացի այդ պարագան, որ մեր հօրից բաժանւելը մեզ համար անկարելի է, քեզ այստեղ, այս ընդհանուր վարակումների շրջանում թողնելն էլ մեր կողմից յիմարութիւն կը լինի: Դեռ չը լաւացած հիւանդութիւնը նորից կը կրկնուի և անխուսափելի վտանգի կենթարկի քեզ:

Հայրս այնքան գունատել և կմախքացել էր, որ ես դժարութեամբ կարողացայ նկատել նրա դժգոյն դէմքի վրայ ուրազձուող դառն և վշտաբեկ ժպիտի

հետքերը: Նա, ցուատանջ տխրութեամբ գլուխը շարժելով, ասաց.

– Ուրեմն մենք այնքան անբախտ ենք, որ այս տանջանքների ու Գողգոթայի երկար ճանապարհը ոտքով կտրելուց յետոյ էլ չենք կարողանալու մեր ամբողջ կեանքի մէջ երազներով ցանկացած Ս. Էջմիածնի Մայր Տաճարը գոնէ մէկ անգամ տեսնել և մեր մուրազն առնելուց առաջ անմխիթար մեռնել:

– Մեզնից շատ աւելի հաւատացեալը մեր հայրն է, – խօսեց եղբայրս, – նա կրօնատր է և իրաւունք ունի այս բոլոր նեղութիւններին ենթարկելուց և այստեղ՝ Էջմիածնի սրբավանքի գմբէթների մօտ հասնելուց յետոյ գոնէ մի անգամ այցելել Մայր Աթոռի Տաճարը և ջերմեռանդ աղօթելով՝ իր երկար տարիների փափագն առնել: Այդ պարագային մենք ստիպւած ենք մէկ-երկու օր էլ մնալ այստեղ, մինչև մեր հայրը կարողանայ իր կարօտն առնել:

## ՆՈՐԻՑ ՓՆՏՐՏՈՒԸ

Ես էլ եղբօրս առաջարկին համաձայնեցի մեր ունց՝ Մայր Աթոռից կէս կիլօմետր հեռաւորութեան վրայ գտնուող ծառաստանում և երկնասլաց բարդիների տակին մի երկու օր ևս մնալուն:

Ինձ տանջում էր գլխատրապէս այն միտքը, որ այս ընդհանուր թոխութիւնն մէջ անկարելի կը լինէր գոնէ մի անգամ հանդիպել իմ և յարգած և շատ սիրած անձնատրութիւններին:



*Հիվանդություններից և սովից մահացած վասպուրականցիներ «փրկության ափ» Էջմիածնում*

Էջմիածին հասնելուց անմիջապես յետոյ մենք հագի յաջողել էինք գտնել մի պատահական անկիւն մեզ մի կերպ ծարերելու համար: Երկու գիշեր մենք այդ տեղում անտուն ու կիսավայրենի գնչուների նման իրար կողքին սեղմած, քնոտել էինք: Մեր բարեբախտութիւնը կայանում էր նրանում, որ այդ անտուն և անտերունջ օրերն զուգադիպել էին ամառային տաք գիշերներին, այլապէս, առանց նոյնիսկ մի վերմակի և ներքնակի, միանգամայն կորած կը լինէինք: Ճիշտ է, ցերեկւան մրրկող արևը մեզ չափազանց անհանգստացնում էր, բայց գիշերների անապաստան վիճակը մեզ չէր սարսափեցնում:

Քոյրս ինձ յայտնեց, որ Իգդիր հասնելով՝ նրանք առաջին հանդիպող իգդիրցիներից մէկին մեր «փրկարար» իշուկին 25 մանէթով ծախել էին և այդ խղճուկ գումարն անձեռնմխելիօրէն իր մօտ էր մնացել: Ինձ յանձնելով այդ փողը՝ խնդրեց, եթէ հնարատր է վանքին աւելի մօտիկ մի տեղ ճարել և մի սայլ վարձելով՝ հօրս փոխադրել: Այդպիսով, մենք մեր հիւանդ հօր ցանկութիւնը կատարած և նրան հնարատրութիւն տուած կը լինէինք Մայր Տաճարը տեսնելու: Ապա յանձնարարեց մեզ՝ քաղցածներիս համար մի քիչ ուտելիք գնել, քանի որ եթէ նոյնիսկ մեզ պարեն տալու լինէին, նախկին անգամայն նման անբաւական պիտի լինէր, և նորից կիսաքաղց մնայինք:

Քրոջս յանձնարարութիւններն և հօրս ցանկութիւնը կատարելու վճռականութեամբ մենք եղբօս

հետ ուղևորեցինք դէպի վանքը: Մեծ յոյս ունէի, որ գաղթականների խճողումը թեթևացած կը լինի, բայց ցաւասիրտ նկատեցի, որ դրութիւնը մնում է նոյնը:

Բազմութեան շարքերը վանքի շուրջ կարծես աւելի խտացել էին: Իրար խառնուած և իրարու գլխին թափոտած էին մարդիկ: Գիւղացի գաղթականներն էլ խառնուած էին իրենց հետ բերած կովերի, ոչխարների, այծերի և էշերի հետ: Նոյնիսկ բաց երկնքի տակ հիմնական աղբի զարշառտութիւնը սրտխառնուք էր պատճառում:

Էջմիածնի և շրջակայքի տեղական ազգաբնակչութիւնից փոքր առևտրականներ և չարչիներ, գաղթականների շարքում թափառելով, առուծախս էին անում և յաճախ չէին խուսափում այդ թշուառների օրհասական և անօգնական վիճակից չարաչար օգտուել: Նրանց շատ թանկ արժէքներով հաց, շաքար, թէյ, մածուն, պանիր էին ծախում և նրանցից չափազանց էժան արժէքով նրանց ունեցած վերջին անասուններն ու իրերն էին գնում: Գաղթականները յաճախ նրանց հետ վէճի ու կռիւ էին բռնում և նրանց անխղճութեան համար հայհոյանքներ և անէծքներ էին տալիս:

Այդ շրջիկ-փերեզակներից մէկից մեզ յաջողեց 5 մանէթով 5 հատ լաւաշ հաց, մի քիչ մածուն և մի փոքր կտոր պանիր առնել: Մեր՝ երկու եղբայրներիս կարծիքով մեզ ուտելիք ծախողը համեմատաբար բարեխիղճ էր, և մենք շատ ուրախ էինք մեր յաջող գնումի համար:

– Կարապետ եղբայր, մեր առած պաշարով մենք մեկ օր եօլա կը գնանք: Բարի՛ եղիր այդ ուտելիքի պաշարով մերոնց մօտ վերադառնալ, իսկ ես, մի քիչ ման գալով, կաշխատեմ վանքի մօտիկ շրջանում մի յարմար տեղ գտնել: Ո՞վ գիտէ, պատահաբար մեր ծանօթ-բարեկամներից մէկին էլ հանդիպեմ:

Երբօրից բաժանելուց յետոյ մտածեցի հնարատրին չափ շատ ման գալ, շրջել ամէն տեղ և փնտրել նրանց, որոնց գտնելու և տեսնելու անսահման ցանկութիւն ունէի: Մինչև մութ ընկնելը մօտ երկու ժամ էր մնում: Փնտրտութիցս իմ ցանկացած արդիւնքի մասին մեծ յոյս չունէի: Միս կողմից չէի ուզում ինձ ներել, որ խիղճս միշտ ինձ պիտի տանջի, եթէ ամէն ճիգ ու ջանք ի գործ չը դնեմ նրանց գտնելու համար:

Իմ փնտրած անճանարութիւններին երկու բոլորովին տարբեր դասի էի բաժանում: Այդ երկուսից մէկն ու մէկին չէի ցանկանում նախապատուութիւն տալ: Դրա համար էլ բախտի բերման էի թողել:

Չգիտեմ ինչպէս բացատրել: Մի նախազգացում, թէ՞ մի ենթադրութիւն ինձ ասում էր՝ Սիրաք, եթէ այս տեղերում քեզ չյաջողի գտնել նրանց, ապա նրանք քեզ համար միանգամայն կորած և անհետացած լինելու են:

Ինչքան ծանր և անտանելի էր կորուստը բոլոր նրանց, որոնց նկատմամբ մարդս իր հոգում, իր սրտում յարգանքի ու սիրոյ զգացումներ է սնուցել օրերի, ամիսների և տարիների ընթացքին:

Բաժանում, կորուստ, անհետացում... ինչքան անզուրկ ու անսիրտ բառեր են: Ուրեմն ինձ համար կորած և անհետացած պիտի լինեն տարիների իմ սիրելի ու մտերիմ ընկերները: Ուրեմն այլևս բախտ ու երջանկութիւն չը պիտի ունենամ տեսնելու իմ պաշտելի մօր նման սիրող ու գուրգուրող Մարօին: Մի՞թէ այլևս սրտի քաղցրանուշ բարբախտ չը պիտի ունենամ իմ անհու՛նօրէն սիրած անուշիկ և դիտական Անուշին հանդիպելու: Մինչև կէս գիշերը քայլում, մտորում և տանջում էի մի անսահման, անհուն կարօտով և յոյսի ու սփոփման նշոյլից զուրկ փռշտուած ուղիներով...:

## ԷԶՄԻԱԾՆԻ ԿԱՅԱՐԱՆՈՒՄ

Բոլոր իմ թափառումներն ու փնտրտութիւնները գուր անցան: Ինձ համար անչափ սիրելի դէմքերից ոչ մէկին գտնելու և տեսնելու բախտատրութիւնը չունեցայ: Հօրս ուխտագնացութեան և աղօթքի կարօտալից ցանկութեան բարարարութիւն տալու նպատակով մենք զոհեցինք մեր մօտ մնացած 20 ռուբլու կէսը: Վերջապէս մի աստուածավախ և բարեխիղճ սայլապան համաձայնեց կէս օրով մեզ վարձու տալ իր ձիաքարշ սայլը: Հայրս ու քոյրս սայլի վրայ նստեցին, իսկ մենք՝ երկու եղբայրներս,

նրանց կողքին քայլելով, Էջմիածնի Մայր Տաճարն եկանք: Մինչդեռ հայրս այդ սրբաշունչ գմբեթների ներքև ամբողջ երկու ժամ աղօթում ու պաղատում էր, մենք վանքում կուտակուած գաղթականների արանքներից մեծ դժարութեամբ կարողացանք շրջել և մեծ հետաքրքրութեամբ դիտել նրա զանազան բաժանմունքները: Յաւ ի սիրտ մեզ նման կէստկար գաղթականների՝ վանքի որոշ մասերն անմատչելի մնացին:

Երբ մենք իր ուխտագնացութեան կարօտն առած հօրս հետ վանքը թողինք, ես մերոնց խորհուրդ տի այլևս մեր անփառունակ դաշտակայանը չը վերադառնալ:

Բարեխիղճ սայլապանը, մեր անմխիթար վիճակին կարեկցելով, համաձայնեց մեզ մօտ մնացած վերջին 10 ռուբլուց եօթը վերցնելով՝ մեզ մինչև երկաթուղակայան հասցնել: Մենք բոլորս էլ շատ շնորհակալ եղանք բարի սայլապանի զիջողութեան համար: Հայրս «Պահպանիչով» օրհնեց նրան, երբ մեզ կայարանը հասցրեց:

\*\*\*

Կայարանում, ինչպէս ընդունուած է, շունը տիրոջ չէր ճանաչում: Նորից արտակարգ խառնածութիւն: Իսկական դժբախտութիւնը կայանում էր նրանում, որ այստեղ արդէն գաղթականներին աւելորդ և խորշելի գլխացաւանք էին համարում և նրանց հետ վարում էին այնպէս, ինչպէս սովորութիւն է վարել կեղտի մէջ կորած, տկլոր և վտանգաւոր հիւանդութիւնների միկրոբները տարածող աղքատ մուրացիկների հետ: Ամենուրեք նրանց կոպտում, արհամարհում և երբեմն նոյնիսկ հայիտում էին:

Եթէ այդ գաղթականների թշուառ և աղէտալի տեսքը ճակատից դժգոհ, յոգնաբեկ և կիսավայրենի վիճակում վերադարձող զինուորներին չը խղճահարէր, հաւանաբար նրանց զնդացիրային կրակի կապելով՝ միանգամայն կը մաքրէին և կ'ոչնչացնէին:

Բարեբախտաբար, այդ անտերունջ և անճարակ վիճակում նրանց օգնութեան էին հասել Գաղթական Կոմիտէի ներկայացուցիչները, որոնք, զգուշաւոր քաղաքականութեամբ և յաճախ խնդրելով ու աղաչելով, կայարանապետին և նրա օգնականներին համոզում էին կարեկցել և օգնել քաղցած և զանազան հիւանդութիւնների ճանկերում գալարող և իրենց հայրենիքից վայրագօրէն վտարած գաղթականական բազմութիւններին:

Չուլֆայից և Իգդիրից Էջմիածնի կայարան էին թափել ռուսական բանակների զինուորներ, որոնք անհանգիստ և անհամբեր հրմշտկոցներով, ցուում էին Ալեքսանդրապոլ մեկնող մարդատար և բեռնատար վագոնների մէջ և աճապարում էին ժամ առաջ մեկնել ու հեռանալ: Ու՞ր էին գնում և ինչու՞ համար այդպիսի արտակարգ շփոթ ու աճապարանօք էին գնում, մեզ անյայտ էր:

Ամեն 30-ից մինչև 45 վագոններից բաղկացած կառաչարում մեկ կամ ամենաշատ երկու վագոն հատկացում էր անտրոդ համարած բեռների, ուրիշ խօսքով՝ «գաղթական» կոչում և դեռ շնչող քշառներին:

Երկու անտանելի գիշեր-ցերեկ կայարանում մնալուց յետոյ վերջապես մեզ էլ յաջողեց խցկել «փրկարար» բեռնատար վագոնում, որում մենք ստիպւած էինք ոտքի վրայ ցցած կանգնել, որպէսզի մի կերպ մեր հիւանդ հորը հնարաւորութիւն տալինք վագոնի յատակի վրայ պառկելու:

\*\*\*

Կառաչարը քաշող շոգեկաթսան շում, շփիացնում և մեծ դժարութեամբ էր տանում պոչից օղակւած բազմաթիւ վագոնները: Չնայած կառաչարի երթի դանդաղութեանը՝ նրա վերջնամասում կապւած մեր վագոնը խլացնող աղմուկով թրխկացնում և թափահարում էր մեզ՝ իրար գլխի թափւած և արհամարհւած գաղթականներիս:

Ամառայ հեղձուցիչ տօթին մեր վագոնի դուռը դրսից փակել էին: Նեղիկ չորս լուսանցքներից օղը կարծես մերժում էր ներս մտնել: Մենք շնչասպառ և շնչակտուր էինք լինում: Կեդտի ու քրտինքի գարշահոտը, բանտարկւած և թանձրացած օդի հետ խառնւած, խեղդում էր մեզ: Այսպիսի անտանելի վիճակում, անկասկած, մենք շնչասպառ կը մեռնէինք, եթէ, բարեբախտաբար, շոգեկաթսան ջուր վերցնելու համար կանգ չ'առնէր:

Կառաչարը շուրջ կէս ժամ արդէն կանգ էր առել, բայց մեր դժոխքի-վագոնի դուռը բացող չը կար: Գաղթական-բանտարկեալներս ստիպւած եղանք լուսամուտներից օգնութեան կանչ ու աղաղակ բարձրացնել և մեր ձեռքն անցած կարծր իրերով վագոնի դուռն ու պատերը թակոտել: Վերջապէս կայարանի գործաւոր մշակները մեզ օգնութեան հասան, և զնացքի հերթապահ կոնդուկտորի դժարահաճ «ողորմութեան» շնորհիւ մեր բանտի դուռը բացեց:

Չնայած այն հանգամանքին, որ գաղթականներին ազդարարեց, որ տասը թոպէից յետոյ կառաչարը կը շարժի, բայց վագոնում ժամերով բանտարկւած և շնչահեղձութեան հասած գաղթականները, բացի հօրիցս և քրոջիցս, բոլորը միանգամից ցած թափւեցին և վազեցին ջուր խմելու, ուտելիք հայթայթելու և իրենց բնական կարիքները հոգալու և եթէ հնարաւոր լինէր, մի քիչ թարմ օդ շնչելու համար:

Կառաչարը շարժելուց առաջ բոլորը վերադարձել էին: Երբ նորից վագոնի դուռը փակել փորձեցին, համբերութիւնից դուրս եկած գաղթականները, միահամուտ աղմուկ-աղաղակ բարձրացնելով, բողբոջեցին և չը թողին փակել:



Группа бѣженцевъ турецкихъ армянъ въ Караклисѣ (Эрив. губ.).

«Թրքահայ» գաղթականների խումբ Ղարաքլիսեյում

### ՂԱՐԱՔԻԼԻՍԷՈՒՄ

Մեր կառաչարը եօթը ժամ Ալեքսանդրապօլում կանգ առնելուց յետոյ իր ճանապարհը շարունակեց: Բեռնատար վագոններից կէսից անէին իրենց փոխադրած զինուորներից ազատեցին: Էջմիածնի կայարանից մեկնած զինուորների մեծ մասը Ալեքսանդրապօլում ցած եկաւ:

Օգոստոսի ամառային արևածիժաղ և զմայիչ մի առաւօտ էր, երբ մեր գնացքը Ղարաքլիսեյ հասաւ: Մեզ կայարանում յայտնեցին, որ պէտք է ցած իջնենք և սպասենք Ալեքսանդրապօլից մեկնող և Թիֆլիս գնացող մի ուրիշ կառաչարի:

Թէև մեզ շատ ցանկալի էր առանց կառաչարը փոխելու մեր ճանապարհը մինչև Թիֆլիս շարունակել, բայց այդ դիպւածական պարագան մեր ընտանիքի և մանաւանդ հօրս համար բարեբախտութիւն եղաւ:

Բեռնատար վագոնի ուժեղ ցնցումներից հօրս առողջական վիճակը նորից վատացել էր: Աղիքային գալարումները նորից սկսել էին, և որ ամենից սուկալին էր, այդ գալարումների վրայ անելացել էին փսխումներ: Վագոնի տօթն ու գարշահոտը նախ՝ սրտխառնուք և ապա փսխումներ էին պատճառել: Այդ պատճառով էլ մենք ստիպւած էինք մի քանի օրով Ղարաքլիսեյ մնալ:

Բարեբախտաբար, մեզնից առաջ այստեղ հասնող և մնացող գաղթականների թիւը շատ աննշան էր, և տեղական ազգային մարմինները մեզ նմանների պատճառած ձանձրոյթից դեռ չէին յոգնել: Այդ իսկ պատճառով մեզ ուշադիր և սրտցաւ վերաբերմունք ցոյց տրեց:

Մեզ առաջնորդեցին եկեղեցին, իսկ հօրս քաղաքային հիւանդանոց փոխադրեցին: Մեր հայրենի տունն ու օջախից ճողոպրելուց յետոյ առաջին

անգամ էր, որ մենք հանդիպում էինք սրտցալ և կարեկցող վերաբերմունքի: Հենց առաջին օրը մեզ հնարաւորութիւն տրուեց փախուստի-նահանջի՝ շուրջ քսան օրերի ընթացքում թանձրացած ու կայրանման մեր մարմնին կպած կեղտերից և քրտնաշաղախ փոշեխաւից ազատել և մեր պատառուտած հագուստներն ազատել նրանց վրայ բոյն դրած ոջիլ-պարազիտներից: Անճար, անօգնական, մահու կրնկակոխ սարսափից փախչող գաղթական մարդը միայն կարող է հասկանալ և պատկերացնել այդ դժոխսային ահռելի վիճակը, որին մենք ենթակայ եղած էինք այդ նահանջ-փախուստի սև օրերին:

Մեզ տաք ջրով լողանալու, մաքուր ճերմակեղէն հագնելու և տաք կերակուրով քսան օրից ծոմ-պաշխարանքից ազատելու հնարաւորութիւն տող Ղարաքիլիսէի մեր հայ ազգակիցները, բնականաբար, իսկական բարեգործներ էին մեզ համար:

Երբ այդպիսի եղբայրական հարազատութեան և օգնութեան շնորհիւ մեզ յաջողեց դժոխսային օր ու գիշերներից յետոյ, առաջին անգամ լինելով, մաքուր մարմնով մաքուր անկողին մտնել, համոզուցի, որ առաջին օրն է, ինչ իսկական մարդկանց նոր աշխարհումն են ոտք դրել, և որ այդ բարեսիրտ մարդիկ հայեր են, և այդ նոր, սքանչելի աշխարհը հայերի՝ մեր համագաղթյալների հողն ու երկիրն է: Այդ օրն ինձ համար անմոռանալի օր էր, և իմ սիրտը հպարտութեամբ բաբախում, և հոգիս երջանկութեամբ ուռչում և բերկրում էր:

Իմ երջանկութիւնը տարածում և ծաւալում էր իմ ամբողջ էութեանս մէջ, մինչև նրա ամենավերջին բջիջները և խրոխտ ու յաղթական շեփոքում:

– Ինչքան էլ գազան, արիւնարբո ոճրագործ լինի քու ազգի թշնամին և թէկուզ հազարակերպ դժոխսային նենգութիւններով և դաւադրութիւններով ձեռնարկի քու ազգի ջարդն ու խողխողումը, կործանումն ու բնաջնջումը, այդ նրան երբէք չի յաջողի, որովհետև քու հայ ժողովուրդն ապրելու, ապրել շարունակելու և տաճիկ-ոճրագործների սարքած դժոխքը քանդելով՝ կործանելու ուժն ու ընդունակութիւնն ունի: Նա ապրելու տիեզերական ու անխորտակելի կամք, անսպառ էներգիա և անընկճելի փիւնիկային ներուժն ունի»:

\*\*\*

Հանգստաւետ ու կագործիչ և անխռով քնից յետոյ յաջորդ առաւօտեան բաւական ուշ արթնացայ: Քոյրս և եղբայրս ինձնից աւելի շուտ անկողնից բարձրացել էին: Քոյրս, երջանիկ ժպիտը երեսին, ինձ լացելու առաջնորդեց:

– Եղբայր ջան, – ասաց նա, – այստեղի հայերը շատ պատական մարդիկ են: Կարծես Իգդիրում և Էջմիածնում մեր տեսած հայերին բոլորովին նման

չեն: Սրանք բացառօրէն բարեսիրտ ու կարեկից վերաբերմունք են ցոյց տալիս: Այսօր առաւօտեան կանուխ Գաղթականական և Բարեգործական կոմիտեների անունից երկու կանայք մեզ համար առատ կենսամթերք բերին: Միաժամանակ յայտնեցին, որ մեր հօր համար էլ անհրաժէշտ յանձնարարութիւն են արել և ինձ վստահացրին, որ հաւանաբար մինչև մի քանի օր նրա առողջութիւնը վերականգնւած կը լինի:

– Իսկապէս, այս տեղի մարդիկ ինձ թում է, որ շատ ազնիւ հայեր պիտի լինեն: Նրանց հոգածութիւնը ամէն գովեստի արժանի է: Բայց գիտես, Արաքսի՛, սիրելիս, եթէ մենք Իգդիրում և Էջմիածնում կատարեալ անուշադրութեան մատնեցինք, դրանում այդ տեղերի մեր ազգակիցներին շատ էլ մեղադրել չի կարելի: Նրանք, եթէ հրաշք էլ գործադրեն, չպիտի կարողանային իրենց մօտ ալեկոծ ծովի անթիւ ալիքների նման թափուած բազմահազար գաղթականների կարիքները հոգալ: Այս բացառիկ պարագան նկատի ունենալով՝ մենք չպէտք է նրանց շատ մեղադրենք: Այս ամենից յետոյ, սիրելի՛ քոյր, ես ինձ չափազանց երջանիկ կգզամ, եթէ մեր հայրը շուտով մի քիչ կագործուի, և մենք հնարաւորութիւն ունենանք մեր եղբոր մօտ Թիֆլիս գնալու:

Երբ մենք գնում էինք նախաճաշելու, քրոջս անձնասիրութիւնը չը վիրաւորելու զգուշութեամբ նրան ասացի.

– Արաքսի՛, մենք պէտք է աշխատենք օր առաջ, նոյնիսկ ժամ առաջ այս գաղթական-մուրացիկ վիճակից ազատել: Ուրիշներից պարեն առնելով ապրելը շատ ծանր և անդուրեկան է ինձ համար:

## ՄԵՐ ԳԱՂԹԱՎԱՅՐԻ ՈՐՈՇՈՒՄԸ

Ղարաքիլիսէ հասնելուց 5 օր յետոյ հօրս յայտնեցին, որ ի վիճակի է հիւանդանոցը թողնել: Մի քանի օրուայ գործածութեան համար նրան անհրաժէշտ դեղորայքը տւին և յանձնարարեցին Ղարաքիլիսէում մնալու դէպքում 3 օրից յետոյ վերջնական քննութեան համար հիւանդանոց գնալ:

Երբ հայրս մեզ մօտ՝ եկեղեցոյ բակում մեզ յատկացած սենեակն եկաւ, մենք ուրախութեան կանչերով նրան դիմաւորեցինք: Նա բաւական շատ կագործուած էր թում, և որ գլխատրն էր, ինքն էլ գոհ ու յուսադրուած էր:

Ղարաքիլիսէի ազգային վարչութիւնների կողմից հօրս ու եղբորս համար քաղաքից 7 կիլոմետրի վրայ գտնուող Գիլիզարդ գիւղում քահանայութեան և ուսուցչութեան պաշտօններ էին առաջարկուած: Ընտանեկան կարճ խորհրդակցութիւնից յետոյ նրանք համաձայնեցին մնալ, ժամանակաւորապէս հաստատուել յիշեալ գիւղում:

– Այս տեղի օդն ու ջուրը, – յայտնեց հայրս, – մեր Այգեստանի օդի ու ջրի հետ բաւականին նմանու-

թիւն ունին: Մինչև Աստուծոյ յաջողութեամբ մեր հայրենիքը վերադառնալը կարծեմ յարմար կըլլայ մեզ առաջարկուած պաշտօնով այս տեղերը մնալ:

– Ես բոլորովին համաձայն եմ, – աւելացրեց մեծ եղբայրս: Ո՞վ կարող է իմանալ՝ Թիֆլիսում մեզ կը յաջողի՞ գործ ճարել, թէ՞ ոչ: Չեմ էլ ենթադրում, որ մեր եղբայր Արմենակը, որ նոյնպէս 3-4 տարւայ գաղթական է, ի վիճակի կը լինի մեր չորս հոգուս, մինչև մեր գործի անցնելը, բնակարան և ապրուստ հայթայթելու:

– Ձեր որոշումը, – իմ հերթին արտայայտեցի ես, – տրամաբանական է: Մի քանի տարի առաջ մեզմից հեռացած եղբայրը հաւանաբար չը կարողանայ մեր չորսի ապրուստի հնարաւորութիւններ հայթայթել: Գնանք հաստատուելու մեզ առաջարկուած գիւղը, իսկ ես անձամբ մի քանի օրից յետոյ Թիֆլիս կը մեկնեմ, երբօրս վիճակն ու գործը կստուգեմ և ձեզ կը տեղեկացնեմ:

– Իսկ ես ի՞նչ եմ անելու, – լացակումամ և յուսահատ հարցրեց քոյրս: – Դուք երեքդ էլ ձեզ համար տեղ և զբաղմունք որոշեցիք, իսկ իմ դրութիւնը ի՞նչ պիտի լինի: Ամէն պարագայում ես Միրաբից բաժանուելուն համաձայն չեմ: Մի քանի օր, երբ նրան կորցրել էինք, ինձ համար կարօտի ու տառապանքի օրեր էին: Չէ՛, ես չեմ կարող նրանից բաժանել: Տարիներով, մանկութիւնից ի վեր ես նրա հետ այնպէս հարազատօրէն եմ կապուել, որ նրանից թէկուզ մէկ ամսով բաժանուելը ինձ համար անհնարին կը լինի:

– Լսի՛ր, Արաքսի՛ ջան, – աշխատեցի քրոջս սիրովել, – դու բոլորովին զուր ես յուսահատում: Վստահ եղի՛ր, որ ես էլ չափազանց շատ եմ սիրում քեզ և առանց քեզի ապրելն ինձ համար դժար է: Ստեղծուած դրութիւնը մեզ ստիպում է ժամանակաւորապէս իրարուց հեռանալ: Թիֆլիս՝ երբօրս մօտ հասնելուն պէս նստակով մանրամասն քեզ կը տեղեկացնեմ ամէն ինչ, և, եթէ այնտեղ մնալու և մի գործ գտնելու լինեմ, եթէ ո՛չ բոլորիդ, քեզ անպայման ինձ մօտ կը փոխադրեմ: Խնդրում եմ քեզմից համաձայնել իօրդ ու մեծ եղբորդ մօտ մնալ, մինչև ես հնարաւորութիւն կ'ստեղծեմ և խոստումս կը կատարեմ:

– Սև լինէր էն օրը, որ մենք ստիպուած չը լինէինք մեր հարազատ երկիրը, մեր սիրելի տունն ու օջախը բողոնել: Անխիղճ, անօրէն թշնամին մեզ մեր պապեմական սիրելի տնից և մեր դրախտ այգուց քշեց և հիմա էլ այս գաղթականի անտուն-անտիրական բախտը մեզ իրարուց պիտի բաժանի և զանազան օտար ու անձանօթ քաղաքներում և գիւղերում ցրի տայ: Ես գիտեմ, համոզուած եմ, որ ցրի գալուց յետոյ նորից մեր մէկտեղ, միասին հաւաքուելը դժար, գուցէ և անկարելի լինի:

Այս սրտակոտոր բողոքից յետոյ քոյրս, անճարութիւնից յուսահատ և անմխիթար, նորից լացել ու հեկեկալ սկսեց:

## ԳԻՒԼԻԶԱՐԴ ԳԻՒՂՈՒՄ

Մերոնց որոշման համաձայն՝ մեզ 5 օրերի ժամանակամիջոցում այնքան սիրալիրօրէն հիւրընկալող գաղթականական կոմիտէի անդամներից անկեղծ շնորհակալութիւն յայտնելուց յետոյ մեկնեցինք Գիւլիգարդ կոչող հայկական գիւղը: Այս գիւղը Ղարաքիլիսէից 7 քիլօմետր հեռաւորութիւն ունէր և գտնուում էր բլրակային հարթ ու կանաչագարդ բարձրաւանդակի վրայ: Գիւղում շուրջ 70 հայ ընտանիք-տնտրներ էին ապրում:

Քացի մի քանի երկյարկանի տներից՝ մնացածները միյարկանի էին: Տները շինուած էին հիմքից մինչև մէկ մետր բարձրութեամբ քարերով և մնացեալը ցեխէ նոսրերով: Կտուրները ծածկուած էին գետնաներով, հասիքներով և ցեխի ծածկոցով:

Տները սարքուած էին իրար կողքին և ուղիղ գծերի երկայնքին: Գլխաւոր փողոցն եզերուած էր զանազան կանաչախիտ բարդիներով, ուռենիներով, հացենիներով: Տներից մեծ մասն իրենց պարտիզակալանջարանոցներն ունէին: Իրար վրայ վերցրուած, տներում մաքրութիւնն աչքի էր ընկնում: Ոչ մի տնում կենդանիներին յատկացուած ախոռը բնակութեան մասերին խառնուած չէր: Այդ երկու մասերն առանձին մուտքեր ունէին: Կարելի է ասել, որ գիւղի շինութիւնները նորագոյն տիպի էին:

Քաղաքում մեզ տրամադրուած ձիաքաշ սայլով գիւղը հասանք: Ըստ երևոյթին, գիւղապետին նախօրօք տեղեկացուած էր մեր ժամանման մասին: Նա շատ քաղաքավարի և սիրալիր մեզ ընդառաջեց և բարի գալուստ մաղթեց:

Երկու ուրիշ գիւղացիների ընկերակցութեամբ գիւղապետը մեզ առաջնորդեց, ըստ երևոյթին, մեզ համար նախապատրաստուած սենեակը, որը բաւական մեծ, մաքուր և օդառատ սենեակ էր: Սենեակի յատակը ծածկուած էր հասիքով և վրան կարպետով: Սենեակի երկու պատերի մօտ դէմ առ դէմ դրուած էին 4 փայտեայ թախտեր:

– Տէ՛ր հայր, – խօսքը իօրս ուղղելով ասաց գիւղապետը, – այս սենեակում մի կերպ կը տեղաւորուէք: Շուտով ձեզ համար անհրաժեշտ յարմարութիւններ կը ստեղծենք: Վստահ եղէ՛ք, որ մեզ մօտ ձեզ համար վատ չի անցնելու: Եթէ անխիղճ թուրքերի համար օտար և ատելի էք, մեզ համար հարազատ և սիրելի էք:

Մի քիչ ընդհատումից յետոյ աւելացրեց.

– Մի քանի օր կը հանգստանաք: Մենք ձեր ապրուստը կապահովենք: Վաղուց մենք մեզ համար առանձին քահանայ էինք պահանջել: Գիւղի կրօնական ծիսակատարումների համար մենք ամէն անգամ ստիպուած էինք քաղաքից քահանաներ բերել: Չին-ձմեռ ժամանակ է լինում, ժամանակ-անժամանակ քահանայ ենք ուզում, չկայ: Հիմի ուրախ ենք, որ դուք մեր գիւղումն էք մնալու: Անցեալ տարի վարժապետ ունէինք: Այս տարւայ դպրոցական

շրջանի համար չուզեց վերադառնալ: Մեր տուած ամսականով չը համաձայնեց գալ: Է՛հ, գուցէ բարին այս էր: Գուք և՛ ձեր կամքով, և՛ ձեր ուտքով մեզ մօտ եկաք:

Հայրս ու եղբայրս գիտապետին և նրան ընկերակցող գիտացիներին սրտագին շնորհակալութիւն յայտնեցին և ասացին, որ իրենք էլ այս դաստարութեան համար սրտանց ուրախ են:

– Մեր ընտանիքի անդամներից մէկը,– ինձ ցոյց տալով ասաց հայրս,– մի քանի օրէն Թիֆլիս՝ իր եղբոր մօտն է մեկնելու: Մենք երեք հոգի կը մնանք: Իսկ երեք հոգու գործը դժուար չէ: Մի տեսակ եօլա կերթանք ու կապրենք:

– Է՛հ, տէ՛ր հայր,– ձայնեց գիտապետին ընկերակցող գիտացիներից մէկը, – իհարկէ, կ՛ապրէք: Մեր խեղճ ու հալածական հայերիս համար Աստուածը մեծ է: Նա չի թողնի, որ մարդկանց յոյսերի բոլոր դռները փակ մնան:

Յետոյ կատակի տալով՝ իր խօսքը լրացրեց.

– Տէ՛ր հայր, դու, իսկապէս, աստուծապաշտ քահանայ, կարգիդ կատարումը սկսի՛ր հէնց քու ընտանիքից: Անիրաւ և անիծած տաճիկները մեր հայերին անխղճօրէն կոտորում են, իսկ մենք մեր սուրբ վրէժը պէտք է առնենք Սուրբ գրքի «Աճեցէք և բազմացարուք»-ը գործի դնելով: Ա՛յ, օրինակ, մաշալլա, դու երկու լաւ երիտասարդ տղաներ և մէկ սիրուն-ղալամի աղջիկ ունես: Առաջ նրանց պսակի՛ր և յետոյ մերոնց: Մի՛ վախենայ, թէ՛ երկու հարսնացուդ և թէ՛ մէկ փեսացուդ մենք կը ճարենք: Հարսանիքի դիօլ ու գուռնան էլ մենք կը չալենք, գինին ու խորովածն էլ մենք կը բերենք: Էլ ուրիշ ի՞նչ ես ուզում...

\*\*\*

Ուղիղ մի շաբաթ ես մերոնց մօտ մնացի: Գիւլի-գարդ գիւղի օդն ու կլիման սքանչելի էր: Չմայած ամառը մօտենում էր իր վերջաւորութեանը, բայց գիւղն իր արօտավայրերով, ծառաստաններով և կանաչութեամբ դեռ թարմութիւն էր բուրում: Ես հիացած էի նրա բնական գեղեցկութիւններով և մանաւանդ սառնորակ ջրով:

Չմայած գիւղի երիտասարդութիւնը, զինակոչի ենթարկւած լինելով, գիւղից բացակայում էր, բայց նրանց հայրերն ու մայրերը, քոյրերն ու հարսները, պատանի տղաներն ու աղջիկները հայու մեղաջան աշխատասիրութեամբ ու յամառութեամբ կպել ու լծել էին գործի և օրն ի բուն կատարում էին բերքահաւաքման ու ամբարման ուրախ և կենսատու աշխատանքները:

Յաճախ ես ու Արաքսին, առաւօտները կանուխ՝ արևածագից էլ առաջ, գնում էինք դաշտերը, բարձրանում էինք շրջակայ բլուրները և դեռ թարմ մնացած դաշտային գոյնզգոյն ծաղիկներ էինք հաւա-

քում: Կարծես աշխարհակործան չարաղէտ պատերազմը խնայել էր իր անիծապարտ սպանիչ օղակներում խեղդելու այս փոքրիկ գիւղն ու նրա կենսախինդ շրջակայքը:

Գիւղը դեռ հարուստ և անաղարտ էր մնացել իր ընտանի կենդանիներով: Գիւղը շրջապատող բլրակները լցւած էին կովերի, ոչխարների, այծերի, հասակ քաշած մսակոլով գառների և փոքրաթիւ ձիերի խմբաւորումներով:

Ամէն տեղ մարդուս հոգին լցում էր նրանց բառաչներով, մռունչներով և խրխիհնջներով գոյացած աղմուկի հրճանքով:

Ես ներքուստ ափսոսւմ էի, որ շուտով ստիպւած եմ թողնելու բնութեան այս գիւղին շնորհած սքանչելի տեսարաններն ու կենսարար թարմութիւնները, նրա ծառն ու ծաղիկը, նրա ջուրն ու կանաչը:

Եղբայրս գիւղի կողմից մէկ տարի ժամանակամիջոցով ուսուցիչ էր վարձուած, իսկ հայրս հաստատուած էր իր հոգևոր պարտականութիւնների կատարման պաշտօնում:

## ԴԷՊԻ ԹԻՖԼԻՍ

1915-ի սեպտեմբեր 2-ին՝ առաւօտեան, Թիֆլիս մեկնելու համար ինձ նախապատրաստեցի մերոնց հետ մնաք բարով ասելու: Առաջին անգամն էր, ինչ ես իմ սիրելի ընտանիքից անորոշ ժամանակով հեռանում էի: Այս բաժանումը մեզ բոլորիս համար դժուար ու ծանր էր: Նահանջի տառապանքներն ու զրկանքները մեր ընտանիքի մնացած չորս անդամներիս կարծես ատելի մտերմացրել ու հարազատացրել էին:

Մասնաւորապէս իմ և քրոջս բաժանումը մի լրիւ ողբերգութեան փոխուեց: Արաքսին ինձ պի՛նդ գրկել և հոնգուր-հոնգուր լացում և չէր ուզում ոչ մի գնով ինձնից անջատուել:

Ես կատարելապէս հասկանում էի նրան և ըմբռնում նրա վշտի խորութիւնը: Երբ մենք երկուսս մեր աննման ու ազիզ մօրը դեռ բոլորովին մանուկ հասակում կորցրել էինք, կարծես նրա կարօտն ու գուրգուրանքը իրարուց առնելու էինք ձգտել: Անմայր ու որբ մնացած, իրար հետ լռելեայն ու անխօս դաշինք էինք կապել միշտ իրար պաշտպանելու ու իրարու մեր անարատ սրտի խորքից սիրելու: Այդ բիրեղանման սէրը խտացած նւիրաբերման ու պաշտամունքի էր հասել:

Այս աննկարագրելիօրէն տխուր և սրտամորոնք բաժանումը հօրս ու եղբօրս միջամտութեամբ և իմ մխիթարական ու համոզիչ խօսքերով, լացի ու բազմիցս կրկնող համբոյրների մէջ մի կերպ վերջացաւ:

Գիւղական տնտեսութեան կենսամթերքները՝ կաթ, մածուն, պանիր, կարագ, ձաւար և այլն, Ղարաքիլիսէ՛ ծախելու տանող մի գիւղացու հետ նրա սայլին, կողք կողքի նստած, քաղաք մեկնեցի:



Գիւղացին իմ տխրութիւնն ու վիշտը թեթևացնելու համար մի ինչ-որ հնարովի պատմութիւն ասաց: Ամէն կողմից յուսալքման ու գրկանքների ենթարկւած մի դժբախտ գիւղացու պատմութիւնն էր այդ, որ վերջացաւ նրա համար անսպասելի բախտաւորութեամբ: Ես եզրակացրի, որ ազնիւ գիւղացին այդ պատմութեամբ ցանկացաւ իմ հոգեկան ալեկոծումը մեղմել և ապագայի լուսագոյն սպասումներով ինձ յուսադրել:

Ղարաքիլիսէ հասնելուց յետոյ ես ինձ ուղեկցող բարեացակամ գիւղացուն խնդրեցի ինձ երկաթուղակայարանն առաջնորդել: Նա սիրալոյսով համաձայնեց և անկեղծօրէն բարի ճանապարհ ու յաջողութիւն մարթելով՝ ինձ մտերմիկ մօտեցումով ասաց.

– Տղա՛ս, գիտեմ, որ ձեր նման փախստական դառած մարդիկ իրենց ունեցած, չ’ունեցածը ձեռքից տւել են: Վերցրո՛ւ այս հինգ մանէքը: Ո՞վ գիտէ՝ ինչ կարող է պատահել: Օտարութեան մէջ մարդու ամենաշատ օգնութեան հասնողը էս անտէր փողն է: Տոմսակ վերցնելու կամ ուրիշ ծախսերի համար պէտք կը գայ:

– Եղբայր Աւետ,– ասացի նրան, – ես ձեզնից անչափ, անչափ շնորհակալ եմ ձեր ազնութեան և ուշադրութեան համար, բայց ես ինձ մօտ մի փոքր գումար ունեմ և ձեր բարեացակամ օգնութեան կարիքը չեմ զգում:

– Լաւ, լաւ այդպիսի ամաչկոտութեան կարիք չկայ: Շատ էլ ասենք փող ունես, էս փողն էլ նրա կշտին դիր, թող մնայ: Եթէ կարիքը չունեցար, յետոյ իր տիրոջը կը վերադարձնես: Վերցրո՛ւ ու պահիր: Այնպէս հաշիւիր, որ փոխ եմ տալիս քեզ, էլի՛...

Ես այլևս չկարողացայ մերժել այդ սրտաբաց գիւղացու՝ այդքան անկեղծ ու ազնիւ ձևով ինձ պարտադրած նւէրն ու նորից նրա հալալ աշխատանքից կոշտացած ձեռքը ջերմօրէն սեղմելով՝ շնորհակալութիւն յայտնեցի: Մտքումս որոշեցի Թիֆլիսից նրան մի յարմար նւէր ուղարկել:

Օտար հորիզոնի տակ կեանքի պայքարը մտնելու էի գնում: Օ՛հ, ինչքան դժար է անփորձ երիտասարդ մարդու համար անձանօթ օտարութեան մէջ կեանքի կռիւ մտնել ու մաքառել ամէն տեսակի դժարութիւնների և պատահականութիւնների դէմ:

\*\*\*

Կայարանում ինձ յայտնեցին, որ Թիֆլիս մեկնող մարդատար գնացքը զիշերայ ժամի 11-ին է հասնելու: Բարեսիրտ գիւղացու՝ ինձ տւած 5 ռուբլու հետ հաշւած՝ երրորդ կարգի տոմսակի արժեքը վճարելուց յետոյ ինձ մօտ 16 ռուբլի ևս մնում էր:

Էջմիածնի կայարանում մեծ դժարութեամբ կարողացել էի ինձ մօտ մնացած տանկական մաջիղիէն ռուբլով փոխանակելու: Ինձ թւում է, որ իմ ու-

նեցած այդ 16 ռուբլով Թիֆլիս մեկնելուց յետոյ մի 2-3 օրով ապահովւած եմ:

Ղարաքիլիսէի կայարանի մուտքի կողքին ճերմակ երկաթէ խողովակից ջուր էր թափում: Այդ ջուրն այնքան սառնորակ և ջինջ էր, որ մի պահ ինձ թաց, որ մեր Վան-Այգեստանի զոզդուն ու կաթնահամ ջրերիցն է իր սկիզբն առել:

Երկար, շատ երկար այդ քաղցրահնչիւն կլկացող ու դանդաղօրէն վետվետող ջրի կողքին նստած մնացի: Մի քանի անգամ ձեռներս ու երեսս նրանով լրացի և անհուն հրճանք զգացի: Մտածում էի՝ չէ՞ որ այս Ղարաքիլիսէ կոչւած փոքր քաղաքի հողն էլ մեր մայրենի հողամասն է, և նրա վրայ ապրող ու ստեղծագործող ժողովուրդն էլ մերոնք են, մեր հայրենակիցներն են: Ինչու՞ պիտի զարմանալ, եթէ մեր դիտական, սքանչելի հայրենիքի այս հողամասն էլ իր ծոցում, իր հողային արգանդում, մեր Այգեստանի նման զնգզնգան ու արծաթափայլ աղբիւրներ և ջրեր կարող է ունենալ:

### ԿԱՅԱՐԱՆՈՒՄ ԵՒ ՎԱԳՈՆՈՒՄ

Մինչև զիշերայ ժամը 11-ի գնացքի ժամանումը պէտք է ամբողջ վեց ժամ սպասէի: Ուրախ էի, որ, կեանքումս առաջին անգամը լինելով, մարդատար գնացքով պիտի ճամփորդէի: Հոգ չէ, թէ երրորդ կարգի վագոն պիտի նստէի: Ինձ ասել էին, որ պատերազմի այդ ժամանակներում զինուորների ու զինուորականների անվերջ փոխադրութիւնների պատճառով մարդատար գնացքի տոմսակ ճարելը չափազանց դժար է: Չարմանում էի, որ բախտ էի ունեցել առանց գլխացաւանքի տոմս գնելու: Մի քանի անգամ գնած տոմսը գրպանից հանելով՝ նայեցի և ստուգեցի: Երբեմն սրտումս կասկած էր առաջանում այդ տոմսակի իսկական լինելու մասին: Մի քանի անգամ մտածեցի կայարան եկող-գնացող մարդկանց իմ տոմսակը ցոյց տալով հարցնել նրա կեղծ չը լինելու վերաբերեալ, բայց ծիծաղի ենթարկելու մտավախութեամբ ինձ զսպում էի:

Այդ վեց ժամերի սպասումը սիրտս կրծում էր: Անհամբերութեամբ սպասող մարդու համար ամէն մի ժամը տասնապատկում և երկարում է: Իսկապէս, ի՛նչ անտանելի դանդաղկոտութեամբ էին շարժում այդ կայարանի՝ պատից կախւած խոշոր ժամացոյցի երկար սլաքները: Երբեմն մտածում էի՝ չ’լինի թէ անբախտ գաղթականներիս հիւանդութիւններից մէկն ու մէկով այս ժամացոյցն էլ վարակւած լինի, որ նրա սլաքները այդքան ծուլօրէն են առաջ գնում:

Ստամոքսիս դատարկութիւնն իրեն զգացնել տւեց: Նոր միայն յիշեցի, որ առաւօտուանից ոչինչ չեմ կերել: Նոյնպէս նոր անդրադարձայ, որ մեր բաժանման ողբերգութիւնը մերոնց և ինձ մոռացնել էր տւել գիւղից ինձ հետ ուտելու թէկուզ մի փոքր պա-

տառ վերցնել: Այդ մոռացման համար շատ ափսոսացի: Մտածեցի կայարանի բիւֆէյում մի բան ուտել: Դէպի բիւֆէյն յառաջացայ, բայց նրան չը հասած կանգ առայ: Ո՛չ, խելօք գործ չէ անելիքս, կասկած չ'կայ, որ այս բիւֆէյում ծախսող ամէն ինչ մի քանի անգամ ատելի քանկ կը լինի և ինձ կը զրկի գրպանումս ունեցած խղճուկ գումարի զգալի մասից:

«Դեռ շատ ժամանակ է մնում գնացքի ժամանելուն, – ասացի ինքս ինձ, – ատելի լաւ է գնամ կայարանից ոչ հեռու քաղամասը և այնտեղից առնեմ ուտելիքս ու մի փոքր էլ պաշար վագոնում քաղցած չը մնալու համար»:

\*\*\*

Իմ սրտամաշ սպասումը վերջ գտաւ: Ժամի 11-ից քառորդ անց դէպի կայարանը սուրացող գնացքը բարձրագոյ սուլոցով և հեկիկ տնքոցով կանգ առաւ:

Տոմսակը ձեռքումս պինդ պահած՝ բարձրացայ 3-րդ կարգի վագոններից մէկի աստիճանի վրայ: Վագոնի դռան կանգնած կոնդուկտորը, թէ նրա օգնականը, դէմս կտրելով, ռուսերէն լեզուով ու կոպիտ տոնով ձայնեց՝ տոմսդ ցոյց տուր:

Իմ տոմսակիս իսկական լինելուն ժամերից ի վեր մտահոգ՝ անհամարձակ նրան պարզեցի տոմսակս: Մինչ նա, իր խոշոր և ուռած քթի վրայ ակնոցները յետ ու առաջ անելով, տոմսակս քննում ու զննում էր, ես անձկութեան սրտադող էի բռնել: Կարծես իմ տոմսակից գլուխ չը հանելով և ինձ ոտքից գլուխ զննելուց յետոյ զսպւած կատաղութեամբ հրամայեց.

– Ներս անցիր:

Ինձ յետ տրւած տոմսակը ծակոտւած էր:

Վագոնից ներս մտնելուց յետոյ էլ՝ դեռ մի քանի րոպէ, սրտիս բարբախումը շարունակուում էր: Գնացքի այս պաշտօնեայի անտեղի կոպտութիւն ինձ թէ՛ զարմացրել և թէ՛ ջղայնացրել էր: Եթէ իմ տոմսակը կեղծ էր, ինչպէ՞ս պատահեց, որ նա համաձայնեց ինձ ներս թողնելու, իսկ եթէ ճիշտ էր ու կարգին, ապա նրա վայրենութիւնն ինչո՞վ բացատրել: Մի՞թէ այնտեղ՝ Ռուսաստանում, նոյնիսկ հայ ազգաբնակչութեամբ բնակւած երկրամասումն էլ պետական պաշտօնեաները մեզ՝ հայերիս հետ վարում են այնպէս, ինչպէս վարում էին մեր հարիւրաւոր տարիների թշնամի տաճիկները: Ինչո՞ւմն է ուրեմն տարբերութիւնը:

Բայց չէ որ վաղուց, շատ վաղուց մենք ռուսներին մեր հարազատ բարեկամներն ենք հաշուել և միշտ նրանց մեր հօրեղբայրներն ենք անւանել:

Ուրեմն ինչպէ՞ս բացատրել նման վերաբերմունքը: Գուցէ նրանով, որ մենք փոքր ազգ ենք և ամենուրեք անպաշտպան մի ազգ ենք:

Իմ տեղաւորւած և մարդատար կոչւած վագոնումն էլ խռնում և խճողում էր տիրապետում: Տարբերութիւնը սրա և բեռնատարի մէջ այն էր, որ այստեղ տախտակից երկար նստարաններն ամրացւած էին կուպէ կոչւած խցիկների մէջ: Ճամբորդներից շուտ ներս մտնողները նստարանները գրաւել էին, իսկ յետոյ եկողները ոտքի վրայ էին կռթնում՝ իրենց թմրած ոտներին օգնութիւն հասցնելով, իրենց ձեռներով ու բազուկներով տախտակներին կառչելով:

Անկասկած, ես էլ ոտքի վրայ մնալու դատապարտւածների շարքին էի ատելացել: Երբ հաշուեցի, որ այս դրութեան մէջ 8-9 ժամ պիտի մնամ, չափազանց տհաճ զգացում ունեցայ: Ինչ է, մի՞թէ մեր նահանջը դեռ չէ վերջացած: Մինչև ե՞րբ այս գաղթականի անբախտ ճակատագիրը մեզնից ձեռք չի քաշելու:

Դժբախտաբար ինձ հետ որևէ իր կամ կապոց չունէի, որի վրայ մի կերպ նստել կարողանայի: Ճարն ինչ, սկսեցի ինձ միխթարել այն ենթադրութեամբ, որ ես իմ նահանջի ճանապարհի վերջակէտին դեռ չեմ հասել: Հայրենիքից վայրագօրէն վռնուած հայ մարդը կա՞րող է այսպէս հեշտութեամբ իր հանգիստը վերագտնել:


Վագոնում ոտքի վրայ թափառելով՝ յաճախ հանդիպում էի ճամփորդների, որոնց թէև չէի ճանաչում, բայց, անկասկած, եզրակացնում էի, որ գաղթականներ են և գնում են դէպի Թիֆլիս, Բաքու ու Հիւսիսային Կովկաս: Նրանց խօսակցութեան բարբառից ճշտում էի Վասպուրականից լինելն ու շրջանին ու գիւղին պատկանելը: Երբեմն նոյնիսկ փորձում էի նրանց հետ խօսակցութեան բռնել և նրանց ապագայ անելիքների մասին հնարատր տեղեկութիւններ ձեռք բերել:

Բայց ինչպէս ես, նրանք էլ գնում էին նետուելու անորոշութեան և պեկոծող բախտի քմահաճոյքին:

## ԹԻՖԼԻՍՈՒՄ

Առաւօտեան կանուխ՝ արևածագից առաջ, մեր գնացքը սուլելով և ֆշացնելով Թիֆլիսի կայարանում կանգ առաւ: Իմ ուրախութեանը սահման չկար: Երկար տարիներից յետոյ, թէև գաղթական վիճակում, ինձ յաջողում էր մօտաւորապէս չորս տարիով մեծ եղբօրս՝ Արմենակին հանդիպելու: Ղարաքիլիսէից մէկնելուց ճիշտ մի օր առաջ նրանից իր վերջին հասցէն ստացել էի:

Գիտէի, որ նրա ապրած քաղամասը՝ Հալաբար անունով կոչւած, կայարանից հեռու չէր: Մեծ հաճոյքով վագոնից ցած եկայ: Ամբողջ ութը ժամ ոտքի վրայ մնալու և սեղմւած ու ճխլւած լինելուս յոգնածութիւնը միանգամայն անհետացաւ: Իրեր չ'ունէի: Ունեցած չունեցածս մէկ զոյգ ճերմակեղէն և երկու զոյգ գուլպա էր:



**Տփղիս. Մեղան (լուսանկարի առաջնային հատվածում) և Հավլաբար (Կուրի ձախափնյա ձորապռնկի հարթության վրա տարածված) քաղաքները**

Ծագող արևի առաջին ճառագայթները շողշողալ սկսեցին: Օդը զովասուն և հոգեպարար էր: Սկսեցի ոտքով քայլել Հավլաբարի քաղաքասրբ հասնելու համար: Կայարանում ինձ հասկացրել էին ճանապարհիս ուղղութիւնը: Ահա և Հավլաբարը: Մի յարկանի և երկյարկանի տներ իրար քիթն էին կոխել: Փողոցները նեղիկ և անմաքուր էին: Նախօրօք գիտէի, որ այս քաղաքասրբ բանտրների և կինտօ կոչող հասարակ դասակարգին պատկանող մարդկանց բնակավայրն է:

Առաջին անգամը լինելով՝ փողոցներում երթևեկող մարդկանցից լսում էի ինձ անձանօք լեզով խօսակցութիւններ: Ենթադրեցի, որ նրանք պետք է վրացերէն խօսելիս լինեն: Վերջապէս հանդիպեցի հայերէնով խօսող մի խումբ բանտրների, որոնք գործահագուստ էին հագել: Պարզ էր, որ աշխատանքի էին գնում: Չեռքունս եղած հասցէն տալով՝ խնդրեցի ցոյց տալ իմ փնտրած փողոցը: Բարեբախտաբար, հեռու չէի իմ ուզած փողոցից: Ինձ յայտնեցին երկրորդ քառուղուն հասնելուց յետոյ դառնալ դէպի աջը: Իմ փնտրածը այդ փողոցումն էր լինելու:

Ինձ ցոյց տրւած փողոցը մտայ: Տների համարները ստուգելով՝ յառաջանում էի: Փնտրածս համարը հեռու չ'պէտք է լինէր: Մօտեցող հանդիպումիս հրճանքիցս սիրտս ուժգնօրէն սկսել էր բարբախել, երբ տեսայ անունս կանչող և դէպի ինձ վազելով մօտեցող եղբորս:

Նա մի փոքր հեռաւորութեան վրայ նկատել էր տների համարները ստուգելով յառաջացող երիտասարդին և ինձ բոլորովին մօտենալուց առաջ ճանաչել էր իր եղբօրը՝ ինձ:

– Միրաք, իմ անուշիկ եղբայր, վերջապէս եկար: Ինչքա՛ն ուրախ եմ քեզ տեսնելուս համար,– ասելով՝ գրկեց և բազմաթիւ անգամներ համբուրեց ինձ: Իմ հերթին, ես էլ, ուրախութեան բացականչութիւններ արձակելով, նրան իմ կրծքին սղմեցի և փոխադարձաբար բազմաթիւ համբոյրներ շնայեցի:

Երբ մեր գրկախառնումը վերջացաւ և մեր առաջին սիրագեղումից դուրս եկանք, սկսեցինք իրար ոտքից գլուխ գննել: Մենք, իրար նայելով, կարծես չէինք ուզում կշտանալ: Մեզնից ամէն մէկը իր մօտ և իր մտքում շտապ խորհրդակցութիւն էր անում և միսի վիճակի մասին եզրակացութիւն էր հանում: Ես նրան տեսնում էի բաւական շնորհքին և հարդուկած հագուստով, իսկ նա ինձ գտնում էր իմ գաղթականի խղճուկ, տեղ-տեղ կարկատած և հագուստի նմանող զգեստով:

– Դէ՛ լաւ, ինչու՞ ենք փողոցում սպասում: Տուն գնանք:

– Գնանք,– պատասխանեցի մեքենայաբար:

Երբ մենք եղբօրս տունը մտանք, նա ինձ իր սենեակն առաջնորդեց: Եղբօրս սենեակը միջակ մեծութեամբ, տախտակեայ յատակով և համեստ կահաւորութեամբ մի սենեակ էր: Սենեակի մուտքից ձախ, ձախ թևի վրայ, պատի մօտ դուռը էր տախ-

տակեայ մի թախտ, վերմակով ու ներքնակով, իսկ կողքին մի հագուստի պահարան: Առաջին իսկ հայացքից նկատեցի, որ սենեակում տիրում էր կարգ և ուշադիր մաքրություն:

Սենեակում մի բազկաթոռ և երկու նստարան կային: Եղբայրս ինձ հրաւիրեց բազկաթոռին նրստել, իսկ ինքն էլ, նստարան մօտեցնելով, կողքիս նստեց:

– Դէ՛, պատմիր, տեսնենք այդ ի՛նչ սոսկալի փորձանքներ են անցել ձեր գլխից: Այստեղի հայկական թերթերում կիսատ-պռատ տեղեկություններ արեցին Վանի նահանգի վերաբերեալ, բայց, ըստ երևոյթին, Վասպուրականի հայ ժողովրդի գլխին եկած փորձանքը հազար անգամ աւելի սարսափելի է եղել, քան այն, ինչ գրել և նկարագրել է այս թերթերում: Ես այդ եզրակացրի նրանից, որ վերջին 12-15 օրերում բոլոր թերթերում իրար յետևից օգնութեան կոչեր են հրատարակում: Այստեղ էլ մի Գաղթականութեան կոմիտէ է կազմել և սկսել է Թիֆլիս հասնող գաղթականների համար փող հաւաքել:

– Փող և նպաստ հաւաքել,– կրկնեցի՝ սրտիս խորքում մի անսահման ցաւի ու վշտի հարած զգալով:

– Իսկ տեղս հասնող գաղթականների թիւը մե՞ծ է, և նրանց ու՞ր են տեղաւորել: Ե՞րբ են ժամանել այդ դժբախտները,– հարցրի եղբօրս:

Մինչ եղբայրս պատրաստում էր իրար ետևից հասնող հարցերիս պատասխանել, սենեակի դուռը մատների կրկնող հարածներով բախեցին, և առանց պատասխանի սպասելու՝ սենեակի սեմին յայտնուեց մի դեռատի օրիորդ:

– Կարելի՞ է,– ռուսերէնով հարցրեց սենեակի սեմին կանգնած և կարծես հրաւերի սպասելու մտադրութիւն չունեցող օրիորդը, թէ տիկինը:

– Հրամայեք,– պատասխանեց մի քիչ շփոթի ենթարկւած եղբայրս:

Ներս մտնողը եղբօրս հետ սկսեց վրացերէնով խօսել: Եղբայրս, առաջանից աւելի շփոթած, նրան հայերէնով պատասխանեց և ինձ հետ ծանօթացրեց:

– Օրիորդ Թամարա, խնդրեմ ծանօթանալ եղբօրս հետ: Ես նրան մեր փողոցում իմ բնակարանը փնտրելիս հանդիպեցի: Մեր երկրից փախուստ տւած գաղթականների և մեր ընտանիքի հետ Ռուսաստան եկողներից է:

– Շատ ուրախ եմ,– կոտրուած հայերէնով պատասխանեց վրացի օրիորդը և ինձ մեկնեց իր մի-հար, ոսկրոտ ձեռքը: Գուցէ տասներորդ անգամը լինելով, այս անգամ էլ ենթարկեցի այս վրացի օրիորդի ուշադիր զննումին: Նա իր երկար թերթևանոցով աղեղւած սևաթոյր աչքերով և մի տեսակ կարեկցական հայեացքով յամառօրէն ինձ էր նայում: Նրա նուրբ իրանն ու փոքրիկ կտրծքը խնամքով պարուրող գեղեցիկ շրջագցեստի հետ իմ՝ գաղթականի ցնցոտիանման հագուստի շտապ համե-

մատութիւնն ինձ մինչև ականջներիս բլթակները կարմրացրեց:

Աղջիկը կարծես իսկոյն նկատեց իմ շփոթմունքը: Ներողութիւն խնդրելով՝ սենեակից դուրս եկաւ, բայց անմիջապէս յետոյ նորից սենեակի դռան մօտենալով՝ եղբօրս վրացերէնով մի քանի բառ ասաց ու գնաց:

Եղբայրս էլ իր հերթին մի քիչ շփոթ ու անհանգիստ էր: Այն, ինչ ես էի մտածում, հաւանաբար նա զգում էր: Մենք երկուսս էլ ուզում էինք խօսել, բացատրել, բայց և այնպէս խուսափում էինք մեր միտքը յուզող խնդրին ուղղակիօրէն մօտենալուց:

Վերջապէս եղբայրս առաջինը խզելով մեր այս լռութիւնը, ասաց.

– Միրելի՛ եղբայր, ես մօտաւորապէս կռահում եմ քո մտմտուքը: Կարծում եմ, որ չեմ սխալւում: Դու գուցէ ինձ մեղադրում ես այն բանի համար, որ ես ինչու՞ հայ ընտանիքը թողած, մի վրացի ընտանիքի տնունն եմ ապրում: Նախ, որ Թիֆլիսում հայ և վրացի ընտանիքներն այնպէս են խառնուած և յաճախ այնպէս են բարեկամացած, որ նրանց մէջ խտրութիւն դնելը անհարմար և նոյնիսկ անօթալի է համարում: Յետոյ պէտք է ասեմ, որ իմ՝ Թիֆլիս հասնելուց յետոյ երկու տարի մի հայ ընտանիքի մօտ ապրեցի: Այնպէս դասատրուեց, որ ես դժգոհ մնացի այդ ընտանիքից: Նրանք հինգ հոգուց բաղկացած մի ընտանիք էին: Հայր, մայր, որդի, հարս և մի փոքրիկ նորածին երեխայ: Երեխայի ծնելուց յետոյ ընտանիքի մայրը զանգատում էր իրենց սենեակների անբաւականութիւնից: Տղան՝ նորածինի հայրը, ջղային էր դառել և մօրն ու կնոջ հետ յաճախակի սկանդալներ էր ունենում: Ես բարուք համարեցի թողնել այդ հայ ընտանիքի մօտ իմ հաստատած բնակութիւնը: Իսկ ինչպէ՞ս պատահեց, որ այս վրացի ընտանիքի մէջ ընկայ, անպայման այդ պարագան էլ կարող է քեզ հետաքրքրել: Կարծեմ մի երկու անգամ ձեզ գրել եմ իմ զբաղմունքի, գործի մասին: Երբ ես Թիֆլիս հասայ, ես էլ, ինչպէս ներկայումս դու, գաղթական և օտարական էի: Տարբերութիւնը մեր մէջ այն է, որ ես իմ ցանկութեամբ և առանց խուճապի եկայ ու այստեղ հասայ, իսկ ձեզ բռնութեամբ և մահուան սպառնալիքով այս կողմերը քշեցին: Այո՛, երբ Թիֆլիս եկայ, որևէ մէկից, ազգային և հասարակական կազմակերպութիւններից օգնութեան յոյս չունէի: Ասենք, երբէք էլ այդ ուղղութեամբ չը մտածեցի ու չը փորձեցի: Միջնակարգ և յետոյ բարձր կրթութիւն ստանալու միջոց և հնարաւորութիւն չունէի: Այդ ուղղութեամբ որևէ փորձ անել իսկ միտք չունէի: Ինձ մնում էր կամ մի արհեստ սովորել՝ վարպետ դառնալու համար և կամ մի ուրիշ գործ անել: Փորձեցի մի քանի ուղղութեամբ, բայց յաջողութիւն չ'ունեցայ: Այստեղ և ընդհանրապէս այս ծովածաւալ երկիրը գաղթող հայեր շատ կան: Նրանք եկել են մեծ մասամբ Պարսկաստանից, մի մասն էլ՝ Արևմտեան Տաճկահայաստանից: Նրանցից շատերը

դատարկ ձեռներով եկել և զարմանալիորեն կարճատև ժամանակամիջոցում հարստացել են: Հարստանալու համար էլ ընդունակութիւններ են պէտք: Բայց հարստանալու տենչով, տագնապով և մարմանջով բռնուղները, գրեթէ միշտ, միջոցների մէջ խտրութիւն չեն դնում: Նրանք համաձայնում են ամեն ինչ անել, ամէն միջոցի դիմել, նոյն իսկ ստորութիւններ գործել, միայն թէ հասնեն իրենց նպատակին, այսինքն՝ հարստանալ կարողանան: Մեր հայրը վարժապետ ու ապա քահանա է եղել և գործնական, իրական կեանքի շփումից հեռու է մնացել: Նա առևտուրով, շահ և վնասի գործառնութիւններով չի զբաղել, հարստանալու միջոցներ չի փնտրել և մեզ՝ իրա երեխաներին, գործնական կեանքի հետ չի ծանօթացրել: Դրա հետևանքն էր, որ ես, բարեբախտաբար, թէ դժբախտաբար, առևտուրից, վաճառականութիւնից և ամէն տեսակի գործնական կոմպլիքսիաներից բոլորովին անտեղեակ և անընդունակ եմ մնացել և հետևաբար հարստանալու վերոյիշեալ ստոր և խաբէբայ ընդունակութիւններից զուրկ եմ եղել և չեմ էլ ասիտում, որ զուրկ եմ եղել:

Այստեղ եղբայրս իր պատմութեան թելը յանկարծակի կտրեց: Ես լարած ուշադրութեամբ նրան լսում էի և չնայած անցեալ օրւայ սրտատրոփ և անհանգիստ սպասման ու ամբողջ զիշերւայ ընթացքին վագոնում ոտքի վրայ մնալու պատճառով յառաջացած յոգնածութեանը՝ շատ կը ցանկանայի եղբորիցս լսել մեզինքն բաժանելուց յետոյ նրա առանձին անցկացրած տարիների պատմութիւնը:

– Շատ ներողութիւն, սիրելի՛ եղբայր,– յարեց նա,– ես բոլորովին մոռացայ, որ ճանապարհից նոր հասած յոգնած ու քաղցած կը լինես: Նախաճաշելուց մի քիչ յետոյ քեզ բաղանիք կառաջնորդեմ: Մի կարգին կը լողանաս և մարմնիդ կեղտ ու փոշուց կ'ազատես: Յետոյ կը քնես, կը հանգստանաս, և ապա մեր խօսակցութիւնը կը շարունակենք: Ինչպէս քեզ, այնպէս էլ ինձ շատ հետաքրքիր է իմանալ ձեր փախուստի պատմութիւնն ու քեզ նման ակամատեսի նկարագրութիւնը: Գիտեմ, որ շատ տխուր և ողբերգական է այդ, բայց մեզ՝ հայերիս համար՝ շատ հետաքրքիր: Դա նոյնիսկ մեր պանդուխտ կեանքի ուղեցոյցն ու անմոռանալի ուսուցմունք կը լինի: Հա՛, չմոռանամ ասելու, որ Թիֆլիսի բաղանիքները, իրենց քսակ քաշող բանւորներով, աշխարհահռչակ համբաւ ունեն:

Ես եղբորս ոչինչ ասել չը կարողացայ, որովհետև նորից յանձնուել էի իմ ներաշխարհի մտքերի խառնաշփոթ պեղծումին: Մի քանի րոպէ անց եղբայրս սենեակում եղած կլոր սեղանի վրայ արծաթանման փայլող մի ավիսէ դրեց, որի մէջ կար մի խոշոր ճերմակ ու կլոր հաց, պանիր, կարագ ու մեղր:

– Եթէ կը ցանկանաս ձեռներդ լւանալ, լւացաւանը հեռու չէ: Հէնց մեր այս սենեակի կողքին է:

– Հաճոյքով լւացել կուզենայի: Գոնէ դեմքս ու ձեռներս մի քիչ այս կեղտ ու փոշուց կազատեմ:

## ՎՐԱՑԱԿԱՆ ԲԱՂԱՆԻՔՈՒՄ

Եղբորս ուղեկցութեամբ մենք գնացինք վրացական մի բաղանիք: Ինձ համար բոլորովին նորութիւն էր այս բաղանիքը: Մեր մերկութիւնը ծածկելու համար մեզ ամէն մէկիս տւին երկու մետրանոց երկարութեամբ և մօտ կէս մետր լայնութեամբ գունաւոր բամբակաթել մի կտոր: Տարիներից յետոյ պարսկական բաղանիքներում նորից հանդիպեցի այսպիսի գունաւոր կտորների: Նրանք «լոնգ» են կոչւում:

Վրացական բաղանիքը մի մեծ սրահաձև շինութիւն էր:

Շուրջաշուրջ պատերի կողքին դրած էին տաք ու պաղ ջրի ցնցուղ-դուշեր: Ցնցուղների տակին դրած էին տախտակեայ երկար նստարաններ, որոնց վրայ նստած կամ պառկած լողանում էին բաղանիք եկողները: Հաշտեցի երկու երկար պատերի շարքին 12-ական, իսկ կարճ պատերի կողքին՝ 8-ական ցնցուղներ, ուրեմն 40 ցնցուղ և 40 նստարաններ կային, նրանցից կէսից արեւին բռնւած էր:

Եղբայրս ինձ յայտնեց, որ կէսօրից յետոյ՝ ժամի 5-ից սկսած, բոլոր այս ցնցուղները լողացողների կողմից բռնւած են լինում, իսկ դրսում մարդիկ ստիպւած են լինում հերթի սպասելու: Ցնցուղները ընդհանրական էին և ոչ մի պատ կամ շիրմա նրանց իրարից չէր բաժանում:

Եղբորս կարգադրութեամբ մեզ մօտ եկան երկու վրացի լողացող բանւորներ: Երբ նրանցից մէկը, ինձ մօտենալով, լողացնել ուզեց, ես կամքիցս անկախ և ակամայ սրտադողի ընկայ: Իմ նիհարակազմ մարմնի մօտ նա աժդահա էր թւում իր հուժկու թիկունք-բազուկներով: Վրացերէն ինչ որ բառեր արտասանեց, որից ես ենթադրաբար ոչինչ կարող էի հասկանալ:

Եղբայրս ինձ օգնութեան հասաւ և լողացնողին բացատրեց, որ ես նորեկ եմ և տաճիկների ձեռքից ճողոպրած գաղթական:

Վրացին սկսեց բարձրաձայն քահ-քահով ծիծաղել: Չարմացայ նրա յանկարծահաս ուրախութեան և ծիծաղի համար:

Նա նորից եղբորս մի քանի խօսքեր ասաց և ինձ համարեայ ուժով երկարացած՝ պառկեցրեց երկար նստարանի վրայ և սկսեց իր լողացնելու գործն ու ծիսակատարութիւնը:

Չնայած նրա հուժկու բազուկներին և կոշտ ու կոպիտ ձեռներին՝ նա մեծ խնամքով և զգուշութեամբ ինձ լողացրեց և մարմինս քսակով տրորելով՝ մաքրեց ու մաքրոտեց:

Երբ եղբորս հետ բաղանիքից դուրս եկանք, ինձ համար ես անճանաչելի էի դառել: Կարծես մի ժամ առաջւայ հոգնատանջ, բեզարած գաղթականը չէի այլևս: Մարմնով վերածնւած մի նոր մարդ էի կարծես: Չգու՞մ էի, որ արիւնս թեթևօրէն շրջագայում է երակներումս, և ազատ ու անկաշկանդ շնչում եմ:

Եղբորս այս շուտափոյթ սիրալիրութեան համար շնորհակալութիւն յայտնելով՝ հարցրի.

– Ինչու՞ համար ինձ լողացնող վրացին այդքան լաւ տրամադրելով ծիծաղել սկսեց և ի՞նչ ասաց: Եղբայրս իր հերթին, ուրախալից քրքիջով յայտնեց ինձ:

– Նա ասում էր, որ իհարկէ տաճիկները քու եղբոր նման նիհարակազմ ու սովատանջ մարդկանց հետ կուելիս իրենց հերոսներ կը հաշուեն: Եթէ նրանք իսկապէս տղամարդ հերոս են, թող մեզ հետ կուելու ելնեն, մինչև նրանց նանը լացացնենք:

– Ապահով և տաք տեղ են ընկել այս վրացիները,– դառն ու կսկծոտ տխրութեամբ պատասխանեցի եղբորս: Բաղանիքում այդպէս յոխորտացող այս պարոնները, եթէ մեր տեղն եղած լինէին և միայն մէկ ժամ ենթարկած լինէին մեզ վրայ յարձակող բարբարոս տաճիկների՝ մեր գլխին կարկտի նման թափած և ամէն ինչ ջարդ ու փշուր անող և կրակ ու մոխրի վերածող ռմբակոծումներին ու համազարկերին, նրանք՝ այդ ինքնահաւան վրացիները, այլևս նոյնիսկ իրենց երազում չէին տեսնի ոչ միայն այս տաքուկ բաղանիքները, այլև նրանց՝ այս դրախտանման Թիֆլիս կոչող քաղաքը:

Տուն վերադառնալիս եղբորս սենեակում դրած գտայ մի երկրորդ փայտեայ թախտ՝ մի մաքուր ներքնակով և ճերմակ ու օսլայած սաւանով հագցած վերմակով: Եղբայրս, ինձ այդ մահճակալը ցուցնելով, ասաց.

– Մինչև ժամի 2-ը, երբ մենք սովորաբար ճաշի սեղանին ենք նստում, 3 և կես ժամ է մնում: Պառկիր, քնիր և մի լաւ հանգստացիր մինչև իմ վերադարձը: Ես հիմա գնում եմ գործերս կարգադրելու:

**ԱՌԱՋԻՆ ՕՐԸ ԹԻՖԼԻՍՈՒՄ**

Կեսօրից յետոյ ժամի 2 և կեսն էր: Եղբայրս, իմ թախտի մօտ կանգնած, ճակատս շոյելով, կամաց և մեղմ ձայնով ինձ քնից արթնացնել էր ուզում:

– Սիրաք, սիրելիս, չե՞ս ուզում ճաշելու համար վեր կենալ:

– Հէնց այս րոպէիս, եղբայր,– պատասխանեցի և անկողնումս նստեցի:

– Գուցէ քեզ քնած թողնէի, բայց ենթադրեցի, որ քաղցած կը լինես, և ամենից կարևորն է, մեր հիւրընկալ հարևանները չը համաձայնեցին առանց քեզի ճաշի սեղանին նստել: Եթէ ցանկացար, ճաշից յետոյ նորից կը քնես:

– Բայց մի՞թէ մենք հարևանների հետ միասին ենք ճաշելու,– հարցրի՝ աշխատելով անհանգստութիւնս թաքցնել:

– Քանի որ այսօր քու ժամանման առաջին օրն է, նրանք խնդրեցին իրենց հետ միասին ճաշել: Եթէ քեզ հաճելի չը լինի, մենք կարող ենք այնպէս դասաւորել, որ էգուցանից առանձին ճաշենք:

Եղբայրս, պատասխանիս չսպասելով, թախտիս մօտ դրաւ մի նստարան, որի վրայ կար մի բոլորովին նոր կոստում, մի ճերմակ շապիկ և մի գոյգ կօշիկ:

– Մրանք քեզ համար են առնւած: Յոյս ունեն, որ վրադ կը նստի: Հապա մի անգամ փորձիր, տեսնենք:

– Նշանակում է գաղթականին վերանորոգե՞լ ես ուզում, սիրելի՛ Արմեն: Չափազանց շնորհակալ եմ քեզից: Իսկապէս իմ այս կօշիկներով ու հագուստներով պիտի ամաչէի փողոց դուրս գալու: Այս բոլորից յետոյ ուրեմն իմ ներկայութեամբ քեզ նորանոր գլխացաւանքի մէջ զցեցի:

– Գլխացաւա՞նք, մի՞թէ իմ հարազատ եղբոր համար այսպիսի հասարակ օգնութիւնը գլխացաւանք պիտի համարուէր ինձ համար:

Ես հագայ եղբորս՝ ինձ համար գնած շապիկն ու կոստումը և կօշիկները: Նրանք ինձ վրայ լաւ նստեցին: Պիջակը մի քիչ լայնկեկ էր վրաս, բայց ոչինչ, ինձ սազում էր: Իբր երախտագիտութեան արտայայտութիւն՝ մի քանի անգամ եղբորս համբուրեցի: Նա, իր հերթին փոխադարձելով, ինձ սրտապնդելու համար յայտնեց:

– Հիմի քիչ ջենդմէնի տեսք ունես: Մնում է միայն մազերդ խուզել և կարգի բերել:

Ապա, իր թևի ժամացոյցին նայելով, ասաց.

– Մինչև ժամի 5 և կէսը, այսինքն՝ երեկոյեան թերթերի հրատարակումը, ամբողջ 3 ժամ է մնում: Մենք ճաշից յետոյ քեզ հետ սափրիչի կզնանք և մի քիչ էլ Թիֆլիսի գլխատր պողոտաները ման գալով՝ կը տեսնենք:

– Ներողութիւն եմ խնդրում, եղբայր: Ես տարօրինակօրէն անհամբեր բնատրութիւն ունիմ և միշտ հնարատրին չափ շուտ ցանկանում եմ հետաքրքրութեանս պահանջը բաւարարել: Ի՞նչ գործ ունիս թերթերի հրատարակման հետ:

Մի քիչ սպասելով՝ ատելացրի.

– Զու գործերիդ վերաբերեալ դու մինչև վերջն էլ մեզ ոչինչ չես գրել: Այս իսկ պատճառով էլ ինձ այդ հարցը շատ է հետաքրքրում: Եթէ որևէ անպատեհութիւն չկայ...

Մինչ ես ուզում էի նախադասութիւնս վերջացնել, եղբայրս պատասխանեց.

– Դրա պատմութիւնը երկար է: Իմ Թիֆլիս հասնելուց յետոյ ես քեզ արդէն պատմեցի իմ փնտրատուքների ու վարանումների մասին: Մնացորդ պատմելու ժամանակը կը ճարենք: Ներկայիս ես այս Հաւաքար կոչող թաղամասի գաղիվայրում՝ Սօլօլակ տանող կամրջագլխի այս մասում, մի փոքրիկ գրախանութ ունիմ, որ այստեղի բարբառով կիօսկ է կոչւում: Այդ կիօսկում ծախսում եմ օրուայ նորագոյն գրականութիւնն ու հրատարակող նոր թերթերը: Ահա այս է ներկայի իմ զբաղմունքը: Այս գործը շօշափելի շահ չի բերում, բայց իմ ապրուստն ապահովում է:

\*\*\*

Հալաբար թաղամասը գտնուում էր բարձրադիր հարթատարածքի վրայ: Թիֆլիսի իսկական քաղաքամասը նրա ցածունմ էր տարածուած: Եղբորս հետ իջանք Հալաբարից ցած թեքող ճանապարհով և նրա վերջաւորութեան վրայ՝ երկաթեայ բաւական լայն ու երկար կամրջազվիսին, եղբայրս ցոյց տուց իր՝ տախտակեայ շարժական փոքր գրախանութը, որին նրանք կիսակ էին անուանում:

Այդ կիսակը, որն աչքի չափով գրասոււմ էր 2 մետր երկարութեամբ և մէկուկէս լայնութեամբ մի տարածութիւն, խճողած էր գրքերով, բրոշիւրներով, ժուռնալներով և օրաթերթերով: Կիսակի մուտքին կանգնած էր եղբորս ապրած տան հարեան վրացի ընտանիքի երիտասարդը, որը մեզ ժպտադէմ և վրացերէն լեզուով բարևեց:

Եղբայրս ինձ բացատրեց, որ երկու ու կէս տարի է, ինչ այս երիտասարդի հետ բարեկամացել և նրա հետ ընկերանալով՝ ձեռնարկել է այս գործին: Նա ասաց, որ այս երիտասարդի առաջարկով էլ նրա երեք հոգինոց ընտանիքի մօտ ապրելու է գնացել և հացաբաժնորդ (նախլերմիկ) է դառել:

Ինձ համար արդէն պարզեց եղբորս՝ այդ վրացի ընտանիքի մօտ բնակելու ու նրանց հետ սեղանակից լինելու պատմութիւնը: Այդ վրացի երիտասարդի հետ գործի ընկեր դառնալով և նրանց ընտանիքի, այսինքն, նրա մօր ու քրոջ, սեղանակից և մըշտական շփման մէջ լինելով՝ եղբայրս վրացերէն սովորել և, ինչպէս նկատեցի, այդ լեզուով ազատ ու սահուն խօսում էր:

Եղբորս հետ մենք էլեկտրաքարշ տրամվայը մատեցինք և ինձ խոստացած երկու ժամայ փոխարէն ամբողջ չորս ժամ շրջագայեցինք Թիֆլիսի գլխաւոր պողոտաներում:

### ԳՈՐԾԻ ՓՆՏՐՏՈՒՔԸ

Վրացի երեք հոգինոց ընտանիքը, որոնց հետ եղբայրս ապրում էր, շատ սիրալիր վերաբերմունք էին ցոյց տալիս եղբորս և, ի միջի այլոց, իմ նկատմամբ: Երեք տարի առաջ այդ ընտանիքի հայրը թոքերի ուժեղ բորբոքման հետևանքով մահացել էր: Տունը, որում ապրում էին, իրենց սեփականութիւնն էր: Տունը փոքր էր և ներփակում էր մի փոքր բակ, որի մէջտեղում գոյութիւն ունէին ուտելու կանաչեղէն, ցանած երեք փոքրիկ ածուներ և չորս փոքր սենեակներ ու երկու ներքնասենեակներ: Սենեակներից երեքը արևահայեաց էին, որոնցից մէկը յատկացած էր եղբորս, երկրորդը՝ իրենց բնակութեան և երրորդը ծառայում էր որպէս ճաշարան: Երիտասարդ վրացին այդ ճաշարանում դրած թախտի վրայ էր քնում գիշերները:

Ընտանիքի ապրուստի միջոցները շատ սահմանափակ ու համեստ էին: Ինչպէս հենց առաջին օրում նկատեցի, նրանք ապրում էին դժարութեամբ, ծայրը ծայրի հասցնելով: Մայրն ու աղջիկը գուլպա էին գործում և ձեռագործ անում ու այդպիսով իրենց ընտանիքի ապրուստի կարիքները լրացնում էին:

Ընդհանրապէս նրանք վրացերէն էին խօսում, բայց երբեմն էլ, մանաւանդ ինձ հետ, հայերէն: Նրանց գիտցած հայերէնը կիսատ-պատ ու անկատար էր: Ինչպէս կարողացայ իմանալ, նիւթական բաւարար միջոցներից զրկւած լինելու հետևանքով աղջիկը նախակրթարանն աւարտելուց յետոյ հնարաւորութիւն չէր ունեցել իր միջնակարգ կրթութիւնը շարունակելու:

Մայրն ու աղջիկը համեստ ու կիրք էին: Ապրում էին չափազանց համերաշխ ու փոխադարձ սիրով ու յարգանքով: Եղբորս ու իմ նկատմամբ շատ փափկանկատ և ուշադիր էին:

\*\*\*

Թիֆլիս հասնելուց յետոյ՝ չորրորդ օրայ առաւօտուանից սկսեցի ինձ համար մի գործ փնտրել: Ենթադրում էի, որ Թիֆլիսում աւելի հեշտութեամբ կը յաջողի մի գործ ճարել, քան մերոնց մօտ՝ Ղարաքիլիսում:

Վճռեցի գնալ Թիֆլիսի Գաղթականական կոմիտէի մօտ և նրանցից ինձ համար որևէ գործ խնդրել: Այդ կոմիտէի ժողովատեղին Խօջեվանքումն էր: Նրանք շաբաթական երկու անգամ ժողով էին գումարում և աշխատում էին Թիֆլիս հասնող գաղթականութեան պարենով, հագուստով և գործ հայթայթելով օգնել:

Առաջին անգամը, երբ ներկայացայ այդ կոմիտէին, նրանք ինձ մանրամասն հարց ու փորձի ենթարկեցին: Նրանց հայտնեցի, որ ապրիլեան կռիւներից շուրջ մի տարի առաջ՝ Երամեան միջնակարգ դպրոցն աւարտելուց յետոյ, նոյն դպրոցում՝ որպէս ուսուցիչ, պաշտօնավարում էի: Պատմեցի նաև, որ ապրիլեան կռիւների շրջանում, պարենապահեստի գործերով և նրանից յետոյ քաղաքապետարանի քարտուղարն եմ եղել:

Ինձ ուշադրութեամբ լսելուց յետոյ կոմիտէի անդամներից մէկը, որի ազգանունը յետոյ իմացայ՝ Բարսեղով էր, ինձ ասաց.

– Էզուց մի խնդիր կը գրես էլեկտրաքարշ տրամվայի վարչութեան անունով և ինձ մօտ կենտրոնական կայարանը կը բերես: Գուցէ կարողանամ մի թեթև գործ յաջողացնել քեզ համար:

Չափազանց ուրախացած՝ շնորհակալութիւն յայտնեցի ինձ գործ խոստացող մարդուց և տուն վերադարձայ թեթևացած սրտով:

Ես նազագոյն ցանկութիւն չունէի եղբորս նիւթական համեստ բիւջէի հաշիւն ապրելու և ձգտում

էի օր առաջ գործ գտնելով՝ գոնէ իմ բաժինն ընկնող ծախսերը ծածկելու: Ինձ մօտ հաշուում էի, որ եթէ ինձ յաջողւելիք գործի վարձատրութիւնը բաւարար լինի, ի վիճակի կը լինեն երբօրս օգնելու, որպէսզի նա կարողանայ գործը ընդարձակել և աւելի շահաւէտ դարձնել: Մտածում էի նաև, որ իմ աշխատանքից իմ սիրելի քրոջ հագուստի և ուրիշ ծախսերի համար, անպատճառ, ամսական մի բաժին պիտի յատկացնեմ:

\*\*\*

Ընթրիքի սեղանին նստելիս յայտնեցի երբօրս ու սեղանակից վրացի ընտանիքին, որ էլեկտրաքարշի հիմնարկութիւնից մի անձնաւորութիւն ինձ խոստացել է մի գործ յաջողացնել: Վրացի երիտասարդը քննական ոճով ու ակնարկով ինձնից հարցրեց.

– Գործը խոստացողի ազգանունը կարո՞ղ էք յիշել:

Ես անմիջապէս պատասխանեցի՝ Բարսեղեան:

Երիտասարդն անմիջապէս ճանաչեց ինձ գործ խոստացողին:

– Նա Բարսեղեան չէ, Բարսեղով է ճանաչւած: Եթէ խոստացողը նա է, անպատճառ կը յաջողացնի:

Մինչ այդ ես չէի իմանում, որ ինձ գործ խոստացողն այդքան կարևոր պաշտոն ունի: Ներքուստ ուրախացայ, բայց աշխատեցի ինձ սառնարիւն ցոյց տալ:

Եղբայրս էլ շատ ուրախացաւ, որ ինձ յաջողում է Թիֆլիսում գործ ճարել: Նա շատ էր ցանկանում, որ գոնէ մի առ ժամանակ իրա մօտ մնամ: Համոզւած էր, որ եթէ գործ գտնելու չը լինեմ, երբէք չեմ համաձայնի նրա բեռը լինել:

Յաջողօր օրն իսկ, առանց յետաձգելու, գրեցի իմ դիմումը: Իմ գիտցած ռուսերէնը չափազանց թոյլ էր և յաճախ անհասկանալի: Մտածեցի ուրիշի գրել տալ իմ դիմումը, բայց յետոյ փոշմանեցի: Մտածեցի իմ գիտցածով բարականանալ, որովհետև, եթէ ինձ քննութեան ենթարկէին, և իմ գիտցածի չափը յայտնէր, ինձ համար վատ դրութիւն կստեղծէր, և շատ հաւանաբար գործը բոլորովին կը վիժէր:

Երբ ես էլեկտրաքարշի կենտրոնական կայարանը գնացի և ուզեցի Բարսեղովին ներկայանալ, դռնապանը ներս չթողեց: Անբաղաքավարի և կոշտ տոնով և ռուսերէնով ասաց.

– Նա զբաղւած է, նստի՛ր և սպասի՛ր, մինչև կարգադրութիւն ստանամ:

Նստեցի, ուրիշ ճար չ'ունէի: Անցաւ մի ժամ, երկու ժամ, բայց դռնապանը, որի խօսակցութեան ուճից եզրակացրի, որ վրացի պէտք է լինի, չը համաձայնեց ինձ ներս թողնել: Ինձնից զատ՝ ուրիշ այցելուներ եկան, ներս մտան ու դուրս եկան, բայց ես անվերջ ու անճար սպասողի դերումն էի: Ամէն ան-

գամ, երբ այդ անտաշ ու կոպիտ դռնապանից խնդրում էի ինձ կառավարչի մօտ ներս թողնել, նա իր աղաւաղած ռուսերէնով և վրացական շեշտով միևնոյն պատասխանն էր տալիս.

– Ի՞նչ է, չե՞ս տեսնում, որ նա զբաղւած է:

Ուղիղ երկու ու կէս ժամից յետոյ, տեսնելով իմ յամառութիւնն և մտածելով, որ ձեռք քաշողը չեմ, և մի գուցէ իր համար անյարմար վիճակ ստեղծի, երբ կէսօրին կառավարիչը, դուրս գալով, ինձ սպասելիս տեսնի, ձեռքիցս խլելու ձևով ջղայնացած դիմումս վերցրեց և քթի տակով վրացերէն փնթփնթալով և հաւանաբար ինձ հայիտելով՝ ներս տարաւ: Մի քիչ յետոյ դուրս գալով նորից կրկնեց՝ սպասի՛ր:

– Սպասի՛ր, սպասի՛ր, հէրդ եմ անիծել, անպատկառ և անամօք մարդ, ինչքա՞ն պէտք է սպասեմ,– փնթփնթացի՝ այս անգամ իմ հերթին ջղայնացած և շատ դժգոհ մնացած այդ դռնապան կոչեցեալ արարածից:

Նորից անցաւ մի ամբողջ ժամ: Յուսահատուել էի արդէն: Ենթադրում էի, որ իմ դիմումը կառավարչին չի ներկայացրել այդ անպիտանը:

Բայց ահա, վերջապէս զանգահարութեամբ ներս կանչւած դռնապանը, դուրս գալով, այս անգամ բոլորովին փոխւած տոնով ինձ ասաց.

– Խնդրեմ, ներս համեցէք:

Մի փոքր յուզւած և անհանգիստ ներս մտայ: Կառավարիչը՝ հէնց նոյն իմ տեսած Բարսեղովը, սենեակում բոլորովին մենակ, նստած էր բազմաթիւ թղթածրարներով ու թղթերով ծանրաբեռնւած մի մեծ և գեղեցիկ գրասեղանի յետև: Ինձ իր սեղանի կողքին դրած նստարանին նստելու հրաւիրեց:

– Այս խնդրագիրն ինքնե՞րդ էք գրել,– հարցրեց ինձ:

– Ինքս եմ գրել, այո՛:

– Շատ աղէկ: Դուք, դժբախտաբար, ռուսերէն չը գիտէք: Ասենք բոլորովին զարմանալի չէ: Էլի հրաշք է, որ մի վանեցի գաղթական կարող է ռուսերէն այնքան գիտնալ, ինչքան դուք գիտէք: Ես ձեզ մի հարցարան կը տամ: Լցրէ՛ք և վերադարձրէք էգուց կամ միւս օրը: Չեմ կարծում՝ անհրաժեշտ լինի, որ հարցարանում յիշատակէք ձեր փախստական-գաղթական լինելու հանգամանքը: Դրա կարիքը չկայ: Գրէ՛ք, որ Ղարաքիլիսիցն էք եկել: Եթէ ուրիշ լեզուներ գիտէք, պայմանով, որ ռուսերէնի գիտցածիդ պէս չը լինի, յիշատակէ՛ք:

Մի քիչ սպասելուց և ինձ վրայ քննական ուշադիր հայեացք գցելուց յետոյ՝ աւելացրեց.

– Ամէն պարագայում, քանի որ ռուսերէն չը գիտէք, գրասենեակային գործի վրայ յոյս մի՛ դրէք: Այսօրուանից աշխատեցէք, ինչքան հնարաւոր է շուտ և լաւ ռուսերէն լեզուն սովորել: Այս երկիրը վերջ ի վերջոյ ռուսներինն է, և նրանց պաշտօնական լեզուն էլ ռուսերէն է: Բոլոր պետական և կիսապետական, ինչպէս մեր հիմնարկութիւնն է, շրջանակներում ծառայելու առաջին պայմանը ռուսերէն



լեզուն գիտնալն է: Իմ հայրն ու մայրն էլ Երզնկա-  
Էրզրումից գաղթած հայերիցն են եղել: Նրանք  
դրոթիւնը լաւ ըմբռնած են եղել և ինձ ռուսական  
կրթութիւն են տուել: Եթէ կարողանաք մինչև մէկ տա-  
րի ռուսերէն բաւական լաւ սովորել, և ես իմ ներկայ  
պաշտօնիս լինեմ, գուցէ ինձ յաջողի ձեզ գրասե-  
նակային պաշտօնի դնել:

– Չափազանց շատ շնորհակալ եմ ձեր բարեա-  
ցականութեան և խորհուրդի համար: Վաղն ևեք այս  
հարցարանը կը լցնեմ և ձեզ կը բերեմ: Միայն թէ...,  
մտածում էի նախադասութիւնս յարմար ձեռք լրաց-  
նել, երբ կառավարիչը հարցրեց.

– Միայն թէ ի՞նչ: Ասէ՛ք, ինչ որ կուզեմայիք ասել:

– Իմ ֆիզիկական ուժերն այնքան քայքայած  
են, որ հաւանաբար բանորի ծանր գործ անելու ի  
վիճակի չեմ լինելու: Մի գուցէ էլեկտրաքարշ վա-  
զոններում կարելի լինէր ինձ մի գործ տալ: Յետոյ  
բարի եղէք կարգադրելու, որ այս դռնապանն էգուց  
ինձ թոյլատրի ձեզ մօտ ներս մտնելու: Այսօր ինձ  
լրիւ երեք ժամ դռանը պահել է:

– Շատ լաւ, ես նորից ձեր անելիք գործի մասին  
կը մտածեմ:

Ապա զանգահարելով՝ ներս մտնող դռնապանին  
կարգադրեց:

– Էգուց կամ յետոյ այս պարոնին առանց ուշաց-  
նելու ներս առաջնորդէ՛ք:

### ՍՊԱՍՈՒՄ ԵՎ ՓՆՏՐՏՈՒՔ

Յաջորդ օրը հարցարան լցրած՝ էլեկտրաքարշի  
հայագգի կառավարչին տարայ: Դռնապանը իմ  
բարևիս մարդավարի պատասխանեց:

– Կառավարչի՞ն էք ուզում, այս ըռպէիս,- ասաց  
ու ներս մտաւ կառավարչի սենեակը: Մի ըռպէից  
յետոյ դուրս գալով՝ յայտնեց.

– Նրանք ժողովի են նստած: Չեր թողթը տւէ՛ք  
կառավարչին յանձնեմ, յետոյ կը գաք պատասխա-  
նը ստանալու:

Ճակատս անմիջապէս սառն քրտինքով ծածկ-  
ւեց: Ինձ վարկենապէս վատ զգացի: Ինձ բաց, որ  
գործս վիժած է: Հաւասարակշռութիւնս պահելու  
համար նստեցի սպասողների համար դրած նստա-  
րաններից մէկի վրայ: Ակամայ ձեռքս ծոցիս գրպա-  
նը տանելով՝ հանեցի ինձ տրած և պատասխան-  
ները լցւած հարցարանն ու դռնապանին պարզելով՝  
ասացի.

– Խնդրում եմ հարցրէ՛ք՝ ե՞րբ գամ պատասխա-  
նը ստանալու:

Հակառակ ենթադրութեանս՝ դռնապանն այս  
անգամ չը կոպտեց և քաղաքավարութեամբ  
խնդիրս կատարեց: Սենեակը՝ կառավարչի մօտ  
մտնելով և մի պահ յետոյ դուրս գալով՝ յայտնեց.

– Երկուշաբթի՝ առաւօտեան ժամի 8-ին, կառա-  
վարչի մօտ եկէ՛ք:

Մի քիչ սրտապնդեցի և նոյնիսկ ինձ մեղադրեցի  
այդքան շուտափոյթ յոսահատելուս համար: Օտա-  
րականի, այն էլ գաղթական մարդու գործ տալը  
մի՞թէ այդքան հեշտ է: Ինչու՞ համար և ի՞նչ իրա-  
ւունքով ես այդքան խստապահանջ պիտի լինեմ:  
Մի՞թէ այս օտար երկրում օգնութիւնն ու աջակ-  
ցութիւնը շուտափոյթ և պարտադիր պիտի լինի, թէ-  
կուզ էլ այդ աջակցութիւնը խոստացողն էլ հայ լինի:

Դռնապանին շնորհակալութիւն յայտնելով և  
ինձ յուսադրել ջանալով՝ էլեկտրաքարշի կենտրո-  
նական կայարանից դուրս եկայ:

Չորեքշաբթի էր այդ օրը: Կայարանից դուրս  
գալուց ստուգեցի ժամանակը: Դեռ երկու ժամ կէ-  
սօրին մնում էր: Բացի այդ օրը՝ ամբողջ չորս օր էլ  
մնում էր վճռական այդ՝ կամ ոչը լսելու համար: Օ՛հ,  
ի՞նչ տանջալի է սպասումը, մանաւանդ երբ այդ  
սպասումը կապում է կեանքի և գոյութեան պայքա-  
րին, որևէ կարևոր պահի բախտորոշման հետ: Չգի-  
տեմ ինչի՞ համար՝ ինձ շատ էր շահագրգռում գոնէ  
ժամանակատրապէս Թիֆլիսում մի գործ գտնելու  
հանգամանքը: Մի գուցէ նրա համար, որ ես ձգտում  
էի, ինչքան կարելի է շուտ, ազատելու թափա-  
ռական-գաղթական լինելու տիտղոսից կամ գուցէ  
նրա համար, որ ես նազագոյն ցանկութիւն չ'ունէի,  
նոյնիսկ մի օր աւելի, եղբօրս համեստ բիջէի վրայ  
ծանրաբեռնելու և կամ աւելի շուտ նրա համար, որ  
ես ինձ յոյս էի ներշնչում, Թիֆլիս մնալով, հնա-  
րաւորութիւն ունենալ փնտրտուք կատարելու և  
գտնելու այն անձնատրութիւնը, որին ես կորցել էի,  
բայց որին մոռանալ երբէք չէի կարող:

\*\*\*

Նահանջ-փախուստի հէնց առաջին ժամից  
սկսել էի փնտրել նրան, և, սակայն, իմ բոլոր  
փնտրտուքները գուր և սպարդիւն էին անցել: Ճա-  
նապարհի՝ իրար յաջորդող բազմաթիւ տանջանք-  
ները, զրկանքները, անտանելի յոգնածութիւնը,  
տանջալի անքնութիւնը, հարազատների անփոխա-  
րինելի կորուստը կարողացել էին ջլատել, քայքայել  
իմ ֆիզիկականը, բայց երբէք, նոյնիսկ մի ժամ չէին  
կարողացել նրա անմեղ, համեստ, կակաչանման  
դէմքը պարուրել, ծածկել, հեռացնել և անհետացնել  
իմ սրտի ու հոգու մշտաբթուն տեսողութիւնից:

Հազիւ կեանքի 17 տարիներ բոլորած այդ աղջի-  
կը՝ Անուշը, դիւթական, քաղցրամուշ երազի նման  
իմ սրտի խորքում լուսաշող և արևածիլ հետքեր  
թողնելով, անցել-զնացել և անհետացել էր, բայց ես  
յամառում էի ենթադրելու, որ նա պիտի վերադառ-  
նայ և նորից պիտի լուսատրի, լուսաշողի սիրակա-  
րօտ սրտիս տենչատագնապ խորքերը:

Ես նրան փնտրում էի ամէն տեղ, ամէն ժամ, ան-  
դադար ու անվերջ: Բայց, ավիտ՛ս, նրանից և ոչ մի  
հետք գտնել չէի կարող:

Նրա հայրը՝ Մահակ աղան, վերջին րուպէին ինձ յայտնեց, որ Անուշն իր մօր հետ հեռացել է: Նրանք Վանից մեկնելիս ձի են ունեցել: Հետևաբար, յոգնածութեան պատճառով ճանապարհին մնալ չէին կարող:

«Յոգնածութեան հետևանքով ճանապարհին մնալ չէին կարող»,– կրկնում և նորից կրկնում էի ինձ համար, բայց յետոյ ինքս ինձնից հարցնում էի:

«Չէ՞ որ նրանք՝ մի մայր և մի աղջիկ, միայնակ և անպաշտպան էին: Փախուստի այդ տակնուվրայութեան, խուճապի և առաւ-փախաւի այդ անիծեալ ճանապարհին մի՞թէ չէր կարող պատահել, որ նրանցից իւրեք կամ գողացած լինեն այդ ձիւն, և նրանք յոգնաբեկ, յուսահատ և անօգնական ճանապարհի մի անկիւն մնացած կամ բարբարոս բշտամու ճանկը ընկած լինէին»:

Այս վերջին կոշմարային ենթադրութիւնն ինձ կատաղութեան կրակով այրում և մրկում էր: Այդ անվերջանալիօրէն մաշող մտատանջութեան ընթացքում առաջին հերթին ինքս ինձ էի մեղադրում իմ անփութութեան համար: Չէ՞ որ ես լրիւ մի օր առաջ անհանջի լուրն իմացել էի: Ինչու՞ վերջին օրը գործի գնալու և մինչև վերջին ժամը գործի մնալու փոխարէն իմ ամենասիրելի հարազատների ազատման համար ոչինչ չէի արել:

Անուշից և նրա մօրից բաժանած մնալու և նրանց հաւանական կորուստն ու կործանումը պատճառելու պատասխանատուն ես, միայն ես ինքս եմ եղել: Եթէ մի երկու-երեք ժամ առաջ նրանց տունը գնացած լինէի, նրանցից բաժանած չէի լինի և նրանց հաւանական կորուստի համար այդքան հոգեկան տանջանք ու տագնապ չէի ունենայ:

### ՔՆՆԻՉԻ ՊԱՇՏՕՆԻՍ ՆՇԱՆԱԿՈՒՄԸ

Երկուշաբթի առաւօտեան՝ որոշւած ժամից մի քիչ էլ աւելի շուտ, Թիֆլիսի էլեկտրաքարշ տրամվայի կառավարչի մօտ գնացի՝ գործիս պատասխանը ստանալու համար: Մինչ այդ օրերի ընթացքին ինձ չափազանց անհանգիստ էի զգում: Շատ մեծ ցանկութիւն ունէի, որ չը մերժեմ:

Չ՞գիտեմ ինչու՞, ինձ այնպէս էր թում, որ եթէ այս առաջին անգամ պատեհութեամբ անյաջողութեան մատնեմ, նրանցից յետոյ կեանքումս ուրիշ ձախողութիւնների պիտի ենթարկեմ: Որոշւած ժամի 8-ին միայն 15 րոպէ էր մնում: Չ՞ուզեցի նախքան ժամի 8-ը կառավարչի մօտ գնալ: Այդ քառորդ ժամը շատ աւելի անտանելի թաց, քան մինչ այդ սպասումիս 4-5 օրերը: Տագնապում էի, և սիրտս ուժեղ բարբախում էր:

Վերջապէս կենտրոնական կայարանի խոշոր ժամացոյցը դանդաղ, բայց ուժգին զարկերով, անհամբերութեամբ սպասած վճռական ժամը ազդարարեց:

Այդ օրն աշխատել էի հնարաւորութեան սահմաններում ներկայանալի տեսք ունենալ: Լաւ ածիլած դէմքով և խնամքով հարդուկած կոստումով և նոր ներկած կօշիկներով, պ. Բարսեղովին ներկայացայ:

Նա այս անգամ ինձ աւելի սիրալիք ընդունեց և բարևի համար ձեռքը ինձ աւելի երկարեց: Նոյնիսկ կարողացայ նրա՝ միշտ ծանրախոհ և լուրջ դէմքին ժպիտի հետքեր նկատել:

– Պ. Միրա՛ք, սկսեց նա, – անցեալ անգամ ձեզ ասացի և հիմա նորից կրկնում եմ, որ եթէ ցանկանում էք այս երկրում պաշտօնեայ լինել և ապագային ձեզ համար դիրքը շահել, դուք ստիպւած էք ռուսերէն սովորել և այն էլ լաւ սովորել:

Կարծես սառցաջրի ցնցուղը յանկարծ բացեց գլխիս, և ամբողջ մարմինս տենդալից դողի գցեց: «Ուրեմն,– մտածեցի ես,– յաջողութեան ամէն յոյսը կորած է»: Անհամարձակ և սրտառուչ սպասում էի չարաբաստիկ եզրակացութիւնը լսելու:

– Այդ բոլորից յետոյ,– լրացրեց նա, – ինձ յաջողեց առայժմ ձեզ էլեկտրաքարշ տրամվայի գծերից մէկի վայ ստուգիչ-քննիչ նշանակել: Ձեր ամսական ռոճիկը 75 ռուբլի կը լինի: Յոյս ունեմ, որ այս նշանակումից դժգոհ չէք մնալու:

– Չափազանց շնորհակալ եմ, պ. կառավարիչ, դուք ինձ անսահմանօրէն երախտապարտ էք թողնում ձեր այդ աջակցութեամբ:

Եւ, իսկապէս, սրտանց ես այնքան շատ ուրախացայ, որ ինձ թաց՝ այդ հայազգի կառավարիչն ամբողջ Թիֆլիս քաղաքն է ինձ նվիրում: Ես ճշգրիտ գաղափար չ՛ունէի այդ ամսական 75 ռուբլի կոշւած գումարի մասին, բայց անմիջապէս եզրակացրի, որ ինձ մնան նորեկ և անպաշտպան գաղթականի համար դա շատ լաւ ռոճիկ էր:

– Հիմի ուշադրութեամբ լսէք, ինչ որ ձեզ ասում եմ: Դուք, անկասկած, ըմբռնեցիք ձեր գործի էութիւնը: Դուք պէտք է, տոմսավաճառի մօտ եղած ցուցակի համաձայն, ստուգէք տրամվայի վագոններում ճանփորդող մարդկանց ձեռքում եղած տոմսակ-քիլիթների համարները, որպէսզի իմանաք՝ նրանց ծախսած տոմսերը ցուցակի վրայ նշանակւած տոմսերի շարքում (սերիում) կա՞ն, թէ՞ ոչ: Այդ գործը մեծ ուշադրութիւն և միաժամանակ պատասխանատւութիւն ունի: Նշանակւած շարքում գոյութիւն չ՛ունեցող տոմսերը կեղծւած պէտք է լինեն: Սկզբնական շրջանում մի քիչ դժուար կը լինի, բայց յոյս ունիմ, որ շատ շուտով կը վարժուէք և գործի էութիւնը կ՛ըմբռնէք:

– Յոյս ունեմ, որ կը յաջողեմ անթերի կատարել ինձ վստահւած գործը:

Նորից յայտնեցի իմ խորին շնորհակալութիւններս: Ես պատրաստում էի մեկնելու, երբ կառավարիչը ձայն տուց.

– Մպասէ՛ք, պ. Միրա՛ք,– նա ցանկանում էր մի ինչ որ բան ասել, բայց նկատեցի, որ տատանում է և դժուարանում է արտայայտել:

Վերջապէս նա վճռեց իր ասելիքը: Հայեացքը ճշգրտօրէն իմ աչքերին ուղղեց:

– Ինչ որ ներկայիս ձեզ յայտնում եմ, պետք է մինչև վերջը, ուզում եմ ասել ընդմիջտ, ձեզ մօտ որպէս գաղտնիք մնայ: Վստահ եմ, այլ կերպ չի լինելու:

Նա հանդարտ ու համրած բառերով ասաց.

– Էլեկտրաքարշ տրանսվայի հիմնարկութեան ճնշող մեծամասնութիւնը վրացիներ են: Նրանցից շատերը, մանաւանդ այս տոմսավաճառները, թէ՛ անվստահելի և թէ՛ մանաւանդ բիրտ ու պրովակատոր մարդիկ են: Դժբախտաբար շատ էլ շովէն և օտարատեսաց են: Նրանք նեղն ընկած ժամանակ նոյնիսկ ընդունակ են ստորութիւնների դիմելու: Իրար պաշտպանելու համար չեն վարանի ամեն ինչ անելու: Աշխատեցէ՛ք, մանաւանդ սկզբնական շրջանում, նրանց չը գրգռել ձեր դէմ: Մի քիչ զգուշութիւն և դիւանագիտութիւն գործ դնելու էք: Կարծեմ կարողացայ միտքս հասկացնել: Հիմա գնացէ՛ք երթևեկի բաժանմունքի կառավարչի մօտ: Ես նրան կը զանգահարեմ: Ձեր երթևեկի գիծը նա է որոշելու:

Մի քիչ շփոթած վիճակում, նորից շնորհակալութիւն յայտնեցի և դուրս եկայ գնալու երթևեկի բաժնի կառավարչի մօտ: Սովորական պայմաններում ես քայլերս պիտի արագացնէի՝ հնարաւորին չափ ատելի շուտ գծիս նշանակումը ստանալու, բայց պատահեց դրա բոլորովին հակառակը: Ես աշխատեցի դանդաղեցնել քայլերս, որպէսզի մտքումս վերլուծման ենթարկեմ անպայմանօրէն ինձի օգնել ուզող բարեացակամ կառավարչի վերջին խորհուրդն ու ցուցումները:

Անել վիճակ էր ստեղծւած ինձ համար: Եթէ ուզենայի զգոյշ լինել և դիւանագիտութիւն բանեցնել, ուրեմն պարտաւոր էի աչք փակել տոմսակալաճառների հաւանական գողութիւնների վրայ: Իսկ եթէ չ'ուզենայի, պիտի ենթարկէի նրանց պրովակացիային և նրանց կողմից ինձ սպառնացող վտանգին:

\*\*\*

Նախքան երթևեկի բաժնի սենեակը մտնելը՝ աշխատեցի իմանալ, թէ ո՞վ է այդ կարևոր բաժնի կառավարիչը: Ընդհանուր կառավարչի սենեակից դուրս էի եկել մի քիչ շփոթ և մի քիչ էլ դժգոհ տրամադրութեամբ: Դժգոհութեանս պատճառն այն էր, որ ես գործ էի ունենալու, ընդհանուր կառավարչի ասութեամբ, մի շարք բիրտ ու պրովակատոր մարդկանց հետ: Մտածում էի, երանի չէր լինի, եթէ այդ տոմսավաճառ վրացիների փոխարէն հայեր լինէին: Ինձ յուսահատեցնող պարագան այն էր, որ դժբախտաբար վրացիներն լեզուի մի բառ անգամ չէի իմանում: Մարդկանց հետ իրենց լեզուով խօսելը ինքնըստինքեան մի տեսակ մտերմութիւն է առաջացնում:

Կար և մի ուրիշ անպատեհութիւն, որն առաջինի մնան և նրանից ատելի լուրջ ու յուսալքիչ էր: Դա ռուսերէն լեզուն չը գիտնալն էր: Վաճառման Երամեան դպրոցի վերջին դասարանում, ինձ յաջողել էր շաբաթական երկու ժամ դասաւանդող ռուսերէն լեզուին հետևել: Հազիւ կարողացել էի շատ սովորական նախադասութիւնների շարքում մօտաւորապէս մի 200 բառեր անգիր անել: Նրանից յետոյ՝ Վանի երկամսեայ կարճատև ինքնավարութեան ժամանակամիջոցում և քաղաքապետարանի քարտուղարութեան պաշտօնում, բառարանի օգնութեամբ դժարութեամբ կարողացել էի մի քանի սովորական նախադասութիւններ թխել:

Նախքան երթևեկի բաժանմունքը մտնելը՝ ինձ յայտնեցին, որ բաժանմունքի կառավարչի ազգանունը Մուրադով է: Կարծես աշխարհն ինձ տուին, քանի որ ենթադրեցի, որ այստեղ էլ, բարեբախտաբար, մի հայի հետ գործ եմ ունենալու: Մտածում էի՝ նեղն ընկած տեղը հայերէնի շուտ կը տամ և իմ մայրենի լեզուով կը բացատրեմ:

Հոգեկան խռովայոյզ վիճակում ես անհամարձակ ներս մտայ: Այս բաժանմունքում շուրջ քսան հոգի ծառայողների հանդիպեցի: Մօտեցայ գրասենյակներից առաջինին և յայտնեցի, որ Մուրադովի հետ գործ ունեմ:

Ծառայողը ցուցամատով ընդարձակ սրահի վերջամասում՝ աջ թևի վրայ նստած պաշտօնեային մատնանշեց: Մօտեցայ բաժանմունքի վարիչի գրասենյակին և նրան յայտնեցի, որ Բարսեղովն ինձ նրա մօտ է ուղարկել: Կեղծ քաղաքավարութիւնը բացայայտող շինծու ժպիտով՝ իր աթոռից հինգ սանտիմետրաչափ բարձրանալով ու ռուսերէնով «համեցէք» ասելով անմիջապէս հարց տուց.

– Անշուշտ ռուսերէն գիտէ՞ք:

– Այո՛, մի քիչ:

– Վրացերէն ինչպէ՞ս:

– Բոլորովին ո՛չ:

Իմ հարցերի տեղատարափից կարծես դիւային հաճոյք զգալով՝ շարունակեց.

– Իսկ հայերէ՞նը:

– Ամէն հայը հայերէն կ'իմանայ:

Ճիգ էի գործ դնում, որպէսզի իմ պատասխանները չափազանց կարճ ու համառօտ լինեն, որպէսզի ռուսերէն չիմանալս բոլորովին չը բացայայտի:

– Լաւ կը լինէր, որ գոնէ վրացերէն իմանայիք: Այստեղ համարեայ ամէնքը վրացերէն են իմանում: Չարմանալի է, որ դուք վրացերէն չը գիտէք: Ձեր գործում դուք մեծ մասամբ վրացիների հետ գործ կունենաք: Ձեզ անպատճառ անհրաժեշտ է վրացերէն իմանալ: Այս հիմնարկութեան մէջ գործող հասարակ ծառայողները մեծ մասամբ վրացիներ են, և ցաւն այն է, որ նրանք ռուսերէն չեն իմանում:

Յետոյ մի տեսակ չարախիւնը քրքիջով ատելացրեց.

– Ի՞նչ արած, այդ մարդիկ չեն ուզում, չեն սիրում ռուսերէնը սովորել...:

Ձեռքում եղած մատիտով իր գրասեղանին բազմաթիւ անգամներ թակթակելով՝ ի վերջոյ բռնազբօսիկ և դժարահաճ տոնով ասաց.

– Շատ լաւ, քանի որ Բարսեղովը՝ ընդհանուր կառավարիչն է ձեզ յանձնարարում, ես ձեր ծառայութեանը համաձայնում եմ: Երեք օրից յետոյ՝ այս ամսի 15ի առաւօտեան ժամի ուղիղ 5 և կէսին, կը գաք այս սենեակն ու հերթապահից կստանաք ձեր գծի տոմսակների ցուցակը: Տրամվայի երթևեկն սկսում է ժամի 5 անց 45 րոպէին:

Մուրադով կոչւած այս մարդու վերջին նախադասութիւնից շատ բան գլուխ հանել չկարողացայ: Բայց ամսի 15-ն ու առաւօտեան ժամի 5 և կէսը լաւ հասկացայ:

Երթևեկի կառավարչի սենեակից դուրս գալու ժամանակ միջանցքում հանդիպեցի հայերէն խօսող երկու բանտրների: Առիթից օգտւելով՝ հարցրի.

– Շատ ներողութիւն եմ խնդրում ձեր խօսակցութիւնը ընդմիջելու համար: Կարո՞ղ էք ինձ ասել, թէ այս բաժնի վարիչը, որին Մուրադով են անուանում, հա՞յ է, թէ՞...

– Հայ չէ, բարեկան՝, վրացի է և այն էլ էն թունդ և շովէն վրացիներիցը:

– Շնորհակալութիւն, ինձ հետաքրքրողը հէնց այդ էր,– ասի և նորից ներողութիւն խնդրելով՝ հեռացայ:

Մի տարօրինակ տխրութիւն ինձ կլանեց: Ի՞նչ անբախտ մարդիկ ենք մենք, որ այսպիսի կծու և շովէն հարևաններ ունենք: Եղբայրս առաջին օրն իսկ և առաջին պատեհութեամբ ինձ յայտնեց, որ Թիֆլիսում հայն ու վրացին խառնուած են և իրար նկատմամբ շատ սիրալիկ ու բարեկամ են: Շատ լաւ, եթէ բարեկամ են, դա շատ ուրախալի է: Համարեայ միևնոյն ճակատագիրն ունեցող երկու հարևան ազգերը պէտք է, որ իրար հետ մտերիմ և բարեկամ լինեն: Բայց այդ ինչու՞ անպայման ուզում են և նոյնիսկ մեզի՝ հայերիս պարտադրում են, որ վրացերէն իմանանք և, որն ամէնից արելի տարօրինակն է, իրենց հետ վրացերէն խօսենք:

Մի՞թէ նրանք ենթադրում են, որ իրենք՝ իրենց կուլտուրայով, գրականութեամբ և վերջապէս լեզուով, մեզանից արելի բարձր են և դրա համար էլ ձգտում են մեզ իրենց առաւելութիւններից բաժին հանել և շնորհի արժանացնել:

Ես դժարանում էի որևէ եզրակացութիւն հանել այս բոլորից: Միայն մի հանգամանք պարզ էր ինձ համար, որ այս թերուս պաշտօնեաները և մանաւանդ այս կիսակիրթ կամ անկիրթ փոքր ծառայողներն իրենց մասին մեծ կարծիք ունեն և ձգտում են իրենց մեզնից գերադաս ու մի տեսակ առանձնաշնորհեալ հաշուել:

### ԳՈՐԾԻ ՎՐԱՅ

Մենք՝ եղբայրս և ես, շարունակում էինք մեր վրացի հարևան ընտանիքի հետ միասին, մէկ սեղա-

նի շուրջ նստած ճաշել: Սովորութեան կարգն էր անցել ժամի 2-ին ճաշելը: Առաւօտեան նախաճաշն ես ու եղբայրս միասին մեզ յատկացւած սենեակումն էինք անում: Գիշերները եղբայրս իր գործի բերմամբ ժամի 11-ից շուտ տուն չէր վերադառնում: Այդ պատճառով էլ երեկոները միայնակ մնացած մի թեթև, յաճախ հաց-պանիր-կանաչեղէնով, ընթրում էի: Շաբաթ մէկ-երկու անգամ էլ ընթրիքիս վրայ կարազ էի արելացնում:

Թիֆլիսի հասնելուս և եղբորս հետ միևնոյն սենեակումն բնակւելուս 12-րդ օրն էր: Այդ օրը կեանքիս բախտաւոր օրերից մէկը պիտի հաշուեմ, քանի որ այդ օրն էր, Թիֆլիսում պաշտօնիս նշանակման առաջին օրը, թէև, քիչ առաջ բացատրաձս պատճառներով, այդ նշանակումով առանձնապէս ոգևորւած չէի: Դեռ բոլորովին վստահ չէի, որ տուեալ պայմաններում ինձ կը յաջողի արդեօ՞ք ինձ յանձնուած գործը կատարել, թէ՞ մի քանի օրից ստիպւած պիտի լինեմ հրաժարել դրանից: Ամէն պարագայում, երկու օրից յետոյ, երբ կսկսէի աշխատանքս, ամէն ինչ ինձ համար կը պարզւէր: Էլեկտրաքարշի երթևեկի վարչի գրասենեակը թողնելուց յետոյ չորս ու կէս ժամ էր մնում մինչև ճաշի 2-ը: Որոշեցի այդ ժամերում քննական շրջագայութիւններ կատարել: Դարաքիլիսից իմ ունեցած ռուբլիներից դեռ մի քանիսը չէի ծախսել: Այդ գումարի կէտով կարող էի 3-4 երթևեկի գծերը թեթևակի ուսումնասիրել և գոնէ մի տարրական գաղափար կազմել էլեկտրաքարշ տրամվայի վագոններում կատարող աշխատանքի մասին: Երեք ժամայ ընթացքին ես կարողացայ տրամվայի շրջագայութեան երեք գծերը ծայրէծայր տեսնել: Տրամվայով պտտած երեք գծերից երկուսի համար տիւն մէկական, իսկ երրորդին ինձ երկու տոմսակ ծախեցին: Շրջագայութեանս ժամանակ ես աշխատում էի, առանց ուշադրութիւն գրաւելու, աչքի տակով գննել և ուսումնասիրել մասնաւորապէս տոմսավաճառների կատարած գործը:

Շրջագայութեանս ընթացքում նկատեցի, որ տոմսավաճառներից երկուքը վագոնի կանգառում շատ մեծ ճարակութեամբ և զգուշաւորութեամբ ցած իջնող ճամփորդների վար գցած տոմսերը հաւաքում և միևնոյն զգուշաւորութեամբ իրենց տաբատի գրպաններումն էին տեղաւորում՝ նորից ծախելու նպատակով:

Թեթևացած մի շունչ քաշեցի՝ ինձ մօտ եզրակացնելով, որ եթէ տոմսերն ստուգող քննիչը սատանայի ճուտ էլ լինի, չի կարող սրանց գողութիւնը բռնել և հաստատել, քանի որ յաճախորդի գցած և գետնից վերցւած տոմսերի համարները ցուցակում նշանակւած տոմսաշարքի համարներն ունեն: Ինձ սրտապնդեցի և յուսադրեցի այն մտքով, որ որևէ քննիչ չի կարող ճշտել և հաստատել այդ տոմսերի՝ երկու անգամ ծախուած լինելու պարագան և հետևաբար նախ խղճի անհանգստութիւն և վարչական պատասխանատուութիւն ունենալ չի կարող:

Ամբողջ երեք ժամայ շրջագայութեան տևողութեան ընթացքին երկու քննիչի հանդիպեցի: Նրանք տրամվայի կայարաններում յաճախորդ-ճամփորդների հետ վագոն էին բարձրանում և նրանց ձեռքում եղած տոմսերը մեջտեղից կտրելով՝ կէսը վերցնում և միս կէսը տիրոջն էին վերադարձնում:

Բաւական զարմացած նկատեցի, որ այդ ստուգող-քննիչները տոմսավաճառների հետ ռուսերենով ո՛չ մի բառ չը փոխանակեցին և նրանց հետ անվերջ վրացերենով էին խօսում: Միաժամանակ տեսայ, որ նրանց փոխարաբերութիւնները շատ սիրալիկ և նոյնիսկ մտերմական էին: Հետզհետէ այդ իմ զարմանքը փոխեց մի տեսակ նախանձի: Մտածում էի, արդեօ՞ք սրանք՝ այս վրացիներն իրապէս այսքան շատ իրաւասէր և ազգասէրներ են, որ իրար հանդիպելիս այնքան են հրճում, որ նոյնիսկ մոռանում են իրենց փոխարաբերութիւնն ու կատարելիք պարտականութիւնը... Կամ գուցէ, սրանք իրար հետ որոշ կոմբինացիների վրայ են: Բայց այս միտքը ես աշխատեցի անմիջապէս վտարել գլխիցս՝ ինձ մեղադրելով իմ՝ այսքան շատ կասկածամտութեան համար:

\*\*\*

Այդ օրը ճաշի ընթացքին ես յայտնեցի իմ գործի նշանակման մասին: Եղբայրս ուրախութիւնից նրստած տեղում պարել սկսեց և քիչ էր մնացել՝ իր նրստարանից ցած ընկներ: Վրացի երեք հոգինոց ընտանիքից մայրն ու աղջիկն էլ ուրախութեան բացականչութիւններ արձակեցին, բայց երիտասարդը չը ոգևորեց, և նոյնիսկ նրա դէմքի վրայ մի նախանձի և ատելութեան քմծիծաղ նկատեցի: Ակամայ եզրակացրի, որ նա մտածում է, որ ես պատճառ եմ եղել խլելու մի վրացի երիտասարդի հասանելիք գործը:

Եղբայրս տանտիրուհուց խնդրեց իմ հաղորդած ուրախալի լուրի առթիւ մի շիշ Կախեթի գինի սեղանին դնել: Նա սիրալիկ և շտապ կատարեց եղբորս խնդիրը:

Երբ Կախեթի գինու շիշը բացեց, եղբայրս բաժակները լցրեց և առաջի հերթին իր բաժակը վերցնելով՝ ասաց.

– Ես, դժբախտաբար, ճառախօսել չեմ իմանում, բայց գիտեմ, որ եղբայրս՝ ինձ ցոյց տալով, լաւ է ճառախօսում: Աստուած առողջութիւն տայ Թամարային, – այս անգամ նա վրացի օրիորդին մատնանշեց, – հարսանիքին եղբայրս մի լաւ ճառ կը խօսի և մի փառատոր քէֆ կանենք: Իսկ հիմա առաջարկում եմ խմել եղբորս յաջողութեան և նրա բախտատրութեան ու նրա երիտասարդ կենացը:

Գինու բաժակները չըրիսկացրին իմիս հետ և դատարկեցին: Վրացի երիտասարդը նոյնպէս ստիպւած եղաւ իմ կենացը խմել:

Ես յետ չը մնալու և տանտիկնոջ՝ այրքան օրերի սիրալիկ խնամքն ու նեղութիւնները գնահատելու համար մի կարճ ճառ խօսեցի և առաջարկեցի խմել մեզ հիւրընկալող մօր և նրա երկու զաւակների կենացը: Կախեթի գինին ատելի համեմեց և համեղացրեց առանց այն էլ միշտ յաջող պատրաստող ճաշը, և մենք չափազանց ուրախ տրամադրութեամբ ճաշասեղանից բաժանեցինք:

\*\*\*

Սեպտեմբերի 15-ի առաւօտեան ժամի 6-ից սկսեցի գործել: Ինձ տրել էր թիւ 11-րդ երթևեկի տոմսերի ստուգման ցուցակները: Այդ գծի վրայ երթևեկում էին տրամայի 8 էլեկտրաքարշ վագոն-օթբուսներ: Նրանք երկկողմանի նատարաններով, բաւական լայն ու երկար լուսատուր ու շարժուն սենեակների էին նմանում:

Առաջին մի քանի օրերում ես աշխատում էի տոմսավաճառ գործարարների հետ խօսակցութեան չը բռնել: Վագոն բարձրանալիս էթիկետը պահպանելու և համակրութիւն գրաւելու միտումով տոմսավաճառներին ռուսերեն լեզուով բարևում էի: Յաճախորդ-ճամփորդների ձեռքում եղած տոմսերը ստուգելով՝ անմիջապէս, առանց թէկուզ մի բառ ուշանալու, տրամվայից ցած գալու աստիճանին կանգնում էի: Կոնդուկտորները, գրեթէ միշտ, մի վայրկեանում վագոնը արգելակում էին, և ես ցած էի իջնում: Առաջին մի քանի օրերում վախենում էի տրամվայի երթի ժամանակ ցած թռչել, բայց հետզհետէ կարողացայ վարժել և նոյնիսկ էլեկտրաքարշի՝ համեմատաբար արագ երթի ժամանակ կարողանում էի, առանց ոտքն ու սրունք կոտրելու վախն ունենալու, վագոնից ցած թռչել:

Էլեկտրաքարշի ամենօրեայ երթևեկը 18 ժամ էր տևում: Սկսում էր առաւօտեան ժամի 6-ից և վերջանում կէս գիշերայ ժամի 12-ին: Այս ժամանակամիջոցը բաժանւած էր երկու 9 ժամերի և նրանց վրայ աշխատող կոնդուկտորն ու տոմսավաճառը, ինչպէս նաև քննիչը 9 ժամ էին գործում: Աշխատանքի գնալու և վերադառնալու համար մէկուկէս ժամ էի կորսնցնում: Գործածանս և երթևեկս, իրար վրայ հաշւած, համարեայ օրական 11 ժամ էր լինում: Քնից և հանգստից յետոյ՝ օրական 3-4 ժամ ազատ ժամանակ ունէի: Ռուպէսզի ինձ համար շատ դժար չը լինի անլեզու և անխօս աշխատել, վճռեցի սովորել, կարճաժամ խօսակցութեան համար ամենաանհրաժեշտ վրացերէն բառերը: Այդ բառապաշարը կազմելով մեր հարևան վրացուհուց՝ խնդրեցի թարգմանել դրանք: Բառապաշարը կազմւած էր շուրջ 200 բառերից, որոնք գրեցի հայերէնով և ջանացի շուտափոյթ սովորել: Հետևելով էլեկտրաքարշ տրամվայի ընդհանուր կառավարչի խորհրդին՝ ամբողջ ազատ ժամերս յատկացրի ռուսերէն

լեզուն սովորելուն: Իմ կարծիքով, արդիւնքը բաւական գոհացուցիչ էր, քանի որ ես երեք ամսից յետոյ կարողացայ մի քիչ ռուսերէն խօսել սովորել:

### ՆՈՐԻՑ ԶԱՂԱՔԱՅԻ ԴԱՌՆԱԼՈՒ ՏԵՆՉՐԸ

Գործ սկսելուց յետոյ հաճոյքով հաշուում էի անցնող օրերը: Ուրախութեամբ ենթադրում էի գործիս տւական լինելու հանգամանքը: Առաջին օրերում ինձ թուում էր, որ չպիտի կարողանամ յաջողել բախտի բերմամբ և յաջող դասաւորութեամբ ինձ յանձնած գործում յարատել: Ես, իհարկէ, միանգամայն իրաւացի էի այդպէս մտածելու համար, քանի որ չը գիտէի ռուսերէն և մանաւանդ նոյնիսկ մէկ բառ վրացերէն:

Երբ անցնում էին օրեր, և ես բախտաւորութիւն էի ունենում առանց որևէ միջադէպի և սկանդալի հանդիպելու տոմսավաճառների հետ, որոնց համարեայ 90 տոկոսը վրացի տաքազլուխ և Բարսեղովի ասութեամբ՝ կոպիտ ու անտաշ մարդիկ էին, այդ օրերին ես ինձ երջանիկ էի համարում: Բայց պիտի խոստովանեմ, որ ծայրահեղ զգուշութիւն ի գործ էի դնում այդ մարդկանց ատելութիւնն ու նախանձը չը գրգռելու համար:

Նրանք բոլորն էլ արդէն իմացել էին, որ ես հայ եմ և մանաւանդ թիֆլիսեցի էլ չեմ: Շատ պարզ ու որոշ նկատում էի, որ նրանք ինձ տանել չեն կարողանում և ինձ ատելով ասում էին առաւելապէս նրա համար, որ ես նրանց հետ իրենց լեզուով չէի խօսում կամ չէի կարող խօսել:

– Այստեղ ապրողն ու գործողը պարտաւոր է վրացերէն խօսել, – չարանենգօրէն բողոքում էին նրանք:

Ընդհանրապէս ինձ շատ անախորժ ու անտանելի էր թում այդ վրացիների՝ ծայրահեղ և չափազանցած շովէն և փոքրոգի ազգասիրութիւնը: Նրանք այդ օրերում կատարելապէս նմանում էին այս օրերի Թուրքիայում ապրող եսամոլ ու շովէն թուրքերին, որոնք բացարձակ հայեցում են Տաճկաստանում ապրող հայերին, եթէ նրանք համարձակում են թուրքերէն չը խօսելու:

Տրամվայի այն գործում, որ աշխատում էի, կային մատի վրա հաշուող հայ կոնդուկտորներ և տոմսավաճառներ: Սի օր նրանցից մէկն ինձ յայտնեց.

– Պարո՛ն Սիրաք, այս վրացիները ձեզ տանել չեն կարողանում: Նրանք ձեր դէմ էնթրիքներ են լարում: Շատ զգո՛յշ եղէք: Նրանք նոյնիսկ մի քանի անգամ համախօսականներ են սարքել, դիմումներ են կատարել երթևեկի կառավարչին՝ ձեզ ուրիշով փոխարինելու համար, բայց կարծեմ նրանց ասել են զլուխ գալիք բան չէ այդ, քանի որ ձեր նշանակման կարգադրութիւնը վերիցն է եղել: Ամէն պարագայում նրանց էնթրիքներից շատ և շատ զգուշացէ՛ք:

– Շնորհակալ եմ ձեր այդ տեղեկութեան և բարի խորհուրդի համար: Ես այդ մասին մի փոքր տեղեկութիւն ունեմ: Ամէն օր տեսնում եմ նրանց անբարեացակամ վերաբերմունքը դէպի ինձ: Բայց ի՞նչ կարող եմ անել: Նրանց խելքի բերելն անկարելի է:

Ինձ լրջօրէն անհանգստացնող պարագան այն էր, որ նրանք կարող էին ստորութիւնների դիմել և ինձ զրպարտել: Օրինակ, կաշառակերութեան կամ իրենցից ապօրինի վճարումներ պահանջելու ամբաստանութեամբ: Ամէն պարագայում նրանք կարող էին ինձ համար ստոր էնթրիքներ սարքել և ինձ ամբաստանել:

Մեծ անհամբերութեամբ սպասում էի աշխատանքիս առաջին ամսի լրումին նախ նրա համար, որ ես մի ամիս ու կէս ծանրաբեռնած էի եղբօրս համեստ և հազիւ ծայրը ծայրին հասնող բիջէլին և յետոյ, մեծ ցանկութիւն ունէի իմ օտարութեան մէջ ձեռք բերած առաջին աշխատավարձից մի գումար քրոջս ուղարկել:

Իմ սիրելի քրոջիցս մեր բաժանումը շուտով 45 օր կը լինէր: Այս ժամանակամիջոցում նա ինձ 6-7 նամակներ էր գրել և իր կարօտակէզ սէրն էր ամփոփել այդ նամակների տողերում: Վերջին անգամ նա ինձ գրել էր.

– Եղբայ՛ր ջան, առանց քեզ չեմ կարող ապրել: Եթէ իսկապէս ինձ սիրում ես, և գիտեմ, որ անչափ սիրում ես, ինձ մօտդ տա՛ր կամ ինքդ մեզ մօտ վերադարձի՛ր: Առանց քեզի այս օտար երկիրն ինձ համար բանտ ու դժոխք է:

\*\*\*

Վերջապէս իմ գործը սկսելու առաջին ամիսը լրացաւ: Ինձ վճարեցին խոստացւած 75 ռուբլին: Այդ օրերին այդ գումարը մի նորեկ, այն էլ ինձ նման գաղթական մարդու համար փոքր գումար չէր: Դրանից 30 ռուբլին եղբօրս տի: Նա մերժում էր ստանալ, բայց նրան ես խնդրեցի և ապա ստիպեցի ստանալ, քանի որ իմանում էի, որ նա իր ամենօրեայ, համարեա 14 ժամեայ յոգնեցուցիչ աշխատանքով, ամսական հազիւ 50-60 ռուբլի կարող էր աշխատել: 30 ռուբլին քրոջս ուղարկեցի: Մնացած գումարից ինձ համար մի հագուստ գնեցի, այդ բոլորից յետոյ մի քանի ռուբլի էլ յառաջիկայ ամսւայ մանր ծախսերի համար պահեցի: Թէ՛ն ես որևէ ծախս չունէի, քանի որ իմ երթևեկը, տրամվայի ծառայողի վկայականի համաձայն, անվճար էր:

Կեանքս սկսել էր նորմալ հունի մէջ մտնել: Վիճակիցս ոչ միայն դժգոհ չէի, այլև ինքնագոհ ու նիւթապէս ապահով: Բայց իմ ուրախութեան գլխատր պատճառը ոչ թէ նրա համար էր, որ ես տնտեսական ճնշումից ազատուել էի, այլ նրա համար, որ ես գաղթականի վիճակից դուրս էի եկել:

Այդ օրերին գաղթական բառը շատերի համար կարեկցութիւն և ստորացում էր թում: Բաւական չէր, որ անարգ բռնութեամբ մեզ մեր սիրելի տնից ու այգուց, մեր ազիզ երկրից, մեր անգին հայրենիքից վտարել էին, մեր ճակատին էլ անպատկառօրէն գաղթական կոչումն էին դրօշմել: Գաղթական այդ օրերում, այսինքն՝ անտուն, անտէր, թափառական և, մէկ խօսքով, կարեկցութեան և ողորմութեան արժանի արարած: Օ՛հ, ատելի և զգելի էր թում այդ գաղթական կոչումը:

Բայց մենք ինչո՞վ էինք մեղաւոր, որ գաղթական էինք դառել: Մի՞թէ լրբօրէն կատարած բռնութիւնների, տեղահանումների, վայրագ սպանութիւնների հեղինակները մենք ենք եղել: Մի՞թէ մեզ ցանկալի էր անտուն, անտէր և շար ու մոլոր գաղթական դառնալ:

Այդ իսկ պատճառով, երբ ես անցնում էի ծառայութեան երկրորդ ամսաշրջանը, սկսել էի հոգեկան մի թեթևութիւն զգալ: Գաղթական լինելուց ազատել էի: Այլևս այդ ատելի տիտղոսը ճակատիս այդքան հեշտութեամբ չէին կարող կայցնել:

Եւ իսկապէս օրից օր իմ մէջ ինքնավստահութեան զգացումն աւելի ու աւելի էր ուժեղանում: Գործը սկսելուց առաջ ինձ ճնշող կասկածամտութիւնն ու վախը հետզհետէ անհետանում էր: Ես գաղթական լինելուց դադարում և նորից սովորական քաղաքացի էի դառնում: Իմ աշխատանքով ցանկանում էի քաղաքացի-անհատ դառնալ:

Հոգեկան տեսակետից ինձ համար դա շատ կարևոր էր թում: Նոր միջավայրում ինձ նման հաստատած գաղթականները պէտք էր ապացուցէին, որ մեզ հայրենագործի, անտուն ու անտէր անելով՝ մեր անարգ ու ստոր թշնամիները չէին կարողացել մեր մէջ սպանել մեր դիմադրական ուժն ու էնէրգիան: Մեզ ազգովին դժոխսային սպանդանոց ու դարկողները պէտք էր, որ կուրանային մեր շշմեցնող վերածնունդը տեսնելով:

Ես ուզում էի, ձգտում էի հաստատել այն իրողութիւնը, որ վասպուրականցին, լինի նա քաղաքացի թէ գիւղացի, պիտի վերապրի, իրա համար անկախ ու պատուաբեր գոյութիւն, ապրուստի նոր պայմանների պիտի ստեղծի և հակառակ ամեն տեսակի ճնշում ու հալածանքի՝ պիտի շարունակի յարատեւ և ապրել որպէս հարազատ և ազնիւ հայ:

Եւ երբ նրան՝ այդ վասպուրականցուն, չը յաջողի նորից իր հայրենի հողին ու ջրին վերադառնալ, նա իր սրտում, իր հոգու խորքում պիտի կառուցի «հայու անուան նիւթական տունը»:

Այդ տունը քանդել ու խորտակել և կրակի ու մոխրափոշուում տալ ոչ ոք չի կարողանալու, թէկուզ հայասպան տաճիկի նման գազան ու բարբարոս լինի:

Այսպիսի մի քաղցր ու յաղթական զգացումով էի ապրում այդ օրերին:

## ԾԱՅՐԱՀԵՂ ՇՈՎԻՆԻՉՄ

Մի ամբողջ տարի արդէն անցել էր այն օրանից, ինչ Թիֆլիսի էլեկտրաբարձ տրամվայի վրայ էի աշխատում: Տրամվայի վրա ծառայող տոմսավաճառներն ու կոնդուկտորները այլևս մի տեսակ հաշտուել էին իմ ստուգիչի հանգամանքով նրանց համար ստեղծած դրութեան հետ: Յուսահատած իրենց սարքած էնթրիքների ձախողումից՝ փորձում էին բարեկամական յարաբերութիւն ստեղծել ինձ հետ:

Մի քանի անգամ տոմսավաճառներին խարդախութեան և փոքր գողութեան մէջ բռնեցի: Բայց նրանց և մանաւանդ նրանց օգնութեան և պաշտպանութեան համար միջնորդողների խնդրի և աղաչանքի վրայ ստիպեցի զիջել և պատկան վարչութեան չը տեղեկացնել:

Մի անգամ, սակայն, վճռեցի վրացի մի տոմսավաճառի գողութեան պարագան յայտնել երթեկի վարիչ Մուրադովին: Տեղեկագիրը կարդալուց և գողութեամբ ծախած տոմսերի համարները ստուգելուց յետոյ իմ աշխրջութեան համար շնորհակալութիւն յայտնեց, բայց երկու օր յետոյ ինձ խնդրեց գանգատս յետ վերցնել, շատ սիրալիրութեամբ ասելով.

– Ես ստուգեցի ձեր տեղեկագրի պարագան ու իրողութիւնը: Գուգուշվիլին (այդպէս էր կոչում տոմսավաճառը) նախ փորձեց ուրանալ, բայց յետոյ ստիպեց խոստովանել: Դուք միանգամայն ճիշտ և իրաւացի էք: Բայց ձեր տեղեկագիրը նրա դժբախտութեան պատճառ կը դառնայ: Նրան գործից կը վճնդեն: Այդ առաւօտեան նրա մայրն էլ ինձ մօտ եկաւ: Նա լացելով խնդրեց, աղաչեց ներել իր որդուն՝ ասելով, որ այս վերջինի հօր մահից յետոյ նա իր ընտանիքի միակ աշխատող ձեռքն է և մեծ դժարութեամբ է ապրեցնում իր երեք փոքր քոյրերին և աշխատանքի անընդունակ մօրը:

Ես դժար և անել դրութեան էի մատնած, միւս կողմից էլ տրամվայի բարեացակամ ընդհանուր կառավարչի ինձ տուած խորհուրդը միշտ մտաբերում էի:

– Ստիպած էի տեղեկագրել,– պատասխանեցի Մուրադովին կատարեալ սառնարիւնութեամբ,– որովհետև ուրիշ ելք չունէի: Այդ մարդու բացայայտ գողութիւնը կարող է ինձ էլ խայտառակել:

– Ձեզ յայտնեցի արդէն, որ դուք միանգամայն իրաւացի էք: Բացատրեցի, որ այդ մարդն իր ընտանիքի հետ պիտի դժբախտանայ: Ես նրան բոլորովին չեմ խղճում, նրա երեք փոքր երեխաներին և խեղճ մօրն եմ մեղքում:

– Պ. Մուրադով, եթէ համոզուած էք, որ նա նորից իր խարդախութիւնը չի կրկնելու, ես ձեր ներկայութեանը տեղեկագիրը կը պատռեմ:

– Շնորհակալ եմ, որ խնդիրս չէք մերժում: Ես նրան շատ խիստ կը պատուիրեմ, որ սրանից յետոյ չը համարձակի նման խարդախութիւնների դիմելու:

Չսպասած ջղայնություններ, որ կարծես աննկատելի չը մնաց Մուրադովին, տեղեկագիրս պատռեցի և կտորները նրա սեղանի կողքին թափելով՝ պատրաստեցի սենեակից դուրս գալ: Տեղեկագրի պատռուելու ընթացքին Մուրադովի աչքերում ծայրահեղ ուրախություն և յաղթանակի փայլատակում նկատեցի:

Երկար ժամանակ ես խորհում էի այդ մասին և զարմանում էի, որ այս վրացիները նոյնիսկ աչք են փակում իրենց հայրենակիցների խարդախությունների վրայ, որովհետև ինչ գնով էլ լինի, ցանկանում են պաշտպանել նրանց: Մի՞թե տարօրինակ չէ այդպիսի ծայրահեղություն հասած շովինիզմը:

### ՖՐԱՆՍԵՐԷՆԻ ԳԱՍՍՏՈՒ

1916-ի սեպտեմբեր ամսի վերջերումն էր: Իմ ծառայության մեկ տարին լրացել էր արդեն: Մի օր երթևեկի գրասենեակումն ինձ յայտնեցին ներկայանալ ընդհանուր կառավարչին: Մի տարւան ընթացքում առիթ էի ունեցել մի քանի անգամ Բարսեղովին հանդիպել նրա գրասենեակում և Գաղթականական կոմիտեում:

Նրա հետ իմ առաջին հանդիպումը գործս սկսելուց երկու ամիս յետոյ էր: Գիտէի, որ շաբաթ մի անգամ՝ հինգշաբթի օրերը՝ կէսօրից յետոյ, ժողովի համար Գաղթականական կոմիտեն է գալիս: Առաջին հանդիպման նա ինձ շատ ոգևորած ուրախությամբ ընդունեց և մտերմօրէն ու միադէմ դիմումով ասաց.

– Բռաւօ՛, տղա՛ս, ճիշտն ասած, ես մեծ յոյս չունէի, որ դու կարող կը լինես այդպիսի տոկունությամբ, առանց ռուսերէն և մանաւանդ վրացերէն իմանալու տանել և շարունակել գործը: Հիմա, իսկապէս համոզուած եմ, որ դո՛ւք վանեցիներդ, գործի մարդիկ էք և մանաւանդ ընդունակ նոր միջավայրի պայմաններին յարմարելու:

– Չափազանց շնորհակալ եմ ձեր սիրալիր պաշտպանութեան և դեռ արդարացնել չ՛կարողացած գովեստի համար: Եթէ կարողացել եմ մինչև հիմա այս ինձ համար շատ ծանր պայմաններում տոկալ, այդ ձեր անխնայ հոգածութեան և պաշտպանութեան շնորհիւ է:

– Համեստութիւնդ գովելի է: Դիշտ է, քո անմիջական կառավարիչը, որ մի թունդ վրացի է, գուցէ առանց իմ մասնաւոր յանձնարարութեանը չը ցանկանար նոյնիսկ մի շաբաթ գործի վրայ պահելու, բայց եթէ նա և նրա շրջապատը կարողանային քեզ մի փոքր թերութեան կամ անխոհեմութեան մէջ բռնել և ապացուցել, ես անկարող կը լինէի, հակառակ նոյնիսկ իմ ցանկութեանը, քո պաշտպանութեան խնդրում յամառել: Ամէն պարագայում ես շատ ուրախ եմ և սրտանց քեզ շնորհաւորում եմ:

Նորից և նորից շնորհակալութիւն յայտնելով՝ բաժանել էի նրանից:

Այն օրը, երբ ինձ յայտնեցին կառավարիչ Բարսեղովին ներկայանալ, ես մի թեթև յուզում ունեցայ: Մտածում էի միգուցէ նորանոր էնթրիքներ են սարքել ինձ համար: Կէսօրից յետոյ ժամի 2-ին, ստուգումներիս աշխատանքը մի ժամով ատելի շուտ վերջացրած, նրա գրասենեակը ներկայացայ:

Բարսեղովը, իր խոշոր գրասեղանի յետևից ոտքի ելնելով, ուրախությամբ բացականցեց.

– Բարի եկար, պ. Սիրա՛ք, աթոռ կամ նստարան վերցրո՛ւ և նստի՛ր:

Նրա ուրախալից և սիրալիր ընդունումը միանգամայն սրտապնդեց ինձ:

– Ռուսերէն սովորո՞ւմ ես, թե՞ ոչ: Առանց ուսուցչի լեզու սովորելը բաւական դժուար գործ է:

Մի փոքր սպասելուց և կարծես իր ասելիքն ատելի յարմար դասաւորելու ձևով շարունակեց.

– Մրանից մի քանի օր առաջ աղջիկս քեզ Խօջիվանքում տեսել է: Ֆրանսերէն խօսելիս է տեսել և խօսելուդ կերպը հաւանելով՝ հետաքրքրել է քո ինքնութեանդ մասին: Վերջապէս իմացել է, որ Վասպուրականից գաղթողներիցն էս և մեր գործերում ես աշխատում: Մէկ խօսքով, առանց քեզ հետ ծանօթանալու, լաւ տպաւորութիւն է ստացել: Այս քանի օր է, ինչ ինձ հանգիստ չի տալիս: Ոգում է քեզ մօտ ֆրանսերէն դասեր վերցնել: Կարծում եմ, եթէ համաձայն լինես, լաւ կը լինի թէ՛ քեզ և թէ՛ նրա համար: Նա ռուսերէն բաւական լաւ է իմանում: Կարող էք իրար հետ դասեր փոխանակել: Լաւ չի՞ լինի:

Ընդհանուր կառավարչի առաջարկն այնքան անսպասելի նորութիւն էր ինձ համար, որ անմիջական շփոթանքի ենթարկեցի, բայց ջանացի մտքերս ամփոփելով՝ կցկտուր պատասխանել:

– Եթէ իմ կառավարչի աղջիկը ինձ այդպիսի բացառիկ պատիւ և շնորհք է անում, ես բոլորովին իրաւունք չունեմ մերժելու: Միայն թէ չը գիտեմ, ինչպէ՞ս կարելի է դասաւորել դասաւանդութեան ժամերը:

– Այդ դժուար չի լինի: Ահաւասիկ մեր տան հասցէն: Մենք ապրում ենք Սօլօլակում՝ թիւ 142 տան երկրորդ յարկում: Այս երկու օրայ ընթացքում, ժամի 5-ից 7-ը, մեզ մօտ անցիր և օրիորդի հետ պայմանաւորի՛ր: Ես այդ մասին նրան կը տեղեկացնեմ:

Եւ կառավարիչն ինձ ատեց իր այցետոմսը, որի վրայ նրանց տան հասցէն նշանակուած էր ռուսերէն լեզուով:

\*\*\*

Յաջորդ օրը՝ ժամի 5ին, զանգահարեցի մեր ընդհանուր կառավարիչ պարոն Բարսեղովի մուտքի գանգը: Դուռը գրեթէ անմիջապէս բացուեց, և շեմքին ինձ դիմաւորեց շատ երիտասարդ, բարեկազմ, համակրելի և տպաւորիչ դիմագծերով բնորոշող մի աղջիկ:



– Հրամեցէ՛ք, պարոն Սիրա՛ք, ես ձեզ հեռից հեռու արդէն ճանաչում եմ և քեզ էի սպասում,– ասաց նա հնչուն ձայնով և քաղցրաբար ժպիտով,– հայրիկս ինձ յայտնել է, որ հաւանաբար այսօր մեր մօտ էք գալու:

– Չափազանց ուրախ եմ, յարգելի՛ օրիորդ, ձեզ հետ անձամբ ծանօթանալու համար: Ինձ համար պատիւ և մեծ բախտատրութիւն է այս ծանօթութիւնը:

– Հրամեցէ՛ք, հրամեցէ՛ք, առանց այլևայլի, դուք արդէն ձեր համեստութեան յարձակումն սկսեցիք:

Օրիորդի ուղեկցութեամբ մտանք նրանց հիւրասենեակը: Ես անմիջապէս վերջիջեցի Վանի՛ մեր հարուստ Գափամաջեանի ընդունարանի ընտիր և թանկարժէք կահ-կարասին և մանաւանդ մուգ-կարմիր թաւշեայ վարագոյրները:

Մտքումս անմիջապէս համեմատութեան դնելով այս երկու ընդունարան-հիւրասենեակները՝ շուտ եզրակացութիւն հանեցի, որ, ըստ երևոյթին, ամէն տեղ հարուստները ընդհանրապէս իրար են նմանում և նրանցից մեծ մասը բախտի՝ իրենց պարզևած բարիքներից չեն գրկում:

– Ես Ձեր անունը գիտեմ արդէն: Հերթը իմս է ինձի ձեզ հետ ծանօթացնելու:

Նա ինձ պարզելով իր քնքուշ ձեռքը՝ ասաց.

– Այիս Բարսեղեան, Թիֆլիսի գիմնազիայի ուսանող: Հիմա դուք ձեզ մօտ կը մտածէք և իրատուք էլ ունէք, որ այս ի՞նչ համարձակ և անսանձ օրիորդ է, որ ինձ հանդիպել և այսպէս վռագ-վռագ ինքն իրեն է ծանօթացնում:

Օրիորդի անվերապահ անկեղծութիւնն ու պարզութիւնն ինձ էլ սկսեց վարակել և ինքս էլ, սիրտ առած, ջանացի նրանից յետ չ'մնայ:

– Սիրաք Սարհաղեան, 13 ամիս սրանից առաջ Թիֆլիս ժամանած վանեցի գաղթական: Այս վերջի երկու բառերը ժպտախառն դառնութեամբ արտասանեցի:

– Վնաս չ'ունի, պարոն Սիրաք, ձեզ գաղթական ներկայացնելով՝ դուք ինձ սարսափահար անել չէք կարող: Ես արդէն իմ առաջին լաւ տպատրութիւնը ձեզնից ստացել եմ Խօջիվանքում, այն ժամանակ, երբ երոպացի այցելուի շուրջ հաւաքած բազմութեան մէջ մէկը չը ճարեց, որ նրա հետ ֆրանսերէն կարողանար խօսել, և դուք նրանց փրկութեան հասարակութիւնը ստարականի բոլոր հարցերին պատասխանեցիք:

– Ամբողջ երկու տարի է, ինչ առիթ չեմ ունեցել ֆրանսերէն խօսելու, այնպէս որ ֆրանսերէնի իմ ծանօթութեամբ պարծենալ չեմ կարող:

– Ոչինչ, ինձ կը սովորեցնէք և կը վերջիջէք: Յոյս ունեմ, որ ինձ նման կամաւոր սովորել ուզող օրիորդին մերժել չպիտի կարողանաք:

– Ինչպէ՞ս կարող եմ մերժել: Նախ որ դուք այնքան սիրալիր և համակրելի էք, որ ես չեմ համարձակում ձեզ մերժել, և յետոյ չէ՞ որ ձեր հայրը ինձ

անչափ երախտապարտ է թողել իր բացառիկ և անվերապահ օժանդակութեամբ: Եթէ ես ձեր հօրը հանդիպած չը լինէի, ո՞վ գիտէ, ո՞ր գործարանի ի՞նչ անկիւնում շարտած պիտի լինէի:

– Ինչքան ուրախ եմ, որ ձեր ասութեամբ, հայրս չի թողել, որ ձեզ որևէ գործարանի անկիւնը շարտեն: Բայց նա այնքան տարօրինակ և իւրայատուկ բնատրութիւն ունի, որ ձեր մասին մինչև հիմի մի խօսք իսկ ասած չկայ: Այդ բախտի դասատրութիւնն է, որ Խօջիվանքում ինձ՝ ձեզ հետ հանդիպեցրել է, և եթէ անհամեստութիւն չը լինի, իմ ճարպիկութիւնն է ձեր ով լինելու և ինչ տեղ աշխատելու պարագան յայտնաբերել:

– Ուրեմն ես կրկնակի երախտապարտ պետք է լինեմ թէ՛ ձեր հօր բարեսրտութեան, և թէ՛ անձամբ ձեր ուշադրութեան համար: Իրապէս, ես ինձ չափազանց բախտատու եմ համարում այս՝ ինձ համար օտար հորիզոնի տակ ձեզ նման ազնիւ և համեստ ընտանիքի հանդիպելու համար:

Օրիորդ Ալիսն ինձ հիւրասիրեց թէյով և կարկանդակով ու գրեթէ երկու ժամ զբաղեցրեց իր հետաքրքիր և բովանդակալից խօսակցութեամբ: Նա ինձ յայտնեց, որ իր հայրն ու մայրը իրենց բարեկամներից մէկի մօտ յետ-կէտօրեայ թէյի էին հրավիրած: Ի վերջոյ, ինձնից խօսք առաւ յաջորդ օրը՝ ժամի 5-ին, դասի համար իր մօտ գնալու:

## ԵՐԿՈՒ ԲԱՐԵԿԱՄՆԵՐ

Մենք՝ Ալիսն ու ես, շատ լաւ բարեկամներ դարձանք: Փոխադարձ դասատրութեան օրերը շաբաթական չորս անգամ էին, բայց մի ամիս յետոյ Ալիսի խնդրանքով 5-ի վերածեց: Նրա հայրը՝ երթեկի վարիչ Մուրադովին կարգադրել էր, որ իմ ծառայութեան հերթը միշտ առաւօտեան ժամի 6-ից մինչև կէտօրից յետոյ 3-ին դասատրի:

Այդպէս էլ եղաւ: Ամէն օր ժամի 3-ից մինչև կէտ գիշերայ 12-ը բոլորովին ազատ էի: Կէտօրից յետոյ ճաշում, մի քիչ հանգստանում և երբեմն էլ ննջում և ուղիղ ժամի 4-ին Ալիսի մօտ էի:

Մեր պայմանի համաձայն՝ նախ ես էի դասաւանդում և նրան սովորեցնում, ապա նա էր ինձ հետ ռուսերէն պարսկապարտ: Երկու փոխադարձ դասաւանդումները պէտք է երկու ժամում վերջանային, բայց յաճախ մենք գիտակցաբար մոռացութեան էինք տալիս մեր որոշ ժամանակամիջոցը: Մենք բաւականութիւն և հաճոյք էինք ստանում իրար մօտ լինելուց: Կարդում, խօսում և զանազան նիւթերի շուրջ մտքերի փոխանակումներ էինք ունենում: Երբեմն էլ վիճաբանութեան էինք բռնում իրար հետ:

Տարօրինակ, ինձ համար անհասկանալի, մի փոփոխութիւն էր կատարել իմ ներքին հոգու աշխարհում: Վանի դժբախտ նահանջից յետոյ ես զարմանալիօրէն ազգասէր, նոյնիսկ ազգամոլ էի

դառնել: Համամարդկային, համաշխարհային սոցիալ-դեմոկրատ ձգտումներ, որոնք իմ ուսանողական շրջանում՝ մինչև ապրիլեան ինքնապաշտպանութեան կռիւները, ինձ կլանել էին, կարծես հեռացել ու անհետացել էին: Այդ ձգտումները իրենց տեղը զիջել էին նորածնունդ ազգայնական զգացումների ու տենչերի: Սի խօսքով, ես ազգայնամոլ հաստիք էի դառնել:

Մեկուսացած, մենակ մնացած ժամանակ շատ անգամ աշխատում էի վերլուծել այս փոփոխութեան պատճառները, բայց չէի կարող վերջնական եզրակացութիւններ հանել: Երբեմն մտածում էի, որ գուցէ այս իմ ազգայնամոլութիւնը հետևանք է մեզ վրայ գործադրած բռնութիւնների, հալածանքների ու ամէն տեսակ անմարդկային վերաբերմունքների:

Եթէ տաճիկները, մղած կուրացնող եսականութիւնից և շովէն ատելութիւնից կարող են մեզ՝ հայերիս վայրագաբար ճղակոտոր և անգթօրէն արմատախիլ անել և մեզ մեր սեփական հողից ու ջրից անպատկառ լրբութեամբ վռնդել, ապա ինչու՞ մենք այդ մարդակերպ գազանների նկատմամբ մարդկայնութիւն, մարդկային համակրանք և գութ ունենանք: Ինչու՞ մենք միշտ մարդասէր, հեզ, զիջող մնանք:

Նորածնունդ այդ ազգայնամոլ զգացումներիս և ձգտումներիս ճիշտ հակառակ ուղղութեան վրայ էր գտնուում իմ նոր բարեկամը՝ օրիորդ Ալիսը: Նա տոգորել էր ճիշտ այն համամարդկային և համակենցաղային ձգտումներով, որոնք ինչպէս թեցի, իմ հիացմունքի և պաշտամունքի առարկան էին մինչև գաղթը, մինչև մեր հայրենագրկութիւնը:

Նա ինձ ասում էր, և գիտեմ, որ խորը համոզմունքով և հաւատքով էր ասում.

– Եթէ ազգերը կարողանան իրենց մէջ սնուցանել այդ համամարդկային զգացումներն ու գաղափարները, բոլոր այս ատելութիւններն ու թշնամանքները վերջ պիտի գտնեն, և համայնքներն ու ազգերը պիտի ապրեն, որպէս հաշտ բարեկամներ և սիրալիր հարևաններ:

Երբեմն, երբ ինձ անկարելի էր լինում նրան շեղել իր վարդազոյն գաղափարներից, մեղմ չարախնդութեամբ նրան ասում էի.

– Պէտք է մեզ նման գաղթական և հայրենագուրկ լինել իրական կեանքն ու նրա հարազատ թելադրանքները ըմբռնելու համար: Կեանքի ներկայ պայմաններում, երբ երկրագնդիս վրայ տաճիկ Ջեմալ, Թալէաթ, Էնվեր և Ջադէտի նման մարդակեր գազաններ են ապրում, համամարդկային զգացումներն ու ձգտումները ձրի, անարժէք խօսքեր են:

**ՀԱՅՐԵՆԱԲԱՐԱԶՈՒԹԻՒՆ**

1917 թի յունարի երկրորդ կէսին իմ մէջ Վան վերադառնալու ձգտումը չափազանց շեշտուել էր:

Սկսել էի տանջել այն անհուն և անգուսպ կարօտով, որին հայրենաբաղձութիւն անունն են տալիս:

Մօտ երեք ամիս էր, ինչ ես ուշի ուշով հետևում էի Թիֆլիսի հայ թերթերին և մեծ հաճոյքով կլանում էի Տաճկահայաստանի նահանգների և մանաւանդ Վասպուրականի ազատագրման լուրերով: Ռուսական զօրաբանակներն ու նրանց հայ կամատրական զնդերը Թիւրքիայից իրար յետևից գրաւել էին և նրանց ճիւղային ճանկերից ազատագրել էին հայկական արևելեան նահանգներն ու գաւառները: Նրանք հասել էին մինչև Էրզրում: Անասելի ուրախութեամբ հրճում էի՝ կարդալով և տեղեկանալով, որ ազատագրած Վասպուրականում նորից հաստատուել է հայկական ինքնավար կառավարութիւն:

Տեղեկացել էի, որ Գր. Բուլղարացին, Թերզիբաշեանն ու Շադոյեանը և ուրիշ բարեկամներս Վանում են գտնուում: Վերոյիշեալ երկուսին էլ նամակ էի գրել և խնդրել էի տիրող դրութիւնից ինձ մի համառօտ տեղեկութիւն տալ: Մեծ յոյս չունէի, որ նամակներս տեղ կը հասնեն, բայց բողոքովին անսպասելիօրէն յունարի վերջերին 40 օրայ ուշացմամբ Բուլղարացուց և Թերզիբաշեանից պատասխան ստացայ: Թերզիբաշեանը ինձ հրաւիրում էր քաղաքապետարանի ռուսական բաժնի քարտուղարութեան համար:

Ուրախութեանս չափ ու սահման չկար: Կարճաժամ նամակները տոգորած էին լաւատեսութեամբ և ինձ հայրենիք էին կանչում:

Ա. Թերզիբաշեանի նամակն առանձնապէս շատ տպաւորիչ էր: Նա այդ նամակը վերջացրել էր հետևեալ տողերով. «Անյապաղ սպասում եմ ձեզ: Ձեր նման երիտասարդները իրենց շուտափոյթ վերադարձով պիտի ապացուցեն, որ անկեղծ հայրենասէրներ են և իրենց աւերած ու քարուքանդ եղած հայրենիքի վերաշինման համար նոյնիսկ իրենց կեանքը չեն խնայելու»:

Նամակների ստացումից յետոյ իմ հայրենաբաղձութեան կարօտը, որ վերջի ամիսներին առկայծում էր, թէ՛ կրակի նման բորբոքել և հուրիբալ սկսեց: Թիֆլիսում հանգստաւէտ կեանք ստեղծելու մտորումներս ու տատանումներս թաւալագլուր խորտակեցին:

Չնայած այն հանգամանքին, որ իմ գործով արդէն ապահովւած էի և նոր դասաւորումների հետևանքով ինձ համար հաւանաբար աւելի նպաստաւոր դիրք ու ապագայ կարող էի ապահովել, բայց Թիֆլիսն ու նրա հետ կապւած հաւանական նպաստաւոր պարագաներն այլևս չէին կարող ինձ հրապուրել:

Վճռեցի իմ հայրենիքը, իմ սիրելի ծննդավայրը՝ անուշիկ և չքնաղ Այգեստանը վերադառնալ:

Սառնորակ ու զոգողուն աղբիւրների, մշտադալար ծառերի ու ծաղիկների, քաղցրահամ պտուղներով լի այգիների, երկնակապոյտ և սքանչաւտեսիլ ծովակի, լեռան գլխին արծաւաման թառած Վարա-

գի հայրենիքը՝ Վանը, հրապուրում, դիտում և մագնիսական քաշում էր ինձ: Այդ հրապուրիչ, քաշող ձգտումից ինձ բաժանել և հեռացնել չէի կարող այլևս:

### ՄԻՆՉԵՎ ՎԵՐԱԴԱՐՉՍ

Որոշել էի այնպես դասատրել, որ մինչև փետրուարի 15-ը Թիֆլիսը թողնեմ: Նախքան հայրենիք ուղևորելը՝ ինձ անհրաժեշտ էր մի վերջին անգամ մերոնց Ղարաբիլիստի Գիլիզարդ գիտում այցելել:

Թիֆլիսում բարեկամ-ծանօթների մի փոքրիկ շրջան էի ստեղծել: Ինձ համար այդ նոր միջավայրից հեռանալը մեծ դժարությունների հետ կապած չէր: Միայն երկու անձնատրություններից իմ բաժանումը շատ դժար էր թույլ ինձ: Նրանցից առաջինը կամ գուցե երկրորդը իմ հարազատ եղբայրն էր, իսկ միսը՝ մտերիմ և սիրելի դարձած Ալիսը:

Մէկ ու կէս տարուց մի քիչ պակաս էր, ինչ Թիֆլիս էի եկել և եղբորս մօտ իջևանելով՝ նրա հետ միևնույն սենեակում ապրել էի: Իմ ներկայութեամբ եղբորս ուրախացրել և կեանքի նկատմամբ բաւականաչափ լաւատես էի դարձրել:

Վերջերս նա ինձ պատմել էր իր սիրային ողբերգությունը: Շատ տխուր էր նրա սիրային բեկումը: Նախքան ներկայ վրացի ընտանիքի մօտ տեղափոխւելը՝ նա մի հայ ընտանիքի մօտ ապրելիս էր եղել: Այդ ընտանիքին յաճախակի այցելութեան էր եկել նրանց ազգականներից մի օրիորդ:

Եղբայրս այդ աղջկայ հետ ծանօթացել և մտերմացել էր: Աղջիկը նրան շատ էր դուր եկել և փոխադարձաբար: Նոյնիսկ նրանք իրար հետ ամուսնանալու համաձայնութեան էին եկել:

Դժբախտաբար, պատահել էր սիրային այն ողբերգությունը, որպիսին պատահում է շատ-շատերին: Այդ շատերի շարքումն էր ընկել նաև իմ անբախտ եղբայրը:

Երբ խնդիրը մօտեցել էր իր վերջնական փուլին, աղջկան տարհանոգել, փոշմանցրել էին: Նրան հասկացրել և համոզել էին, որ եղբայրս գաղթական, լուք ու անփող է: Իրողությունն էլ այդպէս է եղել: Եղբայրս իր ապրած տան հայ ընտանիքի գլխատրի՝ Սարգիս կոչող դերձակի մօտ փոքր ռոճիկով գործելիս է եղել:

Դերձակ Սարգիսն իր ոչ անմիջական ազգական ազգակցական կապ ունեցող աղջկան խրատել էր եղբորս հետ չ'ամուսնանալ:

– Ինչի՞դ է պէտք այդ լուք ու տկլոր օտարականը: Նրանից վազ անցիր: Ես քեզ համար հարուստ և ապահոված փեսացու կը ճարեմ, – ասել էր նա:

Եւ իսկապէս Սարգիս դերձակին յաջողել էր աղջկայ համար հարուստ փեսացու ճարել՝ նրան իր իսկ տղայի հետ ամուսնացնելով:

Իր առաջին սիրոյ մէջ չարաչար պարտած եղբայրս ստիպւած էր եղել դերձակ Սարգիս տղայի ամուսնութիւնից մի քիչ յետոյ նրանց տնից և վարպետից հեռանալ ու հրաժարել արհեստը շարունակելուց:

Կեանքում իր կրած անյաջողութիւններից եղբայրս յուսահատել էր և ընդհանրապէս յոռետես էր դարձել: Նա յաճախ կրկնում էր.

– Սիրա՞ք, առանց փողի և հարստութեան՝ երջանկութիւնը, յաջողութիւնը, դիրքի, պատւի ու համբաւի ստեղծումը նմանում է ոսկեփետուր երջանկաբեր թռչնակի, որն անվերջ խուսափում է մեզ նման սովորական մահկանացուների ձեռքից: Չուր ենք վազում, որովհետև նրան հասնել չենք կարող:

Շատ էի աշխատում եղբորս դեռ շատ երիտասարդ կեանքը փրկել, նրա սիրտը անգթօրէն կրծող մղձաւանջից, բայց ստիպւած եմ խոստովանելու, որ այդ չէր յաջողում ինձ:

Սոսկալի է, երբ մարդս իր ծաղիկ հասակում, իր յոյսերի բողբոջման նախաշրջանում բեկման, անյաջողութեան և յուսախաբման է ենթարկւում: Չափազանց դժար և յաճախ անկարելի է լինում խափանել անյաջողութիւնից և բեկումից յառաջացած յուսալքումը:

Յաճախ եղբորս հանգստեան և ազատ ժամերին, որոնք շատ քիչ էին լինում, նրան մտածկոտ, ինքնամփոփ և մեղամաղձոտ էի տեսնում և ջանաւում էի խրատել:

– Արմէ՛ն, քո այդ անվերջանալի տխրութիւնը, քո անողջութիւնն ու էներգիան կը քայքայի: Դու քո այդ հասակում իրաւունք չ'ունես այդքան հոգեպէս տանջւելու: Դու պարտաւոր ես կամքի ուժ ունենալու ձախտողութեան դիմանալու: Հազարատրներ քեզ պէս իրենց կեանքում անյաջողութիւնների են հանդիպում, բայց չեն ընկրկում, քեզ նման կեանքից չեն բեկարում և իրենց յուսալքման չեն յանձնում:

– Մեղքը իմս չէ, սիրելի՛ եղբայր, վա՛յ նրան, որ ինձ նման զգայուն և թոյլ ջղեր ունի: Հաւատա՛, որ այս յարատև տխրութիւնից ազատւելու փորձեր շատ եմ արել, բայց ի՛նչ արած, չի յաջողել: Հիմա եկել եմ այն եզրակացութեան, որ անյաջողութիւնից յետոյ կենսութախ և երջանիկ լինելու համար երկաթե ջղեր են պէտք, որից, դժբախտաբար, զուրկ եմ...

Անհուն տխրութեամբ և կարեկցութեամբ նկատել էի, որ եղբորս ֆիզիկականն էլ քայքայւել է: Նրա դիմագծերում շատ նկատելի էր ընդհանուր յոգնածութեան հետքեր: Նրա աշխատանքը ջղայնացուցիչ, երկարատև ու անշահ էր: Օրական 13-14 ժամ անընդհատ աշխատում էր: Հանգստանալու ժամանակ քիչ ունէր: Երբեմն սարսափահար նկատում էի, որ հագում է: Կասկածում էի, որ կարող է թոքերի թուլութիւն ունենալ: Բայց այդ մտքի հետ հաշտուելուց սոսկում էի և նոյնիսկ վախենում էի նրան առաջարկել, որ իրեն բժշկական քննութեան ենթարկի՝ մտածելով որ մի գուցե այդ իմ առաջարկը նրա հոգեկան վիճակը ճգնաժամի ենթարկի:

## ՎԵՐՁԻՆ ԱՆԳԱՄ ԱԼԻՍԻ ՄՕՏ

Չորս ամսից մի քիչ ատելի էր, ինչ մենք Ալիսի հետ դասաւանդութեան փոխանակութիւն էինք կատարում: Մեր փոխադարձ դասաւանդութիւնները զգալի արդիւնքի էին հասել: Մէկը միւսին տրւած դասերը սովորելիս մի տեսակ մրցակցութիւն էր գոյացել: Երկուսս էլ աշխատում էինք անթերի բարեխղճութեամբ կատարել մեր դասերի հետ կապող պարտականութիւնները:

Երբեմն շատ հազաւոր պարագաներում, երբ մեր երկուսից մէկն ու մէկը չէր կարողանում իրեն տրւած դասի գրատը մասը կատարել, իրեն շատ անյարմար դրութեան մէջ էր գտնում և կարմրելու աստիճան ամաչում էր:

Սակայն մեր դասերին կապող պարտականութիւնները չէին խանգարում, որ մենք մեզ հետաքրքրող օրայ միութեի և նորութիւնների շուրջ մտքերի փոխանակութիւններ կատարէինք և երբեմն էլ անմեղ կատակներ անէինք:

Ալիսի մէջ ես մասնաւորապէս գնահատում էի նրա պարզութիւնն ու համեստութիւնը: Չնայած Թիֆլիսի հայ բարեկեցիկ ընտանիքներից մէկի միակ զաւակն էր, բայց երբէք իրեն թոյլ չէր տալիս որևէ կերպով այս պարագան զգացնել տալ:

Մեր փոխյարաբերութիւնների մէջ արտակարգ մտերմութիւն էր ստեղծել: Շաբաթական հինգ անգամ մենք որոշւած ժամին իրար մօտ էինք լինում: Չորս ամիս և մի քանի օրերի ընթացքում միայն երեք անգամ մենք ի վիճակի չեղանք որոշւած ժամադրութիւնը յարգելու: Մեր դասաւանդութիւնները ոչ միայն բռնազօսիկ հանգամանք չ'ունէին, այլ նոյնիսկ սիրելի ու ցանկալի էին: Կարծես փոխադարձ ձգտումի և անհրաժէշտ պարտաւորութեան էին վերածել մեր հանդիպումներն ու պարապմունքները: Մեզնից ամեն մէկը հրապուրող պահանջ էր զգում միւսի կողքին նստած սովորել, իր լեզուական ծանօթութեան պաշարն ատելացնել և զրուցել, կատակել և զարճանալ: Շաբաթ մի անգամ էլ, պարապմունքներից յետոյ, միասին ներկայացման կամ բալետի էինք գնում:

\*\*\*

Փետրարի 8-ին՝ կէսօրից յետոյ էր: Վճռել էի Ալիսին յայտնել հայրենիքս վերադառնալու իմ որոշումը: Արտակարգ վիճակ էր ստեղծել ինձ համար: Խոստովանում եմ, որ իմ ներաշխարհում հոգեկան արտակարգօրէն ուժեղ ալեկոծում էր գոյացել: Չէի կարողանում իմ որոշման յայտնաբերման ձևն որոշել: Չափազանց յուզւած էի:

Մեր սովորական դասաւանդութեան ժամանակը լրացաւ: Ալիսի ուշադիր հայեացքից իմ արտակարգ շփոթն ու յուզմունքը չէր վրիպել: Վերջապէս ատելին համբերել չ'կարողանալով՝ ասաց.

– Սիրա՛ք, այսօր անսովոր վիճակ ունես: Անհանգիստ ու մտազբաղ ես: Թոյլ կը տա՞ս պատճառն իմանալու:

– Ճիշտ ես նկատել, Ալի՛ս, այսօր ես արտակարգօրէն յուզւած եմ, և դրա պատճառը մեր մօտակայ և անյետաձգելի բաժանումն է:

– Չեմ հաւատում, Սիրա՛ք, ատելի պարզ խօսի՛ր: Ի՞նչ է նշանակում բաժանում: Ի՞նչ բաժանում: Մի՞թէ ես որևէ առիթ եմ տւել դրան: Չեմ կարողանում հասկանալ: Գուցէ... չեմ յիշում: Արդե՞օք դժգոհութեան որևէ առիթ եմ տւել: Բայց...

– Ո՛չ, Ալի՛ս, ո՛չ հազար անգամ ո՛չ: Մեր բաժանման պատճառը դու չես: Եթէ ուզում ես իմանալ դրա պատճառն ու մեղաւորը ես եմ: Խնդրում եմ հանգստանալ և լսել ինձ:

– Թիֆլիս գալուց յետոյ իմ ամենամեծ ու ամենաերջանիկ բախտաւորութիւնն այն է եղել, որ քեզ նման մի սքանչելի, յարգելի և, եթէ թոյլ կտաս ասելու, չափազանց սիրելի մի օրիորդի եմ հանդիպել: Քո ինձ մեջ նկատած այսօրայ յուզմունքի և ալեկոծման պատճառը իմ այն որոշումն է, որ ամիսների երկար տատանումներից յետոյ կայացրել եմ: Հայենիքիս սերն ու կարօտը, մանաւանդ, այս վերջին մի քանի ամիսներում, հոգիս մաշում է: Ես վճռել եմ իմ հայրենիքը վերադառնալ և մասնակցել ու լծուել նրա վերաշինման ու բարգաւաճման գործին: Իմ երկիրն ու նրա հողն ու ջուրը, նրա ծառն ու ծաղիկը, նրա կապուտակ ծովի գմբուխտանման ջրերն ու նրա բարձր ու վէս լեռները, նրա անմահ յաղթական Վարագն ու հպարտ Աղթամարը, իրար միացած, ինձ հանգիստ չեն տալիս: Նրանք ինձ կանչում են թէ՛ երագներումս և թէ՛ արթուն ժամերումս...:

Ալիսը լսում էր ինձ: Իմ հերթին ես նրա դէմքին նկատեցի իրար յաջորդող արագ գունափոխումներ՝ գունաթափում, շառագունում և կարմրկտում: Նա շնչում, բայց շնչակապուտ էր: Ուզում էր խօսել, բայց բորբոքւած կոկորդը կարծես խեղդում էր նրա ձայնն ու բարբառը:

Յայտնութեանս անսպասելի հարւածին դիմանալ չը կարողանալով՝ նա փղձկաց և երեխայի հեկեկոցով լացել սկսեց:

Ինձ համար Ալիսի զգացումների նման ժայթքումը անսպասելի չէր: Կարճատև ժամանակամիջոցում ես կարողացել էի ճշտել այն անկեղծութիւնն ու մտերմութիւնը, այն լռելեայն ու անխօս համակրանքն ու սէրը, որոնք սկսել էին բոյն դնել մեր երկուսի սրտերի անարատ և անաղարտ խորքերում: Առանց մի խօսք, նոյնիսկ մի բառ արտայայտելու քիչեղանման սիրոյ մագնիսը մեզ քաշել և իրար էր մօտեցրել:

Ալիսի լացը մաշում, կրծում էր հոգիս: Չուր էի փորձում նրան համոզել, հանգստացնել:

– Մի՛րելի՛ Ալիս, բաւական է: Բաժանումից առաջ այդպիսի լացը կարող է չարաղէտ հետևանքներ

ունենալ: Հանգստացիր: Խօսիր: Ինձ երջանիկ կը համարեմ, եթէ դու փոխանակ լալու, ինձ քո խելօք խորհուրդները և ցուցմունքները տալու լինես: Էգուց առաւօտեանը գործիս հրաժարականը հօրդ եմ յանձնելու և նրան իմ սրտագին շնորհակալութիւններս եմ յայտնելու: Մինչև Թիֆլիսից մեկնելս դեռ 5-6 օր ժամանակ ունեմ: Նորից կը հանդիպենք:

– Միրա՛ք,– աղէկտուր լացն ու դիւթական ժպիտն իրար խառնած ասաց Ալիսը,– ես ինձ իրաւունք չեմ տալիս քո ճանապարհիդ խոչընդոտ լինելու: Ես ավստում, չափազանց ավստում եմ, որ քեզնից բաժանում եմ: Չնայած ինձ նման մի աղջկայ համար անյարմար և անհամեստ կը լինի, բայց ես ստիպւած եմ խոստովանելու, որ ես ամբողջ հոգով ու սրտով ինձ քեզ հետ կապւած եմ զգում... Քո մէջ ես փնտրում էի իմ ապագայ յոյսն ու երջանկութիւնը...:

– Ալի՛ս, սիրելի՛ս, միանգամայն համոզւած եղիր, որ ես էլ միևնոյն շէնշող և բիւեղանման զգացումներով ինձ քեզ հետ կապւած եմ զգում և մեծ յոյս ունեմ իրականացնելու քո և իմ երազած երջանկութիւնը:

\*\*\*

Ալիսի հետ մեր վերջին մնաս բարովը շատ զգայացունց և տխուր եղաւ: Մենք երկուքս էլ, առանց մինչ այդ զսպւած կարգապահութեան սահմանը նկատի ունենալու, զրկախառնուեցինք, և մեր շրթունքները ջերմագին կարօտով իրար հանդիպեցին:

Ալիսը դեռ շարունակում էր իր երեխայանման հեկեկոցը: Իմ կրկնող թախանձագին խնդրանքի վրայ վերջապէս նա կարողացաւ իրեն զսպել: Նրան իր ամենօրեայ պարապմունքի աթոռին նստեցնելով՝ ասացի.

– Ալի՛ս, երբէք չէի կարող մտածել, որ մենք այսպէս ինքնաբերաբար ու անխօս իրար հետ մտերմացել և սրտանց կապել ենք: Մեր երկուսից և ոչ մէկին դրանում մեղադրել չենք կարող: Անկասկած, մենք կարողացել ենք իրար մէջ գնահատելու այնպիսի փոխադարձ յարգանք, որ այսօրայ մեր այս բիրեղանման սիրոյն է յանգել: Շատ, չափազանց շատ եմ ավստում, որ այս սէրը մեր բաժանման վերջին պահին յորդահոս և աղամանդանման աղբիւրի նման ժայթքել և փրփրել է սկսել:

– Միրա՛ք, մեղաւորն ես եմ: Քո արած յանկարծակի բաժանման անսպասելի յայտնութիւնը ինձ համարեայ շանթահարեց: Ես չ'կարողացայ իմ զգացումները հակակշռի ենթարկել և քեզնից թաքցնել իմ հոգու խորքում յանկարծակի հրդեհիւ սկսող սէրն ու կարօտը: Ների՛ր իմ այս աստիճան դիւրագոյց ու անկեղծ լինելու համար:

Մի քանի վայրկեան ճնշիչ լռութիւնից յետոյ՝ Ալիսն իր ասելիքը վերջացրեց.

– Ափսո՛ւ, հազար ափսո՛ւ, որ ես իմ հօրն ու մօր միակ զաւակն եմ: Ես ենթադրում եմ, որ իրաւունք չ'ունեմ նրանց միանակ թողնելու: Չէ՛ որ նրանց միակ մխիթարութիւնը և ուրախութիւնը, սիրոյ և գգանքի առարկան եմ: Եթէ այդպէս չը լինէր, գուցէ ուրիշ ելք փնտրել կարողանայի:

– Միանգամայն իրաւացի ես, Ալի՛ս, ես հասկանում և գնահատում եմ քո գոհաբերութիւնը: Եթէ ուրիշ քոյր կամ եղբայր ունենայիր, ինքս կը խնդրէի, կ'աղաչէի, որ համաձայնես ինձ հետևելու և գնալու այն հայրենիքը, որ ինչպէս ինձ, այնպէս էլ քեզ համար կը լինի հարազատ ու սիրելի: Այդ հայրենիքը մերն է եղել և անպատճառ մերը պիտի լինի:

### ՎԵՐՋԻ ՕՐԵՐԻՆ ԹԻՖԼԻՍՈՒՄ

Ամէն մի երիտասարդ, իր կեանքի այդ շրջանին իր առօրեայ աշխատանքների համընթաց, ենթակայ է տարւելու և բնականօրէն կապ ունի անհատի սրտի և հոգու հետ:

Այդ սրտի ու հոգու ապրումը մարդկային կեանքի ամենաթանկագին և ամենասիրելի շրջանն է, որ պարուրւած է սրտի հարազատ և անուշ թրթռումներով և որի ընդհանրական ու համառօտւած անունն սէր՝ սիրոյ զգացումն ու ապրումն է:

Բնականաբար, ես էլ չէի կարող զերծ մնալ այդ սրտի ու հոգու ազնւագոյն ապրումից: Ծնւած լինելով 1896 թի հոկտեմբեր ամսի 7-ին՝ ես այդ ժամանակներում արդէն 20րդ տարին լրացած և 21-րդում թևակոխած էի: Վանի Ապրիլեան հերոսամարտից առաջ մխրճւած լինելով ուսանողական-կուսակցական եռուն աշխատանքներում, համարեայ ազատ ժամանակ չէի ունեցել անդրադառնալու իմ ներքին, հոգեկան կեանքի ապրումներին և նրանցից սկիզբ առնող ձգտումներին:

Գուցէ տարօրինակ և զարմանալի թայ, եթէ յայտնեմ, որ իմ ներքին հոգեկան կեանքի ապրումներին միայն այն ժամանակ անդրադարձայ, երբ եկայ այն եզրակացութեանը, որ առայժմ կուսակցական և հասարակական անելիք չունեմ:

Մի երիտասարդի համար շատ ցաւալի և տխուր է տեսնել և հաստատել այն հանգամանքը, որ իր կեանքի շէնշող, բողբոջող և խոստումնալից շրջանին բեկման, գահավիժման և խորտակման է ենթարկւում իր փայփայած գործն ու ցանկացած նպատակը, փշրում և ոչնչանում է: Այս մեր գուրգուրած գործի և նպատակի փլուզումն ու խորտակումը սկսեց այն ժամանակ, երբ մենք, այսինքն ես և իմ նման հազարաւորները, ստիպւած եղանք թողնել մեր հայրենիքը, մեր սիրելի տունն ու օջախը, մեր արգաւանդ հողն ու զնգան, անուշահամ աղբիւրները:

Մեր նորաբողբոջ, շողշողացող երիտասարդ կեանքն ու նրա հետ կապւած վարդագոյն յոյսերն

ու երջանկաբեր ապագամ անգթորեն խորտակում և մահաբեր մրրիկի էին տալիս, մահուան ահ ու սարսափի սպառնալիքով մեզ քշում, վռնդում էին մեր երկրից:

Եւ, իսկապէս, ինչ անելիքի յոյս կարող է ունենալ անհայրենիք, փախստական, անտուն և անտէրունչ մի գաղթական, այո՛, ինձ նման մի գաղթական:

Ուրեմն բոլորովին տարօրինակ և զարմանալի չէր, եթէ վերոյիշեալ անմխիթար և յուսաբեկ պայմաններում անդրադառնալի փնտրելու և գտնելու մի ուրիշին, որն ինձ նման գաղթական, փախստական և անտուն-անտէր էր:

Բազմաթիւ անգամներ եմ փորձել վերլուծելու այն շարժառիթը, որն ինձ ստիպեց փախուստի վերջի բռնակցի միայն անդրադառնալու Անուշի գոյութեան մասին: Եթէ նրան իսկապէս սիրում էի, ուրեմն ինչու՞ վտանգի ամենավերջին ու ամենածանր պահին նրան փնտրելու գնացի: Գուցէ մտածում էի նրան օգնել, պաշտպանել: Բայց ինչու՞ ամենավերջին ժամին: Թերևս այդ փորձն անում էի իմ յոյսերի ու ձգտումների խորտակման վիշտն ամոքելու, մեղմացնելու նպատակով կամ գուցէ նրա համար, որ ափսոսում էի նրան: Բայց ամենից շատ սարսափում էի այն մտքից, որ Անուշի նման անմեղ և չքնաղ հայ աղջիկը բարբարոս տաճիկ կամ աւազակաբարոյ քիւրտի առևանգըման և բռնաբարման ենթակայ կարող էր լինել: Այս վերջին դժբախտ և տուկալի ենթադրութիւնը, ամէն անգամ նրան վերյիշելիս, սիրտս ճանկատում և արիւնոտում էր:

\*\*\*

Թիֆլիսում եղած ժամանակը, մէկուկէս տարւայ ընթացքին, քանի-քանի անգամներ հարց ու փորձ արի և Անուշին գտնելու համար փնտրտութներ կատարեցի: Վանում նրա հայրը ինձ յայտնեց, որ կնոջն ու աղջկանը պատուիրել էր Թիֆլիս գնալ և իջևանել իր հարազատ եղբոր մօտ՝ Սօլօլակ պողոտայում: Դժբախտաբար, իմ շփոթմունքի ու աճապարանքի հետևանքով չէի անդրադարձել լրիւ ու ճշգրիտ հասցէն ստանալու:

Անուշին վերագտնելու յոյսը գրեթէ չքացել էր, բայց այդ բոլորից յետոյ չէի կարողանում հաշտուել նրա վերջնական կորուստի մտքի հետ:

Նրան յիշելիս անհուն կարօտով այրում էի: Շատ յաճախ միայնակ լինելիս խորասուզում էի մօտիկ անցեալի վերայիշումներում և ամէն անգամ նրա չքնաղ դէմքը պատկերացնում էի իմ հոգու հայելիում:

Ինձ թում էր, որ նա ներկայանում է վշտաբեկ, անօգնական ու արցունքոտ տեսքով, որ նրա ազատութիւնը՝ կապուած, և երջանկութիւնը խլած է, որ նա անխօս, բայց նախատական հայեացքով

մեղադրում է ինձ իմ անփութութեան ու եսակամութեան համար... Եւ այս բոլորն ինձ հետ կատարում էր ոչ միայն երագում, այլև արթուն և զգաստ վիճակում:

Անճարակ ցաւատանջութեամբ և սրտամաշ յուսահատութեամբ գալիս էի այն եզրակացութեան, որ բարբարոս տաճիկը կամ վայրագ քիւրդը նրան առևանգել, բռնաբարել և ծաղիկ, ջահէլ ու ջիւան հասկում ողջ-ողջ թաղել է...:

\*\*\*

Տաճանելի էին մեկնումից առաջ Թիֆլիսում իմ անցկացրած վերջին մի քանի օրերը: Գործիս հրաժարականը տուել էի և ուզում էի օր առաջ մեկնել:

Հաւանաբար երիտասարդ հասակում եղած մարդկանց զգալի տոկոսը ենթարկւած լինի հոգեկան այն ծանր տագնապին, որպիսին ես եմ ունեցել:

Ամէն կերպ աշխատում էի մոռացութեան տալ Անուշի դժբախտ կորուստը, բայց այդ չէր յաջողում ինձ: Երբ իմ հոգեկան ապրումի ողբերգութեան առաջին վարագոյրն իջնում էր, բարձրանում էր երկրորդը: Մտքիս տեսողութեան առաջ կանգնում էր երկրորդ Անուշը՝ Ալիսը: Առաջինն ինձ տանջում էր իր կորուստով, բացակայութեամբ, իսկ երկրորդը՝ իր անմիջական ներկայութեամբ:

Եթէ առաջինը անխօս ու անօգնական հայեացքով ինձ մեղադրում էր, այս երկրորդը պերճախօս և ամենագոր ուժգնութեամբ ինձ քաշում և հրապուրում էր: Ալիսի հնչում և լիաթոք կանչը անվերջ ու անընդհատ ինձ հրաւիրում էր վերադառնալ իր մօտը, նորից ժամերով պարսպել իր հետ և լսել նրա արծաթահնչին ծիծաղը: Ինձ թում էր՝ միշտ լսում էի նրա այն առինքնող ու դիւթական կանչը.

– Սիրա՛ք, մի՛ գնա, մի՛ հեռացիր ինձնից: Լսի՛ր և հետևի՛ր սրտիդ թելադրանքին: Մի՛ լքիր քո անմահն ու անկեղծ բարեկամին ու մի՛ ոտնահարիր նրա բիրտեղափայլ սերը:

\*\*\*

Սրտի ու հոգու վիշտը շատ ատելի լուրջ և ծանր է, քան ֆիզիկականը: Ես, որ ի վիճակի էի եղել տոկալու և տանելու մի քանի տասնեակ օրերի ֆիզիկական տանջանքները, գաղթի ճանապարհի անընդհատ յոգնածութիւնը, այդ ճանապարհի կեղտն ու փոշիները և փախուստի ընթացքին թշնամու ամենաժամ վտանգները, չը կարողացայ դիմադրել ինձ տանջող հոգեկան մտորումներին ու բեկմանը: Հիւսանդացայ և անկողին ընկայ: Ջերմում և այրում էի հետզհետէ բարձրացող տաքութեան մէջ: Եղբորս հասցրած բժշկական օգնութիւնն ու յանձնարար-

ւած դեղերն անօգուտ մնացին: Ուտելու և սնելու ոչ մի ցանկութիւն չ'ունէի:

Եղբայրս և մեր ապրած տան վրացի տանտիկինն ու նրա աղջիկը շատ անհանգիստ էին: Նրանք ամէն հնարաւոր միջոց գործ դրին ինձ այրող ջերմը մեղմելու համար, բայց բոլոր փորձերն անօգուտ անցան:

Առողջական վիճակս սկսել էր լրջօրէն մտահոգել մանաւանդ եղբորս: Օրէցօր մաշուում և հիւծում էի: Յաճախ, գիտակցութիւնս կորցրած, գառանցում էի:

Հիւանդութեանս 8-րդ օրը՝ առաւօտեան շատ կանուխ, եղբորս քնից արթնացրի: Խեղճ եղբայրս, առանց այն էլ իր ծանր աշխատանքից յոգնած ու բեզարած, յաճախ սուիպուած էր լինում գիշերներն անքուն անցկացնելու: Նրա հազի նուպաները սկսել էին աւելի ուժեղանալ:

– Եղբա՛յր, – ասացի նրան, – այստեղ եթէ մնալու լինեն և այս պայմաններում շարունակեն մնալ, անհնարին է, որ լաւանամ: Օրից օր աւելի և աւելի մաշուում եմ ու քայքայում: Եթէ դու ինձ սիրում ես, և կասկած չունեն, որ շատ էլ ես սիրում, այսօր կեք գիշերայ գնացքի տոմսակ վերցրու, որ ես Ղարաքիլիսէ՛ մերոնց մօտ գնամ: Վստահ եմ, օդափոխութեան ենթարկելով, առանց բժշկի ու ճարի անմիջապէս և անպայման պիտի առողջանամ:

– Սիրելի՛ եղբայր, ինչէ՞ր ես ասում: Մի՞թէ քո այս առողջական վիճակում հնարաւոր է քեզ անկողնից հանել և երկաթուղին տանել: Քո առաջարկիդ համաձայնել և նրան գործադրելը աղէտալի արդիւնքի կը յանգի: Մի քանի օր էլ մնայ, Աստծով կը լաւանաս և յետոյ կը մեկնես:

– Արմէ՛ն եղբայր, խնդրում եմ իմ ասածը չը մերժես: Ես միանգամայն համոզուած եմ, որ իմ փրկութիւնը կախուած է իմ մեկնումից և կատարելիք օդափոխութիւնից: Ես այդ հօրս վրայ եղած փորձից գիտեմ: Եթէ չես ցանկանում, որ այստեղ, էս օտար երկրում, իմ հարազատներից հեռու մահանամ, կատարի՛ր խնդիրս և կը տեսնես, որ ես միանգամայն իրաւացի եմ:

Եղբայրս այլևս իմ թախանձանքը մերժել չը կարողացաւ: Նա ինքն էլ վստահ չէր, որ եթէ մնալու լինեն, շուտով կառողջանամ: Ստիպուած համաձայնեց և անմիջապէս գնաց կայարանը նոյն գիշերայ Ղարաքիլիսէ մեկնող գնացքի տոմսը գնելու համար:

Մի ճիգ ի գործ դրի անկողնուս մէջ նստելով՝ մի քանի տող գրել Ալիսին: Նրան գրեցի դողդոջացող ձեռքով և նրան յայտնեցի հիւանդացած լինելուս պարագան: Նամակումս նրան խոստացայ նորից գրել և շուտով իմ նոր հասցէն տալ՝ յոյս յայտնելով, որ նորից իրար կը հանդիպենք, և մեր թանկագին ու անփոխարինելի բարեկամութիւնը կը շարունակենք:

## ԴԷՊԻ ՂԱՐԱՔԻԼԻՍԷ

Երեկոյեան ժամը 7-ին՝ եղբորս հետ երկաթուղակայարանը մեկնեցինք: Եղբորս օգնութեամբ և բացառիկ ճիգերով, մի շարք դժարութիւններից յետոյ, վերջապէս մի կերպ կարողացայ գնացքի 2-րդ կարգի տոմսակիս համապատասխան կուպէում տեղաւորել: Այս բացառիկ ճիգերի գործադրումն ինձ առատ քրտիներով ծածկեց, որն ինձ համար անշուշտ բարերար ազդեցութիւն ունեցաւ:

Եղբայրս ինձ համար չափազանց անհանգիստ էր: Նա շատ պնդեց ինձ հետ Ղարաքիլիսէ գալ, բայց համոզուած էի, որ նախապէս չը ծրագրուած նրա մեկնումը հնարաւոր չէր: Նրան խնդրեցի ինձ համար բոլորովին անհանգիստ չը լինել և իր մեկնումը յետաձգել աւելի յարմար առիթի: Նրան բացատրեցի, որ Ղարաքիլիսէից նրա վերադարձը ժամանակի խառնաշփոթութեան և երթևեկի արտակարգ խճողման պատճառով կարող է մեծ դժարութիւնների հանդիպել:

Մէկ շաբաթայ անընդհատ ջերմն ինձ կատարելապէս ուժասպառ էր արել: Ամբողջ մարմինս կարծես ծեծկել էր: Մաստիկ նիհարել և գունատուել էի: Նստած մնալ չէի կարողանում: Առածն ասում է, չկայ չարիք, առանց բարիքի: Բարերախտաբար կուպէիս հարևանը մի հայ մարդ դուրս եկաւ: Նա իր 8 տարեկան տղայի հետ Երևան էր գնում: Մէկ ու կէս տարի առաջ չարաղէտ փախուստ-նահանջի ժամանակ կորցրած և հազի 15 օր առաջ վերագտած իր կնոջն ու միւս երեխային միանալու համար Երևան էր գնում: Չափազանց լաւ տրամադրուած և, իր ասութեամբ, անսահման երջանիկ էր զգում իրեն, քանի որ շատ երկար փնտրութիւններից յետոյ վերջապէս բախտաւորութիւն էր ունեցել գտնելու իր կորած համարած կնոջն ու երեխային:

Անսահման վիշտն ու կապարանման մթին տխրութիւնը սիրտս սեղմել ու ճնշել սկսեցին: Իմ կորցրած և երբէք չը գտած աննման ու անմեղ Անուշին վերջիցեցի: Նա նորից իր սքանչազեղ տեսքով ու ուռնու ունան մշտադալար ու ճկուն բոյով աչքերիս առաջ պատկերացաւ: Սրտամոռնոք և դառնագին մի յառաչանք արձակեցի: Հարևանս կարեկցութեամբ հարցրեց.

– Ի՞նչ է, պարո՛ն, մի՞թէ դուք էլ կորցրած հարազատ ունիք...:

– Այո՛... բայց ո՛չ: Ես շատ յոգնած ու հիւանդ եմ: Եթէ թոյլ կը տաք մի ժամ կը պառկեմ: Նստելու ուժ չ'ունիմ: Մի ամբողջ շաբաթ է, որ ջերմում եմ և քնել էլ չեմ կարողանում: Ղարաքիլիսէ՛ իմ ընտանիքի մօտն եմ գնում: Եթէ այնպէս պատահեց, որ երկար քնեմ, ձեզ անհանգիստ արած չը լինելու համար աղաչում եմ ինձ արթնացնել:

\*\*\*

Օ՛հ, ի՛նչ մեծ բարիք և Աստուածային պարգև է յոյսն ու ինքնաներշնչումը: Առանց այդ յոյս-սպասումի մարդ արարածը գուցե երկրագնդիս ամենաոճախտը լինէր: Երբ Թիֆլիսում վերջին օրերում հիւանդացայ, համոզված էի, որ իմ հիւանդութիւնը ֆիզիկական չէր, այլ հոգու, սրտի և մտքի հիւանդութիւն էր:

Հոգեկան վիշտն ու տառապանքը յաճախ և գրեթէ միշտ շատ ատելի քայքայիչ և մաշեցնող է: Ես ենթարկել էի այդ մաշեցման ու հիւծման և հետևաբար գիտէի դրա պատճառը: Ինձ մնում էր միայն մի ելք ու մի ընտրութիւն: Համոզված էի, եթէ շարունակեմ ենթակայ մնալ այդ հոգեկան հիւծմանը, շուտով հրաժեշտ պիտի տամ յոյսին, արևին, իմ կեանքին և նրա հետ անբաժան կապած բոլոր իմ յոյս ու տենչերին:

Իհարկէ, անմտութիւն և յիմարութիւն կը լինէր այդ:

Անկողնումս պառկած, հիւանդութեանս ջերմում ուժասպառ՝ վճռեցի դիմագրաւել, ինձ կլանել, իսպառ խորտակել սպառնացող անյուսութեանն ու լքմանը: Եւ որպէսզի կարողանամ ինձնից վանել ու հեռացնել իմ հոգեկան բեկումը, որոշեցի օր առաջ, ժամ առաջ թողնել հեռանալ ստեղծած յուսալքիչ միջավայրից:

Օդափոխութիւնը, ատելի ճիշտ, տեղի, միջավայրի ապրումներին սևեռումի փոփոխութիւնը այս որոշման անմիջական գործադրութիւնն ինձ փրկեց և վերադարձրեց կեանքիս յոյսը, յոյսերի երջանկութիւնը:

Գնացքի ցնցումները, ջղերիս լարածութիւնը թուլացրել և մի քիչ հանգստացրել էին: Ութը ժամ տևող քնով խաղաղել և կազդուրել էի: Իմ բարեսիրտ հարևանը խղճացել, կարեկցել էր ինձ և չէր ցանկացել իր հանգստութեան համար ինձ նման անօգնական հիւանդին անհանգստացնել: Եթէ նրան ասած չը լինէի իմ՝ Ղարաքիլիսէի իջնելու մասին, անկասկած, նա դեռ քնած կը թողնէր ինձ:

– Հայրենակից, վեր կացէք: Արդէն Ղարաքիլիսէի կայարանումն ենք:

Ընդոստ վեր թռայ: Իսկապէս գնացքը Ղարաքիլիսէի կայարանումն էր կանգ առել:

– Շնորհակալ եմ ձեր բացառիկ զիջողութեան և ազնուութեան համար: Չեր տեղը գրաւելով՝ ձեզ անհանգիստ արի: Ներողութիւն եմ խնդրում և ձեր ջենդլմէն վերաբերմունքն երբէք չպիտի մոռանամ:

## ՄԵՐՈՆՑ ՄՕՏ

Գնացքից ցած գալով՝ անմիջապէս մօտեցայ Ղարաքիլիսէի կայարանի առաջամասում գտնուող մշտահոս ջրի ծորակին: Անմահական ազդեցութիւն թողեց այդ հայրենի հողամասի սառնորակ և զնգան ջուրը: Առատօրէն թափող ջրին բերանս մօտեցնելով՝ խմեցի այդ կենարար ջրից: Խմեցի, ինչքան

կարող էի: Մի պահ ինձ թաց, որ մեր Այգեստանի, մեր թաղամասի Մոխրի քեանիզի անմահական ջրիցն եմ խմում: Նստեցի քաղցրահնչուն գլղոցով թափող ջրի մօտ: Գարնանային առաւօտեան անուշաբոյր գեփիւրը կարծես նոր կեանք տուց ինձ: Այլև ջերմ չ'ունէի, և ինձ հիւծող ցաւն ու հիւանդութիւնը կարծես մի սքանչելի հրաշքով անհետացել էր: Օրերից յետոյ առաջին անգամ լինելով՝ զգացի որ քաղցած եմ: Ա՛խ, ինչ լաւ կը լինէր, եթէ ժամ առաջ մերոնց մօտ՝ Գիլիզարդ հասնէի և մեր տոհմական կազդուրիչ թանապուրն ուտէի:

Միայն 24 ժամ առաջ մտքումս ծնունդ առած յոյսի և հաւատքի ուժը կատարել էր փրկարար գործը: Ղարաքիլիսէ գալով՝ անխուսափելի կորուստից փրկված էի:

Մարդկային կեանքը տարօրինակ և զարմանալի զուգադիպումներ ունի: Մինչ ես սպասում էի մի բախտատուր և շուտափոյթ հանդիպում ունենալ Ղարաքիլիսէ եկող և իրենց կաթնատնտեսական կենսամթերքները ծախելուց յետոյ գիւղը վերադարձող գիլիզարդի սայլապաններից մէկին, ահա կարծես հրաշքով դէմու դէմ եղայ Թիֆլիս մեկնելու համար ինձ կայարանը բերող գիլիզարդի բարեհամբոյր սայլապան Աւետին, որն ինձնից առաջ, ինձ նկատելով և ճանաչելով, բարձրաձայն կանչեց.

– Էհէ՛յ, մեր տղայ, վերջապէս կարծես կարօտել ես մեր գիւղին ու ընտանիքիդ: Բարով ես եկել: Համեցէք: Բախտատուր էլնես, բախտի ես հանդիպել՝ ինձ հանդիպելով: Ասենք ես ինքս եմ ուրախ, որ քեզ հանդիպեցի: Մենակ ձանձրալի է: Կը գնանք զրուցելով: Էյ վա՛յ, մօռացայ ասելու, էդ ի՞նչ զահմաթ ես քաշել և ինձ ամօթապարտ ես արել քո՞ ինձ ուղարկած ծխատուփի նւերով: Քոյրդ ինձ յանձնեց ասելով.

– Եղբայրս քեզ նւեր է ուղարկել այս տուփը: Վասնեցի արծաթագործերի սարքածն է:

– Եւ իսկապէս, ի՛նչ սիրուն և անթիկա գործ է: Դրա շինողի մատները միշտ դալար ճիւղի պէս թարմ ու դալար մնան: Թաղումս ցուցադրութեան եմ դրել:

– Զեզ հալալ է, ախպէ՛ր Աւետ, ախսո՛ւս, որ դրանից ատելի լաւը չը կարողացայ քեզ ուղարկել:

Այդ րուպէին կարծես աշխարհի ամենամեծ նւերն էին ինձ տւել: Ուրախութիւնիցս լեզուս կակազի էր ընկել: Բախտ էի բերել, որ առանց երկար սպասելու՝ այդ ազնուահոգի գիւղացուն էի հանդիպել և կէս ժամից մերոնց մօտ էի լինելու:

\*\*\*

Երեք քառորդ ժամ չ'անցած՝ բարեսիրտ Աւետի հետ մենք Գիլիզարդը հասանք: Մայլի ձին, իր տիրոջ նման ուրախ և զարթ, քառատրոփ վագ էր տւել՝ իր հերթին ինչքան կարելի էր շուտ իրեն հարազատ տունը հասնելու համար:

Մենք ուղիղ կանգ առանք մերոնց բնակած տան դռանը:



Ախպեր Աւետը, նորից քրքջալից ու երջանկախինդ, կոկորդի իր ամենազիլ կանչով բղաւեց.

– Ահա՛յ, ահա՛յ, տէ՛ր հայր, Արաքսի՛, վարժապետ, դո՛րս եկէք, շո՛ւտ արէք, տեսէ՛ք՝ ձեզ համար ինչքա՛ն թանկագին հիւր եմ բերել:

Մերոնք, բոլորն էլ համարեայ միաժամանակ, դուրս վազեցին:

Նրանք այսքան շուտ ինձ չէին սպասում տեսնել, թէև իմ գալու վերաբերեալ նրանց տեղեկացրել էի:

Չ՛նայած կարճատև, բայց արտակարգօրէն ինձ ուժասպառ անող իմ հիւանդութիւնից կուչ էի եկել և քամել էի, բայց կարողացայ սայլից ցած թռչել և առաջ փարուել արդէն իմ գիրկը նետուող քրոջս: Հագի նրա գրկախառնումից ու համբոյրներից ազատւած՝ հօրս ու եղբօս գիրկն ընկայ:

Տեսարանը շատ յուզիչ էր: Կարծես երկար տարիների կարօտը մեզ բոլորիս ծարաւատապ արած լինէր:

Ամենից առաջ քոյրս, նկատելով իմ ֆիզիկական ակնբախ մաշեցումն ու դէմքիս շեշտւած գունաթափումը, կանչեց.

– Այս ի՞նչ օրի ես ընկել, ախպէ՛ր, ինչու՞ ես այսքան նիհարել և գունատուել, մի՞թէ հիւանդ ես:

– Ոչինչ, սիրելի՛ս, հիւանդ էի, բայց արդէն անցել է: Մի՛ տխրիր:

Երբ մեր հանդիպման սիրազեղումներն անցան, մենք ներս մտանք: Ես անմիջապէս նկատեցի, որ Գիւլիզարդի գիւղացիներն իրենց հնարատրոն արել են մերոնց բնակարանային հանգստաւէտութեան համար: Նրանք մերոնց տրամադրել էին մի շատ կոկիկ և մաքուր միյարկանի շէնք՝ բաղկացած երեք բաւական մեծ սենեակներից, խոհանոցից և ուրիշ յարմարութիւններից:

– Արաքսի՛ ջան,– առաջին հանդիպած նստարանին գինովցածի մման գլորելով-մստելով՝ ասի քրոջս,– ութ օր է, ինչ քաղցած եմ մնացել: Հիւանդ էի և ախորժակ չունէի: Շատ շնորհակալ կը լինէի, եթէ ինձ համար մեր Վանի թանապուրը պատրաստես: Նոր եմ զգում, որ չափազանց քաղցած եմ:

\*\*\*

Գիւլիզարդ գիւղում՝ մերոնց մօտ, ես շատ արագ կազդուրեցի: Գիւղի գարնանային սքանչելի տեսարանը, վերագարթնող բնութեան նոր-նոր կեանք առնող կանաչ ծիւերն ու ձեան տակից գլուխ բարձրացնող դաշտային ձնծաղիկն ու կանաչը, լեռնային կենսատու օդը, քրոջս ուշադիր և սիրալիր խնամքները, բոլորը միացած, ինձ վերադարձրին իմ նախկին առողջութիւնն ու կենսուրախութիւնը:

Իմ հոգեկան վրդովմունքն ու վիշտը հետզհետէ զիջել էին իմ նոր մտասևեռումին, օր առաջ մեկնել իմ հարազատ և անչափ սիրելի հայրենիքը: Քոյրս, ինձ յիշեցնելով մեր անհանգ-փախուստի ընթացքում մեր կրած անթիւ տանջանքներն ու սարսա-

փալից տագնապները, միշտ աշխատում էր ինձ համոզել հրաժարել Վան վերադառնալու որոշումից:

– Միրելի՛ եղբայր, ու՞ր ես աճապարում,– կրկնում էր նա,– տեսնում ես, այսքան կարգում և տեղեկանում ես, որ դրութիւնը դեռ բոլորովին խառնաշփոթ է: Պատերազմը չի վերջացած: Մեր երկիրը դեռ տաճիկներով շրջապատւած է: Ինչու՞ կամովին, առանց բոլորովին ստիպւած լինելու, քեզ նորից կրակի մեջ ես գցում: Դեռ այդ բոլորը կարծես հերիք չէին, անցեալ օրայ թերթերը, ինչպէս ինքդ կարդացիր, Ռուսաստանի նոր յեղափոխութեան մասին են գրում: Ո՞վ գիտէ, էգուց ի՞նչ է պատահելու: Գոնէ մի քանի օր էլ սպասիր, տեսնենք ի՞նչ է լինելու:

– Արաքսի՛, սիրելի՛ս, այդ լաւ է, որ դու յիշեցիր: Եթէ մինչև հիմա մենք կասկածում էինք ցարական կառավարութեան նեղ քաղաքականութեան համար, ներկայիս այդ կասկածն ու վախը փարատուել է: Յարական կառավարութիւնը, որ մեզ՝ հայերիս սրտանց ատում էր, այլևս գոյութիւն չ՛ունի: Նա տապալւել է և նրան փոխարինել է մի ժողովրդական իշխանութիւն: Այդ կառավարութիւնը խոստացել է ճանաչել Կովկասի ժողովուրդների և նրանց շարքին մեր՝ հայերիս ինքնավարութիւնը: Երբէք մի՛ մտածիր, որ այս կառավարութիւնը կը համաձայնի ձեռքից տալ իր երկրի բազմահազար երիտասարդների՝ արեան գնով նւաճած մեր հայրենի վիլայէթները, մանաւանդ մեր Վասպուրականը, որ իր սահմանների նախադուռն է և ծովածալ Ռուսաստանի ապահովութեան կարևոր պատնէշներից ամենակարևորը: Ինչպէս խոստացած է, Վասպուրականն անպայման հայերին կը տրի:

Սակայն, իմ այս բոլոր ճառախօսութիւնները չէին կարողանում քրոջս համոզել: Երբ նա տեսնում էր ինձ՝ իմ աներեր որոշումիցս յետ պահել չի կարողանում, ճարահատուած բացականչում էր.

– Լաւ, եթէ այդքան համոզուած ես, որ Վանի գլխին նոր փորձանք չի գալու, այն ժամանակ ինձ էլ քեզ հետ տար: Ես էլ ցանկանում եմ իմ հայրենիքը վերադառնալ: Ես էլ կարօտել եմ նրան: Գիշեր չի լինում, որ մեր տունն ու այգին, մեր ծառն ու ծաղիկը, մեր քաղցրահամ պտուղները, մեր կշկշան աղբիւրի անմման ջուրը երագունս չը տեսնեմ:

– Հօրս խոստացել եմ, հասնելուցս անմիջապէս յետոյ, տեղեկանալ դրութեան ու գոյութիւն ունեցող պայմանների: Հայրս էլ հայրենաբաղձութիւնից շատ է տանջուում: Նա էլ օր առաջ վերադառնալ է ուզում: Ինձնից նամակ ստանալուց յետոյ նա անպատճառ կը վերադառնայ: Դու էլ նրա հետ կը գաս:

– Շատ լաւ, այն ժամանակ թէ՛ քեզնից և թէ՛ հօրիցս պատույ խօսք եմ առնելու:

## ՎԵՐԱԴԱՐՉ ԴԷՊԻ ՀԱՅՐԵՆԻՔԸ

1917 թի փետրուարի 26-ի առաւօտեանը, ես Գիւլիզարդից ուղևորեցի Ղարաքիլիսէի կայարանը,

որպէսզի կարողանամ այդ գիշերայ Էջմիածին-Ջուլֆա մէկնող գնացքով և Պարսկաստանի վրայով հայրենիքս՝ Վան վերադառնալ:

Մեր բաժանումը թէ՛ տպաւորիչ և թէ՛ յուզիչ էր: Բացի հայրս, քոյրս, ու եղբայրս, ինձ ճանապարհելու էին եկել գիտապետն ու գիտում աչքի ընկնող անձնատրութիւններ: Բոլորն էլ սրտանց ինձ բարի ճանապարհի մտրթեցին և աստուածային օգնութիւն հայցեցին ինձ համար:

Իմ բարեկամ ախպեր Աւետը կամաւոր զինուորի մնան իրենց և իր սայլն իմ տրամադրութեան տակն էր դրել:

Քոյրս այնքան շատ էր լացել, որ այլևս նրա լացի ակնաղբիւրը ցամաքել էր: Նա ինձնից, ինչպէս միշտ, բաժանել չէր ուզում և խնդրում էր գոնէ մինչև կայարանը գալ: Բայց չգիտեմ ինչու՞, մենք բարոք չը համարեցինք նրա այդ անմեղունակ խնդիրը կատարել: Չ՛գիտեմ ինչու՞ նրա սիրտը յամառօրէն նախազգում էր, որ մենք այլևս չենք կարողանալու իրար տեսնել և, դժբախտաբար, նրա այդ նախատեսութիւնը ճիշտ էր:

\*\*\*

Մեր բաժանումից գրեթէ մէկուկէս ամիս յետոյ ես և հայրս Վանում իրար միացանք: Այգեստանցի հաւատացեալ համայնքի մեր թաղամասի ծխականները մի պատշաճ համախօսականով հօրս խնդրել էին Յանկոյսների եկեղեցում պաշտօնավարելու համար վերադառնալ, և նա սիրով համաձայնել և եկել էր: Մեծ եղբօրս ես հանդիպեցի հէնց Ղարաքիլիսում՝ ամբողջ 11 տարիներից յետոյ, երբ ես պատշաճ յանձնարարութեամբ պարսկահայ հատուածից հայրենիք վերադառնալու կարօտով այրող մարդկանց ներգաղթի շուրջ բանակցելու համար Թիֆլիս եկայ: Եղբայրս ամուսնացել և մէկ սիրունիկ աղջիկ և մէկ շարածճի տղայ ունէր և մեր, հօրս և իմ նիւթական օժանդակութեամբ Ղարաքիլիսում տնատէր էր եղել: Դժբախտաբար, ժամանակի և պայմանների անյաջող դասաւորութեան հետևանքով ինձ չը յաջողեց Գանձակում ապրող իմ մանկութեան, պատանեկութեան և երիտասարդութեան շրջանների ամենասիրելի և միակ քրոջս՝ Արաքսուն տեսնել, որ նոյնպէս ամուսնացել և մէկ տղայ ու երկու աղջիկ էր ունեցել: Այդ ժամանակ իմ դժբախտ եղբայր Արմէնը մեռել էր արդէն, իր կեանքի 35 ամեակը հազիւ լրացած:

Վան վերադառնալուս այդ օրը մենք բոլորովին անտեղի ու անիրաւացի մերժեցինք քրոջս՝ մինչև Ղարաքիլիսի կայարանը ինձ ուղեկցելու գալը: Այդ պարագան շատ երկար ժամանակ սրտիս դարդ ու ցաւ եղաւ: Հայրս ու եղբայրս եկան ինձ ուղեկցելու և ժամերով սպասելուց յետոյ Էջմիածին-Ջուլֆա մէկնող գնացքում ինձ հետ ջերմագին ողջագուրելով՝ Գիւլիզարդ վերադարձան սայլապան Աւետ ախ-

պօր հետ, որն անսահման սիրալիրութեամբ, գեղեցիկ ձեռագործով նկարագարուած մի փոքր բարձ ինձ նւիրելով՝ ասաց.

– Երբ բեզարած կը լինես, հանգստանալու համար, գլխատակդ կը դնես և ինձ կը յիշես:

Ղարաքիլիսից երկաթուղային գնացքը դէպի Էջմիածին-Ջուլֆա ճանապարհ ընկնելուց յետոյ ուղեցի ստուգել գրպանումս մնացած հարստութիւնս: Միայն 45 ռուբլի էր մնացել:

Մեկնելուցս առաջ Արաքսուն 50 ռուբլի էի տւել, որ մերժում էր ստանալ՝ ասելով՝ երկար ճանապարհ ես գնում և քեզ պէտք կը գայ: Բայց նախօրօք՝ Թիֆլիսից մեկնելուց առաջ, ես իմ ամբողջ մէկուկէս տարայ ընթացքում խնայածս ռոճիկի մնացորդի 90 տոկոսը հիւանդ եղբօրս էի թողել՝ համոզուած լինելով, որ նա այդ դրամին ինձանից աւելի կարիք ունի:

\*\*\*

Գնացքում, բոլոր ուղևորներից անյադորդ և կանոնի մեկուսացած, վերլուծման և քննութեան ենթարկեցի իմ վերադարձի պատճառները: Նազագոյն կասկածը չ՛ունէի, որ այդ պատճառների ամենահիմնականը իմ հայրենասիրութիւնն էր, որ հայրենակարօտի ծայրահեղ աստիճանին էր հասել: Նրանից յետոյ իմ, այսինքն՝ մի երիտասարդ հայի յառաջադիմութեան ձգտումի ծարաւը և ի վերջոյ այն համոզումը, որ ես կամաւոր զինուորի մնան խոտացել և վճռել եմ հայրենիքիս ազատագրման, վերածնունդի և անկախ կեանքի համեստ ախտեաններից մէկը դառնալ:

Իմ վերադարձը հանդիպում էր Կերենսկու փետուրաբեան յեղաշրջմանը: Ինչպէս բոլոր իրաւագրկած և տառապած հայերը, ես էլ մտածում էի, որ ցարական իշխանութեան տապալումով հրապարակ է եկել մի կառավարութիւն, որը խոստացել է ճանաչել Հայ ժողովրդի ազատութեան իրաւունքը և նրան կը պաշտպանի տաճիկ հայակեր կառավարութեան վանդալիզմի դէմ: Օրօրում և ոգևորում էի, ինչպէս ուրիշ շատ-շատերը, այնպիսի յոյսերով, որոնք, դժբախտաբար, նորից յանգեցին նախկին ցարական խաբէութեանն ու նենգութեանը: Այս վերջին պարագան, ինչպէս բոլոր հայ բազմութիւնները, այնպէս էլ ես նախատեսել չէի կարող:

Այդ բոլոր խառնիխտուն մտորումներից ամենաճիշտն ու ամենաիրականը այն էր, որ ես վճռականօրէն գնում էի Վան-Այգեստանը՝ այդ իմ գեղեցիկ և նւիրական հայրենիքը, որն ինձ տանում ու քաշում էր, և գնում էի մի ուրիշ, շատ աղօտ յոյսով, որ թերևս կը գտնեմ գուցէ հրաշքով ազատուած իր հօր մօտ, նրա՝ ինձ համար դիւթական երազ դարձած և ինձ անվերջ ու անդադար առիւնքնող և հմայող Անուշ աղջկանը:

Գրքիս այս երկրորդ հատորը նւիրում եմ իմ երկու մանչ զաւակների՝ Լևոն և Յարութին Սարհաղեանների երեք, և միակ աղջկաս՝ Մէդիկ Յարութինեանի չորս երեխաներին՝ իմ եօթը բռններին:

Միաժամանակ, մասնակից լինելով հոշակատոր բանաստեղծի օրհնութեան, նրա հետ միասին բացականշում եմ.

«Ապրէ՛ք, երեխէ՛ք, բայց մեզ պէս չապրէ՛ք»:

ՀԵՂԻՆԱԿ

## Հատոր Բ ՅԱՌԱՋԱԲԱՆ

«Կեանքիս յուշերից» գրքիս առաջին հատորի հրատարակութիւնից անմիջապէս յետոյ թեիրանահայ ընթերցողներից և մանաւանդ բարեկամ-ծանօթներից ջերմագին շնորհատրանքներ և քաջալերանքներ ստացայ: Մի քանի ամիսներ յետոյ Սփիւռքի տարբեր շրջանների հայրենակիցներից և մասնատրապէս գրագէտներից ու մտատրականներից բազմաթիւ շնորհատրանքներ ու քաջալերական նամակներ ստացայ: Նրանք ինձ շնորհատրում էին գրքումս արտայայտուած պարզ, հարազատ և մանաւանդ անկողմնակալ յուշերիս և նկարագրութիւններիս համար:

Այս առիթով խորին շնորհակալութիւններս եմ յայտնում բանաստեղծ Դևին (պր. Մարգար Ղարաբէգեան)՝ գիրքս արտասահմանում տարածելու գործին բերած իր թանկագին աջակցութեան համար:

Մենք՝ հայ ժողովրդի զաւակներս, մանաւանդ առաջին պատերազմի ընթացքին և դրանից յետոյ, բազմաթիւ առիթներով ենթարկել ենք կոտորածների, տառապանքների և այլ զրկանքների ու ստորացումների: Ինչպէս ես, ինձ հետ նաև ուրիշ հարիւր հազարատր հայեր, ցանկութիւն և ձգտում ունեն հասնելու այն երջանիկ օրան, երբ մեր շինարար և ստեղծագործ ազգին պարտադրուած իրաւագրկումները սրբագրութեան կենթարկեն, և մեզնից ամէն տեսակ բռնութեամբ կորուած հողամասերը նորից մեզ կը վերադարձուն:

Մեր այս նւիրական և երջանիկ նպատակին հասնելու միակ միջոցը մեր ազգային ճիգերի և ձգտումների միատրումն ու միատեղումն է: Մեր ազգային միութիւնն ու միասնականութիւնը մեր փրկութեան միակ ճանապարհն է: Մենք՝ հայերս, մեր բոլոր մասնատր, հատուածական, նոյնիսկ կուսակցական շահերը պիտի զոհենք մեր ազգային շահերին՝ յանուն մեր նախահայրերի ամբողջական և լրիւ հայրենիքի: Հարիւր հազարատր սրտացաւ հայրենակիցների նման ես էլ, գրքիս վերջաբանով, բոլոր հայերին պիտի հրաւիրեմ աներեր կամքով և ազնիւ մարդու պատուոյ խօսքով իրականացնել հայ ժողովրդի օրայ նշանաբանը.

«Հայ ժողովուրդ, քո փրկութիւնը քո միութեան մէջ է»:

ՍԻՐԱԶ ՍԱՐՀԱԴԵԱՆ

## Մաս Ա

## ՎԵՐԱԴԱՐՁԻ ՆԱԽՕՐԵԱԿԻՆ

1917 թի փետրուարի 27-ին՝ առաւօտեան, մեր գնացքը Էջմիածնի կայարանում կանգ առաւ: Մտածում էի մինչև Ջուլֆա գնալ: Ծամբորդներին յայտնել էին, որ երեք ժամից յետոյ կառաջարը մեկնելու է Ջուլֆա: Ժամանակ ունէի: Իջայ կայարանը՝ յոյս ունենալով ծանօթ հայրենակիցների հանդիպելու և խորհրդակցելու վերադարձի ճանապարհի ընտրութեան համար:

Ինձ ասել էին, որ ներգաղթողները Վան-Վասպուրական վերադառնալու համար ընտրում են կա՛ն Ջուլֆա-Խոյ-Արճակ-Ճանիկ և կա՛մ Էջմիածին-Իգդիր-Բերկիր-Թիմար ճանապարհը:

Էջմիածնի կայանը լեփ-լեցուն էր: Չարմանալու ոչինչ չկար: Պատերազմի տարիներին իմ տեսած բոլոր կայարանները՝ զանազան տիպի ճամփորդների բազմութեամբ խճողած էին: Մի ժամից ատելի մտամոլոր և հրմշտկելով ճամփայ էի բացում ինձ համար և առաջ ու յետ էի շարժում: Յանկարծ ինձ իմ անունով մի քանի անգամ կանչող ձայն լսեցի: Մինչ շփոթած ու սրտատրոփ ինձ կանչողին էի որոնում, բազմութիւնը ճեղքելով՝ կարողացաւ մօտենալ և ինձ հետ գրկախառնել իմ ամենասիրելի ընկերներից մէկը՝ Հրանդ Դարբինեանը:

– Սա ի՞նչ հրաշք է,– համարեա միաժամանակ դուրս թռաւ մեր երկուսիս բերաններից:

Հակառակ խռնած բազմութեան ճնշումներին՝ մենք ցանկութիւն չունէինք մեր գրկախառնումից անմիջապէս հրաժարել:

– Հրանդ, իմ սիրելի՛ Հրանդ, իսկապէս որ սա հրաշք է,– ասացի:

– Հրաշքների հրաշքն է սա, իմ անմահն ընկեր,– պատասխանեց Հրանդը:

– Ի՞նչ գործի վրայ ես այստեղ, Սիրաք:

– Իսկ դու ինչու՞ համար ես այստեղ եկել,– հարցրի ես:

– Եթէ ասեմ, որ երկուսս էլ միևնոյն նպատակով ենք այստեղ եկել, կարծեմ սխալած չեմ լինի,– պատասխանեց Հրանդը:

– Իսկապէս, սիրելի՛ Հրանդ, ուզու՞մ ես Վան վերադառնալ:

– Իսկ դու՞, մի՞թէ Վան վերադառնալու համար չես եկել այստեղ:

Մենք՝ երկու չափազանց մտերիմ և սիրելի ընկերներս, աճապարեցինք մի բուպէ առաջ կայարա-

նի հրող և հրմշտկող խաժամուժից դուրս պրծնել, մի ատելի հանգիստ անկիւն ճարելու համար: Առաջին նահանջից յետոյ 20 ամիս էր, որ մենք իրարմէ բաժանել և իրար մասին ամենափոքր տեղեկութիւն չէինք ունեցել:

Կայարանից դուրս և նրան կից ծառուղու եզերքին փայտեայ հին ու խարխլած մի երկար նստարան ճարելով՝ նստեցինք: Արևոտ օր էր, և օդն էլ՝ հաճելի: Գարնանային թարմ խոտի բուրմունքը տարածել էր ամենուրեք:

Տարիների ընթացքին Վանում Հրանդն ու ես եղել էինք շատ մտերիմ և գաղափարի անշահախնդիր ընկերներ: Նիւթական փոխադարձ ակնկալութիւն էլ չէինք ունեցել: Ասեմք Հրանդը դրա կարիքն էլ չունէր, քանի որ նրա ընտանեկան ու տնտեսական պայմանները բաւական բարոք վիճակում էին: Իսկ ես չափազանց ամաչկոտ էի նոյնիսկ նման ակնկալութեան միտքն ունենալու համար:

– Սիրաք, ի՞նչն է քեզ ստիպում Վան վերադառնալու,– հարցրեց ընկերս:

– Ի՞նչն է ստիպում ինձ, բաւական դժար է դրա պատասխանը: Եթէ մի ուրիշը լինէր հարցնողը, հաւանաբար ես տատանէի դրա ճիշտ պատասխանը տալու, բայց, սիրելի՛ Հրանդ, պէտք է, որ քեզ հետ, ինչպէս միշտ, ներկայիս էլ անկեղծ լինեմ և ճիշտ պատասխանը տամ: Գուցէ դու էլ մինչև հիմի նկատած լինես, որ ես միապաղաղ կեանքը չեմ սիրել: Թերևս այնքան էլ համեստութիւն չի լինի ասել և խոստովանել, որ ինձ ճանաչելուց և գիտակցութեան շրջանը մտնելուց ի վեր, միշտ ցանկացել եմ յառաջ նետուել, մարդ դառնալ, սովորական անհատից թէկու՞ մի աստիճան բարձր լինել: Գիտեմ, որ սա մի տեսակ եսասիրութիւն է, բայց ի՞նչ կարող եմ անել: Մարդիկ նոյն բնատրութեան և միևնոյն հասկացողութեան տէրը չեն: Մի գուցէ այս բնատրութիւնը կամ ձգտումը մի օր ինձ վատ օրի զցի կամ նոյնիսկ բողբոջի խորտակի, քանի որ ընդհանրապէս ընդունած է այն գաղափարը, որ շատ վազողը շուտ կը յոգնի: Բայց կարծում եմ և ատելի շատ համոզում եմ, որ ձգտում, յառաջադիմութեան ձգտում չունեցող մարդը պէտքական չէ, անպէտքութիւն է: Ատելի լաւ է չլինել, քան սովորական, հասարակ մարդ լինել: Սիրելի՛ ընկեր, եթէ սովորական կեանքով և ապրուստով բաւարարել ուզէի, բոլորովին կարիք չկար նորից կեանքս փորձանքի և արկածների ենթարկելու,

քանի որ Թիֆլիսում սովորական մարդու կեանքն ինձ համար արդեն ստեղծել էի, և հաւանաբար ինձ կը յաջողէր սովորականից մի աստիճան աւելին դառնալ, բայց այն սպասումն ու ակնկալութիւնը, որն ինձ համար ենթադրում են ունենալ իմ հայրենի երկրում, իմ հարազատ հայրենիքի հորիզոնի տակ, շատ աւելի հաւանական է թոււմ, քան օտար և խորք միջավայրում: Այո՛, սիրելի՛ս, մի տարի աւելի ժամանակամիջոցում դառնութեամբ կարողացայ ճշտել օտար միջավայրի խորքութիւնը: Թիֆլիսում՝ Վրաստանի այդ չքնադագեղ մայրաքաղաքում, կաշիս վրայ սպանող ճնշումով զգացի այդ խորքութեան դառնութիւնը: Եղբայրս և ուրիշ շատեր ինձ ասում էին, որ Թիֆլիսում վրացին ու հայը միևնոյն են, զանազանութիւն և խտրութիւն գոյութիւն չունի: Նոյնիսկ այդպիսի խտրութիւն փնտրողին մեղադրում և այպանում են: Բայց դա բոլորովին ճիշտ չէ: Կեղծ ինքնախաբէութիւն է:

Շուրջ մի տարի, մի ազնիւ հայի բացառիկ պաշտպանութեան շնորհիւ, ինձ յաջողեց Թիֆլիսի էլէկտրաքարշի վրայ տոմսավաճառների ստուգիչի պաշտօնն ունենալ: Տոմսավաճառներն ինձ ատելով ասում էին, որովհետև վրացի չէի և մանաւանդ որ իրենց հետ վրացերէն չէի խօսում, քանի որ չգիտէի: Յաճախ զգուշանում էի հայերէն կամ ռուսերէն խօսելու: Քանի անգամներ այդ վրացի տոմսավաճառներից և կոնդուկտորներից կծու դիտողութիւն են ստացել վրացերէն խօսելու համար:

Անկեղծ լինելու համար ստիպւած եմ խոստովանելու, որ եթէ վրացիների այդ կծու շովինիզմն ու խորքութիւնը հոգիս չը չարչրկէին, գուցէ չը վճռէի հայրենիք վերադառնալ:

Թիֆլիսում հրատարակուող հայերէն թերթերից տեղեկացել էի անցեալ 1916 թի յունիսի և նոյեմբերի երկրորդ և երրորդ նահանջների մասին: Առաջին աղէտալից նահանջի դառնութիւններն ու տառապանքները ճաշակած հայը, որից երկուսը մենք երկուսս ենք, հեշտութեամբ չէր կարող համաձայնել նորից Վան վերադառնալ:

Մենք հրաշէկ ու այրող լաւաներ ժայթքող Վան-հրաբուխի ստորոտն ենք վերադառնում, որովհետև նրան գերագնահատում ենք օտար երկրների խորքութիւններով լի հանգստաւէտ կեանքից:

Մի պահ ընդհատեցի խօսակցութեանս ընթացքը: Ասելիքներ շատ ունէի, բայց յուզումնալից ապրումներս ժայթքում և կոկորդս խցկում էին: Հրանդն ըմբռնեց յուզումներիս պլեկոծումը և շտապեց ինձ հանգստացնել: Նա շատ հանդարտ սկսեց ինձ պատասխանել.

– Սիրելի՛ Սիրաք, դեռ Վանում, մեր ուսանողական միութեան շարքում ճանաչել և կարողացել եմ գնահատել քո յառաջադիմական ձգտումները: Յիշում եմ մանաւանդ տագնապալից և խուճապահար մեծ նահանջից առաջ՝ վերջին մէկ տարւայ ընթացքում, ի գործ դրած քո բոլոր ջանքերը մեր երիտա-

սարդ ընկերների մտային և մշակութային ընդհանուր զարգացման գործում:

Միանգամայն իրաւացի ես, եթէ համոզւած ես, որ մարդս, մանաւանդ իր երիտասարդ հասակում, պիտի ձգտի սովորականից աւելի բարձրանալու, ուրիշ խօսքով հնարատրութեան սահմաններում կատարեալ մարդ դառնալու:

Եթէ բախտի բերմամբ և մեզ շրջապատող արտաքին պայմանների յաջող դասատրութեամբ մեր ժողովրդին՝ Վասպուրականի մեղաջան և ստեղծագործ հայ զանգւածին, դիւրութիւն և հնարատրութիւն տրի նորից իր հայրենիքում ազատ ապրելու, համոզւած եմ, որ մի քանի տարւայ մէջ վասպուրականցին հայ ժողովրդի փառքն ու պարծանքն է դառնալու, և քեզ նման յառաջադիմութեան ծարափ երիտասարդները, իրենց տոկուն և չարքաշ աշխատանքով, այդ պարծանքի սիւներն են կազմելու:

\*\*\*

Երկու ընկերներս որոշեցինք, նախքան մեր վերադարձի ճանապարհի ընտրութիւնը, իսկոյն ևեթ ձեռնարկել երկու ճանապարհներից մէկի հեշտութիւնն ու առաւելութիւնը ստուգելու: Այդ նպատակով կայարանում ջանացինք գտնել ներգաղթել ցանկացող հայրենակիցներից մէկն ու մէկին: Կայարանի խճողումն ու խառնաշփոթը հնարատրութիւն չտեց նպատակին հասնելու համար:

Կայարանից դուրս գալով՝ սկսեցինք շրջել մերձակայքը: Շուրջ մէկուկէս ժամայ թափառումից և ստուգումից յետոյ, երբ արդէն յոգնած ուզում էինք Էջմիածին վերադառնալ, մի մարդու հանդիպեցինք: Նրան ընկերակցում էին երկու երեխաներ և գլխին լաչակ գցած մի կին: Հրանդը, մի քանի քայլ ինձանից առաջ ընկնելով, դիմաւորեց և անվարան սկսեց հայերէն խօսել.

– Բարով ձեզ հանդիպելուս համար, ինձ թոււմ է, որ դուք մեր հայրենակիցներից էք: Յառաջ բարի:

– Բարով էլնէք: Մենք վանեցի ենք: Ալիւր գեղից: Երևանէն Էջմիածին իզանք Վան էրթալու: Գաղթական կոմիտէն մեզ մէ քիչ փող ու պարէն տեց և խրատաւ, ինչքան կարող ենք շուտ, մեր գեղը վերադառնալ: Մեր հարևաններէն մէկ քանիսը երկու շաբաթ առաջ Իգդիրի ճամփով մեր գեղն են գնացած: Անպատճառ խասած կէլնեն: Մեզ խոստացած են գեղը հասնելուն պէս խոփ, գութան, լծկան եզներ, սերմացու ցորեն, ալիւր, էլ ինչ գիտնամ ամէն ինչ տալ և օգնել մինչև խունձքը:

Մարդը, մի րոպէ շունչ առնելով, շարունակեց.

– Դէ մենք էլ էս քանի ժամանակ անգործ ենք մնացած: Օլուղ-չօճուղով շատ դժուարի օտար տեղեր եօլա էրթալ, ապրել: Մենք էլ յոյսն Աստոնյ՝ ասանք մեր երկիր էրթանք: Եթէ մեռնելու ենք, մեր խօրենական տան մէջ, մեր օջախի կշտին մեռնենք:

Է՛հ, պարո՛ն, չես խասկնալ, թէ մեր գեղցիների համար ինչքան դժար ու անտանելի է էսպէս օտարութեան մէջ ապրել: Էսքան մեր օրից անցածի, քառասունէն աւելի տարիք ունեմ: Էսպէս ներութիւն ու տառապանք, որ մենք էս մէկուկէս տարւայ մէջ տեսանք, Աստուած մեր դուշմանին դամաք չանի:

Մարդը, իմ ներկայութեանն էլ անդրադառնալով և գլուխն օրօրելով, վշտալից շարունակեց.

– Բայց զուր եմ գլխներդ ցաւցնում, պարոններ, դուք գաղթական չէք և մեզ նման անբախտ գաղթականների վիճակն երբեք չէք կարող իմանալ և անոնց դարդն ու ցաւը խասկնալ:

– Չուր էք կարծում, որ մենք գաղթական չենք,– իմ հերթին խօսակցութեանը միջամտելով՝ աշխատեցի մեր տառապակոծ գիտացի հայրենակցին սփոփել:

– Մենք էլ ձեզ նման վասպուրականցի և գաղթական ենք: Տարբերութիւնը միայն նրանումն է, որ մենք ձեզմից մի քիչ աւելի երիտասարդ ենք և ձեզ նման ընտանիքով ծանրաբեռնած չենք:

– Մեզ համար բոլորովին հասկանալի է, որ օտարութեան մէջ ձեզ նման ընտանիքների համար չափազանց անտանելի են եղել կեանքի և ապրուստի պայմանները: Դուք որ ձեր ամբողջ կեանքում օտարի օգնութեան կարիք չէք ունեցել և ձեր քրոջիքի ու հալալ աշխատանքի շնորհիւ ձեր գիւղում, մեր երկրում, ամէն ինչ ունեցել էք, շատ պարզ ու հասկանալի է, որ օտարութեան և անգործութեան մէջ դժբախտ ապրուստ և սև օրեր էք ունեցել: Դեռ հրաշք է, որ կարողացել էք տոկալ այդ թշուառ պայմաններում և գոնէ ողջ մնալ:

Դիպածաբար մեզ հանդիպած ընտանիքը թշուառութեան և անսահման զրկանքի մարմնացումն էր: Ընտանիքի անդամները ցնցոտիներով ծածկւած էին: Ամուսինները միմեք և կմախքացած դէմք ունէին, երեխաները՝ մէկն աղջիկ, իսկ փոքրը՝ մանչ, 7-10 տարեկան հասակում, նոյնպէս դժգոյն և թառամած դէմք ունէին: Նրանց երկուսի հայեացքներն էլ թախանձագին օգնութիւն աղաչող և սարսուռեցնող տպաւորութիւն էին ներգործում: Մեր խօսակիցը՝ այդ թշուառ ընտանիքի հայրը, իմ խօսքերի վերջաբանից կարծես չափազանց ազդւած, աջ ձեռքի փոխով իր երեսն ի վար գլորող արցունքի կաթիլները սրբելով, պատասխանեց.

– Է՛հ, պարո՛ն, ի՞նչ ողջ մնալ... Եթէ ողջ մնալը էսպէս պիտի էլնի, շատ աւելի լաւ կէլնի, որ բոլորովին չէլնի: Երանէլ չէր էլնի, որ ես ու իմ օլոր չօլուղը, հօրս ու մօրս հետ մէկտեղ, կամ էնոնցից մէ քիչ յետոյ, մեռած ու ազատւած էլնէինք էս անիրաւ ու բեմուրազ աշխրբից:

Հրանդն ու ես, խորապէս ազդւած այս իրապէս թշուառ, յուզող և արտասուաբեր հանդիպումից, աշխատեցինք մի կերպ հանգստացնել մեր դժբախտ հայրենակցին, նրան խոստացանք հնարաւոր օգնութիւն անել, եթէ կամենայ իր ընտանիքով, մեզ

հետ վերադարձի ճամփորդակից լինել:

Մեր առաջարկած օգնութեան համար շնորհակալ լինելով՝ մեծ ափսոսանքով յայտնեց, որ նա ստիպւած է մէկ-երկու օր սպասել իր և կնոջ ազգականներին, որպէսզի բոլորը միասին իրենց հայրենի գիւղը վերադառնան:

Վան վերադառնալու մտադրութեամբ մեր երկու խիստ մտերիմ ընկերներիս հանդիպումը բացառիկ բարեբախտութիւն համարելով՝ կայարանից Էջմիածին վերադարձանք և այդ օրը հանգստանալու յատկացրինք:

Էջմիածնի ներգաղթի մարմնի քարտուղարի հետ խորհրդակցելուց յետոյ վճռեցինք յաջորդ օրը՝ առաւօտեան շատ կանուխ, Իգդիրի գծով Վան մեկնել:

### ՄԵՐ ԾՆՆԴԱՎԱՅՐՈՒՄ. ԱՌԱՋԻՆ ՏՊԱԽՈՐՈՒԹԻՒՆ

1917 թի մարտի 5-ին՝ կէսօրից յետոյ ժամը 4-ին, Հրանդի հետ միասին ժամանեցինք մեր սիրելի Այգեստանը: Բախտի բերմամբ մեզ յաջողեց Իգդիրից մինչև Բերկրի գինտրական մի ֆուրգոնով ճամփորդել: Բերկրից մինչև Արճակ ստիպւած եղանք փոխսփոխ և գիւղից գիւղ, երբեմն էշով, ձիով, սայլով և երբեմն էլ ոտքով ճամփորդել: Արճակից Վան եկանք Հայկական գիւղատնտեսական միութեան ֆուրգոնով, որ պարապ էր վերադառնում գիւղացիներին յատկացւած և նրանց համար շատ թանկագին բեռը՝ գութան, արօր և սերմացու ցորենն ու գարին, դատարկելուց յետոյ:

Շուրջ երկու տարի առաջ մեր թողած անմահ Այգեստանը մեր սրտերը լցրել էր անսահման հրճանքով, բայց չափազանց տխուր և անմխիթար եղաւ մեր առաջին տպաւորութիւնը:

Ոճրագործ դիւային ձեռքերը բաւական չէր, որ մեզ մեր ազիզ հայրենի քաղաքից երկու տարի առաջ բռնութեամբ վտարել էին, մեզմից յետոյ իրենց սատանայական հրճանքին յագուրդ տալու համար այրել և քարուքանդ էին արել Այգեստանի գլխաւոր փողոցի՝ Մրդգայ պողոտայի և հարևան կարևոր փողոցների բոլոր շէնքերն ու տները, ըստ երևոյթին իրենց ապագայ վերադարձից բոլորովին յուսահատ:

Հռչակաւոր և գեղատեսիլ մեր Այգեստանը նմանում էր իր հարազատ զաւակները թաղելուց յետոյ սև շորերը պատառոտած, մազերը զգզւած, դէմքը ճանկոտուած և լաց ու ողբից կմախքացած, կիսակենդան ու շաքանման, հազիւհազ շարժող մի սգորի: Մշտադալար և երկնասլաց ծառերից շատերը չորացած, իսկ մնացածը թառամած էին: Ջնգան աղբիւրների սրընթաց վազքը՝ դանդաղած, և նրանց առունների եզերքները տղմակալած և մամոտած էին:

\*\*\*

Անտէր ու անտէրունչ էր եղել մեր դրախտա-  
ման Այգեստանը: Օդում ցցած, այրած և քարու-  
քանդ եղած տների սևացած պատերի գլխին թառել  
էին սև ազաւներ և իրենց ողբալից դառ-դառներով  
մեր սրտերը ճնշում ու ճմլում էին: Փողոցներում թա-  
փառող կմախքացած շներն իրենց կատաղի մոռոց-  
ներով և արիւնալից ընդհարումներով իրար ճանկե-  
րից մի սզլտած ոսկորի կտոր էին խլում: Անտէր և  
սովալլուկ կատուներն այս կիսափուլ տնից մի ուրիշ  
աւերակ էին թափառում: Կենսարար զեփիւնն ու  
կանաչների հոտաւետ բուրմունքն անհետացել  
էին...:

Ի տես այս ողբալի վիճակափոխման և սրտա-  
ճնկիկ համայնապատկերի՝ սիրտս ու հոգիս այրել,  
կիզել սկսեցին: Վրիժալից անէծքը կատաղի ջրվե-  
ժի շառաչուն ալիքներով յորդել սկսեց.

– Անիծած լինե՛ս և միշտ թշուռ ու դժբախտ  
մնա՛ս դու՝ մեր ազգի նամարդ թշնամի, դու՛, որ քո  
արիւնարբու նախահայրերից բացի սրածութիւն,  
քանդում, վայրագութիւն և վանդալիզմ, ուրիշ ժա-  
ռանգութիւն չես ունեցել և չես էլ կարող ունենալ:  
Դու արեան ճապարհի մէջ խեղդեցիր մեր խիզախ և  
անվեհեր քաջերին իրենց հազարաւոր տարիների  
հայրենիքում, իր դարերի շէնշող օջախներում: Դու  
կոտորեցիր մեր հերոս գաւակներին Ս. Բարդուղի-  
մէոս վանքի, Բագի-Դաղի ու Գարահիսարի լեռնե-  
րում, Շաբին-Գարահիսարում, Մուշի և Սասնոյ  
բարձրաւանդակներում, Ուրֆայի և Մուսա լեռան  
կատարներում, դու նրանց խեղդամահ արիր Ադա-  
նայում և Պոլսում, դու նրանց բանտերում և աքաղաղի  
մէջ հազարներով կոտորեցիր, բայց քեզ չյաջողեց  
և երբեք էլ չի յաջողելու խեղդամահ անել և բնա-  
ջնջել հայ ժողովրդին, այն ազգին, որ ունեցել է իր  
նախահայր Հայկի, Մեծն Տիգրանի, Վարդան զօ-  
րավարի, Սասունցի Դաւթի, Անդրանիկի և նրանց  
ման հազարաւոր հերոսներ:

Հայ ժողովուրդը հազարաւոր տարիներ շարու-  
նակ պայքարել է քեզ նման թշնամիների դէմ և կա-  
րողացել է տոկալ, դիմադրել և ի վերջոյ յաղթահա-  
րել նրանց և իր գոյութիւնը պահել ու պաշտպանել:  
Ոչ մի կասկած, որ նա կը շարունակի ապրել, գոյա-  
տնել և ի վերջոյ տիրանալ իրենից յափշտակուած,  
բռնագրաւած հողին ու ջրին, իր պապերի արիւնով  
յազեցած և ուռճացած հայրենիքին:

Հայ ժողովուրդը կը շարունակի ապրել, թէկուզ  
միլիոն անգամ կոտորածի, սրածութեան և խող-  
խողման ենթարկի: Գոյատնելու ընդունակութիւնը  
նրա մէջ անկապտելի ու գերբնական մի պարզ և,  
որ փիւնիկեան թռչունի նման մոխիրների կոյտերի  
ներքևից վերածնունդ և երկնային թռիչքներ է  
կատարում:

## ՄԵՐ ՈՐԲԱՅԱԾ ՏՆԵՐՆ ՈՒ ԱՅԳԻՆԵՐԸ

Երկու տարիների անտէր-անտիրական վիճակը  
լրացրել էր թշնամու կատարած աւերածութիւնը:  
Այգեստանի երկրորդ և երրորդ կարգի տներն ու շի-  
նութիւնները Վանի երկամեայ խստաշունչ ճմեռնե-  
րի ձիւն ու անձրևի և անտէրութեան հետևանքով  
մեծ մասամբ խարխլած կամ քանդուած էին:

Այդ կարգի տներիցն էին նաև մեր և Հրանդենց  
տները: Սրտի կակիծով տեսայ մեր տան կիսաւեր  
վիճակը: Մեր մեծ և կանաչագեղ այգին իր բազմա-  
թիւ և բազմատեսակ պտղատու ծառերով համարեա  
չորացել էր:

Եթէ Հրանդից չամաչէի, կը նստէի իմ ամենասի-  
րած ծիրանու ներքև և երկար կարտասուէի մեր ըն-  
տանիքի ուրախութեան ու երջանկութեան օջախն  
այսպէս քարուքանդ անելու, չորացնելու և ամայաց-  
նելու համար:

Չէ՞ որ, ինչպէս մեր պապերի ու մամերի և նրանց  
երեխաների, այնպէս նաև մեր ընտանիքի, մանա-  
ւանդ իմ ու քրոջս ամենամեծ բաւականութիւնն ու  
հրճանքը մեր կանաչագարդ ու պտղառատ այգին  
և մեր ընդարձակ խաղողի թուփերն էին եղել: Չէ՞ որ  
մեր զբօսանքի, հանգստեան և ինքնամոռացման  
ամենասիրելի վայրը մեր գեղեցիկ և հարազատ  
այգին էր:

Սրտի անհուն կակիծով տեսնում էի, որ մեր ման-  
կութեան գորգուրանքի և հրճանքի օջախը  
քանդել, չորացել և ողբալի վիճակի է մատնել:

Քիչ տարբերութեամբ, համարեա միևնոյն վիճա-  
կումն էր նաև Հրանդենց տունն ու այգին, քանի որ  
Հրանդենց տունն ու այգին աւելի հիմնաւոր և ամուր  
էր շինուած, աւելի քիչ էր տուժել անտէրութիւնից և  
բնութեան աւերմունքից:

Նկատի ունենալով, որ Հրանդենց տունը Նորա-  
շեն կոչուած փողոցի շարունակութեան վրայ էր ըն-  
կել և Այգեստանը (Վանը) վերակազմող վարչու-  
թեան հիմնարկութիւններին աւելի մօտ էր, երկու ըն-  
կերներով համաձայնեցինք ժամանակաւորապէս  
այնտեղ ապրել: Ասենք, ուրիշ կերպ էլ չէինք կարող  
վարել: Ամայացած, կիսաքանդ և տխրատեսիլ մեր  
օջախներից որևէ մէկում երկու ընկերներիս անջատ  
ապրելը հոգեմաշ պիտի անէր մեզ:

Հրանդն ինձ բացատրեց իր՝ Վան վերադարձի  
պատճառն ու գործադրելիք ծրագիրը: Նա ինձ  
նման օդային և երազային ծրագիր չունէր: Մինչդեռ  
ես վերադարձել էի ինձ համար յառաջադիմութեան  
ասպարէզ փնտրելու և դիրք ապահովելու նպատա-  
կով, նա եկել էր տեղի իրական դրութիւնը ճշտելու և  
ազատ ասպարէզի ու գործի հնարաւորութիւններն  
ուսումնասիրելու համար:

– Միտելի՛ ընկեր, – մեր Վան հասնելու հէնց առա-  
ջին գիշերը Հրանդն ինձ ասաց, – աւելորդ է քեզ  
նման ընկերից գաղտնի պահել իմ ծրագիրը: Հօրս  
թելադրութեամբ այստեղ վերադարձայ իրական վի-

ճակն ստուգելու համար: Գիտես, որ հայրս կերպասեղենի առևտրական է և գործի մարդ: Նա իմ մօր, քրոջ և գուցէ ինձ նման հայրենաբաղձութեան ուժեղ զգացման ենթակայ մարդ չէ: Նա ապահով վայր և պայմաններ է փնտրում իր գործը շարունակելու համար: Եթէ կատարելապէս չհամոզվի մեր ծննդավայր Այգեստանի ապահով վիճակի և շուկայի կայունացման մասին, այլևս Վան չի վերադառնայ և ինձնից էլ խոստում է առել նորից Երևան վերադառնալու համար:

## ՄԱՐՕԻ ՏԱՆԸ

Ընկերոջս դժարութեամբ համոզեցի ինձ հետ միասին տեսակցութեան գնալու Գրիգոր Բուլղարացուն և Աւետիս Թերզիբաշեանին: Երկուսն էլ այդ օրերի հասարակական կեանքի գործոն և գլխաւոր անձնաւորութիւններից էին:

Նպատակայարմար համարեցի Բուլղարացուն իր տնում, իսկ Թերզիբաշեանին իր հիմնարկութեան մէջ այցելելու: Մեծ յոյս ունէի Գրիգորի տանը հանդիպելու նաև Մարօին՝ մանկութեան իմ ամենասիրելի և թանկագին բարեկամին:

Տեղեկացայ և հեշտութեամբ ճարեցի Բուլղարացու բնակարանը: Իմ մտքում հաշիւեցի, որ ամենայն հաւանականութեամբ նրան աւելի հեշտ է առաւօտեան կանուխ տանը հանդիպել:

Տասնհարածեան մաուզերը գօտուց կախած զինուորական թացող երիտասարդին յայտնեցի իմ ինքնութիւնն ու ցանկութիւնը՝ տիկնոջն ու պարոնին տեսնելու նպատակով:

Շատախցի զինուորականը մի տեսակ արհամարհանքով և դժարահաճութեամբ համաձայնեց իմ ցանկութիւնը յայտնել իր գլխաւորին՝ և անմիջապէս վերադառնալով՝ այս անգամ բացառիկ սիրալիրութեամբ մեզ ներս հրաւիրեց:

Հազիւ թէ մի երկու քայլ Հրանդից առաջ ընկած՝ դռնից ներս էի անցել, երբ վազեվազ ինձ դիմաւորելու եկաւ իմ անուշիկ քուրացուն՝ իմ անչափ սիրելի Մարօն, որին ես այդ պայմաններում վերագտնելու յոյս չունէի:

Նա շտապ և անվարան ինձ իր բազուկներում օղակեց և մի քանի անգամ այտերիցս ու ճակատիցս համբուրեց: Թէև մի քիչ շփոթած, բայց ես էլ փոխադարձեցի մի քանի համբոյրներով նրա չքնաղ այտերից:

– Իմ անգին եղբայր, այս ի՞նչ հրաշք է, որ քեզ մեզ մօտ է վերադարձրել: Զեզմից լուրեր ունէի վերջին անգամ Թիֆլիսից և ի՞նչ լաւ լուրեր...:

– Իմ շատ սիրելի և ազիզ քո՛յր, շատ ներողութիւն եմ խնդրում: Նախ թո՛յլ տուր քեզ ներկայացնել իմ մտերիմ ընկերոջը՝ Հրանդ Դարբինեանին, և ապա քեզ յայտնել, որ հայրենիքիս կարօտն ու նրանում ապրող քեզ նման սիրելի և թանկագին բա-

րեկամների առիւթնող, հրապուրող ձգտումն է ինձ նորից Այգեստան վերադարձրել:

Մինչ Մարօն իր հարցերի տեղատարափն էր թափում և Արաքսու, հօրս, եղբայրներիս և ուրիշ բարեկամ-ծանօթների մասին տեղեկութիւններ ուզում, նրա անուշիկ բալէն, որի մասին չէի մոռացել և գիտէի, որ շուրջ 2 և կէս տարեկան պիտի լինի, «մամա ջան, մամա ջան» կանչելով՝ մեզ մօտ վազեց և իր մօր փէշերից կախ ընկաւ:

– Երեխայիս՝ Կորիւնիս, ho չե՞ս մոռացել: Տեսնու՞մ ես, մաշալլահ մեծացել և քաղցր ու անուշ խօսում է:

– Ինչպէ՞ս կարող եմ մոռանալ նրան՝ քո այս իսկապէս անուշիկ ձագին: Նա ներկայիս երկուս ու կէս տարեկան պիտի լինի: Ինչ վերաբերում է քաղցր խօսելուն, կասկած իսկ չէի կարող ունենալ, որ բլբուլի ձագը միշտ բլբուլ է լինում: Կորիւնից բացի ուրիշ երեխայ չունե՞ս:

– Շատ լաւ կը լինէր, եթէ մի ուրիշ երեխայ էլ ունեցած լինէի, բայց մեր այս պայմաններում, ուր անվերջ նահանջ ու վերադարձ և նրա հետ միասին վախ ու սարսափ և տանջալից ապրումներ կան, մի՞թէ հնարաւոր է ուրիշ երեխայի մասին մտածել:

– Միանգամայն իրաւացի ես, սիրելի՛ Մարօ, բայց յոյս ունենք, որ մեր տանջանքների վերջակէտի ժամանակն արդէն հասած պիտի լինի: Չէ՞ որ վերջապէս մեր բախտն էլ մեզ պիտի ժպտայ: Չէ՞ որ մենք էլ իրաւունք ունենք այս մեծ աշխարհում մի կտոր հողամաս, մի փոքրիկ հայրենիք ունենալու: Մի՞թէ այս արևից, լուսնից, աստղերից, այս գեղեցիկ բնութիւնից մենք՝ հայերս, մի բաժին, մի կենսատու շող, մի աստղի լոյս, մի սոխակի հոգեպարար ճուղիւն ունենալու իրաւունք չունենք: Մինչև ե՞րբ բարբարոս թշնամին մեզ մեր գոյութեան այդ անկապտելի և նւիրական իրաւունքից պիտի գրկի: Մինչև ե՞րբ աշխարհի «քաղաքակիրթ» և «հաւատացեալ» ազգերը պիտի շարունակեն իրենց խղճի և մարդկային զգացումների վրայ գերեզմանաքար դնել:

– Յոյս Աստծոյ,– իմ զգացումների գեղմանը վերջակէտ դնելու միտումով շարունակեց Մարօն,– իսկապէս, մեր փոխաբէն եթէ հսկայ լեռ էլ լինէր, այս անվերջ զարհուրանքներին ու տանջանքներին ենթարկելով, պիտի ճաքէր և հազարաւոր կտորների վերածւէր:

– Ի դէպ, Մարօ՛, մայրդ ո՞ղջ է, թէ՞...

– Ինչպէ՞ս կարող էր իր տանջալից կեանքից յետոյ գաղթի նորանոր տանջանքներին դիմանալ: Հազիւ Իգդիր հասած՝ դժբախտ մայրս, դեզնէթրիի վարակման ենթարկելով, մի քանի օրից մահացաւ: Ախ, ափսո՛ւ, հազար ափսո՛ւ: Նա իրեն ինձ գոհեց: Ինձ բախտաւոր դարձնելու համար նա, իրեն անվերջ և անընդհատ ծանր աշխատանքի ենթարկելով, ուժասպառ եղաւ: Նրա օրն ու արևն ես էի, բայց ինձ համար էլ նա չարաչար նահատակեց...:



– Ազնի, հազարապետ, բարեսիրտ կին էր քո անգին մայրը: Մարօ՛, դու շատ իրաւացի ես պարծենալու այդպիսի համեստ, բայց անմահ մայր ունեցած լինելու համար: Ես երբեք չեմ կարող մոռանալ նրա ինքնուրաց զոհողութիւնները: Նահանջի վերջին ժամին, երբ ես դեռ մեր տնից բացակայում էի, նա իրեն յատկացած իշուկը ստիպելով և նոյնիսկ քախանձագին խնորանքով նիւրեղ էր մեր հիւանդ հարսի, եղբօր կնոջ՝ Հայկանուշի փոխադրութեան համար:

Մարօն մեզ առաջնորդեց իրենց համեստօրէն կահատրած, բայց մաքրութիւնից փայլող հիւրասենեակը: Նա մեզ յայտնեց, որ իր ամուսինը՝ Բուլղարացի Գրիգորը, անցեալ օրը կէս գիշերից անց է տուն վերադարձել: Նա մի բուպեով մեզնից ներդուրին խնդրեց, որ անցնի միւս սենեակը իր ամուսնուն արթնացնելու համար: Երբ վերադարձաւ, ինչպէս անցեալ ժամանակներում, այս անգամ էլ նորից գանգատեց իր ամուսնու ծանր աշխատանքից և շարունակական յոգնածութիւնից:

\*\*\*

Քառորդ ժամից մեզ սօտ եկաւ Գրիգոր Բուլղարացին:

Նա մեզ դիմաւորեց շատ մեծ սիրալիրութեամբ և արտակարգօրէն ուրախ տրամադրութեամբ:

– Ինչքա՛ն ուրախ եմ ինքնապաշտպանութեան օրերի և կնոջս մանկութեան բարեկամին նորէն հանդիպելուս համար, – անկեղծ շեշտով ասաց նա:

– Անչափ զգացած եմ ձեր ազնի համակրութեան համար: Ուրախ եմ ձեզ ներկայացնելու իմ մտերիմ ընկերներից Հրանդ Դարբինեանին:

– Շատ և շատ ուրախ եմ: Իսկ քու միւս ընկերն ու բարեկամը՝ Աղասին, ի՞նչ եղաւ, ու՞ր գնաց: Նա վերադառնալու ցանկութիւն չունեցա՞ւ:

– Պարո՛ն Բուլղարացի, նահանջի վերջին օրերից յետոյ բախտ չեմ ունեցել ձեր յիշած իմ սիրելի ընկերոջը՝ Խանգեանին, հանդիպելու:

– Դէ՛, համեցէ՛ք, նստէ՛ք, մի քիչ խօսիմք: Առաջին հերթին պետք է ասեմ, որ Վասպուրականը չափազանց շատ կարիք ունի ձեզ նման երիտասարդների աշխատանքին ու եռանդին: Գործերը կարգի բերելու համար մեծ եռանդ և շատ նւիրածութիւն պէտք է: Մեր երկրի հետ նրա տնտեսութիւնն ալ բոլորովին քայքայւած է: Թիֆլիսում կազմւած մի քանի ընկերութիւնները՝ Քաղաքների միութիւնը, Վերաշինականը, Գաղթականական ընկերութիւնը, ալ ի՞նչ գիտնամ որիչ շատեր, մեզ, այսինքն մեր գիւղացիութեանն օգնելու ամէն տեսակ խոստումներ տւած են: Ուրախ եմ, որ անոնց խօսքը գործի է անցած արդէն: Հիմա մեզ պէտք են հայրենասէր, եռանդուն, նւիրած աշխատակիցներ և պաշտօնեաներ: Չը մոռնամ ըսելու, որ իմ համոզումն ալ

այն է, որ օժանդակութիւններու գործադրութիւնն ալ բոլորովին անաչառ պէտք է ըլլայ: Մենք միայն այն ժամանակ կը յաջողենք, երբ համախորհուրդ, անաչառ և արդարադատ ըլլանք...:

– Ձեր նւիրածութեան և անաչառութեան մասին, յարգելի՛ պր. Բուլղարացի, իմ բոլոր ընկերներին և բարեկամներին պատմել եմ: Հայ ժողովուրդը, այս պարագային մեր Վասպուրականի տառապած ժողովուրդը, շատ երջանիկ պիտի լինէր, եթէ բախտ ունենար ձեզ նման մի երկու տասնեակ ազգասէր և նւիրած գործիչներ ունենալու: Համոզւած եմ, որ դուք հայ ժողովրդի երդեալ, անկաշառ և հարազատ զաւակն էք և նւիրած էք ձեր բոլոր ազգակիցներին անխտրօրէն: Գիտեմ, որ ձեզ համար գաղափարական խտրութիւն գոյութիւն չունի, և ձեր անհատական երջանկութիւնը հայ ժողովրդի երջանկութեան մէջ էք փնտրում:

– Այսքան մեծ գովասանքի ինձի արժանի համարած չեմ, – համեստօրէն պատասխանեց Բուլղարացին և շարունակեց. – բազմաթիւ առիթներով արտայայտւած եմ, որ հայ ազգի, հայ հաւաքականութեան շահը՝ բոլոր կուսակցական, մասնաւոր, բարեկամական և ինչ անունով կուգէք անւանեցէք, շահերէ աւելի բարձր կը գնահատեմ: Անհատապէս ալ համոզւած եմ, որ մեր ներկայ պայմաններու մէջ, երբ մեր ազգի ապրելու և ապրել չկարողանալու հարցը տրւած է, մենք բոլոր հայերս ալ մեր ապրիլեան հերոսական պաշտպանութեան օրերու նման, առանց կուսակցական խտրութիւններու, մէկ շունչ և մէկ հոգի պիտի ըլլանք և մեր ընդհանուր ժողովրդական շահերը, հայ ազգի գոյութեան և յարատւման շահերը պաշտպանենք:

– Ձեր արտայայտած գաղափարները, պր. Բուլղարացի, – ասաց Հրանդը, – միանգամայն գովելի են, և մենք ու մեզ նմանները չափազանց ուրախ ենք, որ մեր ներկայ պայմաններու մէջ քեզ պէս մէկ հայրենասէր, անաչառ և նւիրած դեկավար գործիչ ունենք:

Մենք չափազանց լաւ տպաւորութեան տակ բաժանեցինք Բուլղարացուց: Մարօին խօսք տւի շաբաթայ ընթացքում գոնէ մի անգամ իրենց այցելել:

## ՃՇՄԱՐԻՏ ՀԱՅՐԵՆԱՍԷՐՆԵՐ

Վասպուրականի ապրիլեան ինքնապաշտպանութեան օրերին ընկերոջս՝ Հրանդին, չէր յաջողել Բուլղարացու հետ անմիջական շփման մէջ լինելու և նրա առողջ և համոզիչ գաղափարական հայեացքներին ծանօթանալու:

Երբ մենք, նրանից բաժանելով, դուրս եկանք փողոցը, Հրանդն ինձ ասաց.

– Բոլորովին չէի ենթադրում, որ այս Բուլղարացին, չնայած իր շահած համբաւին և հեղինակու-

թեանը, այսքան պարզ և համեստ կարող է լինել: Նրա խօսակցութեան մէջ ճշմարիտ և իրական հայրենասէրի շունչը կայ: Ասենք, եթէ այդ անկեղծ հայրենասիրութեան ոգին նրանում տիրապետող բնոյթ չունենար, նա կարիք չունէր մեզ հետ այդքան բաց սրտով խօսելու: Չէ՞ որ նա մեզմից որևէ ակնկալութիւն ունենալ չէր կարող:

– Միանգամայն իրաւացի ես, սիրելի՛ Հրանդ: Նա իսկական հայ և անկեղծ հայրենասէր է: Ես նրա իսկական ծննդավայրը չգիտեմ: Ազգանունից ենթադրում եմ, որ բուլղարահայ պէտք է լինի: Միշտ ցանկացել եմ Մարօյից հարցնել, բայց մոռացութեան եմ տել: Նրա որտեղացի լինելն առանձնապէս հետաքրքրական չէ, բայց որ նա մաքուր հայ և անթերի, ճշմարիտ հայրենասէր է, այդ մասին ամենափոքր կասկած չունեմ:

– Կարո՞ղ ես մտածել, որ մեր սիրելի ընկեր Աղասի Խանջեանն էլ հենց իր առաջին հանդիպումից յետոյ այս Բուլղարացու մասին իմ և քո համոզմանը յանգեց: Ինքնապաշտպանութեան օրերին թէ՛ նա և թէ՛ ես բաւական շատ առիթներ ունեցանք այս համեստ և անխնայ հայրենասէրին հանդիպելու և նրա հաւատարմութիւնը կենսաշունչ խօսքերը լսելու:

– Ուրեմն անտեղի չէր, – շարունակեց Հրանդը, որ մեր վերադարձին գիշերային մեր օթանակում ճանիկցի գիւղացիներն այնքան մեծ գովեստով էին խօսում այս մարդու և սրան համարեա միշտ ընկերակցող Լևոն Շադոյեանի մասին: Անշուշտ, յիշում ես, որ այդ գիւղացիներն այս երկուսի մասին որքան գովեստով էին արտայայտուում: Նրանցից մէկի ասածները չեմ մոռացել: Նա ասում էր. «Յեղափոխականների և ազգասէրների մասին մեզ շատ են խօսել և պատմել: Մենք նրանց տեսել, բայց չենք կարողացել ճանաչել: Գրիգորին և Լևոնին թէ՛ տեսել և թէ՛, ինչպէս պէտք է, ճանաչել ենք: Պարտաւոր ենք ասել, որ նրանք ո՛չ թէ խօսքով, այլ գործով, ճշմարիտ յեղափոխականներ և հայրենասէրներ են: Առաջին մեծ մահանջից յետոյ նրանք երկրից՝ Վասպուրականից շատ քիչ բացակայեցին: Գրեթէ անմիջապէս վերադարձան և շրջանից շրջան, գիւղից գիւղ երթնելով, միշտ ջանացին խրախուսել գիւղացիներին՝ շուսահատելու և չհեռանալու իրենց հողից, սնից ու օջախից: Նրանք չէին յօժարում թշնամու՝ մշտական յարձակման վտանգից փրկելու համար երկրից հեռանալ»:

## ԱՒԵՏԻՍ ԹԷՐԶԻԲԱՇԵԱՆԻ ՄՕՏ

Նոյն օրը՝ կէսօրից առաջ, նորից համարեա ստիպմամբ, Հրանդին հետս տարայ Վանի և իր շրջանի քաղաքապետարանը: Դիշտն ասած, առաջին օրերին չէի կարող պատկերացնել այն դերն ու պարտականութիւնը, որ քաղաքապետարանը պէտք է կամ կարող էր կատարել: Բայց մի կարճ

ժամանակից յետոյ ինձ համար պարզեց, որ Վանի քաղաքապետարանը, շնորհիւ իր ժրջան քաղաքագլուխ Աւետիս Թերզիբաշեանի<sup>28</sup> ձգտում է քաղաքի և շրջակայքի վերաշինման համար հսկայական գործեր կատարել:

Քաղաքապետարանի շէնքը մուտք գործելով՝ բարձրացանք երկրորդ յարկը: Ինձ շատ զարմանալի թաց, որ այս շէնքը, որը գտնուում էր մեր Երամեան դպրոցի փողոցում և կաթոլիկ միսիոնարութեան նախկին կենտրոնն էր, թշնամու կողմից իրենց հիմնարկութիւններից մէկի համար օգտագործել և վերջին ժամին բախտ էր ունեցել հրդեհումից զերծ մնալու:

Քաղաքապետարանի դռնապանին յայտնեցի ինքնութիւնս: Ծառայողը, սենեակից դուրս գնալով, յայտնեց, որ քաղաքապետը խնդրում է մի քանի րոպէ սպասել: Բարեբախտաբար, սպասումը շատ չտևեց: Բարձրահասակ և թիկնեղ Թերզիբաշեանը շատ մեծ յարգանքով ճանապարհեց իր այցելուին, որ օտարազգի էր թում, և ձեռքը ինձ մեկնելով՝ ասաց.

– Շատ ուրախ եմ, պր. Սարհաղեան, ձեզ ինձ մօտ տեսնելուս համար: Ես քեզ աւելի շուտ կսպասէի:

– Չափազանց շնորհակալ եմ ձեր սիրալիրութեան համար: Թոյլ տւէք ներկայացնելու իմ լաւ ընկերներից մէկին՝ Հրանդ Դարբինեանին:

– Կրկնակի ուրախ եմ, ներս համեցէք:

Երբ սենեակ մտանք ու բազկաթոռների վրայ տեղ գրաւեցինք, Թերզիբաշեանը շարունակեց.

– Երկա՞ր ժամանակ է, ինչ Երևանէն մեկնած էք: Ո՞ր գծով և փոխադրական ի՞նչ միջոցով վերադարձաք:

– Կարո՞ղ էք երևակայել, պր. Թերզիբաշեան, – պատասխանեցի, – թէ՛ նահանջի ժամանակ և թէ՛ այս անգամ չեմ կարողացել Երևանը տեսնել: Այո՛, ես դեռ բախտ չեմ ունեցել Երևան գնալու և տեսնելու, բայց ընկերս ամբողջ ժամանակ եղել է Երևան և Էջմիածին:


28 Ավետիս Թերզիբաշեանը ծնվել է Վանում 1873 թ.: Հասարակական, կուսակցական գործիչ (ՌԱԿ-ի), գրող: Մովսէսի է Վանի Հիսուսյան և Երամյան վարժարաններում: Գրել է պիեսներ, որոնցից «Ճշմարիտը» (անտիպ) 1900 թ. բեմադրվել է Վանում: Օսմանյան սահմանադրության հռչակումից հետո (1908) ընտրվել է Վանի քաղաքագլուխ: 1915-ի բռնազաղթին անցել է Կովկաս, ապա վերադարձել և, ինչպես նշում է Ս. Սարհաղեանը, 1917 թ. կրկին ստանձնել Վանի քաղաքագլուխ պաշտոնը: 1921 թ. սկզբին Կ. Պոլսում մասնակցել է Ռամկավարական և Ազատական (վերակազմյալ՝ Հնչակյան) կուսակցությունների բանակցություններին: 1924-1926 թթ. խմբագրել է «Ապագա» (Փարիզ) թերթը: Հրատարակել է Խրիմյան Սկրտիչ կաթողիկոսին («Արծիվը իր բույնի մեջ», 1938), Պողոս Նուբար փաշային («Նուպար», 1939, Անդրանիկ Օզանյան գորավարին («Անդրանիկ», 1942) և վիրված հուշագրությունները, «Աթոսի հարյուր և մեկ պատմվածքներ»-ը (1945), «Երկու տարի Ատիս Ապեպայի մեջ» վեպը: Վախճանվել է 1943 թ. Փարիզում:

– Ճիշտ այդպես է,– հաստատեց Հրանդը:– Ես ալ Երևանէն և Իգդիրէն գատ, ուրիշ տեղեր տեսած չունիմ: Գալով մեր վերադարձին՝ մենք ընտրեցինք Իգդիր-Քերկրի և Արճակ գիծը: Մի փոքր ալ դժարութիւններու հանդիպեցանք: Ըստ երևույթին, Ջուլֆա-Խոյ-Սարայ գիծը վերադարձող հայրենակիցների համար աւելի յարմարութիւններ ունի:

– Այդպես է, Խոյ-Սարայ ճանապարհովն է, որ մեր գիտատնտեսութեան համար անհրաժեշտ բոլոր միջոցները կը փոխադրուին: Վերաշինութեան գործերով զբաղած մեր խոշոր կազմակերպութիւնները իրենց գնումների մի կարևոր մասը՝ արօր, խոփ, մանգաղ և մետաղեայ անհրաժեշտ իրերը, Թիֆլիսի և մերձակայ շրջանների մէջ կը կատարեն, իսկ մնացեալ մեծ մասը, ինչպիսիք են լծկան եզներ, կաթնատու կենդանիներ, էշ ու ձի և վերջապէս հացահատիկներն ու սննդանիւթը, մանաւանդ սերմացու ցորենի և գարու մեծ մասը, Խոյէն և շրջաններէն կը գնեն: Այդ բոլորի փոխադրութիւնը կընեն լծկան կենդանիներն ու ֆուրգոնները և հետևաբար ներգաղթողներու համար մեծ հնարաւորութիւններ կընծայեն:

Այստեղ Թերզիբաշեանը կանգ առաւ: Նրա դէմքին նկատելի անհանգստութեան և հոգեկան խռովքի արտայայտութիւն նշմարեցի: Նրա խօսակցութեան ընդհատումն երկար չտևեց: Նա շարունակեց.

– Ինչպէս ռուս կառավարութիւնը, այնպէս ալ մեր գաղթականական, տնտեսական, շինարարական և գիտատնտեսական կազմակերպութիւնները կը ցանկանան օգնել Վասպուրականի վերաշինման գործին: Սակայն, շատ ափսոս, որ կարծես այդ օգնութեան գործերի մէջ համադրութիւն, համագործակցութիւն գոյութիւն չունի: Այդ իսկ պատճառով ալ մեր հայրենիքի վերաշինման գործը կը տուժէ և կը դանդաղի: Ներեցէք ինձի: Ես ձեզմէ տարիքով շատ աւելի մեծ եմ: Տաքարիւնութիւնն և դիւրաբորբոքումը երիտասարդներու առանձնախտկութիւնն է: Մեզ մման մարդիկ քաղաքական հարցերու մէջ աւելի համբերատար և գուսպ ըլլալու են: Ինչ կարող եմ ընել, խառնածքի և բնաւորութեան խնդիր է: Իմ կարծիքով, ամէն մարդ, որ յանձնառու է եղած որևէ հասարակական, հաւաքական, ժողովրդական գործ կատարելու, պէտք է անթերի կատարէ: Եթէ կարող և ընդունակ չէ, իրաւունք ալ չունի ստանձնելու այդ գործը: Անխիղճ է այն մարդը, որ ուրիշներու ակնկալութիւնն ու վստահութիւնը չարաչար կը շահագործէ: Ինչևէ, թողնենք այս խնդիրը ապագայի պարզաբանմանը: Մարդս միշտ լավ յոյսերով կը ներշնչի և կապրի: Եթէ մեր հայրենիքը, մանաւանդ անոր բարբախտ սիրտը կազմող մեր Վասպուրականը, բախտ ունենայ, այս անիծեալ պատերազմը շուտով կը վերջանայ և մեր ազգի դարերու իղձը՝ սեփական ազատ հայրենիք ունենալու քաղցր երազը, կիրականանայ:



Ավետիս Թերզիբաշյան

Մեր խօսակցութիւնը բաւական երկար տևեց: Վասպուրականի ինքնավարութեան երկրորդ և երրորդ շրջանի գործունեայ քաղաքագլուխ Աւետիս Թերզիբաշեանից մենք բաժանուեցինք ոչ շատ ոգևորած տրամադրութեամբ:

Մեր բաժանման պահին նա, խօսքն ինձ ուղղելով, ասաց.

– Վաղը՝ առաւօտեան՝ հնարաւորին չափ կանուխ, ինձ մօտ եկէ՛ք, ձեր պաշտօնի որոշման առթիւ խօսելու համար:

\*\*\*

Հետևեալ առաւօտեան՝ ժամը 9.30-ին, Թերզիբաշեանի գրասենեակը գնացի: Նա արտակարգօրէն յոգնած տեսք ունէր: Ինձ ընդունեց յարգալից և ժպտաղէմ:

– Պր. Սարիաղեան,– սկսեց նա,– մօտաւորապէս երկու ամիս է, ինչ մենք պր. Կոստի Համբարձումեանի և նրա կուսակիցներու հետ կը բանակցենք Վասպուրականի ժամանակաւոր ինքնիշխան վարչութեան անդամներու ընտրութեան առթիւ: Չափազանց զարմանալի է մեր հայերու եսասիրութիւնը: Մենք, որ կարողացանք Այգեստանի, Քա-

ղաքամիջի, Հայոց-Չորի, Շատախի և Թիմարի ինքնապաշտպանութեան կռիւներու ժամանակ միանալ և միաձուլել մէկ մարդու նման, ներկայիս, երբ դեռ թշնամու գիշատիչ ճանկերը մեր կոկորդէն այնքան ալ հեռացած չեն, և անոր բարբարոս սուրը մեր գլխին կը ճօճի, երբ մենք հազարաւոր ցուեր ու վերքեր ունինք դարմանելու, ահաւասիկ, այս պայմաններու մէջ, մենք կը դժարանանք իրար լեզու հասկնալու և մի ժամանակաւոր կառավարութիւն, աւելի ճիշտ կըլլայ ըսել՝ գործերու մէկ վարիչ մարմին կազմել:

– Շատ ներողութիւն եմ խնդրում, պր. Թերզիբաշեան, բայց ինձ այնպէս է թում, որ Համբարձումեանի ընկերների շարքին կան նաև շատ համեստ, զիջող և իսկական հայրենասէր անձնատրութիւններ: Նրանց շարքում անձնապէս ճանաչում եմ Բուրլարացուն և Շադոյեանին, որոնք Վասպուրականի հերոսամարտի ժամանակ անգնահատելի ծառայութիւն և նիւրածութիւն ի յայտ բերին: Մի՞թէ ներկայիս նրանք գործօն դեր չեն կատարում և մի՞թէ ինքնահաւան և այլամերժ են դարձել:

– Այդ ձեր ակնարկած երկու անձնատրութիւններու վերաբերեալ ես ալ մեծ հաւատք և նոյնիսկ յարգանք ունիմ: Ես՝ Ընդի. բարեգործականի, իսկ պր. Համբարձումեանը՝ Քաղաքներու միութեան կողմէ լիազօրած ներկայացուցիչներ ենք: Մեր ներկայ պայմաններն արտակարգօրէն բարդ և խճողած են: Քաղաքական դրութիւնն ալ շատ փափուկ է: Վասպուրականի այս ժամանակաւոր Վարիչ մարմնի ղեկավարը շատ քաղաքագէտ և հեռատես ըլլալու է, որպէսզի մեր ներգաղթող ժողովրդի գլխին մի երկրորդ փոթորիկ ալ չը պայթէ:

– Պր. Թերզիբաշեան, ես դեռ բաւական երիտասարդ և մանաւանդ քաղաքական գործերի և ասպարեզի մէջ բոլորովին տհաս և խակ եմ: Իմ կողմից ամբարտաւանութիւն կը լինի, եթէ ուզենամ այս առթիւ կարծիք յայտնել: Յամենայն դէպս, ինձ թում է, ինչպէս ասացիք, նկատի ունենալով ներկայ քաղաքական անկայուն և փափուկ դրութիւնը, անհրաժեշտ է փոխադարձ զիջումների ճանապարհը գտնել, և եթէ լարածութիւն կայ, ամէն հնարաւոր միջոցներով մեղմել: Հակառակ պարագային, անկասկած, մեր այս բազմատանջ և առանց այն էլ հալ ու մաշ եղած մի բուռ գաղթականութիւնը միանգամայն կը կործանի: Այդպիսի դժբախտութեան պարագային Վասպուրականը համայն հայութեան համար միանգամայն կորած և թաղած կը լինի:

Մենք Թերզիբաշեանի հետ բաւական երկար խօսեցինք քաղաքապետարանում կատարելիք իմ պարտականութեան և գործի մասին: Նա ինձ առաջարկեց թարգման-քատողարի պաշտօն կատարել: Խոստացաւ հնարաւորութեան սահմաններում գոհացուցիչ ռճիկ նշանակել: Նրանից խնդրեցի մի երկու օր ժամանակ տալ ինձ՝ առաջարկած գործի մասին մտածելու և որոշում կայացնելու համար:

Երբ քաղաքապետարանը թողի, ճնշող տպաւորութեան ներքև էի. ի՞նչ գեղեցիկ յոյսերով և ի՞նչ ոգևորիչ ձգտումներով էի հայրենիք վերադարձել: Սովորական մարդու մակարդակից բարձրանալու և հայրենիքիս վերաշինման գործին նիւրելու ջերմ ձգտումով էի եկել...

Ափսո՛ս, շատ ափսո՛ս... Հայրենիքիս վերակառուցման անսահման վստահութեան և հաւատքիս սիւներն ենթարկել էին անցանկալի ցնցումների: Մեր ազգային միութիւնը կրծտող ցեցը՝ նախանձն ու ստելութիւնը, իր սպանիչ թոյնը թափել էր սկսում: Թերզիբաշեանի խօսքերից ինձ համար տիրող դրութեան աննախանձելիութիւնը բոլորովին հասկանալի եղաւ: Վասպուրականի Վարիչ մարմնի ղեկավարութեան խնդրում Համբարձումեանի և Թերզիբաշեանի միջև ներքին խուլ և խիստ վտանգաւոր պայքար էր սկսել:

### ՎԵՐԱՇԻՆՄԱՆ ԴԻԳԵՐ

Այդ օրերին Այգեստան ու Քաղաքամեջ վերադարձած մեր հայրենակիցների թիւը համեմատաբար շատ քիչ էր: Ներգաղթողների թւական տուեալները ցոյց էին տալիս, որ Վասպուրականի հիւսիսարևելեան գաւառներում և զիւղերում վերադարձողների թիւն օրէցօր բարձրանում է: Խոյի ճանապարհով վերադարձողների ճնշող մասը բնակւում էր Սարայում, Արճակում և նրանց մերձակայ գիւղերում:

Հայոց-Չոր, Շատախ, Ոստան, Արտամես և հարևան շրջանները վերադարձողների թիւը նոյնպէս շատ քիչ էր: Իրար վրայ վերցրած՝ մինչև 1917 թի գարնանը Վան-Վասպուրական ներգաղթողների թիւը հասնում էր 20-25 հազարի:

Վասպուրականի հայկական ինքնավարութեան ժամանակաւոր Վարչական մարմինը կազմել էր Կոստի Համբարձումեանի<sup>29</sup> գլխաւորութեամբ: Սկզբում այդ մարմինը 7 հոգուց էր կազմւած, բայց մի երկու-երեք ամիս յետոյ, ինչքան յիշում եմ, բարձրացաւ 10-ի: Այդ մարմնի մէջ Գրիգոր Բուրլարացին նշանակել էր զինուորական գործերի, բժ. Տէր-Թովմասեանը՝ առողջապահական և Արմենակ

29 Կոստի Համբարձումյանը ծնվել է Շուշում, 1882 թ.: Ուսանել է գյուղատնտեսություն (Բելգիայում): Կուսակցական (ՀՀԴ) հանձնարարություններ է կատարել Բուրլարիայում, Իզմիրում, Սալմաստում, Խոյում: Նախքան առաջին աշխարհամարտը վարել է Կապանի շրջանի դպրոցական ընդհանուր տնօրենի պաշտոնը: 1915-ին Արարատյան գործառնախի հետ մեկնել է Վան և սատարել գաղթականների վերահաստատման գործին, ապա Վասպուրականի հայկական ինքնավարության ժամանակավոր վարչական մարմնի ղեկավար պաշտոնում փոխարինել է Արամ Մանուկյանին: Վանեցիների 2-րդ գաղթի ժամանակ տասնյակ հազարավոր վասպուրականցիների հետ անցնում է Պարսկաստան, որտեղ Սային-Ղալեյի մոտ թուրքական հակահետախուզությանը (ծպտված իբրև անգլիացի) հաջողվում է սպանել 36-ամյա Կ. Համբարձումյանին:



Կոստի Համբարձումյան (Ուխտավոր)

Մաքսապետեանը՝ գիղատնտեսական գործերի վարիչներ:

Վարչական մարմնի գործունեութիւնը այդ ժամանակներում ենթակայ էր Վանում գոյութիւն ունեցող կուսակցութիւնների (Դաշնակցական և Ռամկավար) լիազօր երկու ներկայացուցիչների վերահսկողութեան, որոնք մասնակցում էին վարչական մարմնի ժողովներին և խորհուրդներ ու թելադրանքներ տալիս:

Ինքնավար ժամանակաւոր Վարիչ մարմնի կենտրոնը գտնուում էր Փոքր-Քեանդրջի պողոտայում՝ կաթոլիկ ասորիների շէնքում և համանուն սառնորակ աղբիւրի մօտերքում:

Վերաշինական, գիղատնտեսական, առողջապահական, կրթական և ուրիշ հիմնարկութիւնները հաստատուած էին Այգեստանի կենտրոնական և հարաւարևմտեան մասերում:

Վերաշինական և վերակառուցման ձեռնարկները հետզհետէ նոր հունի մէջ էին դրում և ամենուրեք նոր թափ ստանում: Մօտիկ ապագայի յաջողութեան և երջանկութեան յոյսերը հետզհետէ մարդկանց տոգորում էին հաւատքով և նրանց սրտերը լեցնում էին ուրախութեան ցոլքերով:

\*\*\*

Երկու տարիների անտէրութեան հետևանքով մշտադալար և չքնաղ Այգեստանը կորցրել էր իր

գեղեցկութեան տեսքն ու հմայքը: Աղբիւրների գրնգան ջրերից ոմանք վերածել էին կէսի, իսկ միւսները ենթարկել էին ցամաքելու վտանգին: Շամիրամայ յորդահոս գետի ջրերն էլ կարծես խռովել և ծուլանում էին մինչև Այգեստան հասնել: Քաղաքապետարանն իր ամենաառաջին գործը համարեց Այգեստանն անջրդիութիւնից փրկելը: Քանքան գետնափորներ և մեծ թով բանուրներ գործի լծեցին: Անհրաժեշտ էր օր առաջ աղբիւրների ընդգետնեայ ճանապարհները մաքրել և ջրի ճանապարհները կուտակուած հողից, ցեխերից և նեխած ու մամռած կանաչներից ազատել:

Վարչական մարմինը մասնաւոր հրահանգով Այգեստան և շրջակայք վերադարձող քաղաքացիներին և գիղացիներին արտօնեց մշակել և օգտել լքած և անտիրական մնացած բազմաթիւ այգիներից: Այս օգտագործման համար նշանակուում էին պայմանական ժամկէտներ, որպէսզի ապագայում վերադարձող իսկական կալւածատէրերի հետ թիրմացութիւն և անախորժութիւն տեղի չունենար:

Իշխանութեան կողմից կապալառու-վարձկալների հետ Վանի ծովակի ձկնորսութեան, աղի, բորակի և առագաստանաւերի շինութեան վերաբերեալ պայմաններ կնքեցին: Նախաձեռնութիւններ և ճիգ ու ջանքերի ձեռնարկներն օրէցօր բազմանում էին:

Գերմանական հիւպատոսարանի ընդարձակ շէնքը նորոգութեան ենթարկեց և կենտրոնական հիւանդանոցի վերածեց: Արհեստաւորների և պարենապահեստի խանութները բացել և աշխատել սկսեցին:

Գարուն էր: Բնութիւնը վերազարթնում էր: Ներգաղթողները նւիրում էին ստեղծագործական եռանդուն աշխատանքների: Վերաշինութեան գործին լծած մարդիկ աշխատում, ճգնում էին օգտակար ու շինարար գործեր կատարելու:

Քաղաքացի, գիղացի, գործիչ, պաշտօնեայ, ամէնքն էլ սրտանց ցանկանում էին վերակառուցել, վերակենդանացնել կիսաւեր դարձած և քարուքանդ եղած Այգեստանն ու իրենց անչափ սիրելի Վասպուրականը:

### SUSANNU ԵՒ ՄՐՏԱՇՈՒՔ

Երեք տեղերից պաշտօնավարելու առաջարկ էր եղել: Եղած առաջարկները հետևեալներն էին՝ քաղաքապետարանի թարգման-քարտուղարութիւնը, գիղատնտեսական քննիչի պաշտօնը Վան-Ալիւր գծի վրայ և զինուորական պարէնի պահեստապետութիւնը:

Վան վերադարձիս հինգերորդ օրը՝ երրորդ անգամ լինելով՝ Մարօին և Գրիգորին տեսնելու համար գնացի նրանց մօտ: Մարօի հետ մանկութիւնիցս ի վեր ունեցած հարազատութիւնն ու մտերմու-

թիւնը պատճառ էր դարձել, որ այր. Բուլղարացու հետ էլ շատ մտերմանամ: Նրանք երկուսն էլ իրենց ընտանիքում ինձ ընդունում էին հարազատի նման և իմ նկատմամբ ուշադիր ու գորովայից վերաբերմունք ունէին: Վերջին անգամ Բուլղարացին խօսակցութեան ընթացքում ի միջի այլոց հարցրեց.

– Միրաք, օղու, գործիդ մասին ի՞նչ կը մտածես: Որտե՞ղ կուզենաս գործել:

– Պարո՞ն Գրիգոր...

Խօսքս կտրելով ասաց.

– Օղու, սա պարոն-մարոնը դէն ձգիր: Ինչպէս ես քեզ անունով կը կանչեմ, այնպէս ալ դու կարճ ու համառօտ ինձ Գրիգոր ասա՛:

– Եթէ պարոն կոչելու իրաւունք չտաք, ձեր թոյլ-տուրեանք ընկեր կանանք:

– Լա՛վ, այդպէս անանի՛ր:

– Ընկեր Գրիգոր, անցած անգամն էլ դուք ինձ առաջարկեցիք զինուորական պարէնի պահեստապետութեան գործին անցնել: Չեր՝ իմ նկատմամբ ունեցած վստահութեան համար շատ շնորհակալ եմ, բայց այդ գործը միօրինակ և տաղտկալի է:

– Մի գուցէ, բայց դա մեր վերակազմող տնտեսութեան և մանաւանդ զինուորական ուժերու և կազմի համար չափազանց կարևոր գործ մըն է: Ներկայիս մեր զինուորական պահեստներում միլիոններու հասնող կենսամթերք կայ: Այդպիսի մեծ հարստութիւնը, որ մանաւանդ նեղ օրերու յոյսն ու ապաւենն է, ամէն պատահական մարդու յանձնել հնարաւոր չէ: Եթէ համաձայն ես այդ գործն ընդունելու, իմացի՛ր, որ մեծ ծառայութիւն կատարած կըլլաս հայրենիքիդ հանդէպ: Նախքան մերժելը կը ցանկանայի, որ լաւ վերահասու ըլլաս և գործի օգտակարութիւնն ու կարևորութիւնը գնահատես:

– Մենք ներկայիս մի երիտասարդ ունենք այդ գործի վրայ: Նա մեր հոշակաւոր բանաստեղծ Թումանեանի տղան է՝ Արտատաղը: Բայց կը ցատն ըսելու, որ աս գործը անոր գործը չէ: Խօսք չունեմ, նա շատ լաւ և վստահելի երիտասարդ է, բայց աս գործի կարևորութիւնն ու պատասխանատուութիւնն ըմբռնել չի ցանկանար: Յաճախ անտեղի և երկարատև կը բացակայի: Կըսեն, ինչ որ երիտասարդ սանիտարուհու հետ ժամանցներով կը զբաղի: Միրաքանութեան և ժամանցներու պատճառով գործը զոհել աններելի յանցանք է: Ամէն ինչ իր առանձին ժամանակը պէտք է ունենայ: Գործը քէֆին զոհելը մեծ մեղք է և անթոյլատրելի:

– Իսկ եթէ ես էլ այդ յանցանքով վարակած լինեմ, – կատակի տալով պատասխանեցի, – ի՞նչ կասէք:

– Ինքնապաշտպանութեան ժամանակէն քեզ կը ճանչնամ: Չեմ հուստար, որ անոր նման այդպէս անվոյթ ըլլաս: Հակառակ պարագային այդ մասին յետոյ կը մտածենք: Յամենայն դէպս, շատ կը ցանկանայի, որ այդ պարտականութիւնը զոնէ ժամանակաւորապէս ընդունէիր:

– Շատ աղէկ, թոյլ տւէք մէկ-երկու օրայ մէջ այդ առթիւ մտածելու և որոշելու պատասխանս, – ասի Գրիգորին:

### ՅՈՒՍԱԼՔՈՒՄ

Վասպուրականի ինքնապաշտպանութիւնից առաջ, այդ ժամանակ և դրան յաջորդող շրջանին միշտ եղել էի բազմազբաղ: Ունէի գաղափարակից ընկերական մտերիմ շրջան: Պայմանները խանդավառող և ոգևորիչ էին: Գործի և մտքի թափուրը գոյութիւն չունէր ինձ համար:

Վերադարձիցս յետոյ բոլոր նախկին պարագաներն ու շրջապատը չբացել էին: Իմ մօտ անցելի ընկերներից ու բարեկամներից միայն Մարօն և Հրանդն էին մնացել: Ինձ համար զոյացել էր մտաւոր ու հոգեկան բաւականութեան բացակայութեան անդնդանման մի պարիսպ:

Երկու օր առաջ գնացի Սահակ աղայի տան վիճակը տեսնելու: Մի աննկարագրելի սարսուտ անցաւ ամբողջ մարմնովս: Սահակ աղայի տունը, ռուսական նախկին հիւպատոսարանի շէնքն էր այրուել և մասնաւոր ուշադրութեամբ քարուքանդ եղել: Թիրքերն իրենց ատելութիւնն ու կատաղի վրէժը կարծես ցանկացել էին թափել անշունչ ու անպաշտպան շէնքի վրայ:

Մարօն ի վիճակի չեղաւ Սահակի, նրա ընտանիքի և մանաւանդ նրա աղջկայ՝ Անուշի մասին որևէ տեղեկութիւն տալու ինձ:

Մանաւանդ այս անյայտ ու տխուր դասաւորութիւնը հոգեկան վիճակիս վրայ չափազանց ծանր անդրադարձում ունեցաւ: Իմ անչափ սիրելի ծննդավայրը՝ սքանչելի Այգեստանն ինձ համար օտարոտի, անհարազատ և անհրապոյր էր թուում:

Հոգեկան ի՞նչ մեծ կսկիծ, ի՞նչ դառն բեկում, ի՞նչ անսահման ամայութիւն...:

Ինձ մխիթարելու, ոգևորելու, սրտապնդելու միջոցները կարծես միանգամայն չբացել էին: Միրտս անաղմուկ, բայց դառնագին հեծկլտում էր... Իմ աննման Անուշին գտնելու ամէն ենթադրելի յոյսերը միանգամայն խորտակուել էին...:

Հոգեկան այս թափուրն ու ամայութիւնը մտքիս գործելու հնարաւորութիւն չէին տալիս:

Չէի կարող մի եզրակացութեան յանգել. ցանկանում էի մի գործի ընտրութիւն կատարել, որոշում էի կայացնում, բայց անմիջապէս զոջում էի: Անվճռականութեան և կամքիս անկայունութեան համար ինքս ինձ մեղադրում էի:

Մտածում էի երկու բարեկամներիս օգնութեանը դիմել: Իմ հոգեկան ալեկոծումները նրանց բացատրել, բայց տարօրինակ ինքնասիրութեան և անհասկանալի հպարտութեան զգացումն արգելք էր դառնում:

Անցել էին ութ օրեր: Վերադարձիցս յետոյ շարունակում էի Հրանդի հետ միասին նրանց տանն

ապրել: Նրան յայտնել էի արդէն, որ Թիֆլիսից և Գիւլիգարդից մեկնելու ժամանակ աշխատանքիցս խնայած չնչին գումարները հիւանդ եղբորս և մի աննշան մնացորդը թողել եմ քրոջս:

Առանց ինձ զգացնել տալու իմ դրամ չունենալս՝ Հրանդն ազնւօրէն ինձ արգելում էր առօրեայ ապրուստի ծախսերին մասնակցել: Մի օր, նկատելով իմ ծայրայեղ անտրամադիր և տխուր վիճակը, ասաց.

– Միրաք, սիրելիս, դու իրաւունք չունես իմ նկատմամբ անկեղծ չլինել: Նկատում եմ, ինչ-որ անծանօթ պարագայ քեզ չափազանց անհանգըստացնում է: Ինչ-որ գաղտնիք կարծես սիրտդ կրծում է: Դու ներքնապէս տանջում ես: Քո սովորական կենսութախառնից և եռանդուն տրամադրութիւնից օրէցօր ատելի և ատելի ես զրկւում: Տխուր և մտածկոտ ես դարձել:

– Խնդրում եմ, որպէս մտերիմ և լաւ ընկեր, առանց քաշելու՝ ինձ յայտնես քեզ այդքան շատ տանջող և մաշող պարագան:

– Հրանդ, դու միանգամայն իրաւացի ես: Վերադարձիցս յետոյ ես բոլորովին այն մարդը չեմ, ինչ կայի: Հոգեկան անասհման մի տխրութիւն կլանել է իմ ամբողջ էութիւնը: Կարծես սրտումս մի ամայի, դառնաշունչ վիճ է բացել: Կամքիս ու սրտիս միջև մի փոթորկալից պայքար է ստեղծել: Կամքիս ու ժով ցանկանում եմ սրտումս բացւած խոր վերքը դարմանել, բայց դժբախտաբար առայժմ այդ չի յաջողում ինձ:

Քեզ նման մտերիմ և հարագատ ընկերոջը ստիպւած եմ ինձ մրկող ցաւը բացայայտել: Մեր առաջին նահանջի օրերից ի վեր՝ մինչև հիմի, սրտումս մի անդարմանալի կսկիծ, տանջանք է գոյացել: Ինձ մեղադրում եմ, որ իմ անփութութեան հետևանքով մի սքանչելի աղջկայ՝ իմ սիրած աղջկայ կորստեան պատճառն եմ եղել: Թէ՛ միտքս և թէ՛ խիղճս՝ իմ պատճառով եղած այդ կորստի համար ինձ անդադար տանջում են: Ճիշտ է, վերադարձել եմ հայրենիք իմ հայրենաբաղձութեան կարօտի ճնշմամբ բայց դրանից անբաժանելի մի պարտաւորութիւն էլ ինձ համար գոյութիւն ունէր:

Անվերջ և ապարդիւն փնտրտութեանց յետոյ ինձ համար մնում էր յոյսի մի վերջին նշոյլ: Դա Վանում մնացած և իրեն թաքցրած Անուշի հօրը՝ Սահակ աղային վերագտնելու սպասումն էր: Եթէ նա ողջ մնացած լինէր, գուցէ կարողանար իր աղջկայ մասին ինձ որևէ տեղեկութիւն տալ, բայց ավստ՛ս, որ ոչ միայն նա, այլև նրա տան հետքն էլ չկայ: Վայրագ թշնամի նրա տունը հողին է հաւասարեցրել, քանի որ այդ շէնքը վարձուած էր ռուսական հիւպատոսարանի կողմից:

– Հիմի լիովին քեզ հասկանում եմ,– ասաց Հրանդը:– Գու՛ցէ դրա մասնակի ճարը ես կարողանամ անել: Իհարկէ, դրանով չեմ ուզում ասել, որ քո կորցրած սիրելի աղջկան՝ Անուշին, որին ես էլ ճա-

նաչում էի, հրաշքով կարող եմ ճարել, բայց սրտումդ խորացած վերքը պէտք է մեղմել:

Վաղը չէ միւս օրը կիրակի է: Մի քանի օրով Վարագի վանքն ու նրա հովասուն լեռները կը գնանք: Լեռնագնացութիւնն ու օդափոխութիւնը նախ քեզ և յետոյ ինձ համար կարող են շատ օգտակար լինել:

## ՎԱՐԱԳՈՒՄ, ՊԵՏՐՈՍԻ ՄՕՏ

Կիրակի օրը՝ առաւօտեան շատ կանուխ, Հրանդն իր խոստումը կատարեց: Նա համարեա ստիպմամբ ինձ Վարագ տարաւ, ճանապարհին հանդիպեցիմք մեզ նման մի քանի ուխտաւորների: Երբ Այգեստանի ոսկեվառ արևն իր շողշողուն և վառվառն շողերն էր սփռում, մենք հասել էինք Վարագայ լանջերը:

Ահա և ինքը՝ Վարագայ վանքը: Նա կիսաքանդ էր եղել, բայց մեզ՝ ուխտաւորներիս համար, պահել էր իր նւիրական շունչն ու եզական խորհուրդը: Ինչպէս միշտ, ներկայիս էլ նա վեհապանձ արծի նման թառել էր Վարագայ խորախորհուրդ լեռան կրծքին:

Վանքը շրջապատող շինութիւնից մնացել էին հազիւ մի քանի սենեակներ: Պետրոս աղան<sup>30</sup> Վարագայ անպարտելի վերակացուն, մեզ դիմաւորելու աճապարեց: Նրա հոգում բոյն էին դրել տխրութիւնն ու ընկրկումը, բայց նա աշխատում էր այդ զգացումները թաքցնել, խեղդել, և ինչպէս եղել էր ամբողջ կէս դար, այդ օրն ևս մեզ և մեզ հետ եղողներին դիմաւորեց ժպտադէմ և բարեհամբոյր:

Մեր բարկին նա ժպտալից պատասխանեց.

– Բարով, հազար բարով էք եկած: Ինձ համար անչափ ուրախութիւն է, երբ իրար յաջորդող 3 նահանջներէն վերջ նորէն բախտաւորութիւն կունենան ձեզ նման հայրենակից-ուխտաւորներ դիմաւորելու և իմ վշտաբեկ սիրտը մխիթարելու:

– Մեզ համար ևս,– պատասխանեց Հրանդը,– շատ ատելի մեծ ուրախութիւն է ձեզ նման աննկուն և աննահանջ վերակացուի նորէն հանդիպելու: Չեզմէ գատ, ուրիշ մէկը հազիւ թէ ցանկանար վերադառնալ այստեղ և անասելի ջանքերով իր դժար, վտանգատր և մեղաջան աշխատանքը վերսկսել:

– Իրաւացի էք, պարո՛ն,– պատասխանեց Պետրոս աղան,– թշնամի կարողացածին չափով վանքը քարոքանդ ըրած է, իսկ բնութիւնը, ճմեռների խստութիւնը մեր ամենուս պաշտելի այս վանքի ատերակումը լրացած են: Նահանջներու ժամանակ ոտքերս ինձ կը դաւաճանէին, անոնք իմ մարմինն

<sup>30</sup> Պետրոս աղան իրաւացիօրէն գուշակել էր, որ Վարագայ վանքից զրկելուց յետոյ իր կեանքը խաւարելու էր: Վանի վերջին՝ 1918 թի նահանջից յետոյ՝ 4-5 տարի խելագարի նման դէս ու դէն թափառելուց յետոյ, ի վերջոյ, յուսահատւած՝ իրեն Միջերկրական ծովի կատաղի ալիքներին յանձնելով՝ ինքնասպան եղաւ (ծանոթ. հեղինակի):



Վարագա պարոն Պետրոս

իրենց վրայ քաշ տալու ցանկութիւն չունէին: Առաջին երկու նահանջներու ընթացքին կամատոր գերու մնան գաղթողներու շարքերու մէջ խառնուեցի: Իգդիր չը հասած՝ նորէն վերադարձայ: Ասկէ 4 ամիս առաջ եղած նահանջին չուզեցի մասնակցել: Որոշեցի մնալ և այս սրբավայրի լեռներու և ծերպերու մէջ թաքնուել: Է՛հ, միևնոյն է, ըսի ինքս ինձի, առանց այս նիւրական ու պաշտելի վանքի՝ ես ապրել չեմ կարենալու: Փոխանակ գաղթի ճանապարհին տանջանքի ու տառապանքի մէջ մեռնելու՝ աւելի լաւ է իմ անմնան հոգևոր հօր՝ Խրիմեան Հայրիկի՝ ինձ ժառանգութիւն թողած այս արծուբոյնի կամ անոր յաղթապան լեռներու խորշերէն մէկի մէջ մեռնեմ կամ սպանեմ: Ներկայիս 70-ի շուրջ տարիք ունեմ: Գուցէ մի քանի տարի ալ կարողանամ ապրել: Ընտանիք, երեխայ չունեմ: Իմ ունեցած գանձն ու հարստութիւնը իմ երջանկութիւնն ու պարծանքը աս վանքն է: Տասնևհինգ տարեկան պատանի էի, երբ այստեղ եկայ: Այն ժամանակընէ սկսած՝ կեանքս նիւրած եմ այս փառապանծ արծուբոյնին: Մեզ ամենուս և մասնատրապէս իմ հայր

Խրիմեան Հայրիկը կրթեց, դաստիարակեց և հայրենասիրութեան շունչ ու ոգի ներշնչեց: Առանց Վարագի՝ իմ կեանքը խաւար է ու անիմաստ: Առանց որևէ կուսակցութեան պատկանելու՝ եղեր եմ հայ ժողովրդի պարծանքի ու պաշտամունքի առարկայ այս նիւրական վանքի երդուեալ և հաւատաւոր ծառան և կը ջանամ մնալ, քանի դեռ շունչ ունեմ:

\*\*\*

Պետրոս աղան մեզ հրաւիրեց իր սենեակը հանգստանալու: Նա մեզ հիւրասիրեց թարմ ու տաք կաթով և նոր թխած գաթայով:

Այս, ըստ երևոյթին, նախկինն մնան բնականոն վիճակն ինձ զարմանալի թաց: Հարցրի:

– Պետրոս՝ աղա, այս ինչպէ՞ս է, որ նախկին տոկորույթը կը կարողանաք գործադրել: Թարմ կաթն ու գաթան ինչ միջոցով կը հայթայթէք:


– Հէ՛յ, հէ՛յ, քանի որ ձեր ծերուկ Պետրոս ողջ է, ամէն միջոցի կը դիմէ այս ամէնուն սիրելի ու պաշտելի ուխտավայրի գոնէ վերջին կրակն ու ճրագը վառ պահելու: Երկրորդ նահանջէն վերջ, երբ վերադարձայ, Բարեգործականի մօտ գնացի: Բացատրեցի վանքի անմխիթար վիճակը: Ասացի, եթէ չէք ցանկանայ ինձ ողջ-ողջ թաղել, կաղաչեմ խնդիրս չմերժէք: Մի՛ յօժարիք, որ մեր Հայոց Հայրիկի նիւրական օջախն առանց ճրագ ու կրակի մնայ: Ինձ մի գոյգ կով և երկու ոչխար տուէք: Մեր նախկին մշակներէն մէկ-երկուքը կը ճարեմ և կը ջանամ Լուսաւորչի կանթեղը վառ պահել:

Շատ շնորհակալ եմ: Խնդիրս չմերժեցին և ուզածներս տուին: Ներկայիս երկու մշակների օգնութեամբ գործերս կը կատարեմ: Մշակների թեթև ոռնիկն ալ ես վանքի չնչին եկամուտէն կը վճարեմ: Չեզ մնան հայրենակից ուխտատուներ բաւական շատ կայցելեն իրենց սիրելի սրբավայրը: Չէք կրնար երևակայել, թէ ինձ ի՞նչ մեծ ուրախութիւն կը պատճառէ անոնց մէկ պատառ հացով և մէկ բաժակ կաթով հիւրասիրելը:

Նա կորցրեց իր խօսակցութեան թելը: Նրա աչքերն արցունքով լեցուցին: Նրա խորշոմած այտերի վրայով արտասուքի մի քանի կաթիլներ գլորեցին, և ապա սրտամաշ հառաչանքով շարունակեց.

– Այս վանքը իսկապէս արծուբոյն է եղած: Ամենախիզախն ու անվեհերը մեր Հայրիկն էր: Անոր ժամանակ և անկէ յետոյ հայրենիքի ազատութեան համար պայքարող քաջերը, շարան-շարան եկած, օքլանած և անոր հողին մէջ հանգստացած են: Անոնց՝ հայրենիքի այդ խիզախ գաւակների հիւրընկալութեան, հանգստութեան համար, ոչինչ խնայած եմ: Այս պատճառով ալ շատ անգամ թիւրք ժանդարմների գանակոծման ենթարկուած եմ: Մէկ անգամ ալ մահունէ ազատուեցայ: Սպանել կուզէին: Ամենատորոմած Աստուած այս սրբավայրի հրեշտա-





Վարագ վանքը (յուսանկար՝ Բախման, 1913 թ.)

կին ինձ օգնութեան փութացուց: Երբ ինձ կալանաւորած սպանելու կը տանէին, յանկարծ երկինքը մթնեց, կայծակ, որոտ և հեղեղանման անձրև թափել սկսեց: Կատաղի քամին կը սուրար և ահռելի ուրտով ամբողջ լեռները կը դողդացնէր: Ժանդարմները խուճապի մատնեցան: Անոնց գլխատորը կատաղած, սեղմած ատամների արանքից հալիոյանքով մոթմոթաց. «Գեավորուն Ալլահի ըզզի դայէ: Բրախընը ջրհաննամ օլտուն (անհաւատի Աստուծը դժգոհ է, թողէք կորչի):

Պետրոս աղան ապա շարունակեց.

– Կատարեց հրաշքը, որ քանի դեռ կենդանի եմ, մոռնալ չպիտի կարողանամ: Գիտեմ, համոզւած եմ, որ այս սրբավայրի պահապան հրեշտակի շնորհքն ու զօրութիւնն էր, որ իրեն նւիրած ծառային փրկել կամեցաւ:

– Պետրոս աղա,– հարցրի նորից,– գիտեմ, որ Խրիմեան Հայրիկի այս վանքի մէջ ապրած ժամանակ դուք անոր անբաժան օգնականն ու նոյնիսկ մտերիմ բարեկամն էք եղել, ինձ մի խնդիր չափազանց շատ է հետաքրքրում: Ասում են, որ Մուշ-Տարօնի հերոսական ընդվզումն ու տաճկական անթիւ գօրքի դիմաց նրա խիզախ դիմադրութիւնը՝ Հայրիկի թելադրութեան և քաջալերանքի հետևանքն է եղել: Այդ մասին ի՞նչ կարող էք ինձ յայտնել:

– Որդիս, Խրիմեանին զուր տեղը Հայոց Հայրիկ անունը տրւած չէ: Նա իրապէս հայոց հայրն է եղած: Անոր աննման գթառատ սիրտը հայրենիքի,

իր իրաւագրկւած ժողովրդի սիրովն ու կարօտով էր տոգորւած: Նա հայ ժողովրդի ցաւովն ու վշտովը կը տառապէր: Անիրաւութեան, կողոպուտի, բռնութեան ամէն մէկ լուրը անոր հայրական աչքերից արիւն-արցունք կը խլէր: Դրա փոխարէն հայ ժողովրդի, անոր քաջարի զաւակներու ամէն հերոսական ընդվզումը, անոր հայրական սիրտը պարծանքով և ուրախութեամբ կը լեցնէր: Արդեօք ի՞նչ զարմանալու պարագայ կարող է ըլլալ, եթէ նա խրախուսած և քաջալերած ըլլար Տարօնի հերոսական դիմադրութիւնը: Թիրքերու և քիւրդերու կողոպուտն ու բռնութիւնները ամէն չափ ու սահման կտրած, անցած էին, կեղեքող ժողովրդի համբերութիւնը հատած էր: Ամէն օր նորանոր բռնութիւններու և առևանգումներու լուրեր կը հասնէին և մեծ հայրենասէրի սիրտը կը ճանկոտտէին, կարիւնէին: Ով ապրել կուզէ, ստիպւած է պայքարել, դիմադրել: Հայ ժողովուրդը կուզէ, ստիպւած է պայքարել, դիմադրել և վրէժխնդիր ըլլալ իրեն խեղդամահ ընել փորձող բարբարոսներէն:

Երեք օր Վարագ մնացինք: Հրանդն ինձ ստիպում էր իր հետ միասին լեռները բարձրանալ և նրանց կատարներին հասնելով՝ այնտեղից դիտել Այգեստանն ու զմայլել նրա բնատուր գեղեցկութիւններով: Նա միշտ կրկնում էր.

– Մեր գեղատեսիլ Այգեստանի փառքն ու պարծանքը և գեղեցկութիւնների գեղեցկութիւնը Վարագն է՝ իր սէգ և վեհապանծ լեռներով, և Աղթամա-

րը՝ իրեն շրջապատող կապտաունև և շողշողացող ջրերով:

Մեզ հետ տարած ծխախոտի, թէյի և շաքարի փոքր պաշարը թողնելով մեզ սիրալիքորեն և հայրաքար հիւրասիրող Պետրոս աղային և սրտանց շնորհակալ լինելով նրա՝ անսահման ազնիւ վերաբերմունքից՝ վերադարձանք Վան: Հրանդը շատ ճիշտ էր մտածել: Ես աշխուժացել և բաւական շատ կազդուրել էի: Միտքս էլ մի տեսակ խաղաղել էր: Աշխատելու, գործելու տրամադրութիւնս սկսում էր երևան գալ:

### ՆՈՐԻՑ ՄԱՐՕԻ ՄՕՏ

Վարագից Վան վերադառնալուց յետոյ ինքս ինձ բաւական փոխուած գտայ: Մելամաղձոտ և շարած վիճակս անհետանալու վրայ էր: Նորից Մարօեանց գնացի՝ թէ՛ նրան և թէ՛ Գրիգորին այցելելու համար: Ընտրեցի յարմար ժամանակ ճաշին նրանց մօտ լինելու, քանի որ Մարօն քանիցս խնդրել էր գոնէ շաքաթը մէկ անգամ իրենց հետ ճաշելու:

Ճաշին իրենց մօտ գնալու համար Մարօն շատ ուրախացաւ: Չարաճճի և կենսուրախ Կորինին գիրկս դնելով՝ հեռախօսի մօտ աճապարեց՝ իր ամուսնուն իմ ներկայութեան մասին տեղեկացնելու և նրան խնդրելու, որ ճաշին շատ չուշանայ: Ուրախութիւնից երեխայի պէս թռչկոտելով՝ ինձ մօտ վերադարձաւ և վերսկսեց իր ամենեղ հարցաքննութիւնը.

– Պատմիր, եղբայր ջան, ինչպէս հարազատ քրոջդ, ինձ ասա՛, քեզ ի՞նչ է պատահել: Դու քո վերադարձից յետոյ կարծես նախկին Սիրաքը չլինես: Ինձ քուտ է, ինչ-որ մի բան քեզ անհանգստացնում է: Մի՞թէ քեզ վատառողջ ես զգում, թէ ինչ որ ինձ անծանօթ վիշտ քեզ տանջում է:

– Մարօ՛, իմ հարազատ, իմ սիրելի՛ Մարօ, չես կարող որևէ մարդու հանդիպել, որ կատարելապէս երջանիկ լինի: Ամէն մարդ մի տեսակ անհանգստութիւն, դժգոհութիւն և նոյնիսկ վիշտ կարող է ունենալ: Իմ ամենամեծ դժգոհութիւնս այն է, որ ներկայիս գրկած եմ իմ այն բազմաթիւ ընկերներից, մտերիմներից, հարազատներից, քրոջիցս, հօրիցս և մէկ խօսքով այն եռուն, կենսունակ շրջանից և միջավայրից, որով ես ոգևորում և հրճում էի նախքան մեր տնաքանդ անհանգը, որ մեզնից ամէն ինչ խլեց ու կողոպտեց: Վերադարձիցս յետոյ քեզնից և իմ ընկեր չրանդից բացի ոչ ոքի ունեմ: Ես ինձ բողոքովին մենակ, գրկած և անհաղորդ եմ զգում: Ինձ ոգևորող, ներշնչող, խրախուսող, նախկին պայմաններն ու շրջապատը չը կան: Ինձ զգում եմ մի թմրեցնող, յոգնեցնող, անհարազատ պարսպուքեան և ամալուքեան մէջ: Երբեք չէի ենթադրում, որ կարող էի նման վիճակի ենթարկել... Չես կարող

երևակայել, սիրելի՛ Մարօ, հոգու, սրտի պարապն ու ամալուքին ինչքա՛ն սոսկալի և անտանելի է...

– Եթէ չեմ սխալում, եղբայր Սիրաք, քո նկարագրած դրութիւնը սիրային հարածի ենթարկողներին է վիճակում: Մի՞թէ կորցրած սիրոյ վիշտն է քեզ հարածում:

Մի րուպէ լռելայն սպասումից յետոյ վշտալից շարունակեց.

– Օ՛հ, այո՛, անչա՛փ տխուր եմ: Շատ ինքնամփոփ, եսական եմ դարձել: Իմ երեխայի ու ամուսնու նկատմամբ ունեցած անսահման ուշադրութիւնն ու խնամքը ինձ օտարացրել, նոյնիսկ իմ հետաքրքրութեան շրջանից իմ հարազատներին ու մտերիմներին հեռացրել ու դուրս է վտարել: Քո վիշտն ու տառապանքը հիմի հասկանում, շա՛տ լաւ եմ զգում: Դու ուրեմն ձեռքից տուել կամ գուցէ կորցրել ես սիրածդ աղջկան՝ Անուշին, որին ես մի ժամանակ անիրաւացիօրէն մեղադրում էի...

– Ինչու՞մն էիր մեղադրում,– անմիջապէս կտրեցի Մարօի չվերջացրած խօսքը:

– Ներողութիւն, գուցէ սխալ արտայայտուեցի: Ուզում էի ասել, որ նրա պատճառով՝ ինձ, ինչպէս ասում ես, քո քրոջը ամիսներով մոռացութեան էիր մատնել:

– Սխալում ես, ազնիւ Մարօ, միանգամայն սխալում ես: Նրա պատճառով չէր, որ քեզ մոռացութեան էի տուել: Ո՛չ, իմ սխալի ու անփութութեան հետևանքն էր այդ: Ընդհանուր, հասարակական, կուսակցական և այլ գրադումներինս համար թէ՛ քեզ և թէ՛ նրան մոռացութեան էի տուել: Տարբերութիւնը նրանումն է, որ դու տէր և տիրական, պաշտպան ունէիր, որ քեզ վտանգից և կորստից ազատեց, իսկ նրան այդ սոսկալի և մինչև հիմի ինձ անհասկանալի մնացած կորուստից ազատողը չեղաւ: Նրան հովանաւորողն ու ազատողը ես պիտի լինէի, բայց, դժբախտաբար, չեղայ և այդ իսկ պատճառով էլ տանջում, անդադար ու անվերջ խղճահարում եմ և ինձ արդարացնելու ոչ մի միջոց չեմ գտնում: Նահանջի վերջին րուպէին միայն նրան փնտրելու գնացի: Չը կարողացայ գտնել: Նրան կորցրի, և այդ թանկագին և անփոխարինելի կորստի համար սիրտս այրում է, և խիղճս տանջում է ինձ:

– Եղբայր, ասում ես, նրան կորցրի, իսկ նորից նրան փնտրելու և գտնելու համար ջանացի՞ր, թէ՞ ոչ: Իգդիրում, Էջմիածնում, Երևանում, Ղարափլիսում և վերջապէս Թիֆլիսում, բոլոր մեր գաղթական հայրենակիցների վերաբնակած վայրերում մի՞թէ քեզ չյաջողուեց նրան վերագտնել: Մի՞թէ մեր և նրանց ծանօթ-բարեկամների օգնութեամբ կարելի չեղաւ նրա մասին որևէ տեղեկութիւն ձեռք բերել:

– Ո՛չ, ո՛չ, Մարօ՛, հնարաւորին չափ ստուգումներ կատարեցի, փնտրեցի, նոյնիսկ մի քանի բարեկամներինս և ընկերներինս օգնութեանը դիմեցի: Թիֆլիսում հրատարակող և շատ սպառնող երկու հայե-

րեն թերթերում մի քանի անգամ յայտարարութիւն տուի: Չեղաւ, չյաջողուեց: Իմ բոլոր ճիգ ու ջանքերն ապարդիւն անցան:

Մարօի մշտաժպիտ դէմքը մռայլուեց: Նա, որ իմ մանկութեան օրերին ինձ համար աննման և անգուգական հարազատ քոյր էր եղել և մի տեսակ պահապան հրեշտակի նման ինձ գուգորդել և պաշտպանել էր, սրտի խորքից հառաչեց և տառապալից վշտից գունատուեց: Ապա գթառատ մօր նման ինձ իր բազուկներով գրկելով՝ գուրգուրաց և մազերս շոյելով՝ իր դիպիչ ձայնով ասաց.

– Մի՛ յուսահատուիր, իմ անուշիկ և անգի՛ն եղբայր: Այդ քեզ չի սագում: Ծակատագրի դէմ պայքարել միանգամայն անօգուտ է: Չանացի՛ր ազնի սիրտդ մաշող այդ վիշտը մոռացութեան տալ:

Մարօենց տնից դուրս գալուց յետոյ քանի անգամներ, մտքումս կրկնեցի ինձ մխիթարելու, սիրտ տալու համար նրա ասած խօսքերը. «Այդ քեզ չի սագում, ճակատագրի դէմ պայքարելը միանգամայն անօգուտ է»: Եթէ այդ խօսքերը մի ուրիշ անձնատրութեան բերնով ասած լինէին, գուցէ սովորականի պէս ոչ մի ազդեցութիւն չգործէին: Բայց դրանք արտասանւած էին Մարօի կողմից: Տասնեակ տարիներից յետոյ նրա ասած խօսքերի զարմանալի ազդեցութիւնը մէկ անգամ ևս զգացի:

Մանուկ հասակից սկսած մինչև պատանեկութեանս նախաշրջանը՝ Մարօն ինձ համար եղել էր ամեն ինչ: Նրա կարգադրութիւններին, ցուցմունքներին և նոյնիսկ ցանկութիւններին ենթարկելը մի տարօրինակ հաճոյք էր պատճառում ինձ: Համոզւած էի, որ նա իմ բարեացակամ և ամենահարազատ բարեկամն է: Շատ անգամ ենթադրում էի, որ նա իմ բարեհամբոյր մօր տեղապահն է: Մտածում էի՝ գուցէ բեմուրազ և վաղաժամ մեռած մօրս հոգին է նրան ուղարկել իմ պաշտպանութեան և պահպանման համար...

«Այս քեզ չի սագում...»: նրա այս խօսքերն ականջներումս անդադար զնգում էին: Տարօրինակ էր: Մարօի խօսքերն իմ այս հասակում դեռ շարունակում էին իրենց դիպական, հրապուրող, առիւնքնող բնոյթն ու իմաստը պահել: Նորից զգում էի, որ կամայ, թէ դեռևս ակամայ ենթակայ էի նրա խօսքին ու ազդեցութեանը:

Նրա հարազատութեան, անկեղծութեան և բարեացակամութեան մասին կասկածել չէի համարձակւում:

Այո՛, այս անգամ էլ նա միանգամայն իրաւացի էր, երբ ինձ ասում էր. «Այդ քեզ չի սագում»: Երիտասարդութեան սեմին դեռ նոր ոտք դրած՝ իրաւունք չունեն բախտի առաջին հարւածից ընկրկելու և տառապելու: Պետք է, որ կարողանամ կեանքի պայքարում դիմագրաւելու և չխորտակելու համար ինձ ուժ և կենսունակութիւն ներշնչելու:

\*\*\*

Մարօենց մօտ՝ ճաշի ժամանակ, Բուլղարացու հետ ունեցել էինք մտերմական խօսակցութիւն: Ինձ համար առանձնապէս հետաքրքրական էր նրա կարծիքը ռուսական բանակի հայկական կամաւորական գնդերի կողմից ազատագրւած հայկական հողամասերի վերաբերմամբ: Նրա կարծիքը տիրող վիճակի մասին միանգամայն աննպաստ էր:

– Դժբախտաբար, թաքցնել չեմ կարող,– ի միջի այլոց ասաց նա,– իմ կասկածները ռուսական ներկայ պետական քաղաքականութեան անշահախնդրութեան և անկեղծութեան վերաբերմամբ: Կերենսկու կառավարութեան ուղեգիծը մեր՝ հայերիս նկատմամբ կարծես նախկին ցարական իշխանութեան քաղաքականութեան շարունակութիւնն ըլլայ:

Շատ զարմանալի է, որ ռուսական թէ՛ նախկին և թէ՛ ներկայ կառավարութիւնները մեզ քաղցր և հաճելի խոստումներ տուած են և կը շարունակեն շռայլել, բայց իրականութիւնը կարծես բոլորովին հակառակն է:

Երկու տարի առաջ Վասպուրականի Ապրիլեան հերոսամարտի ճգնաժամային օրերին ռուսական բանակը իր կողակների հեծելազնդերու արտակարգ խիզախութեան շնորհիւ վաղուց ի վեր Խալիլ փաշայի ղեկավարած թրքական բանակը կատարեալ պարտութեան ենթարկւած էր, բայց չնայած քաջարի Անդրանիկի խնդրանքներուն և հայազգի զօրավար Նազարբեգեանի միջնորդութեան՝ չէր ցանկանար կամ աւելի ճշմարիտ կըլլայ ըսել, ցուցմունք չունէր Ջուլֆա-Խոյ-Մալմաստ գիծէն այս կողմը հառաջանալու և մեզ՝ օրհասական ճգնաժամի մէջ ապրող և ամէն բոլոր մահուան սարսափը հերոսական ճիգերով դիմագրաւող Վասպուրականի հայերուս օգնութեան հասնելու: Վերջապէս եկան: Չափազանց շնորհակալ և երախտապարտ ենք: Անոնք մեր կամաւոր գնդերու անձնէր գործակցութեամբ մեզի արիւնարբու թշնամու ճանկերէն ազատեցին, բայց ափսո՛ւ, հազար ափսո՛ւ, որ այդ ազատագրութեան շրջանը կարճատև եղաւ: Մեր ազատագրումը կարծես ռուսական ցարական կառավարութեանը հաճելի չթեց: Այդ իշխանութիւնը մեզի ազատած ըլլալու համար կարծես զոջաց:

– Ուրեմն ինչ կարծիքի էք, – անհամբերութեամբ կտրեցի Գրիգորի խօսքերի շարունակութիւնը,– ռուսական բանակի նահանջն անտեղի, միտումնաւոր է եղած...:

– Անկասկած, այո՛: Թիւրքերը այդ օրերուն սարսափահար եղած էին: Անոնք ռուսներու կողմէ պարպւած իրենց հողամասերն անմիջապէս վերադառնալ չհամարձակուեցին: Անոնք կը բաւականանային միայն ռուս զինուորներու լքած հողամասերու վրայ գրգռութիւններ կատարելով:

Թիւրքերը գերմանացիներու իրենց նկիրած անթիւ և անհաշիւ զենքերով, քիւրդերը, չերքեզներն ու

տեղական բաշխողութեամբ աւագակները կը զինէին և անոնց ախորժակները կը գրգռէին անպաշտպան մնացած հայերը կողոպտելու և անոնց կինն ու աղջիկներն առևանգելու կը դրդէին և ամէն կերպ կը քաջալերէին:

Գրութիւնն ինձ բոլորովին պարզ ու հասկանալի էր: Ատոր համար ալ Լևոնի հետ միասին վերջին երկու, ըսենք երկրորդ և երրորդ նահանջներու ժամանակ աշխատեցի գաղթականութեան բաւական մեծ մասը Բերկրիի հովիտներու մէջ և Աբաղայի դաշտավայրերու վրայ պահելու: Այդ նենգութիւններու պատմութիւնն ալ երկար տեղ չկարողացաւ: Վճռական, վերջնական նահանջի ստիպողական անհրաժեշտութեան պարագան մինչև յիմա ալ գոյութիւն ունեցած չէ: Կարճ ըսած՝ բռնական բանակները նահանջելու պարտադրող տաճկական զինուորական ոյժ ու կազմակերպութիւն գոյութիւն ունեցած չէ և մանաւանդ ներկայիս ալ չկայ: Եղած բոլոր նահանջները քաղաքական խաղերու և խաբէութեան հետևանք են:

Մեր խոսակցութիւնը բաւական երկար տեղ: Բոլորաբացու դարձողական ուսման աստիճանն անծանօթ էր: Ամէն պարագայում նա քաղաքական հմտութեան տէր և մանաւանդ վործում ու հեռատես զինուորական էր:

Մեր բաժանելուց առաջ մի տեսակ բարոյական ճնշմամբ նա ինձնից խօսք առեց իր զինուորական վարչութեան մասը կազմող զինուորական կենտրոնական պահեստի պահեստապետութեան գործը ստանձնելու:

– Քաղաքապետարանն ու Գիւղատնտեսական վարչութիւնն իրենց համար ուրիշ ծառայողներ ճարել կարող են: Մեր գործի պատասխանատուութիւնն աւելի շատ է, – եզրափակեց իր խօսքը:

### ՏԵՐԱՊԵՒՍ ԲԱԺԱՆՈՒՄ

Մենք Հրանդի հետ միասին շարունակում էինք նրանց տունն ապրել: Վերադարձից յետոյ իմ կրած հոգեկան բեկման և յուսալքման մեղմացման ընթացքում իմ ընկերն անփոխարինելի աջակցութիւն ցոյց տուեց ինձ: Իմ յուսալքման համար ինձ մեղադրելուց յետոյ ինձ շարունակ կամքի ոյժ և տոկոսութիւն ու եռանդ էր ներշնչում: Չարմանալի գուգաղիպութեամբ՝ Մարօի՝ ինձ ասած խօսքերն էր կրկնում:

– Սիրաք, այդպիսի կամագրկութիւն և ընկրկում քեզ բողորովին պատշաճ չէ: Երկու տարի առաջայքն եռանդն ու ղեկավարող դերը վերյիջի՛ր: Երկու շաբաթ առաջ՝ Էջմիածնում եղած ժամանակ, քո ասած ոգևորիչ ու ներշնչող խօսքերը յիշի՛ր: Եթէ ցանկանում էիր մեղկութեան մէջ ապրող սովորական մարդ լինել, էլ ինչու՞ Թիֆլիսից վերադարձար Վան: Մի՞թէ ինքը չէիր, որ ասում էիր. «Հայրենիքիս

վերաշինման գործին նուիրելով՝ նրա բարգաւաճման և վերելքի ճամփով յառաջադիմելու բուն ցանկութիւն ունեմ...»: Այդպիսի ձգտումով տոգորուող քեզ նման երիտասարդը յուսահատելու իրատունք չունի:

– Հրանդ, իմ սիրելի և մտերիմ ընկեր, աւելորդ է ասել և կրկնել, որ ինչպէս գիտես, այս պայմաններում, ինձ յուսալքող պարագաներ շատ կան: Հէնց առաջինն այն է, որ ներկայիս նախկին իմ երեք տասնեակ ընկերների շրջանից գրկւած են: Նրանցից միայն դու ես մնացել, և դժբախտաբար, ինչպէս որոշել ես, դու էլ շուտով ինձնից հեռանալու ես: Յետոյ էլ... Իմ յոյսի և երջանկութեան վերջին աստղն էլ խամրել և խաւարել է:

Ընկերս ինձ լիովին հասկանում և կարեկցում էր: Տխրութեան ստուերը սքօղել էր նրա ուրախ և մտապայծառ նայածքը: Ցանկանում էր խօսել, մխիթարել, բայց դժարանում էր: Ի վերջոյ ասաց.

– Եթէ ենթադրում ես, որ ի վիճակի չես յաղթահարելու և քեզնից վանելու քեզ յուսալքող առիթները, այդ պարագային բարոք և նպատակաշարժար կը համարեմ, որ ինձ հետ վերադառնաս Երևան: Մի քանի օր ինձ մօտ մնալով կը հանգստանաս և ապա կը մեկնես ձերոնց մօտ՝ Վարաքիլիսէ կամ Թիֆլիս:

Հրանդն անհամբեր սպասում էր պատասխանի:

– Մի գուցէ, – պատասխանեցի ընկերոջս, – հոգեկան ժամանակաւոր անորոքութեան համար առաջարկը նպատակաշարժար լինի: Մակայն մնան պարագայում ես ինձ փոքրացած, նաստացրած պիտի լինեմ: Ինձ պիտի համարեմ մի դասալիք զինուոր, որն իր պարտականութեան կատարումից հրաժարում և փախչում է թուլամորթութեան հետևանքով: Չէ՛, Հրանդ, ես այդ անել չեմ կարող: Հէնց առաջին հերթին ես ինքս իմ անձնատրութիւնը նաստացրած և արգահատելի պիտի դարձնեմ: Աւելի շուտ կը փշրեմ, կը խորտակեմ իմ սիրտը, նրա սիրոյ և գուրգուրանքի պարխապները, քան թէ հայրենագուրկ դասալիք կը դառնամ:

Ուրախութեան և հրճանքի կրակը Հրանդի աչքերում փայլփլեց: Նա՛ որպէս սրտակից ընկեր, մազագոյն ցանկութիւն չունէր իմ ընկրկումը տեսնելու: Ինձ քաջալերող շեշտով ասաց.

– Գիտէի, համոզւած էի, որ այդպէս հեշտութեամբ քո սիրած հայրենի հողն ու օջախը կամովին լքողը չես, վստահ եմ նոյնպէս, որ նիրւած և եռանդուն աշխատանքիդ հետևանքով քո հոգեկան տանջանքն ու տառապանքը պիտի մազի և գուցէ անհետանայ:

Իսկ ինչ վերաբերում է ինձ, գիտես, որ իմ պարագան բողորովին տարբեր է: Հայրս արդէն ծերացել է: Մօրս ու քրոջս միակ յոյսն ու ապաւինը ես եմ: Պատերազմի վերջաւորութիւնն ու նրանից յառաջացող դասաւորութիւններն ու հանգամանքները

մեզ անյայտ են: Սրանից յետոյ արդեօք մեզ կը թողնե՞ն մեր հայրենի օջախում վերապրել, թե՞ նորից վայրագ խժդժութիւններով և կոտորածի ու բնաջնջման սարսափով մեզ էլի կը հալածեն, կը քշեն և մեր նախահայրերի հայրենի երկրից մեզ կը վճռեն: Ամէն պարագայում այս կործանարար ահռելի պատերազմը դեռ շարունակուի է, և նորանոր հաւանական նահանջների սարսափից վտանգը կարող է ամէն օր և ամէն ժամ մեր գլխին պայթել:

Այս բոլորից յետոյ մի չափազանց ցաւալի հաւանականութիւն էլ կայ: Կարծում եմ, որ չես մոռացել ցարական կառավարութեան նենգ ծրագրի պատահական հրապարակումը: Այո՛, ծրագրած էր Ալաշկերտի, Սարիղամիշի, Աբաղայի և նոյնիսկ Կարսի շրջանները ժուռ կոզակների բնակութեան յատկացնել: Կերենկու այս նոր կառավարութեան հասցէին մամն ցաւալի լուրեր են շրջան առել: Դեռ երէկ իշխանութեան ղեկը գրաւած այս նոր իշխանութիւնը կոզակներին սիրաշահելու նպատակով նրանց խոստացել է հայկական հողամասերից և քիւրքերից գրաւած շրջաններից նրանց բնակութեան համար նահանգային ընդարձակ մասեր նւիրել:

– Լաւ, քո մտածելակերպին հակաճառելու մտադրութիւն չունեն՝ պատասխանեցի ընկերոջս:– Արտայայտած մտքերդ և ենթադրութիւններդ, դժբախտաբար, կարող են ճիշտ լինել: Նման պարագայում ինչո՞ւ համար նորից այստեղ վերադարձար: Մի՞թէ մինչ այդ այլ կերպ էիր մտածում և տրամաբանում:

– Հարցումդ տեղին է: Ինձ մամն մի դեռ չփորձած երիտասարդ չի կարող ճշտօրէն իրատես և հեռատես լինել: Ասենք, ինձ թում է, որ ինձնից շատ աւելի փորձառու քաղաքագետներն էլ ներկայ պայմաններում ի վիճակի չեն ապագան որոշելու և մամաւանդ մեր ժողովրդի բախտի ու ճակատագրի դասաւորման հաւանականութիւնը ճշտելու: Այսքան միայն կարող եմ ասել,– եզրափակեց Հրանդը,– որ ներկայիս ես մի քիչ աւելի պայծառատես եմ, ուզում եմ ասել, տիրող դրութիւնն աւելի լաւ եմ տեսնում և հասկանում, քան այն ժամանակ, երբ մենք Երևանումն էինք և հեռու Վասպուրականից:

– Ների՛ր ինձ, սիրելի՛ ընկեր, ես քեզ հասկանալ դժարանում եմ: Մեր իրարուց բաժանելուց յետոյ՝ երկու տարւայ ընթացքում, դու միանգամայն փոխուել ես: Մտքերիդ ու դատողութեանդ հորիզոնն ընդարձակուել է: Խնդրեմ, մի՛ պատրաստուիր բողոքելու: Ինչ որ ասում եմ, մի՛ կարծիր, որ կատակ կամ գովասանք է, քո նկատմամբ միշտ անկեղծ և յարգալից եմ եղել:

– Ինչքան կարողացայ քո ասածներից եզրակացնել, դա այն է, որ մեր Վասպուրականի ապագայի ապահովութեան մասին կասկածոտ և թերահաւատ ես: Արդեօ՞ք հանած եզրակացութիւնն ճիշտ չէ:

– Յաւ ի սիրտ պիտի յայտնեմ, որ եզրակացութիւնդ միանգամայն ճիշտ է,– պատասխանեց Հրանդը:

\*\*\*

Հրանդն արդէն վճռել էր Երևան վերադառնալ: Նա ինձ յայտնեց, որ իրեն յաջողուել էր իրենց տանը ինքնապաշտպանութեան օրերին թաքցրած մեծ քանակութեամբ բրդեղէն և կերպասեղէն կտորները ծախել Թաղաքամիջի վաճառականներից մէկին, իր կարծիքով, լաւ արժէքով: Նա չափազանց ուրախ էր, որ իր ձեռքը բերած գումարով Երևանում հօր հետ միասին կարող են նոր գործի հիմք դնել և իրենց ընտանիքի տնտեսական վիճակն ապահովել: Ի վերջոյ, նա ինձ ստիպեց որ չիրաժարեմ ինձ նիւրաւ մի զգեստի կտորը վերցնելուց: Այդ բացառիկ ներքի համար ընկերոջիցս չափազանց շնորհակալ եղայ:

Հրանդի մեկնումի որոշումն իմ տխրութիւնների վրայ մի նոր տխրութիւն ևս աւելացրեց: Վաճի իմ նախկին բոլոր ընկերներից միայն այս մէկն էր մնացել: Նա էլ շուտով ինձնից հեռանալու էր: Տխրալից և դաժան բաժանում...: Միայնակ մնալու միտքը ինձ սարսափեցնում էր:

Բարեբախտաբար, այդ օրերին հօրիցս մի մամակ ստացայ, որով նա իր վերադարձի որոշումն էր յայտնել ինձ: Այգեստան վերադարձիցս անմիջապէս յետոյ Ս. Յակոբայ և Յանկոյսներ եկեղեցիների նախկին ծխականների խնդրանքօք հօրս նրանց՝ քահանայ ունեցալու մասին գրել էի:

Այգեստանի Ս. Յակոբ և Յանկոյսներ թաղամասերի վերադարձող և վերաբնակող հայրենակիցները ցանկանում էին եկեղեցի և քահանայ ունեցալ: Ստիպել էի նրանց առաջարկ պահանջին ընդառաջել և այդ առթիւ գրել հօրս:

Ինձ շատ զարմացնող պարագան հօրս անվարան և անմիջական համաձայնութիւնն էր: Առաջին նահանջին՝ ճանապարհին, նա աննկարագրելի տանջանքների էր ենթարկուել և մահուան ճակտերից հրաշքով էր փրկուել: Մի՞թէ այդ բոլորը նա այդքան շուտ մոռացել էր: Չէ՛, անկարելի էր, որ այդ անիծեալ Գողգոթայի ճանապարհի բոլոր սուսկալի չարչարանքները մոռացած լինէր: Գիտէի նաև, որ Ղարաքիլիսէի Գիլիզար գիւղում նրան զնահատում և յարգում են: Նրա կեանքն այդ խաղաղ վայրում անվրդով և հանգիստ էր: Ուրեմն ի՞նչն էր նրան ստիպել այդպէս հապճեպ համաձայնութիւն տալու:

Բացի հայրենաբաղձութեան, հայրենի հողի ու օջախի անչափ կարօտից՝ մեր Այգեստանի ծառ ու ծաղիկի, զնգան աղբիւրների և աղամանդանման ջրերի այրող և հոգեմաշ կարօտը, ուրիշ ի՞նչ կարող էր պատճառ լինել...:

### ԶԱՐԹՈՆՔԻ ԵՒ ՎԵՐԱՇԻՆՈՒԹԵԱՆ ՇՐՋԱՆ

1917 թի ապրիլ ամիսն էր: Ծիշտ երկու տարի առաջ՝ այդ օրերին, Վասպուրականի ժողովուրդը կենաց և մահու անմասն և հերոսական պայքար էր մղել իր նիւթական հայրենի հողը բռնագրաւողների և իրեն մորթոտել և խեղդամահ անել ցանկացող անգութ թշնամու դէմ: Հայ բնակչութիւնը, իր խիզախ և անվեհեր զաւակների կամաւոր և հերոսական անձնագոհութեան շնորհիւ, յաջողել էր հրաշք կատարել և տասնեակ հազարաւոր հայրենակիցների կեանքը փրկել:

Տարական վարչակարգը տապալւած էր: Նրան փոխարինել էր Կերենակու կառավարութիւնը: Տաճկահայաստանի գրաւած հողամասերի համար զօրավար Աւետիանովի գլխաւորութեամբ մի առանձին կոմիսարութիւն էր նշանակւած: Աւետիանովի քաղաքացիական օգնական էր նշանակւած հայազգի բժիշկ Զարեանը:

1917 թի մայիսին կատարած մօտաւոր ստուգումը պարզեց, որ մինչ այդ թւականը Վասպուրական ներգաղթած հայերի թիւը հասնում էր 25 հազարի:

Վանում գործող հայկական ընկերութիւնների և քաղաքական, հասարակական ու կուլտուրական գանազան կազմակերպութիւնների ներկայացուցիչների մասնակցութեամբ Այգեստանի Խաչ-փողոցի վրայ գտնուող Հայկ. բարեգործական ընկերութեան Վանի կենտրոնատեղում մի համաժողով գումարեց: Խրախուսիչ զեղեցիկ ճառեր խօսեցին: Զարթօնքի և վերաշինման յուսալից ծրագիրների մասին մանրամասն բացատրութիւններ տրւեցին:

Այս համագումարի իսկական նպատակը Վանի ժամանակաւոր Վարիչ մարմնի վաւերացումն էր, որ և բաց քւեարկութեամբ կատարեց: Այս ժամանակաւոր մարմնի մէջ տեղ էին տւել կուսակցութիւնների ներկայացուցիչներին: Ի վերջոյ, որպէս եզրափակում, նորից ճառեր խօսեցին, և երջանիկ, ազատ ու ինքնավար կեանքի ոգևորիչ շատ խոստումներ տրւեցին:

\*\*\*

Կեանքը ձգտում էր իր բնականոն հունի մէջ մտնել: Ամենուրեք նկատուում էր եռ ու զեռ: Գործի էին անցել խանութպաններ, արհեստաւորներ, մեծ ու փոքր առևտրականներ, սրճարաններ և գազինօններ: Նորոգում էին քանդած ու այրւած տները, և Այգեստանի՝ փառքն ու պարծանքը կազմող այգիները վերամշակւում և կանաչում էին:

Հիւանդանոցների, բուժարանների և ճանապարհների առողջապահական կայանների գործերը կանոնաւորուում էին: Վերաբացել էին շուրջ քսան տարրական դպրոցներ: Բացում էին գրա-

տուն-ընթերցարաններ: Մաքրում էին աղբիւրների ընդգետնեայ և բացօթեայ ճանապարհները: Այգեստանը ձգտում էր իր նախկին սքանչելի և թովիչ տեսքը վերստանալ:

Ներգաղթող հայրենակիցների վերադարձը դիրացնելու նպատակով Երևանի առաջնորդարանի և հայկական ընկերութիւնների կողմից նրանց վկայականներ էին տրուում: Ներգաղթողների կենսամթերքի, առողջապահական օգնութեան և անձի ապահովութեան համար Իգդիր-Վան գծի վրայ Գեօլու, Դանիկ, Բերկրի, Սօուկ-Սու և Մավալի գիւղերում, իսկ Խոյ-Վան գծի վրայ Արճակում, Մարալում, Կոթուրում (Կոտոլ) և Խոյում հիմնել էին սննդակայան-պահականոցներ: Վերոյիշեալ կէտերում ներգաղթողները գիշերում, հանգստանում և անձնագլխի հաշուով ստանում էին որոշւած անհրաժեշտ պարենաբաժինը: Այդ կէտերում զինուորական պահականոցներ էլ գոյութիւն ունէին: Սրանք ներգաղթողների ֆիզիկական անվտանգութիւնն ապահովելու պարտականութիւնն ունէին:

Մեծ բախտաւորութիւն էր նաև այն պարագան, որ պատերազմի վտանգալից այդ օրերին, բոլոր այդ պահականոց-սննդակայանները հեռախօսով կապւած էին Վանի վարչական կենտրոնի հետ:

Գիւղացիութեանը քաջալերելու նպատակով գործ էր դրում անխնայ ճիգ ու ջանք: Բարեգործական ու Քաղաքների միութիւնը գիւղացիների անհրաժեշտ գործիքները Թիֆլիսից, իսկ լծկան և կաթնատու անասուններն ու սերմացու ցորենն ու գարին Խոյից շարունակ փոխադրում էին Վասպուրական: Աշնան և մանաւանդ գարնան ցանւած արտերը կանաչում և ծփում էին: Գիւղացիները հրճում էին և ոգևորում, որ ի վիճակի են եղել բազմաթիւ և բազմատեսակ զրկանքներից և տառապալից ու սովատանջ օրերից յետոյ ակամատես լինել իրենց մշակած արտերի բեղուն արգասաւորման:

Գիւղացիութիւնն իր հայրենի հողին ու օջախին սրտապինդ կապելու ուղղութեամբ ոչ մի ջանք չէր խնայում: Բոլոր գիւղական կենտրոնների համար հիւսներ, երկաթագործներ, հիւանդապահներ և նոյնիսկ ուսուցիչներ ուղարկեցին:

Հայ գիւղացիութեան կողքին ապրող և նրա վիճակն ու ճակատագրին ենթարկւած ասորի և եգիպտի փոքրամասնութիւնները հայկական կազմակերպութիւնների օժանդակութիւններից անմասն չմնացին: Նրանց էլ անխտիր օգնութիւններ ընծայեցին:

Դժբախտաբար, մեր դարաւոր թշնամու մշտատև գրգռութիւններին ենթարկւած քիւրդ լեռնաբնակ ցեղերը մեզնից մի տեսակ խորշում էին և մեզ հետ հաշտ ու եղբայրաբար ապրելու անկեղծ ցանկութիւն չէին յայտնաբերում:

Նրանց հետ բարեկամական կապեր հաստատելու փորձեր էլ կատարւեցին, բայց ափսո՛ս, որ

սպասած արդիւնքը չստացւեց: Նրանք մեր Վասպուրականը համարեա առել էին օղակի մէջ: Ապրում էին Մոկսի, Շատախի, Գեաւաշի և Խօշաբի շրջաններում, ինչպէս նաև Սիփանի ստորոտներում և Ջիլանի ձորերում: Նրանց գլխաւոր բնակավայրը Պարսկաստանի սահմանագլխին երկարող լեռնաշղթան էր:

1918 թի մարտի վերջին նահանջին այս լեռնաշղթայում ապրող Մմկօն, յարձակւելով մեր նահանջի ճանապարհի վրայ, մեր դժբախտ գաղթականներից հարիւրաւորների գազանաբար կոտորեց:

### ՀՕՐՍ ՎԵՐԱԴԱՐՉԸ

Իմ շատ սիրելի ընկեր Հրանդը ապրիլի վերջին վերադարձաւ իր ընտանիքի մօտ՝ Երևան: Մեր բաժանումը չափազանց սրտաբեկ էր: Երկար ողջագուրումներից յետոյ արցունքոտ աչքերով իրարից բաժանուցինք: Երեք նամակներ, մէկը՝ քրոջս, միւսը եղբորս՝ Արմենակին և երրորդը՝ Ալիսին գրած, յանձնելով Հրանդին, խնդրեցի Երևան հասնելուն պէս ուղարկել իրենց հասցէատէրերին:

Մի շաբաթ յետոյ անապատելիօրէն և աննկարագրելի հրճանքով հօրս դիմաւորեցի: Ծայրայեղ ուրախութիւնից և հարազատ զգացման զեղումից՝ նրա արցունքի՝ առատօրէն թափող կաթիլները, այտերից գլորուելով, անհետանում էին իր թաւ, երկար և շէկ մօրուքի մէջ: Ինձ առնելով իր գիրկը և բազմաթիւ անգամներ համբուրելով՝ ասաց.

– Վերջապէս, մեռնելուց առաջ Աստուծոյ կամօք մէկ անգամ ալ հայրենիքս՝ իմ հարազատ և սիրելի Այգեստանը տեսնելու արժանի եղայ: Թէ՛ արթուն և թէ՛ քնած վիճակում կերպզի անոր քաղցր տեսարանները: Ամէն անգամ ջուր խմելիս մեր Մոխրի քեահրիզը կը վերլիշէի և անոր կարօտը կը քաշէի: Երազներուս առանցքի շուրջը անվերջ մեր տունն ու այգին կը պատէին: Տարօրինակ, յամառ և անվերջ ցանկութիւն ունէի զոնէ անգամ մըն ալ իմ թողած տները, բաղերն ու մանաւանդ Ս. Յակոբայ եկեղեցին տեսնելու: Չեմ գիտեր՝ աս ի՛նչ տարօրինակ սէր ու կարօտ է:

– Սիրելի՛ հայր, զարմանալու ոչինչ չկայ: Այդպիսի կարօտի ենթարկում են բոլոր հայրենասէրները: Այդ հայրենակարօտի զգացումը երբեմն այնքան ուժեղ է լինում, որ կարող է իր ենթակային մաշեցնել և չորացնել: Չեմ կարող ասել՝ ուրիշների մէջ որքան ուժեղ է այդ զգացումը, բայց, հաւանաբար, մեզ՝ վանեցիկներիս համար համարեա ընդհանրական է: Լա՛ւ, շատ ժամանակ ունենք նորէն այս խնդրին անդրադառնալու: Ամենաառաջին հերթին ինձ հետաքրքրում է մերոնց վիճակը: Ինչպէ՞ս են Արաքսին ու Կարապետը: Արմէնից ի՞նչ լուր:

– Իմ մեկնումից մի քանի օր առաջ Արմենակից նամակ ստացայ: Իր առողջական վիճակէն դժգոհ

է: Նիւթական վիճակն ալ այնքան գոհացուցիչ չէ: Գանգատում էր, որ կարգին բժշկւելու հնարաւորութիւն չունի: Բո՛ւ նրան թողած գումարն ալ ծախսած, վերջացուցած է: Դժբախտաբար, ո՛չ ես, ո՛չ ալ Կարապետ եղբայրդ չկարողացանք անոր օգնել: Մեր վաստակով մեր ծախսերը դժարութեամբ կը հոգայինք: Այս պարագան ինձ համար շատ մեծ մտահոգութիւն է դարձած: Աստուծոյ թող անոր երիտասարդ կեանքը խնայէ: Ինչ կը վերաբերի քրոջը, առողջութեամբ լաւ է, բայց քո կարօտը շատ կը քաշէ: Գիշեր-ցերեկ քեզ կը յիշէ ու քո կարօտով կայրէ: Շատ խնդրեց իրեն այստեղ բերել: Հագիւ կարողացայ համոզել, որ մինչև իմ Վան հասնելը համբերի: Խոստացայ անոր վերադարձի հնարաւորութեան մասին անմիջապէս գրել իրեն: Վերջո՛ւ այս նամակը և կարդա՛: Ամբողջ երկու օր շարունակ անոր գրութեամբ զբաղւած էր: Մի քանի անգամ գրեց և պատռելով կրկին և կրկին գրեց: Այսքան միայն կարող եմ ըսել, որ քեզմից բաժանուած ըլլալու համար շատ դժգոհ և անչափ տխուր է: Երբեմն ալ առանձնանալով, թաքուն կը լացէ:

– Նա միանգամայն իրաւացի է: Նրա վերաբերմամբ ես եղել եմ անարդար և ետական: Իմ գործերիս դասաւորման մէջ նրա մասին բոլորովին չեմ անդրադարձել: Փոքր հասակից սկսած, մայրագուրկ և անօգնական՝ նա իր բոլոր յոյսերն ինձ հետ է կապել և միշտ իմ օգնութեանն է ապաւինել: Անմայր և կէս որբ, մի անչափահաս երեխայի և մանաւանդ աղջիկ երեխայի համար մեր ապրած պայմաններում չափազանց դժար է: Խե՛ղճ քոյր, սիրելի Արաքսիս ես իրաւունք չունէի նրան այսպէս մենակ, իր ճակատագրին թողնելու: Ա՛խ, այս անիծեալ պատերազմն էլ վերջանալիք չունի, որպէսզի կարողանանք մեր բախտի դասաւորութիւնն ստուգել:

– Իսկ մեր տունն ու այգին ի՞նչ վիճակի մէջ են, առանձնաշատուկ հետաքրքրութեամբ հարցրեց հայրս: Վերադարձէն յետոյ մեր տա՛նը, թէ՞ ուրիշ տեղ կը բնակուիս:

– Կը ցաւիմ յայտնելու, հա՛յր, որ մեր տունը՝ կլիսափուլ, իսկ այգին համարեա չորացած է: Ես բնակւում եմ ընկերոջս՝ Հրանդենց տանը: Հրանդը վերադարձել էր Վան, բայց ափսոս մի քանի օր առաջ ստիպւած վերադարձաւ Երևան: Նա իր ընտանիքին խոստացել էր անմիջապէս վերադառնալ:

– Մեր տան և մանաւանդ այգու մասին հաղորդած լուրը չափազանց ցավալի է: Ուրեմն մեր ամբողջ ընտանիքի գուրգուրանքի և ուրախութեան աղբիւրը, մեր սիրելի և շէն այգին ու որթատունկերը չորացած են...

– Ափսո՛ւ, հազար ափսո՛ւ...:

Հօրս առաջնորդեցի ընկերոջս տունը: Նրան յայտնեցի, որ եթէ ցանկանայ Յանկոյսներ թաղամասին և այդ շրջակայքի իր ծխական-հաւատացեալներին անելի մօտ լինել, մի քանի օրից կարող ենք մեր թաղամասը փոխադրել: Հօրս յայտնեցի

նաև, որ եղբորս՝ Կարապետի աներեղբայրը՝ Գարրիէլ աղան ինձնից շատ է խնդրել իրենց մօտ տեղափոխւել, և ես նրան խոտաւեցել եմ այդպէս անել:

**ՄԵՆԱԿՈՒԹԵԱՆ ՏԱՂՏՈՒԿԸ**

Մենք վերաբնակեցինք Գարրիէլ աղենց տանը, մեր նախկին փողոցում: Հայրս սկսել էր իր քահանայական պաշտօնը կատարել և ամէն օր առաւօտեան ու երեկոյեան Յանկոյսների եկեղեցին գնալ և վերադառնալ: Քահանայ լինելուց բացի՝ նա ջերմեռանդ հաւատացեալ էր: Յանկոյսների ծխականների թին աւելացել էին նաև նախկին Ս. Յակոբայ, Խաչփողոցի, Մեծ ու Փոքր Քեանդրիչների հայ լուսատրչական հաւատացեալները: Ինչքան կարող եմ յիշել, թէ՛ հայրս և թէ՛ նրա հետ գործ ունեցող հաւատացեալները փոխադարձաբար իրարից միշտ գոհ էին:

Ես էլ գործի էի Վանի զինուորական պահեստայետի պաշտօնով: Գործի բնոյթից շատ էլ գոհ չէի: Համարեա միշտ զբաղւած էի: Զգիտեմ ինչու, համոզւած էի, որ այդ գործի շարունակումն ինձ համար որևէ յառաջադիմութիւն ապահովել չի կարող:

Շատ էի ափսոսում, որ այս տաղտկալի և միապաղաղ գործին քաղաքապետարանում ինձ առաջարկւած քարտուղարութեան պաշտօնը զոհել էի: Յաճախ մտածում էի հրաժարել, բայց ամաչում էի: Բուրլարացին իմ նկատմամբ մեծ վստահութիւն և յարգանք էր տածում: Նրա բարոյական ազդեցութիւնն ինձ մի տեսակ կաշկանդել էր:

Տարօրինակօրէն մենակ և լքւած էի գգում ինձ: Նախկին ընկերներիցս և ոչ մէկը կար: Բարեկամների շրջան, բացի Մարօենց ընտանիքից, չունէի, և զարմանալիս այն էր, որ չէի էլ փորձում ունենալ: Իմ կողքիցս սիրելիների ափսոսանքը հոգիս ճնշում էր մղձաւանջի պէս: Նախկին իմ կենսունակութիւնից և ոգևորութիւնից կարծես ոչինչ էր մնացել:

Ամբողջ ազատ ժամերս ընթերցանութեան էի յատկացրել: Կարդում էի, ինչ որ ձեռքս էր ընկնում: Գրքեր քիչ էին ճարում: Նախկին գրատներն ու գրապահեստները ցրիւ էին եկել: Վերջին ժամանակները Մեծ-Քեանդրչու վրայ շատ աղքատ գրապահեստով և Ազատութեան Լոյս անունով մի գրադարան էր բացել: Ընթերցանութեան գիրք ունենալու համար յաճախ դիմում էի օր. Աննա Քոչարեանին: Այդ ժամանակ նա տարրական դպրոցների վարիչն էր և համարեա միշտ և մասնաւոր սիրալիրութեամբ իր ունեցած գրքերից տրամադրում էր ինձ:

**ԵՐԵՔ ՆԱՍԱԿՆԵՐ**

Արաքսու մամակը, որ ստացել էի հօրս միջոցով, բաւական երկար և բովանդակալից էր: Նա գրում էր.

«Սիրելի և թանկագին եղբայր, քո մեկնումից ի վեր քեզնից որևէ տեղեկութիւն չունեմ: Կարծում էի Վան հասնելուց անմիջապէս յետոյ հնարաւորութիւն կունենաս գոնէ մի քանի տող գրելու: Բայց բոլոր իմ սպասումներն իզուր անցան: Մէկ ու կէս ամսից, դեռ մի քիչ էլ աւելի ժամանակ է, ինչ Գիւլիզարից մեկնել ես: Իմ նկատմամբ դաժան այս անտարբերութիւնը շատ զարմանալի և տարօրինակ է:

Մեկնելու ժամանակ ինձ վստահեցրիր, որ Այգեստան հասնելուց անմիջապէս յետոյ կը գրես և տիրող դրութեան ու պայմանների մասին ինձ կը տեղեկացնես, և եթէ հնարաւոր լինի, հօրս նման ինձի էլ վերադառնալու իրաւունք կը տաս: Դիշտն ասած, եղբայր, քեզնից շատ վշտացած եմ: Ո՛չ վիճակովս ես հետաքրքրւած և ո՛չ էլ վերադարձիս համար գոնէ մի տող իսկ գրած ունես:

Ինձ թում է, որ միակ քրոջդ նկատմամբ քո նախկին ջերմ ու բիրտեղանման սէրը կորցրել է իր ուժն ու թափը: Պատճառը բացատրել անկարող եմ: Յաճախ պատահում է, որ անտանելի սրտնեղութիւնից լաց եմ լինում:

Հօրս շատ թախանձեցի ինձ էլ իր հետ Վան վերադարձնել: Բայց նրան համոզել չկարողացայ: Նա ինձ միշտ միևնոյն պատասխանն էր տալիս. «Եթէ նպատակայարմար լինէր քո վերադարձը, եղբայրդ անպատճառ կը գրէր: Նշանակում է գոյութիւն ունեցող պայմանները նպաստաւոր չեն: Ինչու՞ ուրեմն գուր տեղը քեզ փորձանքի մատնենք»:

Հօրս մեկնելուց երկու շաբաթ առաջ մեր Աւանց մաւահանգստի երիտասարդներից մէկը, որ մի քանի անգամ եկել էր մեզ մօտ՝ Գիւլիզարդ, ինձ հետ ամուսնանալու առաջարկ արեց: Նրան պատասխանեցի, որ ցանկութիւն ունեմ եղբօրս մօտ մեր երկիրը վերադառնալ: Ամուսնանալու համար դեռ շատ ժամանակ ունեմ: Մէկ խօսքով, մերժեցի: Մնացեալը հաւանաբար հայրս քեզ կը պատմի:

Նորից խնդրում եմ ինձ անմիջապէս գրել: Անհամբեր սպասում եմ քո թոյլատուութեանը իմ սիրելի ու հարազատ հայրենիքը վերադառնալու համար: Մեր տունն ու այգին, այդ կանաչազարդ ու պտղալից այգին, մեր Մոխրի քեանիքի անմահ ջուրը և վերջապէս իմ անգին քրոջ՝ Մարօին ոչ մի կերպ չեմ կարող մոռանալ: Ջերմագին և կարօտալից համբոյրներով՝ քեզ միշտ և անչափ սիրող և քո սիրոյն ընդմիշտ կարօտող քոյրդ՝ Արաքսի»:

\*\*\*

Հրանդի Երևան գնալուց յետոյ, մի ամիս չանցած, միաժամանակ երկու մամակ ստացայ: Թիֆլիսից էր: Մէկն Ալիսից, իսկ միւսը՝ իմ եղբայր Արմենակից:

Նկատի ունենալով այն պարագան, որ սովորական մամակներին այդ ժամանակներում առանձին ուշադրութիւն չէր ընծայում և շատ յաճախ հաս-



ցեատիրոջ ձեռքը չէր հասնում, յարմար էի համարել Բուրլարացու հասցեն տալ, ներքևում աւելացրած լինելով յանձնել Սարիաղեանին: Այս միջոցը նպատակայարմար էր: Ցանկութիւնս իրականացել էր, և գրածս երկու նամակների պատասխանն էլ տրւած հասցեով ստացել էր:

Սրտատրոփ և դողդոջուն ձեռքերովս իրար յետևից բացի նամակները: Եղբօրս գրածը շատ աւելի համառօտ էր Ալիսի նամակից: Այդ իսկ պատճառով նախընտրեցի առաջ եղբօրս նամակը կարդալ: Նա գրում էր.

«Շատ սիրելի՛ եղբայր, նամակդ կարդացի անհուն երջանկութեան զգացումով: Ուրախութեանս չափը նկարագրել չեմ կարող: Պիտի խոստովանեմ, որ նամակիդ ստացումը ինձ համար միանգամայն անսպասելի էր: Գիտեմ, որ պատերազմի այս դժոխային օրերին թշնամու ճակատի մօտիկ տեղերից՝ այն էլ գրաւեալ հողամասերից, նամակները հասնում են դժարութեամբ և ուշացմամբ: Զինուորական նամակներից բացի՝ բոլոր միւս նամակներն ու գրութիւնները գրաքննութեան բովից անցնելուց յետոյ յաճախ այրում կամ էլ անհետանում են:

Իմ առողջական վիճակը քեզ շատ է հետաքրքրում: Ուրիշ կերպ էլ չէր կարող լինել: Հարազատ և ազնիւ՛ եղբայր, քո մասնաւոր ուշադրութեանդ համար չափազանց շնորհակալ եմ: Քո՛ ինձ նւիրած գումարով, եթէ չկարողացայ կատարելապէս բուժել, բայց ինձ յաջողեց հիւանդութեանս բաւոր կոտորել: Գոնէ այս կարծիքն ունի ինձ հերթականօրէն քննող և բուժող բժիշկը:

Նա մի քանի օր առաջ ինձ վստահեցրեց, որ հիւանդութիւնս վտանգաւոր շրջանի հասած չէ, և մեծ հաւանականութեամբ վերջնականապէս կը բուժւեմ, եթէ միայն կարողանամ ինձ աւելի հանգիստ պահել, լաւ սնունդ ստանալ և մանաւանդ առաջժամ ամուսնանալու համար չմտածել: Ի՞նչ ես կարծում, սիրելի՛ եղբայր, ես մի կատարեալ դժբախտ մարդ չե՞մ... Գիտե՞ս, որ աշխատանքս երկարատև և ծանր է: Խնայած դրամ չունեմ, որ կարողանամ քեկուզ ժամանակաւոր հանգիստ առնել և մանաւանդ յանձնարարած լաւ սնունդը ստանալ: Իմ հարևան վրացի աղջիկն ու մայրը կարեկցում և հնարաւորութեան սահմաններում ինձ օգնում են իմ տնտեսութեան և մաքրութեան վերաբերեալ գործերում:

Երկուսն էլ քեզ ջերմագին բարևում են և շատ են ավստում, որ դու հեռացել ես Թիֆլիսից: Նորից իմ սրտագին շնորհակալութիւններս են յայտնում քո հարազատ վերաբերմունքի և ուշադրութեան համար և մնում են սրտագին քեզ սիրող եղբայրդ՝ Արմէն»:

\*\*\*

Տազնապալից և բարբախուն սրտով սկսեցի կարդալ Ալիսի՛ ինձ գրած նամակը: Բովանդակութիւնը հետևեալն էր.

«Իմ շատ սիրելի՛ Սիրաք, մի՛ զարմանայ, եթէ ես նամակս այսպէս սկսեցի: Չեմ կարող նկարագրել ուրախութեանս չափն ու սահմանը, երբ իմացայ, որ ինձ հասցեագրւած նամակը ստացել եմ քեզնից, այսինքն՝ այն երիտասարդից, որին կեանքումս առաջին անգամ լինելով՝ սիրտս անյատակ խորքերից անսահմանօրէն թէ՛ սիրել և թէ՛ յարգել եմ:

Քո՛ բոլորովին անսպասելի և հապճեպ բաժանումն ու մեկնումը շատ մեծ հարւած եղաւ ինձ համար: Երկու ամիս շարունակ անկողնում ընկած ջերմում և յաճախ զառանցում էի: Հայրս ու մայրս իրենց մի հատիկ զաւակը կորցնելու սարսափով խենթանալու վրայ էին: Անվերջ բժիշկ և ճար և բժշկական խորհրդակցութիւն:

Տեսնելով՝ թէ՛ հայրս ու մայրս և թէ՛ բժիշկները ինձնից ձեռք քաշողը չեն, ստիպեցի մօրս խոստովանել հիւանդութեանս պատճառը: Մօրս խնդրեցի, որ հօրս յայտնի այդ մասին, և եթէ յարմար դատեմ, ինձ մեր ապրած տնից հեռացնեն, այն տնից ու սենեակներից, որում ես թէև ոչ շատ երկար, բայց և այնպէս ապրել էի իմ առաջին երջանկութեան, առաջին բիւրեղանման սիրոյ անրջային վաղանցուկ ժամերը:

Ինդիրս անմիջապէս կատարեց: Ինձ փոխադրելով Սօչիի ամառանոցը՝ մի ամիս այնտեղ պահեցին: Մայրս, հրեշտականման մայրս, զգաց ու ըմբռնեց իմ սրտին հասած հարւածի ուժգնութիւնն և ամէն կերպ ջանաց իր մայրական բարի խորհուրդներով ինձ մխիթարել ու հանգստացնել:

Մօրս ջերմագին խնդրանքներն ու հարազատ, սրտառու խօսքերը բոլորովին անհետևանք չմնացին: Փորձեցի վերաքննութեան ենթարկել իմ հապճեպ և համանւէր սիրոյ կարելիութիւնը: Քեզ մեղադրեցի և ապա ինձ քննադատեցի իմ կամքի անզօրութեան համար:

Վերջ ի վերջոյ եկա այն եզրակացութեան, որ մեր լռելեայն և դիւթական սիրոյ յանցանքը ծանրանում է մեր՝ երկուսիս վրայ: Փորձում եմ մտածել, բայց չեմ համարձակւում այդ բիւրեղանման սիրոյ բեկման կամ մի գուցէ ժամանակաւոր առկախման պատասխանատուն քեզ համարել:

Ներկայիս, եթէ ոչ լրիւ, բայց և այնպէս ապաքինւած եմ: Սրտիս խորքերում բոյն դրած սէրը շարունակում է առկայծել: Այս տողերը գրելիս ստիպում եմ իմ ինքնասիրութեան բողբոջ խեղդել և անկեղծօրէն ու անվերապահ յայտնել, որ շարունակում եմ քեզ սիրել: Սիրելը մի յանցանք և ամօթ չէ, որ ինձ համար մի պարզ աղջիկ աշխատի թաքցնել և կեղծել ու ստել...

Նոյնիսկ մայրս, որն ինձ նման աննենգ ու անխառն սիրտ ունի, ինձ սրտանց կարեկցելով, համաձայնել է իմ երջանկութեան սիրոյն իր մայրական երջանկութիւնը զոհել: Նա նոյնիսկ մինչև ինքնագոհումն է գնում. համաձայնում է իմ բացակայութեանը, եթէ երբևէ ես ցանկանամ այդ անել:

Մայրս, իմ այդ պաշտելի մայրը, նոյնիսկ յանձնառու է եղել հորս համոզել, որ ինձ ազատ թողնի, որպեսզի ես գամ քեզ գտնելու և քեզ հետ միասնաբար մեր ճակատագիրը տնօրինելու:

Մրտատրոփ և անհամբեր սպասում եմ պատասխանիդ, որից կախում կը լինի իմ երջանկությունը կամ դժբախտությունը:

Ջերմագին և կարօտակէզ անթիւ համբոյրներով, քեզ միշտ սիրող՝ Ալիս»:

Նամակի ընթերցումից յետոյ հոգուս խորքում փոթորկալից յուզում պայթեց: Հապճեպ մի որոշման հետևանքով խորտակել էի մաքրամաքուր և անխառն սիրով տոգորող մի հրաշալի աղջկայ երջանկությունը: Իսկ ինչի՞ համար այդ բոլորը... Եսական ձգտումների հետապնդման նպատակով ինձ յանձնել էի անորոշ ապագայի յորձանուտներին, որոնց մէջ փնտրում էի հասարակական դիրք ու փառք:

Ալիսի նամակը տասնեակ անգամներ կարդացել էի և շարունակում էի նորից կարդալ, բայց չէի կարողանում նրա պատասխանի ձևն ու անելիքիս բնոյթը որոշել:

### ՆԱՍԱԿՆԵՐԻ ՊԱՏԱՍԽԱՆԸ

Հօրս հետ խորհրդակցելուց յետոյ քրոջս՝ Արաքսու նամակին անմիջապէս պատասխանեցի: Նրան գրեցի հետևեալը.

«Իմ չափազանց սիրելի քո՛յր Արաքսի, շատ տեղին և նպատակայարմար է եղել, որ հայրս քո վերադարձի ցանկությունը չի կատարել և քեզ Վան չի բերել:

Մեր դրութիւնն այստեղ դեռ բոլորովին չի պարզւել և չի էլ կարող որոշւել, քանի դեռ պատերազմը շարունակում է: Դիշտ է, որ ներկայիս մենք ենթակայ չենք թշնամու անմիջական սպառնալիքին, բայց, դժբախտաբար, նա մեզմից շատ էլ հեռու չէ: Նա գտնում է մեր Վանայ ծովակի հիւսիսում, հարաւ-արևմուտքում և արևմուտքում: Մեր՝ վասպուրականցիներիս գոյութեան ապահովութիւնը մասնատրապէս վտանգաւոր է քիւրդերի կողմից, որոնք, ինչպէս գրեցի, ամէն կողմից մեզ շրջապատել են: Քիւրդերը լաւ զինւած են և ենթարկւած թիւրքերի յարստն գրգռութիւններին:

Ներկայիս մեր ինքնավար իշխանութեան կողմից այդ քիւրդերի մօտ մարդիկ են ուղարկւած, որպէսզի փորձեն նրանց հասկացնելու, որ հայերս իրենց հետ թշնամութեան որևէ պատճառ չունենք և նրանց հետ միշտ հաշտ ու բարեկամ կը լինենք, եթէ նրանց կողմից էլ նոյն ցանկությունն ապացուցի:

Քիւրդ ցեղապետների մօտ ուղարկւած մեր ներկայացուցիչների ամենամեծ պարտականութիւնն այն է եղել, որ նրանց հասկացնեն և համոզեն, որ հայ և քիւրդ ազգաբնակչութիւնները պէտք է ան-

կեղծօրէն աշխատեն բարեկամանալ, որովհետև նրանք երկուսն էլ թիւրք իշխանութիւնների համար օտար և վտանգաւոր են նկատուում: Եթէ թիւրքերին այսօր յաջողի կոտորել և բնաջնջել հայերին, վաղը հերթը կը հասնի քիւրդերին և նրանք էլ բնաջնջելու նոյն դժբախտ ճակատագրին կենթարկւեն:

Սիրելի՛ Արաքսի, այսպէս մանրամասն գրեցի մեր ապրած վիճակի լրիւ պատկերը քեզ տալու համար: Միանգամայն համոզւած եմ, որ նամակս կարդալուց յետոյ այլևս ինձ ու հօրս մեղադրել չես փորձի: Եթէ ես ու հայրս անկարող ենք եղել Վան վերադարձնելու քո ցանկությունը կատարել, այդ նրա համար է եղել, որ զգուշացել ենք քեզ նորանոր վտանգների և նրա հետ կապւած ապագայ տանջանքներին ենթարկելուց:

Ինչ վերաբերում է քո անհատական կեանքի ապագայ դաստորմանը, այդ խնդրում ամենաառաջին հերթին վճիռ կայացնողը դու ինքդ պիտի լինես: Լաւ մտածի՛ր, առանց աճապարելու և յետոյ անելիքդ վճռի՛ր:

Քո ապագայ երջանկությունը քեզմից, քո եզրակացութիւնից և վճռից է կախւած: Ամուսին ընտրելու խնդիրը մարդկային կեանքի ամենաբարդ և ամենազգայուն խնդիրներից է, և իմ կարծիքով, այդ առթիւ վճիռ տողը հէնց ինքդ պէտք է լինես: Ամուսնութեան թեկնածուիդ չեմ ճանաչում և որևէ խորհուրդ տալու անկարող եմ: Հայրս էլ ասում է, որ այդ երիտասարդին նախօրօք չի հանդիպել ու չի ճանաչում և իր հերթին որևէ կարծիք յայտնել չի կարող:

Եղբայր Կարապետը քեզ մօտ է: Այդ ընտրութեան խնդրում նա ի վիճակի է քեզ օգնելու և անհրաժեշտ տեղեկութիւններ հաւաքելուց յետոյ՝ քեզ խորհուրդ տալու: Իմ հերթին, թանկագին քոյր, նորից քեզ խորհուրդ եմ տալիս վճիռ կայացնելուց առաջ լաւ և լուրջ մտածել և մասնաւոր չաճապարել:

Միշտ քեզ անկեղծօրէն սիրող եղբայրդ՝ Սիրաք»:

Արմէն եղբօրս նամակի պատասխանն էլ անմիջապէս գրեցի: Կարեկցական արտայայտութիւններից յետոյ եղբօրս յորդորեցի ամէն պարագայում շուսահատուել, որովհետև մարդուս հոգեկանի և մասնաւոր առողջութեան ամենամեծ թշնամին յուսահատութիւնն ու ինքնալքումն է: Խոստացայ ամենաառաջին հնարատրութեան պարագային նիւթապէս օգնել: Խնդրեցի իր վրացի հարևան աղջկան ու մօրը շնորհակալութիւնս և մասնաւոր յարգանքս հաղորդել:

Մի քանի օրերի տատանումներից և հոգեմաշ ապրումներից յետոյ վերջապէս վճռեցի Ալիսի նամակին պատասխանել: Ջանացի անկեղծօրէն նրան հաղորդել այն բոլոր տանջալից և սրտամաշ ապրումները, որ ես նրանից բաժանւելուց յետոյ ունեցել էի: Ալիսին գրածս նամակի պատճէնը, ինչպէս նաև նրա նամակը, որպէս նւիրական մասունք,

պահել եմ մեծ գուրգուրանքով: Երևի մի օր էլ ինձ կը յաջողի, սիրելի՛ ընթերցող, քեզ հետ միասին, այդ անմահ աղջկան գրածս նամակ-պատասխանը կարդալ:

**ՀՈԿՏԵՍԲԵՐՅԱՆ ՅԵՂԱՓՈԽՈՒԹԻՒՆՆ  
ՈՒ ՄԵՆՔ**

Անծայրածիր Ռուսաստանում պայթել էր Հոկտեմբերեան յեղափոխութիւնը: Պատերազմը ռազմաճակատներից փոխադրել էր ծովածաւալ երկրի ներսը:

Մեծամասնական կուսակցութիւնը հետզհետէ երկրի դեկն առնում էր իր ձեռքը: Հրաման-հրահանգ էր տրւել ռուս զինուորներին ու նրանց հրամանատարներին անմիջապէս թողնել ռազմաճակատները և վերադառնալ տուն՝ Ռուսաստան:

Տրւած հրահանգ-հրամանը տարիների ընթացքում յոգնաբեկ ու տանջուած և ամէն բոլոր սպանելու սարսռալից վտանգն ապրած զինուորների և զինւորականների սրտիցն էր խօսում: Արտակարգ գոհունակութեամբ և հրճանքով նրանք լքում էին ռազմաճակատները՝ իրենց տունը, իրենց ընտանիքի մօտ վերադառնալու համար: Տարբեր վերաբերմունք չէին կարող ունենալ նաև Թիւրքիայից գրաւած հողամասերի վրայ գտնուած ռուս զինուորներն ու զինւորականները: Նրանք աճապարանօք լքում էին գրաւած շրջանները և վերադառնում էին Ռուսաստան:

Ի՞նչ էր մեր վիճակը: Մեր դեկավար մարմիններն ի՞նչ կարող էին անել:

Ազգային անմահ և անվեհեր հերոս Անդրանիկի ներկայութիւնը Կարնոյ շրջանում մեզ համար անսահման բախտատրութիւն էր: Լինելով ռուսական կամաւորական զնդի հրամանատար՝ նա պիտի ենթարկւէր տրւած հրահանգին: Բայց պատասխանատւութեան բոլոր հետևանքներն իր վրայ վերցնելով՝ վճռեց չենթարկուել և մնալ գրաւած վայրերում: Հայութեան պարծանքը հանդիսացող հերոսը, մնալով Կարնոյ շրջանում, իր հայրենակիցների, բազմահազար հայերի կեանքը փրկեց:

Կար և մի ուրիշ բախտատուր հանգամանք: Դա բնութեան անգնահատելի պարգևն էր: Չմեռը վրայ էր հասել: Չիւնն ու սառնամանիքը թշնամուն հնարատրութիւն չէր տալիս զինւորական անմիջական գործողութիւններ սկսելու: Վասպուրականում վերաբնակւած ազգաբնակչութեան ֆիզիկական գոյութեան ապահովութեան և անմիջական վտանգի մասին առայժմ խօսք լինել չէր կարող: Մեր ինքնավար իշխանութեան Վարիչ մարմինը ձգտում էր հնարատրութիւններ ստեղծել Վասպուրականի պաշտպանութեան գլխատուր սահմաններն ապահովելու համար:

\*\*\*

Ինքնապաշտպանութեան տեսակետից մեծ կարևորութիւն ներկայացնող Ոստանի պաշտպանութիւնը յանձնեց Լևոն Շադոյեանին: Ոստանումն էր գտնուած նաև հայկական կամաւորական 5-րդ գունդը: Դժբախտաբար, գարնան սկզբին, գունդը ռազմական խիստ մեծ կարևորութիւն ներկայացնող այդ շրջանը թողեց:

Այդ բազմամարդ գնդից միայն երեք սպաներ՝ Համբարձում Մելքոնեան, Ռուբէն Ժամհարեան և Մ. Գասպարեան, չվերադարձան և մնացին Վասպուրականի ազգաբնակչութեանն օգնելու: Համբարձում Մելքոնեանը վերջին նահանջին ամբողջ ճանապարհին, մանաւանդ Կոթուրում և Սալմաստում, անգնահատելի նւիրածութիւն ի յայտ բերեց:

Սիարկա-Գեալիի ինքնապաշտպանութիւնը՝ Տիգրան Բաղդասարեանին, իսկ Արճէշ-Առնիս ճակատի պաշտպանութիւնը Միշա Գասպարեանին յանձնեց:

Գրիգոր Բուլղարացու ջանքերով զինւորական ծառայութեան նախագիծը կազմեց: Վասպուրականի երիտասարդ տղամարդիկ՝ 18-40 տարեկան, զինւորական կրթութեան և ծառայութեան կանչեցին: Երեք ամսում շուրջ 2500 զինուորներ պատրաստեցին և հիւսիսային ու հարաւարևմտեան ճակատներն ուղարկեցին: Իսկ Բերկրի-Սավալի գծի պաշտպանութեան համար մի 200-նոց նորակազմ վաշտ ուղարկեց:

Հիմնեց նաև սպայ պատրաստելու մի դպրոց, որը երկու երեք ամսայ կարճ ժամանակամիջոցում, դժբախտաբար, ի վիճակի չեղաւ սպասուած արդիւնքը տալու: Ամէն պարագայում պարծենում էինք, որ սպաներ պատրաստելու համար դպրոց ունենք:

**ՅԱԻԱԼԻ ՄԻՍԼՍՈՒՆՔ**

Վասպուրականի չորրորդ և ամենավերջին նահանջը տեղի ունեցաւ 1918 թի մարտի 28-ին (հին տոմարով): Այս նահանջը, դժբախտաբար, մի ցաւալի սխալ հաշիւի հետևանքով առնուազն 15 օր ուշացաւ և շուրջ եօթը հազար վասպուրականցիների կեանքի կորուստով վերջացաւ: Ամենացաւալին այն էր, որ այդ վերջին նահանջի ուշացման պատճառով երեսուն հազարից աւելի հայ ազգաբնակչութիւն, Իգդիր-Երևան վերադառնալու հնարատրութիւնից զրկւած լինելով, չկարողացաւ իր հայրենակիցների մօտ վերադառնալ: Այդ բազմութիւնը գուր և անտեղի օտար երկրներ քշեց:

Թէ ինչպէ՞ս կատարուեց այդ, յետոյ կը տեսնենք: Հոկտեմբերեան յեղափոխութիւնից յետոյ, երբ թրքական ճակատը ռուսների կողմից լքուած էր, ջարդ

ու փշուր եղած թիւրք բանակների հրամանատար-  
փաշաները, նոր շունչ ու կենք առած, խանդավառ-  
ւելով հերոսացան: Նրանք, իրենց յուսալքւած և  
ցանուցրիւ եկած ուժերը հաւաքելով, կատաղի մոլեգ-  
նութեամբ վերսկսեցին իրենց յարձակողականները:

Կարինում մենակ մնացած Անդրանիկն ըմբռ-  
նում և նախատեսում էր մօտալուտ ահարկու  
վտանգը: Նա հերոսական ճիգեր է թափում վրէժ-  
խնդիր և կատաղած թշնամուն գոնէ ժամանա-  
կաւորապէս դիմագրաւելու համար: Այսպիսով, նա  
մտածում էր հնարաւորութիւն տալ Վասպուրա-  
կանի ազգաբնակչութեանը հանգիստ ու անփորձ  
թողնելու Վան-Վասպուրականը և նորից Երևան ու  
Արևելեան Հայաստան ապախնելու: Փետրուար ամ-  
սին նա Վանի Վարիչ մարմնի մօտ ուղարկեց Համօ  
Օհաննէսեանին և առաջարկեց Վանի ու Վասպու-  
րականի ամբողջ ազգաբնակչութիւնը փոխադրել  
Երևան: Փետրուարի վերջին օրերին մեծ և սրտացաւ  
հայրենասէրը շտապ հեռագրով Վասպուրականի  
դատարկման իր առաջարկը կրկնեց: Բացի այդ՝ մի  
ուրիշ հեռագիր էլ, նոյնիմաստ բովանդակութեամբ,  
ստացւեց գօրավար Յովսէփեանից: Բայց իզուր:

Հետագայում պարզեց, որ Վանի վերջին նա-  
հանջի ուշացումն եղել էր Երևանից ստացւած կար-  
գադրութեան հետևանքով: Երևանում մտածում էին  
ըստ կարելոյն ուշացնել Վասպուրականի հայ ազ-  
գաբնակչութեան նահանջը՝ յոյս ունենալով այդպի-  
սով պահել և Վասպուրականը փրկել անվերադարձ  
կորուստից:

Բայց, դժբախտաբար, Վասպուրականի կորուս-  
տը փրկելու համար նպատակադրւած միջոցների  
գործադրումն ուշացաւ: Երևանում որոշել էին Վաս-  
պուրականը պաշտպանելու համար նիւթական  
օժանդակութիւններ անել և վասպուրականցիներից  
մի բանակ կազմել: Այդ բանակի կազմութիւնը ուշա-  
ցել էր: Ուշացած բանակը, երբ Իգդիր հասաւ և այն-  
տեղից էլ Ղրզղլ-Դիզէ ճանապարհեց, արդէն տեղի  
էր ունեցել Վանի նահանջի ողբերգութիւնը:

### ՎԵՐՋԻՆ ԱՆԳԱՄ ԲԱՐԵԿԱՄՆԵՐԻՍ ՏԱՆԸ

Վերջին նահանջի հրահանգից մի քանի օր առաջ  
Մարօն այցելելու գնացի: Վերադարձիցս յետոյ շա-  
բաթը մի անգամ աշխատում էի նրանց մօտ լինել:  
Մարօն նախ խնդրում և իմ չհամաձայնելու պարա-  
գային պահանջում էր, որ այսինչ օրը, սովորաբար  
կիրակի օրերին, ճաշին իրենց մօտ գնամ:

Ենչուս ասած, սրտի խորքից ցանկանում էի շա-  
բաթը գոնէ մի անգամ նրանց մօտ լինել, բայց ինչ-  
պէս միշտ և ամէն տեղ, նրանց էլ անհանգստացնե-  
լուց քաշում էի, չնայած այն հանգամանքին, որ  
Մարօն և թէ Գրիգորի վերաբերմունքն իմ նկատ-  
մամբ չափազանց մտերմական և հարազատ էր:

Վերջին այցելութեան օրը նորից կիրակի էր և  
ճաշի ժամանակ: Շատ զարմացայ, երբ տեսայ, որ  
Մարօն տանը չէր: Երբեք չէր պատահել, որ Մարօն  
այդ ժամանակ բացակայ լինէր: Նախ քան ճաշա-  
րան մտնելը՝ ծառայողին հարցրի Մարօն մասին:  
Նա ինձ յայտնեց, որ Մարօն 3 օր առաջ Վանից  
մեկնել է:

Գրիգորը, ինչպէս միշտ, այս անգամ էլ ինձ մեծ  
սիրալիրութեամբ ընդունեց և բացականչեց.

– Ա՛յ օղու, ու՛ր ես մնացած: Ինչու՞ Մարօն  
ճանապարհելու չեկար: Ըսենք մեղաւոր ալ չես, քա-  
նի որ անոր գնալու մասին լուր ունեցած չես: Այս  
անցած ուրբաթ՝ առաւօտ կանուխ, Մարօն իր երե-  
խայի հետ ուղարկեցի Բերկրի, Նա մի քանի օր,  
մինչև իմ նկարագրութիւնը, այնտեղ կը մնայ:  
Հաւանաբար նա ստիպւած կըլլայ Երևան գնալ և մի  
քանի ժամանակ այնտեղ մնալ:

Այս անսպասելի նորութիւնից յանկարծակիի  
եկած հարցրի.

– Շատ ներողամիտ կը լինէք, եթէ ինձ թոյլ տամ  
դրա պատճառը հարցնելու. կուզենայի ասել, եթէ  
հնարաւոր է իմանալ նրա այդպէս յանկարծակի  
մեկնելու պատճառը: Մի՞թէ մեր վիճակը վտանգւած  
է: Չի՞նի՞ նորէն փախչելու, նահանջելու վախ կայ:

Բուղարացին տատանում էր իմ շեշտակի հար-  
ցումին ուղղակի պատասխանելու: Կարծես մի րո-  
պէական ուժեղ պայքար ծնունդ առեց նրա մտքում:  
Ըստ երևոյթին նա չէր ցանկանում իրականութիւնը  
խոստովանել, բայց չէր էլ ուզում ինձ խաբած լինել:  
Նա չափազանց ուղղամիտ և բարեկամի հանդէպ  
միանգամայն անկեղծ մարդ էր: Նա յայտնեց.

– Ներկայիս մեր վիճակն այնքան էլ լաւ և ապա-  
հով չէ: Գիտես, որ ռուսական բանակը և նոյնիսկ  
կամաւորական գնդերը հեռացած են: Մենք ամէն  
կողմէն թշնամիէն պաշարւած և անոր նոր յարձա-  
կումներուն ենթակայ ենք: Մեր հայրենասէր և խի-  
զախ Անդրանիկը մեն-միմակ դժուար թէ կարողանայ  
իր փոքրաթիւ զինուորական ուժերով և պահեստով  
լրբացած և խրոխտացած թշնամու նոր յարձակում-  
ներուն երկար ժամանկ դիմագրաւել:

Կովկասէն ալ սրտապնդիչ լուրեր չեն հասներ:  
Ռուսական բանակներու սարսափէն ազատւած  
Կովկասի և մանաւանդ Բաքւի թիւրք-թաթարներն  
ալ խլրտումներու մէջ են: Մեր դարաւոր թշնամիները  
հիւսիսէն, հարաւէն և արևմուտքէն մէզի իրենց  
արիւնաթաթախ օղակի մէջ առած են:

Ներկայիս մենք որևէ տեղէ օգնութեան յոյս չու-  
նենք: Ապրիլեան հերոսամարտին մենք կը կռւէինք,  
կը պաշտպանէինք և վստահ էինք, որ ի վերջոյ մեզ  
օգնութեան կը հասնեն: Դժբախտաբար, ներկայ  
պայմաններու մէջ մենք որևէ տեղէ օգնութեան յոյս  
չունենք: Կովկասի թիւրք-թաթարներն ալ մեր Կով-  
կասի հայ ազգաբնակչութեանը նեղել սկսած են:  
Անոնք իրենց սպառնական ռոնոցներն ու ատամ-  
կրճտուքը չեն կարող թաքցնել: Մեր հայրենակից-

ներու նկատմամբ նրանց վերաբերմունքը միանգամայն թշնամական է:

– Եթէ մեր դրութիւնը այդքան լուրջ է, – վարանմունքով պատասխանեցի ես, – ինչպէ՞ս կարող ենք մեր այս փոքրաթիւ ուժերով մեզ սպառնացող վտանգը դիմագրաւել: Այդ մասին ի՞նչ էք մտածում: Եթէ յամառենք մնալ, մեր այս յոգնաբեկ, հալ ու մաշ եղած գոյութիւնը արկածի ու դժբախտութեան ենթարկած չենք լինի՞:

– Միանգամայն իրաւացի ես, սիրելի՛ բարեկամ: Այդ մասին մեր Վարիչ մարմինը երկու կարծիքի է: Առանց մանրամասնութեան մէջ մտնելու ըսեմ, որ ոմանք այն կարծիքին են, որ մենք ստիպւած ենք Վանէն և ամբողջ Վասպուրականէն մեր անգէն ու անպաշտպան ժողովուրդն անմիջապէս հեռացնել և Իգդիրի մօտակայ շրջանները բնակեցնել, իսկ ուրիշները կը պնդեն անոնց ուղղակի Երևան դրկել ու անոնց օգնութեամբ Երևանի ապագայ դիմադրութիւնն ապահովել: Վերջապէս, մի մասն ալ այն կարծիքին է, որ Վասպուրականը պարպելով և ազ-

գաբնակչութիւնը հեռացնելով՝ մենք վերջնականապէս կորցրած կըլլանք մեր նախկին և ապագայ հայրենիքը, որու ազատագրութեան համար հազարաւոր հայեր իրենց ջահէլ ու ջիւան կեանքն են զոհարեցած:

Ի միջի այլոց ըսեմ նաև, որ Վասպուրականի անգէն ժողովուրդը Վանէն հեռացնելու պահանջը մեզ ամէն կողմէ հասած է: Անդրանիկը Կարնէն, մեր հայկական բանակներու հրամանատար զօրավար Միլիկեան Էջմիածնէն, Ապահովութեան խորհուրդը Երևանէն, մէկ ամսուանէ ի վեր քանիցս պահանջած են, հնարատրին չափ շուտ և օր առաջ, մեր անգէն ազգաբնակչութիւնը Կովկաս վերադարձնել:

Անհատապէս ես այս վերջին տեսակետին հակառակ չեմ, Վարիչ մարմնի անդամներէն երկու ուրիշներ ալ ինձ հետ համակարծիք են:

Բուլղարացին այդ երկուսի անունը յիշատակել չուզեց, բայց ես կասկած չունէի, որ այդ երկուսից մէկը Վանի քաղաքագլուխ Թէրզիբաշեանն էր:

### ՎԱՆԻ ՎԵՐՁԻՆ ՆԱՀԱՆՁՐ Մաս Բ

1918 թի մարտ ամսի 28-ին (հին տոմարով)՝ երեկոյեան ժամի 6-ին, երբ արդեն մութը սկսել էր պարուրել, հազիւհազ վերաշնչել և վերաշինել սկսող չքնադատեսիլ մեր Այգեստանի ազգաբնակչութիւնը քաղաքի գլխաւոր փողոցների պատերին փակցած հետևեալ աղետաբեր հրահանգը կարդաց.

«Հայրենակիցներ, Վարիչ մարմնի այս կէտօրից յետոյ կայացած վճռի համաձայն՝ հրահանգում է անմիջապէս թողնել քաղաքը և շուտափոյթ նահանջել դէպի Ճանիկ: Ամէն կերպ ջանացէ՛ք մինչև վաղ առաւօտեան Ճանիկ հասնել: Հետագայ կարգադրութեան մասին կը տեղեկացուի Ճանիկում»:

Առաջին մեծ նահանջի ողբերգութիւնը կրկնում էր:

Տրած հրամանի շտապողական բնոյթն ազգաբնակչութեանը շփոթեցրել և շշմեցրել էր: Նորից աղմուկ, աղաղակ, թոհ ու բոհ, նզովք ու հայիոյանք: Առաջին նահանջի աննկարագրելի ահն ու սարսափը ժողովրդի գիտակցութիւնը մթագնել էր:

Աճապարանքն ու խուճապը կարծես խենթացրել էր մարդկանց: Հեռանալ, փախչել ու ազատել տեսած ու ճաշակած նախկին աղէտ-չարիքից:

Ամենքն անխտիր ենթարկել էին սուգ ու շիւանի խելակորոյս և շնչասպառ վազքին: Այս անգամ կարծես ոչ մէկը ուրիշին ճանաչել չէր ուզում, թէկուզ այդ ուրիշն իր հարազատը լինէր:

Եւ ինչու՞, ինչպէ՞ս կարող էր մի ուրիշի մասին մտածել, քանի որ մտահոգւելու այդ հնարաւորութիւնը նրանից խլւած էր: Չէ՞ որ հրահանգւած էր 10-12 ժամայ ընթացքում մօտ 52 կիլոմետր ճամփայ կտրել և Թիւմարի գաւառը՝ Ճանիկ գիւղը հասնել: Վայը եկել էր այն թշուառին, որ այդ կարճ ժամանակամիջոցում չյաջողէր իրեն Ճանիկ հասցնել: Նա կորած կը լինէր: Գիշատիչ գայլի անճար ու անպաշտպան որսն էր դառնալու:

\*\*\*

Նահանջի հրահանգը պատերին փակցելուց միայն մէկ ժամ առաջ պարենապահեստի դռանը մեծ աղմուկ աղաղակով զինուորական տասը ֆուրգոններ կանգ առան: Դրանցից մէկը լեցւած էր զինւորներով: Նրանց գլխաւորը, արտակարգ հապճեպով ինձ մօտենալով և զինուորական բարևի կանգ-

նելով, յանձնեց կնքւած մի ծրար և ասաց՝ այր. Բուլղարացու կողմից է:

Ֆուրգոնների և զինւորների այդպիսի հապճեպ ժամանումն ինձ բոլորովին տարօրինակ թաց: Նախօրօք այդ մասին որևէ տեղեկութիւն տրւած չէր: Շփոթ ու անհանգիստ, ծրարը շտապ պատռեցի: Նամակի բովանդակութիւնը երկու կտորի վեռածեց: Իրար մօտեցնելով՝ կարդացի հետևեալը.

«Ընկեր Սիրաք, անմիջապէս կարգադրիր ըստ կարելոյն անհրաժեշտ և կարևոր պարենամթերքները՝ ինչպէս բրինձ, ալիւր, շաքար, իւղ և մսեղէն պահեստները ֆուրգոններին բեռնել: Մնացածն այրել տու՛ր: Շուտով նահանջի հրամանը կը յայտարարուի: Գիտեմ, մի փոքր կուշանաս: Քեզ մօտ ուղարկւած զինւորների գլխաւորին կարգադրած եմ ինքնապաշտպանութեան համար քեզ յանձնել երեքհարւածեան մի հրացան: Քո ռոճիկներու հաշիւն հազար երկու հարիւր բուրի դրամ ուղարկւած եմ, կստանաս: Կը յանձնարարեմ կենսամթերքներու վրայ խիստ հսկողութիւն կատարես: Հօրդ նստեցրո՛ւ ֆուրգոններէն մէկի վրայ: Ճանիկ հասնելէն յետոյ կը տեսնի՛նք: Գրիգոր»:

Ինձ յանձնւած պարենապահեստում մեծ քանակութեամբ կենսամթերք կար: Հազիւ կարելի եղաւ այդ մթերքների մօտաւորապէս մէկ երրորդ մասը ֆուրգոնների մէջ տեղաւորել: Երբ մենք գործը վերջացրինք, մեր սիրելի Այգեստանը գրեթէ դատարկւել և իր նորադարձ հարազատ զաւակներից ամայացել էր: Եղած կարգադրութեան համաձայն՝ անհուն ափսոսանքով, պարենապահեստն իր թանկագին պարունակութեամբ այրել տի:

Մինչև ֆուրգոնները բեռնելու գործի աւարտումը ինձ մօտ ուղարկւած ծանօթ զինւորներից մէկի աջակցութեամբ հօրս տնից բերել էի սուէլ ինձ մօտ: Հայրս չափազանց յուզւած և յուսահատ էր: Նրա անընդհատ ախն ու հառաչանքը սիրտս բզկտում էր: Այս անգամ նրա տանջանքների և յուսակտուր ապրումների պատճառն ես էի եղել: Ծխականների առաջարկին զիջելով՝ Վան վերադառնալու հրաւերն ես էի ուղարկել հօրս:

\*\*\*

Գիշերայ ժամը 10-ին հօրս հետ միասին, պարենապաշարով բեռնաւորւած ֆուրգոններից մէկի վրա նստած, ճանապարհուեցինք դէպի Ճանիկ:

Ֆուրգոնավարներն իրար հետ մրցակցութեան էին մտել և իրենց յանձնուած ֆուրգոնները գլխապտոյտ արագութեամբ քշում էին: Ֆուրգոններից ամէն մէկին լծած էին երկու գոյգ ձիեր: Յաճ չգորուելու համար իմ ֆուրգոնավարին մի քանի անգամ խնդրեցի այդ կատաղի վագրը մի քիչ դանդաղեցնել:

– Կարօ՛ (այդպէս էր կոչում մեր ֆուրգոնավարը), բարեկամ, մի քիչ հանգիստ քշի՛ր: Այդպէս աճապարելու կարիք չկայ: Տեսնում ես, գաղթականների մեծ մասը մեզնից շատ յետ է ընկել: Սիւնոյն է, ճանիկ հասնելիս մենք ստիպուած ենք նրանց սպասել:

– Տօ՛, խէր օրիսնաճ, բա չե՞ս տըսնի որ խըմէն ընկերներս ինձմէ առաջ ին ընկի: Ինձ ամօք է ընոնցմէ յետ ընկնել. էս է ճանիկ կը խասնենք, մէ լաւ կը խանգատանանք: Մէկ էլ դէ մենք ստիպուած ենք դիսցիպլինով վարել: Մեզ էլ 4 ամիս զինուորական դասեր տուած են: Մեզ սովորցուցած են գլխաւորին ենթարկել, խնազանդել: Էնոր կարգադրութիւններին էկանջ կախել: Էն է մեր խրամանատարը մէկ ֆարսաղ ընձնից էռաջ ընկածի:

– Բայց չեմ կարծում, որ քո հրամանատարը քեզ պատկրած լինի ֆուրգոնդ այնքան արագ քշես, որ մեզ ցած գլորես կամ օղը բոցնես: Չիերիդ սանձերի օգնութեամբ քեզ հեշտ է տեղիդ վրայ պինդ պահել, բայց մեզ համար շատ դժար է ամբողջ ժամանակ այս ֆուրգոնի երկաթներին փաթաթուած և կառչած մնալ:

Ի վերջոյ Կարօն համոզեց մի քանի բոպով ֆուրգոնը կանգնեցնել և իր հնարամտութիւնը գործադրել: Նա իմ օգնութեամբ ֆուրգոնի վրայ բեռցած քսակների արանքում ինձ ու հօրս համար մի փոքր տեղ բացեց և ասաց.

– Տնաշէ՛ն, դէ մի քիչ շուտ ասած էլնիր: Դու էլի երիտասարդ ես, քեզ պահել կարող ես, բայց էս մեր խեղճ տէրիսը դէ էնքան էլ ջահել չի, ջան էլ չունի: Էնոր խմար ճիշտ որ դժարի գլուխ պահել: Հիմա թող էս մէշոկների արանքը նստի, պառկի, ինչպէս քէֆը կուզենայ՝ վարուի: Քու գործն էլ կը խեշտացնեն: Չիերէն էրկուսի սանձը քեզ կը տամ, որ չասես ինձ խմար խանգիստ, իսկ քեզ դժարի:

Ֆուրգոնի մէջտեղում բացած արանքում հօրս պառկեցնելուց յետոյ մի քիչ հանգստացայ: Կարօի հետ էլ մի կերպ կարողացայ բարեկամանալ: Նրան համոզեցի, որ գաղթողների կարաւանի սուար մասը յետ է մնացել, և առայժմ մեզ սպառնացող վտանգ գոյութիւն չունի, մանաւանդ, որ ինչպէս երկու ժամ առաջ ճանապարհին տեսանք, ձիաւոր զինուորների մի սուար խումբ նահանջողների թիկունքը պահելու համար մեր յետևիցն են գալիս և մեզնից դեռ շատ հեռու են:

Առաւօտեան լուսաբացին մեր պարենապահեստի ֆուրգոններով հասել էինք ճանիկ: Նահանջող ժողովրդի միայն մէկ մասն էլ հասել: Նրանք կազմում էին գաղթականների այն բախտաւոր մասը, որ

ձիեր և ձիաքաշ սայլեր ուներ: Թիմարի և մերձակայ շրջաններից էլ բազմահազար գաղթողներ եկել էին ճանիկ: Թէև նահանջող ազգաբնակչութեան եռապատիկ բազմութիւնը դեռ չէր հասել, բայց արդէն ճանիկը վերածել էր լաւայից ժայթքող մի խառնարանի: Ամէն տեղ շփոթ, իրարանցում, աղմուկ, աղաղակ, կանչ, փնտրտանք, լաց ու կոծ: Սպասողական ջղային լարածութիւն և կոշմարային անորոշութիւն: Ոչ մէկն իր անելիքը չգիտէր:

## ՃԱՆԻԿԻ ՈՂԲԵՐԳՈՒԹԻՒՆԸ

Այդ օրը մօտենում էր կէսօրան: Չարդ ու փշուր եղած նահանջող գաղթականների շարաններն իրար յետևից հասնում էին ճանիկ, բայց նահանջողների մի սուար մասին դեռ չէր յաջողւել տեղ հասնել: Ինչպէ՞ս կարող էին հասնել, քանի որ այդ յետ մնացողները՝ իրենց կին ու երեխաներով, 15 ժամայ ընթացքում 50 կիլոմետրից աւելի ճանապարհ պիտի կտրէին:

Աննկարագրելի շփոթն ու աճապարանքը մարդկանց գժեցրել, խենթացրել էր: Առաւօտեան լուսաբացին ժամանած գաղթականութեան մի մասը, որ փոխադրական միջոցներ ուներ, աճապարել էր ճանապարհ ընկնել Բերկրիի ուղղութեամբ:

Կէսօրից շուրջ երեք ժամ անց, գաղթականութիւնը իրագել դարձաւ չափազանց դժբախտ մի ողբերգութեան: Լուր էր ստացւել, որ քիւրդերը, Բերկրին գրաւելով, նահանջող ժողովրդի ճանապարհը փակել են:

Սուգն ու շիւանը հասաւ ծայրայեղ աստիճանի, երբ Բերկրի ուղարկւած յառաջապահ ձիաւորները վերադառնալով հաստատեցին կատարուած դժբախտութիւնը:

Գանգատի, բողոքի, հայիտյանքի, սպառնալիքների և անէծք-նզովքների հեղեղը նահանջողների բազմահազար զանգւածներն արեկոծեց: Անսանձ փոթորկից գալարող ծովի ալիքների նման բազմութիւնը մռնչում և գոռոռում էր, բայց ի՞նչ օգուտ: Անսպասելի, սարսափելի ողբերգութիւնն իրականացել էր և իր մահաբեր շնչով խեղդում էր փրկելու ազատելու տենչացող այդ դժբախտ ժողովրդին:

\*\*\*

Կարծես մեր ճակատագրի դժբախտութիւնը կատարեալ դարձնելու համար բնութեան աղետն էլ իր չարիքը սկսեց: Բարձրացաւ փոթորկախառն սոսկալի մի քամի, որից անմիջապէս յետոյ տեղատարափ անձրև սկսեց: Բարեբախտաբար, շատ երկար չտևեց այդ աղէտը: Կատաղի փոթորկին միացած անձրևային հեղեղը մարդկանց մինչև ոսկորները թափանցելուց յետոյ կանգ առաւ:

Կարգադրեց նահանջի ճանապարհի ուղղութիւնը փոխել և Դարաբեգ-Արճակ-Սարայի ճանապարհը բռնել: Ահռելիօրէն դժարանցանելի էր այդ ճանապարհը: Մի քանի օր առաջ տեղացած ձիւնի հաստ շերտերը ճանապարհը լցրել և փակել էին:

Վասպուրականի դժբախտ ժողովուրդը, որն այնքան մեծ ոգևորութեամբ, հրճանքով և ապագայ շողշողուն յոյսերով իր հարազատ երկիրն ու սիրելի տուն ու օջախն էր վերադարձել և կարճ ժամանակամիջոցում քրտնաջան աշխատանքով ու բոլորանէր ջանքերով սկսել էր իր քանդուած բոյնը վերաշինել, ահաասիկ անգութ բախտի բերմամբ և նամարդ թշնամու ահաբեկման սարսափով նորից թողնում էր իր հարազատ հայրենիքն ու հեռանում:

Թողնում և հեռանում էր... Նրա լեզուն պայանձնում էր այդ մտագոյժ բառերից, և նրա միտքը և ուղեղը խանձում ու չորանում էր այդ սրտամաշ և սպանիչ իրողութիւնից: Նա՝ Վասպուրականի հալածական դարձած ժողովուրդը, չէր ուզում, չէր ցանկանում կտրել իր հարազատ երկրից, իր պայերի դարաւոր հայրենիքից և այն էլ այնպէս, որ չկարողանայ գոնէ ապաւինել իր մերձակայ հայրենակիցների օգնութեանը, իր ազգակիցների խնամքին ու գուրգուրանքին:

Ներկայիս նա ստիպւած էր փոխել իր ճանապարհը և ապաւինել ուրիշ երկրի ասպնջականութեան, նրա գութին ու ողորմածութեանը:

Ճանիկում մեր ֆուրգոններին բեռքած կենսամթերքների կէսից աւելին նախ զինուորներին և ապա կարիքաւոր գաղթականներին բաժանուեց: Բայց այդ հազարաւոր բազմութեան մէջ քանի՞ հոգի կարելի էր ճարել, որ իսկապէս կարիքաւոր չը լինէր: Վաղուայ անստոյգ վիճակից յուսահատ՝ այդ բազմութիւնը խելագարւել և կատաղել էր: Նա, դատողութիւնը կորցրած, չէր իմանում ի՞նչ անել: Հաշի չառնելով ֆուրգոնների պարենապահեստը պաշտպանելու պարտականութիւն ունեցող զինուորների ներկայութիւնը՝ նրանք հազարաւորներով թափեցին և կողոպտեցին մնացեալ կենսամթերքները: Նրանք այնքան չարացել և կատաղել էին, որ նոյնիսկ ուզում էին ջարդել պարապ ֆուրգոնները և նրանց լծած ձիերը քաշել ու տանել, բայց նրանց այդ չյաջողուեց, քանի որ զինուորները նրանց հեռացնելու և ցրելու համար ստիպւած եղան կրակել օդում:

Մարդկային գիտակցութիւնը կորցրած և կատաղութեան նոպայով բռնուած զանգուածները շատ մնան են ծովի ամեհօրէն մռնչացող ալիքներին, որոնք, ամէն բոլորով զահավիժելով, ճիւրտում և փշրտում են իրենց ճանապարհին հանդիպած ամէն ինչը: Նրանք մաշում և անհետացնում են նոյնիսկ լեռնաժայռերը:

Համբերութիւնից դուրս եկած այդ նահանջող զանգուածները ձգտում էին ո՛չ միայն խլել ու կողոպտել, այլև նաև ջարդել ու փշրել, խորտակել բոլոր

նրանց, որոնք ի վիճակի չէին եղել իրենց անվտանգութեան և ապահովութեան մասին ժամանակին մտածել և անցեալ բազմաթիւ փորձանքներից խրատուած՝ իրենց փրկութեան համար պէտք եղածը կարգադրել:

Ամէն կողմից դժգոհութեան, զանգատի, բողոքի և հայիոյանքի պոռչտուած-աղաղակներ էին լսում:

– Ընչի՞ խամար մեզ մինչև էսօր խաբար չարաք: Ընչի՞ մեզ Իգդիր չէք տանի: Տաճկից կուզէք ազատել մէ ուրիշի ձեռքը տալու խամար: Վայն իկէ մեր գլխին, որ ձեզ պէս առաջնորդ-գլխաւորներ ունենք:

Անկասկած, մնան դժբախտութիւն և աննախանձելի դասաւորութիւն որևէ ղեկավար և գործիչ իր հայրենակիցների համար չէր ենթադրում և չէր նախատեսում, բայց տառապանքների շարանի տակ կքած, մաշուած, հիւծուած և դիմադրական ուժն ու կորովը կորցրած ժողովուրդը ի վիճակի չէր սառնարիւն դատելու և չարաղէտ նոր հարուածին դիմանալու:

Այո՛, նա անճարութիւնից և յուսահատութիւնից խենթացել և ամենքին անբարեացակամ և նոյնիսկ իր հայրենակից բարեկամին թշնամի էր համարում: Այո՛, այսպէս է խուճապի և թշնամու անմիջական վտանգին ենթարկուած նահանջող փախստականի աղէտալի վիճակն ու լքուած հոգեբանութիւնը...

## ԱՐՃԱԿ-ՍԱՐԱՅ ԴԱՆԱՊԱՐՀԻՆ

Ձիւնածածկ ճանապարհը գաղթական բազմութեան առաջ բացելու համար ֆուրգոններին, սայլերին և ձիաւոր զինուորներին կարգադրուեց անմիջապէս ճանապարհել: Ուտքով նահանջող բազմահազար բազմութիւնը ստիպուած էր, իր ցանկութեան հակառակ, ընտրուած ճանապարհի ուղղութեամբ նահանջել: Հասած հարուածը տակալիօրէն անգութ էր: Բայց ուրիշ ելք չկար: Եզրակացութիւնը ճակատագրական էր: «Ով չի ցանկանում թշնամու վայրագ կոտորածին ենթարկւել, պիտի փախչի, հեռանայ, առանց մի վայրկեան իսկ կորցնելու: Վայ՛ նրան, ով չկարողանայ իրեն փրկել...»:

Ճանապարհը չափազանց անտանելի էր: Ձիւնհալքի օրեր էին: Անձրևային տեղատարափը ձիւնի շերտերը փափկացրել և խառնշկտել էր ցեխի կոյտերի հետ:

Բազմաթիւ կիլոմետրեր հապճեպով կտրած նահանջողները, յոգնած ու ջարդուած, փորձում էին իրենց անկարելին էլի մի քանի հարիւր քայլ կտրելու համար:

Մէկ կողմից յուսահատական, աղերսալից օգնութեան կանչ, միւս կողմից ուժասպառ ընկրկում, նորից նոքի կանգնելու գերագոյն ճիգ ու ջանք: Մի ուրիշ տեղ նորից կորովի և դիմադրութեան յուսակտուր փորձ և այս ամէնի հետ խառնուած կանչ, աղաղակ, հայիոյանք, նզովք և ամենից վերջ՝ հոգևարքի սարսուղից հռնդիւն:



Արճակ-Սարայ ճանապարհի մահանջը սարսափելի էր նաև այն պատճառով, որ հետևումն մահանջողներից ոչ մէկն էր վիճակի չէր նոյնիսկ իր հարազատին օգնելու: Փոխադրական որևէ միջոց ունեցողները խելայեղ աճապարանքով վաղուց հեռացել և առաջ էին ընկել: Ուտքով մահանջող դժբախտները կեանքի և մահուան կռիվ ճանկերում գալարում և անճարօրէն տապալկուելով՝ գետին էին փռում, նորից վեր չկենալու համար:

\*\*\*

Նահանջող ազգաբնակչութեան այն մասը, որ փոխադրական միջոցներ ապահովելու բախտաւորութիւն ուներ, հասել էր Սարայ: Գաղթականների ստար բազմութիւնը դեռ ճանապարհին էր:

Վասպուրական ներգաղթած ազգաբնակչութեան մի խոշոր տոկոսը՝ եօթը հազար շունչ, կատարող մահանջից նոյնիսկ անտեղեակ էր մնացել: Նրանք անտէր ու անտիրական ու ցրիւ, մնացել էին Ալիւրի, Թիմարի, Բերկրիի և ուրիշ շրջաններում:

Նախ Արճակից և յետոյ Սարայից, Բերկրիի հետ հեռախօսային հաղորդակցութեան մտնելու նպատակով բազմաթիւ փորձեր կատարուեցին: Անկարելի եղաւ: Դրութիւնը բոլոր առ բոլոր ծանրանում էր: Այդ մեզ համար չափազանց դժբախտ ժամանակամիջոցին՝ 2-3 տարւայ ընթացքին, թիւրքերի հետ միշտ բարեկամ և գործակից դարձած քիւրդ ցեղախմբերի պետերը լրացնում էին տաճիկների թերի թողած չարիքն ու կոտորածը:

Շարունակ աղետալի լուրեր էին ստացում: Աւազակապետ Մմկօն իր գլխաւոր կենտրոնավայր եղող Խօշաքից, զինւած բազմաթիւ ցեղակիցներով, դէպի Կոթուրի լեռներն էր շարժում: Փախուստի մեր վերջին ճանապարհը կտրել և խափանել էին ուզում, ճար չկար: Ամենամեծ դժբախտութիւնը կայանում էր նրանում, որ բազմահազար մահանջողներ դեռ չէին յաջողել հասնել Սարայ:

Երկու օր Սարայում սպասելուց յետոյ կարգադրեց դէպի Կոթուր ճանապարհել: Նահանջողների թիւն այդ երկու օրում, Սարայի և շրջանների ասորի ազգաբնակչութեան հետ հաշւած, հասել էր երեսուն հազարի: Ասորիներն էլ մասնակից էին մեր դժբախտ ճակատագրին: Սարայից մեկնելու ամենավերջին բույներին, հրաշքի դասաւորութեամբ, Լևոն Շաղոյեանը և զնդապետ Մելքոն Գասպարեանը իրենց զինակից մի խումբ ձիաւորների հետ հասան Սարայ և միացան մեզ: Լևոնը վիրաւորւած էր, և նրան փոխադրելը շատ մեծ դժարութեամբ էր գլուխ եկել:

Շաղոյեանը, Մելքոնեանը և Գասպարեանը իրենց զինւորների հետ, որոնց մեծ մասը հայոց-ձորցի և շատախցի էին, Վասպուրականի հարաւ-արևմտեան ճակատում՝ Ոստանում, հերոսական դի-

մադրութեամբ կարողացել էին թշնամու յարձակման անմիջական վտանգը յետաձգել: Այդ քաջարի գործողութեամբ նրանք մահանջող ազգաբնակչութեան թիկունքի ապահովման տեսակէտից կատարել էին մեծ և գովելի ծառայութիւն:

Համբարձում Մելքոնեանը փորձւած և իսկական հայրենասէր սպայ էր: Նրա տւած ցուցմունքները յաճախ շատ օգտակար էին լինում: Նրա հայրենասիրութեան և անձնագոհ նւիրածութեան ապացոյցն հէնց այն էր, որ նա չյօժարեց կամաւորական գնդերի՝ իր հայ գործակից զինւորականների հետ մէկտեղ Վասպուրականի հայութիւն իր դժբախտ ճակատագրին թողնել: Նա մնաց և գիտակցաբար ու անձնուրացօրէն իրեն ենթարկեց իր հայրենակիցների գլխին պայթող փորձանքներին: Փառք ու պատիւ այդ անկեղծ հայրենասէրին, որ, ինչպէս Ոստանում, նոյնպէս և Կոթուրում ու Սալմաստում և յետոյ ամբողջ մահանջի ճամփաներում տեղի ունեցած պաշտպանողական կռիւներում աննման արիւթիւն և անձնւիրութիւն ի յայտ բերեց: Մենք նորից առիթ կունենանք նրա խիզախութիւններին սկանառես լինելու:

Պարսկական սահմանամերձ Խոյ քաղաքում մեր տնտեսական և ազգային կազմակերպութիւնները, բարեգործական և վերաշինական ընկերութիւնները ներկայացուցիչներ ունէին, բայց, դժբախտաբար, հաղորդակցութիւնը կտրուել էր: Անհրաժեշտ նկատեց մի քանի ձիաւոր սուրհանդակներ ուղարկել թէ՛ Խոյ և թէ՛ Սալմաստ քաղաքական և պատերազմական դրութիւնն ուսումնասիրելու և պէտք եղած տեղեկութիւնները հայթայթելու համար:

\*\*\*

Երեսուն հազարի հասնող Վասպուրականի հայ և ասորի գաղթականութիւնը մի քանի օրից ի վեր Կոթուրի ձորի արևմտեան ծայրամասում փռուող դաշտավայրում սպասողական վիճակում էր: Ուղարկւած սուրհանդակները չէին վերադարձել, և որևէ տեղեկութիւն թիւրք բանակի տեղորոշման և պարսիկ կառավարութեան թոյլտւութեան մասին չկար:

Այգեստանից մեր վերցրած պարենապահեստը շատ վաղուց վերջացել էր: Գաղթականութիւնը Սարայից սկսած ենթարկել էր սովահարութեան: Դրութիւնը միանգամայն ողբերգական էր: Մեծ դժարութեամբ գարու մի փոքր քանակութիւն հայթայթեց: Կարծես երկնքից իջած մանանայ լինէր: Մարդ-գլուխ բաժանում էր մի ափ: Գարին խաշելով ուտում, աւելի շուտ լափում էին: Սովամահ չլինելու համար մարդիկ ստիպւած էին բոյսերի արմատներն ու նորածիլ խոտերը հաւաքելով՝ խաշել և ուտել:

Ինչքան հերոսական և սքանչելի եղաւ վասպուրականցիների դիմադրական պայքարը իրենցից հազարաւոր անգամ աւելի ուժեղ ու զինական կատարեալ միջոցներով օժտուած թշնամու դէմ, այնքան խղճուկ և անկազմակերպ եղան մեր՝ թէ՛ առաջին և թէ՛ ամենավերջին նահանջները:

Առաջին նահանջի անկազմակերպութեան և խուճապի պատասխանատուն մերոնք չէին: Այդ նահանջը մեզ համար նենգօրէն և քաղաքական ստոր ծրագիրներով պարտադրուած յանկարծակի նահանջ էր: Բայց վերջին նահանջի ուշացման և խուճապային բնոյթի պատասխանատուն մենք էինք:

Եթէ մենք, ժամանակին ենթարկուած լինէինք Անդրանիկի և նրա գործակից զինուորականների ցուցմունքներին և Երևանի Ապահովութեան խորհրդի ու ընդհ. զօրահրամանատար Միլիկեանի հրահանգներին, վասպուրականցիները վերջին նահանջին այդքան չէին տուժի և մանաւանդ իրենց Կովկասի հայրենակիցներից զրկուած և հեռաւոր հորիզոնների ներքև շարուած չէին լինի:

Կոթորի ձորի մուտքի մօտ այդ քանի օրերի սպասումն էլ իզուր և աննպատակ էր: Պատերազմի այդ խառնակ, անստոյգ և թշնամի ուժերի յարավորփոխ վիճակը Թարիզի և մանաւանդ Խոյի տեղական իշխանութիւններից խել էին ինքնուրոյն կարգադրութիւն անելու իրաւունքը: Պարսկական իշխանութիւնները թէկուզ էլ բարի ցանկութեամբ օժտուած լինէին և կամենային մեր ներգաղթը դէպի Պարսկաստան արտօնել, գուցէ չկարողանային այդ անել: Ի վերջոյ, այդ աննպատակ սպասումը մեզ համար աղէտաբեր եղաւ և Կոթորի ձորի ողբերգութեամբ վերջացաւ:

### ԿՈԹՈՒՐԻ ԻՆՔՆԱՊԱՇՏՊԱՆՈՒԹԵԱՆ ՆԱԽՕՐԵԱԿԻՆ

Վերջապէս վճռեց բազմահազար գաղթականութիւնը՝ զինուած ուժերի պաշտպանութեամբ, Կոթորի ձորից անց կացնելով տանել դէպի Մալմաստ: Այդ քանի օրերի սպասումն էլ նպատակին չհասաւ: Խոյի և Թարիզի պարսկական իշխանութիւններից էլ իրաւունք ստանալ կարելի չէր:

Նախ քան տեղաշարժ կատարելը՝ Համբարձում Մելքոնեանը մի հայրենաշունչ ճառ խօսեց և զինուած հայ և ասորի երիտասարդութեանը հրաւիրեց մի անգամ ևս իրենց հարազատների՝ մայրերի, հայրերի, քոյրերի, երեխաների և բոլոր անզէն ու անպաշտպան ազգակիցների պաշտպանութեան ու փրկութեան համար կուել, և, եթէ պէտք լինի, հերոսաբար գոհել: Բազմահազար նահանջողների աղմուկ-աղաղակի մէջ ինձ հազիւ յաջողեց լսել նրա կարճաժոռ ճառի թնդացող գոչիւնով վերջացող մարտահրաւերը:

«Քաջարի և հայրենասէր երիտասարդ հայրենակիցներ, եթէ ձեզնից որևէ մէկը իր հարազատների պաշտպանութեան այս կռոււմ թերանայ, դաւանանա՞ծ կը լինի իր սիրելի և հարազատ ժողովրդին և նրա ազատագրական արդար պայքարին:

Վասպուրականցի քաջարի՛ զաւակներ, դուք որ կարողացել էք ամբողջ երկու տարի հերոսաբար մարտնչել մինչև ատամները զինուած թուրք բանակների հսկայական ուժերի դէմ, ամօթ և նախատինք կը լինի ձեզ համար պարտուել և գոհել աւագակապետ Սմկօից և նրա խառնիճաղանջ ու թալանչի զինուորներից»:

Մելքոնեանի հայրենաշունչ ճառը ինձ էլ ոգևորեց և հայկական արիւնս եռանդի հանեց: Չէ՞ որ ես էլ հայ էի, երիտասարդ էի և բախտի տարօրինակ դասաւորութեամբ զինուած էի Բուլղարացու նիրա՞ծ զէնքով: Ուրեմն, ինքս ինձ եզրակացրի՛ ես էլ պարտականութիւն ունեն կռուելու և պաշտպանելու իմ դժբախտ հայրենակիցներին, որոնց թում և հօրս:

Անմիջական գորահաւաքը սկսեց: Վճռեցի կամաւոր գոհաբերութիւն կատարել: Գործ ու պաշտօն չունէի: Անելիք չունէի: Վճռեցի նիրուել ժողովրդիս պաշտպանութեանը:

Հօրս հետ գրկախառնելուց և ջերմագին համբույրներ փոխանակելուց յետոյ ֆուրգոնից ցած իջայ: Սմկօի ուժերի դէմ կուելու նպատակով գնում էի Կոթորի լեռները բարձրանալու պատրաստող մեր ուժերին միանալու: Հէնց այդ ժամանակ հայրս աղերսագին ձայնով ինձ կանչում էր: Յետ դարձայ նրան լսելու: Նա իր թախանձագին կանչով շարունակեց.

– Ու՞ր կերթաս, բալէ՛ս, դու կեանքիդ մէջ մինչև հիմա զինուորութիւն չես ըրած և ոչ մէկ կռի չես մասնակցած, որ կարողանաս գոնէ քեզ պաշտպանել...:

– Միրելի՛ հայր, ինչու՞ համար այդքան շատ վրդովեցիր: Մինչև հիմի առիթ եկած չէր զինուորութիւն անելու... Կռիւների ժամանակ՝ ամէն անգամ, ինձ ուրիշ գործ յանձնած էին, և ես պարտաւոր էի ինձ վրայ դրած պարտականութիւնները կատարելու, իսկ ներկայիս անելիք չունեն և պէտք է որ կարողացածիս չափով աշխատեն ժողովրդիս օգտակար լինել, մանաւանդ այս պարագային, երբ մեր գոյութիւնը պաշտպանելու հարցն է դրած:

Այլևս չկամեցայ հօրս թախանձանքին ուշադրութիւն դարձնել, չնայած ինքս էլ համոզուած էի, որ պաշտպանութեան գործին իմ մասնակցութեամբ որևէ աջակցութիւն չէի կարող տալ: Մինչ այդ, հակառակ տաքարին բնաւորութեանս, չէի համոզուել նոյնիսկ մի հաւի կոկորդը կտրելու, ու՞ր մնաց մարդասպանութիւն կատարելու: Ինքս իմ մէջ այս զուլի պատերազմն ու վայրագ կոտորածերը սարքողներին հազարաւոր անգամներ անիծել էի:

Թիրքին և քիւրդին ատում էի, որովհետև նրանք մեր ժողովրդին բոլորովին անտեղի, անխիղճ ու անխնայ կոտորում էին և բնաջնջում, բայց առիթ չէի ունեցել նրանցից նոյնիսկ մէկին սպանելու:

## ԱՆՀԱՒԱՏԱԼԻ ՀԱՆԴԻՊՈՒՄ

Հազի մի հարիր քայլ հորիցս հեռացել էի, ինքնապաշտպանութեան համար Կոթուրի լեռները բարձրանալու գնացող զինուորներին միանալու, երբ մի ուրիշ աղերսական կանչ լսեցի.

– Աղաչում եմ, սպասի՛ր... Միայն մի լուր...

Կարծեցի, որ լսածս թիրիմացութիւն է: Ենթադրեցի, որ սխալմամբ ինձ մի ուրիշի հետ եմ շփոթել: Ուզում էի ճանապարհս աճապարանօք շարունակել, բայց այս անգամ թախանձագին խնդրողը ինձ իմ անունով կանչեց.

– Միրա՛ք, այր. Միրա՛ք, խնդրում եմ, աղաչում եմ, մի քիչ սպասի՛ր: Միայն երկու խօսք ասելիք ունեմ:

Յետ դարձայ: Արտակարգ, գերբնական ճիգ ի գործ դնելով, մէկը, դժարութեամբ յառաջ նետուելով, աշխատում էր ինձ հասնել: Կարծեցի երազ եմ տեսնում: Չեռքերիս ակերով աչքերս տրորեցի, տեսածս աւելի լաւ տեսնելու համար: Անսպասելի, անհուստալի հրաշք էր տեսածս:

– Այդ դու՞ ես, օր. Անուշ, – կակազելով հազի կարողացայ արտասանել և իմ հերթին վազ տլի նրան դիմաւորելու և նրա ֆիզիկական և հոգեկան տանջանքը կարճելու համար:

– Այո՛, դժբախտաբար, այդ ես եմ...

Նա գիրկս նետեց և ոտքի վրայ մնալու ոյժ ու հնարաւորութիւն չունենալու պատճառով գետնի վրայ ցած զլորեց: Նրան գրկելով բարձրացրի և հարցրի.

– Այս ի՞նչ վիճակի ես: Հիւանդ ես, թէ քաղցածութիւնից ուշաթափ ես լինում...

– Մի՛ հարցնի... Թէ՛ քաղցած, թէ՛ հիւանդ և թէ՛ մանաւանդ անտէր ու անօգնական եմ:

Անուշն ուզում էր խօսքը շարունակել, բայց չկարողացաւ: Նա սկսեց լացել: Լացում էր աղէկատուր և ողբագին: Նրա այդ լացը արտակարգօրէն սրտաճմլիկ էր:

Ես էլ սկսեցի նրա հետ լացել: Չեմ յիշում, որ կեանքումս այդքան հոգեմաշ և կսկծալից արցունք թափած լինեմ: Կարծես նրա և իմ լացը մեր երկու դժբախտների լացը շլինէր: Այդ լացն ու արցունքը մի ամբողջ ժողովրդի, տառապակոծ, չարչարած, հալածուած, խոշտանգուած, ջարդ ու փշուր եղած հայ ժողովրդի արցունքն էր, որ խտացել էր մեր երկուսի աչքերում:

Չէ՞ որ մենք երկուսս էլ այդ տառապած ժողովրդին վիճակուած տանջանքով և գրկանքներով տառապել էինք և շարունակում էինք տանջուել...:

Անօգուտ և անտեղի համարեցի Անուշին նորանոր հարցումների ենթարկել: Նա այնքան շատ յոգնած ու հիւծուած էր, որ խօսել իսկ չէր կարող: Բարեբախտաբար, մինչև այդ ժամանակ անգէն ժողովրդին նահանջի ճանապարհը շարունակելու իրաւունք տրուած չէր: Նրանց պաշտպանութեան համար սպասում էին մեր զինուորների լեռները

բարձրանալուն: Մերոնք պետք է բարձրանային Սնկօի և նրա զինակիցների եղած լեռների դիմացի կողմը և նրանց հանդիպակաժ լեռներում դիրքեր գրաւէին:

Անուշին օգնեցի, նրան շալակելով մեր ֆուրգոնին հասցրի: Չափազանց զարմանում էի, որ այդ յոգնատանջ, հիւանդ, ուժասպառ վիճակում նրան ինչպէ՞ս էր յաջողւել մինչև այստեղ հասնել: Բազմաթիւ հարցումներ ունէի, բայց դրա ո՛չ ժամանակն էր և ո՛չ էլ կարելի էր նրանից պատասխանը ստանալ: Նրան անյապաղ օգնութիւն էր պետք:

Անուշի ֆիզիկական տանջանքները նրա դիմագիծն այլակերպել և երիտասարդական սքանչելի թարմութիւնը խորտակել էին: Նրա մարմնակազմը քայքայուել և հիւծուել էր: Մեր ֆուրգոնավար Կարօն, որի հետ ճանապարհին երևութապէս բարեկամացել էի, խնդրեցի Անուշին ֆուրգոնի վրայ բարձրացնելու համար ինձ օգնել: Հայրս դժարանում էր նրան վերհիշել, և երբ յայտնեցի նրա ով լինելը, նա ցուազին եղանակով և կարծես թերահաւատութեամբ հարցրեց.

– Միթէ՞ սա մեր բարեկամ Անուշն է: Ինչու՞ այս օրին է ընկել: Ու՞ր եմ նրա հայրն ու մայրը...:

– Տէ՛ր հայր, – Անուշի վիշտն ու տառապանքը չորբոբքելու ճիգով աճապարեցի հօրս պատասխանել, – հիմի դրա ժամանակը չէ: Նա քաղցած, հիւանդ և ուժաթափ է: Նրան զոնէ մի քիչ կազդուրելու համար պետք է հնարաւորն անել:

Կարօն հեռատես և խորամանկ մարդ էր: Համոզուած լինելով, որ իր ֆուրգոնի վրայ բեռցած պարենապահեստը, շուտով ցրիւ գալով, վերջանալու է, իր նստատեղի տակում՝ մի փայտեայ տուփի մէջ, թաքցրել էր մի քանի կտոր հաց, շաքար և նոյնիսկ 5 տուփ մսի պահածոյ: Չկարողացայ իմանալ կարեկցութիւնի՞ց, թէ՞ կնամեծարութեան զգացումից թելադրուած, իր թագրած կենսամթերքի գոյութիւնը խոստովանեց և ինձ վստահեցրեց, որ Անուշին ինչպէս հարկն է կը կերակրի և կը խնամի: Նա ինձ ասաց.

– Եթէ, ինչպէս որոշած ես սարը բարձրանալ, այդ հայրենասէր տղամարդու գործ է: Միամիտ գնա: Տէրը քեզ հետ թող էլնի: Աս բարեկամիդ մասին անհոգ եղի՛ր: Մինչև վերադարձը, կաշխատեմ անոր խնամք տանել: Խօրդ համար ալ կարող ես հանգիստ մնալ, անոր հոգսն ալ ինձ վրայ կը վերցնեմ:

Վայրկենական կատաղութիւնը ամբողջ էութիւնս փոթորկեց: Կուզեմայի բռունցքներիս հարւածների տակ նրա քիթն ու բերանը ջարդ ու փշուր անել: Ամբողջ երկուս ու կէս տարի շարունակ տանջուել, մաշուել եմ այս աղջկան կորցրած լինելու համար և հիմի, որ մի քանի լուր է, ինչ նրան վերագտել և անջրջային երջանկութիւն եմ զգում, անտաշ և անասունի նման տգէտ մի սայլապան խորամանկօրէն ուզում է ինձ պատերազմի, մարդասպանու-

թեան դաշտ ուղարկել: Այդ մարդատիպ վայրենի և անխիղճ սայլապանը, իմ հայրենասիրական զգացումների վրայ խաղալով, ուզում էր ինձ և իմ անհունօրէն սիրած ու պաշտած աղջկան նորից բաժանել, հեռացնել: Օ՛հ, ինչքան անբախտ մարդ եմ եղել: Ինչի՞՞ համար, ո՞ր մեղքիս համար եմ ենթարկւել բախտի լիրբ ծաղրանքին: Երանի չէ՞ր լինի, որ կես ժամ առաջ, կամաւոր զինուոր դառնալուս համար վճիռ կայացրած և յայտարարած չլինէի...:

Բայց ներկայ վիճակի այսպիսի դաստորութիւնն ինչքան շատ տարօրինակ և զարմանալի էր: Արդեօք պէտք է իմ անհատական երջանկութեան համար իմ ազգակիցների, իմ ժողովրդի պաշտպանութեան պարտականութիւնը զոհաբերե՞մ, ոտնատակ անե՞մ: Չէ՞ որ իմ ժողովրդի պաշտպանութեամբ ես միաժամանակ հօրս և այս իմ անուրջներիս առանցքը կազմող աղջկայ երջանկութիւնը, պատիւն ու գոյութիւնը պաշտպանած կը լինեմ:

Եթէ ես և ինձ նմանները չկուէն, չպաշտպանեմ, ո՞վ պէտք է մեզ պաշտպանի:

\*\*\*

Ինձ համար ստեղծել էր արտակարգօրէն ճգնաժամային մի վիճակ: Հոգուս խորքում սկսել էր կատաղի և փոթորկալից մի պայքար: Այդ փոթորկալից պայքարը կատարում էր սրտիս և ուղեղիս միջև: Սիրտս ինձ թելադրում էր մնալ, չբաժանել աներևակայելի հրաշքով գտածս անրջային էակից, որին դժբախտ դիպածով կորցրել և անսպասելի, երջանիկ հանդիպումով գտել էի: Բայց ուղեղս, անողորմ և անգութ դատողութիւնս ինձ թելադրում, հրամայում էր պարտականութիւնս կատարել, այն պարտականութիւնը, որ ինձ համար որոշել էի ինքնակամ:

Այս ինձ համար որոշածս պարտականութիւնից կարող էի հրաժարուել, բայց նախ և առաջ ինքս ինձ մօտ ծիծաղելի, արհամարհելի պիտի լինէի և յետոյ արգահատելի դասալիք բոլոր նրանց մօտ, որոնց իմ կամաւոր զինուոր դառնալու որոշումս էի յայտնել: Այո՛, փոքրոգի, ողորմելի դասալիք այս անտաշ սայլապան Կարօից սկսած մինչև բոլոր նրանց մօտ, որոնք ինձ ճանաչում էին:

Իմ անձնասիրութեան, պատուասիրութեան զգացումն ու մտքիս հրամայող դատողութիւնը յաղթական հանդիսացան: Վճռեցի դժգոհ ու բողոքող սրտիս թելադրանքը զոհաբերել: Անհուն կսկիծով ծունկի եկայ ֆուրգոնում ուշագնաց ընկած Անուշի կողքին և նրա ջերմող ճակատից ցեխակալած մազերը յետ տալով թօշնած այտերը կարօտակէզ համբուրեցի:

Հակառակ իր անսահման յոգնած և ուժաբափ վիճակին՝ նա ջանաց գլուխը բարձրացնել իր դէմքը ճակատիս մօտեցնելու համար, բայց այդ անելու

անգօր եղաւ: Նա, ջանալով իր խոշոր աչքերը լայն բացել, մի վայրկեան կարօտակէզ նայեց ինձ, իմ աչքերին: Հազիւ կարողացայ լսել նրա մահագոյժ մեղմութեամբ և կցկտուր արտասանած հետևեալ բառերը.

– Ես մի դժբախտ աղջիկ եմ եղել... Ափսո՛ս, շա՛տ ափսոս, որ անմուրազ և կարօտակէզ, երջանկութեան երազիս չհասած կը մեռնեմ...:

– Չէ՛, սիրելի, անմահ Անուշ, դու չես մեռնելու, չպէտք է մեռնես: Դու ապրելու ես, պէ՛տք է ապրես: Հաւատացած եմ, որ քո բոլոր տանջանքն ու տառապանքները շուտով վերջացած կը լինեն: Մօտիկ, շատ մօտիկ ապագայով ներշնչիր, ոգևորիր քեզ: Աստուծոյ օգնութեամբ մի քանի ժամից յետոյ ես քեզ մօտ կը վերադառնամ: Ազնիւ մարդու պատուոյ խօսք եմ տալիս սրանից յետոյ միշտ քեզ մօտ մնալ, քեզ հետ լինել...:

Չկարողացայ իմանալ, արդեօք Անուշն ի վիճակի եղա՞ւ իմ սրտագին անկեղծութեամբ արտայայտած խօսքերը լսելու, թէ ոչ: Նա բոլորովին ուժասպառ և ուշաթափ էր: Արտակարգ դժարութեամբ, անսահման դժկամութեամբ նրանից բաժանուեցի: Նախքան ֆուրգոնից հեռանալը՝ հօրս և Կարօին աղերսանօք խնդրեցի.

– Տէ՛ր հայր, վարպետ Կարօ, աղաչում եմ ձեզ, մինչև իմ վերադարձը նրան օգնել և խնամել: Կը ջանամ, ինչքան հնարաւոր է շուտ վերադառնալ:

Անհուն կսկիծը սրտումս և կարօտակէզ արցունքները աչքերումս՝ Անուշից հեռացայ...

**ԿՈԹՈՒՐԻ ՉՈՐԻ  
ԻՆՔՆԱՊԱՇՏՊԱՆՈՒԹԻՒՆԸ**

Բուրբարացին իր կնոջ և երեխայի ճակատագրի անյայտութիւնից ծայրայեղօրէն լքած և յուսահատ էր: Բայց այդ անչափ յուսահատութիւնը նրան չէր արգելել իր ժողովրդանէր պարտականութիւնը կատարելու: Մեկընեանի գործակցութեամբ նա կազմել էր Կոթուրի ձորի ինքնապաշտպանութեան ծրագիրը:

Մեր զինած ուժերը իրար յետևից խումբ-խումբ, ձիաւոր հետախոյզների առաջնորդութեամբ, պիտի բարձրանային Սմկօի և նրա զինակիցների գրաւած հանդիպակաց լեռները: Մերոնց իսկական պարտականութիւնն էր մեր բազմահազար գաղթականութեան նահանջի ճանապարհը ապահովել և քիւրդերին թալանի ու կոտորածի նպատակով ձորն իջնելը խանգարել:

Չափազանց դժար էր ծրագրի գործադրումը, քանի որ մերոնք տեղին և քիւրդերի դիքերի դասաւորութեանը միանգամայն անծանօթ էին: Ճար չկար, պէտք էր հնարաւորութեան սահմաններում հալածական և վտանգած նահանջողներին մի կերպ օգնել:

Կես գիշերից երկու ժամ անց էր, երբ մեր զինաձի խմբերը Կոթուր լեռնագագաթի աջ կողմի վրայ հաւարելուցին: Կիսալուսնի շողքը լուսատրում և մեր զօրաշարքը լիովին նկատելի էր դարձնում:

– Տղերք, ձեր հոգուն մատաղ, – ասաց մէկը, որին ես չէի ճանաչում և որին, ըստ երևոյթին, յանձնարարած էր այս պաշտպանութեան գործը ղեկավարել, – տասնական հոգինոց խմբերի բաժանուցէք և առանց աղմուկի, զգուշութեամբ դէպի աջ առաջացէք: Ինձ ասել են, որ ձորի երկարութիւնը մօտ քսան կիլոմետր է: Այստեղ հաւաքած մեր անձնէր զինուորների թիւը, լեռ բարձրանալիս հաշուեցի, 300 հոգուց ատելի են: Այս հաշուով, եթէ ամէն տասն հոգինոց խումբը իրարից 600 քայլ հեռաւորութեան վրայ տեղաւորի, ձորի ամբողջ երկարութիւնը մեր պաշտպանութեան տակ կառնի: Խմբերի միջև կապ պահպանելու և անհրաժեշտ ցուցումներ տալու համար ձիաւորների երեք տասնեակ զինուորներ ունենք: Աւելորդ է ձեզ յիշեցնել, որ ձորի միջով նահանջող երեսուն հազար ձեր հարազատների ու հայրենակիցների փրկութիւնը միայն ձեզնից է կախած: Եթէ թերանաք ձեր ազնիւ հայրենասիրութեան և խիզախ պաշտպանութեան գործում, անկասկած, նրանց դաւաճանած և աւազակ Սմկօին ու նրա թալանի ծարաւ զինակիցներին գոհած կը լինէք: Մի անգամ ևս ձեր նիւրաձութեամբ ապացուցէք, որ վասպուրականցիներ էք և Ապրիլեան հերոսամարտի կռուների խիզախ ներկայացուցիչները:

Կեցցէ՛ վասպուրականցին, որ հայ ժողովրդի հարազատ զաւակն է: Փառք ու պատիւ բոլոր նրանց, որոնք յօժարական, իրենց ազնիւ արեան գնով իրենց հայրերին, մայրերին, քոյրերին, կիներեխաներին և հայրենակիցներին պաշտպանել և փրկել գիտեն:

Տեղաշարն ու դիրքորոշումները լուսաբացից առաջ վերջացել էին: Ուրիշների շարքին՝ ես էլ զինուորի, պաշտպանողի դերում դիրք էի մտել:

\*\*\*

Յաջորդ օրայ լուսաբացին գաղթականութեան արտօնուց ձորից անցնել: Այդ քանի օրերում Սարայից Կոթուրի ձորի մուտքին իրենց հասցրած բազմահազար հայ և ասորի գաղթականները ճանապարհ ընկան: Ամբողջ հինգ ժամայ ընթացքում նահանջող բազմութիւնը ձորն էր մտնում: Փոխադրական միջոցներ՝ սայլ, ձի, էշ, եզ, կով ունեցողների գործը շատ ատելի հեշտ էր: Նրանք իրենց ունեցած իրերը բեռքերէ էին անասուններին: Յաճախ այդ փոխադրական միջոցներից օգտուում էին իրենք էլ: Ոտքով նահանջողների վիճակն անտանելի էր: Նրանք յառաջանում էին խուճապով ու սարսափով:

Անվերջ աղմուկ, աղաղակ, կանչ ու կոչ: Հարազատներ, միևնոյն ընտանիքի անդամներն էլ յա-

ճախ իրենց մէջ վեճի ու կռիւ էին բռնում: Իրար աճապարեցնում, խռիկ էին տալիս և տքնում էին հնարաւորին չափ շուտ այդ դժոխային ձորից անցնելով՝ իրենց փրկել: Նրանք գիտէին և համոզուած էին, որ դարանակալած թշնամին կոտորելու և կոտորատելու համար սպասում է իրենց: Նրանք մահւան սարսուռով ահաբեկուած մտածում էին միայն և միայն մազապուրծ լինելու մասին: Միանգամայն իրաւացի էին նրանք, քանի որ սարսափելի իրականացաւ:

Երբ նահանջող բոլոր գաղթականները մտել էին ձորի մէջ, Սմկօի քրդերն այդ անգէն ժողովրդին իրենց դժոխային կրակի տակն առան: Գնդակների հեղեղ էր թափուած ամէն տեղ և ամէն ուղղութեամբ: Դժբախտ գաղթականութիւնը խուճապի էր մատնուել և գլխապատառ վազվզում էր ամէն ուղղութեամբ: Հայրերն ու մայրերը իրենց երեխաներին քաշկռտում էին այս ու այն կողմ և քարակոյտերի յետև ու ժայռախոռոչների մէջ ապաստարան որոնում: Խուճապն ու իրարանցումը սարսափելի էր:

Հանդիպակաց լեռներից մերոնք սկսեցին կրակել: Քիւրդերը յանկարծակիի եկան և սկսեցին դէպի մեզ կրակել:

Սմկօի քրդերն երբ իմացան, որ նահանջող բնակչութիւնը բոլորովին անգէն ու անպաշտպան չէ, և իրենք էլ վտանգից միանգամայն զերծ չեն, իրենց մոլեգնած յարձակումը կրկնապատկեցին, բայց նրանց ուշադրութեան և յարձակման թիրախը մենք՝ ժողովրդին պաշտպանող զինուորներս դարձանք: Այս աւազակների զինապահեստը, մանաւանդ հրացանների փամփուշտները կարծես վերջանալիք չունէին: Կրակում էին անդադար ու անվերջ: Յայտնի չէր, գուցէ և կրակում էին բազմահարածեան զենքերով ու զնդացիներով:

Այդ կատաղի կռիւն երկար տևեց: Կէսօրանից մէկ ժամ անց քիւրդերը նոր ծուղակի մէջ ընկան: Երկու տասնեակ ձիաւոր զինուորներ անձնուրացօրէն համաձայնուել էին Սմկօի քիւրդերին թիկունքից հարածել: Նրանք, քիւրդերի գրաւած լեռնաշղթայից բարձրանալով, նրանց իրենց բազմահարածեան զենքերի կրակի տակն էին առել: Քիւրդերից սպանել էին բաւական շատ: Մտածելով, որ իրենց գոհերի թիւը կարող է բազմապատկուել, Սմկօի քիւրդերը վրայ հասնող երեկոյեան մթնշաղից օգտուելով, սկսել էին նահանջել: Մինչ այդ նահանջող բազմութեան ժխորը պակասել էր:

Մութն ընկնելու պահին մեր զինուորական խմբերին կարգադրուց դէպի ձորի վերջաւորութիւնը յառաջանալ: Այս կարգադրութիւնը բաւական շատ տարօրինակ թաց, բայց պատճառը յետոյ պարզուեց: Մերոնք ենթադրում էին, որ քիւրդերը, տեղական պայմաններին կատարելապէս ծանօթ լինելով, գիշերայ մութից կարող էին օգտուել և մեր զինուորական ուժերին իրենց օղակում պաշարելով՝ լրիւ կոտորել:

Սալմաստ հասնելուց առաջ տեղեկացանք, որ Կոթուրի ձորի ողբերգությունը բառական ցնցիչ է եղել: Նահանջող ժողովուրդը, մանաւանդ հետխոտն եղողները, դժբախտություն են ունեցել ձորում թողնելու քայլել չկարողացող երեխաներին և մանաւանդ ծերացած հայրերին, մայրերին և հարազատներին:

Իզուր ուշացումների հետևանքներից մեկն էլ Կոթուրի ձորի՝ շուրջ 400 հոգու կոտորածն ու նրա կրկնապատիկ թով գերի թողնելն եղաւ: Բարեբախտաբար, հայ գերիները Սմկօի կողմից ներման արժանացան և ուղարկեցին մեզ մօտ՝ Սալմաստ:

**ՍԱԼՄԱՍՏԻ ԴԻԼԻՄԱՆ ԶԱՂԱՔԸ**

1918 թի ապրիլի առաջին 15 օրերին մեր յոզմատանց գաղթականները, Պարսկաստանի սահմանն անցնելով, իր ժամանակաւոր բնակությունը Սալմաստի շրջանի մի քանի գիւղերում, մանաւանդ Հաֆթվան, Ղալասար և Փայաջուկ գիւղերում հաստատեց: Ասորիները կենտրոնացել էին իրենց տեղացի ազգակիցների մօտ՝ Խոսրովա գիւղում: Մեր՝ Սալմաստ ժամանումի օրերին գաւառի կենտրոնական քաղաքը համարող Դիլիմանը պաշարւած էր ասորիների և նրանց ջէլօ կոչւած ցեղախմբի զինուորական անկանոն ուժերի կողմից: Նրանց այդ պաշարումին օգնում էր «տուն վերադառնալ» չյաջողած ռուսական բանակից մի խումբ, թով շուրջ հարիւր հոգի: Սրանք ունէին երեք դաշտային թնդանօթներ:

Ձինւած և կռող ջէլօների թիւն անցնում էր երկուս ու կէս հազարից: Նրանք իրենց գործակցող ռուս զինուորներին համոզել էին, որ Դիլիման քաղաքում կենտրոնացել են իրենց ընդհանուր թշնամիները՝ թիւրքերն ու քիւրդերը, և եթէ օր առաջ նրանց դիմադրությունը չվիշուի, թիւրք բանակը նրանց օգնութեան կը հասնի: Նման պարագայում թէ՛ «տուն վերադարձող» ռուս զինուորները և թէ՛ իրենք՝ ասորիներն ու ջէլօները, կորած կը լինեն:

Ամէնից տարօրինակն այն էր, որ նրանց ղեկավարները մեր զինւած ուժերից մի քանի տասնեակ մարդկանց էլ յաջողեցին իրենց կողմը գրաւել և գործակից դարձնել: «Ձեր անգէն հայրերին, մայրերին, քոյրերին և երեխաներին կոտորող քիւրդերի արհունարբու և աւազակ պետերը Դիլիմանումն են կենտրոնացել,– յայտարարել էին նրանք:– Եթէ անմիջապէս այդ աւազակների չարագործ այս բոյնը չքանդի, մեզ հետ միասին ձեր մագապուրծ եղած բազմահազար գաղթականներին էլ մինչև վերջին մարդը կը կոտորեն»:

Այդ ժամանակներում դեռ մեզ անյայտ մնացած իրականությունը ջէլօների վերոյիշեալ յայտարարութեան բնոյթից բառական շատ տարբեր էր: Յետոյ պարզեց, որ Սմկօն և իր զինակիցները ասորի-

ջէլօների հետ արեան դիտերիմ թշնամիներ էին: Սմկօի ցեղախմբի ասորի-ջէլօների հետ ունեցած թշնամությունը տաճիկների մեր՝ հայերիս հետ ունեցած թշնամությունից գուցէ մի քանի անգամ աւելի դիտերիմ բնոյթ ունէր:

Համաշխարհային առաջին պատերազմի այդ տարիներին պարսկական կենտրոնական կառավարութեան ազդեցութիւնը, մասնաւորաբար Արևմտեան Ատրպատականի շրջաններում, ինչպէս Սալմաստում և Ուրմիայում, շատ թոյլ էր, որովհետև վերոյիշեալ երկու գաւառները, ինչպէս նաև պարսկական Ջուլֆան, Խոյն ու մերձակայ շրջանները, ռուսական և թրքական բանակների ռազմաբեմն էին դարձել և նրանց կողմից ոտնակոխուում էին և ձեռքից ձեռք խլում:

Սմկօն, բարեկամական դաշինք կնքելու անունով, բայց իր նենգ և խաբեբայ ծրագիրն իրականացնելու նպատակով ջէլօ-ասորիների կաթողիկոս Մարշիմոնին իր մօտ է հրաւիրում և փառաւոր հիւրասիրությունից յետոյ՝ ճանապարհելու միջոցին իր դարանակալ գործակիցների միջոցով նրան սպանել է տալիս:

Ահա այստեղից էլ սկսել էր Սմկօի և նրա գործակիցների և ասորի-ջէլօների միջև արեան թշնամությունը: Ջէլօների մարտական ղեկավարութիւնը՝ Մարշիմոնի քոյրը՝ Մըրմա խանումը, ու նրանց պետը՝ Ադա Պետրոսն էին յանձն առել: Նրանք երդւել էին կռւել և մինչև վերջին մարդը գոհել իրենց սպանւած կաթողիկոսի՝ Մարշիմոնի արեան վրէժը Սմկօից և սրա զինակից ցեղակիցներից լուծելու համար:

**ԴԻԼԻՄԱՆԻ ԱՆԿՈՒՄԸ**

Մեր՝ Սալմաստ հասնելուց յետոյ՝ մի ամբողջ շաբաթւայ ընթացքում, պաշարւած Դիլիմանը դեռ դիմադրում էր: Ռուսների թողած թնդանօթներն անվերջ որոտում էին և քաղաքի պարիսպների մեծ մասը քար ու քանդ էին արել: Իրար յետևից բռնկող հրդեհները քաղաքը մոխր ու ծուխի մէջ մթագնում և անտեսանելի էին դարձնում:

Ի՞նչ սոսկալի և ահռելի զագագած մարդու անգթութիւնը: Վրէժխնդրութեան կատաղի բնագող նրան ստորացնում և արիւնաձարաւ գիշատիչներին է հաւասարեցնում: Խիղճն ու բանականութիւնը միանգամայն կորում և անհետանում են:

Ոչ մի կասկած, որ պաշարւած այդ բնակչութեան 98 տոկոսը մեր Այգեստանի ապրիլեան դիմադրութեան օրերի նման անգէն ու թշուառ կին-երեխաներից և ծերերից էր բաղկացած: Սրանց պաշարողները զիտէին, որ այդ անգէն բնակչութիւնը որևէ յանցանք չունի, որ նրանք էլ մեզ պէս դժբախտ ու թշուառ են, որ նրանք էլ մեզ պէս ապրել ու գոյատևել են ուզում, որ նրանք էլ իրաւունք ունեն իրենց

երկրի, հողի վրայ մնալ, իրենց տան ու օջախի մօտ, իրենց հարազատների կողքին ապրել և աստուածային պարզ և եղող կեանքն ու արևը վայելել...: Բայց վրեժխնդրութեան կիրքը նրանց կորցրել էր:

Ա՛խ, ինչքա՛ն ահռելի և նզովեալ է այս պատերազմը: Նրան շղթայազերծող մարդանման գայլերն ու բորենիներն ինչքա՛ն հրէշատիպ ու անիծապարտ են...:

Այս արիւնահոս հեղեղի արհաւիրքից ու դժոխքից եր՞բ պիտի ազատենք...:

\*\*\*

Տեղեկութիւն է հասնում, որ թիւք բանակը Դիլմանում պաշարածներին շուտով օգնութեան է հասնելու: Դրութիւնը չափազանց լրջանում է: Կէսից աւելի քարուքանդ եղած փլատակների տակ կքած քաղաքը դեռ շարունակում է մահամերձի յուսահատ կատաղութեամբ դիմադրել: Նախ քան նրանց օգնութեան փութացող թիւք բանակի հասնելը՝ անհրաժեշտ է մի ելք գտնել: Ելքը ճարում է: Որոշում է քաղաքի ժողովրդին և նրանց պաշտպանողներին պատւիրակների միջոցով պատգամառաջարկ ուղարկել:

«Ձեզ 24 ժամ ժամանակ է տրուում կա՛մ զենքերը յանձնելով անձնատուր լինել և կա՛մ քաղաքը թողնելով՝ հեռանալ: Պատույ խօսք ենք տալիս և երդում ենք մեր սրբութիւններով, քաղաքից հեռանալու պարագային ձեզ չհետապնդել և ոչ մէկին չվնասել: Կարող էք հեռանալ Քեօհնա-Շահրի կամ Թարիզի ուղղութեամբ»:

Ինքնապաշտպանութեան ամէն յոյս ու հուանականութիւն կորցրած բնակչութիւնը քաղաքից հեռանալու իր համաձայնութիւնը անմիջապէս տալիս է: Ջէլօների դեկավար Ադա Պետրոսը իր զինակիցներին խիստ հրահանգ է տալիս քաղաքից հեռացողներին չհետապնդել և չկոտորել: Գիշերուայ մութի մէջ քաղաքն իր պաշտպանող-դիմադրողներից պարպում է: Յաջորդ օրը՝ վաղ առաւօտեան, Դիլման քաղաքը լքած ու անպաշտպան է մնում:

Թալանի արտակարգ ծարաւ ունեցողները, առաւելապէս ջելօները, խուժում են քաղաք:

### ՉԱՐԱՂԷՏ ՄԱՀԳՈՅԺ

Հօրիցս բաժանելուց երկու շաբաթ յետոյ, վերջապէս ինձ յաջողեց նրան գտնել: Նա աղէտալի վիճակում էր, իսկ նրա պատմութիւնը սրտակեղեք և ողբերգական: Հայրս պատմեց.

– Երբ մեզ պաշարող քիւրդերու գնդակները աջէն ու ձախէն կը սուրային և մեր կողքերէն ու ականջներու տակէն կանցնէին, սայլապան Կարօն՝ այդ անագնիւ և գռեհիկ մարդը, գլուխը կորցրած,

ֆուրգոնին լծած ձիերը կատաղօրէն մտրակել սկսեց: Խեղճ ձիերէն մէկը զիստէն գնդակով վիրաւորեց և կաղալ սկսաւ: Երբ Կարօն տեսաւ՝ վիրաւորած ձին այլևս վազել չէ կարող, ցած իջաւ և ֆուրգոնին միացած անոր կապերը կտրատելով՝ ազատ արձակեց և ճանապարհը շարունակեց: Կէս ժամ չանցած՝ դժբախտաբար մէկ ուրիշ ձին ալ, գլխէն վիրաւորելով, տեղն ու տեղը գլորեց: Այս անգամ Կարօն կատաղեց, փրփրեց և գլխիս գոռոռալ սկսաւ. –«Տէրտէ՛ր, եթէ ուզենամ քեզ հետ այս դժոխքի ճանապարհը շարունակել, շատ չանցած ինձ էլ կսպանեն: Ես չեմ ցանկանայ քու պատճառով էլ նահատակ էլնել: Չուր չեն ասած, որտեղ քահանայ, այնտեղ էլ սատանայ: Չէ՛, ախպէ՛ր, խօսքի դուզն ասած, մէկ քայլ էլ առաջ չեմ էրթալու: Ցած իջի՛ր, էս քարերի յետև մի տեղ քեզ թաքցրու, էս է մութը կը կոխի և կամաց-կամաց, հանգիստ, առանց վախ ու դողի, ոտքով կը գաս և մեզ կը հասնես: Տե՛ս, էտ է, մեր յետևէն հազարաւորներ մնացած են և ոտքով ճամփայ կը գան: Շնորհակալ եղի՛ր, որ էսքան տեղ էլ քեզ բերած եմ»:

– Յետո՞յ, յետո՞յ,– անհամբերութեամբ հարցրի ես:

– Յետոյ, ալ ի՞նչ յետոյ: Տեսայ որ այս կոպիտ և վայրենի մարդը, առանց այլ և այլի ինձ սայլից ցած կը գլորի: Մտածեցի՝ անօգուտ է այս գռեհիկ մարդու հետ գլուխ գլխի դնել և ստիպած ֆուրգոնից ցած իջայ: Նա սատանայական քրքիջով ծիծաղեց և ճանապարհ ընկնելուց առաջ իր գողացած հացերէն երկուսն ինձ շարտելով՝ ասաց.

– Ա՛ռ, էս էլ քու ճանապարհի բաժինը, որ քաղցած չմնաս:

Յետոյ անպատկառօրէն աւելցուց.

– Տէրտէ՛ր, ինձ չանիծես... Ասենք քու ներկայութեամբ արդէն ինձ անիծած էիր, որ մարալ ձիերէս երկուքը գռիւցից: Մնաս խաղաղութեամբ: Տէրը թող քեզ հետ ըլլայ:

– Յետո՞յ, յետո՞յ...– մեքենայաբար և առանց անդրադառնալու իսկական նպատակիս՝ շփոթ ու մոլոր հօրիցս հարցրի:

– Յետո՞յ...

Ա՛խ, ինչքան տանջալից է այդ յետոն...

– Պատմիր, Տէ՛ր հայր, խնդրում եմ շարունակես մնացեալը:

– Մնացեալը շատ երկար և տխուր է..., որդի՛ս:

Այլևս չկարողանալով թաքցնել ինձ այրող հարցականը՝ ասի.

– Իսկ ու՞ր է մնացած Անուշը, մեր Անուշը...:

Հայրս, գլուխն օրօրելով երկու ձեռներով իր ծունկերը ծեծեց, բայց դժարացաւ անմիջապէս պատասխանել:

– Ուրեմն նա մեռա՞ւ... Անուշը մեռա՞ւ ուրեմն,– լացակումած պոռթկացի ես:

– Որդի՛ս, նա ճիշտ նոյն բոպէին մեռաւ, երբ դու մեզմէ անկէ հեռացար, ուժով կարողացայ անոր բե-

րանը բացելով՝ երկու կաթիլ ջուր կոկորդը լցնել: Նա չափազանց տանջւած, մաշւած, հիւծւած էր, և անկարելի էր, որ կարողանար դիմանալ այդ գազանաբարոյ սայլապանի վարած ֆուրգոնի ցնցումներուն: Անոր հոգեվարքը տանջալից և ողբերգական էր, և հաւատացած եմ, որ ան խորտակւած սիրային մի պատմութեան զոհ դարձած էր:

Հայրս սրտի խորքից տխրալից հառաչեց և ինձ պարզեց մի քանի թերթերից բաղկացած ծալծլւած, ճմռթած մի փոքր տետրակ:

– Այս տետրակը մի քանի մանէք փողի հետ անոր վերնաշապիկի գրպանէն հանեցի:

### ԱՆՈՒՇԻ ՅՈՒՇԱՏԵՏՐԸ

Հօրս՝ ինձ յայտնած աղէտալի մահագոյժից յետոյ առանձնացայ: Հեռացայ Հաֆթվան գիւղի (որտեղ մեր ժամանակաւոր բնակութիւն էինք հաստատել) շրջապատող այգիների ուղղութեամբ և նրանցից մէկի ցանկապատից անցնելով՝ հնամտայ մի հաստաբուն ծառի կոճղին նստեցի:

Մեծ ցանկութիւն ունէի հեռու, որքան կարելի է հեռու լինել ոչ մէկի չհանդիպելու համար: Եթէ հնարաւոր լինէր, կը նախընտրէի ճգնաւորական մի ժայռախտոռչի ապաւինել: Սիրտս փոփոխել և կարծես իր խոռոչից դուրս պոկել էր ոգում: Ամբողջ 30 տանջալից ամիսներից յետոյ երազային դիպածքով և բախտի քմահաճ ու անգութ խաղով հանդիպել էի այդ դիւթական, անմահ աղջկան նրան անմիջապէս և անվերադարձ կորցնելու համար:

Ուզում էի լացել, հեղեղանման արցունք թափել: Հոգիս այրում և մրրկում էր: Աչքերիս ակունքում հաւաքւած արցունքի հեղեղը պատնէշւած էր. կարծես դէմ էր առել ժայռի և դուրս չէր գալիս, ցած չէր գալիս, որ կարողանար թրջել, հովացնել, ամոքել կիզող սիրտս ու հոգիս:

Հոգեկան ապրումների ընթացքում ամենամեծ դժբախտութիւնն այն է, երբ մարդս իրեն այրող, մրրկող ցան ու տանջանքն ամոքելու համար լացելու, արցունքի կարիքն ունի, բայց չի կարողանում լացել... արցունք թափել...:

Այդ անտանելի տառապագին վիճակս չգիտեմ՝ ինչքա՞ն երկար տևեց, երբ երանգանման թանկագին մօրս մահն ու նրան հետևող որբացած մանկութեան օրերը վերջիչեցի: Սիրտս փխրեց, և լացել սկսեցի: Լաց եղայ, հեղեղանման արցունք թափեցի:

Մրրկւած հոգիս հովացաւ, խաղաղեց, և ծայրայեղօրէն պրկւած ջղերս մի փոքր հանգստացան:

\*\*\*

Անուշի յուշատետրը բացի և ջանացի ուշադրութեամբ կարդայ: Ձեռագիրը պարզ ու ընթեռնելի էր, բայց տեղ-տեղ գրւած ու գծւած և երբեմն բոլորովին

սևացրած էր: Մէկ մասը թանաքով, բայց մնացածը մատիտով էր գրւած: Յուշատետրը ծալծլւած ու ճխլտւած էր, և նրա բովանդակութեան ընթերցումը դժարացնում էր: Ենթադրեցի, որ յուշատետրը թաքցրած պահելու համար մասնաւոր ճիգ է գործ դրւած: Յուշատետրի բովանդակութիւնը երկար չէր, բայց տողերի հանդիպեցի, որոնց ընթերցումը, հակառակ կրկնող փորձերիս, անկարելի եղաւ: Սկսեցի կարդալ:

«Ծնած եմ Վան, Այգեստանի Յանկոյսներ կոչւող թաղամասում 1900 թի 30 յունւարին: Հօրս ու մօրս միակ աղջիկ զաւակն եմ եղել: Մայրս չափազանց բարեհամբոյր և հանգիստ բնաւորութեան տէր էր: Հայրս, որին մերոնք անւանում էին Սահակ աղա, իսկ ուրիշները՝ Կազակ Սահակ, ի ծնէ ազնիւ և բարեսիրտ, իսկ արտաքուստ խիստ ու բռնակալ էր թում: Իր կարգադրութիւններից ամենափոքր շեղում բոլորովին չէր սիրում. ջղային և աղմկարար էր:

Խեղճ մայրս և ես մինչև 15 տարեկան հասակ թևակոխելու նրան հակաճառել չէինք համարձակւում:

Ազգականներ և բարեկամներ ունէինք, 3-4-ի բացառութեամբ՝ հայրս ընդհանրապէս չէր սիրում նրանց հետ շփումներ և այցելութիւններ ունենալ և մեզ էլ յաճախ արգելում էր նրանց հետ բարեկամական կապեր պահպանել և փոխայցելութիւններ կատարել:

Այգեստանում աղջիկների հայոց դպրոցներ կային, բայց հայրս ինձ ստիպեց կաթոլիկ միսիոնարների դպրոցում սովորել, թէև նրանց էլ բոլորովին չէր սիրում: Ենթադրում եմ, որ եթէ Վանում ռուսները դպրոց ունենային, կը նախընտրէր ինձ նրանց մօտ ուղարկել:

Հայրս ծայրայեղօրէն ռուսասէր էր և միայն նրանց վրայ հաւատք ու վստահութիւն ունէր: Այդ արտակարգ ռուսասիրութիւնը մեր դժբախտութեան պատճառն եղաւ, քանի որ նա կտրականօրէն վճռեց ռուսական հիւպատոսարանի պահպանութեան համար Վան մնալ և նահանջի ճանապարհին մեզ չընկերանալ:

Մեր կեանքի տարիները անցնում էին միապաղաղ: Ես մեծանում էի: Իմ շրջապատը շատ սահմանափակ էր: Պատերազմին նախորդող վերջին տարիներում հայրս ինձ թոյլատրեց իմ դպրոցական մի քանի ընկերուհիների հետ բարեկամական շփումներ ունենալ, այն էլ դասերի պատրաստութեամբ զբաղելու պայմանով: Հայ երիտասարդների մասին, բացի մէկից, նպաստաւոր կարծիք չունէր: Այդ մէկը մեր հեռաւոր ազգականներից էր: Նրա նկատմամբ հօրս ունեցած արտակարգ համակրանքը ինձ զարմանալի էր թում: Տարօրինակ զուգադիպութեամբ՝ ես էլ այդ երիտասարդի հանդէպ համակրանք ու հաւատք ունէի:

1915-ին նախապատերազմեան օրերին ես ներկայանալի և, ուրիշների ասութեամբ, գեղեցիկ



աղջիկ էի դարձել: Հայրս ցանկանում էր՝ բացի հայերէն և ֆրանսերէն լեզուները, որոնք մեր դպրոցում սովորում էի, ռուսերէն էլ սովորեմ: Իր ցանկութիւնն իրականացնելու համար ռուսական հիւպատոսարանի (այս հիւպատոսարանը մեր շէնքումն էր տեղադրւած) քարտուղարին խնդրել էր շաբաթական երեք անգամ՝ մէկական ժամով, ինձ հետ պարապել: Քարտուղարը գրեթէ երիտասարդ, բայց անհամ և լայիրջ էր: Այդ իսկ պատճառով յաճախ խուսափում էի այդ դասերից, որի համար էլ ամէն անգամ հօրս դժգոհանքին և խիստ նկատողութեանն էի ենթարկւում:

Ենթադրում էի, որ 1915 թականն ինձ համար բախտաւորութեան և երջանկութեան տարի պիտի լինէր, քանի որ հօրս հաւանած և իմ համակրած երիտասարդն էլ իմ նկատմամբ համակրական և սիրալիք հակում էր ցոյց տալիս: Այդ երիտասարդի կողմից մեր ոչ յաճախ հանդիպումների ընթացքին սպասում էի սիրային բացատրութիւն և ամուսնութեան առաջարկ լսել: Սիրտս վկայում էր, որ անպատճառ և շուտով տեղի կունենայ այդ բախտաւոր և երջանիկ բացատրութիւն-առաջարկը, որին ես անհամբեր և սրտատրոփ սպասում էի, և եթէ իմ կանացի ամօթխածութիւնը չլինէր, գուցէ այդ բացատրութիւնը ես սկսէի...:

Բայց, դժբախտաբար, շատ քչերն են, որ կարողանում են իրենց սպասած և ակնկալած բախտաւորութեան հասնել: Յաւօք սրտի, այդ քիչ թով երջանիկներից մէկը լինելը ինձ վիճակւած չէր: Իմ դժբախտ ճակատիս երջանկութեան մէկ լինելը ինձ վիճակւած չէր: Իմ դժբախտ ճակատիս երջանկութեան և բախտաւորութեան փոխարէն, դժբախտութիւն և կործանում էր գրւած: Չու՛ր, շա՛տ իզուր ինքս ինձի բախտաւորութեան անուրջներով էի տոգորում, ոգևորում...:

Պատերազմը, անիծեալ պատերազմը մեր անբախտ գլխին պայթեց: Մենք՝ վանեցի հայերս, կործանման, բնաջնջման անդունդի եզերքը հասանք: Երանի, հազար երանի կը լինէր, եթէ այդ անդունդի յատակը գլորւած և անհետացած լինէի: Գոնէ ինձ հետ հետագայում պատահած տանջանք-տառապանքներից փրկւած կը լինէի:

Իմ հայրենակիցները մի ամբողջ ամիս անմասն հերոսութեամբ կռուեցին և մեր գոյութիւնը բնաջնջել ցանկացող նամարդ թշնամու գրոհներին դիմագրաւեցին: Մենք ազատեցինք մի ուրիշ աւելի սարսափելի փորձանքի ենթարկելու համար:

Սկսեց աղէտաբեր նահանջը: Այդ նահանջը մեր ընտանիքի համար դժոխքի ճամփայ եղաւ: Այդ ճանապարհին մենք կործանեցինք: Հայրս՝ իր եսական, յամառ բնաւորութեամբ, նախ իրեն, ապա մօրս և ինձ կործանեց:

Հայրս վճռականապէս հրաժարեց մեզ հետ նահանջի ճանապարհին ընկնել: Նա մեզ ստիպեց առանց իրեն նահանջել: Համաձայնեցինք: Երանի

թէ չհամաձայնեցինք: Մեր իսկական դժբախտութիւնը կայանում էր նրանում, որ ես ու մայրս մենակ ու անօգնական էինք: Մինչև վերջին ժամը սպասում էինք Ս.-ի օգնութեանը: Բայց ի՞նչ եմ ասում: Նահանջը, այն էլ մեր հապճեպ, խառնաշփոթ նահանջը չարիքների չարիքն ու դժբախտութիւնների դժբախտութիւնն էր: Ոչ մէկն ի վիճակի չէր ուրիշի օգնութեան մասին մտածելու: Բոլորը տարերօրէն, խելագարօրէն ձգտում էին ճողոպրելու, փախուստ տալու և իրենց գլուխն ազատելու...»:

\*\*\*

Այստեղ Անուշի յուշերն ընդհատում էին: Յուշատետրում, երկու իրար նայող երեսները գրւած, բայց յետոյ մասնաւոր խնամքով ջնջւած և սևացրած էին: Ջանացի սևացրած տողերը կարդալ, բայց անկարելի եղաւ: Հաւանաբար այդ երկու հանդիպակաց երեսները հանւած և պատռւած կը լինէին, եթէ դրանց նախորդող և յաջորդող երեսները գրւած չլինէին:

Ինձ թաց, որ այդ երեսների վրայ իմ հասցէին ուղղւած մեղադրանքներ էին գրւած ու ջնջւած: Նորից տանջալից վերլիշումներ հոգիս փոքրկեցին: Իմ անփոյթ և անկարեկից լինելու համար նորից ինձ մեղադրել սկսեցի: Այո՛, ես մեղաւոր էի, քանի որ մի ամբողջ օր աւելի շուտ էի տեղեկացել նահանջի մասին և պարտաւոր էի օգնել նրան, որին ես համարում էի իմ ապագայ կեանքն ու երջանկութիւնը:

Կասկած չկար, որ Ս. տառի ակնարկութիւնն իմ վերաբերեալ էր: Խեղճ, դժբախտ աղջիկ: Նա սպասում էր ինձ, իմ օգնութեանը, բայց ես նրան միայն այն ժամանակ էի մտաբերել, երբ նրա լիահաստ սպասումն իզուր էր անցել, երբ նա յուսահատ, յուսախաբ և ճարահատ կորստեան ճանապարհն էր ընկել: Ջանացի տխուր մտասևեռումներիցս սթափւել և յուշերի ընթերցումը շարունակել: Տարօրինակ հոգեվիճակ էր ստեղծել: Կարողում էի, բայց չէի կարող հասկանալ, թէ ի՞նչ եմ կարողում: Չարաղէտ նահանջի վերջին թուլեների վերլիշումը խուժում էր ուղեղս և ինձ մեղադրում, նախատեսում էր.

«Դու՛ մեղաւոր ես... Դու՛ ես եղել այդ անգուգական, չքնաղ աղջկայ կորստեան և կործանման պատճառը»:

Փշրւած, խորտակւած սիրոյ միակ զենքը արցունքն է... Սկսեցի նորից լացել: Աչքերիցս չէր, այլ սրտիցս էր մաղլում այդ արտասուքը:

Երեկոյ էր: Շուտով ամենուրեք գիշերայ մութը տարածւելու էր: Լսում էի ընդհատող և յաճախակի կրկնող հրացանաձգութիւններ: Մշտատև վտանգ սպառնացող այդ կրակոցներից ուշադրութիւն չէի դարձնում: Ծայրայեղ ցանկութիւն ունէի Անուշի յուշերի ընթերցումը շարունակել: Յուշերի մնացեալ մասը խառնիխումն էր: Գրւած և ջնջւած տեղեր շատ ունէր: Ջանացի կարդալ, ինչքան հնարաւոր

էր. «Երբ մօրս ու իմ բոլոր խնորանքներս հօրս համոզելու և մեզ հետ նահանջելու վերաբերեալ անօգուտ անցան, ի վերջոյ նրա թախանձագին ստիպմամբ մօրս հետ միայնակ, ճանապարհ ընկանք: Մենք ամենաուշ ճանապարհողներից էինք:

Յոյս ունէինք ճանապարհին հանդիպելու մեր ծանօթ-բարեկամներից մէկի, մանաւանդ Ս.-ի ընտանիքին, բայց մեր անբախտութիւնից այդ անկարելի եղաւ:

Դժբախտութիւնը կայանում էր նրանում, որ նահանջողների բազմութիւնը ծովածաւալ էր: Ամենամեծ չարիքն այն էր, որ այն ամէն տեղ խճողում և խուճապ էր տիրում: Շատ յաճախ նոյնիսկ միևնոյն ընտանիքին պատկանող հարազատներն իրար կորցնում էին: Այդ պայմաններում բոլորովին զարմանալի չէր, եթէ մեզ չյաջողուէր գտնել մեր բարեկամ-ազգականներից մէկնումէկին:

Չնայած այն հանգամանքին, որ ես ու մայրս միասին մէկ ձի ունէինք, որ հեշտացնում էր մեր նահանջը, բայց ես ստիպւած էի յաճախ ոտքով քայլելու: Մայրս, տարիքն առած, իր առողջութիւնը կորցրած էր: Նա ի վիճակի չէր այդ դժոխսային ճանապարհը ոտքով կտրելու: Երբ շատ էի յոգնում, մօրս հետ միասին մեր միակ յոյսն ու փրկութիւնը հանդիսացող ձին էինք հեծնում: Բայց ես սոսկում էի այն մտքից, որ մեր ձին կարող է յոգնել և մեզ ճանապարհին թողնել:

Ինչպէս բոլոր նահանջները, մենք էլ արտակարգօրէն խուճապահար կարողացանք մեզ Բերկրիի մօտերը հասցնել: Յանկարծ, անկարագրելի, սուկալի մի խուճապ սկսուէր: Լուր տարածուէր, որ քիւրդերը Բերկրիում ճանապարհը կտրել և մինչև երկու ժամ նահանջող բազմութեանը իրենց պաշարման օղակում առնելով՝ բոլորին պիտի կոտորեն:

Ընդհանուր խուճապ, առաւ-փախստից օգուտելով՝ չորս զինւած մարդիկ իրենց ատրճանակների սպառնալիքի տակ օրը ցերեկով մեր ձեռքից մեր փրկութեան միակ յոյսն ու ապաւենը հանդիսացող ձին խլեցին: Ես ու մայրս աղաչեցինք, պաղատեցինք, լացեցինք, որ մեզնից մեր փախուստի միակ միջոցը հանդիսացող ձին չխլեն և չտանեն, բայց անօգուտ...

– Չեզ ի՞նչի է պէտք այս ձին, երբ կէս ժամ չանցած քիւրդերը յարձակելու և մեզ բոլորիս կոտորելու են: Այս ձին մեզ է պէտք՝ ձեզ պաշտպանել կարողանալու համար: Քիւրդերի դէմ կուրելու ենք գնում: Թշնամու պաշարման օղակը կոտորելու համար սարերն ենք բարձրանալու և նրանց վրայ ենք յարձակելու:

Եթէ մեզ յաջողի նրանց քշել ու հեռացնել, դուք ողջ կը մնաք և կը փրկւէք, այլապէս ձեզ էլ, մեզ էլ կը կոտորեն և մեր ունեցածն էլ կողոպտելով՝ կը տանեն...:

Այստեղից մեր իսկական դժբախտութիւնն սկսուէր: Այդ սոսկալի խուճապի և տակնուվրայու-

թեան մէջ ոչ ոք ցանկութիւն ունէր և ի վիճակի էր մեզ օգնութեան հասնելու: Մեր լացն ու կոծն էլ մեզ փրկել չէր կարող:

Յարձակող թշնամու սարսափը, կոտորածի արհաւիրքը մեզ ստիպեց քայլել, ոտքով փախչել: Փախչել՝ չկոտորելու համար: Փախչել՝ մեր խղճալի, ողբալի գոյութիւնը փրկելու համար: Փախչելով հեռանալ՝ արիւնածարաւ թշնամու անգութ ու անողորմ ճանկը չընկնելու համար:

Տարերային, բնագոյական փախուստ... չկոտորելու, և ապրել կարողանալու համար...»:

\*\*\*\*

Անուշի և մօր հետ կատարած այս անսիրտ ու վայրագ բռնութիւնը հոգիս ալեկոծեց: Ներսումս անգօր կատաղութիւնը փրփրում էր: Անուշի և իր մօր ձեռքից նրանց փրկութեան միակ ապաւենն եղող ձին խլող «զինուոր» կոչւածները իրենց անգութեամբ և վայրագութեամբ շատ զանազանութիւն չունէին անօգնական և թշուառ աղջիկներին բռնաբարող թշնամիներից:

Ա՛խ, ինչքա՞ն սարսափելի է այս զազրելի, անիծեալ պատերազմը, որ մարդկանց դարձնում է անխիղճ, վայրագ, սրիկայ և արիւնարբու: Շատ շատերից մարդկային բանականութիւնը, կարեկցութիւնը, խիղճն ու ազնւութիւնը խլում է և նրանց վերածում է արիւնածարաւ և կատաղի զազանների:

Շայրայեղ յոգնածութիւն զգացի: Կարծես երկաթաթել մտրակների հազարաւոր հարւածների տակ մարմինս ջարդ ու փշուր էին արել: Յուշագրի ընթերցումը շարունակել չէի կարող: Գուցէ նրա համար, որ սոսկում էի այդ տողերի շարունակութեան մէջ իսկական ողբերգութիւնը լսել:

Համոզուած էի, որ այդ ողբերգութիւնը հոգեմաշ է լինելու և ողջ ներաշխարհս խորտակելու է: Գուցէ ցանկանում էի ուժերս հաւաքել, որպէսզի կարողանամ այդ ողբերգութեան հոգեկան ցնցումներին դիմադրել:

Յուշատետրը փակեցի և խնամքով ծոցի գրպանումս տեղաւորեցի: Ուզեցի շարժել, տեղիցս բարձրանալ: Չկարողացայ: Ընդհանուր յուսալքումը վերածուել էր թմրածութեան մրափի: Երբ արթնացայ, կէս գիշերայ մօտ էր: Նորից քնելու ցանկութիւն ունէի, բայց միշտ իմ վերադարձին անհամբեր սպասող հօրս անհանգիստ չանելու համար Հաֆթվան գիւղի մեր ժամանակաւոր բնակարանը վերադարձայ: Անքուն, վերադարձիս սպասող խեղճ հայրս, տեղեակ իմ հոգեկան ներաշխարհի ցնցումներին, մեղմօրէն, բայց մեղադրական տոնով ասաց.

– Բալէ՛ս, զիտե՞ս, որ քո ուշացումներու համար միշտ անհանգիստ կըլլամ: Եթէ քեզ չես խնայեր, գոնէ ինձ խնայէ...:



## ՋՈՒԼՖԱ ԱՆՑՆԵԼՈՒ ՓՈՐՁԸ ԵՒ ՍԱԼՍԱՍԻ ԴԻՍԱԳՐՈՒԹԻՒՆԸ

Երբ դեռ մենք Սալմաստում էինք, մեր ազգային անճանաչ հերոս Անդրանիկը փութացել էր մեզ օգնելու: Նա մինչև Խոյ էր առաջացել մեծ դժարութեամբ: Դժբախտաբար, մեզնից որեւէ լուր առնել չկարողանալով՝ այն եղրակացութեան էր եկել, որ մենք Սալմաստից մեկնել ենք դէպի Ուրմիա: Մեր ամենամեծ դժբախտություններից մեկն էլ այն էր, որ մինչ այդ որևէ միջոցով չէինք կարողացել մեր ներկայութեան մասին Ջուլֆա կամ Երևան լուր ուղարկել: Թշնամին մեզ օղակել էր:

Ռուսական զինուորական ուժերի բացակայությունից օգտվելով՝ թիւրքերն իրենց ջարդ ու փշուր եղած բանակը վերակազմել և սկսել էին Պարսկաստանի արևմտեան շրջանները ասպատակել: Թիւրք Ալի-Էհսանի բանակը, Ջուլֆա-Խոյից սկսած, պարսկական Ատրպատականի մեծ մասը գրավել և վճռել էր մեզ էլ իր պաշարման օղակում առնելով՝ զինաթափել և մեր հաշտարարը կատարել:

Յունիսի վերջերին տաճիկ զօրավար Ալի-Էհսան փաշան մերոնց լուր ուղարկեց և առաջարկեց զինաթափ լինելով՝ յանձնել: Չինաթափ լինելու պարագային խոստացաւ Երևան անցնելու համար՝ դէպի Ջուլֆա մեզ ազատ ճանապարհ տալ: Մեր զինուորական ղեկավարութիւնն այդ խոստմանը չվստահացաւ: Իրաւունք էլ ունէր թիւրք փաշայի խօսքին ու խոստմանը չը հաւատալու: Փաշան նորից պատիրակներ ուղարկեց և յայտնեց, որ էլի համաձայն է մերոնց ազատ ճանապարհ տալ: Գաղթականութիւնը կարող է 50-ից 100-ական շունչ խմբերի բաժանելով իրար յետևից Ջուլֆա մեկնել՝ Երևան գնալու համար: Մերոնք այս անգամ էլ իրենց համաձայնութիւնը չտւին:

Յուլիսի սկզբի օրերին Ալի-Էհսան փաշան նոր առաջարկ դրեց: Քանի որ մերոնք իր տուած խօսքին ու խոստման չեն հաւատում և դէպի Ջուլֆա-Երևան մեկնել չեն ուզում, երկու օրուայ ընթացքում Սալմաստը պիտի պարպեն և դէպի Ուրմիա հեռանան, իսկ այնտեղից էլ Պարսկաստանի ներքին նահանգներն անցնեն: Հակառակ պարագային ստիպում կը լինի զենքի ուժի դիմելու:

Մերոնք այս անգամ էլ չցանկացան համաձայնել: Կատաղած փաշան իր բանակայիններին յարձակման հրաման տուեց: Մենք մի անգամ էլ մեր նախկին ռիսկալ թշնամու հետ կռիւ բռնեցինք:

\*\*\*

Յուլիսի 2-ի առաւօտեան մեր հետախոյզները տեղեկացրել էին, որ թշնամու զինուած ուժերը Սալմաստի ուղղութեամբ յառաջանում են: «Պատրաստ կաց»-ի ահագանգը տրուեց: Մեր զինուած ուժերին հրահանգուեց թշնամուն դիմագրաւելու համար դիր-

քեր գրաւել: Ի՞նչ դիրքերի գրաման մասին կարող էր խօսք լինել, երբ մերոնք ջարդ ու փշուր, յոգնատանջ և համարեա անպատրաստ վիճակումն էին:

Ճար չկար, նորից լինել-չլինելու, կռիւ բռնելու կամ թշնամու գութին ապալինելու խնդիր էր դրած: Տարտամ և շփոթ վիճակ էր ստեղծուել: Մեր բախտը տնօրինելու կոչուած զինուորական պարագլուխները, ասորիների զինուած ուժերի ընդհանուր հրամանատար Աղա Պետրոսի հետ խորհրդակցելով, վճռեցին դիմադրել և կռուել:

Դիմադրել, կռուել...: Որոշումը տրուած էր, բայց գործադրումը չափազանց դժար էր: Մեր կռուող ուժերի մի կարևոր մասը Բերկրի Կալէից անցել էր Իգդիր: Մի ուրիշ կարևոր մասը Ռատանի ինքնապաշտպանութեան կռիւներում կորուստներ էր տուած և ուժասպառ էր: Նահանջող գաղթականութեան շարքերում մնացած փոքրաթիւ զինուած ուժերն էլ յոգնած և յուսահատ էին: Մէկ խօսքով, վասպուրականցիների նախկին կորովը, հաւատքն ու ոգևորութիւնը տկարացել էր:

«Օտարութեան մէջ ու՞մ համար զոհուելու, արինս թափելու եմ», - մտածում էր փախուստի ճանապարհը բռնած իւրաքանչիւր անտուն և անտէր գաղթական:

Մեր այս ընդհանուր յուսալքումից ու թմրածութիւնից սթափուելու գործում, պիտի խոստովանել, ասորիների Սալմաստի զինուած ուժերի պետը՝ Աղա Պետրոսը, մեծ և նշանակալից դեր կատարեց: Նա յանձնառու եղաւ իր մարդկանց միջոցով Դիլիմանի ճակատը պաշտպանել: Սրա ձախ թևի վրայ ընկնում էր Հաֆթվանի ճակատը, որի պաշտպանութիւնը գնդապետ Մելքոնեանին յանձնուեց: Այս փորձուած և հայրենասէր զինուորականը Սալմաստի այս վերջին վճռական կռուում գնահատելի ծառայութիւն մատուցեց: Նրա տրամադրութեան ներքև դրած էր ռուս բանակի թողած (չեմ յիշում, երկու՞, թէ՞ երեք) դաշտային թնդանօթներից միայն մէկը: Դժբախտաբար, նրա հրամանատարութեան տակ գտնուած մի 100-120-ի չափ զինուորները բոլորովին անփորձ էին: Այս կռիւց յետոյ հարիւրաւոր անգամներ ինքս ինձ հարց եմ տուել. «Հապա ի՞նչ էին եղել, ու՞ր էին մնացել մեր նախկին, փորձառու և անւանի զինուորները»:

Երբ գնդապետ Մելքոնեանը մի կարճ, բայց ազդու ճառի ընթացքում դրութեան լրջութիւնը բացատրելուց յետոյ իր շուրջ հաւաքուած զինուած մարդկանց առաջարկեց ինքնայոժար կամքով յիսուն հոգինոց մի խումբ կազմել՝ Հաֆթվանի բանակատեղից կէս կիլօմետր հեռաւորութեան վրայ ընկնող այդ թևի պաշտպանութեան համար գնալու, ամենի վրայ կարծես Չաքարիայի պապանձումն ընկաւ:

Մելքոնեանը յուսահատ և ճարահատ բղաւեց.

– Մի՞թէ այս բազմութեան մէջ հայրենասէր հայ կռուելու պատիւն ունեցող մէկ գոյութիւն չունի: Ու՞ր

են մնացել մեր հերոսամարտերին մասնակցող զին-  
ուորներն ու նրանց արժանատի հայրենակիցները:

Առանց ինձ հաշի տալու և մտածելու արածիս  
լրջութեան մասին, առաջ նետուելով՝ բացականչեցի.

– Պարո՛ն զնդապետ, ես վանեցի եմ և պատ-  
րաստ եմ ձեր հրահանգին ենթարկելու:

– Կեցցե՛ս, տղա՛ս, առաջ ե՛կ:

Իր հերթին Մելքոնեանը, ինձ ընդառաջելով, ինձ  
իր բազուկներում առաւ և ճակատիցս համբուրեց:  
Մի քանի րոպէում իմ շուրջ հաւաքեցին 30-40 հոգի  
զանազան տարիքի զինուած մարդիկ, որոնցից  
հազի մի քանիսին էի ճանաչում:

– Այս երիտասարդին,– ինձ մատնանշելով՝  
ասաց Մելքոնեանը,– նշանակում եմ ձեր գլխատրը:  
Ժամանակը չափազանց կարճ է, և մենք խրամ փո-  
րելու ի վիճակի չենք: Դուք պէտք է տեղադրուէք  
այստեղից 500 քայլ հեռավորութիւն ունեցող և ճիշտ  
այս ուղղութեան վրայ գտնող գետակի հունի փոսե-  
րում: Երբ թշնամին կրակել սկսեց, դուք էլ կրակել  
սկսէք և ինչքան հնարատր է, արագաշարժ եղէք,  
որպէսզի թշնամին ենթադրի կռուող և պաշտպանող-  
ների հետ գործ ունի:

– Բայց, պարո՛ն զնդապետ,– բողոքելով առար-  
կեցի,– ես բոլորովին անփորձ եմ և մի քանի օր է,  
ինչ զինուոր եմ դարձել: Լաւ կը լինի խմբի ղեկավա-  
րութիւնը մի ուրիշ աւելի, փորձուած զինուորի յանձ-  
նէք:

– Ես միանգամայն համոզուած եմ, որ ձեր այս  
խումբը մի ազդեցիկ գործ կատարել չի կարող: Ամե-  
նակարևորն այն է, որ թշնամին ենթադրի, թէ մեր  
պաշտպանութեան ճակատն ընդարձակ է: Յետոյ  
կռի մէջ փորձառութիւնից աւելի համարձակութիւն  
և քաջութիւն է անհրաժեշտ: Եթէ թշնամին ձեզ շատ  
նեղելու լինի, մենք նրան մեր թնդանօթի և ինքնաշ-  
խատների կրակի տակ առնենք: Գնացէ՛ք, Տէրը ձեզ  
հետ թող լինի:

Նորից պատրաստուած էի բողոքելու այդ աննա-  
խամտածուած նշանակման դէմ, երբ զինակից ըն-  
կերս՝ Սեդրակենց Սկրտիչը, իրեն շտապ հասցնե-  
լով ինձ և կողքս բռնելով՝ ասաց.

– Ա՛յ տղայ, մի՛ երկարացնիր, համաձայնի՛ր,  
հրէս կը տեսնես, որ էստեղ մի տղամարդ էլ չկայ ու  
չի ճարի, որ էս նեղ դրութեան մէջ մեր դարդին դար-  
ման էլնի: Կասես հրմէն էլ գետնի տակ եմ մտած:  
Մի՛ մտածի, ես միշտ քու կշտին կէլնեմ: Ասուած  
մեծ ի: Բալքի էս մէկ շառիցն էլ մեզ ազատի...

Այս խօսքերից յետոյ մեր շուրջ հաւաքուած  
մարդկանց թելադրեց կանչել. «Կեցցե՛ մեր երիտա-  
սարդ խմբապետը: Կեցցե՛ մեր «հերոս» խմբապե-  
տը...»:

Այս աղմուկ-աղաղակով և բղաւոց-կեցցէներով  
շուրջբոլորս հաւաքուած մարդիկ, որոնք թէև զինուած  
էին, բայց որոնց կռել և դիմադրել կարողանալու  
մասին այնքան շատ, ինչքան իմ մասին կասկա-  
ծում էի, ինձ իրենց մէջտեղ առնելով, առաջ քշեցին:

Մեկնեցինք մեզ ցոյց տրուած պաշտպանութեան  
վայրը:

Այդ պաշտպանութեան՝ այսպէս կոչուած դիրքը  
ոչ այլ ինչ էր, քան մի անջուր գետընթաց առու: Այդ  
առուի խորութիւնը այնքան էր, որ չոքած վիճակում  
հազի կարող էր մեզ թշնամու տեսողութիւնից  
թաքցնել:

Մեր տրուած պաշարը հազի մէկ օրուայ համար  
կը բաւականանար և բաղկացած էր մէկ կլոր հա-  
ցից, կէս կիլոնոց պահածոյ մսից և մի զինուորական  
աման ջրից: Մեկնելուց առաջ վերջին րոպէին, Մել-  
քոնեանն ինձ յանձնարարեց ամէն 25 քայլի վրայ  
առուի մէջ մէկ հոգի դնել: Եթէ մեր խումբը 40 հոգուց  
բաղկացած լինէր, մեր բռնած տարածութիւնը մէկ  
կիլոմետր կը լինէր: Մեզ համար որոշուած առուն  
հասնելուց յետոյ ինձ հետ եկած զինուորների թիւն  
ստուգեցի: Ինձ հետ միասին հաշուած՝ միայն 34  
հոգի էին:

## ԱՆՁՕՐ ԳԻՍԱԴՐՈՒԹԻՒՆ ԵՒ ՓԱՆՈՒՍ

Մեր դիրքերը գրաւելուց յետոյ մութն ընկաւ: Մեր  
վիճակը կատարելապէս արգահատելի էր: Առուն,  
որում պատսպարուել էինք, խոնաւ և ցուրտ էր: Գու-  
ցէ կարելի լինէր ցախ ու չորացած խոտեր հաւաքե-  
լով՝ կրակ վառել և մի քիչ տաքանալ, բայց վախե-  
նում էինք: Միւշդեռ մի քանի կիլոմետրի վրայ մեր  
դէմն ու դէմը բանակած թշնամին բազմաթիւ տեղե-  
րում խարոյկներ էր վառել: Գիշերուան լռութեան մէջ  
թեթև զեփիտի ալիքները վառուած խարոյկներից  
բարձրացող և տարածող լոյսերն ու խուլ աղմուկ-  
ները մինչև մեզ էին հասցնում:

Թշնամու ինքնավստահ համարձակութիւնը  
նրանց ոյժի անհամեմատ շատութիւնն և գերազան-  
ցութիւնն էր ապացուցում: Մեր անկազմակերպ,  
պատահական, ուժով հաւաքուած և պաշտպանու-  
թեան ամէն միջոցներից զրկուած մի խումբ մարդ-  
կանց դիմաց կանգնած էր զինուորական ամէն մի-  
ջոցներով սպառազինուած, պաշտպանութեան ամէն  
հնարատրութիւններով օժտուած և երկարատև ու  
կատաղի կռիւներում մարզուած ու թրծուած մի զինու-  
րական ոյժ, առնուազն մէկից ոչ պակաս մի վաշտ:

Ինձ մօտ, իմ շուրջ հաւաքուած զինուոր կոչուած-  
ներս հասկանում էինք այս բոլորը, բայց մէկս մի-  
սին բողոքով չը յուսահատեցնելու և կորովագորկ  
անելու մտավախութեամբ չէինք համարձակուած  
ասել, խոստովանել այն սոսկալին, ինչ հասկանում,  
ըմբռնում և զգում էինք:

Վերջապէս Սկրտիչը, որն ինձ խրախուսել էր  
յանձնառու լինել այս անսահմանօրէն դժար պար-  
տականութիւնը, լեզվի եկաւ և ասաց.

– Միրա՛ք, ես յիմարութիւն գործեցի, որ քեզ  
քաջալերեցի այսպէս ծանր ու վտանգաւոր բեռան  
տակ մտնել: Կասկած չկայ, որ անոնց յարձակման

առաջին հարածին ալ դիմադրել չենք կարենալու: Անոնք մեզի մեղմանքի պէս կը ճխտեն:

– Միրելի՛ հայրենակից,– պատասխանեցի Մկրտչին,– հիմի արդէն շատ ուշ է այդ մասին մտածելու: Այս յանդուգն քայլի առաջին պատասխանատուն ես եմ, որ առանց ինձ հաշիւ տալու, ամենաշուտը մէջտեղ ընկայ, և յետոյ դու՛, որ ինձ ստիպեցիր այս ծանր պատասխանատուութիւնն ստանձնել: Ամէն պարագայում, ինձ թուում է, որ մեր բախտը հենց այն ժամանակահատիկէն ղեկի վատը շուտ եկաւ, երբ այդ բախտը տնօրինողները մեր նահանջի ժամկետը յետաձգեցին: Այդ ուշացումը եղաւ մեր այս կրած բոլոր դժբախտութիւնների իսկական պատճառը: Եթէ գոնէ մի քանի օր շուտ նահանջած լինէինք, Բերկրիի ճանապարհը մեր առաջ փակած չէր լինի, և մենք մեր բազմահազար հայրենակիցների հետ այս անճանօթ միջավայրը շարունակ չէինք լինի: Մենք ներկայիս մեր հայրենակիցների մօտ՝ Իգդիր, Էջմիածին, Երևան, Ղարաքիլիսա և մեր հայրենիքի զանազան տեղերում կը լինէինք և մեր բախտը նրանց ճակատագրի հետ կապած կը լինէինք: Փոխանակ տասնեակ հազարներով վասպուրականցիների՝ զանազան անկիւններում և օտար երկրներում թշնամու սուրին, կոտորածին, քաղցածութեան, հիւանդութեան և զրկանքների ենթարկելու՝ մեր ազգակիցների հետ միասին և միատեղ, առանց մեր կեանքն ու արիւնը խնայելու, մեր վերջնական փրկութեան և ազատութեան համար կը կռիւինք, կը ճակատէինք...:

– Միանգամայն ճշմարիտ է խմբապետի գաղափարը,– իմ հասցեին ակնարկելով՝ ասաց մէկը, որին ես չէի ճանաչում, և որի արտասանած խմբապետ բառն ինձ անհանգստութիւն պատճառեց: Երևակայեցէք, մի՞թէ արժէ, որ մենք այստեղ էջ նահատակ էլնինք, էն էլ ո՞ւմ համար:

– Հայրենակիցներ,– ընդմիջեցի ես՝ ցանկանալով կարճել ընկերներիս արտայայտած դժգոհութիւնները,– ներկայիս մեզ անհրաժեշտ է էգուց առաւօտեան լուսաբացի մասին մտածել: Ինչպէս նկատեցի, մեր այս առուն, որը կոչւած է մեզ համար դիրք ծառայելու, շատ անյարմար է: Կարծում եմ՝ լաւ կը լինի մեզ որոշ չափով պաշտպանելու համար ամէն մէկս աշխատենք գոնէ մեր կանգնած տեղերը հնարաւորին չափով խորացնելու: Գետնի հողը փոխար է, և ենթադրում եմ, որ դժուար չի լինի փորել և մի քիչ խորացնել: Այս գործը մեզ կը զբաղեցնի և մեր սառչել սկսող մարմինը կը տաքացնի: Ինչպէ՞ս էք կարծում, առաջարկս նպատակաւարմա՞ր չէ:

– Այո, շատ անհրաժեշտ է,– ձայնեցին ամէն կողմից,– բայց ինչո՞վ պիտի փորենք: Բահ ու բրիչ չունենք:

– Ճար չկայ: Մեր սիւնների օգնութեամբ,– պատասխանեցի և որպէսզի բարոյապէս պարտադրած լինէի, քանի որ իրականութեան մէջ շուրջս հաւաքածներն ինձ հանդէպ զինորական որևէ պար-

տաւորութեան ենթակայ չէին, առաջին հերթին ես սկսեցի փորել իմ կանգնած տեղը: Միաները դժկամութեամբ ինձ հետևեցին:

\*\*\*

Գիշերը շատ անհանգիստ և սրտատրոփ լուսացրի: Իմ հայրենակից Սեդրակէնց Մկրտչիչը, որ ինձ մէկ-երկու շաբաթ առաջ Դիլիմանում փրկել էր մի անվրէպ գնդակից, ինձ թէ՛ խօսակցութեամբ և թէ՛ գործով զբաղեցրել էր: Բոլորովին դիպածաբար ինձ հանդիպած այդ մարդը, որն ինձնից մի 6-7 տարիների տարբերութեամբ ատլի մեծ էր, իմ անկեղծ և սրտացաւ զինակիցը դարձաւ: Չքնելու և չսառչելու մտավախութեամբ մենք միասին մինչև լուսաբաց երեք անգամ և 2-3 ժամայ ընդմիջումներով մեզ հետ պաշտպանութեան համար «դիրքեր» եկած զինակիցներին այցելութեան գնացինք: Այդ դիրք կոչւած և մեր գրաւած առուն մօտ մէկ կիլոմետր տարածութիւն ունէր, և ամէն զինուոր իր ոտքերի տակ տարբեր խորութեամբ փոսեր էր քանդել: Մենք երկուսս էլ մեր հերթին մեր ոտների տակի գետիկը կէս մետրով խորացրել և վերածել էինք մեզ համար պատսպարման դիրքի: Մկրտչին յայտնեցի, որ ինքնապաշտպանութեան օրերին և նրանից յետոյ ես թիկունքային աշխատանք էի կատարել և բոլորովին դիպածաբար և ինքնակամ զինուոր և կռող էի դարձել: Նա ինձ պատույ խօսք տեց իմ՝ այս պատասխանատու պարտականութեան մէջ ամէն կերպ օգնել, որպէսզի ամօթալի չմնամ:

– Այստեղ հասնելէն վերջ,– ասաց նա,– և մեր դէմ բանակած թշնամու՝ շատ մեծ հաւանականութեամբ անհամեմատ շատութիւնը նկատելէ յետոյ, մեր գործած սխալը հասկացայ: Հիմի նոր կըմբռնեմ, թէ ինչու՞ ոչ ոք այստեղ զալու համաձայնութիւն չտեց: Կարծես մեզանից զատ՝ ամենքը չափազանց վտանգաւոր լինելու պարագային ծանօթ էին:

– Այո՛, բարեկա՛մ,– հաստատեցի ընկերոջս ենթադրութիւնը,– հաւանաբար ճիշտ է եզրակացութիւնդ: Եթէ գնդապետ Մելքոնեանի թախանձագին պնդումին ոչ մէկը չցանկացաւ ընդառաջել, անկասկած, առանց պատճառի չէր. նրա հապճեպ նշանակումը ինձ հնարաւորութիւն չտեսց խնդրի լրջութիւնն ըմբռնելու:

\*\*\*

Արևածագից առաջ հորիզոնը շառագունել սկսեց: Երկնակամարի արևեքում կարմրավուն շողեր ցրիւ գալ սկսեցին: Մկրտչին խնդրեցի մեր կանգնած տեղից դէպի աջ կողմ եղած զինուորների թիւը հաշուել, իսկ ես յառաջացայ դէպի ձախ՝ մեր զինակիցների թիւը ստուգելու համար. պարզեց, որ

գիշերուան մեզ հետ եկած կուռղներից չորսը փախել և դասալիք են եղել: Ի՞նչ կարող էի անել:

Հանդիպակաց կողմից թշնամու հրացանային հատ ու կենտ կրակոցների ձայներ լսեցին: Դիլիմանում ամրացած ասորի և հայ զինուորները նրանց կրակոցներին պատասխանեցին: Քառորդ ժամից հրացանածոթիւնները հետզհետեւ ուժեղացան:

Թշնամին յարձակում ձեռնարկեց: Կատաղի էր այդ յարձակումը: Ինչպէս միշտ, այս անգամ էլ թիրքերը յարձակուեցին «Շա՛-Ալլահ-Ալլահ, ուռա, գեաւուրլարը էօլդուր... դիմսիզլարը մահվէլլա» (թարգմ. «Ո՛վ աստված, աստված, ուռա՛, անհավատների սպանիր... կրոն չունեցողներին ոչնչացրու») և ուրիշ այլազան ճիշ ու բղաոցներով: Նրանք յառաջանում էին շրթայանման իրար հետևող շարքերով: Նրանց բազմահարածեաններից կարկտանման գնդակներ էին թափում: Նրանց յարձակմանն օժանդակելու և խուճապ ստեղծելու նպատակով նրանց թնդանօթները դժոխային կրակ բացին: Այս թնդանօթներից պայթելով ցրիւ եկող գնդակներ էին տեղում: Մէկ խօսքով, մեր և մեր դիրքերի ուղղութեամբ հեղեղանման կրակներ էին թափում:

Ըստ երևոյթին թշնամին նկատել էր մեր՝ առի ուղղութեամբ ցոյց տրուած դիմադրութեան անզօրութիւնը, նրանք անյապաղ որոշել էին մեր գտնուած ուղղութեամբ ներթափանցում կատարել և մերոնց պաշտպանութեան գիծը ճեղքելով և թիկունք անցնելով՝ Դիլիմանում կենտրոնացած և Հաֆթլանի ճակատում եղած մեր դիմադրական երկու գլխաւոր դիրքերը իրենց պաշարման օղակում առնել:

Դիմադրական և պաշտպանողական ամէն հնարաւորութիւնից զուրկ մեր առու-դիրքի վիճակը սարսափեղիթէն ճգնաժամային էր: Մէկ ժամ չանցած՝ մեր խմբից 4 հոգի սպանել, իսկ 5-ը ծանրօրէն վիրաւորուած, փութել էին առի երկարութեամբ: Ես էլ ձախ ծունկից էի վիրաւորուած: Մի քանի թոպէում ծունկս, սրունքս ու ոտքս արիւնաթաթախ էին դառել: Սկրտիչը, ինձ օգնութեան հասնելով, թե՛ իր և թե՛ իմ թաշկինակներով ծունկս ամրօրէն կապտեց: Անօգուտ էր, արիւնը շարունակում էր ծորալ:

Բարեբախտաբար, հէնց այդ ժամանակ մի հազաւդէպ հրաշք կատարեց: Այն բացառիկ հրաշքների հրաշքը, որպիսին մարդիկ իրենց կյանքում կա՛մ երբեք և կա՛մ մի անգամ հանդիպելու և տեսնելու բախտն են ունենում:

Մելքոնեանի՝ ամէն գովեստի արժանի դեկավարութեան ներքև եղած փոքրաթիւ զինուորական ուժերը ձեռնարկել էին խիստ յարձակման: Դաշտային թնդանօթ ու գնդացիները սկսել էին խելայեղօրէն յարձակող թշնամու գլխին կատաղի կրակ թափել: Մելքոնեանի հակայարձակմանը ըստ ամենայնի և անձնւիրաբար օժանդակելու շտապել էին Դիլիմանում կենտրոնացած մեր ուժերը: Փայաջուկում և Ղալասարում եղած հայ-ասորական ուժերն էլ մասնակցել էին հակայարձակման:

Բաց դաշտում խելագարօրէն յարձակող թիրքերը չորացած խոտերի նման մերոնց թափած կարկուտանման կրակներից հնձում և տապալում էին: Նրանց հեղեղանման վայրագ յարձակման թափը կտրուեց: Նրանք, ի տես սպանուած և գետնահար եղած իրենց բազմաթիւ զինակիցների, սարսափահար եղած, դէպի իրենց նախկին դիրքերը յետ փախան: Մենք հրաշքով, անսպասելի, աներևակայելի հրաշքով փրկուած էինք:

– Մեր էստեղ մնալը միանգամայն աննպատակ է: Եթէ մինչև կէս ժամ քեզ մերոնց մօտ չկարողանամ հասցնել, բոլորովին արնաքամ կը լինես,– ասաց Սկրտիչը և առանց իմ պատասխանին սպասելու՝ թևիս տակ մտնելով, քաշէքաշ և անսահման նեղութեամբ ինձ մեր կենտրոնական դիրքը՝ Մելքոնեանի մօտ առաջնորդեց:

– Իսկ այս չարաղէտ առի մէջ ընկած մեր զինակիցներից գուցէ դեռ վերապրող վիրաւորներ կան: Նրանց հետ ի՞նչ պիտի անել,– մրթմրթացի ես:

– Ինչքան շուտ կարողանանք տեղ հասնել, շուտ կը կարողանանք նրանց օգնութեան համար գնդապետին տեղեկացնել,– պատասխանեց ինձ փրկելու ջանացող ընկերս:

## ՎԻՐԱՒՈՐՎԱԾ ՎԻՃԱԿՈՒՄ

Սպասումիս միանգամայն հակառակ՝ գնդապետ Մելքոնեանը ինձ գրկաբաց ընդունեց և առաջին անգամուան նման ճակատիցս համբուրելով՝ ասաց.

– Կեցցե՛ս, տղա՛ս, քո յանդգնութիւնն ու քաջութիւնը ամէն գովեստի արժանի է:

– Բայց, պարո՛ն գնդապետ, ես ինձ յանձնուած տղաների հետ միասին ոչինչ կարողացայ անել և մեր անճարակութեան համար մեղաւոր ու ամօթահար եմ...

– Ո՛չ, տղա՛ս, ո՛չ: Մխալում ես: Կրկնում եմ, քո անձնւէր յանձնառութիւնը միանգամայն արժանի է գովեստի: Ես զինուորական եմ և պատերազմական յարձակողական և դիմադրական գործերից բաւական տեղեակ: Երբեմն տակտիկական ամենափոքր ցուցադրումը կարող է նշանակալից արդիւնքի հասնել: Թիրքերը խաբկանքի ենթարկուեցին՝ ձեր պաշտպանած առի ուղղութեամբ յարձակում գործելով: Նրանք ենթադրում էին՝ այնտեղ հաւաքուած անպատնէշ կուռղներին, որոնց թիւն իսկականից շատ աւելին էին կարծում, առաջին հերթին կոտորելով, մեր շարքերում յուսալքում կառաջացնեն և մեր թիկունքն անցնելով՝ մեզ պաշարման կենթարկեն: Մինչ նրանք ձեր ուղղութեամբ իրենց յարձակումն սկսեցին, մենք կարողացանք, առիթից լաւապէս օգտուելով, նրանց ճակատից և թիկունքից հարւածել և նրանց՝ չնախամտածուած և համարձակ խոյանք կատարող զինուորներին կոտորել: Մեր, Դի-

լինանի և յետոյ Փայաջուկի և Ղալասարի հակահարածն ու կոտորածը նրանց սարսափահար արին և ստիպեցին փախուստի դիմել:

Բայց ես իրատուր չունեն սրանից ատելի քեզ ուշացնելու: Անհրաժեշտ է անմիջապէս վերքդ խնամել: Գուցէ անհրաժեշտ լինի ծունկիդ վրայ վիրաբուժական մի փոքր գործողութիւն կատարելու: Ինչպէս մինչև հիմա, սրանից յետոյ էլ, վստահ եմ, որ խիզախ կը լինես:

Բաժանելուց առաջ Մելքոնեանին խնդրեցի.

– Պարոն գնդապետ, աղաչում եմ որևէ միջոցով մեր պաշտպանած առաջ մէջ ընկածներին անմիջապէս այստեղ փոխադրել տաք: Գուցէ նրանց մէջ վիրատրներ լինեն, որոնց կարելի կը լինի փրկել:

– Այդ մասին միանգամայն միամիտ կարող ես լինել: Անմիջապէս նրանց փոխադրութեան համար անհրաժեշտ կարգադրութիւնը կանեն:

\*\*\*

Նորից իմ անձնուրէր ընկերոջ ընկերակցութեամբ և աջակցութեամբ զինուորական մի փոքր վանք ամբուլանտով, Դիլիման ճանապարհուցեցինք: Գնդապետ Մելքոնեանը Դիլիմանի հիւանդանոցի վիրաբոյժի հասցէով մի լաւ յանձնարարական էր գրել: Մինչև հիւանդանոց հասնելը՝ ես արնաքամ և ծայրայեղօրէն ուժասպառ էի եղել: Վիրաբուժական սեղանի վրայ դրելս իմացայ: Նրանից յետոյ ամբողջ երկու օր ուշաքափ էի և զիտակցութիւնից զուրկ:

Երրորդ օրը, երբ աչքերս բացի, հօրս ու Սկրտչին անկողնուս կողքին նստած տեսայ: Հայրս անսահման ուրախութեամբ բացականչեց.

– Փա՛ռք քեզ, ամենագօր Աստուած: Հազար անգամ փառք քեզ: Դու ինձ խղճացիր և կրկին ինձ նիւրեցիր իմ ներկայի միակ յոյսն ու նեցուկը՝ իմ սիրելի զաւակը:

– Տէր հայր, քո և մեր Աստուածը շատ բարեգութ և ողորմած է,– ձայնեց Սկրտչը,– նա մեր պաղատանքը լսեց և մեր սիրելի Սիրաքին նորից կեանք բաշխեց:

– Ի՞նչ է պատահել: Ինչու՞ այդքան յուզւած ու յուսահատ էք: Ես չափազանց յոգնած և արինաքամ էի եղել. դրա համար էլ քնելով հանգստացայ:

– Բայց քո՞ այդ քնելով հանգստանալը մեզ վրայ շատ թանկ նստեց: Մենք ամբողջ երեք ցերեկ-գիշեր քեզ համար անքնութեան և անհանգստութեան ենթարկւած էինք,– ասաց Սկրտչը:

Ինձ պատմեցին, որ վիրաբուժական գործողութիւնը բաւական լուրջ էր եղել և երկար տևել: Վիրաբոյժն ու իր օգնականը շարափնել պայթած գնդակի երկաթի մի մեծ և մի քանի փոքր կտորտանքը ծնկիցս հանելու համար կէս ժամից ատելի չարչարել էին: Բարեբախտաբար, ծնկիս ոսկորներից ջարդւած չէր եղել: Իմ ուշագնացութեան պատճառը երկարատև արինահոսութիւնն էր եղել:

### ՆՈՐԻՑ ՆԱՀԱՆՁ ՈՒ ՓԱՆՈՒՍ

Չորրորդ օրն էր, ինչ հիւանդանոցումն էի: Գթութեան քոյրը, քաղցրաբարոյ և ուշադիր, օրական երկու անգամ ծունկիս վերքը մաքրում և վիրակապում էր: Նրա ասութեամբ՝ վերքը արագընթաց լուանում էր և մինչև 7-8 օր բոլորովին կը լուանար և կը փակւեր: Հայրս մահճակալիցս չէր հեռանում:

Կէսօրուան մօտերքը բարեկամս՝ Սկրտչը, որ վերջին գիշերը միայն բացակայել էր, շնչասպառ ներս ընկաւ և շփոթ ու խուճապահար յայտնեց.

– Նորէն նահանջելու և փախուստ տալու չարադէտ լուրեր են տարածւած: Տեղեկութիւն է ստացւած, որ տաճիկները նորէն յարձակւելու են, և այս անգամ, դժբախտաբար, ատելի մեծ ուժերով և պատրաստութիւններով: Լսեցի նաև, որ ասորի կռող մարդկանց պետը՝ Ադա Պետրոսը, որ մինչև հիմա նահանջ կատարելու հակառակ էր, այս անգամ իր համաձայնութիւնը տուած է: Մերոնք յայտնած են, եթէ նա չհամաձայնի, առանց նրա մասնակցութեան Սալմաստը թողնելու և գաղթելու են Ուրմիա:

Նահանջ, փախուստ, ինչպէս մեր բոլոր հայրենակիցների, ինձ համար էլ ատելի և զզուելի էին դարձել: Ինձ համար այս անգամ այդ փախուստի պատկերացումը սարսափելի էր: Չէ՞ որ ներկայ վիճակում ոչ միայն փախուստ տալ, այլ նոյնիսկ ոտքի վրայ կանգնելն էլ ինձ համար հնարատր չէր: Ուրեմն ես, անտէր ու անպաշտպան, թշնամու ձեռքն էի ընկնելու: Անսահման տխրութեան և յուսալքման թախիծը ցնցեց ինձ և ամբողջ մարմինս սարսուռի մատնեց:

– Ուրեմն ես մեր անգութ և վայրագ թշնամու ճանկն եմ ընկնելու,– անյուսալի մրմնջացի:

– Չուր տեղը մի՛ մտատանջվիր: Էս է, Մելքոնեանի մօտ կը վազեմ, համոզւած եմ՝ նա քեզ համար փոխադրութեան միջոց կը տրամադրի: Մեղրակեանն առանց իմ կարծիքին ու պատասխանին սպասելու դուրս վազեց:

\*\*\*

Թիւրք վերակազմւած բանակը, թիկունքից և ամէն կողմից ապահովւած էր: Ռուսական բանակն ու նրանց սարսափագրու կողակների հեծեալ զնդերը վերադարձել էին իրենց հայրենիքը: Տաճիկների հոգեւտ Անդրանիկն էլ, մեր գոյութիւնից և տեղավայրից անտեղեակ, հեռացել էր Պարսկաստանի սահմաններից: Անգլիացիների շուքն էլ այս շրջաններից անհետացել էր: Թիւրք զինուորականութեան և բանակի համար անկաշկանդ գործողութեան լայն և անվտանգ ասպարէզ էր բացել: Ժամանակն էր վերջապէս մի քանի հազար մինչ այդ անփորձ մնացած հայերի և նրանց հետ գործակցութեան մտած



ասորիների հաշիւը մաքրել՝ կտորել, սրբել և այդպիսով կուտակւած հին վրէժը միանգամայն լուծել:

1918 թի յուլիսի 6-ի գիշերուան ուշ ժամերին նահանջի հրահանգը տրւեց: Նորից բազմիցս կրկնւած թշառութեան նոր շրջան: Նոյն աղէտն ու ողբերգութիւնը, նահանջ-փախուստ: Այս անգամ դէպի Ուրմիա:

Գիշերայ ժամը տասն ու կեսն էր, երբ Սեդրակեանը, գոհ ու յաղթական, ներս ընկաւ:

– Տեսա՛ր, բարեկամ, որ պ. Մելքոնեանն իսկական տղամարդ, իզիթ մարդ է: Նա նոյնիսկ շնորհակալ եղաւ, որ քու մասին իրենց յիշեցնելու գնացի: Անմիջապէս կարգադրեց մի լաւ ֆուրգոն, կուզէի ասել լաւ ձիերով լծւած ֆուրգոն տրամադրել քեզ և հիւանդանոցի ծանր վիրաւորների համար: Ֆուրգոնը կանգնած է դռանը, իսկ այս թղթով անոր կարգադրութիւնը հիւանդանոցի գլխաւորի համար: Սի քիչ յետոյ ատելացրեց:

– Տէր Բաբայի և ինձ համար ալ մէկ լաւ իշուկ ճարեցի: Տէր Բաբան ինչպէս քու, այնպէս ալ իմ հայրն է: Էշի վրայ նստելու համար իրար հետ կռիւ ընելու չենք: Սի կերպ եօլա կերթանք:

### ՈՒՐՄԻԱՅՈՒՄ

Երկու օրայ տանջալից ճամփորդութիւնից յետոյ հասանք Ուրմիա քաղաքը: Երկու օրայ ընթացքում ֆուրգոնի ճանապարհի անընդհատ ցնցումների հետևանքով ծունկիս վերքից նորից արին էր հոսում: Ծակծկող ցաւերն ինձ բոլորովին կուչ էին բերել:

Բարեբախտաբար, նախքան բոլորովին արիւնաքամ լինելս, հասանք Ուրմիա: Այդտեղի ամերիկեան հիւանդանոցը, ինձ և ինձ հետ եղած վիրաւորներին ընդունելով, շտապ կարգով վերքերը մաքրեցին, խնամեցին և բոլոր անհրաժեշտ միջոցները ձեռք առան: Հիւանդանոցն ատելի և կազմակերպւած, մաքուր, իսկ վիրաբուժական բաժնի սենեակները մեծ և լուսատու էին:

Վիրաբոյժն ամերիկացի<sup>օ</sup>, թէ՞ անգլիացի էր և տարիներից ի վեր եղել էր Ուրմիայում: Թիրքերէն լեզուով բաւական սահուն խօսում էր: Շատ ուշադիր և սրտացաւ էր թուր: Ինձ յուսադրելով ասաց.

– Երիտասարդ, բոլորովին անհոգ եղիր: Սի քանի օրից կատարելապէս կառողջանաս և առաջայնման ազատ քայլել կսկսես: Բարեբախտաբար, վերքդ վտանգաւոր չէ, և, որ ուրախալին է, չի թարախակալել, և արեան վարակում չես ստացել:

Վիրաբոյժի հաւաստիացումն ինձ յուսադրեց և չափազանց ուրախացայ՝ մտածելով, որ ոտքի թերութիւն չեմ ունենալու: Մարմնիս ստացած վերքն ինձ այնքան չէր յուսալքել, որչափ Անուշի դժբախտութեան սրտիս հասցրած անբուժելի վերքը:

Այդ անբուժելի վերքի անգուր և անտանելի հարածից հոգիս ընկնւած ու ամայացած էր: Վի-

րաբոյժն ինձ հաւաստիացրել էր, որ մի քանի օրից ոտքիս հասած վերքը լաւանալու էր, իսկ սրտիս հասած վերքի սպիացման համար որևէ խոստում և երաշխիք գոյութիւն ունենալ չէր կարող: Այդ օրերում կեանքն ինձ համար իր արժէքը գրեթէ կորցրել էր...

\*\*\*

Ուրմիա քաղաքը (ներկայիս այդ քաղաքը կոչւում է Ռոզայիէ)՝ իր շրջակայ գիւղերով, սքանչելիօրէն գեղեցիկ էր: Եթէ ես Այգեստանում ծնւած և մեծացած չլինէի, պիտի ենթադրէի, որ իմ տեսած քաղաքներից և գիւղերից ամենագեղեցիկ ու կենսախիւնըր Ուրմիան և նրան շրջապատող գիւղերն են: Սքանչելի թարմութիւն, ճոխ բուսականութիւն, գեղեցկատեսիլ և մշտադալար ծառեր և մանաւանդ որթաթուփեր, կենսաբեր կանաչութիւն, զոզդուն ջրեր, կեանք ու կորով յորդող անվերջ ու անհատնում այգիներ և ծառաստաններ: Մէկ խօսքով, դրախտանման մի անհուն տարածութիւն, որի խտացած ու հասկ նետած կանաչութեան արանքներում մարդ ու կենդանին և անշունչ տուն ու տեղերը ծածկւում, կորում և անհետանում էին: Իսկապէս, լեզուն ու գրիչը անկարող են այդ եղեմական վայրի անթելի և անհատնում գեղեցկութիւնները նկարագրել:

Շատ բնական էր, որ բնութեան այդպիսի արտակարգ գեղեցկութիւններով ճոխացած վայրում ապրող ազգաբնակչութիւնը, մանաւանդ Ռահիվա, Գեարդաբաղ գիւղերում և զանազան շրջաններում ոչ մեծ թով ապրող հայութիւնը, այդ հողաշերտերի բարեմասնութիւններով օժտւած պիտի լինէր:

Ուրմիայի հայերը բարեսիրտ, առատաձեռն և հիւրասէր էին: Մեզ՝ տանջակոծ, յոգնաբեկ, տնիցտեղից, հայրենի օջախից վտարւած ու սոված, կիսամերկ գաղթականներիս, նրանք գրկաբաց և ժպտադէմ ընդունեցին: Կարծես դիմաւորում էին իրենց՝ տարիներից ի վեր օտարութեան մէջ մաշւած և հայրենի օջախը վերադարձած հարազատ ծնողներին, որդիներին, քոյրերին ու եղբայրներին: Նրանք իրենց ունեցած հացն ու կենսամթերքը, իրենց շաքարահամ խաղողն ու խնձորը անխնայ մեզ էին տալիս: Տալիս, ընծայում էին իրենց ունեցած ամէն ինչը՝ առանց մտահոգելու, որ իրենք էլ մի քանի օրերից յետոյ մեզ նման քաղցած կարող են մնալ: Գրեթէ նոյն վերաբերմունքն ունէին տեղացի ասորիներն իրենց եկտր գաղթական ասորի հայրենակիցների նկատմամբ:

Պատիւ այդ եղեմավայրի հոգեփայլ ազգաբնակչութեանը:

### ՄՐՏԱԿԵՂԵՔ ՅՈՒՇԱՏԵՏՐԸ

Ուրմիայի բնութեան այդ արտակարգ թարմութիւնը՝ իր կենսատու օդովն ու ջրով, իմ վերքիս ա-

րագ սպիացման շատ օժանդակեց: Այդտեղ հասնելուց երկու շաբաթ յետոյ հիւանդանոցից դուրս եկայ: Մի քանի օրերի ընթացքին ձեռնափայտի օգնութեամբ քայլում էի, յետոյ դրա կարիքը չզգացի: Քայլում էի մի քիչ կաղալով: Ծնկունս ցաւեր էի զգում, մանաւանդ երբ օդը խոնար էր լինում: Խոնարութեան պատճառած այդ ցաւերը տասնեակ տարիների ընթացքում և մինչև հիմի էլ, որպէս անբաժանելի և անցանկանալի ժառանգութիւն, մնացին: Բախտի բերմամբ մահից մազապուրծ ազատւած լինելուս համար պէտք էր չափազանց շնորհակալ և ուրախ լինէի բայց ցաւ ի սիրտ, այդպէս չէր: Մի անվտարելի տխրութիւն և դժգոհութիւն կլանել էր ամբողջ եւրփունս:

Անուշի սրտակեղեք յուշատետրի ընթերցումն ու նրա տանջանքների և դժբախտութեան նկարագրութեան անդադար վերջիշումը սիրտս մաշում և աշխուժ էր: Քանի՜- քանի՜ անգամներ այդ սրտակեղեք յուշերի ընթերցմամբ տխրութեան և յուսալքման մտորումներում թաղւած եմ եղել և նոյնիսկ, երբեմն էլ, ափսոսացել եմ կոխներում սպանւած չլինելուս համար: Գիտեմ, որ գրքիս ընթերցողն էլ այդ յուշատետրի բովանդակութեան և մանաւանդ նրա վերջաւորութեան մասին տեղեկանալ կը ցանկանայ, այդ իսկ պատճառով ինձ թոյլ եմ տալիս մի անգամ էլ նրա հետ կարդալու այդ յուշերի կարևոր մասերը:

«...Մեր՝ միակ յոյսն ու ապաւենը եղող ձին մեր անգոր և անպաշտպան ձեռքերից բռնութեամբ խլելուց յետոյ, մահաւան սարսափից մղւած, ճարահատ մօրս հետ նահանջի ճամփան շարունակեցի: Բայց ինչքա՞ն կարող էինք շարունակել այդ սուկալիօրէն տանջալից ճամփորդութիւնը: Մայրս հիւանդ և անգոր էր: Նա ոտքով քայլելու հնարաւորութիւնից զրկւած էր: Դժբախտաբար, այդ խուճապ-փախուստի ընթացքին մեզ օգնող էլ չհարւեց: Մայրս քանիքանի անգամներ ինձ խնդրեց, աղաչեց թողնել իրեն և հեռանալ, առանց իրեն շարունակել նահանջի ճանապարհը, բայց ես ինչպէս կարող էի այդ անել:

Անասելի չարչարանքով մենք հազիւ կարողացանք Բերկրիից անցնելով հասնել Աբաղայի դաշտի սկիզբը: Մօրս վիճակը հետզհետէ ծանրանում էր: Եթէ ուզենայի նրան ստիպել ճանապարհը շարունակելու, իմ ձեռքով նրան կենսազրկւած, սպանած պիտի լինէի: Ստիպւած կանգ առանք: Աբաղայի դաշտում մնացինք:

Շատ յաճախ մարդ-արարածը տարօրինակօրէն եսական և չարական է դառնում: Երբ ինքը թշուառ ու անբախտ է, սրտի խորքից ցանկանում է, որ ուրիշներն էլ իր նման անբախտ ու անօգնական լինեն: Մեր դժբախտութեան մէջ ես, զուցէ մայրս էլ ուրախ էինք, որ մեր ճակատագրին ուրիշներն էլ ենթակայ են: Ուրիշներ էլ մեզ նման հիւանդ և անգոր էին և այդ նգովեալ նահանջի ճանապարհը շարունակել չէին կարող:

Ամենասուկալին այն էր, որ այդ թշուառ մարդիկ, որոնց թիւը հասնում էր մի քանի հարիւրի, բացի թշնամու յարձակման ու կոտորածի մշտական մղձաւանջից, ուրիշ աւելի անտանելի մղձաւանջ ունէին: Սովամահ լինելու մտավախութիւնը ամենքին սարստեցնում էր: Խոտեր ու նրանց արմատներն ուտելով՝ ինչքա՞ն ժամանակ հնարաւոր կը լինէր ապրել:

Բայց թշուառութիւնն էլ երբեմն իր ժպիտն ունի:

Մօտ երկու շաբաթ յետոյ լուր տարածեց, որ ռուսական զօրքը վերադառնալու է իր լքած հողամասերը, որոնց մէջ ամենաառաջին հերթին Վանն ու Վասպուրականը նորից գրաւելու է: Մեր անօգնական մնացած թշուառներիս ուրախութիւնն աննկարագրելի էր...

Իսկպալէս, հրաշքը կատարւեց: Ռուսական ձիաւոր կոզակների մի քանի խմբեր տեսանք, որոնք անցան դէպի Բերկրի, բայց նրանց հետևող զօրքը չը տեսանք: Ասում էին, իբր թէ նրանք Իգդիր-Ալաշկերտի գծովն են անցել:

Լքւած դժբախտներին համար անմոռանալի էր այն օրը, երբ մենք Գրիգոր Բուղարացուն՝ իր հաւատարիմ զինակից Լևոնի հետ մեզ մօտ՝ Աբաղայի դաշտում տեսանք: Նրանց ընկերակցում էին մի երկու տասնեակ զինուորներ: Նրանց գալուց անմիջապէս յետոյ ալիւրով, գետնախնձորով և շաքարով բեռնաւորւած ֆուրգոններ հասան: Մեզ՝ սովածութիւնից քամւած, մաշւած գաղթականներիս կենսամթերք բաժանեցին: Սովամահութեան գերեզմանի եզրից յետ վերադարձանք:

...Դժբախտաբար, մայրս իրեն հասած հոգեկան և ֆիզիկական տառապանքներին դիմանալ չկարողացաւ: Ամբողջ մի ամիս գաղթականի իր բարակ ներքնակի վրայ ընկած տեղից շարժել չկարողացաւ: Կեանքի կարօտը սրտում և հօրս ու իմ բաժանման վիշտն ու թախիծը աչքերում՝ մահացաւ:

Ինձ համար սկսեց իսկական ողբերգութիւնը: Միայնակ, անօգնական, հարազատից զուրկ և ամենից սուկալին՝ երիտասարդ ու անփորձ: Ի՞նչ պիտի անէի, ու՞մ պիտի ապաւինէի... Իմ այդ անօգնական և ողբալի դրութեան մէջ ընկնողը միայն կարող էր հասկանալ, ըմբռնել վիճակիս անճարութիւնն ու թշուառութիւնը:

Այդ օրերին, այդ պայմաններում, ինձ նման անտէր, անօգնական և որք աղջիկը շատ նման էր օրը ցերեկով, մարդկանց աչքի առաջ բազմամարդ մի հրապարակում շարտւած մի թանկարժէք գանձի, մի շողարձակ ադամանդի: Ամէն մարդ վազում, յարձակւում էր վերցնելու, խլելու և փախցնելու այդ շարտւած անտէր-անտիրական գանձը:

Ա՛հ, ի՞նչ անտանելի, ի՞նչ սուկալի, ի՞նչ ողբալի էր իմ այդ վիճակը...:

Ես երիտասարդ, և ինչպէս ուրիշները և անբախտ մայրս ասում և կրկնում էին, գեղեցիկ և գրաւիչ աղջիկ էի: Երանի, հազար երանի կը լինէր, եթէ

գեղեցիկ չլինէի: Այդ գեղեցկութեան համար շատ-շատերը ցանկանում էին ինձ գրաւել, յափշտակել և նոյնիսկ բռնի տիրանալ:

Մօրս մահից յետոյ, մի քանի ամիսների ընթացքում, ինձ համար թափառական կեանք էր ստեղծուել: Արադայից Բերկրի և այնտեղից էլ Թիմար եկայ: 1916-ի գարնանը և նրանից յետոյ վերադարձող գաղթականների մի կարևոր մասը, մանաւանդ գիւղացիութիւնը, Թիմարի զանազան գիւղերում էր տարածուում:

Բէմուրազ մեռած անբախտ մայրս, երբ նախագգաց իր մօտալուտ վախճանը, իր մարմնի վրայ թաքցրած 25 ոսկեղանը վախճուելով և խիստ գաղտնօրէն, ինձ յանձնելով՝ ասաց.

– Անո՛ւշ, իմ միակ և անզին բալաս, այս դրամը 25 ոսկի է, սև օրերու համար խնայած էի: Վերցրո՛ւ և շատ զգուշօրէն մօտդ թաքցրո՛ւ: Եթէ Վան վերադառնաս և հօրդ գտնելու բախտ ունենաս, խնամի՛ր անոր, քանի որ քեզնէ զատ ուրիշ հարազատ մը չունի: Որդիական պարտականութիւնդ ազնւօրէն կատարի՛ր: Հայրդ, թէ և խիստ և յամառ բնատրութեան տէր մէկն էր, բայց սրտանց չար չէր: Աշխատի՛ր նամուսով ապրել և չխաբւել: Ա՛խ, ի՞նչ էինք և ի՞նչ դժբախտ ու սև օրերի հասանք...: Ափսո՛ւ, շա՛տ ափսոս, որ բէմուրազ և թշուառ կը մեռնեն: Ինչքա՛ն անբախտ մայր եմ եղած... գոնէ չմեռնէի, մինչև քեզ մէկ ազնիւ ամուսնու ձեռք յանձնած ըլլայի...:

Չափազանց վախկոտ բնատրութիւն էի ստացել: Ամենքից կասկածում և նոյնիսկ վախենում էի: Անվերջ մտածում և մտահոգում էի այն մասին, թէ էս է ինձ գողանալու, փախցնելու և առևանգելու են: Ուղեղս շարունակ մի ուրիւթեամբ էր գործում: Անընդհատ մի պաշտպան, մի ապաստան փնտրելու և մի հովանատրութիւն գտնելու մասին էի մտածում: Այդ իսկ պատճառով մի տարօրինակ և անբացատրելի վիճակ էր ստեղծուել, ջղային, անտանելի վիճակ:

Երբեմն նոյնիսկ խորհում էի ինքնասպանութեան մասին:

Ինչի՞ համար այսքան տառապել և սարսափների մղձաւանջի ծանրութեան տակ ճխլուել ու տրորուել, երբ կարելի է միանգամից, մի բռնուում վերջ տալ այդ բոլորին ինքնասպանութեան կտրուկ մի վճռականութեամբ և որոշումով...

Այդպիսի անբնականոն և արտակարգ դրութեան մէջ էի, երբ առիթ ունեցայ բոլորովին պատահաբար հանդիպելու և ծանօթանալու վեց հոգիներու մի խումբ երիտասարդների: Նրանք յայտնեցին, որ իրենցից երկուսը գիւղատնտեսներ, մէկը օգնական բժիշկ, մէկն ուսուցիչ և երկուսն էլ զինուորական են: Գիւղատնտեսներից երևութապէս աւելի երիտասարդն ինձ յայտնեց, որ իր ուսուցիչ ընկերոջ հետ Ա. գիւղի գիւղատնտեսական և դպրոցական գործերի կարգաւորման համար նշանակուած պաշտօնեաներ են: Ուսուցիչն ինձ առաջարկեց իրենց հետ այդ գիւղը գնալ և իր հետ միասին պաշտօնավարել՝

միաժամանակ խոստանալով ամէն տեսակի բարոյական օժանդակութիւն ինձ չինայել:

Ենթադրեցի, որ վերջապէս հանդիպել եմ մի հովանատրի: Միս կողմից էլ ինձ համար ամենապատշաճ առիթն էր ներկայացել գոնէ ժամանակաւորապէս մեծակութեան, անձկութեան և անզորութեան մաշող մղձաւանջից ազատուելու:

Համաձայնեցի և նրանց հետ մեկնեցի Ա. գիւղը: Երկու շաբաթից գիւղի դպրոցի նախապատրաստական աշխատանքները վերջացել էին, և ես՝ որպէս ուսուցչուհի, անցել էի գործի: Հետզհետէ մտավախութիւններիս մղձաւանջը՝ մեղմանում, և ջղերիս արտակարգ լարումը թուլանում էր: Կեանքի նկատմամբ ունեցած յոռետեսութիւնս հետզհետէ նւագում էր, և ատելի նահանջի հոգեմաշ տպաւորութիւնները նախկին ուժգնութեամբ հոգիս չէին ընկրճում:

Ինձ հետ ծանօթացած ուսուցիչն անցել էր գիւղի դպրոցի տեսչութեան պաշտօնին: Նա յամառօրէն ջանանում էր ինձ հետ բարեկամական և մտերմական կապեր հաստատել և իմ ուշադրութիւնն ու համակրութիւնը գրաւել:

Երկու ամսից յետոյ Այգեստան մեկնած երկու զինուորականները, մէկ օսգնական բժիշկն ու մէկ գիւղատնտեսը վերադարձան մեզ մօտ: Վանի Վարիշ մարմնի կողմից նրանց տրուած էին իրենց մասնագիտութեան համապատասխան պաշտօններ: Երկու զինուորականներից մէկին, որն ալէքսանդրոպոլցի էր և Միսակ Նուրիջանեան էր կոչուում, Բերկրիի և Թիմարի շրջանների գաղթականական կայանների պահպանութիւնն էր յանձնուած: Նա կիսակիրք և չափազանց երևակայող մէկն էր: Բազմաթիւ առիթներով նա իրեն ներկայացրել էր որպէս փորձառու զինուորական և մանաւանդ Բուլղարացու մտերիմն ու սիրելիւն, ինչ որ շատ կասկածելի էր թուում: Նա ոչ միայն ձգտում էր զինուորական բռնակալ հրամանատարի հովերով տարուել, այլև աշխատում էր իր իսկ գործակից ընկերների վրայ իր երևակայական իշխանութիւնը տարածել:

Մեր դպրոցի տեսուչ-ուսուցիչը, որն արտամետոցի էր և Արտաշէս Բագրատեան էր կոչուում, իր այդ զինուորական ընկերոջ նկատմամբ թաքուն ատելութիւն ունէր:

Նրանից դժգոհ էին նաև իր միս ընկերները՝ շրջանի գիւղատնտեսն ու օգնական բժիշկը: Ինձ համար անհասկանալի պատճառներով նրանք իրենց հակակրութիւնն ու դժգոհութիւնը թաքցնում էին: Ենթադրում էի, որ նրանք իրենց ալէքսանդրոպոլցի ընկերոջից հաշիւ էին քաշում և նոյնիսկ վախենում էին:

Մի օր տեսուչ Բագրատեանն ինձ ասաց.

– Օրիորդ Անուշ, որպէս սրտացաւ բարեկամ, ստիպուած եմ յայտնելու, որ այս Միսակ կոչեցեալից չափազանց զգոյշ լինէք: Նա նմանում է նենգ աղիւսի, և ամէն կերպ աշխատում է ձեզ թակարդ գցելով՝

որսակ և լրբորէն ձեզ տիրանալ: Ոչ մի գնով նրա շո-  
ղոքորթ լեզվին և խարդախ ծրագիրներին չխաբւէք: Նա՛ իր լարած որոգայթներից և միամիտ ու ան-  
փորձ աղջիկների գլխին բերած անպատկառ լրբու-  
թիւններից մեզ շատ յաճախ մեծ պարծենկոտու-  
թեամբ պատմել է:

\*\*\*

1917 թի Չատկի տօների առթիւ մեր դպրոցը  
տասնօրեայ արձակուրդի մէջ էր: Իմ ուսուցչական  
պաշտօնավարութեան երկրորդ տարին էր: Ա. գիւ-  
ղի դպրոցը գաւառի կարևորագոյն դպրոցն էր դար-  
ձել: Տարրական դպրոցի վեց բաժանմունքներն էլ  
կազմուելու վրայ էին: Շրջանի գիւղերից էլ մեր դպրո-  
ցում սովորելու համար աշակերտներ էին եկել:  
Դպրոցի ուսուցչական կազմը նախկին երկուսի փո-  
խարէն 6 ուսուցիչներ ունէր:

Միասկ Նուրիջանեանը նոյն գաւառի միլիցիա-  
պետն էր դարձել: Ջինտրական հագուստ էր հագ-  
նում և աջ կողքին կախած տասհարածեան  
ատրճանակ էր կրում:

Չատկայ տօների առթիւ, իր ասութեամբ, մեզ  
մօտ հիւր էր եկել: Իջևանել էր մեր տեսչի տանը, որ  
դպրոցից և իմ ապրած տնից հեռու չէր: Ես ապրում  
էի գիւղապետի եղբոր մօտ՝ ինձ համար յատկաց-  
ւած սենեակում: Տնատէրս կին և երկու երեխայ ու-  
նէր: Գիւղացի և ազնիւ մարդիկ էին նրանք: Իմ  
նկատմամբ շատ մեծ յարգանք ունէին: Նրանց երե-  
խաներից մէկը՝ Չաւէն անունով, իմ աշակերտնե-  
րիցն էր: Տասն տարեկան այդ մանչը ճրագի լոյսի  
շուրջ անընդհատ թևածող թիթեռնիկի նման համա-  
րեա ամբողջ օրը շուրջս թափառում էր և ինձ ան-  
հրաժեշտ կենսամթերքները զնելու և երբեմնակի  
պատուէրներս կատարելու առիթներից հաճոյք և  
բաւականութիւն էր գգում:

Մի երեկոյ մեր տեսուչը այս իմ աշակերտ Չաւէ-  
նի միջոցով ինձնից խնդրել էր կէս ժամով իրենց  
մօտ գնալ:

– Օրի՜որդ Անուշ,– ասաց Չաւէնը,– տեսուչը ձեզ  
խնդրել է կէս ժամով իրենց մօտ գնալ... ապա  
խօսքն ընդհատելով և գլուխը ցած գցած, առանց  
ինձ նայելու՝ կմկմացնելով ատելացրեց.

– Ատրճանակը կողքից կախած այդ միլիցիա-  
պետն էլ նրա մօտն է...:

Այդ փոքրիկ խելօքը էլի ասելիք ունէր, բայց հա-  
կառակ իմ պնդումին, չուզեց, ատելի ճիշտ ամաչեց  
ասելու և նորից գլուխը ցած գցած՝ սենեակիցս  
դուրս վազեց...:

«Ատրճանակը կողքից կապած այդ միլիցիա-  
պետն էլ նրա մօտ է...»: Երեխայի բնագոյական  
ենթադրութիւնը՝ ատրճանակ կրող այդ մարդուց չա-  
րիք էր նախատեսում:

Մտածեցի տեսչի հրաւերը չընդունել և նրա մօտ  
չը գնալ, բայց ենթադրեցի, որ կարող է հակառակը

պատահել, որ նրանք ինձ մօտ գան, իսկ ես նրանց  
հիւրասիրելու հնարաւորութիւն և մանաւանդ յար-  
մարութիւն չունեմ: Սենեակումս իմ մահճակալից,  
մէկ փոքր սեղանից և մի նստարանից բացի ուրիշ  
որևէ յարմարութիւն չունէի:

Յանկութեանս բոլորովին հակառակ՝ ստիպեցի  
տեսչի մօտ գնալ: Երանի թէ գնացած չլինէի: Միլի-  
ցիապետ Նուրիջանեանն ինձ տեսնելուն պէս իրեն  
տիրապետելու անկարող եղաւ: Հարբած լինելու հե-  
տևանքով ինձ վրայ յարձակեց: Քաղցած արուի մո-  
լեզնութեամբ նա ինձ իր բազուկների մէջ օղակեց և  
երբ փորձում էր ինձ համբուրել, գերմարդկային դի-  
մադրութեամբ նրա բազուկներից ճողոպրեցի, և  
սարսափահար, եկած ճանապարհովս յետ փախայ:

Յաջորդ առաւօտեան Նուրիջանեանը մի քանի  
տողերից բաղկացած գրութեամբ անցեալ գիշերայ  
իր անպատշաճ վերաբերմունքի համար ներողու-  
թիւն էր խնդրել: Երկտողից եզրակացրի, որ նա ան-  
տաշ և լիբր լինելուց բացի անգրագետ էլ է: Մեր տե-  
սուչ Բագրատեանը յաջորդ օրն ինձ յայտնեց, որ  
Նուրիջանեանի հետ այդ գիշերայ վայրագութեան  
պատճառով խիստ վիճաբանութեան է բռնուել և ծեծ-  
կռտուքի խայտառակութիւնից հազիւհազ յաջողել  
է խուսափել:

– Իմ անյաջողութեան միակ պատճառն ու մեղա-  
տորը դու՛ ես,– ասել էր նրան,– դու ինձ խանգարում և  
ծրագիրս փչացնում ես: Եթէ դու այդ վարժապետի  
չորացած ուղեղով մէջտեղ չընկնէիր, մինչև հիմի  
շատ հեշտութեամբ նրան, ինչպէս շատ ուրիշ աղ-  
ջիկների, տիրացած և նպատակիս հասած կը լինէի:

– Չափազանց շատ սխալւած ես,– պատասխա-  
նել էր մեր տեսուչը:– Անուշը քո ենթադրած աղջիկ-  
ներից չէ, և անկարելի է նրան նման խարդախ ու  
ստոր միջոցներով տիրանալ: Նա չափազանց ազ-  
նի ու առաքինի է և անպատկառութիւն է նրա վե-  
րաբերեալ նենգ ու ստոր մտադրութիւններ ունենալ:

Բայց այդ անպատկառ ու լիբր մարդն այնքան  
հեշտութեամբ չէր ցանկանում իր ստոր մտադրու-  
թիւնից հրաժարուել և ինձնից ձեռք քաշել: Չորս օր  
յետոյ ինձ նորից մի երկտող էր գրել՝ հետևեալ խա-  
բերայ բովանդակութեամբ.

«Օրի՜որդ Անուշ, դպրոցի վերաբացմանը դեռ մի  
քանի օրեր են մնում: Առիթից պէտք է օգտուել և մի  
հաճելի պտոյտ կազմակերպել: Տարւայ այս եղա-  
նակին Լիւ կողին սքանչելի տեսարան ունի: Ամէն  
միջոց հայթայթել եմ 3-4 օրով այդ գեղատեսիլ և  
պատմական վայրը գնալ՝ վերադառնալու համար:  
Խնդրում եմ՝ չմերժել: Ձեր համաձայնութեան պա-  
րագային Բագրատեանն էլ մեզ կընկերակցի: Միշտ  
քեզ խորապէս յարգող՝ Նուրիջանեան»:

Նամակի շարադրութիւնից յայտնուում էր, որ  
ուրիշի ձեռքով գրւած և Նուրիջանեանի ձեռքով  
ստորագրւած էր: Արդէն այս արկածախնդիր պա-  
րոնի անգրագիտութեան մասին իր առաջին, իր իսկ  
ձեռքով գրւած նամակից գաղափար կազմել էի:

Նրա՝ այս նենգամիտ նամակի ցածի դատարկ մասում գրեցի. «Շատ եմ ցաւում, որ ի վիճակի չեմ ձեր առաջարկութեանը համաձայնելու: Հիւանդ եմ և բոլորովին անտրամադիր»:

Պատասխան մերժումս ստանալուց յետոյ Նուրիջանեանը փրփրել, կատաղել էր և գիւղից մեկնելուց առաջ Բագրատեանին յայտարարել էր.

– Միևնոյն է, ես իմ որոշումից հրաժարուողը չեմ: Ամէն միջոցի կը դիմեմ այդ գոռոզ աղջկայ անմիտ և անտեղի դիմադրութիւնը փշրելու և նպատակիս հասնելու համար...

Ինձ համար ստեղծած էր անտանելի դրութիւն: Մշտական վախի և սարսափի մղձաւանջի տակ ճմլում էի: Մտածեցի անմիջապէս Վան գնալ և անձամբ Բուլղարացուն ներկայանալով՝ ամէն ինչ նրան պատմել և նրանից իմ պաշտպանութեան համար օգնութիւն խնդրել:

Բագրատեանի հետ այդ առթիւ խորհրդակցեցի: Նա ինձ խորհուրդ տուց սպասել, մինչև ինքը Բուլղարացուն կը գրի և որպէս կողմնակի ակնաւոր՝ նրան մանրամասն կը բացատրի:

Նա ինձ վստահեցրեց, որ Բուլղարացին ազնիւ և վճռական մարդ է: Նա հաւանաբար այդ սրիկային իր պաշտօնից կը հեռացնի և առնազն նրան խիստ նկատողութեան կենթարկի:

Համաձայնեցի: Նա իր խոստումը կատարեց և բոլոր կատարածի մասին մանրամասնօրէն գրեց: Իմ կողմից, առանց նրան յայտնելու, մի նամակ գրեցի Մարօին՝ Բուլղարացու կնոջը (որի հետ Ս.-ի միջոցով ծանօթացել էի) և նրանից խնդրեցի ինձ օգնել՝ ազատելու այդ սրիկայի ձեռքից:

Բագրատեանի և իմ գրած նամակների պատասխանը և լինելիք հակազդեցութիւնը շատ ուշացան: Այդ պարագան թէ՛ ինձ և թէ՛ մանաւանդ Բագրատեանին շատ էր զարմացնում:

Միլիցիայետը շարունակում էր իր այցելութիւնները: Մի անգամ իր տրամադրութեան տակ եղած պահակ-գիւնդների միջոցով ինձ գողանալ փորձեց: Բարեբախտաբար, ինձ օգնութեան հասան տնատէրս և իր տղան՝ իմ աշակերտը: Ինձ գողանալով՝ փախցնել փորձողները տեսնելով, որ խայտառակելու են, ստիպւած եղան իրենց սատանայական ծրագրի գործադրումից հրաժարել:

1917-ի դեկտեմբերի վերջերին՝ գիշերայ ժամը 11-ին, անպատկառ միլիցիայետը բոլորովին հարբած վիճակում իր օգնական պահակների հետ միասին Բագրատեանի բնակարանն են թափում և նրան այնքան գանակոծում, որ նա ջարդ ու փշուր եղած, ուշագնաց է լինում:

– Անպատկառ վարժապետ, – գոռոռացել էր մոլեգնած և կատաղած Նուրիջանեանը, – դու այնքան ապերախտ ու սրիկայ ես, որ տարիների քո ընկերոջը մի քածի ես ծախում և նրա խաբբին լրտեսութիւն ես անում և Բուլղարացուն նամակներ ես գրում... Այստեղից հեռանալուց առաջ քեզ նման

շան լակոտին և յետոյ քո այդ քածին շանաստակ կանեմ և ապա ինձ պաշտպանելու համար Վան, Բուլղարացու մօտ կը գնամ:

Ինչ անսահմանօրէն դժբախտ աստղի տակ եմ ծնել ես անբախտ: Ինձ խայտառակութիւնից և դժբախտութիւնից ազատելու և փրկելու համար այդ ազնիւ, սքանչելի նկարագրով փայլող երիտասարդ մտաւորականը՝ մեր դպրոցի ամենից սիրւած և յարգւած տեսուչը, վայրագօրէն զոհեց...: Նա կեանքի կարօտը սրտին մնացած մեռաւ...: Մեռաւ ինձ փրկելու ազնիւ տենչով...:

## ՄԱՐՕԻ ՆԱՄԱԿԸ

Այստեղ վերջանում էր դժբախտ Անուշի յուշերի սրտակեղեք նկարագրութիւնը: Նա երիտասարդ և բեմուրազ կեանքի տխուր վերջաւորութիւնը, դժբախտաբար, ինձ համար բոլորովին պարզ ու հասկանալի չէր: Մարօի հետեալ նամակը, որ ճմռթած, ճխլուած վիճակում նրա յուշատետրի արանքում գտել էի, ինձ բաւական շատ օգնեց կռահելու այդ նորից կանաչել և ծաղկել սկսող երիտասարդ կեանքի կսկծալի և սրտմաշ նախավերջը:

Նամակը թագրւած էր 17 մարտ 1918 թով:

«Միտելի քո՛յր Անուշ,

Սրանից շուրջ երեք ամիս առաջ քո՛ ինձ գրած նամակին անմիջապէս պատասխանել եմ: Շատ եմ զարմանում, որ նամակիս պատասխանը չեմ ստացել: Կասկածում եմ, որ, այո՛, դեռ խառնիխումն և չխաղաղւած վիճակում, մեր թղթատարական գործերն էլ բոլորովին կարգի չեն ընկել: Եթէ նամակս քեզ չի հասած, դրա համար շատ եմ ցաւում: Ինձ երկու պարագայ է հետաքրքրում: Նախ այն, որ այդ անամօթ միլիցիայետի չարիքից ազատե՞լ ես, թէ՞ ոչ: Ենթադրում եմ, որ ազատւած պէտք է լինես, քանի որ նրա հեռացման մասին Գրիգորը վստահեցրել է ինձ: Երկրորդը, որ ինձ շատ աւելի հետաքրքրում է, իմ եղբայրանման սիրելի Միրաքի մասին է: Ես չցանկացայ քո Ա. գիւղում լինելու մասին նրան յայտնել, քանի որ քո ներկայ վիճակի մանրամասնութիւնն ինձ անձամօթ է մնացել: Եթէ դու ամուսնացած ես, կամ Միրաքից զատ ուրիշ մէկը քեզ հետաքրքրում է, այդ պարագային չարժէ եղբօրս սրանից աւելի մտատանջել, քանի որ ես նրա զգացումներին և քո նկատմամբ ունեցած սիրոյ մասին կատարելապէս ծանօթ եմ:

Դժբախտաբար, ներկայ պայմաններում դժարանում եմ քեզ այստեղ հրաւիրել, քանի որ նորից անհանգիստ վիճակի մասին շշուկներ են տարածւել: Գրիգորը ինձ այդ մասին ոչինչ ասել չի ցանկանում, բայց ինձ յայտնել է, որ այս քանի օրերում իմ միակ բալիկիս հետ Այգեստանը պէտք է թողնեմ: Առանց լուրջ և մօտալուտ վտանգի գոյութեանը՝ Գրիգորը երբեք չէր յօժարի մեր հեռացման և բաժանման անցանկալի մտքին:

Ամէն պարագային, յոյս ունենմ, որ գոնէ այս անակը քեզ կը հասնի, որովհետև ձեզ մօտ եկող վստահելի անձնատրութեան միջոցով եմ ուղարկում: Պայմանների նպաստաւոր լինելու մասին վստահութիւն ունենալուց յետոյ, եթէ ցանկանաս, կարող ես Այգեստան գալ և մերոնց գտնել: Համոզուած եմ, որ Սիրաք եղբայրս չափազանց երջանիկ կը լինի քեզ հանդիպելու համար: Քեզ անկեղծօրէն սիրող Մարօ»:

Այս անակի ստացումից յետոյ Անուշի համար երկու պարագայ դասաւորուած պիտի լինէր: Առաջին՝ այն, որ նա վճռած պիտի լինէր Այգեստան գալ ինձ հանդիպելու համար և երկրորդ՝ այն, որ իր դպրոցի տեսչի ողբերգական վախճանից յետոյ ինքն էլ հետապնդման և ահաբեկման վտանգի սուկումից որոշել էր փախուստ տալ:

Այսպէս թէ այնպէս, Անուշը ճանիկ գիւղ հասնելիս հանդիպել էր գաղթի ճանապարհն ընկած բազմութեանը, և ինքն էլ այդ փախչող մարդկանց շարքումն էր ընկել:

Ամենաանհաւատալիւն և մանաւանդ ամենացաւալին ինձ համար այն հանգամանքն էր, որ չէի կարողանում մի եզրակացութեան յանգել: Ինչու՞, ի՞նչ պատճառով, Անուշն այդքան տանջուած և ֆիզիկապէս քայքայուած պիտի լինէր: Ճանիկից Կոթոր ճանապարհը, մի քանի օրում, թէկուզ ոտքով կտրած լինէր, նրան այդքան հիւծած չէր կարող լինել: Արդե՞օք այդ ճանապարհին նորից այդ սրիկայ միլիցիայեանի հետապնդման և ահաբեկման էր ենթարկել: Արդե՞օք այդ լիբբը վերջ ի վերջոյ կարողացել էր նրան առևանգել...: Ի՞նչ կարող էր պատահած լինել: Նրա յուշատետրում գոնէ մի բառ, մի տառ իսկ չկար, որ կարողանայի այդ դժբախտ, այդ առեղծաւածային վերջաւորութիւնը ճշտել և պարզաբանել... Ո՞վ էր այդ Միսակ Նուրիջանեան կոչեցեալը, որ Անուշի մման անմեղ, սքանչելի և անմման աղջկայ արևափայլ կեանքի խաւարման գործում այդքան ոճրագործ և հրէշային անգթութեամբ դեր էր խաղացել...:

**ՎԵՐՋԻՆ ՀԱՆԴԻՊՈՒՄՍ  
ԲՈՒՂԱՐԱՅՈՒ ՀԵՏ**

1918 թի յուլիսի վերջին օրերն էին: Ծունկիս վերքը սպիացել էր: Սկսել էի առանց անթացուպի օգնութեան քայլել: Մի քիչ կաղում էի: Ինձ մխիթարում էր միայն այն հանգամանքը, որ մեր մահանջի ճանապարհը շարունակելու պարագային, թէկուզ ոչ առանց նեղութեան, ի վիճակի կը լինէի քայլելու: Ապրում էինք անհանգիստ, սպասողական դրութիւն: Համոզուած էինք, որ մեր ոխակալ թշնամին մեզ հետապնդելու և շատ շուտով դուրս է քշելու Ուրմիայից՝ մեր ժամանակաւորապէս ապաստանած սքանչազեղ քաղաքից:

Արճակ գիւղից մահանջելուց յետոյ չէի կարողացել Բուլղարացուն միայնակ և անգրաղ գտնել մի քիչ գրուցելու համար: Ինձ համար միշտ հետաքրքիր և հաճելի էր եղել նրա հետ խօսակցելու պատեհութիւններ ճարել: Նրա հայրենասիրութեան և անշահախնդրութեան վերաբերեալ մեծ հաւատք ունէի: Ինձ հետաքրքրում էր նախ Մարօի՝ նրա անգուգական կնոջ և իմ մանկութեան պահապանհրեշտակի մասին տեղեկանալ և ապա հետաքրքրուել Թիմարի շրջանային միլիցիայետ Միսակ Նուրիջանեանի մասին: Գիտէի, որ Բուլղարացին, իր սովորութեան համաձայն, կէսօրից յետոյ՝ ժամը 2-ից 4-ը հանգստանում է: Յուլիսի վերջին, մէկ օր՝ ժամը 4-ի մօտերը, գնացի նրան տեսնելու: Ինչպէս միշտ, այս անգամ էլ նա ինձ մեծ սիրալիրութեամբ ընդունեց:

– Սիրա՛ք, ա՛յ օղու, այդ ինչպէ՞ս է պատահած, որ այսքան երկար ժամանակ ինձ մօտ չես եկած, – հարցրեց և ապա անմիջապէս կաղալուս պատճառին անդրադառնալով՝ աւելացրեց.

– Ինչու՞ կը կաղաս: Ի՞նչ է պատահած քեզ...

– Ծունկիցս վիրաւորուած եմ, պարո՞ն Բուլղարացի:

– Քանի-քանի անգամ քեզ ասած եմ, որ այդ պարոնը կրճատես: Պարզապէս Գրիգոր անուանի՛ր ինձ: Բայց պատմիր տեսնենք՝ ինչպէ՞ս պատահեց, որ վիրաւորեցիր:

– Սնկօի յարձակման ժամանակ զինուոր դարձայ:

– Ինչպէ՞ս թէ զինուոր դարձար: Չեմ յիշեր, որ զինուորսիւն ըրած ըլլաս:

– Ճիշտ է, մինչև Սնկօի յարձակման լուրը զինութեան մասին որևէ գաղափար չունէի: Երբ նրա յարձակման սպառնալիքի լուրը տարածուեց, ինքնակամ զինուոր դարձայ՝ յոյս ունենալով, որ մի քանի գնդակ արձակելով՝ իմ հայրենակիցներին պաշտպանած կը լինեմ:

– Տրամաբանօրէն իրաւացի ես եղած, բայց չափազանց ափսոս, որ մեր բոլոր ճիգերն ու զոհաբերութիւններն ի վերջոյ ապարդիւն անցան: Ռուսական բանակի կողմից ճակատները լքելը մեզ՝ հայերուս, մասնաւորաբար տաճկահայերու համար շատ աղետալի եղաւ: Իսկ ի՞նչ է լինելու մեր կովկասահայ հատուածի համար, ոչինչ կարող եմ նախատեսել: Յաւ ի սիրտ պիտի խոստովանեմ, որ մենք ճակատագրական սխալ մը գործեցինք: Մենք պէտք է ենթարկուած ըլլայինք մեր մեծ հայրենասէր Անդրանիկի և Երևանի ապահովութեան խորհուրդի թէլադրանքներուն և մի քանի օր առաջ Վանէն մահանջած ըլլայինք:

Մեր մահանջի ուշացումը մեզ չափազանց վնասեց: Մեզ ստիպողաբար այս հեռու հորիզոնի տակ շարտելով՝ մեր Կովկասի հայրենակիցներուն միանալու և անոնց հետ գործակցելու և ինքնապաշտպանելու հնարաւորութիւնէն կատարելապէս զրրկեց: Կայ նոյնպէս մի ուրիշ դժբախտութիւն, որն

ինչպես ուրիշներուն, մանաւանդ ինձի ալ շատ կը մտահոգէ: Այդ մեզ միանալ չյաջողած և թիւրքի ճանկերու մէջ մնալու ստիպւած եօթը հազար վասպուրականցիներու անյոյս վիճակն է: Այս դժբախտներու տանջալից և չարաղէտ վերջաւորութեան մասին ո՞վ կարող է կասկած ունենալ:

Բուլղարացիս ուզում էր խօսքը շարունակել, բայց չը կարողացաւ: Մի աննկարագրելի ցաւատանջ յուզմունք նրա կոկորդը սղմում էր: Առաջին անգամը լինելով՝ նկատեցի, որ այդ պողպատաման թրծուած մարդը ընկրկում և գունատում է: Ինձ համար նրան ընկրկող տագնապալից վիշտը թաքուն չէր: Այգեստանում եղած ժամանակ՝ նախքան նահանջի պաշտօնական հրահանգը, մօտալուտ վտանգը նախատեսելով, Մարօին կարգադրել էր իր սրտահատոր միակ զաւակի հետ հեռանալ և ազատել փոթորկաշունչ փորձանք–նահանջից:

Քրդերի կողմից Բերկրիի վրայ յարձակում էր կատարել: Բերկրիի կամուրջը պաշտպանելու պարտականութիւնն ունեցող զինուորական ջոկատը դիմագրաւել չկարողանալով՝ մեկնել էր Իգդիր: Բերկրիի հետ Թիմարի շրջանն էլ անխուսափելի վտանգի էր ենթարկել: Բուլղարացու կինն ու երեխան ընկել էին վտանգի գօտիում և որևէ ստոյգ տեղեկութիւն նրանց վիճակի մասին անհնարին էր դարձել:

Բուլղարացիս ալելոծ մտատանջութեան մէջ էր ընկղմել և կարծես իմ ներկայութեան մասին բողբոջման մոռացել էր: Նրա խորաթափանց մտորումների թելը կտրել չցանկանալով՝ խիստ զուշաւորութեամբ տեղիցս վեր կացայ: Երբ ուզում էի անխօս հեռանալ, նա սթափուեց և աջ ձեռքի ափը ճակատին տրորելով՝ թմրածութեան և մտորումների քնից արթնացաւ: Իր հերթին նա էլ, շտապ ոտքի կանգնելով, ասաց.

– Կը ներես ինձ, Սիրաք, այս վերջերս երբեմն այսպիսի դրութեան, կուզենայի ըսել, այսպիսի թմրութեան կենթարկւեմ: Մարօի և Կորիւնիս համար շատ կը մտատանջւեմ: Երբեմն ինձ այնպէս կը թի, որ անոնք թիւրքերու կամ քիւրդերու ոճրագործ ձեռքը գերի ընկած են...: Շատ անտանելի, անհանգիստ վիճակ կապրեմ: Ես որ երազ տեսնելու սովորութիւն ունեցած չեմ, զիշերները շատ յաճախ անքուն անց կը կացնեմ, իսկ սակաւ քնած ատենները մղձաւանջային երազներ կը տեսնեմ: Երբեմն այդ երազներու մէջ կինս ու երեխասս կը տեսնեմ, և ինձ այնպէս կը թայ, որ անոնք աղաչանք-պաղատանքով ինձ օգնութեան կը կանչեն...:

– Բայց ձեր մտատանջութիւնն ինձ այնպէս է թում, որ այնքան էլ իրաւացի չէ, քանի որ Մարօն և Կորիւնը նահանջից 3-4 օր առաջ մեկնած էին և նախքան կամուրջի գրաւումը Բերկրիից անպայման անցած պէտք է լինէին:

– Ճիշտ է: Սովորական պայմանների ընթացքին այսպէս պէտք էր ըլլար, բայց եկուր և տես, որ ես ա-

նոնց կարգադրած էի Բերկրի շրջան, ինձ սպասել: Ահա կատարած սխալը: Ճանիկից և Արճակից բազմաթիւ փորձեր ըրի հեռախօսով Մարօի հետ խօսելու, բայց դժբախտաբար չեղաւ ու չեղաւ:

– Հէնց այդ պարագան ապացոյց է այն իրողութեան, որ նրանք Թիմարի և Բերկրիի շրջաններէն անցած և դէպի Իգդիր են մեկնած: Այնպէս որ, դուք իզուր ձեզ այդքան շատ մտատանջում էք:

– Երանի թէ այսպէս ըլլար: Բայց սա՛ անպէտք ու կասկածոտ դարձած սիրտս, գէշ ենթադրութիւններ կընէ: Ա՛խ, երանի թէ անոնց նախօրօք ճանապարհած չըլլայի: Եթէ պիտի մեռնէինք կամ սպանւէինք, աւելի ճիշտ չէր, որ բոլորս մեկանց այս դժոխքէն ազատուէինք: Ես միշտ ինքս ինձմէ կը հարցնեմ, որ մենք՝ մէկ բռտ հայերս, ինչո՞վ ենք մեղաւոր, որ այս անիծած և անպատկառ թիւրքերը մեր օձիքէն ձեռք չեն վերցնել: Տե՛ս, մեզի շարտած, քշած են մեր հարազատ հողէն, մեր դրախտանման հայրենիքէն, և դեռ այս հեռու հորիզոնի տակ չեն ձգեր գոնէ մի քանի օրով հանգստանալ և շունչ քաշել: Կարծես թէ այս աշխարհը, նրա օդն ու արևը, նրա ջուրն ու կանաչը, նրա ծառն ու ծաղիկը միայն և միայն այդ սրիկաներու համար գոյութիւն պէտք է ունենան, իսկ մեզ համար՝ նրանց բարբարոս սուրն ու հուրը...: Բայց միանգամայն հաւատացած եմ, որ մեր յօշոտող ցեղի բողոքող արիւնը վերջ ի վերջոյ իր հեղեղի մէջ այդ անսիրտ վանդալներուն խեղդելու է...:

Նախքան Բուլղարացուց բաժանելը՝ նրանից Թիմարի շրջանի միլիցիայետ Միսակ Նուրիջանեանի մասին հետաքրքրուեցի: Նա կատարելապէս տեղեակ էր այդ չարագործ մարդու արկածախնդրութեանը: Նա ինձ յայտնեց հետևեալը.

– Բողոքովին վստահելի մէկ մարդու միջոցով այդ Նուրիջանեանի սանձարձակ գործերու վերաբերեալ անհրաժեշտ քննութիւն կատարել վերջ՝ անոր իր պաշտօնատեղէն հեռացրի, Ոստան ուղարկեցի: Ա. գիւղի ուսուցչի թափած անմեղ արիւնն իր վրէժն առաւ: Ոստանի ամենավերջին ընդհարումներու ընթացքին այդ դժբախտ Նուրիջանեանը սպանւած է:

## ԴԷՊԻ ՍԱՅԻՆ-ՂԱԼԷ ԵՒ ԲԻԶԱՐ

Ուրմիոյ բողոքական միսիոնարութեան գլխաւոր դոկտ. Շէյդը, որը միաժամանակ անգլիական կառավարութեան ներկայացուցչի հանգամանքն ունէր, մեր նահանջող բազմութեան գլխաւորներին անվերջ յուսադրում էր, որ Մարաղայից, Միանդօսքից, Մային-Ղալէից կամ Համադանից անգլիական զինուորական ուժերը մեզ օգնութեան կը գան և մեզ թիւրքերի և տեղական քիւրդերի յարձակումներից կը պաշտպանեն:

Բայց դոկտ. Շէյդի՝ այդ բարեհաւատ միսիոնարի խոստումները ձայն բարբառոյ յանապատի

մնացին: Նոյնիսկ մեկ հոգի անգլիացի, եթե ոչ պաշտպանելու, գոնե մեզ սրտապնդելու համար չեկա և չերևաց: Յուլիսի 31-ին ստիպելցինք թողնել Ուրմիան՝ այդ գեղատեսիլ և կենսուրախ քաղաքն ու իր շրջանը, որ մեր սքանչազեղ Այգեստանի պատրանքն էր մեզ տալիս:

Նորից քրդական յարձակումներին ենթարկելու տևական սարսափը մեզ հետապնդում էր: Կարգադրուեց գաղթող բազմութեանը զինւած մարդկանց օղակում առնել: Բայց արդէն 70 հազարի հասնող հայ և ասորի նահանջողների կարաւանն այնքան երկար ու ձիգ էր, որ այդպիսի օղակաւորման հնարաւորութիւն չէր տալիս:

Յարձակման և կոտորածի ենթարկելու սարսափը նահանջող մարդկային բազմութիւններին խելացնորում է: Նրանց ուղեղից դատողութիւնն ու հաւասարակշռութիւնը հանում, խլում է: Նրանց վերածում է փախուստ տուող անզգայ և անբան սոււերների: Նրանց մէջ կարեկցութեան ամէն զգացում բթացնում և նոյնիսկ անհետացնում է: Նման պայմաններում մի՞թէ կարելի է փախուստ տուող այդ մարդկային զանգուածներին կարգ ու կանոնի ենթարկել:

Այդ երկարաձիգ կարաւանը պաշտպանելու պարտականութիւն ունեցող զինւած մարդիկն էլ խելացնոր դառնալուց շատ հեռու չէին: Նրանց ջղերն էլ, բնականաբար, դիմադրական կորովից զրկւած էին: Չէ՞ որ տարիների կռիւների ընթացքում նրանք էլ յոգնւած, դաղրած և բեզարած էին:

Նահանջող գաղթականութիւնը երրորդ օրը իրար յետևից Սային-Ղալէ հասաւ: Յոգնատանջ և շնչասպառ եղած բազմութեան ազդարարեց անմիջապէս թողնել Սային-Ղալէն և Բիջարի ուղղութեամբ ճանապարհը շարունակել: Պէտք էր շտապել, քանի որ Պարսկաստանի արեւմտեան շրջանները գրաւող թիւրք բանակը ուժեղացնելու համար Մուսուլից նոր զօրամասեր էին բերելու:

Նորից շփոթ և իրարանցում, նորից խուճապ, լաց ու կոծ: Էլի մի անգամ ևս անէծք ու հայիոյանք: Նորից լեղապատառ ու խելակորոյս փախուստ:

Արդեօք այս անիծապարտ և դժոխային փախուստը վերջանալիք ունի՞, թէ՞ ոչ: Եթէ ունի, ե՞րբ պիտի դրա վերջակէտը լինի...:

\*\*\*

Սային-Ղալէյում և Բիջարի ճանապարհին նահանջող գաղթականութիւնը մի քանի անգամ էլ ենթարկուեց քիւրդերի զինւած յարձակումներին: Հաւաստիացնում էին, որ այդ յարձակողների շարքերում քիւրդական տարագրվ ծպտւած թրքական զինուորականներ էլ կային: Այս վերջիններին յանձնարարւած էր լրտեսական աշխատանքներ կատարել և ստուգել նահանջող բազմութեան շարքերում եղած կռողների և զինւած մարդկանց թիւը: Նրանց

մասնաւորապէս յանձնարարւած էր այդ բազմա-հազար գաղթականութիւնը ղեկավարող և առաջնորդող զինուորական պարագլուխների ստուգումը և, եթէ հնարաւոր լինէր, տեղնուտեղը նրանց առևանգումն ու սպանումը: Լրտեսական և միաժամանակ ահաբեկչական աշխատանք տանող այդ ծպտւած թիւրք զինուորականները պարտականութիւն ունէին առաջին հերթին սպանել ասորի զինւած ուժերի հրամանատար Աղա Պետրոսին և ապա Բուլղարացուն, Կոստի Համբարձումեանին և Մելքոնեանին: Բարեբախտաբար, նրանց չյաջողուեց իրենց դիւային ծրագիրն իրագործել, բայց մի դժբախտ դասաւորութեան հետևանքով կարողացան Կ. Համբարձումեանին սպանել:

Այս դժբախտ պարագան հետևեալն էր: Արտաւազը Թումանեանը (ինձ ասել էին, որ նա մեր հռչակաւոր բանաստեղծ Յ. Թումանեանի որդին էր) մի գթութեան քրոջ հետ կորել էր. Կոստին մի երկու զինուորների հետ ցանկացել էր նրանց անպայման գտնել: Թշնամին, որ անընդհատ նրանց հետապնդելիս էր եղել, առիթից օգտուելով, նրանց շրջապատել և կոտորել էր: Թումանեանին և սանիտարուհուն էլ անկարելի եղաւ վերագտնել: Նրանք էլ, անկասկած, սպանել էին:

Մինչ Բիջար հասնելը՝ տարաբախտ և հայրենահալած գաղթականութեան կարաւանից շուրջ երկու հարիւր հոգի էլ կոտորուեցին: Կոտորածի այդ թիւը մեր գլխին կախւած անսահման վտանգի համեմատութեամբ բարեբախտաբար քիչ էր:

Խղճի պարտականութիւնն ինձ թելադրում է մի անգամ ևս յայտնելու և յայտարարելու, որ հայրենի հողից 3-4 անգամ վայրագ բռնութեամբ և սպանելու ու կոտորելու սարսափի սպառնալիքով վտարւած հայ գաղթականութեան պահպանման և փրկութեան գործում Բուլղարացու, Շադոյեանի, Մելքոնեանի և ասորի Պետրոսի նման մարդիկ, որոնք շննդալից համբաւ և հռչակ շահելու մոլեգին ցանկութիւն չեն ունեցել, շատ ատելի ազգապահպանման և հայրենասիրական ծառայութիւն են կատարել, քան շատերը, որոնց անունները ոսկի տառերով են գրել և դրատել ու բարձրացել են մինչև երկնային կամարները:

Փառք ու պատիւ այդ համեստ և ճշմարիտ ազգայիններին:

### ՀՈՐՄ ՓՆՏՐՏՈՒՔԸ

Մեր ինքնապաշտպանութեան վերջին բոլոր կռիւներին էլ մասնակցել էի: Մի քիչ կաղում էի, բայց ոտքով քայլելուց առանձնապէս չէի նեղում: Անուշի դժբախտ կեանքի չափազանց սրտակեղեք վերջաւորութիւնը շարունակում էր ինձ տանջել: Ոչ մի կերպ ինձ մխիթարել չէի կարողանում: Իմ ծայրայեղ եսականութեան համար միշտ ինձ դա-



տապարտում էի: Մահամերձ, հոգեվարքի մէջ լքել էի նրան: Ինչու՞, որովհետև տուածս որոշումը եսականօրէն չէի ցանկացել փոխել: Բայց այդ զինոր դառնալս ի՞նչ օգուտ էր բերել իմ ազգակիցներին, որոնց պաշտպանելու յաւանականութիւնն էի ունեցել:

Եթէ Անուշին վերջին հոգեվարքի վճռական պայքարում մենակ թողած չլինէի, նրան որևէ կերպ օգնած, գուցէ և փրկած լինէի:

Անվերջ հարցապնդում և անհատնում ինքնաքննադատութիւն... Բայց արդէն չափազանց ուշացած և ապարդիւն...:

Եթէ մեր ինքնապաշտպանութեան կռիւները, դիմադրական պայքարը տասնեակ տարիներ էլ տևելիս լինէին, ինքնական յօժարութեամբ պիտի մասնակցէի այդ կռիւներին, որովհետև կեանքի արկածախնդրութիւն էի փնտրում, ուրիշ խօսքով, կեանքն ինձ համար իր արժէքը կորցրել էր:

Սային-Ղալէ-Բիջարի ինքնապաշտպանութեան կռիւներին մասնակցելիս խեղճ հօրս մենակ էի թողել: Ամաչում եմ խոստովանելու, որ նրան օգնելու և նրա կեանքի ու ապրուստի ապահովութեան համար շատ էլ չէի անհանգստանում: Որդիական տարօրինակ ապերախտութիւն...: Այդ ապերախտութիւնը, սակայն, ինքնին միանգամայն հասկանալի էր, քանի որ ինքս ինձ համար էլ չէի մտածում և չէի անհանգստանում: Այդ օրերում ողջ մնալը կամ մեռած լինելը կարծես ինձ համար միևնոյնը լինէր:

Հինգ օրից ի վեր հօրս կորցրել էի: Բիջար հասնելուց յետոյ գաղթականութիւնը թշնամու կրնկակոյս հետապնդումից և կոտորածի ենթարկելու սարսափից ազատել էր: Գոնէ այդպէս էր թում այդ բազմահազար տարաբախտներին:

Բիջարում անգլիացիներ կային: Չօրք, քնդանօթ, օղանաւ և վերջապէս թշնամու յարձակումը դիմագրաւելու հնարաւորութիւններ ունէին: Նրանք սկսել էին գաղթականութեանը պարէնով օգնել: Յոգնաբեկ գաղթական բազմութիւնը շնչել սկսեց: Կենդանի մնալու յոյսը նրա երեսին շողալ սկսեց: Վերապրումի յոյսը, ցանկութիւնների և ձգտումների ամենասիրելիին և ամենաթանկագինն է:

Մարդ արարածի համար ապրել կարողանալու յոյսի ապահովութիւնը նրա կեանքի գերագոյն երջանկութիւնն է: Ապրելու ձգտումն ու ցանկութիւնը մարդկային կեանքի անմրցակից և անպարտելի մագնիսն է: Ապրելու ձգտումի մագնիսն ուժգնօրէն և տևականօրէն իրեն է ձգում նոյնիսկ դժոխքի սեմին հասած, բայց դեռ իր վերջին շունչը քաշող մարդ անհատին:

Թշնամու սրից և հրից ազատուած լինելու գիտակցութիւնը գաղթական բազմութիւնների սրտում առկայծել սկսած էր: Բայց ու՞ր էր մնացել հայրս: Ինչպէ՞ս է, որ այս հինգ օրերի սպասումից յետոյ ես նրան գտնել չեմ կարողացել: Նրա՝ զոհածների

թում լինելու ենթադրութեան միտքն անգամ ինձ սարսափեցնում էր:

Առաջին անհանջի տանջանքներից յետոյ նրան երկրորդ անգամ փորձանքների և չարչարանքների ենթարկողը, դժբախտաբար, ես եմ եղել: Եթէ հօրս վերադարձի համար նրան գրած չլինէի, նա վերադարձած և նորից այս դժոխային կրակն ընկած չէր լինի: Ի՞նչ պիտի անէի, ինչպէ՞ս պիտի կարողանայի չքմեղանալ, եթէ հօրս որևէ դժբախտութիւն պատահած լինէր:

## ԻՄ ԶԻՆԱԹԱՓՈՒՄՆ ՈՒ ԳԵՐԵՎԱՐՈՒՄԸ

Հօրիցս բաժանելու և նրան կորցրած լինելու հինգերորդ օրը լրանում էր: Անճարակութիւնից և յուսահատութիւնից խելացնորելու վրայ էի: Մի տեսակ ատելութեան զգացում էր ծնել իմ մէջ իմ իսկ անձի նկատմամբ: Ինձ քննադատում և վատաբանում էի՝ իմ եսական և ինքնագլուխ վերաբերմունքի համար: Անհեռատես և չնախատեսուած եսականութեանս պատճառով իմ անգուգական Անուշին զոհել էի, և ներկայիս հօրս, իմ հարազատ և սիրելի հօրս էի զոհաբերում: Նրան գտնելու, փրկելու համար պատրաստ էի ամէն ինչ անելու, և եթէ պէտք լինէր, նոյնիսկ անձս զոհելու:

Այդպիսի անձնագոհման անգուսպ թելադրանքով պիտի բացատրել իմ ձեռնարկած հետևեալ յանդուգն արկածախնդրութիւնը:

Հինգերորդ օրուայ կէսօրից յետոյ Բիջար ժամանող գաղթականութեան ուշացած մի քանի հայ և ատրի ընտանիքների հանդիպելու դժբախտութիւնը ունեցայ: Այդ ընտանիքներից մի տարիքոտ, ըստ երևոյթի վանեցի կին, իմ հարցումին, թէ արդեօք հօրս ճանաչու՞մ է, տեսա՞ծ է նրան թէ ոչ, այսպէս պատասխանեց.

– Վայն իկէ իմ գլխին: Էդ քո ասած տերտորջը՝ կարմրամիրուս տէր Յարութիւնը, շատ լաւ կը ճանչնամ: Էնոր երկու-երեք օր էռաջ տեսած եմ: Խեղճ տէրտէրը հիւանդ, նազած էր: Քու խմար ախ ու վախ կը քաշէր: Ինձմէ և ուրիշ շատ տեղերէ հարց ու փորձ կընէր: Կասէր տղես, Սիրաք անունով տղես տեսած չէ՞ք: Խեղճ խէր. տղէն ըստեղ վազած ի, ինքը հիւանդ տեղով ընկած, էնոր կը փնտրի: Հէյ, ապերախտ աշխարք, ի՞նչ սև օրի ենք խասի:

– Լա՛ւ, լա՛ւ մայրիկ: Կընդունեն որ ես մեղաւոր եմ, բայց ինձ ասա, հիմի նա որտե՞ղ է մնացած:

– Ի՞նչ գիտնամ, որդի՛, ի՞նչ ըսեմ: Էն խեղճը խիւանդ էր: Կարող է մեզ պէս յետ է մնացած: Էն անխիղճ քրդերի գեղի մէջ տկար, խիւանդ գաղթականներ են մնացել: Ո՞վ կիմանայ, կարող է խէրդ էլ էնտեղ մնացած էլնի:

Այլևս նազագոյն ցանկութիւն չունեցայ այդ չարագուշակ պառաւից ուրիշ հարց ու փորձ անելու:

Նրա ասած գիտից, որ կարծես Մարջան էր կոչում, երկու օր առաջ էի անցել:

Մօտաւոր հաշուով 10-12 կիլոմետր Բիջարին չհասած հեռաւորութեան վրայ էր գտնուում: Որոշեցի այդ գիտը վերադառնալ՝ հօրս փնտրելու և գտնելու համար: Երբ արդէն բաւական հեռացել էի չարագոյժ պառաւից, նա իր ձայնի ամբողջ ուժգնութեամբ յետևիցս կանչեց.

– Լսի՛ր, բալէ՛ս, եթէ կուգես խօրդ ճարելու էրթալ, էդ խրացանով մի՛ էրթա: Քրդերը քեզ կսպանեն:

– Էս ի՛նչ անիծած, չար-բերան պառաւի հանդիպելու դժբախտութիւն ունեցայ,– դժգոհելով փնթփնթացի ինքս իմ մէջ և մտածեցի՝ եթէ անգէն գնալու լինեմ, քրդերը շատ աւելի յանդգնութեամբ ինձ կսպանեն:

Մտորումների մէջ թաղում՝ աճապարանօք քայլում էի, հնարաւորին չափ շուտ գիտ հասնելու համար: Գիտի հեռավորութեան վերաբերեալ իմ արած ենթադրութիւնը ճիշտ չէր: Տասը կիլոմետրից աւելի ճանապարհ էի կտրել, և դեռ գիտը չէր երևում: Դժբախտաբար, զիշերայ մութը սկսել էր տարածել, ճանապարհը գրեթէ ամայի էր: Ամէն 10-15 րոպէից հազիւ մէկ-երկու ճամփորդների էի հանդիպում: Անցորդները տեղական տարագներով և հաւանաբար քրդեր էին: Եկած ճանապարհիս գաղթողների չհանդիպեցի:

Ամբողջ երկու ժամ շարունակ հնարաւոր արագութեամբ ճանապարհ էի կտրել: Արդէն յոգնել էի: Մանաւանդ ձախ ծունկս ցաւում և նեղացնում էր ինձ: Ուզեցի ճանապարհի եզրին նստելով՝ հանգրտանալ, բայց վախեցնում էի: Պառաւ կնոջ չարագուշակ կանչը դեռ ականջումս զնգում էր՝ էդ խրացանով մի՛ զնա...:

Ճգնում էի երթս չդանդաղեցնել: Մտածում էի եթէ անվտանգ կարողանամ գիտը հասնել, գուցէ յաջողի ուշացած գաղթականներից մի քանիսին ճարել և հօրս մասին տեղեկութիւններ հարցնել:

Վերջապէս անսահման հրճանքով նկատեցի գիտից տարածող պլպլում ճրագների լոյսը: Ինձ մխիթարեցի այն յոյսով, որ ամենաուշը մինչև կէս ժամ գիտն եմ հասնելու:

Դժբախտաբար, այդ հրճանքի զգացումը երկարատև չեղաւ: Կողքիցս սրընթաց արագութեամբ ձիաւորների մի խումբ անցաւ: Նրանք բարձրաձայն խօսակցում էին, իսկ մէկը քրդական լօ-լօ-նեքով երգում էր: Նրանք կանգ առան և անմիջապէս յետ վերադառնալով և ինձ իսկոյն իրենց օղակաւորման մէջ առնելով՝ ձիերից ցած ցատկեցին:

Քիւրդերը հինգ հոգի էին: Նրանցից երկուսը՝ հրացանով, իսկ երեքը ատրճանակներով էին զինւած: Արիւնս երակներումս սառեց: Շունչ քաշելու ժամանակ իսկ չտուի: Նրանցից մէկը, ըստ երևոյթի գլխաւորը, կրակելու դիրքում դեմ ու դէմս կանգ առեց, իսկ մի ուրիշը, կայծակի արագութեամբ վրաս յարձակելով, ինձ գետին շարտեց և ուսիս

եղած հրացանս խլեց: Մի քանի րոպէում, ինձ թոկերով իրենց ձիերից մէկի վրայ կապած, իրենց յետևից քաշ տալով, գիտը տարան: Ես ուշագնաց էի եղել:

Մարսափից թմրել և բթացել էի: Գիտին մօտենալիս նրանք գիտամիջի սովորական ճանապարհով չանցան: Գիտից դուրս ընկած մութ ճանապարհներով ներս մտան և իրենց ընկերներից մէկի կողմից լայն բացած դարբասով մի ընդարձակ բակ մտան:

Ինձ ձիու վրայ կապած թողնելով՝ նրանք մտան բակի խորքում երևացող սենեակները:

Ծայրայեղօրէն սուկալի րոպէներն ինձ թում էին տանջանքի ժամեր: Կէս ժամ առաջ հանդիպած դժբախտութիւնը կարծես տառապանքի ծանրութեամբ ինձ ճնշում էր: Գիտակցութիւնս ու դատողութիւնս թմրել էին: Կարծես բազկերակիս մէջ հաշիշի բազմաթիւ սրսկումներ էին արել: Ուղեղս իմ վիճակը ստուգելու կարողութիւնից հրաժարել էր: Ասեմք, այդ դրութեան մէջ վիճակիս և վախճանիս որոշման ամէն տեսակի ենթադրութիւնն էլ անհնարին էր:

\*\*\*

Տարօրինակ է, մինչև երէկ, նոյնիսկ մինչև մի ժամ առաջ, կեանքն ինձ համար ամէն գրաւչութիւնից զրկած էր: Բայց ներկայիս այդ կեանքը արժեքաւորել, անգին և սիրելի էր դարձել: Սկսել էի անհունօրէն ափսոսալ կեանքիս կորուստը:

Անյաջողութեան, յուսալքման, տանջանքի, հոգեկան և մարմնական տառապանքի վայրկեաններին մարդս մահ է ցանկանում, նրան փնտրում է, Աստծուն և երկնային զօրութիւններին խնդրում, աղաչում և պաղատում է, որ այդ տառապալից և բազմատանջ կեանքից իրեն փրկեն և ազատեն, բայց հոգեվարքը հասնելուն պէս նա զղջում է և կեանքը շարունակելու համար այդ երկնային զօրութիւններից ողորմութիւն, գթութիւն է պաղատում:

Կեանքիս կորուստի ահաբկու ահագանգը ինձ ցնցեց. սկսեցի կանչել, բղաւել, օգնութիւն խնդրել: Ինձ գերեվարող քիւրդերից մէկը մօտենալով՝ հայհոյալից և սպառնազին սաստեց, բայց յետոյ իմ ձեռները կապող շանները բացել սկսեց: Բոլորովին ուժասպառ, գետին գլորեցի: Քիւրդն ընկածս տեղից ինձ ոտքի կանգնեցրեց և ձախ բազուկիցս պինդ բռնած՝ ներս, սենեակներից մէկը տարաւ:

Առաջին իսկ ականարկից իմացայ, որ քրդական մի ցեղապետի հետ գործ ունեմ: Սենեակի յատակը ծածկւած էր թանկարժէք գորգերով: Հինգ հոգի սենեակի վերնամասում՝ գորգերի վրայ, ծալապատիկ նստած և մետաքսաթել ու նախշուն գործած բարձերի թիկն էին տւած: Յեղապետը դայլան էր քաշում: Ինձ կարգադրեց նստել:

Երբ մտածում էի, թե ինչպե՞ս պիտի կարողանամ նրանց հետ խօսել, ցեղապետի կողքին նստածներից մէկը, որը նոյնպէս քրդական տարագրով հագնւած էր, ինձ բոլորովին հասկանալի թիրքերէնով հարցրեց.

– Երիտասարդ, որտեղացի՞ ես և ինչու՞ հրացանով զինւած՝ մեր գիւղն ես եկել: Ո՞վ է քեզ այստեղ ուղարկել և ի՞նչ գործի համար: Եթէ ճիշտն ասելու լինես, քեզ կազատենք, հակառակ պարագային որպէս լրտես՝ կը գնդակահարենք:

Չնայած այն հանգամանքին, որ յանկարծուստ ինձ հետ պատահած արկածի հետևանքով թմրել և բթացել էի, բայց իսկոյն ևեթ զգաստանալով՝ կռահեցի, որ ծպտուած տարագրով մի թիրք զինորական լրտեսի հետ գործ ունեն և մտաւոր բոլոր կարողութիւններս կենտրոնացնելով, ջանացի ինչքան հնարաւոր է, ստել և խաբել:

– Ես Ուրմիայի շրջանի գիւղացի մի հայ եմ: Երբ Տաճկաստանից և Սալմաստից փախուստ տուող գաղթականութիւնն Ուրմիա եկաւ, մի քանի օրում մեր ունեցած ամբողջ ուտելիքի պաշարը թալանեց և ցրիւ տեց: Ապրել կարողանալու համար ոչ մի հնարաւորութիւն մեզ համար չթողին:

Երբ նրանք ստիպուած եղան Ուրմիայից էլ հեռանալ, մեզ էլ ստիպեցին մեր գիւղը թողնել: Նրանք մեզ սարսափահար արին՝ ասելով՝ էս է, մէկ-երկու օրից տաճիկներն այստեղ են գալու և որովհետև հայերի հետ արեան թշնամի են, ձեզ բոլորիդ կոտորելու են: Մէկ կողմից ահաբեկուած, միւս կողմից առանց պաշարի և սոված մնացած, մենք էլ ստիպեցինք թողնելու մեր երկիրը, մեր տունն ու այգիները: Բայց շատ շուտով չափազանց զոջացինք այդպէս վարելու համար: Մեր ընտանիքը երեք հոգուց բաղկացած է՝ ես ու քոյրս և հայրս: Մայրս երկու տարի առաջ մահացաւ: Այո՛, մենք շատ-շատ զոջացինք: Կը նախընտրէինք սոված ու մերկ մեր գիւղը մնալ և տաճիկների գործեան ապաւինել, քան թէ այս տանջանքներին ենթարկելով՝ օտարութեան մէջ անտէր ու անօգնական մեռնել:

Ինձ հարցաքննող թիրք լրտեսը թիրդերի ցեղապետին համառօտ թարգմանեց իմ ասածների մի մասը, յետոյ նորից իր խօսքն ինձ ուղղելով՝ ասաց.

– Բայց, ճարպիկ հայ, դու ստում ես: Քո թիրքերէն խօսակցութիւնը ցոյց է տալիս, որ դու ուրմեցի չես: Դու վանեցի ես: Ուրմիայի հայը թիրքերէն քեզ պէս չի խօսում: Եթէ ուզում ես փրկւել, պէտք է ամէն ինչ ճիշտ և առանց թաքցնելու ասես:

– Ես թաքցնելու ոչինչ ունեմ: Ինչ վերաբերում է թիրքերէն իմանալուն, պիտի յայտնեմ, որ չնայած գիւղացի, բայց մեր գիւղը, որ Ռահվա է կոչւում, Ուրմիա քաղաքի քթի տակն է, նրան համարեա կպած մի մասն է: Է՛հ, մինչև մէկուկէս ամիս առաջ մեր վիճակն էլ վատ չէր: Խաղողի մեծ այգի և պտղատու շատ ծառեր ունէինք: Հայրս կարողանում էր ինձ քաղաքի դպրոցն ուղարկել: Ես թիրքերէն լեզուն

միախոնարների դպրոցումն եմ սովորել: Այդ դպրոցի գրեթէ բոլոր դասերը թիրքերէնով են սովորեցնում, այնպէս որ իմ թիրքերէն լաւ իմանալը զարմանալի չէ:

Ծպտուած թիրք լրտեսը նորից ասածներս թիրդերէնի թարգմանեց և այս անգամն էլ, առանց նրա խօսքն ու կարծիքը լսելու, շարունակեց ատելի կոպիտ տոնով.

– Քեզ ասում եմ, որ ստում ես: Դու վանեցի ֆեղայիներիցն ես, հետևաբար և մեր թիրդերի ու նրանց բարեկամ թիրքերի թշնամիներիցն ես: Դու և քեզ նմանները մեր բարեկամ թիրքերին թէ՛ Վանում և թէ՛ Սալմաստում կոտորել էք: Պարսկաստանում, քրդական այս շրջանումն էլ, մեզ հանգիստ չէք թողնում: Հիմի էլ եկել էք ձեր ահաբաններին (թարգմ. բարեկամներ)՝ անգլիացիներին միանալու և նրանց հետ մեր թիրդերին և նրանց հայրենակիցներին կոտորելու: Բայց մենք ձեզ հանգիստ թողնելու չենք, ձեզ կը հետապնդենք և մինչև բոլորիդ չկոտորենք, ձեռք քաշողը չենք: Անպայման գիտես արդէն, որ ձեր գլխաւորներիցն ենք սկսել: Չոր Կոստիին և նրա մի քանի բարեկամներին այս աշխարհն ենք ուղարկել: Շուտով հերթը միւսներին է հասնելու, եթէ նոյնիսկ ձեր բարեկամ անգլիացիները ձեզ իրենց մայրաքաղաքը՝ Լոնդոն փախցնելու լինեն:

– Բայց աղա, այդ բոլոր ձեր ասածները ինձ և ինձ նմաններին չեն վերաբերում: Ես ու իմ նմանները հասարակ, խեղճ մարդիկ ենք: Մենք ոչ մէկի հետ թշնամութիւն չենք ունեցել և հարիւրաւոր տարիներով նրանց հետ ապրել ենք բարեկամաբար և եղբայրաբար:

– Նորից կրկնում եմ, դժբախտ երիտասարդ, որ դու խաբում ես, դու այստեղ լրտեսութիւն անելու նպատակով ես մնացել:

Երբ ես ուզում էի նորից առարկել, թիրք լրտեսը, խօսքս կտրելով և այս անգամ ատելի ջղայնացած և բղաւելով, ասաց.

– Եթէ ճիշտ ես խօսում և լրտեսութեան համար եկած չես, քո այդ հրացանն ինչի՞ պէտք էր: Ուրմեցիները հրացանի գործածութեան մասին նոյնիսկ գաղափար էլ չունեն, ուր մնաց դրանով զինելը:

– Փախստական գաղթականութիւնը, որոնց հետ ես, հայրս ու քոյրս էլ փախչում էինք, Սալիմ-Ղալէյի և Բիջարի ճանապարհին յարձակման ենթարկւեց: Գաղթականների հազարաւոր բազմութիւնը խուճապի և իրարանցման մատնեց: Սարսափի կանչ, լաց ու շիվան բարձրացրեց: Կոտորածից ազատելու համար հազարաւորներ իրար խառնեցին: Ամենքը փախչում էին: Այս սարսափելի խուճապի և իրարանցման մէջ հարազատներ՝ հայր, որդի, քոյր, եղբայր, մայր, զաւակ, մէկ խօսքով, բոլորն իրար կորցրին: Ես էլ իմ դժբախտ հօրս ու քրոջս կորցրի: Բիջար հասնելուց յետոյ քրոջս ճարեցի: Քոյրս անվերջ լացում, կոծում, գլուխն ու ծնկներն էր ծեծում և ինձ խնդրում, աղաչում և պա-

դատում էր վերադառնալ և հորս փնտրել ու գտնել...:

– Բայց այս բոլորն ի՞նչ կապ ունեն քո զինամ լինելու հետ,– ինձ ընդհատելով բղաեց հարցաքննութեան ենթարկող թիւք տարագափոխ եղած լրտեսը,– ի՞նչ է, ինձ յիմարի տեղ ես դրել և խղճիս հետ խաղա՞լ ես ուզում:

– Ձեր կարեկցութիւնը շահելու համար չէր ասածներս: Ուզում էի ձեզ բացատրել այն ամէնը, ինչ ինձ հետ կատարել է: Եթէ կարծում էք ատելող ու անօգուտ է, ինչու՞ ուրեմն հարց ու փորձ էք անում...:

– Լաւ, շարունակի՛ր, միայն կարճ կապի՛ր: Ձինամ լինելուդ պատճառը բացատրի՛ր, թէ ինձ համար արդէն ամէն ինչ շատ պարզ ու հասկանալի է,– ասաց, ըստ երևոյթին, համբերութիւնից դուրս եկած թիւք լրտեսը:

– Շատ լաւ, քանի որ ինձ հետ պատահած դժբախտութեան մանրամասնութիւնը ձեզ հետաքրքիր չէ, շատ կարճ ու համառօտ կը յայտնեմ, որ հորս գտնելու համար մի անգամ անցած այս անիծեալ ճանապարհից նորից վերադարձայ: Ձեզ հանդիպելուց մի քանի թուրք առաջ ճանապարհի վրայ, ճիշտ ոտքերիս տակ, գտայ այս հրացանը, որով ինչպէս ասում էք, զինամ եմ:

Տաճիկ լրտեսը չափազանց ջղային և երկարաշունչ քրքիջ արձակելուց յետոյ ասաց.

– Ափսո՛ւս, որ այս յարգելի ցեղապետի բնակարանումն ես: Նրանք, դարաւոր սովորութեան համաձայն, նոյնիսկ քեզ մման մարդասպան լրտեսին իրենց տներում չեն սպանում: Դու ո՛չ թէ գնդակահարելու, այլ այս ոտքերիս տակ տրորելով կտորկտոր լինելու արժանի ես: Յետոյ կը տեսնենք...:

Քիւրդ տանտիրոջ հետ կարճ խորհրդակցութիւն կատարելուց յետոյ, ինձ հարցաքննութեան սենեակից դուրս բերելով, իրար կողքի շարքով դասաւորւած սենեակներից ամենավերջինը տարան: Սենեակը փոքր էր և թեթև կահաւորւած: Գետնի վրայ գորգ էր փռւած և պատի կողքին՝ մի թախք դրւած: Փայտեայ թախքի վրայ մի խալիչէ և մի բարձ կար: Հանդիպակաց երկու պատերի վերևի մասում՝ գրեթէ առաստաղին կպած, երկու փոքր լուսամտներ կային: Ինքս ինձ մօտ ենթադրեցի, որ այս սենեակը քիւրդ ցեղապետի ցասմանը և պատժին ենթարկւած ինձ մման մարդկանց համար էր սարքւած:

Ինձ այս սենեակն առաջնորդող տարիքոտ քիւրդը, կարեկցական թող տոնով և քիւրդերէն լեզուով, որից ես ոչինչ կարող էի հասկանալ, բառեր արտասանեց և ձեռքով պատի կողքին դրւած թախտը ցոյց տուց: Մի երկու թուրք սպասելուց յետոյ իմանալով, որ իր խօսած լեզուն չեմ հասկանում, խորհրդաւոր կերպով գլուխը տարութերելով՝ հեռացաւ՝ չմոռանալով սենեակի դուռն ինձ վրայ բանալով կողպել:

Կէս ժամ չանցած, նոյն քիւրդը, փակած դուռը բացելով, ներս եկաւ և ինձ համար հաց, թանապուր

և ջուր բերեց: Անմիջապէս յետոյ մա չմոռացաւ մա մի միզաման ներս բերելու: Այս անգամ էլ մա մի քանի բառեր ասաց, որից նոյնպէս ոչինչ հասկացայ: Դուրս գնալով՝ նորից դուռն երեսիս կողպեց:

\*\*\*

Գերեվարութիւնից յետոյ անցել էր ամբողջ 30 ժամ: Այդ ժամանակամիջոցին միևնոյն սենեակում բանտարկւած էի: Բացի ինձ համար ջուր, հաց, մածուն և թանապուր բերող քրդից, այդ ամբողջ ժամանակ, ուրիշ որևէ մէկը սենեակս մուտք չգործեց: Վիճակս սուկալի էր: Քիւրդի լեզուն չէի հասկանում, իրար հետ հաղորդակցում էինք ձեռքի ու գլխի նշաններով, բայց դրանից էլ իմ ճակատագրի վերաբերեալ ոչինչ կարող էի իմանալ:

Մի անգամ ձեռք ու գլխի նշաններով և թիւքերէնին մման բառեր ասելով՝ փորձեցի քիւրդից թիւք զինորականի մասին որևէ բան իմանալ: Ըստ երևոյթին իմ նպատակն հասկանալով՝ քիւրդը դժգոհութեան արտայայտութիւններ արեց, որից էլի ոչինչ կարողացայ հասկանալ: Սակայն ինձ համար պարզեց մի յուսալի պարագայ, և այդ այն էր, որ իմ բանտապահ քիւրդը համակրանքի որևէ զգացում այդ թիւք լրտեսի նկատմամբ չէր տածում: Յետոյ մի անգամ էլ աղա, աղա, բեզ, բեզ բառեր արտասանելով ուզեցի քիւրդ ցեղապետի մասին հարցնել: Իմ պահակ քիւրդը, ձեռքը մի քանի անգամ վերից դէպի ցած բերելով, ինձ ուզեց հասկացնել, որ պէտք է սպասեմ և համբերեմ: Սպասելուց և համբերելուց բացի ի՞նչ կարող էի անել: Բայց այդ պայտումը չափազանց տագնապալի էր: Կեանքս՝ իմ ապրել ու չապրելը բախտախաղի էր դրւած: Իմ կեանքը քիւրդ պետի վճռից էր կախւած:

Մահւան սեմին կանգնած մարդու համար իր կեանքի վերջալոյսի ոսկեգօծ, գունագեղ, փայլփլող շողքերը անասհմանօրէն գերագնահատելի և անզուգական են: Նա, այդ մարդը, ապրել կարողանալու համար, յոյսի այդ շողքերը ազահօրէն գրկել, իր սրտին սեղմել է ուզում, և դողում, սարսափում է նրանց բաժանելու մտքից ու վախից:

Հաւանական մահւան և անհետացման սեմին կանգնած՝ ներկայիս ես դողում և սարսափահար էի լինում սպանելուց կամ խեղդամահ լինելուց: Բայց ինչու՞. չէ՞ որ ենթադրում էի, որ կեանքն այլևս արժէք չէր ներկայացնում ինձ համար... Գուցէ նրա համար, որ ափսոսում էի աննպատակ և զուր տեղը էլ մահատակ դառնալուս համար...

Նման մղձաւանջային ապրումները կրծում, մաշում էին ուղեղս, երբ կէս զիշերուայ մօտերքը սենեակիս փակւած դռան կողպէքում բանալի շուռ եկաւ այն բացելու համար: Մարսափահար և շնչակապ սպասում էի, երբ պահակ քիւրդը, ներս գալով, ինձ հասկացրեց սենեակից դուրս ելնել: «Հաշիւս մաք-

րելու, ինձ գնդակահար կամ դաշունահար անելու են տանում»,– մտածեցի:

Չարմանքից ապուշ կտրեցի: Մենեակի դռանը երեք անձնաւորութիւններ ինձ սպասում էին: Նրանցից մէկին ճանաչեցի: Քիւրդերի պետն էր: Միս երկուսը կանայք էին:

Քիւրդը ճանապարհին ինձ գերի վերցնող և ձեռքիցս զենքս խլող խմբի պետն էր: Նա միաժամանակ այդ տանը և ըստ երևոյթին այդ գիւղի գլխատուն ու աշխրեթապետն էր: Նա կարեկցաբար ձեռքը ուսիս դնելով, մի քանի խօսք ասաց և դժարութեամբ ինձ հասկացրեց, որ կանանցից մէկն իր կինն է և միսը աղջիկը:

– Կնոջս ու աղջկաս խաթրին քեզ բաշխում և ազատում են,– ասաց, և իր պահակին դառնալով՝ ինչ-որ յանձնարարութիւններ արեց, որից միայն Բիջար բառը հասկացայ:

Քրդական սովորութեան համաձայն՝ ձեռքս կրծքիս դրած և գլուխս ծռած, բոլոր երեքին էլ թիրքերէնով շնորհակալ, շատ շնորհակալ եմ ասացի:

Բաժանման ժամանակ քիւրդ պետը բարի ճանապարհ մաղթեց, իսկ նրա աղջիկը սիրալիք և ժպտադէմ, ձեռքի շարժումների օգնութեամբ, պատերազմից յետոյ՝ այստեղ եկ բառերն արտասանեց:

Իմ պահակ քիւրդը, ձիան վրայ ինձ իր մէջքին նստեցնելով, պատվիրեց ցած չգլորելու համար երկու ձեռքովս իր մէջքը գրկել: Նրան յանձնարարած էր ինձ մինչև Բիջար հասցնել: Նա ամենայն ազնութեամբ և անթերի, եղած յանձնարարութիւնը կատարեց: Այս տարօրինակօրէն տագնապալից դէպքը ապացուցեց, որ քիւրդը վեհանձն ու ներողամիտ ժողովուրդ է և եթէ նրան գրգռութիւններով և ատելավառ զգացումներով չվարակեն, ոչ թէ հայի թշնամին, այլ նրա բարեկամն ու բախտակիցն է:

Թիւրք զինուորական տարազափոխուած լրտեսի արիւնոտ ճանկերից ինձ փրկողները, կասկած չունեմ, քիւրդ ցեղապետի կինն ու աղջիկն էին, որոնց ազնիւ վերաբերմունքը երբեք չեմ կարող մոռանալ:

## ՀԱՄԱԳԱՆՈՒՄ

1918 թի օգոստոս ամսւայ առաջին կէսին, շուրջ 70 հազար հայ և ասորի գաղթականութիւնը հասել էր Համադան քաղաքը: Համադանում, առաջին անգամ լինելով, պարսկերէն լեզուով խօսակցութիւն լսեցի: Սկզբում ինձ թուում էր, որ այդ լեզուով կատարող խօսակցութիւնը քիւրդերէնի մի տեսակն էր, բայց յետոյ, երբ մի քիչ ծանօթացայ լեզվի բառերին, իմացայ, որ սխալւել եմ:

Անգլիացիները Համադանին չհասած Բիսար կոչւած զիւղաքաղաքում զինուած հայ և ասորի մարդկանց անխտիր, զինաթափ արին և յայտարարեցին, որ զենք թաքցնողները կենթարկւեն խիստ մեծ

պատասխանատութեան: Զինուած անձինք բողոքեցին զինաթափութեան համար, բայց բողոքն անօգուտ անցաւ:

– Եթէ ձեր զինական օժանդակութեան կարիքն ունենանք, նախ և առաջ զինուորական կրթութիւն և կարգապահութիւն կը սովորեցնենք և ապա ձեզ մեր ցանկացած զենքերով կը զինենք,– պատասխանեցին անգլիացիները:

Երկրորդ անգամ Բիջար հասնելուց յետոյ հօրս գտել էի: Չարմանալի գուգաղիպութեամբ, հօրս պատմածի համաձայն, մօտաւորապէս միևնույն ժամին նա հասել էր, իսկ ես առանց լրջօրէն կշռադատելու արարքիս վտանգաւորութիւնը, մեն-մենակ Բիջար էի մեկնել նրան փնտրելու և գտնելու համար: Մեր վերստին հանդիպումը շատ վշտալից եղաւ: Մեր երկուսիս էլ կրած տանջանքն ու յոգնածութիւնը ծայրայեղօրէն լարել էին մեր ջղերը, և մենք փոխանակ ուրախանալու և հրճուելու, լացում էինք: Լացում էինք մեր դժբախտութեան և ճակատագրի անգութ դասաւորման համար: Լացում էինք, որովհետև մեր հայրենակարօտութեան համար կամովին զոհել էինք մեր ընտանեկան խաղաղ համակեցութիւնը և առաջին նահանջի տառապանքներից հազիւ փրկուած մեր կեանքի անդորրութիւնը:

Մենք՝ հայր ու որդի, երդեցիքն այլևս երբեք և ոչ մի գնով մինչև որևէ մէկիս մահը իրարուց չբաժանուել:

Մենք մեր երդումն ամբօրէն և անխախտ պահեցինք, մինչև իմ ընտանեկարօտ և հայրենակարօտ դժբախտ հօրս մահուամբ կատարուած բաժանումը:

\*\*\*

Անգլիացիները վճռել էին մեր մի քանի տասնեակ հազարաւոր գաղթականութիւնը Բաղդադ ուղարկել, իսկ այնտեղից որտեղ փոխադրելը մեզ միանգամայն անյայտ էր:

Մասիսի ստորոտներում սղմած մեր այսպէս ասած կովկասահայութեան միանալու ցանկութիւնն այրում և մրրկում էր հայրենագուրկ և հայրենակարօտ վասպուրականցիներին: Իրենց դարաւոր հայրենիքից վայրագութեամբ դուրս շարուած հայերը բուռն ցանկութիւն ունէին իրենց հիւրասէր և գթառատ երևանցի հայրենակիցների մօտ վերադառնալու: Նրանք այրում էին իրենց հայրենակիցների և հայրենի հողի կարօտի ծարաւով: Նրանք ձգտում էին իրենց ֆիզիկական և մտաւոր ամբողջ ուժերով միանալ այն հազարաւորներին, որոնք դեռ կառչած էին մնում իրենց հայրենի հողաշերտերին և վճռել էին արեան գնով պաշտպանել և պահել իրենց հայրենիքը:

Բայց մեր նոր բարեկամ-պաշտպանների ծրագիրը բոլորովին ուրիշ էր: Նրանք չէին ցանկանում

20-25 հազարի հասնող հայ և ասորի երիտասարդ կուռղ և զենքի ընդունակ մեր ուժերից գրկել:

Չարմանալու ոչինչ չկար: Մեր ազգային ճակատագիրն անկարող էր իրեն վիճակված դժբախտութեան ծիրից դուրս պրծնելու և այդ մեզ պարտադրուած դարատր գերութիւնից ազատելու և փրկելու: Մեծ պետութիւնների, ուժեղների դիւանագիտական պարտք ու պահանջի տետրակում Հայ անունը գրած չէր և նազագոյն ցանկութիւն իսկ չկար այդ անունը ներառելու իրաւատէր պահանջատէրերի բաժին-սիւնակում:

\*\*\*

Համադան հասնելուց յետոյ՝ երկրորդ օրայ երեկոյեան, ինձ մօտ եկաւ Արմենակ Մաքսապետեանի եղբայրը՝ Վարդան Մաքսապետեանը և ինձ առաջարկեց անմիջապէս իր եղբօր հետ տեսակցել: Գնացի:

– Սիրաք,– առանց այլևայլի և մտերմօրէն ասաց Մաքսապետեանը,– էգուց կամ ամենաուշը միւս օր առաւօտեան մեր բարեկամները (անգլիացիների մասին էր իր խօսքը) մեզ Բաղդադ են տանելու և այնտեղից էլ Սիջագետքի անջուր և աւագուտ անապատները: Չնայած հայրենակիցներ ենք, բայց մի քանի անգամից ատելի քեզ չեմ հանդիպել և մօտիկից ճանաչելու առիթ չեմ ունեցել: Հօրդ հետ լաւ ծանօթ եմ և որպէս լաւ ու անշահախնդիր հոգևորականի՝ յարգում եմ: Համոզւած եմ, ինչպէս ես, նոյնպէս և նա, ի վիճակի չենք լինելու դիմանալ այդ մեզ չափազանց անհարազատ կլիմային: Վճռել եմ եղբօրս և ուրիշ մի քանի բարեկամների հետ այս գիշեր, նախքան լուսաբացը, թողնել այս քաղաքը և դէպի Սուլթանաբադ հեռանալ: Իսկ յետոյ, եթէ հնարուր լինի Թեհրան մեկնել: Եթէ ցանկանում էք, հօրդ հետ միասին, մեր քանի հոգինոց խմբին միացէք:

– Չափազանց շնորհակալ եմ,– պատասխանեցի,– ձեր սիրալիրութեան և բարեացակամութեան համար: Օգտակար և նպատակահարմար առաջարկ էք անում: Մինչև կէս ժամ՝ հօրս հետ խորհրդակցելուց յետոյ, անձամբ պատասխանը կը բերեմ: Ենթադրում եմ, հայրս, որ հագիւ իր ոտքերի վրայ քարշ է գալիս, ուրախութեամբ ձեր առաջարկը կը կընդունի:

Հօրս հետ խորհրդակցելուց յետոյ, Մաքսապետեանի առաջարկը միանգամայն նպատակայարմար գտանք: Վերադարձաւ, հօրս պատգամը Մաքսապետեանին հաղորդելու: Այդ պատգամը հետևեալն էր.

– Իմ կողմից անկեղծ շնորհակալութիւնս կը յայտնես պ. Մաքսապետեանին և կըսես, որ միշտ երախտապարտ պիտի մնամ իրեն այդ օգտակար առաջարկին համար: Եթէ ստիպուած ըլլայի այդ

նկարագրած անտանելի ճանապարհը կտրելու, վստահաբար գիտեմ, որ կէս ճանապարհը չանցած՝ պիտի մեռնէի:

## ՄԱԼԱՅԷՐԻ ԾԱՆԱՊԱՐՀՈՎ

Նոյն օրը՝ կէս գիշերանից երկու ժամ անց, Մաքսապետեան երկու եղբայրների և ուրիշ չորս հայրենակիցների հետ հայրս ու ես Համադանից հեռացանք: Մեր հեռացման որոշումը մինչև քաղաքից հեռանալը բոլորովին գաղտնի պահեցինք և մեկնումը կատարեցինք մեծ զգուշութեամբ: Գաղթականութիւնից անջատուած մեր փոքրիկ խումբը բաղկացած էր 8 հոգուց: Մեզ հետ կիւն չկար, բոլորս էլ տղամարդիկ էինք: Մտածում էինք, եթէ ուրիշները մեր հեռացման մասին տեղեկանան, կարող է պատահել գլխացաւանք ունենանք և նոյնիսկ մեր հեռացումը արգիլեն: Երբ արդէն 5-6 կիլոմետր Համադանից հեռացել էինք, սկսեցինք սրտապնդել: Ծանապարհի անապահովութիւնից առանձնապէս անհանգիստ չէինք, նախ որ մեր ութ հոգինոց խմբից երկուքը բրաունիկ ատրճանակներով զինուած էին, և յետոյ տեղեկացել էինք, որ Պարսկաստանի այդ ժամանակների ամենաապահով շրջանը, մեր կտրել ծրագրած Համադան-Մալայեր-Սուլթանաբադ գիծն էր:

Յաջորդ օրը՝ կէսօրից յետոյ, մեր հետևակ խումբը, բոլորովին ապահով, բայց յոգնած ու տառապած, Մալայերից փոքր հեռաւորութեան վրայ գտնուող մի կէս հայաբնակ գիւղ հասաւ: Այդ գիւղի անունը Սաֆայիէ էր:

Գիւղացիները տեղեկ էին Համադան հասած գաղթականութեան մասին: Մեզ առաջնորդեցին իրենց գիւղապետի տունը: Գիւղապետը՝ Սահակ Աւետեանը, մեր ութ հոգինոց գաղթական խմբին շատ մեծ սիրալիրութեամբ ընդունեց: Ամէնից առաջ մեզ հնարաւորութիւն ընծայեց իրենց տնից ոչ հեռու գտնուող ախոռին կից բաղնիքի նմանող մի տեղում տաք ջրով լողանալու: Չգիտեմ ուղեկիցներիս տպաւորութիւնը, բայց ես այդ օրայ լողանքը երբեք չեմ մոռանայ: Ինձ համար, որ մի ամսից ատելի ժամանակաշրջանում կեղտի ու փոշիների մէջ կտրել էի, մի կատարեալ բարիք ու բախտաւորութիւն էր այդ տաք ջրի լողանքը: Նոյնը նաև հօրս համար, որը լողանալուց յետոյ ջերմեռանդօրէն օրհնեց բարեսիրտ տանտիրոջը:

Գիւղապետ Սահակ աղան մեր գաղթական խմբին շատ մեծ սրտաբացութեամբ և առատածեռութեամբ երկու օր շարունակ հիւրասիրեց և քնելու ու հանգստանալու ամէն հնարաւորութիւն հայթայթեց: Երբ մենք նրա սիրալիր հոգատարութեան համար շնորհակալութեան խօսք էինք ասում, նա համեստօրէն նեղանում և ասում էր. «Բա ո՞ր օրայ համար հայ ենք, որ այսպիսի տանջանքի ու նեղու-

թեան հանդիպած մեր հայ եղբայրներին չուզենանք օգնել: Դուք իմ ազիզ հիւրերն էք և իմ աչքի վրայ տեղ ունեք»:

Գիւղապետն իր՝ գիւղական համեմատաբար ընդարձակ տանը մեզ երկու սենեակ էր յատկացրել՝ ճաշելու, հանգստանալու և քնելու համար: Այդ երկու ցերեկ-գիշերայ ընթացքում մեզ ընծայած հանգստութիւնն ու սնուցումն այնքան ուշադիր և կանոնաւոր էր, որ մենք կարծես մոռացել էինք մեր գաղթական վիճակի դառնութիւնն ու դժբախտութիւնը:

### ԺԱՄԱՆՑ-ԹՂԹԱԽԱՂ

Կեանքումս ուշագրաւ և բացառիկ դէպքեր շատ են ունեցել: Դրանցից մէկն էլ հետևեալն է, որ երբևէ մոռանալ չեն կարողացել:

Մեր ժամանումից յետոյ երկրորդ գիշերն էր: Որոշւած էր հետևեալ առաօտեան կանուխ բարեսիրտ և հիւրասէր Մահակ աղայի տունը թողնել և մեր գաղթականի ճամփորդութիւնը շարունակել Մուլքանաբաղ քաղաքի ուղղութեամբ: Հայրս անհանգիստ էր և թեթևակի ջերմ ունէր: Արմենակ Մաքսապետեանը նրան առաջարկեց իր հետ միասին միս հարկան սենեակն անցնել, ըստ կարելոյն շուտ քնելու և հանգստանալու համար:

– Տէ՛ր Բաբա,– մեզ ակնարկելով՝ ասաց հօրս,– ասոնք մեզմէ շատ աւելի երիտասարդ են: Եթէ մինչև առաօտեան ալ արթուն մնալու ըլլան, անոնց համար նշանակութիւն չունի: Վաղն ալ, ամբողջ օրը, կրնան առանց տրտնջալու ճանապարհ կտրել, բայց ինձ ու քեզ համար գործը աւելի դժուար է: Մեզ հնարաւորին չափ շատ հանգստանալը կարևոր է:

– Աղէկ կըսես, պ. Մաքսապետեան, ես ալ հանգստանալու շատ պէտք ունեմ: Երթանք միս սենեակը, մի քիչ խօսակցելոց յետոյ՝ կաշխատենք շուտ քնել:

Հայրս ու Մաքսապետեանը հարկան սենեակն անցան քնելու համար: Կէս ժամ անց նրանց հետևեցին մեր ուղեկիցներից երկու համեմատաբար տարիքոտ ուրիշներ: Մեր եղած սենեակում մնացինք ես, Մաքսապետեանի կրտսեր եղբայր Վարդանը և երկու ուրիշներ:

– Միրաք,– ասաց Վարդանը,– այսքան շուտ քնելը միտք չունի: Եկէք մի ժամ զբաղենք, յետոյ քնելու գնանք:

Այս ասելով՝ իր ծոցի գրպանից մի կապոց հանեց: Կապոցի վրայի թուղթը բացելով՝ գետնի վրայ տարածեց թղթախաղի կարտերը:

– Եկէ՛ք,– խօսքն ինձ և միս երկուսին ուղղելով՝ աւելացրեց,– մէկ-երկու ժամ 21 խաղանք: Որպէսզի խաղը հետաքրքիր լինի, մի փոքր գումար էլ, օրինակի համար մէկ դուրուշ տանողի համար կորոշենք: Ինչ էք կարծում այս խաղը պառկած տեղում անքուն մնալուց աւելի լաւ չէ՞:

Միս երկուսը համաձայնեցին, ես առարկեցի:

– Մինչև հիմի կեանքումս թղթախաղով չեմ զբաղւած և ցանկութիւն էլ չունեմ խաղալու: Բացի այդ՝ ձեր ասած 21 թղթախաղից գաղափար իսկ չունեմ:

Վարդանն սկսեց քահ-քահ ծիծաղել և ասաց.

– Ա՛յ ախպէր, սա մի մեծ դժարութիւն և վարպետութիւն չունի: Երկու թուպում կարող եմ քեզ սովորեցնել: Վերջապէս, մենք անվերջ գաղթական մնալու չենք, մարդկանց մօտ պիտի նստենք, հիւրասիրութիւնների մասնակցենք: Ամօք է այս տեսակ անմեղ ժամանցների մասին գաղափար չունենալ:

– Բողոքովին գուր ես ծիծաղում, Վարդան: Քեզ ասում են, որ կեանքումս թղթախաղ արած չեմ և չեմ էլ ցանկանում մնան խաղերը սովորել: Լսել և կարդացել եմ, որ այդ թղթախաղ կոչող զբաղմունքն ամենավառ և ամենավտանգաւոր մոլութիւններից մէկն է և հազարաւորներ այդ մոլութեան ենթարկւած լինելու համար դժբախտանում և կործանում են:

– Միանգամայն ճիշտ է ասածդ,– հին փաստաբանի փորձարկութեան դիմելով և ամէն ձևի խորամանկ ու սատանայական միջոցներով ինձ համոզելու ջանալով պատասխանեց Վարդանը:– Այս խաղի դէպք մարդուս իր ձեռքն է: Եթէ զբաղմունքի համար խաղալ ուզենայ միայն հաճոյք է և բացառիկ բաւականութիւն կստանայ և վտանգ ունենալ չի կարող: Փորձի՛ր մի քանի թուպ, եթէ չսիրեցիր, մի՛ շարունակիր: Բացի այդ, մենք շատ փոքր գումարով կը խաղանք: Մէկ խօսքով, բնաւ պարտադրել չեմ ցանկանում: Մենք երեքով կսկսենք, և դու կը մայես: Եթէ ուզեցիր, դու էլ կը մասնակցես:

Սատանայական փորձութեան մէջ էի ընկել: Չկարողացայ այլևս ինձ տիրապետել:

– Լաւ, տեսնենք ինչպէ՞ս է կատարում այդ խաղը,– հարցրի:

– Շատ ուրախ եմ, որ համաձայնեցիր: Այս խաղը 4 հոգիով շատ հետաքրքիր է:

Վարդանը 21 թղթախաղի սկզբունքը բացատրեց: Իսկապէս չափազանց հասարակ հաշիւ էր:

– Ուրեմն,– բացատրելով եզրակացրեց Վարդանը,– տուգն այս խաղում 11 է հաշւում, բայց երկու տուգը իրար հետ միասին՝ 21 է հաշւում, զինուորը 2, դաման 3, թագաւորը 4. մնացած կարտերը խաղացում են իրենց վրայ նշանակւած թանջաններով: Սկզբունքը, այսինքն տանելու շանքը կայանում է նրանում, որ երկու խաղացողներից մէկը 21 թիւը կազմի, իսկ եթէ չի կարող, պիտի աշխատի ըստ կարելոյն 21 թիւն մօտենալ: Հաւասար թիւը բերելուց բանքի՞նք է շահում:

– Լաւ, հասկանալի է,– պատասխանեցի,– գրողը քեզ տանի, որ ինձ սատանայական փորձանքի և խաբկանքի ես ենթարկում:

Խաղն սկսեց: Խաղի ընթացքին մի քանի անգամ շահեցի: Վարդանի համեմատութեամբ մենք՝

մնացեալ երեք խաղացողներս, ոչնչութիւն էինք: Կէս ժամ չանցած տաճկական մի մեջիդիէ, 20 դուրուշ տարուցի: Վարդանը նկատեց, որ մենք՝ երեք խաղացողներս, տաքացել և մեր հակակշիռը ձեռքից տուել ենք: Խաղը մեծացրեց: Խաղով տարուել և ինքնազսպումն ու հակակշիռը ձեռքից տուել էի: Երկու ժամ չլրացած՝ մէկ ոսկի և մէկ մէջիդիէ ձեռքից տուել էի: Միս երկուսն էլ իմ կորցրած գումարի կրկինից ատելի տարուել էին: Վարդանն իր մեծ եղբորից՝ Արմենակից, ակնածում և նոյնիսկ վախենում էր: Նա կարող էր այդ գիշեր մեր գրպաններում եղած ամբողջ դրամը դատարկել, բայց հաւանական սկանդալից և մանաւանդ եղբոր ներկայութիւնից վախենալով, խաղը վերջացրեց: Նկատելով, որ ես շատ անհանգիստ եմ, ասաց.

– Միրա՛ք, եթէ ուզենաս քեզնից տարածս դրամը կարող եմ վերադարձնել:

– Ո՛չ, դրա կարիքը չունեմ,– ջղայնացած պատասխանեցի և ատելացրի,– բարեգործութիւնը քեզ համար պահի՛ր, բայց երբ շարունակենք իրար հետ ճամփորդել, սրանից յետոյ չփորձես ինձ նորից խաղի հրաւիրելու:

Այդ գիշերը մինչև առաւօտեան անհանգիստ ու ջղային էի: Քնել չէի կարողանում: Մեղադրում էի ինձ, խստորէն քննադատում թղթախաղի հրապուրող խորամանկ ուղեկցիս՝ Վարդանին:

Այդ գիշերուայ թղթախաղի՝ ինձ վրայ թողած ծայրայեղօրէն վատ տպաւորութիւնը պատճառ եղաւ, որ ամբողջ 30 տարիների ընթացքում, խաղաթղթերի ձեռք չտամ: 1948 թականից, շրջանից և բարեկամներից «յետ չը մնալու» միտումով, նորից սկսեցի «գրադելու համար» խաղալ:

Ի միջի այլոց, որպէս յուշերիս մի ծայք, պիտի յայտնեմ, որ այս թղթախաղերի ժամանցները, դժբախտաբար, շատ են տարածուել Թեհրանի հասարակութեան որոշ շրջաններում և մի տեսակ անվտարելի ու անխուսափելի չարիք են դարձել մարդկանց համար: Ոչ մէկը չի գովում, չի պաշտպանում այդ զբաղմունքի՝ թղթախաղի առաւելութիւնը, բայց մի տեսակ վարակման մման շատերն ենթակայ, նոյնիսկ երբեմն գերի են դարձել: «Է՛հ, ի՞նչ պիտի անենք, եթէ խաղալու չլինենք»,– ասում են ամենքը և յաճախ անկամ ու անգօր ենթակայ են լինում այդ հաշիշային մոլութեանը: Դժբախտաբար, ինքս էլ յաճախ անգօր եմ դառնում դիմադրելու այդ հրապուրող մոլութեան վարակման չարիքին:

**ՍԱԼԱՅԵՐԻՅ ԴԷՊԻ ՍՈՒԼԹԱՆԱԲԱԴ**

Յաջորդ առաւօտեան կանուխ, մեր ութ հոգինոց խմբից 6-ը մեկնեցին: Անցնող գիշերուայ ընթացքին հօրս անհանգստութիւնը՝ ուժեղացել, և ջերմը բարձրացել էր: Ես ու հայրս ստիպւած եղանք մեր ուղեկիցներից բաժանել և մնալ մեր ազնաբարոյ

հիւրընկալի մօտ, որն իր հերթին հօրս յայտարարեց.

– Տէր հայր, մինչև չառողջանաս, չեմ թողնելու տնիցս հեռանալ: Իմ տունը հայ քրիստոնեայի տուն է: Ինձ բախտաւոր կզգամ, երբ ձեզ նման հիւր կունենամ: Աճապարելու պէտք չկայ, կը մնաս մինչև լաւ կը պնդանաս: Մարդ եմ ուղարկած Մալալէր, քեզ համար մէկ լաւ ջորի վարձելու:

– Ասուա՛ծ քեզ, ընտանիքդ, տունդ, տեղդ օրհնի, Սահակ աղա,– պատասխանեց հայրս,– դու մեզ ամօթապարտ կը թողնես: Քու ազնութիւնն ու հարազատ վերաբերմունքը մենք ոչ մի կերպ փոխարինելու ի վիճակի չենք:

– Շատ կը խնդրեմ, տէ՛ր հայր, որ այդ խօսքերով ինձ չամաչեցնես: Ես կատարում եմ մէկ հայ մարդու պարտականութիւնը: Իմ գիւղացիներն ի՞նչ կասեն, եթէ քեզ այս վիճակով թողնեմ, որ հեռանաս: Հաշիւը, որ տունն իմս չէ, այլ ձերն է:

Ամբողջ մի շաբաթ գիւղապետ Սահակ Աւետեանը հօրս ու ինձ պահեց, խնամեց, ինչպէս իր հարազատին պիտի պահէր ու պաշտպանէր: Ինչպէս հօրս խոստացել էր, մի հայ ջորեպան և մի լաւ ջորի էր վարձել մեզ մինչև Սուլթանաբադ հասցնելու համար: Մեր ներկայութեամբ ջորեպանին պատուիրեց շատ ուշադիր լինել և մանաւանդ ջորուն վազեցնելով՝ հօրս անհանգիստ չանել:

– Վա՛յ, թէ ականջիս հասնի և իմանամ,– ասաց ջորեպանին,– որ մեր տէր հօրը դժգոհ ես թողել. բուրդդ կը գզեմ: Այս մարդիկ մեր պատուական հիւրերն են, և մենք պարտաւոր ենք մեր ձեռքից եկածը չխնայել ասոնց հանգստութեան համար: Առանց այն էլ, եղ գազան տաճիկները անոնց չափից դուրս նեղացրել են ու տանջել...:

Բազմաթիւ անգամներ հայրս ու ես, այդ չափազանց ազնիւ մարդուց շնորհակալութիւն յայտնելով, հեռացանք:

38 տարիներից յետոյ բախտ ունեցայ Սահակ աղայի մեծ տղային՝ Խաչիկ Աւետեանին, իմ ջանքերով հիմնած ընկերութեան մէջ, որպէս այդ ընկերութեան գլխաւոր հաշուապահը, գործակից ունենալ: Այդ հանգամանքը հոգեկան բացառիկ բաւականութիւն է պատճառել ինձ, մանաւանդ որ Խաչիկի անխնայ օժանդակութեան շնորհիւ նրանից փոքր երկու եղբայրները Ամերիկայի Միացեալ Նահանգներում թշկական համալսարանը մեծ յաջողութեամբ աւարտելուց յետոյ հայ ժողովրդին պատիւ բերող վիրաբոյժ և բժիշկ են դարձել:

**ՍԱՀԱՄԵՐՉԻ ԱՆԿՈՂՆՈՒՄ**

Սուլթանաբադ հասնելուց յետոյ հայրս գրեթէ ւսպաքինուել էր, բայց ես շատ ծանր հիւանդացայ: Ամիսների թափառաշրջիկ, փախստական և անհանգիստ կեանքը կատարելապէս քայքայել էր



առողջութիւնս: Այդ ֆիզիկական քայքայմանը միացեալ էր հոգեկան տառապանքների ճնշող և փշրտող ծանրութիւնը:

Օրերով և անընդհատ ջերմում էի: Յաճախ ջերմս այնքան էր բարձրանում, որ գիտակցութիւնս կորցրած՝ գառանցում էի: Սուլթանաբաղի Եկեղեցատէր կանանց միութիւնը, մանաւանդ նրանցից երկու կանայք, բարեխիղճ հոգածութեամբ ինձ հսկում էին և ամէն կերպ աշխատում էին քայքայած առողջութիւնս վերականգնել: Քանի-քանի անգամներ բժիշկ հրաւիրեցին, զանազան դեղեր գործածել տւին, բայց միշտ անօգուտ: Թելի նման նիհարել էի: Հազիւ կարողանում էի անհրաժեշտ պարագաների համար մահճակալից ցած իջնել: Հայրս յուսահատ և անճար դրութեան մէջ էր: Իր յուսահատութեան լացը թաքցնելու համար եկեղեցի՝ աղօթքի գնալու պատրուակով օրական մի քանի անգամ և մի քանի ընդմիջումով բացակայում էր: Երկու շաբաթ է վեր հիւանդ էի, և ամէն օր, առաջին օրից աւելի ուժաթափում և վառուղ ու հալւող մոմի նման սպառում էի:

Հիւանդութեանս վերջին շրջանում՝ մէկ օր, ջերմս այնքան բարձրացել էր, որ ենթարկել էի ինքնամոռաց վիճակի: Պառկածս տեղից անգիտակցօրէն բարձրանալով՝ ինձ հասցրել էի եկեղեցու բակի՝ ներքևից հոսող յորդառատ և սառնորակ աղբիւրին և նետել էի նրա մէջ:

Բարեբախտաբար, մարմինս դէմ էր առել վազող ջրում զցւած մի մեծ քարի: Հայրս, որ անդադար ինձ հետևում էր, իմ անակնկալ բացակայութիւնից շփոթ և լեղապատառ եղած, եկեղեցու բակի այս ու այն կողմը վազվզելով, անընդհատ անունս էր կանչում: Եկեղեցու ժամկոչն էլ հօրս հետ միասին այս կողմ ու այն կողմն էր վազվզում: Վերջինս ջրի առի բաց մուտքին մօտենալով՝ անունս բղաւել սկսեց: Դժաբութեամբ կարողացայ նրա կանչերին պատասխանել՝ այստեղ եմ, այստեղ եմ: Վերջապէս նրանք, ինձ առում գտնելով, դուրս բերին: Դուրս գալուց կատարելապէս սառած էի և դողում էի:

Կատարուեց հրաշքը: Ըստ երևոյթին, ծայր աստիճան սառած լինելու պարագան յանկարծակի վիճակափոխման ենթարկեց ինձ: Ջերմս կանգ առաւ, և այլևս չջերմեցի: Մի շաբաթից յետոյ կարողացայ մահամերձի անկողնիցս ցած իջնել և կամաց-կամաց շրջագայել: Հայրս, արցունքոտ աչքերով, ինձ հետևալը պատմեց.

– Այն օրը և այն ժամին, երբ առի ջրի մէջ ընկած էիր, ես եկեղեցու խորանի մօտ կախուած Աստուծամօր պատկերի տակ փռւած, լաց ու ողբով, անոր և մեր բոլորի ամենակարող և բարեգութ Տիրոջը կը խնդրէի, կաղաչէի և կը պաղատէի, որ քեզ խնայի ու քո երիտասարդ կեանքը քեզ ու ինձ բաշխի...: Ողորմած Տէրը չմերժեց ինձ և պաղատագին աղօթքս ու աղաչանքս լսեց: Փառք քեզ, Տէր, յաղագս ամենայնի փառք քեզ...:

– Այո՛, սիրելի՛ հայր, առանց քո ջերմեռանդ աղօթքի հաւանաբար այսօր ես ապրելու և շնչելու բախտից զրկւած լինէի: Չեմ կասկածում, որ Ամենակարողը նախ քեզ և ապա ինձ գթացել է:

Մահուան անողորմ ճանկերից իմ ազատումը արտակարգ հրաշք պէտք է համարել:

## ԴԷՊԻ ԹԵՀՐԱՆ

Ապաքինմանս շրջանը բաւական երկար տևեց: Սուլթանաբաղի եկեղեցատէր կանանցից երկուսը, գուցէ հօրս քահանայ լինելու պատիւն, իմ առողջութեան վերականգնման համար բոլոր հնարաւոր միջոցներն էի գործ դրին: Երեք շաբաթայ ուշադիր և սիրալիր հիւրընկալութիւնից յետոյ մենք պատրաստեցինք Թեհրան մեկնելու: Այդ ժամանակներում Պարսկաստանում ճամփորդութիւնները կատարում էին էշերով, ջորիներով, ձիերով և ֆուրգոններով: Թեհրան մեկնող ֆուրգոններից մէկում հօրս և ինձ համար երկու տեղի տոմսակ էր վերցւած:

Մեկնեցինք դէպի Թեհրան: Ֆուրգոնին չորս ձիեր էին լծւած: Կառապանը թարիզեցի թիւրք էր: Ճանապարհները շատ անկանոն և անհարթ էին: Ֆուրգոնի անվերջ ցնցումները մեզ խիստ անհանգստացնում էին: Չորս օրայ ճամփորդութիւնից յետոյ Ղում քաղաքի գծով հասանք Թեհրանի արարձան Հազրաթ Աբդու-Ազիմ: Այդտեղից Թեհրան ճանապարհին՝ անցկարագրելի ահ ու սարսափով հարիւրաւոր մեռելներ փոխադրող դագաղների հանդիպեցինք:

Ահ ու տակումի ենթարկւած՝ մտածում էինք՝ կոտորածների և արեան ճապաղից հրաշքով ազատւած, եկել հասել էինք մի անծանօթ քաղաք, որը ժանտախտի կամ խոլերայի ասպարէզ է դարձել: Ձղջում և ափսոսում էինք, որ Սուլթանաբաղից Թեհրան ենք եկել: Չափազանց անհանգիստ և վրդոյվւած՝ մենք մեզ հարցնում էինք. «Մի՞թէ Սուլթանաբաղի մեզ այնքան սիրալիր հիւրասիրող հայ համայնքը կարո՞ղ էր անտեղեակ լինել այս ահարկու խոլերայից: Ինչու՞ ուրեմն մեզ չնախազգուշացրին: Ինչու՞ թոյլ տւին, որ մենք՝ անչափ տանջւածներս ու մազապուրծ ազատւածներս, նորից գանք ընկնելու այս նորատիպ և սարսափելի դժոխքի մէջ»:

Մեր թուրք կառապանն էլ շատ էր զարմանում այս դասաւորութեան համար և չէր կարողանում այդ առթիւ որևէ բացատրութիւն տալ:

– Երկու շաբաթ առաջ, – սասց նա, – ես Թեհրան եկայ և անմիջապէս վերադարձայ: Այն ժամանակ այս բազմաթիւ մեռելների դագաղներին հանդիպելու դժբախտութիւնը չունեցայ:

Ի՞նչ կարող էինք անել: Արդէն եկել և հասել էինք: Մի՞թէ մեր ճակատագրից փախչելու հնարաւորութիւն ունէինք: Երկի մեր բախտն այսպէս է տնօրինւած եղել: Սրից, կրակից, թշնամու հալա-

ծանրից, նրա վայրագ հետապնդումից և կոտորածից փախչել, ազատել և գալ ու ընկնել ստոյգ և անխուսափելի մահուան երախը:

Սուրբանաբաղի եկեղեցական վարչության անդամներից մէկը իր բարեկամներից Թեհրանում ապրող մի բանակային ծառայողի հասցեով նամակ էր տւել մեզ: Մեր բախտից, երբ Թեհրան հասանք, ուշ երեկոյ էր արդէն, և քաղաքին մեր անծանօթ հանգամանքով հնարատրութիւն չունէինք նամակի հասցէատիրոջը գտնելու: Ստիպւած եղանք հարց ու փորձով գնալ եկեղեցի: Մեր ծուռ բախտի բերմամբ եկեղեցու քահանային ճարել չյաջողեցինք: Նա բացակայում էր: Դիպւածաբար եկեղեցու բալկոն հանդիպեցինք մէկ մարդու: Նրան մեր ինքնութիւնը յայտնեցինք: Մարդը, որ իրեն Սպահանի Չարմահալի շրջանից և Աբրահամ անունով ներ-

կայացրեց, շատ մեծ սիրալիրութեամբ մեզ հրաւիրեց այդ գիշեր իջևանել իր տունը, որ եկեղեցու մօտերքումն էր, և մինչև յաջորդ առաւօտեան իր հիւրը լինել:

– Մենք՝ չարմահալցիներս էլ, ժամանակին գաղթական ենք եղել: Դիշտ է, ձեզ նման չենք տանջուել և թշնամու սրից չենք փախել, բայց մենք էլ վատ օրեր շատ ենք տեսել: Մեր ազահ գիւղատէր-ահաբաբների ձեռքին տարիներով գերիի նման ենք եղել: Ամբողջ տարին շան նման վազվզել, ստրուկի նման անդադար ու չարքաշ աշխատել ենք, մշակութիւն, հողագործութիւն, էլ ինչ իմանամ, անասնապահութիւն և այգեգործութիւն ենք արել և վերջն էլ մերկ ու սոված ենք մնացել: Ստիպւած, գիւղը թողած՝ եկել ենք քաղաք՝ աշխատելու և մի կերպ ապրել կարողանալու համար:

## Մաս Գ

## ԹԵՀՐԱՆՈՒՄ ԵՒ ԹԵՀՐԱՆՑԻ

Հօրս հետ միասին 1918 թի վերջին օրերին, Թեհրան հասանք: Երբ ժամանակաորապես եկեղեցու բակում մեզ յատկացած սենեակում տեղաւորեցինք, մեզ պատմեցին, որ թեհրանաբնակ հայերը և նրանց հետ նաև պարսիկները առաջին մեծ պատերազմի ահռելի չարիքների հետևանքներից անմասն չեն մնացել: Թեհրանաբնակ հայերն էլ, թիրք բանակի ժամանումից սարսափահար, իրենց ունեցած տնային իրեղէնները՝ գորգեր, պղնձեղէն, անկողին, կահ-կարասի, և նոյնիսկ կենսամթերքը չնչին արժէքներով ծախել են հրեաներին և իրենց կինն ու երեխաները վերցրած՝ փախել են դէպի հիւսիս՝ Գիլան ու Մազանդարան: Նրանք էլ, ինչպէս մենք, իրենց յոյսն ու պաշտպանելու ակնկալութիւնը կապած են եղել Մեծ քեռուն: Նրանք ասել և միշտ կրկնել են.

– Օսմանցի թիրքերը չեն համարձակելու ռուս թաթին մօտենալու: Քեռին իր ծանր թաթերի հարւածներով նրանց փշուր-փշուր կանի և նրանց հօրն ու պապին կը լացեցնի:

Երբ անմիջական սպառնալիքը վերացած են հաշուել, թեհրանաբնակ հայերը նորից իրենց տուն ու օջախն են վերադարձել, բայց ափսոս, որ տարիների՝ իրենց քրտնաջան աշխատանքով հաւաքած և ունեցած թանկարժէք գորգերն ու տնային իրեղէնները, մանաւանդ կենսամթերքը՝ ալիւր, բրինձ, իւղ, պանիր և այլն, բոլորովին չնչին արժէքներով արդէն ծախած են եղել և ներկայի իրենց թափուր տներում սովամահութեան անխուսափելի վտանգին ենթարկել:

Անիծեալ պատերազմն ամբողջ երկրում և Թեհրանում սով, կատարեալ սով էր առաջացրել: Այդ ժամանակների կառավարութեան անփութութեան հետևանքով ցորենն ու բրինձը, իւղն ու պանիրը, կաթն ու կարագը և ընդհանրապէս բոլոր կենսամթերքները չարաշահութեան և մթերումների ենթարկած էին եղել: Հարուստները, իշխանաւորները, գիւղատէրերը բոլոր պարենապահեստները ենթարկել էին չարաշահութեան, և հարիւր հազարաւոր մարդկանց կենքի գնով այդ կենսամթերքի գները տասնապատկել և վերջում հարիւրապատկել էին: Երկրում և մանաւանդ Թեհրանում սովամահութեան ենթարկւածների թիւը տասնեակ հազարների էր հասել: Մեր՝ Թեհրան ժամանումին տեսած հա-

րիւրաւոր մեռնողները ո՛չ խոլերայի և ո՛չ էլ ժանտախտի, այլ սովամահութեան ենթարկւած զոհերն էին:

\*\*\*

1918 թին՝ այսինքն մեր Թեհրան ժամանման տարին, Թեհրանի հայ ազգաբնակչութիւնը թով շատ քիչ էր: Հազիւ 500 տուն կամ շուրջ 3000 շունչ հայերը ցրած էին այդ ժամանակւայ Թեհրանի կենտրոնական թաղերում: Ասենք, այդ օրերի Թեհրանի բնակչութեան թիւն էլ 250 հազարից չէր անցնում:

Ամենաուշագրաւ պարագան, որը հենց սկզբից իմ ուշադրութիւնը գրաւեց, երկրի գլխաւոր և հիմնական ժողովրդի՝ պարսիկ ազգի՝ հայ փոքրամասնութեան նկատմամբ ունեցած վեհանձն ու յարգալիք վերաբերմունքն էր: Հակառակ այն կոպիտ, անմարդավայել և ատելալատ վերաբերմունքին, որին մենք՝ հայերս, մի քանի դարերի ընթացքին մեր պապերի և նախապապերի հարազատ ժառանգութիւնը եղող հողամասերի վրայ ապրելիս ենթարկել էինք տաճիկ ժողովրդի կողմից, այստեղ՝ Պարսկաստանում և մանաւանդ Թեհրանում, ոչ միայն գոյութիւն չունէր, այլև նոյնիսկ դրա ամենափոքր նմոյշն ու նշոյլն էլ չկար:

Հետագային, երբ ես բախտ ունեցայ պարսիկ իսկական ժողովուրդը ներկայացնող անհատների հետ գործակցելու, վերոյիշեալ իրողութիւնն ինձ համար հիմնովին և բացայայտօրէն հաստատուեց: Ես բազմաթիւ առիթներ ունեցայ հիանալու պարսիկ ժողովրդի գովելի առաւելութիւնների և մանաւանդ նրանց հարազատ, աննախանձ և ազնիւ վերաբերմունքի վրայ: Պատիւ և յարգանք այդ հնամեայ, վեհանձն ու եղբայրական ժողովրդին:

Միանգամայն ուրախալի և սրտապնդիչ է մանաւանդ այն հանգամանքը, որ պարսիկ ժողովուրդը դարերի ընթացքում իր կողքին ապրող հայ փոքրամասնութեան նկատմամբ ունեցած սիրալիք և եղբայրական վերաբերմունքը, հակառակ եղած յաճախակի գրգռութիւնների, բոլորովին չի փոխւած և միշտ պահել է իր այդ աներեր վարքագիծն ու յարգալիք փոխյարաբերութիւնը: Մեր ազգային դրացիների վերաբերմամբ ի գործ դրւած ժամանակաւոր շեղումները թիրիմացութեան հետևանք էին, և

ն՞վ գիտէ, գուցէ ուրիշներն կողմից էին թելադրած: Բարեբախտաբար, այդ թիրիմացութիւնը շուտով և հիմնովին վերացեց:

\*\*\*

Ընթերցողի ներողամտութիւնն եմ խնդրում, եթէ ես ստիպւած եղայ մի փոքր շեղում կատարել յուշերիս նկարագրութիւնից և նախապատուութիւն տալ Պարսկաստանից ստացած ուժեղ տպատրութիւններիս:

Մեր՝ Թեհրան ժամանման առաջին գիշերը չարձահալցի Աբրահամը, իր համեստօրէն, բայց ամենաանհրաժեշտ յարմարութիւններով կահաւորւած տնում, մեզ հիւրասիրեց ընթրիքով և առաւօտեան նախաճաշով: Չեմ մոռացել մանաւանդ նրա՝ մեզ համար հայթայթած գիշերայ ընթրիքը, որ մեզ համար շատ հաճելի նորութիւն էր: Նա մեզ հիւրասիրեց պարսկական Լուլա-քեաքաք կոչւած համեղ խորովածով և իր տանը պատրաստած ընտիր գինով:

Միս օրը՝ կէսօրից առաջ, մենք ցանկութիւն յայտնեցինք եկեղեցի գնալ: Մասնաւորապէս հայրս շատ էր աճապարում եկեղեցի գնալու և նրան ծառայող քահանայի հետ ծանօթանալու համար, բայց մեր հիւրընկալը յամառօրէն մերժեց մեզ առանց ճաշելու բաց թողնել:

– Տէ՛ր հայր, երէկ երեկոյեան ձեզ յայտնեցի, որ մէկ օր իմ հիւրն էք լինելու: Օրը դեռ չի լրացել: Ճաշից յետոյ ես ինքս ձեզ կը տանեմ տէր Խորէն քահանայի մօտ: Նա մեր երկրացին է, այսինքն ոչ շատ հեռու հարևաններ ենք: Նա փերիացի է: Մի շատ ազնիւ և լաւ մարդ է: Լաւ ապրող, ուրախ մարդ է: Կարծես տէրտէրի ֆարաջան նրան մեղ է գալիս: Կուզենամ ասել, որ նա շատ իզուր քահանայ է դարձել: Ասենք, նա իսկի էլ դրա կարիքը չունի: Փերիայի շրջանի հայ գիւղացիները նրան ստիպմամբ քահանայ են դարձրել: Ախր այդ գործի ի՞նչ կարիքն ունի այդ մարդը: Իր գիւղում սեփական մեծ հողաբաժին և կալած ունի: Հարուստ մարդ է: Դժբախտաբար, երեխայ էլ չունի: Ինքն է ու իր կինը: Նորից կրկնում եմ, տէր Խորէնը շատ ազնիւ և աչքը կուշտ քահանայ է: Ուրիշների նման ծակաչք և ազահ չէ:

**ԿԵԱՆՔԻ ԻՐԱԿԱՆ ՊԱՅՔԱՐՈՒՄ**

Հօրս հետ Դարվազա-Ղազվին թաղամասի եկեղեցին գնալով՝ ծանօթացանք տէր Խորէն քահանայ Կիրակոսեանի հետ: Նրա մասին իմ կարծիքը համառօտելու համար պիտի յայտնեմ, որ կեանքումս հանդիպած ամենաազնիւ և ամենավեհանձն անձնատրութիւններից մէկն էր: Նա մեզ՝ հալածական և գաղթական հօրն ու որդուն, ընդունեց, պա-

հեց և պաշտպանեց այնպէս, ինչպէս պիտի ընդունէր և վերաբերէր իր հարազատ և սիրելի եղբօր և եղբորորդու հետ:

Եկեղեցական վարչութեան կողմից մեր ժամանակաւոր բնակութեան համար ժամկոչի երկու սենեակներից մէկն էր յատկացւած, բայց տէր Խորէնը կտրականապէս մերժեց մեզ իր սենեակից դուրս թողնել: Ամբողջ մէկ ամիս ես ու հայրս իր սեղանի անբաժան ընկերներն էինք, և եթէ այնպէս դասաւորուէր, որ դիպածաբար ճաշին կամ ընթրիքին մենք մի ուրիշի հիւրն էինք լինում, որը ինչքան յիշում եմ, երեք անգամից չանցաւ, շատ դժգոհ էր մնում: Մի խօսքով, տէր Խորէնը շատ բարեսացական և բարեսիրտ մարդ էր:

Բայց ես ենթարկել էի բարոյական մի ծանր ճնշման: Այդ ազնիւ հոգևորականի այդքան պարզ, անկեղծ և սիրալիք վերաբերմունքը տարօրինակօրէն անհանգստացնում էր ինձ: Մտածում և աշխատում էի, ինչքան հնարաւոր է շուտ ազատուել նրա առատաձեռն հիւրընկալութիւնից: Մտահոգում և մտատանջում էի նրա համար, որ իմ վիճակը ծպտած ձրիակեր մարդու էր նմանում:

Թեհրանի պայմաններին մի ամսւայ ընթացքում մի քիչ ծանօթացել էի: Ընդհանրապէս վերցրած անգործութիւն կար: Դժբախտութիւնը կայանում էր նրանում, որ երկրի լեզին՝ պարսկերէնին բոլորովին անծանօթ էի: Անգլերէն էլ չգիտէի: Ամենաանտանելին այն էր, որ ես օտարական էի և տիրող պայմաններին անծանօթ: Իմ և հօրս ունեցածը, իրար վրայ հաշւած, եօթը տաճկական ոսկի դրամ էր: Դա մի դրամագլուխ կազմել չէր կարող: Առևտրից էլ զաղափար չունէի: Ծառայութեան մտնելու համար լեզու չգիտէի: Հայոց՝ այդ ժամանակների միակ 6 դասեան դպրոցումն էլ ինձ նման անծանօթ գաղթականի համար ուսուցչական պաշտօն էլ գոյութիւն ունենալ չէր կարող: Արհեստ չգիտէի: Մշակութիւն էլ անել չէի կարող:

Այդպիսի անտանելի դրութեան էի ենթարկել, երբ մեր առաջին հիւրընկալը՝ չարձահալցի Աբրահամը, ինձ հետևեալն առաջարկեց.

– Սիրաք, մեզ և ձեզ նման գաղթականներիս համար Թեհրանում միայն մի գործ կայ: Դա էլ գինեգործութիւնն է: Խաղող առնելու իսկ և իսկ ժամանակն է: Եթէ մի քիչ դրամ ունենալու լինես և ցանկանաս, ինձ հետ կընկերանաս: Խաղող կառնենք, գինի կը պատրաստենք: Ես գինու համար անհրաժեշտ կարասներն ունեմ արդէն: Սա մի լաւ առիթ է քեզ համար գործ սկսելու: Չէ՞ որ քանիցս ինձ գանգատուել ես անգործութեանդ համար և անգործ մնալ չես սիրում:

– Պր. Աբրահամ, ես միջնակարգ կրթութիւն ունեմ: Եղել եմ ուսուցիչ կամ պաշտօնեայ: Թիֆլիզից հայրենիք վերադարձայ ժողովրդիս ծառայելու և հայրենակիցներիս օժանդակութեամբ հասարակական գործիչ դառնալու և ինձ համար մի դիրք ստեղ-

ծելու համար...: Այդ բոլորից յետոյ գամ գինեգործ դառնամ:

– Ախպէրս, ես քեզ չեմ ստիպում և պարտադրում: Այդ քո գիտնալիքն է: Քանի որ անգործ ես, մտածեցի քեզ օգնած լինել: Այդ քո ասած գործերից ախտեղ խաբարի (լուր) չկայ: Ինչու՞, եթէ փարթի ունենալիք և մանաւանդ անգլերէն իմանալիք, մի գուցէ Թեհրանի կամ ուրիշ քաղաքների անգլիական բանկի համար քեզ մի փոքր ռոճիկով ծառայութիւն տային: Է՛հ, բալամ, եթէ դուք բախտ ունենալիք, ինչի՞ համար ձեզ էն շէն ու բօլ վաճառից պիտի քշէին ու հեռացնէին: Ծառն իր արմատներով պիտի ու անասան է: Եթէ նրան իր արմատներից խլեն, կը չորանայ:

– Լաւ, պր. Աբրահամ, իրաւունք տուր մի երկու օր մտածեմ այս առթիւ և յետոյ որոշումս կը յայտնեմ:

– Խօսք չունեմ, միայն թէ շուտ պատասխանիր, որովհետև, եթէ դու չհամաձայնես, ստիպւած կը լինեմ մի ուրիշին գտնելու, քանի որ գործը սկսելու համար պէտք եղած դրամը չունեմ:

## ՍԱՐԷ ՂԱՔՐԱՂԱՅՈՒՄ

Վճռել էի եկեղեցու բակից հեռանալ և անգործ չմնալու համար մի գործ անել: Երկար, շատ երկար մտածելուց և ներքին ուժեղ պայքարից յետոյ որոշեցի Աբրահամի առաջարկն ընդունել: Պիտի յայտնեմ, որ այս որոշումից յետոյ իմ կեանքն ուժգնօրէն ակեղծող պայքարն սկսեց: Յառաջադիմելու, միջակ մարդու մակարդակից վեր բարձրանալու ցանկութիւնն ու ձգտումն իմ ներաշխարհում միշտ առկայծուն ու հուրհրացող վիճակումն է եղել: Կեանքի պայքարի անմար բոցերում ձգտել եմ վազվզել միշտ դէպի լաւը, դէպի յառաջադիմութիւն: Բայց այդ կեանքի տևական վազքի մէջ հանդիպել եմ շատ մեծ նեղութիւնների և անյաջողութիւնների:

Ինձ հետ գինեգործութեան և նրա վաճառման գործում ընկերացող Աբրահամը յայտնեց.

– Մօտ չորս տարի է, ինչ ապրում եմ Թեհրանում և այս քաղաքի համարեա բոլոր թաղամասերը ճանաչում եմ: Գործը պիտի սկսել մի տեղում, որտեղ գինի և օղի ծախող խանութ կամ տուն գոյութիւն չունենայ: Այդպիսի մի թաղամաս ճանաչում եմ: Եթէ մի երկու-երեք սենեականոց տուն այդ թաղամասում կարողանանք ճարել, մեր յաջողութիւնն անկասկած է: Այդ թաղամասը Սարէ Ղաքրաղա է կոչւում և ուտող-խմող մսագործների՝ ոչխար, կով, եզ մորթողների կենտրոնն է: Բայց ստիպւած եմ նախօրօք քեզ յայտնելու, որ այդ մսագործները կիսավայրենի, վտանգաւոր և արեան սովոր մարդիկ են: Շատ է պատահել, որ այդ թաղամասում մարդկանց դաշունահար անելով՝ սպանել են: Ես որպէսզի հենց սկզբից քեզ սուտ ասած չլինեմ, պիտի

յայտնեմ, որ ես ինքս վախենում եմ այդտեղ բնակելուց: Իմ կողմից քեզ օգնելու համար մի դռնալ և ուժեղ երիտասարդ կը տամ: Նրան կը պատուիրեմ, որ քո գործերին բոլորովին չխառնուի: Իրաւունքը, առևտուրը քո ձեռքում կը լինի: Այդ երիտասարդը, որի անունը Սիքայէլ է, քեզ մօտ կը լինի որպէս քո պահապանն ու պաշտպանը: Կարծեմ ամէն ինչ շատ պարզ և ճշմարիտ բացատրեցի: Հիմի հերթը քոնն է: Քո առաջարկն ասա՛:

– Շատ շնորհակալ եմ անկեղծութեանդ և ճշմարտախօսութեանդ համար,– պատասխանեցի Աբրահամին,– ինքս էլ արիւն տեսած մարդ եմ և դրանից եթէ վախենում եմ, բայց չեմ էլ սարսափում: Չնայած երիտասարդ՝ եկել եմ այն եզրակացութեան, որ մարդու ճակատագիրն է որոշում նրա կեանքի տևողութիւնն ու վախճանը: Ես մինչև հիմի երեք առիթով սպանւած պիտի լինէի, բայց տեսնում ես, որ դեռ ապրում եմ և քեզ հետ խօսակցում: Տարօրինակօրէն յամառ բնատրութիւն ունեմ: Մի անգամ որոշում տալուց յետոյ չեմ կարողանում յետ կանգնել և զղջալ: Այդ բնատրութիւնը չափազանց թանկ է նստում ինձ վրայ: Բայց ի՞նչ արած, մարդս անթերի լինել չի կարող: Ինչքան կարողացել եմ ինձ ճանաչել, եկել եմ այն եզրակացութեան, որ յամառ կամք ունենալու թերութեան տէր եմ: Այս անգամ էլ՝ քո բացատրութիւններից յետոյ, գուցէ յիմարութիւն կը լինի այդպիսի վտանգաւոր մարդկանց հետ գործ ունենալ, բայց կաշխատեմ շատ զգոյշ լինել:

Յաջորդ օրը Աբրահամի և Սիքայէլի հետ գնացինք Սարէ Ղաքրաղա կոչւած թաղամասը՝ մեր գործին յատկացելիք տունը տեսնելու: Այդ տան տեղը տեսնելուց յետոյ վախի մի սարսուռ զգացի, բայց այդ զգացումը դրսևորել չուզեցի: Թաղամասի կենտրոնում՝ լայն տարածութեան վրայ, փռւած էր մի ընդարձակ գերեզմանատուն: Ինձ ասացին, որ պարսիկների յայտնի կրօնապետներից մէկն էլ այդ գերեզմանատանից ոչ հեռու մզկիթումն է թաղած: Դրա համար էլ այդ տեղը կոչւում էր Սարէ Ղաքրաղա, այսինքն՝ աղայի (այստեղ կրօնապետի իմաստով) գերեզմանի վերևի մասը: Իրապէս մեր վարձելիք գործատեղը գերեզմանատան արևելահարաւային մասում և նրանից 300 քայլ հեռաւորութեան վրայ էր գտնուում:

\*\*\*

Մի շաբաթայ ընթացքում գործը կարգի դրեց: Ասեմք առանձնապէս մի դժարութիւն էլ չունէր նման հասարակ մի գործի կազմակերպութիւնը: Աբրահամը շիշերի մէջ լցւած, խցանւած և բերանը բանդողոված (պետական տուրքի թուրքը փակցրած) գինի և օղի էր բերում ինձ, և ես էլ ծախում էի:

Հէնց սկզբից աշխատեցի ինձ մի տեսակ մենաշնորհեալ դիրքում պահել: Գառան մորթուց պատ-

րաստուած փափախ էի դնում գլխիս և յաճախորդների հետ խօսում էի թիրքերէն: Ասե՛նք, եթէ ուզե՛նայի էլ, պարսկերէն խօսել չէի կարող:

Մսագործներից մեծ մասը թրքախօս էին: Հետզհետէ նրանց մի տեսակ յարգալից վերաբերմունք պարտադրեցի: Միքայէլը, որն իրեն Աբդուլահ էր վերանվանել, բոլոր յաճախորդներին իմացրել էր, որ ես պատերազմի դաշտից եկած ֆեղայի եմ: Յաճախորդներն ինձ կանչում էին ֆեղայի էֆենդի անունով:

Մի երկու ամիս անց արդէն իմ դիրքը ամրացրած և ապահոված էի, բայց Աբրահամի կողմից ինձ տրուած երիտասարդը փչացած և անպատկառ դուրս եկաւ: Նա ինձնից գաղտնի օղի էր խմում և առանց իմ թոյլտւութեան՝ գիշերները դուրս էր ընկնում: Նա ինձ մօտ եկած մսագործ յաճախորդների հետ անբարոյական տներն էր գնում: Մի քանի անգամ նրան բողբոջիմ հարբած վիճակում, կէս գիշերին և կէս գիշերից անց մեր տունը հասցրին: Այս պարագան ինձ համար թէ՛ վարկաբեկիչ և թէ՛ վտանգաւոր էր: Աբրահամին տեղեկացրի և պահանջեցի անմիջապէս հեռացնել նրան:

– Ներկայիս այդ լրբացած և այլասերած հարբեցողի օգնութեան կարիքը չունենմ, – ասացի Աբրահամին, – ըստ երևոյթին, նա իր գտած լլտի ընկերներից ձեռք քաշել չի կարող: Վռնդի՛ր նրան, մինչև մէկ ուրիշ յարմարը կը ճարենք:

Աբրահամը չկարողացաւ առարկել և ես այդ լրբացած օգնականի շարիքից միանգամայն ազատեցի:

Միաժամանակ մօտաւորապէս երկու ամիս ես բողբոջիմ մէն-մենակ մնացի Սարէ Գարբաղայի այդ խիստ վտանգաւոր և արկածալից թաղամասի իմ գործատեղում: Այդ միայնակութիւնն այդպէս շարունակել մեծ յիմարութիւն կը լինէր: Աբրահամին առաջարկեցի ինձ ուղարկել մի ուրիշ օգնական: Բաւական ուշացումից յետոյ վերջապէս մի ուրիշի՝ Դանիէլ անունով, ինձ մօտ ուղարկեց: Այս մարդը, բարեբախտաբար, հարբեցող չէր, բայց շատ թմրած և անճարակ էր: Իր արթուն վիճակումն էլ կարծես քնած լինէր:

Այսպէս շարունակեց մինչև մէկ տարի: Գործի շահից դժգոհելու իրաւունք չունէի: Ինձ ամենից շատ անհանգստացնող հանգամանքը իմ անօգնական լինելն էր: Դանիէլի գործակցութեան վրայ վստահութիւն չունէի: Չմայած մարմնեղ և յաղթանդամ, բայց ծոյլ և մանաւանդ վախկոտ էր: Որևէ լուրջ վտանգի պարագային համոզուած էի, որ ինձ օգտակար լինել չէր կարող, ուր մնաց պաշտպանէր:

Մի ուրիշ ջղայնացնող պարագայ էլ կար: Դա ինձ մօտից վռնուած Միքայէլի, որին իր ընկերները Աբդուլահ անունով էին մկրտել, շարիքն էր: Մեր թաղամասում կամ այլուր ճարած իր այլասերած բարեկամների հետ միասին ամիսը մէկ-երկու անգամ միշտ հարբած վիճակում մեզ մօտ էր գալիս և

ափեղփեղ յիմարութիւններ և երբեմն էլ սպառնալիքներ էր շռայլում: Գժբախտութիւնը կայանում էր նրանում, որ միշտ 4-5 հոգու ընկերակցութեամբ էր գալիս: Գայթակղութեան, աղմուկ-աղաղակի տեղիք չտալու համար մի կերպ նրան ընկերացողներին համոզում էի, որ այդ անամօթին հեռացնեն: Տեսնելով, որ այդ սկանդալն ու ձանձրոյթը վերջանալիք չունեն, այդ մասին տեղեկացրի թաղապետական ոստիկանատանը, որը, բարեբախտաբար, համաձայնեց նրան հետապնդել: Վերջին անգամ ոստիկանը, Աբդուլահ կոչուած իմ նախկին օգնականին գայթակղութեան յանցանքի մէջ բռնելով, ոստիկանատուն տարաւ: Նրանից յանձնառութիւն ստացան իր լրբութիւնները չկրկնել: Սպառնացին կրկնելու պարագային Թեհրանից աքսորել: Նրանից յետոյ Աբդուլահի շարիքն իր հետ միասին անհետացաւ:

\*\*\*

Երկրորդ տարին էր, ինչ խմիչքի վաճառման գործը շարունակում էի: Գործը բաւականաչափ շահաւետ էր, բայց գործի բնոյթից դժգոհ էի: Աբրահամից խնդրեցի մի ուրիշ, ատելի ձեռնհաս օգնական գտնել: Ի վիճակի չեղաւ: Ինձ յայտնեց, որ ես կարող եմ ցանկացածու գործատրին վարձել: Ազնութիւն ունեցաւ յայտնելու նաև, որ որովհետև ինքն անձամբ գործին մասնակցել և օգտակար լինել չի կարող, իր յօժար կամքով ինձ հետ գործի ընկեր լինելուց հրաժարում է:

Այդ պարտաճանաչ և ազնի մարդուն սրտագին շնորհակալութիւններս յայտնելուց յետոյ առաջարկեցի մի որոշուած փոխարժէքով, շարունակել գինու և օղու հայթայթումը: Համաձայնեց և անխարդախ շարունակեց առաջարկածու գործակցութիւնը:

Քիչ վերև յայտնեցի, որ գործի բնոյթից դժգոհ էի:

Դժգոհելու իրաւունք էլ ունէի: Ես ընկել էի Թեհրանի՝ այդ ժամանակների բարոյական տեսակետից ամենավատ թաղամասերից մէկը: Մարդիկ, որոնց հետ գործ ունենալու դժբախտութիւն ունէի, հասարակութեան ցած դասին էին պատկանում: Գրեթէ ամիսը մի անգամ գիշերով և երբեմն էլ ցերեկով մէկն ու մէկին դաշունահար անելով՝ սպանում էին: Այդ սպանութիւններից մեծ մասը կատարում էր անբարոյութեան հողի վրայ: Ապրածս տնից 100-200 քայլի վրայ լրբաբարոյ մի խումբ գործի վրայ էր: Բաւական էր, որ նրանց ճանկը մի գեղեցկատեսիլ որս ընկնէր: Արեան գնով նրանք վճռում էին բռնաբարութեան ենթարկել այդ դժբախտին, որն այսպէս թէ այնպէս, պատահաբար թէ խաբէբայական միջոցներով, նրանց զազանաբարոյ ճանկն էր ընկել: Վայ դիմադրող դժբախտին: Դաշունահար եղած, հնամեայ գերեզմանափոսերից մէկում արնաշաղախ ընկած կը լինէր:

Շատ հեշտ է հասկանալ, որ մնան պայմաններում ինձ համար հանգիստ խղճով և ապահով վիճակով ապրելը չափազանց դժար էր:

Վերոյիշեալ վայրագութիւնները հոգեկան վիճակիս վրայ շատ ծանր անդրադարձումներ էին քողնում:

### ԲԱՆՏԱՌՈՐ ԸՆԿԵՐԱԿՑՈՒԹԻՒՆ

Ահա մնան դժարին և անմխիթար պայմաններումն էր, որ բախտատուութիւն ունեցայ հանդիպելու բոլորովին անծանօթ և պատահական մէկին: Այդ մարդը մի երիտասարդ էր՝ Սամէլ Մարութեան, Բուրվարի շրջանի հայաբնակ գիւղերից, և մի տարի առաջ էր եկել: Նա Թեհրանում գործ ճարելու համար բաւական շատ էր թափառել: Մի քանի ամիս քեհրանաբնակ մի հարուստի մօտ տան ծառայութիւն էր արել, բայց արտակարգօրէն քմահաճ և գոռոզ տանտիրուհու վերաբերմունքը տանել չկարողանալով՝ թողել և հեռացել էր: Ատաղծագործութիւն սովորելու նպատակով արիեստի էր մտել, բայց ամիսներից յետոյ, վարձք ստանալ և իր գլուխը պահել չկարողանալով, այդ գործից էլ հրաժարել էր:

Երբ զբաղւած էր մի ուրիշ գործ գտնելու փնտրտուքով, դիպածաբար նրան յայտնել էին, որ ես աշխատատրի կարիք ունեմ: Ինձ մօտ գալով՝ շատ պարզ ու համեստ ոճով ասաց.

– Պարոն, ինձ ասել են, որ դուք գործատրի կարիք ունէք: Եթէ կամենաք, ես պատրաստ եմ ձեզ ծառայելու:

Մի քանի րոպէ ինձ ներկայացող և այդքան անսեթևեթ ոճով ինձնից գործ ուզող երիտասարդին ոտքից մինչև գլուխը քննութեան ենթարկելով, հարցրի.

– Ո՞րտեղացի ես և ո՞վ է քեզ ինձ մօտ ուղարկել:

– Մուլթանաբադի շրջանի Բուրվարի գաւառիցն եմ, ինձ ձեզ մօտ ուղարկողին գուցէ չճանաչէք, բայց ձեր գործի մասին այդ մարդուն տեղեկացնողը տէր Խորէն քահանան է եղել: Նա է յանձնարարել մի վստահելի աշխատատրի ձեզ մօտ ուղարկել:

Հէնց առաջին հանդիպումից Սամէլն ինձ վրայ լաւ տպատրութիւն քողեց: Նրան ասի.

– Շա՛տ լաւ, մնացէ՛ք: Մինչև մի քանի օր գործդ կը տեսնենք և յետոյ կը խօսենք պայմանների մասին:

Առաջին իսկ ամսում եկայ այն եզրակացութեան, որ դիպածաբար ինձ հանդիպած երիտասարդը շատ լաւ կողմեր ունի: Լուրջ, աշխատասէր և մանաւանդ խիստ վստահելի մարդ է: Հէնց առաջին օրերում նրան պատուիրել էի յաճախողների հետ սիրալիք վերաբերել, բայց նրանց կողմից ցուցաբերւած ամէն անկարգութեան նկատմամբ լինել միանգամայն խիստ ու կտրուկ:

Արքաս անունով մի մսագործ յաճախող ունէի: Ինձ ասել էին, որ լաւ գործ ու շահ ունի, բայց այլատեսրած, երես առած, ինքնահաւան և ամբարտաւան մէկն էր: Մի քանի անգամ նրա հետ փոքր մի-

ջադէպեր ունեցել էի, բայց, բարեբախտաբար, մի քիչ ակնածում, գուցէ և վախենում էր ինձնից: Մի անգամ, երբ նրա հետ վիճաբանութեան բռնեցի, չափազանց ջղայնացած բղատեցի.

– Արքա՛ս, քեզ կառավարել և զսպել աշխատի՛ր: Եթէ դաշունահարութեամբ ես պարծենում, ուրիշների մօտ պարծեցի՛ր: Ես պատերազմ և արիւն տեսած մարդ եմ: Քո դաշոյնի փոխարէն ատրճանակից արձակած գնդակը կը լինի: Այնպէս որ շատ զգո՛յշ եղիր և ինձ համար ցուցամոլութիւն մի՛ արա:

Իմ այս խիստ դիմագրաւումն ու սպառնալիքը նրան զգաստացրեց, կակղեցրեց և իր տասնեակ գործակիցների նման շողքոքոքելով՝ պատասխանեց.

– Իրաւունք ունես, էֆէնդի՛, ես միշտ քո ծառան եմ: Երբեք ցանկութիւն չունեմ քո վերաբերեալ համարձակութիւն գործել: Իրաւունք ունես, էֆէնդի՛, իրաւունք ունես: Եթէ համարձակութիւն եմ արել, ների՛ր: Ես քո ծառայութեանը միշտ պատրաստ եմ:

Ուժն և ուժի սպառնալիքը քաղաքական կեանքում մեծ և զօրաւոր պետութիւնների կողմից իրենց ազդեցութիւնը կատարում են: Մարդկանց անհատական կեանքում և նրանց փոխյարաբերութիւններումն էլ իրենց անժխտելի դեր են ունենում:

Սամէլի աշխատանքի անցնելու սկզբնական շրջանին հէնց այս միևնոյն Արքասը, որը, նեղն ընկնելով, սկսել էր ինձ շողքոքոքել, մի օր կէսօրից յետոյ, երբ ես հօրս այցելելու համար բացակայել էի, հարբել և Սամէլին հայիոյել էր: Վերադարձիս Սամէլն ինձ կատարած դէպքը բոլոր մանրամասնութիւններով պատմեց:

– Գիտե՞ս, սիրելի՛ս,– ասացի Սամէլին,– Արքասի մնան մարդկանց, եթէ ուզենանք երես տալ, գլխներիս պիտի բազմեն և մեզ իրենց գերին դարձնեն: Լաւ է մի անգամից նրան շատ լաւ դաս տանք:

– Իսկ ի՞նչ խորհուրդ ես տալիս,– հարցրեց Սամէլը:

– Ահա թէ ինչ. նա սովորաբար, ամէն օր՝ գործից յետոյ, անմիջապէս այստեղ է վազում մի երկու-երեք բաժակ զահրումար անելու համար: Թող նրան ինչքան ուզում է, լկի: Նրա այստեղ գալուն՝ ես անմիջապէս միւս սենեակը կանցնեմ, որ նա իմ տանը լինելու մասին չիմանայ: Երբ նա կսկսի խմել, առանց նրա ուշադրութիւնը գրաւելու, կը գնաս և փողոցի դուռը կողպէքով կը փակես: Նա հաւանաբար նորից կսկսի իր ավեղցփեղ հայիոյանքը: Առանց այլ և այլի և առանց հնարատրութիւն տալու, որ նա կարողանայ իրեն պաշտպանել, մի քանի ուժեղ ապտակ նրա երեսին կիջեցնես և հրելով գետին կը գլորես և նրա դաշոյնը կը խլես: Ապա կարգին, զորս դու պատուիրեցեր, նրան կը ծեծես և մի քանի քացի էլ ուտերին կը տաս: Միայն աշխատի՛ր ոչ մի տեղից նրան չարիւնոտես: Յետոյ կսպառնաս և կասես.

–Եթէ չես ցանկանայ շանսատակ լինել, վե՛ր կաց և այս տնից անհետացի՛ր:

Հանդուած եմ, որ նրա գոռոզութիւնը նրան թոյլ չի տալու այդ մասին ուրիշին յայտնելու, քանի որ

դա նրա համար մեծ խայտառակություն և անանարկություն կը լինի:

Ես ուշադրութեամբ կատարած դէպքին կը հետևեմ, և եթէ կարիք լինի, կը միջամտեմ: Անհոգ կաց, և մանաւանդ մի՛ վախեցիր: Երբ փառաւոր ծեծ կերցրնելուց յետոյ նրան փողոց կը նետես, իրեն կասես.

– Ձգո՛յշ կաց, որ մի ուրիշ անգամ չհայհոյես, այլապէս այս անգամ քեզ միւս աշխարհը կուղարկեմ:

Յաջողօր օրը գոռոզ և ինքնավատահ Աբբասը Սարէ Ղաբրաղայի ստահակների այդ գլխաւորը, իր չերագած փառաւոր դասն առած, իր խնորհաման կակղած թիկունքովն ու մէջքովը և հագիւսագ քաշէքաշ քայլելով, խայտառակելու վախից սրմքած, սուս ու փուս մեր տնից դուրս կորաւ:

Սամելն իրեն յանձնարարած պարտականութիւնն անթերի և անվախ կատարել էր: Նրան շնորհաւորեցի իր ճարտակութեան և քաջութեան համար և ասացի.

– Սամել, քեզնից շնորհակալ եմ: Այդ սրիկային տաւոր դասը գովեստի է արժանի: Կատարելապէս վստահ եմ, որ սրանից յետոյ նա այլևս չի համարձակուի հայհոյելու: Նա իր շահած «ողջադրութեան և հերոսութեան» համբաւը չկորցնելու մտավախութեամբ չի ցանկանայ իր ընկերներին տեղեկացնել իր անուշ արած ծեծի մասին և սրանից յետոյ ձեռք կը վերցնի իր սրիկայութիւնից:

Ենթադրութիւնս բոլորովին ճիշտ դուրս եկաւ: Աբբասն ամիսներով անհետացել էր: Ամիսների այդ բացակայութիւնից յետոյ, երբ նորից մեզ մօտ եկաւ, աղոսկացով երդեց, որ մեր անխարդախ և նկիրած բարեկամը կը լինի: Նա իրապէս իր վերաբերմունքը միանգամայն փոխեց, և ինչպէս երդւել էր, աշխատում էր ամէն առթիւ իրեն բարեկամ ցոյց տալ:

Սամելի գործակցութիւնից շատ գոհ էի: Նրա՝ ինձ մօտ գալուց երեք ամիս յետոյ վճռեցի մէկուկէս տարւայ ընթացքում կեանքիս վտանգման գնով շահածս գումարով, որը 800 թումանից աւելի չէր, Սարէ Ղաբրաղայի այդ վտանգաւոր շրջանից մի քիչ հեռու մի փոքրիկ տուն առնել: Որոշումս կատարեցի:

Առածս տունը Սարէ Ղաբրաղայի արկածալից կենտրոնից 500 քայլ հեռու էր և համեմատաբար ապահով փողոցում էր գտնուում: Ունեցածս 800 թումանը տունն ինձ ծախող մարդուն վճարելուց յետոյ երկու տարւայ ընթացքում վճարելու պայմանով 600 թուման էլ պարտական մնացի: Չմոռանամ յիշեցնելու, որ 1920 թի մէկ թումաննոց դրամը ներկայի 20 թումանի հասարարող արժէքն ունէր:

### ԱՍՏԻՃԱՆԱԿԱՆ ՄԵԿՈՒՄԱՅՈՒՄ ԵՒ ՎԵՐԱԶԱՐԹՆՈՂ ԶԳՏՈՒՄՆԵՐ

Հօրս ու իմ՝ Թեհրան ժամանելուց երկու տարի անցել էր, իսկ Սամելի՝ ինձ հետ գործակցելու եօթերորդ ամիսն էր լրանում: Այդ համեմատաբար

կարճ ժամանակամիջոցում կարողացայ ամէն կերպ ինձ հետ գործակցողին փորձել: Տեսայ և և համոզուեցի, որ այդ երիտասարդը գործի մարդ և մանաւանդ վստահելի է: Հետզհետէ ջանացի իմ երկու տարի առաջ ստիպողաբար ձեռնարկած գործից ինձ մեկուսացնել և գինեգործական ասպարէզը, այդ գործին վերաբերող հայթայթումները, գնումներն ու վաճառքը աստիճանաբար Սամելին յանձնել:

Այդ ժամանակներում եղած պայմաններում և մեր ունեցած միջավայրում, օղեվաճառութիւնը համարում էի ինձ չսագող և անհամապատասխան մի գործ: Մտածում և աշխատում էի մի կերպ ազատել այդ զբաղմունքից:

1920 թի օգոստոսի վերջին օրերն էին: Թեհրանի տարրական և միջնակարգ դպրոցների վերաբացման սեզոնն էր: Վանի վերջին նահանջի հետևանքով իմ ամբողջ յոյսերի ու ձգտումների խորտակման ընթացքում հայրենիքումս թողել էի ամէն ինչ և, այդ ամէն ինչի հետ միասին, Երամեան դրպրոցի իմ աւարտական և ուսուցչական փաստաթղթերը: Թեհրանում՝ ինձ համար այդ նոր միջավայրում, ես մի անյայտ, խեղճ ու ողորմելի գաղթական էի: Այդ անյայտ փոքրութիւնն ինձ ներում և չափազանց անհանգստացնում էր: Մտածում էի յաճախ և ինքնամփոփ, որ դեռ շատ երիտասարդ եմ: Պէտք է, անպատճառ անհրաժէշտ է մի կերպ յառաջադիմութեան ասպարէզը նետել:

1920 թին Թեհրանում մատի վրայ համարող մի քանի միջնակարգ դպրոցներ կային: Ամենից աւելի յայտնի էր պարսկական Դար-օլ-Ֆօնուն-գիտութեանց դպրոցը: Շատ կը ցանկանայի այս դպրոցը մտնելով և ուսումս շարունակելով՝ այդ դպրոցի աւարտական վկայականը ձեռք բերել: Դժբախտաբար, պարսկերէն չգիտէի: Երկու տարւայ մշտատև ջղային վիճակն ու սկսածս յարատագնապ գործն ինձ բոլորովին հնարաւորութիւն չէին տւել պարսկերէն լեզուն սովորելու:

Դար-օլ-Ֆօնունից յետոյ գալիս էին Ամերիկեան քօլէջն ու ֆրանսիական Ալիանս-ֆրանսէզ դպրոցը: Ամերիկեան այդ քօլէջին հետևելու հնարաւորութիւն էլ չունէի, քանի որ անգլերէն չգիտէի: Մնում էր միայն ֆրանսիական «Ալիանս-ֆրանսէզ»-ը:

Որոշեցի վերջին դպրոցի դասընթացքներին հետևել: Արձանագրեցի և արդէն գիտցածներս նորից սովորել սկսեցի: Դասաւանդութիւնը մեծ մասամբ ֆրանսերէն լեզուով էր կատարւում. երկու տարում դպրոցի ամենավերջին 4 դասարաններն էլ աւարտեցի: Այդ ժամանակներում ֆրանսիական այդ դպրոցում որևէ ընդունակ աշակերտ իրաւունք ունէր տարւայ ընթացքում 2-3 քննութիւնների մասնակցելու և աւելի բարձր դասարան փոխադրելու:

1922 թի մայիսի վերջերին պաշտօնական աւարտական քննութեան ենթարկուեցի: Կրթական նախարարութեան և Թեհրանի ֆրանսիական դես-



պանատան ներկայացուցիչներն էլ մասնակցում էին քննիչ յանձնաժողովին: 100-ի չափ պարսիկներ և 70 հրեաներ քննութեան էին ենթարկել: Այդ բոլորի մէջ քննութեան մասնակցող միակ հայն ես էի: Մեզ տրամ միտքի շուրջ քննիչ յանձնաժողովի ներկայութեամբ 45 թուրք տնտեսութեամբ ֆրանսերէնով գրած շարադրութեանս համար 19 և կէս թւանշան ստանալով՝ քննութեան մասնակցողների մէջ առաջինը եղայ:

Ֆրանսիական դեսպանատունը մի գրութեամբ և մի նւեր գրքով ինձ գնահատեց. նոյն թիւ ամառային արձակուրդից յետոյ Ալիանս-ֆրանսէզ դպրոցի տեսուչ Սիլվէսթրի կողմից նոյն դպրոցում դասաւանդող ուսուցիչ նշանակեցի: Յառաջադիմութեան ճանապարհին ինձ նման անյայտ և փախստական մի գաղթականի համար այդ պարագան շատ մեծ և ոգևորիչ յաղթանակ էր:

### ՈՒՍՈՒՑԻՉ ՖՐԱՆՍԻԱԿԱՆ ԴՊՐՈՑՈՒՄ

Այսպէս, ուրեմն ինձ վիճակեց նորից ուսուցիչ դառնալ: Վանի Երամեան դպրոցի ուսուցիչը մօտ վեց ու կէս տարի յետոյ Թեհրանի ֆրանսիական Ալիանս-ֆրանսէզ դպրոցի ուսուցիչ էր կարգում: Մարդկային կեանքի դասաւորութիւնները շատ տարօրինակ են: Բայց իրենց տնից ու տեղից և հայրենի ազիզ հողից զրկւած և հեռու հորիզոններ շարտած տաճկահայերի և մանաւանդ վանեցի ու վասպուրականցի հայերի կեանքի պայմանների փոփոխութիւնը շատ աւելի զարմանալի է:

Ինչ խօսք, որ հայ ժողովուրդը, չնայած իր բազմադարեան գոյութեանը, դեռ շարունակում է կենսունակ, ստեղծագործ, շինարար և ուժական մնալ: Տաճկահայերի և վասպուրականցիների մէջ խամրուող, անհետանալու սեմին հասած կեանքի՝ վերածնութեան ենթարկելու ընդունակութիւնը և ուժականութիւնը զարմանալիօրէն բացառիկ է:

Մեր ազգային գոյութիւնն արիւնալից խողխողումների ու ջարդերի մէջ խեղդել ցանկացող ողորմելի տաճիկներն ու նրանցից շատ էլ չզանազանող ամէն տեսակի մեր թշնամիները հաւատացած էին, որ մեր հայ ժողովրդի թրքահայ հատուծի դամբանականը կարդացել և նրան իր բոլոր ընդունակութիւններով և ստեղծագործող իմաստութեամբ թաղել են: Բայց նրանք չարաչար սխալել էին:

Նրանք իրենց մարդասպան քաղաքականութեամբ պատճառ դարձան ամբողջ աշխարհի երկրամասերում ցրելու, սփռելու և տարածելու հայ մարդու հանճարի, ստեղծագործութեան կրակը, որն սկսեց աւելի թէժ և աւելի լուսավոր բոցեր արձակել: Փա՞ստ էք ուզում, համեցէք: Արիւնաթաթախ, հոգեվարքի ենթարկւած այդ տաճկահայ ժողովուրդը ներկայիս իր աշխատունակութեան վերաշինութեան և հանճարի անմար կրակը բոցավա-

ռում է Միջին Արևելքի, Եւրոպայի, Հարավային և Հիւսիսային Ամերիկաների և վերջապէս Արևելքի երկրներում:

Մի՞թէ այս բոլորը հայ ժողովրդի շառաչուն սպասակը չէ՞...

\*\*\*

Այո՛, ուսուցիչ էի դարձել և դպրոցի 3-րդ բաժանմունքում դասաւանդում էի: Չնայած այն հանգամանքին, որ երկու տարուց մի քիչ էլ աւելի Թեհրանումն էի ապրում, բայց դեռ հնարաւորութիւն չէի ունեցել պարսկերէն սովորելու: Ժամանակ և մանաւանդ հանգիստ վիճակ չէի ունեցել այդ լեզուն սովորելու: Իմ դասարանի աշակերտների լեզուի դասաւանդութիւնները ֆրանսերէնով էին, բայց յաճախ անհրաժեշտ էր նրանց իրենց մայրենի լեզուով բացատրել և հասկացնել: Երբեմն մատնում էի անել վիճակի: Շատ յաճախ իրենք աշակերտներն ինձ օգնութեան էին հասնում և ճարում համապատասխան թարգմանելի բառը: «Այսպէս շարունակել չի կարելի»,– մտածեցի և վճռեցի իմ հերթին, ինչքան հնարաւոր է շուտ, պարսկերէն լեզուն սովորել: Իմ դասարանում երկու ընդունակ աշակերտ ունէի, որոնցից մէկը պարսիկ էր, միւսը՝ հրեայ: Նրանց առաջարկեցի դպրոցի պարապմունքներից յետոյ հերթով և օրընդմէջ ինձ պարսկերէն սովորեցնել: Միայնիւրութեամբ ընդունեցին: Մէկ օր առաջ հետևեալ օրւան դասերը համառօտելով՝ դժար բառերն ու բացատրութիւնները գրում և իմ հերթին դասաւանդութեան համար նախապատրաստում էի: Ենթադրութիւնիցս աւելի արդիւնք էի ձեռք բերում:

Երեք ամսից յետոյ իմ բառապաշարը բաւականաչափ հարստացել էր: Տանը ժամերով պարապում էի: Շատ ուրախ էի, որ զգալի յառաջադիմութիւն եմ կատարում:

Վանում թիրքերէն լեզուն սովորելիս մեր ուսուցիչը բացատրել էր մեզ, որ թէ՛ թիրք և թէ՛ պարսիկ լեզուների բառապաշարի մեծ տոկոսն արաբերէնից է վերցւած: Այս պարագան ինձ համար պարզում և հաստատում էր:

Հետևաբար պարսկերէն սովորելու և մանաւանդ անթերի արտասանելու համար անհրաժեշտ էր քերականութեան ծանօթանալ, իսկ քերականութեան հիմքը արաբական արմատների ձևակերպման մէջ էր կայանում: Մեր դպրոցի վերակացու-հսկիչը Շէյխ Աբբաս անունով և արաբական ու պարսիկ ծագում ունեցող մի մարդ էր: Նա մասնաւոր վճարումով համաձայնեց շաբաթական երեք դաս քերականութիւն և արաբական լեզուի ամենամանրաժեշտ և ամենատարրական մասերն ինձ սովորեցնել:

Տեսականօրէն և յամառութեամբ պարապում էի: Վեց ամսից յետոյ զգալի յառաջադիմութիւն ունէի: Շէյխ Աբբասը, որը մասշիղի մի խուցում էր ապրում և սովորելու համար ստիպւած էի նրա կիսալոյս

խուցն այցելել, գովում էր ջանասիրութիւնս և միշտ բարիք-ալլահ (կեցցես) էր ասում: Այդ ջատագովումն ես շողորթութեան էի վերագրում:

Գպրոցական տարեվերջին ի վիճակի էի բաւական հեշտութեամբ ամենօրեայ գործածութեան համար անհրաժեշտ հանդիսացող բառերը գրել և գրեթէ անթերի արտասանել: Պարսկերէն լեզուի հետ ծանօթ եղողները գիտեն, որ այդ լեզուի բառերը գրելիս արտասանելիս նման չեն: Տառերը գրած բառերի հարազատ և ուղղակի հնչիւնն արտայայտելու կատարելութիւնը չունեն:

Նման դժարութիւնները հարթելու համար անհրաժեշտ է նախ՝ աչքի վարժութիւնը և ապա արաբական «Ուազն» կոչուող ձևերի-ֆորմուլների ծանօթութիւնը: Արաբական լեզուի քերականութեան այդ ձևերի ծանօթութիւնը շատ է օգնում բառերի ուղիղ գրութեանն ու նրանց արտասանութեանը:

Պարսկերէն լեզուի սկզբնական ծանօթութիւնն ինձ օգնեց անելի մտերմանալու աշակերտութեան հետ և հետևաբար ուժեղացնելու նրանց վրայ իմ կողմից գործադրելիք բարոյական ազդեցութիւնը: Անժխտելի իրողութիւն է այն պարագան, որ մարդկանց հետ մտերմութեան առաջին միջոցն ու պայմանը նրանց հետ իրենց մայրենի լեզուով խօսակցելն է:

### ՈՒՍՈՒՑԻՉ ԵՒ ԲԱՀԱՆԱՅ

1922 թի յունիսի սկզբին՝ Ալիանս-ֆրանսեզ դպրոցի տարեվերջի քննութիւններից յետոյ, ինձ յաջողեց մի լիաթոք և հոգեպարար շունչ քաշել: Ամառային արձակուրդն սկսել էր: Մի տարի Թեհրանի ֆրանսիական դպրոցում պաշտօնավարել էի: Այդ պաշտօնավարութիւնն ինձ համար իմ պայմաններում մի տեսակ պարծանք էր թում: Այո՛, ես՝ մի գաղթական հայ երիտասարդ, ինձ բոլորովին օտար և անծանօթ մի երկրի մայրաքաղաքն էի ապաստանել և հազիւ երկու տարի բոլորած՝ այդ մայրաքաղաքի առաջնակարգ դպրոցներից մէկում յաջողել էի ուսուցչական պաշտօնի անցնել: Ինքնասիրութեան և հոգեկան բաւականութեան մի զգացում սիրտս ուռեցնում էր, պիտի խոստովանեմ, սակայն, իմ այդ ինքնասիրութիւնը շոյող պաշտօնը մի ամբողջ տարւայ ընթացքում ինձ ճիգ ու ջանքերի մշտական լարման վիճակում պահեց: Թէև դպրոցից ստացած ռոճիկս այնքան էլ բաւարար չէր, բայց այդ հանգամանքը շատ էլ ինձ չէր հետաքրքրում: Ինձ ոգևորող և ոգեշնչող պարագան գործիս բարոյական նշանակութիւնն էր:

Թեհրան հասնելուց յետոյ ինձնով շատ քչերն էին հետաքրքրել: Ասենք, Թեհրանի հայերը ո՛չ առիթ և ո՛չ էլ կարիքն ունէին ինձնով հետաքրքրելու: Միևնոյն պարագան էլ ինձ համար էր: Ես էլ ո՛չ առիթ և ո՛չ էլ կարիքն ունէի նրանցով հետաքրքրելու: Ճշմարտութիւնը խոստովանելու համար պիտի

յայտնեմ, որ նոյնիսկ խուսափում էի ծանօթութիւններ ստեղծելուց: Ուրիշ խօսքով, նազագոյն ցանկութիւն չունէի, որ թեհրանցի հայերն ինձ որպէս մի գինեգործ ճանաչեն: Գուցէ տրամաբանում էի, որ հօրս դիրքի ու պաշտօնի համար մի գինեգործական զբաղմունքն աննպաստ և անյարիր է:

Տարօրինակ զուգադիպութեամբ իմ ուսուցչական պաշտօնին անցնելուց երկու ամիս յետոյ հայրս Թեհրանի թեմի, այսինքն՝ այն ժամանակւայ մայր եկեղեցու՝ Դարվազա-Ղազվիհի եկեղեցու քահանայ նշանակուեց:

Ազնահոգի տէր Խորէն Կիրակոսեան քահանան ամբողջ երկու տարի հօրս քահանայագործութեան համար ոգի ի բռին աշխատել էր: Նրա միջոցով հօրս յաջողել էր Թեհրանի ընտրանի հասարակութեան և հասարակական մարմինների հետ լայն ծանօթութիւններ ձեռք բերել: Վերջին անգամ տէր Խորէնը հօրս ասել էր.

– Տէ՛ր Յարութիւն, չափազանց ուրախ եմ, որ իմ պաշտօնավայրը յանձնում են քեզ նման մի պատրաստած և ազնիւ քահանայի: Դու միանգամայն արժանի ես ինձ փոխարինելու: Իմ պաշտօնավարութեան չորս տարին արդէն լրացել է: Փերիայի մեր գաւառում բազմաթիւ ազգականներ և ընտանիք ունեն: Բացի այդ, մեր սեփական կալածները, այգիները և տնտեսութիւնն իմ ներկայութեան կարիքն ունեն:

– Անչափ և անսահման երախտապարտ եմ քեզ, տէ՛ր Խորէն հայր,– պատասխանել էր հայրս,– առանց քո անխնայ աջակցութեան և եղբայրական զիջումների՝ ինձ անհնար էր այսպիսի լայն ծանօթութեան և համակրութեան արժանանալու: Իմ սրտագին շնորհակալութիւնն արտայայտելու համար բառեր չեմ գտներ: Մինչև մահս քու բարի և ազնիւ վերաբերմունքը մոռնալ չպիտի կարողանամ: Ափսոս, որ ոչ մի կերպ փոխարինելու ի վիճակի չեմ:

Թեհրանն այդ ժամանակ միայն երկու եկեղեցի ունէր: Կենտրոնական եկեղեցին Դարվազա-Ղազվիհի եկեղեցին էր: Թեհրանի Եկեղեցական վարչութեան հաւանութեամբ և Սպահանի թեմի վարեցմամբ՝ հայրս այդ եկեղեցու քահանայութեան պաշտօնին նշանակուեց: Տարիների ընթացքին նա իր այդ պաշտօնին մնաց: Իր մահից երեք տարի առաջ Սպահանի թեմի առաջարկութեամբ Էջմիածնի Մայր Աթոռի կողմից մասնատր կոնդակով, աւագ քահանայութեան պատուին էլ արժանացաւ: Ամէն տօնական օրերին ջերմեռանդ պատարագելուց յետոյ հայրս յաւուր պատշաճի քարոզում էր նաև: Նա եկեղեցասէր համայնքի կողմից մեծ յարգանք էր վայելում:

### ԱԼԻՄՆ ՈՒ ԵՍ

1917-ին՝ Վան վերադառնալուց մի քանի ամիս յետոյ, Ալիսից նամակ էի ստացել և աճապարանօր

պատասխանել էի նրան: Դժբախտաբար, նամակիս պատասխանը չէի ստացել: Անուշի դժբախտ կորուստը իմ հոգեկան ապրումներին չափազանց ուժեղ և անդարմանելի հարած էր հասցրել: Այդ անգութ հարածի վերքն անբուժելի էր մնացել: Հակառակ իմ ֆիզիկական անվերջ տառապանքների պատճառով յոգնածութեան՝ նրա անմեղ և օգնութիւն աղաչող կերպարանքը ուղեղիս բջիջներում խրած մնացել էր: Չուր էի աշխատում մոռացութեան մատնել այդ հրեշտականման անմեղութիւնը պատկերացնող դէմքը: Իզո՛ւր և իզո՛ւր...

Ինձ սարսափահար էր անում այն միտքը, որ սրտումս բացած անբուժելի վերքի կողքին կարող է մի ուրիշ կրծող և մաշող վերք էլ բացւել: Դա Ալիսի պատճառով շատ հաւանական վերքն էր: Այդ երկրորդ հարածից խուսափելու համար ի՞նչ պիտի անէի:

Չգիտեմ ինչու՞, ենթադրում էի, որ այդ երկրորդ հարածի ուժգնութիւնն առաջինից ւաւելի թեթև պիտի լինի: Ինձ մխիթարում էի այն բացատրութեամբ, որ Ալիսի հետ կատարած բաժանման անմիջական պատասխանատուն ես չեմ:

Հայրենաբաղձութեան կարօտն ու հայրենիքիս վերաշինման մասնակցութեան ցանկութիւնը, ինչպէս բազմաթիւ հայրենակիցների, այնպէս էլ ինձ համար անմերժելի և անխուսափելի մի պարտականութիւն է: Եթէ ես այդ նւիրական պարտականութեան կատարման համար ինձ կրակի մէջ եմ նետել, գիտակցութեամբ և նախամտածում չեմ արել և մեղք չեմ գործել:

Ալիսի անխառն սերը մերժելու և նրա՝ այդ նւիրական զգացումը ոտնակոխ անելու նպատակով չէ, որ վերադարձել էի հայրենիքս: Հանգստաւէտութիւն, դիրք և դրա հետ միասին Ալիսին զոհել էի հայրենիքիս վերաշինման գործին չնչին մասնակցութիւն բերելու ազնիւ ձգտումին:

Դպրոցական արձակուրդից մի շաբաթ յետոյ, երբ մի տարւայ լարւած աշխատանքի յոգնածութիւնը մի քիչ մեղմացել էր, անդրադարձայ մի քաղցր պարտականութեան կատարման անհրաժեշտութեան վրայ: Տարիներից յետոյ նորից մի նամակ գրել Ալիսին: Թէև այդ նամակը իր հասցէատիրոջն հասնելու հաւանականութիւնը շատ քիչ էր թում, բայց ինքս ինձ ներշնչում և ոգևորում էի այդ շատ քիչ հաւանականութեան քաղցրութեամբ: Ահա այդ նամակի բովանդակութիւնը.

«Իմ անգին Ալիս,

Ամբողջ չորս տարիներ են անցնում այն օրերից, երբ քո անման սրտի թելադրանքներով գրած նամակդ ստանալուց յետոյ, իբր պատասխան, ես էլ մի նամակ քեզ գրեցի: Այդ նամակը գրել էի չորս տարի առաջ իմ սրանչազեղ հայրենիք Վան Այգեստանից: Այս նամակը գրում եմ մեր հայրենիքի բարեացակամ հարևան երկրի մայրաքաղաք Թեհրանից: Այս երկու քաղաքներն իրարմէ բաւական շատ հեռու են:

Այս երկու քաղաքներում մեր ապրած պայմաններն ու միջավայրն էլ բաւական շատ տարբեր են: Բայց չորս տարիներ առաջ Այգեստանից գրած նախկին և ներկայիս այստեղ գրող երկու նամակներն էլ ըստ էութեան միևնոյն բովանդակութիւնն ունեն:

Ինչպէս թանկագին մետաղն ու քարը, իսկական և բիրտղանման սերն էլ չի կարող աղաւաղել ու ժանգոտել: Մեր երկուսիս շուրջ մի տարւայ ծանօթութիւնն ու շփումը մագնիսական և անդիմադրելի ձգողութեամբ մեր սրտերն իրար էր միացրել: Մենք իրար հետ կապել էինք մի այնպիսի բացառիկ սիրով, որը բիրտղանման և աղամանդափայլ էր, և որը մեր սրտերը եղեմական զմայլելի բոյրով էր լցրել:

Սակայն, ինչպէս միշտ, մարդ անհատը չի կարող իր ցանկութեան համաձայն իր բախտի ու ճակատագրի դասաորութիւնը տնօրինել, մենք էլ ուրիշ շատերի նման չկարողացանք մեր բախտը մեր ցանկութեան համաձայն հիմնաւորել:

Համոզւած եմ, որ այս վերջին կէտին համաձայն չես և անմիջապէս պիտի առարկես: Գուցէ և հաւանաբար ինձ էլ պիտի մեղադրես մեր միասնական բախտաորութիւնը խանգարած լինելուս համար:

Բայց նորից ստիպւած եմ կրկնելու՝ այդ բախտաորութեան խանգարման մեղաւորը ես չեմ եղել: Մեր բաժանումը, այսինքն՝ Թիֆլիսից իմ մեկնումը մի տեսակ պարտադրական բնոյթ ունէր: Միանգամայն համոզւած էի, որ Թիֆլիսն ինձ համար օտար և անհարազատ է և այդ օտար միջավայրում երբեք չեմ յաջողելու յառաջադիմել, ծրագրածս թռիչքը կատարել:

Վան՝ հայրենիքս վերադառնալով՝ ենթադրում էի, որ պիտի կարողանամ թէ՛ ինձ և թէ՛ հարազատ երկրիս արժանաւորապէս և լաւագոյնս ծառայել: Երիտասարդ էի և ուժերիս ու եռանդիս նկատմամբ հաւատաւոր ու լաւատես: Հարստանալու ծրագիր ու ցանկութիւն չուէի: Յանկանում էի հասարակական, ժողովրդական ասպարէզում գործել և ստիպւած եմ խոստովանելու, որ ձգտում էի սովորական մարդ անհատի մակարդակից ւաւելի բարձր դիրք գրաւել:

Գիտակից մարդ-շարժակը տարբեր ուղղութիւններով է գործում: Մէկն ուզում է հարստանալ և այդ հարստութեամբ հրճել կամ կեանքի իրական համարած հաճոյքները վայելել, միւսը ցանկանում և ձգտում է գիտնական, գեղարուեստագէտ, բանաստեղծ, գրող, երգահան, գիտարար և այլն դառնալ: Ես ձգտում էի, ժողովրդական զանգւածներում աշխատելով, նրանց օժանդակութեամբ յառաջադիմել՝ ազգային գործիչ, պարլամենտի անդամ, թերթի խմբագիր, կուսակցապետ, նախարար և այլն դառնալ:

Յառաջադիմելու, բարձրանալու ձգտումը դատապարտելի չէ, այլ գնահատելի և ողջունելի: Դէպի լաւ ու բարձր ձգտումը մարդ անհատի թանկարժէք առաւելութիւններիցն է:

Մարդկային ապրումների շրջագծում յաճախ թելադրողն ու հրամայողը մարդու սիրտն է: Բայց այդ զգայական գործօնի դէմ ու դիմացը մի ուրիշ, ատելի ուժեղը գոյութիւն ունի, որ յաճախ կարողանում է յաղթահարել սրտին՝ զգայական այդ օրգանին, և դա մարդու ուղեղն ու նրանից իր թելադրութիւնները ստացող տրամաբանութիւնն և դատողութիւնն է:

Այո՛, իմ շատ սիրելի՛ Ալիս, չգիտեմ ինչպէս յարմար կը լինի արտայայտել: Բարեբախտաբար թէ դժբախտաբար, երբ որոշել էի Թիֆլիսից հեռանալ, վերջին օրերում սրտիս և ուղեղիս միջև փոթորկալից մի պայքար ծայր տուց: Սիրտս չէր յօժարում, չէր ուզում քեզնից հեռանալ, բաժանել, բայց միտքս թելադրում, նոյնիսկ հրամայում էր համաձայնել այդ բաժանմանը, քանի որ, ինչպէս բացատրեցի, Թիֆլիսում՝ այդ օտար միջավայրում, իմ ծրագրած յառաջադիմութեան հնարաւորութիւնները կատարելապէս բացակայում էին:

Սրտիս և ուղեղիս միջև սկսած փոթորկալից պայքարը չափազանց շատ թանկ արժեք ինձ: Բեկւած սրտի անխնայ հարածներին ֆիզիկական ստուկալ չկարողացաւ: Հիւանդացայ և օրերով անկողին ընկայ:

Մարմնի օրգանական հիւանդութիւնները շատ յաճախ դեղօրայքով բուժելի են, բայց սրտի և հոգու հիւանդութիւնները ճար ու դեղ չունեն: Նրանց բուժումը, եթէ չասենք անկարելի է, ապա չափազանց դժար և յաճախ էլ անբուժելի և կործանարար է: Իմ այդ հոգեկան ցալի բուժումը բացառիկ մի հրաշք էր: Հիւանդութեանս անկողնում ընկած ժամանակ քանիցս մտածեցի այդ մասին քեզ տեղեկացնել, բայց անբացատրելի հպարտութիւնս թոյլ չտուաւ այդ անել: Եւ յետոյ ամենից դժարը ու նոյնիսկ անիրագործելին՝ մպատակադրած ճանապարհից յետ վերադառնալը, ինձ համար ինքնասիրութեանս ոտնատակումն և խորտակումը կը լինէր:

Ալիս, աննման Ալիս, ահա իմ ապրումների ու զգացումների համառօտագրութիւնը: Այդ ապրումներն ու զգացումները լրիւ արտայայտել կարողանալու համար գուցէ անհրաժէշտ լինէր տասնեակ երեսներից բաղկացած նամակ գրել, բայց կարծում եմ, այս համառօտ տողերիս ծալքերից կարող ես հանել մի եզրակացութիւն, որի դատաւորը, ինձ արդարացնելու կամ մեղադրելու գործում, անձամբ ինքդ կը լինես:

Այս բոլորից յետոյ մի սրտագին ցանկութիւն ունեմ, և դա քո կողմից այս նամակի ստացումն է: Չափազանց երջանիկ պիտի զգայի ինձ, եթէ նամակս քո չքնաղ ձեռքերի մատներով բացւէր և անհունօրէն բախտաւոր պիտի զգայի ինձ, եթէ կարողանայի նամակիս պատասխանը կարդալ: Քեզ սրտի խորքից անկեղծօրէն սիրող՝ Սիրաք»:

Բարբախտն սրտով նամակը փակեցի և հասցեագրեցի Ալիսի նախկին հասցեով:

### ՊԵՏԱԿԱՆ ՀԱՐՎԱԾ ԵՒ ԻՐԱՆԻ ՎԵՐԱԿԱՌՈՒՑՈՒՄԸ

Իմ ուսուցչական պաշտօնավարութեան առաջին տարւայ ընթացքում՝ 1921 թի փետրւարի 21-ին, Պարսկաստանի մայրաքաղաք Թեհրանում քաղաքական շատ մեծ դէպք կատարեց: Այդ օրը՝ առաւօտեան ժամը 7-ին, ըստ սովորականի, Թեհրանի Թոփխանէ կոչւած հրապարակը հասայ՝ դպրոց գնալու համար:

Մեր դպրոցը հրապարակին կից հեռախօսակալանի փողոցի սկզբումն էր գտնուում: Հրապարակը լեւի-լեցուն էր անսովոր բազմութեամբ: Մարդիկ, իրար սեղմւած, խօսակցում և կարծիքներ էին յայտնում: Մի քանի թնդանօթներ, կրակ բացելու պատրաստ վիճակում և զինուորներով շրջապատւած, կանգ էին առել հրապարակի մէջտեղում: Շատ մեծ դժարութեամբ յաջողեցի բազմութեան շարքերը ճեղքելով՝ ճանապարհ բացել և դպրոց հասնել: Պարսիկ պաշտօնակիցներիցս իմացայ, որ անցեալ գիշեր՝ կէս գիշերից մի ժամ անց, պետական հարւած էր տեղի ունեցել, և Թեհրանը զինուորական գրաւման էր ենթարկւել:

Մէկ ժամ անց բարձրականչ բղաւցներով Թեհրանի թերթերի արտաժամ հրատարակւած թերթիկներ ծախուել սկսեցին: Այդ թերթիկներից անցեալ գիշերւան ընթացքին կատարւած պետական հարւածի բնոյթը համառօտակի պարզեց:

Սարդար Ռ-ըզա խանը, 3000 հոգուց բաղկացած պարսիկ զինւած զօրամասի գլուխն անցած, թնդանօթներով և պատերազմական լրիւ սարքով, Թեհրանից մօտ 144 կիլօմետր հեռաւորութեան վրայ գտնուող Ղազվին քաղաքից ճանապարհուել և կէս գիշերից մէկ ժամ անց Թեհրան էր ժամանել: Իր հրամանատարութեան տակ գտնուող զօրամասով Ռ-ըզա խանը կայծակային արագութեամբ գրաւել էր նախ գլխաւոր զօրանոցը և ապա միւս երկրորդական զօրակայանները, զինապահեստները, ոստիկանատունը, հեռագրատունը և միւս պետական հիմնարկութիւնները: Բոլոր այդ զինուորական գրաւումները չորս ժամայ ընթացքում էին կատարուել, և առաւօտեան ժամը 5-ին ամէն ինչ վերջացել էր, և պետական հարւածը յաջողութեամբ գլուխ էր եկել:

Այդ ժամանակայ Պարսկաստանը (իսկ ներկայիս Իրան) Ղաջար կոչւած թագաւորական տոհմի իշխանութեան էր ենթարկւած: Այդ տոհմի վերջին թագաւորը Մոհամմադ-Ալի էր կոչւում: Վերջինիս և նրա նախորդների օրօք Պարսկաստանը կատարեալ անկման և քայքայման շրջան էր ապրում: Կամայական և բռնապետական իշխանութիւն էր տիրապետում: Կենտրոնական իշխանութիւնն անգոր էր իրեն ենթարկելու երկրի բազմաթիւ նահանգները: Երկրի հիւսիսում, հարաւում, արևմուտքում և հիւսիս-արևելքում և համարեա ամենուրեք կազմուել էին ինքնագլուխ, թայֆայական, ցեղապետական իշ-

խանութիւններ, որոնք ըմբոստացել էին և երկրի կենտրոնական կառավարութեանը չէին ենթարկուում: Քաղաքացի և մանաւանդ գիւղացի բնակչութիւնն արիւն էր լացում այդ կամայական և ցեղապետական ինքնիշխանութիւնների անհաշի կեղեքումներից և վերջ չունեցող կողոպուտներից: Կեղեքող և կողոպուտող բնակչութիւնը չէր համարձակում գանգատել և բողոքել: Համարձակութեան ամենավորք ճիշդ խեղդում էր բողոքողի արեան մէջ:

Նախքան պետական հարածը՝ երկրի զինուորական կազմակերպութիւնը ցարական կառավարութեան նշանակած զինուորական աստիճանաւորների ձեռքում էր գտնուում: Այդ զինուորականները իրենց ցանկութեան և նախասիրութեան համաձայն, կարգադրում էին բոլոր գործերը: Նրանք էին որոշում զինուորական քիջէն, ռոճիկները ու բոլոր ծախսերը: Նոյնիսկ նրանք էին կատարում զինուորական նշանակումները, աստիճանի բարձրացումներն ու շնորհագրկումները:

Գիւանագիտական-քաղաքական ասպարեզում Պարսկաստանը գրեթէ արժէք չունէր: Պարսիկ դեսպանների և դեսպանատների ծառայողների նշանակումը կատարում էր Թեհրանի այս կամ այն օտար դեսպանի ցուցումնքով և համաձայնութեամբ: Պետական դատարաններն իրաւասու չէին ռուս, անգլիացի և օտար քաղաքացիների գործերին վերահասու լինելու և դատելու: Նոյնիսկ օտար ոճրագործներն ու մարդասպաններն իրենց պատկանած պետութեան՝ Թեհրանում ունեցած դեսպանատներումն էին դատուում:

Պարսկաստանի տնտեսական բազկերակն էլ անգլիացիների և ռուսների ձեռքումն էր: Կառավարութիւնը պետական բանկ չունէր: Երկրում շրջանառութեան մէջ գտնուող թղթադրամները պատկանում էին անգլիական բանկին: Պարսկաստանը բաժանուած էր ցարական և անգլիական ազդեցութեան գօտիների: Երկրի բոլոր հիւսիսային նահանգները՝ ցարական, իսկ հարաւային ամբողջ շրջանները անգլիական ազդեցութեան գօտիներումն էին:

Արդարութիւնն ու արդարադատութիւնը դատարկ և անիմաստ խօսքեր էին: Ազգաբնակչութիւնը կամայականութեան և բռնակալ արարքներում կենսաքամ էր լինում:

1890-ից սկսած՝ Ղաջար թագաւորների կամայական և բռնակալ իշխանութեան դէմ ժողովրդական խլրտումներ էին սկսել: Դժգոհութիւնները միջին խաւերից էին սկսել: Այս խլրտումների կորիզն արհեստաւորներն ու առևտրականներն էին կազմում: Այս դժգոհումների շարժանը մասնակցում էին նաև մի շարք մտաւորականներ և գաղափարական հոգևորականներ:

1905 թի դեկտեմբերին այս խլրտումներն ուժեղացել և Մօզաֆէր-էդ-դին շահի, վարչապետ Էյն-օդ-Դօվլէի դէմ էին ուղղւել: 1906 յուլիսին մի քանի հազար ցուցարարներ, օտար մի դեսպանատնում

հաւաքած, վարչապետի հրաժարումն ու սահմանադրական կարգերի հաստատումն էին պահանջել: 1906 թի հոկտեմբեր 17-ին, Մօզաֆէր-էդ-դին շահը ստիպւած էր եղել սահմանադրական կարգերի հաստատմանը համաձայնել և Իրանի սահմանադրական առաջին ժողովը գումարել:

Սահմանադրական կարգերի հաստատումից և առաջին Սահմանադրական ժողովի (Մէջլիս) բացումից անմիջապէս յետոյ Մօզաֆար-էդ-դին թագաւորը դեկտեմբերի 30-ին մահացաւ և նրան փոխարինեց իր որդին՝ Մոհամմադ-Ալի Շահը:

Այս վերջինի թագաւորութեան տևողութիւնն երկու տարուց ատելի չտևեց: Նա օտար մի պետութեան օժանդակութեամբ ջանաց հօր կողմից երկրին տրւած սահմանադրական կարգերը ջնջել և խորհրդարանը (Մէջլիս) փակել: Նա նոյնիսկ ձեռնարկեց նորաբաց սահմանադրական ժողովի շէնքը ռմբակոծման ենթարկելով՝ Մէջլիսի անդամներին սահաբեկել և ցրիւ տալ:

Պարսկաստանում սահմանադրական կարգերը հաստատելու անձնէր պայքարում իրենց ինքնուրաց և անձնագոհ մասնակցութիւնը բերին հայ կամաւորները Եփրեմ խանի<sup>31</sup> և իր օգնականների գլխաւորութեամբ: Իրանի յառաջադէմ և գիտակից ժողովուրդը միշտ իրեն երախտապարտ է գգում Եփրեմ Խանի և նրա կամաւորների՝ ազատագրական պայքարին մասնակցութեան և կատարված զոհաբերութիւնների համար: Եփրեմ խանը՝ այդ ազնիւ և քաջարի յեղափոխականը, Իրանի ազատագրական պայքարում իր կենցրը զոհաբերեց: Իրանի երախտագէտ և յառաջադէմ տարրերը շարունակում են գնահատել Եփրեմի այդ ազնիւ զոհողութիւնը և նրան նշանաւոր և առաջնակարգ քաջարի յեղափոխական նահատակների շարքերումն են դասում: Պարծանք քաջարի այդ հերոսին:

\*\*\*

1921 թի փետրուար 21-ի (3 էսֆանդ 1299 իրանական արեգակնային թի) պետական հարածը կազմակերպելուց յետոյ Ռ-ըզա խանը դարձաւ Պարսկաստանի զինուորական բոլոր ուժերի ընդհանուր

31 Եփրեմ խանը (Եփրեմ Գ-ավթյան) ծնվել է Հյուսիսային Արցախի (Գանձակի գավառ) Բարսում գյուղում: 1880-ական թվականների վերջերին անցել է Արևմտյան Հայաստան և միացել հայրուկային խմբերին: Սարգիս Կուրույանի կազմակերպած արշավանքին (1890) մասնակցելու համար 1892 թ. դատապարտվել և աքսորվել է Սիբիր, որտեղից 4 տարի անց փախել է Իրան: 1899 թ. դասավանդել է Ղարադաղի Աղաղան գյուղում: 1905-1911 թթ. եղել է իրանական հեղափոխության կազմակերպիչներից և ղեկավարներից մեկը: 1909 թ. հուլիսի 10-ին՝ Թեհրանի առումից հետո, նշանակվել է իրանական ժամանակավոր կառավարության ղեկավար: Եփրեմ խանին շնորհվել է սարդարի (թարգմ. գերագույն հրամանատար) աստիճան: Չոհվել է 1912 թ. մայիսի 6-ին Մուրջիեի ճակատամարտում և ամփոփվել Թեհրանի Հայկազյան (այժմ՝ Դավթյան) դպրոցի բակում:

գորահրամանատարը՝ Սարգսյան-Սեփահ տխուր-տով։ Նա միաժամանակ Սեփ-Չիա-էր-դինի գլխավորած դահլիճում պատերազմական նախարարի պաշտոնն ուներ։ Իր անկուն, յարատև և յամառ ջանքերով Սարգսյան-Սեփահը շուտով իր արժանի դիրքին և պատին տիրացաւ։ Ժողովրդական վերին և ազդեցիկ խաւերում և Սեփիսում նրա կողմնակիցներն ու համակիրները հետզհետէ բազմացան։ Տարին չլրացած՝ նա արդէն մեծ ժողովրդականութիւն էր վայելում և երկրի թիւ մէկ մարդն էր դարձել։

1925 թի 31 հոկտեմբերին, Իրանի Մահմանադրական ժողովը Ահմադ Շահ Ղաջարին թագաւորական տիտղոսից գրկեց և երկրի ժամանակաւոր կառավարութիւնը յանձնեց Սարգսյան-Սեփահին։ 43 օր յետոյ՝ դեկտեմբեր 13-ին գումարած հիւնադիր ժողովը Սարգսյան-Սեփահին Ռըզա Շահ Փահլաւի տիտղոսով թագաւոր ընտրեց և հիւնական օրէնքի 36, 37, 38 և 40 յօդուածները փոփոխութեան ենթարկեց։ Այսպիսով, Ղաջարների թագաւորական տոհմի իշխանութեանը վերջ տրեց, և թագաւորական իշխանութեան իրաւունքներն անցան Ռըզա Շահ Փահլաւիին և նրա սերնդին։

1299 (1920) թի 3 Էսֆանդից մինչև 1320 (1941) թի 24 Շահրիվար ամիսը, այսինքն՝ շուրջ 20 տարւայ իր իշխանութեան ժամանակաշրջանին, Ռըզա Շահ Փահլաւին բազմաթիւ անգնահատելի ծառայութիւններ մատուցեց իր սիրած և պաշտած երկրին։ Այդ մեծ մարդու կատարած գործերը չափազանց շատ են։ Կաշխատենք թել ամենակարևորները միայն։

Պետական հարածից յետոյ նրա ամենաառաջին գործը (26-28-1921 թիւն) անգլիացիների հետ ունեցած (որը չէր էլ վաւերացել) պայմանի բեկանումն էր։ Այդ ժամանակ Ռուսաստանում իրենց տիրապետութիւնը հաստատած մեծամասնականները Իրանի հիւսիսային մասերում եղած ցարական զինուորական ուժերին պարտութեան էին մատնել և նրանց ցաք ու ցրի էին արել։ Մեծամասնականներն իրենց դիրքն ու համակրութիւնը Պարսկաստանում ուժեղացնելու և անգլիացիների ուժեղ ազդեցութիւնը չէզոքացնելու նպատակով Սարգսյան-Սեփահի կազմած կառավարութեան հետ շատ կարևոր զիջումներով բարեկամական պայման կնքեցին։ Այդ պայմանի հիման վրայ նրանք համաձայնեցին հետևեալ կէտերը գործադրել.

1. Իրանն ազատել իրենց զօրքի գրաւումից և լիկվիդացիայի ենթարկել իրենց կողմից Էնզելիում, Ռաշտում և Գիլանի զանազան մասերում հիւսիսային մեծամասնական հանրապետութիւնը։
2. Ճանաչել կապիտալիստիկ ջնջումը։
3. Հրաժարուել ցարական իշխանութեան Իրանից ունեցած պահանջներից և բոլոր մենաշնորհներից։
4. Նւիրել ցարական կառավարութեան Իրանում ունեցած կալւածները, նրանց Ուրմիոյ լճի վրայ ունեցած նաւակները, մինչև Թաւրիզ ձգտող երկաթուղազիծը, շինած ճանապարհներն և այլն և այլն։

Այս պայմանագրում կար նաև այն կէտը, որի համաձայն՝ Իրանի կառավարութիւնը յանձնառու էր լինում մեծամասնականների կառավարութեան թշնամի ճանաչած բոլոր տարրերին՝ ռուս կամ օտար, արգիլել Պարսկաստանում որևէ կազմակերպութիւն կամ գործունէութիւն ունենալու։

1926 թի ապրիլ ամսին Ռըզա Շահի նախաձեռնութեամբ Իրանի, Թիւրքիայի և Իրաքի միջև կնքեց բարեկամական և ապահովութեան եռեակ համաձայնութիւն։ Այդ պայմանի համաձայն՝ երեք պետութիւններ յանձնառու էին լինում երեք երկրների միջև եղած սահմանագծային վէճերը լուծել և միացեալ ուժերով հսկել սահմանամերձ շրջանների ապահովութեանը։

1927 թի նոյեմբեր 22-ին սկսեցին Իրանի հարաւից հիւսիս երկարող և Բանդար Շահվորից սկսող ու Բանդար Շահում վերջացող երկաթուղագրծի աշխատանքները։ Միևնոյն թիւն յայտարարեց, որ Իրանի հարաւում և անգլիացիների ազդեցութեան ներքև գտնող Բահրէյն շէյխանիստ կղզեխումբը Իրանին է պատկանում և նրա անբաժանելի մասն է կազմում։

Ռըզա Շահի ամենամեծ գործերից մէկը կապիտալիստիկ օրէնքի ջնջումն էր։ 1928 թի մայիս 10-ին յայտարարեց, որ երկրի վեհապետական իրաւունքները խախտող այս մենաշնորհը չեղեալ է համարում և բոլոր օտարահպատակներն Իրանի հպատակ քաղաքացիների նման և հաւասար, իրենց գործած յանցանքների, ինչպէս նաև իրենց պարտք ու պահանջի հաշիւների համար դատուելու են Իրանի դատարաններում։ Այս փրկարար և չափազանց կարևոր օրէնքի գործադրումը ռուսների, անգլիացիների և միւս պետութիւնների կողմից շուտով ճանաչեց։

Երկրի դրութեան հիմնապէս տեղեակ և հեռատես թագաւորը, նախքան վերոյիշեալ օրէնքի կիրառումը, շուրջ երեք ամիս առաջ իրաւագէտ Դավարին լիազօրել էր, յառաջադէմ երկրներում կիրառման դրած արդարադատութեան օրէնքների հիմունքներով և դատական նոր օրէնսդրութիւն մշակելով՝ Սեփիսի վաւերացման յանձնել և նորակազմ դատարանում գործադրութեան դնել։

1928 թիւն հետևեալ երեք շատ կարևոր օրէնքներն էլ հաստատեցին և վաւերացեցին։

1. Մաքսային նոր օրէնքների մշակումն ու վաւերացումը.
  2. Բարձրագոյն կրթութիւն և մասնագիտութիւն ձեռք բերելու նպատակով իրանցի ուսանողների առաքումը Եւրոպա և արտասահման.
  3. Ազգային բանկի (Բանկ Սեյի) հիմնումը։ Պետական բանկի մենաշնորհն էր լինելու երկրի թղթադրամների տպագրութիւնը և հրատարակումը։ Թղթադրամների հիմքը լինելու էին ոսկեղէն ձոյլ մետաղը, թանկագին քարեղէնները և ոսկեղորայքը։
- Նոյն թիւն կնքեց նաև հիւսիսային ձկնորսութեան պայմանագիրը ռուսների հետ։ Այս համեմա-

տաքար շահաւետ գործից մինչև այդ կառավարութիւնը որևէ օգուտ չէր կարողացել ունենալ:

Ռըզա Շահի ամենամեծ և ամենանշանաւոր գործերից մէկն էլ տարագի փոփոխութեան վերաբերող նրա կարգադրութիւնն էր: Ինչպէս քաղաքակիրթ երկրներում, Իրանում ապրող բոլոր տղամարդիկ ևս պիտի հագնուէին միաձև: Կանայք էլ իրենց հագուստի վրայ կրող սև չադրաները պէտք է նետէին: 1929 թիւն (1307 թիւ դէյ ամսին), առաջին անգամը լինելով՝ թագաւորը թագուհու և երկու երիտասարդ իշխանուհիների հետ Թեհրանի կարևոր պողոտաներում շրջագայելով, ժողովրդին խրախուսեց իր տաճ օրինակին հետևել:

1931 թիւ յունար և փետրար ամիսներին երկու կարևոր որոշումներ հրատարակեցին: Առաջին որոշման համաձայն՝ օտարահպատակներին արգիլում էր Իրանում հողամասերը (երկրագործութեան և այլ նպատակների համար) գնել և սեփականատէր դառնալ: Երկրորդ օրէնքով՝ մինչև այդ անգլիացիների ձեռքում եղած և հնդո-եւրոպական ընկերութեան պատկանած հեռագրագծի հիմնարկը և ունեցածքը Իրանի կառավարութեանն էր փոխանցում:

1932 թիւ յունարին Իրանի և Թիւրքիայի կառավարութիւնները շատ վաղուց իրենց՝ Արարատի փէշերին ընկած սահմանաորոշման համար ունեցած վէճերը լուծարքի ենթարկեցին և վերջնական սահմանաբաժանում կատարեցին և սահմանային նոր պայման կնքեցին:

1932 թիւ սկզբին հիմնեցին երկու նոր գործարաններ, մէկը՝ շաքարի գործարան Քեահրիզաքում (Իրանում շաքարի արդիւնաբերութեան համար մինչև այդ որևէ գործարան գոյութիւն չուներ) և միւսը՝ մանագործարան (որը յետոյ կտորեղէնի արտադրութեան յայտնի գործարանի վերածեց) Չալուսում:

1932 թիւ նոյեմբերի վերջին Իրանի հարաւային նաւթի արդիւնաբերութեան պայմանագիրն Իրանի կողմից լուծարած յայտարարեց:

Իրանի հարաւային նաւթը 1901 թիւն մենաշնորհ էր տրուել Դարսի անունով մի անձնատրութեան (Նոր Չելանդիայի հպատակ): Այս մարդը ժամանակի կառավարութեան վճարել էր 20,000 անգլիական ոսկի: Ութ տարիների ընթացքում Դարսին նաւթի հանքերը յայտնաբերելու համար աշխատել և դրամ էր ծախսել, բայց չէր յաջողել արդիւնքի հասնել: 1908 թիւն նաւթը յայտնաբերել էր Մասչէդ-Սուլէյմանում: 1909 թիւն նաւթի արդիւնաբերութեան իրաւունքը փոխանցած էր Անգլո-իրանեան ընկերութեան: Անգլիական կառավարութիւնն անձամբ 1914 թիւ օգոստոսին իր հպատակների ունեցած նաւթի բաժնեթղթերից գնել և դարձել էր բաժնետէր: Նաւթի պայմանագրի լուծարքից յետոյ Իրանի և Անգլիոյ կառավարութեանց միջև տարող բանակցութիւններն արդիւնքի չհասան: Իրանն իր բողոքը

Ժնևի Ազգերի միութեան ժողովին տարաւ: Այս վերջինիս կողմից Անգլիայի և Իրանի կառավարութիւններին յանձնարարեց նորից ուղղակի բանակցութիւններ վարելով՝ համաձայնութեան յանգել: Նաւթարդիւնաբերութեան պայմանագիրը նորոգեց, և պայմանաժամը, որ վերջանալու էր 1961 թիւն, 32 տարիով երկարաձգեց: Ընկերութիւնը յանձնառու եղաւ նաւթարդիւնաբերութեան մակարդակի տարածքը հետզհետէ պակսեցնել և առաջին 15 տարւայ ընթացքում, իբր տուրք, Իրանին տարեկան 225,000, իսկ երկրորդ 15 տարւայ ընթացքում տարեկան 300,000 անգլիական ոսկի վճարել: Բացի այդ Նաւթային ընկերութիւնը յանձնառու էր եղել Իրանին տարեկան առնագն 750,000 ոսկի, որպէս բաժնետիրական իրաւունք, վճարել:

1932 և 33 թերին Թեհրանի արուարձան համարող Բէյ քաղաքում ցեմենտի և կոլորոնի արդիւնաբերութեան գործարաններ հիմնեցին, Թեհրանից դէպի հիւսիս տանող Չալուսի նոր ճանապարհը սարքեց և կարապատեց: Ուսուցիչներ պատրաստելու նպատակով գիտութիւնների ճեմարան հիմնուեց:

Իրանի ծայրէ ծայր երկարող երկաթուղագծի արագընթաց արարտման համար դանձմարքցի և շեղացի ընկերութիւնների հետ պայմանագրեր կնքեցին:

Ռըզա Շահի ամենահռչակաւոր գործերից մէկն էլ Թեհրանի մեծածաւալ և բազմաճիւղ համալսարանի հիմնադրութիւնն էր. 1935 թիւն այդ լուսաւորութեան մեծ կենտրոնի հիմնարկէքը կատարեց: Այդ համալսարանը 25 տարիների ընթացքում Իրանին բազմաթիւ բժիշկներ, ճարտարապետներ, փաստաբաններ, դեղագործներ, անասնաբոյժներ, ատամնաբոյժներ տուեց:

1935 թիւն երեք նոր գործարաններ էլ հիմնեցին, երկուսը՝ Շահիում և Վարամիւնում, շաքարի արդիւնաբերութեան, իսկ երրորդը՝ Չալուսում՝ մետաքսեղէն կտորների արդիւնաբերութեան համար:

Մի քանի ամիս յետոյ Աշրաֆում հիմնեց չիքկտոր պատրաստելու մի գործարան: 1935 թիւ մարտ 21-ին (Իրանեան 1314 թիւ Ֆարվարդին 1-ին) ի լուր աշխարհի՝ յայտարարեց, որ սրանից յետոյ Փէրս, Փէրշիա, Պարսկաստան և այլն անունները երկիրն անուանելու և ծանօթացնելու համար արգելում են: Երկրի պաշտօնական անունը թէ՛ ներսում և թէ՛ դրսում լինելու է Իրան:

1936 թիւն Իրանի Ֆարհանգստանը (գիտնականների ժողով-ակադեմիա) հիմնեց. սրա առաջին աշխատանքն այն եղաւ, որ պարսկերէն լեզուն, ինչքան հնարաւոր է, շուտ ազատի արաբական լեզվի բառերի լուծից և վերագոնի նախկին, արաբների տիրապետութիւնից առաջ գոյութիւն ունեցող լեզվի հարազատ և համապատասխան բառերն ու արտայայտութիւնները: Պէտք է խոստովանել, որ այդ ուղղութեամբ թափուած ճիգերը բաւական զգալի

արդյունքի հասան: Դժբախտաբար, գիտութեան այդ կենտրոն-օջախում արաբական տառերի փոփոխութեան և լատինացման վերաբերեալ համաձայնութիւն չկայացաւ, և պարսկերէնի ուսուցումը մնաց իր նախկին դժարըմբռնելի և խրթին սիստեմի վրայ:

1936 թիւն (17 Դէյ 1314 արեգ. թիւն), Դէյ 17-ը յայտարարեց կանանց ազատագրման պաշտօնական տօն: Այդ տօնակատարութեան հիմքը երկրի կին տարրի ազատութեան և իրահաւասարութեան փաստաթուղթն է: Կանայք ամենաառաջին հերթին պարտականութիւն ունենին իրենց ստրկացումը բնորոշող ամէն տեսակի և գոյնի չաղրաները և ծածկոցները դէն շարտելու:

\*\*\*

Ռըզա Շահ Փահլաւի՝ այդ մեծ մարդու կատարած բազմաթիւ և բազմատեսակ մեծ գործերը նկարագրելու համար հարիւրաւոր էջնոց գրքեր պէտք է գրել: Կաշխատեն մի ամփոփումով եզրափակել յիշողութիւններին այս մասը:

Ռըզա Շահը զինուորական ուժի հիմքը դրեց և իրանցի զինուորականների ղեկավարութեան ներքոյ Իրանի անկախ բանակը կազմակերպեց: Այդպիսով, կենտրոնական իշխանութիւնն ամբողջ երկրի տէրն ու տիրականը դարձրեց: Նահանգներում և երկրի հեռաւոր մարզերում ցեղապետների և աւագակապետների կամայական իշխանութիւններին վերջ տուց: Ինքնագլուխ շրջանները պետութեան օրգաններին ենթարկեց:

Կապիտալիստիկ ջնջումից յետոյ օտարազգի բոլոր քաղաքացիները իրանեան արդարադատութեան ենթակայ էին: Նրանք Իրանում ապրելու և գործելու համար բնակութեան վկայականներ պիտի ունենային: Օտար պաշտօնական և անպաշտօն հիմնարկութիւնները Իրանի ներքին գործերում խառնելու իրաւունք չուներին:

Երկրի պարծանքն ու պատիւը կազմող պետական բանկի և համալսարանի հսկայ շէնքերից բացի՝ թագաւորը ձեռնարկեց զառամած մայրաքաղաք եղող Թեհրանի վերակառուցմանը: Հին ու ներլիկ, ծուռ ու մուռ փողոցները քարուքանդ անելով՝ նրանց փոխարինեցին լայն ու շքեղ պողոտաներ: Մարդկանց խրախուսեցին այդ պողոտաների կողքերին զեղեցկատեսիլ և լուսաւոր խանութներ և տներ սարքել: Վաճառականները, երկրի ապահով դրութիւնից քաջալերւած, լայն չափերի գործառութիւնների, արտաձումների ու ներաձումների ձեռնարկեցին: Այս վերջինների գործառութիւններն ու փոխադրութիւնները դիւրացնելու նպատակով լայն և ուղղաձիգ խճուղիներ և կայրապատ ճանապարհներ սարքեցին: Երկրի զանազան կողմերում և մանաւանդ հիւսիսային և ծովափնեայ շրջաններում

հոյակապ և ամէն յարմարութիւններով օժտւած հիւրանոցներ կառուցեցին: Երկրի պարծանքը հանդիսացող և հարաւն ու հիւսիսն իրար միացնող երկաթուղազիծը՝ իր բազմաթիւ թիւնելներով և հսկայական ու երկարաձիգ կամուրջներով և բոլոր անհրաժեշտ սարքաւորումներով, առանց օտարների փոխառութեան և օժանդակութեան՝ կատարելապէս կառուցեց:

Գիւղատնտեսութեան տիպար ազարակներ, գիւղեր և տներ հիմնեցին: Պետական փտած ու նեխուած հիմնարկութիւնները հիմնովին յեղաշրջման ենթարկեցին: Անհաշիւ են այդ մեծ մարդու յեղաշրջական և շինարարական գործերը:

Իրանի ամբողջ ժողովուրդը՝ ամէն ցեղի և դասանքի պատկանողները, անխտորէն այդ մեծ մարդուն երախտապարտ են: Նա իր երկրի հարագատ զաւակն էր և մեծ հաւատքով ու նիւստութեամբ ծառայեց իր երկրի վերագարթման և վերակառուցման գործին: Այդ իսկ պատճառով նրա մահից յետոյ, երկրի խորհրդարանը նրան Ռըզա Շահ Քեաքիր մեծ թագաւորի տիտղոսին արժանացրեց:

#### ՎԵՐԱԴԱՐՉԻ ԱՆՀՈՒՍԱԼԻՈՒԹԻՒՆԸ

Մեր պաշտելի հայրենի Վասպուրականից վտարւած էինք վայրագ թշնամու արիւնաթաթախ զէնքի ուժով: Տաճիկների հետ խաբէութեամբ և ստորաբար դաշնակցած քիւրդերի կտտորածի սարսափից ահաբեկւած՝ մեր ճանապարհը փոխած և Պարսկաստան ապաւինած էինք: Բազմահազար վասպուրականցի հայեր ստիպւած եղան անգլիացիների պաշտպանութեանն ապաւինել: Մատի վրայ համարող մի քանի վանեցիներս այդ պաշտպանութիւնից յօժարական հրաժարել և փախուստ էինք տուել՝ մեզ Պարսկաստանի հիւրընկալութեան յանձնելու համար: Այդ սոսկալի և ճգնաժամային օրերից տարիներ էին անցել: Երբեմն յուսալից, բայց յաճախ յուսաբեկ, մեր հայեացքները մեզնից շատ հեռու ապրող, մեր արևելահայ հայրենակիցների ճակատագրական ելքին էինք յառել: Տեղեկացել էինք, որ մեր դարաւոր թշնամիներն անօգնական և մենակ մնացած մեր հայրենակիցներին սեղմել էին իրենց սանձարձակ զէնքերի մահաշունչ օղակներում: Ի վերջոյ բարեհաճել էին, մերոնց ներդրնելով, ճնշելով ու սպառնալով, Ալեքսանդրապոլի դժբախտ և աղետալից դաշինքը ստորագրել տալ: Թիւրքերը մեր անպաշտպան, լքած և ուժասպառ վիճակից օգտուելով, ո՛չ միայն մեզնից խլել էին մեր տասնեակ դարերի հայրենիքը, այլև կորզել ու կուլ էին տուել ցարական կառավարութեան ժամանակ նրանց տիրապետութեան ներքոյ եղած ընդարձակ շրջանները:

Հայաստանի Ազգային Հանրապետութեան տապալումից յետոյ էլ, հայ կոմունիստների իշխանու-



թիւնը իր հերթին, անկարող էր եղել յետ վերցնել մեզնից տմարդօրէն խլած հողամասերը: Պիտի յիշել, որ Մոսկւայի կոմունիստական կենտրոնական իշխանութիւնն էլ, իր ներքին և արտաքին թշնամիների վախից, դժբախտաբար, բարեկամացել և դաշնակցել էր մեր դարաւոր թշնամու՝ թիւրքի հետ և չէր ցանկանում մի բուռ հայերի սիրոյն իր նոր դաշնակցի սիրտը կտորել: Ամէն անգամ, երբ մեր հայրենասէր անձնուրացները բողոքում էին այս կուպիտ ու վայրագ անարդարութեան դէմ, նրանց պատասխանում էին ջքմեղանքով:

Մեր փոքրիկ Հայաստանի դռները կոմունիստական իշխանութեան հաստատումից յետոյ տասնեակ տարիներով փակւած մնացին հայրենակարօտ հայերի երեսին: Տաճկահայաստանից ճողոպրած հարիւր հազարաւոր հայերին մերժեցին ընդունել նրանց յոյսի և ապաւենի օրօրանը:

– Տեղ չունենք: Բնակարան չունենք: Հնարաւորութիւն չկայ նորեկներին պատսպարելու համար, – ասում էին հայրենիք վերադառնալու կարօտով այրող հայ մարդկանց:

\*\*\*

Հայրենաբաղձութիւնը մեզ էլ տանջում էր: Մանաւանդ հայրս անվերջ տանջում էր իր հարազատների հեռաւորութիւնից: Նրանց կարօտը մաշում էր հօրս սիրտը:

– Կը վախնամ առանց իմ սիրելիները գոնէ մէկ անգամ ալ տեսնելու, այսպէս, նրանց կարօտով մեռնեն, – ասում և յաճախ կրկնում էր հայրս:

Նա հայրենաբաղձութիւնից բխած տասնեակ բանաստեղծութիւններ էր գրել, որոնցից մեծ մասը ժամանակին հրատարակել է տեղական և արտասահմանեան թերթերում, մանաւանդ «Հայաստանի Կոչնակ» պարբերաթերթում:

Ուսուցչական ասպարէզը մտնելուց յետոյ իմ քաշւած, մեկուսացած կեանքից դուրս էի եկել: Թեհրանի այդ ժամանակւայ հասարակութեան մտաւորական շրջանում բաւական լայն ծանօթութիւններ էի ձեռք բերել: Ինձ հրաւիրել և անդամագրել էին Թեհրանի Շրջանաւարտների միութեան մէջ: Այդ միութեան անդամակցում էին գրասէր և մտաւորական երիտասարդներ: Կային նաև երաժշտութեան, բանաստեղծութեան, երգի, նկարչութեան և այլ ասպարէզների սկսնակ սիրողներ: Ամէն շաբաթ մի անգամ տեղի էին ունենում գրական-գեղարվեստական հաւաքոյթներ: Լինում էին նաև դասախօսութիւններ: Ինքս էլ մի քանի անգամ դասախօսութիւններ կարդացի: Այդ Միութեան անդամակցութեանս համար շատ զոհ և ուրախ էի: Ինձ համակրում և գնահատում էին: Այդ Միութիւնից մինչև այժմս էլ պահում եմ քաղցր յուշեր: Այդ Միութեան վարիչներին էին ներկայի համակրելի բանաստեղծ Դևր

(Մարգար Ղարաբեգեան) և Եկեղեցական վարչութեան յարգելի անդամ տիկ. Սաթենիկ Ասրեանը:

Այդ բոլորից յետոյ ես շատ ցաւում էի, որ ի վիճակի չէի և որևէ հնարաւորութիւն չունէի իմ նախկին ընկերների հետ գոնէ նամակագրութիւն ունենալու: Իմ մի քանի հարազատ և սիրելի ընկերների վիճակն ինձ շատ էր հետաքրքրում: Չափազանց մեծ ցանկութիւն ունէի մանաւանդ Հրանդից, Աղասուց, Վահանից և Ալիսից գոնէ մի տեղեկութիւն, մի երկտող գրութիւն ստանալու: Ոչ մէկից ոչ մէկ լուր: Կտրւած, բաժանւած, հեռու և անտեղեակ, ցաւալի և անյոյս վիճակ: Հեռու հարազատ հայրենիքից և հեռու սիրելի և պատուական ընկերներից...

### ԴԺԲԱԽՏ ԴԵՊԶԵՐ

Ամէն յեղափոխութիւն արինալից է: Յեղափոխութիւնների յեղաշրջական ժամանակամիջոցին տեղի և անտեղի, արդար և անարդար զոհեր շատ են լինում: Ամենուրեք արին է թափում: Այդ արինահեղութիւնների ընթացքում, դժբախտաբար, մարդկային խիղճն ու գիտակցութիւնը կոխկոտում և ոտնատակ են լինում: Յաճախ էլ ինն, անհատական հաշիւներ են մաքրում: Բանականութիւնն իր տեղը զիջում է կրքի, ատելավառութեան և քինախնդրութեան: Մարդկային վայրագ, գազանային ձգտումները սանձարձակ կատաղութեամբ երևան են գալիս: Իրար հայրենակից, ազգակից մարդիկ վրէժխնդրութեան կրակով են այրում, բոցավառում: Յար և նման դժբախտութիւն էլ մեր դարաւոր թշնամուց և մեր «առիւծ» հարևաններից յափշտակման և կողոպուտի ենթարկւած ու նրանց կողմից մկրատւած և լաւագոյն պատառները խլած Հայաստանում տեղի ունեցաւ:

Այդ թեքից, ոտքերից և ամէն կողմից կտրատւած մեր երկրում՝ խիստ փոքրացւած Հայաստանում, 1918 թի մայիս 28-ին ազգային և անկախ պետութիւն հիմնեց: Դժբախտաբար, նրան չյաջողեց երկար գոյատևել: Համոզւած լինելով, որ հիւսիսի և հարաւի թշնամական հարւածներին երկար դիմագրաւել չախտի կարողանայ, գերադասեց երկիրը յանձնել հայ մեծամասնականներին: Չէ՞ որ նրանք էլ հայեր էին և հազար անգամ աւելի գերադասելի, քան մեր դարաւոր թշնամի տաճիկները:

Բայց, դժբախտաբար, բոլորովին անապասելին կատարեց: Երկիրն ու պետութիւնը գրաւող հայ մեծամասնականների շարքում Ալիս Աթաբեկովի և Մուրդուս նման մարդակերպ խելացորներ և արինաժարաւներ յայտնեցին, որոնք մեր հաւաքական ուժերի խորտակման և ոչնչացման պատճառը դարձան: Փոխանակ հայ ժողովրդի բոլոր մարտնչող ուժերն ի մի հաւաքելու և միացեալ ուժերով մեր յայտնի և ծպտւած թշնամիներին դիմագրաւելու և նրանց՝ մեր հայրենիքի բռնագրաւած

հողամասերից վնդդելու՝ դաշնակցական, հակայեղափոխական, իմպերիալիստների ծառայ և այլ անուններով մեր հայ զինուորականներին, մարտնչող ուժերին և մտաւորականներին ու յայտնի գրողներին բանտերը նետեցին, արտրեցին և տասնեակ հարիւրներով նրանց կոտորեցին:

Ամբողջ կեանքումս ես դաշնակցական կամ նրանց համակիրը չեմ եղել: Ընդհակառակը, թե՛ Վանում և թե՛ Թեհրանում յաճախ պայքարողի դերումն եմ եղել, բայց չեմ կարող հաշտել այն գաղափարին, որ մարդկանց, այն էլ մեր ժողովրդի և մեր ազգապահպանման համար տարիներով մարտնչողներին դաշնակցական լինելու մեղքով պետք էր կամ կարելի էր կացնահարել և կոտորել...

Երբ արևմտահայ կամ արևելահայ ժողովրդի ազատագրութեան և փրկութեան համար Արմենականները, Հնչակեաններն ու Դաշնակցականները կռուում և արիւն էին թափում, մի՞թէ հայ մեծամասնականները կային:

Չեմ կարծում և չեմ կարող հաւատալ, որ, բացի Ալիսի և Մուղղսու նման խելագարներից, նրանց բազմաթիւ բանիմաց և կրթած կուսակիցները համաձայնէին մարդկանց կոտորել, սպանել նրա համար, որ իրենց կուսակիցները չէին կամ իրենց նման չէին մտածում և դատում: Մի՞թէ գաղափարական պայքարում յաղթական եղողներն իրենց հակառակորդների հաշիւարդարը նրանց կոտորելով և գնդակահարելով պիտի կատարէին: Ո՛չ, հազար անգամ ո՛չ:

Այս խելագար վայրագները իրենց կուսակիցների հնայքը ցեխտող վիժածքներ են եղել: Մի՞թէ Շահումեանը, Մյասնիկեանը, Խանջեանը և նմանները մեծամասնական չէին: Մի՞թէ նրանք կը համաձայնէին նման գազանութիւնների կիրառմանը: Մի՞թէ նրանք կը համաձայնէին ազգային ուժերի այդպիսի բարբարոս կոտորակմանն ու ոչնչացմանը: Մեր ազգային միասնականութեան կործանման պատասխանատու ոճրագործները սկզբից մինչև մեր օրերը եղել են նրանք, որոնք իրենց անհատական ստոր կրքերի յագեցման համար զոհել, խորտակել են իրենց թշնամի համարած, բայց իսկական և ազնիւ հայրենասէրներին:

Ալիսի և Մուղղսու նման տգէտ և վայրենի հայասպաններն անտեղեակ էին հայ ժողովրդի ազատագրական պայքարին և ազգապահպան մարտնչողներին: Նրանք իրենց ազգի հարազատ գաւակների անձներ զոհաբերութեան մասին բոլորովին ոչինչ գիտէին: Այդ ողորմելի արարածները չգիտէին, որ հայ ժողովուրդը իրենց վայրագօրէն կոտորուած ազատութիւնն ու անկախութիւնը վերադարձնելու ի խնդիր, հազարաւոր զոհեր է տւել:

Այդ տգէտ վիժածներն ի՞նչ կարող էին իմացած լինել Վասպուրականի, Սուրբ Բարդուղիմէոսի, Այգեստանի, Զէյթունի, Տարօնի, Մասնոյ և ուրիշ բազմաթիւ վայրերի հայ ազգի հերոսական գաւակների

անմահ քաջագործութիւններից և կամ Վասպուրականում, Պոլսում, Ադանայում և այլուր գնդակահարած, խողխողած և կախաղան բարձրացած հազարաւոր ազգասէրների բնաջնջումից:

Տգէտ, ապուշ և խենթ էին նրանք, որովհետև հայ ազգի յեղափոխական հերոսներին յայտնաբերել և ճանաչել չգիտէին, որովհետև ոճրագործ ու դաւաճան էին, որովհետև հայ ժողովրդի ազատագրութեան դատին նւիրած հայրենասէրներին խեղդում և գնդակահարում էին:

Բոլորովին տրամաբանական և արդարացի կը լինէր, եթէ իսկական և իրաւացի մաքրագործում կատարւեր, եթէ վերջին տարիների ընթացքում պատերազմի հետևանքով դասալիք եղած ստահակ և վատահամբաւ, կողոպուտով զբաղող տարրերին գնդակահարէին և մաքրագործէին:

Այո՛, յեղաշրջման ընթացքում կատարւած անտեղի ու անարդար գնդակահարումներն ու սպանութիւնները մեր ազգային միասնականութիւնը և հաւաքական կորովի ուժը խորտակեցին և անդամանելի հարւած հասցրին մեր ժողովրդի համազգային դիմադրական կարողութեանը և կենսական ուժին:

Հայ ժողովուրդը այդ զգուշի ու վայրագ հայակերների անունները անջնջելի սև տառերով արձանագրել է իր ազգի դաւաճան և ստոր թշնամիների անունացանկում:

#### ՓԱԽՍՏԱԿԱՆ ՀԱՅՐԵՆԱԿԻՑՆԵՐ

1921 թի գարնան օրերումն էինք: Կիրակի օր էր: Հօրս այցելութիւն տալու համար գնացել էի եկեղեցի: Արտաշէս Գարագաշը տարիներից ի վեր այդ եկեղեցու երգչախմբի խմբավարն էր: Պատարագի ծիսակատարութիւնն աւարտելուց յետոյ ինչ սենեակում ինձ հանդիպելու եկաւ: Մովորական «բարև և ինչպէս էք»-ից յետոյ ինձ ասաց.

– Պր. Սիրաք, ձեր տաճկահայերից երկու հոգի գաղթական, անտէր ու անտիրական, շատ անմխիթար և հիւանդ վիճակում, մի քանի օր է, ինչ իմ ապրած տան բակում պառկած են: Այս քանի օրերում, իմ կարողութեան սահմանում, նրանց օգնել եմ, բայց նրանց համար անհրաժեշտ սնունդի և բժշկութեան հնարաւորութիւնները չունեմ:

– Լաւ, պր. Գարագաշ, մի՞թէ այդ մասին Բարեգործական միութեանը չէ՞ք յայտնել, որպէսզի նրանց օգնութեան հասնեն:

– Յայտնել եմ, բայց արդիւնք չի ունեցել, պատասխանել են, որ օգնութեան հնարաւորութիւն չունեն: Ասում են, որ վերջերս Բաքից՝ Փահլաւի քաղաքի գծով և Հայաստանից՝ Թարիզի գծով բաւական շատ գաղթականներ եկել և այդ բոլորին խնամելու և կերակրելու հնարաւորութիւնը չունեն:

Անմիջապէս վերյիշեցի իմ և ինչ շատ մօտ անցեալը: Մտաբերեցի մեր գաղթական օրերի տա-

ռապանքները: Ինչքան շատ դժբախտ ժողովրդի զաւակներ ենք եղել մենք բոլորս: Ի՞նչ անբախտ աստղերի տակ ենք ծնուել մենք՝ հայերս: Մենք ինչո՞վ ենք մեղաւոր, որ այսպէս անվերջանալի տանջանքների և հալածանքների ենք ենթարկուել: Երէկ տաճիկները, այսօր Բաքւի քիւրքերը և այդ ամենից վերջ մեր հարազատ հայրենակիցները մեզ կոտորում կամ քաշում ու վնդում են ամենուրեք և ամէն ուղղութեամբ: Մի՞թէ մեր դժբախտութիւնը սահման և վերջ չունի՞:

Մինչդեռ ես, այս մաշող, սիրտ կրծող մտորումների մէջ խորասուզուած, բոլորովին մռայացել էի խօսակցիս ներկայութիւնը, մեր սենեակի դուռը բացեց և հայրս ներս եկաւ: Ինձ տեսնելով, արտակարգօրէն ուրախացաւ և բացականչեց.

– Միրա՛ք, զաւակս, ու՞ր ես մնացած: Ամբողջ երկու շաբաթ է, որ ինձ մօտ եկած չես: Շատ անհանգիստ էի: Մի՞թէ չես գիտեր, որ մեր բոլոր հարազատներէն հեռու ու զրկուած՝ մենակ քեզնով եմ մխիթարուած:

– Ներողութիւն, սիրելի՛ հայր, ես մեղաւոր եմ, բայց վերջերս շատ զբաղուած եմ եղել:

– Տէ՛ր հայր,– մեր խօսակցութեան մէջ ընկնելով ասաց պ. Արտաշէսը,– հէնց նոր պր. Միրաքին պատմեցի երկու թշուառ գաղթականների մասին, որոնք հիւանդ և անճար երիտասարդներ են: Չգիտեմ, ինչպէ՞ս է պատահել, որ նրանք, բոլորովին դիպուածաբար, մի քանի օր առաջ ինձ մօտ են եկել: Դժբախտաբար, ինձ մօտ նրանց դարմանելու և կերակրելու հնարաւորութիւնը չունեմ:

– Պր. Գարագա՛շ,– կտրեցի նրա խօսքը, քանի որ ծանօթ էի նրա շատախօս բնաւորութեանը,– եթէ հօրս հետ ուրիշ գործերի մասին խօսելիք ունէք, ասէ՛ք: Ես կուզեմայի ձեզնից խնդրել ինձ այդ երկու դժբախտների մօտ առաջնորդել: Չեր տունը ճանաչելու պատեհութիւնը չեմ ունեցել:

– Եթէ տէր հօրը ուրիշ ասելիքներ էլ ունենալու լինեն, այդ յետոյ էլ կարելի է,– ներքին մեծ հրճուանքով և քահ-քահ ծիծաղելով պատասխանեց Գարագաշը:

Հօրիցս ներողութիւն խնդրեցի՝ նրան խոստանալով յաջորդ երկու օրում նրան այցելելու: Գարագաշի հետ կառք նստեցիմք՝ երկու գաղթականների մօտ գնալու համար:

\*\*\*

Արտաշէս Գարագաշէնց տունը Թեհրանի Չարրահը Ազիզ խան կոչուած քառուղուն կից՝ երկրորդական մի փողոցում էր: Ներս մտանք: Տան փոքրիկ բակի մի անկիւնում՝ երկու կտոր խսիրի վրայ փռուած խղճուկ և անմաքուր անկողնու մէջ, երկու հոգի, հալումաշ վիճակում, իրար կողքի պառկած էին: Արիւնը գլխիս խփեց: Հազիւ ինձ կարողացայ

զսպել՝ արդէն ծերութեան սեմին հասած Արտաշէս Գարագաշին չհայիոյելու համար և բռնազբօսիկ համբերութեամբ ու թաքցրած ջղայնութեամբ հարցրի.

– Պր. Գարագաշ, մի՞թէ հնարաւոր չէր այս երկու դժբախտներին ձեր տրամադրութեան տակ եղած սենեակներից մէկի անկիւնը յատկացնել: Այս անբախտ երիտասարդները, եթէ յաջողել են խուսափել թշնամու սրից, այս հալումաշ վիճակում, ամենաթեթև ցրտին չդիմանալով, թոքատապի կենթարկեն և անկասկած կը մեռնեն:

– Ասելը հեշտ է, պր. Սարհաղեան, մի տեսակ արհամարհական քնծիծաղով ինձ պատասխանեց Գարագաշը:– Շնորհակալութեան փոխարէն ինձ մեղադրում էք: Լաւ թէ վատ, չորս օր է, սրանց ապաստան եմ տուել: Հիմի հերթը ձերն է: Նրանց տարէ՛ք և աւելի լաւ պայմաններում խնամեցէ՛ք:

– Այդ կէտում իրաւացի էք,– պատասխանեցի նրան,– առանց ձեր հրաւերի էլ այդ մտադրութեամբ այստեղ եկայ: Սրանց իսկոյն ևեթ բժշկական քննութեան ենթարկելուց յետոյ իմ տունն են տանելու: Որևէ իրեղէն ունե՞ն, թէ՞ բոլորովին տկոյր են:

– Երկուսն էլ մէկական պայուսակից և մէկական հին ու քրքրուած ծածկոցից բացի ուրիշ որևէ իր չունեն,– պատասխանեց խօսակիցս:

Մեծ նեղութեամբ երկու՝ բոլորովին անծանօթ, հիւանդ և հիւծուած երիտասարդներին կառքի մէջ տեղաւորելով՝ նախ բժշկի մօտ և ապա տունս տարայ:

Կառքի մէջ, նախքան բժիշկ Համօ Օհանջանեանի (որը Հայաստանից Թեհրան գալով մի քանի ամիս մնաց) մօտ հասնելը հետաքրքրեցի նրանց ինքնութեամբ:

– Ես,– ասաց, նրանցից մէկը,– Վանեան եմ կոչուում: Վանեցի եմ: Հայաստանի պետական յեղաշրջումից յետոյ փախուստ տալով՝ Թաւրիզ եկայ: Այնտեղ փախստական գաղթականների մեծ խումում կար: Տեսնելով որ այնտեղ գործ ճարելու որևէ հնարաւորութիւն չկայ, որոշեցի Թեհրան գալ: Ղազիւնում պատահաբար հանդիպեցի մեր այս ընկերոջը՝ Արամ Մազումեանին, որը, իր հերթին Բաքւի խառնականութիւններից ճողոպրած, վճռել էր նոյնպէս Թեհրան ուղարկել:

– Իսկ դուք, պր. Արամ, ի՞նչ գործի էիք,– հարցրի երկրորդից:

– Ես բուլղարահայ եմ: Վառնա քաղաքից, Հայաստանի անկախութեան մասին տեղեկանալով, նախ Բաթում եկայ: Թիֆլիսում տեղեկացայ Հայաստանում կատարուած վերջին դէպքերի մասին: Որոշեցի Բաթում գնալ և այնտեղից Պարսկաստան գալ: Դժբախտաբար, ինչպէս ասում են, ջրից դուրս չեկած, ջրհեղեղն ընկայ: Բախտի բերմամբ ինձ յաջողեց փրկուել Բաքւի յեղաշրջումների խառնակութիւններից, ընդհարումներից և կոտորածներից: Փախստականների հետ նախ Էնզելի և յետոյ Ղազ-

լին եկայ: Այնտեղ հանդիպեցի մեր այս ընկերոջը, որ իր հերթին որոշել էր Թեհրան գալ: Երկուսս էլ տկլոր և բոլորովին անփող ենք: Միակ մխիթարական պարագան այն է, որ մենք երկուսս էլ նոյն գաղափարին և միևնույն կուսակցության պատկանող մարդիկ ենք:

– Ենթադրում եմ, որ ուզում էք ասել, երկուսդ էլ դաշնակցական եք:

– Այո՛,– անմիջապես պատասխանեց Վանեանը,– մենք երկուսս էլ դաշնակցական ենք:

Յետոյ մի քիչ շփոթահար ատելացրեց.

– Մի՞թե դուք դաշնակցական չեք:

– Ի՞նչ նշանակություն ունի այդ պարագան, թեկուզ էլ ոչ: Ամենակարևորն այն է, որ դուք հայ և ինձ նման գաղթական-տարագիր եք,– պատասխանեցի նրանց:

### ՀԱՍԱՐԱԿԱԿԱՆ ԳՈՐԾՈՒՆԵՌԻԹԵԱՆ ԱՄՊԱՐԷԶՈՒՄ

1922 թի առաջին ամիսներից նորից նիւրեւ էի հասարակական գործունեութեան: Ինձ համար կարծես վերսկսել էր 1914 թի իմ ծննդավայր Վանի հասարակական կեանքի շրջանը: Նորից սկսել էի մոռանալ իմ անհատական կեանքի և ապրումների մասին մտածել: Նորից մի արտակարգ ձգտում ունեի գրեթե ամբողջ ազատ ժամերս նիւրեւ իմ՝ օգտակար համարած հասարակական գործերի մասնակցութեանն ու դասաւորմանը:

Մէկ ու կէս տարւայ լարւած աշխատանքի շնորհիւ բաւականաչափ ծանօթացել էի պարսկերէն լեզվին և ֆրանսիական դպրոցի դասաւանդման ձևերին: Այդ պատճառով էլ կարիք չէի զգում արտադպրոցական նախապատրաստական աշխատանքի: Տնից և դպրոցից դուրս գալուց յետոյ բոլորովին մոռացութեան էի տալիս դրանց և եռանդագին մոլեգնութեամբ և ժամերով աշխատում էի հասարակական գործերս կազմակերպելու:

Այդ ժամանակներում Թեհրանում գործի վրայ եղող մշակութային և հասարակական մի քանի կազմակերպութիւնների և միութիւնների հետ շփում և կապեր էի ստեղծել:

Մեծ եռանդով գործակցում էի ինձ հետաքրքրող Թեհրանի շրջանաւարտների միութեան, Յառաջադիմականների միութեան և Հայաստանի օգնութեան կոմիտէին:

Շրջանաւարտից միութիւնը Մարգար Ղարաբեգեանի և Մաթենիկ Ասրեանի կողմից էր ղեկավարւում: Յառաջադիմականների միութեան պատուոյ նախագահութիւնը Յովսէփ Միրզայեանին էր յանձնւում, բայց նրա անմիջական ղեկավարութիւնը ճարտարապետ Ալէք Գալստեանի միջոցով էր կատարւում: ՀՕԿի նախագահը բժ. Կարօ Մինասեանն էր:

Այդ շրջանում մի խումբ դաշնակցական երիտասարդներ գժտուելով հեռացել էին կուսակցութիւնից և կազմել Չախ հոսանք կազմակերպութիւնը:

Յովսէփ Միրզայեանը՝ յայտնի պարսկագէտ և Օմար Խայամի հռչակաւոր և անմրցակից քարոզմանիչը, իր մարդկային բացառիկ առաւելութիւններով և ծայրայեղ ազնուութեամբ ինձ հիացրել և մի տեսակ հմայել էր: Անսահման բաւականութիւն էի զգում նրա հետ ժամերով խօսակցելու և կեանքի նկատմամբ նրա ունեցած իմաստասիրական գաղափարներին և կարծիքներին հաղորդակից լինելու: Միրզայեանը շատ զոհաբերող և համեստ մարդ էր:

Ռըզա Շահի պետական հարւածից յետոյ վերածնւած Պարսկաստանի օրէնսդիր ժողովի (Մէջլիս) ընտրութիւնների նախապատրաստական շրջանն էր: Թեհրանի և հարաւային շրջանի հայութեան կողմից երեք թեկնածուներ կային՝ Յովսէփ Միրզայեան, դոքտ. Ալէք Աղայեան և Արամ Մովէլ:

Բոլորովին կարճ ժամանակամիջոցում Չախ հոսանք կոչւած խումբը երկու մասի էր ճիւղաւորւել: Նրանցից մեծ մասը, մեզ հետ միանալով Յովսէփ Միրզայեանի, թեկնածութիւնն էր պաշտպանում, իսկ միւսը դոքտ. Ալէք Աղայեանի թեկնածութեան կողմնակից էր: Արամ Մովէլի թեկնածութիւնը դաշնակցականների կողմից էր պաշտպանւում:

Ընտրական յանձնախմբի նախագահը դոքտ. Յ. Ստեփանեանն էր, իսկ քարտուղարը ես էի: Երեք թեկնածուների կողմնակիցների միջև կատաղի պայքար էր սկսւել:

Թեհրանի ընտրութիւնների վերջին օրը դոքտ. Ա Աղայեանի թեկնածութիւնը պաշտպանող Չախ հոսանք կոչւածների պարագլուխ Յակոբ Յովհաննիսեանը և իր ընկերները, մեր թեկնածուի անկասկած յաջողութեան մասին տեղեկանալով և մեր՝ Արդօյ-Ազիմ քաղամասում եղած ընտրական յանձնախումբը պաշարելով, փորձեցին բռնութեամբ քլէատուփը ջարդել և ստացւած քլէները ոչնչացնել: Թաղամասի ընտրական յանձնախմբի նախագահութիւնն ինձ էր յանձնւած: Յակոբը և իր ընկերները, հաստագլուխ կոպալներով զինւած, յարձակեցին ինձ վրայ: Բարեբախտաբար, իմ պաշտպանութեան համար նշանակւած հաւատարիմ ընկերս՝ Մամէլ Մարութեանը, և երեք ուրիշները, ճիշտ ժամանակին հակայարձակման դիմելով և ծեծի մի լա դաս տալով նրանց, քաղամասի ոստիկանատանը յանձնեցին:

Ընտրութիւնները Թեհրանում մեր թեկնածուի օգտին վերջացան: Երկու և կէս ամսայ երկարաշունչ ընտրական պայքարից յետոյ մեր թեկնածուն, հայ համայնքին պարծանք ու պատիւ բերող արժանաւոր և հեղինակաւոր Յովսէփ Միրզայեանը, քլէների ջախջախիչ մեծամասնութեամբ յաղթական եղաւ՝ ընտրւելով Իրանի Խորհրդարանի հայ պատգամաւոր:

Խորհրդարանական ընտրութիւնների յաջողութիւնից յետոյ հայ համայնքի միւս ներկայացուցչական մարմիններում մեր յաջողութիւնը գրեթէ ապահոված էր: Կատարած ընտրութիւններից յետոյ հասարակական բոլոր մարմիններում, մանաւանդ Համայնական վարչութեան և Հոգաբարձական մարմնում, մեր կողմնակիցները թելադրող և վճռահատող սեծամասնութիւն ունէին: Համայնական վարչութեան քարտուղարութիւնն ինձ էր յանձնւած:

### ՉԱՂԹԱԿԱՆ ՀԻՒՐԵՐՍ

Առաջին հանդիպումիցս անմիջապէս յետոյ իմացել էի իմ երկու հիւրերի քաղաքական դասանաքը: Պր. Վանեանն ու Արամ Մազլումեանը դաշնակցական էին և հետևաբար իմ գաղափարական հակառակորդները: Ուրախ եմ յայտարարելու, որ իմ կեանքում կուսակցական մոլեռանդութեան բոլորովին ենթակայ չեմ եղել և նոյնիսկ զգանք եմ զգացել բոլոր նրանց նկատմամբ, ովքեր կուսակցական մոլեռանդութեան ատելութեամբ և քինախնդրութեամբ են կուրացել: Միշտ համոզւած եմ եղել, որ արժանիք և ազնուութիւն ունեցող որևէ անձնատրութիւն, թէկուզ կուսակցական հակառակորդ, միշտ յարգելի է:

Չափազանց ցաւալի է այն երևոյթը, որ, դժբախտաբար, մեր հայերիս մօտ կուսակցական հակառակորդը ամենամակալել որակումներով անամարկուտ և ստորացում է: Կուսակցական կրքերը շատ անգամ այնքան շատ են բորբոքում, որ երկու տարբեր կուսակցութիւնների պատկանողները իրար մատնիչ, դաւաճան, հայրենադաւ, ստոր, օտարների ծախւած և այլ բազմաթիւ վարկաբեկիչ տիտղոսներով են որակում և շատ-շատ հեռուներ գնում, որ մարդս, այդ վարկաբեկիչ տիտղոսները լսելով և կամ կարդալով, և՛ ամաչում, և՛ կարմրում է:

Մի՞թէ ուրիշ ազգերի մէջ տարբեր կուսակցութիւններ գոյութիւն չունեն: Կարո՞ղ էք թել մի քաղաքակիրթ, կուլտուրական, մշակոյթով զարգացած ազգ, որի մէջ կուսակցական այնպիսի մոլեռանդ կուրութիւն և ատելավառ փոխյարաբերութիւն գոյութիւն ունենայ, ինչպիսիսն մեր մէջ կայ:

Վերցրէ՛ք արտասահմանում՝ այսպէս ասած Սփիւռքում, հրատարակող և որևէ կուսակցութեան պատկանող հայերէն մի թերթ և աշխատեցէ՛ք, ջանացէ՛ք գտնել նրանցից մէկը, որն իր կուսակցական հակառակորդի նկատմամբ պատշաճ և առանց հայիոյանքի լեզու գործածած լինի: Շատ եմ ցաւում ասելու, որ պիտի դժարանաք գտնել այդպիսին՝ անշուշտ բացառութիւնները յարգելով: Ազգամիջեան, ներքին այսպիսի ատելութիւն և թշնամութիւն սերմանելով և բորբոքելով՝ մինչև ու՞ր ենք հասնելու: Բոլորս էլ ազգային միութեան և ազգապահպանման ենք ձգտում, բայց մեր թշնամական և ա-

տելախառն ընթացքով կործանելու վրայ ենք մեր ազգային գոյատևման հիմքերը:

Ազգասիրութեանս զգայնութեան «մեղքիս» համար ընթերցողիս ներողամտութիւնը խնդրելով՝ վերադառնում եմ իմ հիւրընկալած երկու տարագիրների համառօտ նկարագրութեանը: Նրանք կատարելապէս հիւծւած էին: Պէտք եղաւ նրանց ամբողջ երկու ամիս բժշկական խնամքի ենթարկել: Դոքտ. Համօ Օհանջանեանը և պրոֆ. Խաչիկեանն արտակարգ ազնուութիւն ունեցան այդ գործում ինձ օգնել և ձրի նրանց բժշկել: Միայն դեղօրայքի համար էի ստիպւած վճարել:

Մազլումեանը և Վանեանը ստոյգ մահից ազատւեցին: Նրանցից առաջինը 14, իսկ երկրորդը 17 ամիս ինձ մօտ մնաց: Առանց դրամի և անգործ էին: Բոլորովին անվճար բնակեցրի և հիւրասիրեցի իմ տանը:

Մազլումեանը չափազանց աշխատասէր և ընդունակ երիտասարդ էր: Թղթակցութեամբ, փոստային ճանապարհով ինձենեղական դասընթացքի հետևեց: Վարդուհի Մազլումեանի հետ ամուսնանալուց յետոյ երկու տարի Եւրոպա գնաց և ճարտարապետական համալսարանը վերջացնելով՝ Թեհրան վերադարձաւ: Նախ Բանդար-Փահլաւու և ապա «Էքքա» իրանեան շինարարական ընկերութեան ինձենեղներից և բաժնետէրերից մէկը դարձաւ: Նրա ամուսնութեան և առաջին աղջիկ զաւակի կնքահայրն եղայ: Ազնիւ և երախտագէտ մարդ էր և երբեք իմ արած լաւութիւնը չմոռացաւ:

Վանեանին երկար ժամանակ չէր յաջողում գործ ճարել: Ի վերջոյ իմ միջամտութեամբ և պնդումով մի հիմնարկութեան մէջ պաշտօնի անցաւ: Նա իր ռոճիկի անբաւարարութեան համար միշտ դժգոհ էր: Նրա բախտից իր հօրեղբօր որդին չգիտեմ ինչպէ՞ս և ո՞րտեղից Թեհրան եկաւ: Անգործ էր, բայց աշխատանքի ընդունակ և պատրաստ: Նրանց՝ իմ հնարաւորութեան սահմաններում օգնեցի մի փոքր խանութ բացելու: Եղբօրորդին առևտրական բացառիկ ճարակութեան տէր էր: Մի կարճ ժամանակից եւրոպական մի ընկերութեան մօտ միջնորդի աշխատանք սկսեց: Շատ չանցած՝ իր դրութեան հետ միասին Վանեանի վիճակն էլ բարւոքեց: Համաշխարհային երկրորդ պատերազմից առաջ նրանք շատ մեծ յաջողութեան հասան: Հարստացան: Վանեանը Մազլումեանի կատարեալ հակառակորդ դուրս եկաւ: Իմ նկատմամբ բոլորովին վատ վերաբերմունք ունեցաւ: Երկրորդ համաշխարհային պատերազմին նախորդող երկու տարիներում, երբ նա ձեռք բերած յաջողութիւններից մեծամտացել, իսկ ես կատարեալ անյաջողութեան և ճախորդութեան մէջ էի ընկել, ընկերոջս՝ Սամէլ Մարութեանին՝ հէնց իրեն մահուան վտանգից փրկելու աշխատողին և խնամողին հանդիպելիս չարախնդրութեամբ հարցրել էր.

– Ինչպէ՞ս ես, մեր տղայ... Ձեր Միրաքն ինչպէ՞ս է...: Ի՞նչ գործի է...:

– Պր. Վանեան,– իրաւացիօրէն վրդոված՝ նրան պատասխանել էր Մամէլը,– լաւ, շատ լաւ լսիր ինչ եմ ասում: Մարդս պէտք է քեզ նման շատ երախտամոռ և անխիղճ լինի, որ բոլորովին մոռացութեան տայ մէկին, որին իր կեանքն է պարտական: Այն ժամանակ, երբ դու հիւանդ ու անտէր ու անտիրական Գարագաշի բակումն էիր ընկած, այդ Սիրաքը, քո սիրելի Սիրաքը, քո հայրենակիցն ու բարեկամն էր: Երբ քեզ մահուանից փրկելու, ազատելու համար աշխատեց, նա քո Սիրաքն էր: Հիմա, երբ ձախորդութեան մէջ է ընկել, իմ ազնիւ և քանկազին բարեկամն է: Վնաս չունի: Ես քեզ նման երախտամոռ չեմ:

Եւ, իրապէս, իմ լաւ ընկեր և միշտ անկեղծ բարեկամ Մամէլը, չնայած ոչ հայրենակից և ոչ էլ այնքան կրթած, որչափ Վանեանը, միշտ երախտագէտ և ազնիւ էր գտնուել, որ Վանեանի անշնորհակալ արտայայտութիւնը տարիներով թաքցրել և միայն այն ժամանակն էր ինձ յայտնել, երբ ես արդէն ազատուել, դուրս էի եկել իմ միութեան ձախորդ վիճակից:

Ամբողջ 32-33 երկար տարիների ընթացքի Վանեանը չուզեց, չցանկացաւ ինձնով հետաքրքրուել և գոնէ մի անգամ ինձ մօտ գալով, եթէ ոչ շնորհակալութեան մի խօսք, թէկուզ մի ձևական բարև ասելու և վիճակս հարցնելու: Նա հարստացել, մեծամտացել էր: Այդ բոլորից յետոյ չափազանց զարմանալին և անսպասելին այն էր, որ Թեհրանից արտասահման գնալու ժամանակ ինձ նամակ էր գրել և խնդրել էր օգնել իր զաւակին Երոպա ուսանելու համար ուղարկելու գործում: Մոռացութեան տալով նրա՝ տասնեակ տարիների ընթացքում իմ նկատմամբ ցուցաբերած վերաբերմունքը, նորից չը զլացայ միջոցներ ձեռք առնել և յաջողեցնել նրա զաւակի բարձրագոյն ուսման համար Երոպա ճանապարհուելու գործը:

Ինչպէս յայտնեցի, Արամ Մազլումեանը Վանեանի կատարեալ հակապատկերն էր: Նա ինձ երբեք չմոռացաւ և իրեն միշտ երախտապարտ էր զգում: Նա արժանատի և ընդունակ երիտասարդ էր և իր ճիգ ու ջանքերով յաջողեց ճարտարապետական համալսարանն աւարտել և կարևոր դիրքի ու պաշտօնի հասնել:

## ՏՊԱՐԱՆԻ ՎԱՐՉԱԿԱԼ

1922 թի յունիսի վերջերին Արամ Մազլումեանը, երբ դեռ նոր էր ամուսնացել և զբաղւած էր փոստային թղթակցութեամբ կատարած իր ինժեներական դասընթացքի ուսումով, ինձ մօտ եկաւ և ասաց.

– Սիրաք, սիրելիս, ես շատ եմ ցանկանում քո՝ ինձ արած լաւութիւնները մի կերպ փոխարինել: Կնոջս ազգական այր. Միմեանն ինձ առաջակել է իր հետ միասին ընկերովի մի գործ սկսել: Իրեն պա-

տասխանեցի, որ զբաղւած եմ իմ դասընթացքի զբաղւոր աշխատանքներով և բաւականաչափ ժամանակ չունեմ իր առաջարկած գործն ընդունելու: Յետոյ գործի բնոյթից տեղեկանալով՝ իրեն յայտնեցի, թէ միայն մի պայմանով կը համաձայնեմ առաջարկածդ գործին ընկերանալու, և դա մեր երկուսից գատ, մի երրորդ անձնատրութեան ընկերացումն է:

Մի փոքր շունչ առնելով՝ շարունակեց.

– Պր. Միմեանին այս կարճ ժամանակամիջոցում ճանաչելու հնարատրութիւն ունենալ չէի կարող: Կինս՝ Վարդուհին, նրա ընդունակութիւնն ու ճարպիկութիւնը շատ է գովում և պատրաստ է գործին անհրաժեշտ սկզբնական դրամագլխի իմ բաժինը տրամադրել: Գիտես, որ ես նորեկ մարդ եմ և պարսկերէն լեզուից էլ բոլորովին զուլս հանել չեմ կարող: Բացի այդ՝ տեղական պայմաններին էլ անձանօթ եմ, եթէ դու համաձայնես գործին ընկերանալ, չափազանց շնորհակալ և ուրախ կը լինեմ: Միմեանն էլ քո վերաբերմամբ իր համաձայնութիւնն է տուել: Ինձ յայտնեց, որ քեզ հեռուից հեռու ճանաչում է: Ի՞նչ կասես:

– Սիրելի՛ Արամ, քո բարեացակամութեան համար շնորհակալ եմ: Ասենք, որ այս ֆրանսիական դպրոցի՝ ինձ վճարած ռոճիկն էլ ռոճիկի նման չէ: Երկու տարի առաջ, երբ ես պաշտօնի անցայ, շատ գոհ և ուրախ էի: Այն ժամանակ ռոճիկից շատ աւելին ինձ հետաքրքրողը պաշտօնիս բարոյական կողմն էր: Ես այդ գործով հպարտանում էի. ինձ նման գաղթական, նորեկ և օտար մարդը մի՞թէ կարող էր դրանից աւելի շատ սպասելիք ունենալ: Ներկայիս, ինչպէս ասացի, պայմանները բոլորովին փոխուել են: Ես քիչ թէ շատ կարողացել եմ ինձ տեղիս համայնքում ճանաչեցնել: Ինքս էլ մտածում եմ ուրիշ մի աւելի յարմար գործ ճարել: Բայց...

– Էլ ի՞նչ բայց,– խօսքս կտրելով ասաց Արամը:– Գիտեմ՝ ինչի համար ես մտածում: Պիտի ասես գործի քո բաժնի համար անհրաժեշտ դրամը չունես: Նախ, որ ինչպէս այր. Միմեանն է ասում, այդ գործը սկսելու համար շատ մեծ դրամագլխի կարիքը չկայ:

– Բայց ի՞նչ գործ է այդ, որ մեծ դրամագլխի կարիքը չունի,– հարցրի անհամբեր:

– Դա տպարանական մի գործ է: Նրա վարձակալը մի երոպացի է, որ ցանկանում է իր պայմանագիրը մի ոչ շատ մեծ գումարի փոխարէն ուրիշի փոխանցել: Նա որոշել է իր հայրենիքը վերադառնալ: Նրա և տպարանատիրոջ միջև կնքւած պայմանագիրը դեռ երեք տարի ժամանակամիջոց ունի: Տպարանատէրը յայտնել է, որ մեր վճարելիք գումարի մէկ երրորդն իր օգտին վերցնելով՝ համաձայն է լինելիք փոխանցումին: Ներկայիս վարձակալն այս փոխանցումին, ինչպէս նաև 3-4 երեսնոց օրաթերթերի տպագրութեան անհրաժեշտ պարսկերէն տառերի արժէքի համար վեց հազար թուման է պահանջում:

– Ուրեմն, այդ հաշուով, իմ բաժինը հաւասար ընկեր դառնալու համար երկու հազար է լինում: Այդպէս չէ՞:

– Այո՛, ճիշտ այդպէս է լինում,– ոգևորած պատասխանեց Արամը:

– Շատ լաւ: Ես այդ գումարը հայթայթելու համար մեր Մամէլի և հօրս հետ կը խօսեմ: Գուցէ ինձ յաջողի այդ դրամը ճարել: Բայց ինձ համար դեռ պարզ չէ, թէ այդ տպարանում ի՞նչ գործեր են կատարում:

– Միմեանի ասութեամբ այդ տպարանը Փոստ-հեռագրատան վարչութեան հետ գրատր պայման ունի, և վերջինիս տպագրական բոլոր գործերն այդ տպարանում են կատարում: Բացի այդ՝ ներկայիս Թեհրանում հրատարակուող վեց օրաթերթերից չորսն այդտեղ են տպագրում:

\*\*\*

Գժվարութեամբ ինձ յաջողեց տպարանի վարձակալութեան համար երեք հոգուց բաղկացած ընկերութեան իմ անդամակցութեան բաժինը հայթայթել: Խմիչքների առևտուրի գործը լիովին յանձնել էի իմ հաւատարիմ ընկերոջը՝ Մամէլին, և իրեն ասել էի.

– Միրելի՛ Մամէլ, ինձ այլևս խմիչքի առևտուրը չի հետաքրքրում: Բախտաւորութիւն ունեցայ բոլորովին պատահականօրէն քեզ պէս ազնիւ և ուղղամիտ գործակցի հանդիպելու: Գործը կառավարի՛ր, ինչպէս քեզ յարմար է: Մեր երկուսիս ապրուստի ծախսերը հոգալուց յետոյ շահած գումարից քո ցանկութեան համաձայն տան վարձքի կամ շահաբաժնի անունով ինձ ամսական մի գումար տո՛ւր: Մնացեալը քեզ հալալ: Եթէ կարողանաս, աշխատի՛ր մի քիչ դրամ խնայել և տան արժէքն էլ ինձ վճարել: Ինչպէս տեսնում ես, ուրիշ գործերով զբաղւած եմ և աշխատում եմ ինձ համար մի աւելի պատշաճ գործ ճարել:

– Չափազանց շնորհակալ եմ, եղբայր Միրաք,– ասել էր Մամէլը: Նա վաղուց ի վեր ինձ եղբայր էր անուանում և այդ կոչման համար ես գոհ էի:– Դու ինձ հարազատից աւելի օգնել և պաշտպանել ես: Ամբողջ կեանքումս ինձ արած լաւութիւնդ չեմ մոռանալու և միշտ պատրաստ եմ ունեցածս քո տրամադրութեան տակ դնելու:

Մամէլն իր հաւաքած և խնայած դրամից կարողացաւ ինձ մի հազար թուման տալ: Հայրս էլ հազիւ ի վիճակի եղաւ հիմա հարիւր թուման գոյացնել: Մնացեալ հիմա հարիւրը տիկ. Վ. Մազլումեանից փոխարինաբար ստացայ:

Օգոստոս ամսի վերջերին մեր տպագրական ընկերութիւնը կազմել և գործի էր անցել: Մեպտեմբերի սկզբին իմ հրաժարականը յանձնեցի Ալիանս-ֆրանսէզ դպրոցի տեսուչ Միլվեսթրին:

Խղճի պարտականութիւն եմ համարում այս առթիւ իմ խորին շնորհակալութեան խօսքը ասել այդ ֆրանսիացու հասցէին: Ենթադրում եմ, նա գուցէ ներկայիս մահացած լինի, որովհետև 1922 թին այդ պատական, սրտաբաց և բարեհամբոյր մարդը մօտ 45 տարեկան կը լինէր: Իմ ուսուցչական պաշտօնավարութեան առաջին տարին, երբ ես պարսկերէն լեզվից բոքիկ էի և այդ պատճառով էլ դասարանում աշակերտների հետ փոքրիկ միջադէպեր էի ունենում, մեր տեսուչը միշտ ինձ օգնութեան էր հասնում և ինձ քաջալերում էր չյուսահատուել և տոկալ:

Տպարանի գործը սկզբում մեծ դժարութիւնների հանդիպեց: Գործի քանակն ու ենթադրական շահը վատ չէր, բայց մեզ հետ առաւելապէս գործ ունեցող փոստ-հեռագրատան վարչութիւնն իր ամսական վճարումները 45 օրից աւելի շուտ չէր կարող անել: Միս կողմից էլ այդ օրերին մեր տպարանում տպագրուող և Թեհրանում կշիռ և սպառում ունեցող օրաթերթերը մէկ շաբաթից աւելի շուտ վճարել չէին համաձայնում: Տպագրական ծախսերը, թուղթ, թանաք և բանւորների ու տպարանի վարձքը բաւական խոշոր գումար էին կազմում: Ստիպւած եղանք երեք ընկերներով մուրհակներ ստորագրել և ծանր տոկոսով հիմա հազար թուման էլ փոխարինաբար վերցնել:

Առաջին ամիսներին մեծ դժարութիւններով կարողացանք գործը ծայրի հասցնել: Վեց ամսից յետոյ հազիւ կարողացանք տոկոսով վերցրած հիմա հազար թումանը վերադարձնել, բայց մեր աշխատանքի և ներութեան համար ոչինչ էր մնում: Միմեանի և ինձ համար ամսական 250 թուման ռոճիկ էր որոշւած: Երկուսս էլ օրական 12-14 ժամ աշխատում էինք: Մեզ չէր յաջողում գոնէ նշանակւած ռոճիկը վերցնել: Թէ՛ Արամը և թէ՛ ես շատ դժգոհ էինք, բայց Միմեանը միշտ ասպազայ փայլուն խոստումներով էր մեզ կերակրում:

Ամբողջ ութ ամիս այս անմխիթար վիճակը շարունակեց: Վերջին երկու ամիսների Միմեանի ուղղամտութեան մասին սկսել էի կասկածել: Իմ այդ կասկածի վերաբերեալ Արամին վերապահութեամբ յայտնեցի և նրան խնդրեցի ստուգման համար ելք գտնել:

Արամն ինձ լիազօրեց հնարատր զգուշութեամբ ստուգումներ կատարել: Խնդիրը բաւական բարդ էր: Առանց փաստի որևէ վարկաբեկում կարող էր պատասխանատու հետևանքների յանգել: Անհրաժեշտ ստուգումներ կատարելու համար պէտք էր զգուշութիւն և սառնարիւն համբերութիւն:

### ԹԵՐԹԻ ՀՐԱՏԱՐԱԿՈՒԹԻՒՆ

Տպագրական լայն հնարատրութիւն ունենալով՝ մտածեցի մի շաբաթաթերթ հրատարակել: Շուրջս հաւաքւած «Յառաջադիմական»-ի բոլոր ազդեցիկ

անդամները վաղուց մի շարքաթերթ ունենալու անհրաժեշտությունը շեշտել էին: Յարմար առիթ և նպաստաւոր պայմաններ էին ինքնընտրված րասատուրել: Ալէք Գալստեանի, Յարութիւն Պետրոսեանի, Հայկ Դուկասեանի և մի քանի ուրիշների հետ խորհրդակցելուց յետոյ Յովսէփ Միրզայեանի նպաստաւոր համաձայնութիւնն էլ ստացանք: Նախ որոշեցինք թերթը հրատարակել «Աշխատանք» անունով, բայց յայտնուեց, որ այդ անունով թերթ գոյութիւն ունի կամ ունեցել է: Վերջը վճռուեց թերթը «Բանոր» անունով հրատարակել: Որպէս պատասխանատու խմբագիր՝ ինձ նշանակեցին:

Ամենալուրջ և ամենադժարին խնդիրը թերթի հրատարակութեան բիջէի ապահովումն էր: Հրատարակելիք թերթի շուրջ հաւաքածների մէջ տնտեսապէս ապահովածների թիւը երկուսից չէր անցնում: Շատ մեծ դժարութեամբ հնարաւոր եղաւ թերթի 12 համարների մտաւոր ծախսերը հայթայթել: «Չախ հոսանք» կոչւածներից մի մասը, որոնք ընտրութիւնների ընթացքում մեզ հետ գործակցել էին, խոստացան նիւթապէս և մանաւանդ թերթի սպառման գործում օժանդակել: «Բանոր» թերթը՝ որպէս շարքաթերթ, հրատարակել սկսեց, բայց ութ ամիս չբոլորած խափանուեց: Բոլոր խոստումներն ու յանձնառութիւններն անկատար մնացին:

**ՀՕԿ-Ի ԿԱԶՄԱԿԵՐՊՈՒԹԻՒՆԸ**

1922 թի կէտերին Թեհրանում կազմել էր Հայաստանի օգնութեան կոմիտէ կամ ՀՕԿ անունով մի միութիւն: Այդ միութեան շուրջն էին հաւաքել ժողովրդական զանազան խաւերին պատկանող մարդիկ, որոնց մեծ մասը գիտակից էր և յառաջադէմ տարր: Առանց քաղաքական աշխարհայեացք ունենալու՝ այդ կազմակերպութեան կամ աւելի ճիշտ միութեան անդամները հայրենիքի կողմնակիցներն ու բարեկամներն էին: Միութեան վարչութեան անդամները եօթը հոգի էին: Նախագահը բժիշկ Կարօ Մինասեանն էր: Վարչութեան միւս անդամները հետևեալներն էին՝ օր. Վիկտորիա Եսայեան, տիկ. Մարի Առաքելեան, Ռաֆայել Մովսիսեան, Սեդրակ Աւագեան, Հայկ Դուկասեան և ես: Վարչութեան նպատակն էր պարսկահայ ժողովրդին տեղեակ պահել վերածնունդ հայրենիքի վերաշինութեան և յառաջադիմութեան մասին: Յաճախ դասախօսութիւններ և երբեմն էլ երեկոյթներ էին կազմակերպուում: Գոյացած եկամուտներից շատ կարիքաւոր ընտանիքներ նպաստաւորում էին:

ՀՕԿ-ի ամենագլխաւոր նպատակն էր միջոցներ ձեռք առնել, որպէսզի հնարաւորութիւն ստեղծի Իրանում եղած գիւղացի և քաղաքացի կարիքաւոր և ընչազուրկ հայերին Հայաստան փոխադրելու: Այդ ուղղութեամբ ՀՕԿ-ը տևական և անխոնջ աշխատանքներ կատարեց նպաստաւոր հող ստեղծելու:

Այդ տևական ճիգ ու ջանքերի շնորհիւ էր, որ վերջ ի վերջոյ յաջողուեց շուրջ մի տասնեակ հազար կիսաքաղց և կիսամերկ հայերին հայրենիք փոխադրել:

Հայ ժողովուրդը իր կազմաւորման սկզբից և իր գոյութեան ամբողջ ընթացքին միշտ հայրենասէր է եղել: Նա իր հայրենիքի անկախութեան, ազատութեան և գոյատևման համար յարատևօրէն պատրաստ է եղել պայքարելու, պատերազմելու և իր արիւնը թափելու: Այդ ժողովրդին հետաքրքրողը և ոգևորողն ամենաառաջին հերթին իր հայրենի հողի պահպանումն ու պաշտպանութիւնն է եղել: Նա միշտ օգնական և թև ու թիկունք է հանդիսացել բոլոր նրանց, ովքեր իրենց երկրի և հայրենական օջախների պաշտպանութեան և անկախութեան համար անկեղծօրէն ջանացել, պայքարել և այդ ճանապարհին ու այդ նպատակին զոհուել են:

Այդ ջերմեռանդ և անսահմանօրէն նւիրած հայրենասիրութիւնն է, որ հայ ժողովրդին ներշնչում է նւիրել և կառչել բոլոր նրանց, ովքեր հայ երկրի, հայրենի հողի, նրա վերակառուցման, նրա ծաղկումի ու բարգաւաճման մասին են խօսում, նրա վերելքի և յաղթական մարտերի մասին պատմում և նրա հայրենատենչ երազն են իրականացնում:

Դարերի ընթացքում տառապակոծ, անիրաւած, բռնադատուած, գերուած, կողոպտուած և ստրկացուած այդ ժողովրդական տարրերին՝ բազմաչարչար գիւղացիներին և աշխատաւոր քաղաքացիներին, շատ էլ չի հետաքրքրում այն հանգամանքը, որ իր անչափ և անսահման սիրած երկրի ղեկավարները ճերմակ, կանաչ, կապույտ, կարմիր վերնագգեստ են կրում, նրանք ջերմեռանդօրէն հաւատացած են, որ այդ ամէն տեսակի հագուստներ կրող ղեկավարները հայեր, արիւնով, ոսկորով իսկական հայեր են: Նրանց՝ այդ ժողովրդական զանգաւածներին քաշողն ու հրապուրողն ամենաառաջին հերթին միայն ու միայն, իրենց հարազատ հայրենիքն է, նրա հայրենի հողն ու ջուրն է, նրանց հայրենի քաղաքն ու գիւղն է, նրանց հարազատ լեզուն, դպրոցը, թատրոնը, երգն ու պարը և վերջապէս այն բոլորը՝ անշունչ կամ շնչաւոր, որ հայ տեսք, ձայն, բարբառ և շունչ ունեն:

Ահա այս էր գլխաւոր պատճառն այն անկեղծ զգացման և անչափ համակրանքին, որ պարսկահայ գիւղացին, բանտրն ու հասարակ դասակարգը սկզբից ի վեր ցուցաբերեցին վերածնունդ և վերաշինող հայրենիքի նկատմամբ:

ՀՕԿ-ը տարիների ընթացքին այդ հաւատաւոր համակրանքից անմասն չմնաց և իր նախապատրաստական օգտակար ձեռնարկութեամբ գաղթականութեան հայրենադարձի հիմքերը դրեց:

**ՀԱՐԻԱԾԻՑ ՅԵՏՈՅ ԻՆՔՆԱՍՓՈՓՈՒՄ**

Ալիսին գրածս երկու նամակներից ոչ մէկի պատասխանը ստանալ չկարողացայ: Անդրկովկա-



սեան երեք երկրներն էլ, 1919 թականի վերջերից սկսած, մէկը միւսի յետևից խորհրդային իշխանութեան ծիրի մէջ անցան: Սկզբնական 2-3 տարիների ընթացքում փոստ-հեռագրական հաղորդակցութիւնը խանգարեց: 1922-ի օգոստոսի վերջերին, մերոնցից՝ թէ՛ քրոջիցս և թէ՛ Կարապետ եղբորիցս, նամակներ ստացանք: Այդ նամակները մեր ուղարկած նամակների շատ ուշացած պատասխաններն էին: Անչափ էր իմ և մանաւանդ որդիակարօտ հօրս ուրախութիւնը: Ուրախութիւնից լացելով՝ ասում էր.

– Ո՛վ տէր Աստուած, պիտի գա՞յ այն օրը, երբ մենք բախտ կունենանք մեր հարազատները գրկելու և կարօտակէզ համբուրելու անոնց:

Երկու եղբայրներս և իմ միակ սիրելի քոյրս, երեքն էլ ամուսնացել էին: Դժբախտաբար միջնեկ եղբորս՝ Արմէնի հիւանդութիւնն ատելի ուժեղացել էր: Քրոջս կարծիքով, թոքերի հիւանդութիւնը սկսել էր իր անբուժելի ատերը և սպառնում էր նրա ծաղիկ կեանքը խափանել:

Հօրս հետ միասին վճռեցինք մեր ունեցած դրամով 200 ռուբլի հիւանդ եղբորս ուղարկել:

Բարեբախտաբար, մեր հայրենակիցներից մի հայ վաճառական, որ Թիֆլիզի հետ վաճառականական կապեր ունէր, համաձայնեց այդ գումարը մեր տւած հասցեով փոխադրել: Քառասուն օրից յետոյ մեզ յայտնուեց գումարի ստացումը, որի համար մենք չափազանց ուրախացանք:

Իմ վերջին նամակով գրել էի Արաքսուն և խնդրել էի տւածս հասցեով հետաքրքրել Ալիսի մասին և ինձ գրել: Դժբախտաբար, Արաքսուն չէր յաջողւել Ալիսից որևէ տեղեկութիւն իմանալ:

Իմ սիրային բիւրեղանման ապրումները վերջնականապէս և թաւալգոր խորտակւել էին: Արևափայլ խորանի վերջին սիւները յուսալքող ճարճատումով տապալւել էին: Սրտի ամայութեան և ունայնութեան սառեցնող քամին քշել, տարել և անհետացրել էր այն բոլորը, ինձ որ երիտասարդական անուրջ, սէր և եղենական-երազային ապրում էր եղել ինձ համար:

Անջային սիրով տոգորւած սիրտս ամայացել էր: Իմ կարօտակէզ ներաշխարհը՝ իրար յաջորդող երկու խորտակւած սէրերով, այրել, մրրկել և վշտակոծ ավտասանքի քուլաներով անվերջ ծխում էր...

Ամբողջ ժամանակ՝ ցերեկ ու գիշեր, հոգեպէս տառապում և տանջում էի: 1923 թի սկզբից ուժեղ ցանկութիւն ունէի Ղարաքիլիսա-Թիֆլիս վերադառնալ: Այդ ուղղութեամբ շատ աշխատեցի, բայց անօգուտ: Ինչպէս հազարատրների, ինձ էլ չը թոյլատրուեց հայրենիք վերադառնալ:

\*\*\*

Հոգեկան վշտով ճխլուած և հալածուած մարդը միշտ ինքնամոռացման և ինքնասփոփման ուղիներ

է փնտրում: Ինչպէս շնչակոծ և շնչակտուր մարդը մաքուր օդ և թթւածին է փնտրում, վշտահար և յուսալքուած մարդն էլ ինքնամոռացման միջոց և հնարաւորութիւն է որոնում:

Տպարանում իմ կատարած աշխատանքը յատկապէս երկարածգում էի, բայց այդ միօրինակ և տաղտկալի զբաղմունքը չէր կարող ինձ հոգեկան բաւարարութիւն տալ և ինքնամոռացութեան մղել:

«Բանուոր» թերթի հրատարակութիւնը դադարելուց յետոյ տպարանական աշխատանքն էլ ձանձրալի, երբեմն նոյնիսկ անտանելի էր թում: Այդ բոլորից յետոյ գործի անշահաւէտութիւնը և մանաւանդ գործակցիս հանդէպ ունեցած անվստահութիւնն ինձ յոգնեցնում, վշտացնում և ջղայնացնում էր:

Այդ օրերին տպարանի բանուորութիւնը, որոնց մեծամասնութիւնը հայեր էին, ինձ խնդրեցին իրենց կազմակերպած դասընթացքներում հայոց լեզու, պատմութիւն և գրականութիւն դասաւանդել: Համաձայնեցի: Ինձ համար շատ նպատակայարմար միջոց էր թէ՛ բանուորներին օգտակար լինելու և թէ՛ մի կերպ հետաքրքրական զբաղում ունենալու: Հետզհետէ այդ դասընթացների հետևողների թիւը շատացաւ: Ուրիշ տպարաններից և աշխատատեղերից էլ բանուորներ և աշխատատեղեր ինքնակամ և սիրալոյսով նախկիններին միացան, և նրանց թիւը յիսունից անցաւ:

Անհրաժեշտ եղաւ այդ դասընթացքների համար ատելի յարմար և ընդարձակ տեղ փնտրել: Ինձ յաջողուեց Թեհրանի՝ այդ ժամանակայ հոգաբարձութեան համաձայնութիւնը ստանալ դասընթացքների պարապմունքները հայոց դպրոցի սրահը տեղափոխելու համար: Դասաւանդութեան գործում ինձ օգնելու համար օր. Ղարաքէգեանն ու Ղազարն էլ իրենց սիրալոյսով համաձայնութիւնը տւին:

Մի քանի ամսից յետոյ գրագիտութեան և պատմութեան դասընթացքներին հետևողները ձեռնարկեցին Բանուոր-արհեստատեղերի միութիւնը կազմակերպել: Ես ուրախ էի՝ ուժերիս թոյլատրած սահմանում նրանց օգնելու և ցուցմունքներ տալու:

## ՊԱՏԱՀԱԿԱՆ ՀԱՆԴԻՊՈՒՄ

Շրջանաւարտների միութեան անդամներին, մանաւանդ Մ. Ղարաքէգեանին և Ս. Ասրեանին հանդիպելու համար դպրոց կամ հայոց ակումբն էի գնում: Այդ օրը հինգշաբթի գիշեր էր: Ենթադրում էի՝ նրանց անպատճառ ակումբում կը հանդիպեմ: Յաջորդ օրը ուրբաթ էր և հանգստեան օր: Այդ գիշերը ակումբում մի գեղարուեստական երեկոյ էր յայտարարուած: Ձեռնարկի ծրագիրը ըստ երևոյթին ճոխ էր: Ծրագրում նազ, երգ ու պար էլ կար: Որոշեցի այդ գիշեր ակումբ գնալ և մի քանի ժամ հանգրստանալ:

Հայոց ակումբում այդ գիշեր սովորականից անելի բազմութիւն կար: Ուզում էի Մարգարին կամ Սաթենիկին հանդիպելով՝ տեղեկանալ Շրջանաւարտների միութեան յառաջիկայ հերթական երեկոյթի տեղի մասին:

Նրանց փնտրելիս հանդիպեցի մի օրիորդի: Նրա անունը Հելէն էր: Նրան մի քանի օրեր առաջ բոլորովին պատահականօրէն հանդիպել և ծանօթացել էի իմ ծանօթներիցս մէկի տանը: Ակումբում այս հանդիպումն երկրորդ անգամն էր: Սիջահասակ, երիտասարդ և փարթամ տեսք ունէր: Բարեւեցի և խօսակցութեան բռնեցի: Ներկայիս չեմ կարող վերյիշել, թէ մեր երկուսիցս ո՞ր մէկը չէր ցանկանում միասից հեշտութեամբ բաժանել: Այդ գիշերը մեր խօսակցութիւնը շատ երկար տևեց: Ակումբի ծառուղիներում իրար կողքի քայլում և երբեմն էլ այդ տեղում դուրս գալու նստարանների վրայ նստելով՝ հանգստանում էինք: Տարօրինակ էր այդ բոլորը: Անսպասելի և շուտափոյթ մի տեսակ մտերմութիւն յառաջացաւ: Երբ երկուսս էլ շատախօսութիւնից յագեցած էինք, օրիորդը տուն վերադառնալու ցանկութիւն յայտնեց:

– Մայրս ինձ չի թոյլատրում գիշերայ ժամը 7:30-ից յետոյ դրսում մնալ: Նրա միակ աղջիկն եմ, և ինձ համար շատ է անհանգստանում: Այսօր մի տեսակ բացառութիւն էր, որ, առանց մեծ կամ փոքր եղբորս ընկերակցութեան, ինձ արտօնեց այստեղ գալ: Մեր բնակած տունն այստեղին բոլորովին մօտիկ է: Մայրս ինձ ասաց, որ մի ժամից յետոյ փոքր եղբորս՝ Էլիկին, կուղարկի ինձ տուն տանելու համար և զարմանում եմ, որ ուշացել է:

– Օրիորդ Հելէն, չեմ ենթադրում, որ նա ուշացած լինի: Նա կարծեմ այս տեղերն էր թափառում և ըստ երևոյթին մեզ, այսինքն անելի շուտ քեզ էր հետևում:

– Իսկապէ՞ս, ինչպէ՞ս է եղել, որ ես նրան չեմ նկատել,– զարմանքի արտայայտութեամբ ասաց Հելէնը:

– Չարմանալու ոչինչ կայ, օրիորդ, դուք խօսակցութեամբ տարած էիք,– պատասխանեցի:– Այո՛, տարած էիք խօսակցութեամբ... և մի գուցէ ինձնով:

– Այ թէ ինչե՛ր էք ասում: Դրան չէի սպասում:

– Նեղանալու ոչինչ կայ, օրիորդ, ես կատակ արի: Եւ վերջապէս ձեր նման մի օրիորդ իրաւունք ունի մի երիտասարդի հետ ջերմ և ուշադիր խօսակցելու, և իր եղբորը, որին անվերջ տեսնում է, մի երկու ժամով մոռանալու:

Առաջարկեցի նրան ուղեկցել մինչև իրենց տունը: Նա բոլորովին չառարկեց:

### ԽԱՐԴԱԽ ԳՈՐԾԱԿԻՅ

Մեր երեք ընկերների վարձած տպարանի գործերի ընթացքը գոհացուցիչ չէր: Ամիսների ընթացքում հաշիւների վերաբերմամբ գաղտնաբար ստուգումներ էի կատարում: Ի վերջոյ ինձ համար ստու-

գորէն պարզեց, որ իմ և Արամի կողմից նշանակած մեր գործի ընկերը՝ կառավարիչ՝ Սիմեանը, տպարանի հաշիւների մէջ կեղծիքներ էր կատարում:

Աղա-Ռըզա անունով մի թղթավաճառ մեր տպարանին հայթայթում էր անհրաժեշտ թուղթն ու թանաքը: Պարզեց, որ շուկայի օրայ արժէքների վրայ 15 տոկոս, մեր պր. կառավարչի օգտին անլացնելով, մեզ թուղթ և թանաք էր ծախում:

Մեծ գումշատրութեամբ և գաղտնաբար փոստ-հեռագրատան ներկայացած հաշիւեցուցակները ստուգեցի: Պարզեց, որ պր. կառավարիչը 25 տոկոս բարձր արժէքներով այդ հիմնարկութեանը, իսկ 25 տոկոս անելի ցած արժէքներով մեզ հաշիւեցուցակներ է ներկայացրել և նման կեղծիքներով ու խարդախութեամբ առիւծի բաժինը հանգստութեամբ և անբարեխղճօրէն գրպանել է: Կատարած զեղծումների և խարդախութիւնների համար մեծ աղմուկ բարձրացրինք, Արամի տիկինն ու նրա մեծ քրոջ ամուսինը մէջտեղ ընկան և ամէն կերպ աշխատեցին գործն անուշի կապել:

– Մեր գերդաստանի համար,– ասացին միջամտողները,– ամօք և խայտառակութիւն են նրա կատարած խարդախութիւնները: Խնդրում ենք մեր պատուին խնայել այդ զեղծումների հրապարակումը: Խնդիրը դատարան տանելով՝ ժամավաճառ պիտի լինէք և արին պղտորէք: Մենք նրան կստիպենք ձեզ հասանելիք մօտաւոր գումարները վճարել և այդպիսով խնդիրը փակել: Չեր իրաւունքը ստանալուց յետոյ, եթէ ցանկանաք գործը շարունակել, անելի ապահով միջոցներ ձեռք կառնենք:

Ճար չունէինք: Թէ՛ Արամը և թէ՛ ես ստիպւած էինք մեզ հասանելիք գումարների կէսից մի քիչ անելին ստանալով՝ զերծարար գործակցի վրայ թքել և նրա հետ կազմած ընկերութիւնից հեռանալ: Պարոն զերծարարը մեզ վճարած գումարների համար փորձեց իրեն արդարացնել՝ յայտնելով, որ այդ գումարները գործի յաջողութեան համար «նւերներ» են տրւած:

### ՃԱՇԻ ՀՐԱՒԵՐ

1923 թի օգոստոս ամսումն էինք: Մի օր ինձ մօտ մի բաւական երիտասարդ կին եկաւ և յայտնեց.

– Պր. Սիրաք, ինձ Հելէնի մայրը՝ տիկ. Նունիան է ուղարկել և խնդրել է, որ իրեն կողմից ձեզ ուրբաք օրայ ճաշին հրաւիրեմ: Նա շատ է ցանկանում, որ իր այդ հրաւերը չմերժէք: Իրենց բարեկամներից էլ մի քանի հոգի, որոնց հաւանաբար ճանաչում էք, մասնակցելու են այդ օրայ ճաշին: Հելէնի մայրն ու ընտանիքը շուրջ մի ամիս է, ինչ Դարուսի ամառանոցում են ապրում:

– Բայց, տիկին, ես Հելէնի ընտանիքի հետ առանձնապէս ծանօթութիւն չունեմ և դժարանում եմ այդ հրաւերին մասնակցելու խոստում տալ:

– Է՛հ, պր. Սարհադեան, ի՞նչ մասնաւոր ծանօթութեան մասին էք մտածում: Մի՞թէ մարդիկ հենց առաջին օրւանից իրար հետ լաւ ծանօթութիւն և մտերմութիւն են ունենում: Բարեկամութիւնն ու մտերմութիւնը կրկնող տեսակցութիւններից են առաջանում:

Նորից փորձեցի մերժել: Ինձ շատ տարօրինակ քիչ այդ կնոջ թախանձագին պնդումը: Յետոյ, բայց իհարկէ շատ ուշ, իմացայ դրա պատճառը: Այդ կինը ոգի ի բռին ցանկանում էր մի երիտասարդի ուշադրութիւնը իրեն գրաւել, իսկ այդ երիտասարդի ամբողջ ձգտումն ու իղեալը Հելէնն էր:

Հելէնի մայրը իր միակ աղջկայ այդ ինքնակոչ թեկնածուին բոլորովին չէր սիրում: Յետոյ իմացայ, որ Հելէնի մայրը ինձ հետ ունեցած առաջին հանդիպումից ի վեր իմ նկատմամբ ինձ համար միանգամայն անբացատրելի համակրութեամբ և լաւատեսութեամբ էր տոգորել: Նա իր աղջկան ասել էր.

– Հելէն, աղջիկս, միակ երիտասարդը, որին քեզ համար արժանի են գտնում, Սիրաքն է: Ամէն կերպ աշխատի՛ր նրան գրաւել և քեզնով հետաքրքրել: Մինչև այժմ քեզնով հետաքրքրողներից ոչ մէկին չեմ հաւանել:

Տւած խոստումս չորժելու համար որոշւած ուրբաթ օրը գնացի տիկին Նունիայի հրաւիրած ճաշին: Դոքտ. Ալէք Աղայեանը, որի պարլամենտական ընտրութեան դէմ պայքարել էի, ճաշին հրավիրածների թւումն էր: Հելէնի մայրը նրա քեանն էր: Ներկաները, որոնց մէջ նաև դոքտ. Աղայեանը, ինձ համար անսպասելի և, եթէ ճիշտ խոստովանելու լինեն, անհասկանալի ընդունելութիւն և յարգանք ցուցաբերեցին: Իմ անձիս շուրջ, ինձ համար բաւական տարօրինակ ուշադրութիւն և հոգածութիւն էի նկատում: Ծաշը խնամւած և հաճելի էր: Լաւ գինի էլ կար:

Բաժակաճառեր խօսեցին և կենացներ խմեցին: Ամենից ուշագրաւը դոքտ. Աղայեանի՝ իմ կենացը առաջարկած բաժակաճառն էր: Նա իմ «առաւելութիւնների» և ճիգ ու ջանքերի մասին ճառեց: Նրա բաժակաճառում իմ ինքնասիրութիւնը շոյող մասն այն էր, որ նա վեր հանեց իմ փախստականութեան վիճակից դուրս գալու և առանց ուրիշների օգնութեան, նոր կենաց ու ասպարէզ ստեղծելու իմ բացառիկ ջանքերը: Կարճ բաժակաճառով իմ կենաց խմողներին շնորհակալութիւններս յայտնեցի:

Ծաշն ու ժամանցը շատ հաճելի անցան: Հիւրերը երեկոյեան քաղաք վերադարձան: Հելէնի մայրը խնդրեց և ի վերջոյ ինձ ստիպեց, որ այդ գիշերը իրենց մօտ՝ Դարուսի ամառանոցը մնամ:

– Այստեղի օդն ու ջուրը սքանչելի են: Ստամբուսի անմարտողութիւն և անհանգստութիւններ ունէի, այս մէկ ամսում, կարծես բոլորովին անցան: Հիմա ինձ շատ լաւ են զգում: Մնացէ՛ք և գոնէ մի գիշեր այս ամառանոցի ջրից, հովից ու գովից օգուէ՛ք:

Աւելորդ անկողին և յարմարութիւն ունենք: Այդ մասին բոլորովին հանգիստ եղէք: Մեզ բոլորիս համար ձեր ներկայութիւնը շատ հաճելի է:

Չգիտեմ ուրիշների համար ինչպէս, բայց իմ և Հելէնի համար այդ օրայ երեկոն շատ հաճելի անցաւ: Մինչև կէս գիշեր Դարուսի ծառաստաններում և աղբիւրների մօտերքում ման էինք գալիս և մտերմօրէն խօսակցում էինք:

\*\*\*

Յաջորդ օրը՝ ճաշից յետոյ, Հելէնն ինձ խնդրեց իր մօր համաձայնութիւնն առնել ինձ հետ Թեհրան գալու համար:

– Ուզում եմ մօրաքրոջս՝ Թագուհու մօտ գնալ և մի երկու օր նրա մօտ մնալ: Այստեղ ինձ համար ձանձրալի է անցնում:

Յետոյ ամաչելով և կմկմալով աւելացրեց.

– Մեր այս հարևան տիկնոջ և երիտասարդի երեսից էլ մի երկու օր կազատեմ:

– Ովքե՞ր են այդ հարևան տիկինն ու երիտասարդը,– հարցրի հետաքրքրութիւնից մղւած:

– Տիկինն այս երիտասարդին իր ձեռքումն է պահում և նրա վերաբերեալ շատ մեծ խանդ ունի: Չգիտեմ ինչպէ՞ս է պատահել, որ երիտասարդն այդ կնոջ հաշիւ է տալիս, նոյնիսկ կարող են ասել, որ նրանից վախենում է:

– Բայց այդ տիկինը կարծես շատ աւելի տարիքոտ է քան երիտասարդը: Այդպէս չէ՞, կամ գուցէ ես եմ սխալում:

– Ո՛չ,– պատասխանեց Հելէնը,– չեմ կարծում սխալւած լինէք:

Մի քիչ յետոյ խորհրդաւոր տոնով և ժպտով աւելացրեց.

– Կարծես կինը դրամ ունի և դրանով երիտասարդին իր գերին է դարձրել:

Դարուսից մեկնելուց առաջ Հելէնի մօրն ասացի.

– Տիկին Նունիա, նախ և առաջ ձեր սիրալիլ հիւրասիրութեան համար շնորհակալութիւնս եմ յայտնում և ապա կուզեմայի խնդրել, եթէ թոյլ տաք, Հելէնին ինձ հետ Թեհրան տանեմ:

Յետոյ, առանց պատասխանի սպասելու, կատակելով և ծիծաղելով աւելացրի.

– Հելէնին կը տանեմ հօրս մօտ և կը ներկայացնեմ՝ որպէս իմ նշանած ու ապագայի հարսնացուն: Համաձա՞յն էք:

– Ո՛չ միայն համաձայն, այլ չափազանց երջանիկ կը լինեմ քեզ նման մի փեսայ ունենալու համար: Չգիտեմ ինչպէս պատահեց, որ մեր հանդիպման առաջին օրւանից իսկ ես քեզ որդուս նման սիրեցի: Գուցէ Հելէնը քեզ պատմած լինի, որ հազիւ մէկ տարի առաջ իմ անդրանիկ զաւակին՝ իմ դժբախտ Էմիլին, իր ջահէլ-ջիւան և ծաղիկ հասկում Ղասրէ-Շիրինում այս իմ չորացած ձեռնե-

րովս թաղեցի: Այդ իմ դժբախտ որդու համալսարանական կրթութեան և մասնագիտութեան համար ամբողջ ունեցած հարստութիւնս ծախսիւնցի: Նա, Ֆրանսիայում գիղատնտեսական համալսարանն աւարտելով, այստեղ՝ մեզ մօտ վերադարձաւ: Նրա մասնագիտութեան համապատասխան գործ չգտնեց: Մաքսային մասնատր քննիչի պաշտօնով Դասրէ-Շիրին ուղարկեցին: Նրա պաշտօնավարութիւնը երկար չտևեց: Տիֆով հիւանդացաւ: Երանի թէ ոտքերս կտորած լինէին, նրա մօտ գնացած չլինէի: Քիւրդերն ինձ խնդրեցին բողնել, որ իրենց խտտերով ու սեփական ճարերով նրան բժշկեն և մահից ազատեն: Ես, անբախտ և որդիական գուրգուրանքից կտորացածս, թոյլ չտի նրանց՝ իմ զաւակին փրկել: Բժիշկների խնամքին յանձնեցի: Այդ անաստածներին էլ տիֆով վարակած ջահէլ-ջիւան բալխ քինին սրկեցին, սխալ դարմանում կատարեցին և նորաբողոք վարդ-զաւակիս սպանեցին:

Այս յայտնութիւններն անելիս խեղճ կինը լացում, մղկտում էր և իր ծնկներն ու գլուխը ծեծում: Սրտամըմուռ ափսոսանքով կարեկցում էի այդ դժբախտ կնոջը: Երբ մի քիչ հանգստացաւ, աշխատեցի մի կերպ, նրան սիրտ տալով, սփոփել:

– Տա՛ր, ուր ուզում ես տար աղջկանս, – արցունքն աչքերին ասաց նա: – Այսօրանից դու իմ կորած անգին բալխ ես փոխարինելու:

Իր թանկագին որդու կորուստի վերայիշման այրող վիշտը մի քանի րոպէում նրան գունաբափ և դողահար էր արել: Դողոջուն և արցունքոտ իր երկու ձեռքերով ճակատս իրեն մօտեցնելով՝ մի քանի անգամ տոչորագին և կարօտակէզ համբուրեց ինձ:

Գուցէ այդ րոպէներին նրան թում էր, որ ի կորցրած սիրելի զաւակին նորից գտել և համբուրում է նրան:

**ԱՄՈՒՍՆՈՒԹԻՒՆ ԵՒ ՀԱՐՍԱՆԻՔ**

Ինչպէս Հելէնի մօրը խոստացել էի, նոյն օրը, կէսօրից յետոյ՝ Հելէնի հետ հօրս մօտ՝ եկեղեցի գնացինք: Երբ ես ամուսնութեան թեկնածուին ներկայացրի հօրս, նա, յանկարծակիի եկած, մի քիչ զարմացաւ, բայց շատ ուրախացաւ, շնորհատրեց մեզ և իր հայրական օրհնութիւնն էլ շխնայեց: Նա՛ որպէս թեմի քահանայ, իր ծխական ընտանիքներին համարեա բոլորին ճանաչում էր: Հելէնի ընտանիքին և նրա բազմաթիւ ազգականներին էլ ճանաչում էր: Նրա զարմանքն իրաւացի էր, քանի որ նախապէս մի քանի օրիորդների թեկնածութեան մասին բազմաթիւ անգամներ և ի միջի այլոց Հելէնի շատ մօտ ազգական մի օրիորդի մասին ինձ յայտնել և ընտրութեան ու ամուսնութեան առաջարկներ արել էր, բայց ես միշտ նրան պատասխանել էի, որ դեռ ժամանակ ունեմ այդ առթիւ մտածելու և որոշում կայացնելու համար:

1923 թի 17 օգոստոսին Հելէնի հետ իմ ամուսնութեան օրն էր նշանակած: Ծաշից յետոյ՝ ժամը 3-ին, Դարուսում հրաւիրել էինք հարսանքատրների 50-60 հոգու մի բազմութիւն: Հարսանիքի և ամուսնութեան այս ծիսակատարութիւնները տարօրինակօրէն շտապ կարգով կատարեցին, և ես համարեա հնարաւորութիւն էլ չունեցայ իմ բարեկամ-ընկերներին հարսանեկան հրաւերներ ուղարկելու: Հարսանիքին մասնակցողների շարքում կային հայրս, իմ լաւ ընկերս՝ Սամէլը, և իմ բարեկամ Արամ Մազլումեանը: Մեր ամուսնութեան քառորթեան համար դքքտ. Ալ. Աղայեանն իր թեկնածութիւնն էր դրել: Այդ սիրայօժար թեկնածութեանը մենք ուրախութեամբ համաձայնեցինք:

Հարսանքատրներն առաջարկեցին մեզ Վանագի Ս. Մինաս եկեղեցում ամուսնանալ: Հայրս ու քաւորս, ինչպէս և մենք ամուսնացողներս, այդ առաջարկն էլ սիրայօժարութեամբ ընդունեցինք: Մնում էր Դարուսից Վանագ գնալ ու վերադառնալու հարցը լուծել: Հարսանքատր բոլոր օրիորդներն ու տիկիները միաբերան աղաղակեցին.

– Էշեր վարձել, նրանց հեծնելով ու դիօլ-գուռնա անելով, ճանապարհին տեղ-տեղ ցած իջնելով և պար գալով, քէֆ անելով, սազանդար նազելով և նորից էշերին նստելով՝ Վանագ հասնել և պսակի կարգը կատարելուց յետոյ նոյն թափօրով և կարգով Դարուս վերադառնալ:

Այս առաջարկը դնող տիկիներն ու օրիորդները մեծամասնութիւն էին կազմում: Նրանց այդ առաջարկը պահանջող աղաղակների փոխուեց և ի վերջոյ ծափահարութիւններով և ուռաներով վաւերացեց:

Էշատրների կարաւանը Դարուսից Վանագ ճանապարհուեց: Արտակարգ ոգևորութեամբ, սազ ու պարով, դիօլ-գուռնայով, երգ ու կանչերով, 15 կիլօմետրանոց ճանապարհը կտրուեց և ժամը 6-ի մօտերքը Վանագ ժամանեց: Վանագի տէր Սահակ քահանան և հայրս պսակը կատարեցին: Միշտ հեզաբարոյ էշերի կռնակին նստած, հարսանքատրները նոյն ուրախ և զարթ տրամադրութեամբ, երգ ու պարով և սազանդարով մեզ Դարուս վերադարձրին և մինչև առաւօտ արտակարգ ուրախութեամբ քէֆ անելուց յետոյ անհուն ափսոսանքով մեզնից բաժանեցին: Հարսանիքի ամբողջ տևողութեանը բազմաթիւ բաժակաճառ խօսեցին, և բարեմաղթութիւններ կատարեցին:

**ՆՈՐ ԳՈՐԾԻ ՎՐԱՅ**

Ամուսնութիւնիցս երկու շաբաթ յետոյ իմ բարեկամ Մազլումեանն Եւրոպա գնաց՝ համալսարանի ճարտարապետական ճիւղի դասընթացը վերջացնելու և իր աւարտական վկայականը ստանալու համար:

Երկու տարւայ ընթացքին նա թղթակցութեամբ քաւական շատ յաջողութիւն էր ձեռք բերել և ենթադրում էր ամենաուշը մինչև երկու տարի ստանալ իր հետևած ճիւղի վկայականը:

Նրա մեկնելուց յետոյ Սիմեանն ինձ առաջարկեց տպարանի գործում նորից իր հետ ընկերանալ: Շատ էի ցանկանում անգործ չմնալու համար նորից ընկերանալ, բայց, քանի որ նրա ուղղամտութեան մասին վստահութիւնս խախտել էր, մերժեցի:

Երկու ամիս յետոյ՝ ՀՕԿ-ի նախաձեռնելիք երեկոյթի նախապատրաստական փորձերի ընթացքին, հանդիպեցի երեկոյթի աշխատանքներին մասնակցող իմ բարեկամ-ընկերներիցս մէկին՝ Լևոն Թաղեանեանին: Երբ տեղեկացաւ իմ՝ անգործ լինելու մասին, ինձ հետևեալը առաջարկեց.

– Սիրա՛ք, դեսպանատանը գանձապահի պաշտօնեայի տեղը թափուր է մնացել: Այդ գործի վրայ եղած ծառայողը մի շաբաթ առաջ Ռուսաստան վերադարձաւ: Սնդուկի գործն էլ վզիս է ընկել: Առանց այն էլ ես ծանրաբեռնուած եմ: Մեր գլխաւոր հաշուպահը մի ռուս մարդ է: Շատ պատական մարդ է, բայց որպէս պաշտօնեայ՝ առանձնապէս գովելի չէ: Վատութիւնը կայանում է նրանում, որ նա խմել շատ է սիրում, և նրա գործերի մեծ բաժինն էլ ստիպուած եմ ես կատարել: Ինձ յանձնարարուած է տեղացիներից մէկին ներկայացնել: Ինչպէս գիտես, վերջին 2-3 տարիների ընթացքում տեղացիներից երեք-չորս հոգի ընդունած են գործի: Ամիջապէս մի դիմում գրի՛ր: Յոյս ունեմ, որ դիմումդ չի մերժելու, մանաւանդ որ դեսպանատանը ծառայող մեր հայերը՝ Աւագեանը, Առաքելեանը, Օրբելեանն ու Աղաբեգեանն էլ քեզ ճանաչում են, և եթէ անհրաժէշտ լինի, կարող եմ քեզ երաշխաւորել:

– Լաւ, կը փորձեմ, – պատասխանեցի բարեացական ընկերոջս՝ Լևոնին:

Դիմումս ընդունեց, և 15 օր յետոյ դեսպանատան գանձապահի պաշտօնով գործի անցայ: Գործի կատարումը որևէ դժարութիւն չուներ, միայն ռուսերէն լեզուի թերի ծանօթութիւնն ինձ նեղում էր:

#### ՀԱՅՐԵՆԱԴԱՐՉՈՒԹԵԱՆ ԾԱՐԱԽՆ ՈՒ ՆԵՐԳԱՂԹԻ ՓՈՐՉԵՐԸ

1928 թիւն էր: Մայր հայրենիքից հասնող նորանոր լուրերը՝ նրա բարգաւաճման և վերելքի մասին, ինչպէս ուրիշ օտար երկրներում ցիր ու ցան եղած հայ ժողովրդին, այնպէս էլ այս երկրում եղած գիւղացի և քաղաքացի աշխատատր տարրերին արտակարգօրէն ոգևորում և հրապուրում էին: Իրանի հայ ազգաբնակչութեան ոչ բարեկեցիկ ապրուստ ունեցող մարդկանց ճնշող տոկոսը հետզհետէ աճող անդիմադրելի մոլեգնութեամբ ձգտում էր վերադառնալ մայր հայրենիք:

Բնականաբար, այդ անդիմադրելի ցանկութիւնը յաճախ իր արձագանքն էր գտնում Հայաստանի

ներգաղթի յատուկ հիմնարկներում: Այդ ներգաղթի հիմնարկից կամ կոմիտէից խոստումներ էին տրուում հայրենիքի դռները բացելու և հայրենակարօտ բազմութիւններին Հայաստանի գորովագութ ծոցում ընդունելու համար:

Ամէն օր հարիւրաւոր դիմումներ հասնում էին խորհրդային դեսպանատան հայկական գործերի վարիչին, որն իր հերթին ՀՕԿ-ի կազմակերպութեան վարչութեան հետ խորհրդակցութիւններ էր կատարում՝ խնդրին հնարատր ելք գտնելու համար:

Բազմաթիւ դիմումներից յետոյ որոշեց մի նախապատրաստական քայլ վերցնել խնդրի հնարատր ստուգման և ուսումնասիրութեան համար:

1928 թիւ ապրիլ ամսի սկզբին, պատշաճ յանձնարարականով, ինձ առաքելութիւն տրեց մէկ ամսով գնալ նախ Հայաստան (Երևան) և ապա Թիֆլիս և ի վերջոյ անհրաժէշտ ու հնարատր պարագային՝ Մոսկւա՝ ներգաղթի հնարատրութիւնն ստուգելու և այդ առթիւ անհրաժէշտ դիմումներ կատարելու նպատակով: Իմ այս առաքելութեան յաջողութեան համար այդ ժամանակայ խորհրդային հիւպատոս Պլատը՝ ծագումով լատվիացի, չափազանց սիրալիր և սրտացաւ օժանդակութիւն ընծայեց:

#### ԵՐԵՒԱՆՈՒՄ

Երևան հասնելուց յետոյ հիւրանոց իջևանեցի: Մի փոքր հանգստանալուց յետոյ հեռախօսով կապեցի Այգեստանի իմ նախկին սիրելի ընկերներից Խէրանեանի հետ: Նա, անմիջապէս հիւրանոց հասնելով, ինձ ստիպեց իմ երկու թեթև պայուսակներիս հետ իրենց տունը տեղափոխուել: Մեր երկուսի հանդիպումը շատ սրտառու էր: Գրկախառնուել էինք և ափսոսում էինք իրարից բաժանուել: Առաջին հերթին նա սկսեց.

– Այս ի՞նչ անսպասելի հրաշք է, որ կատարում է: Մեր բաժանումից յետոյ ամբողջ 13 տարիներ են անցնում, և մենք, այնքան շատ հարազատ ընկերներս, այսքան երկար ժամանակ իրարուց կտրուած և անտեղեակ ենք մնացել: Այդ ինչպէ՞ս է, որ գոնէ մի նամակ էլ չես գրել և ողջ ու առողջ լինելուդ համար մի լուր չես հաղորդել:

– Սիրելի՛ Վահան, նախ որ հասցէդ չունէի, և յետոյ կրկնակի նահանջներից մեր կրած հարածներն այնքան ուժեղ են եղել, որ նոր և հազիւհազ ենք կարողացել սթափուել: Այդ մասին խօսելիքներ շատ ունեմ: Խնդրում եմ պատմել քո և ձերոնց մասին: Ծնողներդ և քոյրդ ինչպէ՞ս են: Ամուսնացե՞լ ես, թե՞ ոչ: Մեր միւս ընկերները ի՞նչ են անում: Նրանցից ովքեր կան այստեղ...

– Սպասի՛ր մի քիչ: Հարցերովդ ինձ կարգին ջնբակոծեցիր: Գնանք մեզ մօտ: Դանապարհին և տանը կը պատմեմ այն ամէնը, ինչ քեզ կը հետաքրքրի:



*Արուսյան (նախկին՝ Աստաֆյան) փողոցը Երևանում (լուս. 1920 թ.)*

Մի պայուսակ և մի փոքր ճամպուրակ ունեի: Ծանր չէին: Չեռներս վերցրած՝ փողոց իջանք և կառք նստելով՝ հասանք Վահանի տունը:

Ընկերոջս տունը Արուսյան պողոտայի վրայ էր: Չորս սենեակներից բաղկացած մի հանգստալուստ և լուսառատ բնակարան էր: Սենեակների կահաւորումից եզրակացրի, որ ընկերոջս ապրուստի պայմանները գոհացուցիչ պիտի լինէին:

– Ամուսնացել եմ, – ասաց Վահանը, – մի տղայ և մի աղջիկ ունեմ: Մայրս ու քոյրս ողջ և առողջ են: Դժբախտաբար, հայրս մահացել է: Թե՛ ես և թե՛ կինս Լուսատուրութեան ժողովրդական կոմիսարիատում ենք աշխատում: Աշխատակցում եմ Երևանի թերթերին և մանաւանդ «Խորհրդային Հայաստան» օրաթերթին: Վիճակիցս էլ գոհ եմ:

Չափազանց հետաքրքրութեամբ կլանում էի ընկերոջս՝ ինձ հաղորդած նորութիւնները, բայց ինձ արտակարգօրէն հետաքրքրող խնդրի մասին նա ոչինչ չասաց: Երբ նա հազիւհազ ինձ տուած նորութիւնները հաղորդելուց յետոյ մի երկվայրկեան ուզում էր շունչ առնել, հարցրի.

– Իսկ ի՞նչ վիճակի է մեր նախկին սիրելի ընկեր Աղասին:

– Խանջեանի մասին է հարցումդ: Նրան էլ պիտի հասնէի: Բոլորովին իրաւացի ես նրա մասին շուտափոյթ տեղեկութիւն ուզելուդ համար: Հետևաբար խնդրում եմ համբերութեամբ լսել:

Վանում Աղասին մեր ուսանողական միութեան ժրաջան և պարտաճանաչ ընկերներից էր: Բայց գոնէ ես, խոստովանում եմ, չէի ենթադրում, որ նա ի վիճակի պիտի լինէր իր ժրաջանութիւնն ու ընդունակութիւնն այս աստիճանի արագընթաց կարգով զարգացնել և իրենց հասցնել այսօրայ բացառիկ դիրքին: Լսած կը լինես, անշուշտ, որ նա մերկայիս կուսակցութեան առաջին քարտուղարն է: Իսկ նման աստիճանի և պատուի հասնելը չափազանց քչերին է յաջողում. ի դէպ, անմիջապէս պիտի ասեմ, որ նա տքնաջան աշխատող և արտակարգօրէն ընդունակ է: Նա երկու համալսարան է աւարտել և կուսակցական տեսաբան է: Լեւինը նրան սիրում էր և չափազանց գնահատում: Անհրաժեշտ եմ համարում յայտնել նաև ամենակարևորը: Բազմակողմանի զարգացման և այսօրայ իր դիրքին ու աստիճանին հասած՝ նա նոյն համեստ և պարկեշտ Աղասին է մնացել: Իրեն չի կորցրել: Հպարտ և անմատչելի չէ: Խիստ բազմազբաղ և անխոնջ աշխատող է: Եթէ հնարաւորութիւն ունենայ, ոչ մէկին չի մերժի իր աշխատասենեակումն ընդունելու և նրա գանգատն ու ցարն անձամբ լսելու: Նրա առաւելութիւնների մասին երկար, շատ երկար կարելի է խօսել, բայց որպէսզի կարողանամ համառօտել, պիտի յայտնաբերեմ նրա նկարագրի ամենաէական մասը՝ չնայած իր պաշտօնին և կուսակցական առաջնակարգ և պատասխա-

նատու դիրքին, նա հայ է մնացել, իսկական հայաստէր և հայրենասէր հայ...

Վահանն այստեղ կանգ առաւ: Ըստ երևոյթին, նա ցանկանում էր Խանջեանի մասին ուրիշ յայտնութիւններ էլ անել, բայց կարծես տատանում էր: Ի վերջոյ վճռեց յայտնել նաև այն, որի համար մտահոգ էր:

– Սիրելի՛ Սիրա՛ք, ճանապարհին ինձ յայտնեցիր, որ քեզ այստեղ՝ Երևան, և նրանից յետոյ Թիֆլիս ու Մոսկա բերող ամենագլխատոր պատճառը ներգաղթի հարցն է: Հետևաբար այն, ինչ ուզում եմ ասել, քեզ չափազանց պիտի հետաքրքրի, որովհետև անմիջականօրէն քո առաքելութեան խնդրին է կապած: Աղասին՝ որպէս իսկական և ճշմարիտ հայ և հայրենասէր, չափազանց ցաւում է այն անարդարութեան համար, որ կատարել է հայ ժողովրդի հաշիւին: Նա դժգոհ, շատ դժգոհ է ներկայ Հայաստանի անճիշտ ու անարդար սահմանագծումի և սահմանադրոշման համար: Նա անիրաւացի և անգութ է համարում մեր հայաբնակ, փախստական և անբաժանելի հողամասերի անջատումը, անիրաւացի ու անարդար կտրատումը: Նա իր հայրենի երկրի՝ Հայաստանի անանջատելի և անբաժան մասն է հաշուում Ախլցխան, Ախլքալաքը, Լեռնային Ղարաբաղը, Նախիջևանը և բոլոր այն հողամասերը, որոնք մեր ներկայ հայրենիքի տրամաբանական ու բնական սահմաններում պիտի լինէին: Դրա համար էլ նա Մոսկա և Լեւինգրադ է գնացել՝ խօսելու, բացատրելու և պահանջելու կատարած կոպիտ և անարդար սխալմունքի սրբագրումը:

– Ուրեմն Աղասին Երևանում չէ՞, – յանկարծակիի եկած և վշտահար՝ հարցրի ես:

– Ո՛չ, 15 օր է, ինչ նա մեկնել է՝ իրեն շարունակ անհանգստացնող և չարչրկող հարցը լուծելու և ցանկալի արդիւնքին հասնելու համար:

– Հայաստան, բազմամարդ Հայաստան, ընդարձակած և շնչելի Հայաստանն է նրա ձգտումն ու բոլորանէր ճիգն ու ջանքը: Նրա հայրենասէր սիրտը տանջում է, երբ ամէն կողմից լսում է հայրենակարօտ ազգակիցների ճիչն ու ճողը. «Հայրենիք վերադառնալ ենք ուզում: Մեր հայրենիքի դռները բացէ՛ք: Մեզ մեր հայրենիքի գիրկն ընդունէ՛ք: Մենք մեր հայրենի հողի վրայ ենք ցանկանում ապրել, աշխատել ու մեռնել...»:

– Ներողութիւն եմ խնդրում, վաղեմի և ազնի՛ւ ընկերս, – ասացի Վահանին, – եթէ ես ինձ թոյլ եմ տալիս մի քիչ զարմանալու յայտնութիւններիդ վրայ: Դիշտ է, որ ես երկար տարիներ առաջ մեր կրտսեր ու եռանդուն ընկերոջը՝ Աղասի Խանջեանին, ճանաչել եմ որպէս գործի և պարտականութեան նւիրած չափազանց ազնուասիրտ մի հայի: Չարմանքիս պատճառը կայանում է մի հիմնական խնդրում: Չէ՞ որ այդ մեր նախկին ընկերը՝ Աղասին, ամբողջ 12-13 տարիների ընթացքում եփուել և թրծուել է ձեր ներ-



**Աղասի Խանջեան**

կայ կուսակցութեան՝ կոմունիստական կուսակցութեան քուրայում: Այդ քուրայում թրծած կուսակցականները համայնավարական, համաշխարհային, համաքաղաքացիական և այլ ընդհանրական սկզբունքներով են դաստիարակւած: Նրանց համար հիմնականում, բոլոր ազգութիւններին պատկանող մարդիկ՝ հայ, վրացի, ազերբեյջանցի, ուկրաինացի, բելոռուս, դազախստանցի, թուրքման, թաթար և բազմաթիւ և բազմազան ազգութիւններից ծնած և հասակ նետած մարդ-անհատները, մէկ հայրենիք պիտի ունենան: Ուզում եմ ասել, որ համայնավար երկրներում և համայնավար վարչակարգի տակ ապրող բոլոր ազգութիւնները մէկ ընդհանուր հայրենիք պիտի ունենան: Նման պայմաններում Խանջեանի նման մի յայտնի համայնավար-կուսակցական, որը արժանացել է մի ամբողջ ժողովրդի՝ հայ երկրում ապրող ազգաբնակչութեան առաջնորդ-ղեկավարի դիրքին, կարո՞ղ է և ի վիճակի՞ է քո ասութեամբ, շեշտած, նւիրած հայրենասէր լինել:

– Առաջադրածդ հարցը կատարելապէս հասկանալի և տեղին է, – աճապարեց ինձ պատասխանել իմ նախկին մտերիմ ընկերը, – խնդրում եմ նորից ինձ լսելու սիրալիրութիւնն ունենաւ: Համայնավարական կարգերն երբեք չեն ժխտում իրենց իրաւակարգի ծիրում ապրող ազգութիւնների ինքնորոշման իրաւունքները: Ընդհակառակը, նրանք բոլորը համայնավարական դրութեան ապահովու-

թեան և ամրապնդման հիմքերն և վերջնական յաղթանակը տարբեր ազգութիւնների մտաւոր, կուլտուրական, ընկերա-հասարակական և տնտեսական ընդունակութիւնների ազատ և անկաշկանդ զարգացման և յառաջադիմութեան ու բարգաւաճման մէջն են փնտրում: Այս ընտանիքում ապրող ազգերը հիմնականում բոլորն էլ ֆիզիկապէս և կուլտուրապէս պէտք է առողջ և իրահասարար լինեն, նրանցից որևէ մէկը չպէտք է առանձնաշնորհեալ լինի և միսին գրկանքի ու շահագործման ենթարկի: Հետևաբար, բոլորովին զարմանալի չէ, եթէ մեր բոլորիս սիրելի և յարգելի ընկեր՝ Աղասին, ցանկանում է այդ ընտանիքի անդամներից մէկի, այս պարագայում հայ ժողովրդի համար ապահովել իրաւական և անհրաժեշտ իրաւահասարարութիւնը: Աղասին հայ ժողովրդից անիրաւացիօրէն կողոպտուած իրաւունքների և նրա արդարացի պահանջների պաշտպան-իրաւաբանն է: Նա հայ ազգի հարազատ և արժանի զաւակն է: Նա իր ծնող ժողովրդի պարծանքն է: Նա անգնահատելի հայասէր և հայրենասէր է:

\*\*\*

Նոյն երեկոյեան Վահանն ինձ ծանօթացրեց իր տիկնոջ հետ: Ընթրիքի սեղանի շուրջ հաւաքել էր նրանց ամբողջ ընտանիքը: Վահանի մայրն ու քոյրն ինձ դիմաւորեցին աննկարագրելի հրճամբով: Տարիներից յետոյ Վահանի մօր հանդիպումն ինձ հետ նրա հին վշտերը նորոգեցին: Լաց եղաւ: Չէ՞ որ նրա անդրանիկ աղջիկը՝ իմ եղբորակին դժբախտ Հայկանուշը՝ մեր առաջին աղէտալի նահանջի գոհեղիցն էր եղել: Ես ու իր տղան աշխատեցինք նրան մխիթարել և մի կերպ խաղաղեցնել նրա բորբոքած հին վշտերը:

– Մայրիկ,– ասացի նրան,– քեզնից շատ աւելի դժբախտները կան: Պատերազմը մեր վասպուրականցիներիս համար մի առեւելի չարիք եղաւ:

Սրտակեղեք և վշտահար մտապատկերումով դժբախտ Անուշին ու նրա հօրն ու մօրը վերջիշելով՝ շարունակեցի.

– Կասկած չունեմ, որ մեր փողոցից ոչ հեռու ապրող կոզակ Սահակ աղային յիշելիս կը լինես: Նահանջի ժամանակ նրա ամբողջ ընտանիքը գոհեց: Նրանց շէն տունն էլ իրենց հետ հողին հաւասարեց: Բոլորը գնացին, անհետացան... Փա՛ռք տուր, որ մէկի փոխարէն ներկայիս երեքն ունես, այս սիրուն, անուշիկ թոռներիդ իրենց մօր հետ միասին ունես:

Վահանի կինը՝ երիտասարդ, փարթամ և ներկայանալի տեսք ունէր. համալսարանաւարտ էր, ընդհանուր զարգացմամբ օժտուած և հաճելի խօսակից: Ընթրիքի սեղանն էլ ճոխ էր: Հայաստանի «Արարատ տրեստի» հռչակատր գինին սեղանը զարդարում էր: Իրիկնապահի ժամանակը շատ հաճելի և

արագ անցաւ: Նրանց բոլորի հարցասիրութեանն աշխատեցի ըստ կարելոյն բաւարարութիւն տալ:

\*\*\*

Բախտի բերմամբ յաջորդ օրը կիրակի էր: Ընկերս ու նրա կինը խոստացան փոխնիփոխ ինձ ընկերակցել Երևանի, մեր մայր հայրենիքի արագընթաց թափով վերաշինող և ընդարձակող մայրաքաղաքի տեսարժան վայրերը ցոյց տալու համար:

Առաջին նահանջի ժամանակամիջոցին ես Երևանը տեսնելու պատեհութիւնը չէի ունեցել: Ընկերս ինձ հետևեալ տեղեկութիւնները հաղորդեց.

– Մեր հայրենիքի մայրաքաղաքը լինելու փառք ու պատիւն ունեցող այս քաղաքը մինչև 1920 թիւր ծուռ ու մուռ և փոշոտ ու կեղտոտ փողոցներից և մի շարք անշուք տներից բաղկացած փոքր քաղաք էր: Անցնող 7-8 տարիների ընթացքում հնամենայ և անշուք քաղաքն իր տեսքը հիմնովին փոխել է: Այս նոր և լայն պողոտաները, նրանց եզերքում բարձրացած տներն ու շէնքերը, հրապարակ-պարտէզները, ծառուղիներն ու ջրառատ գեղեցիկ աւազանները, հիմնարկներն ու արձանները, բոլորը նորակառոյց են: Եթէ նոր պատերազմ դիմագրաւելու դժբախտութիւնը չունենանք, մեր այս նորաստեղծ մայրաքաղաքը մինչև 10 տարի միանգամայն անճանաչելի կը լինի: Բազմաթիւ ճարտարապետներ և շինարարական մասնագէտներ զբաղած են հարկուրտոր ծրագրած յատակագծերի, հիմնարկների, հասարակական վայրերի պատրաստութեամբ և գեղագարդմամբ: Մեր Երևանը Կովկասի քաղաքների նորահարսը կը դառնայ: Ժողովրդական մշակոյթի, գեղարեստների և արեստի տները՝ թատրոնի, օպերայի, կինոյի, երգ ու պարի, բալետի, մատենադարան-թանգարանների նորակերտ ու հոյակապ շէնքերն ու պալատները մեր նորաստեղծ և օրէցօր ծաւալող մայրաքաղաքը գեղագարդելու են: Մեր էլեկտրակայանները իրենց լուսատուրութեան հեղեղով մեր սիրելի Երևանն ու նրա լայնածաւալ շրջակայքը փառահեղ և արևանման լոյսերով են ողողելու: Հայ ժողովրդի ազատամարտի հռչակատր ախոյեան Աբովեանի անունով կոչող այս գեղեցիկ պողոտան, որի երկայնքով ներկայիս քայլում ենք, մինչև մեծ հայրենասէրի ծննդավայրը Քանաքեռն է երկարած գտելու: Նա լայնանիստ և հսկայածաւալ արձանը շուտով այս պողոտայի կրծքին է բազմելու:

Մունջ և անխօս, անյազ ծարաւով կլանում էի ընկերոջս նկարագրութեան ամէն մի բառը և յափշտակում էի նրա ոգևորութեան թափով:

Ամբողջ երեք ժամ Վահանի հետ ոտքով ման էինք գալիս: Փոխադրական միջոցներից գրեթէ չօգտուեցինք: Ինձ չափազանց հետաքրքիր էր նորաստեղծ մայրաքաղաքի ամէն մի անկիւնն այցելել և տեսնել: Դրա համար էլ անհրաժեշտ էր ոտքով քայլել:



Կեսորան մօտերքը Վահանն ինձ ասաց.

– Ենթադրում եմ, յոզնած պիտի լինես: Տուն վերադառնանք: Ճաշելուց յետոյ մի փոքր կը հանգրտանաս և ժամը 4-ին, այս անգամ կնոջս հետ, պտոյտի դուրս կը գաք: Դիպածաբար այսօր, այդ ժամին Գրողների միության հասարկոյթը պիտի կայանայ: Եթէ հնարատր լինի 7-ից առաջ այստեղ լինել, քեզ կը ծանօթացնեն մեր գրական հանճարների հետ: Վարպետը, Չարենցը, Դեմիրճեանը և ուրիշ բազմաթիւ հին ու նոր գրողները այնտեղ կը լինեն: Ժամը 8-ին, 8 1/2-ին այնտեղից կամացուկ կը ծլկենք և Պետական թատրոնը կը գնանք:

Մեր նախկին դերասանների կողքին աւելացել են նոր և ընդունակ երիտասարդներ: Թատերական անսամբլը մեր փառքերից մէկն է: Նրանք սքանչելի յաջողութեամբ կատարում են թատերական դիւանդանի կտորներ: Նրանց դերասանական ընդունակութիւնն ու տաղանդը նոյնիսկ օտար ականատես-այցելուներին հիացմունք են պատճառել: Ամբողջ մի ամիս է, ինչ Շէքսպիրի «Համլետ»-ն է բեմադրուում: Չնայած դրան՝ դարձեալ մեծ դիւարութեամբ է տոմսակ ճարուում: Այսօր առաւօտեան թատրոնում աշխատող ընկերներիցս մէկին հեռախօսեցի և խնդրեցի մեզ համար երեք տոմսակ պահել: Սկզբում դժարացաւ խօսք տալ, բայց երբ յայտնեցի, որ արտասահմանից ժամանած հիւր ունեմ, չկարողացաւ մերժել:

1918 թին Երևանի ազգաբնակչութեան համրանքը 25 հազարից չէր անցնում: Այդ թիւը ներկայումս տասնապատկել և տարեցտարի անվերջ աւելանում է: Բնակչութեան անգրագիտութեան դէմ խիստ մեծ պայքար է սկսել: Ժողովրդի կրթական մակարդակն անհամեմատաբար բարձրացել է, նա ինքն է հետաքրքրուում իր մտաւոր պահանջը բարարելու համար: Նրա համար թատրոնը, համերգը, օպերան, բալետը, պար ու երգը և կինոն հացի չափ անհրաժեշտ մի պահանջ են դարձել:

\*\*\*

Վերածնունդ հայրենիքի մայրաքաղաքում իմ կրած տպաւորութիւններն ինձ անսահմանօրէն ոգևորում էին: Կեանքը ամենուրեք եռում էր: Ամէնքը ձգտում էին յառաջխաղացման ընդհանուր երթից յետ չմնալ: Ամէն մէկը տոգորում էր մի աշխատանքով, մի ձգտումով: Այդ ճիգ ու ջանքերի նպատակը հայրենիքի վերակերտումն ու վերածաղկումն էր:

Գրողների ակումբում և Պետական թատրոնում ստացած տպաւորութիւններս ինձ համար բոլորովին անսպասելի էին: Ամենից ազդուն և տպաւորիչը մշակութային այդ օջախներում տիրապետող հայկական ոգու անխառն հարազատութիւնն էր: Հայ հարազատ խօսքը ու սքանչելի լեզուն կատարեալ և բացարձակ տիրապետում էին ամենուրեք:

Վահանը այդ օրայ (երկուշաբթի) ժամը 12 1/2-ին Ս. Տէր-Գաբրիէլեանին հանդիպելու և խորհրդակցելու համար ժամանակ էր վերցրել:

Տրամադրելի չորս ու կէս ժամ ազատ ժամանակ ունէի: Թէ՛ ընկերս և թէ՛ նրա տիկինը ստիպւած էին այդ ժամերին իրենց պաշտօնավայրում լինելու: Տնից դուրս գալով՝ որոշեցի Երևանի զանազան մասերում շրջագայել: Ընկերոջս բնակած տան համարը մտքումս պահել էի: Ծփոթելու պարագային կարող էի հարցնել և գտնել: Առաւօտեան ժամը ուրից յետոյ երթևեկողների թիւը քչացել էր: Անցեալ օրայ և մանաւանդ գիշերայ խռնումը չկար: Այդ պարագան ինքնին հասկանալի էր: Պետական և վարչական ծառայողները, գործարանների և աշխատավայրերի բանուրները, դպրոցականներն և ուսանողները, վերջապէս ամէն տեսակի աշխատանքի մարդիկ մի ժամ առաջ գնացել էին իրենց հիմնարկութիւններն ու գործատեղին:

Տասնեակ տարիներից յետոյ հրճանք էի զգում ամենուրեք լսելու հայ լեզվի քաղցրանուշ հնչող խօսակցութիւնները: Ամէն տեղ հայ և հայերէն խօսակցութիւն: Իմ՝ չորս ժամայ պտոյտների ամբողջ տևողութեանը հազիւ մի քանի անգամ ռուսերէն խօսակցութիւն լսեցի:

Քաղաքի կարգ ու կանոնին և երթևեկութեան հսկող կարգապահ ուժերը բոլորը հայեր էին: Երբ ինձ անհրաժեշտ եղաւ Երևանի շուկայի ուղղութիւն և տեղն իմանալ, մօտեցայ կարգապահ միլիցիոներին և նրանից խնդրեցի ինձ օգնել: Նա շատ սիրալիրութեամբ և մաքուր, գրական հայերէնով ինձ անհրաժեշտ տեղեկութիւնները տուց, և ես, առանց դժարութեան, տրամ ցուցմունքի համաձայն, գտայ թէ՛ հասարակական և թէ՛ սովետական տնտեսութիւնների խանութ-կենտրոններն և թէ՛ ազատ շուկան:

Ինձ համար միանգամայն անսպասելի էր ազատ շուկայում գտնուող ամէն տեսակ ապրանքների և մանաւանդ կենսամթերքների ճոխութիւնն ու առատութիւնը. ամառայ վերջաւորութեան այդ ժամանակաշրջանում, մանաւանդ ամէն տեսակի պտուղներ՝ տանձ, խնձոր, դեղձ և խաղող, առատօրէն յորդում էին:

Ախորժակի անզուսպ գրգռում զգացի: Մէկական կիլօ տանձ, խնձոր և խաղող գնեցի: Թեհրանի շուկայի արժէքների հետ համեմատելով՝ եզրակացրի, որ մի քիչ էլ աւելի էժան էին:

Երեք կիլօ պտուղով ծանրաբեռնելուց յետոյ գնումներս համար զոջացի, քանի որ ստիպւած էի քաղաքի շրջագայութիւնս կարճել: Թէև շատ անուշ և ցանկալի էր հայրենիքիս այդ քաղցրահամ պտուղները ձեռքերումս և սրտիս վրայ կրել, բայց ստիպւած էի դրանք ընկերոջս բնակարանը հասցրնել:

## ՀԱՆԴԻՊՈՒՄ ՍԱՀԱԿ ՏԵՐ-ԳԱՔՐԻԷԼԵԱՆԻ ՀԵՏ

Ուղիղ ժամը 12 1/2-ին ընկերոջս հետ միասին Սահակ Տեր-Գաբրիելեանի<sup>32</sup> գրասենեակումն էինք: Վահանն ինձ ծանօթացրեց նրա հետ և բացատրեց մեր տեսակցութեան նպատակը: Ս. Տեր-Գաբրիելեանն այդ ժամանակներում Հայաստանի օգնութեան կոմիտեի կենտրոնական վարչութեան և ներգաղթի հիմնարկի ընդհանուր վարիչն էր: Նա սիրած և ժողովրդականություն վայելող մի անձնատուրություն էր:

– Ընկեր Տեր-Գաբրիելեան, – սկսեց Վահանը, – Սիրաք Սարխադեանը Վանի՝ մեր հին և յարգված անդրանիկ ընկերներիցն է: Մենք բոլոր վանեցի ընկերներս, որոնց թույլ և մեր ներկայ վետերան ընկեր Աղասի Խանջեանը, նրան շատ պարտական ենք: Մեր կուսակցական՝ սոցիալ-դեմոկրատական առաջին ուսումն ու զարգացումը մեծ մասամբ նրա դեկավարութեան ներքո ենք ստացել: Նա մեր հարևան երկրի Իրանի մայրաքաղաք Թեհրանից եկել է այստեղ, մեր պետական և կուսակցական շրջանակներից խնդրելու, որ աշխատեն արագացնելու ներգաղթի գործը: Նրա յայտնութեան համաձայն՝ Իրանում տասնեակ հազարատուր գիւղացի և աշխատատուր տարրեր մեծ անհամբերութեամբ սպասում են ներգաղթելու արտօնութեան և օր առաջ իրենց չափազանց սիրելի հայրենիքը գալու: Նա իր առաքելութեան վերաբերեալ բոլոր անհրաժեշտ փաստաթղթերն ունի:

– Չափազանց ուրախ եմ, – պատասխանեց Ս. Տեր-Գաբրիելեանը, – ձեր վաղեմի և յարգված ընկերոջ հետ ծանօթանալու համար: Ձեր ներկայացրած խնդիրն ինձ համար նորություն չէ: Նրանց գրառուր բազմաթիւ դիմումներն էլ մինչև հիմի ստացել ենք: Ներգաղթի հարցը ներկայիս շատ մեծ կարևորություն է ստացել: Մանաւանդ վերջին երկու տարիների ընթացքին բազմաթիւ արտասահմանեան երկրներից մեզ անվերջ դիմումներ են կատարում:

32 **Սահակ Տեր-Գաբրիելեանը** ծնվել է 1886 թ. Շուշուում (այժմ՝ Լեռնային Ղարաբաղի (Արցախի) Հանրապետություն): 1902 թ. անդամագրվել է Կոմունիստական կուսակցությանը: 1904 թ. Բաքվի բանվորների կազմակերպած համընդհանուր գործադուլի կազմակերպիչներից մեկն էր: Ռուսական հեղափոխության տարիներին՝ 1905-1907 թթ., Ս. Տեր-Գաբրիելեանը համագործակցել է Սո. Շահումյանի, Ս. Սպանդարյանի և բոլշևիկ այլ առաջնորդների հետ: 1918 թ. հանդիպել է Լենինին, որպեսզի կարգավորի Բաքվից Խորհրդային Ռուսաստան նավթի մատակարարման հարցը: 1918 թ. հունիսին Բաքվի Ժողկոմի խորհուրդը նրան նշանակել է հակահեղափոխական տարրերի դեմ պայքարի նպատակով ստեղծված հատուկ հանձնախմբի նախագահ: 1920 թ. վերջին նշանակվել է Ռուսաստանում Խորհրդային Հայաստանի լիազոր ներկայացուցիչ: 1928-1935 թթ. ՀԽՍՀ Ժողկոմի խորհրդի նախագահն էր՝ միաժամանակ զբաղեցնելով նաև Անդրֆեդերացիայի Ժողկոմի խորհրդի փոխնախագահի պաշտոնը: 1937 թ. Ս. Տեր-Գաբրիելեանը գոհ է գնացել ստալինյան բռնարարքներից:

Մասնատրապէս Տաճկահայաստանի նահանգներից և քաղաքներից մագապուրժ ազատում հայուքիւնը խիստ մեծ ցանկութիւն ունի հայրենիք վերադառնալու: Ներգաղթի գործը կազմակերպելու ուղղութեամբ շատ ուժեղ աշխատանք է տարում: Մեր առաջին քարտուղար Խանջեանը և ուրիշ ազդեցիկ ընկերներ այդ ուղղութեամբ ոգի ի բռին և անխնայ աշխատում են: Խանջեանի գլխատուր մտասևեռումներից մէկը ներգաղթի հարցի լուծումն է:

– Աղասին յայտնի տեսաբան է և լայն ծանօթութիւններով օժտուած մի գործիչ, բայց այդ բոլորը նրան չեն խանգարել անկեղծ հայասէր լինելու: Այս անգամ Մոսկւա մեկնելուց առաջ, ներգաղթի անհրաժեշտ և հնարատուր միջոցների վերաբերեալ բաւական երկար խորհրդակցութիւն ունեցանք:

Այստեղ Ս. Տեր-Գաբրիելեանն իր խօսքի թելը կտրեց: Անհամբերութեամբ սպասում էի ինձ համար անչափ հետաքրքրական նրա խօսակցութեան շարունակութիւնը լսելու:

Մինչ այդ նա սիրալիրութեամբ մեզ հիւրասիրեց Հայաստանի բուրումնալից վարդերից պատրաստուած սառն օշարակով: Իր խօսքերի շարունակութիւնը չափելու և ձևելու ճիգով նա ասաց.

– Աղասին՝ այս մեծ գործիչը, որ միաժամանակ անուրանալիօրէն մեծ հայրենասէր է, ձգտում է սրբագրելու մեր երկրի տարածանքը և անարդար սխալները: Նա ոգի ի բռին աշխատում է Հայաստանին վերադարձնել նրանից խլած հողամասերը:

Մի րոպէ Ս. Տեր-Գաբրիելեանն ընդհատեց իր խօսակցութիւնը, բայց յետոյ կարծես մի տարօրինակ ինքնամոռացութեամբ և հոգու խորքից պայթող դժգոհութեամբ շարունակեց.

– Մեր երկրի հողային տարածանքի կողոպտման առաջին հարածը մեզ տրեց մեր դարատուր թշնամի թիւրքերի կողմից, որոնք բռնութեամբ սպառնալիքների ճնշման տակ ստիպեցին ստորագրել հայ և թիւրք հաշտութեան դաշինքը: Այդ դժբախտ դաշինքով թիւրքերը մեզնից յափշտակեցին, այսպէս ասած, Ռուսահայաստանի բարգաւաճ և արգաւանդ հողամասերը: Այդ աւագակային յափշտակման հետեւեց մի ուրիշ «քարեկամական և եղբայրական» յափշտակում, մեր պատմական բնագաւառներից բոլորովին անտրամաբանօրէն խլեցին Ղարաբաղի, Ալաքալաքի և Ալալցխայի «առիւծի» պատանները և ենթարկեցին հարևան հանրապետութիւնների ինքնավար «հովանաւորութիւնների»: Իսկ մեր փոքրացած Հայաստանի բնական ծիրում Նախիջևանն էլ՝ «ինքնավար» կոչոււմով, Ադրբեյջանի հովանաւորութեանը ենթարկեցին:

Սահակ Տեր-Գաբրիելեանի՝ այդ անկեղծ հայրենասէրի վիրատուրած սրտի խորքերից ժայթքող դժգոհութեան արտայայտութիւնները այդ օրերին հազարատուր հայրենասէրների սրտերն էին փոթորկում: Խորապէս ազդուած էի անկեղծութեան ալիքներով փրփրացող այդ դժգոհութիւնից: Երբ նա մի

քիչ խաղաղած կերպարանք ստացաւ, սրտապնդած հարցրի նրան.

– Իսկ ի՞նչ էք կարծում: Խանջեանի և ձեզ նման հայրենասէրների ճիգերը մի դրական, ցանկալի արդիւնքի հասնել կարո՞ղ են, թե՞ ոչ:

– Դրա պատասխան տալը դժար է: Շատ ճիգ ու ջանք, ուժերի լարում և մանաւանդ քաղաքագիտական համբերութիւն է պէտք: Լենինը Խանջեանի նկատմամբ մեծ համակրանք և վստահութիւն ունէր: Եթէ այդ նպաստաւոր վերաբերմունքն ուրիշների ազդեցութեամբ թունաւորման չենթարկւի, անկասկած, Աղասին կը յաջողի նպատակադրած արդիւնքի հասնելու:

– Մեր հայրենիքից դուրս գտնող մի կարգ մարդիկ իրենց սրտացաւ և անկեղծ հայրենասէրներ, իսկ մեզ հլու և անկամ օտարամուկներ են հաշուում: Այդպիսիների կարծիքը անտեղի է: Մեր դժբախտութիւնը կայանում է նրանում, որ մենք պատերազմից յետոյ տակն ու վրայ և մանաւանդ ցանուցրի եղած հողամասի ժառանգորդներն ենք: Քաղաքական ներկայ պայմանները մեզնից բռնութեամբ յափշտակած հողամասերը յետ պահանջելու և նորից մեր երկրին կցելու տեսակէտից միանգամայն աննպաստ են: Քաղաքական մրցակցութիւնները թիրքերին գեղեցկատեսիլ հիւրի-վերի են սարքել և մեզ թոյլ չեն տալիս՝ մեզնից նրա յափշտակած թանկագին աղամանդները, մեր շէն ու արգաւանդ քաղաքներն ու աւանները նրանից յետ վերցնելու: Ինչ վերաբերում է Խորհրդային Միութեան սահմաններում կատարած անարդար գրկումներին, կասկած չկայ, որ շուտ թէ ուշ այդ խնդիրը վերաքննութեան պիտի ենթարկւի, և մենք պիտի յաջողենք տիրանալու մեր միանգամայն արդարացի իրաւունքին. մեր ժողովուրդը արժանի է դրան: Եթէ նոյնիսկ Խանջեանը և նրա նման ուրիշ հայրենասէրները չյաջողեն, անկասկած կը հասնի մի օր, երբ հայ ժողովուրդն ի վիճակի կը լինի իր ունակոյն արած արդարացի իրաւունքը վերականգնելու: Ամէն պարագայում, ձեր և ձեզ նման հազարաւոր մարդկանց կողմից պահանջւած ներգաղթը լինելու է: Հայ երկիրը բոլոր հայ մարդկանց հայրենիքն է և ամէն հայ լիակատար իրաւունք ունի իր հայրենիքը վերադառնալու: Ներգաղթի նախապատրաստական աշխատանքները սկսել են: Համոզւած եմ, որ հայրենակարօտ բազմութիւնները շուտով բախտ կունենան վերադառնալու և վերաբնակւելու իրենց՝ այնքան շատ սիրելի հարազատ երկրում:

\*\*\*

Ներգաղթի գլխաւոր յանձնախմբի նախագահ Ս. Տէր-Գաբրիէլեանի հետ մեր խօսակցութիւնն երկու ժամից աւելի տևեց: Նրան հետևեալ պարագաները բացատրեցի.

– Ռեզա Շահի իշխանութեամբ գլուխ գալուց յետոյ Պարսկաստանի տնտեսական դրութիւնը հետզհետէ բարւոքում է: Չնայած թագաւորի գիշեր ցերեկայ չափազանց գնահատելի ջանքերին, դարերի ընթացքին յետ մնացած մի երկրում հրաշք չը պիտի սպասել: Գիւղացիութիւնը, հակառակ իր ջանասիրութեանն և աշխատունակութեանը, տընտեսական դժարութիւններ ունի գիւղատիրոջ կողմից պահանջւած տուրքերի պատճառով, գիւղացին միշտ և անվերջ իր գիւղատիրոջը պարտական է: Բացի այդ՝ աղքատ գիւղացին հնարաւորութիւն չունի իր երեխաներին դպրոց ուղարկելու և նրանց անհրաժէշտ կրթութիւնը տալու:

Բանուր-աշխատաւորների համար էլ դրութիւնը նոյնն է դեռևս: Գործարանային կեանքը սահմանափակ է, եթէ այդ ուղղութեամբ լուրջ և հետևողական աշխատանքի ձեռնարկւած է: Շինարարական աշխատանքներ էլ սկսել են, բայց բոլորին գործ հայթայթելու հնարաւորութիւնը պակասում է:

Ահա սրանք են հիմնական այն պատճառները, որոնք հայ աշխատաւոր և գիւղացի տարրերին ստիպում են ներգաղթել իրենց հայրենիքը, որի վերածնման և ծաղկման լուրերը նրանց չափազանց ոգևորել է: Նրանց համար ամենաէականը իրենց երեխաների ապագան է. ներգաղթի ծարաւով այրող մարդիկ իրենց զաւակների համար դպրոցը, գրագիտութիւն և յուսալից ապագայ են ցանկանում:

Ս. Տէր-Գաբրիէլեանն իմ տւած բացատրութիւնները տրամաբանական համարեց, ինձ յանձնարարեց ամէն կերպ աշխատել Խանջեանին հանդիպելու և իմ առաքելութեան վերաբերեալ բացատրութիւններ տալով՝ նրա օժանդակութիւնը խնդրելու:

Երբ ուզում էինք նրանից բաժանել, ինձ ասաց.

– Առանց մեծ ակնկալիքով և յոյսերով ներշնչելու՝ իզուր չէր լինի, եթէ կարողանայիք բացի Խանջեանից, խօսակցել Թիֆլիսի և մանաւանդ Ազգութիւնների կոմիսար Ստալինի հետ: Մի քիչ յետոյ մաւելաբրեց.

– Նորից կրկնում եմ, չցանկանալով ձեզ հիասթափ անել, ինքս էլ այդ առթիւ շատ ակնկալիք չունեմ:

Սահակ Տէր-Գաբրիէլեանից բաժանելուց յետոյ՝ Վահանին ասացի.

– Այս մարդը շատ անկեղծ և ազնիւ քաջ ինձ: Նա բոլորովին չցանկացաւ ներգաղթի խնդիրն ու հնարաւորութիւնները վարագորել:

– Բոլորովին ճիշտ գնահատեցիք Սահակին: Նա սրտաբաց և ճշմարտախօս է: Մերոնք նրան շատ են վստահում: Ներգաղթի գործում նրա մշակած ծրագիրները միշտ գնահատում են:

– Ներողութիւն, սիրելի՛ Վահան, լաւ չկարողացայ հասկանալ: Ի՞նչ է նշանակում մերոնք-ձերոնքը: Մի՞թէ Տէր-Գաբրիէլեանը ձերոնցից, այսինքն կուսակցակա՞ն չէ:

– Նա դեռևս կուսակցական չէ, բայց կուսակցական թեկնածու է: Ենթադրում եմ, մօտ ապագային

նրան կուսակցական շարքերում կրնողունեն: Ինչպես յայտնեցի, մանաւանդ Աղասին, նրա մասին շատ մեծ վստահութիւն և հաւատք ունի:

Այդ օրը մենք մեր կամքից անկախ, պատճառ էինք եղել մէկ ժամով ուշացնելու ընկերոջս ընտանիքի ճաշը, որ սովորաբար ժամը երկուսին էր լինում: Ինձ խօստացան կէսօրից վերջ ինձ ընկերակցելու և Երևանի մերձակայ շրջանները ցոյց տալու, իսկ գիշերան՝ օպերա տանելու: Այդ գիշերան ցուցադրելու էր Չուխաչեանի յօրինած «Արշակ Բ» օպերան:

### ՎԵՐՋԻՆ ՕՐԸ ԵՐԵՒԱՆՈՒՄ

Իմ Երևան ժամանման չորրորդ և վերջին օրն էր: Յաջորդ օրան երկաթուղային գնացքով պիտի մեկնէի Ղարաքիլիսէ, որը վերանունել էին Կիրովական: Վերջին օրայ կէսօրից առաջ Զլարան՝ Վահանի կինը, արտակարգ սիրալիրութեամբ ինձ իր հետ քաշ տեց Լուսատրութեան ժողովրդական կոմիսարիատին ենթարկած հիմնարկները և մանաւանդ պետական համալսարանի զանազան ֆակուլտետները պատելու: Ուրախութիւնից և ծայրայեղ հրճանքից սիրտս ուռչում էր: Ինքս ինձ մօտ զարմանում էի և հիանում մեր փոքրիկ հայրենիքի այս մեծ մայրաքաղաքի հսկայաքայլ յառաջողիւմութեան և շնչակտուր վազքի համար: Ուրեմն, իսկապէս որ մենք ընդունակ և հանճարեղ ժողովուրդ ենք: Մեր ժողովրդի մտաւոր, հոգեկան և մշակութային ընդունակութիւններն ու ստեղծագործական և շինարարական հանճարը, մասնաւորապէս վերջին դարերի ընթացքին, ենթարկած են եղել ամլութեան և հնարաւորութիւն չեն ունեցել ծլելու, հասակ քաշելու, ծաղկելու և իրենց սքանչելի բոյրը տարածելու:

Ներկայիս, երբ մեր ազգի ուղեղն ու հանճարը չափազանց կարճ ժամանակամիջոցում՝ ութ տարւայ ընթացքում, խաղաղ և անվրդով պայմաններում ի վիճակի է եղել այսքան հսկայական յառաջողիւմութիւն կատարելու, ինչէ՛ր պիտի կարողանան իրագործել օրինակ 30-40 տարիների խաղաղ մթնոլորտում:

Մեր ազգային դժբախտութիւնն այն է եղել, որ մեր աշխատունակութեան, ստեղծագործութեան և հանճարի արտայայտութիւնները կղզիացած, անջատ-անջատ վիճակում են ծաղկել և անգորավիզ մնալով, օտար հորիզոնների տակ թառամել և անհետք ու անյիշատակ կորել են:

Ինչու՞, ուրեմն անշնորհակալ լինել և չմիանալ մեր վարպետ բանաստեղծին՝ նրա հետ միասնաբար բացականչելու. «Երբեք ունենամ հազար ու մի կեանք, հազարն էլ սրտանց քեզ մատաղ անեմ, միայն մի կեանքը թող ինձի պահեմ, այն էլ քո փառքի գովքը երգելու»:

Կէսօրից յետոյ Վահանի և նրա քրոջ՝ Գոհարիկի հետ միասին պտոյտի դուրս եկանք: Ջրնզան

և կաթնահան Հրազդանի ակերով յառաջացանք: Տեղ-տեղ Հրազդանը վազում, փրփրում և մռմռում էր: Կարծես այդ առատայորդ գետակը դժգոհում և բողբոջում էր իր մայր երկրին հասած կողոպուտի դէմ: Կարծես փրփրալիս նա թքում էր անարգ թշնամու երեսին, որն անպատկառ բռնութեամբ մեր հայրենի հողի վեհապանձ խորհրդանշանը՝ Մասիսը, խլել էր իրենից և իր հայրողիներէից:

Դեռ ժամանակ ունէինք: Իմ ուղեկիցներից խնդրեցի ինձ Քանաքեռ առաջնորդել: Ինձ հրապուրում, քաշում է աննման և մեծ հայրենասէր Խաչատուր Աբովեանի տնակը տեսնելու բուռն փափազը: Ինչպէ՞ս չայցելէի այդ արտակարգ հայի խրճիթը: Այդ խրճիթում ծնած և հասակ նետած ժողովրդանէր, մեծ հայրենասէր և անվախ մարդը համարձակել էր փշրել դարերի ստրկութեան երկաթաթել կապանքն և իր ժողովրդի մի հսկայական հատածի բերանն ու լեզուն բաց անել: Նա համարձակել էր բողբոջել կոպիտ և անխիղճ բռնութեամբ իր հարիւր հազարատը հայրենակիցներին պարտադրած անիրաւութիւնների և զրկանքների դէմ:

Աբովեանի խրճիթը մտնելիս ինձ թւաց՝ մօտենում եմ մի սրբազան խորանի: Ես, որ վաղուց աղօթքը մտահան էի արել, նրա անուան յախտենականութեան համար աղօթքի մրմունջներ արձակեցի և նրա պատկերի առաջ ծունկի եկայ:

– Մեզ քննադատում են,– ասաց ընկերս,– նրա համար, որ մենք որպէս թէ լաւ հայրենասէրներ չենք: Մենք մեր ազգային ազատագրութեան համար մարտնչողներին, մեր ժողովրդի ազգապահպանման ուղիով գրական-մշակութային, գեղարուեստական, երաժշտական և այլ աշխատանքներ կատարողներին, սրբերի փոխարէն, պաշտում և նրանցով պարծենում ենք: Տեսնու՞մ ես այս մեծ հայրենասէրի խրճիթը պաշտպանելու համար պահակներ են տրւած:

Ո՞վ կը համարձակւի այս նւիրական խրճիթից մի չնչին իր, նոյնիսկ մի ասեղ վերցնելու:

### ԿԻՐՈՎԱԿԱՆՈՒՄ

Չորեքշաբթի առաւօտեան երկաթուղային գնացքով մեկնեցի դէպի Կիրովական (նախկին Ղարաքիլիսէ): Իրար վրայ վերցրած՝ լրիւ չորս օր Երևանում, իմ շատ սիրելի ընկերոջ տանը մնացի: Վերջին գիշերը Վահանն ու իր կինն ինձ Երգի ու պարի անսամբլի շքեղատեսիլ և ընդարձակ սրահն առաջնորդեցին: Խմբի կատարած բոլոր երգ ու պարերը հոգեկան անչափ բաւականութիւն պատճառեցին ինձ: Հայ հարազատ գեղարուեստը նրանց բերնից և չափածոյ շարժ ու ձևերից կարծես ճառագայթում էր: Սօլօ և քառաձայն երգերն և հայկական նագանքով կատարւած պարերը հայ մարդու սրտին հոգեթով թրթռումներ էին տալիս: Ամբողջ երեք ժամ, արոշիս գամւած, յափշտակւած և դիւր-

ւած, նրանց հոգեվառ երգերն էի լսում և նրանց օրօր ու շօրօրով զմայլում էի:

Ընկերոջս և իր ընտանիքի հետ մեր բաժանումը չափազանց սրտառու էր: Կարծես չորս օրայ ընթացքում չորս ամիսներ իրար հետ ապրել և մտերմացել էինք: Չափազանց շատ ափսոսում էի, որ այդքան շուտ իմ սքանչազեղ հայրենիքի սիրելի և կենսախիճնդ մայրաքաղաքը թողնում և նրա հետ միասին իմ ազնիւ ընկերոջն ու նրա անզուգական ընտանիքին հրաժեշտ եմ տալիս:

Ափսոսում էի, որ ընկերոջս և նրա ընտանիքի՝ ինձ ցոյց տուած անչափ սիրալիրութեան և քանկարծեք աջակցութեան փոխարէն ոչ մի կերպ հատուցում անելու ի վիճակի չէի: Խնդրանքով և համարեա ստիպումով կարողացայ նրանց մի փոքր յիշատակ թողնել ինձ հետ վերցրած Քազրումու գործարանի թեթև, բայց գեղեցիկ գոյգ ծածկոցներից մէկը նրանց տալով:

Հակառակ պատերազմի օրերին եղած խճողումներին՝ զնացքի առաջին և երկրորդ կարգի վագոններում ազատ տեղեր կային: Երկրորդ կարգի տոմսակ ունէի: Ինձնից զատ՝ միայն ուրիշ երկու մարդիկ կային խցիկում: Նրանցից մէկը հայ էր, Թիֆլիս էր գնում, իսկ միւսը ռուս էր: Նա Մոսկւա էր վերադառնում: Վերջինս, իր պատկանած ժողովրդին յատուկ պարգուծեամբ և սիրալիրութեամբ, ինձ հետ անմիջապէս բարեկամացաւ և ամբողջ ճանապարհին իր կատակներով և խօսակցութեամբ զբաղեցրեց ինձ:

\*\*\*

Նոյն օրայ կէսօրից յետոյ Կիրովական հասայ: Սիրտս ուժգնօրէն բաբախել սկսեց: Գիտէի, որ Կարապետ եղբայրս իր ընտանիքով ինձ դիմաւորելու համար կայարանումն է լինելու: Երևանից իմ ժամանման մասին հեռագրուած էր:

Գնացքը կանգ առաւ: Վագոնից հազիւ դուրս եկած՝ մեծ եղբայրս, անունս կանչելով, դէպի ինձ վազ տուց: Մինչ գրկախառն համբուրում էինք, երկու վարդանման փայլող գեղեցկութեամբ երեխաներ նկատեցի, որոնք, շուրջ բոլորս թռչկոտելով և ծափ տալով, աղաղակում էին.

– Մեր ձիածէն, Սիրաք ձիածէն է:

Յետոյ իրենց հօր բաճկոնից ու մօր փէշերից քաշքշելով՝ նրանցից հարցնում էին՝ պապա՛, մամա՛, սա մեր ձիածէն, մեր հօրեղբայրն է չէ՞: Եղբօրս կիներ էլ իր հերթին, չափազանց ուրախ ու հրճուած, կրկնում էր.

– Այո՛, բալիկս, սա ձեր ձիածէն՝ ձեր հօրեղբայրն է:

Ես գրկեցի և անկուշտ համբուրեցի եղբօրս՝ վարդի թարմութեամբ և կակաչի կարմրութեամբ փայլատակող երեխաներին, որոնցից մէկը 7 տարեկան աղջիկ, իսկ միւսը 5 տարեկան մանչ երեխայ էր:

Միասին նստեցինք եղբօրս նախօրօք պատ-վիքած կառքը, և քառորդ ժամից հասանք եղբօրս բնակարանը: Մեր ընտանեկան ուրախութիւնը կարծես կառապանին և նրա գոյգ ձիերին վարակել էր: Կառքին լծած ձիերը քառատրոփ և մէկ շունչով վազ տուին, մինչև մեզ տուն հասցրին: Եղբայրս կառապանին վճարեց և ըստ երևոյթին լաւ էլ նւէր տուց, քանի որ նա, շատ մեծ գոհունակութեամբ մեզնից բաժանելով և իր կառքը սրընթացօրէն վազեցնելով, մի քանի անգամ գլուխը դէպի մեզ դարձնելով, աղմկալից բղաւեց.

– Ախպէ՛ր Կարապէտ, շէն մնա՛ս, տունդ միշտ շէն լինի: Միշտ եղբօրդ նման խէր-բարաքեաքով հիւրեր ունենա: Աստուած քեզ, ընտանիքիդ ու երեխաներիդ էլ սաղջանութիւն տայ:

Ինձ մօտ զարմանում էի այս քաղաքի մարդկանց ուրախ-զարթ բնատրութեան վրայ և անմիջապէս վերյիշեցի տարիներ առաջ իմ հանդիպած սայլապանի ազնութիւնն ու սրտաբաց առատաձեռնութիւնը:

Եղբօրս տունը և նրա կից պարտէզը գտնուած էին քաղաքի կենտրոնական փողոցներից մէկի վրայ: Տունը միայարկանի, կոկիկ ու գեղեցիկ էր, իսկ պարտէզը՝ բաւական մեծ, պտղատու ծառերով և թարմ ծաղիկներով ու կանաչութեամբ գեղեցկացած: Երբ պատրաստուած էի եղբօրս հարցնելու, որ նրան ինչպէս էր յաջողել այս սիրուն տանն ու պարտէզին տիրանալու, եղբայրս անկարագրելի ուրախութեամբ բացականչեց.

– Եղբայ՛ր ջան, կարծես չես ուզում հաւատալ, որ այս տունն ու գեղեցիկ և ծառագարդ պարտէզը մերը լինի: Այո՛, ի՞նչ որ տեսնում ես, բարեբախտաբար, մերն է, իսկ եթէ ճշմարիտ խօսելու լինեմ, քոնն ու հօրս է, քանի որ զնել եմ ձեր՝ ինձ ուղարկած դրամով: Եթէ քո և հօրս կրկնակի, եռակի յանձնարարութիւնները և կնոջս պնդումները չլինէին, միգուցէ ես այս տունն ու պարտէզն առած չլինէի: Դու լաւ գիտես բնատրութիւնս. փողը չի սիրում իմ ձեռում մնալ: Ասենք փողն ի՞նչ մեղաւոր է. մեղաւորն ես եմ, որ երբ փող եմ ունենում, անմիջապէս ծախսում եմ: Է՛հ, ի՞նչ արած, ամէն մարդ մի բնատրութիւն ունի, ես էլ, դէ, էսպէս, սիրում եմ ծախսել, լաւ ապրել, քէֆ անել...

Նրա ուրախ և զարթ տրամադրութիւնը յանկարծ անհետացաւ: Մի խորը տխրութիւն և նկատելի տանջալից վերյիշում նրա դէմքը մթազնեց: Յանկարծակիի եկած՝ նրանից հարցրի.

– Ի՞նչ պատահեց քեզ հետ, Կարապէտ՛:

– Ոչինչ, հէնց էնպէս: Երբեմն ինձ հետ այսպէս պատահում է: Ծայր աստիճան ուրախ և զարթ տրամադրութեան պահերին երբեմն յանկարծակի տխրութեան եմ ենթարկում: Բարեբախտաբար այս վշտի ու տխրութեան նուազներն երկար չեն տևում:

Ինձ չկարողացայ համոզել նրա տուած բացատրութեան ճշմարտութեան վերաբերեալ և անհամարձակ կասկածանքով հարցրի.

– Չլինի՞ թե Արմեն եղբորս մի դժբախտություն է պատահել: Մի՞ բաքցնի, ճիշտն ասա՛, Արմենն ի՞նչ վիճակում է:

Չհամարձակեցի այլևս եղբորիցս հարցնելու Արմենի ողջ կամ մահացած լինելու պարագան: Եղբայրս նորից մեծ ճիգ գործ դրեց իմ հարցումին կտրական պատասխան չտալու և չցանկացաւ իրականությունն ինձ ասել: Գուցէ մեղքացաւ և դեռ նոր ժամանած՝ չուզեց ինձ վիշտ ու կսկիծ պատճառել:

\*\*\*

Ամբողջ մի շաբաթ մնացի Կիրովականում՝ եղբորս ու իր ընտանիքի մօտ: Շրջապատում էի անկեղծութեան և սիրալիրութեան ծայր աստիճան զեղումով: Իմ հանգստաւէտությունն և ուրախ տրամադրությունը կարծես նրանց երջանկության աղբիւրն էր կազմում: Մանուսանդ եղբորս կինը՝ Անահիտը և նրա սքանչագեղ աղջիկը՝ Հասմիկը սիրատույնը թիթեռնիկների մման անվերջ շուրջս էին թևածում: Նոյնիսկ քնածս ժամանակներումն էլ նրանք ինձ հսկում էին: Երբեմն ստիպում էի զանգատել նրանց այդ ծայրայեղ ուշադրութեան և հոգածութեան համար: Հասմիկն անվերջ վզովս էր ընկնում, իր քնքուշ թաթիկներով երեսս ու մազերս շոյում և ջերմագին համբուրում էր ինձ: Ամէն օր 3-4 ժամ նրանք ինձ ընկերակցում էին քաղաքի և շրջակայքի հովասուն, ջրառատ և ծառազարդ վայրերում հոգեպարար պտոյտներով անցկացնելու:

Նախկին Ղարաքիլիսա, իսկ ներկայի Կիրովականն անչափ փոխել և գեղեցկացել էր: Պողոտաներ, նոր և գեղեցիկ շէնքեր, դպրոցներ, նոր զբօսավայրեր, աշխատավայրեր նախկին գիղա-քաղաքը կերպարանափոխել և վերածել էին հոյակապ և եռուն մի քաղաքի: Տասնևեկ տարիներ առաջ իմ թողած Ղարաքիլիսէն ինձ անճանաչելի էր դարձել:

Ինչպէս տարիներ առաջ, ներկայիս էլ այս քաղաքի օդի, ջրի և հմայիչ բնութեան սիրահարն էի: Գուցէ նրա համար, որ այս ուրախ և հոգեպարար քաղաքը իր օդով, ջրով և կենսարար բնութեամբ մեծ նմանություն ունէր իմ ծննդավայր Այգեստանի հետ: Երբ մարդս կորցնում է իր գորովագութ և պաշտելի մօրը, իր գգանքների և հարազատ գեղումների ենթական իր հարազատ քրոջն է դարձնում: Չկայ պաշտելի մայրը, բայց կայ, գոյություն ունի նրա հարազատ շունչը, նրա աղջիկը, իր կորցրած մօր գթառատ աղջիկը՝ բազմաթիւ նմանություններով նրա մնուշը...:

Ճիշտ և ճիշտ նոյն ապրումն ու միևնոյն զգացումը ինձ տոգորել և տիրապետել էր: Չկայ իմ սիրասուն, սքանչագեղ Այգեստանը, դժբախտությունն եմ ունեցել նրան կորցնելու, բայց ուրախ եմ, հրճում եմ նրա համար, որ իմ կորցրած Այգեստանի փոքրիկ, բայց գեղատեսիլ և զմայլելի նմանակն ունեմ:

Այդ հարազատ մնուշը՝ այս Կիրովական կոչւածը, ինձ վերածնում է, նոր շունչ, նոր աւիւն և նոր յոյս է տալիս և ինձ յուսալից ու լուսատր նոր ապագայ է խոստանում:

\*\*\*

Եղբայրս իրենց տնից ոչ հեռու՝ քաղաքի կենտրոնական պողոտաներից մէկի վրայ, մի խանութ էր պահում: Խանութի դրամագլուխը մեծ լինել չէր կարող, որովհետև եղբայրս բնատրութեամբ խիստ առատածեռն և ծախսող էր: Իր խանութում, բացի մի երկու քսակ բրինձից, մի քանի թիթեղ պանիրից, իողից, մի քիչ թարմ կարագից, ինչպէս նաև թարմ կանաչից և պտուղից, ուրիշ ոչինչ կար: Այդ մի շաբաթայ ընթացքում, երբ նրա հիւրն էի՝ սեղանը միշտ ճոխ, և զինին էլ անպակաս էր: Քաղաքում լաւ ծանօթութիւն ունէր և բոլորից սիրւած էր, չը նայած այն հանգամանքին, որ կուսակցական չէր և շատ հեռու էր այդպիսին լինելուց: Մեկնելուցս առաջ՝ նախավերջին գիշերը, մօտ քսան հոգու հրաւիրել էր ընթրիքի և բաւական ճոխ սեղան էր սարքել: Ընթրիքը շատ ուրախ անցաւ: Անվերջ զինի խմեցին և բաժակաճառ խօսեցին:

Հրաւիրեալներից մէկի բաժակաճառը բաւական երկար տևեց: Նա ի միջի այլոց ասաց. «Խօսքս վերջացնելուց առաջ սեղանակիցներից խնդրում եմ մի անգամ էլ իրենց բաժակները լցնել մեր ազիզ Հայաստանի անուշահամ և պատուական զինով և խմել մեր թանկագին հիւրընկալի, մեր սիրելի Կարապետի, նրա կնոջ ու սիրասուն գոյգ բալիկների կենացը: Մեր ամէնքիս կողմից սիրւած Կարապետը, թէև կուսակցական չէ, բայց նա մեր բոլորիս կողմից որպէս ազնիւ և ուղղամիտ հայրենակից՝ յարգւած և գնահատւած է: Կարապետի նման անկուսակցական մարդուն մենք միշտ մեր բարեկամը և մինչև իսկ եղբայրն ենք համարում և նրան ամէն տեսակի օժանդակութիւն չենք խնայում: Կեցցէ՛ մեր Կարապետը, կեցցեն նրա կինն ու թանկագին եղբայրը, կեցցէ՛ նրա ընտանիքը»:

Վերջում հիւրերից մէկը յատկապէս իմ կենացը խմեց և իմ գործին ու նպատակին յաջողութիւն մաղթեց:

Յաջորդ օրը, երբ եղբորս՝ իր շոյալութեան և անհաշիւ ծախսերի համար քննադատում էի, նա ինձ ասաց.

– Սիրելի՛ եղբայր, իմ շոյալութեան համար անհանգիստ մի՛ եղիր: Խանութիս վիճակը տեսել ես: Դրամագլխիս աւելացման մասին չեմ էլ մտածում: Ամէն կերպ աշխատում եմ այդ փոքրիկ դրամագլուխը չպակսեցնել: Երէկ գիշեր քո տեսած մարդիկ իմ խանութի մշտական յաճախողներն և ինձ շահեցնողներն են: Ինձ շատ անհրաժէշտ է նրանց բարեկամութիւնն ու սիրաշահումը:

## ԵՂԲՕՐՍ ՄԱՀՊՈՅԺԸ

Որոշել էի յաջորդ առաւօտեան՝ ժամը 7-ին, Թիֆլիս մեկնող գնացքով մերոնց հրաժեշտ տալ: Մի լրի շաբաթ եղբորս ու նրա ընտանիքի մօտ հիւր էի եղել: Այս եօթը օրերն անցել էին այնքան հաճելի, որ ինձ թոււմ էր, թէ միայն մի օր առաջ եմ հարազատներս տեսել:

Վերջին օրայ ընթրիքը գիշերայ ժամը 9 1/2-ին վերջացրինք: Յաջորդ առաւօտեան բաժանման պարագան թէ՛ մերոնց և թէ՛ ինձ համար խիստ անցանկալի էր: Վերջին ընթրիքը, անցնող օրերի ճաշ ու ընթրիքների նման ծիծաղկոտ, քրքջալից և աղմկալի լինելու փոխարէն, ճնշող տպաւորութեամբ և ակամայ սակաւախօսութեամբ անցաւ: Մեզնից ամէն մէկը, իր մտքերով ու խոհերով տարւած և բաժանման ավստանքով վշտացած, կարծես սեղանից հեռու և բացակայ էր:

Մանաւանդ ես տխուր և չարագուշակ մտորումներով էի կլանւած: Ինձ ուղղւած խօսքերին և հարցումներին կարճառօտ պատասխաններ էի տալիս: Մտովին Թիֆլիս՝ եղբորս մօտ էի: Գիտէի, գրեթէ համոզւած էի, որ տարիների ընթացքին թոքերի թուլութեամբ հիւանդ միջնեկ եղբայրս՝ Արմէնը, մահացած կը լինի:

Ընթրիքը հազիւ վերջացրած՝ եղբորս աղջիկը Հասմիկը, իր՝ այդ օրերի սովորութեան համաձայն, ինձ մօտ գալով, ծնկներս նստեց և ինձ մի քանի անգամ համբուրեց, յետոյ հարցրեց.

– Հօրեղբայր, ինչու՞ այսքան շուտ մեզնից հեռանալ ես ուզում: Ինչու՞ մի քանի օր էլ մեզ մօտ մնալ չես ցանկանում...

Դեռ իր նորաբաց ծաղիկ կեանքի եօթը գարունը չլրացած՝ այդ երեխայի ուշիմութեան և զգայնութեան վրայ զարմացել և հիացել էի: Խելօքութեամբ և մտային ուժեղ զարգացմամբ նա կարծես իր տարիքի կրկնակին ունեցած լինէր մի կատարեալ պատանի օրիորդի պէս:

Հասմիկին ուժգնօրէն կրծքիս սեղմելով՝ մի քանի անգամ պինդ, պինդ նրա վարդագոյն փայլող այտերն ու ճակատը համբուրեցի և ասացի.

– Հասմիկ ջան, իմ փոքրիկ, բայց շատ խելօք Հասմիկ, եթէ կարողանայի, ձեզ մօտ, քեզ մօտ շատ օրեր կը մնայի, բայց, ափսոս, որ չեմ կարողանում: Ուրիշ գործեր ունեն, որ պէտք է վերջացնեն: Եթէ շուտ վերջացրի, նորից քեզ մօտ կը գամ: Էգուց առաւօտեան Թիֆլիս՝ քո միւս հօրեղբոր՝ Արմէնի մօտ պիտի գնամ:

Հազիւ այս վերջին նախադասութիւն արտասանած՝ նկատեցի, որ Անահիտի աչքերում արցունքի կաթիլներ էին խտացել, իսկ եղբորս աչքերից արդէն զլորում էին այդ աղետագոյժ արցունքի կաթիլները: Ինձ հակակշռել և զսպել չկարողանալով՝ բղաւեցի.

– Ինչու՞ համար էիք այս քանի օրերում ինձնից թաքցնում դժբախտ եղբորս՝ Արմէնի մահացած լի-

նելու աղետալի լուրը: Ի՞նչ կարիք կար դրան, քանի որ վերջ է վերջոյ պիտի իմանայի:

– Միրա՛ք, իմ անգին եղբայր,– պատասխանեց եղբայրս, իր աջ ձեռքի ակով իրար յետևից գլորող արցունքի կաթիլները սրբելով,– որովհետև այդ դժբախտ լուրի հարողորմով միանգամայն խանգարած և անհետացրած կը լինէի քո՝ այս քանի օրերի երջանիկ ժամերի ապրումն ու տարիներից յետոյ մեզ հանդիպած լինելու ուրախութիւնն ու հրճանքը: Քեզ ցանկացայ խնայել քո ժամանումից անմիջապէս յետոյ այդ դժբախտ լուրի հարւածը հասցնել: Չգիտեմ, եթէ դա յանցանք ես համարում, խնդրում եմ, ինձ ներես...

Ընթրիքի սեղանից անմիջապէս վեր կենալով՝ աճապարեցի պարտէզը գնալ և առանձնութեան մէջ ողբալ դեռ շատ երիտասարդ և անմուրազ եղբորս մահը:

Մի քանի րոպէից պարտէզն եկան Անահիտն ու Հասմիկը՝ ինձ իրենց հոգեթով խօսքերով և հարազատ գուրգուրանքներով մխիթարելու համար: Նրանց հետևեց նաև եղբայրս: Իսկապէս, ինչքան որդերգութիւն է մարդկային կեանքը: Բարեբախտաբար, այս սրտամաշ որդերգութեան մոռացութեան վարագոյրը ցած քաշելու համար սիրող, փայլփլող, մխիթարող հարազատ սիրելիները կսկծահար և վշտակոծ մարդուն միշտ օգնութեան են հասնում: Այդ պարագայում էլ ինձ հասած ծանր վիշտը սփոփելու համար նորից իմ հարազատ սիրելիները շտապեցին:

Կեսգիշերայ մօտ էր արդէն: Անահիտին և փոքրիկ հրեշտակատիպ Հասմիկին ջերմագին համբուրելով՝ խնդրեցի նրանց գնալ և հանգստանալ: Եղբորս հետ Արմէնի մահւան և ապա մեր ընտանեկան ուրիշ խնդիրների մասին մի ժամ ևս խօսակցեցինք:

Այդ գիշերը չափազանց խռովայոյզ անցաւ ինձ համար: Հազիւ մի երկու ժամ քնել կարողացայ: Խառնիխուռն և ճնշող երազներ տեսայ: Յաջորդ առաւօտեան գունաթափ դէմքով և ուռած կոպերով, ծայրայեղօրէն յոգնաբեկ վեր կացայ: Անցնող գիշերայ տխուր և տանջալից տպաւորութիւնները շարունակում էին ինձ ճնշել:

## ԹԻՖԼԻՍՈՒՄ

Առաւօտեան գնացքով Թիֆլիս մեկնեցի: Եղբորիցս և նրա ընտանիքից մեր բաժանումը շատ սրտառուչ էր: Հասմիկն ու փոքրիկ Արմիկը հագուստիս փէշերից կախւած, ինձնից բաժանել չէին ուզում: Երկու սիրասուն փոքրիկներին անյագօրէն համբուրելով՝ խոստացայ նորից իրենց մօտ վերադառնալ:

Երբ երկրորդ կարգի տոմսակիս համապատասխան գնացքի խցիկում իմ տեղը գրաւեցի, աշխատեցի ինձ ամոքել եղբորս մահւան անգութ հարւածի կոշմարային տխրութիւնից: Ջանացի ճամփոր-

դուրեանս 12 օրերի անցուդարձերի վերյիշումով մտորումներիս ուղղութիւնը փոխել: Սկսեցի մտածել ճամփորդութեանս իսկական նպատակի յաջողութեան ենթադրելի հաւանականութեան մասին:

Մեր յարուցած ներգաղթի խնդրի նման Երևանը նպաստաւոր և նոյնիսկ համակրական վերաբերմունք ունի: Ի՞նչ կարծիքի և վերաբերմունքի են հանդիպելու Թիֆլիսում և մանաւանդ Մոսկւայում: Ներգաղթելու ցանկութեամբ տազնապող հազարաւոր հայերի խնդիրը կը լսի՞ և ուշադրութեան կարժանանա՞յ արդեօք: Ինչքան շատ մօտենում էի Թիֆլիսին, այնքան աւելի շատ այս հարցականը շեշտում էր: Հայկական մի հատուածի կողմից առաջադրած ներգաղթի խնդիրը բնական, իրաւացի և օրինաւոր մի պահանջ էր, բայց համոզուած էի, որ այդ պահանջի իրագործումն այնքան էլ հեշտ չէր: Թիֆլիսի և Մոսկւայի նպաստաւոր կարծիքն ու հաւանութիւնը միանգամայն անհրաժէշտ էր:

Թիֆլիս ժամանելուս յաջորդ օրն իսկ Ազգութիւնների ժողկոմատի վարչութեան դիմեցի: Հետևեալ օրւայ առաւօտեան ժամը 7 1/2-ին ընդունելութեան ժամ որոշեցին: Գոհ էի, որ ստիպուած չէի երկար սպասելու: Շուրջ երկու տարի Թիֆլիսում ապրել և աշխատել էի: Ինձ չափազանց հետաքրքրի էր, առիթից օգտուելով, ինչքան կարելի էր շատ շրջել Թիֆլիսի զանազան պողոտաներում և հասարակաց վայրերում՝ վրացական մայրաքաղաքի յառաջադիմութիւնները տեսնելու համար:

### ՓՆՏՐՏՈՒՔ ԱԼԻՍԻ ՀԱՄԱՐ

Որոշեցի առաջին հերթին Սօլօլակ գնալ և Ալիսին փնտրել: Երբ մօտեցայ նրանց ապրած նախկին շէնքի մուտքին, կանգ առայ: Միրոս սկսել էր ուժգնօրէն բարբախել: Թոււմ էր՝ ապրումների այդ չափազանց զգայուն մտանցողիկը՝ իր խոռոչից պոկուել և դուրս պրծնել էր ուզում: Բաւական երկար տևեց այդ ծայրայեղօրէն տազնապալից սպասումը: Սրտիս ուժգին բարբախումը շարունակուում էր: Ստիպուեցի այդ բազմամարդ պողոտայի մի անկիւնում նստել և մի քանի րոպէ սպասել իմ արագօրէն թրթռացող սիրտը հանգստացնելու համար: Բաւական երկար տևեց այդ սպասումը, մինչև որ վերջապէս շնչառութիւնս կանոնաւորեց: Վեր կենալով՝ մօտեցայ մուտքին: Ներս մտայ: Ի՞նչ անսպասելի և տարօրինակ դասաւորում:

Տասն երկար տարիներ առաջ տեսածս զանգեզուրցի թիւրք միևնոյն դռնապանն էր իր խուցի առաջ նստողը: Նրանից հարցրի Ալիսի և նրա հօր ու մօր մասին: Նա անմիջապէս չպատասխանեց և իր ամբողջ ուշադրութիւնը լարած՝ ակնապիշ ինձ գննեց: Ինձ թւաց, որ նա խլացել է և տուածս հարցումը չի լսում: Նորից կրկնեցի հարցումս, այս անգամ աւելի բարձր ձայնով:

– Պ. Բարսեղովն ու նրա աղջիկը՝ Ալիսը, նորից այս բնակարանումն են ապրում:

Դռնապանը, որն ենթադրում էի՝ խլացել է, տխրութեան շեշտով գլուխը տարուբերելով և հառաչալից բացականչելով, ասաց.

– Ո՛չ, դժբախտաբար, ո՛չ...:

Երբօրս մահագոյժից յետոյ ինձ թւաց երկրորդ և աւելի արստեցուցիչ մի մահագոյժ լսեցի: Հագիւ կարողացայ ինձ հակակշռել ցած չզլորելու համար: Դռնապանի արտասանած առաջին «ո՛չ»ը սովորական էր, բայց երկրորդը սուկալի թւաց ինձ: Մինչ ես ջանանում էի ինձ տիրապետելով, ուրիշ լրացուցիչ բացատրութիւն խնդրել, դռնապանն աւելի շեշտուած տխրութեամբ իր պատասխանը լրացրեց.

– Նրանք այս տնից և այս քաղաքից գնացին, հեռացան:

– Ու՞ր գնացին: Չէ՞ք կարող ասել՝ ուր գնացին:

– Բարսեղովն ինձ որևէ խօսք չուզեց ասել: «Մնաք բարով»-ի ժամանակ նրա աղջիկը՝ այդ սքանչելի և բարեսիրտ Ալիսը, արցունքն աչքերին, ինձ ճակատիցս համբուրելով, ասաց, որ Պոլիս են գնում:

– Պոլի՞ս, Պոլի՞ս, թիւրքերի նախկին մայրաքաղաքը,– ինքս ինձ մեքենայաբար կրկնում էի այդ բառերը: Յետոյ նորից մեծ ճիգ ի գործ դնելով՝ հարցրի դռնապանից.

– Իսկ կարո՞ղ էք յիշել, ե՞րբ, ո՞ր տարին նրանք գնացին:

– Լաւ են յիշում, պարո՛ն, շատ լաւ են յիշում: Ինձ համար կարծես իմ հարազատ ընտանիքի կորուստը լինէր նրանց հեռացումը: Չես կարող իմանալ, պարո՛ն, ինչքա՛ն լաւ և բարի մարդիկ էին նրանք: Բոլոր երեքն էլ շա՛տ, շա՛տ բարի մարդիկ էին: Նրանց՝ այդ ազնիւ մարդկանց շնորհիւ էր, որ կարողացայ իմ երեք երեխաներին կերցնել, հագցնել և դպրոց ուղարկել: Ա՛խ, ինչ պատական, ինչ բարեսիրտ էր մանաւանդ նրանց աղջիկ Ալիսը: Երանի, հազար երանի կը լինէր ինձ համար, եթէ նրա փոխարէն իմ զաւակը գնացած, հեռացած լինէր: Այդ աղջիկն իմ հարազատ զաւակից աւելի հարազատ և զքառատ էր ինձ համար:

– Ներեցէ՛ք, բայց դուք մոռացաք ինձ ասել, թէ քանի՞ տարի է, որ նրանք հեռացել են:

– Ուղիղ ութ ու կէս տարի է, ինչ նրանք հեռացել են: Նրանց գնալուց յետոյ այս տան նոր կենողների խէրն ու բարաքաթն էլ կտրուել է: Միշտ մտածել են թողնել ես բէխէր գործը, բայց վախեցել են՝ ուրիշ գործ ճարել չկարողանամ:

Յետոյ իր ձայնն իջեցնելով՝ շատ կամաց, հազիւ լսելի ձայնով աւելացրեց.

– Ա՛խ, այս վրացիները: Նրանք իրենցից զատ ուրիշներին մարդ չեն հաշուում, ուր մնաց նրանց գործ տալը:

Մի քիչ յետոյ, իր չորս կողմը զննելով և ինձ սղմելով, ականջիս ասաց.



– Նրանք՝ այս վրացիները, պատճառ եղան, որ Բարսեղովը ստիպւած եղաւ հեռանալ այստեղից: Իշխանութեան գլուխ գալուց յետոյ նրանք Բարսեղովի օգնական վրացուն նրա տեղը, նրա պաշտօնին դրին, իսկ Բարսեղովին՝ նրա օգնականը դարձնել ուզեցին: Նա վիրաւորւած և սրտնեղած որոշեց հեռանալ այս քաղաքից:

Դռնապանի յայտնութիւններն ինձ համար շատ վշտալի էին: Աննկարագրելի մի կսկիծ անգթօրէն ծակոտում էր: Լացել, առատօրէն արցունք թափել էի ուզում այրող, կիզող սիրտս հովացնելու, հանգստացնելու համար: Այդ վայրկեանին խիստ մեծ ցանկութիւն ունէի գնալ մարդկանց ներկայութիւնից հեռու մի տեղ, մի անկիւն ճարել և հոգիս ճմլող, ճխլտող արցունքի հեղեղը դուրս թափել: Երբ մնաք բարովի համար ձեռքս դռնապանին պարզեցի, նա, ձեռքս իր երկու ձեռներում պինդ պահած, հարցրեց.

– Ներողութիւն, պարո՛ն, կարծես թէ ձեզ մտաբերելու վրայ եմ: Դէ, իհարկէ, բոլորովին զարմանալի չէ. նախ, որ ես արդէն սկսել եմ ծերանալ և յետոյ արդէն 10 տարիներից աւելի եմ անցել այն օրերից...

Անհամբերութեամբ ծերուկի խօսքը կտրելով՝ հարցրի.

– Ի՞նչ էք կամենում ասել:

– Ներողութիւն, շատ ներողութիւն, պարո՛ն, ես տեսնում եմ, որ իմ տւած տեղեկութիւններով ձեզ չափազանց շատ անհանգստացրի: Ասացէ՛ք, խնդրեմ, դուք այն պարոնը չէ՞ք, որ սրանից 10-11 տարի առաջ՝ համարեա ամէն օր, Ալիսի մօտ էիք գալիս նրան ֆրանսերէն դասեր տալու համար: Չեմ սխալւում, չէ՞:

– Բոլորովին չէք սխալւում: Չեր յիշողութիւնը շատ գովելի է: Բայց այդ պարագան ինչի՞ պէտք է: Այդ երջանիկ օրերը վաղու՛ց, շա՛տ վաղուց անցել են արդէն...

– Ճիշտ է, այդ երջանիկ օրերը վաղուց են անցել, բայց երջանիկ յիշատակներ կան, որոնց մոռացումն անհնարին է:

Դռնապանն իր այդ վերյուշով իմ արտակարգ ջանքերով զսպած արցունքը աչքերիցս դուրս ժայթքելու պատճառ դարձաւ: Աշխատեցի դեռ իր երկու ձեռներում պինդ պահած աջ ձեռքս ազատել և փախչել այդ տնից, բայց նա յամառեց ձեռքս պահել և ասաց.

– Իր մեկնումի վերջին վայրկեանին Ալիսն ինձ մի նամակ տուեց ձեզ յանձնելու համար: Նա համոզւած էր, որ դուք 6 ամսից, ամենաուշը մէկ տարուց այստեղ կը գաք իրեն փնտրելու համար: Խեղճ աղջիկը չէր կարող ենթադրել, որ դուք տասը տարիներից յետոյ կը գաք, այն էլ ոչ թէ նրան փնտրելու և գտնելու, այլ պարզապէս նրա մասին հետաքրքրելու և տեղեկութիւններ ստանալու համար:

Յետոյ կարեկցութեամբ աւելացրեց.

– Ափսո՛ս, շատ ափսոս Ալիսը՝ այդ հոգի աղջիկը:

– Իսկ ի՞նչ արիք այդ նամակը,– հարցրի անյոյս, բայց տագնապալից:

– Նա ինձ պատուիրեց, եթէ մինչև մի տարի գալու չլինէք, նրա՛ ինձ յանձնած նամակը պատռեմ և այրեմ:

– Ուրեմն այդպէս... և դուք նրա պատուիրը կատարե՞լ էք,– անճար յուսահատութեամբ մըմնջացի ես:

Դռնապանը դժարացաւ անմիջապէս մի խօսք ասելու: Համոզւած էի, որ նա նամակը պահած չէր կարող լինել: Գրպանումս պատրաստ մի քանի թղթադրամ ծերուկի ձեռքում խոթելով՝ անմխիթար և լքած ճանապարհ ընկայ: Երբ մի երկու տասնեակ քայլ հեռացել էի, դռնապանը, յետևիցս վազ տալով, ձայնեց.

– Պարո՛ն, ես չեմ յիշում, որ Ալիսի նամակը պատռած և ոչնչացրած լինեմ, բայց չեմ էլ յիշում՝ ինչ տեղ եմ թաքցրել այդ: Վաղը՛ այս ժամերին, եթէ ցանկանում էք, եկէ՛ք, գուցէ ինձ յաջողի գտնել նամակը և ձեզ յանձնել:

– Չափազանց շնորհակալ կը լինեմ: Եթէ գտնէք և ինձ յանձնէք այդ նամակը, ձեզ մի լաւ նւէր կը տամ դրա համար:

\*\*\*

Յուսաբեկ և ծայրայեղօրէն յոգնած էի: Դիմեցի իմ իջևանած հիւրանոցը, որ Սօլօլակ փողոցից հեռու չէր: Վշտահար և յուսահատ վերյիշեցի, որ իրար յետևից դժբախտութիւն եմ ունեցել կորցնելու իմ մանկութեան և երիտասարդութեան բոլոր սիրելի և անգին դէմքերը: Երևանում Վահանի, նրա ընտանիքի և նրանց ծանօթ բոլոր անձնատրութիւնների միջոցով փորձեցի իմ մանկութեան օրերի պահապան հրեշտակը հանդիսացող և ինձ իր հարազատ եղբօր նման սիրող Մարօին՝ Բուլղարացու կնոջը, գտնել կամ նրա մասին մի տեղեկութիւն ձեռք բերել, բայց իզուր անցան իմ բոլոր փնտրտութիւնները: Նա չկար ու չկար, և ոչ ոք էլ նրա մասին չկարողացաւ թէկուզ ամենափոքր մի տեղեկութիւն հաղորդել ինձ:

Իմ չափազանց պաշտելի Անուշը հանելուկային և ծայրայեղօրէն դժբախտ վերջատրութիւն ունեցաւ: Ալիսը, ինձ տարիներով սպասելով, անյոյս ու սրտակէզ հեռացաւ և անհետացաւ: Ինձ հետ երիտասարդութեան շրջանին գործակցող ընտիր և անձներ ընկերներից միայն մէկին յաջողեցի հանդիպել: Հրանտ Դարբինեանը՝ այդ սրտահատոր և ազնիւ ընկերը, Վահանի ասութեամբ, իր հօր ու ընտանիքի հետ բախտ որոնելու համար մեկնել էր Բրազիլիա:

Սիրոյ և մտերմութեան ընդհանուր և սրտամաշ ամայութիւն, միայնութիւն: Սրտի և հոգու յուսալքում ու դատարկութիւն:

Օ՛հ, ինչքա՛ն մաշող, այրող են այս բոլորը:

ՏԵՍԱԿՅՈՒԹԻՒՆ ՔԱՐՏՈՒՂԱՐԻ ՀԵՏ

Խռովայոյզ և տանջահար գիշեր անցկացրի: Չափազանց անհամբեր և շտապ երկու սպասումներ ինձ տագնապեցնում էին: Գործի յաջողութեան սպասումը և արևափայլ մի սիրոյ վերջին մագը լսելու անդիմադրելի ցանկութիւնը, իրար խառնած, հերթի առաջնորդութիւնն իրարից խլում էին: Դժարանում էի որոշել առաջնութեան հերթը:

«Ստանձնած պարտականութեան կատարումը անյետաձգելի է: Կեանքումս միշտ ընդհանուրի պարտականութեան կատարումը գերադասել եմ անձնական ապրումներիցս ու ձգտումներիցս: Որդեգրածս սկզբունքը պիտի ջանամ պահել», – եզրակացրի և ինձ նախապատրաստեցի առաւօտեան ժամը 7 1/2-ի տեսակցութեանը: Որոշւած ժամին հասայ Թիֆլիսի, եթէ յիշողութեանս մէջ չեմ սխալուում, Ստալինեան վերանւանուած լայն ու շքեղ պողոտաներից մէկի վրայ գտնող ժողկոմի պալատը:

Նոյն շէնքումն էին կոմկուսի քարտուղարութեան գրասենեակները: Շէնքը խիստ հսկողութեան տակ էր: Հեռախօսի միջոցով ինձ համար ներս մտնելու իրաւունք ստացւեց: Վերելակով բարձրացայ չորրորդ յարկը: Ինձ առաջնորդեցին Ազգերի Կոմիսարիատի ներկայացուցչութեան գլխատր քարտուղար Իւրաշվիլի մօտ:

Ընդարձակ, լուսատր մի սենեակի վերի մասում դրւած շատ մեծ գրասեղանի յետևում նստած մարդը, որը մէն-մենակ էր այդ շքեղօրէն կահաւորուած սենեակում, իր բազկաթոռից բարձրանալով, մի քանի քայլ առաջացաւ ինձ դիմադրելու համար: Նա բարձրահասակ, լայն թիկունքով և գեղեցկադէմ մի երիտասարդ էր: Ինձ ընդունեց ժպտալից քաղաքավարութեամբ և հրաւիրեց նստելու իր կողքին դրւած աթոռին: Առանց մի բռայէ իսկ կորցնելու՝ նա սկսեց ռուսերէն լեզուով խօսել իմ գործի մասին:

– Դուք քաղաքացի Սարհաղեանն էք, այնպէս չէ՞: Ձեր առաքելութեան մասին սրանից 6 օր առաջ Սահակ Տէր-Գաբրիէլեանը Երևանից հեռախօսով ինձ հետ խօսակցել և ինձ խնդրել է ձեզ ամէն հնարաւոր աջակցութիւն ցոյց տալ: Ես ձեզ ատելի շուտ էի սպասում: Ինչպէ՞ս է պատահել, որ այսքան ուշացաք:

– Կիրովականում ուշացայ: Տասը տարուց ի վեր եղբօրս չէի տեսել: Ես տաճկահայ եմ, վանեցի: Առաջին նահանջից յետոյ նորից Վան վերադարձայ: Մերոնցից մենակ եղբայրս է Կիրովականում: Ամուսնացած է և երկու երեխայ ունի:

– Հասկանալի է: Միանգամայն իրաւացի էք: Իսկ ձեր ընտանիքի միւս անդամները...

– Քոյրս ներկայիս Կիրովաբաղում (նախկին Գանջէ), իսկ հայրս Թեհրանումն է:

– Ներողութիւն եմ խնդրում, եթէ ինձ թոյլ եմ տալիս մի քիչ ատելի հետաքրքրելու ձեր անձնականի մասին: Պարզապէս հետաքրքրութեան համար է

այդ: Եթէ հնարաւոր է, յայտնէ՛ք ինչպէ՞ս է պատահել, որ դուք և ձեր հայրը Թեհրան էք ընկել:

– Վերջին նահանջի ժամանակ քիւրդերը մեր ճանապարհը փակեցին, և մենք հնարաւորութիւն չունեցանք նորից Հայաստան վերադառնալու: Բազմաթիւ վանեցիներ, հայեր և ասորիներ ստիպուած եղան Պարսկաստան ապաւինելու: Մի շարք արինալից կռիւներից յետոյ այդ հայերին և ասորիներին յաջողեց ազատուել թիրքերի և քիւրդերի կոտորածներից: Մեր կրած տանջանքների պատմութիւնը շատ երկար է: Կարծում եմ, տեղեկացած կը լինէք, որ այդ տասնեակ հազարաւոր գաղթականներն անգլիացիների կողմից Միջագետք տարւեցին: Հազարաւորներ, դիմանալ չկարողանալով այդ սոսկալի տաքին, արևակէզ անապատների արագութեամբ մահացան: Իսկ Թիւրքիայի հայաբնակ նահանգներում բռնի գաղթի ճամփին, արտաքսվալներում մէկ միլիոնից ատելի հայեր կոտորեցին: Մէկ խօսքով, համաշխարհային պատերազմը մեզ՝ հայերիս գերեզմանը դարձաւ:

– Հայերի գլխին պայթած այդ արհիւնալից եղեռնին անտեղեակ չեմ: Հայերին սիրում և յարգում եմ: Մանկութիւնիցս ի վեր հայ ընկերներով և բարեկամներով եմ շրջապատուած եղել: Հայաստանի ներկայի առաջին քարտուղար Ադասի Խանջեանի հետ համալսարանում եղել ենք մտերիմ ընկերներ: Ես նրան սիրում և մանաւանդ յարգում եմ: Նա ընտիր դեկավար է, բայց նաև հայասեր է և հայրենասէր: Մեր ազգայնամոլ վրացիները նրան չեն սիրում: Նրան ազգայնամոլ են հաշուում, բայց նա անթերի և պատուական մարդ, մանաւանդ ազնիւ և նւիրած դեկավար է: Մեր կուսակցական գլխատրները նրա նկատմամբ հաւատք ու վստահութիւն ունեն:

Ազգութիւնների կոմիսարիատի Թիֆլիսի ներկայացուցիչ-քարտուղարը լռեց: Ինձ քուս, որ նա ցանկանում է խօսակցութեան հերթը ինձ տալ: Բայց ես պատեհ չհամարեցի այդ առթիւ որևէ կարծիք յայտնելու: Ընդհանրապէս որոշել էի վերապահ լինել և քաղաքական ու կուսակցական խնդիրներին բոլորովին չխառնել: Տեսնելով, որ շարունակում եմ լռել, նա շարունակեց.

– Հիմի անցնենք ձեզ հետաքրքրող հարցին: Ներգաղթի խնդիրը ներկայիս ընդհանուր չափանիշով քննութեան է ենթարկուած: Կարելի է ասել, որ ներկայիս նա իր առանձին և ազգային բնոյթը կորցրել է: Մեր խորհրդային ամբողջ երկրները իրենց են քաշում ամէն ազգի պատկանող հարիւրհազարաւոր բազմութիւններ: Միայն հայերը չեն, որ ներգաղթել են ցանկանում: Ռուսներ, բելօռուսներ, ուկրաինացիներ, ազրբէջանցիներ, վրացիներ և բազմաթիւ ուրիշ ազգութիւնների պատկանող բազմաթիւ մարդիկ ներգաղթի պահանջ են դրել:

Ազգութիւնների կոմիսարը՝ մեր յարգելի մեծ ընկեր Ստալինը, ոգի ի բռնի աշխատում է այդ հարցը հիմնօրէն ուսումնասիրել և դրա համար շտապ,

բայց նպատակայարմար ելք գտնել: Հայկական ներգաղթի նպաստաւոր լուծման խնդրում նրա բարեացակամութիւնը մեծ դեր է խաղալու: Այդ խնդրի իրականացման համար ընկ. Ադասու դերն էլ շատ նշանակալից է: Նա կարող է, ընդունակ է ընկ. Ստալինի հետ խորհրդակցել և նրա հաւանութիւնը ապահովել: Եթէ կարողանաք Ադասուն բացատրել գործի կարևորութիւնն ու անյետաձգելիութիւնը և նրա համաձայնութիւնն ու օժանդակութիւնը ապահովել, խնդրի կարևոր մասը լուծւած պիտի համարել: Ադասու հետ Մոսկւա գնալու ժամանակ մի կարճատև հանդիպում ունեցանք: Նախքան ձեր ժամանումը նա արդէն մտածում էր օրէցօր շեշտող ներգաղթի անհրաժեշտութեան մասին:

– Իսկ դուք, պարոն, ներողութիւն, քաղաքացի՝ Իւրաշվիլի, ձեր կողմից կարո՞ղ էք որևէ օժանդակութիւն բերել իմ խնդրած գործի յաջողութեան համար:

Իւրաշվիլին անմիջապէս չպատասխանեց հարցիս: Երևութապէս նա մտածումն էր ենթարկեց: Աջ ձեռքի մատներով իր ճակտին թափած մազերը յետ տալով և շեշտակի իմ աչքերին նայելով՝ ասաց.

– Այդ մասին ներկայիս ոչինչ չեմ կարող ասել: Ինչպէ՞ս յայտնեցի, հայերի նկատմամբ մեծ համակրութիւն ունեմ և սրտանց ցանկանում եմ որևէ օժանդակութիւն արած լինել: Կը փորձեմ իմ հնարաւորը: Էգուց՝ ճիշտ այս միևնոյն ժամին, ինձ մօտ եկէք:

Իմ հերթին սրանից ատելիս ասել և անել չէի կարող: Քարտուղարին շնորհակալութիւն յայտնելով՝ ցոտեսութիւն ասացի և նրա սենեակից դուրս եկայ:

## ԱԼԻՍԻ ՆԱՄԱԿԸ

Փողոց դուրս գալով՝ մտադրեցի անմիջապէս Սօլօլակի պողոտան գնալ՝ ծերուկ դռնապանին հանդիպելու համար: Աճապարում էի մի վայրկեան առաջ հասնել: Հևիկ հռնապանի մօտ եկայ: Ծերունին, ինձ տեսնելով, բացականչեց.

– Ճարեցի, պարոն, բախտի բերմամբ ճարեցի: Իսկական հրաշք է այս: Վախենում էի, որ կինս ու երեխաներս իմ փոքր սնդուկը բացակայութեանս ժամանակ քրքրելով, գտած և վերցրած կամ պատռած կը լինեն նրա նամակը:

Այս ասելով՝ նա ինձ յանձնեց դեղնած և ճմռթած մի նամակ: Գունաթափեցի: Սրտիս տրոփիւնը ծերուկին անհանգստացրեց: Չեռներս տարօրինակօրէն դողդողում էին: Նամակի վրայի հասցէն իմ անունով էր: Ալիսի գրութիւնը ճանաչեցի: Դռնապանին խոստացածս նւերը տալով՝ նամակը ուշադրութեամբ ծոցիս գրպանը դրի և հեռացայ: Մոռացել էի դռնապանին շնորհակալութիւն յայտնել և մնաք բարով ասել: Մի քանի քայլ յետ գալով՝ կանչեցի.

– Շա՛տ, չափազանց շնորհակալ եմ, բարեկամ: Այս նամակը մի անթառամ և քանկազին յիշատակ կը լինի ինձ համար: Մնաք բարով:

Հիւրանոց հասնելով՝ անկողնու վրայ փռեցի: Չնայած կառքով էի եկել, բայց կարծես մի քանի կիլօմետր ճանապարհը ոտքով էի կտրել: Չափազանց յոգնել էի: Ջանացի գերագրգռած ջղերս հանգստացնել և ինձ տիրապետել: Ինքս էլ չէի կարող բացատրել, թէ ի՞նչ է պատահել: Չէի կարող հասկանալ, ամբողջ տասը տարիների բաժանումից յետոյ մի անշունչ նամակ ինչու համար ինձ այդքան շատ պիտի յուզէր: Բաց արի նամակը և սկսեցի կարդալ:

«Իմ անգուգակա՛ն Սիրաք, անհնար է նկարագրել այն հոգեկան վիճակը, որում այս քանի տողերը գրելիս ապրում եմ: Անհուն կարօտով այրելով՝ ամէն օր, ամէն ժամ անհամբեր սպասում էի վերադարձիդ: Միշտ փորձում էի ինձ համոզել, որ դու արդէն ինձ մոռացել ես, բայց իմ այդ փորձի դէմ սիրտս կատաղօրէն բողբոջում էր: Նա՛ այդ սիրտը, բղաւելով ինձ ասում էր.

– Իզուր մի՛ փորձիր ինքնախաբէութեամբ զբաղել: Այն չափով, որ դու ես նրան սիրում, գուցէ և ատելի նա է քեզ սիրում: Սրտի, սիրոյ այդ պայքարում ես յաճախ ֆիզիկապէս ընկրկում էի: Յաճախ հիւանդանում էի: Մի անգամ էլ գրեթէ գերեզմանի եզրից վերադարձայ: Ծնողներս և բարեկամներս իմ կորուստի լաց ու շիւանն էին սկսել արդէն: Ինքս էլ չգիտեմ՝ ինչպէս և ինչ հրաշքով չմեռայ և շարունակեցի ապրել: Երբեմն ինձ մխիթարում էի, որ իմ բախտն ու ճակատագիրը իմ մահուան չեն համաձայնել միայն այն պատճառով, որ վճռել են ինձ պահել քո վերադարձի և քեզ համար:

Սրտի և սիրոյ այս պայքարը դեռ շարունակում է: Տարօրինակն այն է, որ այդ սպասման հաւատքը դեռ կանգուն է, դեռ մնացել է անխորտակելի: Ինձ թում է, որ գալիս ես, ճանապարհին ես, կը հասնես: Ահա այսօր կգաս, էգուց կամ հիմա, մէկ ժամից կը հասնես: Չգիտեմ, չեմ կարող հասկանալ, ինչու՞, ի՞նչ պատճառով եմ շարունակում քեզ այսքան խենթօրէն սիրել և չեմ կարող ինձ բացատրել այսքան երկար սպասումներից յետոյ ինչու՞ համար դեռ շարունակում եմ անխախտ և անվերջ և նոյն հաւատքով ու նոյն ջերմեռանդութեամբ սիրել քեզ... Ալիս»:

Յ. Գ.- Անհունօրէն ցաւում եմ, որ ես, որս և մօրս միակ զաւակը լինելով, ստիպւած եմ համաձայնել նրանց հետ միասին թողնելու Թիֆլիսը՝ իմ քեզ հետ ունեցած երջանիկ հանդիպման այս վայրը, այս քաղաքը: Հայրս չկարողանալով համաձայնել իրեն տրուած վիրատրանքին՝ իր պաշտօնի ցածրացումին, որոշեց մեզ հետ միասին մեկնել Պոլիս՝ հօրեղբօրս մօտ: Մեր նոր հասցէն կը լինի՝ Ղալաթա, N 57, Իսթանբուլ, Բարսեղեան»:

\*\*\*

Ալիսի նամակի իւրաքանչիւր բառը կարծես պողպատեայ մուրճի մի հարած էր հասցնում սրտիս: Լացել, երեխայի նման հեկեկալ սկսեցի: Գիտէի, որ Ալիսը՝ այդ սքանչելի աղջիկը, սիրում էր ինձ, բայց երբէք չէի կարող ենթադրել, որ նրա սերն աշխարհի ուժեղ, աշխարհի հաստատուն և աշխարհի տակաւն էր: Ալիսի՝ իմ նկատմամբ տածած զգացումը սիրուց աւելի բարձր, աւելի նիւթական ապրում էր եղել: Մի անգամ, հաւատարմութիւնը և ինքնագոհութիւնը: Խեղճ աղջիկը իր անձն ու էութիւնը, իր ամբողջ զգացումներն ու ապրումները այդ սիրոյ մէջ էր խտացրել և երդեալ հաւատացեալի նման այդ սիրով տոգորել ու տանջել էր:

Իրեն գրածու նամակի մասին Ալիսը ոչ մի յիշատակութիւն չէր արել: Հաւանաբար նա այդ նամակը չէր ստացել: Նա սպասել, անվերջ և յամառ սպասել էր ինձ: Կարծես իր երջանկութեան և անուրջի արևին սպասելիս լինէր: Բայց ինչո՞վ, ի՞նչ պատճառով մեղաւոր և պատասխանատու էի ես:

Վերջին նահանջին բազմահազար նահանջողներիս ապաւենն ու նպատակաստեղծը Կովկասն էր: Առանց կատարեալ տեղեկութիւն ունենալու Ալիսի այդ անասան, անխափան և հաւատարմ սիրոյ մասին՝ անկասկած, Թիֆլիս պիտի վերադառնայի, նորից նրան պիտի հանդիպէի և նորից իմանայի, համոզուէի նրա այդ աներեր և հաւատարմութիւնը մասին:

Դժբախտաբար, ճակատագրի անգութ դասաւորութեամբ հեռուները շարունակեցի, և այլ երկրներում, կեանքի օրհասական և դաժան պայքարի մէջ մխրճեցի: Այդ ապերջանիկ և ապաբախտ պայմաններում ես ստիպուել էի իրաժարել ամէն ինչից, մինչև իսկ երջանիկ սպասումներից և կենսախիւնը ձգտումներից:

**ԵՐԿՐՈՐԳ ՏԵՍԱԿՑՈՒԹԻՒՆ**

Համաձայն նշանակած ժամադրութեան՝ յաջորդ օրը՝ առաւօտեան ժամը 7 1/2-ին, քարտուղար Իւրաշվիլիի մօտ գնացի: Նա ինձ ընդունեց առաջին օրայ սիրալիրութեամբ և նորից առանց ժամանակ կորցնելու՝ սկսեց.

– Ձեր մեկնելուց երկու ժամ յետոյ ես հեռախօսային կապի մէջ մտայ ընկ. Ստալինի հետ: Նա ներկայիս գտնուում է Մոչխում: Տասնօրեայ արձակուրդով այնտեղ է եկել հանգստանալու նպատակով: Նա ինձ յայտնեց, որ ներգաղթի հարցը, ինչպէս ինքս էլ երէկ ձեզ ասացի, ներկայիս ընդհանուր առումով քննութեան է ենթարկուում: Նա նոյնիսկ ասաց, որ հաւանաբար, առաջին հերթին հայերի ներգաղթի խնդիրն ուսումնասիրութեան ենթարկւի, բայց աւելացրեց նաև, որ այդ ուսումնասիրութիւնն այնքան էլ շուտ չի վերջանալու: Հաւանաբար եր-

կու-երեք տարուց աւելի շուտ հնարաւոր չի լինի դրա իրականացումը: Խորհրդային Միութեան հսկայական տարածանքի վրայ հայերի համար շատ աշխատանք գոյութիւն ունի, բայց նա համոզուած է, որ ներգաղթող հայերը ցանկութիւն ունեն անպայման իրենց երկրում՝ Հայաստանում տեղաւորել և այնտեղ էլ աշխատել ու ապրել:

Այստեղ Իւրաշվիլին, իր խօսքն ընդհատելով, կարծես ուզեց իր յայտնութիւնների՝ ինձ վրայ թողած տպաւորութիւնը որոշել, թէև նա ինքն էլ շատ լաւ էր հասկանում, որ 2-3 տարուայ խոստումը ոչ միայն ինձ, այլև մանաւանդ ներգաղթել ցանկացող գիւղացի և աշխատարար բազմութիւններին ոչ մի կերպ ոգևորել չէր կարող: Այդպիսի խոստումը խուսափողական և ապառիկ էր:

Ես շփոթուած և անբաւական էի ապագայում իրականանալիք այդպիսի խոստումից և դժարութեամբ դժգոհութիւնս զսպել կարողանալով՝ ասացի.

– Գաղթելու անապարող հազարաւոր հայերի համար այդ երկու-երեք տարիների ժամկէտը չափազանց երկար և աննպաստ է. նրանք համոզուած են, որ իրաւունք ունեն օր առաջ իրենց հարազատ հայրենիքը վերադառնալու:

Իմ արտայայտած վերջին նախադասութիւնը, մանաւանդ «Համոզուած էին, որ իրաւունք ունեն» բառերը ջղագրգռութեան ենթարկեցին «Ուսուցիչ» վրացի քարտուղարին: Նա այլևս չկարողացաւ իր ներքին հակակրօնութիւնը հակակշռի ենթարկել և բացականչեց.

– Ասացէ՛ք, խնդրեմ, իսկ այդ հայերն իրաւունք ունէ՞ին Հայաստանում հաստատուած մեր խորհրդրդային կարգերը տապալելու և նորից իրենց օտարամերժ ու ազգայնամոլ իշխանութիւնը վերահաստատելու համար զէնք վերցնել և մեր դէմ կուելով՝ մերոնց կոտորել: Այդ ձեռք ասած հայերը՝ իրենց դաշնակ գլխատրների ղեկավարութեամբ, չբաւականացան մեր, այս պարագայում ձեռք երկրի տերիտորիայի կէտը Ալեքսանդրապոլի դաշինքով թիրքերին նկրելու, ցանկանում էին, փետրար 18-ի ընթացքով մնացեալն էլ մերոնցից խլելով՝ նորից նրանց պարզել:

– Ներողութիւն, քաղաքացի՛ Իւրաշվիլի, ես այստեղ չեմ եկել ձեզ հետ վիճարանութեան բռնելու համար: Եկել եմ իսկական հայրենատենչ հայերի ներգաղթի համար ձեր և ձեր լիդերների օժանդակութիւնը խնդրելու: Ես ինձ իրաւացի և կարող չեմ համարում քաղաքական բնոյթ կրող հարցերի մէջ մխրճելու: Միայն, եթէ նորից վշտանալու չլինէք, ստիպուած եմ յայտնելու, որ այդ ձեր դաշնակ կոչուածները, վստահաբար, Ալեքսանդրապոլի՝ անկասկած անխղճօրէն և բռնութեամբ պարտադրուած դաշինքը ստորագրել չէին յօժարի, եթէ թիրքերի և ձեր զինակից բանակների խեղդիչ ճնշման ենթարկուած չլինէին: Ինչ վերաբերում է ձեր ակնարկած

վետրարեան ապստամբութեանը, նրանք երբեք չէին փորձի այդ քայլն առնելու, եթէ սկզբից ի վեր նրանց տասնեակ հարիւրներով, առանց հարցաքննութեան և դատարանի, չբանտարկէին և չկոտորէին: Ամէն մարդու համար կեանքը թանկ է: Ամէն մէկը աշխատում է զուր և անտեղի չմեռնել: Կեանքի պաշտպանութիւնը նոյնիսկ բոլոր կենդանիների և ամէն տեսակ շնչատու արարածների համար բնական և բնագոյական է: Հետևաբար զարմանալու ոչինչ կայ, եթէ մարդիկ, մի այլ գաղափարի և տեսակետի պատկանող մարդիկ, որոնք կոտորելու և զնդակահարելու էին տարում, ըմբոստանային և իրենց գոյութիւնը փրկելու ձգտէին:

– Բայց, քաղաքացի՝ Սարիաղեան, դուք մոռանում էք, որ ամէն յեղափոխութիւն և վարչակարգի յեղաշրջում չի կարող առանց արիւնահեղութեան իրականանալ: Ճերմակ բանակայինները և նրանց հետ համերաշխօրէն և միասնաբար գործող հազարաւոր իմպերիալիստներն ու նրանց հլու կամակատարները, որոնց թումն էին նաև մուսավաթականները, վրացի ազգայնամուլները և ձեր դաշնակները, նպատակադրել էին մեզ կոտորել, բնաջնջել և հողին հաւասարեցնել: Ինչպէ՞ս ուրեմն մենք կարող էինք նրանց նկատմամբ ջենտլմեն և ներողամիտ լինել: Մեր վարչակարգը ամբապնդելու համար մենք ստիպած էինք մեր հակառակորդներին՝ մեր արեան ծարաւի թշնամիներին կոտորել և նրանց ամէն տեսակի թշնամական ելոյթն ու արարքները խեղդել և ոչնչացնել:

– Բայց չէ՞ որ այդ ձեր նախատիւների և ատելութեան արժանացած մարդիկ՝ այդ դաշնակցականները, առանց դիմադրութեան և արիւնահեղութեան յօժարեցին ղեկտեմբեր 2-ին ձերոնց՝ այսինքն հայ համայնավարներին յանձնել իրենց ձեռքում գտնող երկրի իշխանութիւնը: Նրանք նոյնիսկ ձեր տրամադրութեան ներքոյ դրին իրենց բոլոր զինուորական ուժերը, պահեստները և զինուորական հրամանատարներին: Ուրեմն ի՞նչ կարիք կար հետագային նրանց նկատմամբ վրէժխնդիր լինել և նրանց անխնայ ջարդին ձեռնարկել:

– Ո՛չ, հազար անգամ ոչ,– այս անգամ ատելի զայրացած բացականչեց Իւրաշվիլին,– նրանք մեզ անկեղծօրէն չը մօտեցան և իշխանութիւնը յանձնելուց յետոյ էլ շարունակեցին իրենց էնտրիզներն ու դաւադրութիւնները: Նրանք ափսոսում էին քարուքանդ և կտոր-կտոր եղած երկիրը յանձնած լինելու համար և մշտական ու անմիջական յարաբերութեան մէջ էին մեր թշնամիների՝ այսինքն տասնեակ տարիների իրենց բարեկամ իմպերիալիստների հետ:

Տեսնելով, որ բոլորովին անօգուտ և ատելոյ է մեր «բարեկամ» վրացու հետ շարունակել սկսած վիճաբանութիւնը, ջանացի խնդիրն անուշի կապել: Բաժանելուց առաջ փորձեցի նրանից մի փոքր օժանդակութեան խոստում առնել: Նրան հարցրի.

– Այս բոլորից յետոյ կարո՞ղ եմ յոյս ունենալ, որ ինչպէս սկզբում խոստացաք, ձեր կարողութեան սահմաններում իմ առաջադրած խնդրին օժանդակելու էք: Գուք՝ որպէս հայ ժողովրդի բարեկամ, բարի եղէք չմերժելու հազարաւոր հայրենակարօտ գիւղացիների և աշխատատուների ներգաղթին օգտակար լինել: Ներգաղթի վերաբերմամբ ձեր նպատակաւոր միջնորդութիւնը կարող է մեծ նշանակութիւն ունենալ: Ներգաղթել ուզող հայերը միայն մի ցանկութիւն ունեն՝ աշխատել իրենց գոյապրուստն ապահովելու, իրենց գաւակներին դպրոց ուղարկելու և իրենց ընտանիքի առողջական վիճակը փրկելու: Ներգաղթել տենչացող ժողովուրդը սիրայօժար և ինքնական ցանկանում է նիրուել իր հայրենիքի վերաշինման և բարգաւաճման հոյակապ գործին: Նա երբեք չի յօժարելու իր քաղաքացիական կեցածքով ամենափոքր արգելք լինելու իր հայրենիքի երջանիկ ապագայի կերտման մեր գործին:

Իւրաշվիլին նորից սիրալիւր և ժպտադէմ ասաց. (ինձ համար այս անգամն էլ նրա անկեղծութեան բնոյթն ու աստիճանը որոշելը դժուար էր).

– Վստահ եղէք, որ իմ իրաւունքի և կարողութեան սահմաններում կաշխատեմ օժանդակել գործին: Կրկնում եմ, Խանջեանն իմ լաւ ընկերն ու բարեկամն է: Խորապէս համոզուած եմ, որ նրան չափազանց շատ շահագրգռում է իր հայրենակիցների ներգաղթի հարցը: Իմ ընկերական պարտքն էմ համարում նրան այս գործում օգնելու:

Պատրաստում էի քաղաքավարական շնորհակալութիւնս յայտնել և ցտեսութիւն ասելով՝ նրանից բաժանել: Սենեակի դռանը հասած վայրկեանին նա ինձ խնդրեց նորից յետ գալ և նստել բազկաթոռիս:

– Ներեցէ՛ք, եթէ մի քանի րոպէ ես ձեզ ուշացնում եմ: Ինձ շատ է հետաքրքրում իմանալ ձեր տեղեկութիւնները հայերի հետ միաժամանակ Պարսկաստան գաղթեցուած վրացիների մասին: Շահ-Աբաս թագաւորը 17-րդ դարի սկզբում հայերի հետ միասին մեծ թուվ վրացիներ տարաւ Պարսկաստան: Նրանք ի՞նչ են անում: Գուցէ նրանք էլ հայերի նման ցանկութիւն ունեն նորից իրենց երկիրը՝ Վրաստան ներգաղթել... Այդ մասին ի՞նչ կարող էք ասել...

– Այդ ձեր ակնարկած վրացիները այլևս վրացի չեն: Նրանք իրենց փոքրամասնութեան բնոյթից վաղուց դուրս գալով՝ ձուլուել են տեղացիների մէջ: Ներկայիս բոլորովին դժուար և գրեթէ անկարելի է նրանց ինքնութիւնը որոշել: Այնպէս որ նրանք վրացի ազգութեան համար կորած և անհետացած տարրեր են:

Իւրաշվիլին այդ մասին ոչինչ չհարցրեց: Նրա դէմքին շեշտուած տխրութիւն նկատեցի: Մի փոքր լռութիւնից յետոյ, որպէս հրաժեշտի խօսք և յանձնարարութիւն, ասաց.

– Խանջեանը՝ ձեր մեծ հայրենասէր հայը, այդ ձեր խնդրած ներգաղթի հարցի բարեյաջող լուծման խնդրում կարևոր և մեծ դեր կարող է խաղալ: Մեր վետերան ընկերները, մանաւանդ Լենինն ու Ստալինը, նրան յարգում և սիրում են: Նրա խօսքն ու խնդիրքը մեծ արժէք են ներկայացնում: Մի՛ մոռացէք նրա հետ տեսակցելու և նրան ներկայացնելու խնդիրը:

\*\*\*

Հիմնարկութիւնից դուրս գալուց յետոյ սկսեցի մտովին անդրադառնալ այդ վրացի կարևոր պաշտօնատարի հետ ունեցած իմ երկու տեսակցութիւնների և մեր երկուսի միջև տեղի ունեցած խօսակցութեան և վիճարանութեան մասին: Գիտէի, որ այդ մարդը՝ որպէս խորհրդային իշխանութեան ծիրում եղած ազգութիւնների բարձրագոյն օրգանի գործադիր մարմնի մի ներկայացուցիչ, այն էլ Թիֆլիսի ներկայացուցիչ, բաւական կարևորութիւն էր ունենալու: Նրա կածիքը, նրա նպաստատու կամ աննպաստ դիրքաւորումը մեր ներգաղթի խնդրի նկատմամբ կարևոր նշանակութիւն կարող էր ունենալ: Այդ ժամանակներում ես դեռ բաւական երիտասարդ էի և, որպէս այդպիսին, աւելի քիչ յռետես էի մարդկանց արտայայտած խօսքի և կարծիքի անկեղծութեան վերաբերմամբ:

Իրաւովիւն երևութապէս իրեն հայերին բարեկամ էր ցոյց տալիս: Մանաւանդ Խանջեանի նկատմամբ համակրութիւն և յարգանք էր ցուցաբերում: Գործի յաջողութեան համար օժանդակութիւն էր խոստանում, բայց... այդ բայցը շատ կարևոր էր: Նա չկարողացաւ թաքցնել իր հակակրութիւնը մեր ժողովրդի հանդէպ:

Ծիշտ է, նրա հակակրութեան և ատելութեան թիրախը դաշնակցականներ էին, բայց նա չկարողացաւ իրեն զսպել այդ հակակրութեան զգացումը տարածելու բոլոր հայերի նկատմամբ:

Իմ ուղեղում փորագրւած մնացին նրա ամբաստանութեան հետևեալ խօսքերը. «Նրանք՝ այդ հայերը, իրենց դաշնակների դեկավարութեամբ մեր խորհրդային կարգերը տապալելու համար զենք վերցրին, մերոնցից իրենց երկրի մնացած կեսն էլ խլելով՝ թիւրքերին պարզեցին համար...»:

Իմ միակ և վերջին յոյսը մնում էր իմ նախկին ընկերը՝ Աղասի Խանջեանը: Ամբողջ 12 տարիների ընթացքին նրան չէի հանդիպել: Նամակագրութիւն էլ չէի ունեցել: Իմ տեսած երեք կարևոր անձնատրութիւնները նրա հայրենասիրութեան մասին մեծ գովեստով էին արտայայտել: Նա ներկայիս քաղաքական կարևոր դէմք էր դարձել և սիրւած ու յարգւած էր խորհրդային առաջնորդների կողմից: Պահել էր արդեօք իր պատանեկութեան համեստութիւնն ու ազնութիւնը: Կը ցանկանա՞ր կամ ի վիճակի կը լինէ՞ր իր նախկին ընկերոջ խնդրանքը

կատարելու: Շատ մօտ ապագան այդ բոլորը ցոյց կը տար: Վճռեցի Մոսկա գնալ և նրան տեսնել:

Երևանում Ս. Տէր-Գաբրիէլեանն ինձ յայտնել էր, որ Ազգութիւնների գործադիր մարմնի Բաքի ներկայացուցիչը հայ էր՝ Ապրէսեան ազգանունով: Նրան Թեհրանից էի ճանաչում: Երկու տարի առաջ խորհրդային կառավարութեան հիւպատոսն էր Իրանում. պատական մարդ էր և լաւ հայ: Օգտակար համարեցի Մոսկա գնալուց առաջ նրան Բաքում հանդիպել և ներգաղթի խնդրի մասին նրա հետ խօսել: Թեհրան եղած ժամանակ նա հանգամանօրէն տեղեկացել էր խնդրին և ներգաղթի ցանկութեամբ տոչորտող հայերի զգացումներին կատարելապէս ծանօթ էր:

## ԲԱԶՎՈՒՄ

Բաքու հասնելուց և հիւրանոց իջնանելուց յետոյ փորձեցի հեռախօսով կապել Ապրէսեանի հետ: Դժբախտաբար, ինձ չյաջողեց նրան իր պաշտօնատեղիում գտնել: Ինձ յայտնեցին, որ էգուցայ ժամը 7-ից աւելի շուտ նրան հանդիպելը հնարատու չէր: Հաշտեցի, որ այդ օրն իմ ճամփորդութեան 17-րդ օրն էր: Մտածեցի հէնց այդ գիշերուայ գնացքով Կիրովաբադ՝ նախկին Գեանջա մեկնել քրոջս՝ Արաքսուն տեսնելու և մի քանի օր նրա և նրա ընտանիքի մօտ ապրելու երջանկութիւնն ու հրճամբն ունենալու: Երկար մտմտութից և ձև ու չափից յետոյ միտքս փոխեցի: Երանի, հազար երանի կը լինէր, եթէ այդ ձև ու չափը արած չլինէի և քրոջս մօտ գնալու որոշումս փոխած չլինէի: Տարօրինակ և մինչև իսկ ինձ համար անբացատրելի բնատրութեան տէր մարդ եմ եղել: Միշտ իմ անհատական ապրումները բաւականութիւնն ու մինչև իսկ երջանկութիւնը գոհել եմ ընդհանուր, հաւաքական և հասարակական բնոյթ ունեցող գործերին:

Այսպէս ուրեմն, որոշեցի իմ չափազանց սիրելի քրոջս այցելութիւնը Մոսկայից վերադարձիս յետաձգել: Աւելի լաւ է, մտածեցի, իմ ստանձնած պարտականութիւնը կատարելուց յետոյ հանգիստ սրտով քրոջս մօտ գնամ: Ենթադրում էի, որ ամենաուշը մինչև 5-6 օր ինձ կը յաջողի Աղասուն հանդիպել, նրա հետ մէկից աւելի անգամներ խօսակցել իմ առաքելութեան մասին և մնացեալ 6-7 օրը քրոջս մօտ լինել: Իմ ճամփորդութեան ժամկետը 13 օրից լրանալու էր, և հետևաբար կատարեալ հանգստութեամբ հնարատու կը լինէր թէ՛ ընդհանուր և թէ՛ անհատական սիրելի պարտատրութիւններս կատարել:

Յաջողող օրը՝ առաւօտեան ժամը 7-ին, Ապրէսեանի մօտ գնացի: Նա առանց սպասեցնելու անմիջապէս ինձ ընդունեց իր աշխատասենեակը: Առաջին իսկ հայեացքից նկատեցի, որ նրա գրասենեակը Իւրաշիլու Բիւրօի շքեղութիւնից շատ հեռու էր: Ապրէսեանի այս ոչ ընդարձակ սենեակը շատ

սովորական կահաւորում ունէր: Իւրաշվելու գրասենեակի շքեղ գրասեղանը, բազկաթոռները, ջահերն ու մուգ վարդագոյն վարագոյրներն այստեղ գոյութիւն չունէին:

Ներս մտնելուն պէս Ապրէսեանը, շատ զարմացած և բացառիկ սիրալիրութեամբ ինձ ընդունելով, բացականչեց.

– Սիրա՞ք, այս ի՞նչ հրաշքով այստեղ ընկար: Բոլորովին չէի կարող ենթադրել, որ մեր կողմերը գալու կը լինես: Պատմիր, տեսնենք, ի՞նչ քամի է քեզ այստեղ գլորել...:

– Ձեր խիստ ցանկալի տեսութեան կարօտը,– պատասխանեցի նրան՝ ինքս էլ շատ ուրախացած:

– Այդ մասին չեմ կասկածում, բայց իսկական պատճառը բացատրիր:

Մանրամասն պատմեցի առաքելութեանս մասին: Նկարագրեցի նաև իմ հանդիպումներն ու տեղի ունեցած խօսակցութիւնները, ինչպէս նաև ինձ տուած բերանացի խոստումները: Ապրէսեանը համբերութեամբ և ուշադրութեամբ ինձ լսելուց յետոյ ասաց.

– Այո՛, իմ՝ Թեհրանում եղած ժամանակամիջոցում յարուցած խնդրի հետ լիովին ծանօթացայ: Պարսկահայ չքաւոր տարրերի բուռն ցանկութեանն էլ տեղեակ եմ: Ներգաղթի խնդրի նպաստաւոր լուծման ամենաառաջին պայմանը Ազգութիւնների գերագոյն մարմնի սկզբունքային համաձայնութիւնը պիտի հաշուէ: Նրանից յետոյ Հայաստանի բնակարանային շինարարութեան տագնապի մեղմացումն է: Ներգաղթել ցանկացողների ճնշող տոկոսը չքաւոր, աղքատ գիւղացիներ և բանուորներ են, դժբախտաբար, նրանք միութեան ամէն տեսակի միջոցներից զրկուած վիճակում պիտի մտնեն Հայաստան: Իսկ այդ ամենից յետոյ ամենամեծ ցաւը Հայաստանի հողային տարածանքի անբաւականութիւնն է: Մեր մայր երկրից զանազան առիթներով և պատճառներով հսկայական հողամասեր են անջատուած: Խանջեան Աղասին այդ առթիւ շատ մտահոգ է և ամէն կերպ աշխատում է սրբագրել կատարուած կոպիտ սխալները: Իսկ թէ նրան կը յաջողի՞ այդ անել, յայտնի չէ: Նման հարցերի կարգաւորումը մի շարք լուրջ դժարութիւնների հետ է կապուած: Հայաստանի սահմանների վերաքննութիւնն ու սրբագրումը բռնկման պատրաստ վառօղի հետ խաղալ է նշանակում: Փոխարարութիւնների ամենափոքր լարածութիւնը չափազանց վտանգաւոր կը լինի, և հաւանաբար, ի վերջոյ հայերի վնասին կը վերջանայ...

Նա իր խօսակցութեան թելը կտրեց: Նրա դէմքին նկատուող անհանգստութիւնից եզրակացրի, որ նրա ներքին, հայի հոգին իր ծնող ազգի վզից կախուած հսկայ և ժայռանման պողպատեայ ծանրութիւնից կըրում և տանջուած է: Նա իր փորձառու և հեռատես քաղաքագետի ոճով եզրափակեց.

– Ներկայ պայմաններում Խանջեանի նման պատասխանատու դիրքի հասած հայ մարդկանց

համար անսահման համբերութիւնը և ծայրայեղ զգուշատրութիւնը չափազանց անհրաժեշտ է: Ամենափոքր սալաքումը ամէն ինչ կը փչացնի և յօնքը սարքելու փոխարէն աչքն էլ կը կտրացնի:

Սի փոքր շունչ քաշելուց յետոյ՝ աւելացրեց.

– Աղասին զնացել է Մոսկա, հաւանաբար Լեւինգրադ էլ կը գնայ: Անհրաժեշտ է նրան տեսնել: Իմ կարծիքով, միմիայն նա ի վիճակի կը լինի ձեր ցանկացած ներգաղթի խնդիրը կարգաւորելու:

## ՄՈՍԿԱՅՈՒՄ

Նախկին ռուսական կայսրութեան և ներկայի չափազանց շատ ընդարձակ Խորհրդային երկրների Միութեան հռչակաւոր մայրաքաղաքում՝ Մոսկայում եմ: Առաջին ազամն է, որ ոտք եմ դրել այդ շատ մեծ և ծաւալուն քաղաքը: Դժբախտաբար, մինչ այդ ելրոպական և ամերիկեան մայրաքաղաքներում և մեծ քաղաքներում չեմ եղել, որպէսզի կարողանամ նրանց համեմատել այս մէկի հետ: Երեք օրերի ընթացքում իմ տեսնել յաջողած այս քաղաքի զանազան մասերը՝ իրենց լայնանիստ և հեռուները ձգող թաղամասերով, ինձ համար չափազանց զարմանալի նորութիւններ են: Քաղաքի գլխաւոր պողոտաները, թաղամասերը, մերձակայ շրջանները, մանաւանդ շէնքերն ու հիմնարկները, հրապարակները, զբօսավայրերը, արձանները, համալսարանները, թանգարանները, թատրոնները, օպերաները և հասարակական պարտէզներն ու վայրերն ինձ ցոյց տող բարեացակամ առաջնորդս ինձ յայտնեց որ Մոսկան լրի տեսնել կարողանալու համար առնուազն մի ամիս պիտի շրջագայել:

Թեհրանի դեսպանատանը ծառայող պաշտօնեաներից մէկը՝ Պենկայտիս անունով, ազնիւ սիրալիրութեամբ ինձ գրաւոր մի յանձնարարական էր տուել, որով ինձ հնարաւոր եղաւ Մոսկայում գտնուած օրերիս օգտուել նրա տրամադրութեան ներքոյ գտնուող բնակարանից: Ինձ համար դա մեծ բարիք եղաւ նախ այն պատճառով, որ 8-9 օր ինձ հնարաւոր եղաւ անվճար օգտուել նրա բնակարանից և երկրորդ ու ամենակարևորը, նրա համար, որ Պենկայտիսի մեծ քոյրը, բացառիկ ազնութեամբ և անօրինակ սիրալիրութեամբ օրական մի քանի ժամ ինձ հետ շրջագայելով, ծանօթացրեց մեծ և ընդարձակ մայրաքաղաքի հետ: Իրար յետևից արագընթացօրէն անցնող այդ օրերը կեանքիս անմոռանալի օրերիցն են:

Ներկայիս ճշտօրէն չեմ կարող յիշել այն Պենկայտիս կոչուած եղբօրն ու քրոջը, թէ բայթեան որ երկրից էին և ազգային ինչ ծագում ունէին, բայց ի վիճակի եմ յայտնելու, որ նրանք երկուսն էլ, որպէս մարդ, անսահմանօրէն ազնիւ և սիրալիր էին: Վստահօրէն կարող եմ ասել, որ նրանք մարդկային ցեղի բացառիկ ազնւաբար ջենտլմեններիցն էին: Մրտի անհուն զեղումով միշտ վերյիշում եմ նրանց:

\*\*\*

Իմ Մոսկւա ժամանումից երկու օր առաջ Աղասին Լենինգրադ էր մեկնել: Այդ պարագան ինձ չափազանց անհանգստացրեց: Նրա գործերի բնույթի և նպատակի մասին Լենինգրադում որևէ տեղեկութիւն ստանալ չէի կարող: Ենթադրում էի, որ նման տեղեկութիւնները խորհրդային երկրներում ընդհանրապէս գաղտնիքների թումն էին և իմ կողմից այդ առթիւ կատարելիք ամէն փորձ իզուր և ասպարդիւն պիտի անցնէր:

Ազգերի գերագոյն խորհրդի գործադիր մարմնի պալատում ինձ դժարութեամբ յաջողեց նրա վերադարձի մատուցել ստուգել: Մխիթարական այն էր, որ ինձ վստահեցրին, թէ մինչև մի շաբաթ Խանջեանն իր վերադարձին գոնէ մէկ-երկու օրով մնալու է այդ պալատում:

Սպասումի չափազանց անհանգիստ և ջղային վիճակ էր ստեղծել ինձ համար: Անելիքս որոշել դժարանում էի: Իմ ունեցած դրամական միջոցների մնացորդն ինձ թոյլ չէր տալիս չնախատեսած ծախսեր անելու: Բողոքովին վստահ էլ չէի, որ եթէ ուզենամ Լենինգրադ գնալ, այնտեղ հասնելուց անմիջապէս յետոյ կը յաջողեմ Աղասուն հանդիպել:

Շատ դժար և անելանելի դրութիւն էր ստեղծել ինձ համար: Ինքս ինձ լաւ էի ճանաչում: Փող չունենալուց ուրիշից փոխարինաբար դրամ ուզել և պարտք վերցնելն ինձ համար տաժանակիր աշխատանք կատարելուց շատ ատելի դժար էր թում: Երկար ու բարակ մտածելուց և հնարատր միջոցներն ստուգելուց յետոյ ստիպեցի որոշել Մոսկւա մնալ և սպասել Աղասու վերադարձին:

Պարտաւորաւ սպասումի այդ որոշումը հաճելի չէր, բայց, դժբախտաբար, ուրիշ ելք չունէի: Եթէ ուզենայի երես պնդացնել և չկարմրել, գուցէ հնարատր լինէր Պենկայտիսի քրոջից փոխարինաբար մի գումար վերցնել կամ թէկուզ երբ Աղասուն հանդիպելի, նրանից խնդրէի, բայց այդ բոլոր հնարատրութիւններն ինձ համար, իմ նկարագրի համար անհնարին էին թում:

## ԱՂԱՍԻ ԽԱՆՋԵԱՆԻ ՄՕՏ

Ինձ յայտնուած ժամանակին, այսինքն՝ մի շաբաթայ գլխին, Աղասին Մոսկւա վերադարձաւ: Ես նոյն օրը տեղեկացայ նրա ժամանման մասին: Ենթադրելով, որ նա կարող է յոգնած կամ նոյն զիջերայ համար ժամադրուած լինել, հեռախօսով և անձամբ յաջորդ օրայ ժամը 11-ի համար (կէսօրից առաջ) տեսակցութեան ժամանակ վերցրի:

Ճիշտ որոշուած ժամին Խանջեանի հետ մեր հանդիպումը տեղի ունեցաւ: Արտաքին գործերի ժողովուստին կից Ազգերի գործերի գործադիր մարմնի հիմնարկութեան քիւրոյում տեղի ունեցաւ այդ տեսակցութիւնը: Մենեակից ներս մտնելուն

պէս Աղասին, նստած տեղից բարձրանալով, արագաբայլ մօտեցաւ և ինձ իր գիրկը սեղմեց: Մի քանի ջերմ համբոյրներ փոխանակեցինք:

– Միրելի՛ Սիրաք, ինձ համար միանգամայն անսպասելի էր այս անակնկալ և ուրախառիթ հանդիպումը, – ասաց Աղասին: – Ի՞նչ հրաշքով 13 տարիներից յետոյ ինձ մտաբերել ես և ի՞նչ ատելի մեծ հրաշքով եկել ես Մոսկւա:

– Աղասի՛, իմ շատ սիրելի և յարգելի՛ Աղասի, – պատասխանեցի նախկին, բայց ըստ երևոյթին հաւատարիմ մնացած ընկերոջս, – իմ ամենամեծ ցանկութիւններիցս մէկը քեզ նման ազնիւ և յարգելի ընկերոջը գոնէ մի անգամ ևս հանդիպելն էր: Անչափ ուրախ եմ, որ այդ իմ ցանկութիւնը կատարեց:

– Այդ մասին ոչ մի կասկած ունեմ: Երկար տարիներից ի վեր կորցրած փոքր Աղասուդ նորից հանդիպելը բնականաբար քեզ շատ պիտի հետաքրքրէր: Դու համարեա չես փոխել: Իսկ իմ մասին քո տպաւորութիւնը գուշակել չեմ կարող:

– Հասակ ես քաշել: Հասունացել ես: Իսկ ամենաեականն այն է, որ խելքիդ և բացառիկ ընդունակութիւններիդ շնորհիւ մեծ, շատ մեծ և յարգելի մարդ ես դարձել: Ինձ համար պարծանք ու պատիւ է, որ իմ նախկին ընկերը, ըստ քո ասութեան փոքրիկ Աղասին, արժանի է եղել մեր սիրելի հայրենիքի թիւ մէկ մարդը դառնալու և գրաւելու քաղաքական և հասարակական ամենաառաջին տեղը: Մրտիս խորքից հրճւելով՝ քեզ շնորհատրում եմ այդ բացառիկ յաջողութեան առթիւ: Պատիւ ու պարծանք նախ ընտանիքիդ և ապա քո ծննդավայր Այգեստանին:

– Շնորհակալ եմ անկեղծ զգացումներիդ համար, բայց թերիս տակ շատ մեծ ձմերուկներ ես դնում: Հիմի պատմի՛ր քո և մանաւանդ այն մասին, թէ ինչպէ՞ս է պատահել, որ եկել ես այստեղ և ինձ հանդիպելու համար, ինչպէս ինձ յայտնեցին, մի ամբողջ շաբաթ անհամբեր սպասել ես: Ինչու՞ ինձ տեսնելու համար Երևան չմնացիր: Ի դէպ, հետաքրքիր է իմանալ, ի՞նչ տեղ ես իջևանել:

– Եթէ համբերութիւն և մանաւանդ ժամանակ ունենաս, ամէն ինչ կը պատմեմ:

– Շատ եմ խնդրում: Իմ նախկին երէց ընկերոջը լսելու թէ՛ համբերութիւն և թէ՛ ժամանակն ունեմ:

Ամէն ինչ մանրամասն պատմեցի Աղասուն: Նա լարած ուշադրութեամբ լսում էր ինձ:

Երբ խօսքս վերջացրի և առաքելութեանս բուն նպատակը բացատրեցի, հարցրեց.

– Իսկ ներգաղթել ցանկացող պարսկահայերի թիւն ինչքա՞ն կը լինի:

– Ճշգրիտ թիւն ասել չեմ կարող: Ամէն պարագայում ենթադրում եմ, որ այդ թիւն առնուազն տասը հազար շունչից պակաս չի լինելու:

– Տասն հազար... փոքր թիւ չէ այդ: Նախքան մեր այս հանդիպումը՝ Թեհրանից, ՀՕԿ-ի կողմից ուղարկուած դիմումները կարդացել և խնդրի մասին համառօտ տեղեկացել եմ: Որպէս անկեղծ ընկեր և



բարեկամ՝ պիտի յայտնեն, որ առայժմ մի քանի դժարութիւնների առջ չեն կանգնած: Դրանցից ամենակարևորը բնակարանային և տեղափոխման ու պատրաստման դժարութիւնն է: Ընդհանուր պայմանների դասաւորումն ու համաձայնեցումը նախկինից պակաս կարևորութիւն չունի: Կան նաև ուրիշ կարգի խնդիրներ, որոնց լուծումը մեծ անհրաժեշտութիւն է ներկայացնում: Կարող եմ անկեղծօրէն քեզ վստահեցնել՝ իմ ջանքերի խոշորագոյն տոկոսը տրամադրել եմ այդ խնդիրների լուծման և գոյութիւն ունեցող դժարութիւնների վերացման: Սրանից յետոյ էլ ոգի ի բռնի աշխատելու եմ իմ երկրի բարգաւաճման և այդ երկիր վերադարձի կարօտն ունեցող հայրենակիցների՝ իրենց հարազատ հայրենիքում վերաբնակեցնելու ծրագիրն իրականացնելու համար:

– Միրելի և յարգելի՛ ընկեր,– պատասխանեցի Աղասուն,– չափազանց ուրախ և խրախուսած եմ՝ լսելով անկեղծ արտայայտութիւններդ: Ուրիշներից իմացած էի քո հարազատ ժողովրդի հանդէպ տաժած հոգածութեան և հայրենիքի վերաշինման համար թափած ջանքերիդ մասին: Ներկայիս անհուն հրճանքով բախտաւորութիւն ունեմ այդ բոլորը լսելու ուղղակի քեզնից, քո աւետաբեր և ներշնչող լեզուից: Եթէ քեզ յաջողի իրագործել իմ՝ այսինքն քո նախկին ընկերոջ խնդիրքը, բարի և անմեռ յիշատակ պիտի թողնես բոլոր հայերի սրտում:

Ամբողջ մէկուկէս ժամ տևող արտակարգօրէն մտերմական խօսակցութիւններից յետոյ բաժանեցի իմ շատ ազնիւ և համեստ ընկերոջից՝ նրան խոստանալով ժամը 2-ին հանդիպել Ունիվերսալում՝ միասին ճաշելու համար:

Ճաշից յետոյ նա ինձնից խօսք առաւ երեկոյեան՝ ժամը 8 1/2-ին, նորից իրեն հանդիպելու Մուկայի հռչակաւոր Մեծ Թատրոնը գնալու համար:

Ճիշտն ասած, Աղասու իմ նկատմամբ տաժած սիրալիրութիւնը և երախտագիտական, համեստ վերաբերմունքն ինձ համար մեծ անակնկալ էր: Մտածում էի, որ վաղեմի ընկերս, իր այդ օրերի հռչակաւոր դիրքին հասած, հազիւ թէ ցանկանայ ինձ հետ մի քանի չոր ու պաշտօնական նախադասութիւններ փոխանակելու: Միրոս հպարտութիւնից ուռչում էր, երբ նրա՝ այդ չափազանց մտերմական և հարազատ վերաբերմունքի մասին էի խորհում: Այդ բոլորից յետոյ պիտի յայտնեն, որ նա դարձել էր չափազանց եփում ու կոփում քաղաքագէտ և իր բոլոր նախադասութիւններն ու արտայայտութիւնները, նոյնիսկ բառերն արտասանելիս մի տեսակ հոգատար և մտածած հակակշռի էր ենթարկում: Ինձ համար այնքան էլ զարմանալի չէր թում այդ, քանի որ գիտէի՝ Աղասին ընկերային, հասարակական, քաղաքական և կուսակցական շատ կարևոր դիրք ու պատասխանատու պաշտօն ունի: Անխուսափելի և անհրաժեշտ էր նրա ուշադիր շրջահայեցութիւնը:

Բայց և այնպէս, հակառակ իր շրջահայեաց գոյաւորութեանը, Աղասին չկարողացաւ գոնէ ինձնից թաքցնել իր մի տեսակ անհամակրութիւնը վրացի ծայրայեղ ազգայնամոլների նկատմամբ: Ճաշի ժամանակ մենք երկուսով առանձին, մի սեղանի շուրջ նստել էինք իրար դէմ առ դէմ: Երբ Իւրաշվիլու հետ իմ ունեցած երկու տեսակցութիւնների և խօսակցութիւնների մասին պատմեցի, նա ինձ ասաց.

– Մօտաւորապէս ճիշտ գաղափար ես կազմել: Դժբախտաբար, այդ ակնարկածող շովինիզմը նրանց՝ այդ վրացիներին վարակել է: Նրանք իրենց առանձնաշնորհեալ և շատ կուլտուրական մի ազգ են հաշուում և չեն սիրում ուրիշներին նոյնիսկ իրենց հաւասար համարել: Նրանք Մտալիմին իրենցն են համարում և նրան իրենց ազգային հանճարը բնորոշող խորհրդանիշն են հաշուում ու նրանով անսահմանօրէն պարծենում են:

– Ինձ թում է,– առիթից օգտւելով՝ աշխատեցի նրա կարծիքը ինձ շահագրգռող խնդրի մասին իմանալ,– այդ վրացիները Մտալիմի դիրքը շահագործել են Հայաստանի տարածանքի անբնական և անարդար սահմանորոշման մէջ: Ի՞նչ ես մտածում, այդ մասին:

– Շատ ներողամիտ կը լինես, սիրելիս, որ այդ առթիւ կարծիք յայտնել չեմ կարող: Այդ հարցի պատասխանը, թում է ինձ, ոչ շատ հեռու ապագան է տալու<sup>33</sup>: Այսքան միայն կարող եմ ասել, որ Հայաստանի անարդար սահմանագծումի մասին ինքս էլ անհանգիստ եմ և իմ ուժերիս թոյլատրած միջոցներով աշխատելու եմ սրբագրել կատարած անտեղի սխալները:

\*\*\*

Իմ վաղեմի ընկեր Խանջեանից անհուն ավստասանքով բաժանեցի: Թատրոնից դուրս գալիս նա ինձ իր մեքենայով իմ ժամանակաւոր բնակարանը հասցրեց: Երկար և ջերմագին ողջագուրելուց յետոյ ինձ ասաց.

– Միրելի և ինձ համար միշտ յարգելի՛ ընկեր, վստահ եղի՛ր, որ ամէն հնարաւոր և գործադրելի միջոցների կը դիմեմ ձեր և ընդհանրապէս արտասահմանի հայրենաբաղձ հայերի ներգաղթի

33 Գազանաբարոյ ստորութեամբ սպանված և յօշուած, բայց բոլոր հայերիս համար անմահ մնացած սիրելի և անմահ Աղասի, երանի թէ այդ անիծեալ հանճարը միայն և միայն նրանց, ազգայնամոլութեամբ կուրացած այդ վրացիներին պատկանած լինէր: Այդ պարագայում նա հնարաւորութիւն չէր ունենալու իր այդ բացարձակ բռնակալ և սանձարձակ դիրքին տիրանալու և այդ դիրքից բարբարոսաբար օգտւելով իր ոճրագործ ու դաւաճան բերիաներով կոտորել տալ քեզ ու մեր ժողովրդի հազարաւոր տաղանդաւոր մտավորականներին, գրողներին և ընտրանի ու հայրենասէր տարրերին (ծանոթ. հեղինակի): Ա. Խանջեանի մասին տես նաև սույն գրքի N 17 ծանոթությունը (էջ 28):

համար: Ես ջերմեռանդ կուսակցական եմ, բայց երբեք չեմ մոռացել, որ հայ եմ և պարտաւոր եմ իմ ազգին և հայրենիքին ծառայել: Հայ ժողովրդի յառաջադիմութեամբ, բարգաւաճմամբ և երջանկութեամբ մտածում եմ սատարել խորհրդային ազգերի ընտանիքի ընդհանուր բարօրութեանը և վերելքին: Ոչ ոք իրատունք ունի ինձ մեղադրելու ազգայնամուտութեան մէջ, քանի որ, իմ կարծիքով, ինչպէս յայտնեցի, մեր պետութեան ազգերի մեծ ընտանիքի բարգաւաճումն ու երջանկութիւնը իրականանում է միայն ու միայն այդ ընտանիքի անդամ-ազգերի բարեկեցութեան, երջանկութեան և ֆիզիկական ու կուլտուրական կենցաղի ապահովութեան միջոցով: Իսկ մեր հայ ժողովրդի վերածննդն, բարգաւաճման և վերելքի նախապայմանը սրա ֆիզիկական գոյութեան կատարեալ ապահովութիւնն է: Օտար հորիզոնների տակ հայ ազգի շինարար ընդունակութիւնները, նրա մտաւոր կարողութիւնները, նրա ստեղծագործական հանճարը օտարների օվկիանոսում խեղդում և անյիշատակ անհետանում են:

– Սիրելի՛ Ադասի, ինձ համար հնարաւոր չէ բաներ և խօսքեր գտնել անկեղծ ու անսահման շնորհակալութիւնները յայտնելու: Պարծենում եմ մանաւանդ այն իրողութեամբ, որ 13 տարիներից յետոյ հոգով և սրտով ազնիւ, համեստ և առաքինի ես մնացել: Ինձ և հարիւր հազարաւոր հայերի համար պարծանք ու պատիւ է Ադասի Խանջեանի նման հայ ունենալ, մի հայ, որն իր գրաւած դիրքի գագաթնակէտին հասնելուց յետոյ իրեն չի կորցրել և իր ազգի հարազատ գաւակն է մնացել:

**ՎԵՐԱԳԱՐՉ**

Յաջորդ առաւօտեան ճեպընթաց գնացքով Մոսկւայից մեկնեցի:

Գնացքի խցիկ բաժանմունքում նստած՝ ազատ և հանգիստ ժամանակ ունէի իմ 28-օրեայ ճամփորդական տպաւորութիւններս և կատարած տեսակցութիւններս ու այցելութիւններս վերլիշելու և վերլուծման ենթարկելու:

Ընկերներիս, եղբօրս ու նրա ընտանիքի հետ ունեցած տեսակցութիւններից ու նրանց հետ անցկացրած ժամերից ու ժամանակից երջանիկ յիշողութիւններ և ապրումներ ունէի: Մանաւանդ իմ անման չափազանց յարգելի նախկին ընկերոջ՝ Խանջեանի հետ անցկացրած 8-9 ժամերն ուժգնօրէն տպաւորիչ էին:

Անհուն հպարտանքով սիրոտ լեցում էր՝ վերլիշելով ընկերոջս համեստութիւնը, անկեղծութիւնն ու հարազատութիւնը: Մասնաւորապէս պարծենում էի այն պատճառով, որ այդ առաջնակարգ դիրքին հասած գործիչն իր հարազատ ժողովրդի և հայրենիքի անդաւաճան գաւակն էր մնացել և նրա բարգաւաճման ու վերելքի համար անխնայ և անդադար աշխատում ու ճգնում էր:

Միակ հանգամանքը, որն ինձ շատ անհանգրւտացնում էր, դա ինձ տրւած ժամանակի անբաւականութիւնն էր: Իմ ճամփորդութեան արտօնութիւնը 30 օրայ համար էր: 29-րդ օրը Բաքու կը հասնէի: Մի օրայ ընթացքում Բաքւից Գեանջա (Կիրովաբադ վերանանւած) քաղաքը հասնելու, իմ անչափ սիրելի քրոջը՝ Արաքսուն տեսնելու և վերադառնալու համար բոլորովին անհնար էր: Աղասուն տեսնելու նպատակով 6 օր ստիպել էի սպասել: Այդ վեց օրերի ժամանակի կորուստը թանկ էր արժել և ինձ զրկել էր իմ հարազատ և անչափ սիրելի քրոջն այցելելու և իմ տարիների այրող կարօտն առնելու բաւականութիւնից:

Մոսկւայում մտածեցի վիզայիս երկարաձգման համար Աղասու միջնորդութիւնը խնդրել, բայց ինձ մօտ ենթադրեցի, որ այդ մետասներորդ ժամայ միջնորդութիւնը կարող է ուշացած լինել: Անտարակոյս, այդ ուշացած միջնորդութիւնը չէր կարող ապարդիւն լինել, բայց ես հրաժարեցի օգուտել ընկերոջս ազդեցութիւնից իմ անհատական գործի համար:

Բաքու հասնելուն պէս Ապրէսեանի մօտ գնացի: Երբ մտածում էի նրա օգնութիւնը խնդրել մեկնումիս ժամկետի վրայ մի քանի օր ևս աւելացնելու համար, նա Թեհրանից ստացւած մի հեռագրական կարգադրութիւն ինձ ցոյց տւեց: Հեռագիրը Մոսկւայից Ապրէսեանի հասցեով վերադարձւած էր: Բոլոր յոյսերս խորտակեցին: Կարծես սառցաջրի շատրւան գլխիս և մարմնիս բացւեց: Հեռագրով կարգադրւած էր անմիջապէս Թեհրան մեկնել: Մեկնումիս ժամկետի յետաձգումն անկարելի էր դարձել: Ստիպւած էի ենթարկել եղած կարգադրութեանը: Զրոջս այցելելու և նրանից բաժանման տարիների կարօտն առնելու ամէն սպասումն ու յոյսերս ջուրն ընկան: Եղած կարգադրութեան մօտաւոր պատճառն իմանալը Թեհրան հասնելուց յետոյ միայն կարելի եղաւ:

**ԹԵՀՐԱՆՈՒՄ**

Բաքւից Իրան վերադառնալու համար շոգենաւ նստեցի: Բանդար-Փահլաւիում՝ իրանեան հողի վրայ ոտք դնելիս արտակարգ ուրախութեան զգացումն ունեցայ: Մի ամսայ բացակայութիւնից յետոյ վերադառնում էի այն երկիրը, որը ինձ և ինձ նման հայրենագորկների համար մի սիրելի հայրենիք էր դարձել: Իրանի ժողովուրդն ու կառավարութիւնը մեզ նման անհայրենիք մնացած և անխիղճ թիրքերի կողմից մեր սքանչելի բնագաւառից՝ Վասպուրականից վտարւած հայերիս ազնւօրէն և վեհանձնաբար բնակութիւն հաստատելու և տուն ու տեղ դնելու իրատունք էին տւել և թիրքերի նման խտրական և խորթ աչքով մեզ վրայ չէին նայել:

Իրանի պետական կառոյցը և բնակչութեան այդ հարազատ վերաբերմունքը մեզ ընդմիջտ շնորհա-

կալ և երախտապարտ են դարձրել: Ամենակարևոր պարագան, որն երբևիցե մոռանալ չի կարելի, դա այս երկրի պետութեան կարեկից և հարազատ վերաբերմունքն է:

Մի՞թէ մենք՝ հայերս, կարող ենք որևէ պարագայում և պայմանում անշնորհակալ և երախտամոռ լինել այդ ազնի և մեծահոգի վերաբերմունքից:

Բանդար-Փահլավի հասնելուց անմիջապէս յետոյ անապարեցի ինձ Թեհրան հասցնել: Իմ միակ գաւակին՝ Լևոնին, որին իրեն հնարած անունով Էդիկ էինք կանչում (այդ օրերում երկու տարեկան էր), չափազանց կարօտել էի: Յանկանում էի ժամ առ ժամ նրան գրկումս առնելով՝ անյագօրէն համբուրել: Մի ամսայ այդ փոքր ժամանակամիջոցի հեռացումը տարօրինակ և անհասկանալի կարօտ էր պատճառել: Գուցէ նրա համար, որ այդ ճամփորդութիւնն իմ առաջին կամաւոր բացակայութիւնն էր իմ երեխայից, ընտանիքից, հօրից ու բարեկամներից:

\*\*\*

Թեհրանում իմ ընկերներն ու բարեկամներն ինձ շատ մեծ խանդավառութեամբ ընդունեցին: ՀՕԿ-ի վարչութեան և նրան մօտ կանգնած անձնատրութիւններին ջանացի մանրամասն զեկուցում տալ Երևանում, Թիֆլիսում, Բարսում և Մոսկայում իմ ունեցած տեսակցութիւնների և խօսակցութիւնների մասին:

ՀՕԿ-ի վարչութեան կողմից կազմակերպւած իմ զեկուցում-դասախօսութեանը մեծ բազմութիւն էր ներկայ: Նրանց շահագրգռող ամենակարևոր խնդրի առթիւ յայտնեցի, որ մեր իշխանութեան գլխին եղած մարդիկ և մանաւանդ Հայաստանի թիւ մէկ մարդը՝ Աղասի Խանջեանը, մեծ ցանկութիւն ունեն ամենաառաջին հնարաւորութեանը իրենց գրկում ընդունելու հայրենակարօտ և ներգաղթել ցանկացող բազմութիւններին:

Իմ այս յայտնութիւնը բացառիկ ոգևորութեամբ և ծափերի տարափով ողջունեց: Ինձ դիմող բազմաթիւ մարդկանց յայտնեցի և խնդրեցի սառնարին և համբերատար լինել և մանաւանդ զգուշանալ ամէն տեսակ հաւանական գրգռութիւն առաջացնող ձեռնարկից և արտայայտութիւններից: Շատ պարզ ու բացորոշ ամենքին յայտնեցի շարունակել իրենց աշխատանքն ու զբաղմունքը մինչև այն օրը, երբ Հայաստանի կառավարութեան կողմից պաշտօնական ներկայացուցիչներ կը գան և ներգաղթի գործը կը կազմակերպեն:

Ամենատրախալի պարագան այն էր, որ իրանեան պատկան իշխանութիւնները Հայաստան ներգաղթել ցանկացող հայերին անհրաժեշտ թոյլտուութիւն տալուն արդէն համաձայնել էին:

Իրանահայ բոլոր տարրերը ներգաղթի խնդրի մօտաւոր լուծման առթիւ շատ գոհ և ուրախ էին: Հայրս էլ շատ ոգևորւած էր, բայց, դժբախտաբար,

անգութ մահը նրան իր մուրազի ու երազի հետ միասին թաղեց:

## ՆԵՐԳԱՂԹԻ ԱՐԳԵԼՔԸ

Երբ ներգաղթի խնդրի լուծումը մի քանի տարիներով յետաձգեց և ուշացաւ, ես ի վիճակի եղայ դրա պատճառները մօտաւորապէս կռահելու: Այդ առթիւ ինձ ոչ ոք բացորոշ յայտնութիւն չարեց, բայց ես, որ այդ խնդրով դիմումներ և խօսակցութիւններ էի կատարել, կարողացայ մօտաւոր եզրակացութիւն հանել: Ինչպէ՞ս և ի՞նչ հիմունքով կարողացայ այդ անել, կաշխատեմ շատ հակիրճ բացատրել:

Ինձ հետ ներգաղթի խնդրի առթիւ խօսակցութիւններ ունեցող բոլոր անձնատրութիւնները հազիւ զգացնել տալու եղանակով ինձ բացատրեցին այդ գործի հետ կապւած զանազան դժարութիւնները: Խորհրդային երկրների ազգերի գերագոյն կազմակերպութեան գործադիր մարմնի գլխին այդ ժամանակ Ստալինն էր բազմել: Նրան ազգութիւնների կոմիսար անունով էին ճանաչում: Չնայած այն հանգամանքին, որ այդ թականներին Լենինը դեռ ապրում էր և Խորհրդային Միութեան թիւ մէկ անձնատրութիւնն էր, բայց Ստալինը սկսել էր արդէն իր բռնակալ շաքի ներքև առնել բոլորին և նոյնիսկ, ծայրայեղ զգուշաւորութեամբ, Միութեան առաջնորդ Լենինին:

Ազգութիւնների կոմիսարութեան Թիֆլիսի ներկայացուցիչն ինձ յայտնեց, որ ներգաղթի խնդիրը համախորհրդային չափանիշով ուսումնասիրում է: Նա նոյնիսկ ինձ ասաց, որ հեռախօսել է Ստալինին, և վերջինս էլ նոյն պարագան հաստատել է: Աղասին էլ իր հերթին, թէ և ոչ շատ բացորոշ, բայց քաղաքագէտի իր հանգամանքով Ստալինի հեղինակութեան կարևորութիւնը հաստատել էր: Արդ, այս բոլորից յետոյ ինձ համար դժար չէ հանել իմ հետևեալ հաւանական եզրակացութիւնը:

Մեր «բարեկամ» վրացի հեղինակութիւնները նազագոյն ցանկութիւն չունէին Հայաստանի ազգաբնակչութեան թիւը բազմապատկւած տեսնելու: Նրանք խուլ ու մունջ մրցակցութեան պայքար էին մղում հայ ժողովրդի թական աճի և Հայաստանի սահմանների սրբազրութեան և ընդարձակման դէմ:

Իմ՝ այս հանած հաւանական եզրակացութիւնը հաստատում է նաև հետևեալ իրողութեամբ:

Իմ՝ Թեհրան վերադարձից երկու օր յետոյ ինձ իր մօտ կանչեց այդ ժամանակաւ խորհրդային հիւպատոս Պլատը, որի օժանդակութեան և ծայրայեղ սիրալիրութեան մասին արդէն պատմել եմ: Երբ նրա աշխատասենեակը մտայ, նա կատակի և ուրախութեան անկեղծ շեշտով բացականչեց.

– Կեցցէ՛ս, Սարհաղեան:

Յետոյ իր կնոջը, որը Ասյա անունով մի հայ կին էր, խնդրեց մի քանի բոպէով մեզ մենակ թողնել և ատելացրեց.

– Իսկապէս կեցցես: Երևում է շատ հետևողական և դրական գործ ես կատարել:

Ապա մի քիչ սպասելով և ցանկանալով պատշաճ մօտեցում ունենալ՝ հարցրեց.

– Վերադարձիդ համար ուղարկած հեռագրի մասին քեզ յայտնեցի՞ր, թե՞ ոչ:

– Դժբախտաբար, այո՛: Այդ հեռագիրն ինձ մեծ տհաճութիւն պատճառեց:

Պլատը յանկարծակիի եկած, տագնապալից եղանակով հարցրեց.

– Բայց ինչու՞:

– Այդ հեռագիրը պատճառ եղաւ, որ ես չկարողանամ 12 տարիներից ի վեր չտեսած քրոջս այցելել և գոնէ մի երկու օր նրա մօտ լինել:

– Չեմ հասկանում այդ բոլորը: Մի ամսայ ընթացքում մի՞թէ քեզ հնարատը չէր երկու-երեք օր քրոջդ տեսութեանը յատկացնել:

– Պատմութիւնը բաւական երկար է: Այո՛, դժբախտաբար, չկարողացայ այդ անել: Մոսկայում Խանջեանին հանդիպելու համար շատ օրեր կորցրի:

Պլատը նկատելի տխրութեամբ ասաց.

– Շա՛տ, շա՛տ եմ ցաւում դրա համար:

Նա նորից լռեց: Կարծես մի լուրջ խնդիր նրան նեղում էր: Վերջապէս ասաց.

– Իմ՝ քեզ տած շրջաբերական-յանձնարարական գրութիւնը պահե՛՞լ ես, թե՞ ոչ:

– Այո՛, շատ մեծ խնամքով եմ պահել: Իմ առաքելութեան ընթացքին ինձ ներկայացնող ձեր այդ շրջաբերական-յանձնարարականը մեծ օժանդակութիւն և օգտակարութիւն ունեցաւ:

Իսկապէս Պլատի տած ինձ ներկայացնող այդ գրութիւնը շատ մեծ և անգնահատելի ծառայութիւն արեց: Առանց այդ գրութեանը՝ գուցէ եղածս տեղերում ինձ ճանապարհ էլ չտային և չուզեմային ինձնից նոյնիսկ մի խօսք լսել:

Խնամքով ծոցիս գրպանում՝ դրամապանակում պահած գրութիւնը հանելով և Պլատին վերադարձնելով՝ ասացի.

– Համեցէ՛ք, վերցրէ՛ք ձեր գրութիւնը: Չեր ազնութիւնից և սիրալիրութիւնից անհունապէս շնորհակալ եմ:

Պլատը զանգահարեց: Ներս եկող ծառայողին պատուիրեց մեզ համար երկու սուրճ բերել: Նա շարունակեց իր խօսքը.

– Ըստ երևոյթին, քո միջոցով զանազան տեղերում կատարած դիմումները մի փոքր վաղաժամ են եղել: Թւում է՝ նաև որոշ շրջաններում էլ խնդրի այդպիսի «վաղաժամ յարուցումը» մի քիչ էլ անբաւականութիւն, եթէ չասենք դժգոհութիւն է առաջացրել: Բայց ոչինչ: Խնդրի գոհացուցիչ լուծումը կարող է մի քիչ ուշանալ, բայց ձեր սկսած գործը իր ճանապարհը բացել է արդէն:

Նորից ջերմեռանդ շնորհակալութիւն յայտնելով՝ պատրաստում էի հեռանալ, նա ասաց.

– Կնոջս միջոցով ծանօթացել եմ հայ ժողովրդի անբախտ և տանջալից անցեալի հետ: Սրտանց կարեկցում և միաժամանակ գնահատում եմ այդ աշխատատէր և շինարար ժողովրդին և, եթէ կարողանամ որևէ ձևով օգտակար լինել նրան, վստահ եղէ՛ք, որ այդ ուղղութեամբ ոչ մի ջանք չեմ խնայելու:

Հիւպատոսի՝ մասնատր զգուշաւորութեամբ արած արտայայտութիւնը՝ «ինձ թում է՝ նաև որոշ շրջաններում խնդրի այսպիսի վաղաժամ յարուցումը մի փոքր էլ դժգոհութիւն է առաջացրել», ինձ վերջնականապէս այն եզրակացութեան բերաւ, որ Ազգութիւնների գերագոյն խորհրդի նախագահ Ստալինին իմ առաքելութիւնը և յարուցած ներգաղթի խնդրի «վաղաժամութիւնը» խիստ դժգոհութիւն էր պատճառել: Իմ անյապաղ վերադարձի համար եղած հեռագրական կարգադրութեան իսկական պատճառն էլ այդ «վրէժխնդրութիւնն» էր եղել:

### ԲԱՆԿԱՅԻՆ ՊԱՇՏՕՆԵԱՅԻ ԹԵԿՆԱԾՈՒ

Խորհրդային Միութեան երկրներից վերադառնալուց մի ամիս յետոյ ինձ առաջարկեց Շիրազ գնալ: Այդ քաղաքում «Ռուս-Իրան» բանկի մասնաճիւղ էր հիմնելու: Ինձ առաջարկած պաշտօնն ու ռոճիկը գոհացուցիչ էին: Չհամաձայնելու պատճառ չունէի: Մտածեցի՝ վատ չէր լինի, եթէ երկու-երեք տարի էլ Իրանի հոշակատր վարդերի քաղաքում լինեմ: Ամբողջ տասն տարիներից ի վեր Թեհրանում եղած ժամանակ ինձ յաջողել էր միայն Ղազվին, Ռաշտ, Փահլաւի տեսնել: Շիրազն իր սքանչելի գեղեցկութեամբ Իրանի անմասն թագուհին է: Նա Պարսկաստանի երկու հոշակատր բանաստեղծներին շունչ ու կեանք է տուել և նրանց բանաստեղծական բացառիկ հանճար է ներշնչել: Շիրազը Մասադիի և Հաֆէզի ծննդավայրը լինելու պարծանքն ունի:

Խղճի թելադրութեան պարտականութեամբ պիտի յայտնեմ, որ իմ այս նոր պաշտօնի նշանակումն էլ վերևից եղած կարգադրութեան հետևանք էր: Օտարատեսաց, եսամոլ Ստալինն ու նրա ազգայնամոլ և ինքնահաւան ազգակիցները ամէն կերպ աշխատում էին հայ անունը կրող և նրա փախստական գոյութիւնը ներկայացնող «անցանկալի» անհատներին չէզոքացնել և, եթէ կարելի լինէր, պապանձեցնել ու շնչախեղդ անել:

Մի հայի միջոցով և նրա բերանով հայ մարդկանց ներգաղթելու ցանկութիւնը բազմաթիւ անգամներից յետոյ մի անգամ ևս արտայայտել և պահանջել էր: Այդ պահանջը «համարձակութիւն և հայամոլութիւն» էր համարել: Անհրաժեշտ էր ինձ մտնել «համարձակ և հայամոլ» մարդկանց թէկուզ արտասահմանում լռեցնել և ցիրուցան անել: Մասնաւանդ անհրաժեշտ էր նրանց՝ իրենց թէկուզ տեխ-

նիկական, չոր և անկարևոր պաշտօններից հեռացնել: Ինձ հետ միաժամանակ և մի ամիս յետոյ՝ ուրիշ երեք հայեր էլ շատ ճարպիկ և քաղաքավարի ձևերով հեռացուցին: Հեռացողներից իմ շատ յարգելի գործակից Լևոն Թադևոսեանը՝ «Սեյլի-բանկ»-ում հաշիվապահի կարևոր պաշտօն ստացաւ և մի քանի ժամանակ այդ բանկի ճիւղերից մէկի կառավարիչը դարձաւ: Իլյուշա Թովմասեանը օդանաւային մի ընկերութեան մէջ գլխավոր հաշիվապահի պաշտօն ստացաւ: Մի քանի ամիս յետոյ հայկական գործերի վարիչի պաշտօնն ունեցող Ս. Առաքելեանն էլ մեկուսացման և ապա հեռացման ենթարկուց:

\*\*\*

Ամենափոքր ցանկութիւնը չունեմ չափազանցութիւնների դիմելու: Իրաւունք էլ չունեմ պնդելու, որ այդ ժամանակաւ խորհրդային վաճառականական լիազօր ներկայացուցիչ հայազգի Պրանգիոննիի յետս կոչումը կապւած էր վերոյիշեալ հայատեաց ընդհանուր քաղաքականութեան և ուղղութեան հետ: Բայց կատարած իրողութիւն էր, որ այդ օրերում իր պաշտօնն անթերի կատարած, բայց պաշտօնավարութեան սովորական ժամանակաշրջանը չլրացրած այդ հայ պաշտօնատարին յետ կանչեցին:

Յարգանքի արժանի մարդ էր Պրանգիոննիին: Մանկութեան հասակում իր գիւղի հօտաղն էր եղել, յեղափոխութեան ժամանակ գործարանային բանուոր: Կուսակցութեան շարքերն էր մտել: Իր աշխատունակութեան և բացառիկ ընդունակութեան շնորհիւ գործարանային բանուորների ներկայացուցիչ էր ընտրուել: Դրանից յետոյ համալսարան մտնելով՝ փայլուն յաջողութեամբ մեքենագիտական-ինժեներական ֆակուլտետն աւարտել և պետական պատասխանատու դիրքերի էր հասել:

Ամենից հետաքրքիրն այն էր, որ մանկութեան հասակում ծնողներից զրկւած՝ իր մօրաքրոջ մօտ էր մեծացել: Ծաղկի ծանր տեսակի հիւանդութիւնը նրան հասցրել էր մահուան սեմին, բայց բախտի բերմամբ խղճացել էր նրան գերեզմանը գլորելու: Ծաղկի հետքերը նրա դէմքը լիովին փչացրել էին: Շատ ազնիւ և համեստ մարդ էր և երջանիկ էր դարաբաղցի մի կրթած հայ կին ունենալու համար:

Նրա և իր կնոջ մեկնման առիթից օգտուելով, նրանց խնդրեցի կնոջս իրենց հետ մինչև Բաքու տանել և այնտեղից գնացքով Գեանջա՝ քրոջս մօտ ուղարկել: Արաքսում այցելած և տեսած չլինելը սրտիս ցաւ էր եղել: Մտածում էի գոնէ կնոջս միջոցով քրոջս պատճառած վիշտը մի քիչ ամոքել: Պրանգիոննիին և կինը, որոնք մեկնելուց առաջ շուրջ մի ամիս Ջարգեանդէի մեր վարձած ամառանոցային տանն էին, սիրալիրութեամբ խնդիրս ընդունեցին և կնոջս ու փոքրիկ Լևոնիս իրենց հետ մինչև Բաքու առաջնորդեցին:

Ինձ անհանգստացնող հանգամանքն այն էր, որ կինս ռուսերէն լեզվին անմասօք էր:

## ՇԻՐԱԶՈՒՄ

1928 թի սեպտեմբերի սկզբի օրերին երկու ուրիշների հետ Շիրազ մեկնեցինք՝ այնտեղ «Ռուս-Իրան» բանկի բաժանմունքը հիմնելու համար: Ինձ ընկերակցողներից մէկը՝ բաժանմունքի կառավարչի, իսկ միւսը՝ գլխավոր հաշիվապահի պաշտօնն ունէր: Ինձ յանձնուած պարտականութիւնը քարգմանչի և գանձապահի պաշտօնն էր: Բաժանմունքի վարիչը Ռուսաստանից եկած հրեայ, իսկ գլխավոր հաշիվապահը թեհրանցի Արսէն Ֆրէնդեան անունով մի հայ էր:

Չափազանց ուրախ էի որ գործակցելու էի նրանց: Շուրջ երեք տարի Շիրազում՝ պաշտօնավարութեան ժամանակամիջոցում, մենք Ա. Ֆրէնդեանի հետ չափազանց մտերիմ բարեկամներ էինք և մեր ընտանիքներով միևնոյն բնակարանում շատ հաշտ ու սիրալիր ապրում էինք:

Շիրազը բարեխառն կլիմայ ունի: Չմեռայ ցուրտը չի զգացում: Փարթամ և մշտադալար բուսականութեամբ, ծաղիկներով, գոյնզգոյն գեղեցիկ վարդերով, երկնասլաց շինարիներով և մանաւանդ պտղատու ծառերով պզնւած է: Իմ տեսած Ուրմիայից յետոյ Շիրազը՝ իր բնական գեղեցկութիւններով, բուսական ճոխութեամբ և մշտափայլ, կենսատու արևով և հոգեպարար օդով ու ջրերով, կարելի է Իրանի գեղեցիկ քաղաքների թագուհին հաշուել:

Շիրազի բնակչութիւնը կարծես ծնւել է իր ծննդավայրի բնութեան բարիքները լրիւ և անյազօրէն ըմբոշխնելու համար: Ծայրայեղօրէն ուրախ և հաճոյասէր է: Իմ՝ Շիրազում եղած օրերին, երեկոյեան թում էր, թէ ամբողջ քաղաքն իր բնակչութիւնից պարպում է: Իրար յետևից շարան-շարան և հազարատրներով թափում էին փողոցները՝ շրջակայ այգիները, դաշտեր և դէս ու դէն, զանազան վայրեր գնալու համար: Անձանօթ նորեկի համար թում էր, որ շիրազցիներն ամէն օր հարսանիք և խնջոյք են կատարում:

Գինարբուքն ու սիրային զեղումները գեղեցիկ բնութեան ընդարձակ և զմայելի ծոցում բազմաթիւ և բազմազան էին: Կարճ ասած, մարդիկ Շիրազում ապրում էին կեանքը լիակատար և լիասիրտ վայելելու համար: Նոյնիսկ իրենց ապրուստը հազիւ ծայրը ծայրին հասցնողներն այդ ընդհանուր վայելքից զրկուելու չէին յօժարում: Ինչքան յիշում եմ, մուրացիկներ էլ չկային կամ շատ քիչ էին:

Շուրջ երեք տարի Շիրազում անցկացրած ժամանակաշրջանից չափազանց գոհ մնացի: Բանկի կառավարչի և գլխավոր հաշիվապահի բարեկամական և նոյնիսկ յարգալից վերաբերմունքից միանգամայն բաւարար էի: Կառավարիչը, առանց իմ ըն-

կերութեանը, պաշտօնական և կիսապաշտօն այցելութիւնների չէր գնում: Երեխայ չունէր, բայց փարթաւ և գեղեցիկ արտաքինով կին ունէր, որն իմ նկատմամբ սիրալիր ու յարգալից էր:

Միակ դժգոհութիւնս կայանում էր Թեհրանից և իմ սիրած մտատրական և ընկերական շրջանակներից հեռու և կտրուած լինելու դասատրութիւնից: Հօրիցս՝ Իրանում ունեցած միակ սրտակից հարազատիցս, հեռացած և բաժանուած լինելու պարագան էլ ինձ շատ էր սրտնեղում:

Շիրազում 32 ամիս շարունակ մնալուց յետոյ միապաղաղ կեանքից չափազանց յոգնել էի: Երկու ամսուայ ժամանակով արձակուրդ վերցրի և Թեհրան վերադարձայ: Նախքան Շիրազից մեկնելը՝ երկու ամիս առաջ, կնոջս ու երեխայիս գերմանական «Իւնկերս» ընկերութեան օդանավով ուղարկել էի Թեհրան: Դժբախտաբար, Իսֆահան չհասած՝ օդանաւը, խիստ մեծ փոթորկի հանդիպելով, պարտադրուած վայրէջք էր կատարել և քարքարուտների մէջ էր ընկել: Կինս ու երեխաս սուկալի վտանգից հրաշքով ազատել էին:

Թեհրան գալուց մի ամիս յետոյ Շիրազի բանկում ծառայելու պաշտօնիցս հրաժարեցի: Երբ գրաւոր հրաժարականս Շիրազ ուղարկելու համար Թեհրանի հիւպատոսին յանձնեցի, վերջինս ուշադրութեամբ կարդալուց և դժգոհութեան առիթ չունենալս իմանալուց յետոյ՝ հրաժարական-գրութիւնս ինձ վերադարձնելով՝ ասաց.

– Ձեր ծառայութիւնից Շիրազի մեր բանկի կառավարիչը շատ գոհ է: Որոշուած է ձեր ժողովի վրայ 50 տոկոսի յաւելում կատարել: Մինչև մի շաբաթ ձեզ ժամանակ եմ տալիս, նորից անդրադառնալու ձեր որոշման վերաքննութեանը: Եթէ վերջնականապէս վճռեցիք Շիրազ չվերադառնալ, մի շաբաթ յետոյ ինձ կը յանձնէք այդ հրաժարականը: Ինքս անհատապէս ձեզ խորհուրդ չեմ տալիս ձեր որոշումը գործադրելու:

**ՎԵՐԱԲՆԱԿՈՒՄ ԹԵՎՐԱՆՈՒՄ.  
ԲԵՌՆԱՏԱՐՆԵՐԻ ԳՈՐԾՈՒՄ**

Մի շաբաթ յետոյ գրեթէ ավստասնքով նորից Շիրազի «Ռուս-Իրան» բանկի ծառայութեան հրաժարականս ներկայացրի, ավստասնքով, որովհետև գնահատում էի Շիրազում շուրջս հաւաքուած սրտակից մտերիմ բարեկամներիս և մանաւանդ Արսէն Ֆրէնդեանին և բաժանմունքի ազնաբարոյ կառավարչին: Մանաւանդ այս երկու մարդկանց հետ ունեցած գործակցութիւնից կատարելապէս գոհ էի և մի տեսակ բարոյական կապաւածութիւն էի զգում նրանց նկատմամբ:

1931-ի յունիսից սկսած՝ նորից վերաբնակեցի Թեհրանում: Այս վերաբնակման առաջին պատճառը նախ իմ սիրելի և միակ զաւակի Լևոնի՝ հայոց

դպրոցի նախակրթարանն ուղարկելը և ապա հօրիցս նորից չհեռանալն էր: Կային նաև ուրիշ պատճառներ: Մենք սպասում էինք մեր երկրորդ երեխային, որը մի քանի ամսից ծնւելու էր, և վերջապէս թէ՛ կինս և թէ՛ ես մեծ ցանկութիւն ունէինք նորից Թեհրանում վերաբնակելու:

Յաւ ի սիրտ պիտի յայտնեմ, որ այս անգամայ Թեհրանի վերաբնակումն ինձ վրայ շատ և շատ թանկ նստեց: Գործի մի շարք անյաջողութիւնների հանդիպեցի, որոնք թէ՛ նիւթապէս և թէ՛ հոգեպէս ինձ քայքայեցին: Շիրազ մեկնելուցս առաջ յիմարութիւն էի ունեցել իմ ազգականի՝ «ոսկի պալատներ» կառուցելու խոստումներին հաւատալու և տարիների ընթացքում իմ խնայած գումարները նրան յանձնելու: Բարեկամս մեքենավար էր և ծառայում էր ինչ-որ իտալական մի ընկերութեան մէջ: Մի քանի անգամ Շիրազ մեկնելուցս առաջ ինձ մօտ գալով՝ իր շռայլ խոստումներով վերջապէս յաջողեց ինձ համոզել բեռնատար երկու մեքենաներ գնելու համար: Կրկնում եմ, յիմարացայ նրա շռայլած խոստումներին, երևակայական հաշիւներին և գոյանալիք օգուտին հաւատք ընծայելուս համար:

Շիրազից վերադարձին նրանից պահանջեցի իրեն յանձնուած գումարը և ինձ խոստացած շահաբաժինը: Մէջտեղում ոչինչ կար: Գնած և ներկայիս հնացած և մաշուած երկու գերմանական «Քէնգ» գործարանի բեռնատար մեքենաներ էին մնացել միայն: Այդ երկու բեռնատարներն ամբողջ երեք ու կէս տարի անդադար գործածել, միալար վազել էին, և գոյացուած ու ձեռք բերուած գումարների մի մասը մեքենաների պարտքի մնացորդի հաշիւն վճարել, իսկ մնացեալը՝ իհարկէ երեք-չորս անգամ աւելին, իմ ազգականիս և իր փոքր եղբօր միջոցով անհաշիւ և անփութօրէն մսխւել էին: Մի շարք անախորժ և ապարդիւն խօսք ու վիճարանութիւններից յետոյ ստիպեցի երկու հնացած բեռնատար մեքենաները իմ փոխարինաբար տուած գումարների փոխարէն ինքս վերցնել:

Երանի թէ այդ չարաղետ երկու բեռնատարները բոլորովին նւիրած լինէի իմ «սրտացաւ և հաւատարիմ» բարեկամներին կամ հէնց իրենց կանգնած տեղում՝ ավտոտնակում բէզզինով այրած լինէի: Դա կատարեալ բախտաւորութիւն կը լինէր ինձ համար:

Բայց, դժբախտաբար, ես նազագոյն գաղափար և հասկացողութիւն չունէի ընդհանրապէս մեքենաներից և մասնատրապէս ինձ յանձնուած երկու բեռնատարների իսկական վիճակից:

Երկու մեքենավարներ վարձեցի և ձեռնարկեցի այդ յոգնաբէկ և կիսացրի բեռնատարների նորոգութեան գործին: Այդ անիծապարտ մեքենաների անհրաժէշտ մասերն էլ չէին ճարում: Ստիպեցի գերմանական վաճառականական մի ներկայացուցչի միջոցով և օդանաւով այդ մեքենաներից մէկի կարևոր մի մասը Գերմանիայից բերել տալ: Այդ

շատ անհրաժեշտ նորոգութիւններն իմ տնտեսած գումարների կէսից աւելին գրպանիցս թոցրին: Բեռնատարները գործել սկսեցին: Ինքս էլ մեքենավարներից մէկն ու մէկի կողքին նստած՝ երթեկի և բեռների փոխադրութեան գործին էի հետևում:

Ամբողջ երկու տարի և ութ ամիս, բառի իսկական իմաստով, տաժանակիր, դժոխային աշխատանք կատարեցի: Ոչ մի ջանք ու ճիգ չխնայեցի գործը մի կերպ դասաւորելու համար, բայց բեռնատարներն արդէն իրենց գործն ինձնից առաջ արել էին, և անհնարին եղաւ նրանց վրայ իմ ծախսած գումարների գոնէ մի չնչին տոկոսը վերադարձնել: Այդ երկու բեռնատարներն իրենց այդ վիճակում կարծես երկու անբարոյական կանանց էին նմանում, որոնք ոչինչ տալու փոխարէն անյագօրէն պահանջում և գրպաններս մինչև վերջին սև փողը դատարկում էին: Երկուս ու կէս տարուց աւելի շղթայակապ տաժանակրի նման ստիպողաբար կեանք, եռանդ և հոգի էի մաշեցնում և փրկութեան ոչ մի միջոց ու ճանապարհ չէի կարողանում գտնել:

Այնպէս էր դասաւորել, որ մեքենավարների ռոճիկն էլ ժամանակին վճարել չէի կարողանում: Ինձ, ընտանիքիս ու երեխաներիս անհրաժեշտ կարիքների ապահովումից զրկում էի, որպէսզի այդ չարաղէտ մեքենաների անվերջ նորոգութիւնները կատարել և մեքենավարների ռոճիկը վճարել կարողանայի:

Մի անգամ այնպէս պատահեց, որ մեքենավարներից մէկը, գիշերանց բեռնատարի մի անին իր ռեզիւնով վերցնելով, անհետացաւ: Գողացած անիւլի արժէքը այդ «պատուար» վարորդի ինձնից ունեցած պահանջի 4-5 անգամն էր, բայց ի՞նչ կարող էի անել, ո՞րտեղից կարելի էր նրան ճարել, ու՞մ կարող էի զանգատել: «Բարեխիղճ», ուզում եմ ասել անպարկեշտ մարդու հոչակ հանած վարորդներ էլ կային: Ինձնից զատ՝ ուրիշ շատերն էլ դժբախտութիւն էին ունեցել այդպիսիներին հանդիպելու: Ծար չկար: Ստիպւած էի զարաժի տիրոջ օգնութեանը դիմելու: Այս դէպքը Եագրում պատահեց: Եագրեցի զարաժատէրը բարեացակամ և ազնիւ մի մարդ էր: Համաձայնեց ստորագրութեանս փոխարէն մի լրիւ անիւ տալ ինձ: Այս անգամ մեքենաւար չունէի: Ստիպեցի դէկի յետևը նստել և մեքենան վարել: Բոլոր ֆիզիկական և հոգեկան բազմաթիւ տանջանքների փոխարէն մեքենայից և մոթորից ու մեքենավարութիւնից մի քիչ զաղափար և փորձառութիւն էի ձեռք բերել:

Մեքենայի բեռը Քերման պիտի հասցնէի: Թե՛ ֆիզիկական և թե՛ հոգեպէս յոգնած և ջարդուած էի: Ծանապարհը հարթ և ուղիղ էր: Ծայրայեղ յոգնածութիւնն ու յուսահատութիւնը ինձ մրափի մատնեցին: Արթնացայ միայն այն ժամանակ, երբ մեծ աղմուկ և ցնցում զգացի: Ծանապարհից դուրս եկած և ոչ շատ խոր փոսի մէջ էր գլորել: Կարծեցի մի տեղս ջարդուած պիտի լինի: Բարեբախտաբար, հրաշքով ազատել էի: Մենակ էի, օգնական չունէի: Ստիպ-

ւած եղայ մինչև յաջորդ առաւօտ սպասելու: Բախտի բերմամբ լուսաբացին իմ երկրորդ բեռնատարը հասաւ: Մեքենավարի, նրա օգնականի և ճանապարհից անցնող գիւղացիների օգնութեամբ շուտ եկած բեռնատարս իր անիւների վրայ կանգնեցրին և միւս բեռնատարի օգնութեամբ ճանապարհի վրայ հանեցին: Բացառիկ բախտաւորութիւն էր, որ մեքենայի շրջելուց անմիջապէս յետոյ նրա շարժակը դադարել էր աշխատելուց և մարելով՝ հրդեհի բռնելու վտանգից փրկել էր: Մեքենան աշխատել սկսեց, բայց տեղից չշարժեց: Պարզեց, որ գրիբոքսում բոլբերինգները (թարգմ. առանցքակալ) կոտրել էին: Պէտք եղաւ մեքենան իր կանգնած տեղում թողնելով՝ Եագր վերադառնալ և մեծ դժարութեամբ կոտրած բոլբերինգների ճիշտ նմանը ճարել:

«Մեքենատիրոջ» երկուսուկէս տարիների դժոխային վիճակումս նման աղէտների և դժբախտութիւնների յաճախ հանդիպեցի: Յուսահատութիւնս իր ծայր աստիճանին էր հասել: Մի օր Բանդար-Փահլաւիի ծովափում լողանում էի: Հոգով, մտքով և ամբողջ ֆիզիկականով տանջուած վիճակում էի: Մի րոպէ մտածեցի ինձ ալիքների ընթացքին յանձնել և նրանց հետ միասին ծովափից հեռանալով՝ այդ ալիքներում խեղդել և վերջ տալ իմ անփառունակ և անյոյս դարձած կեանքին, բայց բարեբախտաբար, երկու երեխաներիս՝ Լևոնին և Մէլիկին, մտաբերեցի և աղէտաբեր որոշումիցս յետ կացայ:

Ներկայիս, երբ գրում եմ այս ցաւատանջ և հոգեմաշ տողերը և վերապրում եմ այդ սուկալիօրէն չարաղէտ վերջիշումով, արցունքիս կաթիլներն առատօրէն յորդում են աչքերիցս և յուշերիս գրութեան այս տողերը թրջում են... Օ՛հ, ինչքա՛ն աղէտալի և վշտալից են այդ դժբախտ օրերի ցաւատանջ վերջիշումները...

Մարդիկ յաճախ զարմանում են և նոյնիսկ քննադատում և այպանում են այնպիսիներին, որոնք, ծայրայեղ յուսահատութեան հասած, ինքնասպանութեամբ վերջ են տալիս իրենց անմիաբար, անյոյս և տանջակոծ կեանքին: Ես բոլորովին զարմանալի և քննադատելի չեմ գտնում նման դժբախտ իրողութիւնները: Մարդկային ջղերը երկաթաթել լինելուց հետո՛ւ են: Նոյնիսկ երկաթաթելերը շատ ուժեղ պրկումից կտրում և փշրում են:

Չեմ կարող անգիտանալ և ուրանալ ինձ մէջ գոյութիւն ունեցող աշխատասիրութիւնն ու դիմադրական կորովը: Յանկացել եմ սկսած գործս ըստ կարելոյն կիսատ չթողնել: Գուցէ և այդ նկարագրի պատճառով էր, որ ես ինձ երկու և կէս տարիների այդ ահռելի և տաժանակիր աշխատանքին ենթարկեցի: Յանկանում էի այդ անիծեալ գործը մի համեմատական յաջող ելքի հասցնել, բայց անկարելի եղաւ այդ...

Երբ ես յամառօրէն իմ և, դժբախտաբար, հօրս ունեցած վերջին փողերը դրել էի այն անյագօրէն կլանող ապերախտ գործի վրայ և նոյնիսկ ստիպել

էի ծախել և տանս վերջին գորգերն ու արժէքաւոր իրերը և որևէ տեղից էլ օգնութիւն ստանալու յոյսը կորցրել էի, ստիպեցի սկսածս և ինձ կատարելապէս սնանկութեան հասցրած գործը կանգնեցնել և որպէս թէ լուծարքի ենթարկել: Բեռնատարներից մէկը ծախեցի մի երկաթագործի, իսկ միւսը՝ իմ մեքենավարին: Այս տողերիս ընթերցողներին պատուով երդում եմ, եթէ նրանք այդ չարաղէտ մեքենաների հաշիւն մէկ թիւով ստացել են, ես էլ ստացել եմ:

## ՀՕՐՍ ՄԱՀԸ

1933 թի նոյեմբերի երկրորդ կէսին հայրս հիւանդացու նախ լուծմունքով և ապա թոքատապով: Նրա հիւանդութիւնը 10-12 օրայ ընթացքում լուրջ կերպարանք ստացաւ: Թեհրանի՝ այդ ժամանակայ մի քանի հայ բժիշկները մեծ հոգատարութեամբ խնամեցին և հնարաւոր բոլոր միջոցները ձեռք առան նրան մահուան երախից փրկելու համար, բայց, դժբախտաբար, չյաջողեցին: Այս ժամանակ փրկարար փենիսիլինը դեռ գոյութիւն չուներ և թոքատապը մարդկութեան ոխերիմ թշնամի և դժարաբուժելի և վտանգաւոր հիւանդութիւններից մէկն էր հաշուում:

Մահանից շուրջ չորս տարի առաջ՝ Թեհրանի Կանանց եկեղեցասիրաց վարչութեան առաջարկով հայրս քահանաներին տուած վերամուսնութեան իրաւունքի հիման վրայ և իրեն խնամելու նպատակով ամուսնացել էր այրի Սիրանոյշ Ղազարեանի հետ: Վերջինիս ամուսինը, որ նոյն եկեղեցու տիրացուն էր, տարիներ առաջ մահացել էր: Այրի մնացած կինն իր երկու անչափահաս երեխաների հետ մնացել էր անօգնական, այդ իսկ պատճառով էլ Կանանց եկեղեցասիրաց վարչութիւնը բարոք և նպատակայարմար էր համարել նրա՝ հօրս հետ ամուսնանալը: Յիշեալ Սիրանոյշը բոլոր հնարաւոր միջոցներին դիմել էր հօրս խնամելու և նրան սպառնացող մահացու վտանգից փրկելու համար: Հիւանդութեան երկրորդ շաբաթուանից ես համարեա միշտ հօրս մահճակալի մօտն էի: Հիւանդութեան վերջին երկու օրերին երևութեան և խաբուսիկ բարելաւում նկատեց: Լուծմունքն ու հազը մի քիչ պակասեցին: Յետոյ մեզ համար պարզեց, որ այդ խաբուսիկ թեթևացումը նրա օրգանիզմի ընդհանուր ուժասպառման հետևանքով էր առաջացել: Դրամի անյետաձգելի կարիք կար: Թեհրանից 144 կիլօմետր հեռաւորութեան վրայ գտնուող Ղազվին քաղաքի մի գարաժատիրոջից 200 թուման մի պահանջ ունէի: Որոշեցի պահանջս ստանալու համար Ղազվին մեկնել: Այնտեղ գնալու և անմիջապէս վերադառնալու համար ամենաշատը տրամադրելու էի 24 ժամ: Գնացի և մեծ դժարութեամբ հազիւ յաջողեցի պահանջիս կէսը ստանալով՝ անմիջապէս վերադառնալ:

Երբ ուզում էի Դարազա-Ղազվինի եկեղեցու բակի՝ 15 տարիներից ի վեր ապրած և այնտեղ էլ հիւանդ պառկած հօրս սենեակը մտնել, մարդկանց անսովոր բազմութիւն նկատեցի: Հաւաքած բազմութեան մեծամասնութիւնը կանայք էին, որոնք անաղմուկ լացում էին:

Ամէն ինչ պարզ էր արդէն: Հայրս՝ այդ ազնիւ մարդն ու հոգևորականը, իր վերջին շունչը փչել էր: Աղէկտուր լացով վրան ընկալ և խելացնոր թափով նրա անշնչացած դէմքը համբուրել սկսեցի: Ինձ շրջապատող մարդիկ շատ մեծ դժարութեամբ կարողացան անշնչացած հարազատիցս ինձ բաժանել:

Պարզեց, որ իմ ժամանումից մի ժամ առաջ է մահացել դժբախտ հայրս և իր հոգեվարքի պայքարում տանջալից սպասումով քանիցս ինձ է կանչել:

– Սիրա՛ք... հապա ու՞ր է իմ Սիրաքը: Նա այստեղ պէտք է լինի: Կանչէ՛ք անոր: Կուզեճան վերջին անգամ, գոնէ մէկ անգամ ալ անոր համբուրել... Ա՛խ, ինչու՞ համար այսպէս բեմուրազ, հարազատներէս հեռու պէտք է մեռնէի...

\*\*\*

Հօրս թաղումն արտակարգ հանդիսաւորութեամբ կատարեց: Խուռներամ մի մեծ բազմութիւն՝ Թեհրանի ամէն խաւերից և դասակարգերից, եկել էր իր յարգանքի վերջին տուրքը տալու իր սիրած հոգևոր հովիւին: Հասարակական և կուլտուրական բոլոր կազմակերպութիւնների ներկայացուցիչներն էլ իրենց մասնակցութիւնն էին բերել: Ինը հոգի դամբանական խօսեցին և դրատեցին Յարութիւն աւագ քահանայ Սարհաղեանի բարեմասնութիւններն ու քահանայական անշահախնդիր պարտաճանաչութիւնն ու կարեկից վերաբերմունքը: Ինքս ինձի կարողանում էի մխիթարել այդ ժողովրդական անխառն և երախտագէտ զգացումների արտայայտութիւններով միայն:

Հայրս Թեհրան ապրած 15 տարիների ժամանակամիջոցից 12 տարի շարունակ պաշտօնավարել էր որպէս Թեհրանի հոգևոր հովիւ: Այդ ժամանակներում Դարվազա-Ղազվինի եկեղեցին Թեհրանի լուսաւորչական հայութեան կենտրոնատեղին էր: Բոլոր տօնական օրերին հայրս քարոզում էր: Իր մահանից մի քանի տարի առաջ Իսֆահանի Կրօնական խորհրդի միջնորդութեամբ Էջմիածնի Մայր Աթոռից աւագ քահանայութեան կոնդակ ստացաւ, որը մինչև հիմի պահում եմ: Քահանայ լինելուց բացի գրող-բանաստեղծ էր: Նրա՝ մի քանի տասնեակ բանաստեղծութիւնները Թեհրանի և արտասահմանի թերթերում տպագրուած են: Մանաւանդ «Հայաստանի կոչնակ» պարբերաթերթը տպագրել է նրա՝ մի քանի տասնեակ բանաստեղծութիւնները: Այդ բանաստեղծութիւններից մեծ մասը հայրենական սիրով և կարօտով էր տողորում:



### ԳՈՐԾԻ ՓՆՏՏՈՒՔԸ

Բեռնատար մեքենաներն օգտագործելու չափազանց անյաջող և անիծեալ գործը ամբողջ 32 ամիսների ընթացքում և շարունակ ինձ թե՛ նիւթապէս, թե՛ հոգեպէս և մանաւանդ առողջութեամբ կատարելապէս քայքայել էր: Դրա վրայ աւելացել էր հօրս վաղաժամ և չափազանց ցաւալի մահը: Յաճախ ինձ մեղադրում էի, որ իմ չնախամտածած ձեռնարկով և իմ կրած անվերջ անյաջողութիւններով հօրս հոգեկան և նոյնիսկ ֆիզիկական յոգնածութիւն են պատճառել և դրանով նրա ցաւալի վախճանն արագացրել: Իմ այս ենթադրութիւնը, որն այնքան էլ անբնական չի թոււմ, ինձ ճնշում և միտքս ու հոգիս ջլատում էր:

Հոգեկան, ֆիզիկական և մանաւանդ նիւթական միաժամանակ քայքայումը չուշացաւ ինձ էլ անկողին զգել: Ծայրայեղ յոգնածութիւն էի զգում: Գործ դրած բոլոր ջանքերս մի կերպ ինձ ոյժ և կորով ներշնչելու նպատակով միանգամայն ապարդիւն անցան: Այնքան շատ ուժասպառ էի եղել, որ անկողնուց մեծ նեղութեամբ կարողանում էի ցած գալ:

Ահա մի այսպիսի անմխիթար և յուսաբէկ վիճակում ես ու կինս սպասում էինք մեր երրորդ երեխայի աշխարհ գալուն: Գործերիս անյաջողութեան շրջանում՝ այսինքն 1931-ի օգոստոսի 12-ին, մենք արդէն ունեցել էինք մեր երկրորդ երեխային՝ Մեղիկ անունով աղջկա: Աննկարագրելիօրէն անմխիթար պայմանների շարունակութեան ընթացքին շուտով պիտի դիմաւորէինք մեր երրորդ երեխային: Հօրս մահանկից 34 օր յետոյ՝ նոր տարւան գիշերամուտին, մեր անսփոփ անբախտութեան մէջ բախտ ունեցանք դիմաւորելու մեր նորածին մանչ երեխային, որին մկրտելիս հօրս անունը յաւերժացնելու նպատակով Յարութիւն անւանակոչեցինք: Այսպիսով, մեր ընտանիքի թիւը չորսից հինգի բարձրացաւ՝ հայր ու մայր, երկու մանչ երեխայ և մի աղջիկ: Չնայած ամէն ինչով տխուր և անմխիթար էի, բայց ինձ ներշնչում էի ուրախ լինելու հօրս բացը լեցնելու եկող նորածնունդ մանչիս ներկայութեամբ:

\*\*\*

Ինձ պարտքատէր բարեկամս ներքնապէս տանջում էր իր անբարեխիղճ վերաբերմունքի հետևանքով ինձ պատճառած վնասի և անբախտութեան համար: Նա որևէ հնարաւորութիւն չունէր նիւթապէս փոխարինելու ինձ հասած նիւթական վնասները, որոնք 25 հազար թումանից անցնում էին, իսկ այդպիսի գումարն այդ տարիներում բաւական շատ արժէք էր ներկայացանում: Բայց նա կարողացաւ առիթ ճարել ինձ բարոյական մի օժանդակութիւն անելու:

Ինչպէս սրանից առաջ թեցինք, հանգուցեալ Շահնշահը՝ Մեծն Ռեզա Շահ Փահլաւին, առանց

օտարների նիւթական օժանդակութեանը մի շատ մեծ գործ էր ձեռնարկել: Դա Իրանի հարաւային Բանդար Շահփուր կոչւած կէտից (Պարսից ծոցի վրայ նոր կառուցած նաւահանգիստ) սկիզբ առնող և Բանդար Շահում (Կասպից ծովի վրայ նորաստեղծ նաւահանգիստ) վերջացող և ամբողջ Իրանը կտրող երկաթուղագծի կառուցման ձեռնարկն էր:

Այս հսկայական և բազմաժախս գործի տեսական, տնտեսական և տեխնիկական վերահսկողութիւնը յանձնել էր դանեմարքեան «Քամսաքս» ընկերութեան: Այդ ընկերութեան ներկայացուցիչն ու կառավարիչը Իրանում Բլաք անունով մի ճարտարապետ էր: Իմ բարեկամը Բլաքի անձնական մեքենավարն էր դարձել և նրա կողմից սիրած ու գնահատուած էր: Նա իմ մասին Բլաքի հետ խօսել էր: Վերջինս խոստացել էր մօտ ապագայում ինձ մի յարմար գործ յանձնել: Սինչ այդ ես պարսկերէն «Էթէլասաթ» (թարգմ. «Տեղեկութիւն») օրաթերթում կարդացել և տեղեկացել էի, որ «Քամսաքս» ընկերութեան կողմից կարգադրուած էր երկաթուղագծի շինութեան համար աշխատող բանուորների առողջական և բժշկական կարիքների ապահովման համար առողջապահական մի կազմակերպութիւն հիմնել: Այս վերջին հիմնարկի գլխատրին հրահանգուած էր կառուցող երկաթուղագծի երկայնքին շինելիք առողջապահական կայանների և հիւանդանոցների համար անհրաժեշտ բժիշկներ, օգնական-բժիշկներ, հիւանդապահներ, դեղագործներ, վիրաբոյժներ և վերջապէս հաշուապահներ, ըստ կարելոյն, միմիայն իրանցիներից ընտրել:

Հարաւի երկաթուղագծային առողջապահական կազմի համար պէտք էին երեք հաշուապահներ: Սրանք, հաշուապահութիւնից բացի, իմանալու էին պարսկերէն ու ֆրանսերէն և քննութեան ու մրցութեան պիտի ենթարկէին: Յայտարարուած մրցութեանը մասնակցեցի: Մասնակցողների թիւը պահանջուած թիւից հինգ անգամ աւելի էր: Քննութեան ենթարկուած թեկնածուներից երեքն ընդունեցին: Մէկը ես էի: Այս հանգամանքը չափազանց ուրախացրեց ինձ: Գործի ծայրայեղ կարիքն ունէի և, բարեբախտաբար, առանց կողմնակի միջնորդութեան և պաշտպանութեան, օրինական ճանապարհով յաջողել էի:

### ԴԷՊԻ ՆՈՐ ԳՈՐԾԱՏԵՂԻՆ

1934 թիւ փետրուար ամսի վերջերն էր: Ինձ տեղեկացրել էին, որ մարտի 1-ին նոր գործատեղիս պիտի մեկնեմ: Դժբախտաբար, հիւանդութիւնս ուժեղացել էր: Ոտքերս այնքան ցաւում էին, որ մահճակալից ցած իջնել և ոտքերիս յենել չէի կարողանում: Ոտքերիս յենելիս կարծես հազարաւոր ասեղներով ծակծկում էին: Ինձ համար անտանելի վիճակ էր ստեղծել: Թոււմ էր՝ ենթարկել էի չափա-

զանց սուր տեսակի ռևմատիզմի: Ուռքերից զատ՝ թևերս էլ էին ցաւում: Ինձ բոլորովին հասկանալի էր այդ: Վերջին 32 ամիսների ընթացքում իմ անցկացրած ծայրայեղօրէն չարքաշ պայմանների հետևանքն էր:

Անայիտան գործի վրայ անխնայ մսխել էի իմ ֆիզիկական կորովը: Միշտ խոնաւ և ցեխոտ զարածներում, թաց, անձրևոտ ու ձիւնածածկ ճանապարհներում, ամէն հանգստաւտոթիւնից զուրկ թէյատներում միանգամայն քայքայել էի առողջութիւնս:

Ճար չկար: Թէկուզ հիւանդ, թէկուզ մաշիւած ու քայքայած վիճակում, ստիպուած էի մեկնել գործատեղիս: Բարեբախտաբար, դէպի հարաւ՝ Մալեհաբաղ մեկնող մի վանէթ (թարգմ. փոքր ավտոբուս) ինձ վերցնելու եկաւ: Վանէթը թեթևակի բեռցած էր, իսկ առաջամասում՝ մեքենավարի կողքին, մի ազատ տեղ կար: Ինձ գրկելով՝ մեքենայի մօտ տարան և մեծ նեղութեամբ նրա մէջ տեղաւորեցին: Այդ անտանելի օրերը երբեք մոռանալ չեմ կարող: Բացի երկու ամսական փոքր երեխայիցս՝ ընտանիքիս երեք անդամները չկարողացան իրենց արցունքը զսպել: Ամենից շատ իմ մեծ երեխաս՝ Լևոնիկս էր լացում:

Նրանց փայփայեցի, մխիթարական խօսքեր ասացի: Ի վերջոյ ինքս էլ լացել սկսեցի, բայց ինձ խնայն զսպելով՝ մերոնց բազմիցս համբուրեցի և մեքենավարին, որ հայ էր, խնդրեցի մեկնել: Ինձ ճանապարհելու հաւաքել էին մի քանի բարեկամներս, որոնց թում՝ իմ հին ընկերն ու բարեկամը՝ Սամելն ու իր կինը: Մեր բաժանումը շատ ազդեցիկ և տխրալից էր:

**ԳԵԱՐՄԱԲԴԱՐ-ՂԱԼԷ-ՇԷՅՆՈՒՄ**

Մեկուկէս օր ճանապարհին էինք: Կէս օր էլ մնացինք Մալեհաբաղում: Երրորդ օրայ առաւօտեան մեկնեցինք դէպի Գեարմաբղար: Հարաւային երկաթուղագծի առաջին նորաշէն հիւանդանոցը Գեարմաբղարում էր գտնուում: Առաւօտեան 11-ին հասել էի այդտեղ:

Մալեհաբաղից սկսած՝ օդը տաքացել էր: Իսկ այս Գեարմաբղար կոչող գիւղում կարծես կատարեալ ամառ լինէր: Սա մի շատ բախտատու հանգամանք եղաւ ինձ համար: Ուռքերս անդամալուծող ծակծկոցն անցել էր: Առանց տանջուելու՝ ուռքերս շարժում և նոյնիսկ ազատօրէն յենում էի նրանց վրայ: Կարծես ինձ հետ հրաշք պատահած լինէր:

Երբ պաշտօնավարութեանս փաստաթուղթը հիւանդանոցի բժշկին ցոյց տուի, նա դժարացաւ կարողալ: Փաստաթուղթը գրած էր պարսկերէն և ֆրանսերէն լեզուներով: Բժիշկը, կարմրկտելով և բերանացի, թերի պարսկերէնով ներողութիւն խնդրեց և ասաց.

– Ես Նաւթային ընկերութեան բժիշկներիցն եմ

եղել և, անգլերէնից բացի ուրիշ լեզուով կարողալ չգիտեմ: Խնդրում եմ ցած իջէք, յետոյ կը կարողանք:

Բայց մի երկվայրկեան չանցած՝ աւելացրեց.

– Խնդրում եմ ինքներդ կարդացէք, իհարկէ պարսկերէն մասը:

Կարդացի. «Պր. Ս. Սարհադեանը Քամասքի առողջապահական բաժնի վարիչ մարմնի կողմից հարաւային երկաթուղագծի Գեարմաբղար և Ղալե-Շէյս հիւանդանոցների հաշւապահ է նշանակել: Մանրամասնութիւնը փոստով»:

Բժիշկը կասկածոտ և անհամարձակ պարսկերէնով հարցրեց ինձ.

– Սարհադեան ազգանունը հայի՞ անուն է: Դուր հայ էր:

Նրան պատասխանեցի.

– Այո՛, ի՞նչ կայ զարմանալու:

Նա ուրախութիւնից գրեթէ բղաւեց և ասաց.

– Դէ հէր օրհնած, մի քիչ շուտ ասած լինէիր: Էլ ինչի՞ մեզ էսքան չարչրկեցիր: Չէ՞ որ ես էլ հայ եմ: Էն էլ ջողայեցի հայ:

Յետոյ աննկարագրելի ուրախութեամբ իր կնոջը կանչեց.

– Հրանու՛շ, արի՛, վազ տո՛ւր: Մեզ համար հայ հաշւապահ են ուղարկել:

Դոքտ. Ջօհաննէսի (այդպէս էր բժշկի ազգանունը. ընդհանրապէս իսֆահանցի հայերն աշխատում են իրենց անունները կրճատել և երոպականի նմանեցնել) կինն իր հերթին աճապարեց ինձ դիմաւորելու: Բարձրահասակ, բարեկազմ և վայելուչ դէմքով մի երիտասարդ կին էր: Նա ուրախ և ժպտաղէմ ասաց.

– Ինչ լաւ է եղել, որ մի հայի հետ ենք գործ ունենալու:

Յետոյ սիրալիրութեամբ աւելացրեց.

– Դէ՛, հրամեցէ՛ք, ներս գնանք: Ճանապարհին շատ յոգնած կը լինէք: Տեսնում էք, դեռ մարտ ամսուայ սկզբումն ենք, և արդէն արևն ամէն կողմ վառում է: Վա՛յ մեզի, հիմի որ այսքան շոգ ու կրակ է, մի երկու ամսից ի՞նչ ենք անելու: Ամենաղժարն այն է, որ մենք փոքր երեխայ էլ ունենք: Նրա համար շատ դժար կը լինի:

Առանց ժամանակ կորցնելու՝ կատակով պատասխանեցի.

– Էլ ու՞ր էք վախենում, տիկին, ձեր երեխայի հայրը դոքտոր է:

– Այդ ճիշտ է, բայց մեր դոքտորն արևահարութեան և սոսկալի տաքի դէմ դժար թէ կարողանայ կռել:

Ներս մտանք: Հիւանդանոցը նորաշէն և մաքուր ու կոկիկ մի յարկանի շէնք էր և լայն միջանցքով բաժանուած էր երկու մասի: Աջ թևի վրայ գտնուող մասը 4 միջակ սենեակներից և մէկ համեմատաբար մեծ սրահից էր բաղկացած: Միւս մասը յատկացուած էր հիւանդանոցի բժշկի բնակութեան համար և բաղկացած էր 3 սենեակներից, մի խոհանոցից և մի

լացարանից՝ իր յարմարութիւններով: Մի քանի մետր հեռաւորութեան վրայ երկու սենեակներ կային: Բժիշկն ասաց, որ այդ երկու սենեակները յատկացած են հաշուապահի գրասենեակին և բնակութեանը:

Կէսօրից մէկ ժամ անց տիկինը մեզ ճաշի հրաւիրեց: Իմ ժամանելու մասին տեղեկութիւն չունէին, բայց ճաշը բաւարար էր: Չարմացայ՝ սեղանի վրայ կանաչեղէն տեսնելով: Իմ հարցին, թէ այս չոր ու ցամաք տեղում այս կանաչեղէնն ինչպէ՞ս են հայթայթում, բժիշկը, բարձրաձայն ծիծաղելով, պատասխանեց.

– Սալեհաբաղը շատ հեռու չէ: Հիւանդանոցի ամբուլանսն օրընդմէջ այնտեղ է գնում և հիւանդներին ու մեզ համար անհրաժեշտ մթերքները բերում է:

\*\*\*

Մի քանի օր անց Թեհրանի առողջապահական մասի կենտրոնական հիմնարկի վարիչ դոքտ. Թորֆէի կողմից ստացայ պարսկերէն կարճառօտ մի նամակ: Թեհրանից մեկնելուց առաջ այդ մարդուն չէի հանդիպել: Թուով էր՝ այդ պարագան նրան դժգոհութիւն էր պատճառել: Ըստ երևոյթին, ընդունւած կարգն այդպէս էր եղել, բայց ես մեղաւոր չէի գտնում ինձ. նախ այն պատճառով, որ սա առաջին անգամն էր, ինչ ես իրանեան հիմնարկութեան մէջ անցել էի ծառայութեան, և ամենագլխաւորն այն էր, որ, եթէ նոյնիսկ այդ պարագան իմացած լինէի, ոտքերիս ցաւի և հիւանդ վիճակիս բերմամբ չէի կարող հետաքրքրուել, իմանալ և այցելել կառավարիչ բժշկին: Միաժամանակ ինձ ուղարկւած էին նաև հիւանդանոցների հաշուապահութեան ֆրանսերէն լեզուով խմբագրւած ֆորմուլները: Նամակի վերջում թելադրւած էր շաբաթայ 3-4 օրը Գեարմաբդարում և մնացեալ օրերը Ղալէ-Շէյխում լինել: Նամակին անմիջապէս պատասխանեցի և բացատրելով մեկնելուցս առաջ լրջօրէն հիւանդ լինելուս պարագան՝ իմ թերացման համար խնդրեցի ներողամիտ լինել:

Գեարմաբդարում երկու օր մնացի: Բժշկի և կնոջ կողմից ինձ ցոյց տրւած սիրալիք վերաբերմունքից և հիւրասիրութիւնից անկեղծօրէն շնորհակալութիւն յայտնելով՝ մեկնեցի Ղալէ-Շէյխի հիւանդանոցը: Այդտեղ ժամանելով՝ հանդիպեցի մի իրանցի երիտասարդի, որն ինձնից առաջ հիւանդանոցի հաշուապահն էր եղել: Ինձ տեսնելով՝ ուրախացաւ և յայտնեց, որ անհամբերութեամբ ինձ սպասելիս էր եղել: Նա ասաց.

– Մի շաբաթ առաջ հրաժարականս Թեհրան են ուղարկել: Այս գործն ինձ չի բաւարարում: Տեղիս վրայ աշխատող մի շինարարական ընկերութեան մօտ լաւ պայմաններով վարձել են արդէն:

Յետոյ խորհրդաւոր շէշտով աւելացրեց.

– Այս հիւանդանոցների գործից հացի փոխարէն գահրումար էլ դուրս չի գալիս: Հօ խենթ չեմ, Թեհ-

րանը թողած, այս անապատում և այս դժոխք-կրակի մէջ մի կտոր հաց ու պանրի ռոճիկով աշխատեմ:

Ղալէ-Շէյխի հիւանդանոցի շինութիւնն էլ Գեարմաբդարի նման էր: Բժիշկը հնդիկ էր և նոր համալսարանաւարտ մի երիտասարդ: Կինն էլ մի երիտասարդ և համակրելի հնդկուհի էր: Երկուսն էլ շատ ուրախացան՝ իմանալով, որ հայ եմ: Հնդկաստանում մեծացած ժամանակ նրանք հայերից լաւ և յարգալից տպաւորութիւն էին ստացել: Նախկին հաշուապահի մեկնելուց յետոյ ինձ դժգոհութիւն յայտնեցին նրա վերաբերմունքի և կեցւածքի մատանի:

Թեհրիս և մանաւանդ ոտքերիս անտանելի ցաւն ու ծակծկոցները միանգամայն անհետացել էին: Կարծես երբեք այդ անիծեալ հիւանդութեան ենթարկւած չէի եղել: Հարաւի տաք արևն ու նրա բարեբար ազդեցութիւնը ինձ փրկել էին:

Աշխատանքս շատ թեթև էր: Հանգստանալու շատ ժամանակ և հնարաւորութիւն ունէի:

Ինձ բուով էր՝ հանգստեան արձակուրդի եկած լինեմ: Բեռնատար մեքենաներիս հետ անցկացրած 32 ամիսների տանջալից կեանքիս լոկ վերյիշումն իսկ ինձ սրտխառնուք էր պատճառում: Երբեմն, երազներումս, վերապրում էի այդ կոշմարային ճգնաժամի օրերը և տագնապալից ու խեղդիչ քնից քրտնաթոր վեր էի թռչում: Չարթնելուց յետոյ հրճում էի, որ այդ տանջալից վերապրումը երազներիս շարքն է անցել:

Թեհրանից մի քանի հատոր գրքեր և բառարաններ էի բերել: Ազատ ժամանակներս նկրում էի ընթերցանութեան և օտար լեզուների բառապաշարի ծանօթութեան ճոխացմանը: Այնպէս էի դասաւորել, որ շաբաթայ չորս օրերը Ղալէ-Շէյխում լինեմ: Գեարմաբդարում տաքը գրեթէ խեղդիչ էր: Չերմաստիճանը շաքում յաճախ 43-ից անցնում էր: Օդը Ղալէ-Շէյխում աւելի տանելի էր: Մանաւանդ գիշերները բաւական զով էր լինում: Հնդիկ բժիշկը շատ ուրախանում էր, երբ իր մօտ էի լինում: Գատրակ շատ էր սիրում և մեծ բաւականութիւն էր զգում, երբ ես համաձայնում էի այդ խաղի միջոցով նրան մտային մարզանքի և մրցութեան հրաւիրելու:

## ԹԱՆԳԷ-ԴՕՈՒՄ

Շուրջ վեց ամիս օրերն այսպէս խաղաղ ու հանգիստ անցնում էին: Ջղերիս արտակարգ լարումն հետզհետէ մեղմանում էր, և իմ՝ սովորական մարդու ֆիզիկական և մտային հանգստութիւնը վերագրւում էի:

Միակ անհանգստութիւնս ընտանիքիս և երեխաներիս բացակայութիւնն էր: Երեխաներիս չափազանց շատ կարօտում էի: Ամուսնութիւնիցս յետոյ սա առաջին անգամն էր, ինչ երկարատև բացակայում էի տնիցս և երեխաներիցս հեռու ու զրրկւած էի մնում: Քամսաքսի թղթատարական փոստով

շաբաթը մի անգամ նամակային հաղորդակցութեան մէջ էի ընտանիքիս հետ: Երեխաներիս առողջական վիճակն ինձ չափազանց անհանգստացնում էր: Բարեբախտութիւնը կայանում էր նրանում, որ գրեթէ ամիսը մի անգամ առիթ էի ունենում հանդիպելու աներորդու՝ Էդուարդին, որ Քամասքսի նախագահ և գլխաւոր ճարտարապետ Բլաքին կառուցող երկաթուղագծի վերահաստեան համար իր ձեռքում եղած մարդատարով հարաւ էր բերում: Էդուարդը մերոնց մասին ինձ մանրամասն տեղեկութիւններ էր տալիս:

Քամասքսի մեր առողջապահական մասի գլխաւոր վարիչը՝ դոքտոր Թորֆէն, այդ անցնող վեց ամսւայ ընթացքում երեք անգամ հիւանդանոցների վերահաստեան համար՝ այցելութեան էր եկել: Առաջին երկու անգամները նրա վերաբերմունքն իմ նկատմամբ սառն և անհամակրական էր, բայց վերջին անգամ բոլորովին փոխւած ու համակրական էր:

Նա Իրանի վերածնունդ շրջանի բժշկական առաջին խմբին էր պատկանում և բժշկապետ Լօդման-Դօվլէի սիրելի աշակերտներից էր: Դոքտ. Թորֆէն երկաթուղագծի հիւանդանոցների տւած վերահաստեան իր երրորդ այցելութեան ժամանակ ինձ յայտնեց.

– Պր. Սարխադեան, մեր Կենտրոնական վարչութեանը ենթարկւած հաշուապահական բաժնի վարիչը՝ Համիդ Թեհրանչի, ձեր ներկայացրած հաշիւների ամսական տեղեկագրերից գրաւոր գոհունակութիւն է յայտնել: Որոշել եմ Թեհրան վերադառնալուց յետոյ ձեզ նշանակել երկաթուղագծի առողջապահական բաժնի՝ հարաւում մեր ունցած բոլոր հիւանդանոցների գլխաւոր հաշուապահը: Ձեր ռոճիկի վրայ կարևոր յաւելում տրւելու է: Բիշէի հաշուապահ Ղարաւիլին էլ ձեզ է ենթարկելու: Նկատի առնելով ճանապարհների դժարութիւնն ու հեռաւորութիւնը՝ առայժմ ամիսը մի անգամ էք նրա հաշիւներին վերահասու լինելու:

– Յարգելի՛ վարիչ, չափազանց շնորհակալ եմ ձեր վստահութեան և սիրալիրութեան համար,– պատասխանեցի շոյած ինքնասիրութեան հրճանքով,– բայց, Ղարաւիլուց բացի, մեր բաժնում երկու ուրիշ հաշուապահներ էլ կան: Ի՞նչ էք որոշել նրանց համար:

– Ձեր նոր նշանակման հրամանագրի հետ միաժամանակ նրանց պաշտօնավարութեան լրանալու մասին գրաւոր կարգադրութիւնն էլ կուղարկւի: Իհարկէ, դա մեզ հետ կապ ունեցող խնդիր է:

Առարկել չէի կարող, քանի որ դոքտ. Թորֆէն քաղաքավարի ձևով ինձ արդէն հասկացրել էր, որ այդ խնդիրն ինձ չի վերաբերում: Ներքնապէս դժգոհ էի, որ իմ գնահատւած ծառայութիւնն երկու ուրիշ հաշուապահների կրճատման պատճառ է դառնում: Ի՞նչ կարող էի անել: Թանգէ-Դօի հաշուապահ Մոխթարին, որի հետ բարեկամացել էի, շատ

խղճում էի, քանի որ նրա նիւթական անմխիթար պայմաններին տեղեկացել էի: Ճար չկար, եղած կարգադրութեանը ստիպւած էի ենթարկւել:

Մի քանի օրից յետոյ Քամասքսի թրքատական փոստը ինձ յանձնեց իմ նոր նշանակման գրաւոր կարգադրութիւնը: Յաջորդ օրը փոխադրեցի իմ նոր պաշտօնատեղին՝ Թանգէ-Դօ:

Դոքտ. Ջօհաննէսն ու իր կինը, ինչպէս նաև Ղալե-Շէյխի հնդիկ բժիշկն ու իր կինը իմ նոր նշանակման և պաշտօնավարութեան համար սրտանց ուրախացել էին:

\*\*\*

Թանգէ-Դօի հիւանդանոցը կառուցող հարաւային երկաթուղագծի կենտրոնական հիւանդանոցն էր: Նրա շէնքը բաւական ընդարձակ էր և օժտուած էր ամէն տեսակի յարմարութիւններով: Հիւանդներին յատկացւած վեց մեծ սենեակներից բացի՝ բժիշկների, հիւանդապահների, դեղագործի, հաշուապահի, լրացարարի, խոհարարի և այլ ծառայողների բնակութեան համար սենեակներ կային: Մի ուրիշ առանձին շէնք էլ՝ իր բոլոր յարմարութիւններով, յատկացւած էր գլխաւոր բժշկի և նրա ընտանիքի բնակութեան:

21 կիլօմետր հեռաւորութեան վրայ և լեռնային մի բարձրաւանդակի վրայ, որ Նուժիան էր կոչւում և Փափի անունով լոռ ցեղախմբի ամառանոցային վայրն էր, շինւած էր մի ուրիշ, համեմատաբար մեծ հիւանդանոց: Այս հիւանդանոցը ենթարկւած էր Թանգէ-Դօին և, ի միջի այլոց, պարփակւում էր վիրաբուժական մի մեծ սրահ՝ օժտուած հնարաւոր միջոցներով և գործիքներով:

Ճանապարհները շինելու և մանաւանդ թունէլները փորելու ծանր աշխատանքներում վիրաւորւած բանտրներին վերոյիշեալ հիւանդանոցում ենթարկւում էին վիրաբուժական գործողութիւնների: Ձերմով, դեզենտերիայով և ուրիշ լուրջ հիւանդութիւններով վարակւած ծանր հիւանդներին էլ փոխադրում էին այնտեղ:

Լեռնագագաթի բարձաւանդակի վրայ շինւած այդ հիւանդանոցը իր սքանչելի և զովասուն օդով և կլիմայով ծանրօրէն վիրաւորւած և զանազան հիւանդութիւններով հիւծւած բանտրների համար կատարեալ բարիք էր: Կարելի է ասել, որ այդ անտանելիօրէն կիզիչ հարաւում լեռնագագաթին թառած այդ հիւանդանոցը մի տեսակ առողջարան, ապաքինման բացառիկ բուժավայր էր:

Ամբողջ 27 ամիսներ Թանգէ-Դօի հիւանդանոցում ապրեցի: Հարաւային երկաթուղագծի վեց հիւանդանոցների տնտեսական մասի վերահսկողութիւնն ու հաշիւների վերանայումն ու կարգաւորումն իմ պարտականութիւնն էր:

Ինձ շրջապատող 50-ից աւելի բժիշկները, օգնական բժիշկները, վիրաբոյժը, դեղագործը, հիւան-

դապահների մեքենավարներ և ուրիշ ծառայողներ մի մասնատր և յարգալից վերաբերմունք ունեին իմ նկատմամբ: Ամէն կերպ աշխատում էի փոխադարձել նրանց վստահութիւնն ու ազնիւ վերաբերմունքը՝ նրանց հնարատր օժանդակութիւն ցոյց տալով: Թեհրանի առողջապահական կենտրոնական վարչութիւնն էլ իմ կատարած աշխատանքից գոհ էր:

Թանգէ-Դօի գլխատր բժիշկը մի փաքեստանցի էր: Նրան դոքտ. Խան էին կոչում: Ըստ երևոյթին, այդ նրա վերադրած անունն էր: Մինչև վերջ էլ թէ՛ ես և թէ՛ հիւանդանոցներում մեր աշխատողները չկարողացանք նրա իսկական ազգանունն իմանալ: Նախապէս նա ծառայել էր հարաւային Անգլօ-իրանեան նաւթի ընկերութեան մէջ:

Թանգէ-Դօից մինչև Թանգէ-Սէ երկաթուղագծի կառուցման գործը «Էդկա» կոչւած իրանեան մի ընկերութեան յանձնուած էր: Այդ շինարարական ընկերութեան գլխատր իմժեները Շադադի անունով մէկն էր, իսկ նրա գլխատր օգնականն իմ բարեկամ Արամ Մազլումեանն էր:

Ամէն անգամ, երբ Արամը վերահսկողութեան համար գալիս էր գծի վրայ՝ Թանգէ-Դօ, կա՛ն նա և կա՛ն ես իրար տեսնելու և խօսակցելու էինք զմում: Նա յաջողել էր Երուսալայում իր մասնագիտութեան ճիւղն աւարտել և Թեհրան վերադառնալով՝ կարևոր դիրք գրաւել: «Էդկա» կոչւած կառուցողական ընկերութեան մէջ մտնելուց առաջ եղել էր Բանդար Փահլաւու նաւահանգստի գլխատր ինժեները և մի քանի տարի վարել էր այդ պաշտօնը:

1936-ի վերջերում, երբ պատրաստուում էի Թանգէ-Դօից մեր հարաւային առողջապահական գծի վերջին և գլխատր կենտրոնը՝ Բիշէ անցնել, անսահման ակտուսանքով և վշտով նրա վաղաժամ և դժբախտ մահուան գոյժը լսեցի:

Մազլումեանի ականջում գոյացած մի բշտիկ պայթել էր, որի հետևանքով գործողութեան էր ենթարկւել, սակայն վիրաբոյժի անփոյթ վերաբերմունքի պատճառով արեան վարակում էր ստացել և մահացել: Ամենացաւալին այն էր, որ նա տարիների տանջանքներից և չարքաշութիւններից յետոյ, երբ դեռ նոր էր սկսել իր և ընտանիքի համար հանգստաւէտ կեանք ստեղծել, այդպէս վաղաժամ կնքեց իր մահկանացուն:

### ԲԻՇԷՆԻՄ

1937 թի սկզբում Թանգէ-Դօի և Նուժիան ամառանոցային մեր հիւանդանոցները փակւել էին, և առողջապահական մասի անձնակազմի գլխատր բժիշկները և նրանց օգնականներից ու հիւանդապահներից մի մասը փոխադրուել էին Բիշէի հիւանդանոցը: Ես էլ փոխադրուեցի Բիշէ: Մինչ այդ Բիշէում գտնուող հաշւապահը հեռացւել էր:

Երկաթուղագծի կառուցման աշխատանքները, նախապէս կազմուած ծրագրի համաձայն, մինչև

1938-ի մարտ 21-ը (իրանեան նոր տարւան) պիտի վերջանային, բայց մի կարգ լրացուցիչ աշխատանքների պատճառով մի քանի ամիս երկարաձգւեց: Բիշէի հիւանդանոցը՝ իբրև երկաթուղագծային կառուցման վերջին և կենտրոնական հիւանդանոց, մինչև աշխատանքների լրացումը պիտի գոյատևէր:

Հիւանդանոցների թւում բժշկական դարմանումի և վիրաբուժական գործողութիւնների գծով Բիշէի հիւանդանոցը ամենալաւ կազմակերպուած հիւանդանոցն էր: Դա ինքնին հասկանալի էր, քանի որ փակուած հիւանդանոցների լաւագոյն անձնակազմն ու բոլոր վիրաբուժական միջոցներն այնտեղ էին կենտրոնացուած:

Հիւանդանոցի գլխատր բժիշկը դոքտ. Նազերին, իսկ վիրաբոյժը դոքտոր Բահէրն էին: Երկուսն էլ իրենց մասնագիտութիւնների մէջ յայտնի էին: Բիշէից դէպի հիւսիս մնացել էին երկու ուրիշ հիւանդանոցներ:

\*\*\*

Բիշէն (անտառակ է նշանակում) իր անուան կատարելապէս համապատասխանում էր: Իրանի հարաւային կիզիչ երկրամասի իսկական օազիսն էր: Բարձրալայց շինարի և վայրի հացի ու բալուդի ծառերն իրար կողքի աճած: Հոսուն ջրեր և կուսական անվերջ կանաչութիւն: Հազարաւոր ամէն տեսակի թռչնակներ, որոնց թում ճնճողակներ, սարեակներ և սոխակներ, վիստում էին: Ամառային տօթը կարծես չէի համարձակուում այնտեղ մուտք գործել: Օդը միշտ զով և հոգեպարար էր:

Ամբողջ երեք տարի գրկուած էի ընտանիքիս և երեխաներիս ներկայութիւնից: Մինչև Բիշէ փոխադրուելս նրանց ինձ մօտ բերելն անխղճութիւն էի համարում: Գեարմաբդարի, Ղալէ-Շէյխի, Թանգէ-Դօի և Թանգէ-Սէի ամառային ջերմաստիճանը 42-44-ից անցնում էր: Մեր երկաթեայ մահճակալներին ձեռք տալ չէինք համարձակուում, որովհետև այրում էին: Չմռան եղանակին նրանց ինձ մօտ փոխադրելը յարմար էր, բայց այդ պարագային դպրոցական երկու երեխաներիս իրենց դպրոցական պարապմունքից պիտի գրկէի:

Իմ գործակիցներից նրանք, որոնց ընտանիքն ու երեխաներն իրենց կողքին էին, իմ կամաւոր գրկման համար յաճախ ինձ քննադատում և նոյնիսկ մեղադրում էին: Բայց ես մտածում էի, որ արելի լաւ է ինձ, քան թէ երեխաներիս գրկանքի ենթարկեմ: Բոլորովին ցանկութիւն չունէի իմ հանգստութեան և բաւականութեան պատճառով երեխաներիս իրենց դպրոցից և ուսումից գրկել:

1937 թի ամառային արձակուրդին՝ մօտ 3 ամիս, ընտանիքս ու երեք երեխաներս ինձ մօտ՝ Բիշէ եկան: Այդ ժամանակամիջոցում նրանք ինձ մօտ ապրելու բոլոր հնարաւորութիւններն ունէին:

Երկաթուղագծի կառուցման բոլոր կենտրոնավայրերում, որոնց շարքին էր նաև Բիշէն, ինժեներները, տեխնիկական ծառայողները, կառուցողական ընկերությունների գրասենեակային պաշտօնեաները և վերջապես շինարարական բանուորները մի լրիվ համայնք էին կազմում: Նրանց կենտրոնացած վայրերում կենսամթերք և ապրուստի ամենաանհրաժեշտ միջոցներ հայթայթող և վաճառող խանութպաններ էին հաւաքում:

Երբ ամբողջ երեք տարիների բացակայութիւնից յետոյ մերոնց դիմաւորելու բախտաւորութիւն ունեցայ, իմ ուրախութեանս սահման չկար: Մեծ երեխաս՝ Լևոնը (որին յաճախ Էդիկ էինք կանչում), աղջիկս՝ Մելիկը, մեծացել և հասակ էին քաշել: Երկու ամսական թողած Յարութիկս 3 ու կէս տարեկան էր: Կինս էլ, իր անցկացրած նեղ օրերից և նրանց հետ կապւած սրտմաշուկից ազատուած և հանգստացած, թարմացել և կենսուրախ էր դարձել: Բոլոր երեք երեխաներիս հերթով կրծքիս սեղմում էի և անկշտում համբուրում էի:

Բախտս այդպէս էր դասաւորել: Բեռնատար մեքենաների՝ ինձ պատճառած տանջանքներից յետոյ ստիպուած էի ինձ կամաւոր պանդխտութեան և ընտանեկան գրկանքի ենթարկելու: Երջանիկ էի, որ վերջապէս ինձ յաջողւել էր չարքաշ և յամառ աշխատանքիս շնորհիւ նորից ոտքի կանգնել և ինձ համար նորից դիրք ստեղծել:

Բիշէնում 30 մետր երկարութեամբ և 12 մետր լայնութեամբ ջրի մի մեծ ամազան էր սարքուած: Ամէն օր երկու անգամ երեխաներիս տանում էի լողի: Մեծ տղայիս և աղջկանս մի շաբաթայ ընթացքում լողալ սովորեցրի: Փոքր Յարութիս էլ ձախ թևից ամուր բռնած՝ աջ թևով լող տալու վարժութիւն էի անել տալիս: Լողի մարզանքից նրանք մեծ բաւականութիւն էին ստանում: Աւագանից դուրս գալուց յետոյ հսկում էի, որ նրանք իրենց մարմինները կարգին չորացնելուց վերջ աւազի վրայ՝ արևի մեղմ շողքի ներքև, պառկէին և հանգստանային: Ազատ ժամերիս նրանց տանում էի մերձակայ գեղատեսիլ և ջրառատ վայրերը տեսնելու և կուսական բնութեան թարմութիւնը ըմբռնելու:

Օրերն արագապաց թռչում էին: Բիշէնում, երեխաներիս և ընտանիքիս հետ անցկացրած հարիւր և մէկ օրերը կեանքիս անմոռանալի և ամենաերջանիկ շրջանն է եղել: Մերոնց՝ Բիշէնում եղած ժամանակ, բարեբախտաբար, դոքտ. Նազէրիի, դոքտ. Լէվասանիի և դոքտ. Նաջմ-Աբադիի կիցն ու երեխաներն էլ այնտեղ էին: Չորսիս ընտանիքները համարեա ամէն օր՝ երեկոները, հաւաքում, զրուցում, կատակում և ուրախ ու զարթ ժամանակ էին անց կացնում: Մանուանդ Նաջմ-Աբադին իր առանձնայատուկ կատակներով և զարճախօսութեամբ մեզ միշտ ուրախ տրամադրութեան մէջ էր պահում և անվերջ ծիծաղելու առիթներ ստեղծում:

Շատ մեծ ափսոսանքով մերոնց Թեհրան ուղարկեցի: Գործակիցներս շատ աշխատեցին ինձ

համոզել, որ նրանց մինչև մեր գործերի աւարտումը մօտս պահեմ: Ինձ չափազանց հաճելի էր այդպէս վարել, բայց գիտէի, որ դա իմ կողմից եսասիրութիւն կը լինի, քանի որ համոզուած էի՝ մինչև մեր գործերի լրիւ վերջացումը մի ամբողջ տարի կը տևի, և ես իմ երեխաներին ուսումից զրկելու պատճառ պիտի դառնայի:

Դժբախտաբար, Թեհրանում հարազատ և սրտացաւ մէկին չունէի, որին կարողանայի երեխաներիս յանձնել և կնոջս ինձ մօտ պահել: Ընդհանրապէս ճիշտ ու տրամաբանական չեմ համարել այն հանգամանքը, որ, երբ երեխաներն իրենց հարազատ մայրն ու հայրն ունեն, կարելի է կամ նպատակայարմար է նրանց ուրիշի խնամքին ու խնամակալութեանը յանձնել:

**ԼՈՌԵՐՆ ՈՒ ՆՐԱՆՑ ԱՆՉԱՒԱՏԱԼԻ  
ԲԺՇԿՈՒԹԻՒՆՆԵՐԸ**

Շրջանը, ուր ես ամբողջ չորս տարիներ ապրեցի, և որի կրծքի վրայով անցնելու էր իրանեան նորակառոյց երկաթուղին, կոչւում էր Լոռեստան:

Սալեհաբադ-Գեարմաբդարից սկսած մինչև Դօրուդ այդ հսկայածաւալ երկրամասը լոռերի զանազան ցեղախմբերի բնակավայրն է:

Ինչպէս Իրանի զանազան նահանգային ընդարձակ շրջանները, այնպէս էլ Լոռեստանը, Ռեզա Շահից առաջ ինքնագլուխ շրջան էր: Լոռերը, բացի իրենց ցեղապետներից, ուրիշին ճանաչելու և ենթարկելու գաղափար իսկ չունէին:

Նրանք չարքաշ աշխատանքից խորշում էին: Մեծ մասամբ զբաղւում էին անասնապահութեամբ: Հին ժամանակներում նրանց հիմնական գործը արագակութիւնն էր: Նրանք իրենց ամբողջ ճիգն ու ջանքը կենտրոնացրել էին կողոպուտի և թալանի վրայ: Անապահով և վտանգաւոր շրջան էր Լոռեստանը: Կողոպուտելու իրենց նպատակին հասնելու համար նրանք պատրաստ էին սպանելու և մորթելու ամենափոքր դիմադրութիւն ցոյց տուող հակառակորդին: Նրանց համար մարդկանց սպանելը նոյնչափ հեշտ էր, որչափ մի հալի ճիտն ոլորելով՝ նրան մորթելը: Բուրուջերդ-Խորրամաբադ-Սալեհաբադ նախկին ճանապարհը լոռերի կողոպուտների և սպանութիւնների պատճառով անուանում էին Ղաթըլ-գահ կամ սպանդանոց: Բեռնատարների մեքենավարները չկողոպուտելու համար ստիպուած էին խմբովին և ժանդարմների ուղեկցութեամբ և պաշտպանութեամբ այդ ճանապարհը կտրել: Բոլոր այդ զգուշաւորութիւններն էլ շատ անգամ անցնում էին անօգուտ: Լոռերն իրենց «նւիրական» սովորութիւնից ձեռք վերցնողը չէին: Նրանք ամենայն ճարպկութեամբ և արագաշարժութեամբ իրենց «ասպետական» ելոյթները՝ թալանն ու մաքրագարդումը, կատարում էին: Մեծն Ռեզա Շահը, ինչպէս ամբողջ

Իրանի զանազան շրջանների, այնպես էլ Լոռեստանի այս վարկաբեկիչ ինքնագլխութեան, ինքնիշխանութեան և մանաւանդ աւագակութիւններին կտրականապէս վերջ տուց:

Նա Լոռեստանի խաղաղեցման գործը սպարապետ Ահմադիին և նրա հայազգի զնդապետ Գիգոյին յանձնեց, որոնք ի վերջոյ յաջողեցին նրանց ենթարկել պետական իշխանութեան և Լոռեստանը կարգի բերելով՝ կատարելապէս խաղաղեցնել:

\*\*\*

Ինչպէս վերևում յիշատակեցի, լոռերը անասնապահութիւններից և խաշնարածութիւններից դուրս ուրիշ գործ չէին սիրում: Նոյնիսկ իրենց ուտելու հացը հայթայթելու համար ծուլանում էին երկրագործութեանը զբաղուելու: Յորենի կամ գարի հացի փոխարէն վայրի բալուրը (թարգմ. կաղին) խաշում կամ խորովում և ուտում էին:

Ինձ և ինձ մնաններին չափազանց շատ էին զարմացնում նրանց տնային և տոհմական բժշկութիւնները: Նորագոյն բժշկութեան, բժշկի, հիւանդանոցի մասին հաւատք չունէին: Նեղութիւն և դժար աշխատանք չէին սիրում: Երկաթուղագծի կառուցման համար աշխատող բանորմների թում չնչին տոկոս էին կազմում: Եթէ նրանցից մէկն ու մէկը հիւանդանար կամ արկածի ենթարկւելով՝ վիրատուէր և հիւանդանոց փոխադրուէր, հէնց նոյն օրը կամ մէկ-երկու օրից նրա ազգակիցները, հիւանդանոցի գլխատրին դիմելով, խնդրում էին հիւանդին յանձնել իրենց:

Ինքնաշատուկ, զարմանալի և մեզ համար բոլորովին անհասկանալի բժշկութեան ձևեր և միջոցներ ունէին և իրենց հիւանդներին յաճախ կարողանում էին այդ զարմանալի, անհասկանալի միջոցներով առողջացնել: Երկու շատ զարմանալի բժշկութիւնների անհաւատալի արդիւնքը մոռանալ չեմ կարող: Նուժիանի ամառանոցային լեռնային հիւանդանոցում պառկած էր արկածի ենթարկւած մի լոռ: Նրա ոտքի վերքը վերածուէլ էր փտախտի: Ուրուած էր յաջորդ օրը նրա ընտանիքի գրատր համաձայնութիւնը ստանալուց յետոյ հիւանդի աջ ոտքը զիստից կտրել:

Նրա ազգականները չհամաձայնեցին հիւանդի վիրաբուժական գործողութեանը և պատկան թուղթը մերժեցին ստորագրել: Պահանջեցին իրենց հիւանդին յանձնել: Այդ առթիւ ապագային չզանգատուելու փաստաթուղթն էլ ստորագրեցին և փախուստի ենթարկւած ծանր հիւանդին փոխնիփոխ շալակելով՝ տարան: Երկու շաբաթ հազիւ լրացած՝ վարակման ենթարկւած լոռը, բոլորովին առողջացած, իր ոտքով հիւանդանոց եկաւ և անվրէժխնդիր տունով յայտնեց:

– Բախտի հանդիպեցի, որ մերոնք չհամաձայնեցին ոտքս կտրելուն, թէ չէ սատանան գիտէ՝ մի տանի կը դառնայի՞, թէ՞ երկուսից էլ կը գրկւէի:

Եղած մանրագին քննութիւնից պարզեց, որ հիւանդի ոտքը փաթաթել էին նոր մորթած ոչխարի տաք և արիւնալի մսի և մորթի մէջ և ուրիշ նախնական, պատենական իրենց գիտութիւնով մարդուն կատարելապէս բժշկել էին:

Մի ուրիշ, նոյնպէս չափազանց զարմանալի բժշկութիւն էլ Բիշէում կատարեց: Լոռերից մէկը, ցած գլորտող ժայռի կտորներին հանդիպելով, դժբախտութիւնն էր ունեցել երկու ոտքով և աջ բազուկով ջարդ ու փշուր լինելու: Մինչ հիւանդանոցի վիրաբոյժը նրա բազմաթիւ տեղերից կտրուած ոտքերի և ձեռքի վիրակապութեան համար շարել էր, արկածի ենթարկւած լոռի ազգականները հիւանդանոց եկան և նորից իրենց հիւանդին շալակելով՝ տարան:

Երեք շաբաթից յետոյ այդ ջարդ ու փշուր եղած մարդը թեթև կաղալով հիւանդանոց եկաւ: Վիրաբոյժի հետ մենք էլ այս տարօրինակ և հրաշքի նմանող բժշկութիւնից ապշած էինք մնացել:

### ՆՈՐԻՑ ԹԵՆՐԱՆՈՒՄ

1938 թի սեպտեմբերի սկզբին նորից Թեհրան վերադարձայ: Ուղիղ քսան տարի առաջ էր, երբ ես հանգուցեալ հօրս հետ գաղթական և անտուն ու անտէր վիճակում այն օրերին ինձ անծանօթ այս մայրաքաղաքն էի ոտք դրել: Ինձ յուզող յուշերս՝ արագընթաց և իրարայայտորդ, ուղեղս էին խուժում:

Երկաթուղագծի կառուցման հիմնական աշխատանքները վերջացած լինելով՝ մեր առողջապահական մասի գործն էլ վերջացրել և հաշիւները փակել ու գույքը յանձնել էինք:

Երկաթուղու մարդատար գնացքով Թեհրան եկայ: Կառաշարը նոր վերջացրած ճանապարհով մինչև Դօրուդ բազմաթիւ թունելներով անցաւ: Իսկ Դօրուդից Թեհրան հարթ ճանապարհով արագընթաց սուրում էր:

Իմ վերաբնակւած հայրենիքի՝ վերածնող Իրանի մեծ առաջնորդի՝ հանճարեղ Ռեզա Շահի նախաձեռնած և բացառիկ արագութեամբ և միմիայն իր երկրի ֆինանսական միջոցներով վերջացրած մեծ գործը՝ երկաթուղագծի կառուցումը, սիրտս ուրախութեամբ և հրճանքով էր լցնում: Հրճում էի նաև այն պատճառով, որ ենթադրում էի, թէ այդ կառուցման գործում ինքս էլ, գուցէ մի հարիւր միլիոնէրորդ չափով, մասնակցութիւն եմ ունեցել:

Երկաթուղային գնացքի իմ գեղեցիկ և արդիական խցիկում ինքնամփոփ և հանգիստ մտածում և հրճում էի, որ բախտ եմ ունեցել մեր դարատր հաստեաց տաճիկ իշխանութիւնից մագապուրծ ազատւած լինելով՝ վերաբնակւել մի երկրում, որտեղ մեզից ոչ միայն չեն խորշում, այլև նոյնիսկ սիրալիրութեամբ մեր մտային և բարոյական օժանդակութիւնից և գործակցութիւնից անվերապահ օգտում են: Մեզ ոչ միայն ոչ մի կերպ չեն ջլատում

և խեղդում, այլև ամեն հնարատրություն տալիս են մտային և շինարարական ուժերը դրսևորելու և ազատորեն արդիւնաւորելու:

Անասիան հիացմունքով աշխատում էի հաշիւ Ռ-ըզա Շահի՝ այդ բնածին տաղանդով փայլող մեծ մարդու վերածնող Իրանի համար ծրագրած և իրագործած բազմաթիւ մեծ ձեռնարկները: Նա իր բացառիկ հանճարով և մանաւանդ պողպատեայ վճռականութեամբ միջնադարեան ֆեոդալիզմի ճանկերում խեղդամահ եղած երկրից ստեղծել էր մի ուրիշ, նոր, բոլորովին անճանաչելի երկիր: Նրա ձեռնարկած և իրագործած ուրիշ գործերի կարևորութիւնը երկաթուղու կառուցումից պակաս չէր:

Երբ Թեհրանի երկաթուղային կայարանը հասայ, նրա գեղեցկութեան և արդիականութեան վրայ սքանչազայ: Կառք վարձելով՝ Թեհրանում մերոնց բնակած տան հասցէն տուի: Հինգ տարւան ընթացքում՝ իմ բացակայութեան ժամանակամիջոցին, Թեհրանը բոլորովին փոխուած էր: Նախկին ծուռ ու մուռ և նեղիկ փողոցները միանգամայն անհետացել և նրանց փոխարէն կառուցուել էին լայն և ուղղահայեաց պողոտաներ: Պողոտաները և փողոցները բազմաթիւ գեղեցիկ խանութներով և տներով եզերուած էին: Ինձ այնպէս թաց, որ մոզական մի գաւազան մեծ յեղաշրջում էր կատարել:

Առաւօտեան ժամը 6-ին մեր տունը հասայ: Մերոնք իմ վերադարձի մասին թէև տեղեկութիւն ունէին, բայց այդ օրն ինձ չէին սպասում:

Թէ՛ իմ և թէ՛ ընտանիքիս ու երեխաներիս ուրախութիւնն աննկարագրելի էր: Մեր գրկախառնումներն ու փոխադարձ համբոյրները վերջ չունէին:

Մեծ երեխաս՝ Լևոնը, 12 տարեկան էր և հայկական դպրոցի իր վեցդասեան ուսումն աւարտել էր արդէն:

\*\*\*

Թեհրան հասնելուս երկրորդ օրը ներկայացայ երկաթուղագծի կառուցման առողջապահական մասի ընդհանուր վարչութեան գլխատր բժիշկ դոքտոր Թորֆէին, որն իմ ծառայութեան վերջին երեք տարիներում ինձ հետ լաւ բարեկամացել էր: Երբ իր սենեակը մտայ, նա ժպտալից գոհունակութեամբ ինձ դիմաւորեց և ձեռքս սեղմելով՝ ասաց.

– Պր. Սարհադեան, ձեր պաշտօնավարութիւնից շատ գոհ եմ մնացել: Եթէ ցանկանաք, ձեզ հիւսիսային երկաթուղագծի առողջական մասի երկու գլխատր կենտրոններից մէկն ու մէկը կուղարկեմ: Հիւսիսում առնուազն դեռ երկու տարւայ անելիք ունենք: Թեհրանի մեր այս կենտրոնական վարչութեան մէջ էլ գլխատր հաշիւապահի օգնականի պաշտօնը ձեզ կարող եմ տալ, բայց նկատի պիտի ունենաք, որ տեղումս չունիք համեմատաբար քիչ է:

– Յարգելի՛ դոքտոր, չափազանց շնորհակալ եմ ձեր՝ իմ նկատմամբ տաժած սիրալիրութեան և բա-

րեկամութեան համար,– պատասխանեցի հիմնարկութեան վարիչ դոքտ. Թորֆէին,– բայց ձեր թոյլտութեամբ, խնդրում եմ, ինձ իմ պաշտօնից ազատել: Եթէ կարելի է, բարի եղէ՛ք կարգադրելու, որ ինձ իմ հինգ տարիների պաշտօնավարութեան անհրաժեշտ վկայականը տրի:

– Անկասկած ձեզ պէտք եղած վկայականը կը տրի, բայց հետաքրքիր է իմանալ՝ ինչու՞ չէք ցանկանում ձեր պաշտօնավարութիւնը շարունակել:

– Այնպէս ասած, ամբողջ հինգ տարիների յարատև բացակայութիւնը կնոջիցս ու երեխաներիցս ինձ բաւական շատ յոգնեցրել է: Մտածում եմ, եթէ հնարատր լինի, մի անկախ գործով զբաղել: Միանգամայն համոզուած եմ, որ սրանից յետոյ էլ ձեր բարեկամական և բարոյական օժանդակութիւնից ինձ զրկելու չէք:

– Այդ մասին կարող էք միանգամայն վստահ լինել: Եթէ որևէ պարագայում կարողանամ որևէ կերպով ձեզ օգտակար լինել, երբեք չեմ խնայելու:

Դոքտ. Թորֆէն ինձ խոստացաւ անհրաժեշտ վկայականը տալ և հինգ տարւայ պաշտօնավարութեան համար էլ հինգ ամսւայ ժոճիկի վճարումը յաջողեցնել:

Չափազանց գոհ մնալով դոքտորի անկեղծ վերաբերմունքից և խոստացած օժանդակութիւնից՝ շնորհակալութիւն յայտնեցի և անցայ հիմնարկութեան գլխատր հաշիւապահի՝ Համիդ Թեհրանչու գրասենեակը: Սա էլ իր հերթին իմ կայացրած որոշումիս համար ցաւ յայտնեց և նոյնիսկ խոստացաւ սրանից յետոյ էլ մեր բարեկամական յարաբերութիւնները պահել:

Լիովին հնարատրութիւն ունէի գոնէ երկու-երեք ամիս հանգստանալու և ապագայ անելիքիս համար մտածելու:

Պարտք եմ համարում մի անգամ էլ կրկնելու, որ իմ ծառայութեան ամբողջ հինգ տարիների ընթացքին ամենավոր առիթ չունեցայ իմ գործակիցներիցս վշտանալու: Բացի դոքտ. Բահր վիրաբոյժից, որ սքանչելի բնատրութեամբ մի հրեայ էր, և երեք հոգի բժիշկներից, որոնք հայեր էին, բոլոր մնացեալ բժշկական, վիրաբուժական, դեղագործական և հիւանդապահական կազմը՝ թով մօտ 50 հոգի, պարսիկներ էին:

Ստիպուած եմ խոստովանելու, որ նախքան պարսիկ ժողովրդի՝ այս կրթուած դասակարգի հետ գործ ունենալը, չէի ենթադրում, որ նրանք այսքան կիրթ, բարեացական, յարգալիր և մանաւանդ աննախանձ պիտի լինէին: Յաճախ մտածում եմ, որ երանի չէ՞ր լինի, որ այս դրական յատկութիւններով մենք՝ հայերս էլ օժտուած լինէինք և մանաւանդ մեր ունեցած ակնբախ թերութիւնից՝ նախանձից, այսքան չտատապէինք:



ԵՐԿՐՈՐԴ ՊԱՏԵՐԱԶՄԻ  
ՆԱԽՕՐԵԱԿԻՆ

Մի շաբաթ յետոյ երկաթուղագծային առողջապահական գլխատուր հիմնարկութիւնից թէ՛ պաշտօնավարութեանս պատշաճ վկայականը և թէ՛ հինգ ամիսների արձակուրդիս վճարը լիովին ստացայ:

Տրամադրութիւնս բաւական լաւ էր: Հինգ տարիների ընթացքում Թեհրանից բացակայելու պատճառով ընկերներիցս, բարեկամներիցս զրկւած էի մնացել: Որոշեցի՞նք բարեկամական շրջանում մի հաւաքոյթ սարքել: Հաւաքոյթին 45-ի մօտ ընկերներ և մտերիմ բարեկամներ մասնակցեցին, և մի կարգին քէֆ սարքեցի՞նք:

Ընթրիքն ու գինարբուքը շատ հաճելի անցաւ: Զէֆին սազանդար էլ կար: Բազմաթիւ ճաշեր և բաժակաճաշեր խօսեցի՞նք: Թէ՛ մեր հիւրերը և թէ՛ մենք շատ ուրախ տրամադրութեամբ բաժանեցի՞նք: Հաւաքոյթը մասնատրապէս ինձ համար շատ հաճելի անցաւ:

1939 թի մայիսն էր: Եւրոպան պատերազմի նախօրեակի սարսափելի փոթորիկն էր ապրում: Խելացնոր Հիթլերը իրար յետևից Աւստրիան և Չեխոսլովակիան կոչ էր տուել արդէն և սպառնում էր ամբողջ Եւրոպային:

Իրանի հարաւի ու հիւսիսի ծայրամասերն իրար կապող երկաթուղագիծը Պարսից ծոցի վրայ նոր շինած նաւահանգստից՝ Բանդար-Շահփուրից, սկսում և հասնում էր Կասպից ծովի հարաւում գտնուող Բանդար-Շահ նաւահանգիստը: Երկաթուղագիծն օժտւած էր տեխնիկական վերջին կատարելութեան հասած շոգեկաթսաներով և բեռնատար վագոններով:

Սակայն այս միակ փոխադրական ճանապարհը անբաւական էր: Անհրաժէշտ էր Սուլթանաբադ-Ղօմ-Թեհրան քաղաքներից դէպի Չահեղան՝ Հնդկաստանի (ներկայ Փաքեստան) արևմտեան սահմանը տանող կանոնաւոր խճուղիներ ունենալ: Այդ ճանապարհների բացառիկ անհրաժէշտութիւնը կարևոր էր: Պատերազմի պարագային ամէն կերպ պէտք էր նախ և առաջ Իրանի հարաւային մասում՝ Խուզեստանում, և Պարսից ծոցի մօտերքում գտնուող նաւթառատ շրջաններն ապահովել և ապա տևական յարաբերութիւն և հաղորդակցութիւն պահպանել Իրան-Հնդկաստան ճանապարհով:

Մեծ թափով ձեռնարկեց Ղօմ-Սպահան-Եագդ-Քերման-Միլ-Նադերի-Բամ-Չահեղան ճանապարհի վրայ ընկնող խճուղիների նորոգութեան և նոր խճուղիների շինութեան գործը:

Այդ նպատակի իրագործման համար ֆինանսական լայն միջոցներ տրամադրեցի՞նք: Այդ ճանապարհների արագընթաց պատրաստութեան համար խոշոր գումարներ յորդել սկսեցի՞նք: Մի քանի կապալառու ընկերութիւններ յանձնառու եղան շտապ արագութեամբ նպատակադրւած ճանապարհները նորոգել կամ նորը սարքել:

ՇԻՆԱՐԱՐԱԿԱՆ ԸՆԿԵՐՈՒԹԻՒՆ

Բիշէում եղած ժամանակ ծանօթացել էի կապալառու-շինարարական գործերի մի թեքնիսիէնի (տեխնիկ) հետ: Այդ մարդը 35-ի շուրջ տարիք ունէր, կիսագրագետ եուզուսացի էր:

Նա կոչւում էր Լուկա Կադիէվիչ: Տարիներից ի վեր որմնադրութեան գործով Իրան էր եկել և կէս հայ, կէս ասորի ծագումով մի աղջկայ հետ ամուսնացել ու երկու երեխայ ունէր: Ասպարէզ գտնելով՝ հետզհետէ յառաջադիմել և շինարարական գործերում դարձել էր ճարտարապետի տեխնիկ-օգնական:

Թեհրան վերադառնալուց յետոյ Լուկան յաճախ ինձ մօտ, և երբեմն էլ ես նրա մօտ գնում գալիս էի՞նք: Նա ինձ առաջարկեց շինարարական մի ընկերութիւն կազմել:

– Շինարարական բազմաթիւ գործեր սկսել և սկսելու վրայ են,– ասաց նա:– Առիթը ձեռքից չպէտք է տալ: Գիտես, որ տեխնիկական-շինարարական գործեր կատարելու մասնագետ եմ: Անմիջապէս մի քանի հոգուց բաղկացած ընկերութիւն պիտի կազմել և գործի ձեռնարկել: Եթէ մեզ՝ որպէս կապալառու-շինարարական ընկերութիւն, չյաջողւի ուղղակի և անմիջական գործ վերցնել, շատ հեշտութեամբ որպէս երկրորդ աստիճանի կապալառու դառնալ և համեմատաբար լաւ շահել կարող ենք: Մինչ այդ ընկերութեան կազմութիւնը մենք երկուսով ի վիճակի կը լինենք մի փոքր գործ լրացնելու: Գիտեմ, որ պարսկերէնին լաւ տիրապետում ես և ներկայիս մարդկանց հետ լաւ ծանօթութիւններ ունես:

– Լաւ, ի՞նչ է այդ փոքր գործը, քանի՞ ամիս է տևելու, և շահելու ի՞նչ երաշխիք ունես,– հարցրի նրանից:

– Այս գործը ամենաուշը մինչև 5 ամիս կարող ենք վերջացնել և մեծ հաւանականութեամբ 30-35 հազար թուման շահել: Դա Թեհրանից 20-22 կիլոմետրի վրայ գտնուող Լաշքարակ կոչուող գետի ձախ ափին կառուցելիք երկու մետրանոց բարձրութեամբ և շուրջ 200 մետր երկարութեամբ բետոնէ պատի շինութիւնն է:

– Լաւ, իսկ ումի՞ց այդ գործը պիտի վերցնել:

– Թեհրանի ճանապարհների վարչութիւնից:

Դիմեցի՞նք վերոյիշեալ վարչութեանը: Բարեբախտաբար, կարողացանք գործը յաջողեցնել: Չերնիցկիյ անունով պարսկահպատակ դարձած մի գաղթական ռուս այդ վարչութեան ինժեներական մասի գլխատուրը և Նիկիտ Օրբելեանը այս վերջինիս օգնական ճարտարապետն էր: Այս երկուսն էլ մեզ բաւական շատ բարոյական օժանդակութիւն ցոյց տւին և մենք հինգ ամսից աւելի շուտ ծրագրւած քար-ցեմենտէ պատը սարքելով՝ յանձնեցի՞նք:

Դժբախտաբար, մեզմից որպէս երաշխիք պահւած ամբողջ գործի արժողութեան եօթը տոկոսի

(շուրջ տասն հազար թուման) ստացումը դժարացուցիչ է: Այդ բոլորից յետոյ մեզ՝ երկուսիս մօտ քսան հազար թումանի շահ մնաց, որից մենք շատ գոհ էինք:

\*\*\*

Այս սկզբնական գործի յաջողութիւնը մեզ քաջալերեց՝ ասելի մեծ գործի նախաձեռնելու: Մեր ծրագրած շինարարական ընկերութիւնը կազմեցինք և պատկան պաշտօնական հիմնարկութեան միջոցով վաւերացրինք: Ընկերութեան մասնակցում էին մեր երկուսիցս գատ երկու ուրիշներ ևս, մէկը՝ Վ. Եսայեան, իսկ միւսը Էլիաս անունով մի ասորի:

Մեր կազմած այս ընկերութիւնը մասնակցեց անգլիացիների նախաձեռնութեամբ և նրանց ֆինանսական միջոցներով կառուցելիք Միլ-Նադերի-Բամ ճանապարհի աճուրդին, բայց, որովհետև նախ՝ վկայած ճարտարապետ և ապա գործին անհրաժեշտ դրամագլուխը չունէինք, չկարողացանք յաջողել:

Վերոյիշեալ ճանապարհի աճուրդը Այվազ-գահէ անունով մի ասորի կարողացաւ շահել և նրա կառուցման մօտ 35 տոկոսը մեր ընկերութեան յանձնեց:

Աճուրդի տրամ գործի արժէքը սկզբում որոշած էր մէկ միլիոն 200 հազար թուման, բայց յետոյ այդ միլիոնը գործը բարձրացաւ 12 միլիոնի:

Մեր չորս հոգինոց ընկերութիւնը բաժնետիրական էր, որից 40 տոկոսն ինձ էր յատկացած, մնացեալ 60 տոկոսը 3 ընկերների մէջ հասասարապէս բաժանւած էր: Որոշւած մէկ միլիոն ընդ որամագլխի 60 տոկոսը կանխիկ, իսկ մնացեալը ըստ պահանջին վճարելի էր:

Մեր ընկերութեան, այսպէս ասած, որպէս երկրորդ ձեռք վերցրած գործի՝ ճանապարհի շինութեան կենտրոնավայրը Քերմանն էր: Պայմանագրի համաձայն՝ ես նշանակւած էի ընկերութեան կենտրոն-գործավայրի լիազօր ներկայացուցիչը: Իմ միջոցով պիտի կատարւէին բոլոր ծախսերն ու վճարումները: Մեր կատարելիք գործերի ամսական վիճակապատկերի գումարների վճարումն էլ ինձ էր լինելու: Մեր գործի իսկական կենտրոնը Քերմանից 54 կիլոմետր և Միլ-Նադերուն չհասած մի գիւղումն էր: Քարահանքի պատճառով այդտեղ էր ընտրւած իբր կենտրոն:

Քարահանքը հսկայ քարաժայռերի մօտ էր գտնուում: Դիմաձիտով քարաժայռերը պայթեցում և հանւած քարերը ճանապարհի շինութեան համար բեռնատար մեքենաներով փոխադրում էին:

Մեր ընկերութեան ստանձնած գործը մեր ունեցած միջոցների համեմատութեամբ անհամեմատօրէն մեծ էր: Շատ մեծ դժարութեամբ մեզ յաջողեց Թեհրանում 18 բեռնատարներ գնել: Դրանց արժէքը մեր գործի մէջ դրած դրամագլխի կրկինն էր: Մի

կերպ յաջողեցրինք դրանց մէկ երրորդ արժէքի կանխիկ վճարումը: Մնացեալ գումարի համար հետագայում վճարելիք մուրհակներ ստորագրեցինք:

Պէտք էր նոյնպէս մեծ քանակութեամբ բահեր, բրիչներ, փոխադրական փոքր երկաթասայլեր և գործին անհրաժեշտ ուրիշ միջոցներ հայթայթել:

Սկզբից իսկ դրամական մեծ նեղութեան ենթարկեցինք: Դժարութեան պատճառներից մէկն էլ այն էր, որ մեր եուգոսլաւ ընկերը՝ Լուկան, որպէս տեխնիկ-մասնագէտ, առանց մի ռիալ փող մտցնելու, քսան տոկոսով անվճար ընկեր էր դարձել:

### ԻՐԱՆԻ ԶԻՆՒՈՐԱԿԱՆ ԳՐԱՒՈՒՄԸ

1941 թի յունիս 22-ի լուսաբացին հիթլերեան բանակները, յարձակելով Խորհրդային Միութեան սահմանների վրայ, որ Ֆինլանդիայից մինչև Ռումանիա էր երկարում, կայծակնային թափով սկսեցին յառաջանալ և իրար յետևից գրաւել Խորհրդային Միութեան քաղաքները, ասաններն ու գիւղերը: Այդ կատաղի գրոհին մասնակցում էին 20 զրահապատ և 160 զօրաբաժիններ: Մի քանի օրից յետոյ այդ յարձակման միացան նաև ֆինլանդական, հունգարական, ռումանական և իտալական զինուորական միաւորներ:

Հիթլերը միանգամայն համոզւած էր, որ ամենաուշը մինչև 2-3 շաբաթ ռուսական բանակների դիմադրութիւնը կը փշրէր և Մոսկուան կը գրաւէր: Այս տարօրինակօրէն սխալ ենթադրութիւնը բաժանում էին նաև աշխարհի շատ խոշոր թով քաղաքագէտները:

Հիթլերը շփացած էր եւրոպական երկրների և մանաւանդ պատերազմական դիմադրական հռչակ ունեցող Ֆրանսիայի 15-20 օրերի մէջ կրած պարտութեան յաջողութիւններից: Նա պատմական խոշոր սխալ գործեց՝ հսկայական Ռուսաստանում ապրող ազգութիւնների ինքնասիրութիւնը վիրաւորելով և նրանց այդ ազգային զգացումներն արհամարհելով: Փոխանակ ամէն կերպ այդ ազգութիւններին սիրաշահելու՝ իր մասնաւոր ատելութեան թոյնը նրանց գլխին թափեց: Նա յիմարութիւն ունեցաւ իր զօրաբանակներին կարգադրելու, որ նրանք իրենց գրաւած երկրամասում ապրող ռուս, ուկրային և զանազան ազգութիւններին պատկանող բնակչութիւնն անխնայ և վայրագաբար կոտորեն և ոչնչացնեն: Այդ խելացնոր վայրագութիւնը պատճառ դարձաւ, որ միլիոնաւոր ռուս, բելօռուս, ուկրայնացի, բալթիկեան ազգերի և ուրիշ ժողովուրդների պատկանող մարդիկ միահամուռ և միահոգի միանան և երդւեն դիմադրելու ու մինչև իրենց արեան վերջին կաթիլը գոհեն հիթլերեան խելացնոր և վայրագ բռնակալութիւնն ու վանդալիզմը տապալելու համար:

Հիթլերն իր հաշիւների մէջ չարաչար սխալւած էր՝ կարծելով, որ Ռուսաստանում ապրող ազգու-

թիւնները հայրենասիրութիւնից և մարդկային ինքնապաշտպանութեան զգացումից ու դատողական ընդունակութիւններից գուրկ են:

\*\*\*

Հիթերը համոզուած էր, որ Խորհրդային Միութեան վրայ յարձակելուց յետոյ իրեն կը յաջողէր Անգլիայի հետ ժամանակաւոր անջատ հաշտութիւն կնքել և նրան իր Բրիտանական կայսրութեան կողմէն չէզոքացնելով՝ ամբողջ Եւրոպային, Ռուսաստանին և նրան ենթակայ ծովածաւալ երկրներին տիրել:

Բայց Հիթերը չարաչար սխալուած էր իր հաշիւներում: Ռուսաստանի վրայ կատարած մոլեգին և կայծակնային յարձակումից հազիւ 20 օր անց՝ յուլիս 12-ին, Անգլիան և Ռուսաստանը փոխադարձ օգնութեան դաշինք կնքեցին:

Երկրորդ համաշխարհային պատերազմի սկզբնաւորութիւնը խիստ շատ համառօտ նկարագրեցինք, որպէսզի կարողանանք Իրանին վիճակուած նրա անդրադարձումն ու հետևանքները ճշտել:

Անգլո-ռուսական յուլիս 12-ի փոխադարձ օգնութեան դաշինքի կնքումից գրեթէ անմիջապէս յետոյ այս երկու պետութիւնների կողմից Իրանին վերջնագրեր ներկայացուցին: Նրանց միակ և կարևոր պատրասկը գերման-հիթլերական լրտեսական կազմակերպութեան գոյութիւնն էր Իրանում:

Երկու պետութիւնների վերջնագրերից դեռ 48 ժամ չանցած հիսիսից՝ ռուսական և հարաւից՝ անգլիական զինուորական ուժերը 1941 թի 25 օգոստոսին մուտք գործեցին Իրան:

Իրանի ամբողջ ազգաբնակչութիւնը այս զինուորական գրաւումից դժգոհ էր:

Համաշխարհային պատերազմն սկսելուց դեռ տարիներ առաջ Իրանն իրեն չէզոք պետութիւն էր յայտարարել: Գերման լրտեսական կազմակերպութեան գործունէութիւնն էլ պարզապէս մի պատրասկ էր: Երկու դաշնակից դարձած պետութիւնների կողմից Իրանի գրաւումն էլ նրանց զինուորական ծրագիրների գործադրումն էր հետապնդում:

Գաշնակիցների համար Ռուսաստանին զինուորական և տնտեսական ամէն տեսակի օգնութիւն հասցնելու ամենակարճ և ամենաապահով ճանապարհը Իրանն էր:

Գերման ֆաշիստների կատաղի և փոթորկանման գրոհներին հակահարած տալու և նրանց պարտութեան մատնելու համար անգլիացիներն ու նրա դաշնակիցները ստիպուած էին Ռուսաստանին զինական արդիական բոլոր միջոցներով և պարենապաշարով օգնել և նրա դիմադրական կարողութիւնը բազմապատկել:

Իրանի համար այս զինուորական գրաւման հետևանքով պատճառած ամենամեծ դժբախտութիւ-

նը նրա հայրենասէր և վերստեղծող առաջնորդի՝ Մեծն Ռ-ըզա Շահի մեկուսացումն եղաւ: Նա իր անդրանիկ որդուն՝ թագաժառանգ Մոհամմադ Ռ-ըզա Փահլաւիին, յանձնեց թագաւորական իշխանութիւնը և Իրանից հեռացաւ:

Իր հայրենիքի բազմաթիւ և բազմազան բարենորոգչական և անգնահատելի ծառայութիւններ մատուցած և իր պաշտած երկիրը վերակերտման և յառաջադիմութեան պատաւներ ճանապարհին առաջնորդած Մեծ մարդը 1320 թի 25 Շահրիվարին (17 սեպտ. 1941 թ.) իր թագաւորական իշխանութիւնն իր թագաժառանգ որդուն յանձնելուց յետոյ սրտի անհուն կսկիծով և անսահման ափսոսանքով 5 Մեհրին (28.9.41) իր սիրելի հայրենիքն և ամէն ինչ թողնելով՝ հեռացաւ:

Թագաւորական իշխանութեան վերոյիշեալ յանձնումից մէկ շաբաթ առաջ՝ 10 սեպտ. 1941 թին, այդ օրերի խելօք և հեռատես վարչապետը՝ Ֆօրուդին, քաղաքական վտանգաւոր և խիստ ծանր դրութիւնը լաւապէս ըմբռնած և գնահատած, իր քաղաքականութեան հակառակորդների բարձրացրած բողոքներին և դժգոհութիւններին ուշադրութիւն չդարձնելով, արտակարգ ուշիմութեամբ և բացառիկ ճկունութեամբ Իրանի խորհրդարանին (Մէջլիս) հետևեալ համաձայնագիրը վաւերացնել տուց.

1. Իրանեան զինուորական ուժերը Անգլո-ռուսական զինուորական ուժերի կողմից հիսիսային, արևմտեան և հարաւային շրջանների գրաւմանը արգելք չեն հանդիսանալու:

2. Իրանեան իշխանութիւնների միջոցով բոլոր գերմանահպատակները ձերբակալելով՝ ռուսանգլիական դիւանագիտական ներկայացուցիչներին յանձնելու են:

3. Իրանեան երկաթուղին և ճանապարհները Ռուսաստան ուղարկելիք ռազմամթերքների փոխադրութեան յատկացուելու են:

4. Իրանը յանձնառու է լինում չէզոքութեան քաղաքականութիւնը և Անգլո-ռուս շահերի անվտանգութիւնը պահպանել:

5. Անգլո-ռուս իշխանութիւնները խոստանում և յանձնառու են լինում Իրանի իրաւունքները նախ վերաբերեալ ճանաչել, նրան տնտեսական դիւրութիւններ ընծայել և պատերազմի աւարտումից յետոյ իրենց զինուորական ուժերը Իրանից հեռացնել:

Իրանի հայրենասէր և հեռատես վարչապետ Ֆօրուդին վերոյիշեալ դաշնագրի առաջին 4 կէտերի զիջումները գիտակցաբար ստիպուած էր անելու, որպէսզի իր հայրենիքի հողային ամբողջականութեան և անձեռնմխելիութեան 5-րդ յօդուածը ռուսներին և անգլիացիներին ընդունել և ստորագրել տար: Ֆօրուդին իր՝ այս խելօք քաղաքականութեամբ իր հայրենիքի փրկութեան համար շատ մեծ ծառայութիւն մատուցեց:

Վերոյիշեալ պատմական խոշոր դէպքից ուղիղ 2 տարի 2 ամիս և 2 օր յետոյ երիտասարդ, ուշիմ և

քաղաքագետ թագաորի՝ Մոհամմադ Ռըզա Շահի անդուլ ջանքերի շնորհիվ Թեհրանում համաժողովի եկած դաշնակից պետությունների ղեկավարների (Ռուզվելտ, Չրչիլ, Ստալին) կողմից և Թեհրանի կոնֆերանսի անունից Իրանի ամբողջականության և անձեռնմխելիության վերաբերեալ հետևեալ յայտարարությունը հրատարակեց.

1. Իրանի տերիտորիալ ամբողջականությունն ու անկախությունը յարգում և ճանաչում է կոնֆերանսը կազմող 3 պետությունների կողմից:

2. Կոնֆերանսը դեպի Խորհրդային Միություն զինամթերքներ ուղարկելու համար Իրանի կողմից դաշնակիցների տրամադրության ներքև դրած երկաթուղագծի և ճանապարհների օգտագործման առթիվ շնորհակալություն և գնահատություն է յայտնում:

3. Դաշնակիցները յանձնառու են լինում պատերազմից յետոյ իրենց զինուորական ուժերն ամբողջ Իրանից հեռացնելու:

4. Դաշնակիցները նաև յանձնառու են լինում պատերազմի ժամանակ իրենց գրաման հետևանքով Իրանին հասցրած տնտեսական վնասները հատուցանելու:

Վերոյիշեալ պատմական թուականից 88 օր յետոյ՝ 1944 թի 27 փետրարին (Արեգակնային թի 6.12.1322-ին) Իրանի Խորհրդարանի 14-րդ շրջանը բացեց: Մի քանի ամսից Վեհապետի թելադրութեամբ և մի խումբ հայրենասեր պատգամաորների ջանքերով Խորհրդարանում մի շատ կարևոր օրենք վաւերացեց: Այս օրենքը հետևեալն էր.

«Իրանի զանազան շրջաններում գտնող բոլոր նաւթահանքերն ու նաւթառատ հողաշերտերը մենաշնորհի անունով և ձևով օտար որևէ պետութեան յանձնելը և նոյնիսկ նման մենաշնորհների շուրջ խորհրդակցութիւն կատարելը բացարձակապէս արգելում է»:

Այս վաւերացած օրենքի համաձայն՝ Իրանի հարաւում եղած նաւթահանքերն ու նրանց հետ առնչութիւն ունեցող ամբողջ տեխնիկական, տնտեսական, վարչական և այլ հիմնարկութիւնները անգլիական նաւթային ընկերութեան մենաշնորհից ազատեցին և ապա ազգայնացեցին: Միաժամանակ Խորհ. Միութեան արտաքին գործերի օգնական Քավթարիձէի առաքելութիւնը ձախողեց, և Իրանի հիւսիսային մասի՝ Սեմնանի նաւթի նախկին պայմանագիրը բեկանեց:

Համաշխարհային քաղաքական այս խառնիխուռն ժամանակաշրջանում նոր Իրանը կերտող մեծ հայրենասեր Ռըզա Շահը 1323 (1944) թի 4 Մորդադին հարաւային Աֆրիկայի Յոհանէսբուրգ քաղաքում իր մահկանացուն կնքեց: Նրա դին Կահիրէ փոխադրելով՝ յանձնեց եգիպտական պետութեան՝ որպէս աւանդ: Մի քանի ժամանակ յետոյ, երբ պատերազմի փոթորկով ալեկոծող աշխարհը խաղաղեց, Իրանի Խորհրդարանի կողմից

«Մեծ Թագաորի» տիտղոսին արժանացած մեծ հայրենասերի դին Թեհրան փոխադրեց և ամփոփեց իրեն արժանավայել հոյակապ պանթէոնում:

## ՄԻ ՔԱՆԻ ԽՕՍԸ ՍԻՐԵԼԻ ԻՐԱՆԻ ՄԱՍԻՆ

Պարծանքով պիտի յայտարարեմ, որ Համաշխարհային երկրորդ պատերազմի տևողութեան ամբողջ ընթացքին մի քանի հարիւր տարիներից ի վեր Իրանում հաստատուած, ինչպէս նաև պատերազմից առաջ և նրա տևողութեան շրջանին Իրան ապաստանած հայերը իրենց նոր հայրենիքում լիակատար ազատութիւն և քաղաքացիական իրաւահաւասարութիւն վայելեցին:

Թէ՛ նախկին Վեհապետ Մեծն Ռըզա Շահի և թէ՛ ներկայ երիտասարդ և իմաստուն Մոհամմադ Ռըզա Շահի ղեկավարութեան ներքոյ հայ փոքրամասնութիւնը իր եղբայրակից պարսիկ ժողովրդի մեծամասնութեան հետ համեմատաբար քաղաքացիական, ընկերային, տնտեսական, մշակութային, կրթական և այլ իրաւունքներից առանց որևէ սահմանափակումի և խտրութեան օգտուել է:

Երկրորդ պատերազմի արկածալից և դաժան օրերին իրանեան պետական և ապահովութեան իշխանութիւններից ամէն տեսակի քաղաքական ու քաղաքացիական հիմնարկութիւններից ոչ մէկը նոյնիսկ տարբեր վերաբերմունք չունեցաւ հայ փոքրամասնութեան մասին:

Ճիշտ է, եղան մի քանի երիտասարդ, անփորձ և անհեռատես հայեր, որոնք խաբուեցին և հրապուրեցին Իրանում օտարների հաշիւն գործող մի նորակազմ կուսակցութեան քարոզչութիւններից և խոստումներից, բայց դրանք որպէս հայ փոքրամասնութիւն չնկատեցին, այլ իրաւացիօրէն դասուեցին, գատուեցին և դատուեցին՝ որպէս վերոյիշեալ կազմակերպութեան անդամներ:

Իրանահայութիւնը համարեա ամբողջութեամբ օրինապահ, հաւատարիմ և նւիրած մնաց Իրանի պետական շահերի պաշտպանութեան ընդհանուր ուղեգծին ու քաղաքականութեանը:

Ես ու ինձ նման բազմահազար հայեր, որոնք առաջին պատերազմի օրերին տաճիկ իշխանութիւնների հայախալած ահռելի քաղաքականութեան թունալից, սպանիչ պտուղները ճաշակել ենք և մէկ միլիոնից աւելի հայրենակիցների սպանոյց ճորդարել ենք, մի՞թէ կարող ենք մեր երախտագիտական զգացումը մեր սրտերում պահել և բարձրաձայն չկանչել.

– Կեցցէ՛ Իրանի մեր եղբայրական ժողովուրդը: Կեցցէ՛ն նրա իմաստուն և մարդասեր Վեհապետն ու նրա պետական և վարչական իշխանութիւնները:

## ՄԻԼ-ՆԱԴԷՐԻՈՒՄ

Քերմանի և Բամի ճանապարհի միջև ընկած 32-35 կիլոմետրանոց արահետը մայրուղու վերածելու աշխատանքը յանձնում էր մեր կազմած չորս հոգի-նոց ընկերությունը:

Այվազ-գաղէ անունով մի ասորի իր երկու ուրիշ ազգակիցների հետ Քերման-Բամ երկարող ամբողջ ճանապարհը կապալով էր վերցրել և այդ մասի շինությունը յանձնել էր մեզ:

Մեր նորակազմ ընկերության անդամներից երկուսը՝ Էլիասն և Լուկան, գործը սկսելու համար մեկնել էին Քերման և այնտեղից էլ Միլ-Նադերի մերձակայ գործավայրը: Ես մնացել էի մի քանի ուրիշ բեռնատարներ էլ առնելու և նախապէս գնում բեռնատարները գործատեղին ուղարկելու և նրանց հաշիւները կարգաւորելու համար: Ինձ յաջողել էր արդէն 17 բեռնատարներ գործավայրն ուղարկել: Ուզում էի առնուզան երեք ուրիշներ էլ առնել և ուղարկել, երբ իմ գործակից Էլիասից հետևեալ հեռագիրն ստացայ.

«Անմիջապէս գործատեղին եկ: Գործերը վատ են գնում»:

Տարիներ աշխատել և չարչարել էի և առաջին անգամ ինձ «ժառանգություն» թողնում երկու բեռնատարների գործի վրայ վնասել և ամբողջ ունեցածս կորցնելով՝ «մաքրել» էի: Այս նոր գործի վրայ էլ առանց առաջ և յետ նայելու և անվախօրէն ամբողջ վեց տարիների մեծ նեղութեամբ խնայած, գրեթէ լրիւ ունեցածս էի դրել: Հասկանալի է ուրեմն ստացածս հեռագրի՝ մի ամբողջ հոգեկան և մտային վիճակի վրայ թողած յուսալքիչ ազդեցությունը:

Ի՞նչ կարող էի անել: Անմիջապէս գործատեղին մեկնեցի:

Մեր ստանձնած գործի համար քարեր էին պետք: Քարերը ճանապարհի շինութեան հիմքն էին կազմելու: Քարահանքը պահանջում քանակութեամբ քարեր յանձնելու ի վիճակի չէր: Հաշուեցի, 64 հոգի մեքենավար և օգնական, քարաշար և բանուր ունէինք: Դրանց օրական ռոճիկն այդ ժամանակներում մօտ հազար թուման էր: Եթէ մինչև 10-15 օր չկարողանայի գործը կարգի բերել, այդ 64 հոգին իրենց վարձքի պահանջի փոխարէն, ինձ կտորկտոր էին անելու: Ամենաբախտաւոր պարագային գիշերանց փախուստ պիտի տայի: Իսկ Թեհրանից ու՞ր կարող էի փախչել: Իմ և երկու ընկերներիս գործում դրած դրամագլուխն ի՞նչ էր լինելու:

Էլիասի հետ միասին մեր գործավայրից Քերման եկանք: Այվազ-գաղէի մօտ գնացինք և մեր դրութեան լրջութիւնը նրան բացատրեցինք: Նա խելօք և փորձում մարդ էր: Ամէն կերպ աշխատեց մեր վրդովմունքը մեղմել: Նա առհաշիւ մեզ մի գումար տւեց և խոստացաւ իր գրասենեակային կազմն ու հաշուապահութիւնն երկու օրայ ընթաց-

քում Քերմանից քարահանքի մօտիկ գտնուող գիւղը փոխադրել: Նա ատելացրեց.

– Պարոնայք, միանգամայն միամիտ եղէք: Չեր գործը ձախողելուց ես ձեզից շատ ատելի տուժելու եմ: Քանի որ դուք իմ ամենամեծ կապալառուն էք, ստիպւած եմ ամէն կերպ ձեր աշխատանքի հնարաւորութիւններն ապահովել: Նորից եմ կրկնում, համոզւած եղէք, որ մինչև 3-4 օր ձեզ անհրաժեշտ քարի քանակութիւնը կը յանձնի: Այսօր անգլիացի կապիտանը, որ մեր գործի անմիջական հսկողութեան պարտականութիւնն ունի, մեզ անհրաժեշտ քանակութեամբ դիմամիտը յանձնեց: Ինքս էլ անձամբ քարահանքի գործերին վերահասու կը լինեմ:

Մի քիչ սրտապնդում ընկերոջս հետ վերադարձանք մեր գործատեղին:

Այվազ-գաղէն իր տւած խոստումն իսկապէս կատարեց: Իմ ժամանման չորրորդ օրը գործի անցանք: Քարահանքը սկսեց մեր պահանջած քարի քանակութեան երեք չորրորդը յանձնել: Այդ քանակով էլ ուրախ էի, քանի որ նախքան քարաշարը, ճանապարհը պէտք էր հարթել և քարաշարից յետոյ նախ խոշոր և ապա մանր քարերի արանքն ու վրան ծածկել:

Միակ դժբախտութիւնը, որ մնացել էր, մեր «մասնագէտ-տեխնիկ» համարած Լուկայի անսահման թուամոռթութիւնն ու ծուլութիւնն էր: Նա գործի շահին մէկ հինգերորդին, առանց մի սև փող դրամագլուխ դնելու, ընկերակցել էր և կարծես չէր էլ մտածում անհանգստանալ գործի արագ կատարման և աւարտման համար:

Ճար չունէի: Կռիւ-դալմադալ սարքելուց խորշում էի: Վճռեցի նրան իր ծուլական ցանկութիւնը թողնելով՝ մի կերպ չէզոքացնել նրա երևակայական և ինքնահաւան անհրաժեշտութիւնը: Էլիասին խնդրեցի մեքենաների արագ բեռնաւորման և քարի փոխադրութեան գործերին հսկել: Պիտի խոստովանեմ, որ այս ասորի գործակիցս միւս ետագույլս «մասնագէտ»-ից բոլորովին տարբեր էր: Նա իրապէս ջանում էր գործին հնարաւորին չափ շատ օժանդակել: Ինքս էլ յանձնառու եղայ ճանապարհի շինութեան վրայ աշխատող քարաշար վարպետներին և միւս բանուրների գործերին հսկել:

Գործի արագընթացութեան և յաջողութեան համար մեծ ճիգ էի գործ դնում: 24 ժամայ ընթացքում հազիւ կարողանում էի 4-5 ժամ քնել: Միայն անքնութիւնն էր ինձ տանջում: Լուկան տեսնելով, որ առանց իր օգնութեան էլ գործը կարգին գնում է, ջղայնանում և ինքն իրեն հայիոյում էր: Էլիասի միջոցով փորձեցի նրան համոզել, որ Թեհրան վերադառնայ: Մտածում էի նրա անցանկալի ներկայութիւնից միանգամայն ազատել: Իմ՝ նրա հետ ունեցած փոխարարութիւնը բարեկամական լինելուց շատ հեռացել էր: Էլիասի հետ նրան խոստացանք, թէկու՞ թեհրան էլ վերադառնալու լինի, իրեն հասնելիք բաժինը վճարել: Սկզբում համաձայնեց,

բայց յետոյ յետ կանգնեց: Պարզ է, որ մեզ վստահել չէր ուզում:

Էլիասի միջոցով Այվազ-զադէից խնդրեցի նրա համար մեր բաժնից կամ ուրիշ տեղում առանձին գործ յատկացնել: Գործի բնոյթին ծանօթանալուց յետոյ մերժել էր և յայտնել, որ այդպիսի մարդուն վստահել չի կարող:

Ճար չունէի: Վճռեցի նրա յիմար վերաբերմունքը կու տալ և մի կերպ, մինչև որոշւած գործի վերջաւորութիւնը քաշ տալ:

18 ամսից մեզ յանձնւած գործը յաջողութեամբ վերջացրինք: Գործի ընթացքում մի քանի անգամ Այվազ-զադէի և նրա ճարտարապետի հետ, որ նոյնպէս ասորի էր, գլխացաւանքներ և վիճաբանութիւններ ունեցանք: Վիճաբանութիւններից ամենակարևորը գործի մետրաչափի արժէքի վրայ էր: Այվազ-զադէն սկզբում գործը վերցրել էր մէկ միլիոն երկու հարիւր հազար թումանով:

Այդ միևնոյն գործը՝ ճանապարհի հողաշինութիւնը, քարաշինութեան էր փոխւած: Անգլիացիները, որոնք պատերազմի ժամանակ տարօրինակօրէն և արտակարգօրէն առատաձեռն էին, ուղիղ տասն անգամ աւելի արժէքաւորեցին և իհարկէ վճարեցին:

Այվազ-զադէն սկզբում շատ յամառեց մեզ վճարելիք արժէքը չաւելացնել, բայց գործի վերջաւորութիւնից առաջ գնահատելով կատարւած գործի անթերութիւնը՝ չցանկացաւ մեզ դժգոհ թողնել և վճարեց գրեթէ այն գումարը, որ մենք պահանջում էինք:

Մօտ երկու տարի տևող այդ գործից, թէև ջղերի և ճիգերի կատարեալ լարումով վերջացրած, մենք բաւական լաւ շահեցինք:

Ամբողջ այդ երկու տարւայ ընթացքում նորից իմ ընտանիքից ու երեխաներից զրկւած մնացի և չփորձեցի, աւելի ճիշտ, ժամանակ և հնարաւորութիւն չունեցայ նրանց այցելելու համար Թեհրան գնալ:

Թեհրան վերադառնալուց յետոյ իմ մէջ որոշում տուի, որ ապագայում աշխատեմ խուսափել այդպիսի երկարատև բացակայութիւններից: Գործի ընկերս՝ Էլիասը, որից միանգամայն գոհ էի մնացել, մի քանի անգամ փորձեց նորից միասին նոր գործեր ձեռնարկել, բայց ես չուզեցի համաձայնել:

### ՕՏԱՐ ՁԻՆԻՈՐԱԿԱՆ ՈՒԺԵՐԻ ՀԵՌԱՅՄԱՆ ՊԱՀԱՆՁԸ

1945 թի մայիսին Համաշխարհային երկրորդ պատերազմը փաստօրէն վերջացել էր: Գերմանիան առանց պայմանի յանձնուել էր: Նրանից յետոյ Իրանում մի շարք շատ կարևոր դէպքեր տեղի ունեցան, որոնց յիշատակումը իրենց ընծայած կարևորութեան տեսակէտից անհրաժէշտ է:

Իրանեան թի Մորդադ 12-ին Փոքսդամում, Թրումանի, Չըրչիլի և Ստալինի մասնակցութեամբ տեղի ունեցած համաժողովում վճռեց Իրանից հենացնել զինուորական գրաման օտարազգի զօրամասերը: Դժբախտաբար այդ զօրամասերի հեռացումը բաւական շատ ձգեց:

Վերոյիշեալ համաժողովից 3 օր յետոյ ամերիկացիները, իրենց առաջին ատոմական ռումբը ճապոնական Հերոշիմա քաղաքի վրայ պայթեցնելով, այդ դժբախտ քաղաքը քարոքանդ և տակն ու վրայ արին:

Այս աննախընթաց դժբախտութիւնից 5 օր յետոյ Ճապոնիան իր հերթին, առանց պայմանի, անձնատուր եղաւ: Այսպիսով համաշխարհային պատերազմը Փոքսդամի համաժողովից միայն ութ օր յետոյ բոլորովին վերջացել էր, և Իրանն իրաւունք ունէր պահանջելու, որ օտար զինուորական ուժերն անմիջապէս դատարկեն իր ամբողջ երկրամասը:

Համաշխարհային երկրորդ պատերազմի կատարեալ վերջաւորութիւնից մի ամիս յետոյ իրանեան կառավարութիւնը Անգլիային, Խորհրդային Միութեան և Ամերիկային յուշագրեր ուղարկեց և նրանցից պահանջեց յարգել իրենց թէ՛ Թեհրանի և թէ՛ Փոքսդամի համաժողովների որոշումները, վեց ամսւայ ընթացքում Իրանը լրիւ պարպել և երկաթուղային փոխադրութիւնների հաշիւներն ու զինուորական գրաման հետևանքով երկրին հասած վնասները հատուցանել:

Մի ամիս յետոյ կառավարութեան վերոյիշեալ պահանջն օրինականացնելու և այդ պահանջին նեցուկ հանդիսանալու նպատակով Իրանի խորհրդարանը հետևեալ բանաձևը քւէարկեց.

«Իրանի Մէջլիսի նոր ընտրութիւնները մինչև դաշնակից ուժերի երկրից հեռացումը տեղի չեն ունենալու»: Բանաձևը միաձայնութեամբ վաւերացւեց:

Կառավարութեան՝ երեք դաշնակից մեծ պետութիւններին իրենց զինուորական ուժերի դատարկման պահանջով ներկայացրած յուշագրերից մօտ երեք ամիս անց իրանեան Ադերբայջանում «Դեմոկրատ» անունով մի կուսակցութիւն կազմեց: Այս կուսակցութեան կենտրոնը Թաւրիզն էր ընտրւած, և ղեկավարում էր Փիշավէրի անունով մի անձնատրութեան միջոցով: Դեմոկրատ կուսակցութիւնը իրանեան Ատրպատականն ինքնավար յայտարարեց և իր ցանկութեան համաձայն՝ ինքնավար կառավարութիւն և նոյնիսկ խորհրդարան ընտրեց:

Բազմաթիւ փորձեր կատարեցին այս իշխանութիւնը Թեհրանի կենտրոնական կառավարութեան ենթարկելու նպատակով, բայց բոլորն էլ ձախողւեցին: Թաւրիզից այդ իշխանութեան կողմից պատգամաւորներ Թեհրան եկան և պահանջեցին, որ կենտրոնական կառավարութիւնն իրենց պաշտօնապէս ճանաչի: Վեհապետն ու նախարարական

խորհուրդը կտրականապես մերժեցին նրանց այդ պահանջը: Վեհապետը խիզախօրէն յայտարարեց. «Աւելի շուտ ձեռքս կը կտրեմ քան թէ կը համաձայնեմ իմ երկրի հարազատ և ընդարձակ ու բարգաւաճ մահանգը իմ հայրենիքից կտրել և անջատել...»:

Եւ Վեհապետի կարգադրութեամբ այդ ինքնաբոյս և ինքնագլուխ իշխանութիւնը տապալելու և ձեռնարկողներին ձերբակալելու ու պատժելու որոշումով զինուորական ուժեր և զինական անհրաժէշտ միջոցներ ուղարկեցին: Բայց ռուսական զինուորական հրամանատարութիւնը, Ատրպատական ուղարկած պետական զօրքի և զինամթերքի առաջ Ղազին քաղաքին չը հասած, Շարիֆաբադ գիւղում կտրեց և նրանց յառաջխաղացման արգելք եղաւ:

Երկրի ներքին գործերի մէջ կատարած այս անտեղի միջամտութիւնը իրանեան կառավարութեան ստիպեց Լոնդոնում գումարած Միացեալ Ազգերի Ժողովին, որն իր ամենաառաջին նիստն էր գումարել, բողոք ներկայացնել և խորհրդային իշխանութեան կողմից երկիրը չպարպելու համար գանգատել:

Միացեալ Ազգերի Ժողովին ներկայացած բողոքից մի ամիս անց՝ 20 փետրար 1946 թին, նոր ընտրած վարչապետ Ղաւամ-Սալթանէի գլխաւորութեամբ քաղաքական և վաճառականական ծրագրով մի ներկայացուցչական մարմին խորհրդային իշխանութիւնների հետ բանակցելու համար Թեհրանից Մոսկւա մեկնեց:

Ուղիղ մի ամիս յետոյ վարչապետ Ղաւամ-Սալթանէն իր գլխաւորած ներկայացուցչական կազմի հետ միասին Թեհրան վերադարձաւ:

Բանակցութիւնների արդիւնքը նպաստաւոր էր: Խորհրդային կառավարութիւնը Ղաւամ-Սալթանէին խոստացել էր ամենաուշը մինչև երեք ամիս իր զինուորական ուժերն ու զինուորական վարչակազմը և զինամթերքը Իրանից հեռացնել:

1946 թի մարտ 2-ին, այսինքն՝ Ղաւամ-Սալթանէի Մոսկւա մեկնելուց 12 օր յետոյ, անգլիացիներն իրենց ունեցած զինուորական ուժերը մինչև ամենավերջին զինուորը հեռացրին և այդպիսով Իրանի զինուորական գրամանը վերջ տւին:

Ռուսական կառավարութեան Ղաւամ-Սալթանէին տւած հաւաստիացումներին վստահել չցանկանալով՝ Ալան Իրանի այդ ժամանակների լիազօր դեսպանը, առաջին անգամ Իրանի Լոնդոնում յարուցած բողոքը Նիւ-Եորքում գումարած Միացեալ Ազգերի Ժողովում նորոգեց և ՍԱԿ-ից պահանջեց կարգադրել խորհրդային զինուորական ուժերի հեռացումն իր երկրից:

Բարեբախտաբար, խորհրդային կառավարութիւնը Ղաւամ-Սալթանէին տւած իր խոստումը ճիշտ ժամանակին, այսինքն՝ երեք ամիս յետոյ կատարեց: 1325 (1946) թի Խորդադ 1-ին Իրանի խորհրդային դեսպանը իր պետութեան պատկա-

նած զինուորական ամէն տեսակի ուժերը Իրանից հեռացած լինելու պարագան պաշտօնապէս յայտարարեց:

Իրանի ամբողջ ազգաբնակչութիւնը՝ առանց ցեղի ու դաւանանքի խտրութեան, բախտն ու երջանկութիւնն ունեցաւ իր հայրենիքի ազատագրման և անկախութեան կատարած փաստով հրճելու: Նա այնուհետ ձգտում էր վիրահատելու և դէն շարտելու իր մարմնի վրայ գոյացած վերջին թունատր պալարը:

## ԱՏՐՊԱՏԱԿԱՆԻ ԱԶԱՏԱԳՐՈՒՄԸ

Իրանը գրաւող ռուսական ուժերի և բոլոր տեսակի զինուորական կարգ ու սարքի հեռացումից և պարպումից յետոյ Ատրպատականում գործի գլուխ եկած «Դեմոկրատ» կոչւած կուսակցութիւնը յամառում էր իր հիմնած «ինքնավար իշխանութիւնը» պահպանել: Նրանք իրենց կամայական իշխանութեան ենթարկել էին ամբողջ Արևելեան և Արևմտեան Ատրպատականը և հասել էին մինչև Մարաղա, Ջանջան և նրանց շրջանները: Այս դեմոկրատներին յաջողւել էր նոյնիսկ Իրանի քրդաբնակ մի ընդարձակ հողամասի վրայ Ղազի Մոհամմադի գլխաւորութեամբ մի ինքնավար «քրդական հանրապետութիւն» հիմնել:

Այս երկու ինքնաբոյս իշխանութիւնները իրար հետ սերտ գործակցութեան մէջ էին և ձգտում էին կատարելապէս անկախ դառնալով՝ իրենց տիրապետած հողամասերը, որոնք Իրանի բերքառատ և բարգաւաճ շրջաններն էին, կենտրոնական իշխանութիւնից և տիրապետութիւնից վերջնականապէս անջատել:

Կասկած չկար, որ նրանց՝ այդ անջատողական և հայրենուրաց ծրագիրը յաջողութիւն ունենալ չէր կարող: Այդ ըմբոստ իշխանութիւններն իրենց կարճատև տիրակալութեան ներքև գտնուած ազգաբնակչութիւններին ծայրայեղօրէն դժգոհ էին թողած: Մանաւանդ դեմոկրատների իշխանութիւնը տեղական ժողովրդի համար միանգամայն օտար և անհարազատ էր և իր կամայական և բռնի արարքներով հարիւր հազարատրոնների ատելութիւնն ու վրէժխնդրութիւնը չափազանց գրգռել էր:

Այս պարագան կենտրոնական կառավարութեան և մանաւանդ Վեհապետի համար բացայայտ էր: Երբ դեռ ժամանակի կառավարութիւնը տատանում էր կտրուկ միջոցների դիմելու, խիզախ հայրենասէր թագաւորը չվարանեց վճռական և կտրուկ քայլերի դիմելու: Նա բանակին հրահանգ տուց անմիջապէս Թարիզ մեկնել և այնտեղ դեմոկրատների հաստատած հայրենադատութեան բոյնը քարուքանդ անելով՝ նրանց անհարազատ իշխանութիւնը ցրի տալ:

Բանակի արագընթաց յառաջխաղացմանը տեղական բնակչութիւնը, որը դեմոկրատների կարճա-

տև, բայց ծայրայեղորեն կամայական և բռնակալ իշխանությունից անսահմանորեն դժգոհ էր մնացել, անձնուրացորեն օժանդակեց և իր հայրենի բանակին թև ու թիկունք հանդիսացաւ: Յարձակող բանակին համընթաց և ուս ուսի ոտքի կանգնեց նաև ինքը՝ ազգաբնակչությունը:

Իրանեան 1325 (1946) թի 21 Ազարին՝ պետական բանակի Թարիզ քաղաքի վրայ սկսող յարձակման երրորդ օրը՝ 23 Ազարին, ամեն ինչ արդեն վերջացած էր, և Իրանի անգնահատելիորեն թանկագին զոհարը հանդիսացող ամբողջ Ատրպատականը՝ իր բոլոր քաղաքներով, ասաններով և շրջապատով, դեմոկրատների բռնակալ տիրապետությունից ազատագրել էր: Իրանի ամբողջ ժողովուրդը, մանաւանդ Ատրպատականի բնակչությունը, այս ազատագրությունը սրտաբուխ խրախուսանքներով տօնեց և Ազար 21-ը իր ազգային ամենամեծ տօներից մեկը թարկեց:

Իրենց տիրակալութեամբ յոխորտացող դեմոկրատներն իրենց կաշին փրկելու համար գլխապատառ ճողոպրել և ժողովրդական վրէժխնդրությունից ազատել կարողանալու յոյսով երկրի սահմաններից դուրս փախուստ էին տւել:

21 Ազարից 108 օր յետոյ՝ 10 Ֆարվարին 1326 (1947) թին, «Ինքնավար Քորդիստան»-ը կազմող երեք պարագլուխները՝ Ղազի Մոհամմադը իր եղբոր՝ Սադր-Ղազիի և Մէյֆ-Ղազիի հետ Մահաբադում, զինուորական դաշտային դատարանի կողմից դատուելով, գնդակահարման ենթարկեցին:

Իրանի ծառայան ծրագիրն ու վտանգը լուծարքի էր ենթարկել:

#### ԿԱՐԵՒՈՐ ԴԷՊԶԵՐ ՄԻՆՉԵՒ 28 ՄՈՐԴԱԴ

Երկիրը զինուորական գրաման ենթարկած դաշնակից ուժերի վերջնական հեռացումից, այսինքն՝ իրանեան 1325 (1946) թի 3-րդ ամսի սկզբից մինչև 1332 (1953) թի 28 Մորդադ ամիսը, 7 տարւայ և 3 ամսւայ ընթացքում մի շարք շատ կարևոր դէպքեր տեղի ունեցան, որոնք խորապէս տպաւորել են բոլոր իրանցիների և նրանց շարքում իմ մտքում, և որոնց վերլուծումը անօգուտ չի կարելի համարել:

Կատարած բոլոր այս դէպքերի նպատակները երկրի մայրաքաղաք Թեհրանում և զանազան կարևոր քաղաքներում և շրջաններում ամեն տեսակի խռովություններ սարքելն էր: Այս խռովությունների մեծագոյն մասի հեղինակները «Թուղէ» կոչող կազմակերպութեան պատկանող մարդիկ էին և օտարների հանդէպ համակրություն և հակում էին ցոյց տալիս:

1325 (1946) թի Մեհր ամսի 2-ին Ղազալի կոչւած ցեղախումբը, կենտրոնական կառավարութեան դէմ ընթոստանալով, երկրի կարևորագոյն

մահանգներից մեկում՝ Ֆարսում, անկախութիւն յայտարարեց: Այս ցեղախումբն իր գլխատր դեկավարի՝ Նասէր Ղազալիի ցուցմունքով և դեկավարութեամբ պետական զօրքի դէմ կռիւ բռնեց և տասն օրւայ ընթացքում Բուշեր քաղաքն ու նրա մաքսատունը, ինչպէս նաև Քազրուն քաղաքը գրաւեց: Բարեբախտաբար, այս ընթոստությունն երկար չը տևեց և 15 օրից լուծարքի ենթարկեց:

1326 (1947) թի Թիւր (թարգմ. մայիս-հունիս) ամսի 25-ին երկրի օրէնսդրական ժողովի 15-րդ շրջանը բացեց, և դրանից 5 օր յետոյ Թեհրանի ջրաբաշխ խողովակների աշխատանքն սկսեց:

Նույն տարւայ Մեհր ամսի 29-ին երկրի վարչապետ Ղաւամ-Սալթանէի՝ Խորհրդային լիազօր դեսպանի հետ Իրան-Խորհրդային նախային խառն ընկերութեան կազմութեան համար եղած համաձայնությունը Իրանի 15-րդ Մէջլիսի կողմից բեկանեց:

Այդ համաձայնութեան բեկանումից յետոյ վարչապետ Ղաւամ-Սալթանէն, Մէջլիսի կողմից վստահութեան քիւ ստանալ չկարողանալով, հրաժարեց: Նրան յաջորդեց Հաքիմի մինիստրական խորհուրդը, որ նոյնպէս 5 ամիս և 12 օրից յետոյ հրաժարեց: Վերջինիս փոխարինող Հաժիրի վարչապետութեան դէմ Մէջլիսի հրապարակում մեծ ցոյցեր և ընդհարումներ կատարեցին, որոնք կարգապահ ուժերի միջամտութեամբ վերջացան:

Հաժիրի կառավարությունը նոյնպէս չկարողացաւ յարատւել և Մէջլիսի կողմից վստահութեան քիւ ստանալ չյաջողելով՝ հրաժարեց: Մի շաբաթ յետոյ Մոհամմադ Սաէդի վարչապետութեամբ նոր կառավարություն կազմեց:

1327 թի 15 Բահմանին Թեհրանի համալսարանի հիմնարկէքի տարեդարձի առթիւ Վեհապետն այդ տօնակատարութեան ներկայացաւ: Դժբախտաբար, երկրի խռովութեան և խառնակութեան ձգտող ու ներկայ իրաւակարգի թշնամի և դաւադիր տարրերի կողմից կազմակերպւած մի մահափորձի ենթարկելով՝ գլխից և ուսից վիրաւորեց: Մահափորձն ձեռնարկող անձնաւորութեանը՝ Նասէր Ֆախր-Արային, տեղն ու տեղը սպանեցին, որպէսզի դաւադրութեան գաղտնիքները և նրա կազմակերպողները չըրսւորեն: Յաջորդ օրը Թեհրանում զինուորական դրութիւն հաստատուեց, և կառավարութեան կողմից «Թուղէ» կուսակցութիւնը ապօրինի և լուծւած յայտարարեց:

Երկուս ու կէս ամիս յետոյ՝ 1328 (1949) թի Օրդիբեհէշտ 1-ին հիմնադիր ժողով գումարեց, և թագաւորական իրաւասութիւններին վերաբերող 44-րդ և 48-րդ յօդւածները վերաքննութեան ենթարկեցին: Այդ յօդւածների հիման վրայ երկու օրէնսդրական մարմինների՝ Խորհրդարանի և Ծերակոյտի կողմից տրւած որոշումները թագաւորի վաւերացման ենթարկուելու էին:



## ԱՆԳԼՕ-ԻՐԱՆԵԱՆ ՆԱԻԹԻ ԱԶԳԱՅՆԱՅՈՒՄԸ ԵՒ ՆՈՐ ԴԷՊԶԵՐ

Համաշխարհային երկրորդ պատերազմի՝ Իրանին թողած ժառանգությունները քաղաքական արտաքին և ներքին կեանքում բառական շատ բացասական արդյունքներ տուին:

Երկրի կարգ ու կանոնը, հանգստությունը, ինչպես նաև տնտեսական կայուն վիճակը խանգարելու, նոյնիսկ կործանելու նպատակով բազմաթիվ փորձեր և դէպքեր կատարեցին:

Կենտրոնական կառավարության ուժը և թագաւորական իրաւունքներն ու ազդեցութիւնը թուլացնելու և չէզոքացնելու ուղղութեամբ փորձեր և գործեր կատարեցին:

Մասնաւորապէս չորս ու կէս տարւայ ընթացքում (իրանեան 15 Բահման 1327 (1948) թից մինչև 28 Մորդադ 1332 (1953) արեգ. թիւը) համարեա ամէն շաբաթ, նոյնիսկ ամէն օր անկարգութիւններ, խլրտումներ, ընդհարումներ, ըմբոստութիւններ, կռիւ և սպանութիւններ և ամէն տեսակի վայրիվերումներ կատարեցին: Իրանի արտաքին քաղաքական վիճակը, երկրի ներքին ապահովութիւնը, ազգաբնակչութեան անդորրութիւնը և վերջապէս քաղաքական, պետական, հաւաքական և նոյնիսկ անհատական կեանքում ամէն ինչ փորձանքի, խափանման ու կործանման արկածախնդրութեան հասցրին:

Իրանում գոյութիւն ունեցող «Թուղէ» կոչւած կազմակերպութիւնն ապօրինի յայտարարելուց յետոյ շատ մեծ եռանդով ու թափով իր ընդլայտակէայ գործունէութիւնը շարունակում և բոլոր խռովայտյոզ վայրիվերումների և դէպքերի մէջ իր թելադրող և ղեկավարող բաժինն ունէր:

1329 (1950) թի Մեհր 15-ին Իրանի ծերակուտական ժողովն իր բացումը կատարեց: Հինգ օր յետոյ Անգլո-իրանեան հարաւային նաւթի քաշքշուկն սկսեց, և այդ առթիւ Խորհրդարանի կողմից օրւայ կառավարութիւնը հարցապնդման ենթարկեց: Այդ քաշքշուկն սկսելուց գրեթէ անմիջապէս յետոյ՝ Աբան 12-ին, Իրան-Խորհրդային առևտրական պայմանագիրը ստորագրուեց:

Նաւթի քաշքշուկի ամենաառաջին և ամենացաւալի գոհը զինուորական սպարապետ և ժամանակի վարչապետ հեռատես և գործունէայ Ռ-ազմարան եղաւ:

1329 (1950) թի Էսֆանդ 3-ին Մէջլիսում մի խումբ պատգամաւորների կողմից, որոնց առաջնորդը դոքտ. Մուսադդէդն էր, Անգլո-իրանեան նաւթի ազգայնացման առաջարկը տրուեց: Ռ-ազմարան այդ ժամանակւայ պայմաններում նաւթի ազգայնացումն անգործնական և անօգուտ էր համարում: Մի քանի օրից յետոյ՝ Էսֆանդ 16-ին, վարչապետ Ռ-ազմարան Խալիլ Թահմասէբի անունով մի արկածախնդրի արձակած գնդակներով Մասչէդ-Շահում սպանեց:

Այս սպանութիւնը նոր խլրտումների պատճառ դարձաւ: Խուզեստանի նաւթային բանորները գործադուլ յայտարարեցին, որից յետոյ զինուորական դրութիւն յայտարարեց: Այդ օրերին սպանեց նաև դոքտ. Ջանգեանէն՝ համալսարանի իրաւաբանական ֆակիւլտէի վարիչը:

Ալայի 50-օրեայ վարչապետութիւնից յետոյ՝ 1330 (1951) թի Օրդիբէհէշտ 7-ին, Մէջլիսի կողմից վարչապետ ընտրուեց նոյն Մէջլիսի անդամ դոքտ. Մուսադդէդը, որ Խորհրդարանում նաւթի ազգայնացումը պահանջող պատգամաւորների գլխաւորն էր:

\*\*\*

Մուսադդէդի վարչապետութեան յաջորդ օրն իսկ Մէջլիսի կողմից քէարկուեց և վաւերացուեց նաւթի ազգայնացման օրէնքը: Երկու օր յետոյ՝ Օրդիբէհէշտ 10-ին, այս օրէնքը վաւերացուեց նաև Ծերակոյտի (Մենատ) կողմից: Թագաւորն էլ այդ օրէնքը հաստատեց: Նաւթի ժամանակաւոր վարիչ մարմին ընտրուեց և նաւթի հիմնարկութիւններն ազգայնացնելու և նախկին ընկերութիւնից ստանալու համար Աբադան ուղարկուեց: Ժամանակաւոր վարիչ մարմնի գլխաւորը Մաքին էր:

Անգլիական կառավարութիւնը իր քաղաքացիների անվտանգութեան անւան տակ պատերազմական նաւեր Պարսից ծոցն ու Աբադան ուղարկեց, իսկ 25 օր յետոյ նաւթի պայմանագրի միակողմանի բեկանման համար Լահէի Միջազգային դատարանին իր գանգատը յանձնեց: Անգլիական կառավարութիւնը բողոքել էր նրա համար, որ Իրանի կառավարութիւնը հաշտարար դատարանի և երկուստեք բանակցութիւնների միջոցով խնդիրը լուծելու՝ իրենց բերած առաջարկը մերժել էր:

Նաւթի ազգայնացման դէպքերը պատճառ դարձան, որ խռովարար և խափանարար տարրերը, առիթից օգտուելով, իրենց կործանարար գործունէութիւնն ամենուրեք և ամէն ուղղութեամբ ուժեղացնեն: Ամէն տեղ խափանարարութիւնը, խառնակութիւնը, ընդհարումներն և սպանութիւնները դարձել էին սովորական իրողութիւն:

1330 (1951) թի Ազար 14-ին Թեհրանում ուժեղ խառնակութիւններ տեղի ունեցան: Համալսարանի ուսանողները, դպրոցական աշակերտները մէկ կողմից և գանազան կուսակցութիւնների և հոսանքների պատկանող բազմութիւնները միւս կողմից, իրար գլխի թափուելով, տեղի տուին բազմաթիւ սպանութիւնների: Մի քանի թերթերի տպարանները խորտակուեցին, կողոպուտեցին և այլուեցին: Ջինուրական ուժերի ազդու միջամտութեամբ հազիւ կարելի եղաւ վերջ տալ այդ բոլորին:

Երկու ամիս անց նոյն դէպքերը Չաբօլի գաւառական կենտրոնում կրկնուեցին: Բազմաթիւ սպանութիւններ կատարեցին: Սպանուեց նաև գաւառապետը:

Բոլոր այս խառնակութիւններից յետոյ «Թուղէ» կուսակցութեան ընդյատակեայ գործունէութեան կենտրոնն ու նրանց օրգան «Մարդոմ» թերթի խմբագրատունը յայտնաբերեց:

Նաթի խնդրի կարգաւորման համար անգլիացիների առաջարկներն ու բանակցութիւններն ապարդիւն մնացին: Այս իսկ պատճառով նրանք բողոքեցին Միացեալ Ազգերի Ժողովին: Դոքտ. Մոսաղդեղը, մի պատգամաւորութեան գլուխն անցած, Նիւ-Եօրք՝ Ազգերի Ժողովին ներկայացաւ և իր ճառերով ու փաստարկութիւններով Իրանի իրաւացիութիւնը պաշտպանել ջանաց: Միացեալ Ազգերի Ժողովը յարուցած հարցի վերջնական քննութիւնն ու վճիռը յետաձգեց և որոշեց սպասել Լահէի Միջազգային դատարանի վճիռն իմանալու:

Իրան-անգլիական փոխյարաբերութիւններն աւելի վատացան: 1330 (1951) թի նախավերջի ամսին Մոսաղդեղի կառավարութիւնը կարգադրեց անգլիացիների՝ Իրանում ունեցած բոլոր հիւպատոսարանները փակել:

1331 (1952) թի երկրորդ ամսւայ կէսին Իրանի խորհրդարանի 17-րդ նստաշրջանն իր գործունէութիւնը սկսեց:

Այդ տարւայ երրորդ ամսւայ կէսին դոքտ. Մոսաղդեղը, մի ներկայացուցչական մարմնի գլուխ անցած, մեկնեց Լահէ Իրանի նաթի խնդրի պաշտպանութիւնն ապահովելու նպատակով: Նա խիստ բողոք յարուցեց իտալական 900 թոննոց նաւթատար նաւը անգլիացիների կողմից Ադէնում կալանքի տակ առնելու համար: Լահէի Միջազգային դատարանի կողմից յանձնարարեց մի անգամ ևս փորձել երկկողմանի բանակցութիւններով նաթի՝ անլուծելի դարձած խնդիրը կարգադրել և համաձայնութեան յանգել:

## ԳՆՔՏ. ՄՈՍԱՂԴԵՂԻ ԼԻԱԶՕՐՈՒԹԻՒՆԸ

Լահէից իր վերադարձին՝ Թիւր 25-ին, դոքտ. Մոսաղդեղը երկրի Խորհրդարանից վեցամսեայ կատարեալ լիազօրութեան իրաւունք պահանջեց: Գործերի ընթացքի բարոքման և նոր օրէնքների մշակման իրաւունքով նրա պահանջած լիազօրութիւնը խորհրդարանի կողմից մերժեց: Նա վարչապետութիւնից հրաժարեց: Նրան փոխարինեց Ղաւամ-Մալթանէն:

Ղաւամ-Մալթանէի՝ չորս օրւայ վարչապետութեան ժամանակ անսահման և աննկարագրելի խառնակութիւններ և արիւնահեղութիւններ տեղի ունեցան: Այս խիստ տխուր դէպքերը Թեհրանից Իրանի բազմաթիւ նահանգային կենտրոնները ծաւալեցին: «Ազգային ճակատ» կազմակերպութիւնը և Մոսաղդեղի կողմնակիցներն ու մանաւանդ թուգէականները Մոսաղդեղի վարչապետութեան վերադարձը պահանջեցին: Խորհրդարանը տեղի տեց: Իր հրաժարումից յետոյ՝ 5-րդ օրը, Մոսաղդե-

ղը նորից վարչապետ նշանակեց: Այս անգամ նա, բացի վարչապետութեան պաշտօնից, զինուորական նախարարի պաշտօնն էլ իր ձեռքում պահեց:

Այդ օրերին Լահէի Միջազգային դատարանը Անգլո-իրանեան նաթի ընկերութեան վերահաստեան վերաբերեալ իր վճիռն արձակեց: Դատարանն իրեն իրաւասու չէր համարում նաթի խնդրին միջամտելու: Այսպիսով, անգլիացիները չկարողացան իրենց անկասկած իրաւացիութիւնը հաստատել:

Դոքտ. Մոսաղդեղը վարչապետութեան և զինուորական նախարարութեան գործերի ղեկավարութիւնն իր ձեռքն առնելուց անմիջապէս յետոյ 17-րդ Խորհրդարանից վեցամսեայ լիազօրութիւն պահանջեց: Խորհրդարանը այս անգամ ստիպեց նրան այդ լիազօրութեան իրաւունքը տալ: Այդ լիազօրութեան համաձայն՝ Մոսաղդեղը կարող էր իր ուզած օրէնքները մշակել և վեց ամսւայ ընթացքում փորձնական գործադրութեան դնելուց յետոյ Խորհրդարանի վաւերացման ենթարկել:

Երկու ամսից յետոյ Մոսաղդեղի կառավարութիւնն իր դիւանագիտական կապերը անգլիական կառավարութեան հետ խզեց: Երկու պետութիւնների լիազօր դեսպանները յետ կանչեցին: Այս կապերի խզումից անմիջապէս յետոյ Մոսաղդեղը մերժեց նաև Չրքչիլի և Թրումանի կողմից արած առաջարկը՝ նաթի խնդրում միջամտելու առթիւ:

Մոսաղդեղը, Խորհրդարանին ճնշման ներքև դնելով, նրան ստիպեց լուծարքի ենթարկել Ծերակոյտը:

\*\*\*

Դոքտ. Մոսաղդեղը վեցամսեայ իր լիազօրութեան ժամանակի լրացումից առաջ՝ 1331 (1952) թի Դէյ ամսին, Խորհրդարանից մէկ տարւայ տևողութեամբ նոր լիազօրութիւն պահանջեց և ի գործ դնելով՝ ճնշումով յաջողեց իր պահանջած այդ նոր լիազօրութիւնն էլ Խորհրդարանից ստանալ:

Մոսաղդեղը անգլիական պետութեան հետ Իրանի կառավարութեան դիւանագիտական յարաբերութիւնները խզելուց յետոյ 25 տարիներից ի վեր ռուսների մենաշնորհում եղած հիւսիսային ձկնորսարանի պայմանն էլ չեղեալ յայտարարեց և «Շիլաթ»-ի ամբողջ հիմնարկը ազգայնացրեց:

Մէկ տարւայ նոր լիազօրութիւնն ևս ստանալուց յետոյ դոքտ. Մոսաղդեղը իրեն շրջապատող որոշ կասկածելի և խառնակիչ մարդկանց թելադրութեամբ և խորհուրդներով ջանաց Վեհապետի իրաւասութիւններին միջամուխ լինելով՝ այդ իրաւունքները կրճատել և նրա դիրքն ու ազդեցութիւնը, ըստ կարելոյն, չեզոքացնել:

Հեռատես և հայրենասէր թագաւորը, իր՝ անչափ սիրած երկրի՝ այդ օրերի խռովայոյզ և տագնապալից վիճակն աւելի չճանրացնելու և վտանգելու

մտահոգութեամբ 1331-ի (1952) տարեվերջի ամսուայ Էսֆանդի 9-ին վճռեց ժամանակատրամապետ երկրից հեռանալ:

Թեհրանի գիտակից և հայրենասէր բազմութիւնները, քաղաքական այդ չափազանց վտանգաւոր և արկածալից շրջանում, Վեհապետի հեռացումն ու երկրից բացակայութիւնը իրենց հայրենիքի անկախութեան կործանումը համարեցին: Բազմահազար մարդիկ, թագաւորի պալատի շրջապատում հաւաքելով, նրան խնդրեցին իր որոշումը վերաքննութեան ենթարկել և երկիրն արկածախնդիրների քնահաճոյքներին և նպատակներին չը յանձնել: Վեհապետը զիջեց և նրանց խնդիրը յարգելով՝ հեռանալու մտադրութիւնից հրաժարեց:

Բազմահազար ժողովրդի թագաւորասիրական այս ցոյցերն և նրանց հետևանքով թագաւորի՝ իր ժողովրդի մօտ մնալու որոշումը Մոսադդեղին և մանաւանդ նրան շրջապատող արկածախնդիրներին հաճելի և նպաստաւոր չքաց:

Մի շարքայ ընթացքում մայրաքաղաքի ակաւոր և ազդեցիկ անձնաւորութիւններից 170 հոգի խռովարարութեան, պետական դատաւարութեան և թշնամական արարքների պատրուակով ձերբակալեցին: Սրանց շարքումն էր նաև գորահրամանատար և ապագայ վարչապետ Ֆազլօլլահ Չահեդին:

Այս իրադարձութիւնները մի շարք խիստ վտանգաւոր և չափազանց արկածալի դէպքերի պատճառ դարձան: 1331 (1952) թի տարեվերջի 15 օրերի և 132 տարայ սկզբնական 151 օրերի ընթացքում բազմաթիւ և բազմատեսակ ընդհարումներ, բախումներ, կռիւներ և սպանութիւններ տեղի ունեցան: Իրանը կանգնած էր իր անկախութեան և հողային ամբողջականութեան սպառնացող չափազանց չարաղէտ գահավիժման անդունդի եզրին:

Մոսադդեղը իր բացարձակ իշխանութիւնն ամրապնդելու նպատակով իր կողմնակիցներին, որոնք «Ազգային ճակատ» կազմակերպութեան և միաժամանակ Խորհրդարանի անդամներ էին, կարգադրեց Խորհրդարանից հրաժարել: Սրանք հրաժարեցին, և Խորհրդարանը, օրէնքի պահանջած մեծամասնութիւնից զրկելով, ի վիճակի չեղաւ իր նիստերը գումարել և աշխատանքը շարունակել: Թիւր ամսին, շատ մարդիկ, որոնց մեծ մասը դպրոցական երիտասարդներ էին, ցոյցերի ընթացքին սպանեցին: Այս առթիւ բազմաթիւ և ծաւալուն ցոյցեր տեղի ունեցան:

### ՕԳՈՍՏՈՍ 19 (ՄՈՐԴԱԴ 28)

1332 թի 25 Մորդադին Մոսադդեղը մի նախապատրաստած հանրաքուէից յետոյ Խորհրդարանի 17-րդ նստաշրջանը լուծած յայտարարեց և խոստացաւ ընտրական օրէնքների վերամշակումից յետոյ Խորհրդարանի 18-րդ շրջանի ընտրութիւնները կատարել տալ:

Հէնց միևնոյն օրը Վեհապետը իր արքայական իրաւունքների հիման վրայ Մոսադդեղին պաշտօնանկ անելու հրամանը ստորագրեց: Պաշտօնանկ արած Մոսադդեղի փոխարէն գորահրամանատար Ֆազլօլլահ Չահեդին վարչապետ էր նշանակած:

Մոսադդեղն իր պաշտօնանկութեան հրամանը հաղորդելու պարտականութիւնը ունեցող վաշտապետ Նասերին բանտարկել տւեց: Նրա հետ միասին բանտարկեցին նաև բանակի մի շարք սպաներ, որոնք Վեհապետին հաւատարիմ մնալու մեղքն ունէին:

Դոքտ. Մոսադդեղը վաշտապետ Նասերին և բանակի սպաներին պետական հարած կազմակերպելու մեղադրանքով բանտարկել տւած էր: Ահա այստեղից սկսեց օգոստոս 19-ը (28 Մորդադը):

Ժողովրդի եղբայրասպան արիւնահեղութեան ականատես լինելու դժբախտութիւնից և ողբերգութիւնից խուսափելու համար Վեհապետը թագուհու ընկերակցութեամբ իր անձնական օդանավով Բադրադ և այնտեղից էլ Իտալիա մեկնեց: Չահեդին իր ընդատակեայ գործունէութեան վրայ էր:

Իրենց հայրենիքը վերջնական կործանումից փրկելու համար 28 Մորդադին՝ արևածագին, Թեհրանի ազգաբնակչութեան հայրենասէր տարրերը բազմամարդ համախմբումներով մայրաքաղաքի փողոցները թափեցին և «Մենք և մեր Վեհապետին ենք ուզում», «Կեցցէ՛ Մոհամադ Ռ-ըզա Շահ Փահլաւին», «Կեցցէ՛ մեր սիրելի և հայրենասէր թագաւորը», «Թո՛ղ կորչի Մոսադդեղը», «Անկցի Մոսադդեղի կառավարութիւնը», «Թո՛ղ կորչեն հայրենավաճառ դաւաճանները» և այլ բազմաթիւ նշանախօսքերով հեղեղեցին Թեհրանի կենտրոնական պողոտաներն ու փողոցները: Նրանց շուտով միացան ժողովրդական նոր բազմութիւններ: Նրանց չուշացան միանալ նաև զինուորականներ և քաղաքի կարգապահ ոստիկանները: Առաջին հերթին մայրաքաղաքի ռադիօկայանը գրաւեց: Նրանից յետոյ զինուորական մթերանոցները, զէնքերը, թնդանօթները և տանկերը գրաւեցին:

Դիմադրական ընդհանուր ապստամբութիւնը սկսել էր: Մոսադդեղին և նրա կառավարութիւնը տապալելու աներեր և վճռական որոշում ունեցող տասնեակ հազարաւորների բազմութիւնը Մոսադդեղի տան և նրա տանը հաստատուած մոսադդեղական կառավարութեան կազմի վրայ յարձակեց:

Ընթրստացողներին հոգով ու սրտով միացած զինուորական մասնագէտները, տանկերի և թնդանօթների վրայ իրենց տեղը գրաւելով, սկսեցին դժոխային կրակի տակ առնել Մոսադդեղի տունն ու կառավարութիւնը: Օրը դեռ չմթնած՝ Մոսադդեղն ու իր արկածախնդիր նախարարներն ու զինուորական գործակիցները, փախուստ տալով, թաքնուեցին:

Վեհապետի նշանակած նոր վարչապետ Չահեդին պաշտօնապէս իր գործին էր անցել: Երբ դեռ

Մոսադդեղի տան և նրա կառավարութեան կենտրոնավայրի շնորհակցումը նոր էր սկսել, Չահեղին ռադիոկայանից Մոսադդեղի կառավարութեան անկումը և իր վարչապետութեան գործունէութեան սկսումը յայտարարեց:

Յաջորդ օրը Իրանի հայրենասէր Վեհապետը երջանկութիւնն ունեցաւ տեղեկանալու իր ժողովրդի անձնփութեան և հայրենասիրութեան մասին: Նա որոշում կայացրեց անմիջապէս վերադառնալու իր՝ անասահմանօրէն շատ սիրած երկիրը, իր հարազատ և հաւատարիմ ժողովրդի մօտ:

### ԴՐՈՒԹԵԱՆ ԿԱՅՈՒՆԱՅՈՒՄՆ ՈՒ ԱՆԴՈՐՐՈՒԹԵԱՆ ՎԵՐԱԿԱՆԳՆՈՒՄԸ

28 Մորդադի ժողովրդական բազմութիւնների փայլուն յաղթանակից երկու օր յետոյ Վեհապետը վերադարձել, երկրի վիճակը կայունացել և անդորրութիւնը վերականգնել էր: Մոսադդեղը պարտելով փախուստ էր տուել: Նրան շրջապատող խառնակիչ և հայրենադաւ տարրերը, որոնք, 3-4 օր առաջ մայրաքաղաքի գլխաւոր հրապարակներում շքեղօրէն բարձրացած մեծն Ռըզա շահի և Մոհամմադ Ռըզա շահի արձանները փշրելով, տապալել էին, նոյնպէս փախել և թաքնել էին: Մի ամիս յետոյ՝ Մեհր մէկին, Թուղէ կուսակցութեան թաքստոցները յայտնաբերեցին: Նրանք թաքստոցը զենքերն ու ձեռնառումները գտնեցին: Յայտնաբերեց նաև նրանց՝ գաղտնօրէն հրատարակող թերթի և գրքերի հրատարակութեան կենտրոնը:

Փախուստ տուած և թաքստոցներում կուչ եկած մոսադդեղականների մեծ մասը գտնուեց և ձերբակալեց: Դոքտ. Մոսադդեղին և իր սպայակոյտի պետ Ռիահին զինուորական ատեանի կողմից դատավարութեան ենթարկուեցին: Մոսադդեղի դատավարութիւնը բաւական շատ երկար տևեց: Նրան կատարեալ հնարատրութիւն տրեց երկարաշունչ փաստարկութեամբ և ճառերով իրեն պաշտպանելու: Դատարանը նրա բոլոր պաշտպանողական փաստերն ու ճառերը լսելուց յետոյ նրան 3 տարայ բանտարկութեան ենթարկեց: 1333 (1954) թի Մեհր ամսին զինուորական դատարանը Մոսադդեղի երեք օգնական գործակիցներին, որոնք փախել և թաքնել էին, դատի ենթարկելով՝ նրանցից դոքտ. Ֆաթեմին (Մոսադդեղի արտաքին գործերի նախարարը) մահապատժի, իսկ միւս երկուսին՝ դոքտ. Շայեգանին և ճարտարապետ Ռազավիին, ցմահ բանտարկութեան դատապարտեց:

Նոյն օրերին Թուղէ կուսակցութեան պատկանող և երկրապահ զինուորական շարքերից բաղկացած զինուորական մի գաղտնի կազմակերպութիւն յայտնաբերեց: Զինուորական դատարանը նրանցից ինը հոգու համար գնդակահարման մահապատիժ որոշեց, որ և անմիջապէս գործադրեց: Մնա-

ցածների համար ցմահ բանտարկութեան և զանազան տևողութեամբ բանտարկութեան վճիռ տուեց:

28 Մորդադից ուղիղ 11 ամիս յետոյ՝ երկար և տքնաջան բանակցութիւններից յետոյ, իրանեան հարաւային նաթի (նախկին Անգլ. և Իրանեան նաթային ընկերութեան պատկանող նաթարդիւնաբերութեան) պայմանագրի ստորագրումը վերջացաւ: Անգլիական, ամերիկեան և Եւրոպայի հիւսիսարևմտեան երկրներին պատկանող նաթային մեծ ու յայտնի ընկերութիւններից նաթային մի խոշոր միավորում (Քոնտրոսիում) էր կազմել: Նաթի պայմանագիրը կնքած էր նաթարդիւնաբերութիւնից գոյացած զուտ շահի կէս առ կէսի սկզբունքի հիման վրայ: Իրանեան կառավարութիւնը, ճշգրտօրէն որոշած տուրքերից զատ, նաթարդիւնաբերութիւնից գոյանալիք զուտ շահաբաժնի կէսը պիտի ստանար: Այս երկարատև բանակցութիւնները վարող իրանեան ներկայացուցչութեան նախագահը ճկուն և մարզած տնտեսագէտ դոքտ. Ամինին էր:

Երկրում ծայր տուած խռովութիւնների և վայրիվերումների հիմնական և մայր չարիքը՝ նաթի պատճառած չարիքը, վերջացել և չքացել էր:

### ԱՆԱՐԻԻՆ ՅԵՂԱՇՐՋՈՒՄ՝ ՀՈՂԱՅԻՆ ԲԱՐԵԿԱՐԳՈՒՄ

Իրանի հայրենասէր Վեհապետը 28 Մորդադի դէպքերից և ժողովրդական լայն խաւերի յաղթանակից յետոյ համոզուեց, որ Իրանի անկախութեան և անձեռնմխելիութեան կողմնակից ու հայրենասէր ազգաբնակչութեան ճնշող մեծամասնութիւնն իր թև ու թիկունքն ու անկեղծ պաշտպանն է: Այդ անխախտ համոզման վրայ յենած՝ սկսեց իր սիրած հայրենիքի արտաքին և մասնաւանդ ներքին գործերն աւելի անմիջական և խիստ հակակշռի ենթարկել:

Օգտուելով երկրի հիմնական օրէնքի՝ իրեն տուած թագաւորական իրաւունքներից, մի շարք կարևոր և անյետաձգելի բարեփոխութիւնների ձեռնարկեց: Այդ բարեփոխութիւններից երեք ամենակարևորները հետևեալներն են.

1. Երկրի ներքին անդորրութեան ապահովումը:
2. Պայքար նեխածութեան և կաշառակերութեան դէմ:
3. Հողային բարեկարգումը:

1332 թ. (1953) 28 Մորդադից մինչև ներկայ տարին՝ 1341 թ. (1962), ուրիշ խօսքով, ամբողջ ինը տարիների ընթացքում երկրի առաջին անձնաւորութիւնը՝ Ն. Կ. Մ. Մոհամմադ Ռըզա Շահ Փահլաւին ծայրայեղ ճիգ ու ջանք դրեց իրագործելու վերոյիշեալ երեք չափազանց անհրաժէշտ բարենորոգումները:

Շատ մեծ պարծանքով պիտի հաստատել այն չափազանց մխիթարական պարագան, որ անցնող

այս ինը տարիների ընթացքում նպատակադրված առաջին խնդիրը կատարելապես իրականացած է: Ամբողջ երկրի ժողովուրդը բախտ է ունեցել հաստատված խաղաղության և անդորրության թանկագին բարիքը վայելելու: Այլևս ոչ ոք չի անհանգստանում, որ Մոսադդեղի իշխանության օրերի նման գիշերով կամ նոյնիսկ ցերեկով ինքը, իր երեխաներն ու ընտանիքը, արկածախնդիր և խառնակիչ մարդկանց կողմից փողոցում, շուկայում, գործավայրում, դաշտում, անտառում, ճանապարհներից և ամեն տեղ յարձակման, զանակոծման և սպանության են ենթարկվելու:

Երկրորդ և երրորդ բարեկարգումների գործադրումը շատ աւելի հետևողական, անխոնջ ու աննահանջ ճիգ ու ջանք էր պահանջում: Այդ բարութեան արտակարգօրէն տենչացող Վեհապետը հնարաւոր բոլոր միջոցները գործադրել և եռանդագին թափով շարունակում է հետապնդել բոլոր լրացուցիչ միջոցները՝ խիստ ցանկալի նպատակին հասնելու համար:

Անցնող ինը տարիների ընթացքին Վեհապետի աչալուրջ և տևական դեկավարության ներքոյ մի քանի նախարարական խորհուրդներ կազմել և իրար յաջորդել են՝ նպատակադրված վերոյիշեալ ծրագիրն իրականացնելու համար: Սպարապետ Չահեղիին յաջորդեց դոքտ. Էդբալը, սրան յաջորդեց Շարիֆ Էմանին և այս վերջինին՝ դոքտ. Ամինին:

Շուրջ մի տարւայ վարչապետութեան ժամանակամիջոցին դոքտ. Ամինին նպատակադրված բարեփոխութիւններն ուժգնօրէն կենսագործել սկսեց: Նրա վարչապետութեան ժամանակաշրջանն իրաւացիօրէն անարիւն յեղաշրջում յորջորջեց: Նա նեխածութեան և կաշառակերութեան դէմ աննախընթաց ուժեղ պայքար սկսեց: Բաղաքական, զինուորական, նախարարական, նահանգապետական և զանազան բարձր դիրքեր ունեցող անձնաւորութիւններին կաշառակերութեան և դիրքի ու պաշտօնի չարաչար օգտագործման ամբաստանութեամբ ձերբակալել տալով հարցաքննութիւնների և դատավարութեան ենթարկեց:

Դոքտ. Ամինին տարիներից ի վեր ցանկացած հողային բարենորոգումը սկսեց: Նրա նշանակած գիւղատնտեսական նախարարը՝ դոքտ. Արսանջանին, եռանդագին գործադրութեան դրեց կալածատիրական իրաւունքների սահմանափակումը: Ոչ մի գիւղատէր իրաւունք չպիտի ունենար մէկից աւելի գիւղ՝ որպէս սեփականութիւն, ունենալու: Ամեն գիւղատէր իր մէկից աւելի գիւղերը, վաւերացւած օրէնքի համաձայն, արդարացի և օրւայ որոշւած արժէքով և 10-15 տարւայ ընթացքում գանձելի մասնավճարներով պարտաւոր էր ծախել այն գիւղացի-հողագործներին, որոնք նախապէս այդ հողերը մշակել և արգասաւորել էին:

Հողային կալածատիրական օրէնքի վաւերացումից և գործադրութիւնից առաջ Վեհապետն իր

սեփականութիւն կազմող գիւղերը՝ օրինական ձևակերպումներով և վաւերական կալածագրերով, այդ հողերի վրայ հողագործութեամբ զբաղող գիւղացիութեան մէջ բաժանել էր արդէն: Այդ բաժանման ամենախոշոր մասն արդէն իրագործել է: Մնացած գիւղական կալածների բաժանումը շարունակում է և հաւանաբար շուտով վերջանալու է:

Մասնաւոր գիւղատէրերի կալածների բաժանումն էլ խիստ արագ թափով շարունակում է, և անկասկած, մինչև երկու տարի, գուցէ և աւելի շուտ, վերջանալու է:

Պետութեան պատկանած «խալլութ» կոչող գիւղերն ու հողերն էլ համարեա ամբողջովին, սրանից մէկ-երկու տարի առաջ բաժանւած և ծախւած են արդէն:

Գիւղական-կալածատիրական այս սահմանափակումն ու բարեկարգումը երկրի գիւղացի ազգաբնակչութեան համար բացառիկ բարիք է: Այդպիսով, բազմահազար գիւղացի ընտանիքներ դառնում են մանր սեփականատէրեր և համոզւած լինելով, որ սրանից յետոյ, իրենց արիւն-քրտինքով ձեռք բերած ցորենը, գարին, ճակնդեղը, բրինձը և ամեն տեսակի կաթնատու կենդանիներն ու բերք ու բարիքը միայն և միայն իրենց է մնալու և իրենց բարեկեցիկ ապրուստին է ծառայելու, ոչ մի ճիգ ու ջանք չեն խնայելու արդիւնաբերութիւնը զարգացնելու և ձեռք բերելիք հասոյթը բազմապատկելու:

Հողային բաժանման գուզընթաց՝ պետութեան մասնակցութեամբ և օժանդակութեամբ գիւղերում իրենց գիւղացիների կողմից հիմնադրւել են կօպերատիւներ (համագործակցական միութիւններ) և նրանց ընձեռած օգնութեամբ ժամանակին սերմացու և հողագործութեան անհրաժեշտ գործիքներ են ձեռք բերելու: Շուտով գիւղացիների մասնավճարներով և պետութեան օգնութեամբ հիմնւելու է նաև գիւղացիական փոխառութեան մի բանկ:

Հողային սեփականութեան վիճակի այս կերպ անարիւն յեղաշրջումը չափազանց մեծ յաղթանակ է Իրանի հասարակական և հաւաքական կեանքում: Անժխտելի, անուրանալի, իրական և փաստացի հոյակապ մի գործ, որ դասակարգային խարականութեան, ջոկողութեան, տնտեսական վիճակի ծայրայեղ տարբերութեան, ատելութեան և թշնամանքի շարիքը մեծ չափով մեղմացնում և հետզհետէ վերացնում է:

Անհրաժեշտ է յիշատակել նաև այն պարագան, որ 20 տարիներից ի վեր շատ կարևոր աշխատանք է տարւում Իրանի գործարանների արդիւնաբերութեան մէջ գործող բանւորների աշխատանքի բարելաւման ասպարէզում: Բանւորների աշխատանքի ժամերի ու թ ժամեայ տևողութիւնը, վարձատրութիւնը, յաւելեալ աշխատանքի և հանգստեան ու արձակուրդի վճարումները, հեռացման պարագայում օրինական վճարումները, սպաւորակութիւնը և բոլոր իրաւունքների սահմանումները ճշգրտօրէն ո-

րոշած և օրինականացած են: Կարելի է ասել, որ Իրանի նորաստեղծ և նորակազմ ճարտարաբանական և արդիւնաբերական գործարաններում աշխատող բանուորների իրաւունքների ճշգրտումն այնքան կատարեալ է, որ նոյնիսկ շատ առաջադէմ և ճարտարաբանական ճոխ ու հարուստ երկրներին գերազանցում է:

### ԻՐԱՆԻ ՄԻՋԱԶԳԱՅԻՆ ԿԱՅՈՒԹԻՒՆԸ

Իրանում կատարած բարենորոգչական և յեղաշրջական գործերը, ինչպէս նաև երկրի ներքին ապահովութեան անժխտելի փաստը և մանաւանդ Վեհապետի յարատև և անխնայ ճիգ ու ջանքերն իր հայրենիքի յառաջադիմութեան, բարգաւաճման նպատակով և վերջապէս գիւղացի և բանուոր դասակարգի վիճակի բարուքումը, սրանք բոլորը հիմնական և հաստատուն տեսլանքն են Իրանի դիրքը միջազգային չափանիշով ամրապնդելու և նրա դիրքի արժեքաւորման ու վարկի բարձրացման տեսակետից:

Իրանը 28 Մորդաղից յետոյ և մանաւանդ վերջին չորս-հինգ տարիների ընթացքին, միջազգային քաղաքական կեանքում իր արժանաւոր տեղն է գրաւել և շարունակում է իր քաղաքական դիրքի ու վարկի ուժեղացման ճանապարհով յառաջանալ:

Վեհապետի կատարած ճամփորդութիւնները Եւրոպայի և Ասիայի զանազան երկրներում և Միացեալ Նահանգներում ու Անգլիայում, նրա՝ զանազան պետութիւնների ղեկավարներին տւած այցելութիւնները, նրա խօսակցած բովանդակալից և ազդեցիկ ճառերը ու մամուլի տեսակցութիւն-ասուլիսների ընթացքում տւած բացատրութիւններն՝ իր երկրի լայն ծանօթացման և քաղաքական ու միջազգային վարկի բարձրացման ուղղութեամբ, եղել են չափազանց օգտակար և գերազնահատելի:

Նախքան Մեծն Ռուզա Շահի թագաւորութիւնը՝ անյայտութեան և մոռացութեան մէջ թաղւած այս երկիրը ներկայիս իրաւացիօրէն կարող է պարծենալ իր արագընթաց յառաջադիմութիւններով, տնտեսական վիճակի բարուքումով, նորածին, բայց արագընթաց գործարանային և ճարտարաբանական արդիւնաբերութեամբ, միլիոնաւոր գիւղացիների դրութիւնը բարուքելու համար մղած պայքարով ու նրանց անհաւատալի յաղթանակով և վերջապէս ամբողջ երկրի ազգաբնակչութեան վերածնող կեանքի բազմաթիւ նւաճումներով և բարգաւաճումով:

Պատուած են բոլոր նւաստացուցիչ պայմանագրերը և խորտակւած ստրկացնող կապանքները: Իրանը ներկայիս յաղթանակօրէն և վճռական քայլում է կատարեալ անկախութեան ճանապարհով և քաղաքական ու դիւանագիտական ասպարեզում իր պատուաւոր և պատկառելի տեղն է գրաւում:

Իր քաղաքագէտ և հեռաւտես առաջնորդի ջանքերով Իրանը միջազգային տնտեսական և առևտրական կեանքումն էլ յաջողել է իր նախանձելի տեղը գրաւել: Նախի, բազմաթիւ հանքերի, ձկնորսութեան և բնական զանազան բարիքների ճոխութեամբ պարզևատրւած այս երկիրը կարողացել է իր համար տնտեսական բացառիկ դիրք գրաւել և բազմաթիւ պետութիւններին և օտար ընկերութիւններին լայնօրէն շահագրգռել իր հետ առևտրական, վաճառականական կապեր հաստատելու և պայմանագրեր կնքելու տեսակետից:

### ԱՄԲՈՂԱ ԱՇԽԱՐՀԻՆ ԵՒ ՄԱՆԱԽԱՆԴ ԻՐԱՆԻՆ ԽԱՂԱՂՈՒԹԻՒՆ Է ՊԷՏՔ

Իրանը հազարաւոր տարիների ընթացքում իր փառապանծ նւաճումների և յաղթանակների հռչակաւոր ժամանակների՝ Աքեմենեան, Արշակունեաց, Մաֆապեան, տիտանների՝ Կիրոս Մեծի, Դարեհ Մեծի, Շահ Աբաս Մեծի և Ռուզա Շահ Մեծի անցեալ յաղթապանծ և երջանիկ օրերի կողքին, ակնատես է եղել նաև բազմաթիւ ցեղախմբերի յարձակումների, արաբական տիրապետութեան, համաշխարհային երկու պատերազմների պատճառած և բազմաթիւ ուրիշ առիթների ապերջանիկ օրերին: 19-րդ դարում և 20-րդ դարի սկզբում մանաւանդ հիւսիսից և հարաւից սղմւած և նոյնիսկ ճխլւած է եղել հսկայ պետութիւնների յարատև մրցակցութիւնների և ճնշումների արանքում:

Շատ յաճախ այս երկրի քաղաքական անկախութիւնն ու հողային ամբողջականութիւնը ենթարկել են մահացու վտանգի: Նրա յառաջադիմութեան և բարգաւաճման ուղղութեամբ կատարւած ձեռնարկները վայրագօրէն ոտնակոխուել և տրորուել են օտար ուժեղ պետութիւնների կրունկների ներքև, բայց նա մնացել է և շարունակում է յաղթականօրէն գոյատևել:

Իրանը Համաշխարհային երկրորդ պատերազմի արկածալից և ծայրայեղօրէն ծանր ու ճակատագրական տագնապները բացառիկ ճիգ ու ջանքերով կարողացաւ իրենից հեռացնել և իր հողային ամբողջականութեանը սպառնացող սոսկալի ճգնաժամից փրկել:

Ինչ խօսք, որ ներկայումս էլ համաշխարհային քաղաքական վիճակն ու դասաւորութիւնն այնպիսի մի ձևի է հասել, որ երկրագնդիս երեսին գոյութիւն ունեցող բոլոր երկրները՝ իրենց պետական կազմով և հասարակական ընդհանուր դրոյթով, կախւած և կառչած են մնում մանաւանդ երկու հսկաների՝ Միացեալ Նահանգների և Խորհրդային Միութեան միջազգային, աւելի շուտ երկկողմանի փոխյարաբերական վիճակից: Ինչպէս աշխարհում ապրող բոլոր ազգութիւնների և պետութիւնների, այնպէս էլ Իրանի կառավարութեան և ժողովրդի համար ներկայիս խաղաղութիւն և անդորրութիւն է պէտք:

Իրանն իր յեղաշրջական և բարենորոգչական ձեռնարկների իրագործման համար ամենից ատելի խաղաղութան կարիքն ունի:

Երկրագնդի վրայ ապրող և շնչող համայն մարդկության, նրա 99,9 տոկոսի համար խաղաղություն է պետք: Նրանք՝ համայն մարդկային այդ բազմությունները, հարիւր միլիոնատու մարդիկ ամեն տեղ, լիաթոք ու միաբերան աղաղակում և կանչում են.

«Մեզ խաղաղություն է պետք: Կորչի՛ պատերազմը: Կորչե՛ն այդ դժոխսային և նզովեալ պատերազմը հրահրողները...»:

Դժբախտաբար, մանաւանդ վերջին տարիներում այդ անսահմանօրէն աղետալի և կործանարար պատերազմի ատելի կոշմարը Դամոկլեան թունալից սրի նման ամբողջ մարդկության գլխին շարունակ մնացել է կախած:

Բազմաթիւ և ապարդիւն համաժողովներ, տեսակցություններ, խորհրդածություններ, ծրագիրներ, առաջարկներ և բանակցություններ կատարել են, բայց, դժբախտաբար, ոչ մի դրական արդիւնքի չեն հասել: Մարդկային բազմամիլիոն թշուառ զանգուածներ պատերազմի ամենօրեայ սարսափելի հաւանականությունից մնում են ահաբեկած:

Քէշմիրներ, Վիետնամներ, Լաոսներ, Կոնգոներ, Եմեններ, Չին-հնդկական սահմաններ և մանաւանդ Բեռլիններ և Քուբաներ են ստեղծում ամեն օր և համայն մարդկության աղաչ-պաղատանքով հրաւիրած և նրա փեշերին կառչելու տենչացող խաղաղութան հրեշտակին դիասհար արած փախցընում են:

Ի՛նչ ահռելի դժբախտություն և աղետ ամբողջ մարդկության գլխին պիտի պայթէր, եթէ Խորհրդային Միութեան վարչապետ Խրուշչևը յամառէր իր որոշման գործադրութեան մէջ և հոկտեմբերի 25-ի առաւօտեան մէկուկէսին, համաշխարհային պատերազմի հրդեհումից հրաժարելով և աշխարհի խաղաղութիւնը փրկելու մտահոգութեամբ, չհրահանգէր Քուբա մեկնած և նրա համար զինամթերք և գուցէ հիւլեական հրթիռներ փոխադրող ռազմականների վերադարձը: Հոկտեմբերի 29-ի գիշերուան Խրուշչևը համաշխարհային խաղաղութիւնը փրկելու վճռականութեամբ ռուսական մասնագետներին հրահանգեց հաւաքել նաև Քուբային յանձնած հրթիռային բոլոր կազմածները և հետ ուղարկել:

Եթէ Խորհրդային Միութեան վարչապետը դժբախտաբար յամառէր իր որոշման գործադրութեան մէջ, հոկտեմբերի 25-ից սկսած՝ մի քանի օրերում, ամբողջ աշխարհը հիւլեական մարդակոլ պատերազմի կործանարար երախում այրւած, խանձուած և աւերակած պիտի լինէր...

\*\*\*

Միացեալ Ազգերի Կազմակերպութեան (ՄԱԿ) 17-րդ տարեդարձի առթիւ հոկտեմբեր 24-ին Թեհրանում հանդիսութիւններ տեղի ունեցան:

ՄԱԿ-ի յատուկ դրօշակը սկսուտների միջոցով Խորհրդարանի Բիւրօստան և 24 Էսֆանդի հրապարակներում պարզեց: 17-րդ տարեդարձի առթիւ յատուկ նամակադրոշմ հրապարակեց: Կէսօրից յետոյ Ֆարհանգի սրահում մասնատու հաւաքոյթ և արարողութիւն տեղի ունեցաւ: Պալատական նախարար Ալայի միջոցով Վեհապետի շնորհատրական պատգամը հաղորդեց: Վարչապետների, կրթական նախարարի և ՄԱԿ-ի Իրանի կազմակերպութեան նախագահ դոքտ. Դաֆթարի կողմից ճառախօսութիւններ եղան: Ամենքն էլ գովեցին ՄԱԿ-ի խաղաղարար ճիգ ու ջանքերն ու զոհաբերութիւնները: ՄԱԿ-ի դիրքի և ազդեցութեան ուժեղացման համար ջերմ ցանկութիւններ յայտնեցին:

Վեհապետի պատգամի մէջ հաղորդեց նաև հետևեալը.

«Յոյս ունենք, որ պետութիւնների միջև ծագած հակամարտութիւնները շուտով կը վերանան, և ՄԱԿ-ին հնարաւորութիւն կը տրուի խաղաղութեան, տնտեսական զարգացման, հանրային և մշակութային յառաջադիմութեան համար ատելի դրական քայլեր առնելու»:

Միացեալ Ազգերի Կազմակերպութիւնը տարիներից ի վեր Իրանում բազմաթիւ կողմնակիցներ և առանձին կազմակերպութիւն ունի և խաղաղութեան գոյատևման օգտին դրական աշխատանքներ և քարոզչութիւններ է կատարում:

### ԻՆՈՐՀՐԿԱԾՈՒԹԻՒՆՆԵՐ

Այս տարւան երեք ամիսների ընթացքին՝ յունիսի 15-ից մինչև սեպտ. 15-ը, արձակուրդով մեզ մօտ՝ Թեհրան եկան արտասահմանում իրենց բարձրագոյն ուսումը վերջացրած և այնտեղում էլ գործի անցած չորս երիտասարդներ և մեր հայրենակիցներից և հին բարեկամներից մէկը՝ Աղասի Մովսիսեանը: Այս վերջինը միայն, իր կրթութիւնը տասնեակ տարիներ առաջ Ֆրանսիայում վերջացրած և յետոյ Թեհրան վերաբնակած, արհեստով ու առևտրով իր համար ապահով դիրք ստեղծած և վերջապէս 8-9 տարի սրանից առաջ Արժանքի Քուէնոս-Այրէս մայրաքաղաքը գաղթած և նորից իր կօշիկի առևտրով զբաղւած, խելք-գլուխ անձնատրութիւն է:

Արտասահմանից Թեհրան, իրենց հարազատներին այցելելու նպատակով և արձակուրդով եկած երիտասարդներից մէկն էլ իմ երկրորդ մանչ զաւակը՝ Յարութիւնն էր, որը 9 երկար տարիներից ի վեր մեկնել էր Միացեալ Նահանգներ և 6 տարւայ ընթացքում իր էլեքտրօ-ինժեներական բարձրագոյն ուսումը համալսարանում վերջացնելուց յետոյ երեք տարիներից ի վեր ամերիկեան մի շատ մեծ ընկերութեան մօտ գործի էր անցել: Իր երկու ընկերներից մէկը՝ Էդիկ Գասպարեանն էլ, ճիշտ միևնոյն ժամանակ նրա հետ միատեղ մեկնել և նորից նրա հետ միասին, իր ծնողներին այցելութեան էր եկել:

Տղայիս միս ընկերը՝ Ժօրա Մամիկոնեան, նոյնպէս նրա դասընկերներից, Թեհրանից Գերմանիա մեկնել և այնտեղ բժշկական համալսարանն աւարտել և նոյնպէս 3 տարիներից ի վեր Արևմտեան Գերմանիայում բժշկութեամբ զբաղած է: Տղայիս կրտսեր ընկերը՝ Հրաչ Մանուկեանը, մեր խնամի Տիգրան Մանուկեանի մեծ տղան է: Հրաչը՝ յառաջիկայ ամռան վերջում Բրուքլին երաժշտական համալսարանի վերջին դասընթացքն աւարտելու և այդ գեղարեստական ճիղի գերակատար ուսման նպատակով Ամերիկա մեկնելու է: Նրանց ժամանման առթիւ կազմակերպւած հիւրասիրութիւններին ամէն անգամ մասնակցում էին 40-50 ազգական-բարեկամներ: Մրանց շարքում ամէն գործի, մասնագիտութեան, մտածելակերպի ու աշխարհայեացքի տեր մարդիկ էին լինում: Ինչ խօսք, որ համարեա բոլորի ուշադրութեան կենտրոնը արտասահմանից եկած մեր սիրելի հիւրերն էին:

Չեմ կասկածում, որ ինչպէս մեզ, այնպէս էլ գրքիս ընթերցողների համար հետաքրքիր կը լինի նրանց հետ մեր ունեցած խօսակցութիւններից և խորհրդածութիւններից մէկը, որի բովանդակութիւնը ջանացել եմ յիշողութեանս յանձնել:

Մեծ սեղանի շուրջ հաւաքւածներից մէկը Ադասի Մովսիսեանից հարցրեց.

– Ի՞նչ են ձեր տպաւորութիւնները ձեր վերապրած նոր երկրից և նրա մայրաքաղաքից:

– Ձեր ինձ տւած հարցը,– պատասխանեց մեր վաղեմի բարեկամ և հայրենակից Մովսիսեանը,– մեկից աւելի պատասխան ունի: Կաշխատեմ ձեզ հետաքրքրող խնդիրներին պատասխանել: Եթէ Արժանքիմունք քաղաքական վայրկերումները և իշխանութիւնը ձեռքից խլելու անպատեհութիւնները չլինէին, Արժանքիմունք Հիսիսային Միացեալ Նահանգներից յետոյ հաւանաբար Ամերիկեան աշխարհամասի ամենաբարգաւաճ և հարուստ արդիւնաբերական, ապահով և դեմոկրատիկ երկիրը լինէր: Դժբախտաբար, ներքին և մանաւանդ արտաքին շահախնդրութիւնների բախման հետևանքով երկիրը կատարեալ խաղաղութեան, անդորրութեան և կայունութեան բարիքները վայելելուց զրկւած է: Ինչ վերաբերում է հայ գաղութին, պիտի յայտնեմ, որ, դժբախտաբար, հայ գաղութի ճշգրիտ մարդահամարի մասին անտեղեակ եմ: Մօտաւորապէս 20-25 հազարի հայ գաղութ Արժանքիմունք և մասնաւորապէս Բուէնոս-Այրէսում կարող է լինել: Յաւ ի սիրտ, հայ համայնքները զրկւած են սեփական-ազգային դպրոցներ ունենալու բարիքից: Երկու ճակատներ գոյութիւն ունեն, որոնք իրենց հրատարակած թերթերով իրար դէմ խստօրէն պայքարում են: Բարեբախտաբար, վերջերս Աբադեան ազգանունով մի թեմակալ արքեպիսկոպոս ժամանեց, որն իր հաշտարար քաղաքականութեամբ կարողացաւ կրօնակեղեցական հողի վրայ տարւած պայքարը մեղմել և համագործակցութիւն ստեղծել: Եթէ մեր ազգա-

պահպանման համար միացեալ, համերաշխ և բարեացակամ ճիգեր ի գործ չդրեն, համոզւած եմ, որ 40-45 տարիներից յետոյ, Արժանքիմունք եղած հայերի գոյութեան մասին պատմութեան գրքերի էջերում միայն հնարատր կը լինի կարդալ:

– Դժբախտաբար, ճիշտ միևնոյն պատմութիւնն էլ,– շարունակեց տղաս,– մեզ մօտ՝ Քալիֆորնիայում է կատարում: Հայերը, մանաւանդ տաճկահայերը, ժամանակին օգտուելով իրենց ընծայած ազատութեան և ապահովութեան բարիքներից, Ֆրեանոյում հսկայական ձեռնարկներ են սկսել: Ֆրեանոյում բազմամիլիոնատէր հայեր մեծ ազարակներ, այգիներ, գործարաններ, պտղաբուծական, կաթնատրնտեսական և կենդանաբուծական ձեռնարկներ ունեն: Խիստ բարուք վիճակում են ապրում նաև Լոս Անջելէսի, Ս. Ֆրանչիսկօյի և Քալիֆորնիայի այլ մասերում բնակող հայ ընտանիքները: Դժբախտաբար, հայապահպանման համար մտածողները չափազանց քիչ են: Ամէն կուսակցութիւն իր հետևորդներով իր համար առանձին եկեղեցի, քահանայ և առաջնորդ ունի: Կան նաև այդ վիճակից յուսահատւած հայրենակիցներ, որոնք մեկուսացած կեանք են վարում: Յայտնի չէ, թէ Քրիստոսին, Ս. Գրիգոր Լուսաւորչին ինչպէս են բաժան-բաժան անելու:

Յարութիւնի այս վերջին կատակի վրայ նրա շուրջըրոր հաւաքւածներս լիաթոք և աղմկալից ծիծաղել սկսեցինք և ապա խնդրեցինք շարունակել իր հետաքրքրաշարժ նկարագրութիւնը:

– Չափազանց ցաւալի է նաև այն պարագան, որ մենք մեր ծնողների անխնայ զոհաբերութեան և մեր երկարատև ու յամառ աշխատանքի շնորհիւ մարդմասնագէտ դառնալուց յետոյ հնարաւորութիւն չունենք, եթէ ոչ մեր նախահայրերի մայր երկրին, գոնէ մեր ծննդավայր սիրելի Իրանին օգտակար դառնալու: Ինձ և ինձ նման այս ընկերներս՝ կողքիս նստած այս Էդիկը, Ժօրան և Հրաչը, ինչու՞ հնարաւորութիւն չպիտի ունենային իրենց սրտին աւելի մօտիկ և հարազատ այս երկրին օգտակար լինել և ստիպւած իրենց ուսումը, գիտութիւնը, մասնագիտութիւնը, ջանքն ու աշխատանքն օտար երկրների օգտին ու շահին ծառայեցնել: Ի՞նչ էք կարծում ցաւալի և անմխիթարական չէ՞ այս պարագան:

– Դրանից աւելի, շատ աւելի և ցաւալի պարագայ կայ, և դա այն է,– ընդմիջեցի ես,– սիրելի՛ զաւակս և դուք, իմ շատ սիրելի և յարգելի՛ բարեկամներս, դուք բոլորդ էլ ներկայիս, որպէս հայ և հայ անուն ի պատիւ, ձեր ջանքն ու կորովը, ձեր աշխատանքն ու մասնագիտութիւնը օտարների ծառայութեան և նրանց երկրի օգտակարութեանն ի սպաս էք դնում: Այդ օտարները ձեզ ներկայիս հայ անունով են ճանաչում և գուցէ և որպէս հայ՝ գնահատում են, բայց ձեր զաւակներն արդէն այդ անունից՝ հայ անուն պատուից ու պարծանքից զրկւած կը լինեն, քանի որ օտարութեան մէջ ուծանալու են և հայ ժողովրդի ու ազգի համար կորած և անհետացած են լինելու:



## ՎԵՐՉԱԲԱՆ

Գրքիս այս երկրորդ հատորը վերջացնելուց առաջ անհրաժեշտ եմ համարում եզրափակիչ մի քանի խօսք էլ գրելու:

Յոյս ունեն, որ գրքիս երկու հատորները կարդալու սիրալիրութիւն ունեցողներն ի վիճակի են եղել գնահատելու այն կատարեալ անկողմնակալութիւնը, որին ձգտել եմ իմ գտնուած վայրերում ղեկավարելու իրադարձութիւնները հարազատօրէն նկարագրելիս:

Ինձ թում է, որ յարգելի ընթերցողները կեանքի ասպարէզում իմ նկարագրած մաքառումներից, տանջանքներից և վայրիվերումներից կարող կը լինեն իրենց համար օգտակար եզրակացութիւններ հանել և մանաւանդ արժեքատրել այս եզրափակիչ վերջաբանում արտայայտուած կարծիքներիս և մտորումներիս անկեղծութիւնը:

Պր. Ս. Վրացեանը ճշմարիտ հայ, անկեղծ և նւիրուած հայրենասէր և հետևաբար շատ յարգելի մարդ է ինձ և գուցէ ինձ նման շատ շատերի համար:

Նա իր վերջին յօդուածներից մէկում, ի միջի այլոց, հետևեալ տողերն է գրում.

«Հայաստանն է խօսում». ամէն երեկոյ բաց եմ անում իմ ձեռքի ռադիոն և հարևան կայանների ժխորի մէջ անհամբեր փնտրում եմ իմ սրտին մտերիմ ձայնը՝ «Երևանն է խօսում»...

Հայիոյում են, ի՞նչ փոյթ: Հոն հայերեն են հայիոյում: Հայաստանի մայրաքաղաքից են հայիոյում (տես «Ալիք» օրաթերթ, թիւ 7306):

Հաւանաբար պր. Ս. Վրացեանը համոզուած է, որ Երևանը թերևս ստիպուած է հայիոյելու: Նա մեծահոգի է: Նա Երևանի այդ հարկադրուած հայիոյանքից բոլորովին չի սրտնեղում:

Այս պարագայում ստիպուած եմ հարցնելու պր. Վրացեանի յարգելի գաղափարակիցներին, երբ որ հեռատես և քաղաքագէտ ու փորձութիւնների բովից անցած մի ղեկավար հանդուրժում է Երևանի հայիոյանքներին, ինչու՞ նրանք իրենց հերթին գոնէ առժամանակ չեն հանդուրժում լսելու Երևանի հայիոյանքները:

Եթէ նրանք էլ պր. Վրացեանի նոյն համբերատարութիւնն ունենային իրենց հանդէպ եղած հայիոյանքների նկատմամբ, հաւատացնում եմ, հանդուրժողական այդ կեցվածքը կը լինէր ազնիւ և յարգելի:

Միւրիայից և Լիբանանից վերջերս Երևան մեկնած ուսուցիչների և մտաւորականների շարքում

անկասկած դաշնակցականներ կամ նրանց համակիրներ կային: Հարցրէ՞ք նրանցից և խնդրէ՞ք, որ նրանք, ձեռքը իրենց խղճին դրած, ճշմարիտը յայտնեն, թէ արդէ՞ք Երևանում գործի գլուխ եղած մարդիկ, նոյնիսկ նրանց քաղաքական աշխարհայեացքին հակառակորդ կուսակցութեան պատկանողները, հայե՞ր են, հայրենասէրներ՞ են և ինչպիսի՞ հայրենասէրներ են:

\*\*\*

Անհրաժեշտ է թում գիրքս փակելուց առաջ մի քանի յիշեցումներ անել:

Քանի որ Հայաստանից ստացած իմ անձնական տպաւորութիւններն անցեալին են պատկանում, նախապատուութիւնը տալիս եմ Մայր հայրենիք վերջերս այցելած յարգելի անձնաւորութիւնների՝ անառարկելի և համառօտուած եզրակացութիւնների:

Գրագէտ Կ. Փօլատեանը, Ս. Վրացեանի հետ կատարած իր երկարատև գրոյցի վերջում խօսքը իր խօսակցին ուղղելով, հետևեալ ձևով է եզրակացնում.

– Ներեցէ՛ք, որ ձեզ ընդմիջեմ, սիրելի՛ պր. Վրացեան: Կը յիշեմ, որ տարիներ առաջ, չեմ գիտեր, ո՞ր գրած էք, թէ՛ «Այդ երկրին մէջ ապրողը չի կրնար հայրենասէր չլլլալ»:

Կ. Փօլատեանն իր կողմից և իր կարծիքը հետևեալ նախադասութիւններով լրացնում է.

– Կը կրկնեմ նաև այսօր: Ես հաւատացած եմ, որ իրենց հայրենիքը չսիրող հայեր չկան գրեթէ:

Պէտք է համոզուենք, պէտք է հաւատանք այս ճշմարտութեանը: Թշնամիներ չտեսանք մեր դէմ, այլ տարբեր մտածող եղբայրներ, նոյն հօրենական ժառանգութեան նախանձախնդիր հարազատներ: Հարազատներ պատմութեամբ, արիւնով, մշակոյթով, տառապանքով ու յոյսով իրարու կապուած նոյն ընտանիքի անդամներ:

Հայրենիքն ու Սփիւռքը իրար պէտք է լրացնեն տնտեսապէս, մշակութային գետնի վրայ, քաղաքական մարզի մէջ: Իւրաքանչիւր հատուած, հետևելով իրեն պարտադրուած ուղղութեան, բայց ներքնապէս, հոգեպէս ամուր կառչած մէկ նպատակի՝ հայութեան: («Ալիք» օրաթերթ, թիւ 6876-10-4-61):

Հայր Վ. Յովհաննիսեանի «Ինչպէս տեսայ Հայաստանը», որ վերջերս «Ալիք» օրաթերթի մատե-

նաշարի կողմից առանձին գրքով հրատարակեց, Մայր երկրից նրա ստացած տպատրուբիանների ճշգրիտ և բացառիկ շարադրած ամփոփումն է: Անէն հայի համար շատ անհրաժեշտ է ունենալ և ուշադրութեամբ կարդալ այդ հարազատ տպատրուբիաններով բովանդակվից գիրքը:

Հայր Վ. Յովհաննիսեանը իր հոգևորականի հանգամանքով քաղաքական հարցերի վերլուծման խնդիրներում չափազանց զուսպ և զգոյշ է: Բայց նա անկարող է եղել թաքցնել իր՝ հայի վիրավորած սրտի և ազգասիրութեան այն զգացումները, որոնք ես տասնեակ տարիներ առաջ վրացիների՝ հայերի հանդեպ ունեցած անհարազատ և ապերախտ վերաբերմունքի հետևանքով կրել եմ և որից մի քանի ցնորներ գրքիս առաջին և այս երկրորդ հատորում նկարագրել եմ արդեն:

Հայր Վ. Յովհաննիսեանը, խորին վրդովմունքով նկարագրելով վրացիների ապերախտ վերաբերմունքը Թիֆլիսում ներկայիս ապրող 200,000 հայերի, ինչպես նաև Ախլցխայի և Ախլքալաքի («Այստեղ ճրագով փնտրես, վրացի չես գտներ, – ասում է նա») հայ ազգաբնակչության նկատմամբ, ինչպես նաև Խօջեվանքի եկեղեցու քարոքանդումը և հայ մտավորական տիտանների՝ Բաֆֆիի, Յ. Թումանյանի, Սունդուկյանի գերեզմանների փշոտ և լլուրած պարսպապատումը, հռչակալոր հայ զօրավարների, Լօրիս Մելիքովի, Արշակ Տեր-Ղուկասեանի, Բելլութեանի և ուրիշ նշանավոր դեմքերի աճիւնների պղծումն ու անհետացումը, եզրափակում է.

«Այժմ հայ-վրացական յարաբերությունները ավելի լարած են, քան ցարերու շրջանին. հայը վրացին չի սիրեր, վրացին հայը չի սիրեր. մինչ դարերով իրարու հետ զինակցած ու պայքարած են աշխարհակալներու դէմ, և Վրաստանն իր գոյութիւնն ու երկարատև թագաւորութիւնը հայ բանակներուն կը պարտի: Մենք եղած ենք իրենց վահանը և թերևս ապագան նոյնպէս իրար շղթայէ այդ երկու ազգերուն ճակատագիրը» («Ալիք» օրաթերթ, թիւ 7156-28-3-62):

Անկողմնակալ և միանգամայն վստահելի մի յարգելի ականատեսի վերոյիշեալ վկայութիւնից յետոյ, թում է, իրաւացի կը լինենք հարցնելու Հայաստանի ներկայ դեկավարութիւնը օտարամոլութեան և անհայրենասիրութեան մէջ մեղադրող մեր հայրենակիցներին. արդեօք իրաւացի՞ են նրանք իրենց արած մեղադրանքների մէջ, թէ՞ ոչ: Եթէ այո՞, ապա ինչո՞ւ նրանք՝ այդ մեր հայրենիքի դեկավարներն ու պետական մարդիկ, օտարամոլութիւնից դուրս, վրացի իշխանաւորների հետ սիրաբանութիւն չեն սարքում և նրանց սիրաշահելու համար վարդի փնջեր չեն ուղարկում և նրանց իրենց գլխին «չեն բազմեցնում»:

Ես հաւատացած եմ, որ Հայաստանում՝ մեր Մայր երկրում ապրող բոլոր հայերը սրտի ու հոգու խորքից հայեր և լաւ հայրենասէրներ են:

Մենք ինչպէ՞ս կարող ենք լսել, կարդալ և տեղեկանալ Հայաստանում ոչ թէ խօսքով, այլ կենդանի գործով իրագործող հայրենասիրական ձեռնարկները, ելոյթները և ցուցաբերումները՝ ազգապահպանման, մշակույթի, գրականութեան, գեղարեստի, մարզանքի և ուրիշ ասպարեզում և մոռանալ ու անտեսել այդ բոլորը: Ինչպէ՞ս կարող ենք չգնահատել Ս. Մեսրոպ Մաշտոցի 1600-ամեակի առթիւ Մայր հայրենիքի գովելի նախաձեռնութիւնը, որով գովեցին և նւիրական բարձրութեան հասցրին մեր անմահ լեզուի տառերի հոյապանծ և վեհափառ գիտարարին բազմածաւալ մանուկով:

\*\*\*

Խնդրոյ առարկայ է, թէ Հայաստանը անկախ չէ և ենթակայական դրութեան մէջ է: Ինչո՞ւ գարնանալ և այդ իրողութեան համար, քանի որ պարագաների դասաւորումով մեր Մայր հայրենիքը միջազգային, քաղաքական, դիւանագիտական և զինորական-պաշտպանողական խնդիրներում ի վիճակի չէ, չի կարող ներկայ պայմաններում անկախ դիրք ու դեր ունենալ:

Մեզ բոլորիս յայտնի է, որ Միացեալ Նահանգներում ժողովրդաւարութեան կատարեալ սխտեմ գոյութիւն ունի: 51-52 նահանգները, բացի արտաքին քաղաքականութեան, դիւանագիտութեան, պատերազմական և մի քանի համերկրային բնոյթ կրող խնդիրներից, իրենց ներքին, նահանգային գործերում կատարեալ ազատութիւն են վայելում: Մարդ-անհատի գործունէութեան, համահայկական-հաւաքական ձեռնարկների, տնտեսական և մշակութային գործերի լիակատար ազատութիւն գոյութիւն ունի: Այդ բոլորից յետոյ մի՞թէ հանրապետութեան նախագահը՝ Քենեդին, մի սևամորթի՝ Ջեմս Մեքիդիսի՝ Միսիսիփի նահանգային համալսարանում ընդունել տալու համար հազարաւոր զինւած ոստիկաններով և զինական սարքաւորումներով համալսարանը պաշարելու և իր կամքն ու որոշումը գործադրելու չձեռնարկեց:

Ի՞նչ պիտի անէինք մենք՝ Սփիւքում ապրող հայերս, եթէ մի նման դէպքի համար Մոսկւայի կողմից Երևանի հանդէպ այդպիսի միջամտութիւն և միջոցառում գործադրէր: Անկասկած, մենք բոլորս մեր կոկորդները պիտի պատռէինք, ճշարով, աղմկելով և բողոքելով այդպիսի բռնութեան և կամայականութեան դէմ:

Աշխարհի ներկայ պայմանների դասաւորութեան մէջ նոյնիսկ բոլորովին անկախ համարող երկրների և պետութիւնների համար, դժբախտաբար, կատարեալ անկախութիւն գոյութիւն չունի: Մինչև իսկ ամենամեծ և հսկայ պետութիւնների համար իրենց անկախութիւնը որոշող սահման և սահմանափակում ունի: Պետութիւններից և ոչ մէկը չի կարող, չի յանդգնում, ինչպէս Խորհրդային Միու-

թեան թիւ մէկ մարդը՝ Խրուշչևը չկարողացաւ, իր ցանկացած ձևով, իր նպատակներն ու ցանկութիւններն իրականացնել: Խիստ ձևած, չափած և զգուշաւոր հաշիւների ենթարկւած փոխյարաբերութիւնների և փոխզիջումների դրութիւն է տիրապետում ամբողջ ներկայ աշխարհում:

Մեզ՝ բոլոր հայերիս համար մնում է մի խելօք և հեռատես քաղաքականութիւն և միակ մի ելք: Համոզւած լինելով, որ արտասահամանեան շատ երկրներում, նոյնիսկ մեծ թով հայերով խտացւած որոշ վայրերում, հայ դպրոցի և հայ լեզւի ուսուցման բացակայութեան հետևանքով ուշ թէ շուտ լուծարքի ենթարկւելու, հալւելու և անհետանալու ենք, պիտի ջանանք մեղմել մեր ներազգային և միջկուսակցական հակամարտութիւններն ու կռիւ-քաշքշուկները:

Եթէ ի վիճակի եղանք մեղմել մեր հակամարտութիւնների թափը, կարող կը լինենք անցնելու երկրորդ փրկարար գործին: Միահամուռ և միաբան յետ պահանջել մեզնից անտեղի և ապօրինի ձևե-

րով և անուններով խլւած հողամասերը և նրանց նորից կցել մեր փոքրացած հայրենիքին:

Երրորդ և ամենակարևորը՝ միասնական և ամբողջ ուժերով ջանալ մեր թուական խտութիւնը հնարաւոր և կարելի միջոցներով շատացնել նախ Մայր երկրում և ապա գուրգուրել ու պահպանել այդ թուական խտութիւնը Իրանում, Լիբանանում, Սիւրիայում, Իրաքում և մերձարևելեան մի քանի երկրներում, ուր մեր մշակութային և ազգապահպանման դրութիւնն այնպէս է դասաւորւած, որ ձուլման պարագաներ չկան:

Մէկ խօսքով, մենք ամէն կերպ պիտի ջանանք իրագործելու մեր նահատակ և հռչակաւոր բանաստեղծ Չարենցի՝ մեզ որպէս նւիրական ժառանգութիւն թողած գերագնահատելի և ադամանդակերտ պատգամը.

«Հա՛յ ժողովուրդ, քո միակ փրկութիւնը քո հաւաքական ոյժի մէջ է»:

## ԱՆՁՆԱՆՈՒՆՆԵՐԻ ՑԱՆԿ

- Ա**
- Աբաղեան, քեմակալ արքեպիսկոպոս 288
- Աբրաա, մսագործ 215, 216
- Աբրուլ Համիդ, սուլթան 29, 30, 32, 64
- Աբովեան Խաչատուր 244
- Աբրահամ, չարմահալցի 210, 212, 213, 214
- Աթարբեկով Ալիս 225, 226
- Ալա 278, 281, 287
- Ալմաստ 90
- Աղա Պետրոս, ասորիների զորահրամանատար 182, 183, 188, 200
- Աճեմեան Գաբրիէլ 45
- Աճեմեան Հ. 32 (ծնթ.), 33, 34 (ծնթ.)
- Ահմադ Շահ Ղաջար 222
- Ահմադի 271
- Աղայեան Ալէք 228, 235, 236
- Աղա-Ռըզա 234
- Աղաբեգեան 237
- Այվազ-գաղէ 274, 277, 278
- Ամին 285
- Անահիտ, եղբոր՝ Կարապետի երկրորդ կինը 246, 247
- Անիկ, Գոտակչյան Եղիսաբեթի քույրը 28 (ծնթ.)
- Անուշ 81, 82, 88-89, 104, 129, 130, 142, 146, 158, 159, 162, 179, 180, 183, 174, 185, 186, 193-198, 201, 219, 240, 249
- Աշխէն 105
- Աշոտ 100
- Ապրէսեան 254, 255, 258
- Առաքելեան 237
- Առաքելեան Մարի 232
- Առաքելեան Ս. 261
- Ասյա, հյուպատոս Պլատի կինը 259
- Աստ 38, 59, 73, 74, 82
- Ասրեան Սաթենիկ 225, 228, 233, 234
- Աւագեան 237
- Ավագյան Հ. 28 (ծնթ.)
- Աւագեան Սեդրակ 232
- Աւետիանով 166
- Աւետեան Խաչիկ, գյուղապետ Սահակ Ավետեանի որդին 208
- Աւետեան Սահակ, գյուղապետ 206, 207, 208
- Աւետիսեան Մկրտիչ 28 (ծնթ.), 30, 34, 82
- Աւետ, սայլապան 121, 144, 145, 146
- Արամ Մովսէլ 228
- Արաքսի, քույրը 11, 15, 17, 19, 22, 24, 25, 36, 42, 50, 57, 58, 80, 87-89, 91, 93-94, 107-111, 118, 119, 145, 146, 152, 167, 168, 170, 233, 258, 261
- Արմենակ (Արմեն), միջնակ եղբայրը 15, 113, 119, 122, 139, 143, 146, 167, 168, 169, 170, 233, 246, 247
- Արմիկ, եղբոր՝ Կարապետի որդին 247
- Արսանջան 285
- Արտաշէս Գարագաշ 226, 227
- Բ**
- Բագրատեան Արտաշէս 195, 196, 197
- Բահեր 269, 272
- Բաղդասարեան Տիգրան 171
- Բարսեղյան, տպարանի տեր 28 (ծնթ.)
- Բարսեղյան (Բարսեղով) 9, 128, 131, 132, 136, 140, 248, 249
- Բարսեղեան Ալիս 137-143, 167, 168, 169, 170, 218, 219, 220, 225, 232, 233, 248, 249, 251, 252
- Բէգլարեան Կար. 43
- Բէյրութեան 290
- Բլաք 265, 268
- Բրուտեան Աբր. 32, 35 (ծնթ.), 38, 59, 73-76, 82
- Բրուտեան Սիիրդաս 59, 73, 74
- Բուլղարացի Գրիգոր (Կոզյան Գրիգոր) 8, 35, 38, 39, 41, 42, 44, 45, 48, 60, 61, 78, 80, 82, 84, 86, 138, 152, 153, 156-158, 162-164, 168, 171, 172, 174, 178, 180, 197-200
- Բուռնութեան Նազարէթ 40
- Բօռզանջեան Ա. 45
- Գ**
- Գաբրիէլ աղա, եղբոր՝ Կարապետի աներեղբայրը 168
- Գարօ 82
- Գալիկեան Հր. 39, 44, 45
- Գալստեան Ալէք 228, 232
- Գասպարեան Էդիկ 287, 288
- Գասպարեան Մ. 171, 177
- Գափամաջեան Մէթ 40, 45, 137
- Գէորգ, քահանա 40, 41
- Գէվօ 76
- Գիգո 271
- Գիւլիզար 29
- Գոհարիկ, Վահան Խերանյանի քույրը 244
- Գրիգոր Չոհրապ 37
- Գուգուշվիլի 135
- Գօտակչեան Եղիշէ 28, 34
- Գօտակչեան Եղիսաբէթ 28, 29
- Դ**
- Դանիէլ, Աղթամար վանքի

վանահայր 51  
Գարրինեան Հրանդ 8, 36, 38,  
59, 60, 73-76, 84, 99-101, 148,  
149, 150-155, 158, 159, 161,  
162, 164, 165, 167, 225, 249  
Գարեհ Մեծ 286  
Գաֆթար 287  
Գերգեան Յակոբ 50, 82  
Գեմիրճեան 241  
Գիերցի Դաւո 31, 32  
Գև (Մարգար Ղարաբեգեան)  
147, 225, 228, 233, 234

**Ե**

Եզնիկ վարդապետ, Վանի  
առաջնորդ 40, 51  
Եղիազարեան Շիրին 34  
Եղիշե 17  
Եկարեան Արմենակ 40, 44, 82  
Եսայեան Վիկտորիա 232, 274  
Երամյան Համբարձում 26, 27,  
28 (ծնթ.), 32, 33  
Եփրեմ Խան (Դավթյան Եփրեմ)  
221

**Զ**

Չահեղի 285  
Չանգեան 281  
Չաւէն 196  
Չարեան, բժիշկ 166  
Չինօեան Խաչիկ 45

**Է**

Էդարդ, աներորդի 268  
Էլիաս 274, 277, 278  
Էդրալ 285  
Էմիլ, Հելենի եղբայրը 235  
Էյն-օդ-Դօվլէ, Իրանի  
վարչապետ 221  
Էնվէր 37, 39, 47, 63, 64, 138

**Ը**

Ըշըր, ամերիկացի բժիշկ 46

**Թ**

Թագուհի, Հելենի մորաքույրը  
235  
Թաղեոսեան Լևոն 237, 261  
Թալէաթ 37, 39, 47, 63, 64, 138

Թամարա 124  
Թահսի բէյ 32 (ծնթ.)  
Թեհրանչի Համիդ 268, 272  
Թերզիբաշեան Աւետիս 138, 152,  
154-156, 173  
Թերլեմեզեան Տաճատ 31-32, 34  
Թերլեմեզեան Փանոս 44, 67, 76,  
78, 82, 84  
Թովմասեան Իլլուշա 261  
Թորֆէ 268, 272  
Թրուման 278, 282  
Թութունջեան 40  
Թումանեան Արտաւազդ, Հովհ.  
Թումանյանի որդին 158, 200  
Թումանեան Յ. 200, 290

**Ժ**

Ժամկոչյան 28 (ծնթ.)  
Ժամհարեան Ռուբէն 171

**Ի**

Իւրաշվիլի 250-254  
Իշխան (Միքայելյան) 28 (ծնթ.),  
Իշխան 38, 59, 84  
Իսկուհի 17, 18, 21, 23, 25

**Լ**

Լենին 238, 243, 254, 259  
Լէվասանի 270  
Լօղման-Դօվլէ 268

**Խ**

Խալիլ Թահմասեթի 281  
Խալիլ փաշա 71  
Խան, բժիշկ 269  
Խանջեան Աղասի 8, 13, 34, 36,  
38, 39, 45, 59, 60, 73, 75, 84-  
86, 101, 102-104, 225, 226,  
238, 239, 240, 242, 243, 244,  
250, 251, 253-260  
Խանջեան Ղևոնդ 45  
Խաչիկ 45  
Խաչիկեան 229  
Խաչիկենց Գեորգ 89  
Խէրանեան Ն. 59  
Խէրանեան Վահան 36, 38, 59,  
60, 84, 225, 237, 238, 239,  
240, 241, 242, 243, 249  
Խորէնեան Ազատ 45

Խրիմյան Հայրիկ 13, 29, 30  
(ծնթ.), 34, 154 (ծնթ.), 160,  
161  
Խրուշչև 287, 291

**Կ**

Կադիեվիչ Լուկա 273, 274, 277  
Կալճեան 59  
Կարապետ, մեծ եղբայրը 15, 20,  
50, 58, 80, 87, 91-93, 100, 116,  
167, 168, 170, 233, 245, 246  
Կարօ 76, 90  
Կարօ, սայլապան 175, 179, 180,  
183  
Կեմցեան Մելքոն (Տեր-  
Մարուգյան, ծածկանունը՝  
Ազատ Ոստանիկ) 34, 35  
(ծնթ.)  
Կերենսկի 146, 165, 166  
Կիրակոս 92  
Կիրակոսեան Խորեն, քահանա  
212, 218  
Կիրոս Մեծ 286  
Կոմիտաս 37  
Կոստյեան Հայկակ 51  
Կորին, Գրիգոր Բուլղարացու և  
Մարոյի որդին 152, 162, 199  
Կռնկեց Վահէ 33  
Կուրդլյան Հ. (Դիվանա-Բահ-  
լյու) 28 (ծնթ.), 34, 43, 45, 48,  
53, 60, 64, 78, 82  
Կուրդլեան Օհաննէս աղա,  
մորեղբայրը 98, 99  
Մարգիս Կուկունյան 221

**Հ**  
Հաժիր 280  
Հակոբյան Ն. 28 (ծնթ.)  
Համաս (Կաղ Համաս) 54  
Համբարձումեան Կոստի 155,  
156, 200, 203  
Համիդ փաշա 28  
Հայկանուշ, մեծ եղբոր կինը 15,  
20, 50, 58, 80, 87, 91-94, 108,  
240  
Հասմիկ, եղբոր՝ Կարապետի  
դուստրը 246, 247  
Հաքիմի 280  
Հաֆեզ 260

- Հելեն, Սիրաք Սարհաղեանի կինը 234, 235, 236  
 Հիբլեր 274, 275  
 Հովիտեան Շաարշ 45  
 Հովնանյան 28 (ծնթ.)  
 Հուսիկ, քահանա 14
- Ղ**  
 Ղազար 233  
 Ղազարեան Սիրանոյշ 264  
 Ղազի Մոհամմադ 280  
 Ղաւամ-Սալթանէ, վարչապետ 279, 280, 282  
 Ղարաբէգեան 233  
 Ղարավի 268  
 Ղարիբջանեան Մարգար 45  
 Ղուկասեան Հայկ 232  
 Ղևոնդ երեց 41
- Ս**  
 Մազլումեան Արամ 227, 229, 230, 231, 234, 236, 269  
 Մազլումեան Վարդուհի, Արամ Մազլումյանի կինը 229, 230, 231  
 Մամիկոնեան Ժօրա 288  
 Մանուկյան Արամ 32 (ծնթ.), 44, 78-80, 84, 85, 156 (ծնթ.)  
 Մանուկյան Հմայակ 28 (ծնթ.)  
 Մանուկեան Հրաչ 288  
 Մանուկեան Տիգրան 288  
 Մարինա, Գոտակչյան Եղիսաբեթի քույրը 28 (ծնթ.)  
 Մարկոս 38  
 Մարշիմոն, ասորիների հոգևոր առաջնորդը 182  
 Մարտիկ 30, 34, 35 (ծնթ.), 82  
 Մարութեան Սամել 215, 216, 228, 229, 230, 231, 236  
 Մարո (Մարիամ) 11, 12, 16, 18, 21, 22, 25, 33, 35, 36, 41, 42, 43, 48, 50, 80, 87, 91, 92, 152, 153, 154, 157, 158, 162-164, 168, 172, 197-199  
 Մաքին 281  
 Մաքսապետյան Արմենակ 28 (ծնթ.), 156-157, 206, 207, 208  
 Մաքսապետեան Վարդան 206, 207, 208
- Մելիքով Լօրիս 290  
 Մելքոնեան Համբարձում 171, 177, 178, 188-193, 200  
 Մեհմետ բէյ 32 (ծնթ.)  
 Մէրիդիս Ջէմս 290  
 Միհրան, մորաքրոջ որդին 22-25, 49  
 Միհրան 38  
 Մինասեան Կարօ 228, 232  
 Մինասեան Միքայէլ 44, 45, 60  
 Միրզայեան Յովսէփ 228, 232  
 Միքայէլ (Աբդուլահ) 213, 214  
 Մխիթարեան Օննիկ 45, 60  
 Սկրեան Մամբրէ 45, 60  
 Սկրօ 66, 75  
 Մյասնիկեան 226  
 Մոխրարի 268  
 Մոհամմադ-Ալի շահ 220, 221  
 Մոհամմադ Ռզա-Փահլաւի 275, 276, 284  
 Մոհամմադ Սաէդ 280  
 Մոսադդեղ 281-285  
 Մովսիսեան Աղասի 287, 288  
 Մովսիսեան Ռաֆայէլ 232  
 Մուդրուսի 225, 226  
 Մուսա-Բէկ 29  
 Մուրադով 131, 132, 135- 137  
 Մօզաֆէր-Էդ-դին շահ 221  
 Մօզեան Պետրոս 45
- Յ**  
 Յովհաննիսեան Յակոբ 228  
 Յովհաննիսեան Վ. 289, 290  
 Յուսիկ, քահանա 46
- Ն**  
 Նազարբէգեան, զորավար 163  
 Նազերի 269, 270  
 Նալբանդեան Մարտիրոս 32-34  
 Նախշունեան Եղիա 52, 82  
 Նաջմ-Աբադի 270  
 Նասերի 283  
 Նասեր Ֆախր-Արայ 280  
 Նասեր Ղաշղայի 280  
 Նիկոլայ Բ, ցար 29 (ծնթ.)  
 Նիկոլայեվ, ռուսական բանակի զորահրամանատար 78, 79  
 Նունիա, Հելենի մայրը 234, 235
- Նորիջանեան Միսակ 195-199
- Շ**  
 Շահ Աբաս Մեծ 286  
 Շահումեան 226  
 Շաղաղի 269  
 Շաղոյեան Լևոն 34, 35 (ծնթ.), 44, 82-84, 86, 101, 138, 154, 156, 164, 171, 177, 200  
 Շայեգան 284  
 Շատաւորեան Ռուբէն 45  
 Շատիկենց Ջարուհի 35  
 Շարիֆ Էման 285  
 Շաքիր 44  
 Շեքսալի 241  
 Շէյդ, դոկտոր 199  
 Շէյխ Աբբաս, Ալիանս-ֆրանսէզ դպրոցի վերակացու-հսկիչ 217
- Ռ**  
 Ռսկի, Մարոյի մայրը 36, 50, 87
- Չ**  
 Չարենց 241, 291  
 Չերնիցկիյ 273  
 Չըրչիլ 276, 278, 282  
 Չենգիզ խան 29  
 Չովխաջեան 244
- Պ**  
 Պանիրեան Գր. 45  
 Պենկայտիս 255, 256  
 Պետօ 30, 82  
 Պետրոս աղա, Վարազավանքի վերջին վերակացուն 159-162  
 Պետրոսեան Յարութիւն 232  
 Պլատ, հիւպատոս 237, 259, 260  
 Պողոս Նուբար փաշա 154 (ծնթ.)  
 Պրանզիոննի 261  
 Պուճիքեան Յովհաննէս 57, 78
- Ջ**  
 Ջեմալ 37, 47, 138  
 Ջևրէտ բէյ 32, 38-40, 46, 47, 51, 52, 54, 59, 63-67, 71-72, 75, 138  
 Ջօհաննէս, բժիշկ 266, 268

**Ռ**

Ռ-ազավի 284  
 Ռ-ազմարա 281  
 Ռ-ըզա Շահ Փահլավի (Մարդա-  
 րէ-Մեփահ) 220, 221, 222,  
 223, 224, 228, 243, 265, 270,  
 272, 275, 283, 284, 286  
 Ռ-իահ 284  
 Ռ-ուզվելտ 276

**Ս**

Սաադի 260  
 Սադր-Ղազի 280  
 Սահակ աղա (Կազակ Սահակ)  
 81, 82, 88, 104, 130, 158, 159,  
 184  
 Սան-Ֆանի (Խոսրով Չիթունի)  
 45, 80  
 Սարգիս աղա 46  
 Սարգիս, դերձակ 139  
 Սարիաղեան Լևոն (Էդիկ), որդին  
 147, 259, 261, 262, 263, 266,  
 270, 272  
 Սարիաղեան (Յարութիւնեան)  
 Մեդիկ, դուստրը 147, 263,  
 265, 270  
 Սարիաղեան Յարութիւն, որդին  
 147, 270, 287  
 Սարիաղեան Յարութիւն, հայրը  
 10, 107, 201, 218, 264  
 Սարիաղյան Սիրաք, գրեթե  
 բոլոր էջերում  
 Սեդրակենց (Սեդրակեան)  
 Մկրտիչ 189, 190, 192, 193  
 Մէյֆ-Ղազի 280  
 Մերոբ 76  
 Մէիդ-Չիա-էդ-դին 222

Մըրմա խանում, Մարշինոնի  
 քույրը 182  
 Միամանթո 37  
 Միլիկեան 173, 178  
 Միլվէսրը, Ալիանս-ֆրանսէզ  
 դպրոցի տեսուչ 217, 231  
 Միմեան 230, 231, 234, 237  
 Մնկո, քորդ ավազակապետ 167,  
 177, 178, 180-182, 198  
 Մոլախեան Արտ. 38, 59, 73, 74  
 Մօլախեան Յասմիկ 59, 74, 84  
 Մտալին 34 (ծնթ.), 243, 250, 251,  
 252, 254, 257, 259, 260, 276,  
 278  
 Ստեփանեան Յ. 228  
 Մրվանձտյանց Գ. 29 (ծնթ.)  
 Մունդուկեան 290  
 Սևո 66

**Վ**

Վանեան 227, 229, 230  
 Վարդան զօրավար 41  
 Վարդգէս 54  
 Վարպետ (Ավետիք  
 Իսահակյան) 241  
 Վիլյամ, կայսր 30  
 Վրացեան 289

**Տ**

Տանթեան Կարապետ 48, 55, 82  
 Տէր-Գաբրիէլեան Սահակ 241,  
 242, 243, 250, 254  
 Տէր-Ղուկասեան Արշակ 290  
 Տէր-Թովմասեան, բժիշկ 156

**Բ**

Բաֆֆի 290

**Փ**

Փախչոյեան Մարգար 57, 78  
 Փարամազ 35 (ծնթ.)  
 Փափազյան Դավիթ 28, 44, 45,  
 79, 101  
 Փիշավերի 278  
 Փոխարեան Արմենակ 33, 45  
 Փօլատեան Կ. 289  
 Փօրթազուկեան Մ. 28 (ծնթ.), 29,  
 30 (ծնթ.), 34 (ծնթ.)

**Ք**

Քավթարիձէ 276  
 Քենեդի 290  
 Քլարա, Վահան Խերանյանի  
 կինը՝ 244  
 Քոչարեան Աննա 168  
 Քօթոթ Պողոս 38

**Օ**

Օգանյան Անդրանիկ 78, 154  
 (ծնթ.), 163, 171-173, 188  
 Օհաննես աղա, մորեղբայրը 23  
 Օհանջանեան Համօ 227, 229  
 Օրբէլեան 237  
 Օրբէլեան Նիկիտ 273

**Ֆ**

Ֆազլօլլահ Չահեդ 283, 284  
 Ֆաթէմի 284  
 Ֆրէնդեան Արսէն 261, 262  
 Ֆօրուդ, վարչապետ 275

## ՏԵՂԱՆՈՒՆՆԵՐԻ ՑԱՆԿ

- Ա**  
 Աբաղան 281  
 Աբաղա 165, 195  
 Աբաղայի դաշտավայր 164  
 Աբովյան (նախկին՝ Աստաֆյան) 238  
 Ադանա 39, 47, 65, 151, 226  
 Ադրբեջան (Ադերբայջան) 34 (ծնթ.), 242, 278  
 Ազգային-Կենտրոնական վարժարան 34 (ծնթ.), 35 (ծնթ.), 44 (ծնթ.),  
 Ալաշկերտ 165, 194  
 Ալեքսանդրիա 26 (ծնթ.)  
 Ալեքսանդրապոլ 34 (ծնթ.), 116-117, 252  
 Ալիանս-Ֆրանսէզ դպրոց (Թեհրան) 216-218, 231  
 Ալիար 177  
 Ախալքալաք 239, 242, 290  
 Ախլցխա 239, 242, 290  
 Ակոբի 52  
 Աղաղան 221  
 Աղթամարի վանք 36, 51, 140, 161-162  
 Աղջկանց մասնավոր դպրոց (Վան) 28 (ծնթ.)  
 Ամերիկա 32 (ծնթ.), 103, 208, 278, 286-288, 290  
 Ամերիկեան քոլէջ (Թեհրան) 216  
 Այգեստան, քաղամաս 13, 14, 19, 26, 28, 29, 30, 32, 35 (ծնթ.), 39, 40, 43, 44 (ծնթ.), 45, 46, 48, 49, 51, 52, 53, 54, 55, 56, 57, 62, 65, 66, 67, 68, 69, 70, 71, 72, 73, 75, 76, 77, 78, 79, 84, 86, 88, 90, 92, 100, 118, 121, 144, 146, 150-152, 155, 157-159, 161, 165-166, 168, 174, 177, 182, 184, 193, 195, 197-200, 219, 226, 237, 246  
 Անգլիա 64, 103, 223, 275, 278, 286  
 Աշրաֆ 223  
 Առնիս 171  
 Ասիա 286  
 Աւստրիա 273  
 Ատրպատական 188, 278-280  
 Արարատ 223  
 Արարատեան դաշտ 113  
 Արարք 55  
 Արարքի (Արարուց) հրապարակ 52  
 Արարքի ծխական դպրոց 48, 55  
 Արդահան 37  
 Արդվին 37  
 Արժանքին 287, 288  
 Արճակ գավառ 34 (ծնթ.), 37, 94, 148, 150, 155-156, 166, 176-177, 198-199  
 Արճէշ 171  
 Արցախ 34 (ծնթ.)  
 Արտամետ 156  
 Արևելեան Ատրպատական 279  
 Արևելյան Հայաստան 44 (ծնթ.), 172  
 Արևելք 217  
 Արևմտյան Ատրպատական 182, 279  
 Արևմտեան Գերմանիա 288  
 Արևմտեան Հայաստան 30 (ծնթ.), 124, 221  
 Արևմտեան Տաճկահայաստան տե՛ս Արևմտեան Հայաստան  
 Աֆրիկա 276  
**Բ**  
 Բագի-Դադի 30, 151  
 Բաթում 227  
 Բաղդադ 205-206, 283  
 Բաղէշ (Բիթլիս) 34 (ծնթ.), 72  
 Բան 273, 274, 277  
 Բանդար-Շահ 222, 265, 273  
 Բանդար-Շահիուր 222, 265 273  
 Բանդար-Փահլաւի 258-259, 269  
 Բանդի-Մահուր, գետ 95  
 Բաշկալէ 37  
 Բայազէտ-Աղ 99  
 Բարսում 221  
 Բարու 79, 122, 172, 226-227, 242, 254, 258-259, 261  
 Բելգիա 156 (ծնթ.)  
 Բերկրի 148, 150, 155, 164, 166, 171, 175, 177, 186, 190, 194-195, 199  
 Բերկրի-Ղալէ 92-96, 98, 188  
 Բիջար 200-203, 205  
 Բիշէ 268, 269, 270, 271, 273  
 Բիար 205  
 Բիարստան, հրապարակ 287  
 Բոստոն 51 (ծնթ.)  
 Բրազիլիա 249  
 Բրուքսէլ 288  
 Բուէնոս-Այրէս 287, 288  
 Բուլղարիա 156 (ծնթ.)  
 Բուշեր, քաղաք 280  
 Բուրվար 215  
 Բուրուշերդ 270  
**Գ**  
 Գանձակ 146, 254, 258, 261  
 Գանձակ գվռ. 221  
 Գարահիսար 30  
 Գարահիսարի լեռներ 151  
 Գեանջա տե՛ս Գանձակ  
 Գեարդարադ 193  
 Գեարմաբդար 266, 267, 269, 270  
 Գերմանիա 44 (ծնթ.), 278, 288  
 Գէօլու 166  
 Գիլան 222  
 Գիլիզարդ 118-120, 139, 144-145-146, 159, 165, 168  
 Գյավաշ 35 (ծնթ.), 37, 83, 167



Գողգոթա 114, 165  
Գործոք 94  
Գեորգյան ճեմարան 51 (ծնթ.)

**Գ**  
Գարդանել 52, 53, 54, 55  
Գարաբեկ 176  
Գարուազ-Ղազարին 212, 218, 264  
Գար-օլ-ֆոնուն դպրոց  
(Թեհրան) 216  
Գարուս 235-236  
Գիլիման 182-183, 188, 191-192  
Գօրուդ 270, 271

**Ե**  
Եազ 263, 273  
Եզիպտոս 26 (ծնթ.), 28  
Երուսա 217, 236, 273, 275, 284, 286  
Երանյան դպրոց (Վան) 26, 28, 29, 32, 33, 34 (ծնթ.), 59 (ծնթ.), 79, 104, 131, 154, 216  
Երզնկա 129  
Երևան 34 (ծնթ.), 35 (ծնթ.), 44 (ծնթ.), 51 (ծնթ.), 79, 113, 143, 152, 154-155, 162, 166-168, 171-173, 178, 188, 190, 198, 237-241, 244-245, 249-250, 254, 259, 289, 290  
Երևանի թեմական դպրոց 79

**Զ**  
Չարոլի 281  
Չախտ 35 (ծնթ.)  
Չահեղան 273  
Չանջան 279  
Չարգեսանդե 261  
Չէյթուն 226  
Չեյվա (այժմ՝ Գավիթբեկ) 79  
Չըմփ-զըմփ մադարեի դիրք 68  
Չիլանի ձոր 94, 167

**Է**  
Էնգելի 222, 227  
Էջմիածին 34 (ծնթ.), 108-109, 111-118, 121, 146, 148, 150, 154, 162, 164, 173, 190, 218  
Էսֆանդի հրապարակ 287  
Էրզրում 129, 138

**Թ**  
Թանգե-Դօ 267-269  
Թանգե-Սե 269  
Թավրիզ 44 (ծնթ.), 178, 183, 222, 226-227, 278, 279, 280  
Թափարեզ 99  
Թեհրան 206, 208-221, 223-229, 231-232, 235, 242, 250, 254-256, 258-259, 260, 262, 264, 267, 268, 270-274, 276-281, 283, 287, 288

Թիմար 30, 37, 148, 156, 174-175, 177, 195, 198-199  
Թիլդիա 138, 222-223, 250  
Թիֆլիս 30, 44 (ծնթ.), 79, 113, 117-122, 123-130, 132, 135, 137-142, 144, 146, 149, 152-153, 155, 159, 162, 164, 166, 168-169, 212, 219-220, 227, 233, 237, 239, 243, 245, 247-248, 250-252, 254, 259, 290

Թովխանե հրապարակ 220  
Թօփրաք-Վալեի գորանց 62, 68

**Ժ**  
Ժառանգատրաք դպրոց (Վան, Վարազավանք) 29, 34 (ծնթ.)  
Ժնն 30 (ծնթ.)

**Ի**  
Իզդիբ 86, 95, 100-101, 103-105, 108-109, 113, 115-116, 118, 148, 150, 152, 155, 162, 166, 171, 173, 176, 188, 190, 194, 199

Իզմիլ 156 (ծնթ.)  
Իսթանբուլ 251  
Իսֆահան 262, 264  
Իտալիա 283  
Իրան 30, 32 (ծնթ.), 34 (ծնթ.), 35 (ծնթ.), 44 (ծնթ.), 51 (ծնթ.), 124, 146, 156 (ծնթ.), 178, 182, 188, 192, 200, 203, 206, 209, 212, 220-224, 227-228, 237, 242-243, 250, 253, 258, 260, 262, 265, 268, 270-276, 278-282, 284-287, 291

Իրաք 35 (ծնթ.), 222, 291

**Լ**  
Լահե 281, 282  
Լաշարակ, գետ 273  
Լեմհնգրաղ (Պետերբուրգ ) 34 (ծնթ.), 44 (ծնթ.), 239, 256  
Լեոնային Ղարաբաղ 239, 242 (ծնթ.)  
Լիբանան 289, 291  
Լոնդոն 203, 279  
Լոռեստան 270, 271  
Լոս Անջելես 288

**Խ**  
Խաչ փողոց 52, 66, 166, 168  
Խաչարակ. Արարոց Մայր եկեղեցու գերեզմանոց 35  
Խարականց 35 (ծնթ.)  
Խատակոնիս 34 (ծնթ.), 92, 93  
Խերան, փողոց Այգեստանում 13  
Խոյ 148, 155, 156, 163, 166, 177-178, 182, 188  
Խոսրովա 182  
Խորհրդային Միութիւն 252, 259, 260, 274-276, 278, 286, 287, 290-291

Խորրամաբաղ 270  
Խուզեստան 273  
Խօջեվանք (Խօջիվանք) 127, 136-137, 290  
Խօշաք 167

**Տ**  
Տաղկանց լեռներ 94  
Տիծանց 44 (ծնթ.)

**Կ**  
Կախեք 133  
Կահիրե 276  
Կապան 79, 156 (ծնթ.)  
Կասպից ծով 265, 273  
Կարին 35 (ծնթ.), 171-173  
Կարկառ 83  
Կարճկան 30, 37  
Կարս 37, 79, 165  
Կենտրոնական միջնակարգ դպրոց 29, 79  
Կիլիկիա 53  
Կիրովական (Ղարաքիլիսա) 244-246, 250

- Կլոր-Դարից 48  
 Կոթուր (Կոտուլ) 94, 166, 171, 177-179, 198  
 Կոթուրի լեռներ 177, 181  
 Կոթուրի ձոր 180, 182  
 Կոստանդնուպոլիս (Կ. Պոլիս) 30 (ծնթ.), 32, 35 (ծնթ.), 44 (ծնթ.), 151, 154 (ծնթ.), 251  
 Կովկաս 32 (ծնթ.), 37, 44 (ծնթ.), 145, 154, 172, 178, 226, 240  
 Կուր գետ 123
- Հ**  
 Հագրաք Արդու-Ազիմ, Թեհրանի արվարձաններից 209  
 Հաճի-Բէքիրի գորանոց 68  
 Համադան 199, 205-206  
 Հայաստան 30, 32 (ծնթ.), 34 (ծնթ.), 79, 224-228, 232, 237, 239-240, 242, 250, 252, 255, 257, 259, 289, 290  
 Հայկազյան (այժմ՝ Դավթյան, Թեհրանում) դպրոց 221  
 Հայոց-Չոր 35 (ծնթ.), 37, 59, 82, 156  
 Հանկուսների դպրոց 34 (ծնթ.)  
 Հավլաբար թաղամաս 122-123, 126-127  
 Հավրեզք 35 (ծնթ.)  
 Հարավային Ամերիկա 34 (ծնթ.), 217  
 Հաֆթվան 182, 184, 188, 191  
 Հերոշինա 278  
 Հիսուսյան դպրոց 34 (ծնթ.), 154  
 Հիսուսյան-Շուշանիկյան վարժարան 51 (ծնթ.)  
 Հիրճ 82  
 Հյուսիսային Ամերիկա (Հիսիսային Միացեալ Նահանգներ) 44 (ծնթ.), 217, 288  
 Հյուսիսային Արցախ 221  
 Հյուսիսային Կովկաս 122  
 Հնդկաստան (ներկայ Փաքեստան) 273  
 Հովանյան դպրոց 44 (ծնթ.)  
 Հրազդան գետ 244
- Ղ**  
 Ղազիմ 220, 227-228, 260, 264, 279
- Ղալաթա 251  
 Ղալասար 182, 191-192  
 Ղալէ-Շէյխ 266-269  
 Ղամարլու 113  
 Ղասրէ-Շիրին 235, 236  
 Ղարադաղ 221  
 Ղարաքիլիս 117-119, 121-122, 128, 139, 143-146, 162, 165, 190, 233, 244, 146  
 Ղըզըղիզ 99, 172  
 Ղօմ, քաղաք 273
- Ճ**  
 Ճանիկ 90, 92, 148, 166, 174-176, 198-199  
 Ճապոնիա 278
- Մ**  
 Մալայեր 206, 208  
 Մահաբադ 280  
 Մասչէդ-Շահ 281  
 Մասչէդ-Սուլէյման 223  
 Մարաղա 199, 279  
 Մարջան 202  
 Մեծ Քեանդրիչ 168  
 Մեյդան թաղամաս 123  
 Միանդոս 199  
 Միլ 273, 274, 277  
 Միջագետք 32 (ծնթ.), 206, 250  
 Միջերկրական ծով 159 (ծնթ.)  
 Միջին Արևելք 217  
 Միսիսիփի 290  
 Մյունխեն 44 (ծնթ.)  
 Մոխրի քեահրիզ, աղբյուր 13, 14, 168  
 Մոկս 30, 37, 83, 167  
 Մոսկվա 34 (ծնթ.), 225, 237, 239, 242, 245, 248, 254-259, 274, 279, 290  
 Մուշ 30, 34 (ծնթ.), 151  
 Մուսա լեռ 151  
 Մուսուլ 200
- Յ**  
 Յանկույսներ, թաղամաս Այգեստանում 13, 26, 76, 146, 165, 167, 168, 184  
 Յանկոյսների Դարի գլխի դիրք 54
- Յոհաննեսուր 276
- Ն**  
 Նադերի 273, 274, 277  
 Նախիջևան 34 (ծնթ.), 239, 242  
 Ներսիսյան դպրոց 44 (ծնթ.)  
 Նիւ-Եորք 279, 282  
 Նորաշէն թաղ 38, 55-56, 64, 151  
 Նորատունկներ 89, 91  
 Նոր Չելանդիա 223  
 Նուժիան 268, 269, 271
- Շ**  
 Շարին-Գարահիսար 151  
 Շահ-Բանդեր 52, 54, 60  
 Շահի 223  
 Շամիրամ, գետ 157  
 Շան-փողոց 50, 58  
 Շատախ 30, 38, 44 (ծնթ.), 47, 63, 65, 66, 83, 86, 156, 167  
 Շարիֆաբադ, գիւղ 279  
 Շիրազ 260-262  
 Շուշանց 78  
 Շուշի 156 (ծնթ.), 242 (ծնթ.),
- Ո**  
 Ոստան 156, 171, 177, 188, 199
- Չ**  
 Չալուս 223  
 Չեխոսլովակիա 273
- Պ**  
 Պարսից ծոց 265, 273, 281  
 Պարսկաստան տե՛ս Իրան  
 Պոլսի պետական համալսարան 33  
 «Պողոսյան» դպրոց 26 (ծնթ.)  
 Պոչիկ-Ահմադի դիրք 62, 63  
 Պորտ-Սալիդ 26 (ծնթ.)
- Ջ**  
 Ջուֆա 116, 146, 148, 155, 163, 182, 188
- Ռ**  
 Ռահվա 193, 203  
 Ռաշտ 222, 260  
 Ռումանիա 274

- Ռուսաստան 15, 103, 122, 124, 145, 171, 222, 237, 242, 261, 274, 275
- Ս**
- Սալեհաբադ 266, 270
- Սալմաստ 44 (ծնթ.) 156 (ծնթ.), 163, 171, 177-178, 182, 188, 192, 203
- Սահակ-Բեյ դիրք 52
- Սային-Վալէ 156, 199-201, 203
- Սասուն 151, 226
- Սարայ 37, 155-156, 176-177
- Սարէ Ղաբրադա թաղամաս 213-214, 216
- Սարդարաբադ 113
- Սարիդամիշ 37, 165
- Սավալի 166 171
- Սաֆայիէ 206
- Սբ. Բարդուղիմէոսի վանք 30, 82, 151, 226
- Սբ. Էջմիածնի վանք 109-110, 114-116, 218, 264
- Ս. Թարգմանչաց եկեղեցի (Վան) 82
- Սբ. Յակոբ եկեղեցի (Վան) 14, 76, 80, 106, 165, 167-168
- Ս. Ֆրանչիսկո 288
- Սենման 276
- Սըդգա գյուղ 89, 90
- Սըդգա պողոտա 77, 88, 90, 150
- Սիբիր 221
- Սիփան 167
- Սիւրիա 289, 291
- Սորբոնի համալսարան 59 (ծնթ.),
- Սոչի 252
- Սոֆի քեահրիզ, աղբյուր 13
- Սպահան 218, 273
- Սվերդլովի անվ. համալսարան 34 (ծնթ.)
- Սուլթանաբադ 206, 208-210, 215, 273
- Սև քոռա 52
- Սօլթակ 126, 142, 248-249, 251
- Սօմկ-Սոմ , գյուղ 166
- Վ**
- Վան 13, 26, 28, 30, 32, 34, 35 (ծնթ.), 36, 37, 38, 41, 44 (ծնթ.), 47, 51, 54, 55, 59 (ծնթ.), 63, 64, 65, 66, 68, 69, 70, 71, 72, 73, 77, 78, 79, 81, 83, 84, 86, 88, 101, 121, 124, 130-131, 137-139, 141-142, 145-146, 148-152, 154, 156, 157, 159 (ծնթ.), 162, 164-165-168, 172-173, 184, 195, 198, 216-219, 226, 228, 238, 250
- Վանագ 236
- Վանագի Ս. Մինաս եկեղեցի 236
- Վանայ ծով 170
- Վանի բերդ 74-75
- Վառնա 227
- Վասպուրական 15, 29, 30, 31, 32, 34 (ծնթ.), 35 (ծնթ.), 36, 37, 38, 39, 52, 57, 59 (ծնթ.), 71, 77, 79, 83, 86, 89, 90, 92, 93, 94, 102-103, 122, 124, 136, 138, 145, 148-149, 153-158, 163, 165-167, 171-173, 176-177, 194, 224, 226, 258
- Վարամին 223
- Վարագ լեռ 69
- Վարագա վանք 30, 34 (ծնթ.), 36, 138-140, 159, 161, 162
- Վարժապետանոց դպրոց 28, 79
- Վարին Պասետկա 35 (ծնթ.)
- Վենետիկ 26 (ծնթ.), 34 (ծնթ.)
- Վերին Պասետկա 35 (ծնթ.)
- Վրաստան 149, 290
- Տ**
- Տաճկահայաստան 138, 225
- Տաճկաստան 37, 203
- Տարօն 226
- Տիրամօր վանք 94
- Տիղիս տէն Թիֆլիս
- Ու**
- Ուրմիա 188, 192-193, 198, 200, 203
- Ուրմիա լիճ 222
- Ուրֆա 151, 182
- Փ**
- Փահլաւի 226, 260
- Փայաջուկ 182, 191-192
- Փարիզ 44 (ծնթ.), 154 (ծնթ.),
- Փեսանդաշտ 30, 65, 66, 83, 86
- Փերիա 212, 218
- Փէրս տէն Իրան
- Փէրշիա տէն Իրան
- Փոթարամ 278
- Փոքր-Քեսանդրչի պողոտա 157, 168
- Ք**
- Քազրուն, քաղաք 280
- Քալիֆորնիա 288
- Քաղաքամէջ 13, 32, 39, 51, 65-70, 72, 73, 75-78, 92, 100, 155-156
- Քանաքեռ 240, 244
- Քեահրիզաք 223
- Քերման 263, 273, 274, 277
- Քեօհնա-Շահրի 183
- Քուրա 287
- Քօռ Խէչոյենց դիրք 58
- Օ**
- Օսմանեան Կայսրութիւն 32, 40, 47, 64
- Օրգոֆ 101
- Ֆ**
- Ֆարս 280
- Ֆինլանդիա 274
- Ֆրանսիա 64, 236, 274, 287
- Ֆրեզնո 288

**ՎԱՍՊՈՒՐԱԿԱՆԻ ՆՈՐԱԳՈՒՅՆ ՇՐՋԱՆԻ ՊԱՏՄՈՒԹՅԱՆՆ  
ԱՌՆՉՎՈՂ ԵՎ ԸՆԹԵՐՑՈՂԻՆ ԱՌԱՋԱՐԿՎՈՂ  
ՈՒՍԱՆԵԼԻ ԳՐԱԿԱՆՈՒԹՅԱՆ ՑԱՆԿ**

**Ա-Դօ, Վանի,** Բիթլիսի եւ Երզրումի վիլայեթները, Երեւան, 1912:

**Ա-Դօ,** Մեծ դէպքերը Վասպուրականում 1914-1915 թականներին, Երեւան, 1917:

**Աւետեան Մ.,** Հայ ազատագրական յիսնամեայ (1870-1920) Յուշամատեն եւ գօր. Անդրանիկ, Փարիզ, 1954:

**Գուրգեն Մահարի,** Այրվող այգեստաններ:

**Երամյան Համբարձում,** Հուշարձան Վասպուրականի, հ. Ա-Բ, Ալեքսանդրիա, 1929:

**Ջարյան Նաիրի,** Երկրորդ կյանք, ԵԺ, հ. 4, Երևան, 1985:

**Խերանյան Սկրտիչ,** Երկար-երկար մի ճանապարհ, Երևան, 1983:

**Կոստյեան Հայկ,** Վան-Քաղաքամիջի ապրիլեան կռիւները, Երևան, 1992:

**Կոստյեան Հայկակ,** Չորս անձնագոհ պատանիները, Պէյրուք, 1949:

**Մխիթարեան Օննիկ,** Վանի ինքնապաշտպանութիւնը.– «Հայրենիք», №1-3, 8-12, 1924 և № 4-7, 1925:

**Սերինե,** Նյութեր ապագա վեպի համար.–«Նորք», № 4, 1991:

**Սողախյան Արտաշես,** Բանտային հուշեր, Երևան, 2002:

**Սողախյան Կալիփսե,** Թեժ մարտերը Վանի Քաղաքամիջում, Երևան, 2000:

Վասպուրական, հրատարակութիւն Վասպուրականի հայրենակցական միութեան (Թարիզ), Վենետիկ, 1930:

Վասպուրականը եւ իր տարագիր զուակները, հրատարակութիւն Համա-Վասպուրականի հայրենակցական միութեան, Պոսթրն, 1942:

**Վարդանյան Ե.,** Վասպուրականի նահանջ բյուրոցը, Բոստոն, 1920:

**Տէր-Սկրտիչեան Երուանդ,** Գանձեր Վասպուրականի, հ. 1, Պոսթրն, 1967:







# ԿԵԱՆՔԻՍ ՅՈՒՇԵՐԻՑ

Սիրաք Սարհադեան

## MY MEMOIRS

SIRAK SARHADIAN

## МОИ MEMУАРЫ

СИРАК САРАДЯН

RAA ՀՐԱՏԱՐԱԿԶԱԿԱԶՄ

ՆԱԽԱԲԱՆ, ԾԱՆՈԹԱԳՐՈՒԹՅՈՒՆՆԵՐ, ՔԱՐՏԵԶՆԵՐ  
ԽՄԲԱԳԻՐ, ՍՐԲԱԳՐԻՉ  
ՀԱՄԱԿԱՐԳԶԱՅԻՆ ՁԵԿՎՈՐՈՂ  
ՑԱՆԿԵՐԻ ՊԱՏՐԱՍՏՈՒՄ

ՍԱՄՎԵԼ ԿԱՐԱՊԵՏՅԱՆ

ՀԱՍՄԻԿ ՀՈՎՀԱՆՆԻՍՅԱՆ

ԱՐՄԵՆ ԳԵՒՈՐԳՅԱՆ

ԷՄՄԱ ԱՐՐԱՀԱՄՅԱՆ,

ԼԻԱՆԱ ՀՈՎՀԱՆՆԻՍՅԱՆ

ՍՏՈՐԱԳՐՎԱԾ Է ՏՊԱԳՐՈՒԹՅԱՆ 16 ՕԳՈՍՏՈՍ, 2007

ՏՊԱՔԱՆԱԿ 1000

ՏՊԱԳՐՎԱԾ Է «ՏԻԳՐԱՆ ՄԵԾ» ՀՐԱՏԱՐԱԿԶԱՍՏՈՒՆ

ԵՐԵՎԱՆ  
ԳԻՏՈՒԹՅՈՒՆ  
2007